






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 19.8.237/1





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 19.8.237/1



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 19.8.237/1



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 19.8.237/1

19. 8. 237

M. TVLLII CICERONIS
DE PHILOSOPHIA,
PRIMA PARS,


*Academicarum quaestionum editionis primae liber
secundus, editionis secundae liber primus,
De finibus bonorum & malorum libri v.
Tusculanarum quaestionum libri v.*

Cum scholiis Pauli Manutii.

INDEX RERVM, ET VERBORVM.



VENETIIS, M. D. LXV.



AD DIEGV M HVRTADV M
DE MENDOZA, CAROLI
CAESARIS A CONSILIO,

& eiusdem apud Venetam remp. oratorem,
in philosophiae Ciceronis partem I.
Pauli Manutij praefatio.

SUPERIORIBVS diebus, cum
domum tuam uenissem, ut Benedictum
Accoltum, qui apud te diuersabatur,
honoris causa uiserem; quem ego homi-
nem, non tam quia Cardinalis est, quam quia Car-
dinalatu dignissimus, uehementer obseruo: casu ac-
cidit, cum ego adesset, ut inter hos sermo oriretur
ijs de rebus, quae ab antiquis ignoratae, nostra pa-
trumq. memoria non solum inuentae sunt, sed ad
summam etiam elegantiam perpolitae. cuius generis
cum Accoltus ita multa commemorasset, ut mihi
quidem, credo item alijs qui aderant, facile proba-
ret, ueterum solertiae nostrorum hominum industri-
am antecellere: suggestisti tu, ne de philosophia qui-
dem, in qua tantopere antiquitatem admiraremur,
tibi uideri esse dubitandum, quin ea posset etiam-
num expoliri, atque ornari; si modo, quam quisque
linguam a parentibus, atque a nutricibus traditam
cum lacte simul hausisset, in ea uellet scribere: nunc
usu euenire, ut extremo sermone addiscendo totam
aetatem consumamus: quod si nos a pueritia discipli-
narum

narum cognitioni totos dederemus ; non esse despe-
randum, quin & Platones, & Aristoteles aliquan-
do possent existere : non enim & caelum hoc , unde
spiritum ducimus , idem est , quod olim fuit ; & ho-
minum ingenia non eadem esse possunt . praua con-
suetudo naturā peruertit, quae tamquam ager si co-
litur , fructus edit uberrimos : si negligitur, exare-
scit. annos triginta ponimus in uerbis percipiendis :
quantulum spatij restat, ut res ipsas consideremus ?
Licet ad antiquitatē animū referre . nū aut Grae-
ci illi philosophi, quorum nomen celeberrimum est,
eae, quae ab Aegyptijs acceperāt, Aegyptio potius,
quam patrio sermone scripta reliquerunt : aut no-
stri aliena lingua, non domestica sunt usi, cum ea,
quae uel de Graecis sumpserant, uel ipsi pepererant,
in usum posteritatis explicarent ? constat, apud o-
mnes gentes, qui suas cogitationes litteris mandare
uoluerunt, eos sepe ijs esse uerbis usos, quorum si-
gnificationem matris in gremio cognouissent . quod
item nostra aetate si fieret ; facile contingeret, quod
tu opinaris Hurtade clarissime, ut in philosophia ne-
terum inuentis non nihil, uel etiam non parum addi
posset. neque enim eos, qui fuerunt, usque eo cogita-
tione ingenioq. processisse existimandum est, ut ijs,
qui futuri sunt, quod praeter ea cognoscere, nihil
reliquerint. multa latent adhuc, reclusa, atque ab-
dita in immensitate naturae: quae eliciet, & euoca-
bit in lucem, si quis inuestigandis rationibus, &
perscrutandis rerum causis ab ineunte aetate suam
flu-

Studium dederit, quod ab ijs fieri commode non po-
 test, uel potius nullo modo potest, quibus non ea lin-
 gua, in qua alti educatiq. sunt, sed ea, qua uete-
 res utebantur, scribere consilium est. quorum tu si
 probares institutum, quotusquisque tecum esset in
 eo laudis genere conferendus? tenes enim perfecte
 Latinam linguam, tenes Graecam, Arabicam, a-
 lias praeterea: scribis tamen ut in patria tua loquun-
 tur. in quo uideo quid spectes. quod pater tuus egit,
 ut optime de Hispania mereretur; id tu alia quadam
 ratione consequi uis. ille enim, cum annum ageret
 uixdum quintum & decimum, qua aetate milites
 in exercitu pauci solent esse, omnium approbatione,
 qui exercitus regeret, electus, Bethicae regem, bis
 acie fusum, regno exiit, & quaecumque in eius di-
 tione fuerant, Catholici Regis imperio potestatiq.
 subiecit. Aliam tu ornandae, atque amplificandae pa-
 triae tuae rationem inisti. profers enim, quantum in
 te est, Hispanicae linguae terminos; & ut ea non so-
 lum uerbis, & nominibus, sed etiam rebus, et scien-
 tijs per te locupletata ab exteris nationibus appeta-
 tur, ingenio doctrinaq. consequeris. quod nescio an
 omnibus patris tui uictorijs, atque triumphis sit an-
 teponendum. nam etsi, populos bello superare, &
 imperium augere, praeclarum est: tamen mihi cum
 animo meo consideranti multo melior uidetur esse
 condicio litterarum, quam regnorum. haec enim in
 unius hominis fortuna posita sunt, et unius saepe cul-
 pa extinguuntur: illae uiuunt, & uigent quotidie

magis, neque ulla temporis circumscriptione terminantur. itaque magni & excellentes uiri, qui bellicae laudis gloria florerent, cum earum rerum, quas gessissent, memoriam non satis fore diuturnam sperarent, nisi ab hominibus ingenio praeditis celebrarentur; eos, qui id praestare possent, non uulgari-
bus praemijs affectos, in honore summo, atque etiam in amore semper habuerunt. Quo mihi illorum laus uidetur esse illustrior, qui & res praeclaras manu gerere, & quae gesserint, litteris custodire ipsi possunt. quo in numero fuit soror illa tua, praestantissima femina: cuius militaria facinora cum audimus, cuius eam nostrae aetatis uiro animi magnitudine comparamus: cum autem ea, quae scripsit, legimus, uel antiquis scriptoribus ingenij praestantia simillimam iudicamus. Huiusmodi cum in tua familia mulieres existant, de uiris quae sunt speranda? quamquam fratres omnes tui, tuq. in primis, ea, quae sperabantur, iam praestitistis. itaque Carolus Imperator uestra potissimum uirtute, uestraq. fide nititur. nam fratrem tuum, Marchionem de Mondesar, qui ceteros aetate anteit: cum alijs in rebus, tum in uictoria Tunetana, equitibus lenis armaturae & classi maximae praepositum, magnos uis rebus sensit esse adimento: alterum autem, episcopatu Iacensi ornatum, summe propter eruditionem, et prudentiam diligit: tertium Indicis prouincijs pro Rege, quartum Hispanicis triremibus praefecit: te primum sibi uoluit esse in consilio; deinde, cum difficul-
tatem

tatem quandam temporum paene fatalē impendere,
et ea, quae cogitabat, sine summa prudentia non esse
tractanda intelligeret, unum e maximo numero de-
legit, qui apud Venetam remp. id muneris orator
sustineres. quo quidem in munere clarior in dies si-
gnificatio tuae uirtutis elucet. nam ad usum rerum;
quo uales plurimum, additis doctrinae cognitionem:
quam a libris petitam, grauiore in causa consilium
capere si uis, explicas; ut, proposito praeteritarum
rerum exitu, cautior praesentium sit deliberatio.
quod quoniam maxime praestant historia, & philo-
sophia: tu quidem uehementer utriusque studio te-
neris; sed nescio quo pacto magis te philosophia de-
lectat; credo, quod plurius apud te est, excogitare
quae nemo uiderit, quam imitari quae alij fecerint.
Quo in genere cum omnino nullius ope uidcaris in-
digere, quippe qui ita abundes ingenio, ut, quocum-
que te applicueris, excellas: tamen uide, quid ege-
rim: excogitavi rationem, ut iuuare te possem.
nam hos Ciceronis de philosophia libros cum uetu-
stis exemplaribus contuli, & emendatos ad te misi;
ut tibi, si quando eos in manus sumeres, quasi faci-
lior & expeditior legendi cursus esset. saepe enim te
audiui, cum diceres, antiquorum in scriptis ita mul-
ta esse corrupta, ut in eorum, qui legerent, animos
permixte falsa cum ueris influerent: cui malo si quis
mederetur, eum te existimare a studiosis omnibus,
sed a te ipso certe maximam esse gratiam initurum.
quae me uox non cohortata est, sed impulit, ut id fa-
cerem;

cerem, quod fecisse me uides. Ac fieri tamen po-
test, ut meo te studio & diligentia nihil iuuerim; et
ea, quae ego nunc, in his libris restituta, in tuo nomi-
ne emitto, iam pridem ipse habeas omnia, domi tuae
nata, & a te ipso quaesita: sed ego ita sum ratioci-
natus; cum tu a philosophis didiceris, non in Reges
solum, & Principes, qui summam iuuandi faculta-
tem habeant, sed in tenuiores etiam liberalitatis no-
men posse cadere; quod bene mereri, etiam si non
possunt, tamen & cupiant, & praeclarum existi-
ment; eadem ratione fore, ut, quod ego te iuua-
re uoluerim, pro eo id accipias, quasi maxime
iuuerim.

M.

temp
omni
scens
to, p
secut
tos an
fuit.
(lice
cam,
genti
rent,
tu, ne
tute
fuit
mod
oper
lum
sed

5

M. TVLLII CICERONIS
ACADEMICARVM QVAE-
STIONVM, EDITIONIS
PRIMAE, LIBER II.
QVI INSCRIBITVR
LVCVLLVS.

MAGNUM ingenium L. Luculli, magnamq. optimarum artium studium, tum omnis liberalis, & digna homine nobili ab eo percepta doctrina, quibus temporibus florere in foro maxime potuit, caruit omnino rebus urbanis. ut enim admodum adolescens cum fratre, pari pietate, & industria praedito, paternas inimicitias magna cum gloria est persecutus; in Asiam quaestor profectus, ibi per multos annos admirabili quadam laude provinciae prae fuit. deinde, absens factus aedilis, continuo praetor, (licebat enim celerius legis praemio) post in Afri-*Manat:* cam, inde ad consulatum: quem ita gessit, ut diligentiam admirarentur omnes, ingenium agnosce-*Plus: Lucu* rent. post ad Mithridaticum bellum missus a senatu, non modo opinionem uicit omnium, quae de uirtute eius erat, sed etiā gloriam superiorum. idq. eo fuit mirabilius, quod ab eo laus imperatoria non admodum expectabatur, qui adolescentiam in forensi opera, quaesturae diuturnum tempus, Murena bellum in Ponto gerente, in Asiae pace consumpserat. sed incredibilis quaedam ingenij magnitudo non de-
sede-

siderauit indocilem usus disciplinam. itaque, cum
 totum iter, & nauigationem consumpsisset partim
 in percunctando a peritis, partim rebus gestis legen-
 dis, in Asiam factus imperator uenit, cum esset
 Roma profectus rei militaris rudis. habuit enim
 diuinam quandam memoriam rerum, uerborum
 maiorem Hortensius. sed, quo plus in negotijs ge-
 rendis res, quam uerba, prosunt; hoc erat me-
 moria illa praestantior: quam fuisse in Themistocle,
 quem facile Graeciae principem ponimus, singularé
 ferunt. qui quidem etiam pollicenti cuidam, se ar-
 tem ei memoriae, quae tum primum proferebatur,
 traditurum, respondisse dicitur, obliuisci, se malle
 discere; credo, quod haerebāt in memoria, quaecum-
 que audierat, aut uiderat. Tali ingenio praeditus Lu-
 cullus adiunxerat et illam, quam Themistocles spre-
 uerat, disciplinam. itaque, ut litteris consignamus,
 quae monumentis mandare uolumus: sic ille in ani-
 mo res insculptas habebat. Tantus ergo imperator
 in omni genere belli fuit, proelijs, oppugnationibus,
 naualibus pugnis, totiusq. belli instrumento, & ap-
 paratu, ut ille rex post Alexandrum maximus hunc
 a se maiorem ducem cognitum, quam quemquam
 eorum, quos legisset, fateretur. In eodem tanta
 prudentia fuit in constituendis, temperandisq. ciui-
 tatibus, tanta aequitas, ut hodie stet Asia Luculli
 institutis seruandis, & quasi uestigijs persequendis.
 Sed, etsi magna cum utilitate reip. tamen diutius,
 quam uellem, tanta uis uirtutis, atque ingenij pe-
 regri-

d. Clar.

214.

Parc: 174.

de fin. l. 2

102.

d. or. l. 2

104.

Plut. 15.

6.

regrinata absuit ab oculis & fori, & curiae. quin-
 etiam, cum uictor a Mithridatico bello reuertisset,
 inimicorum calumnia triennio tardius, quam de-
 buerat, triumphauit. nos enim consules introduxi-
 mus paene in urbem currum clarissimi uiri. cuius mi-
 hi consilium, et auctoritas quid tum in maximis re-
 bus profuisset, dicerem, nisi de me ipso dicendum
 esset: quod hoc tempore non est necesse. itaque pri-
 uabo illum potius debito testimonio, quam id cum
 mea laude communicem. Sed, quae populari glo-
 ria decorari in Lucullo debuerunt, ea fere sunt &
 graecis litteris, & latinis celebrata: nos autem illa
 exteriora cum multis, haec interiora cum paucis ex
 ipso saepe cognouimus. maiore enim studio Lucullus
 cum omni litterarum generi, tum philosophiae dedi-
 tus fuit, quam, qui illum ignorabant, arbitraban-
 tur: nec uero ineunte aetate solum, sed et pro quaes-
 tor aliquot annos, & in ipso bello: in quo ita ma-
 gna rei militaris esse occupatio solet, ut non multum
 imperatori sub ipsis pellibus otij relinquatur. Cum
 autem e philosophis ingenio, scientiaq. putaretur
 Antiochus, Philonis auditor, excellere; cum secum
 et quaestor habuit, et post aliquot annos imperator.
 cumq. esset ea memoria, quam ante dixi; ea saepe
 audiendo facile cognouit, quae uel semel audita me-
 minisse potuisset. delectabatur autem mirifice le-
 ctione librorum, de quibus audiebat. Ac uerco in-
 terdum, ne talium personarum, cum amplificare
 uelim, imminuam etiam gloriam. sunt enim multi,

Plut. Lu.

*u. Aeron.
 q. 28. 5. 34.*

qui omnino graecas non ament litteras; plures, qui philosophiam; reliqui, qui, etiam si haec non impro bent; tamen earum rerum disputationem principibus civitatis non ita decoram putent. Ego autem, cū graecas litteras M. Catonē in senectute didicisse acceperim; Publij autem Africani, historiae loquantur, in legatione illa nobili, quam ante censuram obijt, Panaetium unum omnino comitem fuisse; nec litterarum graecarum, nec philosophiae iam ullum auctorem requiro. Restat, ut ijs respondeam, qui sermonibus eiusmodi nolint personas tam graues il ligari. Quasi uero clarorum uirorum aut tacitos con gressus esse oporteat, aut ludicros sermones, aut re rum colloquia leuiorum. etenim, si quodam in libro uere est a nobis philosophia laudata: profecto eius tractatio optimo atque amplissimo quoque dignissi ma est: nec quidquam aliud uidendum est nobis, quos populus R. hoc in gradu collocauit, nisi ne quid priuatis studijs de opera publica detrahamus. quod si, cum fungi munere debeamus, non modō operam nostram nūquam a populari coetu remouemus, sed ne litteram quidem ullam facimus, nisi forensem: quis reprehendet nostrum otium? qui in eo non mo do nosmet ipsos hebescere, & languere nolumus; sed etiam, ut plurimis profimus, enitimur. Gloriam uero non modo non minui, sed etiam augeri arbitra mur eorum, quorum ad populares, illustresq. lau des, has etiam, minus notas, minusq. peruulgatas, adiungimus. Sunt etiam, qui negent in ijs, qui in
nostris

nostris libris, disputent, fuisse earum rerum, de quibus disputatur, scientiam. Qui mihi uidentur non solum uiuis, sed etiam mortuis inuidere. Restat unum genus reprehensorum; quibus Academiae ratio non probatur. quod grauius ferremus, si quisquam ullam disciplinam philosophiae probaret, praeter eam, quam ipse sequeretur. nos autem, quoniam contra omnes dicere, qui scire sibi uidentur, solemus, non possumus, quin alij a nobis dissentiant, recusare. Quamquam nostra quidem causa facilior est, qui uerum inuenire sine ulla contentione uolumus, idq. summa cura, studioq. conquirimus. etsi enim omnis cognito multis est obstructa difficultatibus; eaq. est & in ipsis rebus obscuritas, & in iudicijs nostris infirmitas, ut non sine causa & doctissimi, et antiquissimi inuenire se posse, quod cuperent, diffisi sint: tamen nec illi defecerunt; neque nos studium exquirendi defatigati relinquemus; neque nostrae disputationes quidquam aliud agunt, nisi ut, in utramque partem dicendo, & audiendo, eliciant, & tamquam exprimant aliquid, quod aut uerum sit, aut ad id quam proxime accedat. neque inter nos, et eos, qui se scire arbitrantur, quidquam interest, nisi quod illi non dubitant, quin ea uera sint, quae defendunt; nos probabilia multa habemus, quae sequi facile, affirmare uix possumus. Hoc autem liberiores, & solutiores sumus, quod integra nobis est iudicandi potestas; neque, ut omnia, quae praescripta, & quasi imperata sint, defendamus, necessitate ulla cogimur.

nam

240:

ACADEM. QVAEST.

nam ceteri primum ante tenentur adstrinēti, quam,
quid esset optimum, iudicare potuerunt: deinde in-
firmissimo tempore aetatis aut obsecuti amico cui-
dam, aut una alicuius, quem primum audierunt,
oratione capti, de rebus incognitis iudicant, & ad
quancumque sunt disciplinam quasi tempestate dela-
ti, ad eam, tamquam ad saxum, adhaerescunt. Nam,
quod dicunt omnia se credere ei, quem iudicent fuisse
sapientem: probarem, si id ipsum rudes & indo-
cti iudicare potuissent. statuere enim, quid sit sa-
piens, uel maxime uidetur esse sapientis. sed ut po-
tuerunt, omnibus rebus auditis, cognitis etiam re-
iudica liquorum sententijs, *ma: ita* iudicauerunt: aut, re semel au-
diā, ad unius se auctoritatem contulerunt. sed ne-
scio quo modo plerique errare malunt, eamq. sen-
tentiam, quam adamauerunt, pugnacissime defen-
dere, quam sine pertinacia, quid constantissime di-
catur, exquirere. Quibus de rebus & alias saepe
nobis multa quaesita, & disputata sunt, & quon-
dam in Hortensi uilla, quae est ad Baucos; cum eo
Catulus, & Lucullus, nosq. ipsi postridie uenisse-
mus, quam apud Catulum fuisset. quo quidem
etiam maturius uenimus, quod erat constitutum, si
uentus esset, Lucullo in Neapolitanum, mihi in
de la 160. Pompeianum nauigare. Cum igitur pauca in xysto
locuti essemus, tum eodem in spatio consedimus. hic
Catulus, Etsi heri, inquit, id, quod quaerebatur, pae-
ne explicatum est, ut tota fere quaestio tractata ui-
deatur; tamen expecto ea, quae te pollicitus es, Lu-
culle,

culle, ab Antiocho audita dicturum. Equidem, inquit Hortensius, feci plus, quam uellem: totam enim rem Lucullo integram seruari oportuit. et tamen fortasse seruata est. a me enim, quae in promptu erant, dicta sunt: a Lucullo autem reconditiora desidero. Tum ille, Non sane, inquit, Hortensi, conturbat me expectatio tua: etsi nihil est iis, qui placere uolunt, *magis* in aduersarium: sed quia non laboro, quam ualde ea, quae dico, probaturus sim, eo minus conturbor. dicam enim nec mea, nec ea, in quibus, si non fuerint, non uinci me malim, quam uincere. sed mehercule, ut quidem se nunc causa habet, etsi hesterno sermone labefactata est, mihi tamen uidetur esse uerissima. agam igitur, sicut Antiochus agebat. nota enim mihi res est. nam & uacuo animo illum audiebam, & magno studio, eadem de re etiam saepius: ut etiam maiorem expectationem mei faciam, quam modo fecit Hortensius. Cum ita esset exorsus, ad audiendum animos ereximus. At ille, Cum Alexandriae proquaestor, inquit, essem, fuit Antiochus mecum. et erat iam antea Alexandriae, familiaris Antiochi, Heraclitus Tyrius, qui & Clitomachum multos annos, & Philonem audierat, homo sane in ista philosophia, quae nunc prope dimissa reuocatur, probatus, & nobilis: cum quo & Antiochum saepe disputantem audiebam, sed utrumque leniter. et quidem isti libri duo Philonis, de quibus heri dictum a Catulo est, tum erant allati Alexandriam, tumq. primum in Antiochi manus uenerant.

ACADEM. QVAEST.

rant. et homo natura lenissimus (nihil enim poterat fieri mitius) stomachari tamen coepit. mirabar: neque enim unquam antea uideram. at ille, Heracliti memoriam implorans, quaerere ex eo, uiderentur ne illa Philonis, aut eam uel e Philone, uel ex ullo Academico audiisset aliquando? negabat: Philonis tamen scriptum agnoscebat. nec id qui dem dubitari poterat. nam aderant, mei familiares, & docti homines, P. & C. Seli, & Tetrilius Rogus, qui se illa audisse Roma e Philone, & ab eo ipso illos duos libros dicerent descripsisse. Tum & illa dixit Antiochus, quae heri Catulus commemorauit a patre suo dicta Philoni; & alia plura: nec se tenuit, quin contra suum doctorem librum etiam ederet, qui Sosus inscribitur. Tum igitur & cum Heraclitum studiose audirem contra Antiochum differentem, et item Antiochum contra Academicos, dedi Antiocho operam diligentius, ut caussam ex eo totam cognoscerem. itaque complures dies, adhibito Heraclito, doctisq. compluribus, et in his Antiochi fratre Aristo, & praeterea Aristone, et Dione, quibus ille, secundum fratrem, plurimum tribuebat. multum temporis in ista una disputatione consumpsimus. sed ea pars, quae contra Philonem erat, praetermitenda est. minus enim acer est aduersarius is, qui ista, quae sunt heri defensa, negat. Acq. academicos omnino dicere. etsi enim mentitur, tamen est aduersarius leuior. ad Arcesilam, Carneademq. ueniamus. Quae cum dixisset, sic rursus exorsus est.

est. Primum mihi uidemini, (me autem nomine appellabat) cum ueteres physicos nominatis, facere idem, quod seditiosi ciues solent, cum aliquos ex antiquis claros uiros proferunt, quos dicant fuisse populares, ut eorum ipsi similes esse uideantur. repetunt iam P. Valerium, qui, exactis regibus, primo anno consul fuit. commemorant reliquos, qui leges populares de prouocationibus tulerint, cum consules essent: tum ad hos notiores, C. Flaminium, qui legem agrariam aliquot annis ante secundum Punicum bellum tribunus pl. tulerit inuito senatu, & postea bis consul factus sit; L. Cassium, Q. Pompeium. illi quidem etiam P. Africanum referre in eundem numerum solent. duos uero sapientissimos, & clarissimos fratres, P. Crassum, et P. Scaeuolam aiunt Ti. Graccho auctores legum fuisse, alterum quidem, ut uidemus, palam, alterum, ut suspicamur, obscurius. addunt etiam C. Marium. et de hoc quidem nihil mentiuntur. Horum nominibus, tot uirorum, atque tantorum, expositis, eorum se institutum sequi dicunt. Similiter uos, cum perturbare, ut illi remp. sic uos philosophiam, bene iam constitutam, uelitis, Empedoclem, Anaxagoram, Democritum, Parmenidem, Xenophanem, Platonem etiam, & Socratem profertis. Sed neque Saturninus (ut nostrum inimicum potissimum nominem) simile quidquam habuit ueterum illorum: nec Arcesilae calumnia conferenda est cum Democriti ueracundia. et tamen isti physici raro admodum, cum
b haerent

ACADEM. QVAEST.

haerent aliquo loco, exclamant, quasi mente incitata, Empedocles quidem, ut interdum mihi furere uideatur, abstrusa esse omnia, nihil nos sentire, nihil cernere, nihil omnino, quale sit, posse reperire. Maiorem autem partem mihi quidem omnes isti uidentur nimis etiam quaedam affirmare, plusq. profiteri se scire, quam sciant. quod si illi tum in nouis rebus, quasi modo nascentes, haesitauerunt: nihil ne tot saeculis, summis ingenijs, maximis studijs explicatum putamus? non ne, cum iam philosophorum disciplinae grauissimae constitissent, tum exortus est, ut in optima rep. Ti. Gracchus, qui otium perturbaret, sic Arcesilas, qui constitutam philosophiam euerteret, & in eorum auctoritate delitesceret, qui negassent, quidquam sciri, aut percipi posse? quorum e numero tollendus est Plato, et Socrates; alter, quia reliquit perfectissimam disciplinam, Peripateticos, & Academicos, nominibus differentes, re congruentes; a quibus Stoici ipsi uerbis magis, quam sententijs, dissenserunt: Socrates autem, de se ipse detrahens, in disputatione plus tribuebat ijs, quos uolebat refellere. ita, cum aliud diceret, atque sentiret, libenter uti solitus est ea dissimulatione, quam Graeci ἀπορία uocant: quam ait etiam in Africano fuisse Fannius; idq. propterea uitiosum in illo non putandum, quod idem fuerit in Socrate. Sed fuerint illa uetera, si uultis, incognita: nihil ne est ergo actum, quod inuestigata sunt, postea quam Arcesilas, Zenoni, ut putatur, obrectans, nihil noui reperienti, sed

sed emendanti superiores immutatione uerborum;
 dum huius definitiones labefactare uult, conatus est
 clarissimis rebus tenebras obducere? cuius primo
 non admodum probata ratio, (quamquam floruit
 tum acumine ingenij, tum admirabili quodam lepo-
 re dicendi) proxime a Lacyde solo retenta est, post
 autem confecta a Carneade, qui est quartus ab Ar-
 cesila: audiuit enim Egesinum, qui Euandrum au-
 dierat, Lacydis discipulum, cum Arcesilae Lacy-
 des fuisset. sed ipse Carneades diu tenuit: nam no-
 naginta uixit annos: & qui illum audierant, admo-
 dum floruerunt. e quibus industriae plurimum in
 Clitomacho fuit. declarat multitudo librorum in-
 genij non minus in hoc, quam in Carneade eloquen-
 tia, in Melonthio Rhodio suauitatis. bene autem
 nosse Carneadem Stratoniceus Metrodorus putaba-
 tur. iam Clitomacho Philo uester operam multos
 annos dedit. Philone autem uiuo, patrocinium Acca-
 demiae non defuit. Sed, quod nos facere nunc ingre-
 dimur, ut contra Academicos differamus; id qui-
 dam e philosophis, & ij quidem non mediocres, fa-
 ciendum omnino non putabant: nec uero esse ullam
 rationem, disputare cum ijs, qui nihil probarent:
 Antipatrumq. Stoicum, qui multus in eo fuisset,
 reprehendebant: nec definiri aiebant necesse esse,
 quid esset cognitio, aut perceptio, aut, si uerbum e
 uerbo uolumus, comprehensio, quam κατάληψις
 illi uocant: eosq., qui persuadere uellent, esse ali-
 quid, quod comprehendi, & percipi posset, inscien-

b 2 ter

ACADEM. QVAEST.

14. 29.
49.
ter facere dicebant: propterea quod nihil esset clari-
us ἐρεργεία, ut Graeci; perspicuitatem, aut eui-
dentiā nos, si placet, nominemus; fabricemurq.,
si opus erit, uerba; ne hic sibi (me appellabat io-
cans) hoc licere soli putet. sed tamen orationem
nullam putabant illustriorem ipsa euidentiā reperi-
ri posse; nec ea, quae tam clara essent, definienda
censebant. Alij autem negabant se pro hac euiden-
tiā quidquam priores fuisse dicturos; sed ad ea, quae
contra dicerentur, dici oportere putabant, ne qui
fallerentur. Plerique tamen et definitiones ipsarum
etiam euidentiū rerum non improbant: & rem
idoneam, de qua quaeratur, & homines dignos,
quibuscum differatur, putant. Philo autem, dum
noua quaedam commouet, quod ea sustinere nix po-
terat, quae contra Academicorum pertinaciam di-
cebantur, & aperte mentitur, ut est reprehensus a
patre Catulo; et, ut docuit Antiochus, in id ipsum
se induit, quod timebat. Cū enim ita negaret quid-
quam esse, quod comprehendi posset, (id enim uo-
lumus esse κατάληπτον) si illud esset, sicut Zeno de-
finiret, tale uisum; (iam enim hoc pro παντασία
uerbum satis hesterno sermone triuimus) uisum igitur
impressum, effectumq. ex eo, unde esset, quale
esse non posset ex eo, unde non esset; id nos a Zeno-
ne definitum rectissime dicimus. qui enim potest
quidquam ita comprehendi, ut plane confidas id
perceptum cognitumq. esse, quod est tale, quale uel
falsum esse possit? hoc cum infirmat, tollitq. Philo,
indi-

iudicium tollit incogniti, & cogniti: ex quo effici-
 tur, nihil posse comprehendi. ita imprudens eo, quo
 minime uult, reuoluitur. Quare omnis oratio con-
 tra Academiam suscipitur a nobis, ut retineamus
 eam definitionem, quam Philo uoluit euertere:
 quam nisi obtinemus, percipi nihil posse cōcedimus.
 Ordiamur igitur a sensibus. quorum ita clara iudi-
 cia, & certa sunt, ut, si optio naturae nostrae detur,
 & ab ea deus aliquis requirat, contenta ne sit suis
 integris, incorruptisq. sensibus, an postulet melius
 aliquid, non uideam quid quaerat amplius. Neque
 uero hoc loco expectandum est, dum de remo infle-
 xo, aut de collo columbae respondeam. non enim is
 sum, qui, quidquid uidetur, tale dicam esse, quale
 uideatur. Epicurus hoc uiderit, et multa alia. meo
 autem iudicio ita est maxima in sensibus ueritas, si
 sani sunt, ac ualentes, & omnia remouentur, quae
 obstant, & impediunt. itaque et lumen mutari saepe
 uolumus, & situs earum rerum, quas intuemur;
 & interualla aut contrahimus, aut diducimus; mul-
 taq. facimus usque eo, dum aspectus ipse fidem fa-
 ciat sui iudicij. quod idem fit in uocibus, in odore,
 in sapore: ut nemo sit nostrum, qui non in sensibus sui
 cuiusque generis iudicium requirat acrius. adhibita
 uero exercitatione, et arte, ut oculi pictura tenean-
 tur, aures cantibus; quis est, quin cernat, quanta
 uis est in sensibus? Quam multa uident pictores in
 umbris, & in eminentia, quae nos non uidemus?
 Quam multa, quae nos fugiunt in cantu, exaudiunt

fam. lib. v. cap. 12

18.

27.

lucr. lib. 4

b 3 in

ACADEM. QVAEST.

in eo genere exercitati? qui primo inflatu tibicinis
Antiopam esse aiunt, aut *Andromacham*; cum id
 nos ne suspicemur quidem. Nihil necesse est de gu-
 statu, et odoratu loqui: in quibus intelligentia, etsi
 nitiosa, est quaedam tamen. Quid de tactu, & eo
 quidem, quem philosophi interiorē uocant, aut
 doloris, aut uoluptatis? in quo Cyrenaici solo pu-
 tant ueri esse iudicium, quia sentiatur. Potest ne igi-
 tur quisquam dicere, inter eum, qui doleat, & in-
 ter eū, qui in uoluptate sit, nihil interesse? aut, ita
 qui sentiat, non apertissime insaniat? atqui, qualia
 sunt haec, quae sensibus percipi dicimus; talia sequun-
 tur ea, quae non sensibus ipsis percipi dicuntur, sed
 quodam modo sensibus: ut haec: illud est album, hoc
 dulce, canorum illud, hoc bene olens, hoc asperum.
 animo iam haec tenemus comprehensa, non sensi-
 bus: ille deinceps equus est, ille canis. cetera series
 deinde sequitur maiora nectens, ut haec, quae quasi
 expletam rerum comprehensionem amplectuntur:
 si homo est, animal est, mortale, rationis particeps.
 quo e genere nobis notitiae rerum imprimuntur: si-
 ne quibus neque intelligi quidquam, neque quaeri,
 disputari ne potest. Quod si essent falsae notitiae; (ēv-
 rolas enim notitias appellare tu uidebare) si igitur
 essent haec falsae, aut eiusmodi uisis impressae, qualia
 uisa a falsis discerni non possent: quo tandem his mo-
 do uteremur? quo modo autem, quid cuique rei con-
 sentaneum esset, quid repugnaret, uideremus? Me-
 moriae quidem certe, quae non modo philosophiam,
 sed

sed omnis uitae usum, omnesq. artes una maxime
continet, nihil omnino loci relinquitur: quae potest
enim esse memoria falsorum? aut quid quisquam
meminit, quod non animo comprehendit; et tenet?
Ars uero quae potest esse, nisi quae non ex una, aut
ex duabus, sed ex multis animi perceptionibus con-
stat? quam si subtraxeris; qui distingues artificem
ab inscio? non enim fortuito hunc artificem dicemus
esse, illum negabimus, sed cum alterum percepta,
et comprehensa tenere uidemus, alterum non item.
Cumq. artium aliud eiusmodi genus sit, ut tantum
modo animo rem cernat; aliud, ut moliatur aliquid,
& faciat: quo modo aut geometres cernere ea po-
test, quae aut nulla sunt, aut internosci a falsis non
possunt; aut is, qui fidibus utitur, explere nume-
ros, et conficere uersus? quod idem in similibus quo-
que artibus continget; quarum omne opus est in fa-
ciendo, atque agendo. quid enim est, quod arte ef-
fici possit, nisi is, qui artem tractabit, multa perce-
perit? Maxime uero uirtutem cognitio confirmat;
percipi; & comprehendere multa posse: in quibus so-
lis inesse etiam scientiâ dicimus; quam nos non com-
prehensionem modo rerum, sed etiam stabilem,
atque immutabilem esse censemus: itemq. sapien-
tiam, artē uiuendi, quae ipsa ex sese habeat constan-
tiam. ea autem constantia si nihil habeat percepti;
& cogniti; quaero, unde nata sit, aut quo modo?
Quaero etiam, ille uir bonus, qui statuit omnem
cruciatum perferre, intolerabili dolore lacerari po-
tius,

ACADEM. QVAEST.

tius, quam aut officium prodat, aut fidem, cur has igitur sibi tam graues leges imposuerit, cum, quâobrem ita oporteret, nihil haberet comprehensi, percepti, cogniti, constituti? nullo igitur modo fieri potest, ut quisquam tanti aestimet aequitatem, & fidem, ut, eius conseruandae causa, nullum supplicium recuset, nisi ijs rebus assensus sit, quae falsae esse non possunt. Ipsa uero sapientia, si se ignorabit, sapientia sit, nec ne, quo modo primum obtinebit nomen sapientiae; deinde, quo modo suscipere aliquam rem, aut agere fidenter audebit, cum certi nihil erit, quod sequatur? cum uero dubitabit, quid sit extremum, et ultimum bonorum, ignorans quo omnia referantur, qui poterit esse sapientia? atque etiam illud perspicuum est, constitui necesse esse initium, quod sapientia, cum quid agere incipiat, sequatur: idque initium esse naturae accommodatum. nam aliter appetitio, (eam enim esse uolumus op-
unv) qua ad agendum impellimur, & id appetimus, quod est uisum, moueri non potest. illud autem, quod mouet, prius oportet uideri, eiq. credi: quod fieri non potest, si id, quod uisum erit, discerni non poterit a falso. Quo modo autem moueri animus ad appetendum potest, si id, quod uidetur, non percipitur, accommodatum ne naturae sit, an alienum? itemque, si, quid officij sui sit, non occurrit animo, nihil umquam omnino aget, ad nullam rem umquam impelletur, numquam mouebitur. quod si aliquid aliquando acturus est; necesse est, id ei uerum, quod

off: lib 2

quod occurrit, uideri. Quid, quod, si ista uera sunt, ratio omnis tollitur, quasi quaedam lux, lumenque uitae? tamen ne in ista prauitate perstabitis? nam quaerendi initium ratio attulit: quae perfecit uirtutem, cum esset ipsa ratio confirmata quaerendo. quae stio autem est appetitio cognitionis, quaestionisque finis inuentio. at nemo inuenit falsa: nec ea, quae incerta permanent, inuenta esse possunt; sed, cum ea, quae quasi inuoluta fuerunt, aperta sunt, tum inuenta dicuntur: sic & initium quaerendi, & exitus percipiendi, et comprehendendi tenet: itaque argumenti conclusio, quae est graece ἀπόδειξις, ita definitur, ratio, quae ex rebus perceptis ad id, quod non percipiebatur, adducit. quod si omnia uisa eiusmodi essent, qualia isti dicunt, ut ea uel falsa esse possent, neque ea posset ulla notio discernere: quomodo quempiam aut conclusisse aliquid, aut inuenisse diceremus? aut quae esset conclusi argumenti fides? Ipsa autem philosophia, quae rationibus progredi debet, quem habebit exitum? Sapientiae uero quid futurum est? quae neque de se ipsa dubitare debet, neque de suis decretis, quae philosophi uocant δόγματα: quorum nullum sine scelere prodire poterit. cum enim decretum proditur, lex ueri, rectique proditur. quo e uitio & amicitiarum prodiones, & rerum publicarum nasci solent. Non potest igitur dubitari, quin decretum nullum falsum possit esse, sapientique satis non sit non esse falsum; sed etiam stabile, fixum, ratum esse debeat, quod

mouere

mouere nulla ratio queat. talia autē neque esse, neque uideri possunt eorum ratione, qui illa uisa, e quibus omnia decreta sunt nata, negant quidquam a falsis interesse. Ex hoc illud est natum, quod postulabat Hortensius, ut id ipsum saltem perceptum a sapiente diceretis, nihil posse percipi. Sed Antipatro, hoc idē postulanti, cum diceret, ei, qui affirmaret nihil posse percipi, consentaneum esse, unum tamen illud, dicere, percipi posse, ut alia non possent, Carneades acutius resistebat. nam tantum abesse dicebat, ut id consentaneum esset, ut maxime etiam repugnaret: qui enim negaret quidquam esse, quod perciperetur, eū nihil excipere: ita necesse esse, ne id ipsum quidem, quod exceptum non esset, comprehendere, & percipi ullo modo posse. Antiochus ad istum locum pressus uidebatur accedere: quoniam enim id haberent Academicici decretum, (sentitis enim iam hoc me δόγμα dicere) nihil posse percipi; non debere eos in suo decreto, sicut in ceteris rebus, fluctuare, praesertim cum in eo summa consisteret: hanc enim esse regulam totius philosophiae, constitutionem ueri, falsi; cogniti, incogniti: quam rationem quoniam susciperent, docereque uellent, quae a quouis accipi oporteret, et quae repudiari; certe hoc ipsum, ex quo omne ueri falsique iudicium esset, percipere eos debuisset: etenim duo esse haec maxima in philosophia, iudicium ueri, & finem bonorum: nec sapientem posse esse, qui aut cognoscendi esse initium ignoret, aut extremum exoptendi; ut, aut unde profisciscatur, aut quo perue-

Lucr. lib.

perueniendum sit, nesciat: haec autem habere dubia, neque his ita confidere, ut moueri non possint, abhorrere a sapientia plurimum. Hoc igitur modo potius erat ab his postulandum, ut hoc unum saltem, percipi nihil posse, perceptum esse dicerent. Sed de inconstantia totius illorum sententiae, si ulla sententia cuiusquam esse potest nihil approbantis, sit, ut opinor, dictum satis. Sequitur disputatio, copiosa illa quidem, sed paullo abstrusior: habet enim aliquantum a physicis: ut uerear, ne maiorem largiar ei, qui contra dicturus est, libertatem, & licentiam. nam quid eum facturum putem de abditis rebus, et obscuris, qui lucem eripere conetur? sed disputari poterat subtiliter, quanto quasi artificio natura fabricata esset primum animal omne, deinde hominem maxime: quae uis esset in sensibus: quemadmodum prima uisa nos pellerent, deinde appetitio ab his pulsa sequeretur: tum, ut sensus ad res percipiendis intenderemus. mens enim ipsa, quae sensuum fons est, atque etiam ipsa sensus est, naturalem uim habet, quam intendit ad ea, quibus mouetur: itaque alia uisa sic arripit, ut his statim utatur; aliqua sic recondit, e quibus memoria oritur: cetera autem similitudinibus constituit: ex quibus efficiuntur notitiae rerum; quas Graeci tum ἐννοίας, tum νοήματα uocant. eo cum accessit ratio, argumentiq. conclusio, rerumq. innumerabilium multitudo; tum et perceptio eorum omnium apparet; & eadem ratio, profecta his gradibus, ad sapientiam peruenit.

Ad

ACADEM. QVAEST.

Ad rerum igitur scientiam, uitaeq. constantiam aptissima cum sit mens hominis, amplectitur maxime cognitionem, & istam κατάληψιν, quam, ut dixi, uerbum e uerbo exprimentes, comprehensionem dicemus, cum ipsam per se amat, (nihil est enim ei ueritatis luce dulcius) tum etiam propter usum. quocirca & sensibus utitur; & artes efficit, quasi sensus alteros; & usque eo philosophiam ipsam corroborat, ut uirtutem efficiat, ex qua re una uita omnis apta sit. Ergo ij, qui negant quidquam posse comprehendere, haec ipsa eripiunt uel instrumenta, uel ornamenta uitae, uel potius etiam totam uitam euertunt funditus, ipsumq. animal orbant animo: ut difficile sit, de temeritate eorum, perinde ut caussa postulat, dicere. Nec uero satis constituere possum, quod sit eorum consilium, aut quid uelint. interdum enim, cum adhibemus ad eos orationem huiusmodi; si ea, quae disputent, uera non sint, tum omnia fore incerta; respondent, quid ergo istud ad nos? num nostra culpa est? naturam accusa, quae in profundo ueritatem, ut ait Democritus, penitus abstruserit. alij autem elegantius: qui etiam queruntur, quod eos insimulemus omnia incerta dicere: quantumq. intersit inter incertum, & id, quod percipi non possit, docere conantur, eaq. distinguere. cum his igitur agamus, qui haec distinguunt: illos, qui omnia sic incerta dicunt, ut, stellarum numerus par, an impar, nesciatur, quasi desperatos aliquos relinquamus. uolunt enim, (et hoc quidem uel

57.

uel maxime animaduvertebam nos moueri) probabile aliquid esse , & quasi uerisimile ; eaq. se uti regula & in agenda uita , & in quaerendo , ac differendo . quae ista regula est ueri & falsi , si notionem ueri & falsi , propterea quod ea non possunt internosci , nullam habemus ? nam si habemus ; interesse oportet , ut inter rectum , & prauum , sic inter uerum , & falsum . si nihil interest ; nulla regula est ; nec potest is , cui est uisio ueri falsiq. communis , ullum habere iudicium , aut ullam omnino ueritatis notam . Nam cum dicunt hoc se unum tollere , ut quidquam uerum possit ita uideri , ut non eodem modo falsum etiam possit ita uideri ; cetera autem concedere : faciunt pueriliter . quo enim omnia iudicantur , sublato , reliqua se negant tollere : ut , si quis quem oculis priuauerit , dicat ea , quae cerni possent , non se ei ademisse . ut enim illa oculis modo cognoscuntur , sic reliqua uisis , sed propria ueri , non communi ueri & falsi nota . quamobrem siue tu probabilem uisionem , siue improbabilem , & quae non impediatur , ut Carneades uolebat , siue aliud quid proferes , quod sequare : ad uisum illud , de quod agimus , tibi erit reuertendum . in eo autem , si erit communitas cum falso ; nullum erit iudicium : quia proprium communi signo notari non potest . sin autem commune nihil erit ; habeo , quod uolo . id enim quaero , quod ita mihi uideatur uerum , ut non possit idem falsum uideri . Simili in errore uersantur , cum conuicti , ac ui ueritatis coacti , perspicua a perceptis

ceptis uolunt distinguere, & conantur ostendere, esse aliquid perspicui; uerum illud quidem impressum in animo, atque mente; neque id tamen percipi ac comprehendere posse. quo enim modo, perspicue, dixeris, album esse aliquid; cum possit accidere, ut id, quod nigrum sit, album esse uideatur? aut quo modo ista aut perspicua dicemus, aut impressa subtiliter; cum sit incertum, uere, inaniter ne animus moueatur? ita neque color, neque corpus, neque ueritas, neque argumentum, neque sensus, neque perspicuum ullum relinquitur. Ex hoc illud his usu uenire solet, ut, quidquid dixerint, a quibusdam interrogentur: ergo istuc quidem percipis? sed, qui ita interrogant, ab ijs irridentur. non enim urgent, ut coarguant neminem ulla de re posse contendere, neque assenerare sine aliqua eius rei, quam sibi quisque placere dicit, certa & propria nota. Quod est igitur istuc uestrum probabile? nam si, quod cuique occurrit, & primo quasi aspectu probabile uidetur, id confirmatur: quid eo lenius? si ex circumspectione aliqua, & accurata consideratione, quod uisum sit, id se dicent sequi: tamen exitum non habebunt: primum, quia ijs uisis, inter quae nihil interest, aequaliter omnibus abrogatur fides: deinde, cum dicant posse accidere sapienti, ut, cum omnia fecerit, diligentissimq. circumspexerit, existat aliquid, quod & uerissimile uideatur, & absit longissime a uero; quo modo, si magna parte quidem, ut solent dicere, ad uerum ipsum,

sum, aut quamproxime accedant, confidere sibi poterunt? ut enim confidant, notum his esse debet insigne ueri. quo obscuro, & oppresso, quod tandem uerum sibi uidebuntur attingere? quid autem tam obscurum dici potest, quam cum ita loquuntur? Est hoc quidem rei illius signum, aut argumentum; & ea re id sequor: sed fieri potest, ut id, quod significatur, aut falsum sit, aut nihil sit omnino. Sed de perceptione haecenus. si quis enim ea, quae dicta sunt, labefactare uolet; facile, etiam absentibus nobis, ueritas se ipsa defendet. His satis cognitis, quae iam explicata sunt, nunc de assensione, atque approbatione, quam Graeci συγκατάθεσιν uocant, pauca dicemus: non quo non latus locus sit: sed paullo ante iacta sunt fundamenta. nam cum uim, quae esset in sensibus, explicabamus, simul illud aperiebatur, comprehendi multa & percipi sensibus: quod fieri sine assensione non potest. deinde, cum inter inanimatum, & animal hoc maxime intersit, quod inanimatum nihil agit, animal agit aliquid: (nihil enim agens ne cogitari quidem potest quale sit) aut ei sensus adimendus est; aut ea, quae est in nostra sita potestate, reddenda assensio. at uero animus quodam modo eripitur ijs, quos neque sentire, neque assentiri uolunt. etenim necesse est, ut lancem in libra, ponderibus impositis, deprimi, sic animum perspicuis cedere. nam quo modo non potest animal ullum non appetere id, quod accommodatum ad naturam appareat: (Graeci id οὐκείον appellant) sic
non

ACADEM. QVÆST.

non potest obiectam rem perspicuam non approbare. Quamquam, si illa, de quibus disputatum est, vera sunt; nihil attinet de assensione omnino loqui. qui enim quid percipit, assentitur statim. Sed haec etiam sequuntur, nec memoriam sine assensione posse constare, neque notitias rerum, nec artes: idq., quod maximum est, ut sit aliquid in nostra potestate, in eo, qui rei nulli assentietur, non erit. ubi igitur uirtus, si nihil situm est in ipsis nobis? Maxime autem absurdum, uitia in ipsorum esse potestate, neque peccare quemquam, nisi assensione; hoc idem in uirtute non esse; cuius omnis constantia & firmitas ex ijs rebus constat, quibus assensa est, & quas approbavit: omninoq. ante uideri aliquid, quam agamus, necesse est, eiq., quod uisum sit, assentiamur. Quare qui aut uisum, aut assensum tollit, is omnem actionem tollit e uita. Nunc ea uideamus, quae contra ab his disputari solent. sed prius potestis totius eorum rationis quasi fundamenta cognoscere. Componunt igitur primum artem quandam de ijs, quae uisa dicimus; eorumq. & uim, & genera definiunt; in his quale sit id, quod percipi, & comprehendendi possit, totidem uerbis, quot Stoici: deinde illa exponunt duo, quae quasi contineant omnem hanc quaestionem: quae ita uideantur, ut etiam alia multa eodem modo uideri possint, neque in his quidquam intersit, non posse eorum alia percipi, alia non percipi: nihil interesse autem, non modo si ex omni parte eiusdem modi sint, sed etiam si discerni non

non possint . quibus positis , unius argumenti conclu-
sione tota ab his caussa comprehenditur . composita
autem ea conclusio sic est . Eorum , quae uidentur ,
alia uera sunt , alia falsa : & , quod falsum est , id
percipi non potest : quod autem uerum uisum est , id
omne tale est , ut eiusdem modi falsum etiam possit
uideri . et quae uisa sunt eiusmodi , ut in ijs nihil in-
terfit ; non potest accidere , ut eorum alia percipi
possint , alia non possint . nullum igitur est uisum ,
quod percipi possit . Quae autem sumunt , ut conclu-
dant id , quod uolunt , ex his duo sibi putant conce-
di . neque enim quisquam repugnat . ea sunt haec :
quae uisa falsa sint , percipi ea non posse : & alte-
rum ; inter quae uisa nihil interfit , ex his non posse
alia talia esse , ut percipi possint , alia , ut non pos-
sint . Reliqua uero multa & uaria oratione defen-
dunt : quae sunt item duo : unum ; eorum , quae ui-
deantur , alia uera esse , alia falsa : alterum ; omne
uisum , quod sit a uero , tale esse , quale etiam a fal-
so possit . haec duo proposita non praeteruolant , sed
ita dilatant , ut non mediocrem curam adhibeant , et
diligentiam . diuidunt enim in partes , & eas qui-
dem magnas , primum in sensus , deinde in ea , quae
ducuntur a sensibus , et ab omni consuetudine , quam
obscurari uolunt . tum perueniunt ad eam partem ,
ut ne ratione quidem & coniectura ulla res percipi
possit . Haec autem uniuersa concidunt etiam minu-
tius . ut enim de sensibus hesterno sermone uidistis ,
item faciunt de reliquis . in singulisq. rebus , quas

c in

ACADEM. QVAEST.

in minima dispertiunt, uolunt efficere, ijs omni-
bus, quae uisa sint, ueris adiuncta esse falsa, quae a
ueris nihil differant: ea cum talia sint, nihil posse
comprehendi. Hanc ego subtilitatem philosophia
quidem dignissimam iudico, sed ab eorum caussa,
qui ita differunt, remotissimam. definitiones enim,
& partitiones, & horum luminibus utens oratio,
tum similitudines, dissimilitudinesq., & earum te-
nuis & acuta distinctio, fidentium est hominum illa
uera, & firma, & certa esse, quae putentur; non
eorum, qui clament, nihilo magis uera illa esse,
quam falsa. quid enim agant, si, cum aliquid defi-
nuerint, roget eos quispiam, num illa definitio possit
in aliam rem transferri quamlibet? si posse dixe-
rint: quid enim dicere habeant, cur illa uera defi-
nitio sit? si negauerint: fatendum sit, quoniam
uel illa uera definitio transferri non possit in falsum,
quod ea definitione explicetur, id percipi. posse.
quod minime illi uolunt. Eadem dici poterunt in o-
mnibus partibus. si enim dicent, ea, de quibus dif-
ferent, se dilucide perspicere, nec ulla communione
uisorum impediri: comprehendere ea se posse fate-
buntur. sin autem negabunt uera uisa a falsis posse
distingui: qui poterunt longius progredi? occurre-
tur enim, sicut occursum est. nam concludi argumen-
tum non potest, nisi ijs, quae ad concludendum sum-
pta erunt, ita probatis, ut falsa eiusdem modi nul-
la possint esse. Ergo, si rebus comprehensis, et per-
ceptis uisa, & progressa ratio hoc efficiet, nihil pos-
se

1^{mo}. R. A. 43

se comprehendi: quid potest reperiri, quod ipsum sibi repugnet magis? cumq. ipsa natura accuratae orationis hoc profiteatur, se aliquid patefacturam, quod non appareat, & quo id facilius assequatur, adhibituram & sensus, & ea, quae perspicua sint: qualis est istorum oratio, qui omnia non tam esse, quam uideri uolunt? Maxime autem cōuincuntur, cum haec duo pro congruentibus sumunt tam uehementer repugnantia: primum, esse quaedam falsa uisa; quod cum uolunt, declarant quaedam esse uera: deinde ibidem, inter falsa uisa, & uera nihil interesse. at primum sumpseras, tamquam interesset. ita priori posterius, posteriori superius nō iungitur. Sed progrediamur longius; & ita agamus, ut nihil nobis assentati esse uideamur; quaeq. ab his dicuntur, sic persequamur, ut nihil in praeteritis relinquamus. Primum igitur perspicuitas illa, quam diximus, satis magnam habet uim, ut ipsa per sese ea, quae sint, nobis, ita ut sint, indicet: sed tamen, ut maneamus in perspicuis firmitus & constantius, maiore quadam opus est uel arte, uel diligentia; ne ab ijs, quae clara sint ipsa per sese, quasi praestigijs quibusdam, & captionibus depellamur. nā, qui uoluit subuenire erroribus, Epicurus, ijs, qui uidentur conturbare ueri cognitionem; dixitq. sapientis esse, opinionem a perspicuitate seiungere; nihil fecit. ipsius enim opinionis errorem nullo modo sustulit. quamobrem, cum duae causae perspicuis, & euidentibus rebus aduersentur: auxilia totidem sunt con-

tra comparanda. aduersatur enim primum, quod parum defigunt animos, & intendunt in ea, quae perspicua sunt, ut, quanta luce ea circumfusa sunt, possint agnoscere: alterum est, quod fallacibus, & captiosis interrogationibus circūscripti, atque decepti quidam, cum eas dissoluere non possunt, desciunt a ueritate. oportet igitur & ea, quae pro perspicuitate responderi possunt, in promptu habere, de quibus iam diximus; et esse armatos, ut occurrere possimus interrogationibus eorum, captionesq. discutere: quod deinceps facere constitui. Exponam igitur generatim argumenta eorum; quoniam ipsi etiam illa solent non confuse loqui. Primum conantur ostendere, multa posse uideri esse, quae omnino nulla sunt, cum animi inaniter moueantur eodem modo rebus ijs, quae nullae sint, ut ijs, quae sint. nam cum dicatis, inquit, uisa quaedam mitti a deo, uelut ea, quae in somnijs uideantur. quaeq. oraculis, auspicijs, extis declarentur; (haec enim aiunt probari a Stoicis, quos cōtra disputant) quaerunt, quonam modo, falsa uisa quae sint, ea deus efficere possit probabilia; quae autem plane proxime ad uerum accedunt, efficere non possit? aut, si ea quoque possit, cur illa non possit, quae perdifficiliter, internoscantur tamen? & si haec, cur non inter quae nihil sit omnino? Deinde, cum mens moueatur ipsa per sese, ut et ea declarant, quae cogitatione depingimus, & ea, quae uel furiosis, uel dormientibus uidentur: non ne, inquit, uerisimile sit

fit, sic etiam mentem moueri, ut non modo non internoscatur, uera illa uisa sint, an ne falsa, sed ut in his nihil intersit omnino? ut, si qui tremarent, & exalbescerent uel ipsi per se motu mentis aliquo, uel obiecta terribili re extrinsecus, nihil interesset, qui distingueretur tremor ille, & pallor, neque ut quidquam interesset inter intestinum, & oblatum. Postremo, si nulla uisa sint probabilia, quae falsa sint: alia ratio est. sin autem sunt: cur nō etiam quae non facile internoscantur? cur non ut plane nihil intersit? praesertim cum ipsi dicatis, sapientem in furore sustinere se ab omni assensu; quia nulla in uisis distinctio appareat. Ad has omnes uisiones inanes Antiochus quidem & permulta dicebat, & erat de hac una re unius diei disputatio: mihi autem non idem faciundum puto, sed ipsa capita dicenda: & primum quidem hoc reprehendendum, quod captiosissimo genere interrogationis utuntur: quod genus minime in philosophia probari solet, cū aliquid minutatim et gradatim additur, aut demitur. Soritas hos uocant, qui aceruum efficiunt uno addito grano. uitiosum sane, et captiosum genus. sic enim ascenditis: si tale uisum obiectum est a deo dormienti, ut probabile sit; cur non etiam, ut ualde uerisimile? cur deinde, non ut difficiliter a uero internoscatur? deinde, ut ne internoscatur quidē? postremo, ut nihil inter hoc et illud intersit? huc si perueneris, me tibi primum quidque concedente; meum uitium fuerit: sin ipse tua sponte processeris; tuum. quis enim tibi dede

ACADEM. QVAEST.

rit, aut omnia deum posse; aut ita facturum esse,
 si possit? quo modo autem sumis, ut, si quid cui si-
 mile esse possit, sequatur, ut etiam internosci diffi-
 ciliter possit? deinde, ut ne uix internosci quidem?
 postremo, ut idem sit? ut, si lupi canibus similes,
 eosdem dices ad extremum. et quidem honestis si-
 milia sunt quaedam non honesta, et bonis non bona,
 & artificiosis minime artificiosa. quid dubitamus
 igitur affirmare, nihil inter haec interesse? Ne repu-
 gnantia quidem uidemus? nihil est enim, quod de
 suo genere in aliud genus transferri possit. at, si ef-
 ficeretur, ut inter uisa differentium generum nihil
 interesset: reperirentur, quae & in suo genere es-
 sent, & in alieno. quod fieri qui potest? Omnium
 deinde inanum uisorum una depulsio est, siue illa
 cogitatione informantur, quod fieri solere concedi-
 mus, siue in quiete, siue per uinum, siue per insa-
 niam. nam ab omnibus eiusdem modi uisis perspi-
 cuitatem, quam mordicus tenere debemus, abesse
 dicemus. quis enim, cum sibi fingit aliquid, & co-
 gitatione depingit, non, simulac se ipse commouit,
 atque ad se renocauit, sentit, quid intersit inter
 perspicua, & inania? Eadem ratio est somniorum.
 num censes Ennium, cum in hortis cum Ser. Galba,
 uicino suo, ambulasset, dixisse; uisus sum mihi cum
 Galba ambulare? at, cum somniauit, ita narrauit;
 Visus Homerus adesse poeta.
 idemq. in Epicharmo;

Nam uidebar somniare me ego esse mortuum.

itaque

itaque, simul experrecti sumus, uisa illa contemnimus, neque ita habemus, ut ea, quae in foro gessimus. At enim, dum uidentur, eadem est in somnijs species eorum, quae uigilantes uidemus. Primum interest: sed id omitamus: illud enim dicimus, non eandem esse uim, neque integritatem dormientium, & uigilantium, nec mente, nec sensu. Ne uinolenti quidem, quae faciunt, eadem approbatione faciunt, qua sobrij: dubitant, haesitant, reuocant se interdum, iisque, quae uidentur, imbecillius assentiuntur; cumq. edormiuerunt, illa uisa quam leuia fuerint, intelligunt. Quod idem contingit insanis; ut & incipientes furere sentiant; & dicant aliquid, quod non sit, id uideri sibi; &, cum relaxentur, sentiant, atque illa dicant Alcmaeonis; Sed mihi nentiquā cor consentit cū oculorū aspectu. At enim ipse sapiens sustinet se in furore, ne approbet falsa pro ueris; & alias quidem saepe, si aut in sensibus ipsius est aliqua forte grauitas, aut tarditas; aut obscuriora sunt, quae uidentur; aut a perspicendo temporis breuitate excluditur. quamquam totum hoc, sapientem aliquando sustinere assensionem, contra uos est. si enim inter uisa nihil interesset; aut semper sustineret, aut numquam. Sed ex hoc genere toto perspicere potest leuitas orationis eorum, qui omnia cupiunt confundere. quaerimus grauitatis, constantiae, firmitatis, sapientiae iudicium; utimur exemplis somniantium, furiosorum, ebriorum. illud attendamus, in hoc omni genere quam

c 4 incon-

inconstanter loquamur. non enim proferremus ui-
no, aut somno oppressos, aut mente captos, tam
absurde, ut tum diceremus interesse inter uigilan-
tium uisa, & sobriorum, & sanorum, & eorum,
qui essent aliter affecti, tum nihil interesse. Ne hoc
quidem cernunt, omnia se reddere incerta: quod uo-
lunt. ea dico incerta, quae ἀδύνα Graeci. si enim res
se ita habeant, ut nihil intersit, utrum ita cui ui-
deatur, ut insano, an sano: cui possit exploratum
esse de sua sanitate? quod uelle efficere, non medio-
cris insania est. Similitudines uero aut geminorum,
aut signorum annulis impressorum pueriliter conse-
ctantur. quis enim nostrum similitudines negat es-
se, cum eae plurimis in rebus appareant? sed, si satis
est ad tollendam cognitionem, similia esse multa
multorum: cur eo non estis contenti, praesertim con-
cedentibus nobis? et cur potius id contenditis, quod
rerum natura non patitur, ut non suo quidque gene-
re sit tale, quale est? nec sit in duobus, aut pluri-
bus nulla re differens ulla communitas? ut sibi sint
& oua ouorum, & apes apum simillimae. Quid
pugnas igitur? aut quid tibi uis in geminis? concedi-
tur enim similes esse: quo contentus esse potueras.
tu autem mis eosdem esse plane, non similes: quod
fieri nullo modo potest. Deinde confugis ad physi-
cos, eos, qui maxime in Academia irridentur: a
quibus ne tu quidem iam te abstinebis: & ais De-
mocritum dicere, innumerabiles esse mundos, &
quidem sic quosdam inter sese non solum similes,
sed

sed undique, perfecte, & absolute ita pares, ut inter
 * eos nihil prorsus intersit, & eo quidem innumera-
 biles: itemq. homines. deinde postulas, ut, si mun-
 dus ita sit par alteri mundo, ut inter eos ne mini-
 mum quidem intersit, concedatur tibi, ut in hoc
 quoque nostro mundo aliquid alicui sic par sit, ut
 nihil differat, nihil intersit. cur enim, inquires, cum
 ex illis indiuiduis, unde omnia Democritus gigni af-
 firmat, in reliquis mundis, & his quidem innume-
 rabilibus, innumerabiles Q. Lutatij Catuli non
 modo possint esse, sed etiam sint; in hoc tanto mun-
 do Catulus alter non possit effici? Primum quidem
 me ad Democritum uocas. cui non assentior: potius
 refellam, propter id, quod dilucide docetur a poli-
 tioribus physicis, singularum rerum singulas pro-
 prietates esse. fac enim antiquos illos Seruilius, qui ^{28.}
 gemini fuerunt, tam similes, quam dicuntur: num ^{cap.}
 censes etiam eosdem fuisse? non cognoscebantur fo-
 ris; at domi: non ab alienis; at a suis. an non uide-
 mus hoc usu uenire, ut, quos numquam putassemus
 a nobis internosci posse, eos, consuetudine adhibita,
 tam facile internosceremus, uti ne minimum qui-
 dem similes esse uiderentur? Hic pugnent licet, non
 repugnabo: quin etiam concedam, illum ipsum sa-
 pientem, de quo omnis hic sermo est, cum ei res si-
 miles occurrant, quas non habeat denotatas, reten-
 turum assensum, nec umquam ulli uiso assensurum,
 nisi quod tale fuerit, quale falsum esse non possit.
 sed ad ceteras res habet quandam artem, qua uera
 a falsis

ACADEM. QVAEST.

a falsis possit distinguere: & ad similitudines istas
usus adhibendus est. ut mater geminos internoscit
consuetudine oculorum; sicut tu internoscis, si assue-
ueris. uides ne, ut in prouerbio sit ouorum inter se
similitudo? tamen hoc accepimus, Deli fuisse com-
plures, saluis rebus illis, qui gallinas alere permul-
tas quaestus causa solerent. hi cum ouum inspexe-
rant; quae id gallina peperisset, dicere solebant. ne-
que id est contra nos. nam nobis satis est, oua illa
internoscere. nihil enim magis assentiri potest, hoc
illud esse, quam si inter illa omnino nihil interesset.
habeo enim regulam, ut talia uisa uera iudicem,
qualia falsa esse non possint. ab hac mihi non licet
transuersum, ut aiunt, digitum discedere; ne con-
fundam omnia. ueri enim & falsi non modo cogni-
tio, sed & natura tolletur, si nihil erit, quod inter-
sit. ut etiam illud absurdum sit, quod interdum so-
letis dicere; cum uisa in animos imprimantur, non
uos id dicere, inter ipsas impressiones nihil interesse,
sed inter species, & quasdam formas eorum. quasi
uero non specie uisa iudicentur; quae fidem nullam
habebunt, sublata ueri, & falsi nota. Illud uero
perabsurdum, quod dicitis probabilia uos sequi, si
re nulla impediamini. Primum, qui potestis non
impediri, cum a ueris falsa non distent? deinde,
quod iudicium est ueri, cum sit commune falsi? ex
his illa necessario nata est ἐποχή, id est assensionis
retentio: in qua melius sibi constitit Arcesilas; si
uera sunt, quae de Carneade non nulli existimant. si
enim

enim percipi nihil potest; quod utrique uisum est: tollendus assensus est. quid enim est tam futile, quam quidquam approbare non cognitum? Carneadem autem etiā heri audiebamus solitum esse delabi interdum ut diceret, opinaturum, id est peccaturum esse sapientem. mihi porro non tam certum est, esse aliquid, quod comprehendi possit; de quo nimium etiam diu disputo; quam sapientem nihil opinari, id est numquā assentiri rei uel falsae, uel incognitae. *opinari 23.* Restat illud, quod dicunt, ueri inueniendi causa contra omnia dici oportere, & pro omnibus. uolo igitur uidere, quid inuenerint. Non solemus, inquit, ostendere. Quae sunt tandem ista mysteria? aut cur caelatis, quasi turpe aliquid, sententiam uestram? Ut qui audient, inquit, ratione potius, quam auctoritate, ducantur. Quid si utrumque? num peius est? unum tamen illud non caelant; nihil esse, quod percipi possit. an in eo auctoritas nihil obest? mihi quidem uidetur uel plurimum: quis enim ista tam aperte perspicueq. & peruersa, & falsa secutus esset, nisi tanta in Arcesila, multo etiam maior in Carneade & copia rerum, & dicendi uis fuisset? *Haec: 6.* Haec Antiochus fere & Alexandriae tum, et multis annis post multo etiam asseuerantius in Syria, cum esset mecum, paullo ante quam esset mortuus. Sed iam confirmata causa, te, hominē amicissimum, (me autem appellabat) & aliquot annis minorem natu, non dubitabo monere. Tu ne, cum tantis laudibus philosophiam extuleris, Hortensiumq. nostrum

ACADEM. QVAEST.

14.

240.

Diu lib. 2.

124.

strum dissentientem commoueri; eam philosophiam
sequere, quae confundit uera cum falsis, spoliatur nos
iudicio, priuat approbatione, omnibus orbat sensi-
bus? et Cimmerijs quidem, quibus aspectum solis
sive deus aliquis, sive natura ademerat, sive eius
loci, quem incolebant, situs, ignes tamen aderant,
quorum illis uti lumine licebat: isti autem, quos tu
probas, tantis offusis tenebris, ne scintillam qui-
dem ullam nobis ad aspiciendum reliquerunt. quos
si sequamur, ijs uinculis simus astricti, ut nos com-
mouere nequeamus. sublata enim assensione, om-
nem & motum animorum, & actionem rerum su-
stulerunt. quod non modo recte fieri, sed omnino
fieri non potest. Prouide etiam, ne uni tibi istam
sententiam minimeliceat defendere. An tu, cum
res occultissimas aperueris, in lucemque protuleris;
iuratusque dixeris, ea te comperisse; quod mihi quo-
que licebat, qui ex te illa cognoueram; negabis esse
rem ullam, quae cognosci, comprehendere, perci-
pi possit? uide, quaeso, etiam atque etiam, ne illa-
rum quoque rerum pulcherrimarum a te ipso mi-
nuatur auctoritas. Quae cum dixisset ille, finem fe-
cit. Hortensius autem uehementer admirans, quod
quidem perpetuo, Lucullo loquente, fecerat, ut etiam
manus saepe tolleretur, (nec mirum: nam numquam
arbitror contra Academiam dictum esse subtilius)
me quoque, iocans ne, an ita sentiens, (non enim
fatis intelligebam) coepit hortari, ut sententia desi-
sterem. Tum mihi Catulus, Si te, inquit, Luculli

ora-

Oratio flexit, quae est habita memoriter, accurate, copiose, taceo; neque te, quo minus, si tibi ita uideatur, sententiam mutes, deterrendum puto: illud uero non censuerim, ut eius auctoritate moueare. tantum enim te non monuit, inquit arridens, ut caueres, ne quis improbus tribunus pl. quorum uides quantam copia semper futura sit, arriperet te, et in concione quaereret, qui tibi constares, cum idem negares quidquam certi posse reperiri, idem te comperisse dixisses. hoc, quaeso, ne te terreat. de causa autem ipsa malim quidem te ab hoc dissentire: sin cesseris, non magno opere mirabor. memini enim Antiochum ipsum cum annos multos talia sensisset, simulacrisum sit, sententia destitisse. Haec cum dixisset Catulus, me omnes intueri. Tum ego, non minus commotus, quam soleo in causis maioribus, huiusmodi quadam oratione sum exorsus. Me, Catule, oratio Luculli de ipsa re ita mouit, ut docti hominis, et copiosi, et parati, et nihil praetereuntis eorum, quae pro illa causa dici possent; non tamen, ut ei respondere posse diffiderem. auctoritas autem tanta plena me mouebat, nisi tu opposuisses non minorem tuam. aggrediar igitur, si pauca ante quasi de fama mea dixero. Ego enim si, aut ostentatione aliqua adductus, aut studio certandi, ad hanc potissimum philosophiam me applicaui, non modo stultitiam meam, sed etiam mores, & naturam condemnandam puto. nam si minimis in rebus pertinacia reprehenditur, calumniaria etiam coercetur: ego de omni statu, consilioque totius

22. totius uitae aut certare cum alijs pugnaciter, aut
frustrari cum alijs, tum etiam me ipsum uelim? ita-
que, nisi inpetum putarem, in tali disputatione id
facere, quod, cum de rep. disceptatur, fieri inter-
dum solet; iurare per Iouem, deosq. penates, me
& ardere studio ueri reperiendi, & ea sentire,
quae dicerem. qui enim possum non cupere uerum
inuenire, cum gaudeam, si simile ueri quid inueni-
rim? sed, ut hoc pulcherrimum esse iudicem, uera
uidere: sic, pro ueris probare falsa, turpissimum
est. nec tamen ego is sum, qui nihil umquam falsi
approbem, qui numquam assentiar, qui nihil opiner:
sed quaerimus de sapiente. ego uero ipse & magnus
quidam sum opinator; (non enim sum sapiens) &
meas cogitationes sic dirigo, non ad illam paruulam
Cynosuram,

Qua fidunt duce nocturna Phoenices in alto,
ut ait Aratus; eoque directius gubernant, quod
eam tenent,

Quae cursu interiore breui conuertitur orbe;
sed ad Elicen, & clarissimos septemtriones, id est
rationes has, latiore specie, non ad tenue elimatas.
eo fit, ut errem, & uager latius. sed non de me,
ut dixi, sed de sapiente quaeritur. uisa enim ista cum
acriter mentem, sensum ue pepulerunt, accipio,
hisq. interdum assentior, nec percipio tamen; nihil
enim arbitror posse percipi. non sum sapiens: itaque
uisis cedo, neque possum resistere. sapientis autem
hanc censet Arcefilas uim esse maximam, Zenoni
assen-

assentiens, cauere ne capiatur, ne fallatur uidere. nihil est enim ab ea cogitatione, quam habemus de grauitate sapientis, errore, leuitate, temeritate disiunctius. Quid igitur loquar de firmitate sapientis? quem quidem nihil opinari tu quoque, Luculle, concedis. quod quoniam a te probatur, (ut praepostere tecum agam: mox referam me ad ordinem) haec primum conclusio quam habeat uim, considera. Si ulli rei sapiens assentietur umquam; aliquando etiam opinabitur: numquam autem opinabitur; nulli igitur rei assentietur. hanc conclusionem Arcefilas probat: confirmat enim primum, et secundum. Carneades non numquam secundum illud dabat, assentiri aliquando. ita sequebatur, etiam opinari. quod tu non uis, & recte, ut mihi uideris. Sed illud primum, sapientem, si assensurus esset, etiam opinaturum, falsum esse & Stoici dicunt, et eorum adstipulator Antiochus: posse enim eum falsa a ueris, & quae non possint percipi, ab ijs, quae possint, distinguere. Nobis autem primum, etiam si quid percipi possit, tamen ipsa consuetudo assentiendi periculosa esse uidetur, & lubrica. quamobrem, cum tam uitiosum esse constet, assentiri quidquam aut falsum, aut incognitum; sustinenda est potius omnis assensio, ne praecipitet, si temere processerit. ita enim finitima sunt falsa ueris, eaq., quae percipi possunt, (si modo ea sunt quaedam: iam enim uidebimus) ut tamen in praecipitem locum non debeat se sapiens committere. sin autem, omnino nihil esse;

ACADEM. QVAEST.

se, quod percipi possit, a me sumpsero; & quod tu mihi das, accepero, sapientem nihil opinari: effectum illud erit, sapientem assensus omnes cohibiturum. ut tibi uidendum sit, id ne malis, an aliquid opinaturum esse sapientem. neutrum, inquires, illorum. nitamur igitur, nihil posse percipi. etenim de eo omnis est controuersia. sed prius pauca cum Antiocho: qui haec ipsa, quae a me defenduntur, & didicit apud Philonem tam diu, ut constaret diutius didicisse neminem; & scripsit de his rebus acutissime; & idem haec non acrius accusauit in senectute, quam antea defensitauerat. quamuis igitur fuerit acutus, ut fuit: tamen inconstantia leuatur auctoritas. quis, inquam, enim iste dies illuxerit, quadero, qui illi ostenderit eam, quam multos annos esse negauisset, ueri & falsi notam. Excogitauit aliquid. eadem dicit, quae Stoici. Paenituit eum illa sensisse. cur non se transtulit ad alios, & maxime ad Stoicos? eorum enim erat propria ista defensio. quid eum Mnesarchi paenitebat? quid Dardani? qui erant Athenis tum principes Stoicorum. numquam a Philone discessit, nisi postea quam ipse coepit, qui se audirent, habere. Vnde autem subito uetus Academia renouata est? nominis dignitatem uidetur, cum a re ipsa descisceret, retinere uoluisse: quod erant, qui illum gloriae causa facerent sperare, etiam fore, ut ij, qui sequerentur, Antiochij uocarentur. mihi autem magis uidetur non potuisse sustinere concursum omnium philosophorum. etenim
de

de ceteris sunt inter illos non nulla communia; haec Academicorum est una sententia, quam reliquorum philosophorum nemo probet. itaque cessit. ut enim ij, qui sub nube solem non ferunt: item ille, cum aestuaret, ueterum, ut Menianorum, sic Academicorum umbram secutus est. quoque solebat uti argumento tum, cum ei placebat nihil posse percipi; cum quaereret Dionysius ille Heracleotes utrum comprehendisset certa illa nota, qua assentiri dicitis oportere, illud ne, quod multos annos tenuisset, Zenoniq. magistro credidisset; honestum quod esset, id bonum solum esse; an, quod postea defensitauisset, honesti inane nomen esse, uoluptatem esse summum bonum; qui ex illius commutata sententia docere uellet, nihil ita signari in animis nostris a uero posse, quod non eodem modo possit a falso; is curauit, quod argumentum ex Dionysio ipse sumpsisset, ex eo ceteri sumerent. Sed cum haec alio loco plura; nunc ad ea, quae a te, Luculle, dicta sunt. et primum, quod initio dixisti, uideamus quale sit: similiter a nobis de antiquis philosophis commemorari, atque seditiosi solerent claros uiros, sed tamen populares, aliquos nominare. illi, cum res non bonas tractent, similes bonorum uideri uolunt: nos autem dicimus, ea nobis uideri, quae uosmet ipsi nobilissimis philosophis placuisse conceditis. Anaxagoras niuem nigram dixit esse. ferres me, si ego idem dicerem? tu, ne si dubitarem quidem. at quis est hic? num Sophistes? sic enim appellantur ij, qui
d osten-

27
23:
Lacr. Anax.
Lucr. 66.

Lucr. lib.
Cor. Cel. lib.
cap.

Cat. epig. 3

Lucr. lib.

ostétationis, aut quaestus caussa philosophantur. maxima fuit & grauitatis, & ingenij gloria. Quid loquar de Democrito? quem cum eo conferre possumus non modo ingenij magnitudine, sed etiam animi? qui ita sit ausus ordiri: Haec loquor de uniuersis. nihil excipit, de quo non profiteatur. quid enim esse potest extra uniuersa? quis hunc philosophum non anteponebat Cleanthi, Chrysippo, reliquisq. inferioris aetatis? qui mihi, cum illo collocati, quintae classis uidentur. atque is non hoc dicit, quod nos, qui ueri esse aliquid non negamus, percipi posse negamus. ille uerum esse plane negat: esse sensus quidem nec obscuros dicit, nec tenebricosos. sic enim appellat eos is, qui hunc maxime est admiratus, Chius Metrodorus initio libri, qui est de natura. Nego inquit, scire nos, sciamus ne aliquid, an nihil sciamus; ne id ipsum quidem nescire, aut scire, scire nos; nec, omnino sit ne aliquid, an nihil sit. Furere tibi Empedocles uidetur: at mihi dignissimum rebus ijs, de quibus loquitur, sonum fundere. num ergo is excaecat nos, aut orbat sensibus, si parum magnam uim censet in ijs esse ad ea, quae sub eos subiecta sunt, indicanda? Parmenides, Xenophanes, minus bonis quamquam uersibus, sed tamen illis uersibus, increpant eorum arrogantiam quasi irati, qui, cum sciri nihil possit, audeant se scire dicere. Et ab his aiebat remouendum Socratem, & Platonem: cur? an de ullis certius possum dicere? uixisse cum his equidem uideor: ita multi sermones perscripti sunt, e quibus dubitari

tari non possit, quin Socrati, nihil, sit uisum, sciri posse. excepit unum tantum, scire se, nihil se scire, nihil amplius. Quid dicam de Platone? qui certe tam multis libris haec persecutus non esset, nisi probauisset. ironiam enim alterius, perpetuam praefertim, nulla fuit ratio persequi. Videor ne tibi, non ut Saturninus, nominare modo illustres homines, sed etiam imitari numquam nisi clarum, nisi nobilem? atque habebam molestos uobis, sed minus tos, Stilbonem, Diodorum, Alexinum: quorum sunt contorta, & aculeata quaedam sophismata: sic enim appellantur fallaces conclusiunculae. Sed quid eos colligam, cum habeam Chrysippum, qui fulci-
Or. Lib. 1. 13.
 re putatur porticum Stoicorum? quam multa ille contra sensus, quam multa contra omnia, quae in consuetudine probantur? dissoluit idem. mihi quidem non uidetur: sed dissoluerit sane: certe tam multa non collegisset, quae nos fallerent probabilitate magna, nisi uideret ijs resisti non facile posse. Quid Cyrenaei uidentur, minime contempti philosophi? qui negant esse quidquam, quod percipi possit extrinsecus: ea se sola percipere, quae tactu intimo sentiant, ut dolorem, & uoluptatem; neque se, quo quid colore, aut quo sono sit, scire, sed tantum sentire affici se quodam modo. Satis multa de auctoribus. quamquam ex me quaesieras, non ne putarem, post illos ueteres, tot saeculis inueniri uerum potuisse, tot ingenijs, tantisque studijs quaerentibus. quid inuentum sit, paullo post uidero, te ipso qui-

d 2 dem

ACADEM. QVAEST.

dem iudice. Arcesilam uero non obtrectandi causa cum Zenone pugnauisse, sed uerum inuenire uoluisset, sic intelligitur. Nemo, inquam, superiorum non modo expresserat, sed ne dixerat quidem, posse hominem nihil opinari; nec solum posse, sed ita necesse esse sapienti. uisa est Arcesilae cum uera sententia, tum honesta, & digna sapiente. quaesuit de Zenone fortasse, quid futurum esset, si nec percipere quidquam posset sapiens, nec, opinari, sapientis esset. Ille, credo: nihil opinatur; quoniam esset quod percipi posset. Quid ergo esset id? uisum, credo. Quale igitur uisum? tum illum ita definiuisse: ex eo quod esset, sicut esset impressum, et signatum, & effectum. Post requisitum, etiam ne, si eiusmodi esset uisum uerum, quale falsum? hic Zenonem uidisse acute, nullum esse uisum, quod percipi posset; si id tale esset ab eo, quod est, ut eiusmodi ab eo, quod non est, posset esse. recte. consensit Arcesilas. ad definitionem additum: neque enim falsum percipi posse, neque uerum, si essent tale, quale uel falsum. Incubuit autem in eas disputationes, ut doceret, nullum tale esse uisum a uero, ut non eiusdem modi etiam a falso possit esse. Haec autem est una contentio, quae adhuc permanserit. Nam illud, nulli rei assensurum esse sapientem, nihil ad hanc controuersiam pertinebat. licebat enim nihil percipere, & tamen opinari: quod a Carneade dicitur probatum. equidem, Clitomacho plus, quam Philoni, aut Metrodoro, credens, hoc magis ab eo disputat-

sputatum, quam probatum, puto. sed id omittamus. Illud certe, opinatione, & perceptione sublata, sequitur omnium assensionum retentio: ut, si ostendero nihil posse percipi, tu concedas numquam assensurum esse. quid ergo est, quod percipi possit, si ne sensus quidem uera nuntiant? quos tu, Luculle, communi loco defendis. quod ne id facere posses, iccirco heri, non necessario loco, contra sensus tanti multa dixeram. Tu autem te negas infracto remo, neque columbae collo commoueri. primum, cur? nam & in remo sentio non esse id, quod uideatur; & in columba plures uideri colores, nec esse plus uno. deinde, nihil ne praeterea diximus? maneat illa omnia. lacerat ista causa: ueraces suos sensus esse dicit. igitur semper auctorem habes, & eum, qui magno suo periculo causam agat. eo enim rem dimittit Epicurus; si unus sensus semel in uita mentitus sit, nulli umquam esse credendum. hoc est uerum esse, confidere suis testibus, & importune insistere. itaque Timagoras Epicureus negat sibi umquam, cum oculum torfisset, duas ex lucerna flammulas esse uisas: opinionis enim esse mendaciam, non oculorum. quasi quaeratur, quid sit, non quid uideatur. Sed hic quidem maiorum similis. tu uero, qui uisa sensibus alia uera dicas esse, alia falsa, qui ea distinguis? desine, quaeso, communibus locis. domi nobis ista nascuntur. Si quis deus te interregret, sanis modo, & integris sensibus, num amplius quid desideras? quid respondeas? Vtinam qui-

d 3 dem

Luc. lib. 1.

25.

ACADEM. QVAEST.

dem roget . audiat , quam nobiscum male agatur .
 ut enim uera uideamus , quam longe uidebimus ?
 ego Catuli Cumanam ex hoc loco regionem uideo ,
 Pompeianum non cerno : neque quidquam interie-
 ctum est , quod obstet : sed intendi longius acies non
 potest . o praeclarum prospectum : Puteolos uide-
 mus : at familiarem nostrum Auianum , fortasse in
 porticu Neptuni ambulantem , non uidemus . at il-
 le nescio qui , qui in scholis nominari solet , mille &
 octingenta stadia quod abesset , uidebat : quaedam
 uolucres longius . Responderem igitur audacter isti
 uestro deo , me plane his oculis non esse contentum .
 Dicit me acrius uidere , quam ullos pisces fortasse :
 qui neque uidentur a nobis , & nunc quidem sub
 oculis sunt : neque ipsi nos suspicere possunt . ergo ,
 ut illis aqua , sic nobis aer crassus offunditur . At
 amplius non desideramus . quid talpam ? num desi-
 derare lumē putas ? Neque tam quererem cum deo ,
 quod parum longe , quam quod falsum uiderem .
 Vides ne nauem illam ? stare nobis uidetur : at ijs ,
 qui in naui sunt , moueri haec uilla . quaere rationem ,
 cur ita uideatur : quam ut maxime inueneris ; quod
 haud scio an non possis ; non tu uerum testem habe-
 re , sed eum non sine caussa falsum testimonium di-
 cere ostenderis . Quid ego de naui ? uidi enim a te re-
 mum contemni . maiora fortasse quaeris . quid po-
 test esse sole maius ? quem mathematici amplius
 duo de uiginti partibus confirmant maiorem esse ,
 quam terram . quantulus nobis uidetur ? mihi qui-
 dem

Lucr. lib. 2

dem quasi pedalis. Epicurus autem posse putat etiam minorem esse eum, quam uideatur, sed non multo: ne maiorem quidem multo putat esse; uel tantum esse, quantus uideatur: ut oculi aut nihil mentiantur, aut non multum mentiantur. ubi igitur illud est semel? sed ab hoc credulo, qui numquam sensus mentiri putat, discedamus, qui ne nunc quidem; cum ille sol, qui tanta incitatione fertur, ut, celeritas eius quanta sit, ne cogitari quidem possit; tamen nobis stare uideatur. Sed, ut minuam controuersiam; uidete, quaeso, quam in paruulis sitis. Quattuor sunt capita, quae concludunt nihil esse, quod nosci, percipi, comprehendi possit: de quo haec tota quaestio est. e quibus primum est, esse aliquod uisum falsum: secundum, non posse id percipi: tertium, inter quae uisa nihil intersit, fieri non posse, ut eorum alia percipi possint, alia non possint: quartum, nullum esse uisum uerum a sensu profectum, cui non appositum sit uisum aliud, quod ab eo nihil intersit, quodq. percipi non possit. Horum quattuor capitum secundum, & tertium omnes concedunt, primum Epicurus non dat: nos, quibuscum res est, id quoque conceditis. omnis pugna de quarto est. Qui igitur P. Seruilius Geminus uidebat, si Quintus se uidere putabat, incidebat in eiusmodi uisum, quod percipi non posset; quia nulla nota uerum a falso distinguebatur. qua distinctione sublata, quam haberet M. Cotta, qui bis cum Geminio consul fuit; agnoscendo eiusmodi notam, quae falsa

d 4 esse

ACADEM. QVAEST.

esse non possit? Negas tantam similitudinem in rerum natura esse. pugnas omnino, sed cum aduersario facili. ne sit sane: uideri certe potest: fallit igitur sensum: & si una fefellerit similitudo, dubia omnia reddiderit. sublato enim iudicio illo, quo oportet agnosci; etiam si ipse erit quem, uideris, qui tibi uidebitur, tamen non ea nota iudicabis, qua dicis oportere, ut non possit esse eiusdem modi falsa. quando igitur potest tibi P. Geminus, Quintus uideri; quid habes explorati, cur non possit tibi Cotta uideri, qui non sit; quoniam aliquid uidetur esse, quod non est? Omnia dicis sui generis esse; nihil esse idem, quod sit aliud. Stoicum est quidem, nec admodum credibile, nullum esse pilum omnibus rebus talem, qualis sit pilus alius, nullum granum. haec refelli possunt: sed pugnare nolo: ad id enim, quod agitur, nihil interest, omnibus ne partibus uisa res nihil differat, an internosci non possit, etiā si differat. sed si hominum similitudo tanta esse non potest, ne signorum quidem? Dic mihi, Lysippus eodem aere, eadem temperatione, eodem caelo, aqua, ceteris omnibus, centum Alexandros eiusdem modi facere non possit? qua igitur notione discerneres? Quid, si in eiusmodi cera centum sigilla hoc annulo impressero, ecquae poterit in agnoscendo esse distinctio? an tibi erit quaerendus annularius aliquis? quoniam gallinarium inuenisti Deliacum illum, qui oua cognosceret. Sed adhibes artem aduocatam etiam sensibus. Pictor uidet, quae nos non uidemus:

☞

Et simul inflauit tibicen, a perito carmen agnosci-
tur. Quid hoc? non ne uidetur contra te ualere; si
sine magnis artificijs, ad quae pauci accedunt, no-
stri quidem generis admodum, nec uidere, nec au-
dire possumus? Iam illa praeclara, quanto artificio
esset sensus nostros, mentemque, & totam constru-
ctionem hominis fabricata natura. Cur non extime-
scam opinandi temeritatem? etiam ne hoc affirma-
re potes, Luculle, esse aliquam uim, cum pruden-
tia, & consilio scilicet, quae finxerit, uel, ut tuo
uerbo utar, quae fabricata sit hominem? qualis ista
fabrica est? ubi adhibita est? quando? cur? quo mo-
do? tractantur ista ingeniose, disputantur etiam ele-
ganter. denique, uideantur sane, ne affirmentur
modo. Sed de physicis mox, & quidem ob eam caus-
sam, ne tu, qui idem me facturum paullo ante dixe-
ris, uideare mentitus. sed, ut ad ea, quae clariora
sunt, ueniam; res iam uniuersas profundam; de
quibus uolumina impleta sunt non a nostris solum,
sed etiam a Chrysippo: de quo queri solent Stoici,
dum studiose omnia conquiescit contra sensus, &
perspicuitatem, contraq. omnem consuetudinem,
contraq. rationem, ipsum sibi respondentem infe-
riorem fuisse: itaque ab eo armatum esse Carneadē.
ea sunt eiusmodi, quae a te diligentissime tractata
sunt. Dormientium, & uinolentorum, & furioso-
rum uisa imbecilliora esse dicebas, quam uigilanti-
um, siccorum, sanorum. quo modo? quia, cum
experrectus esset Ennius, non diceret, se uidisse

Ho-

19:

Homerum, sed uisum esse: Alcmaeo autem,
 Sed mihi ne utiquam cor consentit.
 similia de uinolentis. Quasi quisquam neget, &
 qui experrectus sit, eum non somnare; &, cuius
 furor confederit, putare non fuisse ea uera, quae es-
 sent sibi uisa in furore. sed non id agitur: tum, cum
 uideantur, quo modo uidentur, id quaeritur. nisi
 uero Ennium nō putamus ita totum illud audiuisse,
 O pietas animi,
 (si modo id somniauit) ut si uigilans audiret. ex-
 perrectus enim potuit illa uisa putare, ut erant, &
 somnia: dormienti uero aequae, ac uigilanti, proban-
 tur. Quid Iliona somno illo?
 Mater te appello.
 non ne illa credit filium locutum, ut experrecta
 etiam crederet? unde enim illa?
 Age adsta: mane: audi: itera dum eadē istaec mihi.
 num uidetur minorem habere uisis, quam uigi-
 lantes fidem? Quid loquar de insanis? qualis tan-
 dem fuit affinis tuus, Catule Tuditanus? quisquam
 sanissimus tam certa putat, quae uidet, quam is pu-
 tabat, quae uidebantur? Quid ille, qui,
 Video, uideo te uiuum, Vlixes, dum licet?
 non ne etiam bis exclamauit se uidere, cum omni-
 no non uideret? Quid apud Euripidem Hercules,
 cum, ut Eurysthei filios, ita suos configebat sagit-
 tis? cum uxorem interimebat? cum conabatur etiam
 patrem? non perinde mouebatur falsis, ut ueris
 moueretur? Quid ipse Alcmaeo tuus, qui negat
 cor

cor sibi cum oculis consentire? non ne ibidem incita
to furore?

Vnde haec flamma oritur?

& illa deinceps:

Incende, incende: adsunt, adsunt: me, me expetūt.

quid, cum uirginis fidem implorat?

Fer mi auxilium: pestem abige a me:

Flammiferam hanc uim, quae me excruciat,

Caeruleae incinctae igni incendunt:

Circumstant cum ardentibus taedis.

num dubitas, quin sibi haec uidere uideatur? itemq.

cetera:

Intendit crinitus Apollo

Arcum auratum, Luna innixus.

Diana facem iacit a laeua.

qui magis haec crederet, si essent, quam credebat,
quia uidebantur? apparet enim iam cor cum oculis
consentire. Omnia autem haec proferuntur, ut il-
lud efficiatur, quo certius nihil potest esse, inter ui-
sa uera, & falsa ad animi assensum nihil interesse.
uos autem nihil agitis, cum falsa illa uel furioso-
rum, uel somniantium, recordatione ipsorum re-
fellitis. non enim id quaeritur, qualis recordatio fie-
ri soleat eorum, qui experrecti sunt; aut eorum,
qui furere destiterint; sed qualis uisio fuerit aut fu-
rentium, aut somniantium tum, cum commoueban-
tur. Sed ab eo a sensibus: quid est, quod ratione per-
cipi possit? Dialecticam inuentam esse dicitis, ueri,
& falsi quasi disceptatricem, & iudicem. cuius
ueri

ACADEM. QVAEST.

ueri & falsi? & in quare? in geometria ne, quid sit uerum, uel falsum, dialecticus iudicabit, an in litteris, an in musicis? at ea non nouit. in philosophia igitur sol quantum sit, quid ad illum? quod sit summum bonum, quid habet, ut queat iudicare? quid igitur iudicabit, quae coniunctio, quae disiunctio uera sit, quid ambigue dictum sit, quid sequatur quamque rem, quid repugnet? si haec, et horum similia iudicat, de se ipsa iudicat. plus autem pollicebatur. nam haec quidem iudicare, ad ceteras res, quae sunt in philosophia multae, atque magnae, non est satis. sed quoniam in ea arte tantum ponitis: uidete, ne contra uos tota nata sit. quae primo progressu festine tradit elementa loquendi, & ambiguum intelligentiam, concludendiq. rationem: tum, paucis additis, uenit ad soritas, lubricum sane, & periculosum locum: quod tu modo dicebas esse uitiosum interrogandi genus. quid ergo, istius uitij num nostra culpa est? rerum natura nullam nobis dedit cognitionem finium, ut ulla in re statuere possimus quatenus. nec hoc in acerno tritici solum, unde nomen est, sed ulla omnino in re minutatim interroganti; diues, pauper; clarus, obscurus sit; multa, pauca; magna, parua; longa, breuia; lata, angusta; quanto aut addito aut dempto, certum respondeamus, non habemus. At uitiosi sunt soritae. Frangite igitur eos, si potestis; ne molesti sint: erunt enim, nisi caueatis. Cautum est, inquit. placet enim Chrysippo, cum gradatim interrogetur,

rogetur, (uerbi causa tria pauca sint, an ne multa) aliquanto prius, quam ad multa perueniat, quiescere, id est, quod ab ijs dicitur, ἡσυχάζειν. Per me uel stertas licet, inquit Carneades, non modo quiescas. sed quid proficit? sequitur enim qui te ex somno excitet, & eodem modo interroget. Quo in numero conticuiisti; si ad eum numerum unum addidero, multa ne erunt? progrediare rursus, quoad uidebitur. quid plura? hoc enim fateris, neque ultimum te paucorum, neque primum multorum respondere posse. cuius generis error ita manat, ut non uideam quo non possit accedere. Nihil me laedit, inquit. ego enim, ut agitator callidus, prius quam ad finem ueniam, equos sustinebo, eoq. magis, si locus is, quo ferentur equi, praeceptus erit. sic me, inquit, ante sustinebo, nec diutius captiose interroganti respondebo. Si habes, quod liqueat, neque respondes: superbe. si non habes: ne tu quidem perspicis. si, quia obscura: concedo: sed negas te usque ad obscura progredi: illustribus igitur rebus insistis. si id tantummodo, ut taceas: nihil assequeris. quid enim ad illū, qui captare uult, utrum tacentem irretiat te, an loquentē? sin autem usque ad no *dox. p. 12* uem, uerbi gratia, sine dubitatione respondes, pauca esse, in decimo insistis: etiam a certis et illustrioribus cohibes assensum; hoc idem me in obscuris facere nō finis. Nihil igitur te contra soritas ars ista adiuvat, quae nec augendi, nec minuendi quid aut primum sit, aut postremum, docet. Quid, quod eadē illa ars, quasi

Quid Per.

30:

ACADEM. QVAEST.

quasi Penelope telam retexens, tollit ad extremum superiora? utrum ea uestra, an nostra culpa est? nempe fundamentum dialecticae est, quidquid enuncietur, (id autem appellatur ἀζήτητα: quod est quasi effatum) aut uerum esse, aut falsum. quid igitur? haec uera, an falsa sunt? si te mentiri dicis, idque uerum dicis: mentiri uerum dicis. haec scilicet inexplicabilia esse dicitis. quod est odiosius, quam illa, quae nos non comprehensa, & non percepta dicimus. Sed haec omitto: illud quaero: si ista explicari non possunt: nec eorum ullum iudicium inuenitur, ut respondere possitis, uera ne, an falsa sint; ubi est illa definitio, effatum esse id, quod aut uerum, aut falsum sit? Rebus sumptis adiungam, ex his sequendas esse alias, alias improbandas, quae sunt in genere contrario. quo modo igitur hoc conclusum esse iudicas? si dicis, nunc lucere, & uerum dicis: lucet. dicis autem lucere, & uerum dicis: lucet igitur. probatis certe genus, & rectissime conculsum dicitis: itaque in docendo eum primum concludendi modum traditis. Aut quidquid igitur eodem modo concluditur, probabitur: aut ars ista nulla est, uide ergo, hanc conclusionem probaturus ne sis. si dicis te mentiri, uerumque dicis: mentiris. dicis autem te mentiri, uerumque dicis: mentiris igitur. qui potes hanc non probare, cum probaueris eiusdem generis superiorem? Haec Chrysippea sunt, ne ab ipso quidem dissoluta. quid enim faceret huic conclusioni? si lucet, lucet: lucet autem, lucet igitur. crederet

deret scilicet . ipsa enim ratio connexi , cum concesseris superius , cogit inferius concedere . quid ergo haec ab illa conclusione differt ? si mentiris , mentiris : mentiris autem , mentiris igitur . hoc negas te posse nec approbare , nec improbare . qui igitur magis illud ? si ars , si ratio , si uia , si uis denique conclusionis ualet : eadem est in utroque . Sed hoc extremum eorum est : postulant , ut excipiantur haec inexplicabilia . Tribunum aliquem , censeo , adeant : a me istam exceptionem numquam impetrabunt . etenim cum ab Epicuro , qui totam dialecticam & 81. contemnit , & irridet , non impetrent , ut uerum esse concedat , quod ita effabimur ; aut uiuet cras Hermachus , aut non uiuet ; cum dialectici sic statuunt , omne , quod ita disiunctum sit , quasi aut etiam , aut non , non modo uerum esse , sed etiam necessarium : uide , quam sit cautus is , quem isti tardum putant . si enim , inquit , alterutrum concesserō necessarium esse : necesse erit , cras Hermachum aut uiuere , aut non uiuere , nulla autem est in natura rerum talis necessitas . cum hoc igitur dialectici pugnent , id est Antiochus , & Stoici . totam enim euerit dialecticam . nam si e contrarijs disiunctio , (contraria autem ea dico , cum alterum ait , alterum negat) si talis disiunctio falsa potest esse ; nulla uera est . mecum uero quid habent litium , qui ipsorum disciplinam sequor ? cum aliquid huiusmodi inciderat , sic ludere Carneades solebat : Si recte conclusit ; teneo : sin uitiōse ; minam Diogenes reddat .
ab

ACADEM. QVAEST.

ab eo enim Stoico dialecticam didicerat: haec autem merces erat dialecticorum. Sequar igitur eas vias, quas didici ab Antiocho: nec reperio, quo modo iudicem, si lucet, lucet, verum esse ob eam causam, quod ita didici, omne, quod ipsum ex se connexum sit, verum esse; non iudicem, si mentiris, mentiris, eodem modo esse connexum. aut igitur hoc, & illud: aut, nisi hoc, ne illud quidem iudicabo. Sed, ut omnes istos aculeos, & totum tortuosum genus disputandi relinquamus, ostendamusq. qui simus; iam explicata tota Carneadis sententia, Antiochi ista corrueunt uniuersa. nec uero quidquam ita dicam, ut quisquam id fingi suspicetur. a Clitomacho sumam, qui usque ad senectutem cum Carneade fuit, homo & acutus, ut Poenus, & ualde studiosus, ac diligens. et quattuor eius libri sunt de sustinendis assensionibus: haec autem, quae iam dicam, sunt sumpta de primo. Duo placet esse Carneadi uisorum genera; in uno hanc diuisionem; alia uisa esse, quae percipi possint, alia, quae non possint: in altero autem, alia uisa esse probabilia, alia non probabilia: itaque, quae contra sensus, contraq. perspicuitatem dicantur, ea pertinere ad superiorem diuisionem: contra posteriorem nihil dici oportere: quare ita placere; tale uisum nullum esse, ut perceptio consequeretur; ut autem probatio, multa. etenim contra naturam esset, si probabile nihil esset. sequitur enim omnis uitae ea, quam tu, Luculle, comme morabas, euersio. itaque et sensibus probanda multa

ta

ta sunt . teneatur modo illud , non inesse in his quid-
quam tale , quale non etiam falsum , nihil ab eo diffe-
rens , esse possit . sic , quidquid acciderit specie proba-
bile ; si nihil se offeret , quod sit probabilitati illi con-
trarium , utetur eo sapiens ; ac sic omnis ratio uitae
gubernabitur . etenim is quoque , qui a uobis sapiens
inducitur , multa sequitur probabilia , non compre-
hensa , neque percepta , neque assensa , sed similia
ueri : quae nisi probet , omnis uita tollatur . Quid e-
nim ? conscendens nauem sapiens num comprehen-
sum animo habet , atque perceptum , se ex senten-
tia nauigaturum ? qui potest ? sed si iam ex hoc loco
proficiscatur Puteolos stadia triginta , probo nau-
gio , bono gubernatore , hac tranquillitate : proba-
bile uideatur , se illuc uenturum esse saluum . huius-
modi igitur uisis consilia capiet & agendi , & non
agendi : faciliusq. erit , ut albam niuem esse probet ,
quam erat Anaxagoras , qui id non modo ita esse
negabat , sed sibi , quia sciret aquam nigram esse , un-
de illa concreta esset , albam ipsam esse ne uideri qui-
dem . et quaecumque res eum sic attinget , ut sit ui-
sum illud probabile , neque ulla re impeditum ; mo-
uebitur . non enim est e saxo sculptus , aut e robo-
re dolatus : habet corpus : habet animum : moue-
tur mente : mouetur sensibus : ut ei multa uera ui-
deantur . neque tamen habere insignem illam , &
propriam percipiendi notam , eoq. sapientem non
assentiri , quia possit eiusdem modi existere falsum
aliquod , cuiusmodi hoc uerum . neque nos contra
e sen-

ACADEM. QVAEST.

sensus aliter dicimus, ac Stoici, qui multa falsa esse dicunt, longeque aliter se habere, ac sensibus uideantur. hoc autem si ita sit, ut unum modo sensibus falsum uideatur; praesto est, qui neget, rem ullam percipi posse sensibus. ita, nobis tacentibus, ex uno Epicuri capite, altero uestro, perceptio & comprehensio tollitur. quod est caput Epicuri? si ullum sensibus uisum, falsum est; nihil percipi potest. quod uestrum? sunt falsa sensus uisa. quid sequitur? ut taceam, conclusio ipsa loquitur, nihil posse percipi. Non concedo, inquit, Epituro. Certa igitur cum illo, quia a te totus diversus est: noli mecum, qui hoc quidem certe, falsi esse aliquid in sensibus, tibi assentior. quamquam nihil mihi tam mirum uidetur, quam ista dici ab Antiocho quidem maxime, cui erant, quae paullo ante dixi, notissima. licet enim haec quiuis arbitratus suo reprehendat, quod negamus rem ullam percipi posse: certe leuior reprehensio est, quod tamen dicimus esse quaedam probabilia. non uidetur hoc satis esse uobis. ne sit: illa certe debemus effugere, quae a te uel maxime agitata sunt: nihil igitur cernis? nihil audis? nihil tibi est perspicuum? explicauimus paullo ante, Clitomacho auctore, quo modo ista Carneades diceret. accipe, quemadmodum ea dicantur a Clitomacho in eo libro, quem ad C. Lucilium scripsit poetam, cum scripsisset iisdem de rebus ad L. Censorinum, eum, qui consul cum M. Manilio fuit. scripsit igitur his fere uerbis: sunt enim mihi nota, propterea quod
ea-

earum ipsarum rerum, de quibus agimus, prima institutio, & quasi disciplina illo libro continetur. sed scriptum est ita: Academicis placere, esse rerum eiusmodi dissimilitudines, ut aliae probabiles uideantur, aliae contra: id autem non esse satis, cur alia percipi posse dicas, alia non posse; propterea quod multa falsa probabilia sint, nihil autem falsi perceptum, & cognitum possit esse. itaque ait uehementer errare eos, qui dicant ab Academia sensus eripi, a quibus numquam dictum sit, aut colorem, aut saporem, aut sonum nullum esse; illud sit disputatum, non inesse in his propriam, quae nusquam alibi esset, ueri & certi notam. Quae cum exposuisset, adiungit; dupliciter dici, assensus sustinere sapientem; uno modo, cum hoc intelligatur, omnino eum rei nulli assentiri; altero, cum se a respondendo, ut aut approbet quid, aut improbet, sustineat; ut neque neget aliquid, neque aiat: id cum ita sit; alterum placere, ut numquam assentiatur; alterum tenere, ut, sequens probabilitatem, ubicumque haec aut occurrat, aut deficiat, aut etiam, aut non, respondere possit. Hic, ut placeat eum, qui de omnibus rebus contineat se ab assentiendo, moueri tamen, & agere aliquid, reliquit eiusmodi uisa, quibus ad actionem excitemur; item ea, quae interrogati in utramque partem respondere possumus, sequentes tantummodo quod ita uisum sit, dum sine assensu. neque tamen omnia eiusmodi uisa approbat, sed ea, quae nulla re impedirentur.

e 2 Haec

14.

Haec si uobis non probamus, sint falsa sane, inuidiosa certe non sunt. non enim lucem eripimus; sed ea, quae uos percipi, comprehendique, eadem nos, si modo probabilia sint, uideri dicimus. Sic igitur inducto & constituto probabili, & eo quidem expedito, soluto, libero, nulla re implicato, uides profecto, Luculle, iacere iam illud tuum perspicuitatis patrocinium. iisdem enim hic sapiens, de quo loquor, oculis, quibus iste uester, caelum, terram, mare intuebitur: iisdem sensibus reliqua, quae sub quemque sensum cadunt, sentiet. mare illud quidem nunc, Fauonio nascente, purpureum uidetur: idem huic nostro uidebitur; nec tamen assentietur; quia nobismet ipsis modo caeruleum uidebatur, mane flauum, quodq. nunc, quia a sole collucet, albescit, & uibrat, dissimileq. est proximo ei continenti: ut etiam si possis rationem reddere, cur id eueniat, tamen non possis, id uerum esse, quod uidebatur oculis, defendere. Vnde memoria, si nihil percipimus; (sic enim quaerebas) quod meminisse uisa, nisi comprehensa, non possumus? Quid Polyaenus, qui magnus mathematicus fuisse dicitur? is postea quam, Epicuro assentiens, totam geometriam esse falsam credidit, num illa etiam, quae sciebat, oblitus est? atqui, falsum quod est, id percipi non potest, ut uobismet ipsis placet. si igitur memoria perceptarum, comprehensarumq. rerum est: omnia, quae quisque meminit, habet ea comprehensa, atque percepta. falsi autem comprehendi nihil potest:

¶

Et omnia meminit Scyron Epicuri dogmata: uera igitur illa sunt nunc omnia. Hoc per me licet: sed tibi aut concedendum est ita esse; quod minime uis; aut memoriam mihi remittas, oportet; Et facile esse ei locum, etiam si comprehensio, perceptioque nulla sit. Quid fiet artibus? quibus? ijs ne, quae ipsae fatentur coniectura se plus uti, quam scientia: an ijs, quae tantum id, quod uidetur, sequuntur, nec habent istam artem uestram, qua uera et falsa dii dicunt? Sed illa sunt lumina duo, quae maxime causam istam continent. primum enim negatis fieri posse, ut quisquam nulli rei assentiatur. at id quidem perspicuum est; cum Panaetius, princeps prope, meo quidem iudicio, Stoicorum, ea de re dubitare se dicat, quam omnes, praeter eum, Stoici certissimam putant, uera esse haruspicum auspicia, oracula, somnia, uaticinationes; seq. ab assensu sustineat. quod is potest facere, ut de ijs rebus, quas illi, a quibus ipse didicit, certas habuerint; cur id sapiens de reliquis rebus facere non possit? an est aliquid, quod positum uel improbare, uel approbare possit, dubitari non possit? an tu in sortitis poteris hoc, cum uoles; ille in reliquis rebus non poterit eodem modo insistere, praesertim cum possit sine assensione ipsam uerisimilitudinem non impeditam sequi? Alterum est, quod negatis actionem ullius rei posse in eo esse, qui nullam rem assensu suo comprobet. Primum enim uideri oportet, in quo sit etiam assensus. dicunt enim Stoici sensus ipsos assensus esse:

ACADEM. QVAEST.

se: quos quoniam appetitio consequatur, actionem
sequi, tolli autem omnia, si uisa tollantur. hac de
re in utramque partem & dicta sunt, & scripta mul-
ta. uide superiora. sed breui res potest tota confici.
Ego enim etsi maximam actionem puto, repuga-
re uisis, obsistere opinionibus, assensus lubricos su-
stinere; credoq. Clitomacho ita scribenti, Herculis
quendam laborem exantlatum a Carneade, quod,
ut feram & immanem belluam, sic ex animis no-
stris assensionem, id est opinionem, & temerita-
tem extraxisset: tamen, ut ea pars defensionis re-
linquatur, quid impediet actionem eius, qui proba-
bilia sequitur, nulla re impediante? Hoc, inquit, ip-
sum impediet, quod statuet, ne id quidem, quod
probet, posse percipi. Iam istuc te quoque impediet
in nauigando, in conferendo, in uxore ducenda, in
liberis procreandis, plurimisq. in rebus, in quibus
nihil sequere, praeter probabile. & tamen illud
usitatum, & saepe repudiatum, refers, non ut An-
tipater, sed, ut ais, pressius: nam Antipatrum re-
prehensum, quod diceret, consentaneum esse ei,
qui affirmaret nihil posse comprehendi, id ipsum
saltem, dicere, posse comprehendi. quod ipsi An-
tiocho pingue uidebatur, & sibi contrarium. non
enim potest conuenienter dici, nihil comprehendi
posse, si id ipsum comprehendi posse dicatur. illo
modo potius putat urgendum fuisse Carneadem:
cum sapientis nullum decretum esse possit, nisi com-
prehensum, perceptum, cognitum; ut hoc ipsum
decre-

Luc. lib.
4.

decretum, quod sapientis esset, nihil posse percipi, fateretur esse perceptum. proinde quasi sapiens nullum aliud decretum habeat, & sine decretis uitam agere non possit. sed ut illa habet probabilia, non percepta: sic hoc ipsum, nihil posse percipi. nam si in hoc haberet cognitionis notā, eadem uteretur in ceteris. quam quoniam non habet, utitur probabilibus: itaque non metuit, ne confundere omnia uideatur, & incerta reddere. non enim, quemadmodum, si quaesitum ex eo sit, stellarum numerus par, an impar sit; item, si de officio, multisq. alijs de rebus, in quibus uersatus exercitatusq. sit, nescire se dicat. in incertis enim nihil est probabile: in quibus autem est, in his non deerit sapienti, neque quid faciat, neque quid respondeat. Ne illam quidem praetermisisti, Luculle, reprehensionem Antiochi: (nec mirum: in primis enim est nobilis) quae solebat dicere Antiochus Philonem maxime perturbatum: Cum enim sumeretur unum, esse quaedam falsa uisa; alterum, nihil ea differre a ueris: non attendere, superius illud ea re a se esse concessum, quod uideretur esse quaedam in uisis differentia: eam tolli altero, quo neget uisa a falsis uera differre: nihil tam repugnare. Id ita esset, si nos uerum omnino tolleremus. non facimus. nam tam uera, quam falsa cernimus. sed probandi species est: percipiendi signum nullum habemus. Ac mihi uideor nimis etiam nunc agere ieiune. cum sit enim campus, in quo possit exultare oratio; cur eam in

ACADEM. QVAEST.

tantas angustias, et in Stoicorum dumeta compelli-
mus? si enim mihi cum Peripatetico res esset, qui
id percipi posse diceret, quod impressum esset e ne-
ro; neque adhiberet illam magnam accessionem, quo
modo imprimi non posset a falso: cum simplici homi-
ne simpliciter agerem, nec magnopere contende-
rem: atque etiam, si, cum ego nihil dicerem posse
comprehendi, diceret ille sapientem interdum opi-
nari; non repugnarem, praesertim ne Carneade qui-
dem huic loco ualde repugnante: nunc quid facere
possim? quaero enim, quid sit, quod comprehendere
possit. respondet mihi non Aristoteles, aut Theo-
phrastus, ne Xenocrates quidem, aut Polemo, sed
nihilominus: quod est tale uerum, quale falsum es-
se non possit. Nihil eiusmodi inuenio. itaque in cogni-
tione nimirum assentiar, id est opinabor. hoc mihi
& Peripatetici, & uetus Academia concedit, uos
negatis, Antiochus in primis: qui me ualde mouet;
uel quod amaui hominem, sicut ille me; uel quod
ita iudico, politissimum, et acutissimum omnium no-
strae memoriae philosophorum. a quo primum quae-
ro, quo tandem modo sit eius Academiae, cuius se
esse profiteatur? ut omittam alia; haec duo, de qui-
bus agitur, quis umquam dixit aut ueteris Acade-
miae, aut Peripateticorum; uel id solum percipi pos-
se, quod esset uerum tale, quale falsum esse non pos-
set; uel sapientem nihil opinari? certe nemo. horum
neutrum ante Zenonem magnopere defensum est.
ego tamen utrumque uerum puto: nec dico tempo-
ris

ris causa: sed ita plane probo. Illud ferre non possum. Tu cum me incognito assentiri uetes; idq. turpissimum esse dicas, & plenissimum temeritatis; tantum tibi arroges, ut exponas disciplinam sapientiae, naturam rerum omnium euoluas, mores fingas, fines bonorum malorumq. constituas, officia describas; quam uitam ingrediar, definias; idemq. etiam disputandi, & intelligendi iudicium dicas te, & artificium traditurum; perficies, ut ego, ista innumerabilia complectens, nusquam labar? nihil opiner? quae tandem ea est disciplina, ad quam me deducas, si ab hac abstraxeris? uereor, ne subarroganter facias, si dixeris, tuam. atqui, ita dicas, necesse est. neque uero tu solus, sed me ad suam quisque rapiet. Age, restituro Peripateticis, qui sibi cum oratoribus cognationem esse, qui claros uiros, a se instructos, dicant remp. saepe rexisse: sustinuero Epicureos, tot meos familiares, tam bonos, tam inter se amantes uiros: Diodoto quid faciam Stoico? quem a puero audiui, qui mecum uiuit tot annos, qui habitat apud me, quem & admiror, et diligo qui ista Antiochia contemnit. Nostra, inquires, sola uera sunt. certe sola, si uera: plura enim uera discrepantia esse non possunt. utrum igitur nos impudentes, qui labi nolumus; an illi arrogantes, qui sibi persuaferint, scire se solos omnia? Non me quidem, inquit, sed sapientem dico scire. Optime: nempe ista scire, quae sunt in tua disciplina. hoc primum quale est, a non sapiente explicari sapientiam? sed
disceda-

ACADEM. QVAEST.

discedamus a nobismet ipsis: & sapiente loquamur:
de quo, ut saepe iam dixi, omnis haec quaestio est. In
tres igitur partes & a plerisque, & uobismet ip-
sis distributa sapientia est. primum ergo, si placet,
quae de natura rerum sint quaesita, uideamus: ne-
lut illud ante. est ne quisquam tanto inflatus erro-
re, ut sibi se illa scire persuasarit? non quaero ratio-
nes eas, quae ex coniectura pendent; quae disputa-
tionibus huc, & illuc trahuntur, nullam adhibent
persuadendi necessitatem. geometrae provideant,
qui se profitentur non persuadere, sed cogere; &
qui omnia uobis, quae describunt, probant. non
quaero ex his illa initia mathematicorum; quibus
non concessis, digitum progredi non possunt: pun-
ctum esse, quod magnitudinem nullam habeat; ex-
tremum, & quasi libramentum, in quo nulla
omnino crassitudo sit; liniamentum sine ulla latitu-
dine carentem. Haec cum uera esse concessero: si
adigam iusiurandum, sapientem ne prius, quam
Archimedes, eo inspectante, rationes omnes de-
scripserit eas, quibus efficitur, multis partibus so-
lem maiorem esse, quam terram, iuraturum pu-
tas? si fecerit; solem ipsum, quem deum censet es-
se, cōtempserit. quod si geometricis rationibus non
est crediturus, quae uim afferunt in docendo, uos ipsi
ut dicitis: nae ille longe aberit, ut argumentis credat
philosophorum; aut, si est crediturus, quorum po-
tissimum? omnia physicorum licet explicare: sed
longum est: quaero tamen, quem sequatur. singe
aliquem

aliquem nunc fieri sapientem, non dum esse: qua potissimum sententia melius eliget disciplinam? etsi, quamcumque eliget, insipiens eliget. sed sit ingenio diuino: quem unum e physicis potissimum probabit? nec enim plus uno poterit. non persequor quaestiones infinitas: tantum de principijs rerum, e quibus omnia constant, uideamus quem probet. est enim inter magnos homines summa dissensio. Princeps Thales, unus e septem, cui sex reliquos consensisse primos ferunt, ex aqua dixit constare omnia. *Phu. de aer. p. 4. sac. lib. 1. cap. 10.* at hoc Anaximandro, populari, & sodali suo, non persuasit. is enim infinitatem naturae dixit esse, e *D. sac. lib. 2. cap. 10.* qua omnia gignerentur. post eius auditor Anaximenes, infinitum aera, sed ea, quae ex eo orirentur, definita; gigni autem terram, aquam, ignem, *Phu. de aer. lib. 2. cap. 2.* tum ex his omnia. Anaxagoras, materiam infinitam, sed eas particulas similes inter se, minutas; *sac. lib. 2. cap. 2. Anax.* eas primum confusas, postea in ordinem adductas mente diuina. Xenophanes, paullo etiam antiquior, unum esse omnia, neque id esse mutabile, & id esse deum, neque natum umquam, & sempiternum, conglobata figura. Parmenides, ignem, qui moueat terram, quae ab eo formetur. Lencippus, plenum, & inane. Democritus huic in hoc similis, uberior in ceteris. Empedocles, haec peruulgata, & nota quattuor. Heraclitus, ignem. Melissus, hoc, quod esset infinitum, & immutabile, & fuisse semper, & fore. Plato ex materia in se omnia recipientem mundum esse factum censet a deo sempiternum.

ACADEM. QVAEST.

num. Pythagorei ex numeris, & mathematicorum initijs proficisci uolunt omnia. Ex his eliget uerter sapiens unum aliquem, credo, quem sequatur: ceteri, tot uiri, & tanti, repudiati ab eo, condemnatiq. discedent. quamcumque uero sententiam probauerit, eam sic animo comprehensam habebit, ut ea, quae sensibus: nec magis approbabit, nunc lucere, quam, quoniam Stoicus, hunc mundum esse sapientem, habere mentem, quae & se, & ipsum fabricata sit, et omnia moderetur, moueat, regat. Erit persuasum etiam, solem, lunam, stellas omnes, terram, mare, deos esse; quod quaedam animalis intelligentia per omnia ea permeet, & transeat: fore tamen aliquando, ut omnis hic mundus ardore deflagret. Sint ista uera: (uides enim, iam me fateri, aliquid esse ueri) comprehendi ea tamen, & percipi nego. cum enim tuus iste Stoicus sapiens syllabatim ista didicerit; ueniet flumen orationis aureum fundens Aristoteles, qui illum desipere dicat: neque enim ortum esse umquam mundum; quod nulla fuerit, nouo consilio inito, tam praeclari operis inceptio; & ita eum esse undique aptum, ut nulla uis tantos queat motus mutationemq. moliri, nulla senectus diuturnitate temporum existere, ut hic ornatus umquam dilapsus occidat. Tibi hoc repudiare, illud autem superius, sicut caput & famam tuam, defendere necesse erit: mihi ne ut dubitem quidem relinquatur? Ut omittam leuitatem temere assentientium; quanti libertas ista aestimanda est, non mihi

mibi necesse esse, quod tibi est? cur deus, omnia nostri causa cum faceret, (sic enim uultis) tantam uim natricum, uiperarumq. fecerit? cur mortifera tam multa perniciofa terra, mariq. disperferit? Negatis haec tam polite, tamq. subtiliter effici potuisse sine diuina aliqua solertia. cuius quidem uos maiestatem deducitis usque ad apium, formicarumq. perfectionem: ut etiam inter deos Myrmecides aliquis, minorum opusculorum fabricator, fuisse uideatur. Negas sine deo posse quidquam. Ecce tibi et transuerso Lampsacenus Strato, qui det isti deo immunitatem, magni quidem muneris: sed, cum sacerdotes deorum uacationem habeant; quanto est aequius habere ipsos deos? Negat opera deorum se uti ad fabricandum mundum: quaecumque sint, docet omnia esse effecta natura, nec ut ille, qui asperis, & leuibus, & hamatis, uncinatisq. corpusculis concreta haec esse dicat, interiecto inani. somnia censet haec esse Democriti, non docentis, sed optantis. ipse autem, singulas mundi partes persequens, quidquid aut fit, aut fiat, naturalibus fieri, aut factum esse docet ponderibus, & motibus. sic ille & deum opere magno liberat, et me timore. quis enim potest, cum existimet a deo se curari, non & dies, & noctes diuinum numen horrere, & si quid aduersi acciderit, (quod cui non accidit?) extimescere, ne idiure euenerit? Nec Stratoni tamen assentior: neque uero tibi. modo hoc, modo illud probabilius uidetur. latent ista omnia, Luculle, crass

ACADEM. QVAEST.

sis occultata & circūfusa tenebris; ut nulla acies hu-
mani ingenij tanta sit, quae penetrare in caelum, ter-
ram intrare possit. corpora nostra non nouimus: qui
sint situs partium, quam uim quaeque pars habeat,
ignoramus. itaque medici ipsi, quorum intereat ea
nosse, aperuerunt, ut ea uiderent. nec eo tamen
aiunt empiricis notiora esse illa, quia possit fieri, ut
patefacta, & detecta mutantur. sed ecquid nos eo-
dem modo rerum naturas perscribere, aperire, di-
uidere possumus, ut uideamus, terra ne penitus de-
fixa sit, & quasi radicibus suis haereat, an media
pendeat? Habitari ait Xenophanes in luna, eamq.
esse terram multarum urbium, & montium, por-
tenta uidentur. sed tamen neque ille, qui dixit, iu-
rare posset, ita se rem habere; neque ego. Non ne
etiam dicitis, esse e regione nobis, e contraria par-
te terrae, qui aduersis uestigijs stent contra nostra
uestigia, quos Antipodas uocatis? cur mihi magis
succensetis, qui ista non aspernor, quam eis, qui,
cum audiunt, desipere uos arbitrantur? Nicetas
Syracusius, ut ait Theophrastus, caelum, solem, lu-
nam, stellas, supera denique omnia stare censet,
neque praeter terram, rem ullam in mundo moueri:
quae cum circum axem se summa celeritate conuer-
tat, & torqueat, eadem effici omnia, quae, si stan-
te terra caelum moueretur. atque hoc etiam Plato-
ne in Timaeo dicere quidam arbitrantur, sed paul-
lo obscurius. Quid tu Epicure? loquere. putas so-
lem esse tantulum? ego ne uobis quidem tantum.

scd

sed & nos ab illo irridemini: & ipsi illum uicissim eluditis. liber igitur a tali irrisione Socrates, liber Aristoteli Chius; qui nihil istorum sciri putat posse. Sed redeo ad animum, & corpus. Satis ne tandem ea nota sunt nobis, quae nervorum natura sit, quae uenarum? tenemus ne, quid animus sit? ubi sit? denique, sit ne, aut, ut Dicaearchus uisum est, ne sit quidem ullus? si est; cres ne partes habeat, ut Platoni placuit, rationis, irae, cupiditatis, an simplex, unusq. sit? si simplex; utrum sit ignis, an anima, an sanguis? an, ut Xenocrates, mens nullo corpore? quod, intelligi, quale sit, uix potest: &, quidquid est, mortale sit, an aeternum? nam utraque in parte multa dicuntur. Horum aliquid uestro sapienti certum uidetur: nostro, ne quid maxime quidem probabile sit, occurrit: ita sunt in plerisque contrariarum rationum paria momenta. sin agis uerecundius, & me accusas, non quod tuis rationibus non assentiar, sed quod nullis: uincam animum, cuiq. assentiar deligam: quem potissimum? quem? Democritum. semper enim, ut scitis, studiosus nobilitatis fui. urgebor iam omnium uestrum conuicio. Tu ne aut inane quidquam putes esse, cum ita completa, & conferta sint omnia, ut &, quod movebitur corporum, cedat, &, qua quidque cesserit, aliud ilico subsequatur; aut atomos ullas, e quibus quidquid efficiatur, illarum sit dissimillimum? aut sine aliqua mente rem ullam effici posse praeclaram? &, cum in uno mundo ornatus hic tam sit mirabilis;

ACADEM. QV AEST.

lis; innumerabiles, supra, infra, dextra, sinistra, ante, post, alios dissimiles, alios eiusdem modi mundos esse? & ut nos nunc sumus ad Baulos, Puteolosq. uidemus, sic innumerabiles paribus in locis esse, eisdem nominibus, honoribus, rebus gestis, ingenijs, formis, aetatibus, eisdem de rebus disputantes? & si nunc, aut si etiam dormientes aliquid animo uidere uideamur, imagines extrinsecus in animos nostros per corpus irrumperere? tu uero ne ista asciueris, ne ues fueris commenticijs rebus assensus. nihil sentire, est melius, quam tam praetera sentire. Non ergo id agitur, ut aliquid assensu meo comprobem. quae tu, uide, ne impudenter etiam postules, non solum arroganter; praesertim cum ista tua mihi ne probabilia quidem uideantur. nec enim diuinationem, quam probatis, ullam esse arbitror; fatumq. illud etiam, quo omnia contineri dicitis, contemno. ne exaedificatum quidem hunc mundum diuino consilio existimo. atque haud scio, an ita sit. Sed cur rapior in inuidiam? licet ne per uos nescire, quod nescio? an Stoicis ipsis inter se disceptare, mihi cum ijs non licebit? Zenoni, & reliquis fere Stoicis aether uidetur summus deus, mente praeditus, qua omnia regantur. Cleanthes, qui quasi maiorum est gentium Stoicus, Zenonis auditor, solem dominari, & rerum potiri putat. itaque cogimur, dissensione sapientum, dominum nostrum ignorare; quippe qui nesciamus, soli, an aetheri seruiamus. Solis autem magnitudo (ipse enim

hic

hic radiatus me intueri uidetur) admonet, ut crebro faciam mentionem sui. Vos uero huius magnitudinem, quasi decempeda, hinc enim me quasi malis architectis mensurae uestrae nego hoc, permensi, refertis. ergo credere dubium est, uter nostrum sit, leuiter ut dicam, uerecundior? Neque tamen istas quaestiones physicorum exterminandas puto. est enim animorum, ingeniorumque naturale quoddam quasi pabulum consideratio, contemplatioque naturae. erigimur: elatiores fieri uidemur: humana despiciamus; cogitantesque supera, atque caelestia, haec nostra, ut exigua, & minima, contemnimus: indagatio ipsa rerum tum maximarum, tum etiam occultissimarum, habet oblectationem. si uero aliquid occurreret, quod uerisimile uideatur: humanissima completur animus uoluptate. Quaeret igitur haec & uester sapiens, & hic nosler; sed uester, ut assentiatur, credat, affirmet; nosler, ut uereatur temere opinari; praeclareque agi secum putet, si in eiusmodi rebus, uerisimile quod sit, inuenerit. Veniamus nunc ad bonorum malorumque notionem. sed paullulum ante dicendum est. Non mihi uidentur considerare, cum physica ista ualde affirmant, earum etiam rerum auctoritatem, si quae illustriores uideantur, amittere. non enim magis assentiuntur, neque approbant, lucere nunc, quam cum cornix cecinerit, tum aliquid eam aut iubere, aut uetare: nec magis affirmabunt signum illud, si erunt mensi, sex pedum esse, quam solem, quem metiri non
f pos-

ACADEM. QVAEST.

possunt, plus quam duo de uiginti partibus maiorem esse, quam terram. ex quo illa conclusio nascitur: si, sol quantus sit, percipi non potest; qui ceteras re eodem modo, quo magnitudinem solis, approbat, is eas res non percipit: magnitudo autem solis percipi non potest: qui igitur id approbat, quasi percipiat; nullam rem percipit. Responderint posse percipi, quantus sol sit: non repugnabo, dummodo eodem pacto cetera percipi, comprehendique dicant. nec enim possunt dicere, aliud alio magis, minus uel comprehendendi: quoniam omnium rerum una est definitio comprehendendi. Sed, quod coeperam, quid habemus in rebus bonis, & malis explorati? nempe fines constituendi sunt, ad quos et bonorum, & malorum summa referatur. qua de re est igitur inter summos uiros maior dissensio? et omitto illa, quae relictæ iam uidentur, & Herillum, qui in cognitione, & scientia summum bonum ponit. qui cum Zenonis auditor esset; uides, quantum ab eo dissenserit, & quam non multum a Platone Megarici: quorum fuit nobilis disciplina: cuius, ut scriptum uideo, princeps Xenophanes, quem modo nominavi: deinde eum secuti Parmenides, & Zeno: itaque ab his Eleatici philosophi nominabantur: post Euclides, Socratis discipulus, Megareus: a quo idem illi Megarici dicti; qui id bonum solum esse dicebant, quod esset unum, & simile, & idem & semper. hi quoque multa a Platone. a Menedemo autem, quod is Eretrias fuit, Eretriaci appellati:

lati : quorum omne bonum in mente positum , & mentis acie , qua uerum cerneretur . illis similia , sed , opinor , explicata uberius , & ornatius . hoc si contemnimus , atque abiectos putamus ; illos certe minus despicere debemus , Aristonem ; qui cum Zenonis fuisset auditor , reprobauit illa , quae ille uerbis ; nihil esse bonum , nisi uirtutem ; neque malum , nisi , quod uirtuti esset contrarium : in medijs ea momenta , quae Zeno uoluit , nulla esse censuit . huic summum bonum est , in his rebus neutram in partem moueri : quae ἀδιαφορία ab ipso dicitur . Pyrrho autem , ea ne sentire quidem sapientem , quae ἀπαθὴ nominantur . Has igitur tot sententias omittamus : haec uideamus , quae nunc diu , multumq. defensa sunt . Alij uoluptatem finem esse uoluerunt . quorum princeps Aristippus , qui Socratem audierat ; unde Cyrenaeici : post Epicurus , cuius est disciplina nunc notior , neque tamen cum Cyrenaeicis de ipsa uoluptate consentiens . Voluptatem autem , & honestatem fines esse , Callipho censuit : uacare omni molestia , Hieronymus : hoc idem cum honestate , Diodorus . ambo hi Peripatetici . Honestate autem uiuere , fruente rebus ijs , quas primas homini natura conciliet , & uetus Academia censuit , ut indicant scripta Polemonis , quem Antiochus probat maxime : & Aristoteles , eiusq. amici nunc proximè uidentur accedere . Introducebat etiam Carneades , non quo probaret , sed ut opponeret Stoicis , summum bonum esse , frui ijs rebus , quas primas

f 2 natura

Amm. in Pr.
Arist. pref.

ACADEM. QVAEST.

natura conciliauisset . honestum autem , quod ducatur a conciliatione naturae . Zeno statuit finem esse bonorum , qui inuentor , & princeps Stoicorum fuit . Iam illud perspicuum est , omnibus finibus ijs bonorum , quos exposui , malorum fines esse contrarios . ad uos nunc refero , quem sequar : modo ne quis illud tam ineruditum , absurdumq. respondeat ; quemlibet , modo aliquem . nihil potest dici inconsideratius . cupio sequi Stoicos : licet ne ? omitto , per ipsum Aristotelem , meo iudicio in philosophia prope singularem : per ipsum Antiochum , qui appellabatur Academicus , erat quidem , si perpauca mutauisset , germanissimus Stoicus . erit igitur res iam in discrimine . nam aut Stoicus constituatur sapiens , aut ueteris Academiae . utrumque non potest . est enim inter eos non determinis , sed de tota possessione contentio . nam omnis ratio uitae definitione summi boni continetur : de qua qui dissident , de omni ratione uitae dissident . nō potest igitur uterque sapiens esse , quoniam tantopere dissentiunt , sed alter . si Polemoneus : peccat Stoicus , rei falsae assentiens . uos quidem nihil dicitis a sapiente tam alienum esse . sin uera sunt Zenonis : eadem in ueteres Academicos Peripateticos dicenda . hic igitur , neutri assentiens . si numquam , uter est prudentior ? Quid , cum ipse Antiochus dissentit quibusdam in rebus ab ijs , quos amat , Stoicis ; non ne indicat , non posse illa probabilia esse sapienti ? placet Stoicis , omnia peccata esse paria : et hoc Antiocho uehementissime

tissime displicet . liceat tandem mihi considerare , utram sententiam sequar . praecide , inquit : statue aliquando quidlibet . quid ? dicuntur quidem , & acuta mihi uidentur in utramque partem , et paria . nonne caueam , ne scelus faciam ? scelus enim dicebas esse , Luculle , dogma prodere . contineo igitur me , ne incognito assentiar : quod mihi tecum est dogma commune . Ecce multo maior etiam dissensio . Zeno in una uirtute positam beatam uitam putat . quid Antiochus ? etiam , inquit , beatam , sed non beatissimam . deus ille , qui nihil censuit deesse uirtuti : homuncio hic , qui multa putat , praeter uirtutem , homini partim cara esse , partim etiam necessaria . sed ille , uereor , ne uirtuti plus tribuat , quam natura patiatur , praesertim Theophrasto multa diserte , copioseque dicente : & hic , metuo , ne uix sibi constet : qui cum dicat esse quaedam & corporis , & fortunae mala , tamen cum , qui in his omnibus sit , beatum fore censet , si sapiens sit . Distrabor . tum hoc mihi probabilius , tum illud uidetur : & tamen , nisi alterutrum sit , uirtutem iacere plane puto . Verum in his discrepant : quid illa , in quibus consentiunt ? num pro ueris probare possumus ? sapientis animum numquam neque cupiditate moueri , neque laetitia efferrri . Age , haec probabilia sane sint : num etiam illi : numquam timere , numquam dolere . sapiens ne non timeat ? nec , si patria deleatur , non doleat : satis durum ; sed Zenoni necessarium ; cui , praeter honestum , nihil est in bonis ; tibi uero An-

ACADEM. QVAEST.

tioshe minime; cui, praeter honestatem, multa bona, praeter turpitudinem, multa mala uidentur: quae & uenientia metuat sapiens, necesse est, & uenisse doleat. Sed quaero, quando ista fuerint ab Academia uetere decreta, ut animum sapientis commoueri, & conturbari negarent? mediocritates illi probant, & in omni permotione naturalem uolebant esse quendam modum. legimus omnes Crantoris, ueteris Academici, de luctu. est enim non magnus, uerum aureolus, & ut Tuberoni Panaetius praecipit, ad uerbum ediscendus libellus. Atque illi quidem etiam utiliter a natura dicebant permotiones istas animis nostris datas, metum cauendi causa, misericordiam, aegritudinemq. clementiae: ipsam iracundiam fortitudinis quasi cotem esse dicebant: recte, secus ne, alias uiderimus: atrocitas quidem ista tua quo modo in ueterem Academiam irruerit, nescio. illa uero ferre non possum: non quod mihi displiceant: sunt enim Socratica pleraque: mirabilia Stoicorum, quae παράδοξα nominantur: sed ubi Xenocrates, ubi Aristoteles ista tetigit? hos enim quasi eosdem esse uultis. illi umquam dicerent, sapientes solos reges? solos diuites? solos formosos? omnia, quae ubique essent, sapientis esse? neminem consulem, praetorem, imperatorem, nescio an ne quinqueuirum quidem quemquam, nisi sapientem? postremo, solum ciuem? solum liberum? insipientes omnes, peregrinos, exsules, seruos, furiosos? denique scripta Lycurgi, Solonis, duodecim tabulas

las nostras, non esse leges? ne urbes denique, aut ciuitate, nisi quae essent sapientium? Haec tibi, Luculle, si es assensus Antiocho, familiari tuo, tam sunt defendenda, quam moenia: mihi autem bono modo, tantum, quantum uidebitur. Legi apud Clitomachum, cum Carneades, & Stoicus Diogenes ad senatum in Capitolio starent, A. Albium, qui tum P. Scipione & M. Marcello cos. praetor esset; eum, qui cum auo tuo, Luculle, consul fuit, sane doctum hominem, ut indicat ipsius historia scripta graece, iocantem dixisse Carneadi: ego tibi, Carneade, praetor esse non uideor, quia sapiens non sum; nec haec urbs, nec in ea ciuitas? Tum ille: huic Stoico non uideris. Aristoteles, aut Xenocrates; quos Antiochus sequi uolebat, non dubitasset, quin & praetor ille esset, & Roma urbs, & eam ciuitas incoleret. Sed ille noster est plane, ut supra dixi, Stoicus, per pauca balbutiens. uos autem mihi remini, ne labor ad opinionem, & aliquid asciscam & comprobem incognitum: quod minime uultis. quid consilij datis? testatur saepe Chrysippus, tres solas esse sententias, quae defendi possint, de finibus bonorum; circumcidit, & amputat multitudinem: aut enim honestatem esse finem, aut uoluptatem; aut utrumque: nam qui dicant summum bonum id esse, si uacemus omni molestia; eos inuidiosum nomen uoluptatis fugere, sed in uicinitate uersari: quod facere eos etiam, qui illud idem cum honestate coniungerent: nec multo secus eos, qui ad honestatem

Albinus.

ACADEM. QVAEST.

neſtatem prima naturae commoda adiungerent. ita
tres reliquit ſententias, quas putet probabiliter poſ-
ſe defendi. Sit ſane ita: quamquam a Polemonis, et
Peripateticorum, & Antiochi finibus non facile
diuellor: nerue quidquam habeo adhuc probabilius.
ueruntamen uideo, quam ſuauiſſime uoluptas ſenſi-
bus noſtris blandiatur. labor, ut aſſentiar Epicuro,
aut Ariſtippo. reuocat uirtus, uel potius reprehen-
dit manu: pecudum illos motus eſſe dicit, hominem
iungit deo. poſſum eſſe medius: ut, quoniam Ari-
ſtippus, quaſi animum nullum habeamus, corpus
ſolum tuetur, Zeno, quaſi corporis ſimus expertes,
animum ſolum complectitur; ut Calliphontem ſe-
quar: cuius quidem ſententiam Carneades ita ſtu-
dioſe deſenſitabat, ut eam probare etiam uideretur:
quamquam Clitomachus aſſirmabat, numquam
ſe intelligere potuiſſe, quid Carneadi probaretur.
ſed, ſi ipſum finem uelim ſequi; non ne ipſa ſeueri-
tas, & grauis, & recta ratio mihi obſeruetur? tu,
cum honeſtas in uoluptate contemnenda conſiſtat,
honeſtatem cum uoluptate, tamquam hominem cum
bellua, copulabis? unum igitur par, quod depugnet,
reliquum eſt, uoluptas cum honeſtate. de quo Chry-
ſippo fuit, quantum ego ſentio, non, magna conten-
tio. alterum ſi ſequare, multa ruunt, et maxime com-
munitas cum hominum genere, caritas, amicitia, iuſti-
tia, reliquae uirtutes: quarum eſſe nulla poteſt, niſi
erit gratuita. nā quae uoluptate, quaſi mercede ali-
qua, ad officiū impellitur, ea non eſt uirtus, ſed fallax.
imi-

imitatio, simulatioq. uirtutis. Audi contra illos, qui nomen honestatis a se ne intelligi quidem dicant: nisi forte, quod gloriosum sit in uulgus, id honestum uelimus dicere: fontem omnium bonorum in corpore esse: hanc normā, hanc regulam, hanc praescriptionem esse naturae: a qua qui aberrauisset, cum nunquam, quid in uita sequatur, habiturum. Nihil igitur me putabis, haec, & alia innumerabilia cum audiam, moueri? tam moueor, quam tu, Luculle: neque me minus hominem, quam te, putaueris. tantum interest, quod tu, cum es commotus, acquiescis, assentiris, approbas, uerum illud, certum, comprehensum, perceptum, ratum, firmum, fixum fuisse uis; deq. eo nulla ratione neque pelli, neque moueri potes: ego nihil eiusmodi esse arbitror, cui si assensus sim, non assentiar saepe false; quoniam uera a falsis nullo discrimine separantur, praesertim cum iudicia ista dialecticae nulla sint. Venio enim iam ad tertiā partē philosophiae. Aliud iudicium Protagorae est, qui putet id cuique uerum esse, quod cuique uideatur: aliud Cyrenaicorum, qui, praeter per motiones intimas, nihil putant esse iudicij: aliud Epicuri, qui omne iudicium in sensibus, & in rerum notitijs, & in uoluptate constituit. Plato autem omne iudicium ueritatis, ueritatemq. ipsam, abductam ab opinioni bus & a sensibus, cogitationis ipsius, & mentis esse uoluit. Num quid horum probat noster Antiochus? ille uero ne maiorum quidem suorum. ubi enim aut Xenocratem sequitur, cuius libri sunt de ratione loquendi

ACADEM. QVAEST.

quendi multi, & multum probati; aut ipsum Aristotelem, quo profecto nihil est acutius, nihil politius; a Chrysippo pedem numquam. quid ergo Academici appellamur? an abutimur gloria nominis? aut cur cogimur eos sequi, qui inter se dissident? In hoc ipso, quod in elementis dialectici docent, quo modo iudicare oporteat, uerum, falsum ne sit, si quid ita connexum est, ut hoc; si dies est, lucet; quanta contentio est? aliter Diodoro, aliter Philoni, Chrysippo aliter placet. Quid? cum Cleanthe, doctore suo, quam multis rebus Chrysippus dissidet? quid? duo uel principes dialecticorum, Antipater, & Archidemus, opiniosissimi homines, nonne multis in rebus dissentiunt? Quid me igitur, Luculle, in inuidiam, et tamquam in concionem uocas? & quidem, ut seditiosi tribuni solent, occludi tabernas iubes. quo enim spectat illud, cum artificia tolli quereris a nobis, nisi ut opifices concitentur? qui si undique omnes conuenerint, facile contra uos incitabuntur. ex promam primū illa inuidiosa, quod eos omnes, qui in concione stabunt, exsules, seruos, insanos esse dicatis: deinde ad illa ueniam, quae iam non ad multitudinem, sed ad uosmet ipsos, qui adestis, pertinent. negat enim uos Zeno, negat Antiochus scire quidquam. quo modo, inquires? nos enim defendimus, etiam insipientem multa comprehendere. at scire negatis, quemquam rem ullam nisi sapientem. et hoc quidem Zeno gestu conficiebat. nam cū, extensis digitis, aduersam manū ostenderat, uisum, inquebat,

inquirebat, huiusmodi est; deinde, cum paulum digi-
tos constrinxerat, assensus huiusmodi; tum cum pla-
ne compresserat, pugnumq. fecerat, comprehensio-
nem illam esse dicebat. qua ex similitudine etiam no-
men ei rei, quod ante non fuerat, κατάληψιν imposu-
it. cum autem laeuam manum admouerat, et illum
pugnum arte, uehementerq. compresserat; scien-
tiam talem esse dicebat: cuius cōpotem, nisi sapien-
tem, esse neminem. sed, qui sapiens sit, aut fuerit, ne
ipsi quidem solent dicere. ita tu nunc Catule lucere
nescis: nec tu Hortensi, in tua uilla nos esse. Num
nimis haec inuidiose dicuntur? haec tamen minus ele-
ganter, illa subtilius. Sed quo modo tu, si nihil cōpre-
hendi posset, artificia concidere dicebas; nec mihi da-
bas, id, quod probabile esset, sai is magnam uim ha-
bere ad artes: sic ego nunc tibi refero, artē sine scien-
tia esse non posse. an pateretur hoc Zeusis, aut Phi-
dias, aut Polycletus, nihil se scire, cum in his esset
tanta solertia? quod si eos docuisset aliquis, quā uim
habere diceretur scientia: desinerent irasci: ne nobis
quidem succenserent; cum didicissent id tollere nos,
quod nusquam esset; quod autem satis esset ipsis, re-
linquere. quam rationem maiorum etiam compro-
bat diligentia: qui primum iurare ex sui animi sen-
tentia quemque uoluerunt; deinde ita teneri, si sciēs
falleret; quod inscientia multa uersaretur in uita;
tum, qui testimonium diceret, ut arbitrari se diceret
etiam quod ipse uidisset; quaeq. iurati iudices cogno-
uissent, ut ea non esse facta, sed ut, uideri, pronuncia-
rent.

rent. Verum, quoniam non solum nauta significat, sed etiam Fauonius ipse insusurrat, nauigandi nobis, Luculle, tempus esse; & quoniam satis multa dixi; est mihi perorandum. posthac tamen, cū haec quaeremus, potius de dissensionibus tantis summorum uirorum differamus, de obscuritate naturae, deq. errore tot philosophorum, qui de bonis, contrarijsq. rebus tantopere discrepant, ut, cum plus uno uerum esse non possit, iacere necesse sit tot, & tam nobiles disciplinas; quam de oculorum, sensuumq. reliquorum mendacijs, et de sorite, aut pseudomeno; quas plagas ipsi contra se Stoici texuerunt. Tum Lucullus, non moleste, inquit, fero nos haec contulisse. saepius enim congregientes nos, & maxime in Tusculanis nostris, si qua uidebuntur, requiremus. Optime, inquam: sed quid Catulus sentit? quid Hortensius? Tum Catulus, ego ne, inquit? ad patris reuoluo sententiam: quam quidem ille Carneadeā esse dicebat: ut percipi nihil putem posse, assensurum autem non percepto, id est opinaturum, sapientem existimem, sed ita, ut intelligat se opinari, sciatq. nihil esse, quod
 * cōprehendi et percipi possit. per ἐπὶ τοῦτο illam omnium rerum cōprobans, illi alteri sententiae, nihil esse, quod percipi possit, uehementer assentior. Habeo, inquam, sententiam tuā; neque eam admodum aspernor: sed tibi quid tandem uidetur Hortensi? Tum ille ridens, tollendum teneo te, inquam. nam ista Academiae est propria sententia. Ita sermone confecto, Catulus remansit, nos ad nauiculas nostras descendimus.

CICERO VARRONI S. D.

E T S I, munus flagitare, quamuis *fam. lib. 9.*
 quis ostenderit, ne populus quidem so- *ep. 8.*
 let, nisi concitatus: tamen ego exspecta-
 tione promissi tui moveor, ut admo-

neam te, non ut flagitem. misi autem ad te quat-
 tuor admonitores, non nimis verecundos. nosti e-
 nim profecto os eius adolescentioris Academiae. ex
 ea igitur media excitatos misi: qui, metuo, ne te for-
 te flagitent: ego autem mandavi, ut rogarent. exspe-
 ctabam omnino iam diu, meque sustinebam, ne ad te
 prius ipse quid scriberem, quam aliquid accepissem,
 ut possem te remunerari quamsimillimo munere:
 sed, cum tu tardius faceres, id est, ut ego interpre-
 tor, diligentius; teneri non potui, quin coniunctio-
 nem studiorum, amorisque nostri quo possem littera-
 rum genere declararem. feci igitur sermonem, in-
 ter nos habitum in Cumano, cum esset una Pom-
 ponius. tibi dedi partes Antiochinas; quas a te pro-
 bari, intellexisse mihi uidebar: mihi sumpsit Philo-
 nis. puto fore, ut, cum legeris, mirere id nos locu-
 tos esse inter nos, quod numquam locuti sumus: sed *mos dialo-*
 nosti morem dialogorum. posthac autem, mi Var- *gor.*
 ro, quamplurima, si uidebitur, & de nobis, &
 inter nos, sero fortasse, sed superiorum temporum
 fortuna reip. causam sustineat: haec ipsi praestare
 debemus. atque utinam, quietis temporibus, atque
 aliquo si non bono, at saltem certo statu civitatis,
 haec

ACADEM. QVAEST.

haec inter nos studia exercere possemus. quamquam
tum quidem uel aliae quaedam rationes honestas
nobis & curas, & actiones darent: nunc autem
quid est, sine his cur uiuere uelimus? mihi uero cum
his ipsis uix, his autem detractis, ne uix quidem.
Sed haec coram, & saepius. Migrationem, & em-
ptionem feliciter euenire uolo; tuumq. in ea re con-
siliu probor. Cura ut ualeas.

48

M. TVLLII CICERONIS
ACADEMICARVM QVAE-
STIONVM, EDITIONIS
SECVNDAE, LIBER I.

I N CVMANO nuper cum mecum
Atticus noster esset, nunciatum est no-
bis a M. Varrone, uenisse eum Roma
pridie uesperis, & nisi de uia fessus es-
set, continuo ad nos uenturum fuisse. quod cum au-
diuissemus, nullam moram interponendam putau-
mus, quin uideremus hominem nobiscum & studijs
ijsdem, et uetustate amicitiae coniunctū: itaque con-
festim ad eum ire perreximus; paullumq. cum eius
uilla abessemus, ipsum ad nos uenientem uidimus;
atque illum complexi, ut mos amicorum est, satis
eum longo intervallo ad suam uillam reduximus.
hic pauca primo, atque ea percunctantibus nobis,
& si quid forte Roma noui; Atticus, omitte ista,
quae nec percunctari, nec audire sine molestia possu-
mus, quaeso, inquit; & quaere potius, ecquid ipse
noui. silent enim diutius musae Varronis, quam so-
lebant: nec tamen istum cessare, sed celare quae
scribat, existimo. Minime uero, inquit ille. intem-
perantis enim esse arbitror, scribere quod occulta-
ri uelit: sed habeo opus magnum in manibus; quod
iam pridem ad hunc ipsum (me autem dicebat)
quaedam institui, quae & sunt magna sane, & li-
mantur a me politius. Et ego, ista quidem, inquam,
Varro,

ACADEM. QVAEST.

Varro, iam diu expectans, non audeo tamen flagitare. audiui enim e Libone nostro, cuius nosti studium, (nihil enim eiusmodi caelare possumus) non ea te intermittere, sed accuratius tractare, nec de manibus umquam deponere. illud autem mihi ante hoc tempus nunquam in mentem uenit a te requirere. sed nunc, postea quam sum ingressus res eas, quas tecum simul didici, mandare monumentis, philosophiamque ueterem illam, a Socrate ortam, latinis litteris illustrare; quaero, quid sit, cur, cum multa scribas, genus hoc praetermittas; praesertim cum et ipse in eo excellas; & id studium, totaque ea res longe ceteris & studiis, & artibus antecedit. Tum ille, rem a me saepe deliberatam, et multum agitatam, requiris. itaque, non multum haesitans, respondebo: sed ea dicam, quae mihi sunt in promptu; quod ista ipsa de re multum, ut dixi, & diu cogitavi. Nam cum philosophiam uiderem diligentissime litteris graecis explicatam, existimaui, si qui de nostris eius studio tenerentur, si essent graecis doctrinis eruditi, graeca potius, quam nostra lecturos; sin a Graecorum artibus, et disciplinis abhorrent, ne haec quidem curaturos, quae sine eruditione graeca intelligi non possunt: itaque ea nolui scribere, quae nec indocti intelligere possent, nec docti legere curarent. uides autem eadem ipse. didicisti enim non posse nos Amasani, aut Rabirij similes esse; qui, nulla arte adhibita, de rebus ante oculos positis uulgari sermone disputant, nihil definiunt, nihil par-

tiun-

tiuntur, nihil apta interrogatione concludunt, nullam denique artem esse nec dicendi, nec differendi putant. nos autem praeceptis dialecticorum, & oratorum, (quoniam utramque uim unam esse nostri putant) sic parentes, ut legibus, uerbis, quamquam nouis, cogimur uti: quae docti, ut dixi, a Graecis petere malunt, indocti ne a nobis quidem accipiunt: ut frustra omnis suscipiatur labor. Iam uero, physica, si Epicurum, id est si Democritum probarem, possem scribere ita plane ut Amasanius. quid est enim magnum, cum causas rerum efficientium sustuleris, de corpusculorum (ita enim appellat atomos) concursione fortuita loqui? nostra tu physica nosti, quae contineantur ex effectione, & ex materia ea, quam fingit, & format effectio. Adhibenda etiam geometria est: (quoniam quibusnam quisquam enunciare uerbis, aut quem ad intelligendum poterit adducere?) haec ipsa de uita, & moribus, de expetendis, fugiendisq. rebus. illi enim simpliciter pecudis & hominis idem bonum esse censent. apud nostros enim, non ignoras, quae sit, & quanta subtilitas. siue enim Zenonem sequare: magnum est efficere, ut quis intelligat, quid sit illud uerum, & simplex bonum, quod non possit ab honestate seiungi: quod bonum quale sit, negat omnino Epicurus sine uoluptatibus, sensum mouentibus, nec suspicari. si uero Academiam ueterem persequamur, quam nos, ut scis, probamus: quam erit illa acute explicanda nobis? quam argute, quam

ACADEM. QVAEST.

obscure etiam contra Stoicos differendum? Totum
igitur illud philosophiae studium mihi quidem ipse
umo & ad uitae consuetudinem, & constantiam
squantam possum, & ad delectationem animi; nec
ullum arbitror, ut apud Platonem est, maius, aut
melius a dijs datum munus homini: sed meos ami-
cos, in quibus est studium, in Graeciam mitto, id
est ad Graecos ire iubeo, ut ea a fontibus potius hau-
riant, quam riuulos consecretur. quae autem ne-
mo adhuc docuerat, nec erat unde studiosi scire pos-
sent, ea, quantum potui, (nihil enim magnopere
meorum miror) feci ut essent nota nostris. a Grae-
cis enim peti non poterant, ac, post L. Aelii nostri
occasum, ne a Latinis quidem. et tamen in illis ue-
teribus nostris, quae, Menippum imitati, non in-
terpretati, quadam hilaritate conspersimus, multa
admissa ex intima philosophia, multa dialectice di-
cta: quae quo facilius minus docti intelligerent in-
cunditate quadam ad legendum inuitati, in lauda-
tionibus, in ijs ipsis antiquitatum prooemijs philo-
sophice scribere uoluimus, si modo consecuti sumus.
Tum ego, sunt, inquam, ista, Varro. nam nos,
in nostra urbe peregrinantes, errantesq., tamquam
hospites, tui libri quasi domum reduxerunt; ut pos-
semus aliquando, qui, & ubi essemus, agnoscere.
tu aetatem patriae, tu descriptiones temporum, tu
sacrorum iura, tu sacerdotum, tu domesticam, tu
bellicam disciplinam, tu sedem regionum, loco-
rum, tu omnium diuinarum humanarumq. rerum
nomina,

off. lib. p. 4.

nomina, genera, officia, causas aperuisti: plurimūq. poetis nostris, omninoq. latinis et litteris luminis attulisti, & uerbis: atque ipse uarium, & elegans, omni fere numero, poema fecisti: philosophiamq. multis locis inchoasti, ad impellendum satis, ad docendum parum. Causam autem probabilem tu quidem affers: (aut enim graeca legere malent, qui erunt eruditi; aut ne haec quidem, qui illa nesciunt) sed da te mihi nunc: satis ne probas? immo uero & haec, qui illa non poterunt, & qui graeca poterunt, non contemnent sua. quid enim causae est, cur poetas latinos graecis litteris eruditi legant, philosophos non legant? an, quia delectat Ennius, Pacuuius, Attius, qui non uerba, sed uim graecorum expresserunt poetarum? quanto magis philosophi delectabunt, si, ut illi Aeschylum, Sophoclem, Euripidem, sic hi Platonem imitentur, Aristotelem, Theophrastum? Oratores quidem laudari uideo, si qui e nostris Hyperidem sint, aut Demosthenem imitati. ego autem, (dicam enim, ut res est) dum me ambitio, dum honores, dum causae, dum reip. non solum cura, sed quaedam etiam procuratio multis officijs implicatum, et constrictum tenebat, haec inclusa habebam, & ne obsolecerent, renouabam, cum licebat, legendo: nunc uero & fortunae grauissimo percussus uulnere, & administratione reip. liberatus, doloris medicinam a philosophia peto, & otij oblectationem hanc honestissimam iudico. aut enim huic aetati hoc maxi-

ACADEM. QV AEST.

me aptum est; aut ijs rebus, si quas dignas laude
gessimus, hoc in primis consentaneum; aut etiam
ad nostros ciues erudiendos nihil utilius: aut, si haec
ita non sunt, nihil aliud uideo, quod agere possimus.
Brutus quidem noster, excellens omni genere lau-
dis, sic philosophiam latinis litteris persequitur, ni-
hil ut iisdem de rebus graeca desideres. et eandem
quidem sententiam sequitur, quam tu. nam Ari-
stum Athenis audiuit aliquandiu; cuius tu fratrem
Antiochum. quamobrem da, quaeso, te huic etiam
generi litterarum. Tum ille, istuc quidem conside-
rabo, nec uero sine te. sed de te ipso quid est, in-
quit, quod audio? Quanam, inquam, de re? Re-
lictam a te ueterem iam, inquit, tractari autem
nouam. Qui ergo, inquam, Antiocho id magis li-
cuerit, nostro familiari, remigrare in domum ue-
terem e noua, quam nobis in nouam e uetere? cer-
te enim recentissima quaeque sunt correctae et emen-
datae maxime. quamquam Antiochi magister Phi-
lo, magnus uir, ut tu existimas ipse, negarit in li-
bris, quod coram etiam ex ipso audiebamus, duas
Academias esse: erroremq. eorum, qui ita puta-
runt, coarguit. Est, inquit, ut dicis: sed ignorare te
non arbitror, quae contra Philonē Antiochus scri-
pserit. Immo uero & istam, & totam ueterem
Academiam, a qua absum tamdiu, renouari a te,
nisi molestum est, uelim: & simul assidamus, in-
quam, si uidetur. Sane istud quidem, inquit. sum
enim admodum infirmus. sed uideamus, idem ne
Attico

Attico placeat fieri a me, quod te uelle uideo. Mihi uero, inquit ille. quid est enim, quod malim, quam ex Antiocho iam pridem audita recordari, & simul uidere, satis ne ea commode dici possint latine? Quae cum sunt dicta, in conspectu consedimus omnes. Tum Varro ita exorsus est. Socrates mihi uidetur, id quod constat inter omnes, primus a rebus occultis, & ab ipsa natura inuolutis, in quibus omnes ante eum philosophi occupati fuerunt, auocauisse philosophiam, & ad uitam communem adduxisse, ut de uirtutibus, & uitijs, omninoq. de bonis rebus, & malis quaereret, caelestia autem uel procul esse a nostra cognitione censeret, uel, si maxime cognita essent, nihil tamen ad bene uiuendum conferre. hic in omnibus fere sermonibus, qui ab ijs, qui illum audierunt, perscripti uarie; copiose sunt, ita disputat, ut nihil affirmet ipse, refellat alios; nihil se scire dicat, nisi id ipsum; eoq. praestare ceteris, quod illi, quae nesciant, scire se putet, ipse, se nihil scire, id unum sciat; ob eamq. rem se arbitrari ab Apolline omnium sapientissimum esse dictum, quod haec esset una omnis sapientia, non arbitrari sese scire, quod nesciat. quae cum diceret constanter, & in sententia permaneret; omnis eius oratio tum in uirtute laudanda, & in omnibus hominibus ad uirtutis studium cohortadis consumebatur; ut Socraticorum libris, maximeq. Platonis intelligi potest. Platonis autem auctoritate, qui uariis, & multiplex, & copiosus fuit, una & con-

ACADEM. QVAEST.

sentiens duobus uocabulis philosophiae forma instituta est, Academicorum, & Peripateticorum: qui rebus congruentes, nominibus differebant. nam cum Speusippum, sororis filium, Plato philosophiae quasi heredem reliquisset, duos autem praestantissimos studio, atque doctrina, Xenocratem Chalcedonium, & Aristotelem Stagiritem: qui erant cum Aristotele, Peripatetici dicti sunt, quia disputabant inambulantes in Lyceo; illi autem, qui Platonis instituto in Academia, quod est alterum gymnasium, coetus erant & sermones habere soliti, ex loci uocabulo nomen habuerunt: sed utrique Platonis ubertate completi certam quandam disciplinae formulam composuerunt, & eam quidem plenam, ac refertam: illam autem Socraticam dubitationem de omnibus rebus, & nulla affirmatione adhibita, consuetudinem differendi reliquerunt. ita facta est differendi, quod minime Socrates probabat, ars quaedam philosophiae, & rerum ordo, & descriptio disciplinae. quae quidem erat primo duobus, ut dixi, nominibus una. nihil enim inter Peripateticos, & illam ueterem Academiam differebat. abundantia quadam ingenij praestabat, ut mihi uidetur quidem, Aristoteles: sed idem fons erat utrisque, & eadem rerum expetendarum fugiendarumque partitio. Sed quid ago, inquit? aut sum ne sanus, qui haec uos docco? nam etsi non sus Minervam, ut aiunt: tamen inepte, quisquis Minervam docet. Tum Atticus, tu uero, inquit, perge, Varro. ualde

de enim amo nostra, atque nostros: meq. ista de-
stant, cum latine dicuntur, & isto modo. Quid
me, inquam, putas? qui philosophiam iam profes-
sus sim populo nostro exhibiturum. Pergamus
igitur, inquit, quoniam placet. Fuit ergo, iam
accepta a Platone, philosophandi ratio triplex; una
de uita, & moribus; altera de natura, & rebus
occultis; tertia de differendo, &, quid uerum, quid
falsum, quid rectum in oratione, prauum ue, quid
consentiens, quid repugnans, iudicando. Ac pri-
mam partem illam bene uiuendi a natura petebant,
eiq. parendum esse dicebant, neque ulla alia in re,
nisi in natura, quaerendum esse illud summum bo-
num, quo omnia referrentur: constituebantque, ex-
tremum esse rerum expetendarum, & finem bo-
norum, adeptum esse omnia e natura, & animo,
& corpore, & uita. Corporis autem alia ponebant
esse in toto, alia in partibus; ualetudinem, uires,
pulchritudinem in toto; in partibus autem sensus
integros, & praestantiam aliquam partium singu-
larum, ut in pedibus celeritatem, uim in manibus,
claritatem in uoce, in lingua etiam explanatam uo-
cum impressionem. Animi autem, quae essent ad
comprehendendam ingenij uirtutem idonea, eaq. ab
ijs in naturam, & mores diuidebantur. naturae ce-
leritatem ad discendam, & memoriam dabant:
quorum utrumque mentis esset proprium, & inge-
nij. inorum autem putabant studia esse, & quasi
consuetudinem: quam partim exercitationis assidui

3 4 tate,

ACADEM. QVAEST.

tate, partim ratione formabant. in quibus erat philosophia ipsa. in qua quod inchoatum est, neque absolutum, progressio quaedam ad uirtutem appellatur; quod autem absolutum, id est uirtus, quasi perfectio naturae, omniumque rerum, quas in animis ponunt, una res optima. Ergo haec animorum. Vitae autem (id enim erat tertium) adiuncta esse dicebant, quae ad uirtutis usum ualerent. Iam, uirtus animi bonis & corporis cernitur in quibusdam, quae non tam naturae, quam beatae uitae adiuncta sunt. Hominem esse censebant quasi partem quandam ciuitatis, & uniuersi generis humani, eumque esse coniunctum cum hominibus humana quadam societate. Ac de summo quidem ac naturali bono sic agunt: cetera autem pertinere ad id putant, aut ad agendum, aut ad tuendum, ut diuitias, ut opes, ut gloriam, ut gratiam. ita tripartita ab ijs inducitur ratio bonorum. Atque haec sunt tria genera, quae putant plerique Peripateticos dicere: id quidem non falso: est enim haec partitiio illorum: illud imprudenter, si alios esse Academicos, qui tum appellarentur, alios Peripateticos arbitrantur. communis haec ratio, & utrisque hic bonorum finis uidebatur, adipisci quae essent prima in natura, quaeque ipsa per sese expetenda, aut omnia, aut maxima. ea sunt autem maxima, quae in ipso animo, atque in ipsa uirtute uersantur. itaque omnis illa antiqua philosophia sensit in una uirtute esse positam beatam uitam, nec tamen beatissimam, nisi ad-

adiungerentur & corporis, & cetera, quae supra dicta sint, ad uirtutis usum idonea. Ex hac descriptione, agendi quoque aliquid in uita, & officij ipsius initium reperiatur: quod erat in conseruatione earum rerum, quas natura praescriberet. hinc gignebatur fuga desidia, uoluptatumq. contemptio: ex quo laborum, dolorumq. susceptio multorum, magnorumq., recti honestiq. causa, et earum rerum, quae erant congruentes cum descriptione naturae: unde & amicitia existeret, & iustitia, atque aequitas. haec & uoluptatibus, & multis uitae commodis anteponebantur. Haec quidem fuit apud eos morum institutio, & eius artis, quam primam posui, forma, atque descriptio. De natura autem (id enim sequebatur) ita dicebant, ut eam diuiderent in res duas; ut altera esset efficiens, altera autem quasi huic se praebens, ea, qua efficeretur aliquid. in eo, quod efficeret, uim esse censebant; in eo autem, quod efficeretur, materiam quandam; in utroque tamen utrumque: neque enim materiam ipsam cohaerere potuisse, si nulla ui contineretur, neque uim sine aliqua materia. nihil est enim, quod non alicubi esse cogatur. Sed, quod ex utroque, id iam corpus, & quasi qualitatem quandam nominabant. dabitis enim profecto, ut in rebus inusitatis, quod Graeci ipsi faciunt, a quibus haec iam diu tractantur, utamur uerbis interdum inauditis. Nos uero, inquit Atticus. quin etiam graecis licebit utare, cum uoles; si te latina forte deficient. Bene sa-

*Haec.
1. 4. de
Senec. 77.*

110. 79.

ACADEM. QVAEST.

ne facis : sed enitar, ut latine loquar, nisi in huiusce-
modi uerbis, ut philosophiam, aut rhetoricen, aut
physicen, aut dialecticen appellem; quibus, ut alijs
multis, consuetudo iam utitur pro latinis. Qualita-
tes igitur appellavi, quas ποιότητες Graeci uocant:
quod ipsum apud Graecos non est uulgi uerbum, sed
philosophorum, atque id in multis. dialecticorum
quoque uerba nulla sunt publica: suis utuntur. &
id quoque commune omnium fere artium. aut enim
noua sunt rerum nouarum facienda nomina, aut
ex alijs transferenda, quod si Graeci faciunt, qui
in his rebus tot iam saecula uersantur: quanto id ma-
gis nobis concedendum est, qui haec nunc primum
tractare conamur? Tu uero, inquam, Varro,
bene etiā meriturus mihi uideris de tuis ciuibus, si
eos non modo copia rerum auxeris, ut effecisti, sed
etiā uerborum. Audebimus ergo, inquit, nouis
uerbis uti te auctore, si necesse est. Earum igitur
qualitatum sunt aliae principes, aliae ex ijs ortae.
principes sunt uniusmodi, & simplices. ex his au-
tem ortae uariae sunt, & quasi multiformes. itaque
aer quoque, (utimur enim pro latino) ignis, &
aqua, & terra, prima sunt. ex ijs autem ortae ani-
mantium formae, earumq. rerum, quae gignuntur
e terra. ergo illa initia (ut e graeco uertam) elemen-
ta dicuntur: e quibus aer, ignis mouendi uim ha-
bent, & efficiendi, reliquae partes accipiendi, &
quasi patiendi: aquam dico, & terram. Quintum
genus, e quo essent astra, mentesq. singulares,
eorum

eorum quattuor, quae supra dixi, dissimile Aristoteles quoddam esse rebatur. Sed subiectam putant omnibus sine ulla specie, atque carentem omni illa qualitate (faciamus enim tractando usitatus hoc uerbum, & tritius) materiam quandam, ex qua omnia expressa, atque efficta sint, quae tota omnia accipere possit, omnibusq. modis mutare, atque ex omni parte, eoq. etiam interire non in nihilum, sed in suas partes, quae infinite secari, ac diuidi possint; cum sit nihil omnino in rerum natura minimum, quod diuidi nequeat: quae autem mouentur, omnia interuallis moueri; quae interualla item infinite diuidi possint. et cum ita moueatur illa uis, quam qualitatem esse diximus; & cum sic ultro citroq. uersetur: & materiam ipsam totam penitus commutari putant, & ita effici quae appellant qualia; e quibus in omni natura cohaerente, & continuata cum omnibus suis partibus effectum esse mundum, extra quem nulla pars materiae sit, nullumq. corpus: partes autem esse mundi omnia, quae insint in eo, quae natura sentiente teneantur, in qua ratio perfecta insit, quae sit eadem sempiterna: nihil enim ualentius esse, a quo intereat. quam uim animum esse dicunt mundi, eandemq. esse mentem, sapientiamq. perfectam: quem deum appellant, omniumq. rerum, quae sunt ei subiectae, quasi prudentiam quandam, procurantem caelestia maxime, deinde interris ea, quae pertinent ad homines: quam interdum necessitatem appellant, quia nihil aliter
pos-

ACADEM. QVAEST.

possit, atque ab ea constitutum sit; inter quasi fatalem et immutabilem continuationem ordinis sempiterni: non numquam quidem eandem fortunam, quod efficiat multa impronisa, nec opinata nobis propter obscuritatem ignoracionemque caussarum. Tertia deinde philosophiae pars, quae erat in ratione, & differendo, sic tractabatur ab utrisque: quamquam oriretur a sensibus, tamen non esse iudicium ueritatis in sensibus. mentem uolebant rerum esse iudicem: solam censebant idoneam, cui crederetur; quia sola cerneret id, quod semper esset simplex, & uniusmodi, & tale, quale esset. hanc illi ideam appellabant, iam a Platone ita nominatam: nos recte speciem possumus dicere. Sensus autem omnes hebetes, & tardos esse arbitrabantur, nec percipere ullo modo res eas, quae subiectae sensibus uiderentur: quae essent aut ita paruae, ut sub sensum cadere non possent; aut ita mobiles, & concitatae, ut nihil unquam unum esset constans, ne idem quidem, quia continenter laberentur, & fluerent omnia. itaque hanc omnem partem rerum opinabilem appellabant. scientiam autem nusquam esse censebant, nisi in animi motionibus, atque rationibus. qua de causa definitiones rerum probabant, & has ad omnia, de quibus disceptabatur, adhibebant. Verborum etiam explicatio probabatur, qua de causa quaeque essent ita nominata: quam etymologiam appellabant. Post argumentis, & quasi rerum notis utebantur ad probandum, & ad concludendum id,

id, quod explanari uolebant: in quo tradebatur omnis dialectica disciplina, id est orationis ratione conclusae. huic quasi ex altera parte oratoria uis dicendi adhibebatur; explicatrix orationis perpetuae ad persuadendum accommodatae. Haec erat illis prima, a Platone tradita: cuius quas acceperim disputationes, si uultis, exponam. Nos uero uolumus, inquam; ut pro Attico etiam respondeam. Et recte, inquit, respondes. praeclare enim explicatur Peripateticorum, & Academiae ueteris auctoritas. Aristoteles primus species, quas paullo ante dixi, labefactauit: quas mirifice Plato erat amplexatus; ut in his quiddam diuinum esse diceret. Theophrastus autem, & oratione suavis, & ita moderatus, ut prae se probitatem quandam, & ingenuitatem ferat, uehementius etiam fregit quodam modo ueteris disciplinae auctoritatem: spoliavit enim uirtutem suo decore, imbecillamque reddidit, quod negauit in ea sola positum esse beate uiuere. Nam Strato, eius auditor, quamquam fuit acri ingenio, tamen ab ea disciplina omnino semouendus est: qui cum maxime necessariam partem philosophiae, quae posita est in uirtute, & moribus, reliquisset, totumque se ad inuestigationem naturae contulisset; in ea ipsa plurimum discedit a suis. Speusippus autem, & Xenocrates, qui primi Platonis rationem, auctoritatemque susceperant; & post hos Polemo, & Crates, unaque Crantor, in Academia congregati, diligenter ea, quae a superioribus acceperant, tuebantur.

*Arist.
Liman. i. Tab.*

ACADEM. QV AEST.

bantur . iam Polemonem audiuerunt assidue Zeno ,
 & Arcesilas . sed Zeno , cum Arcesilam anteiret
 aetate , ualdeq. subtiliter differeret , & peracute
 moueretur , corrigere conatus est disciplinam . eam
 quoque , si uidetur , correctionem explicabo , sicut
 solebat Antiochus . Mihi uero , inquam , uidetur :
 quod uides idem significare Pomponium . Zeno igitur
 nullo modo is erat , qui , ut Theophrastus , ner-
 uos uirtutis incideret ; sed contra , qui omnia , quae
 ad beatam uitam pertinerent , in una uirtute pone-
 ret , nec quidquam aliud numeraret in bonis , idq.
 appellaret honestum , quod esset simplex quoddam ,
 & solum , et unum bonum . cetera autem , etsi nec
 bona , nec mala essent , tamen alia secundum natu-
 ram dicebat , alia naturae esse contraria . ijs ipsis alia
 interiecta , & media numerabat . quae autem se-
 cundum naturam essent , ea sumenda , & quadam
 aestimatione dignanda docebat ; contraq. contraria :
 neutra autem in medijs relinquebat : in quibus po-
 nebat nihil omnino esse momenti ; sed , quae essent su-
 menda , ex ijs alia pluris esse aestimanda , alia mi-
 noris ; quae pluris , ea praeposita appellabat ; reiecta
 autem , quae minoris . Atque ut haec non tam rebus ,
 quam uocabulis commutauerat : sic inter recte fa-
 ctum , atque peccatum , officium , et contra officium
 media locabat quaedam , recte facta sola in bonis
 actionibus ponens , prae , id est peccata , in malis .
 officia autem & seruata , praetermissaq. , media pu-
 tabat , ut dixi . Cumq. superiores non omnem uirtu-
 tem

tem in ratione esse dicerent, sed quasdam uirtutes natura, aut more perfectas: hic omnes in ratione ponebat. Cumq. illi ea genera uirtutum, quae supra dixi, seiungi posse arbitrarentur: hic nec id ullo modo fieri posse differebat, nec uirtutis usum modo, ut superiores, sed ipsum habitum per se esse praeclarum, nec tamen uirtutem cuiquam adesse, quin ea semper uteretur. Cumq. perturbatione animi illi ex homine non tollerent; naturaq. & condolere, & concupiscere, & extimescere, & efferri laetitia dicerent, sed ea contraherent, in angustumq. deducerent: hic omnibus his quasi morbis uoluit carere sapientem. Cumq. eas perturbationes antiqui naturales esse dicerent, et rationis expertes; aliaq. in parte animi cupiditatem, alia rationem collocarent: ne his quidem assentiebatur: nam & perturbationes uoluntarias esse putabat, opinionisq. iudicio suscipi; & omnium perturbationum arbitrabatur esse matrem immoderatam quandam intemperantiam. Haec fere de moribus. De naturis autem sic sentiebat, primum ut in quattuor initijs rerum illis quintam hanc naturam, ex qua superiores sensus & mentem effici rebantur, non adhiberet. Statuebat enim, ignem esse ipsam naturam, quae quidque gigneret, et mentem, atque sensus. Discrepabat etiam ab iisdem, quod nullo modo arbitrabatur quidquam effici posse ab ea, quae expertus esset corporis: cuius generis Xenocrates, et superiores etiam animum esse dixerunt: nec uero, aut quod efficeret ali-

ACADEM. QVAEST.

aliquid, aut quod efficeretur, posse esse non corpus.
 Plurima autē in illa tertia philosophiae parte muta-
 uit. in qua primum de sensibus ipsis quaedam dixit
 noua: quos iunctos esse censuit e quadam quasi im-
 pulsione oblata extrinsecus: quam ille *φαντασίαν*,
 nos uisum appellemus licet, & teneamus hoc uer-
 bum quidem: erit enim utendum in reliquo sermo-
 ne saepius. Sed ad haec, quae uisa sunt, & quasi ac-
 cepta sensibus, assensionem adiungit animorum:
 quam esse uult in nobis positam, & uoluntariam.
 Visis non omnibus adiungebat fidem, sed ijs solum,
 quae propriam quandam haberent declarationem
 earum rerum, quae uiderentur: id autem uisum
 cum ipsum per se cerneretur, comprehensibile. Fe-
 retis haec? Nos uero, inquam. quonam enim mo-
 do *κατάληπτον* diceres? Sed, cum acceptum iam,
 & approbatum esset, comprehensionem appella-
 bat, similem ijs rebus, quae manu prenderentur:
 ex quo etiam nomen hoc duxerat; cum eo uerbo
 ante nemo tali in re usus esset. plurimisq. idem no-
 uis uerbis (noua enim dicebat) usus est. Quod au-
 tem erat sensu comprehensum, id ipsum sensum
 appellabat: & si ita erat comprehensum, ut con-
 uelli ratione non posset, scientiam; sin aliter, in-
 sciētiam nominabat; ex qua existeret etiam opinio,
 quae esset imbecilla, & cum falso, incognitoq. com-
 munis. Sed inter scientiam, & inscientiam, com-
 prehensionem illam, quam dixi, collocabat; eamq.
 neque in rectis, neque in prauis numerabat, sed
 soli


foli credendum esse dicebat . e quo sensibus etiam fidem tribuebat ; quod , ut supra dixi , comprehensio facta sensibus & uera esse illi , & fidelis uidebatur ; non quod omnia , quae essent in re , comprehenderet ; sed quia nihil , quod cadere in eam posset , relinqueret ; quodq. eam natura quasi normam scientiae , & principium sui dedisset ; unde postea notiones rerum in animis imprimerentur ; e quibus non principia solum , sed latiores quaedam ad rationem inueniendam uiae reperiuntur . Errorem autem , & temeritatem , & ignorantiam , & opinionem , & suspensionem , & uno nomine omnia , quae essent aliena firmae & constantis assensionis , a uirtute , sapientiaq. remouebat . Atque in ijs fere commutatio constitit omnis , dissensioq. Zenonis a superioribus . Quae cum dixisset ; breuiter sane , minimeq. obscure exposita est , inquam , a te , Varro , & ueteris Academiae ratio , & Stoicorum : uerum esse autem arbitror , ut Antiocho , nostro familiari , placebat , correctionem ueteris Academiae potius , quam aliquam nouam disciplinam , putandum . Tunc Varro , tuae sint nunc partes , inquit , qui ab antiquorum ratione nunc desciscis , & ea , quae ab Arcesila nouata sunt , probas , docere , quod , & qua de causa dissidium factum sit ; ut uideamus , satis ne ista sit iusta defectio . Tum ego , cum Zenone , inquam , ut accepimus , Arcesilas sibi omnes certamen instituit , non pertinacia , aut studio uincendi , ut mihi quidem uidetur , sed earum rerum obscuritate ,

ritate, quae ad confessionem ignorationis adduxerant Socratem, & ueluti amantes Socratem, Democritum, Anaxagoram, Empedoclem, omnes paene ueteres: qui nihil cognosci, nihil percipi, nihil sciri posse dixerunt; angustos sensus, imbecillos animos, breuia curricula uitae, & ut Democritus, in profundo ueritatem esse demersam; opinionibus & institutis omnia teneri, nihil ueritati relinqui: deinceps omnia tenebris circumfusa esse dixerunt. itaque Arcesilas negabat esse quidquam, quod sciri posset, ne illud quidem ipsum, quod Socrates sibi reliquisset. sic omnia latere censebant in occulto, neque esse quidquam, quod cerni, aut intelligi posset: quibus de causis nihil oportere neque profiteri, neque affirmare quemquam, neque assertionem approbare: cohibereque semper, & ab omni lapsu continere temeritatem; quae tum esset insignis, cum aut falsa, aut incognita res approbaretur: neque hoc quidquam esse turpius, quam cognitioni, & perceptioni assertionem, approbationemque praecurrere. huic rationi quod erat consentaneum, faciebat, ut contra omnium sententias dies iam plerosque deduceret; ut, cum in eadem re paria contrarijs in partibus momenta rationum inuenirentur, facilius ab utraque parte assertio sustineretur. Hanc Academiam nouam appellabant: quae mihi uetus uidetur: siquidem Platonem ex illa uetere numeramus: cuius in libris nihil affirmatur, & in utramque partem multa differuntur, de omni-

omnibus quaeritur, nihil certi dicitur. sed tamen illa, quam exposui, uetus, haec noua nominetur: quae usque ad Carneadem perducta, qui quartus ab Arcesila fuit, in eadem Arcesilae ratione permansit. Carneades autem, nullius philosophiae partis ignarus, et, ut cognoui ex ijs, qui illum audierant, maximeq. ex Epicureo Zenone, qui, cum ab eo plurimum dissentiret, unum tamen praeter ceteros mirabatur, incredibili quadam fuit facultate.

Et multa ex primo hoc libro, & tres reliqui desiderantur.

b 2 M. T V L-



39

M. TVLLII CICERONIS
DE FINIBVS BONORVM
ET MALORVM LIBER I.

NON ERAM nescius, Brute, cum; 171. 157
quae summis ingenijs, exquisitaq. do- Nat. 6
ctrina philosophi graeco sermone tracta-
uissent, ea latinis litteris mandaremus;
fore ut hic noster labor in uarias reprehensiones in-
curreret. Nam quibusdam, & ijs quidem non ad-
modum indoctis, totum hoc displicet, philosophari.
Quidam autem id non totum reprehendunt, si re-
missius agatur; sed tantum studium, tam multam
operam ponendam in eo non arbitrantur. Erunt
etiam, & hi quidem eruditi graecis litteris, contem-
nentes latinas, qui se dicant in graecis legendis
operam malle consumere. Postremo aliquos futu-
ros suspicor, qui me ad alias litteras uocent; genus
hoc scribendi, etsi sit elegans, personae tamen;
& dignitatis esse negent. Contra quos omnes
dicendum breuiter existimo. quamquam philoso-
phiae quidem uituperatoribus satis responsum est
eo libro, quo a nobis philosophia defensa, & col-
laudata est; cum esset accusata; & uituperata ab
Hortensio. qui liber cum & tibi probatus uidere-
tur, & ijs, quos ego posse iudicare arbitrarer; plu-
ra suscepi, ueritus ne mouere hominum studia ui-
derer, retinere non posse. Qui autem, si maxime
hoc placeat, moderatius tamen id uolunt fieri, dif-
fici-

DE FINIBVS

facilem quandam temperantiam postulant in eo, quod semel admissum, coerceri, reprimiq. non potest: ut propemodum iustioribus utamur illis, qui omnino auocent a philosophia, quam ijs, qui rebus infinitis modum constituent, in req. eo meliore, quo maior sit, mediocritatem desiderent. siue enim ad sapientiam perueniri potest: non paranda solum nobis ea, sed fruenda etiam est. siue hoc difficile est: tamen nec modus est ullus inuestigandi ueri, nisi inueneris; & quaerendi defatigatio turpis est, cum id, quod quaeritur, sit pulcherrimum. etenim si delectamur, cum scribimus: quis est tam inuidus, qui ab eo nos abducatur? sin laboramus: quis est, qui alienae modum statuatur industriae? nam, ut Terentianus Chremes non inhumanius, qui nouum uicinum non uult

Fodere, aut arare, aut aliquid ferre, denique; non enim illum ab industria, sed ab illiberali labore deterret: sic isti curiosi, quos offendit noster minime nobis iniucundus labor. Iis igitur est difficilius satisfacere, qui se latina scripta dicunt contemnere. in quibus hoc primum est, in quo admirer; cur in grauissimis rebus non delectet eos patrius sermo, cum iisdem fabellas latinas, ad uerbum de graecis expressas, non inuiti legant? quis enim tam inimicus paene nomini Romano est, qui Ennii Medeam, aut Antiopam Pacuuij spernat, aut reijciat? qui se iisdem Euripidis fabulis delectari dicat, latinas litteras oderit? Synephebos ego, inquit, potius
Cae-

Caecilij, aut Andriam Terentij, quam utramque Menandri legam? A quibus tam dissentio, ut, cum Sophocles uel optime scripserit, Electram tamen male conuersam Atilij mihi legendam putem. de quo Licinius, Ferreum scriptorem: uerum, opinor: scriptorem tamen, ut legendus sit. rudem enim esse omnino in nostris poetis, aut inertissimae segnitiae est, aut fastidij delicatissimi. mihi quidem nulli satis cruditi uidentur, quibus nostra ignota sunt. an,

Vtinam ne in nemore;
 nibilo minus legimus, quam hoc idem graecum:
 quae autem de bene beateq. uiuendo a Platone disputa-
 ta sunt, haec explicari non placebit latine? Quod
 finos non interpretum fungimur munere, sed tue-
 mur ea, quae dicta sunt ab ijs, quos probamus; eisq.
 nostrum iudicium, & nostrum scribendi ordinem
 adiungimus: quid habent, cur graeca anteponant
 ijs, quae & splendide dicta sint, neque sint con-
 uersa de graecis? nam si dicerent ab illis has res es-
 se tractatas: ne ipsos quidem Graecos est cur tam
 multos legant, quam legendi sunt: quid enim est
 a Chrysippo praetermissum in Stoicis? legimus ta-
 men Diogenem, Antipatrum, Mnesarchum, Pa-
 naetium, multos alios, in primisq. familiarem no-
 strum Possidonium. quid Theophrastus? medio-
 criter ne deletat, cum tractat locos ab Aristote-
 le ante tractatos? quid Epicurei? num desistunt de
 iisdem, de quibus & ab Epicuro scriptum est, &

h 4 ab

Epicurus

D E F I N I B V S

ab antiquis, ad arbitrium suum scribere? quod si Graeci leguntur a Graecis, iisdem de rebus alia ratione compositis: quid est, cur nostri a nostris non legantur? Quamquam, si plane sic uerterem Platonem, aut Aristotelem, ut uerterunt nostri poetae fabulas; male, credo, mererer de meis ciuibus, si ad eorum cognitionem diuina illa ingenia transferrem: sed id neque feci adhuc; nec mihi tamen, ne faciam, interdictum puto: locos quidem quosdam, si uidebitur, transferam, & maxime ab ijs, quomodo nominaui, cum inciderit, ut id apte fieri possit: ut ab Homero Ennius, Afranius a Menandro solet. Nec uero, ut noster Lucilius, recusabo, quo minus omnes mea legant. utinam ille Persius, Scipio uero, & Rutilius multo etiam magis: quorum ille iudicium reformidans, Tarentinis ait se, & Consentinis, & Siculis scribere. facete is quidem, sicut alias: sed nec tam docti tunc erant, ad quorum iudicium elaboraret; & sunt illius scripta leuiora; ut urbanitas summa appareat, doctrina mediocris. ego autem quem timeam lectorem, cum ad te, ne Graecis quidem cedentem in philosophia, audeam scribere? quamquam a te ipso id quidem facio prouocatus gratissimo mihi libro, quem ad me de uirtute misisti. Sed ex eo credo quibusdam usu uenire, ut abhorreant a Latinis, quod inciderint in inculta quaedam, & horrida, de malis Graecis latine scripta deterius. Quibus ego assentior, dummodo a se de iisdem rebus ne Graecos quidem legendos

pu-

putent. res uero bonas, uerbis electis, grauitè, ornateq. dictatas, quis non legat? nisi qui se plane Graecum dici uelit: ut a Scaeuola est praetore salutat^{us} Athenis Albutius. quem quidem locum cum multa uenustate, & omni sale idem Lucilius: apud quem praeclare Scaeuola:

Graecum te, Albuti, quam Romanum, atque Sabinum,

Municipem Pontij, Titij, Annij, centurionum, Praeclarorum hominum, ac primorum, significumque,

Maluisti dici. graece ergo praetor Athenis,

Id quod maluisti, te, cum ad me accedi, saluto:

Xaipè inquam Tite. Lictores omnesq., cohorsq.,

Xaipè. Hinc hostis Mucij Albutius, hinc inuicis.

Sed iure Mucius: ego autem satis mirari non queo,

unde hoc sit tam insolens domesticarum rerum fastidium.

non est omnino hic docendi locus: sed ita sentio, & saepe disserui; latinam linguam non modo non inopem, ut uulgo putarent, sed locupletio-

* rem etiam esse, quam graecam. quando enim uel

nobis dicam, aut oratoribus bonis, aut poetis, postea quidem quam fuit quem imitarentur, ullus orationis uel copiosae, uel elegantis ornatus defuit?

ego uero, cum forensibus operis, laboribus, periculis non deseruisse mihi uideor praesidium, in qua

a populo R. locatus sum; debeo profecto, quantumcumque possim, in eo quoque laborare, ut sint

opera, studio, labore meo doctiores ciues mei; nec

tum

DE FINIBVS

cum istis tantopere pugnare, qui graeca legere ma-
lint, modo legant illa ipsa, nec simulent; & ijs ser-
uire, qui uel utrisque litteris uti uelint, uel, si suas
habent, illas non magnopere desiderent. Qui au-
tem alia malunt scribi a nobis, aequi esse debent:
quod & scripta multa sunt, sic, ut plura nemini e
nostris; & scribentur fortasse plura, si uita suppe-
tet: & tamen qui diligenter haec, quae de philoso-
phia litteris mandamus, legere assueuerit, iudica-
bit nulla ad legendum his esse potiora. quid est enim
in uita tantopere quaerendum, quam cum omnia in
philosophia, tum id, quod his libris quaeritur, quid
sit finis, quid extremum, quid ultimum, quo sint
omnia bene uiuendi, recteq. faciendi consilia refe-
renda, quid sequatur natura ut summum ex rebus
expetendis, quid fugiat ut extremum malorum?
qua de re cum sit inter doctissimos magna dissensio;
quis alienum putet eius esse dignitatis, quam mihi
quisque tribuit, quid in omni munere uitae optimū,
& uerissimum sit, exquirere? an, partus ancillae
sit ne in fructu habendus, differetur inter principes
ciuitatis, P. Scaenolam, M. Manilium; ab hisq.
M. Brutus dissentiet, quod & acutum genus est, &
ad usus ciuium non inutile; nosq. ea scripta, reli-
quaq. eiusdem generis & legimus libenter, & le-
gemus: haec, quae uitam continent omnem, negli-
gentur? nam, ut sint illa uendibilia, haec uberio-
ra certe sunt. quamquam id quidem licebit ijs existi-
mare, qui legerint. Nos autem hanc omnem quae-
stio-

stionem de finibus bonorum & malorum fere a nobis explicatam esse ijs litteris arbitramur, in quibus, quantum potuimus, non modo quid nobis probaretur, sed etiam quid a singulis philosophiae disciplinis diceretur, persecuti sumus. Ut autem a facillimis ordiamur, prima ueniat in medium Epicuri ratio, quae plerisque notissima est: quā a nobis sit intelliges expositam, ut ab ijs ipsis, qui eam disciplinam probant, non soleat accuratius explicari. uerum enim inuenire uolumus, non tamquam aduersarium aliquem conuincere. Accurate autem quondam a L. Torquato, homine omni doctrina erudito, defensa est Epicuri sententia de uoluptate: a meq. ei responsum, cum C. Triarius, in primis grauis, & doctus adolescens, ei disputationi interesset. nam cum ad me in Cumanum, salutandi causa, uterque uenisset; pauca primo inter nos de litteris, quarum summum erat in utroque studium; deinde Torquatus, quoniam nacti te, inquit, sumus aliquando otiosum, certe audiam, quid sit, quod Epicurum nostrum non tu quidem oderis, ut fere faciunt qui ab eo dissentiant, sed certe non probes, eum, quem ego arbitror unum uidisse uerum, maximisq. erroribus animos hominum liberauisse, & omnia tradidisse, quae pertinent ad bene, beatq. uiuendum. sed existimo te, sicut nostrum Triarium, minus eo delectari, quod ista Platonis, Aristotelis, Theophrasti orationis ornamenta neglexerit. nam illic quidem adduci uix possum, ut ea,

a facillimis

ri6 Aris

tot.

con ad 4c

ren.

quae

D E F I N I T I O

quae senserit ille, tibi non uera uideantur. Vide quantum, inquam, fallare Torquate. oratio me istius philosophi non offendit: (nam & complectitur uerbis, quod uult; & dicit plane, quod intelligam: & tamen a philosopho, si afferat eloquentiam, non asperner; si non habeat, non admodum flagitem) re mihi non aequae satisfacit, & quidem locis pluribus: sed, quot homines, tot sententiae: falli igitur possumus. Quamobrem tandem, inquit, non satisfacit? te enim iudicem aequum puto; modo, quae dicat ille, bene noris. Hic, nisi mihi Phaedrum, inquam, mentitum, aut Zenonem putas, quorum utrumque audiui, cum mihi nihil sane praeter sedulitatem, probarent; omnes mihi Epicuri sententiae satis notae sunt. atque eos, quos nominavi, cum Attico nostro frequenter audiui; cum miraretur ille quidem utrumque; Phaedrum autem etiam amaret: quotidieq. inter nos ea, quae audiebamur, conferebamus: neque erat umquam controuersia, quid ego intelligerem, sed quid probarem. Quid igitur est, inquit? audire enim cupio, quid non probes. Principio, inquam, in physicis, quibus maxime gloriatur, primum totus est alienus. Democrito adijcit per pauca, mutans, sed ita, ut ea, quae corrigere uult, mihi quidem deprauare uideatur. ille, atomos quas appellat, id est corpora indiuidua, propter soliditatem censet in infinito inani, in quo nec summum, nec infimum, nec medium, nec ultimum, nec extremum sit, ita ferri, ut concursu inter

cp. Jam.
lib. 13
238.

ter se cohaerescant; ex quo efficiantur ea, quae sint,
quaeq. cernantur, omnia; cumq. motum atomo-
rum nullo a principio, sed ex aeterno tempore, intel-
ligi conuenire. Epicurus autem, in quibus sequitur
Democritum, nō fere labitur. quamquam utriusque
cum multa non probo, tum illud in primis, quod, cū
in rerum natura duo quaerenda sint, unum, quae ma-
teria sit, ex qua quaeque res efficiantur; alterū, qua-
uis sit, quae quidque efficiat; de materia differuerūt;
uim, et causam efficiendi reliquerunt. sed hoc com-
mune uitium: illae Epicuri propriae ruinae. censet e-
nim, eadem illa indiuidua, et solida corpora ferri suo
deorsum pondere ad lineam, hunc naturalē esse om-
nium corporum motum. deinde ibidem homo acu-
tus; cum illud occurreret, si omnia deorsum e regio-
ne ferrentur, et, ut dixi, ad lineam, numquam fore
ut atomus altera alterā posset attingere: itaque at-
tulit rem commenticiam: declinare dixit atomum
per paulum: quo nihil posset fieri minus: ita effici cō-
plexiones, et copulationes, et adhaesiones atomorum
inter se; ex quo efficeretur mundus, omnesq. partes
mundi, quaeq. in eo essent. Quae cum res tota ficta
sit pueriliter, tum ne efficit quidem quod uult. nam
& ipsa declinatio ad libidinem fingitur: (ait enim
declinare atomum sine causa: quo nihil turpius phy-
sico, quam, fieri sine causa quidquam, dicere) et
illum motum, naturalem omnium ponderum, ut ip-
se constituit, e regionem inferiorem locū petentium,
sine causa eripuit atomis: nec tamen id, cuius caus-
sa

DE FINIBVS

sa haec finxerat, affecutus est. nam siue omnes atomi declinabunt, nullae umquam cohaerescunt; siue aliae suo nutu recte ferentur: primum erit hoc quasi prouincias atomis dare, quae recte, quae oblique ferentur: deinde eadem illa atomorum, in quo etiam Democritus haeret, turbulenta concursio hunc mundi ornatum efficere non poterit. Ne illud quidem physici, credere aliquid esse minimum. quod profecto numquam putauisset, si a Polyaeno, familiari suo, geometriam discere maluisset, quam illam etiam ipsum dedocere. Sol Democrito magnus uidetur, quippe homini erudito, in geometriaque perfecto: huic bipedalis fortasse. tantum enim esse censet, quantus uidetur, uel paullo aut maiorem, aut minorem. ita, quae mutat, ea corrumpit: quae sequitur, sunt tota Democriti, atomi, inane, imagines; quae idola nominant; quorum incursione non solum uideamus, sed etiam cogitemus. infinitio ipsa, quam ἀπειρίαν uocant, tota ab illo est: tum innumerabiles mundi, qui & oriuntur, & intereant quotidie. quae etsi mihi nullo modo probantur: tamen Democritum, laudatum a ceteris, ab hoc, qui eum unum secutus est, nollem uituperatum. Iam in altera philosophiae parte, quae est quaerendi, ac differendi. quae λογική dicitur, iste uester plane, ut mihi quidem uidetur, inermis ac nudus est: tollit definitiones: nihil de diuidendo, ac partiendo docet: non, quo modo efficiatur, concludaturque ratio, tradit: non, quae uia captiosa soluantur, ambigua di-

fin-

*stinguantur, ostendit: iudicia rerum in sensibus po-
 nit: quibus si semel aliquid falsi pro uero probatum
 sit, sublatum esse omne iudicium ueri & falsi pu-
 tat. Intertia uero parte, quae est de uita, & mo-
 ribus, in constitutione finis nil generosum sapit, at-
 que magnificum: confirmat illud uel maxime, quod
 ipsa natura, ut ait ille, asciscat, & reprobet, id
 est uoluptatem, & dolorem. ad haec, & quae fu-
 giamus, & quae sequamur, refert omnia. quod
 quamquam Aristippi est, a Cirenaicisq. melius, li-
 beriusq. defenditur: tamen eiusmodi esse iudicio, ut
 nihil homine uideatur indignius. ad maiora enim
 quaedam nos natura genuit, & conformauit, ut mi-
 hi quidem uidetur. ac fieri potest, ut errem: sed ita
 prorsus existimo, neque eum Torquatum, qui hoc
 primus cognomen inuenerit, aut torquem illum ho-
 sti detraxisse, ut aliquam ex eo perciperet corporis
 uoluptatem; aut cum Latinis tertio consulatu con-
 fluxisse apud Vesperim propter uoluptatem. quod ue-
 ro securi filium percussisset, priuauisse se etiam uide-
 tur multis uoluptatibus; cum ipsi naturae, patrioq.
 amoris praetulerit ius maiestatis atque imperij. Quid
 T. Torquatus, is, qui consul cum Cn. Octauio fuit?
 cum illam seueritatem in eo filio adhibuit, quem in
 adoptionem D. Silano emancipauerat, ut eam, Ma-
 cedonum legatis accusantibus, quod pecunias prae-
 torem in provincias cepisse arguerent, causam a-
 pud se dicere iuberet; req. ex utraque parte audita,
 pronunciaret eum non talem uideri fuisse in impe-
 rio*

off: 3.
74.

DE FINIBVS

rio, quales eius maiores fuissent; & in conspectum suum uenire uetuit; numquid uidetur tibi de nolu- ptatibus suis cogitauisse? Sed, ut omittam pericu- la, labores, dolorem etiam, quem optimus quisque pro patria, & pro suis suscipit, ut non modo nul- lam captet, sed etiam praetereat omnes uoluptates; dolores denique quosuis suscipere malit, quam de- serere ullam officij partem: ad ea, quae hoc non mi- nus declarant, sed uidentur leuiores, ueniamus. Quid tibi Torquate, quid huic Triario litterae, quid historiae, cognitioq. rerum, quid poëtarum euolu- tio, quid tanta tot uersuum memoria uoluptatis af- fert? Nec mihi illud dixeris: haec enim ipsa mihi sunt uoluptati, & erant illa Torquatis. numquam hoc ita defendit Epicurus, neque uero tu, aut quis- * quam eorum, qui aut sciret aliquid, aut ista didi- cisset. Et, quod quaeritur saepe, cur tam multi sunt Epicurei: sunt aliae quoque causae: sed multitudi- nem hoc maxime allicit, quod ita putat dici ab illo, recta, & honesta quae sint, ea facere ipsa per se lae- titiam, id est uoluptatem. homines optimi non in- telligunt, totam rationem euerti, si ita se res ha- beat. nam, si concederetur, etiam si ad corpus ni- hil referatur, ista sua sponte & per se esse incunda: per se esset & uirtus, & cognitio rerum, quod mi- nime ille uult, expetenda. Haec igitur Epicuri non probo, inquam: de cetero, uellem equidem aut ip- se doctus fuisset instructior; (est enim, quod ita tibi uideri necesse est, non satis politus ijs artibus, quas

quas qui tenent, eruditi appellantur) aut ne deter-
 ruisset alios a studijs. quamquam te quidem uideo
 minime esse deterritum. Quae cum dixissem, ma-
 gis ut illum prouocarem, quam ut ipse loquerer;
 tum Triarius leniter arridens, tu quidem, inquit,
 totum Epicurum paene e philosophorum choro sustu-
 listi. quid enim ei reliquisti, nisi id, te, quoquo mo-
 do loqueretur, intelligere quid diceret? Aliena di-
 cit in physicis, nec ea ipsa, quae tibi probarentur;
 sed, si quae in his corrigere uoluit, deteriora fecit.
 Differendi artem nullam habuit. Voluptatem cum
 summum bonum diceret, primum in eo ipso parum
 uidit, deinde hoc quoque alienum: nam ante Ari-
 * Stippus, & ille melius. etenim quasi detractis de
 homine sensibus. Addidisti ad extremum, etiam
 indoctum fuisse. Fieri, inquam, o Triari, nullo
 pato potest, ut non dicas, quid non probes eius, a
 quo dissentias. quid enim me prohiberet Epicureum
 esse, si probarem, quae ille diceret? cum praesertim,
 illa perdiscere, ludus esset. quamobrem differenti-
 um inter se reprehensiones non sunt uituperandae.
 maledicta, contumeliae, tum iracundiae, conten-
 tiones, concertationesq. in disputando pertinaces,
 indigna mihi philosophia uideri solent. Tunc Tor-
 quatus, prorsus, inquit, assentior. neque enim di-
 sputari sine reprehensione, nec cum iracundia, aut
 pertinacia recte disputari potest. Sed ad haec, nisi mo-
 lestum est, habeo quae uelim. An me, inquam,
 nisi te audire uellem, censes haec dicturum fuisse?

i Vtrum

DE FINIBVS

Vtrum igitur percurri omnem Epicuri disciplinam placet, an de una uoluptate quaeri, de qua omne certamen est? Tuo uero id quidem arbitratu. Sic faciam igitur, inquit: unam rem explicabo, eamque maximam: de physicis alias: & quidem tibi & declinationem istam atomorum, & magnitudinem solis probabo, & Democriti errata ab Epicuro reprobensa, & correcta permulta. nunc dicam de uoluptate, nihil scilicet noui, ea tamen, quae te ipsum probaturum esse confidam. Certe, inquam, pertinax non ero; tibi que, si mihi probabis ea, quae dicis, libenter assentiar. Probabo, inquit; modo ista sis aequitate, quam ostendis: sed uti oratione perpetua malo, quam interrogare, aut interrogari. Ut placet, inquam. Tunc dicere exorsus est. Primum igitur, inquit, agam sic, ut ipsi auctori huius disciplinae placet: constituam, quid, & quale sit id, de quo quaerimus; non quo ignorare nos arbitrer; sed ut ratione, & uia procedat oratio. Quaerimus igitur, quid sit extremum, quid ultimum bonorum. quod omnium philosophorum sententia tale debet esse, ut ad id omnia referri oporteat, ipsum autem nusquam. hoc Epicurus in uoluptate ponit: quod summum bonum esse uult, summumque malum dolorem: idque instituit docere sic: Omne animal, simul atque natum sit, uoluptatem appetere, eaque gaudere ut summo bono; dolorem aspernari, ut summum malum, & quantum possit, a se repellere; idque facere nondum deprauatum, ipsa natura

tura incorrupte, atque integre iudicante. itaque negat opus esse ratione, neque disputatione, quamobrem uoluptas expetenda, fugiendus dolor sit: senti hoc putat, ut calere ignem, niuem esse albam, dulce mel; quorum nihil oportere exquisitis rationibus confirmare: tantum satis esse admonere: interesse enim inter argumentum, conclusionemque rationis, & inter mediocrem animadversionem, atque admonitionem: altera, occulta quaedam, & quasi inuoluta aperiri; altera prompta, & aperta indicari: etenim, quoniam, detractis de homine sensibus, reliqui nihil est; necesse est, quid aut secundum naturam, aut contra sit, a natura ipsa iudicari: uoluptatem etiam & per se expetendam esse, & dolorem ipsum per se esse fugiendum: etenim quid percipit, & quid iudicat, quo aut appetat, aut fugiat aliquid, praeter uoluptatem, & dolorem? Sunt autem quidam e nostris, qui haec subtilius uelint tradere, & negent satis esse, quid bonum sit, aut quid malum, sensu iudicari; sed animo etiam, ac ratione intelligi posse, & uoluptatem ipsam per se esse expetendam, & dolorem ipsum per se esse fugiendum: itaque aiunt hanc quasi naturalem, atque insitam in animis nostris inesse notionem, ut alterum esse appetendum, alterum aspernandum sentiamus. Alij autem, quibus ego assentior; cum a philosophis compluribus permulta dicuntur, cur ne uoluptas in bonis sit numeranda, nec in malis dolor; non existimant oportere nimi-

DE FINIBVS

um nos caussae confidere; sed, & argumentandum,
& accurate differendum, & rationibus conquisitis
de uoluptate & dolore disputandum, putant. Sed,
ut percipiat unde omnis iste error natus sit uolu-
ptatem accusantium, doloremq. laudantium, to-
tam rem aperiā; eaq. ipsa, quae ab illo inuentore
ueritatis, et quasi architecto beatæ uitæ dicta sunt,
explicabo. Nemo enim ipsam uoluptatem, quia
uoluptas sit, aspernetur, aut oderit, aut fugiat;
se quia consequuntur magni dolores eos, qui ra-
tione uoluptatem sequi nesciunt. neque porro quis-
quam est, qui dolorem ipsum, quia dolor sit, amet,
consectetur, adipisci uelit; sed quia non numquam
eiusmodi incidunt tempora, ut labore, & dolore
magnam aliquam quaerat uoluptatem. Vt enim ad
minima ueniam, quis nostrum exercitationem ul-
tam corporis suscipit laboriosam, nisi ut aliquid ex
ea commodi consequatur? quis autem uel eum iure
reprehenderit, qui in ea uoluptate uelit esse, qua
nihil molestiae consequatur? uel illum, qui dolorem
eum fugiat, quo uoluptas nulla pariat? At uero
eos & accusamus, & iusto odio dignissimos duci-
mus, qui blanditijs praesentium uoluptatum dele-
niti, atque corrupti, quos dolores, quas molestias
excepturi sint, occaecati cupiditate non prouident.
similique sunt in culpa, qui officia deserunt mollitia
animi, id est laborum, & dolorum fuga. Et ha-
rum quidem rerum facilis est, & expedita distin-
ctio. nam libero tempore, cum soluta nobis est eli-
gendi

gendi optio; cumq. nihil impedit, quo minus id, quod maxime placeat, facere possimus; omnis uoluptas assumenda est, omnis dolor depellendus: temporibus autem quibusdam, aut officiis debitis, aut rerum necessitatibus saepe eueniet, ut & uoluptates repudiandae sint, & molestiae non recusandae: itaque harum rerum hic tenetur a sapiente delectus; ut aut; reiiciendis uoluptatibus, maiores alias consequatur; aut, perferendis doloribus, asperiores repellat. Hanc ego cum teneam sententiam; quid est cur uerear; ne ad eam non possim accommodare Torquatos nostros? quos tu paullo ante tum memoriter, tum etiam erga nos amice & beneuole collegisti: nec me tamen, laudandis maioribus meis, corrupisti, nec segniorem ad respondendum reddidisti: quorum facta quoadmodum, quaeso, interpretaris? siccine eos censes aut in armatum hostem impetum fecisse; aut in liberos, aut in sanguinem suum tam crudeles fuisse; nihil ut de utilitatibus, nihil ut de commodis suis cogitarent? at id ne ferae quidem faciunt, ut ita ruant, atque turbentur, ut; earum motus & impetus quo pertineant, non intelligamus. tu tam egregios uiros censes tantas res gessisse sine causa? quae fuerit causa, mox uidero: interea hoc tenebo; si ob aliquam causam ista, quae sine dubio praeclara sunt, fecerint, uirtutem his per se ipsam causam non fuisse. Torquem detraxit hosti: & quidem se texit, ne interiret. At magnus periculum adiit. in oculis quidem exercitus.

D E F I N I E V S

Quid ex eo consecutus est? laudem, & caritatem: quae sunt uitae sine metu degendae praesidia firmissima. Filium morte multauit. si sine causa; nollem me ab eo ortum, tam importuno, tamq. crudeli: sin, ut dolore suo sanciret militaris imperij disciplinam, exercitumq. in grauissimo bello animaduersionis metu contineret; saluti prospexit ciuium, quae intelligebat contineri suam. Atque haec ratio late patet. in quo enim maxime consuevit iactare uelstra se oratio, tua praesertim, qui studiose antiqua persequeris, claris & fortibus uiris commemorandis, eorumq. factis non emolumento aliquo, sed ipsius honestatis decore laudandis; id totum euertitur eo delectu rerum, quem modo dixi, constituit; ut aut uoluptates omittantur maiorum uoluptatum adipiscendarum causa; aut dolores suscipiantur maiorum dolorum effugiendorum gratia. Sed de clarorum hominum factis illustribus & gloriosis satis hoc loco dictum sit. erit enim iam de omnium uirtutum cursu ad uoluptatem proprius differendi locus. nunc autem explicabo, uoluptas ipsa quae, qualisq. sit; ut tollatur error omnis imperitorum: intelligaturq., ea, quae uoluptaria, delicata, mollis habeatur disciplina, quam grauis, quam continens, quam seuera sit. non enim hanc solam sequimur, quae suauitate aliqua naturam ipsam mouet, & cum incunditate quadam percipitur sensibus; sed maximam illam uoluptatem habemus, quae percipitur omni dolore detracto. nam quoniam,

cum

cum priuamur dolore, ipsa liberatione, & uacuitate omnis molestiae gaudemus; omne autē id, quo gaudemus, uoluptas est, ut omne id, quo offendimur, dolor: doloris omnis priuatio recte nominata est uoluptas. ut enim, cum cibo & potione famesisq. depulsa est, ipsa detractio molestiae consecutionem affert uoluptatis: sic in omni re doloris amotio successionem efficit uoluptatis. itaque non placuit Epicuro medium esse quiddam inter dolorem, & uoluptatem: illud enim ipsum, quod quibusdam medium uidetur, cum omni dolore caret, non modo uoluptatem esse, uerum etiam summam uoluptatem. quisquis enim sentit, quemadmodum sit affectus; eum necesse est aut in uoluptate esse, aut in dolore. omni autem priuatione doloris putat Epicurus terminari summam uoluptatem; ut postea uariari uoluptas distinguiq. possit, augeri amplificariq. non possit. At etiam Athenis, ut a patre audiebam, facete, & urbane Stoicos irridente, statua est in Ceramico Chrysippi sedentis porrecta manu, quae manus significet illum in hac esse rogatiuncula delectatum: numquidnam manus tua sic affecta, quemadmodum affecta nunc est, desiderat? nihil sane. at, si uoluptas esset bonum, desideraret. ita credo. non est igitur uoluptas bonum. Hoc ne statuam quidem dicturam pater aiebat, si loqui posset. conclusum est enim contra Cyrenaios satis acute; nihil ad Epicurum. nam si ea sola uoluptas esset, quae quasi titillaret sensus, ut ita dicam,

uacuita
te colo
ris 80

præstabili
orem

& adeos cum suauitate afflueret, & illaberetur: nec manus esse contenta posset ulla uacuitate doloris sine iucundo motu uoluptatis. sin autem summa uoluptas est, ut Epicuro placet, nihil dolere: primum tibi recte Chrysippe concessum est, nihil desiderare manum, cum ita esset affecta; secundum non recte, si uoluptas esset bonum, fuisse desideraturam. iccirco enim non desideraret, quia, quod dolore caret, id in uoluptate est. Extremum autem esse bonorum uoluptatem, ex hoc facile perspicui potest. Constituamus aliquem magnis, multis, perpetuis fruentem & animo, & corpore uoluptatibus, nullo dolore nec impediante, nec impendente: quem tandem hoc statu aut præstabiliorem, aut magis expetendum possumus dicere? inesse enim necesse est in eo, qui ita sit affectus, & firmitatem animi, nec mortem, nec dolorem timentis; quod mors sensu careat, dolor in longinquitate leuis, in grauitate breuis soleat esse; ut eius magnitudinem celeritas, diuturnitatem alienatio consoletur. ad ea cum accedit, ut neque diuinum numen horreat; nec præteritas uoluptates effluere patiatur; earumque assidua recordatione laetetur: quid est, quod huic possit, quod melius sit, accidere? Statue contra aliquem confectum tantis animi, corporisque doloribus, quanti in hominem maximi cadere possunt; nulla spe proposita, fore leuius aliquando; nulla præterea nec præfenti, nec expectata uoluptate: quid eo minus dici, aut fingi potest? quod si uita doloribus

re-

referta maxime fugienda est: summum profecto malum est uiuere cum dolore. cui sentientiae consentaneum est, ultimum esse bonorum, cum uoluptate uiuere. nec enim habet nostra mens quidquam, ubi consistat tamquam in extremo: omnesq. et metus, et aegritudines ad dolorem referuntur: nec praeterea est res ulla, quae sua natura aut sollicitare possit, aut frangere. praeterea & appetendi, & refugiendi, & omnino rerum gerendarum initia proficiscuntur aut a uoluptate, aut a dolore. quod cum ita sit; perspicuum est, omnes rectas res, atque laudabiles eo referri; ut cum uoluptate uiuatur. quoniam autem id est uel summum bonum, uel ultimum, uel extremum, quod Graeci τέλος nominant; quod ipsum nullam ad aliam rem, ad id autem res referuntur omnes: fatendum est, summum esse bonum, iucunde uiuere. id qui in una uirtute ponunt, & splendore nominis capti, quid natura postulet, non intelligunt; errore maximo, si Epicurum audire uoluerint, liberantur. istae enim uestrae eximiae pulchraeq. uirtutes, nisi uoluptatem efficerent, quis eas aut laudabiles, aut expetendas arbitraretur? ut enim mediocrem scientiam non ipsius artis, sed bonae ualitudinis causa probamus; & gubernatoris ars, quia bene nauigandi rationem habet, utilitate, non arte, laudatur: sic sapientia, quae ars uiuendi putanda est, non expeteretur, si nihil efficeret; nunc expetitur, quod est tamquam artifex conquirendae, & comparandae uoluptatis. quam autem dicam uolupta-

DE FINIBVS

laptatem, iam uidetis; ne inuidia uerbi labefacte-
tur oratio mea. Nam cum ignoratione rerum bo-
narum, & malarum maxime hominum uita uexetur;
ob eumq. errorem & uoluptatibus maximis
saepe priuentur, & prauissimis animi doloribus tor-
queantur: sapientia est adhibenda, quae, & terrori-
bus, cupiditatibusq. detractis, & omnium falsa-
rum opinionum temeritate direpta, certissimam se
nobis ducem praebeat ad uoluptatem. sapientia e-
nim est una, quae maestitiam pellat ex animis; quae
nos exhorrescere metu non sinat, qua praeceptrice
in tranquillitate uiui potest, omnium cupiditatum
ardore restincto. cupiditates enim sunt insatiabiles;
quae non modo singulos homines, sed uniuersas fa-
milias euertunt; totam etiā labefactant saepe remp.
ex cupiditatibus odia, dissidia, discordiae, seditio-
nes, bella nascuntur. nec hae sese foris solum ia-
ctant, nec tantum in alios caeco impetu incurrunt;
sed intus etiam in animis inclusae, inter se dissident,
atque discordant. ex quo uitam amarissimam neces-
se est effici: ut sapiens solum, amputata circuncisq.
iniquitate omni, & errore, nature finibus conten-
tus sine aegritudine possit, & sine metu uiuere.
Quae est enim aut utilior, aut ad bene uiuendum a-
ptior partitio, quam illa, qua est usus Epicurus?
qui unum genus posuit earum cupiditatum, quae es-
sent & naturales, & necessariae; alterum, quae
natutales essent, nec tamen necessariae; tertium,
quae nec naturales, nec necessariae. quarum ca rre
ti

280.

tio est, ut necessariae nec opera multa, nec impensa expleantur. ne naturales quidem multa desiderant: propterea quod ipsa natura diuitias, quibus contenta est & parabiles, & terminatas habet. inanium autem cupiditatum nec modus ullus, nec finis inueniri potest. Quod si uitam omnem uideamus perturbari errore, & inscitia, sapientiamq. esse solam, quae nos a libidinum impetu, & formidinum terrore uindictet, & ipsius fortunae modice ferre doceat iniurias, et omnes monstret uias, quae ad quietem, & tranquillitatem ferant: quid est, cur dubitemus dicere, & sapientiam propter uoluptatem expetendam, & insipientiam propter molestias esse fugiendam? Eademq. ratione ne temperantiam quidem propter se expetendam esse dicemus, sed quia pacem animis afferat, & eos quasi concordia quadam placet, ac leniat. temperantia est enim, quae in rebus aut expetendis, aut fugiendis, rationem ut sequamur, monet. nec enim satis est iudicare, quid faciendum, non faciendum ue sit; sed stare etiam oportet in eo, quod sit iudicatum. plerique autem, quod tenere, atque seruare id, quod statuerunt, non possunt; uicti, & debilitati, obiecta specie uoluptatis, tradunt se libidinibus constringendos, nec, quid prouenturum sit, prouident; ob eamq. causam propter uoluptatem & paruum, & non necessariam, & quae uel aliter pararetur, & qua etiam carere possent sine dolore, tum in morbos graues, tum in damna, tum in dedecora in-

CHY-

DE FINIBVS

currunt; saepe etiam legum, iudiciorumq. poenis obligantur. qui autem ita frui uolunt uoluptatibus, ut nulli propter eas dolores consequantur; & qui suum iudicium retinent, ne uoluptate uicti faciant id, quod sentiunt non esse faciendum: hi uoluptatem maximā adipiscuntur praetermittenda uoluptate: iſdem etiam dolorem saepe perpetiuntur, ne, si id non faciant, incidant in maiorem. Ex quo intelligitur, nec intemperantiam propter se fugiendam esse, temperantiamq. expetendam, non quia uoluptates fugiat, sed quia maiores consequatur. Eadem fortitudinis ratio reperietur: nam neque laborum perfunctio, neque perpeſſio dolorum per se ipsa allicit, nec patientia, nec assiduitas, nec uigiliae, nec ea ipsa, quae laudatur, industria, ne fortitudo quidem: sed ista sequimur, ut sine cura, metuq. uiuamus, animumque, & corpus, quantum efficere possimus, molestia liberemus. ut enim mortis metu omnis quietae uitae status perturbatur; & ut, succumbere doloribus, eosq. humili animo; imbecilloq. ferre, miserum est; ob eamq. debilitatem animi, multi parentes, multi amicos, non nulli patriam, plerique autem se ipsos penitus perdiderunt: sic robustus animus, & excelsus omni est liber cura, & angore; cum & mortem contemnit; quia qui affecti sunt, in eadem caussa sunt, qua ante quam nati; & ad dolores ita paratus est, ut meminerit maximos morte finiri, paruos multa habere interualla quietis, mediocrium nos esse dominos; ut, si tolera-

tolerabiles sint, feramus; sin minus, aequo animo
euita, cum ea nō placeat, tamquam e theatro exea-
mus. Quibus rebus intelligitur, nec timiditatem,
ignauiamq. uituperari, nec fortitudinem patienti-
amq. laudari suo nomine; sed illas reiici, quia do-
lorem pariant; has optari, quia uoluptatem. Iu-
stitia restat, ut de omni uirtute sit dictum. sed simi-
lia fere dici possunt. ut enim sapientiam, tempe-
rantiam, fortitudinem copulatas esse docui cum uolu-
ptate, ut ab ea nullo modo nec diuelli, nec distrabi
possint: sic de iustitia iudicandum est: quae non mo-
do numquam nocet cuiquam, sed contra semper alit
aliquid tum ui sua, atque natura, quod tranquillet
animos, tum spe, nihil earum rerum defuturum,
quas natura deprauata desiderat. quemadmodum
temeritas, & libido, & ignauia semper animum
excruciant, & semper sollicitant, turbulenta eq.
sunt: sic, cuius in mente confedit, hoc ipso, quod
* adest, turbulenta non potest fieri: & si uero moli-
ta quippiam est, quamuis occulte fecerit, numquam
tamen confidet id fore semper occultum. plerumque
improborum facta primo suspicio insequitur, dein-
de sermo, atque fama, tum accusator, tum iudex.
multi etiam, ut te consule, ipsi se indicauerunt.
quod si qui satis opibus hominum sibi contra con-
scientiam septi esse, & muniti uidentur; deorum
tamen numen horrent; easq. ipsas sollicitudines,
quibus eorum animi noctes atque dies exeduntur, a
dijs immortalibus supplicij caussa importari putant.
qua

DE FINIBVS

quae autem tanta ex improbis factis ad minuendas
uitae molestias accessio fieri potest, quanta ad au-
gendas tum consciētia factorum, tum poena legum,
odioq. ciuium? & tamen in quibusdam neque pecu-
niae modus est, neque honoris, neque imperij, nec
libidinum, nec epularum, nec reliquarum cupidi-
tatum: quas nulla praeda umquā improbe parta mi-
nuit, sed auget potius, atque inflamat: ut coer-
cendi magis, quam dedocendi esse uideantur. Inui-
tat igitur uera ratio bene sanos ad iustitiam, aequi-
tatem, fidem: neque homini infanti, atque impo-
tenti iniuste facta conducunt; qui nec facile efficere
possit, quod conetur; nec obtinere, si effecerit: &
opes uel fortunae, uel ingenij liberalitati magis con-
ueniunt; qua qui utuntur, beneuolentiam sibi con-
ciliant, & quod aptissimum est ad quiete uiuen-
dum, caritatem, praesertim cum omnino nulla sit
caussa peccandi. quae enim cupiditates a natura pro-
ficiscuntur, facile explentur sine ulla iniuria: quae
autem inanes sunt, his parendum non est: nihil e-
nim desiderabile concupiscunt; plusq. in ipsa iniu-
ria detrimenti est, quam in ijs rebus emolumentum,
quae iniuria pariuntur. itaque ne iustitiam quidem
recte quis dixerit per se ipsam optabilem, sed quia
iucunditatis uel plurimum afferat. nam, diligere, &
carum esse, iucundum est, propterea quia tutiorem
uitam, & uoluptatum efficit pleniorcm. itaque non
ob ea solum incommoda, quae eueniunt improbis,
fugiendam improbitatē putamus, sed multo etiam
ma-

magis, quod, cuius in animo uersatur, numquam
sinit eum respirare, numquam acquiescere. Quod si
ne ipsarum quidem uirtutum laus, in qua maxime
ceterorum philosophorum exultat oratio, reperire
potest exitum, nisi dirigatur ad uoluptatem; uolu-
ptas autem est sola, quae nos uocet ad se, & alliciat
suapte natura: non potest esse dubium, quin id sit
summum, atque extremum bonorum omnium, bea-
teq. uiuere nihil aliud sit, nisi cum uoluptate uiue-
re. Huic certae stabiliq. sententiae quae sint coniu-
cta, explicabo breui. Nullus in ipsis error est fini-
bus bonorum, & malorum, id est in uoluptate, aut
in dolore: sed in his rebus peccant, cum, e quibus
haec efficiantur, ignorant. animi autem uoluptates,
& dolores nasci fatemur e corporis uoluptatibus,
& doloribus. itaque concedo, quod modo dicebas,
cadere causa, si qui e nostris aliter existiment: quos
quidem uideo esse multos, sed imperitos. quamquā
autem & laetitiam nobis uoluptas animi, et mole-
stiam dolor afferat: eorum tamen utrumque & or-
tum esse e corpore, et ad corpus referri, nec ob eam
causam non multo maiores esse & uoluptates, &
dolores animi, quam corporis. nam corpore nihil,
nisi praesens, & quod adest, sentire possumus: ani-
mo autem & praeterita, & futura. ut enim aeque
doleamus animo, cum corpore doleamus: fieri ta-
men permagna accessio potest, si aliquod aeternum,
& infinitum impendere malum nobis opinemur.
quod idem licet transferre in uoluptatem, ut ea ma-

DE FINIBVS

ior sit, si nihil tale metuamus. Iam, illud quidem
 perspicuum est, maximam animi aut uoluptatem,
 aut molestiam plus aut ad beatam, aut ad miseram
 uitam afferre momenti, quam eorum utrumuis, si
 aequae diu sit in corpore. non placet autem, detracta
 uoluptate, aegritudinem statim consequi, nisi in uo-
 luptatis locum dolor forte successerit: at contra,
 gaudere nosmet omittendis doloribus, etiam si uo-
 luptas ea, quae sensum moueat, nulla successerit.
 eo intelligi potest, quanta uoluptas, non dolere, sit.
 sed ut ijs bonis erigimur, quae expectamus: sic laeta-
 mur ijs, quae recordamur. stulti autem malorum
 memoria torquentur: sapientes bona praeterita,
 grata recordatione renouata, delectant. est autem
 situm in nobis, ut & aduersa quasi perpetua obli-
 uione obruamus, & secunda iucunde ac suauiter
 meminerimus. sed cum ea, quae praeterierunt, acri
 animo & attento intuemur, tunc fit, ut aegritudo
 sequatur, si illa mala sint; laetitia, si bona. O prae,
 claram beate uiuendi, & apertam, & simplicem
 & directam uiam. cum enim certe nihil homini pos-
 sit melius esse, quam uacare omni dolore, & mo-
 lestia, perfruiq. maximis & animi, & corporis
 uoluptatibus: uidetis ne, quam nihil praetermitta-
 tur, quod uitam adiuuet, quo facilius id, quod pro-
 positum est, summum bonum consequamur? Clā-
 mat Epicurus, is, quem uos nimis uoluptatibus es-
 se deditum dicitis, non posse iucunde uiui, nisi sa-
 pienter, honeste, iusteq. uiuatur; nec sapienter,
 ho-

honeste, iuste, nisi iucunde. neque enim ciuitas in
 seditione beata esse potest, nec in discordia domo-
 rum domus. quo minus animus a se ipse dissidens;
 secumq. discordans gustare partem ullam liquidæ
 uoluptatis & liberæ potest. atqui pugnantibus &
 contrarijs studijs, consilijsq. semper utens, nihil
 quieti uidere, nihil tranquilli potest. quod si corpo-
 ris grauioribus morbis uitæ iucunditas impeditur:
 quanto magis animi morbis impediri necesse est? a-
 nimi autem morbi sunt cupiditates immensæ, &
 inanes, diuitiarum, gloriæ, dominationis, libidi-
 nosarum etiam uoluptatum. accedunt aegritudines,
 molestiæ, maerores, qui animos exedunt cōficiuntq.
 curis hominum non intelligentium, nihil dolendum
 esse animo, quod sit a dolore corporis praesenti,
 futuro ue sciundum. nec uero quisquam stultus
 non horum morborum aliquo laborat. nemo igitur
 est non miser. Accedit etiam mors; quæ quasi sa-
 xum Tantalō semper impendet: tum superstitio;
 qua qui est imbutus, quietus esse numquam potest.
 praeterea bona praeterita nō meminerunt, praesen-
 tibus non fruuntur, futura modo expectant: quæ
 quia certa esse non possunt, conficiuntur & angore,
 & metu; maximeq. cruciantur, cum sero sen-
 tiunt, frustra se aut pecuniæ studuisse, aut impe-
 rijs, aut opibus, aut gloriæ. nullas enim consequun-
 tur uoluptates; quarum potiendi spe inflammati,
 multos labores, magnosq. susceperunt. Ecce alij
 minuti, & angusti, aut omnia semper disperan-
 tes,

DE FINIBVS

tes, aut maleuoli, inuidi, difficiles, lucifugi, maledici, monstrosi, alij autem etiam amatorijs leuitatibus dediti, alij petulantes, alij audaces, proterui, ijdem intemperantes, & ignaui, numquam insententia permanentes. quas ob causas in eorum uita nulla est intercapedo molestiae. Igitur neque stultorum quisquam beatus, neque sapientum non beatus. multoq. hoc melius nos, ueriusque, quam Stoici. Illi enim negant bonum quidquam esse, nisi nescio quam illam umbram, quod appellant honestum, non tam solido, quam splendido nomine: uirtutem autem, nixam hoc honesto, nullam requirere uoluptatem, atque ad beate uiuendum se ipsa esse contentam. Sed possunt haec quadam ratione dici, non modo non repugnantibus, uerum etiam approbantibus nobis. sic enim ab Epicuro sapiens beatus semper inducitur: finitas habet cupiditates: negligit mortem: de dijs immortalibus sine ullo metu uera sentit: non dubitat, si ita melius sit, de uita migrare: his rebus instructus semper in uoluptate est: neque enim tempus est ullum, quo non plus habeat uoluptatum, quam dolorum. nam & praeterita grate meminit; et praesentibus ita potitur, ut animaduertat, quata sint ea, quamq. incunda; neque pendet ex futuris, sed expectat illa, fruitur praesentibus; ab ijsq. uitijs, quae paullo ante collegi, abest plurimum; & cum stultorum uitam cum sua comparat, magna afficitur uoluptate: dolores autem, si qui incurrunt, numquam

uim

uim tantam habent, ut non plus habeat sapiens, quod gaudeat, quam quod angatur. Optime uero Epicurus, quod exiguam dicit fortunam interuenire sapienti, maximasq. ab eo, & grauissimas res consilio ipsius, & ratione administrari, nec maiorem uoluptatem ex infinito tempore aetatis percipi posse, quam ex hoc percipiat, quod uideamus esse finitum. In dialectica autem uestra nullam uim existimauit esse nec ad melius uiuendum, nec ad commodius differendum. In physicis quidem, cum plurimum possint, ea scientia, & uerborum uis, & natura orationis, & consequentium, repugnantium ue ratio potest percipi. omnium autem rerum natura cognita, leuamur superstitione, liberamur mortis metu, non conturbamur ignorance rerum; e qua ipsa horribiles existunt saepe formidines: denique etiam morati melius erimus, cum didicerimus, quae natura desideret: tum uero, si stabilem scientiam rerum tenebimus; seruata illa, quae quasi delapsa de caelo est ad cognitionem omnium, regula, ad quam omnia iudicia rerum diriguntur, numquam ullius oratione uicti sententia desistemus. nisi autem rerum natura perspecta erit, nullo modo poterimus sensuum iudicia defendere. quidquid porro animo cernimus, id omne oritur a sensibus. qui si omnes ueri erunt, ut Epicuri ratio docet: tum denique poterit aliquid cognosci, & percipi. quos qui tollunt, & nihil posse percipi dicunt; ii, remotis sensibus, ne id ipsum quidem expedire possunt,

k 2 quod

physica
123

DE FINIBVS

quod differunt . praeterea , sublata cognitione , & scientia , tollitur omnis ratio & uitae degendae , & rerum gerendarum . Sic e phisicis & fortitudo sumitur contra mortis timorem , & constantia contra metum religionis , & sedatio animi , omnium rerum occultarum ignoracione sublata ; et moderatio , natura cupiditatum , generibusq. earum explicatis , & , ut modo docui , cognitionis regula , & iudicio ab eadem illa constituto , ueri a falso distinctio traditur . Restat locus huic disputationi uel maxime necessarius , de amicitia : quam , si uoluptas summum sit bonum , affirmatis nullam omnino fore . de qua Epicurus quidem ita dicit : omnium rerum , quas ad beate uiuendum sapientia comparauerit , nihil esse maius amicitia , nihil uberius , nihil iucundius . neque uero hoc oratione solum , sed multo magis uita , et factis , et moribus comprobauit . quod quam magnum sit , fictae ueterum fabulae declarant . in quibus tam multis , tamq. uarijs , ab ultima antiquitate repetitis , tria uix amicorum paria reperiuntur ; ut ad Orestem peruenias , profectus a Theseo . at uero Epicurus una in domo , et ea quidem angusta , quam magnos , quantaq. amoris con- spiracione consentientes tenuit amicorum greges ? quod sit etiam nunc ab Epicureis . Sed ad rem redeamus : de omnibus dici non necesse est . Tribus igitur modis uideo esse a nostris de amicitia disputatum . Alij , cum eas uoluptates , quae ad amicos pertine- rent , negarent esse per se ipsas tam expetendas , quam

*De Am. 98.
Val. 4. &
Plut. de am.
Am. mul. p.*

quam nostras expeteremus; quo loco uidetur quibusdam stabilitas amicitiae uacillare; tuentur tamen eum locum, seq. facile, ut mihi uidetur, expediunt. ut enim uirtutes, de quibus ante dictum est, sic amicitiam negant a uoluptate posse discedere: nam cum solitudo, & uita sine amicis, insidiarum, & metus plena sit; ratio ipsa monet amicitias comparare: quibus partis, confirmatur animus, & a spe pariendarum uoluptatum seiungi non potest. atque ut odia, inuidiae, despicationes aduersantur uoluptatibus: sic amicitiae non modo fautrices fidelissimae, sed etiam effeētrices sunt uoluptatum tam amicis, quam sibi: quibus non solum praesentibus fruuntur, sed etiam spe eriguntur consequentis, ac posteritatis temporis. quod quia nullo modo sine amicitia firmam, & perpetuam iucunditatem uitae tenere possumus; neque uero ipsam amicitiam tueri, nisi aequae amicos, & nosmet ipsos diligamus: iccirco & hoc ipsum efficitur in amicitia; & amicitia cum uoluptate connectitur. nam et laetamur amicorum laetitia aequae, ac nostra; & pariter dolemus angoribus. quocirca eodem modo sapiens erit affectus erga amicum, quo in se ipsum; quosque labores propter suam uoluptatem susceperit, eosdem suscipiet propter amici uoluptatem. quaeque de uirtutibus dicta sunt, quemadmodum hae semper uoluptatibus inhaerent; eadem de amicitia dicenda sunt. praeclare enim Epicurus his paene uerbis. Eadem, inquit, scientia confirmauit animum, ne quod

k 3 aut

DE FINIBVS

aut sempiternum, aut diuturnum timeret malum; quae perspexit, in hoc ipso uitae spatio amicitiae praesidium esse firmissimum. Sunt autem quidem Epicurei timidiore paullo contra uestra conuicia, sed tamen satis acuti; qui uerentur, ne, si amicitiam propter nostram uoluptatem expetendam putemus, tota amicitia quasi claudiare uideatur: itaque primos congressus, copulationesq. consuetudinum, institutuendarum amicitiarum, fieri propter uoluptates: cum autem usus progrediens familiaritatem effecerit, tum amorem efflorescere tandem; ut, etiam si nulla sit utilitas ex amicitia, tamen ipsi amici propter se ipsos amentur. etenim, si loca, si fana, si urbes, si gymnasia, si campum, si canes, si equos, si ludicra, exercendi, aut uenandi consuetudine, adamare solemus: quanto id in hominum consuetudine facilius fieri poterit, & iustius? Sunt autem, qui dicunt, foedus quoddam esse sapientum, ut ne minus amicos, quam se ipsos, diligant. quod & fieri posse intelligimus: et saepe id uidemus: et perspicuum est, nihil ad iucunde uiuendum reperiri posse, quod coniunctione tali sit aptius. Quibus ex omnibus iudicari potest, non modo non impediri rationem amicitiae, si summum bonum in uoluptate ponatur; sed sine hoc institutionem amicitiae omnino non posse reperiri. Quapropter, si ea, quae dixi, sole ipso illustriora, & clariora sunt; si omnia dixi hausta e fonte naturae; si tota oratio nostra omnem sibi fidem sensibus confirmat, idest incorru-

corruptis, atque integris testibus; si infantes pueri, si mutae etiam bestiae paene loquuntur, magistra, ac duce natura, nihil esse prosperum, nisi uoluptatem, nihil asperum, nisi dolorem; de quibus neque deprauata iudicant, neque corrupte: non ne ei maximam gratiam habere debemus, qui, exaudita quasi uoce naturae, sic eam firme grauiusq. comprehendit, ut omnes bene sanos in uiam placatae, tranquillae, quietae, beatae uitae deduceret? Qui quod tibi parum uidetur eruditus, ea causa est, quod nullam eruditionem esse duxit, nisi quae beatae uitae disciplinam iuuaret. an ille tempus aut in poetis euoluendis, ut ego, & Triarius, te hortatore, fecimus, consumeret; in quibus nulla solida utilitas, omnisq. puerilis delectatio: aut se, ut Plato, in musicis, geometria, numeris, astris contingeret? quae & a falsis initijs profecta, uera esse non possunt; & si essent uera, nihil afferrent, quo iucundius, id est, quo melius uiueremus. eas ergo artes persequeretur; uiuendi artem tantam, tamq. operosam, & perinde fructuosam, relinqueret? non ergo Epicurus ineruditus, sed ij indocti, qui; quae pueros non didicisse turpe est, ea putent usque ad senectutem esse discenda. Quae cum dixisset, explicauit, inquit, sententiam meam, et eo quidem consilio, tuum iudicium ut cognoscerem. quae mihi facultas, ut id meo arbitratu facerem, ante hoc tempus numquam est data.

M. TVLLII CICERONIS
DE FINIBVS BONORVM
ET MALORVM LIBER II.

HIC CVM uterque me intueretur,
se seq. ad audiendum significarent para-
tos; primum, inquam, deprecor, ne
me, tamquam philosophum, putetis
scholam uobis aliquam explicaturum: quod ne in ip-
sis quidem philosophis magnopere umquam proba-
ui. quando enim Socratis, qui parens philosophiae
iure dici potest, quidquam tale fecit? eorum erat
iste mos, qui tum sophistae nominabantur: quorum
e numero primus est usus Leontinus Gorgias in cō-
uentu poscere quaestionem, id est iubere dicere, qua
de re quis uellet audire. audax negotium: dicerem,
impudens, nisi hoc institutum postea translatum ad
philosophos nostros esset. sed & illum, quem nomi-
naui, & ceteros sophistas, ut e Platone intelligi po-
test, lufos uidemus a Socrate. is enim percunctan-
do, atque interrogando elicere solebat eorum opi-
niones, quibuscum differebat; ut ad ea, quae ij re-
spondissent, si quid uideretur, dicerent. qui mos cum
a posterioribus non esset retentus, Arcesilas eum
relocauit, instituitq., ut ij, qui se audire uellent,
non de se quaererent, sed ipsi dicerent, quid senti-
rent. quod cum dixissent, ille contra. sed qui audie-
bant, quoad poterant defendebant sententiam suā:
apud ceteros autem philosophos, qui quaesuit ali-
quid,

quid, tacet. quod quidem iam sit etiam in *Academia*. ubi enim is, qui audire uult, ita dixit; uoluptas mihi uidetur esse summum bonum: perpetua oratione contra disputatur: ut facile intelligi possit, eos, qui aliquid sibi uideri dicant, non ipsos in ea sententia esse, sed audire uelle contraria. Nos commodius agimus. non enim solum *Torquatus* dixit, quid sentiret, sed etiam cur. ego autem arbitror, quamquam admodum delectatus sum eius oratione perpetua, tamen commodius, cum in rebus singulis insistas, & intelligas quid quisque concedat, quid abnuat, ex rebus concessis concludi quid uelis, & ad exitum perueniri. cum enim fertur quasi torrens oratio; quamuis multa cuiusque modi rapiat; nihil tamen teneas, nihil apprehendas, nusquam orationem rapidam coerceas. omnis autem in quaerendo, quae uia quadam, & ratione habetur, oratio praescribere primum debet, ut quibusdam in formulis ea res agatur, ut, inter quos differitur, conueniat quid sit id, de quo differatur. hoc positum in *Phaedro* a *Platone* probauit *Epicurus*, sensitq. in omni disputatione fieri oportere: sed, quod proximum fuit, non uidit: negat enim definiri rem placere: sine quo fieri interdum non potest, ut inter eos, qui ambigunt, conueniat, quid sit id, de quo agatur: uelut in hoc ipso, de quo nunc disputamus. quaerimus enim finem bonorum: possumus ne scire, hoc quale sit, nisi contulerimus inter nos, cum finem bonorum dixerimus, quid finis, quid etiam sit ipsum
bo-

DE FINIBVS

bonum? atqui haec patefactio quasi rerum operta-
rum, cum, quid quidque sit, aperitur; definitio
est: quatuor etiam imprudens utebare non numquam:
nam hunc ipsum siue finem, siue extremum, siue
ultimum, definiabas, id esse, quo omnia, quae recte
fierent, referrentur; neque id ipsum usquam refer-
retur. praeclare hoc quidem. bonum ipsum etiam
quid esset, fortasse, si opus fuisset, definisses; aut
quod esset natura appetendum; aut quod prodesset;
aut quod iuuaret; aut quod liberet. modo idem, nisi
molestum est; quoniam tibi non omnino displicet de-
finire, & id facis cum uis; uelim defines, quid sit
uoluptas; de quo omnis haec quaestio est. Quasi
quis, inquit, sit, qui, quid sit uoluptas, nesciat,
aut qui, quo magis id intelligat, definitionem ali-
quam desideret. Me ipsum esse dicerem, inquam,
nisi mihi uiderer habere bene cognitam uoluptatem,
& satis firme conceptam animo, atque comprehen-
sam. nunc audem dico ipsum Epicurum nescire, &
in eo nutare, eumque, qui crebro dicat, diligenter
oportere exprimi, quae uis subiecta sit uocibus, non
intelligere interdum, quid sonet haec uox uolupta-
tis, id est, quae res uoci subiiciatur. Tunc ille
ridens, hoc uero, inquit, optimum, ut is, qui fi-
nem rerum expetendarum uoluptatem esse dicat, id
extremum, id ultimum bonorum, id ipsum quid
sit, quale sit, nesciat. Atqui, inquam, aut Epi-
curus, quid sit uoluptas, aut omnes mortales, qui
ubique sunt, nesciunt. Quoniam, inquit, mo-
do-

do? Quia uoluptatem hanc esse sentiunt omnes, quam sensus accipiens mouetur, et iucunditate quadam perfunditur. Quid ergo, inquit, istam uoluptatem Epicurus ignorat? Non semper, inquam. nam interdum nimis etiam nouit, quippe qui testificetur ne intelligere quidem se posse, ubi sit, aut quid sit ullum bonum, praeter illud, quod cibo, aut potione, & aurium delectatione, & obscena uoluptate capiatur. an haec ab eo non dicuntur? Quasi me pudeat, inquit, istorum; aut non possim, quemadmodum ea dicuntur, ostendere.

Ego uero non dubito, inquam, quin facile possis: nec est, quod te pudeat sapienti assentiri, qui se unus, quod sciam, sapientem profiteri sit ausus. nam Metrodorum non putant ipsum professum, sed, cum appellaretur ab Epicuro, repudiare tantum beneficium noluisse. septem autem illi, non suo, sed populi omnium suffragio nominati sunt. Verum hoc loco sumo, uerbis his eandem certe uim uoluptatis Epicurum nosse, quam ceteros. omnes enim iucundum motum, quo sensus hilarentur, graece ἡδονή, latine uoluptatem uocant. Quid est igitur, inquit, quod requiras? Dicam, inquam, & quidem discendi causa magis, quam quo te, aut Epicurum reprehensum uelim. Ego quoque, inquit, didicerim libentius, si quid attuleris, quam te reprehenderim. Tenes ne igitur, inquam, Hieronymus Rhodius quod dicat esse summum bonum, quo putet omnia referri oportere? Teneo, inquit, si-

ncms

DE FINIBVS

nem illi uideri, nihil dolere. Quid? idem iste de uoluptate quid sentit? Negat esse eam, inquit, propter se ipsam expetendam. Aliud igitur esse censet, gaudere; aliud, non dolere. Et quidem, inquit, uehementer errat. nam, ut paullo ante docui, augendae uoluptatis finis est, doloris omnis amotio. Tum, non dolere, inquam, istud quam uim habeat, postea uidero: aliam uero uim uoluptatis esse, aliam nihil dolendi, nisi ualde pertinax fueris, concedas necesse est. Atqui reperies, inquit, in hoc quidem pertinacem. dici enim nihil potest uerius. Est ne, quaeso, inquam, sitienti in bibendo uoluptas? Quis istud, inquit, posset negare? Eadem ne, inquam, quae restincta siti? Immo alio genere. nam restincta sitis stabilitatem uoluptatis habet, inquit: illa autem uoluptas ipsius restinctionis, in motu est. Cur igitur, inquam, res tam dissimiles eodem nomine apellas? Quid paullo ante, inquit, dixerim. non ne meministi? cum omnis dolor detractus esset, uariari, non augeri uoluptatem. Memini uero, inquam, sed tu istud dixisti bene latine, parum plane: uarietas enim latinum uerbum est, idq. proprie quidem in disparibus coloribus dicitur, sed transfertur in multa disparia. uarium poema, uaria oratio, uarij mores, uaria fortuna, uoluptas uaria etiam dici solet, cum percipitur ex multis dissimilibus rebus, dissimiles efficientibus uoluptates. eam si uarietate diceres, intelligerem, ut, etiam non dicente te, intelligo: ista

ista uarietas quae sit, non satis perspicio; quod ais; cum dolore careamus, tum in summa uoluptate nos esse; cum autem uescamur ijs rebus, quae dulcem motum afferant sensibus, tum esse in motu uoluptatem, quae faciat uarietatem uoluptatum, sed non augeri illam non dolendi uoluptatem. quam cur uoluptatem appelles, nescio. An potest, inquit ille, quidquam esse suauius, quam nihil dolere? Immo sit sane nihil melius, inquam: nondum enim id quaero: num propterea idem uoluptas est, quod, ut ita dicam, indolentia? Plane idem, inquit, et maxima quidem, qua fieri nulla maior potest. Quid dubitas igitur, inquam, summo bono a te ita constituto, ut id totum in non dolendo sit, id tenere unum, id tueri, id defendere? quid enim necesse est, tamquam meretricem in matronarum coetum, sic uoluptatem in uirtutum concilium adducere? sed inuidiosum nomen est, & infamiae subiectum. itaque hoc frequenter dici solet a uobis, non intelligere nos, quam dicat Epicurus uoluptatem. quod quidem mihi si quando dictum est; (est autem dictum non parum saepe) etsi satis clemens sum in disputando, tamen interdum soleo subirasci. ego ne non intelligo, quid sit ἡδονή graece, latine uoluptas? utram tandem linguam nescio? deinde, qui sit, ut ego nesciam, sciant omnes, quicumque Epicurei esse uoluerunt? quod uestri quidem uel optime disputant; nihil opus esse eum, qui philosophus futurus sit, scire litteras. itaque ut maiores nostri ab aratro abdu-

xerunt

DE FINIBVS

xerunt Cincinnatum illum, ut dictator esset: sic uos
de Pelasgis omnibus colligitis bonos illos quidem ui
ros, sed certe non pereruditos. ergo illi intelligunt,
quid Epicurus dicat, ego non intelligo? ut scias me
intelligere, primum, idem esse uoluptatem, dico,
quod ille ἡδονή. et quidem saepe quaerimus uerbū
latinum par graeco, & quod idem ualeat: hic nihil
fuit, quod quaereremus. nullum inueniri potest,
quod magis idem declaret latine, quod graece, quam
declarat uoluptas. huic uerbo omnes, qui ubique
sunt, qui latine sciunt, duas res subiiciunt, laetitiam
in animo, commotionem suauem iucunditatis in cor
pore. nam & ille apud Trabeam, uoluptatem ani
mi nimiam, laetitiam dicit, eandem, quam ille Cae
cilianus, qui omnibus laetitijs laetum esse se narrat.
sed hoc interest, quod uoluptas dicitur etiā in animo
uitiosa res, ut Stoici putant, qui eam sic definiunt,
sublationem animi sine ratione, opinantis se magno
bono frui; non dicitur laetitia, nec gaudium in cor
pore. in eo autem uoluptas omnium latine loquen
tium more ponitur, cum percipitur ea, quae sensum
aliquem moueat, iucunditas. hanc quoque iucun
ditatem, si uis, transfer in animum: iuuare enim
in utroque dicitur, ex eoq. iucundum: modo intelli
gas, inter illum, qui dicat,

- Tanta laetitia auctu' sum,
Vt mihi non constem;
& eum, qui,
Nunc demum mihi animus ardet;

quo-

286.
Fam. l. 9. 21.
103. Gell.
Cap. 24

quorū alter laetitia gēstiat, alter dolore crucietur;
esse illum medium.

Quāquam haec inter nos nupera notitia admodum *nupera*
est, qui nec laetetur, nec angatur: itemq. inter eum,
qui potiatur expetitis corporis uoluptatibus, &
eum, qui crucietur summis doloribus, esse eum, qui
utroque careat. Satis ne igitur uideor uim uerbo-
rum tenere: an sum etiam nunc uel graece loqui, uel
latine docendus? et tamen uide, ne, si ego non in-
telligam quid Epicurus loquatur, cum graece, ut ui-
deor, luculenter sciam, sit aliqua culpa eius, qui
ita loquatur, ut non intelligatur. quod duobus mo-
dis sine reprehensione fit: si aut de industria facias,
ut Heraclitus, cognomento qui, σκοτεινὸς perhibe-
tur, quia de natura nimis obscure memorauit: aut
cum rerum obscuritas, non uerborum, facit, ut
non intelligatur oratio: qualis est in Timaeo Plato-
nis. Epicurus autem, ut opinor, nec non uult, si pos-
sit, plane, & aperte loqui; nec de re obscura, ut
physici, aut artificiosa, ut mathematici, sed de il-
lustri, & facili, & iam in uulgus peruagata, loqui-
tur. quamquam non negatis nos intelligere, quid sit
uoluptas, sed quid ille dicat. e quo efficitur, non ut
nos non intelligamus, quae uis sit istius uerbi; sed ut
ille suo more loquatur, nostrum negligat. si enim
idem dicat, quod Hieronymus, qui censet summum
bonum esse, sine ulla molestia uiuere: cur mauult
dicere uoluptatem, quam uacuitatem doloris? ut
ille facit; qui quid dicat, intelligitur. sin autem uo-
luptatem

*Id. Laert. 2
Socr.*

*uacuitas
doloris d.*

DE FINIBVS

299
 luptatem putat: dicat adiungendam ad illa, quae
 in motu sit, (sic enim appellat hanc dulcem in mo-
 tu) illam nihil dolentis in stabilitate: quid tendit,
 cum efficere non possit, ut cuiquam, qui ipse notus
 sibi sit, hoc est qui suam naturam, sensumq. per-
 spexerit, uacuitas doloris, & uoluptas idem esse
 uideatur? hoc est uim afferre, Torquate, sensibus,
 extorquere ex animis cogitationes uerborum, qui-
 bus imbuti sumus. quis enim est, qui non uideat
 haec esse in natura rerum tria: unum, cum in uolu-
 ptate sumus: alterum, cum in dolore: tertium hoc
 quidem, in quo nunc sumus. credo quidem uos nec
 in dolore, nec in uoluptate esse: cum in uoluptate
 sint, qui epulentur; in dolore, qui torqueantur. tu
 autem inter haec tantam multitudinem hominum
 interiectam non uides nec laetantium, nec dolenti-
 tium? Non prorsus, inquit: omnesque, qui sine do-
 lore sint, in uoluptate, & ea quidem summa, esse
 dico. Ergo in eadem uoluptate eum, qui alteri
 misceat mulsum, ipse non sitiens; & eum, qui il-
 lud sitiens bibat? Tum ille, finem, inquit, inter-
 rogandi, si uidetur: quod quidem ego a principio
 ita me malle dixeram, hoc ipsum prouidens, dia-
 lecticas captiones. Rhetorice igitur, inquam, nos
 manis, quam dialectice, disputare? Quasi uero,
 inquit, perpetua oratio rhetorum solum, non etiam
 philosophorum sit. Zenonis est, inquam, hoc Stoi-
 ci, omnem uim loquendi, ut iam ante Aristoteles,
 in duas tributam esse partes: rhetoricam palmarum,
 diale-

*dialecticam pugno similes esse dicebat, quod latius loquerentur rhetores, dialectici autem compressius. obsequar igitur uoluntati tuae: dicamque, si potero, rhetorice, sed hac rhetorica philosophorum, non nostra illa forensi: quam necesse est, cum populariter loquamur, esse interdum paullo hebetiorem. Sed dum dialecticam, Torquate, contemnit Epicurus, quae una continet omnem & perspicendi, quid in quaque re sit, scientiam, & iudicandi quale quidque sit, ac ratione, & uia disputandi; ruit in dicendo, ut mihi quidem uidetur, nec ea, quae docet, uult ulla arte distingui: ut haec ipsa, quae modo loquebamur. Summum a uobis bonum uoluptas dicitur. aperiendum est igitur, quid sit uoluptas. aliter enim explicari, quod quaeritur, non potest. quam si explicauisset, non tam haesitaret. aut enim eam uoluptatem tueretur, quam Aristippus, id est qua sensus dulciter ac iucunde mouetur, quam etiam pecudes, si loqui possent, appellarent uoluptatem: aut, si magis placeret suo more loqui, quam ut Omnes Danaï, aut Mycenenses, Attica pubes, reliquique Graeci, qui hoc anapaesto citantur; hoc, non dolere, solum uoluptatis nomine appellaret, illud Aristippeum contemneret: aut, si utrumque probaret, ut probat, coniungeret doloris uacuitatem cum uoluptate, & duobus ultimis uteretur. multi enim & magni philosophi haec ultima bonorum iuncta fecerunt, ut Aristoteles, qui uirtutis usum cum uitae perfectae prosperitate con-
30. 123. 31
 & Nat: 1. 22
 80?*

DE FINIBVS

iuxit. Callipho adiunxit ad honestatem uoluptatem. Diodorus ad eandem honestatem addidit uacuitatem doloris. idem fecisset Epicurus, si sententiam hanc, quae nunc Hieronymi est, coniunxisset cum Aristippi uetere sententia. illi enim inter se dissentiunt: propterea singulis finibus utuntur: et cum uterque graece egregie loquatur; nec Aristippus, qui uoluptatem summum bonum dicit, in uoluptate ponit non dolere; neque Hieronymus, qui summum bonum statuit non dolere, uoluptatis nomine umquam utitur pro illa indolentia; quippe qui ne in expetendis quidē rebus numeret uoluptatem. duae sunt enim res quoque: ne tu uerba solum putes. unum est, sine dolore esse: alterum, cum uoluptate. uos ex his tam dissimilibus rebus non modo nomen unum, (nam id facilius paterer) sed etiam rem unam ex duabus facere conamini: quod fieri nullo modo potest; hic, qui utramque probat, ambobus debuit uti, sicut facit, neque tamen diuidit uerbis. cum enim ipsam eam uoluptatem, quam eodem nomine omnes appellamus, laudat locis plurimis, audet dicere, ne suspicari quidem se ullum bonum seiunctum ab illo Aristippeo genere uoluptatis. atque ibi hoc dicit, ubi omnis eius est oratio de summo bono. in alio uero libro, ubi, breuiter comprehensis grauissimis sententijs, quasi oracula edidisse sapientiae dicitur, scribit his uerbis: quae nota tibi profecto, Torquate, sunt: quis enim uestrum non edidit Epicuri *κρίλας δόξας*, id est maxime ratas?

ratas? quia grauissimae sint ad beate uiuendum bre-
uiter enuntiatae sententiae. animaduertite igitur, re-
cte ne hanc sententiam interpreter. Si ea, quae sunt
luxuriosis efficientia uoluptatum, liberarent eos
deorum, & mortis, & doloris metu, docerentq.
qui essent fines cupiditatum: nihil haberem, quod
reprehenderem; cum undique complerentur uolu-
ptatibus, nec haberent ulla ex parte aliquid aut do-
lens, aut aegrum, idest aut malum. Hoc loco se te-
nere Triarius non potuit: obsecro, inquit, Torqua-
te, haec dicit Epicurus? Quod, mihi quidem uisus
est, cum sciret, uelle tamen consistentem audire
Torquatum. At ille non pertimuit, saneq. fiden-
ter, istis quidem ipsis uerbis, inquit: sed, quid sen-
tias, non uidetis. Si alia sentis, inquam, alia lo-
quitur: numquam intelligam, quid sentias: sed pla-
ne dicit, quod intelligam: idq. si ita dicit, non esse
reprehendendos luxuriosos, si sapientes sint, dicit
absurde. similiter & si dicat, non reprehendendos
paricidas, si nec cupidi sint, nec deos metuant,
nec mortem, nec dolorem. & tamen quid attinet
luxuriosis ullam exceptionem dare? aut fingere ali-
quos, qui, cum luxuriose uiuerent, a summo phi-
losopho non reprehenderentur eo nomine dūtaxat,
cetera cauerent? sed tamen non ne reprehenderes,
Epicure, luxuriosos ob eam ipsam causam, quod
ita uiuerent, ut persequerentur cuiusque modi uo-
luptates? cum esset praesertim, ut ais tu, summa
uoluptas, nihil dolere? at qui reperiemus a sotos pri-

mum ita non religiosos, ut edant de patella; deinde
ita mortem non timentes, ut illud in ore habeant
ex Hymnide

Mihi sex menses sati sunt uitae: septimum Orco
spondeo.

pro Clu Iam doloris medicamenta illa Epicurea tamquam
de narthecio promant: si grauis, breuis: si longas,
leuis. unum nescio, quo modo possit, si luxuriosus
sit, finitas cupiditates habere. quid ergo attinet di
cere, nihil haberem, quod reprehenderem, si fini
tas cupiditates haberent? hoc est dicere; non repre
henderem asotos, si non essent asoti. isto modo, ne
improbos quidem, si essent boni uiri. Hic, homo se
uerus luxuriam ipsam per se reprehendendam non
putat: & hercule, Torquate, ut uerum loqua
mur, si uoluptas summum bonum est, rectissime
non putat. nolim enim mihi fingere asotos, ut so
letis, qui in mensam uomant; & qui de conuiujs
auferantur, *crudiq.* postridie se rursus ingurgitent;
qui solem, ut aiunt, nec occidentem umquam ui
derint, nec orientem; qui, consumptis patrimo
nijs, egeant. nemo nostrum istius generis asotos
iucunde putat uiuere. mundos, elegantes, optimis
coquis, pistoribus, piscatu, aucupio, uenatione, his
omnibus exquisitis, uitantes cruditatem, quibus
Vinum diffusum e pleno siet oenophoro,
ut ait Lucilius, cui
Nil dempsit nix, & sacculus abstulerit:
adhibentes ludos, & quae sequuntur illa; quibus
detra-

detractis, clamat Epicurus se nescire quid sit bo-
 num. adsint etiam formosi pueri, qui ministrent:
 * resplendeat his uestis, argentum, odrilitium, lo-
 cus ipse, aedificium. hos ego a sotos bene quidem ui-
 uere, at beate numquam dixerim. ex quo efficitur,
 non ut uoluptas ne sit uoluptas, sed ut uoluptas non
 sit summū bonum. Nec ille, qui Diogenem Stoicum
 adolescens, post autem Panaetium audierat, Laelius,
 eo dictus est sapiens, quod non intelligeret quid sua-
 uissimum esset, (nec enim sequitur, ut, cui cor sapi-
 at, ei non sapiat palatus) sed quia parui id duceret:
 O lapathe, ut iactare necesse est, cognitu' cui sis:
 In quo Laeliu' clamores sophos ille solebat
 Edere, compellans gumas ex ordine nostros,
 Laeliu' praeclare, & recte sophos, illudq. uere: *pro quin:*
 O Publi Gurges Galloni, es homo miser, inquit *23.*
 Cenasti in uita numquam bene, cum omnia in ista
 Consumis squilla, atque acipensere cum decumano:
 is haec loquitur, qui in uoluptate nihil ponēs, negat
 cum bene cenare, qui omnia ponat in uoluptate: &
 tamen non negat libenter umquā cenasse Galloniū,
 (mentiretur enim) sed bene. ita grauitē, & seuerē
 uoluptatē secernit a bono. ex quo illud efficitur, qui
 bene cenent, omnes libenter cenare; qui libenter,
 non continuo bene. semper Laelius bene. - quid be-
 ne? dicet Lucilius, Cocto, Condito. sed cedo ca-
 put cenae. - Sermone bono. quid ex eo? - Si quae-
 ri, libenter. ueniebat enim ad cenam, ut animo
 quieto satiaret desideria naturae. recte ergo is ne-

D E F I N I T I O N E

gat umquam bene cenasse Gallonium, recte miserum, cum praesertim in eo omne studium consumeret. quem libenter cenasse nemo negat. cur igitur non bene? quia, quod bene, id recte, frugaliter, honeste. ille porro male, prae, nequiter, turpiter cenabat. non igitur nec lapathi suauitatem accipenser Gallonij Laelius anteponebat, sed suauitatem ipsam negligebat. quod non faceret, si in uoluptate summum bonum poneret. Semonenda est igitur uoluptas, non solum ut recta sequamini, sed etiam ut loqui deceat frugaliter. Possumus ne igitur in uita summum bonum dicere, cum id ne in cena quidem posse uideamur? Quo modo autem philosophus loquitur? tria genera cupiditatum, naturales, & necessarias; naturales, non necessarias; nec naturales, nec necessarias. primum diuisit ineleganter: duo enim genera quae erant, fecit tria. hoc est, non diuidere, sed frangere rem. qui si diceret, cupiditatum esse duo genera, naturales, & inanes; naturalium quoque item duo, necessarias, & non necessarias: confecta res esset. uitiosum est enim in diuidendo, partem in genere numerare. sed hoc sane concedamus: contemnit enim differendi elegantiam: confuse loquitur. gerendus est mos, modo recte sentiat. Et quidem illud ipsum non nimium probo; & tamen patior. philosophum loqui de cupiditatibus finiendis. an potest cupiditas finiri? tollenda est, atque extrahenda radicitus. quis est enim, in quo sit cupiditas, quin recte cupidus dici

ci possit? ergo & auarus erit, sed finite: & adul-
ter, uerum habebit modum: & luxuriosus eodem
modo. qualis ista philosophia est, quae non interitis
afferat prauitatis, sed sit contenta mediocritate ui-
tiorum? Quamquam in hac diuisione rem ipsam
prorsus probo, elegantiam desidero. appellet haec
desideria naturae; cupiditatis nomen seruet alio; ut,
cum de auaritia, cum de intemperantia, cum de
maximis uitijs loquetur, eam tamquam capitis ac-
cesset. Sed haec quidem liberius ab eo dicuntur, &
saepius. quod equidem non reprehendo. est enim
tanti philosophi, tamq. nobilis, audacter sua de-
creta defendere. sed tamen ex eo, quod eam uolu-
ptatem, quam omnes gentes hoc nomine appellant,
uidetur amplexari saepe uehementius, in magnis
interdum uersatur angustiis; ut hominum conscien-
tia remota, nihil tam turpe sit, quod uoluptatis
caussa non uideatur esse facturus. Deinde, ubi eru-
bit, (uis enim est permagna naturae) confugit il-
luc, ut neget accedere quidquam posse ad uolupta-
tem nihil dolentis. At iste non dolendi status non uo-
catur uoluptas. Non laboro, inquit, de nomine.
Quid, quod res alia tota est? Reperiam multos uel
innumerabiles potius, non tam curiosos, nec tam
molestos, quam uos estis: quibus, quidquid uelim,
facile persuadeam. Quid ergo dubitamus, quin, si,
non dolere, uoluptas sit summa, non esse in uolu-
ptate dolor sit maximus? cur id non ita sit? Quia do-
lori non uoluptas contraria est, sed doloris priuatio.

DE FINIBVS

Hoc uero non uidere, maximo argumento, uolupta-
tem ullam: qua sublata, neget se intelligere om-
nino, quid sit bonum. eam autem ita persequitur,
quae palato percipiatur, quae auribus: cetera addit,
quae si appelles, honos praefandus sit. Hoc igitur,
quod solum bonum seuerus, & grauis philoso-
phus nouit, idem non uidet ne expetendum quidem
esse; quod eam uoluptatem hoc eodem auctore non
desideremus, cum dolore careamus. quamquam
haec sunt contraria. hic si definire, uel diuidere di-
dicisset; si loquendi uim, si denique consuetudinem
uerborum teneret; numquam in tantas salebras in-
cidisset. nunc uides, quid faciat. quā nemo umquā
uoluptatem appellat, & hanc in motu uoluptatem,
quae duo sunt, unum facit; (sic enim has suauēs, et
quasi dulces uoluptates appellat) interdum ita ex-
tenuat, ut N. Curium putes loqui; interdum ita lau-
dat, ut, quid praeterea sit bonum, neget se posse
ne suspicari quidem. quae iam oratio non a philoso-
pho aliquo, sed a censore opprimenda est. non est
enim uitium solum in oratione, sed etiam in mori-
bus. Luxuriam non reprehendit, modo sit uacua
infinita cupiditate, & timore. hoc loco discipulos
quaerere uidetur, ut, qui a soti esse uelint, philoso-
phi ante fiant. A primo, ut opinor, animantium
ortu petitur origo summi boni. simul atque natum
animal est, gaudet uoluptate, & eam appetit, ut
bonum; aspernatur dolorem, ut malum. de malis
autem, & bonis, ab ijs animalibus, quae nondum
de-

depravata sunt, ait optime iudicari. Haec & tu
ita posuisti, & uerba uestra sunt. Quam multa
uitiosa? summum enim bonum, & malum ua-
giens puer utra uoluptate diiudicabit, stante, an
mouente? quoniam, si dijs placet, ab Epicuro loqui
discimus. si stante; hoc natura uidelicet uult, sal-
uam esse se; quod concedimus: si mouente, quod
tamen dicitis; nulla turpis uoluptas erit, quae prae-
termittenda sit: & simul non proficietur animal
illud modo natum a summa uoluptate, quae est a te
posita in non dolendo. Nec tamen argumentum
hoc Epicurus a paruis petiuit, aut etiam a bestiis:
quae putat esse specula naturae: ut diceret, ab his,
duce natura, hanc uoluptatem expeti nihil dolendi.
neque enim haec mouere potest appetitum animi:
nec illum habet ictum, quo pellat animum status
hic non dolendi. itaque in hoc eodem peccat Hiero-
nymus. at ille pellit, qui permulcet sensum uolupta-
te. itaque Epicurus semper hoc utitur, ut probet
uoluptatem natura expeti; quod ea uoluptas, quae
in motu sit, & paruos ad se alliciat, & bestias,
non illa stabilis, in qua tantum inest nihil dolere.
quid igitur conuenit, ab alia uoluptate dicere natu-
ram proficisci, in alia summum bonum ponere? Be-
stiarum uero nullum iudicium puto. quamuis enim
depravatae non sint, pravae tamen esse possunt. ut
bacillum aliud est inflexum et incuruatum de indu-
stria, aliud ita natum: sic ferarum natura non est il-
la quidem deprauata mala disciplina, sed natura
sua,

DE FINIBVS

sua. Nec uero, ut uoluptatem expetat, natura mouet infantem, sed tantum, ut se ipse diligat, ut integrum se, saluumq. uelit. omne enim animal, simul ut ortum est, & se ipsum, & omnes partes suas diligit; duasq. res, quae maximae sunt, in primis amplectitur, animum, & corpus; deinde utriusque partes. nam sunt & in animo praecipua quaedam, & in corpore: quae cum leuiter agnouit, tunc discernere incipit, ut ea, quae prima data sunt natura, appetat, asperneturq. contraria. In his primis naturalibus uoluptas insit, nec ne, magna quaestio est. nihil uero putare esse praeter uoluptatem, non membra, non sensus, non ingenij motum, non integritatem corporis, non ualitudinem, summae mihi uidetur inscitiae. atque ab isto capite fluere necesse est omnem rationem bonorum, & malorum. Polemoni, etiam ante Aristoteli ea prima uisa sunt, quae paullo ante dixi. ergo nata est sententia ueterum Academicorum, & Peripateticorum; ut finem bonorum dicerent, secundum naturam uiuere, id est, uirtute adhibita, frui primis a natura datis. Callipho ad uirtutem nihil adiunxit, nisi uoluptatem: Diodorus nisi uacuitatem doloris. his omnibus, quos dixi, consequentes sunt finem bonorum. Aristippo simplex uoluptas: Stoicis, consentire naturae: quod esse uolunt e uirtute, id est honeste uiuere: quod ita interpretantur; uiuere cum intelligentia earum rerum, quae natura euenirent, eligente ea, quae essent secundum naturam, reijcereq. con-

112 :: off:
3. 54:

contraria. Ita tres sunt fines, expertes honestatis; unus Aristippi, uel Epicuri, alter Hieronymi; Carneadis tertius; tres, in quibus honestas cum aliqua accessione, Palemonis, Calliphonis, Diodori; una simplex, cuius Zeno auctor, posita in decore tota, id est in honestate. nam Pyrrho, Aristoteli, Herillus *off. lib. p. 4.* iam diu abiecti: reliqui sibi constiterunt, ut extrema cum initijs conuenirent; ut Aristippo uoluptas, Hieronymo doloris uacuitas, Carneadi frui principijs naturalibus esset extremum. Epicurus autem cum in prima commendatione uoluptatem dixisset; si eam, quam Aristippus, idem tenere debuit ultimum bonorum, quod ille; si eam, quam Hieronymus, fecisset idem, ut uoluptatem illam Aristippi in prima commendatione poneret. nam quod ait sensibus ipsis iudicari, uoluptatem bonum esse, dolorem malum: plus tribuit sensibus, quam nobis leges permittunt. priuatarum litium iudices sumus: nihil enim possumus iudicare, nisi quod est nostri iudicij. in quo frustra iudices solent, cum sententiam pronunciant, addere, si quid mei iudicij est. si enim non fuit eorum iudicij; nihilo magis, hoc non addito, illud est iudicatum. quid indicat sensus? dulce, amarum; lene, asperum; prope, longe; stare, mouere; quadratum, rotundum. quam igitur pronuntiabit sententiam ratio? adhibita primum diuinarum humanarumque rerum scientia, quae potest appellari rite sapientia; deinde adiunctis uirtutibus, quas ratio rerum omnium dominas, tu uoluptatum

sa-

DE FINIBVS

Satellites, & ministras esse uoluisti: quarum de omnium sententia pronuntiabit, primum de uoluptate, nihil esse ei loci, non modo ut sola ponatur in summi boni sede, quam quaerimus; sed ne illo quidem modo, ut ad honestatem applicetur. De uacuitate doloris eadem sententia est. Reijcietur etiam Carneades: nec illa de summo bono ratio, aut uoluptatis, non dolendi ue partieps, aut honestati expers, probabitur. ita relinquet duas, de quibus etiam atque etiam consideret. aut enim statuet, nihil esse bonum, nisi honestum; nihil malum, nisi turpe; cetera aut omnino nihil habere momenti, aut tantum, ut nec expetenda, nec fugienda, sed eligenda modo, aut reijcienda sint: aut anteponet eam, quam cum honestate ornatissimam, tum etiam ipsis initijs naturae, et totius perfectione uitae locupletata uidebit. quod eo liquidius faciet, si perspexerit, rerum inter eas, uerborum ne sit controuersia. Huius ego nunc auctoritatem sequens, idem faciam. quantum enim potero, minuam contentiones; omnesque simplices sententias eorum, in quibus nulla est uirtutis adiunctio, omnino a philosophia semouendas putabo: primum Aristippi, Cyrenaicorumque omnium: quos non est ueritum, in ea uoluptate, quae maxima dulcedine sensum moueret, summum bonum ponere, contemnentes istam uacuitatem doloris. hi non uiderunt, ut ad cursum equum, ad arandum bouem, ad indagandum canem, sic hominem ad duas res, ut ait Aristoteles, intelligendum, &

81.
Diog. Laert.
in P. N. 11.

Et agendum esse natum, quasi mortalem deum :
contraque, ut tardam aliquam, & languidam pecu-
dem, ad pastum, et ad procreandi uoluptatem hoc
diuinum animal ortum esse uoluerunt. quo nihil mi-
hi uidetur esse absurdus. Atque haec contra Ari-
stippum, qui eam uoluptatem non modo summam,
sed solam etiam dicit, quam omnes unam appella-
mus uoluptatem. aliter autem uobis placet. sed il-
le, ut dixi, uitiose. nec enim figura corporis, nec
ratio excellens ingenij humani significat ad hanc
unam rem natum hominem, ut frueretur uolupta-
tibus. Nec uero audiendus Hieronymus; cui sum-
mum bonum est idem, quod uos interdum, uel po-
tius nimium saepe dicitis, nihil dolere. non enim, si
malum dolor est, carere eo malo, satis est ad bene
uiuendum. hoc dixerit potius Ennius,
Nimium boni est, cui nihil est mali :
nos beatam uitam non depulsione mali, sed adeptio-
ne boni iudicemus; nec eam cessando, siue gauden-
do, ut Aristippus, siue non dolendo, ut hic, sed a-
gendo aliquid, considerando ue quaeramus. Quae
possunt eadem contra Carneadem illud summum
bonum dici: quod is non tam, ut probaret, protu-
lit, quam ut Stoicis, quibus cum bellum gerebat,
opponeret. id autem eiusmodi est, ut additum ad
uirtutem, auctoritatem uideatur habiturum, &
expleturum cumulate uitam beatam, de quo om-
nis haec quaestio est. nam qui ad uirtutem adiun-
gunt uel uoluptatem, quam unam uirtus minimi
facis,

DE FINIBVS

facit, uel uacuitatem doloris, quae, etiam si malo caret, tamen non est summum bonum: accessione utuntur non ita probabili: nec tamen; cur id tam parce, tamq. restricte faciant, intelligo. quasi enim emendum eis sit, quod addant ad uirtutem, primum uilissimas res addunt; deinde singulas potius, quam omnia, quae prima natura approbauisset, ea cum uoluptate coniungunt. quae cum Aristoni, & Pyrrhoni omnino uisa sint pro nihilo, ut inter optime ualere, & grauissime aegrotare, nihil prorsus dicerent interesse: recte iam pridem contra eos desitum est disputari. dum enim in una uirtute sic omnia esse uoluerunt, ut eam rerum se lectione exspoliarent, nec ei quidquam, aut unde oriretur, darent, aut ubi niteretur: uirtutem ipsam, quam amplexabantur, sustulerunt. Herillus autem, ad scientiam omnia reuocans, unum quoddam bonum uidit, sed nec optimum, nec quo uita gubernari possit: itaque hic ipse iam pridem est reiectus. post enim Chrysippum non sane est disputatum. Restatis igitur uos. nam cum Academicis incerta luctatio est: qui nihil affirmant, &, quasi desperata cognitione certi, id sequi uolunt, quodcumque uerisimile uideatur. Cum Epicuro autem hoc est plus negotij, quod ex duplici genere uoluptatis coniunctus est, quodq. & ipse, et amici eius, & multi postea defensores eius sententiae fuerunt: & nescio quo modo, is, qui auctoritatem minimam habet, maximam uim, populus cum illis facit.

cit. quos nisi arguimus, omnis uirtus, omne decus,
omnis uera laus deferenda est. ita, ceterorum sen-
tentijs semotis, relinquitur non mihi cum Torqua-
to, sed uirtuti cum uoluptate certatio. quam qui-
dem certationem, homo & acutus, & diligens,
Chrysippus non contemnit, totumq. discrimē sum-
mi boni eadem comparatione positum putat. ego
autem existimo, si honestum aliquid ostendero, quod
sit ipsum ui sua, propterq. se expetendum, iace-
re uestra omnia. itaque eo, quale sit, breuiter, ut
tempus postulat, constituto, accedam ad omnia tua,
Torquate. ubi si me memoria forte defecerit, tuum
est ut suggeras. Honestum igitur id intelligimus,
quod tale est, ut, detracta omni utilitate, sine ullis
praemijs fructibusq. per se ipsum possit iure lauda-
ri. quod quale sit, non tam definitione, qua sum-
mus, intelligi potest, quamquam aliquantum potest,
quam communi omnium iudicio, et optimi cuiusque
studijs, atque factis: qui permulta ob eam unā caus-
sam faciunt, quia decet, quia rectum, quia hone-
stum est; etsi nullum consecuturum emolumentum
uident. homines enim, etsi multis alijs, tamen hoc
uno a bestijs plurimum differunt, quod rationem
habeant a natura, mentemq. datam & acrem, &
uigentem, celerrimeq. multa simul agitantem, &
ut ita dicam, sagacem: quae & causas rerum, &
consecutiones uideat; & similitudines transferat;
& disuncta coniungat; et cum praesentibus futura
copulet; omnemq. complectatur uitae consequentis
st.

DE FINIBVS

off. lib. p.º 7. **Statum** . eademq. ratio facit hominem hominum appetentem , cumq. his natura , & sermone , & usu congruentem ; ut , profectus a caritate domesticorum , ac suorum , currat longius , & se implicet primum ciuium , deinde omnium mortalium societate ; atque , ut ad Architam scripsit Plato , non sibi se soli natum meminerit , sed patriae , sed suis ; ut perexigua pars ipsi relinquatur . Et quoniam eadem natura cupiditatem ingenuit homini ueri inueniendi ; quod facillime apparet , cum uacui curis etiam quid in caelo fiat , scire auemus : his initijs inducti omnia uera diligimus , id est fidelia , simplicia , constantia ; tum uana , falsa , fallentia odimus , ut fraudem , periurium , malitiam , iniuriam . Eadem ratio habet in se quiddam amplum , atque magnificum , ad imperandum magis , quam ad parendum , accommodatum , omnia humana non tolerabilia solum , sed etiam leuia ducens , altum quiddam , excelsum , nihil timens , nemini cedens , semper inuictum . Atque , his tribus generibus honestorum notatis , quartum sequitur , & in eadem pulchritudine , & aptum ex illis tribus : in quo inest ordo , & moderatio . cuius similitudine perspecta in formarum specie , a dignitate transitum est ad honestatem dictorum , atque factorum , nam ex ijs tribus laudibus , quas ante dixi , & temeritatem reformidat , et non audet cuiquam aut dicto propter uo , aut facto nocere ; uereturq. quidquam aut facere , aut loqui , quod parum uirile uideatur . Habes undique expl

tam & perfectam, Torquate, formam honestatis: quae tota his quattuor uirtutibus, quae a te quoque commemoratae sunt, continetur. hanc se tuus Epicurus omnino ignorare dicit, quam, aut qualem esse uelint, qui honestate summum bonum metiantur. si enim ad honestatem omnia referantur, nec in ea uoluptatem dicant inesse: ait eos inani uoce sonare; (his enim ipsis uerbis utitur) neque intelligere, neque uidere, sub hac uoce honestatis quae sit subiciens sententia. ut enim consuetudo loquitur, id solum dicitur honestum, quod est populari fama gloriosum: quod, inquit, quamquam uoluptatibus quibusdam est saepe iucundius, tamen expetitur propter uoluptatem. Vides ne, quam sit magna dissensio? philosophus nobilis, a quo non solum Graecia, et Italia, sed etiam omnis barbaria commota est, honestum quid sit, si id non est in uoluptate, negat se intelligere; nisi forte illud, quod multitudinis rumore laudatur. Ego autem, hoc etiam turpe esse, saepe indico; & si quando turpe non sit, tamen non esse non turpe, cum id a multitudine laudetur: quod si sit ipsum per se rectum, atque laudabile; non ob eam causam tamen illud dici honestum esse, quia laudetur a multis; sed quia tale sit, ut, uel si ignorarent id homines, uel si obmutuissent, pulchritudine sua tamen esset, specieque laudabile. itaque idem natura uictus, cui obsisti non potest, dicit alio loco id, quod a te etiam paullo ante dictum est; non posse iucunde uiui, nisi etiam honeste. quid nunc, honeste,

neſte, dicit? idem ne, quod iucunde? ego ita, non poſſe honeſte uiui, niſi honeſte uiuatur. an, niſi populari fama? ſine ea igitur iucunde negat poſſe uiuere? quid turpius, quam ſapientis uitam ex inſipientium ſermone pendere? quid ergo hoc loco intelligit honeſtum? certe nihil, niſi quod poſſit ipſum propter ſe iure laudari. nam ſi propter uoluptatem: quae eſt iſta laus, quae poſſit e macello peti? non iſ uir eſt, ut, cum honeſtatem eo loco habeat, ut ſine ea iucunde neget poſſe uiui, illud honeſtum, quod popolare ſit, ſentiat, & ſine eo iucunde neget uiui poſſe; aut quidquam aliud honeſtum intelligat, niſi quod ſit rectum ipſum, quod per ſe, ſua ui, ſua natura, ſua ſit ſponte laudabile. itaque, Torquate, cum diceres clamare Epicurum, non poſſe iucunde uiui, niſi honeſte, & ſapienter, & iuſte uiueretur; tu ipſe mihi gloriari uidebare. tanta uis inerat in uerbis, propter earum rerum, quae ſignificabantur hiſ uerbis, dignitatem; ut altior fieres; ut interdum iſſiſteres; ut, nos intuens, quaſi teſtificarere, laudari honeſtatem, & iuſtitiam aliquando ab Epicuro, quam te decebat iſ uerbis uti, quibus ſi philoſophi non uterentur, philoſophia omnino non egeremus. iſtorum enim uerborum amore, quae perraro appellantur ab Epicuro, ſapientiae, fortitudinis, iuſtitiae, temperantiae, praeſtantiffimis ingenijs homines ſe ad philoſophiae ſtudium contulerunt. Oculorum, inquit Plato, eſt in nobis ſenſus acerrimus: quibus ſapientiam non cernimus.

quam

quam illa arduos amores excitaret sui, si uidere-
tur? cur tandem? an, quod illa callida est, ut optime
possit architectari uoluptates? Cur iustitia lauda-
tur? aut unde est hoc contritum uetustate prouer-
bium, quicum in tenebris? hoc dictum in una re,
latissime patet: ut in omnibus factis re, non teste,
moueamur. Sunt enim leuia, & perinfrma, quae
dicebantur a te, cum animi conscientia improbos
excruciari, tum etiam poenae timore: qua aut affi-
ciuntur, aut, semper sunt in metu, ne afficiantur
aliquando. non oportet timidum, aut imbecillo ani-
mo fingi, non bonum illum uirum, qui, quidquid fece-
rit, ipse se cruciet, omniaq. formidet, sed omnia cal-
lide referentem ad utilitatem, acutum, uersutum,
ueteratorem, facile ut excogitet quo modo occul-
te, sine teste, sine ullo conscio fallat. Antu me de L.
Tubulo putas dicere? qui, cum praetor quaestionem
inter sicarios exercuisset, ita aperte cepit pecunias
ob rem indicandam, ut anno proximo P. Scaeuola
tribunus pl. ferret ad plebem, uellent ne de ea re
quaeri. quo plebiscito, decreta a senatu est consuli
quaestio Cn. Caepioni. profectus in exilium Tubulus
statim, nec respondere ausus. erat enim res aper-
ta. non igitur de improbo, sed callide improbo
quaerimus: qualis Q. Pompeius in foedere Nu-
mantino inficiando fuit. Nec uero omnia timen-
tem: primum qui animi conscientiam non curet:
quam scilicet comprimere, nihil est negotij: is e-
nim, qui occultus, et tectus dicitur, tantum abest

m 2 ut se

DE FINIBVS

ut se indicet : perficiet etiam , ut dolere alterius improbe facto uideatur . quid est enim aliud , esse uersutum ? Memini me adesse P. Sextilio Rufo , cum is ad amicos rem ita deferret , se esse heredem Q. Fabio Gallo ; cuius in testamento scriptum esset , se esse ab eo rogatum , ut omnis hereditas ad filiam perueniret . id Sextilius factum negabat : poterat autem impune : quis enim redargueret ? nemo nostrum negabat : eratq. uerisimilius , hunc mentiri , cuius interesset , quam illum , qui id se rogasse scripsisset , quod debuisset rogare . addebat etiam , se in legem Voconiam iuratum contra eam facere non audere , nisi aliter amicis uideretur . aderamus nos quidem adolescentes , sed & multi amplissimi uiri : quorum nemo censuit plus filiae dandum , quam posset ad eam lege Voconia peruenire . tenuit per magnam Sextilius hereditatem . unde , si secutus esset eorum sententiam , qui honesta , & recta emolumentis omnibus , & commodis anteponerent , ne nummum quidem unum attigisset . num igitur postea censes anxio animo , aut sollicito fuisse ? nihil minus : contraque , illa hereditate diues , ob eamque rem laetus : magni enim aestimabat pecuniam non modo non contra leges , sed etiam legibus partam : quae quidem uel cum periculo est quaerenda nobis : est enim effectrix multarum & magnarum uoluptatum . Ut igitur illis , qui , recta & honesta quae sunt , ea statuunt per se expetenda , adeunda sunt quacuis pericula decoris , honestatisq. causa :
sic

cuius ite
resset
128.

sic uestris, qui omnia uoluptate metiuntur, pericula adeunda sunt, ut adipiscantur magnas uoluptates. si magna res, magna hereditas agetur, cum pecunia uoluptates pariantur plurimae; idem erit Epicuro uestro faciendum, si suum finem bonorum sequi uolet, quod Scipioni, magna gloria proposita, si Annibalem in Africam retratixisset. itaque quantum adiit periculum? ad honestatem enim ille omnem conatum suum referebat, non ad uoluptatem: sic uester sapiens, magno aliquo emolumento commotus, animi causa, si opus fuerit, dimicabit: occultum facinus esse potuerit, gaudebit: deprehensus, omnem poenam contemnet. erit enim instructus ad mortem contemnendam; ad exilium, ad ipsum etiam dolorem: quem quidem uos; cum improbis poenam proponitis, impatibilem facitis; cum sapientem semper boni plus habere uultis, tolerabilem. Sed finge non solum callidum eum, qui aliquid improbe faciat, uerum etiam praepotentem; ut M. Crassus fuit; qui tamen solebat uti suo bono: ut hodie est noster Pompeius; cui recte facienti gratia est habenda: esse enim quamuis iniustus poterat impune. quam multa uero iniuste fieri possunt, quae nemo possit reprehendere? Si te amicus tuus moriens rogauerit, ut hereditatem reddas suae filiae; nec usquam id scripserit, ut scripsit Fabius; nec cuiquam dixerit: quid facias? tu quidem reddes: ipse Epicurus fortasse redderet: ut Sex. Peduceius Sex. F. is, qui hunc nostrum reliquit, effigiem & humani-

m 3 tatis,

DE FINIBVS

tatis, & probitatis suae filium, tum doctus, tum omnium uir optimus, & iustissimus, cum sciret nemo eum rogatum a C. Plotio, equite R. splendido Nursino, ultro ad mulierem uenit, eiq. nihil opinanti uiri mandatum exposuit, hereditatemq. reddidit. Sed ego ex te quaero; quoniam idem tu certe fecisses: non ne intelligis eo maiorem uim esse naturae, quod ipsi uos, qui omnia ad uestrum commodum, et, ut ipsi dicitis, ad uoluptatem referatis, tamen ea faciatis, e quibus appareat, non uoluptatem uos, sed officium sequi? plusq. rectam naturam, quam rationem prauam, ualere? Si scieris, inquit Carneades, aspidem occulte latere uspiam, & uelle imprudentem super eam assidere, cuius mors tibi emolumentum factura sit: improbe feceris, nisi monueris, ne assideat: sed impune tamen id te constat fecisse: quis enim coarguere possit? Sed nimis multa. perspicuum est enim, nisi aequitas, fides, iustitia profisciscantur a natura, & si omnia haec ad utilitatem referantur, uirum bonum non posse reperiri. Sed de his rebus satis multa in nostris de rep. libris sunt dicta a Laelio. Transfer idem ad modestiam, uel temperantiam, quae est moderatio cupiditatum rationi obediens. satis ne ergo pudori consulat, si quis sine teste libidini pareat? an est aliquid per se ipsum flagitiosum, etiam si nulla comitetur infamia? Quid fortes uiri? uoluptatum ne calculis subductis, proelium ineunt, sanguinem pro patria profundunt, an quodam animi ardore atque impetu concitati?

UTRUM

utrum tandem censes, Torquate, Imperiosum illum, si nostra uerba audiret, tuam ne de se orationem libentius auditurum fuisse, an meam; cum ego dicerem, nihil eum fecisse sua causa, omniaque reip. tu contra, nihil, nisi sua? si uero id etiam explanare uelles apertius, diceres nihil eum fecisse, nisi uoluptatis causa. quo modo eum tandem laturum fuisse existimes? Esto: fecerit, si ita uis, Torquatus propter suas utilitates. malo enim dicere, quam uoluptates, in tanto praesertim uiro. num etiam eius collega, P. Decius, princeps in ea familia consulatus, cum se deuoueret, &, equo admissus, in mediam aciem Latinorum irrueret, aliquid de uoluptatibus suis cogitabat? nam ubi eam caperet, aut quando, cum sciret confestim esse moriendum, eamque mortem ardentiore studio peteret, quam Epicurus uoluptatem petendam putat? quod quidem eius factum nisi esset iure laudatum; non esset imitatus quarto consulatu suo filius; neque porro ex eo natus, cum Pyrrho bellum gerens, consul cecidisset in proelio, seque e cōtinenti genere tertiam uictimam reip. praebuisset. Contineo me ab exemplis graecis: hoc modicum est: Leonidas, Epaminondas, tres alij, aut quattuor. ego si nostros colligere coepero; perficiam illud quidem, ut se uirtuti tradat constringendam uoluptas; sed dies me deficiet; et, ut A. Varius, qui est habitus iudex durior, dicere confessori solebat, cum, datis testibus, alij tamen citarentur, Aut hoc testium satis est,

m 4 aut

DE FINIBVS

aut nescio quid satis sit ; sic a me satis testium est dictum. quid enim ? te ipsum , dignissimum maioribus tuis , uoluptas ne induxit , ut adolescentulus eriperes P. Syllae consulatum ? quem cum ad patrem tuum retulisses , fortissimum uirum ; qualis ille uel consul , uel ciuis cum semper , tum post consulatum fuit ? quo quidem auctore nos ipsi ea gessimus , ut omnibus potius , quam ipsis nobis , consuluerimus. At quam pulchre dicere uidebare , cum ex altera parte tenebas cumulatam aliquem plurimis , & maximis uoluptatibus , nullo nec praesenti , nec futuro dolore ; ex altera autem cruciatibus maximis toto corpore , nulla nec adiuncta , nec sperata uoluptate : & quaerebas , quis aut hoc miserior , aut superiore illo beatior foret. deinde concludebas , summum malum esse dolorem , summum bonum uoluptatem . L. Thorius Balbus fuit Lanuinus : quem meminisse tu non potes. is ita uiuebat , ut nulla tam exquisita posset inueniri uoluptas , qua non abundaret . erat & cupidus uoluptatum , & cuiusuis generis eius intelligens , & copiosus ; ita non superstitiosus , ut illa plurima in sua patria sacrificia et phana contemneret ; ita non timidus ad mortem , ut in acie sit ob remp. interfectus . cupiditates non Epiri diuisione finiebat , sed sua satietate : habebat tamen rationem ualetudinis : utebatur ijs exercitationibus , ut ad cenam & esuriens , & sitiens ueniret ; eo cibo , qui & suauissimus esset , & idem facillimus ad concoquendum ; uino & ad uoluptatem ,

& ne noceret . cetera illa adhibebat , quibus dem-
ptis negat se Epicurus intelligere quid sit bonum .
aberat omnis dolor : qui si adesset , nec molliter fer-
ret , & tamen medicis plus , quam philosophis ,
uteretur . color egregius , integra ualetudo , sum-
ma gratia , uita denique conferta uoluptatum om-
nium uarietate . hunc uero beatum oratio quidem
uestra sic cogitat : ego , huic quem anteponam ,
non audeo dicere : dicet pro me ipsa uirtus ; nec du-
bitabit isti uestro beato M . Regulum anteponere :
quem quidem , cum sua uoluptate , nulla ui coa-
ctus , propter fidem , quam dederat hosti , ex pa-
tria Carthaginem reuertisset , tum ipsum , cum ui-
gilijs & fame cruciaretur , clamat uirtus beatio-
rem fuisse , quam potantem in rosa Thorium . bella
magna gesserat is : bis consul fuerat : triumpharat :
nec tamen sua illa superiora tam magna , nec tam
praeclara ducebat , quam illum ultimum casum ,
quem propter fidem , constantiamq. susceperat :
qui nobis miserabilis uidetur audientibus , illi per-
petienti erat uoluptarius . non enim hilaritate , nec
lasciuiâ , nec risu , aut ioco comite leuitatis , sed sae-
pe etiam tristes firmitate , & constantia sunt beati .
Stuprata per uim Lucretia a regis filio , testata cri-
men , se ipsam interemit . hic dolor populi , duce et
auctore Bruto , caussa ciuitati libertatis fuit : ob e-
iusq. mulieris memoriam primo anno & uir , et pa-
ter eius consul est factus . Tenuis L. Virginius , u-
nusq. de multis , sexagesimo anno post libertatem
receptam ,

receptam, Virginiam filiam suam manu occidit, potius quam ea Ap. Claudij libidini, qui tum erat summo in imperio, dederetur. Aut haec tibi Torquate sunt uituperanda: aut patrocinium uoluptatis repudiandum. quod autem patrocinium, aut quae ista causa est uoluptatis, quae nec testes ullos claris uiris, nec laudatores poterit adhibere? ut enim nos ex annalium monumentis testes excitamus eos, quorum omnis uita consumpta est in laboribus gloriosis, qui uoluptatis nomen audire non possent: sic in uestris disputationibus historia muta est. numquam audiui in Epicuri schola Lycurgum, Solonem, Milciadem, Themistoclem, Epaminondam nominari; qui in ore sunt ceterorum omnium philosophorum. nunc uero, quoniam haec nos etiam tractare coepimus, suppedabit nobis Atticus de thesauris suis, quot, & quantos uiros habere testium sat est. non ne melius est de his aliquid, quam tantis uoluminibus de Themistocle loqui? sint ista Graecorum: quāquam ab his philosophiam, et omnes ingenuas disciplinas habemus: sed tamen est aliquid, quod nobis non liceat, liceat illis. Pugnant Stoici cum Peripateticis. alteri negant quidquam esse bonum, nisi quod honestum sit: alteri, plurimum se, & longe, longeque plurimum tribuere honestati, sed tamen & in corpore, & extra esse quaedam bona. et certamen honestum, & disputatio splendida. omnis est enim de uirtutis dignitate contentio. at cū tuis cum differas, multa sunt audienda etiam de

de obscenis uoluptatibus, de quibus ab Epicuro saepissime dicitur. Non potes ergo ista tueri, Torquate, mihi crede, si te ipse, & tuas cogitationes, et studia perspexeris. pudebit te, inquā, illius tabulae, quam Cleanthes, sane commode, uerbis pingere solebat. iubebat eos, qui audiebant, secum ipsos cogitare pictam in tabula uoluptatem, pulcherrimo uestitu, & ornatu regali, in solio sedentem, praesto esse uirtutes, ut ancillulas; quae nihil aliud agerent, nullum suum officium ducerent, nisi ut uoluptati ministrarent; & eam tantum ad aurem admonerent, (si modo id pictura intelligi posset) ut caueret, ne quid perficeret imprudens, quod offenderet animos hominum; aut quidquam, e quo oriretur aliquis dolor. nos quidem uirtutes sic natae sumus, ut tibi seruiremus: aliud negotij nihil habemus. At negat Epicurus (hoc enim uestrum lumen est) quemquam, qui honeste non uiuat, iucunde posse uiuere. Quasi ego id curem, quid ille aiat, aut neget. illud quaero, quid ei, qui in uoluptate summum bonum putat, consentaneum sit dicere. quid affers, cur Thorius Postumius, cur Cibi-
us, cur omnium magister Orata non iucundissime uixerit? ipse negat, ut ante dixi, luxuriosorum uitam reprehendendam, nisi plane fatui sint, id est nisi aut cupiant, aut metuant. quarum ambarum rerum cum medicinam pollicetur, luxuriae licetiam pollicetur. his enim rebus detractis, negat se reperire in asotornm uita, quod reprehendat. Non igitur

tur

DE FINIBVS

tur potestis uoluptate omnia dirigentes aut tueri,
aut retinere uirtutem. nam nec uir bonus, ac iu-
stus haberi debet, qui, ne malum habeat, absti-
net se ab iniuria. nosti credo illud;
Nemo pius est, qui pietatem cauet.
caue quidquam putes esse uerius. nec enim, dum
metuit, iustus est; & certe, si metuere destiterit,
non erit. non metuet autem, siue caelare poterit, si-
ue opibus magnis, quidquid fecerit, obtinere: cer-
teq. malet existimari bonus uir, ut non sit; quam
esse, ut non putetur. ita, quod certissimum est, pro
uera, certa q. iustitia simulationem nobis iustitiae
traditis; praecipitisq. quodam modo, ut nostrā sta-
bilem conscientiam contemnamus, aliorum erran-
tem opinionem aucupemur. Quae dici eadem de ce-
teris uirtutibus possunt: quarū omnium fundamen-
ta uos in uoluptate, tamquam in aqua, ponitis. quid
enim? sortem ne possumus dicere eundem illum Tor-
quatum? delector enim, quamquam te non possum,
ut ais, corrumpere; delector, inquam, & fami-
lia uestra, & nomine. et hercule modo, uir opti-
mus, nostriq. amantissimus, A. Torquatus uersa-
tur ante oculos: cuius quantum studium, & quam
insigne fuerit erga me temporibus illis, quae nota
sunt omnibus, scire necesse est utrumque uestrum.
quae mihi ipsi, qui uolo & esse, & haberi gratus,
grata non essent, nisi eum perspicerem mea caussa
mihi amicum fuisse, non sua. nisi hoc dicis sua, quod
interest omnium recte facere. si id dicis; uicimus.
id

id enim uolumus, id contendimus, ut officij fructus sit ipsum officium. hoc ille tuus non uult, omnibusq. ex rebus uoluptatem, quasi mercedem, exigit. Sed ad illum redeo. Si uoluptatis causa cum Gallo apud Anienem depugnauit prouocatus; & ex eius spolijs sibi & torquem, & cognomen induit ullam aliam ob causam, nisi quod ei talia facta digna uiro uidebantur: fortem non puto. Iam, si modestia, si pudicitia, si uno uerbo temperantia poenae aut infamiae metu coercebuntur, non sanctitate sua se tuebuntur: quod adulterium, quod stuprum, quae libido non se proripiet, & proijciet, aut occultatione proposita, aut impunitate, aut licentia? Quid illud, Torquate, quale tandem uidetur? te, isto nomine, ingenio, gloria, quae facis, quae cogitas, quae contendis, quo referas, cuius rei causa persicere, quae conaris, uelis, quid optimum denique in uita iudices, non audere in conuentu dicere? quid enim mereri uelis iam, cum magistratum inieris, & in concionem ascenderis, (est enim tibi edicendum, quae sis obseruaturus in iure dicendo: & fortasse etiam, si tibi erit uisum, aliquid de maioribus tuis, & de te ipso dices more maiorum) quid merearis igitur, ut te dicas in eo magistratu omnia uoluptatis causa facturum esse? teq. nihil fecisse in uita, nisi uoluptatis causa? An me, inquis, tam amentem putas, ut apud imperitos isto modo loquar? At tu eadem ista dic in iudicio: aut, si coronam times, dic in senatu. numquam facies. cur, ni-

si

DE FINIBVS

si quod turpis est oratio? Me ne ergo, & Triarium dignos existimas, apud quos turpiter loquare? Verum esto: uerbum ipsum uoluptatis non habet dignitatem: nec nos fortasse intelligimus. hoc enim identidem dicitis, non intelligere nos, uoluptatem quam dicatis. rem uidelicet difficilem, & obscuram. indiuidua, & intermundia, quae nec sunt ulla, nec possunt esse, intelligimus: uoluptas, quae passeribus omnibus nota est, a nobis intelligi non potest? quid, si efficio, ut fateare me non modo, quid sit uoluptas, scire, (est enim iucundus motus in sensu) sed etiam, quid eam tu uelis esse? tum enim eam ipsam uis, quam modo ego dixi; & nomen imponis, in motu ut sit, & faciat aliquam uarietatem: tum aliam quandam summam uoluptatem, cui addi nihil possit. eam tu adesse, cum dolor omnis absit, eamque stabilem appellas. sit sane ista uoluptas. dic in quouis conuentu, te omnia facere, ne doleas: si ne hoc quidem satis ample, satis honeste dici putas; dic te omnia & in isto magistratu, & in omni uita utilitatis tuae causa facturum, nihil, nisi quod expediat, nihil denique, nisi tua causa: quem clamorem concionis, aut quam spem consulatus eius, qui tibi paratissimus est, futuram putes? eam ne rationem sequare, qua tecum ipse, & cum tuis utare; profiteri autem, & in medium proferre non audeas? at uero illa, quae Peripatetici, quae Stoici dicunt, semper tibi in ore sunt, in iudicijs, in senatu, officium, aequitatem, dignitatem, fidem, recta, honesta,

nesta, digna imperio, digna populo R. omnia pericula pro rep. mori pro patria. haec cū loqueris, nos Barones stupemus, tu uidelicet tecum ipse rides. nam inter ista tam magnifica uerba, tamq. praeclara non habet ullum uoluptas locum, non modo illa, quam in motu esse dicitis, quam omnes urbani, rustici, omnes, inquam, qui latine loquuntur, uoluptatem uocant; sed ne haec quidem stabilis, quam, praeter uos, nemo appellat uoluptatem. uide, ne non debeas uerbis nostris uti, sententijs tuis. quod si uultum tibi, si incessum fingeres, quo grauior uiderere; non esses tui similis: uerba tuingas, & ea dicas, quae non sentias, aut etiam, ut uestitum, sic sententiam habeas aliam domesticam, aliam forensem, ut in fronte ostentatio sit, intus ueritas occultetur? uide, quaeso, rectum ne sit. mihi quidem eae uerae uidentur opiniones, quae honestae, quae laudabiles, quae gloriosae, quae in senatu, quae apud populum, quae in omni coetu, concilioq. proferendae sint; ne id non pudeat sentire, quod pudeat dicere. Amicitiae uero locus ubi esse potest, aut quis amicus esse cuiquam, quem non ipsum amet propter ipsum? quid autem est amare, ex quo nomen amicitiae ductum est, nisi, uelle bonis aliquem affici quammaximis, etiam si ad se ex ijs nihil redeat? Ecquid prodest, inquis, mihi eo esse animo? Immo, uideri, fortasse. esse enim, nisi eris, non potes: qui autem esse poteris, nisi te amor ipse ceperit? quod non sub dubia utilitatis ratione effici solet, sed ipsum a se oritur,

DE FINIBVS

oritur, & sua sponte nascitur. At enim sequor utilitatem. Manebit ergo amicitia tam diu, quam diu sequetur utilitas: & si utilitas amicitiam constituet, tollet eadem. Sed quid ages tandem, si utilitas ab amicitia, ut fit saepe, defecerit? relinques ne? quae ista amicitia est? retinebis? qui conuenit? quid enim de amicitia statueris utilitatis causa expetenda, uides. Ne in odium ueniam, si amicum destitero tueri. Primum cur ista res digna odio est? numquid est turpe, nisi quod est? si, ne quo incommodo afficiare, non relinques amicum: tamen, ne sine fructu alligatus sis, ut moriatur, optabis. quod si non modo utilitatem tibi nullam afferet, sed iactu rae rei familiaris erunt faciundae, labores suscipiendi, adeundum uitae periculum: nec tum quidem te respicies, & cogitabis sibi quemque natum esse, et suis uoluptatibus? uadem te ad mortem tyranno dabis pro amico, ut Pythagoreus ille fecit Siculo tyranno? aut, Pylades cum sis, dices te esse Orestem, ut mori pro amico? aut, si esses Orestes, Phyladem refelleres, te indicares? & si id non probares, quo minus ambo una necaremini, non deprecare? faceres tu quidem, Torquate, haec omnia. nihil enim arbitror magna laude dignum, quod te praetermissurum credam aut mortis, aut doloris metu. non quaeritur autem, quid naturae tuae consentaneum sit, sed quid disciplinae. ratio ista, quam defendis, praecepta, quae didicisti, quae probas, funditus euertunt amicitiam: quamuis eam Epicurus,

ut

ut facit, in caelum efferat laudibus. At coluit ipse
amicitias. Quasi quis illum neget & bonum uirum,
& comem, & humanum fuisse. de ingenio eius in
his disputationibus, non de moribus, quaeritur. sit
ista in Graecorum leuitate peruersitas, qui maledi-
ctis insectantur eos, a quibus de ueritate dissentiunt.
sed quamuis comis in amicitijs tuendis fuerit; ta-
men, si haec uera sunt, (nihil enim affirmo) non sa-
tis acutus fuit. At multis se probauit. Et quidem
iure fortasse: sed tamen non grauissimum est testi-
monium multitudinis. in omni enim arte, uel stu-
dio, uel quauis scientia, uel in ipsa uirtute, opti-
mum quidque rarissimum est. Ac mihi quidem,
quod & ipse bonus uir fuit, & multi Epicurei fue-
runt, & hodie sunt & in amicitijs fideles, & in o-
mni uita constantes, & graues, nec uoluptate, sed
officio consilia moderantes, hoc uidetur maior uis
honestatis, & minor uoluptatis. ita enim uiuunt
quidam, ut eorum uita refellatur oratio. atque ut
ceteri existimantur dicere melius, quam facere: sic
hi mihi uidentur facere melius, quam dicere. Sed
haec nihil sane ad rem. illa uideamus, quae a te de a-
micitia dicta sunt: e quibus unum mihi uidebar ab
ipso Epicuro dictum agnoscere: amicitiam a uolupta-
te non posse diuelli, ob eamq. rem colendam esse,
quod sine ea tuto, & sine metu uiui non posset, nec
iucunde quidem posset. Satis est ad hoc responsum.
Attulisti aliud humanius horum recentiorum, num-
quam dictum ab ipso illo, quod sciam: primo utili-
n tatis

DE FINIBVS

tatis caussa amicum expeti: cum autem usus accessisset, tum ipsum amari propter se, etiam ommissa spe uoluptatis. hoc etsi multis modis reprehendi potest: tamen accipio, quod dat: mihi enim sati est, ipsis non satis. nam aliquando posse recte fieri dicunt nulla expectata, nec quaesita uoluptate. Posuisti etiam, dicere alios, foedus quoddam inter se facere sapientes, ut, quemadmodum sint in se ipsos animati, eodem modo sint erga amicos; & id & fieri posse, & saepe esse factum, & ad uoluptates percipiendas maxime pertinere. Hoc foedus facere si potuerunt, faciant etiam illud, ut aequitatem, modestiam, uirtutes omnes per se ipsas gratis diligant. at uero si fructibus, & emolumentis, & utilitatibus amicitias colemus; si nulla caritas erit, quae faciat amicitiam ipsam sua sponte, ui sua, ex se, & propter se expetendam: dubium est, quin fundos, & insulas amicis anteponamus? Licet hic rursus ea commemorare, quae optimis uerbis ab Epicuro de laudibus amicitiae dicta sunt: non quaero, quid dicat, sed quid conuenienter rationi possit, & sententiae suae dicere. Vtilitatis caussa amicitia est quaesita: num igitur utiliore tibi hunc Triarium putas esse posse, quam si tua sint Puteolis gramina? Collige omnia, quae soletis: praesidium amicorum. satis est tibi in te, satis in legibus, satis & in mediocribus amicitijs praesidij: contemni iam non poteris: odium autem, & inuidiam facile uitabis: ad eas enim res ab Epicuro praecepta dantur: et tamen non tantis

tis uectigalibus ad liberalitatem utens, etiam sine hac Pyladea amicitia, multorum te beneuolentia praeclare & tuebere, & munies. At quicum ioca, seria, ut dicitur, quicum arcana, quicum occulta omnia tecum optime, deinde etiam cum mediocri amico. sed fac ista esse non importuna: quid ad utilitatem tantae pecuniae? Vides igitur, si amicitiam sua caritate metiare, nihil esse praestantius; sin emolumento, summas familiaritates praediorum pretio forum mercede superari. me ipsum igitur ames oportet, non mea; si ueri amici futuri sumus. Sed in rebus apertissimis nimium longi sumus. profecto enim, & concluso, nec uirtutibus, nec amicitijs usquam locum esse, si ad uoluptatem omnia referantur, nihil praeterea magnopere dicendum. attamen, ne cui loco non uideatur esse responsum, pauca etiam nunc dicam ad reliquam orationem tuam. Quoniam igitur omnis summa philosophiae ad beate uiuendum refertur; idq. unum expetentes homines se ad hoc studium contulerunt; beate autem uiuere alij in alio, uos in uoluptate ponitis, contra, miseriam omnem in dolore: id primum uideamus, beate uiuere uestrum quale sit. atque hoc dabitur, ut opinor, si modo sit aliquid, esse beatum, id oportere totum poni in potestate sapientis. nam si amitti uita beata potest, beata esse non potest. quis enim confidit, semper sibi illud stabile, & firmum permanens, quod fragile et caducum sit? qui autem diffidet perpetuitati bonorum suorum; timeat, ne-

DE FINIBVS

cesse est, uel aliquando, amissis illis, sit miser: beatus autem esse in maximarum rerum timore nemo potest: nemo igitur esse beatus potest. neque enim in aliqua parte, sed in perpetuitate temporis uita beata dici solet: neque appellatur omnino uita beata, nisi confecta, atque absoluta: nec potest quisquam alias beatus esse, alias miser. qui enim existimabit posse se miserum esse, beatus non erit. nam, cum semel est suscepta beata uita; tam permanet, quam ipsa illa effectrix beatæ uitæ sapientia; neque expectat ultimum tempus ætatis: quod Croesus scribit Herodotus præceptum a Solone. etenim, quemadmodum tute dicebas, negat Epicurus diuturnitatem quidem temporis ad beate uiuendum aliquid afferre, nec minorem uoluptatem percipi in breuitate temporis, quam si illa sit sempiterna. hæc dicuntur inconstantissime. cum enim summum bonum in uoluptate ponat, negat infinito tempore ætatis uoluptatem fieri maiorem, quam finito, atque modico. qui bonum omne in uirtute ponit, is potest dicere, perfici beatam uitam perfectione uirtutis: (negat enim summo bono afferre incrementum diem) qui autem uoluptate uitam effici beatam putabit; qui sibi is conueniet, si negabit uoluptatem crescere longinquitate? igitur ne dolorem quidem. an dolor longissimus quisque miserrimus, uoluptatem non optabiliorē diuturnitas facit? quid est igitur, cur ita semper deum appellet Epicurus beatum, & æternum? dempta enim æternitate, nihil

nihilò beatior Iupiter , quam Epicurus . uterque enim summo bono fruitur , id est uoluptate . at enim hic etiam dolore : nam eum nihili facit : ait enim se , si uratur , quam hoc suauè , dicturum . qua igitur re a deo uincitur , si aeternitate non uincitur ? in qua quid est boni , præter summam uoluptatem , et eam sempiternam ? quid ergo attinet gloriose loqui , nisi constanter loquære ? In uoluptate corporis ; (addam , si uis , animi , dum in ea ipsa , ut uultis , sit ; quod & in corpore) situm est uiuere beate . Quid ? istam uoluptatem perpetuam quis potest præstare sapienti ? nam , quibus rebus efficiuntur uoluptates , hae non sunt in potestate sapientis . non enim in ipsa sapientia positum est ; beatum esse ; sed in ijs rebus , quas sapientia comparat ad uoluptatem : totum autem id externum : & , quod externum , id in causa est . ita fit beatae uitae domina fortuna : quam Epicurus ait exiguam interuenire sapienti . Age , inquires , ista parua sunt . sapientem locupletat ipsa natura , cuius diuitias Epicurus ipse parabiles esse docuit . Haec bene dicuntur : nec ego repugno : sed inter se ipsa pugnant : negat enim tenuissimo uictu , id est contemptissimis escis , & potionibus , minorem uoluptatem percipi , quam rebus exquisitissimis ad epulandum . Huic ego , si negaret quidquam interesse ad beate uiuendum , quali uteretur uictu ; concederem , laudarem etiam : uerum enim diceret : idq. Socratem , qui uoluptatem nullo loco numerat , audio dicentem , cibi condimentum

n 3 esse

DE FINIBVS

esse famem, potionis sitim: sed qui, ad uoluptatem omnia referens, uiuit ut Gallonius, loquitur ut frugi ille Piso, non audio. nec enim eum, quod sentiat, dicere existimo. Naturales diuitias dixit parabiles esse, quod paruo esset natura contenta. Certe, nisi uoluptatem tanti aestimaretis. Non minor, inquit, uoluptas percipitur tam ex uilissimis rebus, quam ex pretiosissimis. Hoc est non modo cor non habere, sed ne palatum quidem. qui enim uoluptatem ipsam contemnunt, ijs licet dicere, se acipenserem menae non antepondere: cui uero in uoluptate summum bonum est, huic omnia sensu, non ratione, sunt iudicanda: eaq. dicenda optima, quae sint suauissima. Verum isto modo consequatur summas uoluptates non modo paruo, sed ferme nihilo, si potest: sit uoluptas non minor in nasturtio illo, quo uesci Persas esse solitos scribit Xenophon, quam in Syracusanis mensis, quae a Platone grauiter uituperantur: sit, inquam, tam facilis, quam uultis, uoluptatis comparatio: quid de dolore dicemus? cuius tanta tormenta sunt, ut in his beata uita, si modo dolor summum malum est, esse non possit. ipse enim Metrodorus, paene alter Epicurus, beatum esse describit his fere uerbis: cum corpus bene constitutum sit, & sit exploratum ita futurum. an id exploratum cuiquam potest esse, quo modo sese habiturum sit corpus non dico ad annum, sed ad uesperam? dolor igitur, id est summum malum, metuetur semper, etiam si

non

non aderit. iam enim adesse poterit. qui potest igitur habitare in beata uita summi mali metus? Traditur, inquit, ab Epicuro ratio negligendi doloris. Iam ipsum absurdum, maximum malum negligi: sed quae tandem ista ratio est? Maximus dolor, inquit, brevis est. Primum, quid tu dicis breue? deinde, dolorem tam maximum? quid enim? summus dolor plures dies manere non potest? uide, ne etiam menses. nisi forte eum dicis, qui, simul atque arripuit, interficit. quis istum dolorem timet? illum, mallem, leuare, quo optimum, atque humanissimum uirum, Cn. Octauium, M. filium, familiarum meum, confici uidi; nec uero semel, nec ad breue tempus, sed & saepe plane, & diu. quos, dii immortales, ille, cum omnes artus ardere uiderentur, cruciatus perferebat? nec tamen miser esse; quia summum id malum non erat, tantummodo laboriosus uidebatur. at miser, si in uitiosa, & flagitiosa uita afflueret uoluptatibus: Quod autem magnum dolorem breuem, longinquum leuem esse dicitis: id, non intelligo, quale sit. uideo enim & magnos, & eosdem longinquos dolores. quaedam alia toleratio est uerior: qua uti uos non potestis; qui honestatem ipsam per se non amatis. sortitudinis quaedam praecepta sunt, ac paene leges, quae effeminari uirum uetant in dolore. quamobrem turpe putandum est, non dico dolere, (nam id quidem est interdum necesse) sed saxum illud Lemnium clamore Philoetetae funestare:

n 4

Quod

DE FINIBVS

Quod eiulatu, questu, gemitu, fremitibus
 Resonando, multum flebiles uoces refert.
 huic Epicurus comparet se, si potest:
 Cui uiperino morfu uenae uiscerum
 Veneno imbutae taetros cruciatus cient.
 sit Epicurus Philocteta. Si grauis doloe, breuis. at
 iam decimum annum in spelunca iacet. Si longus,
 leuis: dat enim interualla, & relaxat. primum,
 non saepe: deinde, quae est ista relaxatio, & cum
 praeteriti doloris memoria recens est, & futuri at-
 que impendentis torquet timor? Moriatur, inquit.
 fortasse id optimum: sed ubi illud, plus semper uo-
 luptatis? si enim ita est: uide ne facinus facias, cum
 mori suadeas. potius ergo illa dicantur, turpe esse
 uiro debilitari dolore, frangi, succumbere. nam ista
 uestra; si grauis, breuis; si longus, leuis; dictata
 sunt. uirtutis, magnitudinis animi, patientiae, for-
 titudinis fomētis dolor mitigari solet. audi, (ne lon-
 ge abeam,) moriens quid dicat Epicurus: & intelli-
 ge facta eius cū dictis discrepare. Epicurus Her-
 macho salutē. Cum ageremus, inquit, uitae bea-
 tum, & eundem supremum diem, scribebamus
 haec. tanti autem morbi aderant uesicae, & uisce-
 rum, ut nihil ad eorum magnitudinem posset acce-
 dere. Ecce miserum hominem, si dolor summum
 malum est. dici aliter non potest. sed audiamus ip-
 sum. Compensabatur tamen, inquit, cum his om-
 nibus animi laetitia, quam capiebam memoria ra-
 tionum, inuentorumq. nostrorum. Sed tu, ut di-
 gnum

gnus est tua erga me, et erga philosophiam uolun-
 tate, ab adolescentia suscepta, fac ut Metrodori
 tueare liberos. Non ego iam Epaminondae, non
 Leonidae mortem huius morti antepono. quorum
 alter, cum uicisset Lacedaemonios apud Mantineam,
 simulq. ipse graui uulnere exanimari se uideret; ut
 primum despexit, quaesuit, saluus ne esset clypeus:
 cum saluum esse flentes sui respondissent, rogauit,
 essent ne fusi hostes: cumq. id quoque, ut cupiebat,
 audiuiisset, euelli iussit eam, qua erat transfixus,
 hastam. ita, multo sanguine profuso, in laetitia,
 & in uictoria est mortuus. Leonidas autem, rex
 Lacedaemoniorum, se in Thermopylis, trecentosq.
 eos, quos eduxerat Sparta, cum esset proposita aut
 fuga turpis, aut gloriôsa mors, opposuit hostibus.
 praeclarae mortes sunt imperatoriae: philosophi au-
 tem in suis lectulis plerumque moriuntur. refert ta-
 men, quod sibi uidetur esse morienti magna laus.
 Compensabatur, inquit, cum summis doloribus
 laetitia. Audio equidem philosophi uocem, Epicu-
 re: sed, quid tibi dicendum sit, oblitus es. primum
 enim, si uera sunt ea, quorum recordatione te
 gaudere dicis, hoc est, si uera sunt tua scripta, &
 inuenta; gaudere non potes. nihil enim iam habes,
 quod ad corpus re feras. est autem a te semper di-
 ctum, nec gaudere quemquam, nisi propter corpus,
 nec dolere. Praeteritis, inquit, gaudeo. Quibus-
 nam praeteritis? si ad corpus pertinentibus: ratio-
 nes tuas te uideo com pensare cum istis doloribus,
 non

200.

ep. f. 5.

 79.
 Plutar.
 vita.
 str. l. 8.
 Jus. 8.

197.

non memoriam corpore perceptarum uoluptatum .
 si autem ad animum : falsum est , quod negas animi
 ullum esse gaudium , quod non referatur ad corpus .
 Cur deinde Metrodori liberos commendas ? quid
 ex isto tuo egregio officio , & tanta fide (sic enim
 existimo) ad corpus refers ? Huc , et illuc , Torqua-
 te , nos uersetis licet : nihil in hac praeclara epistola
 scriptum ab Epicuro congruens & conueniens decre-
 tis eius reperietis . ita redarguitur ipse a se , ue-
 neunt q. scripta eius probitate ipsius , ac moribus .
 nam ista commendatio puerorum , memoria , & ca-
 ritas amicitiae , summorum officiorum in extremo
 spiritu conseruatio , indicat innatam esse homini pro-
 bitatem gratuitam , non mutuatam uoluptatibus ,
 nec praemiorum mercedibus euocatam . quod enim
 testimonium maius quaerimus , quae honesta , & re-
 eta sint , ipsa esse optabilia per sese , cum uideamus
 tanta esse officia morientis ? sed ut epistolam laudan-
 dam arbitror eam , quam modo totidem fere uerbis
 interpretatus sum : (quamquam eam cum sententia
 eius philosophi nullo modo congruebat) si eiusdem
 testamentum non solum a philosophi grauitate , sed
 etiam ab ipsius sententia iudico discrepare . scripsit
 enim & multis saepe uerbis , & breuiter , apteq.
 in eo libro , quem modo nominavi , mortem nihil ad
 nos pertinere : quod enim dissolutum sit , id esse sine
 sensu : quod autem sine sensu sit , id nihil omnino ad
 nos pertinere . hoc ipsum elegantius poni , meliusq.
 potuit . nam quod ita positum est , quod dissolutum
 sit ,

fit, id esse sine sensu; id eiusmodi est, ut non satis plane dicat, quid sit dissolutum. sed tamen intelligo, quid velit: quaero autem, quid sit, quod cum dissolutione, id est morte, sensus omnis extinguatur; & cum reliqui nihil sit omnino, quod pertineat ad nos, tam accurate, tamq. diligenter caueat, & sanciat, ut *Amynomachus*, & *Timocrates*, heredes sui, de *Hermachi* sententia dent, quod satis sit ad diem agendum natalem suum quotannis mense *Gamelione*; itemq. omnibus mensibus uicesimo die lunae dent ad eorum epulas, qui una secum philosophati sint; ut & sui, & *Metrodori* memoria colatur. Haec ego non possum dicere non esse hominis & belli, & humani; sapientis uero nullo modo, physici praesertim, quem se ille esse uult, putare ullum esse cuiusquam diem natalem. quid? uere ne potest esse dies saepius, qui semel fuit? certe non potest. an eiusdem modi? ne id quidem, nisi cum multa annorum intecefferint millia, & omnium siderum eodem, unde profecta sint, fiat ad unum tempus reuersio. nullus est igitur cuiusquam dies natalis. at habetur. & ego scilicet id nesciebam: sed, ut sit, etiam ne post mortem coletur? idq. testamento cauebit is, qui uobis quasi oraculum ediderit, nihil ad nos post mortem pertinere? haec non erant eius, qui innumerabiles mundos, infinitasq. regiones, quarum nulla esset ora, nulla extremitas, mente peragrauisset. numquid tale *Democritus*? (ut alios omittam) hunc appello, quem ille unum secutus

Somnio
SC. 126. a.

De som

secutus est. quod si dies notandus fuit; eum ne potius, quo natus, an eum, quo sapiens factus est? non potuit, inquit, fieri sapiens, nisi natus esset. isto modo, ne si auia quidem eius nata non esset. Res tota, Torquate, non doctorum hominum, uelle post mortem epulis celebrari memoriā sui nominis. quos quidem dies quemadmodum agatis, & in quantam hominum facietorum urbanitatem incurratis, non dico. nihil opus est litibus. tantum dico, magis fuisse uestrum, agere Epicuri diem natalem, quam illum testamento cauere, ut ageretur. Sed, ut ad propositum reuertamur, (de dolore enim cum dice remus, ad istam epistolam delati sumus) nunc totum illud concludi sic licet. Qui in summo malo est, iste, cum in eo est, non est beatus. sapiens autem semper beatus est, & est aliquando in dolore: non est igitur summum malum dolor. Iam illud quale tandem est? bona praeterita non effluere sapienti, mala meminisse non oportere. Primum, in nostra ne potestate est, quid meminerimus? Themistocles quidem, cum ei Simonides, an quis alius, artem memoriae polliceretur, obliuionis, inquit, mallem: nam meminisse etiam quae nolo, obliuisci non possum quae uolo. magno hic ingenio; sed res se tamen sic habet, ut nimis imperiosi philosophi sit, uetare meminisse. uide, ne ista sint Manliana uestra, aut maiora etiam, si impres quod facere nō possim. Quid, si etiam iucunda memoria est praeteritorum malorum? ut proueria non nulla ueriora sint, quam

Acad. 1.2
3. de or.
1.3. 104.

uestra dogmata. uulgo enim dicitur, iucundi acti labores. nec male Euripides, (concludam, si potero, latine: graecū enim hunc uersum noſtis omnes) Suauis est laborum praeteritorum memoria.

Sed ad bona praeterita redeamus. quae si a uobis talia dicerentur, qualibus C. Marius uti poterat, ut, expulsus, egens, in palude demersus, trophaeorum recordatione leuaret dolorem suum: audirem, & plane probarem: nec enim absolui beata uita sapientius, nec ad exitum perducī poterit, si prima quaeque, bene ab eo consulta, atque facta, ipsius obliuione obreuentur: sed uobis uoluptatum perceptarum recordatio beatam uitam facit, & quidem corpore perceptarum. nam si quae sunt aliae; falsum est, omnes animi uoluptates esse corporis societate. Corporis autem uoluptas etiam si praeterita delectat; non intelligo, cur Aristoteles Sardana-pali epigramma tantopere derideat, in quo ille rex Assyriae gloriatur se omnes secum libidinum uoluptates abstulisse. quod enim ne uiuus quidem, inquit, diutius sentire poterat, quam dum fruebatur; quo modo potuit mortuo permanere? fluit igitur uoluptas corporis, prima quaeque auolat, ut aiebat; saepiusq. relinquit causas paenitendi, quam recordandi. itaque beatior Africanus cum patria illo modo loquens,

Desine Roma tuos hoſtes: -

reliqua praecclare,

Namque tibi monumenta mei peperere labores.

labori-

laboribus hic praeteritis gaudet: tu iubes uoluptati-
 bus. hic se ad ea reuocat, e quibus nihil umquam
 retulerit ad corpus: tu totus haeres in corpore. Il-
 lud autem ipsum qui obtineri petest, quod dicitis
 omnes animi & uoluptates, & dolores ad corpo-
 ris uoluptates, & dolores pertinere? nihil ne te
 delectat umquam? uideo, quicum loquar. te igitur,
 Torquate, ipsum per se nihil delectat? omitto di-
 gnitatem, honestatem, speciem ipsam uirtutum,
 de quibus ante dictum est: haec leuiora ponam: poe-
 ma, aut orationem cum aut scribis, aut legis, cum
 omnium factorum, cum regionum conquiris histo-
 riam: signum, tabula, locus amoenus, ludi, uenatio,
 uilla Luculli, (nam si tuam dicerem, latebram habe-
 res, ad corpus diceres pertinere) sed ea, quae dixi,
 ad corpus ne refers? an est aliquid, quod te sua spon-
 te delectet? at pertinacissimus fueris, si in eo per-
 stiteris, ad corpus ea, quae dixi, referre: aut deserue-
 ris totam Epicuri uoluptatem, si negaueris. Quod
 uero a te disputatum est, maiores esse uoluptates,
 & dolores animi, quam corporis; quia trium tem-
 porum particeps animus sit, corpore autem praesen-
 tia solum sentiantur: qui probari potest, ut is, qui
 propter me aliquid gaudeat, plus, quam ego ipse,
 gaudeat? animi uoluptas oritur propter uoluptatem
 corporis; & maior est animi uoluptas, quam cor-
 poris: ita fit, ut gratulator laetior sit, quam is, cui
 gratuletur. Sed, dum efficere uultis beatum sapien-
 tem, cum maximas animo uoluptates percipiat,
 omni-

omnibusq. partibus maiores, quam corpore; quid
occurrat, non uidetis. animi enim quoque dolores
percipiet omnibus partibus maiores, quam corpo-
ris. ita, miser sit aliquando, necesse est, is, quem
uos beatum semper uultis esse. nec uero id, dum o-
mnia ad uoluptatem, doloremq. referetis, efficie-
tis umquam. quare aliud aliquid, Torquate, ho-
minis summum bonum reperiendum est: uolupta-
tem bestiis concedamus: quibus uos de summo bo-
no testibus uti soletis. quid, si etiam bestiae multa fa-
ciunt duce sua quaeque natura partim indulgenter,
uel cum labore, ut in gignendo, in educando per-
facile appareat aliud quiddam ijs propositum, non
uoluptatem? turtures & cursu, & peregrinatio-
ne laetantur: congregatione aliae coetum quodam mo-
do ciuitatis imitantur. uidemus in quodam uolu-
crum genere non nulla indicia pietatis, cogitatione,
memoriam, in multis etiam disciplinam, ergo in
bestiis erunt secreta a uoluptate humanarum quae-
dam simulacra uirtutum: in ipsis hominibus uirtus,
nisi uoluptatis causa, nulla erit; & homini, qui ce-
teris animantibus plurimum praestat, praecipui a na-
tura nihil datum esse dicemus? nos uero, siquidem
in uoluptate sunt omnia, longe multumq. supera-
mur a bestiis: quibus ipsa terra fundit ex sese pa-
stus uarios, atque abundantes, nihil laborantibus:
nobis autem aut uix, aut ne uix quidem, suppetunt,
multo labore quaerentibus. Nec tamen ullo modo
summum pecudis bonum, & hominis, idem mihi
uide-

DE FINIBVS

videri potest. quid enim tanto opus est instrumen-
to in optimis artibus comparandis, quid tanto con-
cursu honestissimorum studiorum, tanto uirtutum
comitatu, si ea nullam ad aliam rem, nisi ad uolu-
ptatem, conquiruntur? ut, si Xerxes, cum tantis
classibus, tantisq. equestribus, & pedestribus co-
pijs, Helleponto iuncto, Athone perosso, maria
ambulauisset, terramq. nauigauisset; si, cum tan-
to impetu in Graeciam uenisset, causam eius quis
ex eo quaereret tantarum copiarum, tantiq. belli;
mel se afferre ex Hymetto uoluisse diceret; certe si-
ne causa uideretur tanta conatus: sic nos sapien-
tem, plurimis, & grauissimis artibus, atque uirtu-
tibus instructum, & ornatum, non ut illum, ma-
ria pedibus peragrantem, classibus montes, sed om-
ne caelum, totamq. cum uniuerso mari terram men-
te complexum, uoluptatem petere si dicemus, mel-
lis causa dicemus tanta molitum. ad altiora quae-
dam, & magnificentiora mihi crede, Torquate;
nati sumus: nec id ex animi solum partibus; in qui-
bus inest memoria rerum innumerabilium, uitae
quidem infinita; inest coniectura consequentium,
non multum a diuinatione differens; inest modera-
tor cupiditatis pudor; inest ad humanam societatem
iustitiae fida custodia; inest in perpetiendis laboribus,
adeundisq. periculis firma & stabilis doloris mor-
tisq. contemptio: ego haec in animis: tu autem e-
tiam membra ipsa, sensusq. considera: qui tibi, ut
reliquae corporis partes, non comites solum uirtu-
tum

tum, sed ministri etiam uidebuntur. Quid, si in ipso corpore multa uoluptati praeponenda sunt, ut uires, ualetudo, uelocitas, pulchritudo? quid tandem in animis censes? in quibus doctissimi illi ueteres inesse quiddam caeleste & diuinum putauerunt. quod si esset in uoluptate summum bonum, ut dicitis: optabile esset, in uoluptate maxima, nullo interuallo interiecto, dies noctesq. uersari, cum omne sensus dulcedine omni quasi perfusi mouerentur. quis est autem dignus nomine hominis, qui unum diem totum uelit esse in isto genere uoluptatis? Cyrenaici quidem non recusant. uestri haec uerecundius: illi fortasse constantius. sed lustremus animo, non has maximas artes, quibus qui carebant, inertes a maioribus nominabantur: sed quaero, num existimes, non dico Homerum, Archilochum, Pindarum, sed Phidiam, Polycletum, Zeuxin ad uoluptates artes suas direxisse? ergo opifex plus sibi proponet ad formarum, quam ciuis excellens ad factorum pulchritudinem? quae autem est alia causa erroris tanti, tam longe, lateq. diffusi, nisi quod is, qui uoluptatem summum bonum esse decernit, non cum ea parte animi, in qua inest ratio, atque consilium, sed cum cupiditate, id est cum animi leuissima parte, deliberat? Quaero enim de te: si sunt dii, ut uos etiam putatis; qui possunt esse beati, cum uoluptates corpore percipere non possint? aut, si sine eo genere uoluptatis beati sunt; cur similem animi usum in sapiente esse nolitis? lege laudationes,

o Tor-

DE FINIBVS

Torquate, non eorum qui sunt ab Homero laudati, non Cyri, non Agesilai, non Aristidis, non Themistoclis, non Philippi, non Alexandri, lege nostrorum hominum, lege uestrae familiae: neminem uidebis ita laudatum, ut artifex callidus comparandum uoluptatum diceretur. non elogia monumentorum id significant? uelut hoc ad portam: Vno ore cui plurimae consentiunt gentes, populi primarium fuisse uirum. id ne consensisse de Calatino plurimas gentes arbitramur, primum populi fuisse, quod praestantissimus fuisset in conficiendis uoluptatibus? Ergo in ijs adolescentibus bonam spem esse dicimus, & magnam indolem, quos suis commodis inseruituros, &, quidquid ipsis expediat, facturos arbitramur? non ne uidemus, quanta perturbatio rerum omnium consequatur, quanta confusio? tollitur beneficium: tollitur gratia: quae sunt uincula concordiae. nec enim, si tuam ob causam cuiquam commodas, beneficium illud habendum est, sed feneratio: nec gratia deberi uidetur ei, qui suam ob causam commodauerit. Maximas uero uirtutes iacere omnes necesse est, uoluptate dominante. Sunt etiam turpitudines plurimae, quae, nisi honestas natura plurimum ualeat, cur non cadant in sapientem, non est facile defendere. At, ne plura complectar, (sunt enim innumerabilia) bene laudata uirtus uoluptatis aditus includat necesse est. quod iam a me expectare noli: tute introspecte in mentem tuam ipse: eamq. omni cognitione pertractans, percun-
ctare

Etare ipse te, perpetuis ne malis uoluptatibus perfluens, in ea, quam saepe usurpabas, tranquillitate degere omnem aetatem sine dolore, assumpto etiam illo, quod uos quidem adiungere soletis, sed fieri non potest, sine doloris metu; an, cum de omnibus gentibus optime mererere, cum opem indigentibus salutemque ferres, uel Herculis perpeti aerumnas: sic enim maiores nostri labores non fugiendos, tristissimo tamen uerbo, aerumnas etiam in deo nominauerunt. exigerem ex te; cogeremque, ut responderes: nisi uererer, ne Herculem ipsum ea, quae pro salute gentium summo labore gessisset, uoluptatis causa gessisse diceres. Quae cum dixissem, habeo, inquit Torquatus, ad quos ista referam: & quamquam aliquid ipse poteram, tamen inuenire malo paratiores familiares nostros. Credo, Syronem dicis, & Polidemum, cum optimos uiros, tum doctissimos homines. Recte, inquit, intelligis. Age sane, inquam: sed erat aequius, Triarium aliquid de nostra dissensione iudicare. Immo, inquit arridens, iniquum, hac quidem de re. tu enim ista lenius: hic Stoicorum more nos uexat. Tum Triarius, posthac quidem, inquit, audacius: nam haec ipsa mihi erunt in promptu, quae modo audui: nec ante aggrediar, quam te ab istis, quos dicis, instructum uidero. Quae cum essent dicta, finem fecimus & ambulandi, & disputandi.

M. TVLLII CICERONIS
DE FINIBVS BONORVM
ET MALORVM
LIBER III.

V OLVPTATEM equidem, Brute, si ipsa pro se loquatur, nec tam pertinaces habeat patronos, concessuram arbitror, conuictam superiore libro, dignitati. etenim sit impudens, si uirtuti diutius repugnet; aut si honestis iucunda anteponat; aut pluris esse contendat dulcedinem corporis, titillantem ex ea re natam laetitiam, quam grauitatem animi, atque cōstantiam. quare illam quidem dimittamus, & suis se finibus tenere iubeamus; ne blanditijs eius, illecebrisque impediatur disputandi seueritas. quaerendum est enim, ubi sit illud summum bonum, quod reperire uolumus; quoniam & uoluptas ab eo remota est; & eadem fere contra eos dici possunt, qui uacuitatem doloris finem bonorum esse uoluerunt. nec uero ita ullum probetur summum bonum, ut uirtute careat, qua nihil potest esse praestantius. itaque, quamquam in sermone, qui cum Torquato est habitus, non remissi fuimus: tamen haec acrior est cū Stoicis parata contentio. quae enim de uoluptate dicuntur, ea nec acutissime, nec abscondite differuntur. neque enim, qui defendunt eam, uersuti in differendo sunt: nec, qui contra dicunt, causam difficilem repellunt. ipse etiam dicit
Epi-

Epicurus, ne argumentandum quidem esse de uoluptate, quod sit positum eius iudicium in sensibus; ut commoneri nos satis sit, nihil attineat doceri. quare illa nobis simplex fuit in utramque partem disputatio. nec enim in Torquati sermone quidquam implicatum, aut tortuosum fuit; nostraque, ut mihi nīdetur, dilucida oratio. Stoicorum autem, non ignoras, quam sit subtile, uel spinosum potius differendi genus, idq. cum Graecis, tum magis nobis, quibus etiam uerba parienda sunt, imponendaq. noua nouis rebus nomina. quod quidem nemo mediocriter doctus mirabitur, cogitans, in omni arte, cuius usus uulgaris communisq. non sit, multam nouitatem nominum esse; cum constituantur earum rerum uocabula, quae in quaque arte uersentur. itaque & dialectici, & physici uerbis utuntur ijs, quae ipsi Graeciae nota non sunt. geometrae uero, musici, grammatici etiam more quodam loquuntur suo. item ipsae rhetorum artes, quae sunt totae forenses, atque populares, uerbis tamen in docendo, quasi priuatis uiuntur, ac suis. Atque, ut omittam has artes elegantes, & ingenuas, ne opifices quidem tueri sua artificia possent, nisi uocabulis uterentur nobis incognitis, usitatis sibi. Quin etiam agricultura, quae abhorret ab omni politiore elegantia, tamen eas res, in quibus uersatur, nominibus notauit nouis. Quo magis hoc philosopho faciendum est: ars est enim philosophia uitae: de qua differens arripere uerba de foro non potest. quamquam ex omnibus philo

sophis Stoici plurima nominauerunt. Zeno quoque,
 eorum princeps, non tam rerum inuentor fuit,
 quam nouator uerborum. quod si in ea lingua, quā
 plerique uberiores putant, concessum a Graecis
 est, ut doctissimi homines de rebus non peruulgatis
 inusitatis uerbis uterentur: quanto id uel nobis ma-
 gis est concedendum, qui ea nunc primum audemus
 attingere? et si, quod saepe diximus, & quidem
 cum aliqua querela non Graecorum modo, sed etiā
 eorum, qui se Graecos magis, quam nostros, habe-
 ri uolunt, nos non modo non uinci a Graecis uerbo-
 rum copia, sed esse in ea etiam superiores; elabo-
 randum est, ut hoc non in nostris solum artibus,
 sed etiam in illorum ipsorum consequamur. quan-
 quam ea uerba, quibus ex instituto ueterum uti-
 mur pro latinis, ut ipsa philosophia, ut rhetorica,
 dialectica, grammatica, geometria, musica, quam-
 quam latine ea dici poterant, tamen, quoniam usu
 percepta sunt, nostra ducamus. Atque haec qui-
 dem de rerum nominibus. De ipsis rebus autem,
 saepenumero, Brute, uereor ne reprehendar, cum
 haec ad te scribam, qui tum in philosophia, tum in
 optimo genere philosophiae tantū processeris. quod
 si facerem quasi te erudiens, iure reprehenderer:
 sed ab eo plurimum absum: neque, ut ea cognoscas,
 quae tibi notissima sunt, ad te mitto; sed quia facilli-
 me in nomine tuo acquiesco, et quia te habeo aequif-
 simum eorum studiorum, quae mihi communia te-
 cum sunt, aestimatorem, & iudicem. attendes igitur,

59. 171.

tur, ut soles, diligenter, eamq. cōtrouersiam diſ-
dicabis, quae mihi fuit cum auunculo tuo, diuino,
ac singulari uiro. Nam in Tusculano cum essem,
uellemq. e bibliotheca pueri Luculli quibusdam li-
bris uti, ueni in eius nullam, ut eos ipse, ut solebam,
inde promerem. quo cum uenissem, M. Catonem; *de fin. or.*
quem tibi esse nescieram, uidi in bibliotheca seden- *lib. 1. 14:*
tem, multis circumfusus Stoicorum libris. erat
enim, ut scis; in eo inexhausta auiditas legendi,
nec satiari poterat, quippe qui, ne reprehensionem
quidem uulgi inanem reformidans, in ipsa curia so-
leret legere saepe, dum senatus cogeretur, nihil ope-
rae reip. detrahens. quo magis tum, in summo otio;
maximaq. copia, quasi belluo librorum (si hoc uer-
bo in tam clara re utendum est) uidebatur. quod
cum accidisset, ut alter alterum nec opinato uidere-
mus; surrexit statim: deinde prima illa, quae in
congressu solemus: quid tu, inquit, huc? a uilla
enim, credo: & si tibi te esse scissem, ad te ipse ue-
nissem. Heri, inquam, ludis commissis, ex urbe
profectus ueni ad uesperam. causa enim fuit huc ue-
niendi, ut quosdam hinc libros promerem. et qui-
dem, Cato, totam hanc copiam iam Lucullo no-
stro notam esse oportebit. nam his libris eum ma-
lo, quam reliquo ornatu uillae, delectari. est enim
mihi magnae curae. quāquam quidem hoc proprium
tuum munus est, ut ita erudiatur, ut & patri, &
Caepioni nostro, & tibi, tam propinquo, respon-
deat. laboro autem non sine causa. nam & aui eius

memoria moueor: (nec enim ignoras, quanti fecerim Caepionem; qui, ut opinio mea fert, in principibus iam esset, si uiueret) & Lucullus mihi uersatur ante oculos, uirtutum omnibus excellens, tum mecum & amicitia, & omni uoluptate, sententiaq. coniunctus. Praeclare, inquit, facis, cum & eorum memoriam tenes, quorum uterque tibi testamento liberos suos commendauit; & puerum diligis. quod autem meum munus dicis, non equidem recuso, sed te adiungo socium. addo etiam illud, multa iam mihi dare signa puerum & pudoris, et ingenij. sed aetatem uides. Vido equidem, inquam: sed inficitamen iam debet ijs artibus, quas si, dum est tener, combiberit, ad maiora ueniet paratior.

equidem. Sic equidem, diligentius saepiusq. ista loquimur inter nos, agemusq. communiter: sed resideamus, inquit, si placet. itaq. fecimus. Tum ille: tu autem, cum ipse tantum librorum habeas, quos hic tandem requiris? Commentarios quosdam, inquam, Aristotelicos, quos hic sciebam esse, ueni ut auferrem, quos legerem, dum essem otiosus: quod quidem nobis, ut scis, non saepe cotingit.

Quam uellem, inquit, ut te ad Stoicos inclinasses. erat enim, si cuiusquam, certe tuum, nihil praeter uirtutem in bonis ducere. Vide, ne magis, inquam, tuum fuerit, cum in re idem tibi, quod mihi, uideatur, non noua te rebus nomina imponere. ratio enim nostra consentit: oratio pugnat. Minime uero, inquit ille, consentit. quidquid enim praeter id, quod honestum

honestum sit, expetendum esse dixeris, in bonisq. numeraueris: & honestum ipsum, quasi uirtutis lumen, extinxis; & uirtutem penitus euerteris.

Dicuntur ista, Cato, magnifice, inquam: sed uides ne uerborum gloriam tibi cum Pyrrhone, & Aristone, qui omnia exaequant, esse communem? de quibus, cupio scire, quid sentias. Ego ne, quaeris, inquit, scire quid sentiam? quos bonos uiros, fortes, iustos, moderatos aut audiui in rep. fuisse, aut ipsi uidimus; qui sine ulla doctrina, naturam ipsam secuti, multa laudabilia fecerunt; eos melius a natura institutos fuisse, quam institui possent a philosophia, si ullam aliam probauissent, praeter eam, quae nihil aliud in bonis habet, nisi honestum, nihil, nisi turpe, in malis. ceterae philosophorum disciplinae, omnino alia magis, alia minus, sed tamen omnes, quae rem ullam uirtutis expertem aut in bonis, aut in malis numerent, eas non modo nihil adiuuare arbitror, neque afferre, quo meliores simus, sed ipsam deprauare naturam. nam, si hoc non obtineatur, id solum bonum esse quod honestum sit: nullo modo probari possis, beatam uitam uirtute effici. quod si ita sit: cur opera philosophiae sit danda, nescio. si enim sapiens aliquis miser esse possit: nae ego istam gloriosam, memorabilemque uirtutem non magno aestimandam putem. Quae adhuc, Cato, a te dicta sunt, eadem, inquam, dicere posses, si sequere Pyrrhonem, aut Aristonem. nec enim ignoras, his istud honestum.

non

DE FINIBVS

non summum modo, sed etiam, ut tu uis, solum bonum uideri. quod si ita est; sequitur id ipsum, quod te uelle uideo, omnes semper beatos esse sapientes. hos ne igitur laudas, & hanc eorum sententiam sequi nos censes oportere? Minime uero istorum quidem, inquit. cum enim uirtutis hoc proprium sit, earum rerum, quae secundum naturam sint, habere delectum: qui omnia sic exaequauerunt, ut in utraque parte ita paria redderent, uti nulla selectione uteretur eius, uirtutem ipsam sustulerunt.

Istud quidem, inquam, optime dicis: sed quaero, num ne tibi faciendum idem sit, nihil dicenti bonum, quod non rectum, honestumq. sit, relinquarum rerum discrimen omne tollenti? Siquidem, inquit, tollerem; sed relinquo. Quonam modo, inquam? si una uirtus, unum istud, quod honestum appellas, rectum, laudabile, decorum, (erit enim notius, quale sit, pluribus notatum uocabulis idem declarantibus) id ergo, inquam, si solum est bonum: quid habebis praeterea, quod sequare? aut, si nihil malum, nisi quod turpe, inhonestum, indecorum, prauum, flagitiosum, foedum: (ut hoc quoque pluribus nominibus insigne faciamus) quid praeterea dices esse fugiendum? Non ignoranti, inquit, tibi, quid sim dicturus, sed aliquid, ut ego suspicor, ex mea breui responsione arripere cupienti, non respondebo ad singula: explicabo potius, quoniam otiosi sumus, nisi alienum putas, totam Zenonis, Stoicorumq. sententiam. Minime id quidem,

dem, inquam, alienum: multumq. ad ea, quae
quaerimus, explicatio tua ista profecerit. Experia-
mur igitur, inquit, etsi habet haec Stoicorum ratio dif-
ficilius quiddam, & obscurius. nam cum in graeco
sermone haec ipsa quodam rerum nomina nouarum
* non uidebantur, quae nunc consuetudo diuturna tri-
uit: quid censes in latino fore? Facillimum id qui-
dem est, inquam. si enim Zenoni licuit, cum rem
aliquam inuenisset inusitatam, inauditum quoque
ei rei nomen imponere: cur non liceat Catoni? nec
tamen exprimi uerbum e uerbo necesse erit, ut in-
terpretes indiserti solent: cum sit uerbum, quod
idem declararet, magis minus ue usitatum. equidem
soleo etiam, quod uno Graeci, si aliter non possum,
idem pluribus uerbis exponere. et tamen puto con-
cedi nobis oportere, ut graeco uerbo utamur, si quan-
do minus occurret latinum; ne hoc ephippijs, &
acratophoris potius, quam proegmenis, & apo-
proegmenis, concedatur. quamquam haec quidem
praeposita recte, & reiecta dicere licebit. Bene fa-
cis, inquit, quod me adiuuas: & istis quidem, quae
modo dixisti, utar potius latinis, in ceteris subue-
nies, si me haerentem uidebis. Sedulo, inquam,
faciam: sed fortuna fortes. quare conare, quaeso.
quid enim hoc possumus agere diuinius? Placet
ijs, inquit, quorum ratio mihi probatur, simul
atque natum sit animal, (hinc enim est ordiendum)
ipsum sibi conciliari, & commendari ad se conser-
uandum, & ad suum statum, & ad ea, quae con-
ser-

et Perf:
Or. 262. & Na.
14.

DE FINIBVS

seruantia sunt eius status, diligenda; alienari autem ab interitu, ijsq. rebus, quae interitum uideantur afferte. id ita esse sic probant; quod, ante quam uoluptas, aut dolor attigerit, salutaria appetant parui, aspernenturq. contraria. quod non fieret, nisi statum ipsum diligerent, interitum timerent. fieri autem non posset, ut appeterent aliquid, nisi sensum haberent sui, eoq. se, & sua diligerent. ex quo intelligi debet, principium ductum esse a se diligendi. In principijs autem naturalibus diligendi sui plerique Stoici non putant uoluptatem esse ponendam: quibus ego uehementer assentior: ne, si uoluptatem natura posuisset in ijs rebus uideatur, quae primae appetuntur, multa turpia sequantur. Satis esse autem argumenti uidetur, quamobrem illa, quae natura prima sunt ascita, natura diligamus; quod est nemo, quin, cum utrum uis liceat, aptas malit, & integras omnes partes corporis, quam eodem usu imminutas, & detortas habere. Cogitationes autem, (uel, si haec uerba minus placeant, aut minus intelliguntur, κατὰ λόγον appellamus licet) eas igitur ipsas propter se asciscendas arbitramur, quod habeant quiddam in se quasi complexum, & continens ueritatem. id autem in paruis intelligi potest: quos delectari uideamus, etiam si eorum nihil intersit, si quid ratione per se ipsi inuenerunt. Artes etiam ipsas propter se assumendas putamus, tum quia sit in his aliquid dignum assumptione, tum quod consent ex cognitionibus;

&

Et contineant quiddam in se ratione constitutum,
Et uia . a falsa autem assensione magis nos aliena-
tos esse, quam a ceteris rebus, quae sunt contra na-
turam, arbitrantur. Iam membrorum, id est par-
tium corporis, alia uidentur propter eorum usum a
natura esse donata, ut manus, crura, pedes, &
ea, quae sunt intus in corpore; quorum utilitas quan-
ta sit, a medicis etiam disputatur: alia autem nul-
lam ob utilitatem, quasi ad quendam ornatum, ut
cauda pauoni, plumae uersicolores columbis, uiris
mammae, atque barba. Haec dicuntur fortasse ie-
iunius: sunt enim quasi prima elementa naturae:
quibus ubertas orationis adhiberi uix potest. nec
equidem eam cogito consecrari. ueruntamen, cum
de rebus grandioribus dicas, ipsae res uerba rapiunt.
ita fit cum grauior, tum etiam splendidior oratio.
Est ut dicis, inquam: sed tamen omne, quod de re
bona dilucide dicitur, mihi praeclare dici uidetur.
istiusmodi autem res dicere ornate uelle, puerile est:
plane autem, & perspicue expedire posse, docti,
& intelligentis uiri. Progrediamur igitur, quo-
niam, inquit, ab his principijs naturae discessimus:
quibus congruere debent, quae sequuntur. sequitur
autem prima diuisio haec. Aestimabile esse dicitur
(sic enim, ut opinor, appellamus *) id, quod aut
ipsum secundum naturam sit, aut tale quid efficiat,
ut selectione dignum propterea sit, quod aliquod
pondus habeat dignum aestimatione: quā ille ἀξιῶν
uocat: contraq. inaeſtimabile, quod sit superiori
con-

DE FINIBVS

contrarium. Initijs igitur ita constitutis, ut ea, quae secundum naturam sunt, ipsa propter se sumenda sint, contrariaq. item reiicienda; primum est officium, (id enim appello καθήκον) ut se conseruet in naturae statu; deinceps, ut ea teneat, quae secundum naturam sint, pellatq. contraria: quae inuenta selectione, & item reiectione sequuntur: deinceps cum officio selectio, deinde ea perpetua, tum ad extremū constans consentanea. naturae: in qua primum inesse incipit, & intelligi, quid sit, quod uere bonum possit dici. prima est enim conciliatio hominis ad ea, quae sunt secundum naturam. Simul autem cepit intelligentiam, uel notionem potius, quam appellant γνῶσιν illi; uiditq. rerum agendarum ordinem, & ut ita dicam, concordiam: multo eam pluris aestimauit, quam omnia illa, quae primum dilexerat: atque ita cognitione, & ratione collegit, ut statueret in ea collocatum summum illud hominis per se laudandum, & expetendum bonum. quod cum positum sit in eo, quod ὁμολογίαν Stoici, nos appellemus conuenientiam, si placet; cum igitur in eo sit id bonum, quo referenda sunt omnia: honeste facta, ipsumq. honestum, quod in bonis ducitur, quamquam post oritur, tamen id solum ui sua, & dignitate expetendum est: eorum autem, quae sunt prima natura, propter se nihil est expetendum. cum uero illa, quae officia esse dixi, proficiantur ab initijs naturae: ad ea haec referri necesse est: ut recte dici possit, omnia officia eo referri, ut
adi-

adipiscamur principia naturae, nec tamen ut hoc sit bonorum ultimum: propterea quod non inest in primis naturae conciliationibus honesta actio: consequens enim est, & post oritur, ut dixi: est tamen ea secundum naturam, multoq. nos ad se expetendam magis hortatur, quam superiora omnia. Sed ex hoc primum error tollendus est, ne quis sequi existimet, ut duo sint ultima bonorum. ut enim, si cui sit propositum collineare hastam aliquo, aut sagittam, sicut nos ultimum in bonis diximus: sic illi facere omnia quae possit, ut collineet: huic in eius similitudine omnia sint facienda, ut collineet: tum, ut omnia faciat, quo propositum assequatur. sed hoc quasi ultimum, quale nos summum in uita bonum dicimus: illud autem, ut feriat, quasi seligendum, non expetendum. Cum autem omnia officia a principijs naturae proficiantur; ab iisdem necesse est proficisci ipsam sapientiam. sed quemadmodum saepe fit, ut is qui commendatus sit alicui, pluris eum faciat, cui commendatus sit, quam illum, a quo sit: minime mirum est, primo nos sapientiae commendari ab initijs naturae, post autem ipsam sapientiam nobis cariorem fieri, quam illa sint, a quibus ad hanc uenerimus. Atque ut membra nobis ita data sunt, ut ad quandam rationem uiuendi data esse appareant: sic appetitio animi, quae ἡσυχία graece uocatur, non ad quoduis genus uitae, sed ad quandam formam uiuendi uidetur data; itemq. & ratio, & perfecta ratio. ut enim histrioni actio, saltatori motus, non quiuis, sed

DE FINIBVS

sed certus quidam est datus: sic uita agenda est certo genere quodam, non quolibet: quod genus conueniens, consentaneumq. dicimus. nec enim gubernationi, aut medicinae similem sapientiam esse arbitramur, sed actioni illi potius, quam modo dixi, & saltationi; ut in ipsa arte insit, non foris petatur extremum, id est artis effectio. Et tamen est etiam alia cum ipsis artibus sapientiae dissimilitudo: propterea quod in illis, quae recte facta sunt, non continent tamen omnes partes, ex quibus constant: quae autem nos aut recta, aut recte facta dicamus, si placet; illi autem appellant *κατορθώματα*; omnes numeros uirtutis continent. sola enim sapientia in se tota conuersa est. quod idem in ceteris artibus non fit. Inscite autem medicinae, et gubernationis ultimum cum ultimo sapientiae comparatur. sapientia enim & animi magnitudinem complectitur, & iustitiam, & ut omnia, quae homini accidant, infra se esse iudicet. quod idem in ceteris artibus non contingit. Tenere autem uirtutes eas ipsas, quarum modo mentionem feci, nemo poterit, nisi statuerit nihil esse, quod intersit, aut differat aliud ab alio, praeter honesta, & turpia. Videamus nunc, quam sint praeclare illa ijs, quae iam posui, consequentia. Cum enim hoc sit extremum, (sentis enim credo me iam diu, quod *τέλος* Graeci dicunt, id dicere tum extremum, tum ultimum, tum summum: licebit etiam finem pro extremo, aut ultimo dicere) cum ergo hoc sit extremum, congruenter

85.
off: 541

ter naturae, conuenienterq. uiuere; necessario sequitur, omnes sapientes semper feliciter, absolute fortunate uiuere, nulla re impediri, nulla prohiberi, nulla egere. Quod autem continet non magis eam disciplinam, de qua loquor, quam uitam fortunatam nostras, id est ut, quod honestum sit, id solum bonum iudicemus: potest id quidem fuisse, & copiose, & omnibus electissimis uerbis, grauissimisq. sententijs rhetorice & augeri, & ornari: sed confectaria me Stoicorum breuia, & acuta delectant. concluduntur igitur eorum argumenta sic. quod est bonum, omne laudabile est: quod autem laudabile est, omne honestum est: bonum igitur quod est, honestum est. Satis ne hoc conclusum uidetur? certe: quod enim efficiebatur ex his duobus, quae erant sumpta in eo, uides esse conclusum. duorum autem, e quibus effecta conclusio est, contra superius dici solet, non omne bonum esse laudabile. nam, quod honestum sit, laudabile esse conceditur: illud autem perabsurdum, bonum esse aliquid, quod non expetendum sit; aut expetendum, quod non placens; aut, si id, non etiam diligendum; ergo & probandum; ita etiam laudabile; id autem honestum, ita fit, ut, quod bonum sit, id etiam honestum sit. Deinde quaero, quis aut de misera uita possit gloriari, aut non de beata? de sola igitur beata. ex quo efficitur, gloriatione, ut ita dicam, dignam esse beatam uitam. quod non possit quidem, nisi honestae
 p uitae,

270.
 ff. lib. 1. 15.

270.

DE FINIBVS

uitae, iure contingere. ita fit, ut honesta uita, beata uita sit. Et quoniam is, cui contingit ut iure laudetur, habet insigne quiddam ad decus, & ad gloriam, ut ob ea, quae tanta sint, beatus dici iure possit: idem de uita talis uiri rectissime dicitur. ita, si beata uita honestate cernitur, quod honestum est, id bonum solum habendum est. Quod uero negari nullo modo possit, quem umquam stabili, & firmo, & magno animo, quem fortem uirum dicimus effici posse, nisi constitutum sit, non esse malum dolorem? ut enim, qui mortem in malis ponit, non potest eam non timere: sic nemo ulla in re potest id, quod malum esse decernit, non curare, idq. contemnere. quo posito, & omnium assensu approbato, illud assumitur, eum, qui magno sit animo, atque forti, omnia, quae cadere in hominem possint, despicere, & pro nihilo putare. Quae cum ita sint, effectum est, nihil esse malum, quod turpe non sit. Atque iste uir, altus, & excellens, magno animo, uere fortis, infra se omnia humana ducens, is, inquam, quem efficere uolumus, quem quaerimus certe, & considerare sibi debet, & suae uitae, & actae, & consequenti, & bene de se iudicare, statuens nihil mali posse incidere sapienti. ex quo intelligitur idem, illud solum bonum esse, quod honestum sit, idq. esse beate uiuere, & honeste, id est cum uirtute uiuere. Nec uero ignoro uarias philosophorum fuisse sententias, eorum dico, qui summum bonum, quod ultimum appello, in animo ponerent.

quas

quas quamquam uitiose quidam secuti sunt : tamen non modo his tribus , qui uirtutem a summo bono segregauerunt , cum aut uoluptatem , aut uacuitatem doloris , aut prima naturae in summis bonis poneret ; sed etiam alteris tribus , qui mancā fore putauerunt sine aliqua accessione uirtutē , ob eamq. rem trium earum rerum , quas supra dixi , singulas singulis addiderunt ; his tamen omnibus eos antepo-
no , cuiusmodi sunt , qui summum bonum in animo , atque in uirtute posuerunt . Sed sunt tamen perabsurdi & ij , qui , cum scientia uiuere , ultimum bonorum , & qui nullam rerum differentiam esse dixerunt , atque ita sapientē beatum fore , nihil aliud alijs momento ullo anteponentem : ut quidam Academici constituisse dicuntur , extremum bonorum , & summum munus esse sapientis , obsistere uisis , assensusq. suos firme sustinere . His singulis copiose responderi solet : sed , quae perspicua sunt , longa esse non debent . quid autem apertius , quam , si selectio nulla sit ab ijs rebus , quae contra naturam sint , earum rerum , quae sint secundum naturam , tollatur omnis ea , quae quaeratur , laudaturq. prudentia ? Circumscriptis igitur ijs , sententijs , quas posui , & ijs , quae similes earum sunt , relinquitur , ut summum bonum sit , uiuere scientiam adhibentem earum rerum , quae natura eueniant ; seligentem , quae secundum naturam ; & , si quae contra naturam sunt , reiicientem ; id est conuenienter congruēterq. naturae uiuere . Sed in ceteris artibus ,

DE FINIBVS

cum dicitur artificiose, posterum quodam modo, et consequens putandum est: quod illi ἐπιτηρηματικὸν appellant. quod autem in quo sapienter dicimus, id apprime recte dicitur. quidquid enim a sapiente proficiscitur, id continuo debet expletum esse omnibus suis partibus. in eo enim positum est id, quod dicimus esse expetendum. nam ut peccatum est, patriam prodere, parentes uiolare, fana depeculari, quae sunt in effectu: sic, timere, sic, maerere, sic, in libidine esse, peccatum est, etiam sine effectu. uerum, ut haec non in posteris, & in consequentibus, sed in primis continuo peccata sunt: sic ea, quae proficiscuntur a uirtute, susceptione prima, non perfectione, recta sunt iudicanda. Bonum autem, quod in hoc sermone toties usurpatum est, id etiam definitione explicetur. sed eorum definitiones paululum oppido inter se differunt, & tamen eodem spectant. ego assentior Diogeni, qui bonum definierit, id, quod esset natura absolutum. id autem sequens, illud quod prodesset, (ἀφελαιμία enim sic appellamus) motum, aut statum esse dixit, a natura absoluta. Cumq. rerum notiones in animis fiant, si aut usu aliquid cognitum sit, aut coniunctione, aut similitudine, aut collatione rationis: hoc quarto, quod extremum posui, bonorum notitia facta est. cum enim ab ijs rebus, quae sunt secundum naturam, ascendit animus collatione rationis; tum ad notionem boni peruenit. hoc autem ipsum bonum non accessione, neque crescendo, aut cum ceteris

com-

comparando, sed propria ui sua & sentimus, & appellamus bonum. ut enim mel, etsi dulcissimum est, suo tamen proprio genere saporis, non comparatione cum alijs, dulce esse sentitur: sic bonum hoc, de quo agimus, est illud quidem plurimi aestimandum, sed ea aestimatio genere ualet, non magnitudine. nam cum aestimatio, quae ἀξία dicitur, neque in bonis numerata sit, nec rursus in malis: quantumcumque eo addideris, in suo genere manebit: alia est igitur propria aestimatio uirtutis: quae genere, non crescendo, ualet. Nec uero perturbationes animorum, quae uitam insipientium miseram; acerbamque reddunt, quas Graeci πᾶθη appellāt: (poteram ego, uerbum ipsum interpretans, morbos appellare; sed non conueniret ad omnia: qui enim misericordiam, aut ipsam iracundiam, morbum sōlet dicere? at illi dicunt πᾶθος: sit igitur perturbatio, quae nomine ipso uitiosa declarari uidetur) nec hae perturbationes ui aliqua naturali mouentur: omnesque hae sunt genere quattuor; partibus plures; aegritudo, formido, libido, quamque Stoici, communi nomine corporis, et animi, ἰδιόθεν appellāt; ego malō laetitiam appellare, quasi gestientis animi elationē uoluptariam. perturbationes autem nulla naturae ui commouentur: omniaque ea sunt opiniones, ac iudicia leuitatis. itaque his sapiens semper uacabit. Omne autem, quod honestum sit, id esse propter se expetendum; commune nobis est cum multorum aliorum philosophorum sententijs: praeter enim

¶ 3 tres

tres disciplinas, quae uirtutem a summo bono excludunt, ceteris omnibus philosophis haec est tuenda sententia, maxime tamen his Stoicis; qui nihil aliud in bonorum numero, nisi honestum, esse uoluerunt. sed haec quidem est perfacilis, & perexpedita defensio. quis est enim, aut quis umquam fuit aut auaritia tam ardenti, aut tam effrenatis cupiditatibus, ut eandem illam rem, quam adipisci scelere quouis uelit, non multis partibus malit ad sese, etiam omni impunitate proposita, sine facinore, quam illo modo, peruenire? quam uero utilitatem, aut quem fructum petentes, scire cupimus, illa, quae occulta nobis sunt, quo moueantur, quibusq. de causis ea uersentur in caelo? quis autem tam agrestibus institutis uiuit, aut quis contra studia naturae tam uehementer obduruit, ut a rebus cognitione dignis abhorreat, easq. sine uoluptate, aut utilitate aliqua non requirat, & pro nihilo putet? aut quis est, qui, maiorum, aut Africanorum, aut eius, quem tu in ore semper habes, proaui mei, ceterorumq. uirorum fortium, atque omni uirtute praestantium facta, dicta, consilia cognoscens, nulla animo afficiatur uoluptate? quis autem, honesta in familia institutus, & educatus ingenue, non ipsa turpitudine, etiam si eum laesura non sit, offenditur? quis animo aequo uidet eum, quem impure, ac flagitiose putet uiuere? quis non odit sordidos, uanos, leues, futiles? quid autem dici poterat, si turpitudinem non ipsam per se fugiendam esse statueremus,

remus, quo minus homines, tenebras, & solitudinem nacti, nullo dedecore se abstineant, nisi eos per se foeditate sua turpitudine ipsa deterreat? Innumerable dici possunt in hanc sententiam: sed non necesse est. nihil est enim, de quo minus dubitari possit, quam & honesta expetenda per se, & eodem modo turpia per se fugienda. Constituto autem illo, de quo ante diximus, quod honestum sit, id esse solum bonum; intelligi necesse est, pluris id, quod honestum sit, aestimandum esse, quam illa media, quae ex eo comparentur. stultitiam autem, & temeritatem, & iniustitiam, & intemperantiam cum dicimus esse fugienda propter eas res, quae ex ipsis eveniant; non ita dicimus, ut cum illo, quod positum est, solum id esse malum, quod turpe sit, haec pugnare uideatur oratio: propterea quod ea non ad corporis incommodum referuntur, sed ad turpes actiones, quae oriuntur e uitijs. quas enim Graeci *xaius* appellant, uitia malo, quam malitias, nominare. Haec tu, inquam, Cato, uerbis illustribus, & id, quod uis, declarantibus. itaque mihi uideris latine docere philosophiam, et ei quasi ciuitatem dare, quae quidem adhuc peregrinari Romae uidebatur, nec offerre sese nostris sermonibus: & ista maxime propter limatam quandam & rerum, & uerborum tenuitatem. scio enim esse quosdam, qui quamuis lingua philosophari possint, nullis tamen partitionibus, nullis definitionibus utuntur ipsi, qui dicunt ea se modo probare, quibus

DE FINIBVS

natura tacita assentiatur. itaque in rebus minime obscuris non multus est apud eos differendi labor. quare attendo te studiosè, & quaecunque rebus ijs, de quibus hic sermo est, nomina imponis, memoriae mando. mihi enim erit ijsdem istis fortasse iam utendum. Virtutibus igitur rectissime mihi uideris, & ad consuetudinem nostrae orationis, uitia posuisse contraria. quod enim uituperabile est per se ipsum, id eo ipso uitium nominatum puto, uel etiam a uitio dictum uituperari. sin xxi. malitiam dixisses; ad aliud nos unum certum uitium consuetudo latina traduceret: nunc omni uirtuti uitium, contrario nomine, opponitur. Tum ille, his igitur ita positis, inquit, sequitur magna contentio: quae pertractata est a Peripateticis mollius. est enim eorum consuetudo dicendi non satis acuta, propter ignorantiam dialecticae. Carneades tuus, egregia quadam exercitatione in dialecticis, summaque eloquentia, rem in summum discrimen adduxit: propterea quod pugnare non destitit, in omni hac quaestione, quae de bonis, & malis appelletur, non esse rerum Stoicis cum Peripateticis controuersiam, sed nomen. Mihi autem nihil tam perspicuum uidetur, quam has sententias eorum philosophorum re inter se magis, quam uerbis, dissidere, maiorem multo habere Stoicos & Peripateticos rerum omnium discrepantiam, quam uerborum; quippe cum Peripatetici omnia, quae ipsi bona appellant, pertinere dicant ad beate uiuendum; nostri uero, quod aesti-
matione

matione omnino aliqua dignum sit, complecti beatam uitam putent. An uero certius quidquam potest esse, quam illa ratio eorum, qui dolorem in malis ponunt, non posse sapientem beatum esse, cum equaleo torqueatur? eorum autem, qui dolorem in malis non habent, ratio certe cogit, ut in omnibus tormentis conseruetur beata uita sapienti. etenim, si dolores eosdem telerabilius patiantur, qui excipiunt eos pro patria, quam qui leuiore de causa: opinio facit, non natura, uim doloris aut maiorem, aut minorem. Ne illud quidem est consentaneum, ut, si, cum tria genera bonorum sint, quae sententia est Peripateticorum, eo beator quisque sit, quo sit corporis, aut externis bonis plenior; ut hoc idem approbandum sit nobis, ut, qui plura habeat, quae in corpore magni aestimantur, sit beator. illi enim corporis commodis compleri uitam beatam putant: nostri nihil minus. nam cum ita placeat, ne eorum quidem bonorum, quae nos bona naturae appellemus, frequentia beatorem uitam fieri, aut magis expetendam, aut pluris aestimandam: certe minus ad beatam uitam pertinet multitudo corporis commodorum. etenim si &, sapere, expetendum sit, & ualere: coniunctum utrumque magis expetendum sit, quam sapere solum. neque tamen, si utrumque sit aestimatione dignum, pluris sit coniunctum, quam sapere ipsum separatim. nam qui ualitudinem aestimatione aliqua dignam indicamus, neque tamen eam in bonis ponimus; idem censemus, nullam esse tantam

DE FINIBVS

tantam aestimationem, ut ea uirtuti anteponatur, quod idem Peripatetici non tenent: quibus dicendum est, quae & honesta actio sit, & sine dolore, eam magis esse expetendam, quam si esset eadem actio cum dolore. nobis aliter uidetur: recte, secus ne, potest. Sed potest ne rerum maior esse dissensio? ut enim obscuratur, & offunditur luce solis lumen lucernae; et ut interit magnitudine maris Aegei stillicidia muriae; & ut in diuitijs Croesi teruncij accessio, & gradus unus in ea uia, quae est hinc in Indiam: sic, cum sit is bonorum finis, quem Stoici dicunt, omnis ista rerum in corpore sitarum aestimatio splendore uirtutis, & magnitudine obscuretur, & obruatur, atque intereat, necesse est. & quemadmodum opportunitas (sic enim appellemus ὁκαιρία) non sit maior productione temporis: (habent enim suum modum, quaecunque opportuna dicuntur) sic recta effectio (κατόρθωσις enim ita appello; quoniam rectum factum κατόρθωμα) recta igitur effectio, item conuenientia, denique ipsum bonum, quod in eo positum est, ut naturae consentiat, crescendi accessionem nullam habet. ut enim opportunitas illa, sic haec, de quibus dixi, non sunt temporis productione maiora: ob eamque. eausdem Stoicis non uidetur optabilior, nec magis expetenda beata uita, si sit longa, quam si breuis: utunturque simili. ut, si cothurni laus illa esset, ad pedem apte conuenire; neque multi cothurni paucis anteponerentur, nec maiores minoribus: sic, quorum omne bonum

num conuenientia, atque opportunitate finitur, nec
plura paucioribus, nec longinquiora breuioribus an-
teponuntur. Nec uero satis acute dicunt: si bona
ualetudo pluris aestimanda sit longa, quam breuis;
sapientiae quoque usus longissimus quisque sit pluri-
mi. non intelligunt ualetudinis aestimationem spatio
iudicari; uirtutis, opportunitate. ut uideantur, qui
illud dicant, iisdem hoc esse dicturi, bonam mortem,
& bonum partum meliorem longum esse, quam
breuem. non uident alia breuitate pluris aestimari,
alia diuturnitate. itaque consentaneum est his, quae
dicta sunt, ratione illorum, qui illum bonorum fi-
nem, quod appellamus extremum, quod ultimum,
crescere putant posse, iisdem placere, esse alium a-
lio etiam sapientiore, itemq. alium magis alio uel
peccare, uel recte facere. quod nobis non licet dice-
re: qui crescere bonorum finem non putamus. ut e-
nim qui demersi sunt aqua, nihilo magis respira-
re possunt, si longe non absunt a summo, ut iam
iamq. possint emergere, quam si etiam tum essent
in profundo; nec catulus ille, qui iam appropinquat
ut uideat, plus cernit, quam is, qui modo est na-
tus: item, qui processit aliquantum ad uirtutis adi-
tum, nihilo minus in miseria est, quam ille, qui ni-
hil processit. Haec mirabilia uideri intelligo: sed,
cum certe superiora firma, ac uera sint, his autem
ea consentanea, & consequentia; ne de eorum qui-
dem ueritate est dubitandum. Sed quamquam ne-
gent, nec uirtutes, nec uitia crescere: attamen u-

tamenq.

DE FINIBVS

trumque eorum fundi quodam modo, & quasi dilata-
tari putant. Diuitias autem Diogenes censet non
eam modo uim habere, ut quasi duces sint ad uolu-
ptatem, & ad ualetudinem bonam; sed etiam ut
ea contineant: non idem facere eas in uirtute, ne-
que in ceteris artibus, ad quas esse dux pecunia po-
test, continere autem non potest: itaque, si uolu-
ptas, aut si bona ualetudo sit in bonis, diuitias quo-
que in bonis esse ponendas: at, si sapientia bonum
sit, non sequi ut etiam diuitias bonum esse dicamus:
nec ab ulla re, quae non sit in bonis, id, quod sit in
bonis, contineri potest. ob eamq. causam, quia co-
gitationes, comprehensionesq. rerum, e quibus ef-
ficiuntur artes, appetitiones mouent; cum diuitiae
non sint in bonis, nulla ars diuitijs contineri potest.
quod si de artibus concedamus: uirtutis tamen non
sit eadem ratio: propterea quod haec plurimae com-
mentationis, & exercitationis indigeat; quod idem
in artibus non sit; & quod uirtus stabilitatem, fir-
mitatem, constantiam totius uitae complectatur;
nec eadem haec in artibus esse uideamus. Deinceps
explicatur differentia rerum: quam si non ullam ef-
se diceremus, confunderetur omnis uita, ut ab Ari-
stote; nec ullum sapientiae munus, aut opus inueni-
retur; cum inter res eas, quae ad uitam degendam
pertinerent, nihil omnino interesse, neque ullum
delectum adhiberi oporteret. itaque, cum esset sa-
tis constitutum, id solum esse bonum, quod esset ho-
nestum, & id malum solum, quod turpe: tum in-
ter

ter haec, & illa, quae nihil ualerent ad beate, misere-
 req. uiuendum, aliquid tamen, quo differrent, es-
 se uoluerunt; ut essent eorum alia aestimabilia, alia
 contra, alia neutrum: quae autem aestimanda essent
 eorum in alijs satis esse caussae, quamobrem quibus-
 dam anteponerentur, ut in ualetudine, ut in inte-
 gritate sensuum, ut in doloris uacuitate, ut gloriae,
 diuitiarum, similium rerum; alia autem non esse
 eiusmodi: itemq. eorum, quae nulla aestimatione di-
 gna essent, partim satis habere caussae, quamobrem
 reuicerentur, ut dolorem, morbum, sensuum amis-
 sionem, paupertatem, ignominiam, similia horum;
 partim non: itemq. hinc esse illud exortum, quod
 Zeno *ὑποτιμώμενον*, contraq. quod *ἀποτιμώμενον* no-
 minauit; cum uteretur in lingua copiosa factis ta-
 men nominibus, ac nouis: quod nobis in hac inopi
 lingua non conceditur. quamquam tu hanc copiosio-
 rem etiam dicere soles. sed non alienum est, quo fa-
 cilius uis uerbi intelligatur, rationem huius uerbi fa-
 ciendi Zenonis exponere. Ut enim, inquit, nemo
 dicit, in regia regem ipsum quasi productum esse ad
 dignitatem, (id enim est *ὑποτιμώμενον*) sed eos, qui
 in aliquo honore sint, quorum ordo proxime acce-
 dit, ut secundus sit ad regium principatum: sic in ui-
 ta non ea, quae primario loco sunt, sed ea, quae secun-
 dum locum obtinent, *ὑποτιμώμενα*, id est producta, no-
 minentur: quae uel ita appellemus, (id erit uerbum
 e uerbo) uel promota, uel, ut dudum diximus, praepo-
 sita, uel praecipua; & illa reiecta. re enim intelle-
 cta,

DE FINIBVS

Eta, in uerborum usu faciles esse debemus. quoniam autem omne, quod est bonum, primum locum tenere dicimus: necesse est, nec bonum esse, nec malum hoc, quod praepositum, uel praecipuum nominamus. itaque id definimus; quod sit indifferens, cum aestimatione mediocri. quod enim illi ἀδιάφορον dicunt, id mihi ita occurrit, ut indifferens dicerem. neque enim illud fieri poterat ullo modo, ut nihil relinqueretur in medijs, quod aut secundum naturam esset, aut contra, nec, cum id relinqueretur, nihil in his poni, quod satis aestimabile esset: nec, hoc posito, non aliqua essent praeposita. recte igitur haec facta distinctio est. Atque etiam ab ijs, quo facilius res perpici possit, hoc simile ponitur. ut enim, inquiunt, si hoc fingamus esse quasi finem, & ultimum, ita iacere talem, ut rectus assistat; qui ita talus erit iactus, ut cadat rectus, praepositum quiddam habebit ad finem; qui aliter, contra; neque tamen illa propositio tali ad eum, quem dixi, finem pertinebit: sic ea, quae sunt praeposita, referuntur illa quidem ad finem, sed ad eius uim, naturamque. nihil pertinent. Sequitur illa diuisio, ut bonorum alia sint ad illud ultimum pertinentia, (sic enim appello, quae τεληα dicuntur: iam hoc ipsum instituamus, ut placuit, pluribus uerbis dicere, quod uno non poterimus; ut res intelligatur) alia autem efficientia, quae Graeci πομπια, alia utrumque. de pertinentibus nihil est bonum, praeter actiones honestas: de efficientibus, nihil praeter amicum, sed

⊕

& pertinentem & efficientem sapientiam uolunt esse . nam quia sapientia est conueniens actio ; erit cum illo pertinenti genere , quod dixi . quod autem honestas actiones affert , & efficit , id efficiens dici potest . Haec , quae praeposita dicimus , partim sunt per se ipsa praeposita , partim quod aliquid efficiunt , partim utrumque : per se , ut quidam habitus oris , & uultus , ut status , ut motus ; in quibus sunt & praeponenda quaedam , & reijcienda : alia ob eam rem praeposita dicuntur , quod ex se aliquid efficiant , ut pecunia : alia autem ob utramque rem , ut integri sensus , ut bona uoletudo . De bona autem fama (quam enim appellant *ἡ δόξα* , aptius est hoc loco bonam famam appellare , quam gloriam) Chrysippus quidem , & Diogenes , detracta utilitate , ne digitum quidem eius causa porrigendum esse dicebant . quibus ego uehementer assentior . qui autem post eos fuerunt , cum Carneadem sustinere non possent , hanc , quam dixi , bonam famam ipsam propter se praepositam , & sumendam esse dixerunt ; esseq. hominis ingenui , & liberaliter educati , uelle bene audire a pareribus , a propinquis , a bonis etiā uiris , idq. propter rem ipsam , non propter usum : dicuntque , ut liberis consultū uelimus , etiam si posthumi futuri sint , propter ipsos ; sic futurae post mortē famae tamē esse propter rem , etiam detractō usu , consulendum . Sed cum , quod honestum sit , id solum bonū esse dicamus : consentaneum tamen est , fungi officio ; cum id officium nec

m

in bonis ponamus, nec in malis. est enim aliquid in his rebus probabile, & quidem ita, ut eius ratio reddi possit. est autem officium, quod ita factum est, ut eius probabilis ratio reddi possit. ex quo intelligitur, officium medium quoddam esse, quod neque in bonis ponatur, neque in contrarijs. quoniamq. in ijs rebus, quae neque in uirtutibus sunt, neque in uitijs, est tamen quiddam, quod usui possit esse: tollendum id non est. Est autem eius generis actio quoque quaedam: & quidem talis, ut ratio postulet agere aliquid, & facere eorum. quod autem ratione actum sit, id officium appellamus. est igitur officium eius generis, quod nec in bonis ponatur, nec in contrarijs. Atque perspicuum etiam illud est, in istis rebus medijs aliquid agere sapientem. indicat igitur, cum agit, officium illud esse. quod, quoniam numquam fallitur in iudicando, erit in medijs rebus officium. quod efficiunt etiam hac conclusione rationis. quoniam enim uidemus esse quiddam, quod recte factum appellemus; id autem est perfectum officium: erit autem etiam inchoatum, ut, si, iuste deopsitum reddere, in recte factis sit, in officijs ponatur depositum reddere: illo enim addito, iuste, facit recte factum: per se autem hoc ipsum, reddere, in officium ponitur. quoniamq. non dubium est, quin in ijs, quae media dicimus, sit aliud sumendum, aliud reiiciendum: quidquid ita sit, aut dicitur, communi officio continetur. ex quo intelligitur, quoniam se ipsos omnes

nes natura diligunt; tam insipientem, quam sapien-
tem sumpturum, quae secundum naturam sint, re-
iecturumq. contraria. ita est quoddam commune of-
ficium sapientis, & insipientis. ex quo efficitur,
uersari in ijs, quae media dicamus. sed, cum ab his
omnia proficiantur officia; non sine causa dici-
tur, ad ea referri omnes nostras cogitationes, in
his & excessum e uita, & in uita mansionem. in
quo enim plura sunt, quae secundum naturam sunt;
huius officium est in uita manere: in quo autem
aut sunt plura contraria, aut fore uidentur; hu-
ius officium est e uita excedere. ex quo apparet,
& sapientis esse aliquando officium, excedere e
uita, cum beatus sit; & stulti, manere in uita, cum
sit miser. nam bonum illud, & malum, quod saepe
iam dictum est, postea consequitur. prima autem
illa naturae, siue secunda, siue contraria, sub iudi-
cium sapientis, & delectum cadunt: estq. illa sub-
iecta quasi materia sapientiae. itaque & manendi
in uita, & migrandi ratio omnibus ijs rebus, quas
supra dixi, metienda. nam neque ijs, qui uirtute
retinentur in uita, neque ijs, qui sine uirtute sunt,
mors est appetenda; ut saepe officium est sapientis de-
sciscere a uita, cum sit beatissimus, si id opportune
facere possit, quod est conuenienter naturae uiuere.
sic enim censent, opportunitatis esse beate uiuere.
itaque a sapientia praecipitur, se ipsam, si iusserit,
sapiens ut relinquat. Quamobrem cum uitiorum
ista uis non sit, ut causam afferant mortis uolunta-

q riae:

*dicat. copila
in 120. 98.
sam. lib. ep. 1.
ad Her. lib. 4. 10.*

DE FINIBVS

riae: perspicuum est, etiam stultorum, qui iidem mi-
feri sint, officium esse, manere in uita, si sint in ma-
iore parte earum rerum, quas secundum naturam
esse dicimus. & quoniam excedens e uita, & ma-
nens, aequè miser est; nec diuturnitas magis ei ui-
tam fugiendam facit: nō sine causa dicitur, ijs, qui
pluribus naturalibus frui possint, esse in uita manen-
dum. Pertinere autem ad rem arbitrantur, intelli-
gi, natura fieri, ut liberi a parentibus amentur: a
quo initio profectam communē humani generis so-
cietatem persequimur. quod primum intelligi debet
figura, membrisq. corporum: quae ipsa declarant,
procreandi a natura habitam esse rationem. neque
uero haec inter se congruere possent, ut natura &
procreari uellet, & diligi procreatos non curaret.
Atque etiā in bestiis uis naturae perspicui potest: qua-
rum in foetu, et educatione laborem cum cernimus,
naturae ipsius nocem uidemur audire. Quare ut per-
spicuum est, natura nos a dolore abhorrere: sic ap-
paret, a natura ipsa, ut eos, quos genuerimus, ame-
mus, impelli. Ex hoc nascitur, ut etiam communis
hominum inter homines naturalis sit commēdatio,
ut oporteat hominem ab homine ob id ipsum, quod
homo sit, non alienum uideri. ut enim in membris
alia sunt tamquam sibi nata, ut oculi, ut aures; alia
etiam ceterorum membrorum usum adiuuant, ut
crura, ut manus: sic immanes quaedam bestiae sibi
solum natae sunt: at illa, quae in concha patula pin-
na dicitur, isque, qui enat e concha, qui, quod eam
custo-

custodiat, pinniores uocatur, in eamq. cum se recepit, includitur; ut uideatur monuisse, ut caueret; itemq. formicae, apes, ciconiae aliorum etiam causa quaedam faciunt. multo magis haec coniunctio est hominis: itaque natura sumus apti ad coetus, concilia, ciuitates. Mundum autem censent regi numine deorum, eumq. esse quasi communem urbem, & ciuitatem hominum, & deorum, & unumquemque nostrum eius mundi esse partem: ex quo illud natura consequi, ut communem utilitatem nostrae anteponamus. ut enim leges omnium salutem singulorum salutis anteponunt: sic uir bonus, & sapiens, & legibus parens, & ciuile officij non ignarus, utilitati omnium plus, quam unius alicuius, aut suae consulit: nec magis uituperandus est proditor patriae, quam communis utilitatis, aut salutis desertor propter suam utilitatem, aut salutem. ex quo fit, ut laudandus sit is, qui mortem appetat pro rep. qui doceat cariorem nobis esse patriam, quam nosmet ipsos. quoniamq. illa uox inhumana, & scelerata dicitur, eorum, qui negant se recusare, quo minus, ipsis mortuis, terrarum omnium deflagratio consequatur; quod uulgari quodam uersu graeco pronuntiari solet: certe uerum est, etiam ipsi, qui aliquando futuri sint, esse propter ipsos consulendum. ex hac animorum affectione testamenta, commendationesq. morientium natae sunt. Quodq. nemo in similitudine uitam agere uelit, ne cum infinita quidem uoluptatum abundantia; facile intelligitur, nos ad

q 2 coniun-

177:

coniuñtionem, congregationemq. hominum, et ad naturalem communitatem esse natos. Impellimur autem natura, ut prodesse uelimus quamplurimis, in primisq. docendo, rationibusq. prudentiae tradendis. itaque non facile est inuenire, qui, quod sciat ipse, non tradat alteri. ita non solum ad discendum propensi sumus, uerum etiam ad docendum. atque ut tauris natura datum est, ut pro uitulis contra leones summa uir impetuq. contendant: sic uir, qui ualent opibus, atque id facere possunt, ut de Hercule, & Libero accepimus, ad seruandum genus hominum natura incitantur. atque etiam, Iouem cum optimum, & maximum dicimus, cumq. eundem salutarem, hospitalem, statorem; hoc intelligi uolumus, salutem hominum in eius esse tutela. minime autem conuenit, cum ipsi inter nos abiecti neglecti simus, postulare, ut dijs immortalibus cari simus, & ab his diligamur. Quemadmodum igitur membris utimur prius, quam didicimus, cuius ea utilitatis causa habeamus: sic inter nos natura ad ciuilem communitatem coniuncti, & consociati sumus. quod ni ita se haberet; nec iustitiae ullus esset, nec bonitati locus. et, quo modo hominum inter homines iuris esse uincula putat, sic homini nihil iuris esse cum bestiis. praeclare enim Chrysippus: cetera nata esse hominum causa, & deorum, eos autem communitatis & societatis suae: ut bestiis homines uti ad utilitatem suam possint, sine iniuria: quoniamq. ea natura esset hominis, ut cum genere huma
no

no quasi ciuile ius intercederet; qui id conseruaret;
 eum iustum; qui migraret, iniustum fore. sed quem
 admodum, theatrum cum commune sit, recte ta-
 men dici potest, eius esse eum locum, quem quisque
 occuparit: sic in urbe, mundo ue communi non ad-
 uersatur ius, quo minus suum quidque cuiusque sit.
 Cum autem ad tuendos, conseruandosq; homines ho-
 minem natum esse uideamus: consentaneum est huic
 naturae, ut sapiens uelit gerere, & administrare
 remp. atque, ut e natura uiuat, uxorem adiungere,
 & uelle ex ea liberos procreare. Ne amores qui-
 dem sanctos a sapiente alienos esse arbitrantur. Cy-
 nicorum autem rationem atque uitam alij cadere in
 sapientem dicunt; si quis eiusmodi forte casus inci-
 derit; ut id faciendum sit: alij, nullo modo. Vt ue-
 ro conseruetur omnis homini erga hominem socie-
 tas, coniunctio, caritas; & emolumenta, & detri-
 menta, quae ὠφελήματα, & βλάμματα appellant;
 communia esse uoluerunt: quorum altera prosunt;
 nocent altera: neque solum ea communia, uerum e-
 tiam paria esse dixerunt. Incommoda autem, & cō-
 moda (ita ἀπρεσνήματα, & δυσχεσνήματα appello)
 cōmunia esse uoluerunt, paria noluerunt. illa enim;
 quae prosunt; aut que noceant, aut bona sunt, aut ma-
 la; quae sint paria, necesse est: commoda autem, aut
 incommoda in eo genere sunt; quae praeposita, et re-
 iecta dicimus. ea possunt paria non esse. sed emolu-
 menta communia esse dicuntur: recte autem facta;
 & peccata non habentur cōmunia: Amicitiani
 q 3 autem

autem adhibendam esse censent; quia sit ex eo genere, quae profunt. quamquam autem in amicitia alij dicant, aequae caram esse sapienti rationem amici, ac suam, alij autem, sibi cuique cariorum suam: tamen hi quoque posteriores fatentur alienum esse a iustitia, ad quam nati esse uideamur, detrabere quid de aliquo, quod sibi assumat. Minime uero probatur huic disciplinae, de qua loquor, aut amicitiam, aut iustitiam propter utilitates ascesci, aut probari. eadem enim uoluptates poterunt eas labefactare, atque pervertere. etenim nec iustitia, nec amicitia esse omnino poterunt, nisi ipsae per se expetantur. Ius autem quod ita dici, appellariq. possit, id esse naturam; alienumq. esse a sapiente, non modo iniuriā cui facere, uerum etiam nocere. Nec uero rectum est, cum amicis, aut bene meritis consociare, aut coniungere iniuriam: grauissimeque, & uerissime defenditur, numquam aequitatem ab utilitate posse seungi; & quidquid aequum, iustumq. esset, id etiam honestum, uicissimque, quidquid esset honestum, id iustum etiam, atque aequum fore. Ad easq. uirtutes, de quibus disputatum est, dialecticam etiam adiungunt, & physicam: easq. ambas uirtutum nomine appellant; alteram, quod habeat rationē, ne cui falso assentiamur, ne ueniamquam captiosa probabilitate fallamur, eaque, quae de bonis, & malis dicemus, ut tenere, tueriq. possimus. nam sine hac arte quemuis arbitrantur a uero abduci, falliq. posse. Recte igitur, si omnibus in rebus temeritas, ignorantiaq.

Dialectica
30. 123.

tioq. uitiosa est, ars ea, quae tollit haec, uirtus nomi-
 nata est. Physicae quoque non sine causa tributus
 idem est honos: propterea quod, qui conuenienter
 naturae uicturus sit, ei et proficiscendum est ab omni
 mundo, & ab eius procuratione. Nec uero potest
 quisquam de bonis, et malis uere iudicare, nisi omni
 cognita ratione naturae, & uitae, etiam deorum, et
 utrū conueniat, nec ne, natura hominis cum uniuersa.
 Quaeq. sunt uetera praecepta sapientium, qui iu-
 bent tempori parere, & sequi deum, & se noscere,
 & nihil nimis, haec sine physicis quam uim habe-
 ant (& habent maximam) uidere nemo potest.
 Atque etiam ad iustitiam colendam, ad tuendas a-
 micitias & reliquas caritates quid natura ualeat,
 haec una cognitio potest tradere. Nec uero pietas ad-
 uersus deos, nec quanta his gratia debeatur, sine ex-
 plicatione naturae intelligi potest. Sed iam sentio
 me esse longius prouectum, quam proposita ratio
 postulare. uerum admirabilis compositio discipli-
 nae, incredibilisq. rerum traxit ordo. quem, per
 deos immortales, non ne miraris? quid enim aut in
 natura, qua nihil est aptius, nihil descriptius, aut in
 operibus manu factis tam compositum, tamq. com-
 pactum, et coagmentatum inueniri potest? quid po-
 sterius priori non conuenit? quid sequitur, quod non
 respondeat superiori? quid non sic aliud ex alio ne-
 citur, ut non, si ullam litteram moueris, labent o-
 mnia? nec tamen quidquam est, quod moueri pos-
 sit. quam grauis uero, quam magnifica, quam con-

q 4 stans,

physica

74

DE FINIBVS

Stans conficitur persona sapientis? qui, cum ratio docuerit, quod honestum esset, id esse solum bonum, semper sit, necesse est, beatus, uereq. omnia ista nomina possideat, quae irrideri ab imperitis solent. rectius enim appellabitur rex, quam Tarquinius, qui nec se, nec suos regere potuit: rectius magister populi, (is enim est dictator) quam Sylla, qui triumphiferorum uitiorum, luxuriae, auaritiae, crudelitatis, magister fuit: rectius diues, quam Crassus, qui, nisi eguisset, numquam Euphratem, nulla belli causa, transire uoluisset. recte eius omnia dicuntur, qui scit uti solus omnibus. recte etiam pulcher appellabitur. animi enim lineamenta, sunt pulchriora, quam corporis. recte solus liber, nec dominationi cuiusquam parens, neque obediens cupiditati. recte inuictus, cuius etiam si corpus constringatur, animo tamen uincula iniici nulla possint, neque expectet ullum tempus aetatis, ut tum denique iudicetur, beatus ne fuerit, cum extremum uitae diem morte confecerit: quod ille unus e septem sapientibus non sapienter Croesum monuit. nam, si beatus unquam fuisset, beatam uitam usque ad illum a Cyco extructum rogam protulisset. Quod si ita est, ut neque quisquam, nisi bonus uir, et omnes boni beati sint: quid philosophia magis colendum, aut quid est uirtute diuinius.

M. TVL-

125
M. TVLLII CICERONIS
DE FINIBVS BONORVM

ET MALORVM
LIBER IIII.

QVAE cum dixisset, finem ille. ego autem, nae tu, inquam, Cato, ista exposuisti tam multa memoriter, tam obscura dilucide. itaque aut omittamus contra omnino uelle aliquid, aut spatium sumamus ad cogitandum. tam enim diligenter, etsi minus uere, (nam non dum id quidem audeo dicere) sed tamen accurate non modo fundatam, uerum etiam extructam disciplinam non est facile perdiscere. Tum ille, ain tandem? inquit: cum ego te hac noua *ep. f. l. 9.* lege uideam eodem die accusatori respondere, *ep. 21 163:* tribus horis perorare, in hac me causa tempus dilaturum putas? quae tamen a te agetur non melior, quam illae sunt, quas interdum obtines. quare istam quoque aggredere, tractatam praesertim et ab alijs, & a te ipso saepe, ut tibi deesse non possit oratio. Tum ego, non mehercule soleo temere contra Stoicos: non quo illis admodum assentiar: sed pudore impeditor: ita multa dicunt, quae uix intelligam. Obscura, inquit, quaedam esse confiteor: nec tamen ab illis ita dicuntur de industria: sed inest in rebus ipsis obscuritas. Cur igitur, easdem res, inquam, Peripateticis dicentibus, uerbum nullum est, quod non intelligatur? Easdem ne res, inquit? an parum differui,

DE FINIBVS

differrui, non uerbis Stoicos a Peripateticis, sed uni-
uersare, & tota sententia dissentire? Atqui, in-
quam, Cato, si istud obtinueris, traducas me ad te
totum licebit. Putabam equidem satis, inquit, me
dixisse. quare ad ea primum, si uidetur: sin aliud
quid uoles, postea. Immo isto quidem, inquam,
loco, nisi iniquum postulo, responde arbitrato meo.

Ut placet, inquit. etsi illud erat aptius, aequum
cuique concedere. Existimo, inquam, Cato, uete-
res illos Platonis auditores, Spensippum, Aristot-
elem, Xenocratem, deinde eorum Polemonem,
Theophrastum, satis & copiose, & eleganter ha-
buisse constitutam disciplinam; ut non esset caussa
Zenoni, cum Polemonem audisset, cur & ab eo ip-
so, & a superioribus dissideret. quorum fuit haec
institutio. in qua animaduertas, uelim, quid putes
mutandum; nec expectes, dum ad omnia dicam,
quae a te dicta sunt. uniuersa enim illorum ratione
cum tota uestra confligendum puto. Qui cum uide-
rent nos ita esse natos, ut & communiter ad eas uir-
tutes apti essemus, quae notae, illustresq. sunt; iusti-
tiam, dico, temperantiam, ceterasq. generis eius-
dem; quae omnes similes artium reliquarum, mate-
ria tantum ad meliorem partem, et tractatione dif-
ferunt; easq. ipsas uirtutes uiderent nos magnificen-
tius appetere, & ardentius, habere etiam insitam
quandam, uel potius innatam cupiditatem scientiae,
natosq. esse ad congregationem hominum, & ad so-
cietatem, communitatemq. generis humanis, eaq.

in

in maximis ingenijs maxime elucere, totam philo-
sophiam tres in partes diuiserunt: quam partiti-
onem a Zenone retentam esse uidemus. quarum cum
una sit, qua mores conformari putantur: differo
eam partem, quae quasi stirps est huius quaestionis:
(qui sit enim finis bonorum, mox) hoc loco tan-
tum dico, a ueteribus Peripateticis, Academicisque,
qui, re consentientes, uocabulis differebant, eum
locum, quem ciuilem recte appellaturi uidemur,
graece πολιτικόν, grauiter, & copiose esse tractatū.
quam multa illi de rep. scripserunt? quam multa de
legibus? quam multa non solum praecepta in arti-
bus, sed etiam exempla in orationibus bene dicendi
reliquerunt? primum enim ipsa illa, quae subtiliter
differenda erant, polite, apteq. dixerunt, cum de-
finientes, tum partientes: ut uestri etiam: sed uos
squalidius: illorum, uides, quam niteat oratio. de-
inde ea, quae requirebant orationem ornatam, &
grauem, quam magnifice sunt dicta ab illis? quam
splendide? de iustitia, de fortitudine, de amicitia,
de aetate degenda, de philosophia, de capeffenda
rep. de temperantia, de fortitudine hominum,
* de spinis uellentium, ut Stoici, nec ossa nudan-
tium, sed eorum, qui grandia ornate uellent, enu-
cleate minora dicere. itaque quae sunt eorum conso-
lationes? quae cohortationes? quae etiam monita, et
consilia scripta ad summos uiros? erat enim apud
eos, ut est rerum ipsarum natura, sic dicendi exer-
citatio duplex. nam quidquid quaeritur, id habet
aut

DE FINIBVS

Top. 158.

aut generis ipsius sine personis, temporibusque, aut,
ijs adiunctis, facti, aut iuris, aut nominis contro-
uersiam. ergo in utroque exercebantur: eaq. disci-
plina effecit tantam illorum utroque in genere dicen-
di copiam. Totum genus hoc & Zeno, & ab eo qui
sunt, aut non potuerunt, aut noluerunt, certe reli-
querunt. quamquam scripsit artē rhetoricam Clean-
thes, Chrysippus etiam, sed sic, ut, si quis obmu-
tescere concupierit, nihil aliud legere debeat. itaque
uides, quo modo loquantur. noua uerba fingunt,
deserunt usitata. at quanta conantur? mundū hunc
omnem opidum esse nostrum. incendit igitur eos;
qui audiunt. uides, quantam rem agat: ut, Circeis
qui habitet, totum hunc mundum suum municipium
esse existimet. quid ille incendat? restinguet citius,
si ardentem acceperit. ista ipsa, quae tu breuiter, re-
gem, dictatorem, diuitem solum esse sapientem, a
te quidem apte, ac rotunde: quippe: habes enim a
rhetoribus: illorum uero ista ipsa quam exilia de
uirtutis ui: quam tantam uolunt esse, ut beatū per
se efficere possit. pungunt, quasi aculeis, interroga-
tiunculis angustis. quibus etiam qui assentiuntur, ni-
hil commutantur animo, & iidem abeunt, qui ue-
nerant. res enim fortasse uerae, certe graues, non ita
tractantur, ut debent, sed aliquanto minutius. Se-
quitur differendi ratio, cognitioq. naturae. nam de
summo bono mox, ut dixi, uidebimus, & ad id
explicandum disputationem omnem conferemus. In
ijs igitur partibus duabus nihil erat, quod Zeno
com-

commutare gestiret. res enim praeclare se habent,
& quidem in utraque parte. quid enim ab antiquis
ex eo genere, quod ad differendum ualet, praeter-
missum est? qui & definierunt plurima; & defi-
niendi artes reliquerunt: quodq. est definitioni ad-
iunctum, ut res in partes diuidatur, id & fit ab il-
lis, &, quemadmodum fieri oporteat, traditur.
item de contrarijs: a quibus ad genera, formasq.
generum deueniunt. Iam, argumenti ratione con-
clusi caput esse faciunt ea, quae perspicua dicunt:
deinde ordinem sequuntur: tum, quid uerum sit in
singulis: extrema conclusio est. quanta autem ab
illis uarietas argumentorum ratione cōcludentium,
eorumq. cum captiosis; interrogationibus dissimilitu-
do? Quid, quod pluribus locis quasi denunciant, ut
neque sensuum fidem sine ratione, nec rationes si-
ne sensibus exquiramus, atque ut eorum alterum
ab altero separemus? Quid? ea, quae dialectici nunc
tradunt, & docent, non ne ab illis instituta sunt,
& inuenta? de quibus etsi a Chrysippo maxime est
elaboratum; tamen a Zenone minus multo, quam
ab antiquis; ab hoc autem quaedā non melius, quam
ueteres; quaedam omnino relicta. Cumq. duae sint
artes, quibus perfecte ratio, & oratio compleatur,
una inueniendi, altera differendi: hanc posteriorem
& Stoici, & Peripatetici, priorem autem illi egre-
gie tradiderunt, hi omnino ne attigerunt quidem. *70p. 600*
nam, e quibus locis, quasi thesauris, argumenta
depromerentur, uestri ne suspicati quidem sunt;
supe-

DE FINIBVS

superiores autem artificio, & uia tradiderunt. quae quidem res efficit, ne necesse sit, iisdem de rebus semper quasi dictata decantare, neque a commentariolis suis discedere. nam qui sciet, ubi quidque positum sit, quaq. eo ueniat, is, etiam si quid obrutum erit, poterit eruere, semperq. esse in disputando suus. quod etsi ingenijs magnis praediti quidam dicendi copiam sine ratione consequuntur: ars tamen est dux certior, quam natura. aliud est enim, poetarum more uerba fundere; aliud, ea, quae dicas, ratione, & arte distinguere. Similia dici possunt de explicatione naturae; qua hi utuntur, & nostri: neque uero ob duas modo causas, quod Epicuro uidetur, ut pellatur mortis, & religionis metus: sed etiam modestiam quandam cognitio rerum caelestium, affert ijs, qui uideant, quanta sit etiam apud deos moderatio, quantus ordo; & magnitudinem animi, deorum opera, & facta cernentibus; iustitiam etiam, cum cognitum habeas, quod sit summi rectoris, & domini numen, quod consilium, quae uoluntas: cuius ad naturam apta ratio, uera illa, & summa lex a philosophis dicitur. Inest in eadem explicatione naturae insatiabilis quaedam e cognoscendis rebus uoluptas: in qua una, confectis rebus necessarijs, uacui negotijs, honeste ac liberaliter possumus uiuere. Ergo in hac ratione tota de maximis fere rebus Stoici illos secuti sunt, ut & deos esse, & quattuor ex rebus omnia constare dicerent. Cum autem quaereretur res admodum difficilis, nunc
quinta

quinta quaedam natura uideretur esse, ex qua ratio, et intelligentia oriretur; in quo etiam de animis, cuius generis essent, quaereretur: Zeno id dixit esse ignem: non nulla deinde aliter, sed ea pauca: de maxima autem re, eodem modo, diuina mente, atque natura mundum uniuersum, atque eius maximas partes administrari. materiam uero rerum, et copiam apud eos exilem, apud illos uberrimam reperiemus. Quam multa ab his conquisita, & collecta sunt de omnium animantium genere, ortu, membris, aetatibus? quā multa de rebus ijs, quae gignantur e terra? quam multae, quamque de rebus uarijs et causae cur quidque fiat, et demonstrationes quemadmodum quaeque fiant? quae ex omni copia, plurima, et certissima argumenta sumuntur ad cuiusque rei naturam explicandam. Ergo adhuc, quantum equidem intelligo, causa non uidetur fuisse mutandi nominis. non enim, si omnia non sequebatur, ideo non erat ortus illinc. Equidem etiam Epicurum in physicis quidem Democritum puto. pauca mutat, uel plura sane. at cum de plurimis eadem dicit, tum certe de maximis. quod item cum uestri faciant, non satis magnam tribuunt inuentoribus gratiam. Sed haec haecenus. Nunc uideamus, quaeso, de summo bono, quod continet philosophiam, ecquid tandem attulerit, quamobrem ab inuentoribus, tamquam a parentibus, dissentiret. Hoc igitur loco, quamquam a te, Cato, diligenter est explicatus finis hic bonorum, qui continet philosophiam, & qui a Stoicis,

cis, & quemadmodum diceretur; tamen ego quo-
 que exponam; ut perspiciamus, si potuerimus, quid-
 nam a Zenone noui sit allatum. Cum enim superio-
 res, e quibus planissime Polemo, secundum natu-
 ram uiuere, summum bonum esse dixissent; his uer-
 bis significari Stoici tria dicunt; unum eiusmodi, ui-
 uere adhibentem scientiam earum rerum, quae na-
 tura euenirent. hunc ipsum Zenonis aiunt finem ef-
 se, declarantem illud, quod a te dictum est, conue-
 nienter naturae uiuere. Alterum significare idem,
 ut diceretur, officia omnia media, aut plerisque ser-
 uantem uiuere. hoc sic expositum dissimile est supe-
 riori. illud enim rectum, quod κατόφθαλμα dicebas,
 contingit sapienti soli: hoc autem inchoati cuiusdam
 officij est, non perfecti; quod cadere in non nullos
 insipientes potest. Tertium autem, omnibus, aut
 maximis rebus ijs, quae secundum naturam sint,
 fruenter uiuere. hoc non est positum in nostra a-
 ctione: completur enim & ex eo genere uitae, quod
 uirtute fruitur; & ex ijs rebus, quae secundum na-
 turam sunt, neque sunt in nostra potestate. sed hoc
 summum bonum, quod certa significatione intelli-
 tur, eaq. uita, quae ex summo bono degitur, quia
 coniuncta ei uirtus est, in sapientem solum cadit: isq.
 finis bonorum, ut ab ipsis Stoicis scriptum uidemus,
 a Xenocrate, atque ab Aristotele constitutus est.
 itaque ab his constitutio illa prima natura, a qua tu
 quoque ordiebare, his prope uerbis exponitur: Om-
 nis natura nult esse conseruatrix sui; ut & salua sit,
 &

plerisque

Et in genere conseruetur suo. Ad hanc rem aiunt artes quoque requisitas, quae naturam adiuuarent: in quibus ea numeretur in primis, quae est uiuendi ars, ut tueatur quod a natura datum sit; quod desit, acquirat. Idemq. diuiserunt naturam hominis in animum, & corpus. cumq. eorum utrumque per se expetendum esse dixissent; uirtutes quoque utriusque eorum per se expetendas esse dicebant. cum animum quadam infinita laude anteponerent corpori; uirtutes quoque animi bonis corporis anteponebant. sed cum sapientiam totius hominis custodem, & procuratricem esse uellent, quae esset naturae comes, & adiutrix: hoc sapientiae munus esse dicebant, ut eum tueretur, qui constaret ex animo, & corpore, in utroque iuuaret eum, atque contineret. Atque ita, re primo simpliciter collocata, reliqua subtilius persequentes, corporis bona facilem quandam rationem habere censebant. De animi bonis accuratius exquirebant: in primisq. reperiiebant, in his inesse iustitiae semina: primiq. ex omnibus philosophis a natura tributum esse docuerunt, ut ij, qui procreati essent, a procreatoribus amarentur; & id, quod temporum ordine antiquius est, ut coniugia uirorum, & uxorum natura coniuncta esse dicerent; qua ex stirpe orirentur amicitiae cognationum. atque ab his initijs profecti, omnium uirtutum et originem, et progressionem persecuti sunt. ex quo magnitudo quoque animi existebat; qua facile posset repugnari, obsistiq. fortunae; quod ma-

r ximac

DE FINIBVS

animae res essent in potestate sapientis. uarietates autem, iniuriasq. fortunae facile ueterum philosophorum praeceptis instituta uita superabat. Principijs autem a natura datis, amplitudines quaedam bonorum excitabantur, partim profectae a contemplatione rerum occultiorum, quod erat insitus menti cognitionis amor; ex quo etiam rationis, explicandi, differendiq. cupiditas consequebatur; quodq. hoc solum animal natum est pudoris ac uerecundiae particeps, appetensq. coniunctionum hominum, ac societatum, animaduertensq. in omnibus rebus, quas ageret, aut diceret, ne quid ab eo fieret, nisi honeste, & decore: his initijs, ut ante dixi, tamquam seminibus, a natura datis, temperantia, modestia, iustitia, & omnis honestas perfecte absoluta est. Habes, inquam, Cato formam eorum, de quibus loquor, philosophorum. qua exposita, scire cupio, quae causa sit, cur Zeno ab hac antiqua institutione descuerit; quidnam horum ab eo non sit probatum; quod ne omnem naturam conseruatricem sui dixerit: an quod omne animal ipsum sibi commendatum, ut se & saluum in suo genere, incolu- meq. uellet; an, cum omnium artium finis is esset, quid natura maxime quaereret, idem statui debere de totius arte uitae; an quod, cum animo constare- mus, & corpore, & haec ipsa, & eorum uirtutes per se esse sumendas. an uero displicuit ea, quae tri- buta est animi uirtutibus, tanta praestantia? an quae de prudentia, de cognitione rerum, de coniunctione generis

generis humani, quaeq. ab eisdem de temperantia, de modestia, de magnitudine animi, de omni honestate dicuntur? Fatebuntur Stoici, haec omnia dicta esse praeclare: neque enim eam causam Zenoni desciscendi fuisse. alia quaedam dicent, credo, magna antiquorum esse peccata, quae ille, ueri inuestigandi cupidus, nullo modo ferre potuerit. quid enim peruersius, quid intolerabilius, quid stultius, quam bonam ualitudinem, quam dolorum omnium uacuitatem, quam integritatem oculorum, reliquorumque sensuum ponere in bonis potius, quam dicere, nihil omnino inter eas res, ijsq. contrarias interesse? ea enim omnia, quae illi bona dicerent, praeposita esse, non bona: itemq. illa, quae in corpore excellerent, stulte antiquos dixisse per se esse expetenda; & sumenda potius, quam expetenda. eademq. de omni uita, quae in una uirtute consisteret; illam uitam, quae etiam ceteris rebus, quae essent secundum naturam, abundaret, magis expetendam non esse, sed magis sumendam: cumq. ipsa uirtus efficiat ita beatam uitam, ut beatior esse non possit; tamen quaedam deesse sapientibus tum, cum sunt beatissimi: itaque eos id agere, ut a se dolores, morbos, debilitates repellant. O magnam uim ingenij, causamq. iustam, cur noua existeret disciplina. perge porro. sequentur enim, quae tu scientissime complexus es; omnem insipientiam, iniustitiam, alia uitia similia esse, omniaq. peccata esse paria, eosque, qui natura, doctrinaq. longe ad uirtutem processissent, nisi

r 2 eam

DE FINIBVS

eam plene consecuti essent, summe esse miseros,
neque inter eorum uitam, & improbissimorum
quidquam omnino interesse: ut Plato, tantus ille
uir, si sapiens non fuerit, nihilo melius, quam
quinis improbissimus, nec beatius uixerit. Haec ui-
delicet est correctio philosophiae ueteris, & emen-
datio. quae omnino aditum habere nullum potest in
urbem, in forum, in curiam. quis enim ferre pos-
set ita loquentem eum, qui se auctorem uitae graui-
ter, & sapienter agendaе profiteretur, nomina re-
rum commutantem; cumq. idem sentiret, quod
omnes, quibus rebus eandem uim tribueret, alia
nomina imponentem, uerba modo mutantem, de
opinionibus nihil detrahentem? Patronus ne caussae,
in epologo pro reo dicens, negaret esse malum exi-
lium, publicationem bonorum? haec reiicienda esse,
non fugienda? nec misericordem indicem esse opor-
tere? in concione autem si loqueretur; si Anni-
bal ad portas uenisset, murumq. iaculo traiecisset;
negaret esse in malis, capi, uenire, interfici, pa-
triam amittere? An, senatus cū triumphum Afri-
cano decerneret, quid de eius uirtute, aut felicitate
posset dicere, si neque uirtus in ullo, nisi sapiente,
nec felicitas uere dici potest? Quae est igitur ista
philosophia, quae communi more in foro loquitur;
in libello, suo? praesertim cum, quod illi uerbis suis
significent, in eo nihil moueatur, de ipsis rebus ni-
hil mutetur, eadem res maneant, alio modo. quid
enim interest, diuitias, opes, ualetudinem, bona
dicas,

dicas, an ne proposita; cum ille, qui ista bona dicit, nihil plus his tribuat, quam tu, qui eadem illa praeposita nominas? itaque, homo in primis ingenuus, & grauis, dignus illa familiaritate Scipionis, & Laelij, Panaetius, cum ad Q. Tiberonem de dolore patiendo scriberet; quod esse caput debebat, si probari posset, numquam posuit, non esse malum dolorem; sed quid esset, & quale, quantumq. in eo inesset alieni; deinde, quae ratio esset perferendi. cuius quidem, quoniam Stoicus fuit, sententia condemnata mihi uidetur esse immanitas ista uerborum. Sed, ut proprius ad ea, Cato, accedam, quae a te dicta sunt; pressius agamus; eaque, quae modo dixisti, cum ijs conferamus, quae tuis antepono. Quae sunt igitur communia uobis cum antiquis, his sic utamur, quasi concessis: quae in controuersiam ueniunt, de ijs, si placet, differamus. Mihi uero, inquit; placet agi subtilius, et, ut ipse dixisti, pressius. quae enim adhuc protulisti, popularia sunt: ego autem a te elegantiora desidero. A me tu, inquam? sed tamen enitar, & si minus mihi multa occurrent, non fugiam ista popularia. Sed primum positum sit, nosmet ipsos commendatos esse nobis: primamq. ex natura hanc habere appetitionem, ut conseruemus nosmet ipsos. hoc conuenit: sequitur illud, ut animaduertamus, qui sumus ipsi; ut nos, quales oportet esse seruemus. sumus igitur homines: ex animo constamus, & corpore: quae sunt cuiusdam modi: nosq. oportet, ut prima appetitio naturalis

turalis postulat, haec diligere, constituereq. ex his finem illum summi boni, atque ultimi. quem, si prima uera sint, ita constitui necesse est; earum rerum, quae sunt secundum naturam, quamplurima, & quammaxima adipisci. hunc igitur finem illi tenuerunt: quodq. ego pluribus uerbis, illi breuius, secundum naturam uiuere, hoc his bonorum uidetur extremum. Age nunc isti doceant, uel tu potius, (quis enim ista melius?) quonam modo, ab iisdem principijs profecti, efficiatis, ut honeste uiuere, (id est enim uel ex uirtute, uel naturae congruenter uiuere) summum bonum sit; & quonam modo, aut quo loco corpus subito deserueritis: omniaq. ea, quae, cum secundum naturam sint, absint a nostra potestate; ipsum denique officium. quaero igitur, quo modo hae tantae commendationes a natura profectae, subito a sapientia relictae sint. quod si non hominis summum bonum quaeremus, sed cuiusdam animantis; is autem esset nihil, nisi animus: (licet enim fingere aliquid eiusmodi, quo uerum facilius reperiamus) tamen illi animo non esset hic uester finis. desideraret enim uoletudinem, uacuitatem doloris: appeteret etiam conseruationem sui, earumq. rerum custodiam: finemq. sibi constitueret, secundum naturam uiuere: quod est, ut dixi, habere ea, quae secundum naturam sunt, uel omnia, uel plurima, & maxima. cuiuscumque enim modi animal constitueris; necesse est, etiam si id sine corpore sit, ut fingimus, tamen esse in animo quaedam similia

corum,

eorum, quae sint in corpore: ut nullo modo, nisi ut
exposui, constitui possit finis bonorum. Chrysippus
autem, exponens differentias animantium, ait alias
earum corpore excellere, alias autem animo, non
nullas ualere utraque re: deinde disputat, quod cu-
iusque generis animantis statui deceat extremum.
cum autem hominem in eo genere posuisset, ut ei
tribueret animi excellentiam: summum bonum id
constituit, non ut excelleret animo, sed uti nihil es-
se, praeter animum, uideretur. uno autem modo in
uirtute sola summum bonum recte poneretur, si
quod esset animal, quod totum ex mente constaret,
id ipsum tamen sic, ut ea mens nihil haberet in se,
quod esset secundum naturam; ut ualetudo est. sed
id, ne cogitari quidem potest, quale sit, ut non re-
pugnet ipsum sibi. Sin dicis obscurari quaedam, nec
apparere, quia ualde parua sint: nos quoque conce-
dimus, quod dicit Epicurus de uoluptate, quae mi-
nimae sint uoluptates, eas obscurari saepe, et obrui:
sed non sunt in eo genere tantae commoditates cor-
poris, tamq. productae temporibus, tamq. mul-
tae. itaque, in quibus propter eorum exiguitatem
obscuratio consequitur; saepe accidit, ut nihil inter-
esse nostra fateamur, sint illa, nec ne sint: ut in so-
le, quod a te dicebatur, lucernam adhibere nihil in-
terest, aut teruncium addere Croesi pecuniae. quibus
autem in rebus obscuratio tanta non sit, fieri tamen
potest, ut id ipsum, quod interest, non sit magnum:
ut ei, qui incunde uixerit annos decem, si aequae uita

DE FINIBVS

iucunda menstrua addatur, quia momentum ali-
quod habeat ad iucundam accessionem, bonum sit :
sin autem id non concedatur, non continuo uita bea-
ta tollitur. Bona autem corporis huic sunt, quod po-
sterius posui, frivola: habent enim accessionem
dignam, in qua elaboretur. ut mihi in hoc Stoici io-
cari uideantur interdum, cum ita dicant; si ad illam
uitam, quae cum uirtute degatur, ampulla, aut stri-
gilis accedat, sumpturum sapientem eam uitam po-
tius, quo haec adiecta sint, nec beatiorum tamen ob
eam causam fore. Hoc simile tandem est non risu po-
tius, quam oratione, eijciendum? ampulla enim sit,
nec ne sit, quis non iure optimo irrideatur, si labo-
ret? at uero grauitate membrorum, & cruciatu
dolorum si quis quem leuet, magnam ineat gratiam.
nec, si ille sapiens ad tortoris equuleum a tyranno
ire cogatur, similem habeat uultum, ac si ampullam
perdidisset: sed, ut magnum & difficile certamen
iniens, cum sibi cum capitali aduersario dolore de-
pugnandum uideret, excitaret omnes rationes for-
titudinis, ac patientiae: quarum praesidio iniret il-
lud difficile, ut dixi, magnumq. proelium. Deinde
non quaerimus, quid obscuretur, aut intereat, quia
sit admodum paruum; sed quid tale sit, ut expleat
summum. una uoluptas e multis obscuratur in illa
uita uoluptaria: sed tamen ea, quamuis parua sit,
pars est eius uitae, quae posita est in uoluptate. num-
mus in Croesi diuitijs obscuratur: pars est tamen di-
uitiarum. quare obscurentur etiam haec, quae secun-
dum

dum naturam esse dicimus, in uita beata: sint modo partes beatæ uitæ. atqui si, ut conuenire debet inter nos, est quædam appetitio naturalis; ea, quæ secundum naturam sunt, appetens: eorum omnium est aliqua summa faciendæ. quo constituto, tum licebit otiose ista quaerere, de magnitudine rerum, de excellentia, quâta in quoque sit ad beate uiuendum; de istis ipsis obsurationibus, quæ propter exiguitatem uix, aut ne uix quidem appareant. Quid, de quo nulla dissensio est? nemo enim est, qui aliter dixerit, quin omnium naturarum simile esset id, ad quod omnia referuntur: quod est ultimum rerum appetendarum. omnis enim est natura diligens sui. quæ est enim, quæ se umquam deserat, ut partem aliquam sui, aut eius partis habitum, aut uim, aut ullius earum rerum, quæ secundum naturam sint, aut motum aut statum? quæ autem natura suæ primæ institutionis oblita est? nulla profecto, quin suam uim retineat a primo ad extremum. Quo modo igitur euenit, ut hominis natura sola esset; quæ hominem relinqueret; quæ obliuiscetur corporis; quæ summum bonum non in toto homine, sed in parte hominis poneret? Quo modo autem, quod ipsi etiam fatentur, constatq. inter omnes, conseruabitur, ut simile sit omnium naturarum illud ultimum, de quo quaeritur? tum enim esset simile, si in ceteris quoque naturis id cuique esset ultimum, quod in quaque excelleret. tale enim uisum esset ultimum Stoicorum. Quid dubitas igitur mutare principia naturæ?

DE FINIBVS

rae? quid enim dicis, omne animal, simul atque sit
 ortum, applicatum esse ad se diligendum, esseq. in
 se conseruando occupatum? quin potius ita dicis, o-
 mne animal applicatum esse ad id, quod in eo sit o-
 ptimum, & in eius unius occupatum esse custodia,
 reliquasq. naturas nihil aliud agere, nisi ut id con-
 seruent, quod in quaque optimum sit? quo mo-
 do autem optimum, si bonum praeterea nullum est?
 si autem reliqua appetenda sunt: cur, quod est ul-
 timum rerum appetendarum, id non aut ex om-
 nium earum, aut ex plurimarum, & maxima-
 rum appetitione concluditur? ut Phidias potest a
 principio instituere signum, idq. perficere: potest
 ab alio inchoatum accipere, & absolvere. huic
 est sapientia similis. non enim ipsa genuit homi-
 nem, sed accepit a natura inchoatum. hanc igitur
 intuens; debet institutum illud quasi signum absol-
 uere. qualem igitur natura hominem inchoauit?
 ecquod est munus, quod opus sapientiae? quid est,
 quod ab ea absolui, & perfici debeat? si nihil in eo
 quidem perficiendum est, praeter motum ingenij
 quendam, id est rationem: necesse est huic ultimum
 esse, ex uirtute uitam fingere. rationis enim perfe-
 ctio est uirtus. si nihil, nisi corpus: summa erunt illa,
 ualeitudo, uacuitas doloris, pulchritudo, & cetera.
 nunc de hominis summo bono quaeritur. quid ergo
 dubitamus, in tota eius natura, quaerere, quid sit ef-
 fectum? cum enim constet inter omnes, omne offi-
 cium, munusq. sapientiae in hominis cultu esse occu-
 patum:

patum: (ne me existimens contra Stoicos solum dicere) eas sententias afferunt, ut summum bonum in eo genere ponant, quod sit extra nostram potestatem; tamquam de animali aliquo loquantur: alij contra, quasi nullum corpus sit hominis, ita praeter animum nihil curant; cum praesertim ipse quoque animus non inane nescio quid sit, (neque enim id possum intelligere) sed in quodam genere corporis; ut ne is quidem uirtute una contentus sit, sed appetat uacuitatē doloris. Quamobrem utrique idem faciunt, ut si laeuam partem negligerent, dexteram tuerentur; aut ipsius animi, ut fecit Herillus, cognitionem amplexarentur, actionem relinquerent. eorum enim omnium, multa praetermittentium, dum eligant aliquid, quod sequantur, quasi curta sententia: at uero illa perfecta, atque plena, eorum, qui, cum de hominis summo bono quaerent, nullam in eo neque animi, neque corporis partem uacua tutela reliquerunt. Vos autem, Cato, quia uirtus, ut omnes fatemur, altissimum locum in homine, & maxime excellentem tenet; & quod eos, qui sapientes sunt, absolutos, & perfectos putamus; aciem animorum nostrorum uirtutis splendore perstringitis. in omni enim animante est summum aliquid, atque optimum, ut in equis, in canibus; quibus tamen & dolore uacare opus est, & ualere. si igitur in homine perfectio ista, in eo potissimum, quod est optimum, id est in uirtute, laudatur. itaque mihi non satis uidemini considerare, quid

DE FINIBVS

quid intersit naturae quaeque progressio . non enim hoc , quod facit in frugibus , ut , cum ad spicam perduxerit ab herba , relinquat , & pro nihilo habeat herbam , idem facit in homine , cum eum ad rationis habitum perduxerit . semper enim ita assumit aliquid , ut ea , quae prima dederit , ne deserat . itaque sensibus rationem adiunxit : & ratione effecta , sensus non reliquit . ut si cultura uitium , cuius hoc munus est , ut efficiat , ut uitis cum partibus suis omnibus quamoptime se habeat : (sed sic intelligamus : licet enim , ut uos quoque soletis , fingere aliquit docendi causa) si igitur illa cultura uitium in uite insit ipsa ; cetera , credo , uelit , quae ad colendam uitam attinebunt , sicut antea ; se autem omnibus uitis partibus praeferat , statuaturq. nihil esse melius in uita , quam se : similiter sensus , cum accessit ad naturam tuetur illam quidem , sed etiam tuetur se : cum autem assumpta ratio est , tanto in dominatu locatur , ut omnia illa prima naturae huius tutelae subijciantur . itaque non discedit ab eorum curatione , quibus praeposita uitam omnem debet gubernare . ut mirari satis eorum inconstantiam non possimus . naturalem enim appetitionem , quam uocant ἐρμὴν , itemq. officium , ipsam etiam uirtutem , tuentem esse uolunt earum rerum , quae secundum naturam sunt : cum autem ad summum bonum uolunt peruenire , transiliunt omnia , & duo nobis opera pro uno relinquunt ; ut alia sumamus , alia appetamus , potius , quam uno fine utrumque concludant . At enim

ne-

ueram dicitis uirtutem non posse constitui, si ea, quae extra uirtutem sunt, ad beate uiuendum pertineant. quod totum contra est. introduci enim uirtus nullo modo potest, nisi omnia, quae leget, quaeque reijciat, unam referantur ad summam. nam si omnino nos negligimus: in Aristonea uitia, & peccata incidemus; obliuiscemurque quae uirtuti ipsi principia dederimus. sin ea non negligimus, neque tamen ad finem summi boni referimus: non multum ab Herilli leuitate aberrabimus. duarum enim uitarum nobis erunt instituta capienda. facit enim ille duo seiuncta ultima bonorum: quae, ut essent uera, coniungi debuerunt: nunc ita separantur, ut disiuncta sint. quo nihil potest esse peruersius. itaque contra est, ac dicitis. nam constitui uirtus nullo modo potest, nisi ea, quae sunt prima naturae, ut ad summam pertinentia, tenebit. quaesita enim uirtus est, non quae relinqueret naturam, sed quae tueretur. at illa, ut uobis placet, partem quandam tuetur, reliquam deferit. Atque ipsa institutio hominis si loqueretur, haec diceret: primos suos quasi coeptus appetendi fuisse, ut se conseruaret in ea natura, in qua ortus esset. non dum autem explanatum satis erat, quod maxime natura uellet. explanetur igitur. quid ergo aliud intelligetur, nisi ut aequa pars naturae negligatur? in qua si nihil est praeter rationem; sit in una uirtute finis bonorum. sin est etiam corpus; ista explanatio naturae nempe hoc effecerit, ut ea, quae ante explicationem tenebamus, relin-

relinquamus . ergo id est conuenienter naturae uiue
re , a natura discedere . ut quidam philosophi , cum ,
a sensibus profecti , maiora quaedam , ac diuiniora
uidissent , sensus reliquerunt : sic isti , cum ex appe-
titione rerum uirtutis pulchritudinem aspexissent ,
omnia , propter quae uirtutem ipsam uiderant , ab-
iecerunt , obliti naturam omnem appetendarum re-
rum ita late patere , ut a principijs permaneret ad
fines : neque intelligunt se rerum illarum pulchra-
rum , atque admirabilium fundamenta subducere .
itaque mihi uidentur omnes quidem illi errasse , qui
finem bonorum esse dixerunt , honeste uiuere ; sed
alius alio magis ; Pyrrho scilicet maxime , qui , uir-
tute constituta , nihil omnino , quod appetendum
sit , relinquat ; deinde Aristo , qui nihil relinquere
non est ausus ; introduxit autem , quibus commotus
sapiens appeteret aliquid , quod cuique in mentem
incideret , & quodcumque tamquam occurreret . is
hoc melius , quam Pyrrho , quod uel aliquod genus
appetendi dedit ; deterior , quam ceteri , quod peni-
tus a natura recessit . Stoici autem , quod finem bo-
norum in una uirtute ponunt , similes sunt illorum :
quod autem principium officij quaerunt , melius ,
quam Pyrrho : quod ea non occurrentia fingunt ,
uincunt Aristonem : quod autem ea , quae ad natu-
ram accommodata , et per se assumenda esse dicunt ,
non adiungunt ad finem bonorum , desciscunt a na-
tura , & quodam modo sunt non dissimiles Aristo-
nis . ille enim occurrentia nescio quae comminiscaba-
tur :

cur: hi autem ponunt illi quidem prima naturae; sed ea seiungunt a finibus, & a summa bonorum. quae cum praeponunt, ut sit aliqua rerum selectio; naturam uidentur sequi: cum autem negant ea quidquā ad beatam uitam pertinere; rursus naturam relinquunt. Atque adhuc ea dixi, cur caussa Zenoni non fuisset, quamobrem a superiorum auctoritate discederet: nunc reliqua uideamus. nisi aut ad haec, Cato, dicere aliquid uis, aut nos iam longiores sumus. Neutrum uero, inquit ille: nam & a te perfici istam disputationem uolo; nec tua mihi oratio longa uideri potest. Optime, inquam: quid enim mi potest esse optatius, quam cum Catone, omnium uirtutum auctore, de uirtutibus disputare? sed primum illud uide, grauissimam illam uestram sententiam, quae familiam ducit, honestum quod sit, id esse solum bonum; honesteq. uiuere, bonorum finem; communem fore uobis cum omnibus, qui in una uirtute constituant finem bonorum. quodq. dicitis, informari non posse uirtutem, si quidquam, nisi quod honestum sit, numeretur, idem dicetur ab illis, quos modo nominavi. mihi autem aequius uidebatur, Zenonem cum Polemone disceptantem, a quo, quae essent principia naturae, acceperat, a communibus initijs progredientem, uidere ubi primum insisteret, & unde caussa controuersiae nasceretur; non, stantem cum ijs, qui ne dicerent quidem sua summa bona esse a natura profecta, uti ijsdem argumentis, quibus illi uterentur, ijsdemq. sententijs. Minime

uero

uero illud probo, quod, cum docuistis, ut uobis uide-
 mini, solum bonum esse, quod honestum sit, tum
 rursus dicitis, initia proponi necesse esse apta, &
 accommodata naturae, quorum ex selectione uirtus
 possit existere. non enim in selectione uirtus ponen-
 da erat, ut id ipsum, quod erat bonorum ultimum,
 aliud aliquid acquireret. non omnia, quae sumen-
 da, quaeq. legenda, aut optanda sunt, inesse debent
 in summa bonorum; ut is, qui eam adeptus sit, ni-
 hil praeterea desideret. Vides ne, ut, quibus summa
 est in uoluptate, perspicuum sit, quid ijs faciendum
 sit, aut non faciendum? ut nemo dubitet, eorum o-
 mnia officia quo spectare, quid sequi, quid fugere
 debeant? Sit hoc ultimum bonorum, quod nunc a
 me defenditur: apparet statim, quae sint officia, quae
 actiones. Vobis autem, quibus nihil est aliud pro-
 positum, nisi rectum, atque honestum, unde offi-
 cij, unde agendi principium nascatur, non reperi-
 tis. hoc igitur quaeritis omnes, & ij, qui, quodcum-
 que in mentem ueniat, aut quodcumque occurrat,
 se sequi dicent: et uos ad naturam reuertimini. qui
 bus natura iure responderit, non esse uerum, aliun-
 de finem beate uiuendi, a se principia rei gerendae
 peti: esse enim unam rationem, & qua principia
 rerum agendarum, & ultima bonorum continen-
 tur: atque, ut Aristonis esset explosa sententia, di-
 centis, nihil differre aliud ab alio, nec esse res ullas,
 praeter uirtutes, & uitia, inter quas quidquam
 omnino interesset; sic errare Zenonem, qui nulla in
 re,

re, nisi in uirtute, aut uitio, propensionem ne minimi quidem momenti ad summum bonum adipiscendum diceret: & cum ad beatam uitam nullum momentum ea res haberet, ad appetitionem autem rerum, esse in his momenta diceret: quasi uero haec appetitio non ad summi boni adeptionem pertineret. Quid autem minus consentaneum est, quam, quod aiunt, cognito summo bono, reuerti se ad naturam, ut ab ea petant agendi principium, id est officij? non enim actionis, aut officij ratio impellit ad ea, quae secundum naturam sunt, appetenda: sed ab his & appetitio, & actio commouetur.

Nunc uenio ad illa tua breuia; quae consuetaria esse dicebas: & primum illud, quo nihil potest esse breuius: bonum omne laudabile: laudabile autem omne honestum: igitur omne bonum honestum. O plumbum pugionem. quis enim tibi illud primum concesserit? quo quidem concessio, nihil opus est secundo.

si enim omne bonum laudabile est, omne honestum est. quis tibi ergo istud dabit, praeter Pirrhonem, Aristonem, eorum uel similes? quos tu non probas. Aristoteles uero, Xenocrates, tota illa familia non dabit, quippe qui ualitudinem, uires, diuitias, gloriam, multa alia bona esse dicant, laudabilia non dicant. et hi quidem ita non sola uirtute finem bonorum contineri putant ut rebus tamē omnibus uirtutem anteponan. quid censes eos esse facturos, qui omnino uirtutem a bonorum fine segregauerūt, Epicurum, Hieronymum, illos etiam, si qui Car-

f neadeum

DE FINIBVS

neadeum finem tueri uolunt? Iam aut Callipho, aut Diodorus quo modo poterunt tibi istud concedere, qui ad honestatem aliud adiungant, quod ex eodem genere non sit? Placet igitur tibi, Cato, cum res sumpseris non concessas, ex illis efficere quod uelis? iam ille sorites, quo nihil putatis esse uitiosius; quod bonum sit, id esse optabile; quod optabile, id esse expetendum; quod expetendum, laudabile: deinde reliqui gradus. sed ego in hoc resisto. eodem enim modo tibi nemo dabit, quod expetendum sit, id esse laudabile. Illud uero minime consuetarium, sed in primis hebes, illorum scilicet nominum gloriatione digam esse beatam uitam, quae non possit sine honestate contingere, ut iure quisquam gloriatur. dabit hoc Zenoni Polemon, etiam magister eius, & tota illa gens, & reliqui, qui uirtutem omnibus rebus multo anteponentes, adiungunt ei tamen aliquid summo in bona finiendo. si enim uirtus digna est gloriatione, ut est; tantumq. praestat ceteris rebus, ut dici uix possit: & beatus esse poterit uirtute una praeditus, carens ceteris; nec tamen illud tibi concedet, praeter uirtutem, nihil in bonis esse ducendum. Illi autem, quibus summum bonum sine uirtute est, non dabunt fortasse, uitam beatam habere, in qua iure possit gloriari. etsi illi quidem etiam uoluptates faciunt interdum gloriosas. Vides igitur, te aut ea sumere, quae non concedantur; aut ea, quae etiam concessa te nihil adiuuent. equidem in omnibus istis conclusionibus hoc putarem philosophia,

losophia, nobisq. dignum, & maxime, cum summum bonum quaereremus; uitam nostram, consilia, uoluntates, non uerba, corrigi. quis enim potest, istis, quae te, ut ais, delectant, breuibus, & acutis auditis, de sententia decedere? Iam cum ea spectant, & auent audire, cur dolor malum non sit; dicunt illi asperum esse dolorem, molestum, odiosum, contra naturam, difficilem toleratu; sed, quia nulla sit in dolore nec fraus, nec improbitas, nec malitia, nec culpa, nec turpitudine, non esse illud malum. Haec qui audierit, ut ridere non curet, discedet tamen nihilo firmior ad dolorem ferendū, quam uenerat. tu autem negas fortem esse quenquam posse, qui dolorem malum putet. cur fortior sit, si illud, quod tute concedis, asperum, & uix ferendum putabit? ex rebus enim timiditas, non ex uocabulis, nascitur. Et ais, si una littera commota sit, fore, tota ut labet disciplina. utrum igitur tibi litteram uidcor, an totas paginas commouere? ut enim sit apud illos id, quod est a te laudatum, ordo rerum conseruatus, & omnia inter se apta, & connexa; (sic enim aiebas) tamen persequi non debemus, si a falsis principijs profecta congruent ipsa sibi, & a proposito non aberrant. In prima igitur constitutione Zeno tuus a natura recessit: cumq. summum bonum posuisset in ingenij praestantia, quam uirtutem uocamus; nec quidquam aliud bonum esse dixisset, nisi quod esset honestum, nec uirtutem posse constare, si in ceteris rebus es-

s 2 set

DE FINIBVS

Set quidquam, quod aliud alio melius esset, aut pe-
ius; his propositis, tenuit prorsus consequentia.
Recte dicis: negare enim non possum: sed ita falsa
sunt ea, quae consequuntur; ut illa, e quibus haec na-
ta sunt, uera esse non possint. docent enim nos, ut
scis, dialectici; si ea, quae rem aliquam consequan-
tur, falsa sint, falsam illam ipsam esse, quam se-
quantur. ita fit illa conclusio non solum uera, sed
ita perspicua, ut dialectici ne rationem quidem red-
di putent oportere: si illud, hoc: non autem hoc,
igitur ne illud quidem. sic, consequentibus uestris
sublatis, prima tolluntur: quae sequuntur, igitur;
omnes, qui non sunt sapientes, aequae miseros esse;
sapientes omnes summe beatos esse; recte facta
omnia aequalia, omnia peccata paria. quae cum ma-
gnifice primo dici uidentur, considerata minus pro-
bantur. sensus enim cuiusque, & natura rerum
atque ipsa ueritas clamabat quodam modo, non pos-
se adduci, ut inter eas res, quas Zeno exaequaret,
nihil interesset. postea tuus ille Poenulus, (scis e-
nim Citiaeos, cliētes tuos, e Phoenicia profectos) ho-
mo igitur acutus, causam non obtinens, repugnan-
te natura uerba uersare coepit: & primum rebus
ijs, quas nos bonas dicimus, concessit, ut haberen-
tur aptae, habiles, & ad naturam accommodatae:
fateriq. coepit, sapienti, hoc est summe beato, com-
modius tamen esse, si ea quoque habeat, quae bona
non audet appellare, naturae ipsi accommodata esse
concedit: negatq. Platonem, si sapiens non sit, ea-
dem

dem esse in caussa, qua tyrannum Dionysium: huic
mori optimum esse, propter desperationem sapien-
tiae; illi, propter spem, uiuere: peccata autem par-
tim esse tolerabilia, partim nullo modo; propterea
quod alia peccata plures, alia pauciores quasi nu-
meros officij praeterirent: iam, insipientes alios ita
esse, ut nullo modo ad sapientiam possent perueni-
re; alios, qui possent, si id gessissent, sapientiam
consequi. Hic loquebatur aliter, atque omnes; sen-
tiebat idem, quod ceteri. nec uero minoris aestiman-
da ducebat ea, quae ipse bona negaret esse, quam
illi, qui ea bona esse dicebant. Quid igitur uoluit si-
bi, qui illa mutauerit? saltem aliquid de pondere
detraxisset, & paullo minoris aestimauisset ea,
quam Peripatetici; ut sentire quoque aliud, non
solum dicere, uideretur. Quid de ipsa beata uita,
ad quam omnia referuntur, quae dicitis? negatis
ea esse, quae expleta sit omnibus ijs rebus, quas
natura desideret: totamq. eam in una uirtute poni-
tis. cumq. omnis controuersia aut de re soleat, aut
de nomine esse: utraque earum nascitur, si aut res
ignoratur, aut erratur in nomine. quorum si neu-
trum est; opera danda est, ut uerbis utamur quam
usitatissimis, & quammaxime aptis, id est rem de-
clarantibus. Num igitur dubium est, quin, si in
re ipsa nihil peccatur a superioribus, uerbis illi com-
modius utantur? uideamus igitur sententias eorum:
tum ad uerba redeamus. Dicunt appetitionem ani-
mi moueri, cum aliquid ei secundum naturam esse

§ 3 uidea-

DE FINIBVS

uideatur; omniaque, quae secundum naturam sunt, aestimatione aliqua digna; eaq. pro eo, quantum in quoque sit ponderis, esse aestimanda: quaeq. secundum naturam sint, partim nihil habere in sese eius appetitionis, de qua saepe iam diximus, quae nec honesta, nec laudabilia dicantur; partim quae uoluptatem habeant in omni animante, sed in homine rationem etiam: ex eis quae sint apta, ea honesta, ea pulchra, ea laudabilia: (illa autem superiora, naturalia nominantur: quae coniuncta cum honestis, uitam beatam perficiunt, & absoluunt) omnium autem eorum commodorum, quibus non illi plus tribuunt, qui illa bona esse dicunt, quam Zeno, qui negat, longe praestantissimum esse, quod honestum esset, atque laudabile: sed, si duo honesta proposita sint, alterum cum ualetudine, alterum cum morbo; non esse dubium, ad utrum eorum natura nos ipsa deductura sit: sed tamen tantam uim honestatis esse, tantumq. eam rebus omnibus praestare, & excellere, ut nullis nec supplicijs, nec praemijs dimoueri possit ex eo, quod rectum esse decreuerit: omniaque, quae dura, difficilia, aduersa uideantur, ea uirtutibus ijs, quibus a natura essemus ornati, obteri posse; non faciles illas quidem, nec contemnendas, (quid enim esset in uirtute tantum?) sed ut hoc iudicaremus, non esse in his partem maximam positam aut beate, aut secus uiuendi. Ad summam, ea, quae Zeno aestimanda, & sumenda, et apta naturae esse dixit, eadem illi bona appellant: uitam

uitam autem beatam illi eam, quae constaret ex ijs
rebus, quas dixi, aut plurimis, aut grauissimis.
Zeno autem, quod suam, quod propriam speciem
habeat cur appetendum sit, id solum bonum appel-
lat; beatam autem uitam eam solam, que cum uir-
tute degatur. Si de re disceptari oportet: nulla mi-
hi tecum, Cato, potest esse dissensio: nihil est enim,
de quo aliter tu sentias, atque ego; modo, commu-
tatis uerbis, ipsas res conferamus. nec hoc ille non
uidit; sed uerborum magnificentia est, & gloria
delectatus. qui si ea, quae dicit, ita sentiret, ut
uerba significant: quid inter eum, & uel Pyrrho-
nem, uel Aristonem interesset? sin autem eos non
probabat: quid attinuit cum ijs, quibuscum re con-
ueniebat, uerbis discrepare? Quid, si reuiscant
Platonici illi, & deinceps qui eorum auditores fue-
runt, & tecum ita loquantur? Nos, cum te, M.
Cato, studiosissimum philosophiae, iustissimum ui-
rum, optimum iudicem, religiosissimum testem au-
diremus, admirati sumus: quid esset, cur nobis Stoi-
cos anteferres; qui de rebus bonis, & malis senti-
rent ea, quae ab hoc Polemone Zeno cognouerant;
nominibus uterentur ijs, quae prima specie admira-
tionem, re explicata risum mouerent. tu autem, si
tibi illa probabantur, cur non proprijs uerbis illa te-
nebas? sin auctoritas commouebat: nobis ne omni-
bus, et Platoni ipsi nescio quem illum anteponebas?
praesertim cū in rep. princeps esse uelles, ad eamq;
tuendam cum summa tua dignitate maxime a no-

DE FINIBVS

bis ornari atque instrui posses. nobis enim ista quaesita, a nobis descripta, notata, praecepta sunt: nos omnium rerum. rectiones, genera, status, mutationes, leges etiam, & instituta, ac mores ciuitatum perscripsimus. eloquentiae uero, quae & principibus maxime ornamento est, & qua te audiui-
mus ualere plurimum, quantum tibi ex monum-
entis nostris addidisses? Ea cum dixissent, quid tan-
dem talibus uiris responderes? Rogarem te, inquit,
ut diceres pro me tu idem, qui illis orationem di-
ctauisses; nihil potius paullulum loci mihi, ut his re-
sponderem, dares; nisi & te audire nunc malletm;
& istis tamen alio tempore responsurus essem, tunc
scilicet, cum tibi. Atqui, si uerum respondere uel-
les, Cato, haec erant dicenda; non eos tibi non pro-
batos, tantis ingenijs homines, tantaq. auctoritate;
sed te animaduertisse, quas res illi, propter antiqui-
tate; parum uidissent, eas a Stoicis esse perspectas;
eisdemq. de rebus hos tum acutius disseruisse, tum
sensisse grauius, & fortius; quippe qui primum
ualetudinem bonam expetendam negent esse, eli-
gendam dicant; non quia sit bonum, ualere; sed
quia sit non nihilo aestimandum, neque tamen plu-
ris, quam illis uideatur, qui illud non dubitant bo-
num dicere: hoc uero te ferre non potuisse, quod
antiqui illi quasi barbari, ut nos de nostris solemus
dicere, crediderint, eius, qui honeste uiueret, si
idem etiam bene ualeret, bene audiret, copiosus
esset, optabiliorem fore uitam, melioremq. &
ma-

magis expetendā, quam illius, qui aequē uir bonus,
Multimodis esset, ut Ennij Alcmaeo,
- circumuentus morbo, exilio, atque inopia.

Illi igitur antiqui, non tam acute, optabiliorem illam uitam putant, praestantiorē, beatiorem, Stoici autem tantummodo praepōnendam in seligendo; non quo beator haec uita sit, sed quod ad naturam accommodatior; & qui sapientes non sunt, omnes aequē miseros esse. Stoici haec uidelicet uiderūt: illos autem id fugerat superiores; qui arbitrabantur, homines sceleribus, & paricidijs inquinatos, nihilo miseros esse, quam eos, qui cum caste & integre uiuerent, nondum perfectam illam sapientiam essent consecuti. Atque hoc loco similitudines eas, quibus illi uti solent, dissimillimas proferbas. quis enim ignorat, si plures ex alto emergere uelint, propius fore eos quidē ad respirandum, qui ad summam iam aquam appropinquant, sed nihilo magis respirare posse, quam eos, qui sunt in profundo? nihil ergo adiuuat procedere, et progredi in uirtute, quo minus miserrimus sit, ante quam ad eam peruenerit; quoniam in aqua nihil addiuuat. & quoniam catuli, qui iam despecturi sunt, caeci aequē, ut ij, qui modo nati: Platonem quoque necesse est, quoniam non dum uidebat, aequē caecum animo, ac Phalarim fuisse. Ista similia non sunt, Cato: in quibus quamuis multum processeris, tamen illud in eadem causa est, a quo abesse uelis, donec euaseris. nec enim ille respirat, ante quam
cruersi

DE FINIBVS

emerfit : & catuli aequae caeci , prius quam despexerunt , ac si ita futuri semper essent . Illa sunt similia . Hebes acies est cuius oculorum : corpore alius languescit : hi , curatione adhibita , leuantur in dies : alter ualet plus quotidie , alter uidet . His similes sunt omnes , qui uirtuti student . leuantur uitij : leuantur erroribus . nisi forte censes Ti . Gracchum patrem non beatorem fuisse , quam filium ; cum alter stabilire remp . studuerit , alter euertere . nec tamen ille erat sapiens : quis enim hoc ? aut quando ? aut ubi ? aut unde ? sed , quia studebat laudi , & dignitati , multum in uirtute processerat . Conferam autem auum tuum Drusum cum C . Graccho , eius fere aequali . quae hic reip . uulnera imponebat , eadem ille sanabat . Sed nihil est , quod tā miseros faciat , quam impietas , & scelus . ut iam omnes insipientes sint miseri ; quod profecto sunt : non est tamen aequae miser , qui patriae consulit , & is , qui illam extinctam eripit . Leuatio igitur uitiorum magna fit ijs , qui habent ad uirtutem progressionis aliquantulum . nostri autem progressionem ad uirtutem fieri aiunt , leuationem uitiorum fieri negant . at , quo utuntur homines acuti argumento ad probandum , operaepretium est considerare . Quarum , inquiunt , artium summa crescere potest , earum etiam contrarium summa poterit augeri . ad uirtutis autem summam accedere nihil potest : ne uitia quidem igitur crescere poterunt , quae sunt uirtutum contraria . utrum igitur tandem , perspicuis ne dubia aperiuntur ,

tur, an dubijs perspicua tolluntur? atqui hoc perspicuum est, uitia alia in alijs esse maiora: illud dubium, ad id, quod summum bonum dicitis, ecquae-
nam fieri possit accessio. Vos autem cum perspicuis dubia debeatis illustrare, dubij perspicua conamini tollere. itaque eadem ratione, qua sum paullo ante usus, haerebitis. si enim propterea uitia alia alijs maiora non sunt, quia ne ad finem quidem bonorum eum, quem nos facitis, quidquam potest accedere: quoniam perspicuum est uitia non esse omnium paria, finis bonorum uobis mutandus est. teneamus enim illud necesse est; cum consequens aliquod falsum sit, illud, cuius id consequens sit, non posse esse uerum. Quae est igitur caussa istarum angustiarum? gloriosa ostentatio in constituendo summo bono. cum enim, quod honestum sit, id solum bonum esse confirmatur: tollitur cura ualitudinis, diligentia rei familiaris, administratio reip. ordo gerendarum negotiorum, officia uitae; ipsum denique illud honestum, in quo uno uultis esse omnia, deferendum est. quae diligentissime contra Aristonem dicuntur a Chrysippo. ex ea difficultate illae fallaciloquae, ut ait Attius, malitiae natae sunt. quid enim? sapientia, ubi pedem poneret, non habebat, sublati officij omnibus: officia autem tollebantur, delectu omni, & discrimine remoto. quae enim esse poterant, rebus omnibus sic exaequatis, ut inter eas nihil interesset? Ex his angustis ista euaserunt, deteriora, quam Aristonis. illa tamen simplicia, uestra uer-

fita.

DE FINIBVS

suta . roges enim *Aristonem* , bona ne ei uideantur
haec , uacuitas doloris , diuitiae , ualetudo ? neget.
quid , quae contraria sunt his , mala ne ? nihilo ma-
gis . *Zenonem* roges : respondeat totidem uerbis .
admirantes quaeramus ab utroque , quonam modo
uitam agere possimus , si nihil interesse nostra pute-
mus , ualeamus , aegri ne simus ; uacemus , an cru-
ciemur dolore ; frigus , famem propulsare possimus ,
nec ne possimus . *Vives* , inquit *Aristo* , magnifice ,
atque praeclare : quod erit cumque uisum , ages ; num-
quam angere , numquam cupies ; numquam timebis .
Quid Zeno ? portenta haec esse dicit , nec ea ratione
ullo modo posse uiui ; sed differre inter honestum , &
turpe nimium quantum , nescio quid immensum ,
inter ceteras res nihil omnino interesse . Idem ad-
huc , (audi reliqua , & risum contine , si potes) me-
dia illa , inquit , inter quae nihil interest , tamen eius-
modi sunt ; ut eorum alia eligenda sint , alia reiicien-
da , alia omnino negligenda ; hoc est , ut eorum alia
uelis , alia nolis , alia non cures . At modo dixeras ,
nihil in his rebus esse , quod interesset . & nunc idem
dico , inquires ; sed ad uirtutem , & ad uitia nihil in-
teresse . quis istud , quaeso , nesciebat ? uerum audia-
mus . *Ista* , inquit , quae dixisti , ualere , locupletem
esse , non dolere , bona non dico , sed dicam graece
εὐπορία , latine autem producta : sed praeposita ,
aut praecipua malo : sic tolerabilius , et mollius : illa
autem , egestatem , morbum , dolorem , non appel-
lo mala , sed , si libet , reiectanea . itaque illa non
dico

dico me expetere, sed legere; nec optare, sed sumere; contraria autē non fugere, sed quasi secernere. Quid ait Aristoteles, reliqui. Platonis alumni? se omnia, quae secundum naturā sint, bona appellare; quae autem contra, mala. Vides ne igitur Zenonem tuum cum Aristotele uerbis consentire, re dissidere? cum Aristotele et illis re consentire, uerbis discrepare? cur igitur, cum de re conueniat, non malimus usitate loqui? aut doceat, paratiorem me ad contemnendam pecuniam fore, si illam in rebus praepositis, quam si in bonis duxero; fortiolemq. in patiēdo dolore, si eum asperum, et difficilem perpeſſu, & contra naturam esse, quam si malum duxero. Facete M. Piso, familiaris noster, et alia multa, et hoc loco Stoicos irridebat. quid enim, aiebat, bonum negas esse diuitias, praepositū esse dicis? quid adiunas? auaritiā ne minuis? quod si uerbum sequimur; primū, longius uerbum praepositum, quam bonum. nihil ad rem. ne sit sane: at certe grauius. nam, bonum ex quo appellatum sit, nescio; praepositum ex eo credo quod praeponatur alijs. id mihi magnum uidetur. Itaque dicebat plus tribui diuitijs a Zenone, qui eas in praepositis poneret; quam ab Aristotele, qui bonum esse diuitias fateretur, sed nec magnum bonum, & prae rectis honestisq. contemnendum, ac dispiciendum, nec magnopere expetendum. Omninoq. de omnibus istis uerbis a Zenone mutatis ita disputabat; & quae bona negarentur esse ab eo, & quae mala, illa laetioribus nominibus ab eo appellari,

DE FINIBVS

ri, quam a nobis, haec tristioribus. Piso igitur hoc modo, uir optimus, tuique, ut scis, amantissimus. nos, paucis ad haec additis, finem faciamus aliquando. longum est enim ad omnia respondere, quae a te dicta sunt. nam ex eisdem uerborum praestigijs & regna nata uobis sunt, & imperia, & diuitiae, & tantae quidem, ut omnia, quae ubique sint, sapientis esse dicatis; solum praeterea formosum, solum liberum, solum ciuem: stulorum omnia contraria; quos etiam insanos esse uultis. haec παραδοξα illi, nos admirabilia dicamus. quid autem habent admirationis, cum prope accesseris? conferam tecum, quam cuique uerbo rem subijcias: nulla erit controuersia. Omnia peccata paria dicitis. non ego tecum iam ita loquar, ut ijsdem his de rebus, cum L. Murenam, te accusante, defenderem. apud imperitos tum illa dicta sunt: aliquid etiam coronae datum: nunc agendum est subtilius. Peccata paria. quonam modo? quia nec honesto quidquam honestius, nec turpi turpius. perge porro: nam de isto magna dissensio est. illa argumenta propria uideamus, cur omnia peccata sint paria. Ut, inquit, in fidibus plurimis, si nulla earum ita contenta numeris sit, ut concentum seruare possit, omnes aequae incontentae sint: sic peccata, quia diserepant, aequae discrepant: paria sunt igitur. Hic ambiguo ludimur. aequae enim contingit omnibus fidibus, ut incontentae sint: illud non continuo, ut aequae incontentae. collatio igitur ista te nihil iuuat. nec enim, omnes auaritas

ritias si aequae auaritias esse dixerimus; sequitur etiam, ut aequas esse dicamus. Ecce aliud simile dissimile. ut enim, inquit, gubernator aequae peccat, si palearum nauem euertit, & si auri: item aequae peccat, qui parentem, & qui seruum iniuria uerberat. Haec non uidere. cuius generis onus nauis uehat, ad gubernatoris artem nihil pertinere: itaque, aurum paleam ue portet, ad bene, aut ad male guberdandū nihil interesse. at, quid inter parentem, et seruulum intersit, intelligi & potest, & debet. ergo in gubernando nihil, in officio plurimum interest, quo in genere peccetur: et, si in ipsa gubernatione neglilentia est nauis euersa, maius est peccatum in auro, quam in palea. omnibus enim artibus uolumus attribui esse eam, quae communis appellatur prudentia: quā omnes, qui cuique artificio praesunt, debent habere. Ita ne hoc modo paria quidem peccata sunt. Urgent tamen, & nihil remittunt. Quoniam, inquit, omne peccatum imbecillitatis, & inconstantiae est: haec autē uitia in omnibus stultis aequae magna sunt: necesse est paria esse peccata. Quasi uero aut concedatur, in omnibus stultis aequae magna esse uitia, & eadem imbecillitate, & inconstantia L. Tubulum fuisse, qua illum, cuius is condemnatus est rogatione, P. Scaeuolam: & quasi nihil inter res quoque ipsas, in quibus peccatur, intersit; ut, quo hae maiores, minores ue sint, eo, quae peccentur in his rebus, aut maiora sint, aut minora. itaque (iam concludatur oratio) hoc non ui-

tio

tio maxime mihi premi uidentur tui Stoici, quod se
 posse putant duas contrarias sententias obtinere.
 quid enim est tam repugnans, quam eundem dice-
 re, quod honestum sit, solum id bonum esse, qui di-
 cat appetitionem rerum ad uiuendum accommoda-
 tarum a natura profectam? ita cum ea uolunt reti-
 nere, quae superiori sententiae conueniunt, in Ari-
 stonem incidunt: cum id fugiunt, re eadem defen-
 dunt, quae Peripatetici, uerba tenent mordicus.
 quae rursus dum sibi euelli ex ore nolunt, horridio-
 res euadunt, asperiores, & duriores & oratione,
 & moribus. quam illorum tristitiam, atque asperi-
 tatem fugiens Panaetius, nec acerbicatem senten-
 tiarum, nec differendi spinas probauit; fuitq. in
 altero genere mitior, in altero illustrior; semperq.
 habuit in ore Platonem, Aristotelem, Xenocra-
 tem, Theophrastum, Dicaearchum, ut ipsius scri-
 pta declarant: quos quidem tibi studiose, & dili-
 genter tractandos, magnopere censeo: Sed quo-
 niam aduersperascit; & mihi ad uillam reuerten-
 dum est: nunc quidem haecenus: uerum hoc idem
 saepe faciamus. Nos uero, inquit ille. nam quid
 possumus facere melius? & hanc quidem primam
 exigam a te operam, ut audias me, quae a te di-
 cta sunt, refellentem. sed memento, te, quae nos
 sentiamus, omnia probare, nisi quod uerbis aliter
 utamur; mihi autem uestrorum nihil probari.
 Scrupulum, inquam, abeunti: sed uidebimus.
 Quae cum essent dicta, discessimus.

145
M. TVLLII CICERONIS
DE FINIBVS BONORVM

ET MALORVM
LIBER V.

CVM audiuissem Antiochum, Brute, ut
solebat, cum M. Pisone disputantem
in eo gymnasio, quod Ptolemaeum uo-
catur; unaq. nobiscum Q. frater, &
T. Pomponius, & L. Cicero, frater noster cogna-
tione patruelis, amore germanus; constituimus in-
ternos, ut ambulationem postmeridianam confice-
remus in Academia, maxime quod is locus ab om-
ni turba id temporis uacuus esset. itaque ad tempus
ad Pisonem omnes. inde, uario sermone, sed illa a
Dipylo stadia confecimus. cum autem uenissemus
in Academiam, non sine causa nobilitata spatia;
solitudo erat ea, quam uolueramus. Tum Piso,
natura ne nobis hoc, inquit, datum dicam, an er-
rore quodam, ut cum ea loca uideamus, in quibus
memoria dignos uiros acceperimus multum esse
uersatos, magis moueamur, quam si quando eo-
rum ipsorum aut facta audiamus, aut scriptum ali-
quid legamus? uelut ego nunc moueor. uenit enim
mihi Platonis in mentem: quem accepimus pri-
mum hic disputare solitum: cuius etiam illi hortuli
propinqui non memoriam solum mihi afferunt, sed
ipsum uidentur in conspectu meo hic ponere. hic
Speusippus, hic Xenocrates, hic eius auditor Ptole-

t mo:

Att. l. p. q.
7. 7.

DE FINIBVS

mo: cuius ipsa illa sessio fuit, quam uidemus. equi-
dem etiam curiam nostram, Hostiliam dico, non
hanc nouam, quae mihi minor esse uidetur, postea
quam est maior, solebam, intuens, Scipionem, Ca-
tonem, Laelium, nostrum uero in primis auum co-
gitare. tanta uis admonitionis inest in locis: ut non
sine causa ex his memoriae ducta sit disciplina.
Tum Quintus, est plane, Piso, ut dicis, inquit.
nam me ipsum, huc modo uenientem, conuertebat
ad sese Coloneus ille locus, cuius incola Sophocles
ob oculos uersabatur: quem, scis, quam admirer,
quamq. eo deleter. me quidem ad altioremememo-
riam Oedipodis huc uenientis, & illo molliissimo car-
mine, quatenam essent ipsa haec loca, requirentis,
species quaedam commouit, inanis scilicet, sed com-
mouit tamen. Tum Pomponius: at ego, quem
uos, ut deditum Epicuro, insectari soletis, sum mul-
tum equidem cum Phaetro, quem unice diligo, ut
scitis, in Epicuri hortis, quos modo praeteribamus:
sed, ueteris prouerbij admonitu, uirorum memini:
nec tamen Epicuri licet obliſci, si cupiam; cuius
imaginem non modo in tabulis nostris familiares, sed
etiam in poculis, & in anellis habent. Hic ego,
Pomponius quidem, inquam, noster iocari uidetur:
& fortasse suo iure. ita enim Athenis se collocauit,
ut sit paene unus ex Atticis, ut id etiam cognomine
uideatur habiturus. ego autem tibi, Piso, assen-
tior, usu hoc euenire, ut acrius aliquanto, & at-
tentius de claris uiris, locorum admonitu, cogite-
mus.

mus. scis enim me quodam tempore Metapontum uenisse tecum, nec ad hospitem ante diuertisse, quam Pythagorae ipsum illum locum, ubi uitam ediderat, sedemq. uiderim. hoc autem tempore, etsi multa in omni parte Athenarum sunt in ipsis locis indicia summorum uirorum: tamen ego illa moueor exedra: modo enim fuit Carneades: quem uidere uideor: est enim nota imago: a sedeque ipsa, tanta ingenij magnitudine orbat, desiderari illam uocem puto. Tum Piso, quoniam igitur aliquid omnes, quid Lucius noster, inquit? an eum locum libenter inuisit ubi Demosthenes, & Aeschines inter se decertare soliti sunt? suo enim quisque studio maxime ducitur. Et ille, cum erubisset, noli, inquit, ex me quaerere, qui in Phalericum etiam descendere: quo in loco ad fluctum aiunt declamare solitum Demosthenem, ut fremitum assuesceret uoce uincere. modo etiam paullulum ad dextram de uia declitavi, ut ad Periclis sepulcrum accederem. quamquam id quidem infinitum est in hac urbe. quacumque enim ingredimur, in aliquam historiam uestigium ponimus. Tum Piso, atqui, Cicero, inquit, ista studia, si ad imitandos summos uiros spectant, ingeniosorum sunt; sin tantummodo ad indicia ueteris memoriae cognoscenda, curiosorum. te autem hortamur omnes, currentem quidem, ut spero, ut eos, quos nouisse uis, etiam imitari uelis. Hic ego, etsi facit hic quidem, inquam, Piso, ut uides, ea, quae praecipis: tamen mihi grata est hortatio

t 2 iua

DE FINIBVS

tua. Tum ille amicissime, ut solebat, nos uero, inquit, omnes omnia ad huius adolescentiam conseramus, in primisq. ut aliquid suorum studiorum philosophiae quoque impertiat; uel ut te imitetur, quem amat; uel ut illud ipsum, quod studet, facere possit ornatius. sed utrum hortandus es nobis Luci, inquit, an etiam tua sponte propensus es? mihi quidem Antiochum, quem audis, satis belle uideris attendere. Tum ille timide, uel potius uerecunde, facio, inquit, equidem: sed audi: si ne modo de Carneade? rapior illuc: reuocat autem Antiochus: nec est praeterea, quem audiamus. Tum Piso, etsi hoc, inquit, fortasse non poterit sic abire, cum hic adsit, (me autem dicebat) tamen audebo te ab hac Academia noua ad ueterem illam uocare. in qua, ut dicere Antiochum audiebas, non ij soli numerantur, qui Academici uocantur, Spensippus, Xenocrates, Polemo, Crantor, ceterique, sed etiam Peripatetici ueteres, quorum princeps Aristoteles, quem, excepto Platone, haud scio an recte dixerim principem philosophorum. ad eos igitur conuerte te, quaeso. ex eorum enim scriptis, et institutis cum omnis historia, omnis doctrina liberalis, omnis sermo elegans sumi potest; tum uarietas est tanta artium, ut nemo sine eo instrumento ad ullam rem illustriorem satis ornatus possit accedere. ab his oratores, ab his imperatores, ac rerum principes extiterunt. ut ad minora ueniam, mathematici, poetae, musici, medici denique ex hac tamquam ex omnium artium officina profecti

Eti sunt. Ad quae ego, scis me, inquam, istud idem sentire, Piso: sed a te opportune mentio facta est. Studet enim meus audire Cicero, quaenam sit istius ueteris, quam commemoras, Academiae de finibus bonorum, Peripateticorumque sententia. censemus autem te facillime id explanare posse, quod & Staseam Neapolitanum multos annos habueris apud te, & complures iam menses Athenis haec ipsa te ex Antiocho uidemus exquirere: Et ille ridens; age, age, inquit, (satis enim scite me nostri sermonis principium esse uoluisti) exponamus adolescenti, si qua forte possumus. dat enim id nobis solitudo; quod si quis deus diceret, numquam putarem; me in Academia, tamquam philosophum, disputaturum: sed ne, dum huic obsequor, uobis molestus sim. Mihi, inquam; qui te id ipsum rogaui? Tum Quintus, & Pomponius cum idem se uelle dixissent, Piso exorsus est. cuius oratio, attende quaeso Brute; satis ne uideatur Antiochi complexa esse sententiam: quam tibi, qui fratrem eius Aristum frequenter audieris, maxime probatam existimo. sic est igitur locutus. Quantus ornatus in Peripateticorum disciplina sit, satis est a me, ut breuissime potui, paulo ante dictum: sed est forma eius disciplinae, sicut fere ceterarum, triplex. una pars est, natura; disserendi; altera; uiuendi, tertia: Natura sic ab ijs inuestigata est, ut nulla pars caelo, mari, terra (ut poetice loquar) praetermissa sit: quin etiam, cum de reru initijs, omniq; mundo locuti essent, ut mul-

ta non modo probabili argumentatione, sed etiam necessaria mathematicorum ratione concluderent; maximam materiam ex rebus per se inuestigatis ad rerum occultarum cognitionem attulerunt. persecutus est Aristoteles animantium omnium ortus, uictus, figuras: Theophrastus autem stirpium naturas, omniumque fere rerum, quae e terra gignerentur, causas, atque rationes. qua ex cognitione faciliior facta est inuestigatio rerum occultissimarum. differendi. ab iisdem non dialectice solum, sed etiam oratorie praecepta sunt tradita: ab Aristoteleque principe de singulis rebus in utranque partem dicendi exercitatio est instituta; ut non contra omnia semper, sicut Arcesilas, diceret, & tamen ut in omnibus rebus, quidquid ex utraque parte dici posset, expromeret. Cum autem tertia pars bene uiuendi praecepta quaereret; ea quoque est ab iisdem non solum ad priuatae uitae rationem, sed etiam ad rerum publicarum rectionem relata. omnium fere ciuitatum non Graeciae solum, sed etiam barbariae ab Aristotele mores, instituta, disciplinas, a Theophrasto leges etiam cognouimus. cumque uterque eorum docuisset, qualem in rep. principem esse conueniret; pluribus praeterea cum scripsisset, qui esset optimus reip. status: hoc amplius Theophrastus, quae essent in rep. inclinationes rerum, & momenta temporum, quibus esset moderandum, utcumque res postularet. Vitae autem degredae ratio maxime quidem illis placuit queta, in contemplatione, & cognitione posi-

rerum: quae quia deorum erat uitae simillima, sapiente uisa est dignissima. Atque his de rebus & splendida est eorum, & illustris oratio. De summo autem bono; quia duo genera librorum sunt, unum populariter scriptum, quod ἑρπικόν appellabant; alterum limatius, quod in commentarijs reliquerunt; non semper idem dicere uidentur. nec in summa tamen ipsa aut uarietas est ulla, apud hos quidem, quos nominavi; aut inter ipsos dissensio: sed, cum beata uita quaeratur; idq. sit unum, quod philosophia spectare, & sequi debeat; sit ne ea tota sita in potestate sapientis, an possit aut labefactari, aut eripi rebus aduersis, in eo non nunquam uariari inter eos, & dubitari uidetur. quod maxime efficit Theophrasti de beata uita liber; in quo multum admodum fortunae datur. quod si ita se habeat; non possit beatam praestare uitam sapientia. Haec mihi uidetur delicatior, ut ita dicam, molliorq. ratio, quam uirtutis uis, grauitasq. postulat. quare teneamus Aristotelem, & eius filium Nicomachum: cuius accurate scripti de moribus libri dicuntur illi quidem esse Aristotelis; sed non uideo, cur non potuerit patri similis esse filius. Theophrastum tamen adhibeamus ad pleraque; dum modo plus in uirtute teneamus, quam ille tenuit, firmitatis, & roboris. sumus igitur contenti. his namque horum posteri meliores illi quidem, mea sententia, quam reliquarum philosophi disciplinarum, sed ita degenerant, ut ipsi ex se nati esse uideantur. Primum Theophrasti Stra

DE FINIBVS

to physicum se uoluit. in quo etsi est magnus; ta-
men noua pleraque, & per pauca de moribus. Hu-
ius Lysias et oratione locuples, rebus ipsis ieunior.
concinuus deinde, & elegans huius Aristo: sed ea,
quae desideratur a magno philosopho, grauitas in eo
non fuit. scripta sane et multa, & polita: sed nescio
quo pacto auctoritatem oratio non habet. praeterco
multos, in his, doctum hominem, & suauem, Hie-
ronymum: quem iam cur Peripateticum appellem,
nescio. summum enim bonum exposuit, uacuitatem
doloris. qui autem de summo bono dissentit, de to-
ta philosophiae ratione dissentit. Critolaus imitari
antiquos uoluit: et quidem est grauitate proximus:
& redundat oratio: attamen is quidem in patrijs
instituitis manet. Diodorus, eius auditor, adiungit
ad honestatem uacuitatem doloris. hic quoque suus
est; de summoq. bono dissentiens, dici uere Peripa-
teticus non potest. Antiquorum autem sententiam
Antiochus noster mihi uidetur persequi diligentissi-
me; quam eandem Aristotelis fuisse, & Polemo-
nis docet. Facit igitur Lucius noster prudenter, qui
audire de summo bono potissimum uelit. hoc enim
constituto in philosophia, constituta sunt omnia. na-
ceteris in rebus siue praetermissum, siue ignoratum
est quippiam, non plus incommodi est, quam quan-
ti quaeque earum rerum est, in quibus neglectum
est aliquid: summum autem bonum si ignoretur, ui-
uendi rationem ignorari necesse est. ex quo tantus
error consequitur, ut, quem in portum se recipiant,
scire

scire non possint. cognitis autem rerum finibus, cum intelligitur quid sit & bonorum extremum, & malorum; inuenta uitae uia est, conformatioq. omnium officiorum. est igitur, quo quidque referatur, ex quo id, quod omnes expetunt, beate uiuendi ratio inueniri, & comparari potest. quod, quoniam, in quo sit, magna dissensio est; Carneadea nobis adhibenda diuisio est, qua noster Antiochus libenter uti solet. Ille igitur uidit, non modo quot fuissent adhuc philosophorum de summo bono, sed quot omnino esse possent sententiae. negabat igitur ullam esse artem, quae ipsa a se proficisceretur. etenim semper illud extra est, quod arte comprehenditur. nihil opus est exemplis hoc facere longius. est enim perspicuum, nullam artem in se uersari, sed esse aliud artem ipsam, aliud quod propositum sit arti. quoniam, ut medicina uoletudinis, nauigationis gubernatio, sic uiuendi ars est prudentia: necesse est quoque eam ab alia re esse constitutam, & profectam. Constitit autem fere inter omnes, id, in quo prudentia uersaretur, & quod assequi uellet, aptum, & accommodatum naturae esse oportere, & tale, ut ipsum per se inuitaret, & alliceret appetitum animi: quem ὁπὺν Graeci uocant. quid autem sit, quod ita moueat, itaq. a natura in primo ortu appetatur, non constat, deq. eo est inter philosophos, cum summum bonum exquiritur, omnis dissensio. totius enim quaestionis eius, quae habetur de finibus bonorum, & malorum, cum quaeritur in his quid sit extremum,

DE FINIBVS

tremum, & ultimum, fons reperiendus est, in quo sint prima inuitamenta naturae. quo inuento, omnis ab eo, quasi capite, de summo bono, & malo disputatio ducitur. Voluptatis alij primum appetitum putant; & primam depulsionem, doloris. alij censent primum ascitum, doloris uacuitatem; & primum declinatum, dolorem. ab his alij, quae prima secundum naturam nominant, profisciscuntur: in quibus numerant incolumitatem, conseruationemq. omnium partium, ualetudinem, sensus integros, doloris uacuitatem, uires, pulchritudinem, ceteraq. generis eiusdem: quorum similia sunt prima in animis, quasi uirtutum igniculi, & semina. Ex his tribus cum unum aliquod sit, quo primum natura moueatur uel ad appetendum, uel ad repellendum; nec quidquam omnino praeter haec tria possit esse: necesse est omnino, officium aut fugiendi, aut sequendi ad eorum aliquid referri; ut illa prudentia, quam artem uitae esse diximus, in earum trium rerum aliqua uersetur, a qua totius uitae ducat exordium. Ex eo autem quod statuerit esse, quo primum natura moueatur, existet etiam recti ratio, atque honesti, quae eum uno aliquo ex tribus illis congrue re possit: ut aut id honestum sit, facere omnia aut uoluptatis causa, etiam si eam non consequare; aut non dolendi, etiam si id assequi nequeas; aut eorum, quae secundum naturam sunt, adipiscendi. ita fit, ut, quanta differentia est in principiis naturalibus, tanta sit in finibus bonorum, malorumq. diffini-

deffimilitudo. Alij rursus iisdem a principijs omne officium referunt aut ad uoluptatem, aut ad non dolendum, aut ad prima illa secundum naturam obtinenda. Expositis iam igitur sex de summo bono sententijs, trium proximarum hi principes; uoluptatis, Aristippus; non dolendi, Hieronymus; fructuendi rebus ijs, quas primas secundum naturam esse diximus, Carneades, non ille quidem auctor, sed defensor, differendi causa, fuit. Superiores tres erant, quae esse possent: quarum est una sola defensa, eaq. uehementer: Nam, uoluptatis causa facere omnia; cum, etiam si nihil consequamur, tamen ipsum illud consilium ita faciendi per se expetendum, & honestum, & solum bonum sit; nemo dicit. Ne uitationem quidem doloris ipsam per se quisquam in rebus expetendis putauit, ne si etiam euitare posset. At uero, facere omnia, ut adipiscamur quae secundum naturam sint, etiam si ea non assequamur, id esse & honestum, & solum per se expetendum, & solum bonum Stoici dicunt. Sex igitur hae sunt simplices de summo bonorum, malorumq. sententiae, duae sine patrono, quattuor defensae. Iunctae autem, & duplices expositiones summi boni, tres omnino fuerunt: nec uero plures, si penitus rerum naturam uideas, esse potuerunt. nam aut uoluptas adiungi potest ad honestatem, ut Calliphoni, Dinomachoq. placuit; aut doloris uacuitas, ut Diodoro; aut prima naturae, ut antiquis, quos eosdem Academicos, et Peripateticos nominamus. si-

q. -

D E F I N I T I O N E S

quoniam non possunt omnia simul dici; haec in praesentia nota esse debebunt, uoluptatem se monendam esse: quando ad maiora quaedam, ut iam apparebit, nati sumus. De uacuitate doloris eadem fere dici solent, quae de uoluptate. Quoniam igitur & de uoluptate cum Torquato, & de honestate, in qua una omne bonum poneretur, cum Catone est disputatum: primum, quae contra uoluptatem dicta sunt, eadem fere cadunt contra uacuitatem doloris. Nec uero alia sunt quaerenda contra Carneadeam illam sententiam. quocumque enim modo summum bonum sic exponitur, ut id uacet honestate; nec officia, nec uirtutes in ea ratione, nec amicitiae constare possunt. coniunctio autem cum honestate uel uoluptatis, uel non dolendi, id ipsum honestum, quod amplecti uult, efficit turpe. ad eas enim res referre, quae agas, quarum una, si quis malo careat, in summo eum bono dicat esse, altera uersetur in lenissima parte naturae; obscurantis est omnem splendorem honestatis, ne dicam inquinantis. Restant Stoici: qui cum a Peripateticis, & Academicis omnia transtulissent, nominibus alijs easdem res secuti sunt. hos contra singulos dici est melius. sed nunc, quod agimus: de illis, cum uolemus. Democriti autem securitas, quae est animi tamquam tranquillitas, quam appellant *ἡδονή*, eo separanda fuit ab hac disputatione: quia ista animi tranquillitas ea ipsa est beata uita. quaerimus autem, non quae sit, sed unde sit. Iam, explosae, eiectaeq. sententiae Pyrrhonis, Aristonis,

stonis, Herilli, quod in hunc orbem, quem circum-
scripsimus, incidere non possunt, adhibendae omni-
no non fuerunt. nā cum omnis haec quaestio de fini-
bus, & quasi de extremis bonorum, & malorum
ab eo profiscatur, quod diximus naturae esse aptū,
& accommodatum, quodq. ipsum per se primum
appetatur: hoc totum & ij tollunt, qui in rebus ijs,
in quibus nihil, quod non aut honestum, aut turpe
sit, negant esse ullam causam, cur aliud alij ante-
ponatur; nec inter eas res quidquam omnino putant
interesse: & Herillus, si ita sensit, nihil esse bonum
praeter scientiam, omnem consilij capiendi causam,
inventionemq. officij sustulit. Sic, exclusis senten-
tijs reliquorum, cum praeterea nulla esse possit, haec
antiquorum ualeat necesse est. ergo instituto uete-
rum, quo etiam Stoici utuntur, hinc capiamus exor-
dium. Omne animal se ipsum diligit; & simul ac-
ortum est, id agit, ut se conseruet; quod hic ei pri-
mus ad omnem uitam tuendam appetitus a natura
datur, se ut conseruet, atque ita sit affectum, ut
optime secundum naturam affectum esse possit. hanc
initio constitutionem confusam habet, et incertam,
ut tantummodo se tueatur, quaecumque sit: sed
nec, quid sit, nec, quid possit, nec quid ipsius na-
tura sit, intelligit. cum autem processit paullulum,
&, quatenus quidquid se attingat, ad seq. perti-
neat, perspicere coepit; tum sensim incipit progre-
di, seseq. agnoscere, & intelligere. quam ob caus-
sam habet eum, quem diximus, animi appetitum;
coe-

DE FINIBVS

coeptatq. & ea, quae naturae apta sentit, appetere,
& propulsare contraria. Ergo omni animali illud,
quod appetit, positum est in eo, quod naturae est
accommodatum. ita finis bonorum existit, secun-
dum naturam uiuere, sic affectum, ut optime affi-
ci possit, ad naturamq. accommodatissime. quoniam
autem sua cuiusque animantis natura est; necesse est
quoque, finem omnium hunc esse, ut natura explea-
tur. nihil enim prohibet, quaedam esse & inter se
animalibus reliquis, & cum bestiis homini commu-
nia; quoniam omnium est natura communis. Sed
extrema illa, & summa, quae quaerimus, inter ani-
malium genera distincta, & dispersita sunt, et sua
cuique propria, & ad id apta, quod cuiusque natu-
ra desiderat. quare cum dicimus, omnibus anima-
libus extremum esse, secundum naturam uiuere:
non ita accipiendum est, quasi dicamus, unum esse
omnium extremum: sed, ut omnium artium recte
dici potest commune esse, ut in aliqua scientia uer-
sentur, scientiam autem suam cuiusque artis esse;
sic commune animalium omnium, secundum natu-
ram uiuere, sed naturas esse diuersas, ut aliud equo
sit natura, aliud boui, aliud homini, & tamen in
omnibus summa communis, & quidem non solum
in animalibus, sed etiam in rebus omnibus ijs, quas
natura alit, auget, & tuetur: in quibus uideamus,
ea, quae gignuntur e terra, multa quodam modo ef-
ficere ipsa sibi per se, quae ad uiuendum, crescen-
dumq. ualeant, & suo genere perueniant ad extre-
mum.

num. ut iam liceat una comprehensione omnia com-
plecti; non dubitemq. dicere, omnem naturam esse
conseruatricem sui; idq. habere propositum quasi
finem, & extremum, se ut custodiat in quamopti-
mo sui generis statu. ut necesse sit, omnium rerum,
quae natura uigeant, similem esse finem, non eun-
dem. ex quo intelligi debet, homini id esse in bonis
ultimum, secundum naturam uiuere: quod ita in-
terpretemur, uiuere ex hominis natura undique
perfecta, et nihil requirente. Haec igitur nobis ex-
plicanda sunt: sed, si enodatus, uos ignoscetis. hu-
ius enim aetati, & huic, nunc haec primum fortasse
audienti, seruire debemus. Ita prorsus, inquam:
etsi ea quidem, quae adhuc dixisti, quamuis ad aeta-
tem recte isto modo dicerentur. Exposita igitur,
inquit, terminatione rerum expetendarum; cur i-
sta se res ita habeat, ut dixi, deinceps demonstrian-
dum est. quamobrem ordiamur ab eo, quod pri-
mum posui, quod idem reapse primum est; ut in-
telligamus omne animal se ipsum diligere. quod
quamquam dubitationem non habet: (est enim in-
fixum in ipsa natura, comprehenditur suis cuius-
que sensibus, sic, ut, contra si quis dicere uelit, non
audiatur) tamen, ne quid praetermittamus, ratio-
nes quoque, cur hoc ita sit, afferendas puto. etsi qui
potest intelligi, aut cogitari, esse aliquod animal,
quod se oderit? res enim concurrent contrariae. nam
cum appetitus ille animi aliquid ad se trahere coepe-
rit consulto, quod sibi obsit, quia sit sibi inimicus:

cmm

DE FINIBVS

cum id sua caussa faciet; & oderit se, & simul diliget. quod fieri non potest. necesse est quidem, si quis sibi ipsi inimicus est, eum, quae bona sunt, mala putare; bona contra, quae mala; & quae appetenda, fugere; & quae fugienda, appetere. quae sine dubio vitae sunt euersio. neque enim, si non nulli reperiuntur, qui aut laqueos, aut alia exitia quaerant; aut, ut ille apud Terentium, qui decreuit tantisper se minus iniuriae suo gnato facere, (ut ait ipse) dum fiat miser; inimicum ipse sibi putandus est. sed alij dolore mouentur, alij cupiditate: iracundia etiam multi efferuntur: & cum in mala scientes ruunt, tamen se optime sibi consulere arbitrantur: itaque dicunt, nec dubitant,

Mihi sic est usus: tibi ut opus est facto, face. uelut, qui ipsi sibi bellum indixissent, cruciari dies, noctes torqueri uellent: nec uero sese ipsi accusarent ob eam caussam, quod sese male rebus suis consuluisse dicerent. eorum enim est haec querela, qui sibi cari sunt, seseq. diligunt. Quare, quotiescumque dicetur male de se quis mereri, sibiq. esse inimicus, atque hostis, uitam denique fugere; intelligatur aliquam subesse eiusmodi caussam, ut ex eo ipso possit intelligi, sibi quemque esse carum. nec uero id satis est, neminem esse, qui ipse se oderit: sed illud quoque intelligendum est, neminem esse, qui, quomodo se habeat, nihil sua censeat interesse. tolletur enim appetitus animi, si, ut in ijs rebus, inter quas nihil interest, neutram in partem propensiores simus,

mus, nihil nostra arbitramur interesse. Atque etiam illud, si quis dicere uelit, perabsurdum sit; ita diligere sese quemquam, ut ea uis diligendi ad aliam rem quampiam referatur, non ad eum ipsum, qui sese diligit. hoc cum in amicitijs, cum in officijs, cum in uirtutibus dicitur; quomodocumque dicitur, intelligi tamen, quid dicatur, potest; in nobis autem ipsis ne intelligi quidem, ut propter aliam quampiam rem, uerbi gratia propter uoluptatem, nos amemus. propter nos enim illam, non propter eam nosmet ipsos, diligimus. Quamquam quid est, quod magis perspicuum sit, quam non modo carum sibi quemque, uerum etiam uehementer carum esse? quis est enim, aut quotus quisque, cui, mors cum appropinquet,

Nō refugiat tumido sanguine, atq. exalbescat metu? et si hoc quidem est in uitio, dissolutionem naturae tam ualde perhorrescere. quod item est reprehendendum in dolore. sed quia fere sic afficiuntur omnes; satis argumenti est, ab interitu naturam abhorrere. idque quo magis quidam ita faciunt, ut iure etiam reprehendantur: hoc magis intelligendum est, haec ipsa nimia in quibusdam futura non fuisse, nisi quaedam essent modica natura. nec uero dico eorum metum mortis, qui quia priuari se uitae bonis arbitrentur, aut quia quasdam post mortem formidines extimescant, aut si metuant ne cum dolore moriantur, iccirco mortem fugiant. in paruis enim saepe, qui nihil eorum cogitant, si quando his
u ludentes

DE FINIBVS

ludentes minamur praecipitatu-
ros alicunde, exti-
mescent. quin etiam ferae, inquit Pacuuius,
Quibus abest ad praecauendum intelligendi astutia,
sibi iniecto terrore mortis horrescunt. Quis autem
de ipso sapiente aliter existimat? qui, etiam cum
decreuerit esse moriendum, tamen discessu a suis,
atque ipsa relinquenda luce moueatur. Maxime
autem in hoc quidem genere uis est perspicua natu-
rae, cum & mendicitatem multi perpetiantur, ut
uiuunt; & angantur appropinquatione mortis con-
fecti homines senectute; & ea perferant, quae Phi-
loctetam uidemus in fabulis: qui cum cruciaretur
non ferendis doloribus, propagabat tamen uitam
aucupio sagittarum;
Configebat tardus celeres, stans uolantes,
ut apud Attium est; pinnarumq. contextu corpori
tegumenta faciebat. De hominum genere, aut om-
nino de animalium loquor, cum arborum, & stir-
pium eadem paene natura sit? siue, ut doctissimis ui-
ris uisum est, maior aliqua causa, atque diuinior
hanc uim ingenuit: siue hoc ita sit fortuito. uidea-
mus ea, quae terra gignit, corticibus, & radicibus
ualida seruari: quod contingit animalibus sensuum
distributione, & quadam compactione membra-
rum. qua quidem de re, quamquam assentior ijs,
qui haec omnia regi natura putant; quae si natura ne-
gligat, ipsa esse non possint: tamen concedo, ut,
qui, de hoc dissentiant, existiment quod uelint, ac
uel hoc intelligant, si quando naturam hominis di-
cam,

205. de fin.
167

Virg. Ger.
20

cam, hominem dicere me. nihil enim hoc differt. nam prius poterit a se quisque discedere, quam appetitum earum rerum, quae sibi conducant, amittere. Iure igitur grauiissimi philosophi initium summi boni a natura petiuerunt, & illum appetitum rerum ad naturam accommodatarum ingeneratum putauerunt omnibus, qui continentur ea commendatione naturae, qua se ipsi diligunt. Deinceps uidendum est, quoniam satis apertum est, sibi quemque natura esse carum, quae sit hominis natura. id est enim, de quo quaerimus. Atqui perspicuum est, hominem e corpore, animoque constare, cum primae sint animi partes, secundae corporis. deinde id quoque uidemus, & ita figuratum corpus, ut excellat alijs; animumque ita constitutum, ut & sensibus instructus sit, & habeat praestantiam mentis, cui tota hominis natura pareat, in qua sit mirabilis quaedam uis rationis, & cognitionis, & scientiae, uirtutumque omnium. nam quae corporis sunt, ea nec auctoritatem cum animi partibus comparandam, & cognitionem habent faciliorem: itaque ab his ordiamur. Corporis igitur nostri partes, totaque figura, & forma, & statura quam apta ad naturam sit, apparet: neque est dubium, quin frons, oculi, aures, & reliquae partes, quales propriae sunt hominis, intelligatur, sed certe opus est ea ualere, & uigere, & naturales motus, ususque habere; ut nec absit quid eorum, nec aegrum debilitatum ne sit. id enim natura desiderat. Est etiam actio quaedam

H 2 corpo-

DE FINIBVS

corporis, quae motus, et status naturae congruentes tenet: in quibus si peccetur distortionem, & depravationem quadam, aut motu, statu ue deformi, ut si aut manibus ingrediatur quis, aut non ante, sed retro; fugere plane se ipse, & hominem ex homine exuens, naturam odisse uideatur, quamobrem etiam sessiones quaedam, & flexi, fractiq. motus, quales protervorum hominum, aut mollium esse solent, contra naturam sunt: ut, etiam si animi vitio id eveniat, tamen in corpore immutari hominis natura uideatur. itaque e contrarijs moderati, aequabilesq. habitus, affectiones, ususq. corporis, apta esse ad naturam videntur. Iam uero animus non esse solum, sed etiam cuiusdam modi debet esse; ut & omnes partes suas habeat incolumes; & de uirtutibus nulla desit. at qui in sensibus est sua cuiusque uirtus, ut ne quid impediatur, quo minus suo sensus quisque munere fungatur in ijs rebus celeriter, expeditaq. percipiendis, quae subiectae sunt sensibus: animi autem, & eius animi partis, quae princeps est, quaeq. mens nominatur, plures sunt uirtutes: sed duo prima genera; unum earum, quae ingenerantur suapte natura, appellanturq. non uoluntariae; alterum earum, quae in uoluntate posita, magis proprio nomine appellari solent: quarum est excellens in animorum laude praestantia. prior generis est docilitas, memoria: quae fere omnia appellantur uno ingenij nomine: easq. uirtutes qui habent, ingeniosi uocantur. alterum autem genus est magna-

magnarum, uerarumque uirtutum: quas appellamus uoluntarias. ut prudentiam, temperantiam, fortitudinem, iustitiam, & reliquas eiusdem generis. Et summam quidem haec erant de corpore, animoque dicenda. quibus quasi informatum est, quid hominis natura postulet. ex quo perspicuum est, quoniam ipsi a nobis diligamur, omniaque & in animo, & in corpore perfecta uelimus esse, ea nobis ipsa cara esse propter se, et in ijs esse ad bene uiuendum momenta maxima. nam cui proposita sit conseruatio sui, necesse est huic partes quoque sui carae esse, carioresque, quo perfectiores sint, & magis in suo genere laudabiles. ea enim uita expetitur, quae sit animi, corporisque expleta uirtutibus: in eoque summum bonum poni necesse est: quando quidem id tale esse debet, ut rerum expetendarum sit extremum. quo cognito, dubitari non potest, quin, cum ipsi homines sibi sint per se, & sua sponte cari, partes quoque & corporis, & animi, & earum rerum, quae sunt in utriusque motu, & statu, sua caritate colantur, & per se ipsae appetantur. Quibus expositis, facilis est coniectura, ea maxime esse expetenda ex nostris, quae plurimum habent dignitatis, ut optimae cuiusque partis, quae per se expetatur, uirtus sit expetenda maxime. ita fiet, ut animi uirtus corporis uirtutis anteponatur, animique uirtutes non uoluntarias uincant uirtutes uoluntariae: quae quidem proprie uirtutes appellantur, multumque excellent, propterea quod ex ratione

D E F I N I T I O N E S

ne gignuntur : qua nihil est in homine diuinius . et
enim omnium rerum , quas & creat natura , &
tuetur , quae aut sine animo sint , aut non multo se-
cus , eorum summum bonum in corpore est : ut non
inscite illud dictum uideatur in sue , animum illi pe-
cudi datum pro sale , ne putresceret . Sunt autem
bestiae quaedam , in quibus inest aliquid simile uirtu-
tis , ut in leonibus , ut in canibus , ut in equis ; in qui-
bus non corporum solum , ut in suis , sed etiam
animorum aliqua ex parte motus quosdam uide-
mus : in homine autem summa omnis animi est , &
in animo rationis : ex qua uirtus est : quae rationis
absolutio definitur : quam etiam atque etiam expli-
candam putant . Earum etiam rerum , quas terra
gignit , educatio quaedam , & perfectio est , non dis-
similis animantium . itaque & , uiuere uitem , &
mori , dicimus , arboremq. & nouellam , & uetu-
lam , & uigere , & senescere . ex quo non est alie-
num , ut animantibus , sic illis & apta quaedam
ad naturam aptare , & aliena amputare , earumq.
augendarum , & alendarum quandam cultricem
esse , quae sit scientia , atque ars agricolarum , quae
circumcidat , amputet , erigat , extollat , admini-
culetur ; ut , quo natura ferat , eo possit ire : ut ipsae
uites , si loqui possint , ita se tractandas , tuendasq.
esse fateantur . et nunc quidem , quod eam tuetur ,
(ut de uite potissimum loquar) est id extrinsecus . in
ipsa enim parum magna uis est , ut quamoptime se
habere possit , si nulla cultura adhibeatur . At ue-
ro , si

184
Virg. Geo.
et 4

ro, si ad nitentem sensus accesserit, ut appetitum quen-
dam habeat, & per se ipsa moueatur; quid factu-
ram putas? an ea, quae per uinitorem antea conse-
quebatur, etiam per se ipsam curabit? sed uides ne
accessuram ei curam, ut sensus quoque suos, eo-
rumq. omnium appetitum, & si qua sunt ei mem-
bra adiuncta, tueatur? sic ad illa, quae semper ha-
buit, iunget ea, quae postea accesserint; nec eun-
dem finem habebit, quem cultor eius habebat;
sed uolet secundum eam naturam, quae postea ei
adiuncta sit, uiuere: ita similis erit finis boni, at-
que antea fuerat; nec idem tamen. non enim iam
stirpis bonum quaeret, sed animalis: quod si non
sensus modo ei sit datus, uerum etiam animus ho-
minis: non necesse est, & illa pristina manere, ut
tuenda, & inter haec multo esse cariora, quae acces-
serint; animiq. optimam quamque partem carissi-
mam, in eaq. expletione naturae summi boni finem
consistere, cum longe multumq. praestent mens;
atque ratio? sic & extremum omnium appeten-
dorum, atque ductum a prima communitate natu-
rae, multis gradibus ascendit, ut ad summum per-
ueniret: quod cumulatur ex integritate corporis,
& ex mentis ratione perfecta. Cum igitur ea sit,
quam exposui, forma naturae: si, ut initio dixi, si-
mul atque ortus esset, se quisque cognosceret, iudi-
careq. posset quae uis et totius esset naturae, & par-
tium singularum; continuo uideret quid esset hoc,
quod quaerimus, omnium rerum, quas expetimus,

summum, & ultimum, nec ulla in re peccare pos-
 set. nunc uero a primo quidem mirabiliter occulta
 natura est, nec perspicui, nec cognosci potest: pro-
 gredientibus autem aetatibus, sensim, tarde ne po-
 tius quasi nosmet ipsos cognoscimus. itaque illa pri-
 ma commédatio, quae a natura nostri facta est, no-
 bis obscura, & incerta est; primusq. appetitus ille
 animi tantum agit, ut salui, atque integri esse pos-
 simus. cum autem dispicere coeperimus, & sentire
 quid simus, & quid ab animantibus ceteris diffe-
 ramus; tum ea sequi incipimus, ad quae nati sumus.
 quā similitudinem uidemus in bestiis. quae primo,
 in quo loco nata sunt, ex eo se non commouent:
 deinde suo quaeque appetitu mouetur. serpente an-
 guiculos, nare anaticulas, euolare merulas, corni-
 bus uti uidemus boues, uespas aculeis, suam deni-
 que cuique naturam esse ad uiuendum ducem. quae
 similitudo in genere etiam humano apparet. parui
 enim primo ortu sic iacent, tamquam omnino sine
 animo sint: cum autem paulum firmitatis accesser-
 rit, & animo utuntur, & sensibus; connitunturq.
 ut sese erigant, & manibus utuntur; & eos agno-
 scunt, a quibus educantur; deinde aequalibus dele-
 ctantur, libenterq. se cum his congregant; dantq.
 se ad ludendum; fabellarumq. auditione ducuntur;
 deq. eo, quod ipsis superat, alijs gratificari uolunt;
 animaduertuntq. ea, quae domi fiunt, curiosius; in-
 ciuntq. commentari aliquid, & discere; & eo-
 rum, quos uident, uolunt non ignorare nomina;
 qui-

quibusq. rebus cum aequalibus decertant, si uincunt, efferunt se laetitia, uicti debilitantur, animosq. demittunt. quorum sine causa fieri nihil putandum est. est enim natura sic generata uis hominis, ut ad omnem uirtutem percipiendam facta uideatur: ob eamq. causam parui uirtutum simulacris, quarum in se habent semina, sine doctrina mouentur. sunt enim prima elementa naturae: quibus auctis, uirtutis quasi carmen efficitur. nam cum ita nati, factiq. simus, ut & agendi aliquid, & diligendi aliquos, & liberalitatis, & referendae gratiae principia in bonis contineremus; atque ad scientiam, prudentiam, fortitudinemq. aptos animos haberemus, a contrarijsq. rebus alienos: non sine causa eas, quas dixi, in pueris uirtutum quasi scintillulas uidemus. e quibus accendi philosophi ratio debet, ut eam, quasi deum, ducem subsequens, ad naturae perueniat extremum. nam, ut saepe iam dixi, in infirma aetate, imbecillaq. mente uis naturae per caliginem cernitur. cum autem progrediens confirmatur animus, agnoscit ille quidem naturae uim, sed ita, ut progredi possit longius, per se sit tamen inchoata. Intrandum est igitur in rerum naturam, & penitus, quid ea postulet, peruidendum. aliter enim nosmet ipsos nosse non possumus. quod praeceptum quia maius erat, quam ut ab homine uideretur; ideo assignatum est deo. iubet igitur nos Pythius Apollo noscere nosmet ipsos. cognitio autem haec est una, ut uim nostri corporis, animiq. norimus

DE FINIÈVS

norimus, sequamurq. eam uitam, quae rebus ipsis
perfruatur. Quoniam autem is animi appetitus a
principio fuit, ut ea, quae dixi, quamperfectissima a
natura haberemus: confitendum est, cum id adepti
simus, quod appetitum sit, in eo quasi ultimo con-
sistere naturam, atque id esse summum bonum:
quod certe uniuersum sua sponte ipsum expeti, &
propter se necesse est: quoniam ante demonstratum
est, etiam singulas eius partes esse per se expeten-
das. In enumerandis autem corporis commodis si
quis praetermissam a nobis uoluptatem putabit; in
aliud tempus quaestio differatur. utrum enim sit uo-
luptas in ijs rebus, quas primas secundum naturam
esse diximus; nec ne sit, ad id, quod agimus, nihil
interest. si enim, ut mihi quidem uidetur, non ex-
plet bona naturae uoluptas; iure praetermissa est.
fin est in ea; quod quidam uolunt; nihil impedit no-
stram hanc comprehensionem summi boni. quae e-
nim constituta sunt prima naturae, ad ea si uoluptas
accesserit, unum aliquod accesserit commodum cor-
poris, neque eam constitutionem summi boni, quae
est proposita, mutauerit. Et adhuc quidem ita no-
bis progressa ratio est, ut ea duceretur omnis a pri-
ma commendatione naturae: nunc autem aliud iam
argumentandi sequamur genus; ut non solum, quia
nos diligamus, sed quia cuiusque partis naturae &
in corpore, & in animo sua quaeque uis sit, ideo
in his rebus summa nostra sponte moueamur. At-
que, ut a corpore ordiar, uides ne, ut, si qua in
membris

membris praua, aut debilitata, aut imminuta sint, occultent homines? ut etiam contendant, & elaborant, si efficere possint, ut aut non appareat corporis uitium, aut quamminimum appareat; multosque etiam dolores curationis causa perferant; ut, si ipse usus membrorum non modo non maior, uerum etiam minor futurus sit, eorum tamen species ad naturam reuertatur. etenim cum omnes natura totos se expetendos putent, nec id ob aliam rem, sed propter ipsos: necesse est eius etiam partes propter se expeti, quod uniuersum propter se expetatur. Quid? in motu, et in statu corporis nihil inest, quod animaduertendum esse ipsa natura indicet? quemadmodum quis ambulet, sedeat, qui ductus oris, qui uultus in quoque sit. nihil ne est in his rebus, quod dignum libero, aut indignum esse ducamus? non ne odio dignos multos putamus, qui quodam motu, aut statu uidentur naturae legem, & modum contempsisse? Et quoniam haec ducuntur de corpore; quid est, cur non recte pulchritudo etiam ipsa propter se expetenda ducatur? nam si prauitatem, imminutionemque corporis propter se fugiendam putamus: cur non etiam, ac fortasse magis, propter se formae dignitatem sequamur? & si turpitudinem fugiamus in statu, & motu corporis: quid est, cur pulchritudinem non sequamur? Atque etiam ualitudinem, uires, uacuitatem doloris non propter utilitatem solum, sed etiam ipsas propter se expetimus. quoniam enim natura suis omnibus expleri par-

DE FINIBVS

partibus uult, hunc statum corporis per se ipsum expetit, qui est maxime e natura: quae tota perturbatur, si aut aegrum corpus est, aut dolet, aut caret uiribus, Videamus animi partes: quarum est aspectus illustrior: quae quo sunt excelsiores, eo dant clariora indicia naturae. Tantus igitur est innatus in omnibus cognitionis amor, & scientiae, ut nemo dubitare possit, quin ad eas res hominum natura, nullo emolumento inuitata, rapiatur. Videmus ne, ut pueri ne uerberibus quidem a contemplandis rebus, perquirendisq. deterreantur? ut pulsi requirant, & aliquid scire se gaudeant? ut alij narrare gestiant? ut pompa, ludis, atque eiusmodi speculis teneantur, obeamq. rem uel famem, & sitim perferant? Quid uero, qui ingenuis studijs, atque artibus delectantur, non ne uidemus eos nec ualitudinis, nec rei familiaris habere rationem? omniaq. perpeti, ipsa cognitione, et scientia captos? & cum maximis curis, & laboribus compensare eam; quam ex discendo capiant, uoluptatem? mihi quidem Homerus huiusmodi quiddam uidisse uidetur in ijs, quae de Sirenum cantibus finxerit. neque enim uocum suauitate uidentur, aut nouitate quadam, & uarietate cantandi reuocare eos solitae, qui praeteruehebantur; sed quia multa se scire profitebantur, ut homines ad earum saxa discendi cupiditate adhaerescerent. ita enim inuitant Vlyxem: (nam uerti, ut quaedam Homeri, sic istum ipsum locum)

Q decus

O decus Argolicum, quin puppim flectis Vlyxes,
Auribus ut nostros possis agnoscere cantus?
Nā nemo haec umquā est trāsuectus caerula cursu,
Quin prius astiterit uocum dulcedine captus,
Post, uarijs auido satiatus pectore musis,
Doctior ad patrias lapsus peruenit oras.
Nos graie certamen belli, clademq. tenemus,
Graecia quam Troiae diuino numine uexit,
Omniaq. e latis rerum uestigia terris.
uidit Homerus probari fabulam non posse, si can-
tiunculis tantus uir irretitus teneretur. scientiam
pollicentur: quam non erat mirum sapientiae cupi-
do patria cariorem. Atque omnia quidem scire, cu-
iuscumque modi sunt, cupere, curiosorum; duci ue-
ro maiorum rerum contemplatione ad cupiditatem
scientiae, summorum uirorum est putandum. quem
enim ardorem studij censetis fuisse in Archimede, *Su. D. 3.*
qui, dum in puluere quaedam describit attentus, ne
patriam quidem captam esse senserit? quantum A-
ristoxeni ingenium consumptum uidemus in musi-
cis? quo studio Aristophanem putamus aetatem in
litteris duxisse? quid de Pythagora, quid de Plato-
ne, aut Democrito loquar? a quibus propter discen-
di cupiditatem uidemus ultimas terras esse peragra-
tas. quae qui non uident, nihil umquam magna co-
gnitione dignum amauerunt. Atque hoc loco, qui
propter animi uoluptates coli dicunt ea studia, quae
dixi; non intelligunt, iccirco esse ea propter se expe-
tenda, quod, nulla utilitate obiecta, delectentur ani-

mi

DE FINIBVS

mi, atque ipsa scientia, etiam si incommoda datura sit, gaudeant. Sed quid attinet de rebus tam apertis plura requirere? ipsi enim quaeramus a nobis, stellarum motus, contemplationesq. rerum caelestium, eorumq. omnium, quae naturae obscuritate occultantur, cognitiones quæadmodum nos moneant; & quid historia delectet; quam solemus persequi usque ad extremum; praetermissa repetimus; inchoata persequimur. Nec uero sum inscius esse utilitatem in historia, non modo uoluptatem. quid, cum fictas fabulas, e quibus utilitas nulla duci potest, cum uoluptate legimus? quid, cum uolumus nomina eorum, qui quid gesserint, nota nobis esse, parentes, patriam, multa praeterea minime necessaria? Quid, quod homines infima fortuna, nulla spe rerum gerendarum, opifices denique delectentur historia? maximeq. eos uidere possumus res gestas audire, & legere uelle, qui a spe gerendi absunt consecuti senectute. Quocirca intelligi necesse est, in ipsis rebus, quae discuntur, & cognoscuntur, inuitamenta inesse, quibus ad discendum cognoscendumq. moueamur. Ac ueteres quidem philosophi, in beatorum insulis, fingunt, qualis natura sit uita sapientium; quos cura omni liberatos, nullum necessarium uitae cultum, aut paratum requirentes, nihil aliud esse acturos putant, nisi ut omne tempus in quaerendo, ac discendo, in naturae cognitione consumant: nos autem non solum beatæ uitæ istam oblectationem uidemus, sed etiam leuamentum miseriarum. itaque mult

multi cum in potestate essent hostium, aut tyrannorum, multi in custodia, multi in exilio, dolorem suum doctrinae studiis leuauerunt. princeps huius ciuitatis Phalereus Demetrius, cum patria pulsus esset iniuria, ad Ptolemaeum se regem Alexandriam contulit. qui cum in hac ipsa philosophia, ad quam te hortamur, excelleret, Theophrastusq. esset auditor; multa praeclara in illo calamitoso otio scripsit, non ad usum aliquem suum, quo erat orbatus; sed animi cultus ille erat ei quasi quidam humanitatis cibus. Equidem e Cn. Aufidio, praetorio, erudito homine, oculis capto, saepe audiebam, cum se lucis magis, quam utilitatis desiderio moueri diceret. somnum denique nobis, nisi quietem corporibus, & medicinam quandam laboris afferret, contra naturam putaremus datum. aufert enim sensus, actionemq. tollit omnem. itaque, si aut quietem natura non quaereret, aut eam posset alia quadam ratione consequi, facile pateremur; qui etiam nunc, agendi aliquid, discendiq. causa, prope contra naturam uigilias suscipere soleamus. Sunt autem clariora, uel plane perspicua, minimeq. dubitanda indicia naturae, maxime scilicet in homine, sed in omni animali, ut appetat animus aliquid agere semper, neque ulla condicione quietem sempiternam possit pati. facile est haec cernere in primis puerorum aetatulis. quamquam enim uereor, ne nimius in hoc genere uidear: tamen omnes ueteres philosophi, maxime nostri, ad incunabula accedunt; quod in pueritia

DE FINIBVS

tia facillime se arbitrentur naturae uoluptatem posse cognoscere. uidemus igitur, ut conuiuere ne infantes quidem possint: cum uero paulum processerint, lusionibus uel laboriosis delectantur, ut ne uerberibus quidem deterreri possint: eaq. cupiditas agendi aliquid adolescit una cum aetatibus. itaque, ne si iucundissimis quidem nos somnijs usuros putemus, Endymionis somnum nobis uelimus dari: idq. si accadat, mortis instar putemus. Quin etiam inertissimos homines, nescio qua singulari nequitia praeditos, uidemus tamen & animo, & corpore moueri semper, & cum re nulla impediuntur necessaria, aut alueolum poscere, aut quaerere quempiam ludum, aut sermonem aliquem requirere; cumq. non habeant ingenuas ex doctrina oblectationes, circulos aliquos, & semicirculos consectari. Ne bestiae quidem: quas delectationis causa concludimus, cum copiosius alantur, quam si essent liberae, facile patiuntur sese contineri; motusq. solutos, & uagos, a natura sibi tributos, requirunt. Itaque, ut quisque optime natus, institutusq. est, esse omnino nolit in uita, si gerendis negotijs orbatus, possit paratissimis uesci uoluptatibus. nam aut priuatim aliquid gerere maluit: aut, qui altiore animo sunt, capeunt remp. honoribus, imperijsq. adipiscendis: aut totos se ad studia doctrinae conferunt. qua in uita, tantum abest, ut uoluptates consectentur: etiam curas, sollicitudines, uigilias perferunt: optimaq. parte hominis, quae in nobis diuina ducenda est, ingenij

genij & mentis acie fruuntur, nec uoluptates requi-
rentes, nec fugientes laborem. nec uero intermit-
tunt aut admirationem earum rerum, quae sunt ab
antiquis repertae, aut inuestigationem nouarum.
quo studio cum satiari non possunt, omnium cetera-
rum rerum obliti, nihil abiectum, nihil humile co-
gitant, tantaq. est uis talibus in studijs, ut eos etiā,
qui sibi alios proposuerunt fines bonorum, quos uti-
litate, aut uoluptate dirigunt, tamen in rebus quae-
rendis, explicandisq. naturis aetates conterere ui-
deamus. Ergo hoc quidem apparet, nos ad agen-
dum esse natos. Actionum autem genera plura, ut
obscrentur etiam minora maioribus. maximae au-
tem sunt, primum, ut mihi quidem uidetur, & ijs,
quorum nunc in ratione uersamur, consideratio, co-
gnitioq. rerum caelestium, & earum, quas a natura
occultas, & latentes indagare ratio potest: dein-
de rerump. administratio, aut administrandi, scien-
diq. prudens, temperata, fortis, & iusta ratio, reli-
quaeq. uirtutes, & actiones uirtutibus congruen-
tes; quae, uno uerbo complexi omnia, honesta dici-
mus. ad quorum etiam cogitationem, & usum iam
corroborati, natura ipsa praeuente deducimur. om-
nium enim rerum principia parua sunt, sed suis pro-
gressionibus usa augentur: nec sine causa. in primo
enim ortu inest teneritas, & mollities quaedam, ut
nec res uidere optimas, nec agere possint. uirtutis
enim, beataeq. uitae, quae duo maxime expetenda
sunt, serius lumen apparet; multo etiam serius, ut
x plane,

DE FINIBVS

plane, qualia sint, intelligantur. praeclare enim Plato, beatum, cui etiam in senectute contigerit, ut sapientiam, uerasq. opiniones assequi possit. Quare, quoniam de primis naturae commodis satis dictum est, nunc de maioribus, consequentibusq. uideamus. Natura igitur corpus quidem hominis sic et genuit, & formauit, ut alia in primo ortu perficeret, alia progrediente aetate fingeret, neque sane multum adiuuentis externis, & aduenticijs uteretur: animum autem reliquis rebus ita perfecit, ut corpus: sensibus enim ornauit ad res percipiendas idoneis, ut nihil, aut non multum adiumento ullo ad suam conformationem indigeret: quod autem in homine praestantissimum, atque optimum est, id deseruit. etsi dedit talem mentem, quae omnem uirtutem iam accipere possit; ingenuitq. sine doctrina notitias paruas rerum maximarum; & quasi instituit docere, & induxit in ea, quae inerant, tamquam elementa uirtutis. sed uirtutem ipsam inchoauit: nihil amplius: itaque nostrum est, (quod nostrum dico, artis est) ad ea principia, quae accepimus, consequentia exquirere, quoad sit id, quod uolumus, effectum: quod quidem plaris sit haud paullo, magisq. ipsum propter se expetendum, quam aut sensus, aut corporis ea, quae diximus: quibus tantum praestat mentis excellens perfectio; ut uix cogitari possit, quid inter sit. itaque omnis honos, omnis admiratio, omne studium ad uirtutem, et ad eas actiones, quae uirtuti sunt consentaneae, refertur. eaq. omnia, quae aut
ita

ita in animis sunt, aut ita geruntur, uno nomine honesta dicuntur. quorum omnium quaeque sint notitiae, quaeque significantur rerum uocabulis, quaeque cuiusque uis, & natura sit, mox uidebimus. hoc autem loco tantum explicemus; haec, honesta quae dico, praeterquam quod nosmet ipsos diligamus, praeterea suapte natura per se esse expetenda. indicant pueri: in quibus, ut in speculis, natura cernitur. quantastudia decertantium sunt? quanta ipsa certamina? ut illi efferuntur laetitia, cum uicerint? ut pudet uictos? ut se accusari nolunt? quam cupiunt laudari? quos illi labores non perferunt, ut aequalium principes sint? quae memoria est in his bene merentium? quae referendae gratiae cupiditas? atque ea in optima quaque indole maxime apparent. in qua haec honesta, quae intelligimus, a natura tamquam adumbrantur. Sed haec in pueris expressa; in ijs uero aetatibus, quae iam confirmatae sunt, quis est tam dissimilis homini, qui non moueatur & offensione turpitudinis, & comprobatione honestatis? quis est, qui non oderit libidinosam, proteruam adolescentiam? quis contra in illa aetate pudorem, constantiam, etiam si sua nihil intersit, non tamen diligit? quis Paullum Numitorem, Fregellanum proditorem, quamquam reip. nostrae profuit, non odit? quis urbis conseruatorem Codrum, quis Erechthei filias non maxime laudat? cui Tubuli nomen odio non est? quis Aristidem mortuum non diligit? An obliuiscimur, quantopere in audiendo, legendoque mo-

x 2

neamur,

DE FINIBVS

ueamur, cum pie, cum amice, cum magno animo
aliquid factum cognoscimus? Quid loquar de nobis,
qui ad laudem, & ad decus nati, suscepti, instituti
sumus? qui clamores vulgi, atque imperitorum ex-
citantur in theatris, cum illa dicuntur?

Ego sum Orestes:

contraq. ab altero:

Immo enimvero ego sum, inquam, Orestes.
cum autem etiam exitus ab utroque datur contur-
bato, errantiq. regi: ambos ergo una uiuere preca-
mur. quoties hoc agitur, quando ue, nisi admira-
tionibus maximis? Nemo est igitur, qui non hanc
affectionem animi probet, atque laudet: qua non
modo utilitas nulla quaeritur; sed contra utilitatem
etiam conseruatur fides. Talibus exemplis non fi-
ctae solū fabulae, uerū etiam historiae refertae sunt,
et quidem maxime nostrae. nos enim ad sacra Idaea
concupienda optimum uirum delegimus: nos tuto-
res misimus regibus: nostri imperatores pro salute
patriae sua capita uouerunt: nostri consules regem
inimicissimum, moenibus iam appropinquantē, mo-
nuerunt, a ueneno ut cauere: nostra in rep. et, quae
per uim oblatum stuprum uoluntaria morte lueret,
inuenta est; et, qui interficeret filiam, ne stupraretur.
Quae quidem omnia, & innumerabilia praete-
rea, quis est, qui non intelligat, et eos qui fecerunt,
dignitatis splendore ductos, immemores fuisse utili-
tatum suarum; nosque, cum ea laudamus, nulla alia
re, nisi honestate, duci? Quibus rebus breuiter ex-
positis,

positis, (nec enim sum copiam, quam potui, quia
dubitatio in re nulla erat, persecutus) sed his rebus
concluditur profecto, & uirtutes omnes, & hone-
stum illud, quod ex his uirtutibus exoritur, et in his
haeret, esse per se expetendum. In omni autem hone-
sto, de quo loquimur, nihil est tam illustre, nec quod
latius pateat, quam coniunctio inter homines homi-
num, & quasi quaedam societas, & communicatio
utilitatum, & ipsa caritas generis humani: quae na-
ta a primo satū, quo a procreatoribus nati diligen-
tur, & tota domus coniugio, & stirpe coniungitur,
serpit sensim foras cognationibus primum, tum affe-
nitatibus, deinde amicitijs, post uicinitatibus, tum
ciuibus, & ijs, qui publice focij, atque amici sunt,
deinde totius complexu gētis humanae. quae animi
affectio suum cuique tribuens, atque hanc, quam
dico, societatem coniunctionis humanae munifice,
& aequae tuens, iustitia dicitur. cui adiunctae sunt
pietas, bonitas, liberalitas, benignitas, comitas,
quaeque sunt generis eiusdem. Atque haec ita iustitiae
propria sunt, ut sunt uirtutum reliquarum commu-
nia. nam cum sic hominis natura generata sit, ut ha-
beat quiddam innatum quasi ciuile, atque popula-
re, quod Graeci πολιτικὸν uocant: quidquid ager
quaeque uirtus, id a communitate, & ea, quam ex-
posui, caritate, atque societate humana non abhor-
rebit: uicissimque iustitia, ut ipsa se fundet usu in cete-
ras uirtutes, sic illas expetet. seruari enim iustitia,
nisi a sorte uiro, nisi a sapiente, non potest. Qualis
x 3 est

DE FINIBVS

est igitur omnis haec, quam dico, conspiratio, consensuq. uirtutū: tale est illud ipsum honestum: quandoquidem honestum aut ipsa uirtus est, aut res gestata uirtute. quibus in rebus uita consentiens, uirtutibusq. respondens, recta, & honesta, & constans, & naturae congruens existimari potest. Atque haec coniunctio, confusioq. uirtutum tamen a philosophis ratione quadam distinguitur. nam cum ita copulatae, connexaeq. sunt, ut omnes omnium participes sint, nec alia possit separari: tamen proprium suum cuiusque munus est, ut fortitudo in laboribus, periculisq. cernatur, temperantia in praetermittendis uoluptatibus, prudentia in dellectu bonorum, et malorum, iustitia in suo cuique tribuendo. quando igitur inest in omni uirtute cura quaedam quasi foras spectans, aliosq. appetens, atque complectens; existit illud, ut amici, ut fratres, ut propinqui, ut affines, ut ciues, ut omnes denique, quando unam societatem hominum esse uolumus, propter se expetendi sint. atque eorum nihil est eius generis, ut sit in fine, atque extremo bonorū. ita sit, ut duo genera propter se expetendorum reperiantur: unum, quod est in ijs, quibus completur illud extremum: quae sunt aut animi, aut corporis. haec autem, quae sunt extrinsecus, id est quae neque in animo sunt, neque in corpore, ut amici, ut parentes, ut liberi, ut propinqui, ut ipsa patria, sunt illa quidem sua sponte cara, sed eodem in genere, quo illa, non sunt. nec uero quisquam summum bonum assequi unquam posset,

posset, si omnia illa, quae sunt extra, quamquam expetenda, summo bono continerentur. Quo modo igitur, inquires, uerum esse poterit, omnia referri ad summum bonum, si amicitiae, si propinquitates, si reliqua externa summo bono non continentur? haec uidelicet ratione; quod ea, quae externa sunt, ijs tuemur officijs, quae oriuntur a suo cuiusque genere uirtutis. nam & amici cultus, & parentis, et qui officio fungitur, in eo ipso prodest, quod, ita summi officio, in recte factis est: quae sunt orta uirtutibus: quae quidem sapientes sequuntur utentes tamquam luce natura. non perfecti autem homines, & tamen ingenijs excellentibus praeditis, excitantur spe gloriae: quae habet formam honestatis, & similitudinem. quod si ipsam honestatem undique perfectam, & absolutam, rem unam praeclarissimam omnium, maximeq. laudandam, penitus uiderent: quoniam gaudio complerentur; cum tantopere eius adumbrata opinione laetentur? quem enim deditur uoluptatibus, cupiditatum incendijs inflammatum, in ijs pitendis, quae acerrime concupiuiisset, tanta laetitia persundi arbitramur, quanta aut superiorem Africanum Annibale uicto, aut posteriorem Carthaginem euersa? quem Tiberina decursio festo illo die tanto gaudio affecit, quanto L. Paullum, cum regem Iensen captum adduceret, eodem flumine inuectum? Age nunc, Luci noster, extrue animo altitudinem, excellentiamq. uirtutum: iam non dubitabis, quin earum compotes homines, magno ani-

x 4 mo,

DE FINIBVS

mo, erectoq. uiuentes, semper sint beati: qui omnes motus fortunae, mutationesq. rerum, & temporum leues, & imbecilles fore intelligant, si in uirtutis certamen uenerint. illa enim, quae sunt a nobis bona corporis numerata, complent ea quidem beatissimam uitam, sed ita, ut sine illis possit beata uita existere. ita enim paruae, et exiguae sunt istae accessiones bonorum, ut, quemadmodum stellae in radio solis, sic istae in uirtutum splendore ne cernantur quidem. atque, haec, ut uere dicitur, parua esse ad beate uiuendum momenta ista corporis commodorum: sic nimis uiolentum est, nulla esse dicere. qui enim sic disputant, obliti mihi uidentur, quae ipsi egerint principia naturae. tribuendum est gitor his aliquid, dummodo, quantum tribuendum sit, intelligas. est tamen philosophi non tam gloriosa, quam nera quaerētis, nec pro nihilo putare ea quae secundum naturam illi ipsi gloriosi esse fatebantur, & uidere tantam uim uirtutis, tantamque, ut ita dicam, auctoritatem honestatis, ut reliqua non illa quidem nulla, sed ita parua sint, ut nulla esse uideantur. Haec est non omnia spernentis praeter uirtutē, & uirtutem ipsam suis laudibus amplificantis oratio. denique haec est undique completa, & perfecta explicatio summi boni. hinc ceteri particulas arripere conati, suam quisque uideri uoluit afferrē sententiam. Saepe ab Aristotele, & Theophrasto mirabiliter est laudata per se ipsa rerum sciētia. hoc uocatus Herillus, scientiam summum bonum esse defendit,

sendis, nec rem ullam aliam per se expetendam.

Multa sunt dicta ab antiquis de contemnendis, ac despiciendis rebus humanis. hoc unum Aristo tenuit: praeter uitia, atque uirtutes, negauit rem esse ullam aut fugiendam, aut expetendam. Positum est a nostris in ijs rebus, quae secundum naturam essent, non dolere. hoc Hieronymus summum bonum esse dixit; at uero Callipho, et post eum Diodorus, cum alter uoluptatem adamauisset, alter uacuitatem doloris, neuter honestate carere potuit, quae est a nostris laudata maxime. Quin etiam ipsi uoluptarij diuertacula quaerant, et uirtutes habeant in ore totos dies; uoluptatemq. primo duntaxat expeti dicant, deinde consuetudine quasi alteram quamdam naturam effici; qua impulsu multa faciunt, nullam quaerentes uoluptatem. Stoici restant. hi quidem non unam aliquam, aut alteram a nobis, sed totam ad se nostram philosophiam transfulerunt: atque, ut reliqui fures earum rerum, quas ceperunt, signa commutant: sic illi, ut sententijs nostris pro suis uterentur, nomina, tamquam rerum notas, mutauerunt. ita relinquitur sola haec disciplina digna studiosis ingenuarum artium, digna eruditis, digna claris iuris, digna principibus, digna regibus.

Quae cum dixisset, paulumq. institisset, quid est, inquit? satis ne uobis uideor pro meo iure in uestris auribus commentatus? Et ego, tu uero, inquam, Tiso, ut saepe alias, sic hodie ita ista nosse uisus es, ut, si tui copia nobis semper fieret, non multum

Gyzei

Le Nat. 1.

DE FINIBVS

Graecis supplicandū putarem . quod quidem eo probaui magis , quia memini Staseam Neapolitanum , doctorem illum tuum , nobilem sane Peripateticum , aliquanto ista secus dicere solitum , assentientem ijs , qui multum in fortuna secunda , aut aduersa , multum in bonis , aut malis corporis ponerent . Est ut dicis , inquit : sed haec ab Antiocho , nostro familiari , dicuntur multo melius , & fortius , quam a Stasea dicebantur . quamquam ego non quaero , quid tibi a me probatum sit , sed huic Ciceroni nostro , quem discipulum cupio a te abducere . Tum Lucius : mihi uero ista ualde probata sunt : quod item fratri puto . Tum mihi Piso , quid ergo , inquit ? das ne adolescenti ueniam ; an eum discere ea manus , quae cum praeclare didicerit , nihil sciat ? Ego uero , inquam , permitto . sed non ne meministi mihi licere probare ista , quae sunt a te dicta ? quis enim potest ea , quae probabilia uideantur ei , non probare ? An uero , inquit , quisquam potest probare , quod perceptum , quod comprehensum , quod cognitum non habet ? Non est ista , inquam , Piso , magna dissensio . nihil est enim aliud , quam obrem nihil percipi mihi posse uideatur , nisi quod percipiendi uis ita definitur a Stoicis , ut negent quidquam posse percipi , nisi tale uerum , quale falsum esse non possit . itaque haec cum illis est dissensio , cum Peripateticis nulla sane . Sed haec omittamus : habent enim et bene longam , & satis litigiosam disputationem . Illud mihi a te nimium festinanter dictum uidetur , sapientes omnes

168
L. 1. 1. 17.
8 Clu. 57.

omnes esse semper beatos. nescio quo modo praeter-
uolauit oratio. quod nisi ita efficitur; quae Theopha-
stus de fortuna, de dolore, de cruciatu corporis di-
xit, cum quibus coniungi beatam uitam nullo modo
posse putauit, uereor ne uera sint. nam illud uehe-
menter repugnat, eundem & beatum esse, & mul-
tis malis oppressum. haec quo modo conueniant, non
sane intelligo. Vtrum igitur tibi non placet, in-
quit, uirtutis tantam uim esse, ut ad beate uiuen-
dum se ipsa contenta sit: an, si id probas, illa fieri
posse negas, ut ij, qui uirtutis compotes sint, etiam
malis quibusdam affecti, beati sint? Ego uero no-
lo in uirtute uim esse quam maximam: sed, quanta
sit, alias: nunc tantum, possit ne esse tanta, si quid-
quam extra uirtutem habeatur in bonis. Atqui,
inquit, si Stoicis concedis, ut uirtus sola, si adsit, ui-
tam efficiat beatam: concedis etiam Peripateticis.
quae enim mala illi non audent appellare; aspera au-
tem, & incommoda, & reijcienda, & aliena na-
turae esse, concedunt; ea nos mala dicimus, sed exi-
gua, & porro minima. quare, si potest esse beatus
is, qui est in asperis, reijciendisq. rebus; potest is
quoque esse, qui est in paruis malis. Et ego, Piso,
inquam, si est quisquam, qui acute in causis uidere
soleat, quae res agatur; is es profecto tu: quare at-
tende, quaeso. nam adhuc, meo fortasse uitio, quid
ego quaeram, non perspicias. Istic sum, inquit; ex-
pectoque, quid ad id, quod quaeram, respondeas.

Respondebo me non quaerere, inquam, hoc tem-
poris,

DE FINIBVS

pore, quid uirtus possit efficere, sed quid constanter dicatur, quid ipsum a se dissentiat. Quo igitur, inquit, modo? Quia cum a Zenone, inquam, hoc magnifice, tamquam ex oraculo, editur, uirtus ad beate uiuendum se ipsa contenta est. Quare, inquit? Respondet: quia, nisi quod honestum est, nullum est aliud bonum. non quaero iam, uerum ne sit: illud dico, ea, quae dicat, praeclare inter se cohaerere. dixerit hoc quidem Epicurus, semper beatum esse sapientem: quod quidem solet ebullire non numquam. quem quidem, cum summis doloribus conficiatur, ait dicturum, quam suauis est, quam nihil curo. non pugnem cum homine, cur tantum habeat in natura boni: illud urgeam, non intelligere eum quid sibi dicendum sit, cum dolorem summum malum esse dixerit. eadem nunc mea aduersum te oratio est. Dicis eadem omnia & bona, & mala; quae quidem dicunt, qui numquam philosophum pietum, ut dicitur, uiderunt; ualetudinem, uires, staturam, formam, integritatem unguiculorum omnium; deformitatem, morbum, debilitatem, mala. iam illa externa parce tu quidem. sed haec cum corporis bona sint, eorum conscientia certe in bonis numerabis, amicos, liberos, propinquos, diuitias, honores, opes. contra haec attende me nihil dicere: si ista mala sunt, in quae potest incidere sapiens; sapientem esse, non esse ad beate uiuendum satis.

Immo uero, inquit, ad beatissime uiuendum parum est, ad beate uero satis. Animaduerti, inquam,

quam, te isto modo paullo antepondere: & scio ab Antiocho nostro dici sic solere: sed quid minus probandum, quam esse aliquem beatum, nec satis beatum? quod autem satis est, eo quidquid accesserit, nimium est; & nemo nimium beatus est; & nemo beato beatior. Ergo, inquit, tibi Q. Metellus, qui tres filios consules uidit, e quibus unum etiam censorem, & triumphantem, quartum autem praetorem, eosque saluos reliquit, & tres filias nuptas, cum ipse consul, censor etiam, augurque fuisset, & triumphasset; ut sapiens fuerit, non ne beatior, quam, ut item sapiens fuerit, qui in potestate hostium uigilijs, et inedia necatus est, Regulus? Quid me istud rogas, inquam? Stoicos roga. Quid igitur, inquit, eos responsuros putas? Nihil beatiorum esse Metellum, quam Regulum. Inde igitur, inquit, audiendum est. Tamen a proposito, inquam, aberrauimus. non enim, inquam, quaero, quid uerum, sed quid cuique dicendum sit. utinam quidem dicerent alium alio beatiorum: iam ruinas uideres. in uirtute enim sola, & in ipso honesto cum sit bonum positum, cumque nec uirtus, ut placet illis, nec honestum crescat; idque bonum solum sit, quo qui potiatur, necesse est beatus sit, cum id augeri non possit, in quo uno positum est beatum esse: qui potest esse quisquam alius alio beatior? Vides ne, ut haec concinant? et Hercule (fatendum est enim quod sentio) mirabilis est apud illos contextus rerum. respondēt extrema primis, media utriusque, omnia omni-

DE FINIBVS

omnibus : quid sequatur , quid repugnet , uident .
 in geometria prima si dederis , danda sunt omnia .
 concede nihil esse bonum , nisi quod honestum sit :
 concedendum est , in uirtute sola positam esse bea-
 tam uitam . uide rursus retro . dato hoc , dandum e-
 rit illud . quod uestri non item . Tria genera bono-
 rum . procliuius currit oratio : uenit ad extremum :
 haeret in salebra . cupit enim dicere , nihil posse ad
 beatam uitam deesse sapienti . honesta oratio , So-
 cratica , Platonis etiam . audeo dicere , inquit . non
 potest , nisi retexueris illa . Paupertas si malum est ,
 mendicus beatus esse nemo potest , quamuis sit sapi-
 ens . at Zeno eum non beatum modo , sed etiam di-
 uitem dicere ausus est . Dolere malum : in crucem
 qui agitur , beatus esse non potest . Bonum liberi : mi-
 sera orbitas . Bonum patria : miserum exilium . Bo-
 num ualeitudo : miserum morbus . Bonum integri-
 tas corporis : misera debilitas . Bonum incolumis a-
 cies : misera caecitas . quae si potest singula consolan-
 do leuare , uniuersa quo modo sustinebit ? sit enim
 idem caecus , debilis , morbo grauissimo affectus ,
 exul , orbis , egens torqueatur equuleo : quem hunc
 appellas Zeno ? beatum , inquit . etiam beatissimum ?
 quippe , inquiet ; cum tam docuerim gradus istam
 rem non habere , quam uirtutem , in qua sit etiam
 ipsum beatum , tibi hoc incredibile , quia beatissi-
 mum . quid tuum ? credibile ? si enim ad populum
 me uocas ; eum , qui ita sit affectus , beatum num-
 quam probabis : si ad prudentes ; alterum fortasse
 dubita-

dubitabunt, sit ne tantum in uirtute, ut ea praediti
uel in Phalaridis tauro beati sint; alterum non du-
bitabunt, quin & Stoici conuenientia sibi dicant, et
uos repugnantia. Theophrasti igitur, inquit, tibi
liber ille placet de beata uita? Tamen aberramus
a proposito: &, ne longius, prorsus, inquam, Pi-
so, si ista mala sunt, placet. Non ne igitur tibi ui-
dentur, inquit, mala? Id quaeris, inquam; in quo
utrum respondebo, uerses te huc atque illuc neces-
se est. Quo tandem modo, inquit? Quia, si mala
sunt, is, qui erit in his, beatus non erit: si mala non
sunt, iacet omnis ratio Peripateticorum. Et ille ri-
dens, uideo, inquit, quid agas: ne discipulum abdu-
cas, times. Tu uero, inquam, ducas licet, si sequa-
tur. erit etiam mecum, si tecum erit. Audi igitur,
inquit, Luci. tecum enim, ut ait Theophrastus, mi-
hi instituenda oratio est. Omnis auctoritas philoso-
phiae consistit in beata uita comparanda: beate enim
uiuendi cupiditate incensi omnes sumus. hoc mihi
cum tuo fratre conuenit. quare hoc uidendum est,
possit ne nobis hoc ratio philosophorum dare: polli-
cetur certe, nisi enim id faceret, cur Plato Aegy-
ptum peragrauit, ut a sacerdotibus barbaris nume-
ros, & caelestia acciperet? cur post Tarentum ad
Architam? cur ad ceteros Pythagoreos, Echecria-
tem, Timaeum, Acrionem Locros, ut, cum Socra-
tem expressisset, adiungeret Pythagoreorum disci-
plinam, eaque, quae Socrates repudiabat, ascisceret?
cur ipse Pythagoras & Aegyptum lustrauit, &
Persa-

DE FINIBVS

Persarum magos adiit? cur tantas regiones barbarorum pedibus obiit? tot maria trāsmisit? cur haec eadem Democritus? qui (uere, falso ne, quaeremus) dicitur oculis se priuasse: certe, ut quamminime animus a cogitationibus abduceretur, patrimonium neglexit, agros deseruit incultos, quid quaerens aliud, nisi beatam uitam? quam si etiam in rerum cognitione ponebat; tamen ex illa inuestigatione naturae consequi uolebat, ut esset bono animo. id enim ille summum bonum ἀδούλιαν, & saepe ἀνακτίαν appellat, id est animum terrore liberum. sed haec etsi praeclare, non dum tamen et perpolita. pauca enim, neque ea ipsa enucleate, ab hoc de uirtute quidem dicta: post enim haec in hac urbe primum a Socrate quaeri coepta, deinde in hunc locum delata sunt: nec dubitatum, quin in uirtute omnis ut bene, sic etiam beate uiuendi spes poneretur. quae cum Zeno didicisset a nostris, ut in actionibus perscribi solet, de re eadem fecit alio modo. hoc tu nunc in illo probas. scilicet, uocabulis rerum mutatis, instantiae crimen ille effugit, nos effugere non possumus? ille Metelli uitam negat beatiorē, quam Reguli, praepo-
nendam tamen, nec magis expetendam, sed magis sumendam, & si optio esset, eligendam Metelli, reiiciendam Reguli: ego, quam ille praepo-
nendam, & magis eligendam, beatiorē hanc appello; nec ullo minimo momento plus ei uitae tribuo, quam Stoici. quid interest, nisi quod ego res notas notis uerbis appello, illi nomina noua quaerunt, qui
bus

bus idem dicant? ita, quemadmodum in senatu semper est aliquis, qui interpretem postulet: sic isti nobis cum interprete audiendi sunt. bonum appello, quidquid secundum naturam est; quod contra, malum. nec ego solus; sed tu etiam Chrysippe in foro, domi, in schola definis. quid ergo? aliter homines, aliter philosophos loqui putes oportere, quâti quidque sit, aliter doctos, et indoctos? sed, cum constiterit inter doctos, quanti res quaeque sit; si homines essent, usitate loquerentur. dum res maneant, uerba fingant arbitratu suo. Sed uenio ad inconstantiae crimen; ne saepius dicas me aberrare: quam tu ponis in uerbis, ego positâ in re putabam. Si satis erit hoc perceptum, in quo adiutores Stoicos optimos habemus, tantam uim esse uirtutis, ut omnia, si ex altera parte ponantur, ne appareant quidem, cum omnia, quae illi commoda certe dicunt esse, et sumenda, et eligenda, et praeposita, quae ita definiunt, ut satis magno aestimanda sint: haec igitur cum ego, tot nominibus a Stoicis appellata, partim nouis, et cōmenticijs, ut ista producta, & reiecta, partim idem significantibus, (quid enim interest, expetas, ac eligas? mihi quidem etiam laudatius uidetur, quod eligitur, & ad quod delectus adhibetur) sed cum ego ista bona omnia dixero, tantû refert, quam magna dicam, quam expetenda, quam ualde. sin autem nec expetenda ego magis, quam tu eligenda; nec illa pluris aestimanda ego, qui bona, quam tu, qui producta appellas: omnia ista necesse est obscurari, nec

y appa-

apparere, & in uirtutis, tamquam in solis, radios
 incurrere. At enim, qua in uita est aliquid mali, ea
 esse beata non potest. Nec seges quidem igitur spi-
 cis uberibus, & crebris, si auenam uspiam uideris;
 nec mercatura quaestuosa, si in maximis lucris pa-
 rum aliquid damni contraxerit. an hoc usquequa-
 que aliter in uita, & non ex maxima parte de tota
 iudicabis? an dubium est, quin uirtus ita maximam
 partem obtineat in rebus humanis, ut reliquas ob-
 ruat? audebo igitur, quae secundum naturam sunt,
 bona appellare, nec fraudare suo ueteri nomine,
 quam aliquid potius nouum exquirere, uirtutis au-
 tem amplitudinem quasi in altera librae lance pone-
 re. terram, mihi crede, ea lanx, & maria deprimet.
 semper enim ex eo, quod maximas partes continet,
 latissimeq. funditur, tota res appellatur. Dicimus
 aliquem hilare uiuere: igitur, si semel tristior esse-
 ctus est, hilara uita amissa est? at hoc in eo M. Cras-
 so, quem semel ait in uita risisse Lucillius, non con-
 tigit, ut ea re minus ἀγέλασος, ut ait idem, uocaretur.
 Policratem Samium felicem appellant: nihil
 acciderat ei, quod nollet, nisi quod anullum, quo de-
 lectabatur, in mare abiecerat. ergo infelix una mo-
 lestia. felix rursus; cum is ipse annulus in praecor-
 dijs piscis inuentus est. ille uero, si insipiens; quod
 certe, quoniam tyrannus; numquam beatus: si sa-
 piens; ne tum quidem miser, cum ab Oronte, praeto-
 re Darei, in crucem actus est. at multis malis affe-
 ctus. quis negat? sed ea mala uirtutis magnitudine
 obrue-

223:

Plin.

Strabo.

obruerantur. An ne hoc quidem Peripateticis cōcedis, ut dicant, omnium uirorum bonorum, id est sapientum, omnibusq. uirtutibus ornatorum, uitam omnibus partibus plus habere semper boni, quam mali? quis hoc dicit? Stoicis licet minime: sed isti ipsi, qui uoluptate, & dolore omnia metiuntur, non ne clamant, sapienti plus semper adesse, quod uelit, quam quod nolit? cum tantum igitur in uirtute ponant ij, qui se fatentur uirtutis causa, nisi ea uoluptatem acciret, ne manum quidem uersuros fuisse: quid facere nos oportet, qui quamuis minimam animi praestantiam omnibus bonis corpori antequam dicamus, ut ea ne in conspectu quidem relinquuntur? quis enim est, qui, haec cadere in sapientem, dicere audeat, ut, si fieri possit, uirtutem in perpetuum abiciat, ut dolore omni liberetur? quis nostrum dixerit, quos non pudet ea, quae Stoici aspera dicunt, mala dicere, melius esse, turpiter aliquid facere cum uoluptate, quam honeste cum dolore? nobis Heraclites ille Dionysius flagitiose descivisse uidetur a Stoicis propter oculorum dolorem. quis uero hoc didicisset a Zenone, non dolere, cum doleret? illud audierat, nec tamen didicerat, malum illud non esse, quia turpe non esset, & esset ferendum uirgo. hic si Peripateticus fuisset, permansisset, credo, in sententia; quoniam dolorem dicunt malum esse. de asperitate autem eius fortiter ferenda praecipunt eadem, quae Stoici. et quidem Arcesilas tuus, etsi fuit in disserendo pertinacior, tamen noster fuit: erat enim Peripateticus.

DE FINIBVS

lemonis : is cum arderet podagrae doloribus, uisitaf-
setq. hominem Carneades, Epicuri per familiaris,
& tristis exiret, mane, quae so, inquit, Carneade no-
ster : nihil illinc huc peruenit : ostendit pedes, & pe-
ctus : attamen hic mallet non dolere. Haec igitur est
nostra ratio ; quae tibi uidetur inconstans : cum pro-
pter uirtutis caelestem quandam, et diuinam, tan-
tamq. praestantiam, ut, ubi uirtus sit, resq. magnae
sumendae, laudabilesq. uirtute gestae, ibi esse mise-
ria, et aerumna non possit, tamen labor possit, et mo-
lestia ; non dubitem dicere, omnes sapientes semper
beatos esse, sed tamen fieri posse, ut sit alius alio bea-
tior. Atqui iste locus est, Piso, tibi etiam atque e-
tiam confirmandus, inquam : quem si tenueris, non
modo mecum Ciceronem, sed etiam me ipsum abdu-
cas licebit. Dum Quinctus, mihi quidem, inquit, sa-
tis hoc confirmatū uidetur. laetor quidem, philoso-
phiam, cuius antea supellectilem pluris aestimabā,
quam possessiones reliquorum ; (ita mihi diues uide-
batur, ut ab ea petere possem, quidquid in studiis no-
stris concupissem) hanc igitur laetor etiam acutiorē
reperitā, quam ceteras : quod quidam ei deesse dice-
bant. Num quam nostrā quidem? inquit Pōponius
iocās. sed mehercule pergrata mihi oratio tua. quae
enim dici latine posse non arbitrabar, ea dicta sunt
a te, nec minus plane, quam dicuntur a Graecis, uer-
bis aptis. Sed tēpus est, si uidetur : et recta quidem
ad me. Quod cum ille dixisset ; et satis disputatū ui-
deretur ; in opidum ad Pōponiū perreximus omnes.

M. IVL-

171
M. TVLLII CICERONIS
TVSCVLANARVM

DISPVATIONVM,

AD M. BRVTVM,
LIBER I.

de contemnenda morte.

CVM defensionum laboribus, senato-
rijsq. muneribus aut omnino, aut ma-
gna ex parte essem aliquando libera-
tus; retuli me, Brute, te hortante ma-
xime, ad ea studia, quae retenta animo, remissa tem-
poribus, longo intervallo intermissa reuocaui. et cum
omnium artium, quae ad rectam uiuendi uiam per-
tinerent, ratio & disciplina studio sapientiae, quae
philosophia dicitur, contineretur: hoc mihi latinis
litteris illustrandum putavi: non quia philosophia
graecis & litteris, et doctoribus percipi non posset
sed meum iudicium semper fuit, omnia nostros aut
inuenisse per se sapientius, quam Graecos; aut acce-
pta ab illis, fecisse meliora, quae quidem digna sta-
tuissent, in quibus elaborarent. nam mores, & in-
stituta uitae, resq. domesticae, ac familiares nos
profecto & melius tuemur, & lautius: rem uero
publicam nostri maiores certe melioribus tempera-
uerunt & institutis, & legibus. Quid loquar de re
militari? in qua cum uirtute nostri multum ualue-
runt, tum plus etiam disciplina. Iam illa, quae na-

y 3 turā,

prol. Man 4.
Quin. lib 5.

107.
61.

tura; non litteris, affecuti sunt, neque cum Graecis, neque ulla cum gente sunt conferenda. quae enim tanta grauitas, quae tanta constantia, magnitudo animi, probitas, fides, quae tam excellens in omni genere uirtus in ullis fuit, ut sit cum maioribus nostris comparanda? doctrina Graecia nos, & omni litterarum genere superabat. in quo erat facile uincere non repugnantes. nam cum apud Graecos antiquissimum e doctis sit genus poetarum; siquidem Homerus fuit, et Hesiodus ante Romam conditam Archilochus regnante Romulo: serius poeticam nos accepimus. annis enim fere D x post Romam conditam Liuius fabulam dedit, C. Claudio Caeci filio, M. Tuditano cos. anno ante natum Ennium: qui fuit maior natu, quam Plautus, & Neuius. sero igitur a nostris poetae uel cogniti, uel recepti. quamquam est in Originibus, solitos esse in epulis canere conuiuas ad tibicinem de clarorum hominum uirtutibus. honorem tamen huic generi non fuisse, declarat oratio Catonis, in qua obiecit ut probrum M. Nobiliori, quod is in prouinciam poetas duxisset. duxerat autem consul ille in Aetoliam, ut scimus, Ennium. Quo minus ergo honoris erat poetis, eo minora studia fuerunt. nec tamen, si qui magnis ingenius in eo genere extiterunt, non satis Graecorum gloriae responderunt. An censemus, si Fabio, nobilissimo homini, laudi datum esset, quod pingueret, non multos etiam apud nos futuros Polycletos, et Parrhasios fuisse? honos alit artes: omnesq.
incen-

Declar.

incenduntur ad studia gloria; iacentq. ea semper; quae apud quosque improbantur. Summam eruditionem Graeci sitam censebant in neruorum, uocumq. cantibus. igitur & Epaminondas, princeps meo iudicio Graeciae, fidibus praeclare cecinisse dicitur: Themistoclesq. aliquot ante annis, cū in epulis recusasset lyram, habitus est indoctior. ergo in Graecia musici floruerunt; discebantq. id omnes; nec, qui nesciebat, satis excultus doctrina putabatur. In summo apud illos honore geometria fuit: itaque nihil mathematicis illustrius. at nos metiendi, ratiocinandi, utilitate huius artis terminauimus modum. at contra oratorem celeriter complexi sumus, nec eum primo eruditum, aptum tamen ad dicendum, post autem eruditum. nam, Galbam, Africanum, Laelium doctos fuisse, memoriae traditum est, studiosum autem eum, qui hos aetate anteibat, Catonem, post uero Lepidum, Carbonem, Gracchos, deinde ita magnos nostram ad aetatem, ut non multum, aut nihil omnino Graecis cederetur. Philosophia iacuit usque ad hanc aetatem, nec ullum habuit lumen litterarum latinarū: quae illustranda, & excitanda nobis est; ut, si occupati profuimus aliquid ciuibz nostris, profimus etiam, si possumus, otiosi. in quo eo magis nobis est elaborandum, quod multi iam esse latini libri dicundur, scripti inconsiderate ab optimis illis quidem uiris, sed non satis eruditis. fieri autem potest, ut recte quis sentiat, et id, quod sentit, polite eloqui non possit: sed, mandare

quamquam litteris cogitationes suas, qui eas nec dis-
 sponere, nec illustrare possit, nec delectatione aliqua
 allicere lectorem, hominis est intemperanter abuten-
 tis & otio, & litteris. itaque suos libros ipsi legunt
 cum suis, nec quisquam attingit, praeter eos, qui ean-
 dem licentiam scribendi sibi permitti uolunt. Qua-
 re, si aliquid oratoriae laudi nostra attulimus indu-
 stria; multo studiosius philosophiae fontes aperie-
 mus, e quibus etiam illa manabant. sed ut Aristo-
 teles, uir summo ingenio, scientiae copia, cum mo-
 tus esset Isocratis rhetoris gloria, dicere etiam coe-
 pit adolescentes docere, & prudentiam cum elo-
 quentia iungere: sic nobis placet nec pristinum dicen-
 di studium deponere, & in hac maiore, & uberio-
 re arte uersari. hanc enim perfectam philosophiam
 semper iudicavi, quae de maximis quaestionibus co-
 piose posset, ornateq. dicere. in quam exercitatio-
 nem ita nos studiose operam dedimus, ut iam etiam
 scholas Graecorum more habere auderemus: ut nu-
 per, tuum post discessum, in Tusculano, cum essent
 complures mecum familiares, tentavi quid in eo ge-
 nere possem. ut enim antea declamitabam causas;
 quae nemo me diutius fecit: sic haec mihi nunc senilis
 est declamatio. ponere iubebam, de quo quis audire
 uellet: & id aut sedens, aut ambulans disputabam.
 itaque dierum quinque scholas, ut Graeci appellant,
 in totidem libros contuli. fiebat autem ita, ut, cum
 is, qui audire uellet, dixisset, quid sibi uideretur,
 tum ego contra dicerem. haec est enim, ut scis, ue-
 tus,

tus, & Socratica ratio, contra alterius opinionem differendi. nam, ita facillime, quod ueri simillimum esset, inueniri posse, Socrates arbitrabatur. Sed, quo commodius disputationes explicentur, sic eas exponam, quasi agatur res, non quasi narretur. ergo ita nascatur exordium.

AUDITOR. Malum mihi uidetur esse mors.

MARCUS. Iis ne, qui mortui sunt, an ijs, quibus moriendum est? A. Vtrisque. M. Est igitur miserum, quoniam malum. A. Certe. M. Ergo & ij, quibus euenit iam, ut morentur, & ij, quibus euenturum est, miseri. A. Mihi ita uidetur. M. Nemo ergo non miser. A. Prorsus nemo. M. Et quidem, si tibi constare uis, omnes, quicumque nati sunt, erunt ue, non solum miseri, sed etiam semper miseri. nam si solos eos dices miseros, quibus moriendum esset: neminem tu quidem eorum, qui uiuerent, exciperes: moriendum est enim omnibus: esset tamen miseriae finis in morte. quoniam autem etiam mortui miseri sunt; in miseriam nascimur sempiternam. necesse est enim miseros esse eos, qui centum millibus annorum ante occiderunt, uel potius omnes, quicumque nati sunt. A. Ita prorsus existimo. M. Dic quaeso, num te illa terrent, triceps apud inferos Cerberus, Cocyti fremitus, transuectio Acherontis, mento summam aquam attingens siti enectus Tantalus? nam illud,

- quod Sisyphu' uersat,
Saxum, sudans nitendo, neque proficit hilum?
fortasse

fortasse etiam, inexorabiles indices, Minos, & Rhadamanthus? apud quos nec te L. Crassus defendet, nec M. Antonius; nec, quoniam apud Graecos indices res agetur, poteris adhibere Demosthenem: tibi ipsi pro te erit maxima corona causa dicenda.

87n. lib. 4. 96: haec fortasse metuis, & ideo mortem censes esse sempiternum malum. A. Adeo ne me delirare censes, ut ista esse credam? M. An tu haec non credis? A. Minime uero. M. Male hercule narras: cur,

Hor. C. lib. 1. 90 quae so? A. Quia disertus esse possem, si contra ista dicerem, quis enim non in eiusmodi causa? aut quid negotij est, haec poetarum & pictorum portenta convincere? M. Atqui pleni sunt libri philosophorum contra ista ipsa differentium. A. Inepte sane. quis est enim tam excors, quem ista moueant? M. Si ergo apud inferos miseri non sunt, ne sunt quidem apud inferos ulli. A. Ita prorsus existimo. M.

Horat. Poet. Vbi ergo sunt ii, quos miseros dicis? aut quem locum incolunt? si enim sunt, nusquam esse non possunt. A. Ego uero nusquam esse illos puto. M. Igitur ne esse quidem. A. Prorsus isto modo: & tamen miseros ob id ipsum quidem, quia nulli sunt. M. Iam mallem Cerberum metueres, quam ista tam inconsiderate dicere. A. Qui tandem? M. Quem esse negas, eundem esse dicis: ubi est acumen tuum? cum enim miserum esse dicis, tum eum, qui non sit, dicis esse. A. Non sum ita bebes, ut ista dicam. M. Quid dicis igitur? A. Miserum esse, uerbi causa, M. Crassum, qui illas fortunas morte dimiserit; miserum

Cn.

En. Pompeium, qui tanta gloria sit orbatus; omnes denique miseros, qui hac luce careant. M. Reuolueris eodem. sint enim oportet, si miseri sunt. tu autem modo negabas eos esse, qui mortui essent. si igitur non sunt, nihil possunt esse: ita ne miseri quidem sunt. A. Non dico fortasse etiam, quod sentio. non istud ipsum, non esse, cum fueris, miserimum puto. M. Quid miserius, quam omnino numquam fuisse? ita, qui nondum nati sunt, quia non sunt, miseri iam sunt: & nos ipsi, si post mortem miseri futuri sumus, miseri fuimus, ante quam nati. ego autem non commemini, ante quam sum natus, me miserum. tu, si meliore memoria es, uelim scire, ecquid de te recordere. A. Ita iocaris, quasi ego dicam eos esse miseros, qui nati non sunt, & non eos miseros, qui mortui sunt. M. Esse ergo eos dicis. A. Immo, quia non sunt, cum fuerint, eos miseros esse. M. Pugnantia te loqui non uides? quid enim tam pugnat, quam non modo miserum, sed omnino quidquam esse, qui non sit? an tu, egressus porta Capena, cum Calatini, Scipionum, Seruiliorum, Metellorum sepulcra uides, miseros putas illos? A. Quoniam me uerbo premis, posthac non ita dicam, miseros esse, sed tantum miseros, ob id ipsum, quia non sunt. M. Non dicis igitur, miser est M. Crassus, sed tantum, miser M. Crassus. A. Ita plane. M. Quasi non necesse sit, quidquid isto modo pronuncies, id aut esse, aut non esse. an tu dialecticis ne imbutus quidem es? in primis
enim

TVSC. DISPVT.

enim hoc traditur . omne pronuntiatum, (sic enim mihi in praesentia occurrit, ut appellarem α'ξιωμα: utar post alio, si inuenero melius) id ergo est pronuntiatum, quod aut uerum, aut falsum esse dicitur . cum igitur dicis, miser M. Crassus; aut hoc dicis, miser est M. Crassus; ut possit iudicari, uerum id, falsum ne sit; aut nihil dicis omnino. A. Age, iam concedo non esse miseros, qui mortui sunt; quoniam extorsisti ut faterer, qui omnino non essent, eos ne miseros quidem esse posse: quid? qui uiuimus, cum moriendum sit, non ne miseri sumus? quae enim potest in uita esse iucunditas, cum dies & noctes cogitandum sit, iam iamq. esse moriendum? M. Ecquid ergo intelligis, quantum mali ex humana condicione deieceris? A. Quonam modo? M. Quia, si mori etiam mortuis miserum esset, infinitum quoddam et sempiternum malum haberemus in uita . nunc uideo calcem; ad quem cum sit decursus, nihil sit praeterea extimescendum. sed tu mihi uideris Epicharmi, acuti, nec insulsi hominis, ut Sicuti, sententiam sequi . A. Quam? non enim noui. M. Dicam, si potero, latine. scis enim me graece loqui in latino sermone non plus solere, quam in graeco latine. A. Et recte quidem . sed quae tandem est Epicharmi ista sententia? M. Emori nolo: sed, me esse mortuum, nihili aestimo . A. Iam agnosco graecum: sed quoniam coegisti, ut concederem, qui mortui essent, eos miseros non esse; perfice, si potes, ut ne moriendum quidem esse miserum

miserum putem. M. Iam istuc quidem nihil negotij est: sed etiam maiora molior. A. Quo modo hoc nihil negotij est? aut quae tandem sunt ista maiora?

M. Quoniam, si post mortem nihil est mali, ne mors quidem est malum; cui proximum tempus est post mortem, in quo mali nihil esse concedis. ita ne moriendum quidem esse malum est. id est enim, perueniendum esse ad id, quod non esse malum confitemur. A. Vberius ista, quaeso. haec enim spinosiora prius, ut confitear, me cogunt, quam ut assentiar. sed quae sunt ea, quae dicis te maiora moliri? M. Ut doceam, si possim, non modo malum non esse, sed bonum etiam esse mortem. A. Non postulo id quidem, aueo tamen audire. ut enim non efficias, quod uis; tamen, mors ut malum non sit, efficies. sed nihil te interpellabo: continentem orationem audire malo. M. Quid, si te rogauero aliquid, non ne respondebis? A. Superbi id quidem esset; sed, nisi quid necesse erit, malo ne roges. M. Geram tibi morem, & ea, quae uis, ut potero, explicabo, nec tamen quasi Pythius Apollo, certa ut sint, & fixa, quae dixero, sed ut homunculus unus e multis, probabilia coniectura sequens. ultra enim quo progrediar, quam ut ueri similia uideam, non habeo. certa dicent ij, qui & percipi ea posse dicunt, & se sapientes esse profitentur. A. Tu, ut uidetur: nos ad audiendum parati sumus. M. Mors igitur ipsa, quae uidetur notissima res esse, quid sit, primum est uidendum. sunt enim, qui discessum animi a corpore putent

83.

fam. lib. v. 11

facit mortem
Optimo putent esse mortem. sunt, qui nullum censeant fieri
fieri discessum, sed una animum & corpus occidere, ani-
 mumq. cum corpore extinguit. Qui discedere ani-
 mum censent, alij statim dissipari, alij diu permane-
 re, alij semper. quid sit porro ipse animus, aut ubi,
 aut unde, magna dissensio est. alij cor ipsum ani-
 mus uidetur: ex quo excordes, necordes, concor-
 desq. dicuntur: & Nascia ille prudens, bis consul,
 Corculum; &
Cor. 21.
30. Egregie cordatus homo, Catus Aelin' Sextus.
 Empedocles animum esse censet, cordi suffusum
 sanguinem. alij pars quaedam cerebri uisa est ani-
 mi principatum tenere. alij nec cor ipsum placet,
 nec cerebri quandam partem esse animum: sed alij
 in corde, alij in crebro dixerunt animi esse sedem,
 & locum: animum autem alij animam, ut fere no-
 stri declarant, nominari. nam & agere animam,
 & efflare dicimus, & animosos, & bene animatos,
 & ex animi sententia. ipse autem animus ab anima
 dictus est. Zenoni Stoicoq. animus ignis uidetur. Sed
 haec quidem, quae dixi, cor, sanguinem, cerebrum,
 animam, ignem, uulgo: reliqua fere singuli, ut mul-
 ti ante ueteres. proxime autem Aristoxenus musi-
 cus, idemq. philosophus, inuentionem ipsius corpo-
 ris quandam, uelut in cantu, & fidibus quae har-
 monia dicitur; sic ex corporis totius natura, & fi-
 gura uarios motus cieri, tamquam in cantu sonos.
 hic ab artificio suo non recessit, & tamen dixit ali-
 quid, quod ipsum quale esset, erat multo ante &
 dictum,

dictum, & explanatum a Platone. Xenocrates animi figuram, & quasi corpus negavit esse, verum numerum dixit esse, cuius uis, ut iam antea Pythagorae uisum erat, in natura maxima esset. eius doctor Plato triplicem finxit animum: cuius principatum, id est rationem, in capite, sicut in arce, posuit; & duas partes separare uoluit, iram, & cupiditatem: quas locis disclufit; iram in pectore, cupiditatem subter praecordia locauit. Dicaearchus autem in eo sermone, quem Corinthi habitum tribus libris exponit doctorum hominum disputantium, primo libro multos loquentes facit; duobus Thercratem quendam Phthiotā senem, quem ait a Deu calione ortum, differentem inducit, nihil esse omnino animum, & hoc esse nomen totum inane, frustra. & animalia, & animantes appellari; neque in homine inesse animum, uel animam, nec in bestia; uimq. omnem eam, qua uel agamus quid, uel sentiamus, in omnibus corporibus uiuis aequabiliter esse fusam, nec separabilem a corpore esse, quippe quae nulla sit, nec sit quidquam nisi corpus unum, & simplex, ita figuratum, ut temperatione naturae uigeat, & sentiat. Aristoteles, longe omnibus (Platonem semper excipio) praestans & ingenio, & diligentia, cum quattuor illa genera principiorum esset complexus, e quibus omnia orirentur, quintam quandam naturam censet esse, e qua sensus, mens. cogitare enim, & providere, & discere, & docere, & inuenire aliquid, & tam multa alia meminisse;

146. Jha
tur. lib. 2.
38. de leg
lib. 1. 117.
2. 189. 7.

*Dele.
et Budgus
lib. 1. & Ase.
Macrobius. 1.
34.*

Quid. 1. Nec.

minisse; amare, odisse; cupere, timere; angi, laetari; haec, & similia eorum, in horum quattuor generum nullo inesse putat: quintum genus adhibet uacans nomine; & sic ipsum animum *ἐντελεχίαν* appellat nouo nomine, quasi quandam continuatam motionem, & perennem. Nisi quae me forte fugiunt, hae sunt fere omnium de animo sententiae. Democritum enim, magnum quidem illum uirum, sed leuibus & rotundis corpusculis efficientem animum concursu quodam fortuito, omittamus. nihil est enim apud istos, quod non atomorum turba conficiat. Harum sententiarum quae uera sit, deus aliquis uiderit; quae ueri simillima, magna quaestio est. utrum igitur inter has sententias diiudicare malumus, an ad propositum redire? A. Cuperem equidem utrumque, si posset: sed est difficile non confundere. quare, si, ut ista non differamus, liberari mortis metu possumus; id agamus. sin id non potest, nisi hac quaestione animorum explicata; nunc, si uidetur, hoc, illud alias. M. Quod malle te intelligo, id puto esse commodius. efficiet enim ratio, ut, quaecumque uera sit earum sententiarum, quas exposui, mors aut malum non sit, aut sit bonum potius. nam si cor, aut sanguis, aut cerebrum est animus; certe, quoniam est corpus, interibit cum reliquo corpore: si anima est, fortasse dissipabitur: si ignis, extinguetur: si est Aristoxeni harmonia, dissoluetur. quid de Dicaearcho dicam, qui nihil omnino animū dicat esse? His sententijs omnibus nihil post mortem pertinere

pertinere ad quemquam potest. pariter enim cum vi-
ta sensus amittitur. non sentientis autem, nihil est,
ullam in partem quod intersit. reliquorum senten-
tiae spem afferunt, si te forte hoc delectat, posse ani-
mos, cum e corporibus excefferint, in caelum quasi
in domicilium suum peruenire. A. Me uero dele-
ctat: idque, primum ita esse, deinde, etiam si non sit,
mihi tamen persuaderi uelim. M. Quid tibi ergo
opera nostra opus est? num eloquentia Platonem su-
perare possumus? cuolue diligenter eius cum li-
brum, qui est de animo: amplius quod desideres,
nihil erit. A. Feci mehercule, & quidem saepius:
sed nescio quo modo, dum lego, assentior; cum po-
sui librum, et mecum ipse de immortalitate animo-
rum coepi cogitare, assensio omnis illa elabatur. M.
Quid hoc? das ne aut manere animos post mortem,
aut morte ipsa interire? A. Do uero. M. Quid, si
maneant? A. Beatos esse concedo. M. Si intereant?
A. Non esse miseros, quoniam ne sint quidem. iam
istuc coacti a te paullo ante concessimus. M. quo mo-
do igitur, aut cur mortem malum tibi uideri dicis;
quae aut beatos nos efficiet animis manentibus, aut
non miseros sensu carentes? A. Expone igitur, nisi
molestum est, primum animos, si potes, remanere
post mortem: tum, si minus id obtinebis, (est enim
arduum) docebis carere omni malo mortem. ego e-
nim istuc ipsum uereor ne malum sit, non dico care-
re sensu, sed carendum esse. M. Auctoribus qui-
dem ad istam sententiam, quam uis obtineri, uti

optimis

optimis possumus; quod in omnibus causis et debet,
 & solet ualere plurimum; & primum quidem om-
 ni antiquitate: quae quo propius aberat ab ortu, &
 diuina progenie, hoc melius ea sortasse, quae erant
 uera; cernebat. itaque unum illud erat insitum pri-
 scis illis, quos caecos appellat Ennius, esse in morte
 sensum, neque excessu uitae sic deleri hominem, ut
 funditus interiret. idq. cum multis alijs rebus, tum
 e pontificio iure, & caeremonijs sepulcrorum intelli-
 gi licet: quas maximis ingenijs praediti nec tanta cu-
 ra coluissent, nec uiolatas tam inexplabili religione
 sanxissent, nisi haesisset in eorum mentibus, mortem
 non interitum esse, omnia tollentem, atque delen-
 tit em, sed quandam quasi migrationem, commuta-
 tionemq. uitae, quae in claris uiris, et feminis dux in
 caelum soleret esse: in ceteris humi retineretur, &
 permaneret tamen. ex hoc & nostrorum opinione,
 Romulus in caelo cum dijs agit aeuum,
 ut famae assentiens dixit Ennius. & apud Graecos,
 indeq. perlapsus ad nos, & usque ad Oceanum, Her-
 cules tantus, & tam praesens habetur deus. hinc Li-
 ber, Semele natus; eademq. famae celebritate Tyn-
 daridae fratres: qui non modo adiutores in proelijs
 uictoriae populi R. sed etiam nuncj fuisse perhiben-
 tur. quid? Ino, Cadmi filia, non ne Leucothea nomi-
 nata a Graecis, Matuta habetur a nostris? quid? to-
 tum prope caelum, (ne plures persequar) non ne hu-
 mano genere completum est? si uero scrutari uete-
 ra, & ex his ea, quae scriptores Graeciae prodide-
 runt,

in Cat. 4. 134.

122:

d. Nat. 1.

32.

Val. 1. 8.

runt, eruere coner: ipsi illi, maiorum gentium dii
qui habentur, hinc a nobis profecti in caelum repe-
rientur. quaere, quorum demonstrantur sepulcra in
Graecia: reminiscere, quoniam es initiatus, quae tra-
dantur mysterijs: tum denique, quam hoc late pa-
teat, intelliges. sed qui nondum ea, quae multis post
annis tractari coepissent, physica didicisset, tantum
sibi persuaferant, quantum, natura admonente,
cognouerant; rationes, & causas rerum non tene-
bant; uisis quibusdam saepe mouebantur, hisq. ma-
xime nocturnis, ut uiderentur ij, qui uita excessse-
rant, uiuere. Vt porro firmissimum hoc afferri ui-
detur, cur deos esse credamus, quod nulla gens tam
fera, nemo omnium tam sit immanis, cuius men-
tem non imbuerit deorum opinio. Multi de dijs pra-
ua sentiunt: (id enim uitioso more effici solet) om-
nes tamen esse uim, & naturam diuinam arbitran-
tur. nec uero id collocutio hominum, aut consensus
efficit: non instituis opinio est confirmata, non legi-
bus. omni autem in re consensus omnium gentium
lex naturae putanda est. Quis est igitur, qui suorum
mortem primum non eo lugeat, quod eos orbatos
uitae commodis arbitretur? tolle hanc opinionem: lu-
etum sustuleris. nemo enim maeret suo incommodo.
dolent fortasse, & anguntur: sed illa lugubris la-
mentio, fletusq. maerens ex eo, quod eum, quem
dileximus, uitae commodis priuatum arbitramur,
idq. sentire. atque haec ita sentimus natura duce,
nulla ratione, nullaq. doctrina. Maximum uero

2 2 argu-

TVSC. DISPVT.

argumentum est, naturam ipsam de immortalitate animorum tacitam iudicare, quod omnibus curae sunt, & maximae quidem, quae post mortem futura sint. serit arbores, quae alteri saeculo prosint, ut ait Statius in Synephebis, quid spectans, nisi etiam postera saecula ad se pertinere? ergo arbores seret diligens agricola, quarum aspiciet bacam ipse numquam: uir magnus leges, instituta, remp. conseret. Quid procreatio liberorum, quid propagatio nominis, quid adoptiones filiorum, quid testamentorum diligentia, quid ipsa sepulcrorum monumenta, quid elogia significant, nisi nos futura etiam cogitare? Quid illud? num dubitas, quin specimen naturae capi deceat ex optima quaque natura? quae est igitur melior in hominum genere natura, quam eorum, qui se natos ad homines iuuandos, tutandos, cōseruandos arbitrantur? abiit ad deos Hercules: numquam abisset, nisi, cum inter homines esset, eam sibi uiam munuisset. Vetera iam ista, & religione omnium consecrata: quid in hac rep. tot, tantosque uiros, ob remp. interfectos, cogitasse arbitramur? iisdem ne ut finibus nomen suum, quibus uita, terminaretur? nemo umquam sine magna spe immortalitatis se pro patria offerret ad mortem. licuit esse otioso Themistocli, licuit Epaminondae, licuit (ne et uetera, et externa quaeram) mihi: sed nescio quomodo inhaeret in mentibus quasi saeculorum quoddam augurium futurorum: idque in maximis ingenijs, altissimisque animis & existit maxime, & apparet, facil-

facillime . quo quidem dempto , quis tam esset a-
mens , qui semper in laboribus , & periculis uiue-
ret ? loquor de principibus . Quid poetae ? non ne
post mortem nobilitari uolunt ? unde ergo illud ?

Aspicite o ciues senis Ennij imaginis urnam :

Hic uestrum panxit maxuma facta patrum .
mercedem gloriae flagitat ab ijs , quorum patres af-
fecerat gloria . idemque :

Nemo me lacrumis decoret , nec funera fletu 200 .

Faxit : cur ? uolito uiuam per ora uirum .

Sed quid poetas ? opifices post mortem nobilitari no-
lunt . quid enim Phidias sui similem speciem inclu-
sit in clypeo Minervae , cum inscribere non liceret ?
Quid nostri philosophi ? non ne in his ipsis libris ,
quos scribunt de contemnenda gloria , sua nomi-
na inscribunt ? quod si omnium consensus , naturae
uox est ; omnesque , qui ubique sunt , consentiunt esse
aliquid , quod ad eos pertineat , qui euita cesserunt :
nobis quoque idem existimandum est . et si , quo-
rum aut ingenio , aut uirtute animus excellit , eos
arbitramur , quia natura optima sint , cernere natu-
rae uim maxime : ueri simile est , cum optimus quis-
que maxime posteritati seruiat , esse aliquid , cuius
is post mortem sensum sit habiturus . Sed ut deos
esse natura opinamur ; qualesq. sint , ratione cogno-
scimus : sic permanere animos arbitramur consensu
nationum omnium ; qua in sede maneant , qualesq.
sint , ratione discendum est . cuius ignoratio finxit in-
feros , easq. formidines , quas tu contemnere non si-

ne caussa uidebare. in terram enim cadentibus corporibus, hisq. humo tectis, ex quo dictum est humari, sub terra censebant reliquam uitam agi mortuorum. quam eorum opinionem magni errores consecuti sunt: quos auxerunt poetae. frequens enim confessus theatri, in quo sunt mulierculae, & pueri, mouetur audiens tam grande carmen:

Adsum, atque aduenio Acheronte, uix, uia alta,
atque ardua,

Per speluncas saxis instructas asperis, pendentibus,
Maximis, ubi rigida constat crassa caligo inferum.
tantumq. ualuit error, qui mihi quidem iam sublatus uidetur, ut corpora cremata cum scirent, tamen ea fieri apud inferos fingerent, quae sine corporibus nec firri possent, nec intelligi. animos enim per se ipsos uiuentes non poterant mente complecti: formam aliquam, figuramq. quaerebant. inde Homeri tota uixit: inde ea, quae meus amicus Appius uixit faciebat: in uicinia nostra Auerni lacus, Vnde animae excitatur obscura umbra, aperto ostio Alti Acherontis, falso sanguine mortuorum imagines. has tamen imagines loqui uolunt: quod fieri nec sine lingua, nec sine palato, nec sine faucium, laterum, pulmonum ui, & figura potest. nihil enim animo uidere poterant: ad oculos omnia referebant. magni autem est ingenij reuocare mentem a sensibus, & cogitationem a consuetudine abducere. itaque credo equidem etiam alios tot saeculis disputasse de animis: sed, quod litteris extet, Phere-

Pherecides Syrus primum dixit animos hominum
 esse sempiternos: antiquus sane: fuit enim meo re-
 gnante gentili. hanc opinionem discipulus eius Py-
 thagoras maxime confirmavit: qui cum, Superbo
 regnante, in Italiam uenisset, tenuit magnam illam
 Graeciam cum honore, & disciplina, tum etiam au-
 thoritate: multa q. saecula postea sic uiguit Pythago-
 reorum nomen, ut nulli alij docti uiderentur. Sed
 redeo ad antiquos. ratione illi sententiae suae nō fe-
 re reddebant, nisi quid erat numeris, aut descri-
 ptionibus explicandum. Platonem ferunt, ut Py-
 thagoreos cognosceret, in Italiam uenisse, & in ea
 cum alios multos, tum Architam, Timacumq. co-
 gnouisse, et didicisse Pythagorea omnia; primumq.
 de animorum aeternitate non solum sensisse idem,
 quod Pythagoras, sed rationem etiam attulisse.
 quam, nisi quid dicis, praetermittamus, & hanc to-
 tam spem immortalitatis relinquamus. A. An tu,
 cum me in summam expectationem adduxeris, de-
 seris? errare mehercule malo cum Platone, quem
 tu quanti facias scio, & quem ex tuo ore admiror,
 quam cum istis uera sentire. M. Maeste uirtute: ego
 enim ipse cum eodem ipso non inuitus errauerim.
 Num igitur dubitamus, an, sicut pluraque, sic et
 hoc? quamquam hoc quidem minime. persuadent
 enim mathematici, terram in medio mundi sitam,
 at uniuersi caeli complexum quasi puncti instar ob-
 tinere, quod *κέντρον* illi uocant. eam porro natu-
 ram esse quattuor omnia gignentium corporum, ut

2 4

quasi

TVSC. DISPUT.

quasi partita habeant inter se, & diuisa momenta;
ut terrena, et humida, suo pte nutu, et suo pondere
ad pares angulos in terram, & in mare ferantur;
reliquae duae partes, una ignea, altera animalis, ut
illae superiores in medium locū mundi gravitate fe-
rantur, & pondere, sic hae sursum rectis lineis in
caelestem locum subuolent; siue ipsa natura superio-
ra appetente; siue quod a grauioribus leniora natu-
ra repellantur. quae cum constent; perspicuum de-
bet esse, animos, cum e corpore excesserint, siue il-
li sint animales, id est spirabiles, siue ignei, subli-
me ferri. Si uero aut numerus quidam sit animus;
quod subtiliter magis, quam dilucide dicitur; aut
quintā illa non nominata magis, quam non intelle-
cta natura: multo etiam integriora, ac puriora
sunt, ut a terra longissime se efferant. Horum igitur
aliquid animus est; ne tam uegeta mens aut in
corde, cerebro ue, aut in Empedocleo sanguine de-
mersa iaceat. Dicacarchum uero cum Aristoxe-
no, aequali, & condiscipulo suo, doctos sane homi-
nes, omittamus. quorum alter ne condoluisse qui-
dem umquam uidetur, qui animum se habere non
sentiat: alter ita delectatur suis cantibus, ut eos e-
tiam ad haec transferre conetur. harmoniam autē
ex interuallis sonorum nosse possumus, quorum ua-
ria compositio etiam harmonias efficit plures: mem-
brorum uero situs, & figura corporis uacans animo
quam possit harmoniam efficere, non uideo. sed hic
quidem, quamuis eruditus sit, sicut est, haec magi-
stro.

stro concedat Aristoteli; canere ipse doceat. bene enim illo prouerbio Graecorum praecipitur; Quam quisque norit artem, in hac se exerceat. Illam uero funditus eijciamus indiuiduorum corporum, leuium, & rotundorum concursiōem fortuitam: quam tamen Democritus concalescentiam, & spirabilem, id est animalem, esse uoluit. is autem animus, qui si est horum quattuor generum, ex quibus omnia constare dicuntur, ex inflammata anima constat, ut potissimum uideri uideo Panaetio, superiora capeſſat neceſſe est. nihil enim habent haec duo genera proueni, & supera semper petunt. ita, siue dissipantur procul a terris, id euenit; siue permanent, & conseruant habitum suum; hoc etiam magis neceſſe est ferantur ad caelum, & ab his perumpatur, & diuidatur crassius hic & concretus aer, qui est terrae proximus. calidior est enim, uel potius ardentior animus, quam est hic aer, quem modo dixi crassum, atque concretum. quod ex coſciri poteſt, quia corpora nostra terreno principiorum genere conſecta, ardore animi concalescunt. Accedit, ut eo facilius animus euadat ex hoc aere, quem saepe iam appello crassum, eumque perumpat, quod nihil est animo uelocius, nulla est celeritas, quae possit cum animi celeritate contendere. qui si permanet incorruptus, sique similis: neceſſe est, ita feratur, ut penetret, et diuidat omne caelum hoc, in quo nubes, imbres, uentique coguntur, quod, & humidum, et caliginosum est propter exhalatio-

nes

TVSC. DISPVT.

nesterrae. quam regionem cum superauit animus,
naturamq. sui similem contigit, & agnouit; iun-
ctus ex anima tenui, & ex ardore solis temperato,
ignibus insistit, et finem altius se efferendi facit. cum
enim sui similem et leuitatem, & calorem adeptus
est; tamquam paribus examinatus ponderibus, nul-
lam in partem mouetur; eaq. ei denique naturalis
est sedes, cum ad sui similem penetravit: in quo nulla
re egens aletur; & sustentabitur iisdem rebus, qui-
bus astra sustentantur, & aluntur. cumq. corporis
facibus inflammari soleamus ad omnes fere cupidi-
tates, eaq. magis incendi, quod ijs aemulemur, qui
ea habeant, quae nos habere cupiamus: profecto
beati erimus, cum, corporibus relictis, et cupidita-
tum, & aemulationum erimus expertes: quodq.
nunc facimus, cum laxati curis sumus, ut spectare
aliquid uelimus, & uisere; id multo tum faciemus
liberius, totosq. nos in contemplandis rebus, perspi-
ciendisq. ponemus: propterea quod & natura inest
mentibus nostris insatiabilis quaedam cupiditas ueri-
uidendi; & orae ipsae locorum illorum, quo perue-
nerimus, quo faciliorem nobis cognitionem rerum
caelestium, eo maiorem cognoscendi cupiditatem da-
bunt. haec enim pulchritudo etiam in terris patritam
illam, & auitam, ut ait Theophrastus, philosophi-
am, cognitionis cupiditate incensam, excitauit. prae-
cipue uero fruentur ea, qui tum etiam, cum has ter-
ras incolentes circumfusi erant caligine, tamen acie
mentis dispicere cupiebant. etenim, si nunc aliquid
assequi

assequi se putant, qui ostium Ponti uiderunt, et eas
 angustias, per quas penetravit ea, quae est nominata
 Argo, quia argiui in ea delecti uiri
 Vecti petebant pellem incuratam arietis;
 aut ij, qui Oceani freta illa uiderunt,
 Europam Lybiamq. rapax ubi diuidit unda:
 quod tandem spectaculum fore putamus, cum to-
 tam terram tueri licebit, eiusq. cum situm, formā,
 circumscriptionem, tum & habitabiles regiones, et
 rursum omni cultu propter uim frigoris, aut caloris
 uacantes? nos enim ne nunc quidem oculis cerni-
 mus ea, quae uidemus. neque enim est ullus sensus
 in corpore: sed, ut non solum physici docent, ue-
 rum etiam medici, qui ista aperta & patefacta ui-
 derunt, uiae quasi quaedam sunt ad oculos, ad aures,
 ad nares a sede animi perforatae. itaque saepe, aut
 cogitatione, aut aliqua ui morbi impediti, apertis
 atque integris & oculis, & auribus; nec uidemus,
 nec audimus: ut facile intelligi possit, animum et ui-
 dere, et audire, non eas partes, quae quasi fenestrae
 sunt animi; quibus tamen sentire nihil queat mens,
 nisi id agat, & adsit. Quid, quod eadem mente res
 dissimillimas comprehendimus, ut colorem, saporem,
 calorem, odorem, sonum? quae numquam quinque
 nuncijs animus cognosceret, nisi ad eum omnia re-
 ferrentur, ut idem omnium iudex solus esset. atque
 ea profecto tum multo puriora, & dilucidiora cer-
 nentur, cum, quo natura fert, liber animus perue-
 nerit. nam tunc quidem, quamquam foramina illa,
 quae

et somnio
 123: d. huc
 1. g.

TVSC. DISPVT.

quae patent ad animum a corpore, callidissimo arti-
ficio natura fabricata est; tamen terrenis, concre-
tisq. corporibus sunt intersepta quodam modo: cum
autem nihil erit, praeter animum; nulla res obiecta
impediet, quo minus percipiat, quale quidque sit.
Quamuis copiose haec diceremus, si res postularet,
quam multa, quam uaria spectacula animus in lo-
cis caelestibus esset habiturus. quae quidem cogitas,
soleo saepe mirari non nullorum insolentiam philoso-
phorum, qui naturae cognitionē admirantur, eiusq.
inuentori, & principi gratias exultantes agunt,
eumq. uenerantur ut deum. liberatos enim se per
eū dicunt grauissimis dominis, terrore sempiterno,
& diurno ac nocturno metu. quo terrore? quo me-
tu? quae est anus tā delira, quae timeat ista, quae uos
uidelicet, si physica non didicissetis, timeretis?
Acherontia templa, alta orci, pallida
Ieri; obnubila, obsita tenebris loca.
non pudet philosophum in eo gloriari, quod haec
non timeat, & quod falsa esse cognouerit? ex quo
intelligi potest, quam acuti natura sint, qui haec
sine doctrina credituri fuerint. Praeclarum autem
nescio quid adepti sunt, qui didicerunt, se, cum tem-
pus mortis uenisset, totos esse perituros. quod ut
ita sit; (nihil enim pugno) quid habet ista res aut
laetabile, aut gloriosum? nec tamen mihi sane quid-
quam occurrit, cur non Pythagorae sit & Platonis
uera sententia. ut enim rationem Plato nullam af-
ferret, (uide, quid homini tribuam) ipsa auctori-
tate

tate me frangeret. tot autem rationes attulit, ut uelle ceteris, sibi certe persuasisse uideatur. Sed plurimi contra nituntur, animosque quasi capite damnatos morte multant. neque aliud est quidquam, cur incredibilis his animorum uideatur aeternitas, nisi quod nequeunt, qualis animus sit: uacans corpore, intelligere, & cogitatione comprehendere. quasi uero intelligant, qualis sit in ipso corpore, quae conformatio, quae magnitudo, qui locus: ut, si iam posset in homine uno cerni omnia, quae nunc tecta sunt, casurus ne in conspectum uideatur animus, an tanta sit eius tenuitas, ut fugiat aciem. haec reputent isti, qui negant animum sine corpore se intelligere posse: uidebunt, quem in ipso corpore intelligant. Mihi quidem, naturam animi intuenti, multo difficilior occurrit cogitatio, multoque obscurior, qualis animus in corpore sit tamquam alienae domui, quam qualis, cum exierit, & in liberum caelum quasi in domum suam uenerit. si enim, quod numquam uidimus, id quale sit, intelligere non possumus: certe & deum ipsum, & diuinum animum, corpore liberatum, cognitione complecti non possumus. Dicaearchus quidem, & Aristoxenus, quia difficilis erat animi, quid, aut qualis esset, intelligentia, nullum omnino animum esse dixerunt. Est illud quidem uel maximum, animo ipso animum uidere: et nimirum hanc habet uim praeceptum Apollinis, quo monet, ut se quisque noscat. non enim, credo, id praecipit, ut membra nostra, aut staturam figuram

figuram ue noscamus: neque nos corpora sumus: neque ego, tibi dicens hoc, corpori tuo dico. cum igitur, nosce te, dicit, hoc dicit, nosce animum tuum. nam corpus quidem quasi uas est, aut aliquod animi receptaculum: ab animo tuo quidquid agitur, id agitur a te. hunc igitur nosse, nisi diuinum esset non esset hoc acrioris cuiusdam animi praeceptum, sic, ut tributum deo sit. sed si, qualis sit animus, ipse animus nesciat; dici, quaeso, ne esse quidem se sciet? ne moueri quidem se? ex quo illa ratio nata est Platonis, quae a Socrate est in Phaedro explicata, a me autem posita est in sexto libro de rep.

d. somnio
 126:
 127.
d. senect.
 92.

Quod semper mouetur, id aeternum est. quod autem motum affert alicui, quodq. ipsum agitur aliunde; quando finem habet motus, uiuendi quoque finem habeat necesse est. solum igitur, quod se ipsam mouet, quia numquam deseritur a se, numquam ne moueri quidem desinit. quin etiam ceteris, quae mouentur, hic fons, hoc principium est mouendi. principij autem nulla est origo. nam ex principio oriuntur omnia: ipsum autem nulla ex re alia nasci potest. nec enim esset id principium, quod gigneretur aliunde. quod si numquam oritur, ne occidit quidem umquam. nam principium extinctum nec ipsum ab alio renascetur, nec a se aliud creabit; siquidem necesse est a principio oriri omnia. ita sit, ut motus principium ex eo sit, quod ipsum a se mouetur. id autem nec nasci potest, nec mori. uel concidat omne caelum, omnisq. natura consistat, necesse

se est, nec uim ullam nascitur, qua primo impulsu moueatur. Cum pateat igitur aeternum id esse, quod se ipsum moueat: quis est, qui hanc naturam animis esse tributam neget? inanimatum est enim omne, quod pulsu agitur externo, quod autem est animatum, id motu cietur interiore, et suo. nam haec est propria natura animi, atque uis: quae si est una ex omnibus, quae se ipsam semper moueat; neque nata certe est, & aeterna est. Licet concurrant plebei omnes philosophi: (sic enim ij, qui a Platone, & Socrate, & ab illa familia dissident, appellandi uidentur) non modo nihil nunquam tam eleganter explebunt, sed ne hoc quidem ipsum quam subtiliter conclusum sit intelligent. Sentit igitur animus se moueri: quod dum sentit, illud una sentit, se uisua, non aliena, moueri; nec accidere posse, ut ipse umquam a se deseratur. ex quo efficitur aeternitas, nisi quid habes ad haec. A. Ego uero facile sum passus ne in mentem quidem mihi aliquid contra uenire: ita isti faueo sententiae. M. Quid illa tandem? num leniora censes? quae declarant inesse in animis hominum diuina quaedam: quae si cerne-rem quemadmodum nasci possent, etiam, quemadmodum interirent, uiderem. Nam sanguinem, bilem, pituitam, ossa, uernos, uenas, omnem denique membrorum & totius corporis figuram uideor posse dicere, unde concreta, & quo modo facta sint: per animum ipsum, si nihil esset in eo, nisi id, ut per eum uiueremus, tam natura putarem
hominis

*Virg. Georg.
2. 114.*

hominis uitam sustentari, quam uitis, quam arboris. haec enim etiam dicimus uiuere. Item, si nihil haberet animus hominis, nisi ut appeteret, aut refugeret; id quoque esset ei commune cum bestijs. habet primum memoriam, & eam infinitam rerum innumerabilium: quam quidem Plato recordationem esse uult superiores uitae. nā in illo libro, qui inscribitur Memnon, Pusionem quendam Socrates interrogat quaedam geometrica de demensione quadrati, ad ea sic ille respondit, ut puer: et tamen ita faciles interrogationes sunt, ut gradatim respondens eo perueniat, quasi geometrica didicisset. ex quo effici uult Socrates, ut, discere, nihil aliud sit, quam recordari. quem locum multo etiam accuratius explicat in eo sermone, quem habuit eo ipso die, quo excessit e uita. docent enim, qui multis, qui omnium rerum rudis esse uideatur, bene interroganti respondentem, declarare, se non tum illa discere, sed reminiscendo recognoscere: nec uero fieri ullō modo posse, ut a pueris tot rerum, atque tantarum insitas, et quasi consignatas in animis notiones, quas inuolās nocant, haberemus, nisi animus, ante quam in corpus intrasset, rerum cognitione uiguisse. cumq. nihil esset, ut omnibus locis a Platone differitur; (nihil enim ille putat esse, quod oriatur, & intereat, idq. solum esse, quod semper tale sit, qualem ideam appellat ille, nos speciem) non potuit animus haec in corpore inclusus cognoscere, cognita attulit: ex quo tam multarum rerum cognitionis

cognitionis admiratio tollitur: neque ea plane uidet
animus, cum tam repente in tam insolitum, tamq.
perturbatum domicilium immigrauit; sed, cum se
collegit, atque recreauit, tum agnoscit ea remini-
scendo. ita nihil aliud est, discere, nisi recordari.
Ego autem maiore etiam quodam modo memo-
riam admiror. quid est enim illud, quo memini-
mus? aut quam habet uim? aut unde? non quaero,
quanta memoria Simonides fuisse dicatur, quanta
Theodectes, quanta is, qui a Pyrrho legatus ad se-
natum est missus, Cyneas, quanta nuper Carne-
ades, quanta, qui modo fuit, Sceptius Metrodorus,
quanta noster Hortensius: de communi hominum
memoria loquor, & eorum maxime, qui in aliquo
maiore studio, & arte uersantur: quorum quanta
mens sit, difficile est existimare: ita multa memine-
runt. Quorsum igitur haec spectat oratio? quae sit
illa uis, & unde sit, intelligendum puto. non est cer-
te nec cordis, nec sanguinis, nec cerebri, nec ato-
morum. anima sit animus, ignis ue, nescio: nec me
pudet, ut istos, fateri nescire, quod nesciam: illud,
si ulla alia de re obscura affirmare possem, siue ani-
ma, siue ignis sit animus, eum iurarem esse diui-
num. quid enim, obsecro te, terra ne tibi, aut hoc
nebuloso, & caliginoso caelo aut sata, aut concreta
uidetur tanta uis memoriae? si, quid sit hoc, non
uides: at, quale sit, uides. si ne id quidem: at, quan-
tum sit, profecto uides. Quid igitur? utrum capa-
citatem aliquam in animo putamus esse, quo tam-

a a

quam

T V E C . D I S P V T .

quam in aliquod uas ea , quae meminimus , infundantur ? absurdum id quidem : qui enim fundus , aut quae talis animi figura intelligi potest ? aut quae tanta omnino capacitas ? An imprimi quasi ceram animum putamus , & memoriam esse signatarum rerum in mente uestigia ? quae possunt uerborum , quae rerum ipsarum esse uestigia ? quae porro tam immensa magnitudo ; quae illa tam multa possit effingere ? Quid illa uis , quae tandem est , quae inuestigat occulta , quae inuentio atque excogitatio dicitur ? ex hac netibi terrena , mortaliq. natura , & caduca , concreta ea uidetur ? aut qui primus , quod summae sapientiae Pythagorae uisum est , omnibus rebus imposuit nomina ? aut qui dissipatos homines congregauit , et ad societatem uitae conuocauit ? aut qui sonos uocis , qui infiniti uidebantur , paucis litterarum notis terminauit ? aut qui errantium stellarum cursus , progressiones , institutiones notauit ? omnes magni : etiam superiores , qui fruges , qui uestitum , qui tecta , qui cultum uitae , qui praesidia contra feras inuenerunt ; a quibus mansuefacti , & exculti , a necessarijs artificijs ad elegantiora defluximus . nam & auribus oblectatio magna parta est , inuenta , & temperata uarietate , & natura sonorum : & astra suspeximus , tum ea , quae sunt infixae certis locis , tum illa non re , sed uocabulo errantia . quorum conuersiones , omnesq. motus qui animo uidit , is docuit similem animum suum eius esse , qui ea fabricatus in caelo esset . nam cum Ar-
chi-

Archimedes lunae, solis, quinque errantium motus in
sphaeram illigauit, effecit idem, quod ille, qui in Ti-
maeo mundum aedificauit, Platonis deus, ut tardi-
tate & celeritate dissimillimos motus una regeret
conuersio. quod si hoc in mundo fieri sine deo non po-
test: ne in sphaera quidem eosdem motus Archime-
des sine diuino ingenio potuisset imitari. Mihi ue-
ro ne haec quidem notiora, & illustriora carere ui-
diuina uidentur, ut ego aut poetam graue plerumque
carmen sine caelesti aliquo mentis instinctu putem
fundere, aut eloquentiam sine maiore quadam ui-
fluere, abundantem sonantibus uerbis, uberibusq.
sententijs. Philosophia uero, omnium mater ar-
tium, quid est aliud, nisi, ut Plato ait, donum,
ut ego, inuentum deorum? haec nos primum ad il-
lorum cultum, deinde ad ius hominum, quod situm
est in generis humani societate, turn ad modestiam,
magnitudinemq. animi erudiuit: eademq. ab ani-
mo, tamquam ab oculis, caliginem dispulit, ut om-
nia supera, infera, prima, ultima, media uidere-
mus. prorsus haec diuina mihi uidetur uis, quae tot
res efficiat, & tantas. quid est enim memoria re-
rum, & uerborum? quid porro inuentio? profe-
cto id, quo nec in deo quidquam maius intelligi po-
test. non enim ambrosia deos, aut nectare, aut
Iuuentute pocula ministrante laetari arbitror. nec
Homerum audio, qui Ganymedem a dijs raptum
ait propter formam, ut Ioui pocula ministraret.
non iusta caussa, cur Laomedonti tanta fieret iniu-

a a 2 ria.

TVSC. DISPUT.

ria. fingeat haec Homerus, & humana ad deos transferebat. diuina, mallet, ad nos: quae autem diuina? uigere, sapere, inuenire, meminisse. ergo animus, qui, ut ego dico, diuinus, ut Euripides audent dicere, deus est. et quidem, si deus aut anima, aut ignis est, idem est animus hominis. nam ut illa natura caelestis & terra uacat, & humore: sic utriusque harum rerum humanus animus est expers. sin autem est quinta quaedam natura, ab Aristotele inducta primum: haec & deorum est, et animorum. hanc nos sententiam secuti, his ipsis uerbis in Consolatione haec expressimus. Animorum nulla in terris origo inueniri potest. nihil enim est in animis mixtum, atque concretum, aut quod ex terra natum, atque fictum esse uideatur; nihil ne aut humidum quidem, aut flabile, aut igneum. his enim in naturis nihil inest, quod uim memoriae, mentis, cogitationis habeat; quod & praeterita teneat, et futura prouideat, & complecti possit praesentia; quae sola diuina sunt; nec inuenietur umquam, unde ad hominem uenire possint, nisi a deo. Singularis est igitur quaedam natura, atque uis animi, seiuncta ab his usitatis, notisq. naturis. Ita, quidquid est illud, quod sentiet, quod sapit, quod uult, quod uiget, caeleste, & diuinum est, ob eamq. rem aeternum sit necesse est. Nec uero deus ipse, qui intelligitur a nobis, alio modo intelligi potest, nisi mens soluta quaedam, & libera, segregata ab omni concretionem mortali, omnia sentiens, & omnia mouens,

uens, ipsaq. praedita motu sempiterno. Hoc e genere, atque eadem e natura est humana mens. Vbi igitur, aut qualis est ista mens? ubi tua, aut qualis? potes ne dicere? an, si omnia ad intelligendum non habeo, quae habere vellem; ne ijs quidem; quae habeo, mihi per te uti licebit? non ualet tantum animus, ut sese ipse uideat: at, ut oculus, sic animus; sese non uidens, alia cernit. non uides autem, quod minimum est, formam suam, fortasse: quamquam id quoque: sed relinquamus: uim certe, sagacitatem, memoriam, motum, celeritatem uidet. haec magna, haec diuina, haec sempiterna sunt. qua facie quidem sit; aut ubi habitet, ne quaerendum quidem est. ut, cum uidemus speciem primum, candoremq. caeli, deinde conuersionis celeritatem tantam, quantam cogitare non possumus; tum uicissitudines dierum, atque noctium, commutationesq. temporum quadripartitas, ad maturitatem frugum, & ad temperationem corporum aptas, eorumq. omnium moderatorem & ducem solem, lunamq. accretione, & diminutione luminis quasi fastorum notantem & significantem dies; tum in eodem orbe, in XII partes distributo, quinque stellas ferri; eosdem cursus constantissime seruantes; disparibus inter se motibus; nocturnamq. caeli formam undique sideribus ornatam; tum globum terrae eminentem e mari, fixum in medio mundi uniuersi loco, duabus oris distantibus habitabilem & cultum; quarum altera, quam nos incolimus, sub

axe posita ad stellas septem, unde
 Horrifer Aquilonis stridor gelidas molitur niues;
 altera australis, ignota nobis, quam uocant Graeci
 ἀντάρχονα; ceteras partes incultas, quod aut frigore
 rigeant, aut urantur calore; hic autem, ubi habi-
 tamus, non intermitti, suo tempore
 Caelum nitescere, arbores frondescere,
 Vites laetificas pampinis pubescere,
 Ramos bacarum ubertate incuruescere,
 Segetes largiri fruges, florere omnia,
 Fontes scatere, herbis prata conuestirier;
 tum multitudinem pecudum partim ad uestendum,
 partim ad cultus agrorum, partim ad uehendum,
 partim ad corpora uestienda: hominemq. ipsum
 quasi contemplatorem caeli, ac deorum, ipsorumq.
 cultorem, atque hominis utilitati agros omnes &
 maria parentia: haec igitur, & alia innumerabilia
 cum cernimus, possumus ne dubitare, quin his prae-
 sit aliquis uel effector, si haec nata sunt, ut Platoni
 uidetur, uel, si semper fuerint, ut Aristoteli pla-
 cet, moderator tanti operis, & muneris? sic men-
 tem hominis, quamuis eam non uideas, ut deum non
 uides, tamen, ut deum agnoscis ex operibus eius,
 sic ex memoria rerum, & inuentione, & celerita-
 te motus, omniq. pulchritudine uirtutis uim diui-
 nam mentis agnoscito. In quo igitur loco est? credo
 equidem, in capite; &, cur credam, afferre pos-
 sum: sed de hoc alias: nunc, ubi ubi sit animus, certe
 quidem in te est. Quae est ei natura? propria puto,

10r. 3. 144

& sua . sed fac igneam , fac spirabilem : nihil ad id ,
de quo agimus . illud modo uideto , ut deum noris ,
etsi eius ignores & locum , & faciem , sic animum
tibi tuum notum esse oportere , etiam si eius igno-
res & locum , & formam . In animi autem cogni-
tione dubitare non possumus , nisi plane in physicis
plumbei sumus , quin nihil sit animis admixtum , ni-
hil concretum , nihil copulatum , nihil coagmenta-
tum , nihil duplex . quod cum ita sit , certe nec secer-
ni , nec diuidi , nec discerni , nec distrahi potest : nec
interire igitur . est enim interitus quasi discessus ,
& secretio , ac direptus earum partium , quae an-
te interitum iunctione aliqua tenebantur . His , &
talibus adductus Socrates , nec patronum quaesivit
ad iudicium capitis ; nec iudicibus supplex fuit , ad-
hibuitq. liberam contumaciam , a magnitudine ani-
mi ductam , non a superbia ; & supremo uitae die
de hoc ipso multa disseruit ; & paucis ante diebus ,
cum facile posset educi e custodia , noluit ; & , cum
paene in manu iam mortiferum illud teneret pocu-
lum , locutus ita est , ut non ad mortem trudi , ue-
rum in caelum uideretur ascendere . ita enim cense-
bat , itaq. disseruit : duas esse uias , duplicesq. cur-
sus animorum e corpore excedentium : nam qui se
humanis uitijs contaminassent , & se totos libidini-
bus dedidissent , quibus caecati uel in domesticis ui-
tijs , atque flagitijs se inquinassent , uel in rep. uio-
landa fraudes inexpiabiles concepissent , ijs deuium
quodam iter esse , seclusum a concilio deorum : qui

aa

4

an-

Somnio
127.

T V S C. D I S P Y T.

autem se integros, castosq. seruauissent, quibusq. fuisset minima cum corporibus contagio, seseq. ab his semper seuocassent, essentq. in corporibus humanis uitam imitati deorum, his ad illos, a quibus essent profecti, reditum facilem patere: itaque commemorat, ut cygni, qui non sine causa Apollini dicati sunt, sed quod ab eo diuinationem habere uideantur, quia, providentes quid in morte boni sit, cum cantu, & uoluptate moriantur; sic omnibus & bonis, & doctis esse faciendum. Nec uero de hoc quisquam dubitare posset, nisi idem nobis accideret diligenter de animo cogitantibus, quod ijs saepe usu uenit, qui acriter oculis deficientem solem intuerentur, ut aspectum omnino amitterent. sic mentis acies; se ipsam intuens, non numquam hebescit: ob eamq. causam contemplandi diligentiam amittimus. itaque dubitans, circumspiciens, haesitans, multa aduersa reuerens, tamquam ratis in mari immenso, nostra uebitur oratio. Sed haec & uetera, & a Graecis. Cato autem sic abiit e uita, ut causam moriendi nactum se esse ganderet. uetat enim dominans ille in nobis deus iniussu hinc nos suo demigrare. cum uero causam iustam deus ipse dederit, ut tunc Socrati, nunc Catoni, saepe multis: nae ille mediusfidius uir sapiens laetus ex his tenebris in lucem illam excesserit: nec tamen illa uincula carceris ruperit: leges enim uetant: sed, tamquam a magistratu, aut ab aliqua potestate legitima, sic a deo euocatus, atque emissus, exierit. tota enim philosophorum

phorum uita, ut ait idem, commentatio mortis est. *Macrobius. 1.*
nam quid aliud agimus, cum a uoluptate, id est a corpore, cum a re familiari, quae est ministra & fa-
mula corporis, cum a rep. cum a negotio omni seuo-
camus animum? quid, inquam, tum agimus, nisi
animum ad se ipsum aduocamus, secum esse cogi-
mus, maximeq. a corpore abducimus? secernere
autem a corpore animum, nequidquam aliud est,
quam emori discere. Quare hoc commentemur,
mihi crede, disiungamusq. nos a corporibus, id est
consuescamus mori. hoc & dum erimus in terris,
erit illi caelesti uitae simile: & cum illuc ex his uin-
culis emissi feremur, minus tardabitur cursus ani-
morum. nam qui in compedibus corporis semper
fuerunt; etiam cum soluti sunt, tardius ingrediun-
tur, uisij, qui ferro uincti multos annos fuerunt.
quo cum uenerimus, tum denique uiuemus. nam & sōrio
haec quidem uita, mors est: quam lamentari pos-
sem, si liberet. A. Satis tu quidem in Consolatione
es lamentatus: quam cum lego, nihil malo, quam
eas res relinquere; his uero auditis, multo magis.
M. Veniet tempus, & quidem celeriter, & siue
retardabis, siue properabis. uolat enim aetas. tan-
tum autem abest ab eo, ut malum mors sit, quod
tibi dudum uidebatur; ut uerear, ne homini nihil
sit non malum aliud certe, sed nihil bonum aliud
potius; siquidem uel dii ipsi, uel cum dijs futuri su-
mus. A. Quid refert? adsunt enim, qui haec non
proben. M. Ego autem numquam ita te in hoc ser-
more

monere dimittam ulla uti ratione, ut mors tibi uideri
malum possit. A. Qui potest, cum ista cognouerim?
M. Qui possit, rogas? cateruae ueniunt contradicen-
tium, non solum Epicureorum, quos equidem non
despicio, sed nescio quo modo doctissimus quisque
contemnit: acerrime autem, deliciae meae, Dicaear-
chus contra hanc immortalitatem differuit. is enim
tres libros scripsit, qui Lesbiaci uocantur, quod Mi-
tylenis sermo habetur; in quibus uult efficere, ani-
mos esse mortales. Stoici autem usuram nobis lar-
giuntur, tamquam cornicibus: diu mansuros aiunt
animos, semper negant. Num uis igitur audire,
cur, etiam si ita sit, mors tamen non sit in malis?
A. Ut uidetur: sed me nemo de immortalitate de-
pellet. M. Laudo id quidem: etsi nihil nimis opor-
tet confidere. mouemur enim saepe aliquo acute con-
cluso: labamus, mutamusq. sententiam. clariori-
bus etiam in rebus: in his est enim aliqua obscuri-
tas. id igitur si acciderit, simus armati. A. Sane
quidem: sed, ne accidat, providebo. M. Num
quid igitur est causae, quin amicos nostros Stoicos
dimittamus, eos, dico, qui aiunt animos manere,
e corpore cum excesserint, sed non semper?
A. istos uero: qui, quod tota in hac causa diffi-
cillimum est, suscipiant, posse animum manere cor-
pore uacantem; illud autem quod non modo facile
ad credendum est, sed, eo concesso, quod uolunt, con-
sequens, id certe non dant, ut, cum diu permanserit,
ne intereat. M. Bene reprehendis; & se isto modo

res habet. Credamus igitur Panaetio, a Platone suo
dissentienti. quem enim omnibus locis diuinum, quē
sapientissimum, quem sanctissimum, quem Home-
rum philosophorum appellat huius hanc unam sen-
tentiam de immortalitate animorum non probat.
nult enim; quod nemo negat, quidquid natum sit,
interire; na sci autem animos, quod declarat eorum
similitudo, qui procreantur; quae etiam in ingenijs.
non solum corporibus, appareat. Alteram autem
affert rationem: nihil esse, quod doleat, quin id ae-
grum esse quoque possit; quod autem in morbum ca-
dat, id etiam interiturum: dolere autem animos;
ergo etiam interire. Haec refelli possunt. sunt enim
ignorantis, cum de aeternitate animorum dicatur,
de mente dici, quae omni turbido motu semper ua-
cet, non de partibus ijs, in quibus aegritudines, irae,
libidinesq. uersentur: quas is, contra quem haec di-
cantur, semotas a mente, & disclusas putat. nam
similitudo magis apparet in bestijs: quarum animi
sunt rationis expertes. hominum autem similitudo
in corporum figuram magis extat: & ipsi animi, ma-
gni refert, quali in corpore locati sint. multa enim e
corpore existunt, quae acuant mentem; multa, quae
obtundant. Aristoteles quidem ait, omnes inge-
niosos melancholicos esse: ut ego me tardiores esse *pro quibus*
non moleste feram. enumerat multos: idq. quasi
constet, rationem, cur ita fiat, affert. Quod si tanta
uis est ad habitum mentis in ijs, quae gignuntur in
corpore; ea sunt autem, quae cumque sunt quae simi-
litudinem

litudinem faciant : nihil necessitatis affert , cur na-
 scantur animi , similitudo . omitto similitudines .
 uellem adesse posset Panaetius . uixit cum Africano .
 quaererem ex eo , cuius suorum similis fuisset Afri-
 cani fratris nepos . facie uel patris , uita omnium
 perditorum ita similis , ut esset facile deterrimus .
 cuius etiam similis P. Crassi , & sapientis , & elo-
 quentis hominis , nepos ; multorumq. aliorum , cla-
 rorum uirorum , quos nihil attinet nominare , nepo-
 tes , & filij . Sed quid agimus ? obliti ne sumus , hoc
 nunc nobis esse propositum , cum satis de aeternita-
 te dixissemus , ne si interirent quidem animi , quid-
 quam mali esse in morte ? A. Ego uero memineram :
 sed te , de aeternitate , dicentem , aberrare a propo-
 sito facile patiebar . M. Video te alta spectare , &
 uelle in caelum migrare . spero fore , ut contingat id
 nobis : sed fac , ut isti uolunt , animos non remanere
 post mortem : uideo nos , si ita sit , priuari spe bea-
 tioris uitae ; mali uero quid affert ista sententia ? fac
 animum sic interire , ut corpus : num igitur aliquis
 dolor : aut omnino post mortem sensus in corpore
 est ? nemo id quidem dicit : etsi Democritum insimu-
 lat Epicurus : Democritici negant . ne in animo qui-
 dem igitur sensus remanet . ipse enim nusquam est :
 ubi igitur malum est , quoniam nihil tertium ? an ,
 quoniam ipse animi discessus a corpore non fit sine
 dolore ? ut credam ita esse , quam est id exiguum ?
 & falsum esse arbitror : & fit plerumque sine sen-
 su , non numquam etiam cum uoluptate : totumq.

hoc

hoc leue est, qualecumque est. sit enim ad punctum
temporis. illud angit, uel potius excruciat, discessus
ab omnibus ijs, quae sunt bona in uita. uide, ne a
malis dici uerius possit. quid ego nunc lugeam uitam
hominum? uere, & iure possum: sed quid necesse
est, cum id agam, ne post mortem miseros non pu-
temus fore, uitam etiam efficere deplorando mis-
riorem? fecimus hoc in eo libro, in quo nosmet ipsos,
quantum potuimus, consolati sumus. A malis igitur *pro Clu. 61.*
tur mors abducit, non a bonis, uerum si quaerimus *fam. 466. ep. 15.*
hoc quidem a Cyrenaico Hegesia sic copiose disputa-
tur, ut is a rege Ptolemaeo prohibitus esse dicatur il-
la in scholis dicere; quod multis, his auditis, mor-
tem sibi ipsi consciscerent. Callimachi quidem epi-
gramma in Ambraciotam Cleombrotum est: quem
ait, cum nihil ei accidisset aduersi, e muro se in ma-
re abiicisse, lecto Platonis libro. eius autem, quae
dixi, Hegesiae liber est ἀποκατεπαύ; quod a uita
quidam per inedia[m] discedens, reuocatur ab ami-
cis; quibus respondens, uitae humanae enumerat in-
commoda. possem id facere, etsi minus, quam ille,
qui omnino uiuere expedire nemini putat. Omitto
alios: etiam ne nobis expedit, qui, et domesticis, &
forensibus solatijs, ornamentisq. priuati, certe, si
ante occidissimus, mors nos a malis, non a bonis
abstraxisset? sit igitur aliquis, qui nihil mali habe-
at, nullum a fortuna uulnus acceperit. Metellus ille *167.*
honoratus quattuor filijs: at quinquaginta Pria-
mus, e quibus decem & septem iusta uxore natis.

in

TVSC. DISPVTV.

in utroque eandem habuit fortuna potestatem, sed
usa in altero est. Metellum enim multi filij, filiae,
nepotes, neptes in rogam imponerunt: Priamum
autem, tanta progenie orbatum, cum in aram con-
fugisset, hostis manus interemit. hic si, uinis filiis,
incolumi regno, occidisset,

Virg. 2
Aen.

- Astante ope barbarica,
Tectis caelatis, laqueatis;
utrum tandem a bonis, an a malis, discessisset? tum
profecto uideretur a bonis. at certe ei melius eue-
nisset; nec tam flebiliter illa canerentur:

Haec omnia uidi inflammari,

Priamo ui uitam euitari,

Iouis aram sanguine turpari.

quasi uero ista uel quidquam tum potuerit ei me-
lius accidere. quod si ante occidisset, tamen euen-
tum omnino amisisset, hoc autem tempore sensum
malorum amisit. Pompeio, nostro familiari, cum
grauiter aegrotaret Neapoli, melius est factum. co-
ronati Neapolitani fuerunt. nimirum. etiam Pu-
teolani uulgo ex opidis publice gratulabantur. ine-
ptum sane negotium, & graeculum, sed tamen for-
tunatum. utrum igitur, si tum esset extinctus, a bo-
nis rebus, an a malis, discessisset? certe a miseris.
non enim cum socero bellum gessisset: non imparatus
arma sumpsisset: non domum reliquisset: non
ex Italia fugisset: non, exercitu amisso, nudus in
seruorum ferrum, & manus incidisset: non liberi
defleti: non fortunae omnes a uictoribus possessae.

qui

qui, si mortem tum obisset, in amplissimis fortunis occidisset; is, propagatione uitae, quot, quantas, quam incredibiles hausit calamitates? haec morte effugiuntur, etiam si non euenierint, tamen quia possunt euenire. sed homines ea sibi accidere posse non cogitant: Metelli sperat sibi quisque fortunam. proinde quasi aut plures fortunati sint, quam infelices; aut certi quidquam sit in rebus humani; aut sperare sit prudentius, quam timere. Sed hoc ipsum concedatur, bonis rebus homines morte priuari: ergo etiam carere mortuos uitae commodis, idque esse miserum? certe, ita dicant, necesse est. An potestis, qui non est, re ulla carere? triste enim est nomen ipsum carendi; quia subiicitur haec uis: habuit, non habet, desiderat, requirit, indiget. opinor haec incommoda sunt carentis: caret oculis, odiosa caecitas: liberis, orbitas. ualet hoc in uinis: mortuorum autem non uitae modo commodis, sed ne uita quidem ipsa quisquam caret. de mortuis loquor, qui nulli sunt. nos, qui sumus, num, aut si cornibus careremus, aut pennis, sit qui id dixerit? certe nemo. quid ita? quia, cum id non habeas, quod tibi nec usus, nec natura aptum sit, non careas, etiam si sentias te non habere. hoc premendum etiam atque etiam est argumentum, confirmato illo, de quo, si mortales animi sunt, dubitare non possumus, quin tantus interitus in morte sit, ut ne minima quidem suspicio sensus relinquatur. hoc igitur probe stabilito, & fixo, illud excutiendum est, ut sciatur quid sit

*haurir ea
calamitates*

p Rab. per d. 109

Fam.

l. 16

*310. Att.
p. 14. 15.*

sit carere; ne relinquatur aliquid erroris in uerbo.
 carere igitur hoc significat, egere eo, quod habere
 uelis. inest enim, uelle, in carendo: nisi cum sic, tam-
 quam in febris, dicitur, alia quadam notione uerbi.
 dicitur enim alio modo etiam carere, cum aliquid
 non habeas, & non habere te sentias, etiam si id fa-
 cile patiare. carere enim malo, id non dicitur; non
 enim esset dolendum: dicitur illud, bono carere;
 quod est malum. sed ne uiuus quidem bono caret,
 si eo non indiget: sed in uiuo intelligi tamen potest.
 regno carere, dici hoc in te satis subtiliter non po-
 test: posset in Tarquinio, cum regno esset expulsus:
 at in mortuo ne intelligi quidem potest. carere e-
 nim sentientis est: nec sensus in mortuo est: ne ca-
 rere quidem igitur in mortuo est. quamquam quid
 opus est in hoc philosophari, cum rem non magno-
 pere egere philosophia uideamus? quoties non mo-
 do ductores nostri, sed uniuersi etiam exercitus ad
 non dubiam mortem concurrerunt? quae quidem si
 timeretur, non L. Brutus, arcens eum reditu tyran-
 num, quem ipse expulerat, in proelio concidisset:
 non cum Latinis decertans pater Decius, cum Etru-
 scis filius, etiam cum Pyrrho nepos, se hostium telis
 obiecisset: non uno bello pro patria cadentes Scipio-
 nes Hispania uidisset, Paullum Aemilium Cannae,
 Venusia Marcellum, Latini Albinum, Lucani Grac-
 chum. num quibus horum miser hodie? ne tum qui-
 dem post spiritum extremum? nec enim potest esse
 miser quisquam, sensu perempto. at id ipsum odio-
 sura

sum est, sine sensu esse. odiosum, si id esset carere. cum uero perspicuum sit, nihil posse in eo esse, qui ipse non sit: quid potest esse in eo odiosum, qui nec careat, nec sentiat? quamquam hoc quidem nimis saepe, sed eo quod in hoc inest omnis animi contritio ex metu mortis. qui enim satis uiderit, id quod est luce clarius, animo, & corpore consumpto, totoque animante deleta, & facto interitu uniuerso, illud animal, quod fuerit, factum esse nihil; is plane perspiciet, inter hippocentaurum, qui numquam fuerit, & regem Agamemnonem nihil interesse; nec pluris nunc facere M. Camillum hoc ciuile bellum, quam, illo uiuo, ego fecerim Romam captam. cur igitur & Camillus doleret, si haec post trecentos & quinquaginta fere annos euentura putaret: & ego doleam, si ad decem millia annorum gentem aliquam urbe nostra potituram putem? quia tanta caritas patriae est, ut eam non sensu nostro, sed salute ipsius metiamur. itaque non deterret sapientem mors, quae propter incertos casus quotidie imminet, propter breuitatem uitae numquam longe potest abesse, quo minus in omne tempus reip. suisque consulat, & posteritatem ipsam, cuius sensum habiturus non sit, ad se putet pertinere. Quare licet etiam, mortalem esse animum iudicantem, aeterna moliri, non gloriae cupiditate, quam sensurus non sit, sed uirtutis, quam necessaria gloria, etiam si tu id non agas, consequatur. Natura uero se sic habet, ut, quo modo initium nobis rerum omnium ortus

bb noster

TVSC. DISPVT.

noſter aſſerat, ſic exitum mors. quæ ut nihil perti-
nuit ad nos ante ortum, ſic nihil poſt mortem per-
tinebit. in quo quid poteſt eſſe mali, cum mors nec
ad uiuos pertineat, nec ad mortuos? alteri nulli
ſunt, alteros non attingit. quam qui leuiorem fa-
ciunt, ſomni ſimillimam uolunt eſſe. quaſi uero
quiſquam ita nonaginta annos uelit uiuere, ut, cum
ſexaginta confecerit, reliquos dormiat. ne ſues
quidem id uelint, non modo ipſe. Endymion uero,
ſi fabulas audire uolumus, neſcio quando in Lat-
ino obdormiuit, qui eſt mons Cariae, nondum, opi-
nor, experrectus. num igitur eum curare cenſes,
cum Luna labore, a qua conſopitus putatur, ut
cum dormientem oſcularetur? quid curet autem,
qui ne ſentit quidem? habes ſomnum imaginem
mortis; eamq. quotidie induis: & dubitas, quin
ſenſus in morte nullus ſit, cum in eius ſimulacro ui-
deas eſſe nullum ſenſum? Pellantur ergo iſtæ ine-
ptiæ pæne aniles, ante tempus mori miſerum eſſe.
quod tandem tempus? naturæ ne? at ea quidem
dedit uſuram uitæ, tamquam pecuniæ, nulla prae-
ſtituta die. quid eſt igitur, quod querare, ſi repe-
rit cum uult? ea enim condicione acceperas. Iidem,
ſi puer paruus occidit, æquo animo ferendum pu-
tant; ſi uero in cunis, ne querendum quidem.

At qui ab hoc acerbius exegit natura, quod dede-
rat. nondum guſtauerat, inquit, uitæ ſuaui-
tatem: hic autem iam ſperabat magna, quibus frui
coeperat. At id quidem ipſum in ceteris rebus me-
lius

lius putatur, aliquam partem, quam nullam, attingere: cur in uita secus? quamquam non male ait Callimachus, multo saepius lacrymasse Priamum, quam Troilum. Eorum autem, qui exacta aetate moriuntur, fortuna laudatur: cur? nam, reor, non illis, si uita longior daretur, posset esse iucundior. nihil est enim profecto homini prudentia dulcius: quam, ut cetera auferat, affert certe senectus. quae uero aetas longa est? aut quid omnino homini longum? non ne modo pueros, modo adulescentes in cursu a tergo insequens nec opinantes assescuta est senectus? sed, quia ultra nihil habemus, hoc longum dicimus. omnia ista, perinde ut cuique data sunt, pro rata parte aut longa, aut breuia dicuntur. Apud Hispanin fluium, qui ab Europae parte in pontum influit, Aristoteles ait bestiolas quasdam nasci, quae unum diem uiuant. ex his igitur hora octaua quae mortua est, quae aetate mortua est; quae uero occidente sole, decrepita; eo magis, si etiam solstitiali die, confer nostram longissimam aetatem cum aeternitate: in eadem prope modum breuitate, qua illae bestiolae, reperiemur. Contemnamus igitur omnes ineptias; (quod enim leuius huic leuitati nomen imponam?) totamque uim bene uiuendi in animi robore, ac magnitudine, & in omnium rerum humanarum contemptione, ac desipientia, & in omni uirtute ponamus. nam nunc quidem cogitationibus mollissimis effeminamur; ut, si ante mors aduentet, quam Chaldaeorum promiss-

TVSC. DISPVT.

Sa consecuti sumus, spoliati magnis quibusdam bonis, illusi, destitutiq. uideamur. quod si expectando, & desiderando pendemus animis, cruciamur, angimur: pro diu immortales, quam optabiliter illud iter ineundum esse debet, quo confecto, nulla reliqua cura, nulla sollicitudo futura sit? Quam me delectat Theramenes, quamq. elato animo est? et si enim flemus, cum legimus: tamen non miserabiliter uir clarus emoritur. qui cum, coniectus in carcerem triginta iussu tyrannorum, uenenum ut sitiens obbibisset; reliquum sic e poculo eiecit, ut id resonaret. et post sonitu reddito, ridens, propino, inquit, hoc poculo Critiae, qui in eum fuerat taeterri-
 mus, decem enim in conuiujs solent nominare, cui potum tradituri sint. lusi uir egregius extremo spiritu, cum iam praecordijs conceptam mortem contineret: uereq. ei, qui uenenum praebuerat, mortem eam auguratus, quae breui consecuta est. quis huius animi maximi aequitatem in ipsa morte laudaret? Si mortem malum iudicaret? Vadit in eundem carcerem, atque in eundem paucis post annis scyphum Socrates, eodem scelere iudicium, quo tyrannorum Theramenes. quae est igitur eius oratio, qua facit eum Plato usum apud iudices, iam morte multatum? Magna me, inquit, spes tenet, iudices, bene mihi euagare, quod mittar ad mortem. necesse est enim sit alterum de duobus, ut aut sensus omnino mors omnes auferat, aut in alium quendam locum ex his locis morte migretur. quam obrem

obrem siue sensus extinguitur, morsq. ei somno similis est, qui non numquam, etiam sine uisis somniorum, placatissimam quietem affert: dii boni, quid lucri est emori? aut quam multi dies reperiri possunt, qui tali nocti anteponantur, cui similis futura est perpetuitas omnis consequentis temporis? quis me beator? sin uera sunt quae dicuntur, migrationem esse mortem in eas oras, quas, qui e uita excesserunt, incolunt: id multo iam beatius est, te, cum ab ijs, qui se iudicum numero haberi uolunt, euaseris, ad eos uenire, qui uere iudices appellantur, Minoem, Rhadamanthum, Aeacum, Triptolemum; cumuenireq. eos, qui iuste & cum fide uixerint. Haec peregrinatio mediocris uobis uideri potest? Vt uero colloqui cum Orphea, Musaeo, Homero, Hesiodo liceat, quanti tandem aestimatis? equidem saepe mori, si fieri posset, uellem, ut ea, quae dico, mihi liceret inuenire. Quanta delectatione autem afficerer, cum Palamedem, cum Aiacem; cum alios iudicio iniquorum circumuentos conuenirem? Tentarem etiam summi regis, qui maximas copias duxit ad Troiam, & Ulyssis, Sisyphiq. prudentiam: nec ob eam rem, cum haec exquirerem, sicut hic faciebam, capite damnarer. Ne uos quidem iudices, ij, qui me absoluestis, mortem timueritis. nec enim cuiquam bono mali quidquam euenire potest nec uiuo, nec mortuo: nec umquam eius res a dijs immortalibus negligentur: nec mihi ipsi hoc accidit fortuito. Nec uero ijs, a quibus ac-

bb 3 cufatus

TVSC. DISPVTV.

cusatus sum, aut a quibus condemnatus, habeo
quod succenseam, nisi quod mihi nocere se credide-
runt. & hoc quidem hoc modo: nihil autem melius
aestimo. Sed tempus est, inquit, iam hinc abire
me, ut moriar; uos, ut uitam agatis. utrum au-
tem sit melius, dii immortales sciunt; homines qui-
dem scire arbitror neminem. Nae ego haud paullo
hunc animum malim, quam eorum omnium for-
tunas, qui de hoc iudicauerunt. etsi, quod praeter
deos negat scire quemquam, id scit ipse, utrum me-
lius sit: nam dixit ante: sed suum illud, nihil ut af-
firmet, tenet ad extremum. nos autem teneamus,
ut nihil censeamus esse malum, quod sit a natura
datum omnibus; intelligamusque, si mors malum sit,
esse sempiternum malum. nam uitae miserae mors
finis esse uidetur: mors si est misera, finis esse nul-
lus potest. Sed quid ego Socratem, aut Theramenem,
praestantes uiros uirtutis, & sapientiae gloria, com-
memoro, cum Lacedaemonius quidam, cuius ne no-
men quidem proditum est, mortem tantopere con-
tempserit, ut, cum ad eam duceretur damnatus ab
Ephoris, et esset uultu hilari, atque laeto, dixisset q.
ei quidam inimicus, contemnitis ne leges Lycurgi?
responderit; ego uero illi maximam gratiam ha-
beo, qui me ea poena multauerit, quam sine mu-
tuatione, & sine uersura possem dissoluere. O ui-
rum Sparta dignum: ut mihi quidem, qui tam ma-
gno animo fuerit, innocens damnatus esse uideatur.
Tales innumerabiles nostra ciuitas tulit. sed quid de-
ces,

ces, & pri
Cato saepe a
ditas se
demonij in
monides:
Dichospes S
Dum san
Quid ille d
Lacedaem
nus. fuit i
bant. e qui
dixisset glo
& sagitta
quit, puga
dem Laca
& interfi
ram, ut e
occumbe
gnam ha
Theodon
miramur
retur; i
purpura
humine
moneor
tura die
praesert
re dicta si
apparet

ces, & principes nominem, cum legiones scribat
Cato saepe alacres in eum locum profectas, unde re-
dituras se non arbitrarentur? Pari animo Lace-
daemonij in Thermopylis occiderunt: in quos Si-
monides:

Dic hospes Spartaee, nos te hic uidisse iacentes,

Dum sanctis patriae legibus obsequimur.

Quid ille dux Leonidas dicit? pergite animo fortis 102. 200.

Lacedaemonij: hodie apud inferos fortasse cenabi-
mus. fuit haec gens fortis, dum Lycurgi leges uige-
bant. e quibus unus, cum Perses hostis in colloquio
dixisset glorians, solem prae iaculorum multitudine
& sagittarum non uidebitis; in umbra igitur, in-
quit, pugnabimus. Viros commemoro: qualis tan-
dem Lacaena? quae cum filium in proelium misisset,
& interfectum audisset, iccirco, inquit, genue-
ram, ut esset qui pro patria mortem non dubitaret
occumbere. Esto: fortes, & duri Spartiatae: ma-
gnam habet uim reip. disciplina: quid? Cyrenaeum
Theodorum, philosophum non ignobilem, non re-
miramur? cui cum Lysimachus rex crucem minua-
retur; istis, quae so, inquit, ista horribilia minitare
purpuratis tuis: Theodori quidem nihil interest,
humine, an sublime putrescat. cuius hoc dicto ad-
moneor, ut aliquid etiam de humatione, & sepul-
tura dicendum existimem. rem non difficilem, ijs
praesertim cognitis, quae de nihil sentiedo paullo an-
te dicta sunt. de qua Socrates quidem quid senserit,
apparet in eo libro, in quo moritur: de quo iam tam

bh 4 metta

T V S C. D I S P V T.

multa diximus. cum enim de immortalitate animorum disputauisset, & iam moriendi tempus urgeret, rogatus a Critone quemadmodum sepeliri uellet, Multam uero, inquit, operam amici frustra consumpsi: Critoni enim nostro non persuasi, me hinc auolaturum, neque quidquam mei relicturum. ueruntamen Crito, si me assequi potueris, aut sicubi nactus eris; ut tibi uidebitur, sepelito. sed, mihi crede, nemo me uerum, cum hinc excessero, consequetur. Praeclare id quidem, qui & amico permiserit, & ostenderit de hoc toto genere nihil laborare. Durior Diogenes, & id quidem sentiens, sed, ut Cynicus, asperius, proijci se iussit inhumatum. tum amici, uolucris ne, & feris? minime uero, inquit: sed bacillum prope me, quo abigam, ponitote. qui poteris, illi? non enim senties. quid igitur mihi ferarum laniatus oberit nihil sentienti? Praeclare Anaxagoras: qui cum Lampfaci moreretur, quaerentibus amicis, uellet ne Clazomenas in patriam, si quid accidisset, afferri; nihil necesse est, inquit: undique enim ad inferos tantundem uiae est. Totaq. de ratione humationis unum tenendum est; ad corpus illam pertinere, siue occiderit animus, siue uigeat: in corpore autem, perspicuum est, uel extincto animo, uel elapso, nullum residere sensum. Sed plena errorum sunt omnia. trahit Hector rem ad currum religatum Achilles: lacerari eum, & sentire credo putat. ergo hic ulciscitur, ut quidem sibi uidetur: at illa sicut acerbissimam rem maeret: Vidi,

Vidi, uidere quod me passa aegerrime,
Curru Hectorum quadriiugo raptarier.
quem Hectorum? aut quam diu ille erit Hector?
melius Attius, & aliquando sapiens Achilles:
Immo enim uero corpus Priamo reddidi, Hectorum
abstuli. non igitur Hectora traxisti, sed
corpus quod fuerat Hectoris. Ecce alius exoritur
e terra, qui matrem dormire non sinat.

Mater, te appello, quae curam, somno suspen-
sam, leuas,

Neque te mei miseret: surge, & sepeli natum.
haec cum pressis & flebilibus modis, qui totis thea-
tris maeflitiā inferant, concinuntur; difficile est
non eos, qui inhumati sunt, miseros iudicare.

- Prius quam ferae,

Volucresq.

metuit, ne laceratis membris minus bene utatur;
ne combustis, non extimescit.

Heu, reliquias semiaffi regis, denudatis ossibus,

Per terram sanie delibutam foede diuexarier.

non intelligo, quid metuat, cum tam bonos septe-
narios fundat ad tibiam. Tenendum est igitur, ni-
hil curandum esse post mortem: cum multi inimicos
etiam mortuos puniant. Execratur luculentis sane
uersibus apud Ennium Thyestes, primum ut nau-
fragio pereat Atreus. durum hoc sane: talis enim
interitus non est sine graui sensu: illa inania;

- Ipse summis saxis fixus asperis,

Euisceratus, latere pendens, saxa spargens tabo,

Sanie,

T V S C. D I S P V T.

Sanie, & sanguine atro.

non ipsa saxa magis sensu omni uacabunt, quam ille latere pendens, cui se hic cruciatum censet optare. quam essent dura, si sentiret & nulla sine sensu. Illud uero perquam inane:

Neque sepulcrum, quo recipiatur habeat, portum corporis,

Vbi, remissa humana uita, corpus requiescat malis. Vidēs, quanto haec in errore uersentur. portum esse corporis, & requiescere in sepulcro putat mortuum. magna culpa Pelopis, qui non erudierit filium, nec docuerit quatenus esset quidque curandum. Sed quid singulorum opiniones animaduertam, nationum uarios errores perspicere cum liceat? Condiunt Aegyptij mortuos, & eos domi seruant. Persae etiam cera circumlitos condunt, ut quammaxime permaneant diuturna corpora. maiorum mos est, non humare corpora suorum, nisi a feris sint antea laniata. in Hyrcania plebs publicos alit canes; optimates, domesticos. nobile autem genus canum illud scimus esse. sed pro sua quisque facultate parat, a quibus lanietur: eamque optimam illi esse censent sepulturam. Per multa alia colligit Chrysippus, ut est in omni historia curiosus: sed ita taetra sunt quaedam, ut ea fugiat, & reformidet oratio. Totus igitur hic locus est contemnendus in nobis, non negligendus in nostris, ita tamen, ut mortuorum corpora nihil sentire sentiamus. quantum autem consuetudini, famaeque dandum sit, id cense

rent

rent uiui, sed ita, ut intelligant nihil ad mortuos pertinere. sed profecto mors tum aequissimo animo appetitur, cum suis se laudibus uita occidens consolari potest. nemo parum diu uixit, qui uirtutis perfectae profecto functus est munere. multa mihi ipsi ad mortem tempestiua fuerunt: quae utinam potuissem obire. nihil enim iam acquirerebatur: cum lata erant officia uitae: cum fortuna bella restabant. Quare, si ipsa ratio minus perficiet, ut mortem negligere possimus: at uita acta perficiat, ut satis superq. uixisse uideamur. quamquam enim sensus abierit; tamen summis, & proprijs bonis & laudis, & gloriae quamuis non sentiant, mortui non carent. etsi enim nihil in se habeat gloria, cur expectatur; tamen uirtutem tamquam umbra sequitur. uerum multitudinis iudicium de bonis, si quando est, magis laudandum est, quam illi ob eam rem beati. Non possum autem dicere, (quoquo modo hoc accipiat) Lycurgum, Solonem legum & publicae disciplinae carere gloria; Themistoclem, Epaminondam bellicae uirtutis. ante enim Salamina ipsam Neptunus obruet, quam Salaminij trophaei memoria: priusq. Boeotia Leuctra tollentur, quam pugnae Leuctricae gloria. Multo etiam tardius fama deferet Curium, Fabricium, Calatinum, duos Scipiones, duos Africanos, Maximum, Marcellum, Paullum, Catonem, Laelium, innumerabiles alios. quorum similitudinem aliquam qui arripuerit, non eam fama populari, sed uera bonorum laude metiens,

TVSC. DISPVT.

tiens: fidenti animo, si ita res fugeret, gradietur ad mortem: in qua aut summum bonum, aut nullum malum esse cognouimus: secundis uero suis rebus uolet etiam mori. non enim tam cumulus bonorum iucundus esse potest, quam molesta decessio. Hanc sententiam significare uidetur Laconis illa uox, qui, cum Rhodius Diagoras, Olympionices nobilis, uno die duos suos filios uictores Olympiae uidisset, accessit ad senem, & gratulatus, morere Diagora, inquit: non enim in caelum ascensurus es. Magna haec, et nimium fortasse Graeci putant, uel tum potius putabant: isque, qui hoc Diagorae dixit, permagnum existimans tres Olympionicas una ex domo prodire, cunctari illum diutius in uita, fortunae obiectum, inutile putabat ipsi. Ego autem, tibi quidem quod satis esse, paucis uerbis, ut mihi uidebar, responderam: concesseras enim, nullo in malo mortuos esse: sed ob eam causam contendi, ut plura dicerem, quod in desiderio, & luctu haec est consolatio maxima. nostrum enim, et nostra causa susceptum dolorem modice ferre debemus; ne & nosmet ipsos amare uideamur. illa suspicio intolerabili dolore cruciat, si opinamur eos, quibus orbatii sumus, esse cum aliquo sensu in ijs malis, quibus uulgo opinantur. hanc excutere opinionem mihi met radicitus uolui, eoq. fui fortasse longior. A. Tu longior? non mihi quidem. prior enim pars orationis tuae faciebat, ut mori cuperem; posterior, ut modo non nollem, modo non laborarem: omni autem ratione illud

lud certe perfectum est, ut mortem non ducerem
 in malis. M. Num igitur etiam rhetorum epilo-
 gum desideramus, an iam hanc artem plane relin-
 quimus? A. Tu uero istam ne reliqueris, quam
 semper ornasti: & quidem iure: illa enim te, si ue-
 re loqui uolumus, ornauerat. sed quinam est iste epi-
 logus? aueo enim audire, quidquid est. M. Deo-
 rum immortalium iudicia solent in scholis proferre
 de morte, nec uero ea fingere ipsi, sed Herodoto au-
 ctore, alijsq. pluribus. Primum Argiae sacerdotis
 Cleobis & Biton filij praedicantur. nota fabula est.
 cum enim illam ad sollemne, & statum sacrificium.
 curru uehi ius esset, satis longe, ab opido ad fanum;
 morarenturq. iumenta: tunc iuuenes ij, quos mo-
 do nominaui, ueste posita, corpora oleo perunxe-
 runt, ad iugum accesserunt. ita sacerdos aduecta in
 fanum, cum currus esset ductus a filijs, precata a
 dea dicitur, ut illis praemium daret pro pietate,
 quod maximum homini dari posset a deo: post, epu-
 latus cum matre adolescentes, somno se dedisse, ma-
 ne inuentos esse mortuos. Simili precatione Tropho-
 nius, et Agamedes usi dicuntur: qui, cum Apollini
 Delphis templum exaedificassent, uenerantes deum
 petierunt mercedem non paruam quidem operis, et
 laboris sui, nil certi, sed quod esset optimū homini.
 quibus Apollo se id daturum ostendit post eius diei
 diem tertium: qui ut illuxit, mortui sunt reperti.
 iudicauisse deum dicunt, & eum quidem deum, cui
 reliqui dij concessissent, ut praeter ceteros diuinaret,
 mortem

Val. l. s.

4.

TVSC. DISPVT.

mortem esse optimum homini. Fertur etiam de Sileno fabella quaedam: qui cum a Mida captus esset, hoc ei muneris pro sua missione dedisse scribitur; docuisse regem, non nasci homini longe optimum esse, proximum autem, quamprimum mori. qua est sententia in Cressphonte usus Euripides.

Nam nos decebat, coetus celebrantes domum,

Lugere, ubi esset aliquis in lucem editus,

Humanae uitae uaria reputantes mala:

At, qui labores morte finisset graves,

Omnes amicos laude, & laetitia exequi.

Simile quiddam est in consolatione Crantoris: ait enim Terinatum quendam Elisium, cum graueret filij mortem maereret, uenisse in psychomantium, quaerentem quae fuisset tantae calamitatis causa: huic in tabellis tres huiusmodi uersiculos datos:

Ignaris homines in uita mentibus errant.

Euthymus potitur fatorum munere laeto.

Sic fuit uilius finire, ipsique, tibi que.

His et talibus auctoribus usi, confirmant causam, rebus a dijs immortalibus indicatam. Alcidas quidam, rhetor antiquus in primis nobilis, scripsit etiam laudationem mortis, quae constat ex enumeratione malorum humanorum. cui rationes eae, quae exquisitius a philosophis colliguntur, defuerunt, ubertas orationis non defuit. Clarae uero mortes pro patria appetitae, non solum gloriosae rhetoribus, sed etiam beatae uideri solent. repetunt ab Erechtheo: cuius etiam filiae cupide mortem expetiuerunt pro

uita

uita ciuium: Codrum, qui se in medios immisit ho- *Val. 5. 4*
 stes famulari ueste, ne posset agnosci, si esset ornatu *Iust. 2.*
 regio: quod oraculum erat datum, si rex interfe-
 ctus esset, uictrices Athenas fore. Menechus uero
 non praetermittitur: qui, oraculo edito, largitus est
 patriae suum sanguinem. Iphigenia Aulide duci se *Quid. M.*
 immolandam iubet, ut hostium sanguis eliciatur *Suer. 1.*
 suo. Veniunt inde ad propria. Harmodius in ore, *Val. 2. 5.*
 & Aristogiton: Lacedaemonius Leonidas, Theba- *190.*
 nus Epaminondas uigent. nostros non norunt: quos *101.*
 enumerare magnum est: ita sunt multi, quibus ui-
 demus optabiles fuisse mortes cum gloria. Quae cum
 ita sint; magna tamen eloquentia est utendum, at-
 que ita uelut superiore loco concionandum, ut ho-
 mines mortem uel optare incipiant, uel certe time-
 re desistant. nam si supremus ille dies non extinctio-
 nem, sed commutationem affert loci: quid optabi-
 lius? sin autem perimit, ac delet omnino: quid me-
 lius, quam in medijs uitae laboribus obdormiscere,
 & ita conniscentem somno consopiri sempiterno?
 quod si fiat; melior Ennii, quam Solonis, oratio.
 hic enim noster,
 Nemo me lacrymis decoret, (inquit) nec funera *179.*
 fletu Faxit. at uero sapiens ille,
 Mors mea ne careat lacrymis: linquamus amicis
 Maerorem, ut celebrent funera cum gemitu.
 nos uero, si quid tale acciderit, ut a deo denuncia-
 tum uideatur ut exeamus e uita, laeti, & agentes
 gratias pareamus, emittiq. nos e custodia, & le-
 nari

uari uinculis arbitremur; ut aut in aeternam, & plane in nostram domum remigremus; aut omni sensu, molestiaq. careamus: sin autem nihil denuntiabitur; eo tamen simus animo, ut horribilem illum diem alijs, nobis fastum putemus; nihil in malis ducamus, quod sit uel a dijs immortalibus, uel a natura, parente omnium, constitutum. non enim temere, nec fortuito sati, & creati sumus: sed profecto fuit quaedam uis, quae generi consuleret humano, nec id gigneret, aut aleret, quod, cum exantlauisset omnes labores, tum incideret in mortis malum sempiternum. portum potius paratum nobis, & persugium putemus. quo utinam uelis passis peruehi liceat. sin, resstantibus uentis, reijciemur: tamen, eodem paullo tardius referamur, necesse est. quod autem omnibus necesse est, id ne miserum esse uni potest? Habes epilogum, ne quid praetermissum, aut relictum putes. A. Ego uero. et quidem fecit etiā iste me epilogus firmiorem. M. Optime, inquam: sed nunc quidem ualitudini tribuamus aliquid: cras autem, &, quot dies erimus in Tusculano, agamus haec, & ea potissimum, quae leuationem habeant aegritudinum, formidinum, cupiditatum. qui omni e philosophia est fructus aberramus.

201
M. TVLLII CICERONIS

TVSCVLANARVM

DISPVATIONVM,

LIBER II.

de tolerando dolore.

N EOPTOLEMVS quidem apud *de Or. 2*
Ennium philosophari sibi ait necesse *77:*
esse, sed paucis; nam, omnino, haud *9ell.*
placere: ego autem, Brute, neces-
se quidem mihi esse arbitror philosophari; (nam
quid possum, praesertim nihil agens, agere me-
lius?) sed non paucis, ut ille. difficile est enim in
philosophia, pauca esse ei nota, cui non sint aut ple-
raque, aut omnia. nam nec pauca, nisi multis, eli-
gi possunt; nec, qui pauca perceperit, non idem re-
liqua eodem studio persequetur. sed inuita tamen
occupata, atque, ut Neoptolemi tum erat, milita-
ri, pauca ipsa multum saepe prosunt, & ferunt fru-
ctus, si non tantos, quanti ex uniuersa philosophia
percipi possunt, tamen eos, quibus aliqua ex parte
interdum aut cupiditate, aut aegritudine, aut me-
tu liberemur: uelut ex ea disputatione, quae mi-
hi nuper habita est in Tusculano, magna uidebatur
mortis effecta contemptio: quae non minimum ualet
ad animum metu liberandum. nam qui id, quod ui-
tari non potest, metuit, is uiuere animo quieto nul-
lo modo potest: sed qui, non modo quia necesse est
cc mori,

mori, uerum etiam quia nihil habet mors, quod sit horrendum, mortem non timet, magnum is sibi praesidium ad beatam uitam comparauit. quamquam non sumus ignari, multos studiose contra esse dicturos. quod uitare nullo modo potuimus: nisi nihil omnino scriberemus. etenim si orationes, quas nos multitudinis iudicio probari uolebamus; (popularis est enim illa facultas, et effectus eloquentiae est audientium approbatio) sed si reperiebantur non nulli, qui nihil laudarent, nisi quod se imitari posse considerent; quemq. sperandi sibi, eundem & bene dicendi finem proponerent; & cum obruerentur copia sententiarum: atque uerborum, ieiunitatem, & famem se malle, quam ubertatem, & copiam dicerent; unde erat exortum genus Atticorum, ijs ipsis, qui id sequi se profitebantur, ignotum; qui iam conticuere, paene ab ipso foro irrisi: quid futurum putamus, cum adiutore populo, quo utebamur antea, nunc minime nos uti posse uideamus? est enim philosophia paucis contenta iudicibus, multitudinem consulto ipsa fugiens, eiq. ipsi & suspecta, & inuisa: ut uel, si quis uniuersam uelit uituperare, secundo id populo facere possit; uel, si in eam, quam nos maxime sequimur, conetur inuadere, magna habere possit auxilia ex reliquorum philosophorum disciplinis. Nos autem uniuersae philosophiae uituperatoribus respondimus in Hortensio: pro Academia autem quae dicenda erant, satis accurate in Academicis

cis quattuor libris explicata arbitramur. sed tamen tantum abest, ut scribi contra nos nolumus, ut id etiam maxime optemus. in ipsa enim Graecia philosophia tanto in honore numquam fuisset, nisi doctissimorum contentionibus dissensionibusq. uigisset.

Quamobrem hortor omnes, qui facere id possunt, ut huius quoque generis laudem iam languenti Graeciae eripiant, & perferant in hanc urbem, sicut reliquas omnes, quae quidem erant expetendae, studio atque industria sua maiores nostri transtulerunt.

Atque oratorum quidem laus ita ducta ab humili uenit ad summum, ut iam, quod natura fert in omnibus fere rebus, senescat, breuiq. tempore ad nihilum uentura uideatur. philosophia nascatur latinis quidem litteris ex his temporibus; eamq. nos adiuuemus; nosq. ipsos redargui, refelliq. patiamur. quod iusserunt animo iniquo, qui certis quibusdam, destinatisq. sententijs quasi addicti, & consecrati sunt, eaq. necessitate constricti, ut, etiam quae non probare soleant, ea cogantur constantiae causa defendere. nos, qui sequimur probabilia, nec ultra id, quod uerisimile occurrerit, progredi possumus, & refellere sine pertinacia, & refelli sine iracundia parati sumus. quod si haec studia traducta erunt ad nostros; ne bibliothecis quidem graecis egebimus, in quibus multitudo infinita librorum propter eorum est multitudinem, qui scripserunt. eadem enim dicuntur a multis: ex quo libris omnia referta sunt. quod accidet etiam nostris, si ad haec studia plures

cc 2 conflu-

confluxerint . sed eos , si possumus , excitemus . qui liberaliter eruditi , adhibita etiam differendi elegantia , ratione , & uia philosophantur . Est enim quoddam genus eorum , qui se philosophos appellari uolunt , quorum dicuntur esse latini sane multi libri : quos non contemno equidem , quippe quos numquam legerim : sed , quia profitentur ipsi illi , qui eos scribunt , se neque distincte , neque distribute , neque eleganter , neque ornate scribere , lectionem sine ulla delectatione negligo : quid enim dicant , et quid sentiant ij , qui sunt ab ea disciplina , nemo , mediocriter quidem doctus , ignorat . quamobrem , quoniam , quemadmodum dicant , ipsi non laborant ; cur legendi sint , nisi ipsi inter se , qui idem sentiunt , non intelligo . nam ut Platonem , reliquosq. Socraticos , & deinceps eos , qui ab his profecti sunt , legunt omnes , etiam qui illa aut non approbant , aut non studiosissime consecretantur ; Epicurum autem , & Metrodorum non fere , praeter suos , quisquam in manus sumit : sic hos Latinos ij soli legunt , qui illa recte dici putant . Nobis autem uidetur , quidquid litteris mandetur , id commendari omnium eruditorum lectione debere . nec , si ipsi minus consequi possumus , ideo minus id ita faciendum esse sentimus . itaque mihi semper Peripateticorum , Academiaeq. consuetudo , de omnibus rebus in contrarias partes differendi , non ob eam causam solum placuit , quod aliter non posset , quid in quaque re uerisimile esset , inueniri ; sed etiam , quod esset ea
maxi-

maxima dicendi exercitatio: qua princeps usus est
Aristoteles, deinde eum qui secuti sunt. nostra au-
tem memoria Philo, quem nos frequenter audiui-
mus, instituit alio tempore rhetorum praecepta tra-
dere, alio philosophorum. ad quam nos consuetudi-
nem a familiaribus nostris adducti, in Tusculano;
quod datum est temporis nobis, in eo consumpsimus.
itaque cum ante meridiem dictioni operam dedisse-
mus, sicut pridie feceramus; post meridiem in Aca-
demiā descendimus. in qua disputationem habitā
non quasi narrantes exponimus, sed eisdem fere ver-
bis, ut actum, disputatumq. est. est igitur ambulan-
tibus ad hunc modum sermo ille nobis institutus, &
a tali quodam inductus exordio. A. Dicit non potest;
quam sim hesternā disputatione tua delectatus, uel
potius adiutus. etsi enim mihi conscius sum, num-
quam me nimis cupidum fuisse uitae: tamen obijcie-
batur interdum animo metus quidam, & dolor, co-
gitanti fore aliquando finem huius lucis, & amissio-
nem omnium uitae commodorum. hoc genere mole-
stiae sic, mihi crede, sum liberatus, ut nihil minus
curandum putem. M. Minime mirum id quidem.
nam efficit hoc philosophia: medetur animis: ina-
nes sollicitudines detrahit: cupiditatibus liberat: pel-
lit timores. sed haec eius uis non idem potest apud
omnes; tum ualet multum, cum est idoneam com-
plexa naturam. fortes enim non modo fortuna
adiuuat, ut est in uetere prouerbio, sed multo ma-
gis ratio, quae quibusdam quasi praeceptis cōfirmat

uim fortitudinis . te natura excelsum quendam uidelicet , & altum , & humana despicientem genuit : itaque facile in animo forti contra mortem habita insedit oratio : sed haec eadem num censes apud eos ipsos ualere , nisi admodum paucos , a quibus inuenta , disputata , conscripta sunt ? quotus enim quisque philosophorum inuenitur , qui sit ita moratus , ita animo , ac uita constitutus , ut ratio postulat ; qui disciplinam suam , non ostentationem scientiae , sed legem uitae putet ; qui obtemperet ipse sibi , et decretis suis pareat ? uidere licet alios tanta leuitate , & iactatione , uis ut fuerit non didicisse melius ; alios pecuniae cupidos , gloriae non nullos ; multos libidinum seruos : ut cum eorum uita mirabiliter pugnet oratio . quod quidem mihi uidetur esse turpissimum . ut enim , si grammaticum se professus quispiam , barbare loquatur ; aut si absurde canat is , qui se haberi uelit musicum , hoc turpior sit , quod in eo ipso peccet , cuius profitetur scientiam : sic philosophus in ratione uitae peccans , hoc turpior est , quod in officio , cuius magister esse uult , labitur ; artemq. uitae professus , deliquit in uita . A . Non ne uerendum igitur , si est ita , ut dicis , ne philosophiam falsa gloria exornes ? quod est enim maius argumentum , nihil eam prodesse , quam quosdam perfectos philosophos turpiter uiuere ? M . Nullum uero id quidem argumentum est . nam ut agri non omnes frugiferi sunt , qui coluntur ; falsumq. illud , ac improbe ,

Et si

Et si segetem sunt in deteriore datae
 Fruges, tamen ipse suapte natura enitent:
 sic animi non omnes culti fructum ferunt. atque (ut
 in eodem simili uerfer) ut ager, quamuis fertilis,
 sine cultura fructuosus esse non potest; sic sine do-
 ctrina animus. ita est utraque res una sine altera de-
 bilis, cultura autem animi philosophia est: quae ex-
 trahit uitia radicitus, et praeparat animos ad satus
 accipiendos; eaq. mandat his, & ut ita dicam, se-
 rit, quae adulta fructus uberrimos ferant. Agamus
 igitur, ut coepimus: dic, si uis, de quo disputari ue-
 lis. A. Dolorem existimo maximum malorum om-
 nium. M. Etiam ne maius, quam dedecus? A. Non
 audeo id dicere quidem, & me pudet tam cito de
 sententia esse deiectum. M. Magis esset pudendum;
 si in sententia permaneres. quid enim minus est di-
 gnum, quam tibi quidquā peius uideri dedecore, fla-
 gitio, turpitudine? quae ut effugias, quis est non mo-
 do nō recusandus, sed ultro appetendus, subeundus,
 excipiendus dolor? A. Ita prorsus existimō. quare
 ne sit sane summum malum dolor; malum est certe.
 M. Vides ne igitur, quantum, breuiter admonitus,
 de doloris terrore deieceris? A. uideo plane; sed plus
 desidero. M. Experiar equidem: sed magna res est;
 animoq. mihi opus est non repugnante. A. Habebis
 id quidem. ut enim heri feci, sic nunc rationem,
 quo ea me cumque ducet, sequar. M. Primum igi-
 tur de imbecillitate multorum, & de varijs disci-
 plinis philosophorum loquar. quorum princeps & au-
 thoritate.

Luc. Lum.
13. 289
pro Flac.

T V S C. D I S P U T.

Floritate, & antiquitate, Socraticus Aristippus non dubitavit summum malum dolorem dicere. deinde ad hanc enervatam, muliebremque sententiam satis docilem se Epicurus praebuit. hunc post Rhodius Hieronymus, dolore uacare, summum bonum dixit: tantum in dolore duxit mali. ceteri, praeter Zenonem, Aristonem, Pyrrhonem, idem fere, quod modo tu; malum illud quidem, sed alia peiora. Ergo id, quod natura ipsa, & quaedam generosa uirtus statim respuit, ne dolorem summum malum diceret, oppositoque dedecore sententia depellere, in eo, magistra uitae, tot saecula permanet philosophia. quod huic officium, quae laus, quod decus erit tanti, quod adipisci cum dolore corporis uelit, qui dolorem summum malum sibi esse persuaferit? quam porro quis ignominiam, quam turpitudinem non pertulerit, ut effugiat dolorem, si id summum malum esse decreuerit? quis autem non miser non modo tunc, cum premetur summis doloribus, si in his est summum malum, sed etiam cum sciet id sibi posse euenire? & quis est, cui non possit? ita fit, ut omnino nemo possit esse beatus. Metrodorus quidem eum perfecte putat beatum, cui corpus bene constitutum sit, & exploratum ita semper fore. quis autem est iste, cui id exploratum possit esse? Epicurus uero ea dicit, ut mihi quidem risus captare uideatur. affirmat enim quodam loco, si iuratur sapiens, si crucietur: expectas fortasse, dum dicat; patietur, perferet, non succumbet. magna mehercule

cule laus, & eo ipso, per quem iuravi, Hercule digna: sed Epicuro, homini aspero, & duro, non est hoc satis: in Phalaridis tauro si erit, dicet, quam suave est hoc, quam hoc non curo. suave etiam? an parum est, si non amarum? at id quidem illi ipsi, qui dolorem malum esse negant, non solent dicere, cuiquam suave esse, cruciari; asperum, difficile, odiosum, contra naturam dicunt, nec tamen malum: hic, qui solum hoc malum dicit, & malorum omnium extremum, sapientem censet id suave dicturum. Ego a te non postulo, ut dolorem eisdem uerbis afficias, quibus Epicurus uoluptatem, homo, ut scis, uoluptarius. ille dixerit sane idem in Phalaridis tauro, quod si esset in lectulo: ego tantam uim non tribuo sapienti contra dolorem. sit fortis in perferendo, officij satis est: ut laetetur etiam, non postulo. tristis enim res est sine dubio, aspera, amara, inimica naturae, ad patiendum, tolerandumq. difficilis. Aspice Philoctetam: cui concedendum est gementi: ipsum enim Herculem uiderat in Oeta magnitudine dolorum eiulantem. nihil igitur hunc uirum sagittae, quas ab Hercule acceperat, tum consolabantur:

Cum e uiperino morsu uenae uiscerum
Veneno imbutae taetros cruciatus cierent.
itaque exclamat auxilium expetens, mori cupiens:
Heu quis salsis fluctibus mandet
Me ex sublimi uertice saxi.
Iam iam absumor: conficit animam

Vis

T V S C. D I S P V T.

*Vis vulneris, ulceris aestus.
difficile dictu uidetur, eum non in malo esse, & ma-
gno quidem, qui ita clamare cogatur. Sed uidea-
mus Herculem ipsum; qui tum dolore frangebatur,
cum immortalitate ipsa morte quaerebat. quas hic
uoces apud Sophoclem in Trachinijs edit? cui cum
Deianira sanguine centauri tinctam tunicam indu-
isset; inhaesissetq. ea uisceribus; ait ille:
O multa dictu grauias, perpeſſu aspera,
Quae corpore exantlata, atque animo pertuli.
Nec mihi Iunonis terror implacabilis,
Nec tantum inuexit tristis Eurystheus mali,
Quantum una uetors Oenei partu edita.
Haec me irretiuit ueste furiali inscium,
Quae lateri inhaerens morsu lacerat uiscera,
Vrgensq. grauius pulmonum haurit spiritus:
Iam decolorem sanguinem omnem exorbuir:
Sic corpus clade horribili absumptum extabuit.
Ipse illigatus peste interimor textili.
Hos non hostilis dextra, non terra edita
Moles gigantum, non bisformato impetu
Centaurus ictus corpori infixit meo,
Non Graia uis, non barbara ulla immanitas,
Non saeua terris gens relegata ultimis;
Quas peragrās, undique omnē hinc feritatē expulsi:
Sed feminea uir, feminea interimor manu.
O nate, nere hoc nomen usurpa patri,
Ne me occidentem matris superet caritas.
Huc arripe ad me manibus abstractam pijs.*

Iam

*Iam cernam, me ne, an illam potiore putes.
Perge, aude nate, illacryma patris pestibus:
Miserere. gentes nostras flebunt miseras.
Heu uirginalem me ore ploratum edere,
Quem uidit nemo ulli ingemiscens malo.
Sic feminata uirtus afflicta occidit.
Accede nate, assiste, miserandum aspice
Evisceratum corpus lacerati patris,
Videte cuncti: tuq. caelestum sator
Iace obsecro in me uim coruscant fulminis.
Nunc nunc dolorum anxiferi torquent uertices:
Nunc serpit ardor. o ante uictrices manus,
O pectora, o terga, o lacertorum thori,
Vestro ne pressu quondam Nemeaeus leo
Frendens efflauit grauius extremum halitum?
Haec dextra Lernam terram mactata excetra
Placauit: haec bicornem afflixit manum:
Erimanthiam haec uastificam abiecit beluam:
Haec a Tartarea tenebrica abstractam plagam:
Tricipitem eduxit Hydra generatum canem:
Haec interemit tortum multiplicabili
Draconem, auriferam obtutu obseruantem arborē.
Multa alia uictrix nostra lustrauit manus,
Nec quisquam e nostris spolia cepit laudibus.
Possimus ne nos contemnere dolorem, cum ipsum
Herculem tam intoleranter dolere uideamus? Ve-
niat Aeschylus, non poeta solum, sed etiam Pytha-
goreus: sic enim accepimus. quo modo fert apud
eum Prometheus dolorem, quem excipit ob furtum
Lennium.*

T V S C. D I S P V T.

*Lemnium, Vnde ignis lucet mortalibus, clam di-
 nisus? eum Prometheus dictus clepsisse dolo, poe-
 nasq. Ioui fato expendisse supremo. has igitur poe-
 nas pendens, affixus ad Caucasum haec dicit:*
*Titanum soboles, socia nostri sanguinis,
 Generata caelo, aspiciite religatum asperis
 Vinctumq. saxi, nauem ut horrisono freto
 Noctem pauentes timidi adnectunt nauitae.
 Saturnius me sic infixit Iupiter,
 Iouisq. numen Mulcibri adsciuit manus.
 Hos ille cuneos fabrica crudeli inferens,
 Perrupit artus: qua miser solertia
 Transuerberatus, castrum hoc furiarum incolo.
 Iam tertio me quoque funesto die,
 Tristi aduolatu, aduncis lacerans unguibus
 Iouis satelles pastu dilaniat fero.
 Tum iecore opimo farta, & satiata affatim,
 Clangorem fundit uastum, & sublime aduolans
 Pinnata cauda nostrum adulat sanguinem.
 Cum uero adesum inflatu renouatum est iecur,
 Tum rursus taetros auida se ad pastus refert.
 Sic hunc custodem maesti cruciatus alo:
 Qui me perenni uiuum foedat miseria.
 Namque, ut uidetis, uinculis constrictus Iouis,
 Arcere nequeo diram uolucrem a pectore.
 Sic me ipse uiduus pestes excipio anxias,
 Amore mortis terminum inquirens mali.
 Sed longe a leto numine aspellor Iouis.
 Atque haec uetusta saeculis glomerata horridis,*
Luctu-

Iustificata clades nostro infixæ est corpori:

Ex quo liquatæ solis ardore excidunt

Guttae, quæ saxa assidue instillant Caucaſi.

uix igitur posse uidemur ita affectum non miserum
dicere: et, si hunc miserum, certe dolorem malum.

A. Tu quidem adhuc meam cauſſam agis. sed hoc
mox uidero: interea unde iſti uerſus? non enim a-
gnosco. M. Dicam hercule: etenim recte requiris:
uides ne abundare me otio? A. Quid tum? M. Fui-
ſti ſæpe credo, cum Athenis eſſes, in ſcholis philoſo-
phorum. A. Vero, ac libenter quidem. M. Ani-
maduertebas igitur, eſi tum nemo erat admodum
copioſus, ueruntamen uerſus ab his admuſceri ora-
tioni. A. Ac multos quidem a Dionyſio Stoico.

M. Probe dicis: ſed iſ, quaſi dictata, nullo delectu,
nulla elegantia: Philo & proprium numerum, &
electa poemata, & loco adiungebat. itaque, poſt-
quam adamaui hanc quaſi ſenilem declamationem,
ſtudioſe equidem uitor noſtris poetis: ſed, ſicubi illi
defecerunt, uerti ipſe multa de graecis; ne quo or-
namento in hoc genere diſputationis careret latina
oratio. Sed uidet ne, poetae quid mali afferant? la-
mentantes inducunt fortiſſimos uiros: molliunt ani-
mos noſtros: ita ſunt deinde dulces, ut non legan-
tur modo, ſed etiam ediscantur. ſic ad malam dome-
ſticam diſciplinam, uitamq. umbratilem, & delica-
tam cum acceſſerunt etiam poetae, neruos omnes uir-
tutis elidunt, recte igitur a Platone educuntur ex
ca ciuitate, quam ſinxit ille, cum mores optimos, et
opti-

218.
Lat. 1.

optimum reip. statum exquireret. At uero nos, docti scilicet a Graecia, haec & a pueritia legimus, & didicimus, hanc eruditionem liberalem, & doctrinam putamus. Sed quid poctis irascimur? uirtutis magistri philopphi inuenti sunt, qui summum malum dolorem dicerent. at tu adolescens, cum id tibi paullo ante dixisses uideri, rogatus a me, etiam ne maius, quam dedecus, uerbo de sententia destitisti. roga hoc idem Epicurum: maius dicet esse malum mediocre dolorem, quam maximum dedecus: in ipso enim dedecore mali nihil esse, nisi sequantur dolores. quis igitur Epicurum sequitur dolor, cum hoc ipsum dicit, summum malum esse dolorem? quo dedecus maius a philosopho nullum expecto. Quare satis mihi dedisti, cum respondiisti, maius tibi uideri malum dedecus, quam dolorem. hoc ipsum enim si tenebis, intelliges quam sit obsistendum dolori. nec tam quaerendum est, dolor malum ne sit; quam firmandus animus ad dolorem ferendum. Concludunt ratiunculis Stoici, cur non sit malum: quasi de uerbo, non de re, laboretur. quid me decipis Zeno? nam cum id, quod mihi horribile uidetur, tu omnino malum esse negas; capior, & scire cupio, quo modo id, quod ego miserrimum existimem, ne malum quidem sit. Nihil est, inquit, nisi quod turpe, & uitiosum est. Ad ineptias redis: illud enim, quod me angebat, non eximis. scio dolorem non esse nequitiam: desine id me docere: hoc doce, doleam, nec ne doleam, nihil interesse. Numquam quid-

quidquam, inquit, ad beate quidem uiuendum, quod est in una uirtute positum, sed tamen est reijciendum. Cur? asperum est, contra naturam, difficile perpeſſu, triſte, durum. haec copia uerborum est; quod omnes uno uerbo malum appellamus, id tot modis poſſe dicere. definis tu mihi, non tollis dolorem, cum dicis asperum, contra naturam, uix quod ferri, tolerariq. poſſit: nec mentiris: sed reſuccumbere non oportebat, uerbis gloriante, dum nihil bonum, niſi quod honeſtum, nihil malum, niſi quod turpe. optare hoc quidem est, non docere. illud & melius, & uerius; omnia, quae natura aſpernatur, in malis eſſe; quae aſciſcit, in bonis, hoc poſito, & uerborum concertatione ſublata, tantum tamen excelleſt illud, quod recte amplexantur iſti, quod honeſtum, quod rectum, quod decorum appellamus, quod idem interdum uirtutis nomine amplectimur; ut omnia praeterea, quae bona corporis, & fortunae putantur, perexigua, & minuta uideantur, nec malum quidem ullum, nec, ſi uinum in locum collata omnia ſunt, cum turpitudinis malo comparanda. Quare, ſi, ut initio conceſſiſti, turpitudine peius eſt, quam dolor: nihil eſt plane dolor. nam dum tibi turpe, nec dignum uiro uidebitur, gemere, eiulare, lamentari, frangi, debilitari dolore; tum dignitas, tum decus aderit; tuq. in ea intueberis, te continebis: cedit proſecto uirtuti dolor, & animi inductione languet. aut enim nulla uirtus eſt; aut contemnendus eſt omnis dolor.

pruden-

prudentiam ne uis esse, sine qua ne intelligi quidem
 ulla uirtus potest? quid ergo? ea patietur ne te quid-
 quam facere nihil proficientem, et laborantem? an
 temperantia sinet te immoderate facere quidquam?
 an coli iustitia poterit ab homine propter uim dolo-
 ris enunciante commissa, prodente conscios, multa
 officia relinquentem? quid, fortitudini, comitibusq.
 eius, magnitudini animi, grauitati, patientiae, rerū
 humanarum despicientiae quo modo respondebis? af-
 flictus ne, et iacens, et lamentabili uoce deplorans,
 audies, o uirum fortem? te uero ita affectum ne ui-
 rum quidem dixerit quisquam. amittenda igitur
 fortitudo est, aut sepeliendus dolor. ecquid scis igi-
 tur, si quid de Corinthijs tuis amiseris, posse habere
 te reliquam supellectilem saluam; uirtutem autem
 si unam amiseris, etsi amitti non potest uirtus, sed
 si unam confessus fueris te non habere, nullam te es-
 se habiturum? Num igitur fortem uirum, num ma-
 gno animo, num patientem, num grauem, num hu-
 mana contemnentem potes dicere aut Philoctetam
 illum, (quam te enim malo dicere: sed ille certe
 non fortis)

- Qui iacet in lectulo humido,
 Qui eiulatu, questu, gemitu, fremitibus
 Resonando, multum flebiles uoces refert.
 non ego dolorem, dolorem esse nego: cur enim forti-
 tudo desideraretur? sed eum opprimi dico patien-
 tia; si modo est aliqua patientia: si nulla est; quid
 exornamus philosophiam? aut quid eius nomine glo-
 riosi

277
vrosissimus? Pungit dolor, uel fodiat sane. si nudus
es, da iugulum: si tectus Vulcanijs armis, id est
fortitudine; resiste. haec enim te, nisi ita facies, cu-
stos dignitatis relinquet, & deferet. Cretum qui-
dem leges, quas siue Iupiter, siue Minos sanxit,
de Iouis quidem sententia, ut poetae ferunt, itemq.
Lycurgi, laboribus erudiunt iuuentutem, uenan-
do, currendo, esuriendo, sitiendo, algendo, aestuan-
do. Spartae uero pueri ad aram sic uerberibus acci-
piuntur, ut multus e uisceribus sanguis exeat, non
numquam etiam, ut, cum ibi essem, audiebam, ad
necem: quorum non modo nemo exclamauit um-
quam, sed ne ingemuit quidem. quid ergo? hoc pue-
ri possunt, uiri non poterunt? &, quod mos ualet,
ratio non ualebit? interest aliquid inter laborem,
& dolorem. sunt finitima omnino, sed tamen diffe-
runt aliquid. labor est functio quaedam, uel animi,
uel corporis, grauioris operis, & muneris: dolor
autem motus asper in corpore a sensibus alienus.
haec duo Graeci illi, quorum copiosior est lingua,
quam nostra, uno nomine appellant. itaque indu-
strios homines illi studiosos, uel potius amantes do-
loris appellant: nos commodius laboriosos. aliud
est enim laborare, aliud dolere. o uerborum inops
interdum, quibus abundare te semper putas, Grae-
cia. aliud, inquam, est dolere, aliud laborare. cum
uarices secabantur C. Mario, dolebat: cum aestu-
magno ducebat agmen, laborabat. est inter haec
quaedam tamen similitudo. consuetudo enim labo-

d d rum

IVSC. DISPUT.

rum perpeffionem dolorum efficiet faciliorem . itaque illi , qui Graeciae formam rerump. dederunt , corpora iuuenum firmari labore uoluerunt . quod Spartiatae etiam in feminas translulerunt : quae ceteris in urbibus molliſſimo cultu parietum umbris occuluntur . illi autem uoluerunt nihil horum ſimile eſſe apud Lacenas uirgines : quibus magis palaestra , Eurotas , ſol , puluis , labor , militia in ſtudio eſt , quam fertilitas barbara . ergo his laborioſis exercitationibus et dolor intercurrit non numquam : impelluntur , feriuntur , abiiciuntur , cadunt : & ipſe labor quaſi callum quendam obducit dolori . militiam uero noſtram dico , non Spartiatarum , quorum procedit ad modum , ad tibiam , nec adhibetur ulla ſine anapaſtis pedibus hortatio . noſtri exercitus primum unde nomen habeant , uides : deinde qui labor , quantus agminis : ferre plus dimidiati menſis cibaria : ferre , ſi quid aduſum uelint : ferre uallum . nam ſcutum , gladium , galeam in onere noſtri milites non plus numerant , quam humeros , lacertos , manus . arma enim membra militis eſſe dicunt . quae quidem ita geruntur apte , ut , ſi uſus foret , abiectis oneribus , expeditis armis , ut membris , pugnare poſſint . Quid exercitatio legionum ? quid illes curſus , clamor , quanti laboris eſt ? ex hoc ille animus in proeliis paratus ad uulnera . adduc pari animo in exercitatum militem : mulier uidebitur . cur ? tantum interſt inter nouum , & ueterem exercitum , quantum experti ſumus . aetas tyronum plerumque
melior :

melior: sed, ferre laborem, contemnere uulnus,
consuetudo docet. quin etiam uidemus ex acie effe-
ri saepe faucios, et quidem rudem illum, & inexerci-
tatum, quamuis leui ictu, ploratus turpissimos ede-
re. at uero ille exercitatus, et uetus, ob eamq. rem
fortior, medicum modo requirens, a quo obligetur,
O Patrocles, inquit, ad uos adueniens auxilium et
uestras manus peto.

Prius quam oppeto malam pestem, mandatam ho-
stili manu:

Neque sanguis ullo potis est pacto profluens con-
sistere:

Si qua sapientia magis uestra deuitari mors potest.
Namque Aescclapij liberorū saucij opplēt potius:
Non potest accedi. -
certe Eurypylus hic quidem est. o hominem exerci-
tatum. ubi tantum luctus continuatus? uide, quam
non flebiliter respondeat; rationem etiam asserat,
cur aequo animo sibi ferendum sit.

- Qui alteri exitum parat,

Eum scire oportet, sibi paratam pestem ut partici-
pet parem.

abducat Patrocles credo, ut collocet in cubili, ut
uulnus obliget; siquidem homo esset. sed nihil uidi
minus: quaerit enim, quid actum sit.

Eloquere, res Argiunū proelio ut se sustinet.
non potest effari. tantum dictis, quantum factis,
suppetit laboris. Quiesce igitur, & uulnus alliga,
etiam si Eurypylus posset, non posset Aescopos.

dd 2 - Vbi

- Vbi fortuna Hectoris

Nostram aciem inclinatam: -

& cetera explicat in dolore. sic est enim intemperans militaris in forti uiro gloria. Ergo haec ueteranus miles facere poterit, doctus uir, sapiensq. non poterit? ille uero melius, ac non paullo quidem. sed de consuetudine adhuc exercitationis loquor, non dum de ratione, & sapientia. Aniculae saepe inediā biduum, aut triduum ferunt. subduc cibum unum diem athletae: Iouem Olympium, eum ipsum, cui se exercebit, implorabit: ferre non posse clamabit. Consuetudinis magna uis est. Pernoctant uenatores in niue: in montibus uri se patiuntur. inde pugiles cestibus contusi ne ingemiscunt quidem. Sed quid hos, quibus Olympiorum uictoria consulatus ille antiquus uidetur? gladiatores, aut perditī homines, aut barbari, quas plagas perferunt? quo modo illi, qui bene instituti sunt, accipere plagam malunt, quam turpiter uitare? quam saepe apparet, nihil eos malle, quam uel domino satisfacere, uel populo? mittunt etiam uulneribus confecti ad dominos, qui quaerant quid uelint: si satisfactum ijs sit, se uelle decumbere. quis mediocris gladiator ingemuit? quis uultum mutauit umquam? qui: non modo stetit, uerum etiam decubuit turpiter? quis, cum decubuisset, ferrum recipere iussus, collum contraxit? tantum exercitatio, meditatio, consuetudo ualet. ergo hoc poterit

Samnis, spurcus homo, uita illa dignu, locoque:

uir

uir natus ad gloriam ullam partem animi tam mollem habebit, quam non meditatione & ratione corroboret? Crudele gladiatorum spectaculum, & inhumanum non nullis uideri solet: & haud scio an ita sit, ut nunc sit. cum uero fontes ferro depugnabant, auribus fortasse multae, oculis quidem nulla poterat esse fortior contra dolorem, & mortem disciplina. De exercitatione, & consuetudine, & commentatione dixi: age sis, nunc de ratione uideamus: nisi quid uis ad haec. A. Ego ne ut te interpellem? ne hoc quidem uellem: ita me ad credendum tua duci oratio. M. Sit ne igitur malum dolor, nec ne, Stoici uiderint, qui contortulis quibusdam, ac minutis conclusiunculis, nec ad sensus permanantibus, effici uolunt, non esse malum dolorem. ego illud, quid quid sit, tantum esse, quantum uideatur, non puto: falsa quae eius uisione, & specie moueri homines dico uehementius, doloremque eis omnem esse tolerabilem. unde igitur ordiar? an eadem breuiter attin gam, quae modo dixi, quo facilius oratio progredi possit longius? Inter omnes igitur hoc constat, nec doctos homines solum, sed etiam indoctos; uiro rum esse fortium, & magnanimorum, & patientium, & humana uincientium, toleranter dolorem pati. nec uero quisquam fuit, qui eum, qui ita pateretur, non laudandum putaret. quod ergo & postulatur a fortibus, & laudatur; cum fit; id aut extimescere ueniens, aut non ferre praesens, non ne turpe est? atqui uide, ne, cum omnes rectae animi

ad 3 affe-

affectiones uirtutes appellentur, non sic hoc proprium nomen omnium, sed ab ea una, quae ceteris excellat, omnes nominatae sint. appellata est enim a uiro uirtus: uiri autem propria maxime est fortitudo: cuius munera duo maxima sunt, mortis, dolorisq. contemptio. utendum est igitur his; si uirtutis compotes, uel potius si uiri uolumus esse; quoniam a uiris uirtus nomen est mutuata. quaeres fortasse, quo modo: & recte: talem enim medicinam philosophia profitetur. Venit Epicurus, homo minime malus, uel potius uir optimus: tantum monet, quantum intelligit: negligere, inquit, dolorem. quis hoc dicit? idem, qui dolorem summum malum. uix satis constanter audiamus. si summus dolor est, inquit, breuem esse necesse est. A. Iteradum eadem ista mihi. non enim intelligo, quid summum dicas esse, quid breue. M. Summum, quo nihil sit superius: breue, quo nihil breuius. contemno magnitudinem doloris, a qua me breuitas temporis uindictabit ante paene, quam uenerit. sed, si est tantus dolor, quantus Philoctetae; bene plane magnus mihi quidem uidetur, sed tamen non summus. nihil enim dolet, nisi pes: possunt oculi. potest caput, latera, pulmones: possunt omnia. longe igitur abest a summo dolore. ergo, inquit, dolor diuturnus habet laetitiae plus, quam molestiae. Nunc ego non possum, tantum hominem nihil sapere, dicere; sed nos ab eo derideri puto. Ego summum dolorem (summum autem dico, etiam si decem atomis est
maior

maior alius) non continuo dico esse breuem: multosq. possum bonos uiros nominare, qui complures annos doloribus podagrae crucientur maximis. Sed homo cautus numquam terminat nec magnitudinis, nec diuturnitatis modum, ut sciam, quid summum dicat in dolore, quid breue in tempore. omittamus igitur hunc, nihil prorsus dicentem; cogamusq. confiteri, non esse ab eo doloris remedia quaerenda, qui dolorem malorum omnium maximum dixerit. quamuis idem forticulum se in torminibus, & in stranguria sua praebeat. aliunde igitur est quaerenda medicina, & maxime quidem, si, quid maxime consentaneum sit, quaerimus, ab ijs, quibus, quod honestum sit, summum bonum, quod turpe, summum uidetur malum. his tu praesentibus gemere, & te iactare non audebis profecto. loquetur enim eorum uoce uirtus ipsa tecum. Tunc, cum pueros Lacedaemone, adolescentes Olympiae, barbaros in arena uideris excipientes grauissimas plagas, & ferentes silentio; si te sorte dolor aliquis peruellerit, exclamabis ut mulier? non constanter, et sedate feres? Ferri non potest: natura non patitur. Audio. pueri ferunt gloria ducti, ferunt pudore alij, multi metu: & tamen ueremur, ut hoc, quod a tam multis, & quod tot locis perferatur, natura patiatur? illa uero non modo patitur, uerum etiam postulat: nihil enim habet praestantius, nihil, quod magis expetat, quam honestatem, quam laudem, quam dignitatem, quam decus. hi-

dd 4 sce

T V S C. D I S P V T.

sce ego pluribus nominibus unam rem declarari uo-
 lo, sed ut, ut quammaxime significem, pluribus.
 uolo autem dicere, illud homini longe optimum es-
 se, quod ipsum sit optandum per se, a uirtute profe-
 ctum, uel in ipsa uirtute situm, sua sponte laudabi-
 le: quod quidem citius dixerim solum, quam sum-
 mum bonum. Atque ut haec de honesto, sic de tur-
 pi contraria. nihil tam taetrum, nihil tam aspernan-
 dum, nihil homine indignius. quod si tibi persua-
 sum est: (principio enim dixisti, plus in dedecore
 mali tibi uideri, quam in dolore) reliquum est, ut
 tute tibi imperes. quamquam hoc nescio quo modo
 dicatur, quasi duo simus, ut alter imperet, alter
 pareat: non inscite tamen dicitur. est enim animus
 in partes distributus duas: quarum altera rationis
 est particeps, altera expers. cum igitur praecipi-
 tur, ut nobismet ipsis imperemus, hoc praecipitur,
 ut ratio coerceat temeritatem. est in animis om-
 nium fere natura molle quiddam, demissum, humi-
 le, eneruatum quodam modo, & languidum. si ni-
 hil esset aliud, nihil esset homine deformius: sed
 praesto est domina omnium, & regina ratio, quae
 connixa per se, & progressa longius, fit perfecta
 uirtus. haec ut imperet illi parti animi, quae obedire
 debet, id uidendum est uiro. quonam modo, in-
 quies? uelut seruo dominus, uelut imperator mili-
 ti, uelut parens filio. si turpissime se illa pars animi
 geret, quam dixi esse mollem; si se lamentis mulie-
 briter, lacrymis q. dedet; uinciatur, & constringa-
 tur

tur amicorum, propinquorumq. custodijs. saepe enim uidemus fractos pudore, qui ratione nulla uincerentur. ergo hos quidem, ut famulos, uinclis, ac custodia arceamus. qui autem erunt firmiores, nec tamen robustissimi; hos admonitū simili oportebit, ut bonos milites, reuocatos dignitatem tueri. nō nimis in Niptris ille sapientissimus Graeciae saucius lamentatur, uel modice potius: Pedetentim, inquit, ite, & sedato nisu; ne succussu arripiat maior dolor. Pacuuius hoc melius, quam Sophocles. apud illum enim perquam flebiliter Ulysses lamentatur in uulnere: tamen huic leuiter gementi illi ipsi, qui ferunt saucium, personae grauitatem intuentes, non dubitarunt dicere:

- Tu quoque Ulysses,
Quamquam grauitern cernimus ictum,
Nimis es paene animo molli, qui
Consuetus in armis aeuum agere.
intelligit poeta prudens, ferendi doloris consuetudinem esse non contemnendam magistrā. atque ille non immoderate magno in dolore,
Retinete, tenete, opprimate, ulcus
Nudate. heu miserum me, excrucior.
incipit labi: deinde illico desinit.
Operite, abscedite, iam iam
Dimittite: nam attactu & quassu
Saeuū amplificati' dolorem.
Vides ne, ut obmutuerit non sedatus corporis, sed
castigatus animi dolor? itaque in extremis Niptris
alios

TVSC. DISPVT.

alios quoque obiurgat, idq. moriens:
 Cōqueri fortunam aduersam, non lamentari, decet.
 Id uiri est officium: fletus muliebri ingenio additus.
 Huius animi pars illa mollior rationi sic paruit, ut
 se uero imperatori miles prudens, in quo uiro erit
 perfecta sapientia, (quem adhuc nos quidem uidi-
 mus neminem: sed philosophorum sententijs, qua-
 lis futurus sit, si modo aliquando fuerit, exponitur)
 is igitur, si ea ratio, quae erit in eo perfecta, atque
 absoluta, sic illi parti imperabit inferiori, ut iustus
 parens probis filijs: nutu, quod uolet, conficiet,
 nullo labore, nulla molestia: eriget ipse se, suscita-
 bit, instruet, armabit, ut, tamquam hosti, sic obsi-
 stet dolori. quae sunt ista arma? contentio, confir-
 matio, sermoq. intimus, cum ipse secum, caue tur-
 pe quidquam, languidum, non uirile. obuersionem
 speciem honestae animo: Zeno proponatur Eleates;
 qui perpeffus est omnia potius, quam conscios de-
 lendi tyrannidis indicaret. de Anaxarcho Demo-
 crito cogitetur; qui cum in manus Cyprij Nico-
 creontis regis incidisset, nullum genus supplicij de-
 precatus est, neque recusauit. Calanus Indus, indo-
 ctus, ac barbarus, in radicibus Caucasi natus, sua
 uoluntate uiuus combustus est. nos, si pes condo-
 luit, si dens: sed fac totum dolere corpus: ferre non
 possumus. opinio est enim quaedam effeminata, ac
 leuis, nec in dolore magis, quam eadem in uolupta-
 te; qua cum liquefcimus, fluimusq. mollitia, ap-
 aculeum sine clamore ferre non possumus. at uero
 C. Ma-

Deui 2102
 Strabonis
 Val 18

C. Marius, rusticanus uir, sed plane uir, cum fecaretur, ut supra dixi, principio uetuit se alligari: nec quisquam ante Marium solutus dicitur esse factus. cur ergo postea alij? ualuit auctoritas. uides ne igitur opinionis esse, non naturae malum? et tamen fuisse acrem morsum doloris, idem Marius ostendit. crux enim alterum non praeuit. ita & tulit dolorem ut uir; &, ut homo, maiorem ferre sine causa necessaria noluit. Totum igitur in eo est, ut tibi impares. ostendi autem, quod esset imperandi genus. Atque haec cogitatio, quid patientia, quid fortitudine, quid magnitudine animi dignum sit, non solum animum comprimit, sed ipsum etiam dolorem nescio quo pacto mitiorem facit. ut enim sit in proelio, ut ignauus miles, ac timidus, simul ac uiderit hostem, abiecto scuto fugiat, quantum possit, ob eamque causam pereat non numquam, etiam integro corpore; cum ei, qui steterit, nihil tale euenerit: sic, qui doloris speciem ferre non possunt, abijciunt se, atque ita afflicti, & exanimati iacent; qui autem restiterunt, discedunt saepissime superiores. sunt enim quaedam animi similitudines cum corpore. ut onera contentis corporibus facilius feruntur, remissis opprimunt: simillime animus intentione sua depellit pressum omnem ponderum, remissione autem sic urgetur, ut se nequeat extollere. et, si uerum quaerimus, in omnibus officiis persequendis animi est adhibenda contentio. ea est sola officij tamquam custodia. Sed hoc quidem in dolore maxime est providendum,

re

TVS C. DISPVT.

ne quid abiecte, ne quid timide, ne quid ignaue, ne quid seruiliter, muliebriter ue faciamus; in primisq. refutetur, ac reijciatur Philoſteteus ille clamor. ingemiscere non numquam uiro concessum est, idq. raro: eiulatus ne mulieri quidem. et hic nimirum est fletus, quem duodecim tabulae in funeribus adhiberi uctuerunt. nec uero umquam ne ingemiscit quidem uir fortis, ac sapiens; nisi forte, ut se intendat ad firmitatē; ut in stadio cursores exclamant quam maxime possunt. faciunt idem, cum exercentur, athletae. pugiles uero, etiam cum feriunt aduersarium, in iactandis cestibus ingemiscunt; non quod doleant, animo ue succumbant; sed quia in profundenda uoce omne corpus intenditur, uenitq. plaga uehementior. quid? qui uolunt exclamare maius, num satis habent latera, fauces, linguam intendere, e quibus elici uocem, & fundi uidemus? toto corpore, atque omnibus unguis, ut dicitur, contentioni uocis asserviunt. genu mehercule M. Antonius uidi, cum contente ipse pro se lege Varia diceret, terram tangere. ut enim baliſtae lapidum, & reliqua tormenta telorum eo grauiore emissiones habent, quo sunt contenta, atque adducta uehementius: sic uox, sic cursus, sic plaga hoc grauior, quo est missa contentius. cuius contentionis cum tanta uis sit; si gemitus in dolore ad confirmandum animum ualebit, utemur: sin erit ille gemitus lamentabilis, si imbecillus, si abiectus, si flebilis; ei qui se dederit, uix eum uirum dixerim. qui quidem gemitus

mitus si leuationis aliquid afferret; tamen uidere-
mus, quid esset fortis, & animosi uiri: cum uero ni-
hil imminuat doloris; cur frustra turpes esse uolu-
mus? quid est enim fletu muliebri uiro turpius?
Atque hoc praeceptum, quod de dolore datur, patet la-
tius. omnibus enim rebus, non solum dolori, simili
contentione animi resistendum est. ira exardescit:
libido concitatur: in eandem arcem confugiendum
est: eadem sunt arma sumenda. Sed, quoniam de
dolore loquimur, illa omittamus. Ad ferendum igi-
tur dolorem placide, & sedate, plurimum proficit,
toto pectore, ut dicitur, cogitare, quam id honestum
sit. sumus enim natura, ut ante dixi, (dicendum
est enim saepius) studiosissimi, appetentissimiq. ho-
nestatis. cuius si quasi lumen aliquod aspexerimus;
nihil est, quod, ut eo potiamur, non paratissimus &
ferre, & perpeti. Ex hoc cursu, atque impetu ani-
morum ad ueram laudem, atque honestatem illa pe-
ricula adeuntur in proelijs. non sentiunt uiri fortes
in acie uulnera, uel sentiunt, sed mori malunt,
quam tantillum modo de dignitatis gradu dimoueri.
Fulgentes gladios hostium uidebant Decij, cum in
aciem eorum irruebant. his leuabat omnem uulne-
rum metum nobilitas mortis, & gloria. Num tum
ingemuisse Epaminondam putas, cum una cum san-
guine uitam effluere sentiret? imperantem enim pa-
triam Lacedaemonijs relinquebat, quam acceperat ser-
uientem. Haec sunt solatia, haec fomenta summo-
rum dolorum. Dices, quid in pace? quid domi? quid in
lectulo?

TVSC. DISPVT.

lectulo? ad philosophos me reuocas, qui in aciem non saepe prodeunt. e quibus, homo sane leuis, Hera- cleotes Dionysius, cum a Zenone sortis esse didicisset, a dolore deuictus est. nam cum ex renibus laboraret, ipso in eiulatu clamitabat, falsa esse illa, quae antea de dolore ipse sensisset. quem cum Cleanthes condiscipulus rogaret, quatenam ratio eum de sententia deduxisset; respondit; quia, cum tantum operae philosophiae dedissem, dolorem tamen ferre non possem, satis esset esset argumenti, malum esse dolorem. plurimos autem annos in philosophia consumpsi, nec ferre possum: malum est igitur dolor. tum Cleanthem, cum pede terram percussisset, uersum ex Epi- gonis ferunt dixisse:

Audis ne haec Amphiarae sub terram abdite?

Zenone significabat: a quo degenerare illū dolebat.

At nō noster Posidonius: quem et saepe ipse uidi; et id dicam, quod solebat narrare Pompeius: se, cum Rhodum uenisset decedens ex Syria, audire uoluisse Posidonium: sed, cum audiisset eum grauitere aegrum, quod uehementer eius artus laborarent, uoluisse tamen nobilissimum philosophum uisere: quem ut uidisset, & salutauisset, honorificisq. uerbis prosecutus esset, molesteq. se dixisset ferre, quod eum non posset audire; at ille, tu uero, inquit, potes; nec committam, ut dolor corporis efficiat, ut frustra tantus uir ad me uenerit. itaque narrabat eum grauitere, & copiose de hoc ipso, nihil esse bonum, nisi quod honestum esset, cubantem disputasse:

se: cumq. quasi faces ei doloris admouerentur, saepe dixisse, nihil agis dolor, quamuis sis molestus; numquam te esse confitebor malum. Omninoq. omnes clari, et nobilitati labores contemnendo fiunt etiam tolerabiles. uidemus ne, apud quos eorum ludorum, qui gymnici nominantur, magnus honos sit, nullum ab ijs, qui in id certamen descendant, deuitari dolorem? Apud quos autem uenandi, equitandi laus uiget, qui hanc petessunt, nullum fugiunt dolorem. Quid de nostris ambitionibus, quid de cupiditate honorum loquar? quae flamma est, per quam non cucurrerint ijs, qui haec olim punctis singulis colligebant? itaque semper Africanus Socraticum Xenophontem in manibus habebat: cuius in primis laudabat illud, quod diceret, eosdem labores non esse aequae graues imperatori, & militi; quod ipse honos laborem leniorem faceret imperatorum. Sed tamen hoc euenit, ut in uulgus insipientium opinio ualeat honestatis, cum ipsam uidere non possint. itaque fama, & multitudinis iudicio mouentur, ut id honestum putent, quod a plerisque laudetur. Te autem, si in oculis sis multitudinis, tamen eius iudicio stare nolum, nec, quod illa putet, idem te putare pulcherrimum. tuo tibi iudicio est utendum. tibi si recte probanti placebis, tum non modo tu te uiceris, quod paullo ante praecipiebam, sed omnes, & omnia. Hoc igitur tibi propone, amplitudinem, & quasi quandam exaggerationem quamaltissimam animi, quae maxima eminet contemnendis, & despiciendis doloribus,

TVSC. DISPVT.

doloribus, unam esse omnium rem pulcherrimam, eoq. pulchriorem, si uacet populo, neque plausum captans se tantum ipsa delectet. Quin etiam mihi quidem laudabiliora uidentur omnia, quae sine uenditione, et sine populo teste sunt: non quo fugiendus sit: (omnia enim benefacta in luce se collocari uolunt) sed tamen nullum theatrum uirtuti conscientia maius est. Atque in primis meditemur illud, ut haec patientia dolorum, quam saepe iam animi intentione dixi esse firmandam, in omni genere se aequabilem praebet. saepe enim multi, qui aut propter uictoriae cupiditatem, aut propter gloriae, aut etiam ut ius suum, & libertatem tenerent, uulnera exceperunt fortiter, & tulerunt, iidem, omissa contentione, dolorē morbi ferre non possunt. neque enim illum, quē facile tulerant, ratione, aut sapientia tulerant, sed studio potius, et gloria. itaque barbari quidam, & immanes ferro decertare acerrime possunt, aegrotare uiriliter non queunt: Graeci autem, homines non satis animosi, prudentes, ut est captus hominum, satis, hostem aspicere non possunt, sed iidem morbos toleranter, atque humane ferunt. at Cimbri, & Celtiberi in proelio exultant, lamentantur in morbo. nihil enim potest esse aequabile, quod non a certa ratione proficiatur. sed cum uideas, eos, qui aut studio, aut opinione ducantur, in eo persequendo, atque adipiscendo, dolore non frangi: debes existimare, aut non esse malum dolorem, aut, etiam si, quidquid asperum, alienumq.

a natura

a natura sit, id appellari placeat malum, tantulum
tamen esse, ut a uirtute ita obruatur, ut nusquam
appareat. Quae meditare, quaeso, dies, & noctes.
latius enim manabit haec ratio, & aliquando maio-
rem locum, quam de uno dolore, occupabit. nam si
omnia fugiendae turpitudinis, adipiscendaeq. hone-
statis causa faciemus; non modo stimulos doloris,
sed etiam fulmina fortunae contemnamus, licebit;
praesertim cum paratum sit illud ex hesternae dispu-
tatione per fugium. ut enim, si cui nauiganti, quem
praedones insequantur, deus quis dixerit, eijce te
de naui; praesto est, qui excipiat, uel delphinus, ut
Arionem Methymnaeum; uel equi Pelopis illi Ne-
ptunij, qui per undas currus suspensos rapuisse di-
cuntur, excipient te, et, quo uelis, perferent; om-
nem omittat timorem: sic, urgentibus asperis &
odiosis doloribus, si tanti non sint, ut ferendi sint;
quo sit confugiendum, uides. Haec fere hoc tempore
putavi esse dicenda: sed tu fortasse in sententia per-
manes. A. Minime uero: meq. biduo duarum re-
rum, quas maxime timebam, spero liberatum me-
tu. M. Cras ergo ad clepsydram: sic enim duximus.
sed tibi hoc uideo non posse deberi. A. Ita prorsus. et
illud quidem ante meridiem; hoc eodem tempore.
M. Sic faciemus, tuisq. optimis studijs obsequemur.

M. TVLLII CICERONIS
TVSCVLANARVM
DISPVATIONVM,
LIBER III.

de aegritudine lenienda.

VIDNAM esse, Brute, causae p-
tem, cur, cum constemus ex animo, &
corpore, corporis curandi tuendiq. caus-
sa quaesita sit ars, atque eius utilitas de-
orum immortalium inuentioni cōsecrata; animi au-
tem medicina nec tam desiderata sit ante quam inue-
ta, nec tam culta postea quam cognita est, nec tam
multis grata, & probata, pluribus etiam suspecta,
et inuisa? an quod corporis grauitatem, & dolorem
animo iudicamus, animi morbum corpore non sen-
timus? ita fit, ut animus de se ipse tum indicet,
cum id ipsum, quo iudicat, aegrotet. quod si tales
nos natura genuisset, ut eam ipsam intueri, et per-
spicere, eademq. optima duce cursum uitae confice-
re possemus: haud erat sane, quod quisquam ratio-
nem, ac doctrinam requireret. tunc paruulos no-
bis dedit igniculos; quos celeriter malis moribus,
opinionibusq. deprauatis sic restinguimus, ut nus-
quam naturae lumen appareat. sunt enim ingenijs
nostris semina innata uirtutum: quae si adolescere li-
ceret, ipsa nos ad beatam uitam natura perduceret.
nunc autem, simul atque editi in lucem, & suscepti
sumus,

sumus, in omni continuo prauitate, & in summa
 opinionum peruersitate uersamur: ut paene cum la-
 Ete nutricis errorem suxisse uideamur. cum uero pa-
 rentibus redditi, id est magistris traditi sumus; tum
 ita uarijs imbuimur erroribus, ut uanitati ueritas,
 et opinionum confirmatae natura ipsa cedat. Accedunt 207. f. Rot
 etiam poetae: qui cum magnam speciem doctrinae, 1. 13.
 pientiaeque praefetulerunt, audiuntur, leguntur, ediscun-
 tur, et inhaesunt penitus in mentibus. Cū uero ac-
 cedit eodem, quasi maximus quidam magister, po-
 pulus, atque omnis undique aduitia consentiens mul-
 tudo; tum plane inficimur opinionum prauitate, a
 naturaque ipsa desciscimus: ut nobis optimam natu-
 ram inuidisse uideantur, qui nihil melius homini, ni-
 hil magis expetendum, nihil praestantius honori-
 bus, imperijs, populari gloria iudicauerunt: ad
 quam fertur optimus quisque; ueramque illam hone-
 statem expetens, quam unam natura maxime in-
 quirat, in summa inanitate uersatur; consecraturque
 nullam eminentem effigiem uirtutis, sed adumbra-
 tam imaginem gloriae. est enim gloria, solida quae-
 dam res, & expressa, non adumbrata. ea est con-
 sentiens laus bonorum, incorrupta uox bene iudican-
 tium de eccellente uirtute. ea uirtuti resonat tam-
 quam imago gloriae. quae quia recte factorum ple-
 rumque comes est, non est a bonis uiris repudianda.
 Illa autem, quae se eius imitatricem esse uult, teme-
 raria, atque inconsiderata, & plerumque peccato-
 rum uitiorumque laudatrix, fama popularis, simula

ee 2 tione

816
 tione honestatis formam eius, pulchritudinemq. cor-
 rumpit. qua caecitate homines, cum quaedam prae-
 clara etiam cuperent, eaq. nescirent nec ubi, nec
 qualia essent, funditus alij euerterunt suas ciuita-
 tes, alij ipsi occiderunt. Atque hi quidem optima
 petentes, non tam uoluntate, quam cursus errore
 falluntur. quid? qui pecuniae cupiditate, qui uolu-
 ptatum libidine feruntur: quorū ita perturbantur
 animi, ut non multum absint ab insania: quod insi-
 pientibus omnibus contingit: his nulla ne est adhi-
 benda curatio? utrum, quod minus noceant animi
 aegrotationes, quam corporis; an, quod corpora cu-
 rari possint, animorum nulla medicina sit? at &
 morbi perniciosiores, pluresq. sunt animi, quam
 corporis: hi enim ipsi odiosi sunt, quod ad animum
 pertinent, eumq. sollicitant; animusq. aeger, ut ait
 Ennius, semper errat, neque pati, neque perpeti
 potest, capere numquam desinit. quibus duobus mor-
 bis, (ut omittam alios) aegritudine, & cupiditate,
 qui tandem possunt in corpore esse grauiore? Qui
 uero probari potest, ut sibi mederi animus non pos-
 sit; cum ipse medicinam corporis animus inuenrit;
 cumq. ad corporum sanationem multum ipsa copo-
 ra, et natura ualeant; nec omnes, qui se curari pas-
 si sunt, continuo etiam conualescant; animi autem,
 qui se sanari uoluerint, praeceptisq. sapientium pa-
 ruerint, sine ulla dubitatione sanentur? Est profe-
 cto animi medicina, philosophia: cuius auxilium
 non, ut in corporis morbis, petendum est foris; om-
 nibusq.

nibusq. opibus, uiribusq. ut nosmetpsi nobis mederi possimus, elaborandum est. Quamquam de uersa philosophia; quantopere & expetenda, & colenda esset, satis, ut arbitror, dictum est in Hortensio. de maximis autem rebus nihil fere intermisimus postea nec disputare, nec scribere. his autem libris exposita sunt ea, quae a nobis cum familiaribus nostris in Tusculano erant disputata. sed quoniam duobus superioribus de morte, & de dolore dictum est; tertius dies disputationis hoc tertium uolumen efficiet. ut enim in Academiam nostram descendimus, inclinatio iam in postmeridianum tempus die; poposci eorum aliquem, qui aderant, causam differendi. tum res acta sic est: A. Videtur mihi cadere in sapientem aegritudo. M. Num reliquae quoque perturbationes animi, formidines, libidines, iracundiae? haec enim fere sunt eiusmodi: quae Graeci πάθη appellant: ego poteram morbos: & id uerbum esset e uerbo: sed in consuetudinem nostram non caderet. nam misereri, inuidere, gestire, laetari, haec omnia morbos Graeci appellant, motus animi rationi non obtemperantes: nos autem hos eosdem motus concitati animi recte, ut opinor, perturbationes dixerimus, morbos autem non satis usitate. nisi quid aliud tibi uidetur. A. Mihi uero isto modo. M. Haecine igitur cadere in sapientem putas? A. Prorsus existimo. M. Naë ista gloriosa sapientia non magno aestimanda est, siquidem non multum differt ab insania. A. Quid tibi omnis ne animi com-

et 3 motio

motio uidetur insania? M. Non mihi quidem solia
 sed, id, quod admirari saepe soleo, maioribus quo-
 que nostris hoc ita uisum intelligo multis saeculis an-
 te Socratem; a quo haec omnis, quae est de uita, et
 moribus, philosophia manauit. A. Quonam tan-
 dem modo? M. Quia nomen insaniae significat men-
 tis aegrotationem, & morbum, id est insanitatem,
 et aegritudinem animi, quam appellarunt insaniam.
 omnes autem perturbationes animi, morbos philoso-
 phi appellant, negantq. stultum quemquam his mor-
 bis uacare. qui autem in morbo sunt, sani non sunt:
 & omnium insipientium animi in morbo sunt; om-
 nes insipientes igitur insaniunt. sanitatem enim ani-
 morum, positam in tranquillitate quadam, constan-
 tiaq. censebant. his rebus mentem uacuam appella-
 runt insaniam; propterea quod in perturbato ani-
 mo, sicut in corpore, sanitas esse non possit. Nec
 minus illud acute, quod animi affectionem, lumine
 mentis carentem, nominauerunt amentiam, ean-
 demq. dementiam. ex quo intelligendum est, eos,
 qui haec rebus nomina posuerunt, sensisse hoc idem,
 quod a Socrate acceptum diligenter Stoici retinue-
 runt, omnes insipientes esse non sanos. qui enim ani-
 mus est in aliquo morbo, (morbos autem hos per-
 turbatos motus, ut modo dixi, philosophi appel-
 lant) non magis est sanus, quam id corpus, quod in
 morbo est. ita fit, ut sapientia sanitas sit animi,
 insipientia autem quasi insanitas quaedam, quae est
 insania, eademq. dementia: multoq. melius haec no-

tata

tata sunt uerbis latinis, quam graecis. quod alijs quoque multis locis reperietur. sed id alias: nunc, quod instat. Totum igitur id, quod quaerimus, quid & quale sit, uerbi uis ipsa declarat. eos enim sanos intelligi necesse est, quorum mens motu, quasi morbo, perturbata nullo sit. qui contra affecti sunt, hos insanos appellari necesse est. itaque nihil melius, quam quod est in consuetudine sermonis latini, cum exisse e potestate dicimus eos, qui effrenati feruntur aut libidine, aut iracundia, quamquam ipsa iracundia libidinis est pars. sic enim definitur iracundia, ulciscendi libido. qui igitur exisse ex potestate dicuntur, ideo dicuntur, quia non sunt in potestate mentis, cui regnum totius animi a natura tributum est. Graeci autem *μᾶλα* unde appellent, non facile dixerim. eam tamen ipsam distinguimus nos melius, quam illi: hanc enim insaniam, quae iuncta *ῥυλῆτι* patet latius, a furore disiungimus. Graeci uolunt illi quidem, sed parum ualent uerbo: quem nos furem, *μῆλα γχοῖαν* illi uocant: quasi uero atra bili solum mens, ac non saepe uel iracundia grauiore, uel timore, uel dolore moneatur. quo genere *Athamantem*, *Alcmaeonem*, *Aiacem*, *Orestem* furere dicimus. qui ita sit affectus, eum dominum esse rerum suarum uetant duodecim tabulae. itaque non est scriptum, si insanus, sed si furiosus esse incipit. insaniam enim censuerunt, id est inconstantiam sanitate uacantem, posse tamen tueri mediocritatem officiorum, et uitae communem cultum,

atque usitatum: furorem autem esse rati sunt mentis ad omnia caecitatem. quod cum maius esse uideatur, quam insania; tamen eiusmodi est, ut furor in sapientem cadere possit, non possit insania. Sed haec alia quaestio est: nos ad propositum reuertamur. Cadere, opinor, in sapientem aegritudinem, tibi dixisti uideri. A. Et uero ita existimo. M. Humanum id quidem, quod ita existimas. non enim silice nati sumus: sed est naturale in animis tenerum quiddam, atque molle, quod aegritudine, quasi tempestate, quatiatur. nec absurde Crantor ille, qui in nostra Academia uel in primis fuit nobilis, Minime, inquit, assentior ijs, qui istam nescio quam indolentiam magnopere laudant: quae nec potest ulla esse, nec debet. ne aegrotus sim, inquit: sed, si fuerim, sensus adsit, siue secetur quid, siue auellatur a corpore. nam istuc nihil dolere, non sine magna mercede contingit, immanitatis in animo, stuporis in corpore. Sed uideamus, ne haec oratio sit hominum assentantium nostrae imbecillitati, & indulgentium molitudini. nos autem audeamus non solum ramos amputare miseriarum, sed omnes radicum fibras euellere. tamen aliquid relinquetur fortasse: ita sunt stirpes altae stultitiae: sed relinquetur id solum, quod est necessarium. illud quidem sic habeto, nisi sanatus animus sit, quod sine philosophia fieri non potest, finem miseriarum nullum fore. quamobrem, quod coepimus, tradamus nos ei curandos. sanabimur, si uolemus. Et progrediar quidem longius.

non enim de aegritudine solum, quamquam id quidem primum, sed de omni animi, ut ego posui, perturbatione, morbo, ut Graeci uolunt, explicabo. & primo, si placet, Stoicorum more agamus; qui breuiter astringere solent argumenta: deinde nostro instituto uagabimur. Qui fortis est, idem est fidens: quoniam confidens, mala consuetudine loquendi, in uitio ponitur, ductum uerbum a confidendo, quod laudis est. qui autem est fidens, is profecto non extimescit: discrepat enim a timendo, confidere. atque, in quem cadit aegritudo, in eundem timor. quarum enim rerum praesentia sumus in aegritudine, easdem impendentes, & uenientes timemus. ita fit, ut fortitudini aegritudo repugnet. uerisimile est igitur, in quem cadit aegritudo, in eundem cadere timorem, & infractionem quandam animi, & demissionem. in quemq. ea cadunt, in eundem cadit ut seruiat, ut uictum quandoque se esse fateatur. quae qui recipit, recipiat idem necesse est timiditatem, & ignauiam. non cadunt autem haec in uirum fortem: igitur ne aegritudo quidem. at nemo sapiens, nisi fortis: non cadet ergo in sapientem aegritudo. praeterea, necesse est, qui fortis sit, eundem esse magni animi; qui magni animi, inuictum; qui inuictus, eum humanas res despicere, atque infra se positas arbitrari. despicere autem nemo potest eas res, propter quas aegritudine affici potest. ex quo efficitur, fortem uirum aegritudine numquam affici. omnes autem sapientes fortes. non cadit igitur in sapientem

pientem aegritudo. & quemadmodum oculus con-
 turbatus non est probe affectus ad suum munus fun-
 gendum; & reliquae partes, totum ue corpus, a sta-
 tu cum est motum, deest officio suo, & muneri: sic
 conturbatus animus non est aptus ad exequendum
 munus suum. munus autem animi est, ratione bene
 uti: & sapientis animus ita semper affectus est, ut
 ratione optime utatur: numquam est igitur pertur-
 batus. at aegritudo perturbatio est animi: semper
 igitur ea sapiens uacabit. Verisimile etiam illud est,
 qui sit temperans, quem Graeci σωπρωα appellant,
 eamq. uirtutem σωπρωών uocant; quam soleo e-
 quidem tum temperantiam, tum moderationem ap-
 pellare, non numquam etiam modestiam, sed haud
 scio, an recte ea uirtus frugalitas appellari possit.
 quod angustius apud Graecos ualet: qui frugi homi-
 nes ξηνοίους appellant, id est tantummodo utiles. at
 illud latius. est enim omnis abstinentia, omnis inno-
 centia, quae apud Graecos usitatum nomen nullum
 habet, sed habere potest ἀβέλαια: nam est innocen-
 tia affectio talis animi, quae noceat nemini. reliquas
 etiam uirtutes frugalitas continet. quae nisi tanta es-
 set, & si ijs angustijs, quibus plerique putant, tene-
 retur; numquam esset Pisonis cognomen tantopere
 laudatum. sed quia nec qui propter metum praesi-
 dium reliquit, quod est ignaviae; nec qui propter a-
 uaritiam clem depositum non reddidit, quod est in-
 iustitiae; nec qui propter temeritatem male rem ges-
 sit, quod est stultitiae; frugi appellari solet; eo tres
 virtu-

virtutes; fortitudinem, iustitiam, prudentiam, frugalitas complexa est. etsi hoc quidem commune est virtutum. omnes enim inter se nexae, & coniugatae sunt: reliqua igitur, & quarta virtus ut sit ipsa frugalitas, necesse est: eius enim uidetur esse proprium, motus animi appetentis regere, et sedare; semperque aduersantem libidini, moderatam in omni re seruare constantiam. cui contrarium uitium nequitia dicitur. frugalitas, ut opinor, a fruge: quia nihil melius e terra oritur. nequitia ab eo (etsi hoc erit fortasse durius: sed tentemus, & luisse patemur, si nil sit) ab eo, quod nequidquam est in tali homine: ex quo idem nihil dicitur. qui sit frugi igitur, uel, si maius, moderatus, & temperans, eum necesse est esse constantem; qui autem constans, quietum; qui quietus, perturbatione omni uacuum; ergo etiam aegritudine. et sunt illa sapientis: aberit igitur a sapiente aegritudo. itaque non inscite Heracleotes Dionysius ad ea disputat, quae apud Homerum Achilles queritur, hoc, ut opinor, modo:

Corq. meum penitus turgescit tristibus iris,
Eum decore, atque omni me orbatū laude recordor.
num manus affecta recte est, cum in tumore est?
aut num aliquod quoppiam membrum tumidum, ac
turgidum non uitiose se habet? sic igitur inflatus, &
tumens animus in uitio est. sapientis autem animus
semper uacat uitio, numquam turgescit, numquam
tumet. at iratus animus eiusmodi est: numquam igitur
sapiens irascitur. nam si irascitur, etiam concu-
piscit.

T V S C. D I S P V T.

piscit . proprium est enim irati , cupere , a quo lae-
sus uideatur , ei quam maximum dolorem inurere .
qui autem id concupierit , eum necesse esse , si id con-
secutus sit , magnopere laetari . ex quo fit , ut alieno
malo gaudeat . quod quoniam non cadit in sapien-
tem ; nec ut irascatur quidem cadit . si autem cade-
ret in sapientem aegritudo , caderet etiam iracun-
dia . qua quoniam uacat , aegritudine etiam uacabit .
etenim si sapiens in aegritudinem incidere posset , pos-
set etiam in misericordiam , posset in inuidentiam .
non dixi , in inuidiam , quae tum est , cum inuidetur .
ab inuidendo autem inuidentia recte dici potest ; ut
effugiamus ambiguum nomen inuidiae : quod uer-
bum ductum est a nimis intuendo fortunam alteri-
us , ut est in Menalippo ,

Florem quisnam liberum inuidit meum ?

male latine uidetur : sed praeclare Attius . ut enim ,
uidere , sic , inuidere florem , rectius , quam flori , di-
citur . nos consuetudine prohibemur : poeta ius su-
um tenuit , & dixit audacius . Cadit igitur in eun-
dem , & misereri , & inuidere . nam qui dolet rebus
alicuius aduersis , idem alicuius etiam secundis do-
let : ut Theophrastus , interitum deplorans Calli-
sthenis , sodalis sui , rebus Alexandri prosperis ang-
itur : itaque dicit Callisthenem incidisse in hominem
summa potentia , summaq. fortuna , sed ignarum
quemadmodum rebus secundis uti conueniret . At-
qui , quemadmodum misericordia aegritudo est ex
alterius rebus aduersis ; sic inuidentia aegritudo est

c. v

ex alterius rebus secundis . in quem igitur cadit misereri , in eundem etiam inuidere . non cadit autem inuidere in sapientem : ergo ne misereri quidem . quod si hoc aegre ferre sapiens soleret , misereri etiā soleret . abest ergo a sapiente aegritudo . Haec sic dicuntur a Stoicis , concludunturq. contortius : sed latius aliquando dicenda sunt , & diffusius . sententijs tamen utendum est eorum potissimum , qui maxime forti , & , ut ita dicam , uirili utuntur ratione , atque sententia . nam Peripateticis , familiares nostri , quibus nihil est uberius , nihil eruditius , nihil grauius , mediocritatem uel perturbationum , uel morborum animi mihi non sane probant . omne enim malum , etiam mediocre , magnum est . nos autem id agimus , ut id in sapiente nullum sit omnino . nam ut corpus , etiam si mediocritur aegrum est , sanum non est : sic , si in animo est ista mediocritas , caret sanitate . itaque praeclare nostri , ut alia multa , molestiam , sollicitudinem , angorem propter similitudinem corporum aegrorum aegritudinem nominauerunt . hoc propemodum uerbo Graeci omnem animi perturbationem appellant : uocant enim $\pi\acute{\alpha}\delta\omicron\varsigma$, id est morbum , quicumque est motus in animo turbidus . nos melius : aegris enim corporibus simillima est animi aegritudo . at non similis aegrotationis est libido , non immoderata laetitia , quae est uoluptas animi elata , & gestiens . ipse etiam motus non est morbi admodum similis , quamquam aegritudini est finitimus . sed proprie , ut aegrotatio in corpore , sic aegri-

TVSC. DISPV T.

aegritudo in animo nomen habet non seiunctum a dolore. doloris igitur huius origo nobis explicanda est, id est causa efficiens aegritudinem in animo, tamquam aegrotationem in corpore, nam ut medici, causa morbi inuenta, curationem esse inuentam putant: sic nos, causa aegritudinis reperta, medendi facultatem reperiemus. est igitur causa omnis in opinione, nec uero aegritudinis solum, sed etiam reliquarum omnium perturbationum: quae sunt genere quattuor, partibus plures. nam cum omnis perturbatio sit animi motus uel rationis expers, uel rationem aspernans, uel rationi non obediens; isq. motus aut boni, aut mali opinione citetur: his fariam quattuor perturbationes aequaliter distributae sunt. nam duae sunt ex opinione boni; quarum altera, uoluptas gestiens, id est praeter modum elata laetitia opinione praesentis magni alicuius boni, altera uel cupiditas recte, uel libido dici potest: quae est immoderata appetitio opinati magni boni, rationi non obtemperans. ergo haec duo genera, uoluptas gestiens, & libido, bonorum opinione turbantur, ut duo reliqua, metus, & aegritudo, malorum. nam & metus opinio magni mali impendentis, & aegritudo est opinio magni mali praesentis: & quidem recens opinio talis mali, ut in eo rectum uideatur esse angere: id autem est, ut is, qui doleat, oportere opinetur se dolere. his autem perturbationibus, quas in uita hominum stultitia quasi quasdam immittit furias, atque incitat, omnibus uiribus, atque opibus repugnandum est,

est, si uolumus hoc, quod datum est uitae, tranquil-
le, placideq. traducere. sed ceteras alias, nunc ae-
gritudinem, si possumus, depellamus: id enim sit
propositum: quandoquidem eam tu uideri tibi insa-
pientem cadere dixisti. quod ego nullo modo existi-
mo. castra enim res est, misera, detestabilis, omni
contentione, uelis, ut ita dicam, remisq. fugienda.
qualis enim tibi ille uidetur Tantaloprognatus, Pe-
lope natus, qui quondam a socero Oenomao rege
Hippodamiam raptis nactus nuptijs? Iouis iste qui-
de pronepos: tam ne ergo abiectus, tamq. fractus?
Nolite (inquit) hospites adire ad me: ilico istic
Ne contagio mea bonis, umbra ue obsit:
Tanta uis sceleris in corpore haeret.
tu te Thyesta damnabis, orbabisq. luce propter uim
sceleris alieni? Quid? illum filium solis non ne pa-
tris ipsius luce indignum putas?
Refugere oculi: corpus macie extabuit:
Lacrymae peredere humore exangues genas:
Situ nidoris barba pedore horrida,
Atque intonsa infuscat pectus illuue scabrum.
haec mala, o stultissime Aeeta, ipse tibi addidisti:
non inerant in ijs, quae tibi casus inuexerat: et qui-
dem inueterato malo, cum tumor animi resedisset.
est autem aegritudo, ut docebo, in opinione mali re-
centis. sed maeres uidelicet regni desiderio, non fi-
liae. illam enim oderas, & iure fortasse: regno non
aequo animo carebas. est autem impudens luctus
maerore se conficientis, quod imperare non liceat li-
beris.

1^a al. 6. xi.
272:

T V S C. D I S P V T.

beris Dionysius quidem tyrannus, Syraculis expul-
sus, Corinthe pueros docebat: usque eo imperio
carere non poterat. Tarquinio uero quid impuden-
tius, qui bellum gereret cum ijs, qui eius non tulerant
superbiam? is cum restitui in regnum nec Ve-
ientium, nec Latinorum armis potuisset, Cumas se
contulisse dicitur, inq. ea urbe senio, & aegritudine
esse coniectus. Hoc tu igitur censes sapienti accidere
posse, ut aegritudine opprimatur, id est miseria?
nam cum omnis perturbatio miseria est, tum carni-
ficina est aegritudo. habet ardorem libido, leuitate
laetitia gestiens, humilitatem metus: sed aegritudo
maiora quaedam, tabem, cruciatum, afflictationem,
foeditatem: lacerat, exest animum, planeq. confi-
cit. hanc nisi exuimus sic, ut abijciamus; miseria
carere non possumus. at hoc quidem perspicuum est,
tum aegritudinem existere, cum quid ita uisum sit,
ut magnum quoddam malum adesse, & urgere ui-
deatur. Epicuro autem placet, opinione mali aegri-
tudinem esse, non natura; ut, quicumque intuetur in
aliquod maius malum, si id sibi accidisse opinetur,
sit continuo in aegritudine. Cyrenaici non omni ma-
lo aegritudinem effici censent, sed insperato, nec opi-
nato malo. est id quidem non mediocre ad aegritu-
dinem augendam: uidentur enim omnia repentina
grauiora. ex hoc & illa iure laudantur.

Ego, cum genui, tum moriturus sciui, et ei rei sustuli.
Praeterea, ad Troiam cum misi ad defendendam
Graeciam,

Scibam

Scibam me in mortiferum bellum, non in epulas,
mittere.

haec igitur praemeditatio futurorū malorum lenit
eorum aduentum, quae uenientia longe ante uideris.
itaque apud Euripidem a Theseo dicta laudantur. li-
cet enim, ut saepe facimus, in latinū illa conuertere.
Nam, qui haec audita a docto meminissē uiro,
Futuras mecum commentabar miseras:

Aut mortem acerbam, aut exilij maestam fugam,
Aut semper aliquam molem meditabar mali:

Ut, si qua inuicta diritas casu foret,

Ne me imparatum cura laceraret repens.

quod autem Theseus a docto uiro se audisse dicit, id
de se ipso loquitur Euripides: fuerat enim auditor

Anaxagorae: quem ferunt, nunciata morte filij,

dixisse, Sciebam me genuisse mortalem. quae uox

declarat, ijs esse haec acerbam, a quibus non fuerint co-

gitata. Ergo id quidem non est dubium, quin om-

nia, quae mala putantur, sint impronise grauiora.

itaque quamquam non haec una res efficit maximam

aegritudinem: tamen, quoniam multum potest pro-

uisio animi, & praeparatio ad minuendum dolorem,

sint semper omnia homini humana meditata. & ni-

mirum haec est illa praestans, & diuina sapientia,

perceptas penitus & pertractatas humanas res ha-

bere; nihil admirari, cum acciderit; nihil, ante

quam eueniret, non euenire posse arbitrari.

Quamobrem omnes, cum secundae res sunt maxu-

me, tum maxime

ff

Medi-

Anaxago-
ras
Val: s. io
Inuicta
S. i. i. i.

T V S C. D I S P V T.

Meditari secum oportet, quo pacto aduersam aeru-
mnam ferant:

Pericula, damna, exilia peregre rediens semper
cogitet,

Aut filij peccatum, aut uxoris mortem, aut mor-
bum filiae:

Communia esse haec, fieri posse: ut ne quid animo
sit nouum:

Quidquid praeter spem eueniat, omne id deputare
esse in lucro.

ergo hoc Terentius, a philosophia sumptum, cum
tam commode dixerit; nos, e quorum fontibus id
haustum est, non & dicemus hoc melius, & con-
stantius sentiemus? hic est enim ille uultus semper
idem, quem dicitur Xantippe praedicare solita in ui-
ro suo fuisse Socrate; eodem uultu semper se uidisse
exeuntem illum domo, & reuertentem. nec ue-
ro ea frons erat, quae M. Crassi illius ueteris, quem
semel ait in omni uita risisse Lucilius, sed tranquil-
la, & serena: sic enim accepimus. iure autem erat
semper idem uultus, cum mentis, a qua is fingitur,
nulla fieret mutatio. Quare accipio equidem a Cy-
renaicis haec arma contra casus, et euentus, quibus
eorum aduenientes impetus diuturna praemeditatio-
ne frangantur; simulq. iudicio, malum illud opinio-
nis esse, non naturae: (si enim in re essent, cur fie-
rent prouisa leniora?) sed est, iisdem de rebus quod
dici possit subtilius; si prius Epicuri sententia ui-
derimus; qui censet necesse esse omnes in aegritudine
esse,

169
Macrob.
Sat. 2.9

esse, qui se in malis esse arbitrentur; siue illa ante
prouisa, & expectata sunt, siue inueterauerint:
nam neque uetustate minui mala, nec fieri praeme-
ditata leuiora: stultamq. etiam esse meditationem
futuri mali, aut fortasse ne futuri quidem: satis esse
odiosum malum omne, cum uenisset: qui autem sem-
per cogitauisset, accidere posse aliquid aduersi, ei
fieri illud sempiternum malum: si uero ne futurum
quidem sit, frustra suscipi miseriam uoluntariam:
ita semper angi, aut accipiendo, aut cogitando ma-
lo. leuationem autem aegritudinis in duabus rebus
ponit, auocatione a cogitanda molestia, & reuoca-
tione ad contemplandas uoluptates. parere enim
censet animum rationi posse, &, quo illa ducat, se-
qui. uetat igitur ratio intueri molestias: abstrahit
ab acerbis cogitationibus: habeat aciem ad mise-
rias contemplandas: a quibus cum cecinit receptui,
impellit rursus, & incitat ad conspiciendas, totaq.
mente contrectandas uarias uoluptates, quibus ille
& praeteritarum memoria, & spe consequentium
sapientis uitam refertam putat. Haec nostro mo-
re nos diximus, Epicurei dicunt suo. sed, quae di-
cent, uideamus; quo modo, negligamus. Prin-
cipio male reprehendunt praemeditationem rerum
futurarum: nihil est enim, quod tam obtundat,
eleuetque aegritudinem, quam perpetua in om-
ni uita cogitatio, nihil esse quod accidere non pos-
sit; quam meditatio condicionis humanae, quam ui-
tae lex, commentatioq. parendi: quae non hoc affert

ff 2 48

TVSC. DISPVT.

ut semper maereamus, sed ut nūquam. neque enim, qui rerum naturam, qui uitae uarietatem, qui imbecillitatem generis humani cogitat, maeret, cum haec cogitat, sed tum uel maxime sapientiae fungitur munere. utrumque enim consequitur, ut & considerandis rebus humanis, proprio philosophiae fungatur officio; & aduersis casibus triplici consolatione sanetur: primum, quod, posse accidere, diu cogitauerit; quae cogitatio una maxime molestias omnes extenuat, & diluit: deinde, quod humana ferenda intelligat: postremo, quod uidet, nullum malum esse, nisi culpam; culpam autem nullam esse, cum id, quod ab homine non potuerit praestari, euenierit. Nam reuocatio illa, quam affert, cum a contuendis nos malis auocat, nulla est. non est enim in nostra potestate, fodicantibus ijs rebus, quas malas esse opinemur, dissimulatio, uel obliuio. Lacerant, uexant, stimulos admonent, ignes adhibent, respirare non sinunt: et tu obliuisci iubes, quod contra naturam est; quod a natura datum est, auxilium extorques inueterati doloris? est enim tarda illa quidem medicina, sed tamen magna, quam affert longinquitas, & dies. Iubes me bona cogitare, obliuisci malorum. Diceres aliquid, & magno quidem philosopho dignum, si ea bona sentire es, quae essent homine dignissima. Pythagoras mihi sic diceret, aut Socrates, aut Plato: quid iaces? aut quid maeres? aut succumbis, cedisq. fortunae? quae ut peruellere te forsitan potuerit, & pungere, non po-

potuerit certe uires frangere . magna uis est uirtu-
tibus . eas excita , si forte dormiunt . Iam tibi aderit
princeps fortitudo ; quae te animo tanto esse coget ;
ut omnia , quae possint homini euenire , contempnas ;
& pro nihilo putes . Aderit temperantia , quae est
eadem moderatio , a me quidem paullo ante uppel-
lata frugalitas ; quae te turpiter , & nequiter face-
te nihil patiatur . quid est autem nequius , aut tur-
pius effeminato uiro ? Ne iniustitia quidem sinet ista
facere : cui minimum esse uidetur in hac causa loci :
quae tamen ita dicet , dupliciter esse te iniustum ; cū
& alienum appetas , qui , mortalis natus , conditio-
nem postules immortalium ; & grauius feras , te ;
quod utendum acceperis , reddidisse . Prudentiae
uero quid respondebis , dicenti uirtute se esse conten-
tam , quo modo ad bene uiuendum , sic & ad beate ?
quae si extrinsecus religata pendeat , et non oriatur
ex se , & rursus ad se reuertatur , et omnia sua com-
plexa nihil quaerat aliunde ; non intelligo , cur aut
uerbis tam uehementer ornanda , aut re tantopere
expetenda uideatur . Ad haec bona me si reuocas ;
Epicure ; pareo ; sequor ; uitor te ipso duce ; obliuif-
cor etiam malorum , ut iubes ; eoq. facilius , quod ea
ne in malis quidem ponenda censeo . sed traducis co-
gitationes meas ad uoluptates : quas ? corporis cre-
do , aut quae propter corpus uel recordatione , uel spe
cogitentur . numquid est aliud ? recte ne interpretor
sententiam tuam ? solent enim isti negare nos intelli-
gere , quid dicat Epicurus . hoc dicit , & hoc ille Grae

ff 3 culac.

utenda.
off. 1. 12.

fruitur.

culus, me audiente, Athenis senex Zeno, istorum acutissimus, contendere, & magna uoce dicere solebat, eum esse beatum, qui praesentibus uoluptatibus frueretur, consideretq. se fruiturum aut in omni, aut in magna parte uitae, dolore non interueniente; aut, si interueniret, si summus foret, futurum breuem; si productior, plus habiturum iucundi, quam mali: haec cogitantem fore beatum, praesertim si et ante perceptis bonis contentus esset, nec deos extimesceret. Habes formam Epicuri uitae beatae, uerbis Zenonis expressam, nihil ut possit negari. Quid ergo? huius ne uitae propositio, & cogitatio aut Thyestem leuare poterit, aut Aetam, de quo paulo ante dixi, aut Telamonem, pulsum patria, exulantem, atque egentem? in quo haec admiratio stabat: Hiccinne Telamon ille est, modo quem gloria ad caelum extulit,

Quem aspectabant, cuius ob os Graij ora obuertebant sua?

Quod si cui, ut ait idem, simul animus cum re concidit: a grauius illis antiquis philosophis petenda medicina est, non ab his uoluptarijs. quam enim isti bonorum copiam dicunt? fac sane summum bonum esse, non dolere. quamquam id non uocatur uoluptas. sed non necesse est nunc omnia. id ne est, quo traducti luctum leuemus? sit sane summum malum, dolere: in eo igitur qui non est, si malo careat, continuo ne fruitur summo bono? Quid tergiuersamur, Epicure, nec fatemur eam nos dicere uoluptatem,

quam

quam tu idem, cum os perfricisti, soles dicere? sunt
haec tua uerba, nec ne? in eo quidem libro, qui con-
tinet omnem disciplinam tuam, (fungar enim iam
interpretis munere; ne quis me putet fingere) dicis
haec. Nec equidem habeo, quod intelligam bonum
illud, detrahens eas uoluptates, quae sapore perci-
piuntur; detrahens eas etiam, quae auditu, & can-
tibus; detrahens eas etiam, quae ex formis perci-
piuntur oculis, suaves motiones, siue quae aliae uo-
luptates in toto homine gignuntur quolibet e sensu.
Nec uero ita dici potest, mentis laetitiā solam esse
in bonis. laetantem enim mentem ita noui spe eorum
omnium, quae supra dixi fore, ut natura, uis potiens,
dolore careat. atque haec quidem uis uerbis, quibus
ut intelligat, quam uoluptatem norit Epicurus. dein
de paullo infra, Saepe quaesiui, inquit, ex iis, qui
appellantur sapientes, quid haberent, quod in bo-
nis relinquerent, si illa detraxissent: nisi si uellent
uoces inanes fundere. nihil ab his potui cognoscere.
qui si uirtutes ebullire uolent, & sapientias; nihil
aliud dicent, nisi eam uiam; qua efficiantur eae uo-
luptates, quas supra dixi. Quae sequuntur, in ea-
dem sententia sunt: totusq. liber, qui est de summo
bono, refertus & sententijs, & uerbis talibus est.
Ad hanc cene igitur uitam Telamonem illum reuoca-
bis, ut leues aegritudinem? & si quem tuorum af-
flietum maerore uideris, huic acipenserem potius,
quam aliquem Socraticum libellum, dabis? αἰλῶν
hortabere, ut audiat uoces potius, quam Platonis?

*confitenda
248:*

expones, quae spectet, florida, & uaria? fascicu-
lum ad nares admouebis? intendes odores? & ser-
tis redimiri iubebis, & rosa? si uero aliquid etiam
tum plane luctum omnem absterferis? haec Epicu-
ro confuenda sunt; aut ea, quae modo, expressa ad
uerbum, dixi, tollenda de libro; uel totus liber
potius abiiciendus: est enim confertus uoluptatibus.
Quaerendum igitur, quemadmodum aegritudine pri-
uemus eum, qui ita dicat:

- Pol mihi fortuna magi nunc desit, quam genus.
Namque regnum suppetebat mi: ut scias quanto
e loco,

Quantis opibus, quibus de rebus lapsa fortuna
occidat.

quid? huic calix mulsi impingendus est, ut plorare
desinat, aut aliquid eiusmodi? Ecce tibi ex altera
parte ab eodem poeta:

Ex opibus summis opis egens, Hector, tuae.

huic subuenire debemus: quaerit enim auxilium.

Quid petam praesidi, aut exequar? quo ne nunc au-
xilium, aut fuga

Freta sim? arce, & urbe orba sum: quo accedam?
quo applicem?

Cui nec arae patriae domi stant; fractae, et disiectae
iacent:

Fana flamma deflagrata: tosti alti stant parietes,
Deformati, atque abiete crispa.

scis, quae sequantur: & illud in primis,

† or 3. is O pater, o patria, o Priami domus,

Se-

Septum altifono cardine templum :

Vidi ego te , astante ope barbarica ,

Tectis caelatis , laqueatis ,

Auro , ebore instructam regifce .

o poetam egregium : quamquam ab his cantoribus
Euphorionis contemnitur . sentit omnia repentina ,
& inopinata esse grauiora : exaggeratis igitur regis
opibus , quae uidebantur sempiternae fore , quid
adiungit ?

Haec omnia uidi inflammari ,

Priamo ui uitam euitari ,

Iouis aram sanguine turpari .

praeclarum carmen : est enim & rebus , & uerbis ,
& modis lugubre . eripiamus huic aegritudinem :
quo modo ? collocemus in culcitra plumea : psaltriam
adducamus : cedrum incendamus : demus scutellam
dulciculae potionis : aliquid provideamus & cibi .
haec tandem bona sunt , quibus aegritudines grauissi-
mae detrahantur ? tu enim paullo ante , ne intellige-
re te quidem alia bona , dicebas . renocari igitur o-
portere a maerore ad cogitationem bonorum , conue-
niret mihi cum Epicuro , si , quid esset bonum , con-
ueniret . Dicit aliquis : quid ? ergo tu Epicurum
existimas ista uoluisse , aut libidinosas eius fuisse sen-
tentias ? Ego uero minime : uideo enim ab eo dici
multa senere , multa praeclare . itaque , ut saepe di-
xi , de acumine eius agitur , non de moribus . quam-
uis spernat uoluptates eas , quas modo laudauit : ego
tamen meminero , quod uideatur ei summum bo-

nun

T V S C. D I S P V T.

num. non enim uerbo solum posuit uoluptatem, sed explanauit quid diceret. Saporem, inquit, & corporum complexum, & ludos, atque cantus, & formas eas, quibus oculi iucunde moueantur. num fingo? num mentior? cupio refelli: quid enim laboro, nisi ut ueritas in omni quaestione explicetur? At idem ait non crescere uoluptatem, dolore detracto; summamq. uoluptatem, nihil dolere. Paucis uerbis tria magna peccata: unum, quod secum ipse pugnat, modo enim, ne suspicari quidem se quidquā bonum, nisi sensus quasi titillarentur uoluptate: nunc autem, summam uoluptatem esse, dolore carere. potest ne magis secum ipse pugnare? Alterum est peccatum, quod, cum in natura tria sint, unum gaudere, alterum dolere, tertium nec gaudere, nec dolere; hic putat primum, et tertium idem esse, nec distinguit a nō dolendo uoluptatem. Tertium peccatum commune cum quibusdam, quod, cum uirtus maxime expectatur, eiusq. adipiscēdae caussa philosophia quaesita sit, ille a uirtute summum bonum separauit. at laudat, & saepe, uirtutem. & quidem C. Gracchus, cum largitiones maximas fecisset, & effudisset aerarium, uerbis tamen defendebat aerarium. quid uerba audiam, cum facta uideam? Piso ille Frugi semper contra legem frumentariam dixerat. is, lege lata, consularis ad frumentum accipiendum uenerat. animaduertit Gracchus in concione Pisonem stantem: quaerit, audiente populo R. qui sibi conflet, cum ea lege frumentum petat, quam dissuasera-
rat.

rat . nolim , inquit , mea bona Gracche tibi uirum
diuidere liceat : sed , si facias , partem petam . parum
ne declarauit uir grauis , & sapiens , lege Sempro-
nia patrimonium publicum dissipari ? lege orationes
Gracchi : patronum aerarij esse dices . Negat Epi-
curus iucunde posse uiui , nisi cum uirtute uiuatur :
negat ullam in sapientem uim esse fortunae : tenuem
uictum antefert copioso : negat ullum esse tempus ,
quo sapiens non beatus sit . omnia philosopho digna ,
sed cum uoluptate pugnancia . non istam dicit uolu-
ptatem . dicat quamlibet : nempe eam dicit , in qua
uirtutis nulla pars insit . Age , si uoluptatem non in-
telligimus , ne dolorem quidem ? nego igitur eius es-
se , qui dolore summum malum metiatur , mentio-
nem facere uirtutis . Et conqueruntur quidam Epi-
curei , uiri optimi , (nam nullum genus est minus
malitiosum) me studiose dicere contra Epicurum .
ita credo , de honore , aut dignitate contendimus . mi-
hi summum in animo bonum uidetur , illi autem in
corpore : mihi in uirtute , illi in uoluptate . & illi pu-
gnat ; & quidem uicinorum fidem implorant ; mul-
ti autem sunt , qui statim conuolent : ego sum is , qui
dicam me non laborare , actum habiturum quod e-
gerint . quid enim ? de bello Punico agitur ? de quo
ipso cum aliud M. Catoni , aliud L. Lentulo uidere-
tur , nulla inter eos concertatio umquam fuit . hi ni-
mis iracunde agunt , praesertim cum ab his non sane
animose defendatur sententia , pro qua non in se-
natu , non in concione , non apud exercitum , neque
apud

TVSC. DISPVT.

apud censores dicere audeant. Sed cum istis alias;
 & eo quidem animo, nullum ut certamen instituam,
 uerum dicentibus facile cedam. tantum admonebo:
 si maxime uerum sit, ad corpus omnia referre sa-
 pientem; siue, ut honestius dicam, nihil facere, nisi
 quod expediat; siue omnia referre ad utilitatem
 suam; quoniam haec plausibilia non sunt, ut in sinu
 gaudeant, gloriose loqui desinant. Cyrenaicorum
 restat sententia: qui tum aegritudinem censent exi-
 flere, si nec opinato quid euenerit. est id quidem ma-
 gnum, ut supra dixi: etiam Chrysippo ita uideri
 scio, quod prouisum ante non sit, id fieri uehemen-
 tius: sed non sunt in hoc omnia. quamquam hostium
 repens aduentus magis aliquanto conturbat, quam
 expectatus: & maris subita tempestas, quam ante
 prouisa, terret nauigantes uehementius: & eiusmo-
 di sunt pleraque. sed cum diligenter nec opinatorum
 naturam consideres; nihil aliud reperiās, nisi om-
 nia subita uideri maiora, & quidem ob duas caus-
 sas: primum, quod, quanta sint quae accidunt, con-
 siderandi spatium non datur: deinde, cum uidetur
 praecaueri potuisse, si prouisum esset, quasi culpa
 contractum malum aegritudinem acriorem facit.
 quod ita esse dies declarat: quae procedens ita mi-
 tigat, ut, iisdem malis manentibus, non modo le-
 niatur aegritudo, sed in plerisque tollatur. Cartha-
 ginenses multi Romae seruierunt; Macedones, rege
 Perse capto. uidi etiam in Peloponneso, cum essem
 adolescens, quosdam Corinthios. hi poterant om-
 nes

nes eadem illa de *Andromacha* deplorare,

Haec omnia uidi .

sed & iam decantauertant fortasse . eo enim erant uultu, oratione, omni reliquo motu, & flatu, ut eos Argiuos, aut Sicyonios diceret: magisq. me mouerant Corinthi subito aspectae parietinae, quam ipsos Corinthios; quorum animis diuturna cogitatio calum uetustatis obduxerat . Legimus librum Clitomachi; quem ille, euersa Carthagine, misit, consolandi causa, ad captios, ciues suos . in eo est disputatio scripta Carneadis; quam se ait in commētarium retulisse . cum ita positum esset, uideri fore in aegritudine sapientem patria capta; quae Carneades contra dixerit, scripta sunt . tanta igitur calamitatis praesentis adhibetur a philosopho medicina, quanta inueteratae ne desideratur quidem . nec, si aliquot annis post idem ille liber captiuis missus esset, uulneribus mederetur, sed cicatricibus . sensim enim, & pedetentim progrediens extenuatur dolor: nō quo ipsa res immutari soleat, aut possit: sed id, quod ratio debuerat, usus docet, minore esse ea, quae sint uisa maiora . Quid ergo opus est, dicet aliquis, ratione, aut omnino consolatione ulla, qua solemus uti, cum leuare dolorem maerentiū uolumus? haec enim fere tum habemus in promptu, nihil oportere inopinatum uideri . aut qui tolerabilius feret incommodum, qui cognouerit, necesse esse homini tale aliquid accidere? haec enim oratio de ipsa summa mali nihil detrahit; tantum modo affert, nihil euenisse,

nisse, quod non opinandum fuisset. neque tamen genus id orationis in consolando nō ualet: sed id, haud sciam, an plurimum. ergo ista nec opinata non habēt tantā uim, ut aegritudo ex his omnibus oriatur. feriunt enim fortasse grauius, non id efficiunt, ut ea, quae accidunt, maiora uideantur. quia recentia sunt, uidentur, non quia repentina. Duplex est igitur ratio ueri reperiendi, non in ijs solum, quae mala, sed in ijs etiam, quae bona uidentur. nam aut de ipsius rei natura, qualis, quanta sit, quaerimus, ut de paupertate non numquam; cuius onus disputando leuamus, docentes, quam parua, & quam pauca sint, quae natura desideret: aut a disputandi subtilitate orationem ad exempla traducimus. hic Socrates cōmemoratur, hic Diogenes, hic Caecilianū illud, Saepe est etiam sub palliolo sordido sapientia. cum enim paupertatis una eademq; sit uis; quidnam dici potest, quamobrem C. Fabricio tolerabilis ea fuerit, alij negent se ferre posse? Huic igitur alteri genere similis est ea ratio consolandi, quae docet humana esse, quae acciderint. non enim id solum continet ea disputatio, ut cognitionem afferat generis humani; sed significat tolerabilia esse, quae & tulerint, & ferant ceteri. De paupertate agitur: multi patientes pauperes cōmemorantur. de contemnendo honore: multi inhonorati proferuntur, & quidem propter id ipsum beatiore: eorumque, qui priuatum otium negotijs publicis antetulerunt, nominatim uita laudatur: nec siletur illud potentissimi
regis

regis anapæstum, qui laudat senem, & fortunatum esse dicit, quod inglorius sit atque ignobilis ad supremum diem peruenturus. Similiter commemorandis exemplis, orbitates quoque liberorum prædicantur; eorumque, qui grauius ferunt, luctus, aliorum exemplis leniuntur. sic perpeſſio ceterorum facit, ut ea, quæ acciderint, multo minora, quam quanta sint existimata, uideantur. ita fit sensim cogitantibus, ut, quantum sit euentita opinio, appareat. atque hoc idem & Telamon ille declarat;
Ego cum genui, moriturum scivi:

& Theseus;

Futuras mecum commentabar misérias:

& Anaxagoras; Sciebam me genuisse mortalem. hi enim omnes, diu cogitantes de rebus humanis, intelligebant eas nequaquam pro opinione uulgi esse extimescendas. Et mihi quidem uidetur idem fere accidere ijs, qui ante meditantur, quod ijs, quibus medetur dies; nisi quod ratio quaedam sanat illos, hos ipsa natura, intellecto eo, quod remedium illud continet, malum, quod opinatum sit esse maximum, nequaquam esse tantum, ut uitam beatam possit euertere. hoc igitur efficitur, ut ex illo nec opinato plaga maior sit; non, ut illi putant, ut, cum duobus pares casus euenerint, is modo aegritudine afficiatur, cui ille nec opinatus casus euenerit. itaque dicuntur non nulli in maerore, cum de hac communi omnium condicione audissent, ea lege nos esse natos, ut nemo in perpetuum esse posset expertus mali, gra-

nium

T V S C. D I S P V T.

uius etiam tulisse. quocirca Carneades, ut uideo nostrum scribere Antiochum, reprehendere Chrysippum solebat, laudantem Euripideum carmen illud: Mortalis nemo est, quem non attingat dolor, Morbusque. multi sunt humandi liberi, Rursum creandi: morsq. est finis omnibus, Quae generi humano angorem nequidquā afferunt. Reddenda est terrae terra: tum uita omnibus Metenda, ut fruges. sic iubet necessitas. negabat genus hoc orationis quidquam omnino ad leuandam aegritudinem pertinere: id enim ipsum dolendum esse dicebat, quod in tam crudelem necessitatem incidissemus: nam illam quidem orationem ex commemoratione alienorum malorum ad maleuolos consolandos esse accommodatam. Mihi uero longe uidetur secus. nam & necessitas ferendae condicionis humanae quasi cum deo pugnare cohibet, admonetq. esse hominem; quae cogitatio magnopere luctum leuat: at enumeratio exemplorum non, ut animum maleuolorum oblectet, affertur, sed ut ille, qui maeret, ferendum sibi id censeat, quod uideat multos moderate, & tranquille tulisse. omnibus enim modis fulciendi sunt, qui ruunt, nec cohaerere possunt, propter magnitudinem aegritudinis: ex quo ipsam aegritudinem λύπην Chrysippus, quasi λύσιν, id est solutionem totius hominis, appellatam putat: quae tota poterit euelli, explicata, ut principio dixi, caussa aegritudinis. est enim nulla alia, nisi opinio, & iudicium magni praesentis,

tis, atque urgentis mali. itaque & dolor corporis, cuius est morsus acerrimus, perfertur spe proposita boni: & acta aetas honeste, ac splendide tantam affert consolationem, ut eos, qui ita uixerint, aut non attingat aegritudo, aut perleuiter pungat animi dolor. Sed ad hanc opinionem mali cum illa etiam opinio accessit, oportere, rectum esse, ad officium pertinere, ferre illud aegre, quod acciderit; tum denique efficitur illa grauis aegritudinis perturbatio. ex hac opinione sunt illa uaria et detestabilia genera lugendi, pedores, muliebres lacerationes genarum, pedtoris, feminum, capitis percussiones. hinc ille Agamemnon Homericus, & idem Attianus, Scindens dolore identidem intonsam comam. in quo facetum illud Bionis, perinde stultissimum regem in luctu capillū sibi euellere, quasi caluitio maeror leniretur. sed haec omnia faciunt opinantes ita fieri oportere. itaque & Aeschines in Demosthenem inuehitur, quod is septimo die post filiae mortem hostias immolasset. at quam rhetorice? quam copiose? quas sententias colligit? quae uerba contorquet? ut licere quiduis rhetori intelligas. quae nemo probaret, nisi insitum illud in animis haberemus, omnes bonos interitu suorum quam grauissime maerere oportere. ex hoc euenit, ut in animi doloribus alij solitudines captent, ut ait Homerus de Bellerophonte:

Qui miser in campis maerens errabat Aleis,
Ipse suum cor edens, hominum uestigia uitans.

TVSC. DISPV.

& Niobe fingitur lapidea, propter aeternum credo
in luctu silentium. Hecubam autem, putant, pro-
pter animi acerbitatem quandam, & rabiem, fin-
gi, in canem esse conuersam. Sunt autem alij, quos
in luctu cum ipsa solitudine loqui saepe delectat, ut
illa apud Ennium nutrix:

Cupido cepit miseram nunc me, proloqui
Caelo, atque terrae Medea miseras.

Haec omnia, recta, uera, debita putantes, faciunt in
dolore: maximeq. declaratur hoc quasi officij iudi-
cio fieri, quod, si qui forte, cum in luctu esse uel-
lent, aliquid fecerunt humanius, aut si hilarius locu-
ti sunt, reuocant se rursus ad maestitiam, peccatiq.
se insimulant, quod dolere intermiserint. pueros ue-
ro matres, & magistri castigare etiam solent, nec
uerbis solum, sed etiam uerberibus, si quid in dome-
stico luctu hilarius ab ijs factum est, aut dictum:
plorare cogunt. Quid? ipsa remissio luctus cum est
consecuta; intellectumq. est, nihil profici maerendo;
non ne declarat fuisse totum illud uoluntarium? quid
ille Terentianus, ipse se puniens, id est *αὐτὸν τιμο-
ποῦμενος*?

Decreui tantisper me minus iniuriae,
Chreme, meo gnato facere, dum fiam miser.
hic decernit, ut miser sit. num quis igitur quidquam
decernit inuitus?

Malo quidem me quouis dignum deputem.
malo se dignum deputat, nisi miser sit. uides ergo
opinionis esse, non naturae malum. Quid, quod res
ipsa

ipsa lugere prohibet? ut apud Homerum quotidianae necesse, interitusque multorum sedationem maerendi afferunt; apud quem ita dicitur:

Namque nimis multos, atque omni luce cadentes Cernimus: ut nemo possit maerore uacare.

Quo magis est aequum tumultis mandare peremptos Firmo animo, & luctum lacrymis finire diurnis.

Ergo in potestate est abijcere dolorem, cum uelis, tempori seruiet. An est ullum tempus, quoniam quidem res in nostra potestate est, cui non, ponendae curae aegritudinis causa, seruiamus? constabat, eos, qui concidentem uulneribus Cn. Pompeium uidissent, cum in illo ipso acerbissimo miserrimoque spectaculo sibi timerent, quod se classe hostium circumfusus uiderent, nihil tum aliud egisse, nisi ut remiges hortarentur, & ut salutem adipiscerentur fuga; postea quam Tyrum uenissent, tum afflicti, lamentari coepisse. timor igitur ab ijs aegritudinem potuit repellere, ratio ac sapientia uera non poterit? Quid est autem, quod plus ualeat ad ponendum dolorem, quam cum est intellectum, nihil profici, & frustra esse susceptum? si igitur deponi potest, etiam non suscipi potest. uoluntate igitur, et iudicio suscipi aegritudinem confitendum est: idque indicatur eorum patientia, qui, cum multa sint saepe perpassi, facilius ferunt quidquid accidit, obdurnisque sese contra fortunam arbitrantur, ut ille apud Euripidem;

Si mihi nunc tristis primum illuxisset dies,

22 2

Nec

Nec tam aerumoso nauigauissem salo;
 Esset dolendi caussa; ut iniecto equulei
 Freno repente tactu exagitantur nono.
 Sed iam subiectus miseris obtorpui.
 Defatigatio igitur miseriarum aegritudines cum fa-
 ciat leuiore; intelligi necesse est, non rem ipsam
 causam, atque fontem esse maeroris. Philosophi
 summi, nec dum tamen sapientiam consecuti, non
 ne intelligunt in summo se malo esse, (sunt enim insi-
 pientes; neque insipientia ullum maius malum est)
 neque tamen lugent? quid ita? quia huic generi ma-
 lorum non affingitur illa opinio, rectum esse, &
 aequum, & ad officium pertinere, aegre ferre, quod
 sapiens non sis: quod idem affingimus huic aegritudi-
 ni; in qua luctus inest; quae omnium maxima est.
 itaque Aristoteles, ueteres philosophos accusans,
 qui exstimauissent philosophiam suis ingenijs esse
 perfectam, ait eos aut stultissimos, aut gloriosissi-
 mos fuisse; sed se uidere, quod paucis annis magna
 accessio facta esset, breui tempore philosophiam pla-
 ne absolutam fore. Theophrastus autem moriens
 accusasse naturam dicitur, quod ceruis, & cornici-
 bus uitam diuturnam, quorum id nihil interesset,
 hominibus, quorum maxime interfuisset, tam exi-
 guam uitam dedisset: quorum si aetas potuisset esse
 longinquior, futurum fuisse, ut, omnibus perfectis
 artibus, omni doctrina hominum uita erudiretur.
 querebatur igitur se tum, cum illa uidere coepisset,
 extingui. Quid? ex ceteris philosophis non ne opti-
 mus,

mus, & grauiſſimus quiſque conſitetur, multa ſe
 ignorare? & multa ſibi etiam atque etiam eſſe di-
 ſcenda? neque tamen, cum ſe in media ſtultitia;
 qua nihil eſt peius, haerere intelligant, aegritudine
 premuntur. nulla enim admiscetur opinio officioſi
 doloris. Quid, qui non putant lugendum uiris?
 qualis fuit Q. Maximus, efferens filium conſula-
 rem; qualis L. Paullus, duobus paucis diebus amiſ-
 ſis filiis; qualis M. Cato, praetore designato, mor-
 tuo filio; quales reliqui, quos in Conſolatione collegi-
 mus: quid hos aliud placuit, niſi quod luctum, &
 maerorem eſſe non putabant uiri? ergo id, quod alij
 rectum opinantes aegritudini ſe ſolent dedere, ij tur-
 pe putantes, aegritudinem repulerunt. ex quo intel-
 ligitur, non in natura, ſed in opinione eſſe aegritudi-
 nem. Contra dicuntur haec. Quis tam demens, ut
 ſua uoluntate maereat? natura affert dolorem: cui
 quidem Crantor, inquiunt, ueſter cedendum putat:
 premit enim, atque inſtat; nec reſiſti poteſt. itaque
 Oileus ille apud Sophoclem, qui Telamonem antea
 de Aiakis morte conſolatus eſſet, is cum audiſſet de
 ſuo, fractus eſt: de cuius commutata mente ſic
 dicitur:

Nec uero tanta praeditus ſapientia

Quiſquam eſt, qui, aliorum aerumnam dictis al-
 leuans,

Non idem, cum fortuna mutata impetum

Conuertat, clade ut ſubita frangatur ſua;

Vt illa ad alios dicta & praecepta excidant.

gg 3

Haec

T V S C. D I S P V T.

Haec cum disputant, hoc student efficere, naturae
 obsisti nullo modo posse. ij tamen fatentur grauiores
 aegritudines suscipi, quam natura cogat. quae igitur
 amentia, ut nos quoque idem ab alijs requiramus?
 Sed plures sunt caussae suscipiendi doloris. primum
 illa opinio mali; quo uiso, atque persuaso, aegritudo
 insequitur necessario. deinde etiam gratum se mor-
 tuis facere, si grauius eos lugeant, arbitrantur.
 accedit superstitio muliebris quaedam. existimant
 enim, dijs immortalibus se facilius satisfacturos, si,
 eorum plaga perculsi, afflictos se & stratos esse fa-
 teantur. Sed haec inter se quam repugnent, plerique
 non uident. laudant enim eos, qui aequo animo mo-
 riantur: qui alterius mortem aequo animo ferant,
 eos putant uituperandos. quasi fieri ullo modo pos-
 sit, quod in amatorio sermone dici solet, ut quis-
 quam plus alterum diligat, quam se. praeclarum illud
 est, & si quaeris, rectum quoque, & uerum, ut eos,
 qui nobis carissimi esse debeant, aequae ac nosmet ip-
 sos amemus; ut uero plus, fieri nullo pacto potest.
 ne optandum quidem est in amicitia, ut me ille plus,
 quam se, ego illum plus, quam me. perturbatio ui-
 tae, si ita sit, atque officiorum omnium consequatur.
 Sed de hoc alias. nunc illud satis est, non attribuere
 ad amissionem amicorum miseriam nostram; ne illos
 plus, quam ipsi uelint, si sentiant, plus certe, quam
 nosmet ipsos, diligamus. Nam quod aiunt, pleros-
 que consolationibus nihil leuari; adiunguntq. conso-
 latores ipsos confiteri se miseros, cum ad eos impe-
 tum

tum suum fortuna conuerterit: utrūque dissoluitur. sunt enim ista non naturae uitia, sed culpae. Stultitiam autem accusare quamuis copiose licet. nam & qui non leuantur, ipsi alios ad miseriam inuitant: & qui suos casus aliter ferunt, atque ut alijs auctores ipsi fuerunt, non sunt uitiosiores, quam fere plerique, qui auari auaros, gloriae cupidos gloriosi reprehendunt. est enim proprium stultitiae, aliorum uitia cernere, obliuisci suorum. sed nimirum hoc maximum est experimentum; cum constet aegritudinem uetustate tolli, hanc uim non esse in die positam, sed in cogitatione diuturna. nam etsi eadem res est, & idem est homo: qui potest quidquam de dolore mutari, si neque de eo, propter quod dolet, quidquam est mutatum, neque de eo, qui dolet? cogitatio igitur diuturna, nihil esse in re mali, dolori mēdetur, non ipsa diuturnitas. Hic mihi afferunt medicritates: quae si naturales sunt, quid opus est consolatione? natura enim ipsa terminabit modum: sin opinabiles, opinio tota tollatur. Satis dictum esse arbitror, aegritudinem esse opinionem mali praesentis; in qua opinione illud insit, ut aegritudinem suscipere oporteat. Additur ad hanc definitionem a Zenone recte, ut illa opinio praesentis mali sit recens. hoc autem uerbum sic interpretatur, ut non tantū illud recens esse uelit, quod paullo ante acciderit; sed, quam diu in illo opinato malo uis quaedā insit, & uigeat, & habeat quandam uiriditatem, tam diu appelletur recens: ut Artemisia illa, Mausoli

T V S C. D I S P V T.

Cariae regis uxor, quae nobile illud Halicarnassi fecit sepulcrum, quam diu uixit, uixit in luctu, eodemque etiam confecta contabuit. huic erat illa opinio quotidie recens: quae tum denique non appellabatur recens, cum uetustate exaruit. Haec igitur officia sunt consolantium, tollere aegritudinem funditus, aut sedare, aut detrahere quamplurimum, aut suppressere, nec pati manare longius, aut ad aliam traducere. Sunt, qui unum officium consolantis putent, malum illud omnino non esse, ut Cleanthi placeat. sunt, qui, non magnum malum, ut Peripatetici. sunt, qui abducunt a malis ad bona, ut Epicurus. sunt, qui satis putant ostendere, nihil inopinati accidisse, nihil mali. Chrysippus autem caput esse censet in consolando, detrahere illam opinionem maerenti, si se officio fungi putet iusto, atque debito. sunt etiam, qui haec omnia genera consolandi colligunt. alius enim alio modo mouetur; ut fere nos omnia in Consolationem unam coniecimus. erat enim in tumore animus, & omnis in eo tentabatur curatio, sed sumendum tempus est non minus in animorum morbis, quam in corporum: ut Prometheus ille Aeschyli: cui cum dictum esset, Atqui, Prometheu, te hoc tenere existimo, Mederi posse rationem iracundiae; respondet, Siquidem qui tempestiuam medicinam admonens, Non ad grauescens uulnus illidat manus. Erit igitur in consolationibus prima medicina, docere aut

re aut nullum malum esse, aut admodum paruum:
altera, et de communi condicione uitae, & proprie,
si quid sit, de ipsius, qui maereat, disputandum:
tertia, summam esse stultitiam, frustra confici maere-
rore, cum intelligas nihil posse profici. Nam Clean-
thes quidem sapientem consolatur; qui consolatione
non eget. nihil enim esse malum, quod turpe non
sit, si lugenti persuaseris; non tu illi luctum, sed
stultitiam detraxeris. alienum autem tempus do-
cendi. Et tamen non satis mihi uidetur uidisse hoc
Cleanthes, suscipi aliquando aegritudinem posse ex
eo ipso, quod esse summum malum Cleanthes ipse
fatetur. quid enim dicemus? cum Socrates Alci-
biadi persuasisset, ut accepimus, cum nihil homi-
nis esse, nec quidquam inter Alcibiadem, summo
loco natum, & quemuis baiulum interesse; cum se
Alcibiades affligeret, lacrymansq. Socrati sup-
plex esset, ut sibi uirtutem traderet, turpitudinemq.
depelleret: quid dicemus, Cleanthes? num in illa re,
quae aegritudine Alcibiadem afficiebat, mali nihil
fuisse? Quid illa Lyconis, qualia sunt? qui aegritu-
dinem extenuans, paruis ait eam rebus moueri,
fortunae, & corporis incommodis, non animi ma-
lis. Quid ergo? illud, quod Alcibiades dolebat,
non ex animi malis uitijsq. constabat? Ad Epicuri
consolationem satis est ante dictum. Ne illa qui-
dem consolatio firmissima est; quamquam & usita-
ta est, saepe prodest: Non tibi hoc soli. prodest
haec quidem, ut dixi, sed nec semper, nec omni-
bus

TVSC. DISPVT.

bus . sunt enim , qui respuant . sed refert , quo modo adhibeatur . ut enim tulerit quisque eorum , qui sapienter tulerunt , non quo quisque incommodo affectus sit , praedicandum est . Chrysippi ratio ad ueritatem firmissima est , ad tempus aegritudinis difficilis . magnum opus est probare maerenti , illum suo iudicio , & quod se ita putet oportere facere , maerere . Nimirum igitur , ut in causis non semper utimur eodem statu , (sic enim appellamus controuersiarum genera) sed ad tempus , ad controuersiae naturam , ad personam accomodamus : sic in aegritudine lenienda , quamnam quisque curationem recipere possit , uidendum est . Sed nescio quo pacto ab eo , quod erat a te propositum , aberrauit oratio . tu enim de sapiente quaesieras : cui aut malum uideri nullum potest , quod uacet turpitudine ; aut ita paruum malum , ut id obruatur sapientia , uixque appareat ; qui nihil opinione affingat , assumatque ad aegritudinem ; nec id putet esse rectum , se quammaxime excruciaci , luctuque confici ; quo prauius nihil esse possit . edocuit tamen ratio , ut mihi quidem uidetur , cum hoc ipsum proprie non quaeretur hoc tempore , ne quidem ullum esse malum , nisi quod idē dici turpe posset ; tamen ut uideremus , quidquid in aegritudine mali , id nō naturale esse , sed uoluntario iudicio , & opinionis errore contractū . tractatum est autem a nobis id genus aegritudinis , quod unum est omnium maximum , ut , eo sublato , reliquorum remedia ne magnopere quaerenda arbitra-

bitraremur. sunt enim certa, quae de paupertate, certa, quae de uita inhonorata, & ingloria dici soleant. separatim autem certae scholae sunt de exilio, de interitu patriae, de seruitute, de debilitate, de caecitate, & de omni casu: in quo nomen ponit sollet calamitatis. haec Graeci in singulas scholas, & in singulos libros differtunt: opus enim quaerunt, quamquam plane disputationis sunt, delectationis. & tamen, ut medici, toto corpore curando, minime etiam parti, si condoluit, medentur: sic philosophia, cum uniuersam aegritudinem sustulit, tamen, si quis error aliunde extitit, si paupertas momordit, si ignominia pupugit, si quid tenebrarum offudit exilium, aut eorum, quae modo dixi, si quid extitit: etsi singularum rerum sunt propriae consolationes: de quibus audies tu quidem, cum uoles. sed ad eundem fontem reuertendum est, aegritudinem omnem procul abesse a sapiente, quod inanis sit, quod frustra suscipiatur, quod non natura exoriatur, sed iudicio, sed opinione, sed quadam inuitatione ad dolendum, cum id decreuerimus ita fieri oportere. hoc detracto, quod totum est uoluntarium, aegritudo erit sublata illa maerens; morsus tamen, & contractiunculae quaedam animi relinquentur. hanc dicant sane naturalem, dum aegritudinis nomen absit, graue, taetrum, funestum, quod cum sapientia esse, atque, ut ita dicam, habitare nullo modo possit. atqui stirpes sunt aegritudinis, quam multae, quam amarae, quae, ipso trunco euerso,

omnes

T V S C . D I S P V T .

omnes elidendae sunt, & si necesse erit, singulis di-
 sputationibus: superest enim nobis hoc, cuiusmodi
 est, otium. sed ratio una omnium est aegritudinum,
 plura nomina. nam & inuidere aegritudinis est, et
 aemulari, & obrectare, & misereri, angi, luge-
 re, maerere, aerumna affici, lamentari, sollicitari,
 dolere, in molestia esse, afflictiari, desperare. haec
 omnia definiunt Stoici: eaq. uerba, quae dixi, sin-
 gularum rerum sunt, non, ut uidentur, easdem
 res significant, sed aliquid differunt: quod alio lo-
 co fortasse tractabimus. hae sunt illae fibrae stirpiū,
 quas initio dixi, persequendae, et omnes elidendae;
 ne ulla unquam possit existere: magnum opus, &
 difficile: quis negat? quid autem plaeclarum, non
 idem arduum? sed tamen id se effecturam philoso-
 phia profitetur: nos modo curationem eius recipia-
 mus. Verum quidem haec haecenus: cetera, quo-
 tiescumque uoletis, & hoc loco, & alijs parata
 uobis erunt.

*persequen
 de 228*

M. TVLLII

M. TVLLII CICERONIS
TVSCVLANARVM
DISPVATIONVM,
LIBER IIII.

de reliquis animi perturbationibus.

CVM multis locis nostrorum hominum ingenia, uirtutesque, Brute, soleo mirari, tum maxime ijs in studijs, quae sero admodum expetita, in hanc ciuitatem e Graecia transtulerunt. nam cum a primo urbis ortu, regijs institutis, partim etiam legibus auspicia, caeremoniae, comitia, prouocationes, patrum consilium, equitum, peditumq. descriptio, tota res militaris diuinitus esset constituta; tum progressio admirabilis, incredibilisq. cursus ad omnem excellentiam factus est, dominatu regio rep. liberata. nec uero hic locus est, ut de moribus institutisq. maiorum, & disciplina, ac temperatione ciuitatis loquamur. alijs haec locis satis accurate a nobis dicta sunt, maximeq. in ijs sex libris, quos de rep. conscripsimus. hoc autem loco consideranti mihi studia doctrinae, multa sane occurrunt, cur ea quoque accersita aliunde, neque solum expetita, sed etiam conseruata, & culta uideantur. erat enim illis paene in conspectu, praestanti sapientia, & nobilitate, Pythagoras, qui fuit in Italia temporibus iisdem, quibus L. Brutus patriam liberauit, praecula-

t. Cla. 167

t. Or. 2. 79

clarus auctor nobilitatis tuae. Pythagorae autem doctrina cum longe, lateq. flueret, permanuisse mihi uidetur in hanc ciuitatem: idq. cum coniectura probabile est, tum quibusdam etiam uestigijs indicatur. quis est enim, qui putet, cum floreret in Italia Graecia potentissimis, & maximis urbibus, ea, quae Magna dicta est; in hisq. primum ipsius Pythagorae, deinde postea Pythagoreorum tantum nomen esset; nostrorum hominum ad eorum doctissimas uoces aures clausas fuisse? quin etiam arbitror, propter Pythagoreorum admirationem Numam quoque regem Pythagoreum a posterioribus existimatum. Nam cum Pythagorae disciplinam, & instituta cognoscerent; regisq. eius aequitatem, & sapientiam a maioribus suis accepissent; aetates autem, et tempora ignorarent, propter uetustatem; eum, qui sapientia excelleret, Pythagorae auditorem fuisse crediderunt. Et de coniectura quidem haecenus. Vestigia autem Pythagoreorum quamquam multa colligi possunt, paucis tamen utemur: quoniam non id agitur hoc tempore. Nam cum carminibus soliti illi esse dicantur et praecepta quaedam occultius tradere, & mentes suas a cogitationum intentione cantu, fidibusq. ad tranquillitatem traducere; grauiissimus auctor in Originibus dixit Cato, morem apud maiores hunc epularum fuisse, ut, deinceps, qui accubarent, canerent ad tibiam clarorum uirorum laudes, atque uirtutes. ex quo perspicuum est, & cantus tum fuisse rescriptos uocum sonis,

sonis, & carmina. quamquam id quidem etiam
xii. tabulae declarant, conditum tum solitum esse
carmen: quod ne liceret fieri ad alterius iniuriam,
leges sanxerunt. Nec uero illud non eruditorum
temporum argumentum est, quod & deorum pul-
uinaribus, et epulis magistratum fides praecinunt:
quod proprium eius fuit, de qua loquor, discipli-
nae. mihi quidem etiam Appij Caeci carmen, quod
ualde Panaetius laudat epistola quadam, quae est
ad Q. Tiberonem, Pythagoreorum uidetur. Mul-
ta sunt etiam in nostris institutis ducta ab illis:
quae praetereo, ne ea, quae peperisse ipsi putamur,
aliunde didicisse uideamur. Sed, ut ad propositum
redeat oratio; quam breui tempore quot, et quan-
ti poetae, qui autem oratores extiterunt? facile ut
apeareat, nostros omnia consequi potuisse, simul
ut uelle coepissent. Sed de ceteris studiis alio loco et
dicemus, si usus fuerit, & saepe diximus. Sapien-
tiae studium uetus id quidem in nostris: sed tamen,
ante Laelij aetatem, & Scipionis, non reperio quos
appellare possim nominatim: quibus adolescentibus
Stoicum Diogenem, & Academicum Carneadem
uideo ad senatum ab Atheniensibus missos esse le-
gatos. qui cum reip. nullam umquam partem atti-
gissent; essentq. eorum alter Cyrenaeus, alter Ba-
bylonius; numquam profecto scholis essent excita-
ti, neque ad illud munus electi, nisi in quibusdam
principibus temporibus illis fuissent studia doctri-
nae: qui cum cetera litteris mandarent, alij ius ciui-
le,

f. 01. 2. 77.

le, alij orationes suas, alij monumenta maiorum;
 hanc amplissimam omnium artium bene uiuendi di-
 sciplinam uita magis, quam litteris, persecuti sunt.
 itaque illius uerae, elegantisq. philosophiae, quae
 ducta a Socrate in Peripateticis adhuc permansit;
 & idem alio modo dicentibus Stoicis, cum Acade-
 mici eorum controuersias discreparent, nulla fere
 sunt, aut pauca admodum latina monumenta, si-
 ue propter magnitudinem rerum, occupationemq.
 omnium, siue etiam, quod imperitis ea probari
 posse non arbitrabantur: cum interim, illis silenti-
 bus, C. Amasanius extitit dicens. cuius libris edi-
 tis, commota multitudo contulit se ad eandem po-
 tissimum disciplinam; siue quod erat cognitu per-
 facilis; siue quod inuitabatur illecebris blandis uo-
 luptatis; siue etiam, quia nihil prolatum erat me-
 lius, illud, quod erat, tenebant. Post Amasa-
 nium autem multi, eiusdem aemuli rationis, mul-
 ta cum scripsissent, Italiam totam occupauerunt:
 quodq. maximum argumentum est, non dici illa
 subtiliter, quod & facile ediscantur, & ab indo-
 ctis probentur; id illi firmamentum esse disciplinae
 putant. sed defendat quidem, quod quisque sentit:
 sunt enim iudicia libera: nos institutum tenebimus;
 nullisq. unius disciplinae legibus adstricti, quibus
 in philosophia necessario pareamus, quid sit in qua-
 que re maxime probabile, semper requiremus.
 quod cum saepe alias, tum nuper in Tusculano stu-
 diose egimus. itaque, expositis tridui disputationi-
 bus

*Am. lib. xvi. et
 7. 306.
 1822
 Florab. et
 2. Nat. 1. 8.*

bus, quartus dies hoc libro concluditur. ut enim in inferiorem ambulationem descendimus, quod idem feceramus superioribus diebus; sic acta res est.

M. Dicat, si quis uult, de quare disputare uelit.

A. non mihi uidetur omni animi perturbatione posse sapiens uacare. M. Aegritudine quidem, he-

sterna disputatione uidebatur: nisi forte temporis causa assentiebare. A. Minime uero: nam mihi egregie probata est oratio tua. M. Non igitur exi-

stimas cadere in sapientem aegritudinem? A. Prorsus non arbitror. M. Atqui, si ista perturbare anim-

um sapientis non potest, nulla poterit. quid enim? metus ne conturbet? at earum rerum est absentium metus, quarum praesentium est aegritudo. sublata

igitur aegritudine, sublatus est metus. Restant duae perturbationes, laetitia gestiens, & libido: quae si

non cadent in sapientem, semper mens erit tranquilla sapientis. A. Sic prorsus intelligo. M. Vtrum

igitur maius? statim ne nos uela facere, an, quasi e portu agredientes, paullulum remigare? A.

Quidnam est istuc? non enim intelligo. M. Quia Chrysippus, & Stoici, cum de animi perturbatio-

nibus disputant, magnam partem in his partiendis, & definiendis occupati sunt: illa eorum perexigua oratio est, qua medeantur animis, nec eos turbu-

lentos esse patiantur. Peripatetici autem ad placan-

dos animos multa afferunt: spinas partiendi, & definiendi praetermittunt. quaerebam igitur, utrum

panderem uela orationis statim, an cam ante paul-

h h lulum

lulum dialecticorum remis propellerem. A. Isto modo uero. erit enim hoc totum, quod quaero, ex utroque perfectius. M. Est id quidem rectius: sed post requires, si quid fuerit obscurius. A. Faciam equidem: tu tamen, ut soles, dices ista ipsa obscura planius, quam dicuntur a Graecis. M. Enitar quidem: sed intento opus est animo, ne omnia dilabantur, si unum aliquod effugerit. Quoniam, quae Graeci $\pi\acute{\alpha}\delta\eta$ uocant, nobis perturbationes appellari magis placet, quam morbos; in his explicandis ueterem illam equidem Pythagorae primum, deinde Platonis descriptionem sequar: qui animum in duas partes diuidunt; alteram rationem participem faciunt, alteram expertem. in partice rationis ponunt tranquillitatem, id est placidam, quietamq. constantiam: in illa altera motus turbidos tū irae, tū cupiditatis, contrarios, inimicosq. rationi. sit igitur hic fons: ut amur tamen in his perturbationibus describendis Stoicorum definitionibus, & partitionibus: qui mihi uidentur in hac quaestione uersari acutissime. Est igitur Zenonis haec definitio, in perturbatio sit, quod $\pi\acute{\alpha}\delta\eta$ ille dicit, auersa a recta ratione contra naturam animi commotio. Quidam breuius, perturbationem esse appetitum uehementiorem, dicunt; sed uehementiorem eum uolunt esse, qui longius discesserit a naturae constantia. Partes autem perturbationum uolunt ex duobus opinatis bonis nasci, & ex duobus opinatis malis; ita esse quattuor, ex bonis libidinem, & laeti-

laetitiam; ut sit laetitia praesentium bonorum, libido futurorum; ex malis metum, & aegritudinem nasci censent, metum ex futuris, aegritudinem ex praesentibus. quae enim uenientia metuuntur, eadem efficiunt aegritudinem instantia. laetitia autem, & libido in bonorum opinione uersantur: cum libido ad id, quod uidetur bonum, illecta, & inflammata rapiatur; laetitia, ut adepta iam aliquid concupitum, efferatur, & gestiat. natura enim omnes ea, quae bona uidentur, sequuntur, fugiuntque contraria. quamobrem, simul obiecta species cuiuspiam est, quod bonum uideatur; ad id adipiscendum impellit ipsa natura. id cum constanter, prudenterque fit, eiusmodi appetitionem Stoici *βούλησιν* *Boul' n n.* appellant, nos appellamus uoluntatem. eam illi putant in solo esse sapiente; quam sic definiunt. uoluntas est, quae quid cum ratione desiderat. Quae autem aduersa ratione incitata est uehementius, ea libido est, uel cupiditas effrenata, quae in omnibus stultis inuenitur. Itemque, cum ita mouemur, ut in bono simus aliquo, dupliciter id contingit. nam cum ratione animus mouetur placide, atque constanter, tum illud gaudium dicitur: cum autem & *gaudiu* inaniter, & effuse animus exultat, tum illa laetitia gestiens, uel nimia dici potest: quam ita definiunt, sine ratione animi elationem. quo modoque bona natura appetimus; sic a malis natura declinamus. quae declinatio si cum ratione fiet, cautio appelletur, eaque intelligatur in solo esse sapiente: quae au-

bb 2 tem

TVSC. DISPVT.

tem sine ratione, & cum exanimatione humili,
atque fracta, nominetur metus. est igitur metus
rationi aduersa cautio. praesentis autem mali sa-
pientis affectio nulla est. stulti autem aegritudo est
ea, qua afficiuntur in malis opinatis, animosq. de-
mittunt, et contrahunt rationi non obtemperantes.
itaque haec prima definitio est, ut aegritudo sit ani-
mi aduersante ratione contractio, sic quattuor per-
turbationes sunt, tres constantiae: quoniam aegritu-
dini nulla constantia opponitur. Sed omnes pertur-
bationes iudicio censent fieri, & opinione: itaque
eas definiunt pressius; ut intelligatur non modo,
quam uitiosae, sed etiam quam in nostra sint pote-
state. Est igitur aegritudo, opinio recens mali prae-
sentis: in quo demitti contrahiq. animo, rectum es-
se uideatur. Laetitia, opinio recens boni praesentis,
in quo efferri rectum esse uideatur. Metus, opinio
impendentis mali, quod intolerabile esse uideatur.
Libido, opinio uenturi boni, quod, sit ex usu, iam
praesens esse, atque adesse. Sed quae iudicia, quasq.
opiniones perturbationum esse dixi, non in eis per-
turbationes solum positas esse dicunt, uerum illa
etiam, quae efficiuntur perturbationibus; ut aegritu-
do quasi morsum aliquem doloris efficiat, metus re-
cessum quandam animi, & fugam, laetitia profu-
sam hilaritatem, libido effrenatam appetentiam.
Opinionem autem, quam in omnes definitiones su-
periores inclusimus, uolunt esse imbecillam assen-
sionem. Sed in singulis perturbationibus partes
eiusdem

eiusdem generis plures subiiciuntur, ut aegritudini
 inuidia, (utendum est enim, docendi causa, uer- *Inuidia*
 bo minus usitato; quoniam inuidiam non in eo, qui
 inuidet, solum dicitur, sed etiam in eo, cui inuide-
 tur) aemulatio, obrectatio, misericordia, angor,
 luctus, maeror, aerumna, dolor, lamentatio, solici-
 tudo, molestia, afflictatio, desperatio; & si quae
 sunt de genere eodem. Sub metum autem subiecta
 sunt pigritia, pudor, terror, timor, pavor, exa-
 nimatio, conturbatio, formido. Voluptati male-
 uolentia, laetans malo alieno, delectatio, iactatio,
 & similia. Libidini ira, excandescencia, odium,
 inimicitia, discordia, indigentia, desiderium, &
 cetera eiusmodi. Haec autem definiunt hoc modo:
 Inuidiam esse dicunt aegritudinem, susceptam
 propter alterius res secundas, quae nihil noceant in-
 uidenti. nam, si quis doleat eius rebus secundis, a
 quo ipse laedatur, non recte dicitur inuidere; ut si
 Hectori Agamemnon: qui autem, cui alterius com-
 moda nihil noceant, tamen eum doleat his frui, is
 inuidet profecto. Aemulatio autem dupliciter illa
 quidem dicitur, ut & in laude, & in uitio nomen
 hoc sit. nam & imitatio uirtutis aemulatio dicitur:
 sed ea nihil hoc loco utimur; est enim laudis: &
 est aemulatio aegritudo, si eo, quod concupierit,
 alius potiatur, ipse careat. Obrectatio autem est
 ea, quam intelligi zelotypiam uolo; aegritudo ex
 eo, quod alter quoque potiatur eo, quod ille ipse con-
 cupiuerit. Misericordia est aegritudo ex miseria al-
 terius

terius iniuria laborantis. nemo enim paricidae, aut
 proditoris supplicio misericordia commouetur. An
 gor est aegritudo premens. Luctus, aegritudo ex
 eius, qui carus fuerit, interitu acerbo. Maeror,
 aegritudo flebilis. Aerumna, aegritudo laboriosa.
 Dolor, aegritudo crucians. Lamentatio, aegritudo
 cum eiulatu. Sollicitudo, aegritudo cum cogitatio-
 ne. Molestia, aegritudo permanens. Afflictatio,
 aegritudo cum uexatione corporis. Desperatio, aegri-
 tudo sine ulla rerum expectatione meliorum. Quae
 autem subiecta sunt sub metu, ea sic definiunt:
 Pigritiam, metum consequentis laboris: Terro-
 rem, metum concutientem. ex quo fit, ut pudorem
 rubor, terrorem pallor, & tremor, & dentium
 crepitus consequatur: Timorem, metum mali ap-
 propinquantis: Pauorem, metum mentem loco mo-
 uentem: ex quo illud Ennii,

Tum pauor sapientiam mihi omnem ex animo ex-
 pectorat:

Exanimationem, metum subsequenter, & quasi
 comitem panoris: Conturbationem, metum excu-
 tientem cogitata: Formidinem, metum permanen-
 tem. Voluptatis autem partes hoc modo descri-
 bunt, ut Maleuolentia sit uoluptas ex malo alte-
 rius sine emolumento suo; Delectatio, uoluptas
 suauitate auditus animum deleniens: & qualis est
 haec aurium, tales sunt oculorum, & tactionum,
 & odoratorum, & saporum: quae sunt omnes
 unius generis, ad persundendum animum tamquam
 illique-

illiquescit uoluptates: Iactatio est uoluptas gestiens, & se efferens insolentius. Quae autem libidini subiecta sunt, ea sic definiunt, ut Ira sit libido puniendi eius, qui uideatur laesisse iniuria: Excandescencia autem sit ira nascens, & modo existens: quae θυμὸς graece dicitur: Odium, ira inueterata: Inimicitia, ira ulciscendi tempus obseruans: Discordia, ira acerbior, intimo odio, & corde concepta: Indigentia, libido inexplebilis: Desiderium, libido eius, qui nondum adfit, uidendi. Distinguunt illud etiam, ut sit libido earum rerum, quae dicuntur de quodam, aut quibusdam; quae κατὰ μέρος dialectici appellant; ut habere diuitias, capere honores. Indigentia, libido rerum ipsarum est, ut honorum, ut pecuniae. Omnium autem perturbationum fontem esse dicunt intemperantiam: quae est a tota mente, & a recta ratione defectio; sic auersa a praescriptione rationis, ut nullo modo appetitiones animi nec regi, nec contineri queant: quemadmodum igitur temperantia sedat appetitiones, & efficit, ut haec rectae rationi pareant, conseruatq. considerata iudicia mentis: sic huic inimica intemperantia omnem animi statum inflamat, conturbat, incitat. itaque & aegritudines, & metus, & reliquae perturbationes omnes gignuntur ex ea. quemadmodum, cum sanguis corruptus est, aut pituita redundat, aut bilis, in corpore morbi, aegrotationesq. nascuntur: si prauarum opinionum conturbatio, & ipsarum inter se repugnantia sani-

248
 tate animum spoliatur, morbisque perturbatur. ex per-
 turbationibus autem primum morbi conficiuntur;
 quae uocantur illi νοσήματα; eaque, quae sunt eis mor-
 bis contraria; quae habent ad res certas uitiosam of-
 fensionem, atque fastidium; deinde aegrotationes,
 quae appellantur a Stoicis ἀρρώσθηματα; hisque item
 oppositae contrariae offensiones. Hoc loco nimium
 operae consumitur a Stoicis, maxime a Chrysippo,
 dum morbis corporum comparatur morborum ani-
 mi similitudo. qua oratione minime necessaria prae-
 termissa, ea, quae rem continent, pertractemus.
 Intelligatur igitur, perturbationem, iactantibus se
 opinionibus inconstanter, & turbide, in motu esse
 semper. cum autem hic feruor, concitatioque animi
 inueterauerit, & tamquam in uenis, medullisque in-
 sederit; tum existit & morbus, & aegrotatio, &
 offensiones eae, quae sunt eis morbis, aegrotationi-
 busque contrariae. haec, quae dico, cogitatione qui-
 dem inter se differunt, re uero copulata sunt, eaeque
 oriuntur ex libidine, & laetitia. nam cum est con-
 cupita pecunia, nec adhibita continuo ratio, quasi
 quaedam Socratica medicina, quae sanaret eam cu-
 piditatem; permanat in uenas, & inhaeret in uisce-
 ribus illud malum, existitque morbus, & aegrota-
 tio; quae auelli inueterata non possunt: eique morbo
 nomen est auaritia. similiterque ceteri morbi, ut glo-
 riae cupiditas, ut mulierositas, (ut ita appellem
 eam, quae graece φιλογυνεΐα dicitur) ceterique simili-
 ter morbi, aegrotationesque nascuntur. Quae autem
 his

his sunt contraria, ea nasci putantur a metu, ut odium mulierum, quale in *μισογυνεία* est, ut in hominum uniuersum genus; quod accepimus de Timone, qui *μισάνθρωπος* appellatur; ut inhospitalitas est. quae omnes aegrotationes animi ex quodam metu nascuntur earum rerum, quas fugiunt, & oderunt. Definiunt autem animi aegrotationem, opinionem uehementem de re non expetenda, tamquam ualde expetenda sit, inhaerentem, & penitus insitam. quod autem nascitur ex offensione, ita definiunt, opinionem uehementem de re non fugienda, inhaerentem, & penitus insitam, tamquam fugienda: haec autem opinatio est, iudicare se scire, quod nesciat. Aegrotationi autem talia quaedam subiecta sunt, auaritia, ambitio, mulierositas, peruicacia, liguritia, uinolentia, cupedia, & si qua sunt similia. Est autem auaritia, opinatio uehemens de pecunia, quasi ualde expetenda sit, inhaerens, & penitus insita. similisq. est eiusdem generis definitio reliquarum. Offensionum autem definitiones sunt eiusmodi, ut inhospitalitas sit opinio uehemens, ualde fugiendum esse hospitem, eaq. inhaerens, & penitus insita. similiter definitur & mulierum odium, ut Hippolyti, & ut Timonis generis humani. Atque, ut ad ualetudinis similitudinem ueniam, eaq. collatione utamur aliquando, sed parcius, quam solent Stoici: ut sunt alij ad alios morbos procliuiiores; itaque dicimus grauedinosos quosdam, quosdam torminosos, non quia semper sint, sed quia saepe sint: alii

Plaut.

off. lib. 1.
15.

Plutar.

Ant.

TVSC. DISPUT.

alij ad metum, alij ad aliam perturbationem. ex quo in alijs anxietas, unde anxij; in alijs iracundia dicitur: quae ab ira differt: estq. aliud, iracundum esse; aliud, iratum: ut differt anxietas ab angore: neque enim omnes anxij, qui anguntur aliquando; neque anxij, semper anguntur: ut inter ebrietatem, & ebriositatem interest: aliudq. est, esse amatorem; aliud, amantem. Atque haec aliorum ad alios morbos procliuitas late patet: nam pertinet ad omnes perturbationes: in multis etiam uitij apparet: sed nomen res non habet. ergo inuidi, & maleuoli, liuidi, & timidi, & misericordes, quia procliues ad eas perturbationes, non quia semper feruntur. haec igitur procliuitas ad suum quodque genus, a similitudine corporis aegrotatio dicitur; dū ea intelligatur ad aegrotādum procliuitas. sed haec in bonis rebus, quod alij ad alia bona sunt aptiores, facilitas nominetur; in malis procliuitas, ut significet lapsionem; in neutris habeat superius nomen. Quo modo autem in corpore morbus, aegrotatio, & uitium, sic in animo. Morbum appellant, totius corporis corruptionem: Aegrotationem, morbum cum imbecillitate: Vitium, cum partes corporis inter se dissident: ex quo prauitas membrorum, disortio, deformitas. itaque illa duo, morbus, & aegrotatio, ex totius ualeitudinis corporis conquassatione, & perturbatione gignuntur: Vitium autem, integra ualeitudine, ipsum ex se cernitur. sed in animo tantum modo cogitatione possumus morbum ab aegrotatione

tatione seiungere . *Vitiositas* autem est habitus, aut affectio in tota uita inconstans, & a se ipsa dissentiens . ita fit, ut in altera corruptione opinionum morbus efficiatur, & aegrotatio, in altera inconstantia, & repugnantia . non enim omne uitium partes habet dissentientes ; ut eorum, qui non longe a sapientia absunt, affectio est illa quidem discrepans a se ipsa, dum est insipiens, sed non distorta, nec praua . Morbi autem, & aegrotationes partes sunt uitiositatis : sed perturbationes sint ne eiusdem partes, quaestio est : uitia enim affectiones sunt manentes, perturbationes autem mouentes ; ut non possint affectionum manentium partes esse . Atque, ut in malis attingit animi naturam corporis similitudo, sic & in bonis . sunt enim in corpore praecipua, pulchritudo, uires, ualetudo, firmitas, uelocitas : sunt item in animo . Corporis temperatio, cum ea congruunt inter se, e quibus constat . sanitas sic animi dicitur, cum eius iudicia, opinionesq. concordant . eaq. est animi uirtus : quam alij ipsam temperantiam dicunt esse, alij obtemperantem temperantiae praeceptis, & eam subsequenter, nec habentem ullam speciem suam ; sed, siue hoc, siue illud sit, in solo esse sapiente . Est autem quaedam animi sanitas, quae in insipientem etiam cadat, cum, curatione medicorum, perturbatio mentis aufertur . Et ut corporis est quaedam apta figura membrorum, cum coloris quadam suauitate ; eaq. dicitur pulchritudo : sic in animo opinionum, iudiciorumq. aequalitas,

T V S C. D I S P V T.

bilitas, & constantia, cum firmitate quadam, & stabilitate uirtutem subsequens, aut uirtutis uim ipsam continens, pulchritudo uocatur. Itemq. uiribus corporis, & neruis, & efficacitati similes, similibus quoque uerbis animi uires nominantur. Velocitas autem corporis, celeritas appellatur: quae eadem ingenij etiam laus habetur, propter animi multarum rerum breui tempore percursionem. Illud animorum corporumq. dissimile est, quod animi ualentes morbo tentari non possunt, corpora possunt: sed corporum offensiones sine culpa accidere possunt, animorum non item. quorum omnes morbi, & perturbationes ex aspernatione rationis eueniunt. itaque in hominibus solum existunt. nam bestiae simile quiddam faciunt, sed in perturbationes non incidunt. Inter acutos autem, & hebetes interest, quod ingeniosi, ut aes Corinthium in aeruginem, sic illi in morbum & incidunt tardius, & recreantur ocius, hebetes non item. Nec uero in omnem morbum, ac perturbationem animus ingeniosi cadit. non enim multa efferata, & immania: quaedam autem humanitatis quoque habent primam speciem, ut misericordia, aegritudo, metus. Aegrotationes autem, & morbi animorum difficilius euelli posse putantur, quam summa illa uitia, quae uirtutibus sunt contraria. morbis enim manentibus, uitia sublata esse non possunt; quia non tam celeriter sanantur, quam illa tolluntur. Habes ea, quae de perturbationibus enucleate disputant Stoici: quae lo
gica

gica appellant, quia differuntur subtilius. e quibus
quoniam tamquam e scopulosis cotibus enauigauit
oratio, reliquae disputationis cursum teneamus: mo-
do satis illa dilucide dixerimus pro rerum obscurita-
te. A. Prorsus satis: sed, si qua diligentius erunt co-
gnoscenda, quaeremus alias: nunc uela, quae modo
dicebas, expectamus, & cursum. M. Quando &
alijs locis de uirtute diximus, et saepe dicendum erit;
(pleraeque enim quaestiones, quae ad uitam, mo-
resq. pertinent, a uirtutis fonte ducentur) quando
igitur uirtus est affectio animi, constans, conue-
niensque, laudabiles efficiens eos, in quibus est, &
ipsa per se sua sponte, separata etiam utilitate, lau-
dabilis: (ex ea proficiuntur honestae uoluntates, sen-
tentiae, actiones, omnisq. recta ratio: quamquam
ipsa uirtus breuissime recta ratio dici potest) huius
igitur uirtutis contraria est uitiositas: (sic enim ma-
lo, quam malitiam, appellare eam, quam Graeci
κακία appellant: nam malitia certi cuiusdam uitij
nomen est, uitiositas omnium) ex qua concitantur
perturbationes: quae sunt, ut paullo ante diximus,
turbidi animorum, concitatiq. motus, auersi a ra-
tione, & inimicissimi mentis, uitaeq. tranquillae:
importat enim aegritudines anxias, atque acerbis,
animosq. affligunt, & debilitant metu: iidem in-
flamment appetitione nimia: quam tum cupidita-
tem, tum libidinem dicimus: impotentiam quan-
dam animi a temperantia, & moderatione pluri-
mum dissidentem. quae si quando adepta est id, quod
ei fuerit

ei fuerit concupitum, tum fert alacritatem, ut nihil esse constet, quod agat; ut ille, qui uoluptatem animi nimiam summum esse errorem arbitratur. Eorum igitur malorum in una uirtute posita sanatio est. quid autem est non miserius solum, sed foedius etiam, & deformius, quam aegritudine quis afflētus, debilitatusq. iacens? cui miseriae proximus est is, qui appropinquans aliquod malum metuit, exanimatusque pendet animi. quam uim significantes mali, poetae impendere apud inferos saxum

Vix. Aen. 6. Tantalum faciunt, ob scelera, animiq. impotentiam, & superbiloquentiam. ea communis poena stultitiae est. omnibus enim, quorum mens abhorret a ratione, semper aliquis alijs dolor, alijs terror impendet. Atque ut hae tabificae mentis perturbationes sunt; aegritutinem dico, & metum: sic hilariores illae, cupiditas auide semper aliquid expetens, & inanis alacritas, id est laetitia gestiens, non multum differunt ab amentia, ex quo intelligitur, qualis ille sit, quem tum moderatum, alias modestum, & temperantem, alias constantem, continentemq. dicimus, non numquam haec eadem uocabula ad fragilitatis nomen, tamquam ad caput, referre uolumus. quod nisi eo nomine uirtutes continerentur; numquam illud ita peruulgatum esset, ut iam prouerbij locum obtineret, hominem frugi omnia recte facere. quod idem cum Stoici de sapiente dicunt, nimis admirabiliter, nimisq. magnifice dicere uidentur. Ergo is, quisquis est, qui moderatione, & constantia

tia quietus animo est, sibiq. ipse placatus, ut neque
tabescat molestijs, neque frangatur timore, nec, si-
tenter quid appetens, ardeat desiderio, nec alacri- *liber*
tate futili gestiens deliquescat; is est sapiens, quem
quaerimus; is est beatus, cui nihil humanarum re-
rum aut intolerabile ad demittendum animum, aut
nimis laetabile ad efferendum uideri potest. quid
enim uideatur ei magnum in rebus humanis, cui
aeternitas omnis, totiusq. mundi nota sit magnitu-
do? nam quid aut in studijs humanis, aut in tam exi-
gua uitae breuitate magnum sapienti uideri potest,
qui semper animo sic excubat, ut ei nihil improvi-
sum accidere possit, nihil inopinatum, nihil omnino
nouum? atque idem ita acrem in omnes partes a-
ciem intendit, ut semper uideat sedem sibi, ac lo-
cum sine molestia atque angore uiuendi; ut, quem-
cumque casum fortuna inuexerit, hunc apte et quie-
te ferat. quod qui faciet, non aegritudine solum ua-
cabit, sed etiam perturbationibus reliquis omnibus.
his autem uacuus animus perfecte atque absolute
beatos efficit: idemq. concitatus, & abstractus ab
integra, certa q. ratione, non constatiam solum
amittit, uerum etiam sanitatem. Quocirca mollis
& eneruata putanda est Peripateticorum ratio, &
oratio, qui perturbari animo necesse esse dicunt,
sed adhibent modum quendam, quem ultra progre-
di non oporteat. modum tu adhibes uitio? an uitium
nullum est, non parere rationi? an ratio parum prae-
cipit, nec bonum illud esse, quod aut cupias arden-
ter,

TVSC. DISPVT.

ter, aut adeptus te efferas insolenter? nec porro malum, quo aut oppressus iaceas, aut, ne opprimare, mente uix constes? eaq. omnia aut nimis tristia, aut nimis laeta errore fieri? qui si error stultis extenuetur die, ut, cum res eadem maneat, aliter ferat inueterata, aliter recentia: sapientem ne attingat quidem omnino. etenim quis erit tandem modus iste? quaeramus enim modum aegritudinis, in qua operae plurimum ponitur. aegre tulisse P. Rutilium fratris repulsam consulatus, scriptum apud Fannium est: sed tamen transisse modum uidetur, quippe qui ob eam caussam a uita recesserit. moderatius igitur ferre debuit. Quid, si, cum id ferret modice, mors liberorum accessisset? nata esset aegritudo noua, sed ea modica: magna tamen facta esset accessio. Quid, si deinde dolores graues corporis, si bonorum amissio, si caecitas, si exilium, si pro singulis malis aegritudines accederent? summa ea fieret, quae non sustineretur. Qui modum igitur uitio quaerit, similiter facit, ut si posse putet eum, qui se e Leucade praecipitauerit, sustinere se, cum uelit. ut enim id non potest: sic animus perturbatus, & incitatus nec cohibere se potest, nec, quo loco uult, insilere omnino: quaeq. crescentia perniciofa sunt, eadem sunt uitiosa nascentia. aegritudo autem, ceteraeq. perturbationes amplifiatae certe pestiferae sunt: igitur etiam susceptae continuo in magna pestis parte uersantur. etenim ipsae se impellunt, ubi semel a ratione discessum est; ipsaq. sibi imbecillitas indulget, in altumq.

Ouid. Sapph.

tumq. prouehitur imprudens, nec reperit locum consistendi. Quamobrem nihil interest, utrum moderatas perturbationes approbent, an moderatam iniustitiam, moderatam ignauiam, moderatam intemperantiam. qui enim uitij modum apponit, is partem suscipit uitiorum. quod cum ipsum per se odiosum est, tum eo molestius, quia sunt in lubrico, incitataq. semel in procliuē labuntur, sustineri quonullo modo possunt. Quid, quod ijdem Peripatetici perturbationes istas, quas nos extirpandas putamus, non modo naturales esse dicunt, sed etiam utiliter a natura datas? quorum est talis oratio. Primum multis uerbis iracundiam laudant; eam fortitudinis esse dicunt, multoq. & in hostem, & in improbum ciuem uehementiores iratorum impetus esse: leues autem ratiunculas eorum, qui ita cogitent: proelium rectum est hoc fieri: conuenit dimicare pro legibus, pro libertate, pro patria. haec nullam habent uim, nisi ira excanduit fortitudo. Nec uero de bellatoribus solum disputant. imperia seueriora nulla esse putant sine aliqua acerbitate iracundiae. Oratorem denique, non modo accusantem, sed ne defendentem quidem probant sine aculeis iracundiae. quae etiam si non adsit, tamen uerbis atque motu simulandam arbitrantur, ut auditoris iram oratoris incendat aelio. Virum denique uideri negant, qui irasci nesciat. eamque, quam lenitatem nos dicimus, uitioso lentitudinis nomine appellant. Nec uero solum hanc libidinem laudant; (est enim ira, ut

ii . modo

T V S C . D I S P V T .

Plut. Tem.

in Cat. 2. 122

modo definiui, ulciscendi libido) sed illud ipsum genus uel libidinis, uel cupiditatis ad summam utilitatem esse dicunt a natura datum: nihil enim quemquam, nisi quod libeat, praeclare facere posse. Notu ambulabat in publico Temistocles, quod somnum capere non posset; quaerentibusq. respondibat, Miltiadis trophaeis se e somno suscitari. Cui non sunt auditae Demosthenis uigiliae? qui dolere se aiebat, si quando opificum antelucana uictus esset industria. Philosophiae denique ipsius principes numquam in suis studiis tantos progressus sine flagranti cupiditate facere potuissent. ultimas terras lustrasse Pythagoram, Democritum, Platonem accepimus, ubi enim quid esset, quod disci posset, eo ueniendum iudicauerunt. num putamus haec fieri sine summo cupiditatis ardore potuisse? Ipsam aegritudinem, quam nos, ut tectram, & immanem beluam, fugiendam esse diximus, non sine magna utilitate a natura dicunt constitutam; ut homines castigationibus, reprehensionibus, ignominijs affici se in delicta dolerent. impunitas enim peccatorum data uidetur eis, qui & ignominiam, & infamiam ferunt sine dolore. morderi est melius conscientia. ex quo est illud e uita ductum ab Afranio. nam cum dissolutus filius, Heu me miserum, dixisset; tum seuerus pater; - dummodo doleat aliquid, doleat quod lubet. Reliquas quoque partes aegritudinis utiles esse dicunt, misericordiam ad opem ferendam, & calamitates hominum indignorum subleuandas: ipsum illud

lud aemulari, obtreſtare, non eſſe inutile; cum aut
ſe non idem uideat conſecutum, quod alium; aut
alium idem, quod ſe: metum uero ſi quis ſuſtulſſet,
omnē uitae diligentiam ſublatam fore, quae ſumma
eſſet in eis, qui leges, qui magiſtratus, qui pauper-
tatem, qui ignominiam, qui mortem, qui dolorem
timerent. Haec tamen ita diſputant, ut reſecanda
eſſe fateantur, euelli pēnitus dicant nec poſſe, nec
opus eſſe: ut in omnibus fere rebus mediocritatem
eſſe optimam exiſtiment. Quae cum exponunt, ni-
hil ne tibi uidentur, an aliquid dicere? A. Mihi ue-
ro dicere aliquid: itaque expeſto, quid adiſta. M.
Reperiam fortasſe: ſed illud ante. Vides ne, quan-
ta fuerit apud Academicos uerecundia? plane enim
dicunt, quod ad rem pertineat. Peripateticis re-
ſpondetur a Stoicis. digladiantur illi, per me licet:
cui nihil eſt neceſſe, niſi ubi ſit illud, quod ueriſimil-
limum uideatur, inquirere. quid eſt igitur, quod
occurrat in hac quaefitione, e quo poſſit autēgi aliquid
ueriſimile, quo longius mens humana progredi non
poſteſt? definitio perturbationis: qua recte Zenonem
uſum puto. ita enim definit, ut perturbatio ſit ad-
uerſa ratione contra naturam animi commotio: uel
breuius: ut perturbatio ſit appetitus uehementior.
uehementior autem intelligatur is, qui procul abſit
a naturae conſtantia. quid ad has definitiones poſſim
dicere? atqui haec pleraque ſunt prudenter, acuteq.
differentium. illa quidem ex rhetorum pompa, ar-
dores animorum, cotesq. uirtutum. an uero uir ſor-

TVSC. DISPVT.

tis, nisi stomachari coeperit, non potest fortis esse?
gladiatorum id quidem. quamquam in eis ipsis uide-
mus saepe constantiam. colloquuntur, congregiun-
tur, aliquid postulant; ut magis placati, quam irati
esse uideantur. sed in illo genere sit sane Pacideia-
nus aliquis hoc animo, ut narrat Lucilius:
Occidam illum equidem, & uincam, si id quaeri-
tis, inquit.

Verum illud credo fore, in os prius accipiam ipse,
Quam gladium in stomacho, sura, ac pulmonibus
fisto.

Odi hominem: iratus pugno: nec longiu' quidquam
Vobis, quam dextrae gladium dum accommodet
alter:

Vsque adeo, studio, atque odio illius, efferror ira.
At sine hac gladiatoria iracundia uidemus progre-
dientem apud Homerum Aiacem multa eum hila-
ritate, cum depugnaturus esset cum Hectore: cu-
ius, ut arma sumpsit, ingressio laetiam attulit so-
cijs, terrorē autem hostibus: ut ipsum Hectorem,
quemadmodum est apud Homerum, toto pectore
trementem, prouocasse ad pugnam paeniteret. at-
qui hi, collocuti inter se, prius quam manum conse-
rerent, leniter, & quiete, nihil ne in ipsa quidem
pugna iracunde, rabiose ue fecerunt. Ego ne Tor-
quatum quidem illum, qui hoc cognomen inuenit,
iratum existimo Gallo torquē detraxisse; nec Mar-
cellum apud Clastidium ideo fortem fuisse, quia
fuerit iratus. de Africano quidem, quia notior est
nobis

nobis propter recentem memoriam, uel iurare possum, non illum iracundia tum inflammatum fuisse, cum in acie M. Alienum Pelignum scuto protexit, gladiumq. hosti in pectus infixit. de L. Bruto fortasse dubitarim, an, propter infinitum odium tyranni, effraenatus in Aruntem inuasit. uideo enim utrumque comminus ictu cecidisse contrario. Quid igitur hic adhibetis iram? an fortitudo, nisi insanire coeperit, impetus suos non habet? quid? Herculem, quem in caelum ista ipsa, quam uos iracundiam esse uultis, sustulit fortitudo, iratum necenses conflixisse cum Erymanthio apro, aut leone Nemeaeo? an etiam Theseus Marathonijs tauri cornua comprehendit iratus? uide, ne fortitudo minime sit rabiosa, sitq. iracundia tota leuitatis. neque enim est illa fortitudo, quae rationis expers est. contemnendae sunt humanae res: negligenda mors est: patibiles & dolores, & labores putandi. haec cum constituta sint iudicio, atque sententia, tum est robusta illa, & stabilis fortitudo. nisi forte, quae uehementer, acriter, animose fiunt, iracundiae fieri suspicamur. mihi uero ne Scipio quidem ille, pontifex maximus, qui hoc Stoicorum uerum esse declarauit, numquam iratum esse sapientem, iratus uidetur fuisse T. Graccho, tum, cum consulem languentem reliquit, atque ipse priuatus, ut si consul esset, qui remp. saluam esse uellet, se sequi iussit. Nescio, ecquid ipsi nos fortiter in rep. fecerimus. si quid fecimus, certe irati non fecimus. An est quid-

quam similius insaniae, quam ira? quam bene Ennius initium dixit insaniae: color, uox, oculi, spiritus, impotentia dictorum, atque factorum quam partem habent sanitatis? quid Achille Homérico foedius, quid Agamemnone in iurgio? nam Aiacem quidem ira ad furorem, mortemque perduxit. Non igitur desideret fortitudo aduocatam iracundiam: satis est instructa, armata, parata per sese. nam isto modo quidem licet dicere utilem uinolentiam ad fortitudinem, utilem etiam dementiam; quod & insani, & erbij multa faciunt saepe uehementius. semper Ajax fortis, fortissimus tamen in furore:

Nam facinas fecit maximum, cum, Danaïs inclinantibus,

Summam rem perfecit manu, proelium cum restituit insaniens.

dicamus igitur utilem insaniam. Tracta definitionem fortitudinis: intelliges eam stomacho non egere. fortitudo est igitur animi affectio, legi summae in perpetiendis rebus obtemperans; uel, conseruatio stabilis iudicii in eius rebus, quae formidolosae uidentur, subeundis, & repellendis; uel, scientia rerum formidolosarum, contrariarumque perferendarum, aut omnino negligendarum, conseruans earum rerum stabile iudicium: uel breuius, ut Chrysippus. nam superiores definitiones erant Sphaeri, hominis in primis bene desinentis, ut putant Stoici: sunt enim omnino omnes fere similes: sed declarant

com-

off. lib. 1.
II. 15.

communes notiones alia magis alia. quo modo igitur Chrysippus? fortitudo est, inquit, scientia perferendarum rerum; uel, affectio animi in patiando, ac perferendo, summae legi parens, sine timore. quamuis licet insectemur istos, ut Carnedes solebat: metuo, ne soli philosophi sint. quae enim istarum definitionum non aperit notionem nostram, quam habemus omnes de fortitudine, tectam, atque inuolutam? qua aperta, quis est, qui aut bellatori, aut imperatori, aut oratori quaerat aliquid; neque eos existimet sine rabie quidquam fortiter facere posse? Quid? Stoici, qui omnes insipientes insanos esse dicunt, non ne ista colligant? remoue perturbationes; maximeq. iracundiam: iam uidebuntur monstra dicere. nunc autem ita differunt; sic se dicere, omnes stultos insanire, ut male otere omne coenum: at non semper: commoue: senties. sic iracundus non semper iratus est: laceffe: iam uidebis furem. Quid? ista bellatrix iracundia; cum domum redijt, qualis est cum uxore? cum liberis? cum familia? an tum quoque est utilis? est igitur aliquid, quod conturbata mens melius possit satere, quam constans? an quisquam potest sine perturbatione mentis irasci? Bene igitur nostri, cum omnia essent in morbis uitia, quod nullum erat iracundiae foedius, iracundos solos morbosos nominauerunt. Oratorem uero irasci minime decet, simulare non dedecet. an tibi irasci tum uidemur; cum quid in causis acrius, et uehementius dicimus? quid? cum;

ii 4 iam

T V S C. D I S P V T.

iam rebus transactis, & praeteritis, orationes scribimus? num irati scribimus?

Ecquis hoc animaduertit? Vincite, num aut egisse umquam iratum Aesopum, aut scripsisse existimamus iratum Attium? aguntur ista praeclare, & ab oratore quidem melius, si modo est orator, quam ab ullo histrione; sed aguntur leniter, & mente tranquilla. Libidinem uero laudare, cuius est libidinis? Themistoclem, & Demosthenem mihi profertis: additis Pythagoram, Democritum, Platonem. quid? uos studia libidinem uocatis? quae uel optimarum rerum, ut ea sunt, quae profertis, sedata tamen, & tranquilla esse debent. Iam aegritudinem laudare, unam rem maxime detestabilem, quorum est tandem philosophorum? quam commode dixit Afranius:

- dummodo doleat aliquid, doleat quod lubet. dixit enim de adolescente perduto, ac dissoluto: nos autem de constanti uiro, ac sapienti quaerimus. & quidem illam ipsam iram centurio habeat, aut signifer, uel ceteri; de quibus dici non necesse est; ne rhetorum aperiamus mysteria. utile est enim uti motu animi, qui uti ratione non potest: nos autem, ut testificor saepe, de sapiente quaerimus. At etiam aemulari utile est, obrectare, misereri. cur misereare potius, quam feras opem, si id facere possis? an sine misericordia liberales esse non possumus? non enim suscipere ipsi aegritudines propter alios debemus, sed alios, si possumus, leuare aegritudine.

Ob-

Obtreſtare uero alteri, aut illa uitioſa aemulatione, quae riuilitati ſimilis eſt, aemulari, quid habet utilitatis? cum ſit aemulantis, angere alieno bono, quod ipſe non habeat; obtreſtantis autem, alieno bono, quod id etiam alius habeat. quis id approbare poſſit, aegritudinem ſuſcipere pro experientia, ſi quid habere uelis? nam, ſolum habere uelle, ſumma dementia eſt. Mediocritates autem malorum quis laudare recte poſſit? quis enim poteſt, in quo libido, cupiditas ueſit, non libidinuoſus, & cupidus eſſe? in quo ira, non iracundus? in quo angor, non anxius? in quo timor, non timidus? libidinuoſum igitur, & cupidum, & iracundum, & anxium, et timidum cenſemus eſſe ſapientem? de cuius excellentia multa quidem dici quamuis fuſe, lateq. poſſint, ſed breuiſſime illo modo, ſapientiam eſſe rerum diuinarum, & humanarum ſcientiam, cognitionemq. quae cauſſa cuiuſque rei ſit. ex quo efficitur, ut diuina imitetur, humana omnia inferiora uirtute ducat. In hunc tu igitur, tamquam in mare, quod eſt, uentis ſubiectum, perturbationem cadere tibi dixiſti uideri? quid eſt, quod tantam grauitatem, conſtantiamq. perturbet? an impromiſſum aliquid, atque repentinum? quid poteſt accidere tale ei, cui nihil ſubitum eſt, quod homini euenire poſſit? Nam, quod aiunt nimia reſecari oportere, naturalia relinqui: quid tandem poteſt eſſe naturale, quod idem minimum eſſe poſſit? ſunt enim omnia iſta ex errorum orta radicibus: quae euellenda, & extrahenda.

extrahenda penitus, non circumcidenda, nec amputanda sunt. Sed quoniam suspicor te non tam de sapiente, quam de te ipso quaerere; (illum enim putas omni perturbatione esse liberum, te uis) uideamus, quanta sint, quae a philosophia remedia morbis animorum adhibeantur. est enim quaedam medicina certe: nec tam fuit hominum generi infensa, atque inimica natura, ut corporibus tot res salutes, animis nullam inuenerit. de quibus est hoc etiam merita melius, quod corporum adiumenta adhibentur extrinsecus, animorum salus inclusa in his ipsis est. sed, quo maior est in eis praestantia, & diuiniore, eo maiore indigent diligentia. itaque bene adhibita ratio cernit, quid optimum sit; neglecta, multis implicatur erroribus. ad te igitur mihi iam conuertenda omnis oratio est. simul enim, quaerere te de sapiente; quaeris autem fortasse de te. Earum igitur perturbationum, quas exposui, uariae sunt curationes. nam neque omnis aegritudo una ratione sedatur, alia est enim lugenti, alia miseranti, alia inuidenti adhibenda medicina. est enim in omnibus quattuor perturbationibus illa distinctio, utrum ad uniuersam perturbationem, quae est aspernatio rationis, aut appetitus uehementior, an ad singulas, ut ad metum, libidinem, reliquasque, melius adhibeatur oratio; & utrum illud non uideatur aegre ferendum, ex quo suscepta sit aegritudo, an omnium rerum tollenda omnino aegritudo: ut si quis aegre ferat, se pauperem esse, id ne disputet,

tes, paupertatem malum non esse, an hominem
aegre ferre nihil oportere. nimirum hoc melius: ne,
si forte de paupertate non persuaseris, sit aegritudi-
ni cōcedendum: aegritudine autem sublata proprijs
rationibus, quibus heri usi sumus, quodam modo
etiam paupertatis malum tollitur. sed omnis eius-
modi perturbatio, animi placatione abluatur, illa
quidem, cum doceas, nec bonum illud esse, ex quo
laetitia aut libido oriatur, nec malum, ex quo aut
metus, aut aegritudo. uerumtamen haec est certa,
& propria sanatio, si doceas, ipsas perturbatio-
nes per se esse uitiosas, nec habere quidquam aut
naturale, aut necessarium: ut ipsam aegritudinem
leniri uidemus, cum obijcimus maerentibus imbe-
cillitatem animi effeminati, cumq. eorum gravita-
tem, constantiamq. laudamus, qui non turbulente
humana patiantur. quod quidem solet eis etiam ac-
cidere, qui illa mala esse censent. ferenda tamen
aequo animo arbitrātur. Putat aliquis uoluptatem
esse bonum, alius autem pecuniam: tamen & ille
ab intemperantia, et hic ab auaritia auocari potest.
Illa autem altera ratio, & oratio, quae simul &
opinionem falsam tollit, & aegritudinem detrahit,
est ea quidem utilior, sed raro proficit, neque est ad
uulgus adhibenda. Quaedam autem sunt aegritudi-
nes, quas lenare illa medicina nullo modo possit: ut,
si quis aegre ferat, nihil in se esse uirtutis, nihil ani-
mi, nihil officij, nihil honestatis, propter mala is
quidem angatur, sed alia quaedam ad eum sit admo-
nenda.

TVSC. DISPVT.

uenda curatio, & talis quidem, quae possit esse omnium, etiam de ceteris rebus discrepantium, philosophorum. inter omnes enim conuenire oportet, commotiones animorum, a recta ratione auersas, esse uitiosas; ut, etiam si nec mala sint illa, quae metum, aegritudinem ue, nec bona, quae cupiditatem, laetitiam ue moueant, tamen sit uitiosa ipsa commotio. constantem enim uolumus quendam, sedatum, grauem, humana omnia prementem illum esse, quem magnanimum, & fortem uirum dicimus: talis autem nec maerens, nec timens, nec cupiens, nec gestiens esse quisquam potest. eorum enim haec sunt, qui euentus humanos superiores, quam suos animos, esse ducunt. Quare omnium philosophorum, ut ante dixi, una ratio est medendi, ut nihil, quale sit illud, quod perturbet animum, sed de ipsa sit perturbatione dicendum. itaque primum in ipsa cupiditate, cum id solum agitur, ut ea tollatur, non est quaerendum, bonum illud nec ne sit, quod libidinem moueat: sed libido ipsa tollenda est: ut, siue, quod honestum est, id sit summum bonum, siue uoluptas, siue horum utrumque coniunctum, siue illa tria genera bonorum, tamen, etiam si uirtutis ipsius uehementior appetitus sit, eadem sit omnibus ad deterrendum adhibenda ratio. Continet autem sedationem animi humana in conspectu posita natura: quae quo facilius expressa cernatur, explicanda est oratione communis condicio, lexq. uitae. itaque non sine causa, cum Orestem

*Hem fabulā doceret Euripides , primos tres uersus
reuocasse dicitur Socrates :*

*Neque tam terribilis ulla fando oratio est ,
Neque fors , neque ira caelitum inuectum malum ,
Quod non natura humana patiendo ferat .*

*Est autem utilis ad persuadendum , ea , quae accide-
runt , ferri & posse , & oportere , enumeratio eo-
rum , qui tulerunt . et si aegritudinis sedatio & hester-
na disputatione explicata est , & in Consolationis li-
bro , quem in medio (non enim sapientes eramus)
maerore , & dolore conscripsimus : quodq. uetat
Chrysippus ad recentes quasi tumores animi reme-
dium adhibere , id nos fecimus , naturaeq. uim attu-
limus ; ut magnitudini medicinae doloris magnitudo
concederet . Sed aegritudini , de qua satis est dispu-
tatum , finitimus est metus : de quo pauca dicenda
sunt . Est enim metus , ut aegritudo praesentis , sic il-
le futuri mali . itaque non nulli aegritudinis partem
quandam metum esse dicebant . alij autem metum
praemolestiam appellabant , quod est quasi dux con-
sequentis molestiae . Quibus igitur rationibus instan-
tia feruntur , eisdem contemuntur sequentia . nam
uidendum est in utrisque , ne quid humile , summis-
sum , molle , effeminatum , fractum , abiectumq.
faciamus . Sed quamquam de ipsius metus inconstan-
tia , imbecillitate , leuitate dicendum est : tamen mul-
tum prodest , ea , quae metuuntur , ipsa contemne-
re . itaque , siue casu accidit , siue consilio , percom-
mode factum est , quod eis de rebus , quae maxime
metuuntur ,*

TVSC. DISPVT.

metuuntur, de morte, & de dolore, primo, & proximo die disputatum est. quae si probata sunt, metu magna ex parte liberati sumus. Ac de malorum opinione haecenus: uideamus nunc de bonorum, id est de laetitia, & de cupiditate. Mihi quidem in tota ratione ea, quae pertinet ad animi perturbationem, una res uidetur causam continere, omnes eas esse in nostra potestate, omnes iudicio susceptas, omnes uoluntarias. hic igitur error est eripiendus, haec detrahenda opinio: atque, ut in malis opinatis tolerabiliora, sic in bonis sedatiora sunt efficienda ea, quae magna, & laetabilia dicuntur. atque hoc quidem commune malorum, & bonorum: ut, si iam difficile sit persuadere, nihil earum rerum, quae perturbent animum, aut in malis, aut in bonis esse habendum, tamen alia ad alium motum curatio sit adhibenda, aliaq. ratione maleuolus, alia amator, alia rursus anxius, alia timidus corrigendus. Atque erat facile, sequentem eam rationem, quae maxime probatur de bonis, & malis, negare umquam laetitia affici posse insipientem, quod nihil umquam haberet boni: sed loquimur nunc more communi. sint sane ista bona, quae putantur, honores, diuitiae, uoluptates, ceteraque: tamen in eis ipsis potiundis exultans, gestiensq. laetitia turpis est: ut, si ridere concessum sit, uituperetur tamen cachinnatio. eodem enim uitio est effusio animi in laetitia, quo in dolore contractio; eademq. leuitate cupiditas est in appetendo, qua laetitia in fruendo: &, ut nimis afflicti molestia,

molestia, sic nimis elati laetitia iure iudicatur leues.
Et cum, inuidere, aegritudinis sit; malis autem alienis uoluptatem capere, laetitiae; utrumque immanitate, & feritate quadam proponenda castigari solet. Atque, ut confidere decet, timere non decet: sic gaudere decet, laetari non decet: quoniam, docendi causa, a gaudio laetitiam distinguimus. Illud iam supra diximus, fieri contractionem animi recte numquam posse, elationem posse. aliter enim Naeuius ille gaudet Hector,

Laetus sum

Laudari me, pater, abs te laudato uiro;

aliter ille apud Trabeam Chaerea,

Laena delinita argento nutum obseruabit meum,
Quid uelim, quid studeam: adueniens digito impellam ianuam:

Fores patebunt. de improviso Chrysis ubi me aspexerit,

Alacris obuiam mihi ueniet, complexum exoptans meum;

Mihi se dedet.

quam haec pulchra putet, ipse iam dicet.

- Fortunam ipsam anteibo fortunis meis.

haec laetitia quā turpis sit, satis est diligenter attendentem penitus uidere. & ut turpes sunt, qui efferrunt se laetitia tum cum fruuntur uenereis uoluptatibus: sic flagitiosi, qui eas inflammato animo concupiscunt. Totus uero iste, qui uulgo appellatur amor, (nec hercule inuenio, quo nomine alio possit appellari)

fam. 15.6.
293.

79.

TVSC. DISPVT.

appellari) tantae leuitatis est, ut nihil uideam, quod
putem conferendum: quem, Caecilius,

- deum qui non summum putet,

Aut stultum, aut rerum esse imperitum existimat;

Cui in manus sit, quem esse dementem uelit,

Quem sapere, quem sanari, quem in morbum iniici;

Quem contra amari, quem accersiri, quem expeti.

O praeclaram emendatricem uitae poeticam, quae a-
morem, flagitij, & leuitatis auctorem, in concilio
deorum collocandum putet. de comoedia loquor:
quae, si haec flagitia non probaremus, nulla esset om-
nino. Quid autem ex tragoedia princeps ille Ar-
gonautarum?

Tu me amoris magi, quā honoris, seruauisti gratia.
quid ergo? hic amor Medae quanta miseriarum in-
cendia excitauit? atque ea tamen apud alium poe-
tam patri dicere audet, se coniugem habuisse

Illum, Amor quem dederat, qui plus pollet, po-
tiorq. est patre.

Sed poetas ludere sinamus, quorum fabulis in hoc
flagitio uersari ipsum uidemus Iouem: ad magistros
uirtutis, philosophos ueniamus; qui amorem ne-
gant stupri esse, & in eo litigant cum Epicuro, non
multum, ut opinio mea fert, mentiente. quis est
enim amor iste amicitiae? cur neque deformem ado-
lescentem quisquam amat, neque formosum senem?
mihi quidem haec in Graecorū gymnasiis nata con-
suetudo uidetur; in quibus isti liberi, et concessi sunt
amores. bene igitur Ennius:

Flagitij

Flagitij principium est, nudare inter ciues corpora. qui ut sint, sic ut fieri posse uideo, pudici, solliciti tamen & anxij sunt, eoq. magis, quod se ipsi continent, & exercent. Atque ut muliebres amores omittam, quibus maiorem licentiam natura concessit: quis aut, de Ganymedis raptu, dubitat, quid poetae uelint; aut non intelligit, quod apud Euripidem & loquatur, & cupiat Laius? quid denique homines doctissimi, & summi poetae de se ipsis & carminibus edant, & cantibus? fortis uir in sua rep. cognitus, quae de iuuenum amore scripsit Alcaeus? nam Anacreontis quidem tota poesis est amatoria. *Horat. ian. 1. 0. 32. Plut. Flam.* maxime uero omnium flagrasse amore Reginum Ibicum, apparet ex scriptis. atque horum omnium libidinosos esse amores uidemus. philosophi sumus exorti, & auctore quidem nostro Platone, quem non iniuria Dicaearchus accusat, qui amoris auctoritatem tribueremus. Stoici uero & sapientem amatum esse dicunt: et amorem ipsum, conatum amicitiae faciundae ex pulchritudinis specie, definiunt. qui si quis est in rerum natura sine sollicitudine, sine desiderio sine cura, sine suspirio: sit sane: uacat enim omni libidine: haec autem de libidine oratio est. si autem est aliquis amor, ut est certe, qui nihil absit, aut non multum ab insania, qualis in Leucadia est: Siquidem est quisquam deus, cui ego sim curae. at id erat deis omnibus curandum, quemadmodum hic frueretur uoluptate.

Heu me infelicem.

kk nihil

TVSC. DISPVT.

nihil uerius . probe & ille :

Sanus ne es , qui temere lamentare ? (fecit ?

sic insanus suis etiam uidetur . at quas tragoedias es-

Te Apollo sancte , fer opem , teq . omnipotens Ne-

ptune inuoco ,
Vosq . adeo uenti .

mundum totum se ad amorem suum subleuandum
conuersurum putat ; Venerem unam excludit , ut
iniquam .

Nam quid ego te appellem Venus ?

eam prae libidine negat curare quidquam . quasi ue-
ro ipse non propter libidinem tanta flagitia & fa-
ciat , & dicat . Sic igitur affecto haec adhibenda cu-
ratio est , ut ei , illud , quod cupiat , ostendatur ,
quam leue , quam contemnendum , quam nihil sit
omnino , quam facile uel aliunde , uel alio modo per-
fici , uel omnino negligi possit . Adducendus est e-
tiam non numquam ad alia studia , sollicitudines , cu-
ras , negotia . Loci denique mutatione , tamquam
aegroti non conualescentes , saepe curandus est . Etia
nouo quodam amore ueterem amorem , tamquam
clauo clauum , eijciendum putant . Maxime autem
admonendus , quantus sit furor amoris . omnibus
enim ex animi perturbationibus est profecto nulla
uehementior : ut , si iam ipsa illa accusare nolis , stu-
pra dico , & corruptelas , & adulteria , incesta de-
nique , quorum omnium accusabilis est turpitude :
sed , ut haec omittamus , perturbatio ipsa mentis in
amore foeda per se est . nam , ut illa praeteream ,
quae

*Petrar. A.
or. cap. 2.*

quae sunt furoris; haec ipsa per sese quam habent laetitudinem, quae uidentur esse mediocria?

- iniuriae,

Suspersiones, inimicitiae, induciae,
Bellum, pax rursus. incerta haec si tu postules
Ratione certa facere; nihilo plus agas,
Quam si des operam, ut cum ratione insanias.
haec inconstantia, mutabilitasq. mentis quem non
ipsa prauitate deterreat? Est etiam illud, quod in
omni perturbatione dicitur, demonstrandum, nul-
lam esse, nisi opinabilem, nisi iudicio susceptam, ni-
si uoluntariam. etenim si naturalis amor esset; &
amarent omnes, & amarentur, & semper ama-
rent, & idem amarent; neque alium pudor, alium
cogitatio, alium satietas deterreret. Ira uero quam-
quam diu perturbat animum, dubitationem insaniae
non habet: cuius impulsu existit etiam inter fratres
tale iurgium:

Quis homo te exuperavit umquam gentium impu-
Quis autem malitia te? (dentia?

nosti, quae sequuntur. alternis enim uersibus intor-
quentur inter fratres grauissimae contumeliae: ut fa-
cile appareat, Atrei filios esse, eius, qui medita-
tur poenam in fratrem nouam:

Maiores mihi moles, maius miscendum malum,
Qui illius acerbum cor contundam, et comprimam.
quae igitur hae erunt moles? audi Thyestem ipsum:
Impius hortatur me frater, ut meos malis miser
Manderem natos: eorum uiscera apponit.

kk 2 quid

quid est enim, quo non progrediatur eodem ira, quo furor? itaque iratos proprie dicimus exisse de potestate, id est de consilio, de ratione, de mente. horum enim potestas in totum animum esse debet. his autem sunt subtrahendi, in quos impetum conantur facere, dum se ipsi colligant: (quid est autem, se ipsum colligere, nisi, dissipatas animi partes rursus in suum locum cogere?) aut rogandi, orandi. sunt, ut, si quam habent ulciscendi uim, differant in tempus aliud, dum deferuescat ira. deferuere autem certe significat ardorem animi inuita ratione excitatum. ex quo illud laudatur Archytæ: qui cum uillico factus esset iratior, quo te modo, inquit, accepissem, nisi iratus essem? Vbi sunt ergo isti, qui iracundiam utilem dicunt? potest utilis esse insania? at naturalis est. an quidquam esse potest secundum naturam, quod, sit repugnante ratione? quo modo autem, si naturalis esset ira; aut alius alio magis iracundus esset; aut finem haberet prius, quam esset ulta, ulciscendi libido; aut quemquam paeniteret, quod fecisset per iram? ut Alexandrum regem uidemus: qui cum interemisset Clytium, familiarem suum, uix a se manus abstinuit: tanta uis fuit paenitendi. Quibus cognitis, quis est qui dubitet, quin hic quoque motus animi sit totus opinabilis, ac uoluntarius? quis enim dubitarit, quin aegrotationes animi, qualis est auaritia, gloriæ cupiditas, ex eo, quod magni aestimetur ea res, ex qua animus aegrotat, oriantur? unde intelligi debet, perturbationem quoque

209.
 A orat.
 1. 24.
 G. Flac.
 161. l. 1. r.
 229.

quoque omnem esse in opinione. & si fidentia, id est firma animi confisio, scientia quaedam est, & opinio grauis, non temere assentiens: metus quoque est diffidentia expectati, & impendentis mali. et si spes est expectatio boni: mali expectationem esse necesse est metum. ut igitur metus, sic reliquae perturbationes sunt in malo. ergo, ut constantia scientiae, sic perturbatio erroris est. Qui autem natura dicuntur iracundi, aut misericordes, aut inuidi, aut tale quid, ij sunt eiusmodi constituti, quasi mala ualitudine animi, sanabiles tamen: ut Socrates dicitur, cum multa in conuentu uitia collegisset in cum Zopyrus, qui se naturam cuiusque ex forma perspicere profitebatur, derisus est a ceteris, qui illa in Socrate uitia non agnoscerent; ab ipso autem Socrate sobleuatus est, cum illa sibi uitia inesse, sed ratione a se deiecta diceret. ergo, ut optima quisque ualitudine affectus, potest uideri alius, ut natura, ad aliquem morbum proclinior: sic animus alius ad alia uitia propensior. qui autem non natura, sed culpa uitiosi esse dicuntur, eorum uitia constant ex falsis opinionibus rerum bonarum, ac malarum, ut sit alius ad alios motus perturbationesq. proclinior, inueteratio autem ut in corporibus aegrius depellitur, sic in animis quoque perturbatio: citiusq. repentinus oculorum tumor sanatur, quam diuturna lippitudo depellitur. Sed, cognita iam causa perturbationum, quae omnes oriuntur ex iudicij opinionum, & uoluntatibus, sit iam huius disputationis

kk 3

modus.

161:

TVSC. DISPVT.

modus. Scire autem nos oportet, cognitis, quoad possint ab homine cognosci, bonorum & malorum finibus, nihil a philosophia posse aut maius, aut utilius optari, quam haec, quae a nobis hoc quatri-duo disputata sunt. morte enim contempta, & dolore ad patiendum leuato, adiunximus sedationem aegritudinis; qua nullum homini maius malum est. etsi enim omnis animi perturbatio grauis est, nec multum differt ab amentia: tamen ita ceteros, cum sint in aliqua perturbatione aut metus, aut laetitiae, aut cupiditatis, commotos modo, et perturbatos dicere solemus; at eos, qui se aegritudini dederunt, miseros, afflictos, aerumnosos, calamitosos. itaque non fortuito factum uidetur, sed a te ratione propositum, ut separatim de aegritudine, et de ceteris perturbationibus disputarem. in ea est enim fons miseriarum, et caput. sed et aegritudinis, & reliquorum animi morborum una sanatio est, omnes opinabiles esse, & uoluntarios, eaq. re suscipi, quod ita rectum esse uideatur. hunc errorem, quasi radicem omnium malorum, stirpitus philosophia se extracturam pollicetur. demus ergo nos huic excolendos, patiamurq. nos sanari. his enim malis insidentibus, non modo beati, sed ne sani quidem esse possumus. aut igitur negemus quidquam ratione confici; cum contra nihil sine ratione recte fieri possit: aut, cum philosophia ex rationum collatione constet, ab ea, si & boni, & beati uolumus esse, omnia adiumenta, & auxilia petamus bene, beateq. uiuendi.

M. TVLLII

M. TVLLII CICERONIS
TVSCVLANARVM

DISPUTATIONVM

LIBER V.

uirtutem ad beate uiuendum se ipsa
esse contentam.

VINCTVS hic dies, Brute, finem
faciet Tusculanarum disputationum:
quo die est a nobis ea de re, quam tu
ex omnibus maxime probas, disputa-
tum. placere enim tibi admodum sensi ex eo libro,
quem ad me accuratissime scripsisti, & ex multis
sermonibus tuis, uirtutem ad beate uiuendum se
ipsa esse contentam. quod etsi difficile est probatu;
propter tā uaria et tam multa tormenta fortunae;
tale tamen est, ut elaborandum sit, quo facilius
probetur. nihil est enim omnium, quae in philoso-
phia tractantur, quod grauius, magnificentiusq;
dicatur. nam cum ea causa impulerit eos, qui pri-
mi se ad philosophiae studium contulerunt, ut, om-
nibus rebus posthabitis, totos se in optimo uitae sta-
tu exquirendo collocarent: profecto spe beate uiuen-
di tantam in eo studio curam, operamq; posuerunt:
quod si ab ijs inuenta, & perfecta uirtus est; etsi
praesidiū ad beate uiuendum in uirtute satis est: quis
est, qui non praeclare & ab illis positam, & a no-
bis susceptam operam philosophandi arbitretur? sin-

kk 4 autem

TVSC. DISPVT.

autem uirtus subiecta sub uarios, incertosq. casus
 famula fortunae est, nec tantarum uirium est, ut
 se ipsa tueatur: uereor, ne non tam uirtutis fiducia
 nitendum nobis ad spem beate uiuendi, quam uota
 facienda uideantur. equidem eos casus, in quibus
 me fortuna uehementer exercuit, mecum ipse con-
 siderans, huic incipio sententiae dissidere, interdum
 etiam humani generis imbecillitatē, fragilitatemq.
 extimescere. uereor enim, ne natura, cum corpora
 nobis infirma dedisset, usq. & morbos insanabiles,
 & dolores intolerabiles adiunxisset, animos quoque
 dederit & corporum doloribus, congruentes, & se-
 paratim suis angoribus & molestiis implicatos. sed
 in hoc me ipse castigo, quod ex aliorum, & ex no-
 stra fortasse mollitie, non ex ipsa uirtute, de uirtu-
 tis robore existimo. illa enim; si modo est ulla uir-
 tus; quam dubitationem auunculus tuus, Brute;
 sustulit; omnia, quae cadere in hominem possunt,
 subter se habet; eaq. despiciens, casus contemnit
 humanos; culpaq. omni carens, praeter se ipsam ni-
 hil censet ad se pertinere: nos autem omnia aduersa
 tum uenientia metu augentes, tum maerore praesen-
 tia, rerum naturam, quam errorē nostrum, dam-
 nare malumus. sed & huius culpaē, & ceterorum
 uitiorum, peccatorumq. nostrorum omnis a philo-
 sophia petenda correctio est. cuius in sinum cum a
 primis tēporibus aetatis nostra uoluntas, studiumq.
 nos contulisset; his grauissimis casibus in eundem
 portū, ex quo eramus egressi, magna iactati tēpesta
 te

te cōfugimus. o uitae philosophia dux, o uirtutis indagatrix, expultrixq. uitiorum, quid non modo nos, sed omnino uita hominum sine te esse potuisset? tu urbes peperisti: tu dissipatos homines in societatem uitae conuocasti: tu eos inter se primo domicilijs, deinde coniugijs, tum litterarum, & uocum communione iunxisti: tu inuentrix legum, tu magistratrix morum, & disciplinae fuisti. ad te confugimus: a te opem petimus: tibi nos, ut antea magna ex parte, sic nunc penitus; totosq. tradimus. est autem unus dies, bene, & ex praeceptis tuis actus, peccanti immortalitati anteponendus. cuius igitur potius opibus utamur, quam tuis? quae & uitae tranquillitatem largita nobis es, & terrorem mortis sustulisti. At philosophia quidem, tantum abest, ut perinde, ac de hominum est uita merita, laudetur, ut a multis etiā uituperetur. uituperare quisquam uitae parentem, et hoc paricidio se inquinare audet? & tam impie ingratus esse, ut eam accuset, quam uereri deberet, etiam si minus percipere potuisset? Sed, ut opinor, hic error, & haec indoctorum animis offusa caligo est, quod tam longe retro respicere non possunt, nec eos, a quibus uita hominum instructa primo sit, fuisse philosophos arbitrantur. quam rem antiquissimam cum uideamus, nomen tam esse confitemur recens. nam sapientiam quidem ipsam, quis negare potest, non modo re esse antiquam, uerum etiam nomine? quae diuinarum, humanarumq. rerum, tum initiorum, causarumque,

tum

*philosophi
laus.*

*Hom. Od. 5.
Aris. Econ. 2. 3.*

d. Cl. 165.

tum cuiusque rei, cognitione hoc pulcherrimum nomen apud antiquos assequebatur. itaque & illos septem, qui a Graecis σοφοί, sapientes a nostris & habebantur, & nominabantur, & multis ante saeculis Lycurgum, cuius temporibus Homerus etiam fuisse, ante hanc urbem conditam, taditur, etiam heroicis aetatibus Vlysses, & Nestorem accepimus & fuisse, & habitos esse sapientes. nec uero Atlas sustinere caelum, nec Prometheus affixus Caucaaso, nec stellatus Cepheus cum uxore, genero, filia traderetur, nisi caelestium diuina cognitio nomen eorum ad errorem fabulae traduxisset. a quibus ducti deinceps omnes, qui in rerum contemplatione studia ponebant, sapientes & habebantur, & nominabantur: idq. eorum nomen usque ad Pythagorae manauit aetatem: quem, ut scribit auditor Platonis Ponticus Heraclides, uir doctus in primis, Phliuntem ferunt uenisse, eumq. cum Leonte, principe Philiastorum, docte, & copiose disseruisse quaedam: cuius ingenium, et eloquentiam cum admiratus esset Leon, quaesuisse ex eo, qua maxime arte confideret: at illum, artem quidem se scire nullam, sed esse philosophum: admiratum Leontem nouitatem nominis, quaesuisse, quinam essent philosophi, & quid inter eos, & reliquos interesset: Pythagoram autem respondisse, similem sibi uideri uitam hominum, & mercatum eum, qui haberetur maximo ludorum apparatu totius Graeciae celebritate: nam ut illic alij corporibus exercitatis gloriam,

riam, & nobilitatem coronae peterent; alij emendi, aut uendendi quaestu, & lucro ducerentur; esset autem quoddam genus eorum: idq. uel maximo ingenuum, qui nec plausum, nec lucrum quaerent, sed uisendi causa uenirent, studioseq. perspicerent, quid ageretur, & quo modo; item nos, quasi in mercatus quadam celebritate ex urbe aliqua, sic in hanc uitam ex alia uita, & natura profectos, alios gloriae seruire, alios pecuniae, raros esse quosdam, qui, ceteris omnibus pro nihilo habitis, rerum naturam studiose intuerentur: hos se appellare sapientiae studiosos, id est enim philosophos: & ut illic liberalissimum esset spectare, nihil sibi acquirentem; sic in uita longe omnibus studijs contemplationem rerum, cognitionemq. praestare. Nec uero Pythagoras nominis solum inuentor, sed rerum etiam ipsarum amplificator fuit. qui cum post hunc Phliasum sermonem in Italiam uenisset, exornauit eam Graeciam, quae magna dicta est, & priuatim, & publice praestantissimis & institutis, & artibus. cuius de disciplina aliud tempus fuerit fortasse dicendi. Sed ab antiqua philosophia usque ad Socratem, qui Archelaum, Anaxagorae discipulum, audierat, numeri motusq. tractabantur, & unde omnia orirentur, quo ue recederent: studioseq. ab his siderum magnitudines, interualla, cursus inquirebantur, & cuncta caelestia. Socrates autem primus philosophiam deuocauit e caelo, & in urbibus collocauit, & in domos etiam introduxit, et coegit
de

p. laer. lib. 2

T V S C. D I S P V T.

de uita, & moribus, rebusque bonis, & malis
quaerere. cuius multiplex ratio disputandi, rerumq.
uarietas, & ingenij magnitudo, Platonis memo-
ria, & litteris consecrata, plura genera effecit dis-
sentientium philosophorum. e quibus nos id potissi-
mum consecrati sumus, quo Socratem usum arbi-
tramur; ut nostram ipsi sententiam tegeremus,
errore alios leuaremus, & in omni disputatione,
quid esset simillimum ueri, quaereremus. quem mo-
rem cum Carneades acutissime, copiosissimeq. te-
nuisset; fecimus & alias saepe, & nuper in Tuscu-
lano, ut ad eam consuetudinem disputaremus. &
quatridui quidem sermonem superioribus ad te per-
scriptum libris misimus: quinto autem die, cum eo-
dem in loco consedissemus, sic est propositum, de
quo disputaremus. A. Non mihi uidetur, ad bea-
te uiuendum satis posse uirtutem. M. At hercule
Bruto meo uidetur: cuius ego iudicium, pace tua
dixerim, longe antepono tuo. A. Non dubito: nec
id nunc agitur, tu illum quantam ames; sed hoc,
quod mihi dixi uideri, quale sit: de quo a te disputa-
ri uolo. M. Nempe negas ad beate uiuendum sa-
tis posse uirtutem? A. Prorsus nego. M. Quid? ad
recte, honeste, laudabiliter, postremo ad bene ui-
uendum satis ne est praesidij in uirtute? A. Certe
satis. M. Potes igitur, aut qui male uiuat, non
eum miserum dicere; aut, quem bene fateare, eum
negare beate uiuere? A. Quidni possim? nam etiam
in tormentis recte, honeste, laudabiliter, & ob
eam

eam rem bene uiui potest; dummodo intelligas, quid nunc dicam bene: dico enim, constanter, graui-ter, sapienter, fortiter. haec etiam in equuleum conijciuntur, quo uita non aspirat beata. M. Quid igitur? sola ne beata uita, quaeso, relinquitur extra ostium, limenq. carceris, cum constantia, graui-tas, fortitudo, sapientia, reliquaeq. uirtutes rapiantur ad tortorem, nullumq. recusent nec suppli-cium, nec dolorem? A. Tu, si quid es factururus, no-ua aliqua conquiras oportet: ista me minime mo-uent, non solum quia peruulgata sunt, sed multo magis, quia, tamquam lenia quaedam uina nihil ualent in aqua, sic Stoicorum ista magis gustata, quam potata, delectant. uelut iste chorus uirtu-tum in equuleum impositus, imagines constituit an-te oculos cum amplissima dignitate, ut ad eas cur-sim perrectura, nec eas beata uita a se desertas pas-sura uideatur: cum autem animum ab ista pictura, imaginibus uirtutum, ad rem, ueritatemq. tradu-xeris; hoc nudum relinquitur, possit ne quis beatus esse, quam diu torqueatur. quamobrem hoc nunc quaeramus: uirtutes autem, noli uereri, ne expo-stulent, & querantur se a beata uita esse relictas. si enim nulla uirtus prudentia uacat, prudentia ipsa hoc uidet, non omnes bonos esse etiam beatos: mul-taq. de M. Atilio, Q. Caepione, M. Aquillio re-cordatur: beatamq. uitam, si imaginibus potius uti, quam rebus ipsis placet, conantem ire in equuleum retinet ipsa prudentia, negatq. ei cum dolore, & cruciatu

*Paradox:
2^{us} Argum^{to}*

TVSC. DISPVT.

cruciatu quidquam esse commune. M. Facile patior
te isto modo agere : etsi iniquum est praescribere
mibi te , quemadmodum a me disputari uelis . sed
quaero , utrum aliquid actum superioribus diebus ,
an nihil arbitremur ? A. Actum uero , & aliquan-
tum quidem . M. Atqui , si ita est , profligata iam
haec , & paene ad exitum adducta quaestio est . A.
Quo tandem modo ? M. Quia motus turbulenti ,
iactationesq. animorum incitatae , & impetu incon-
siderato elatae , rationem omnem repellentes , uitae
beatae nullam partem relinquunt . quis enim potest ,
mortem aut dolorem metuens , quorum alterum sae-
pe adest , alterum semper impendit , esse non mi-
ser ? Quid si idem , quod plerumque fit , paupertate-
m , ignominiam , infamiam timet , si debilitatem ,
caecitatem , si denique , quod non singulis homini-
bus , sed potentibus populis saepe contingit , serui-
tutem ; potest ea timens esse quisquam beatus ?
Quid , qui non modo ea futura timet , uerum etiam
fert , sustinetq. praesentia ? Adde eodem exilia , lu-
ctus , orbitates . qui rebus his fractus aegritudine
eliditur , potest tandem esse non miserrimus ? Quid
uero illum , quem libidinibus inflammatum , & fu-
rentem uideamus , omnia rabide appetentem cum in-
explebili cupiditate , quoq. affluentius uoluptates
undique hauriat , eo grauius , ardentiusq. sitientem ,
non ne recte miserrimum dixeris ? Quid ? elatus il-
le leuitate , inanisq. laetitia & exultans , & temere
gestiens , non ne tanto miserior , quanto sibi uidetur
bea-

beatior? Ergo, ut hi miseri, sic contra illi beati, quos nulli metus terrent, nullae aegritudines exedunt, nullae libidines incitant, nullae fuitiles laetitiae exultantes languidis liquefaciunt uoluptatibus. ut maris igitur tranquillitas intelligitur, nulla ne minima quidem aura fluctus commouente: sic animi quietus, & placatus status cernitur, cum perturbatio nulla est, qua moueri queat. Quod si est, qui uim fortunae, qui omnia humana, quaecumque accidere possunt, tolerabilia ducat, ex quo nec timor eum, nec angor attingat; idemq. si nihil concupiscat, nulla efferratur animi inani uoluptate: quid est cur is non beatus sit? & si haec uirtute efficiuntur; quid est, cur uirtus ipsa per se non efficiat beatos? A. Atqui alterum dici non potest, quin ij, qui nihil metuant, nihil angantur, nihil concupiscant, nulla impotenti laetitia efferrantur, beati sint; itaque id tibi concedo: alterum autem iam integrum non est: superioribus enim disputationibus effectum est, uacare omni animi perturbatione sapientem. M. Nimirum igitur confecta res est: uidetur enim ad exitum uenisse quaestio. A. Propemodum id quidem. M. Verumtamen mathematicorum iste mos est, non philosophorum. nam geometrae cum aliquid docere uolunt; si quid ad eam rem pertinet eorum, quae ante docuerunt, id sumunt pro concesso, & probato; illud modo explicant, de quo ante nihil scriptum est: philosophi, quamcumque rem habent in manibus, in eam, quae conueniunt, congerunt

TVSC. DISPUT.

gerunt omnia: etsi alio loco disputata sunt. quod ni
 ita esset; cur Stoicus, si esset quaesitum, satis ne ad
 beate uiuendum uirtus posset, multa diceret? cui
 satis esset respondere, se ante docuisse, nihil bonum
 esse, nisi quod honestum esset; hoc probato, con-
 sequens esse, beatam uitam uirtute esse contentam;
 & quo modo hoc sic consequens illi, sic illud huic;
 ut, si beata uita uirtute contenta sit, nisi honestum
 quod sit, nihil aliud sit bonum. sed tamen non a-
 gunt sic. nam & de honesto, & de summo bono se-
 paratim libri sunt: & cum ex eo efficiatur, satis
 magnam in uirtute ad beate uiuendum esse uim; ni-
 hilo minus hoc agunt separatim. proprijs enim, &
 suis argumentis, et admonitionibus tractanda quae-
 que res est, tanta praesertim. caue enim putes, ul-
 lam in philosophia uocem emissam clariorem, ullum
 ue esse philosophiae promissum uberius, aut maius.
 nam quid proficitur, o dij boni? perfecturam se,
 qui legibus suis paruisset, ut esset contra fortunam
 semper armatus; ut omnia praesidia haberet in se
 bene beateq. uiuendi; ut esset semper denique bea-
 tus. sed uidero, quid efficiat. tantisper hoc ipsum
 magni aestimo, quod pollicetur. nam Xerxes qui-
 dem, refertus omnibus praemijs, donisq. fortunae,
 non equitatu, non pedestribus copijs, non narium
 multitudine, non infinito pondere auri contentus
 praemium proposuit, qui inuenisset nouam uolupta-
 tem: qua, ipse, inuenta, non fuit contentus. neque
 enim umquam finem inueniet libido. nos, uellem,
 praes-

praemio elicere possemus, qui nobis aliquid attulisset
quo hoc firmitus crederemus. A. Vellem id quidem:
sed habeo paullulum, quod requiram. ego enim as-
sentior, eorum, quae posuisti, alterum alteri conse-
quens esse, ut, quemadmodum, si, quod honestum
sit, id solum sit bonum, sequatur, beatam uitam
uirtute confici; sic, si uita beata in uirtute sit, nihil
esse, nisi uirtutem, bonum. sed Brutus tuus, aucto-
re & Aristone, & Antiocho, non sentit hoc: pu-
tat enim, etiam si sit bonum aliquod, praeter uir-
tutem. M. Quid igitur? contra Brutum ne me di-
cturum putas? A. Tu uero, ut uidetur: nam prae-
finire non est meum. M. Quid cuique igitur consen-
taneum sit, alio loco. nam ista mihi & cum Antio-
cho saepe, & cum Aristone nuper, cum Athe-
nis imperator apud eum diuersarer, dissensio fuit.
mihi enim non uidebatur quisquam esse beatus pos-
se, cum in malis esset: in malis autem sapientem es-
se posse, si essent ulla corporis, aut fortunae mala.
Dicebant haec, quae scripsit etiam Antiochus locis
pluribus, uirtutem ipsam per se beatam uitam ef-
ficere posse, neque tamen beatissimam: deinde, ex
maiore parte plerasque res nominari, etiam si qua
pars abesset, ut uires, ut ualeitudinem, ut diuitias,
ut honorem, ut gloriam; quae genere, non numero,
cernerentur: item beatam uitam, etiam si ex ali-
qua parte claudicaret, tamen ex multo maiore par-
te obtinere nomen suum. Haec nunc enucleare non
ita necesse est. quamquam non constantissime dici mi

ll hi

TVSC. DISPVTV.

hi videntur . nam & qui beatus est , non intelligo ,
 quid requirat , ut sit beatior : (si est enim , quod de-
 sit ; ne beatus quidem est) & , quod ex maiori par-
 te unamquamque rem appellari spectariq. dicunt ,
 est ubi id isto modo ualet : cum uero tria genera
 malorum esse dicant ; qui duorum generum malis
 omnibus urgeatur , ut omnia aduersa sint in fortu-
 na , omnibus oppressum corpus & confectum dolo-
 ribus , huic paullulum ne ad beatam uitam deesse di-
 cemus , non modo ad beatissimam ? Hoc illud est ,
 quod Theophrastus sustinere non potuit . nam cum
 statuisset , uerbera , tormenta , cruciatus , patriae
 euersiones , exilia , orbitates magnam uim habere
 ad male , misereq. uiuendum ; non est ausus elate ,
 & ample loqui , cum humiliter , demisseq. senti-
 ret . quam bene , non quaeritur : constanter quidem
 certe . itaque mihi placere non solet , consequentia
 reprehendere , cum prima concesseris . hic autem ,
 elegantissimus omnium philosophorum , & erudi-
 tissimus , non magnopere reprehenditur , cum tria
 genera dicit bonorum ; uexatur autem ab omnibus ,
 primum in eo libro , quem scripsit de uita beata , in
 quo multa disputat , quamobrem is , qui torquea-
 tur , qui crucietur , beatus esse non possit . in eo etiam
 putatur dicere , in rota beatam uitam non ascen-
 dere . nusquam id quidem dicit omnino ; sed , quae di-
 cit , idem ualent . possum igitur , cui concesserim in
 malis esse dolores corporis , in malis fortunae naufra-
 gia , huic succensere dicenti , non omnes bonos esse
 beatos ,

beatos, cum in omnes bonos ea, quae ille in malis numerat, cadere possint? Vexatur idem Theophrastus & libris, & scholis omnium philosophorum, quod in Callisthene suo laudavit illam sententiam, Vitam regit fortuna, non sapientia.

negant ab ullo philosopho quidquam dictum esse languidius. recte id quidem: sed nihil intelligo dici potuisse constantius. si enim tot sunt in corpore bona, tot extra corpus in casu, atque fortuna: non ne consentaneum est, plus fortunam, quae domina rerum sit & externarum, et ad corpus pertinentium, quam consilium ualere? an malumus Epicurum imitari? qui multa praeclare saepe dicit: quam enim sibi constanter, conuenienterq. dicat, non laborat. Laudat tenuem victum. philosophi id quidem, sed si Socrates, aut Antisthenes diceret, non is, qui finem bonorum uoluptatem esse dixerit. Negat quemquam iucunde posse uiuere, nisi idem honeste, sapienter, iusteque uiuat. nihil grauius, nihil philosophia dignius; nisi idem hoc ipsum, honeste, sapienter, iuste, ad uoluptatem referret. Quid melius, quam fortunam exiguam interuenire sapienti? sed hoc is ne dicit, qui, cum dolorem non modo maximum malum, sed solum malum etiam dixerit, toto corpore opprimi possit doloribus acerrimis, tum cum maxime contra fortunam gloriatur? quod idem melioribus etiam uerbis Metrodorus. Occupaui, inquit, te, fortuna, atque cepi; omnesque aditus tuos interclusi, ut ad me aspirare non posses. prae-

ll 2 clare,

TVSC. DISPUT.

clare, si *Aristo Chius*, aut si *Stoicus Zeno* diceret, qui, nisi quod turpe esset, nihil malum duceret. tu uero, *Metrodore*, qui omne bonum in uisceribus, medullisq. condideris, & definieris, summum bonum firma corporis affectione, explorataq. spe contineri; fortunae aditus interclusisti? quo modo? isto enim bono iam expoliari potes. atqui his capiuntur imperiti: & propter huiusmodi sententias istorum hominum est multitudo. acute disputantis illud est, non quid quisque dicat, sed quid cuique dicendum sit, uidere. uelut in ea ipsa sententia, quam in hac disputatione suscepimus, omnes bonos, semper beatos uolumus esse. quos dicam bonos, perspicuum est. omnibus enim uirtutibus instructos, & ornatos, tum sapientes, tum uiros bonos dicimus. Videamus, qui dicendi sint beati. equidem hos existimo, qui sint in bonis, nullo adiuncto malo. nec ulla alia huic uerbo, cum beatum dicimus, subiecta notio est, nisi, secretis malis omnibus, cumulata bonorum complexio. hanc assequi uirtus, si quidquam praeter ipsam boni est, non potest. aderit enim malorum, si mala illa dicimus, turba quaedam, paupertas, ignobilitas, humilitas, solitudo, amissio suorum, graues dolores corporis, perdita ualetudo, debilitas, caecitas, interitus patriae, exilium, seruitus. denique in his tot, & tantis, atque etiam quae plura possunt accidere, potest esse sapiens; nam haec casus importat, qui in sapientem potest incurrere: at, si ea mala sunt, quis po-

potest praestare sapientem semper beatum fore ;
cum uel in omnibus his uno tempore esse possit ?
Non igitur facile concedo neque Bruto meo , neque
communibus magistris , neque ueteribus illis , Ari-
stoteli , Speusippo , Xenocrati , Polemoni , ut , cum
ea , quae supra enumeravi , in malis numeret , iidem
dicant semper beatum esse sapientem . quos sititu-
lus hic delectat insignis , & pulcher , Pythagora ,
Socrate , & Platone dignissimus ; inducant ani-
mum , illa , quorum splendore capiuntur , uires , ua-
letudinem , pulchritudinem ; diuitias , honores , o-
pes contemnere , eaque , quae his contraria sint , pro-
 nihilo ducere : tum poterunt clarissima uoce profi-
teri , se neque fortunae impetu , nec multitudinis o-
pinione ; nec dolore ; neque paupertate terreri ;
omniaq. sibi in sese esse posita , neque esse quidquam
extra suam potestatem , quod ducant in bonis : ne-
que , hunc & haec loqui , quae sunt magni cuiusdam ,
& alti uiri , & eadem , quae uulgus , in malis , &
bonis numerare , concedi ullo modo potest . Qua
gloria commotus Epicurus exoritur : cui etiam , si
dijs placet , uidetur semper sapiens beatus . hic di-
gnitate huius sententiae capitur : sed numquam id di-
ceret ; si ipse se audiret . quid est enim , quod minus
conueniat , quam ut is , qui uel summum , uel solum
malum dolorem esse dicat , idem censeat , quam
hoc suauis est , tum , cum dolore crucietur ; dictu-
rum esse sapientem ? non igitur ex singulis uocibus
philosophi spectandi sunt , sed ex perpetuitate , at-
que

TVSC. DISPVT.

que constantia. A. Adducis me, ut tibi assentiar : sed, tua quoque, uide, ne desideretur constantia.

M. Quonam modo? A. Quia legi tuum nuper quartum de finibus : in eo mihi uidebare, contra Catonem differens, hoc uelle ostendere, quod mihi quidem probatur, inter Zenonem, & Peripateticos nihil, praeter uerborum nouitatem, interesse. quod si ita est; quid est causae, quin, si Zenonis rationi consentaneum sit, satis magnam uim in uirtute esse ad beate uiuendum, liceat idem Peripateticis dicere? rem enim opinor spectari oportere, non uerba. M. Tu quidem tabellis obsignatis agis mecum, & testificaris, quid dixerim aliquando, aut scripserim. cum alijs isto modo, qui, legibus impositis, disputant : nos in diem uiuimus : quodcumque nostros animos probabilitate percussit, id dicimus : itaque soli sumus liberi. uerumtamen, quoniam de constantia paullo ante diximus, non ego hoc loco id quaerendum puto, uerum ne sit, quod Zenoni placuerit, quodq. eius auditori Aristoni, bonum esse solum, quod honestum esset ; sed, si ita esset, tum ut hoc totum, beate uiuere, in una uirtute poneret. quare demus hoc sane Bruto, ut sit beatus semper sapiens. quam sibi conueniat, ipse uiderit. gloria quidem huius sententiae quis est illo uiro dignior? nos tamen teneamus, ut sit idem beatissimus. etsi Zeno Citiaeus, aduenia quidam, & ignobilis, uerborum opifex, insinuasse se in antiquam philosophiam uideatur. huius sententiae grauitas a Platonis auctoritate repetatur :

repetatur: apud quē saepe haec oratio usurpata est, ut nihil, praeter uirtutem, diceretur bonum. uelut in Oorgia Socrates, cum esset ex eo quaesitum, Archelaum, Perdicæ filium, qui tum fortunatissimus haberetur, non ne beatum putaret, Haud scio, inquit: numquam enim cum eo locutus sum. An tu aliter id scire non potes? nullo modo. Tu igitur ne de Persarum quidem rege magno potes dicere, beatus ne sit? an ego possum, cum ignorem, quam sit doctus, quam uir bonus? Quid? tu in eo sitam uitam beatam putas? ita prorsus existimo, bonos beatos; improbos miseros. Miser ergo Archelaus? certe, si iniustus. Videtur ne omnem hic beatam uitam in una uirtute ponere? quid uero in epitaphio; quo modo idem? Nam cui uiro, inquit, ex se ipso apta sunt omnia, quae ad beate uiuendum ferunt, nec suspensæ aliorum aut bono casu, aut contrario pendere ex alterius euentis, & errare coguntur; huic optime uiuendi ratio comparata est. hic est ille moderatus, hic fortis, hic sapiens, hic, & nascentibus, & cadentibus cum reliquis commodis, tum maxime liberis, parebit, & obediet praecepto illi ueteri: neque enim laetabitur umquam, neque maerebit nimis, quod semper in se ipso omnem spem reponit sui. Ex hoc igitur Platonis quasi quodam sancto, augustoque fonte nostra omnis manabit oratio. unde igitur rectius ordiri possumus, quam a communi parente natura? quae, quidquid genuit non modo animal, sed etiam quod ita esset ortum e terra, ut stirpibus suis

TVSC. DISPVT.

niteretur, in suo quidque genere perfectum esse uoluit. itaque & arbores, & uites, & ea, quae sunt humiliora, neque se tollere a terra altius possunt, alia semper uirent, alia, hieme nudata, uerno tempore tepefacta frondescent: neque est ullum, quod non ita uigeat interiore quodam motu, & suis quoque seminibus inclusis, ut aut flores, aut fruges fundat, aut bacas; omniaque in omnibus, quantum in ipsis, nulla ui impediante, perfecta sint. Facilius uero etiam in bestiis, quod his sensus a natura est datus, uis ipsius naturae perspicui potest. namque alias bestiolas nantes aquarum incolas esse uoluit, alias uolucres caelo frui libero, serpentes quasdam, quasdam esse gradientes; earum ipsarum partim solina gas, partim congregatas; immanes alias, quasdam autem cicures, non nullas abditas, terraque tectas. atque earum quaeque, suum tenens munus, cum in disparis animantis uitam transire non possit, manet in lege naturae. Et ut bestiis aliud alij praecipui a natura datum est, quod suum quaeque retinet, nec discedit ab eo: sic homini multo quiddam praestantius. etsi praestantia debent ea dici, quae habent aliquam comparisonem: humanus autem animus, decerptus ex mente diuina, cum alio nullo, nisi cum ipso deo, si hoc fas est dictu, comparari potest. hic igitur, si est excultus; & si eius acies ita curata est, ut ne caecetur erroribus; fit perfecta mens, id est absoluta ratio; quae est idem, quod uirtus. & si omne beatum est, cui nihil deest, & quod in suo genere

here expletum, atque cumulatam est, idq. uirtutis est proprium: certe omnes uirtutis compotes beati sunt. et hoc quidem mihi cum Bruto conuenit, item cum Aristotele, Xenocrate, Spensippo, Polemone. sed mihi uidentur etiam beatissimi. quid enim deest ad beate uiuendum ei, qui confidit suis bonis? aut, qui diffidit, beatus esse qui potest? at diffidat necesse est, qui bona diuidit tripertito. qui enim poterit aut corporis firmitate, aut fortunae stabilitate considerare? atqui, nisi, stabili, & fixo permanente bono, beatus esse nemo potest. quid igitur eiusmodi istorum est? ut mihi illud Laconis dictum in hos cadere uideatur: qui gloriante cuidam mercatori, quod multas naues in omnem oram maritimam dimisisset, non sane optabilis ista quidem est, inquit, rudentibus apta, fortuna. An dubium est, quin nihil sit habendum in eo genere, quod uita beata complectitur, si id possit amitti? nihil enim inueterascere, nihil extingui, nihil cadere debet eorum, in quibus uita beata cunsistit. nam qui timebit, ne quid ex his deperdat, beatus esse non poterit. uolumus enim eum, qui beatus sit, tutum esse, inexpugnabilem, septum, atque munitum, non ut paruo metu praeditus sit, sed ut nullo. ut enim innocens is dicitur, non qui leuiter nocet, sed qui nihil nocet: sic sine metu is habendus est, non qui parua metuit, sed qui omnino metu uacat. quae est enim alia fortitudo, nisi animi affectio cum in adeundo periculo, & in labore, ac dolore patiens, tum procul ab omni metu? atque haec certe

certe nō ita se haberent, nisi omne bonum in una honestate consisteret. qui autem illam maxime optatam, & expetitam securitatem (securitatem autem nunc appello uacuitatem aegritudinis, in qua uita beata posita est) habere quisquam potest, cui aut adsit, aut adesse possit multitudo malorum? qui autem poterit esse celsus, & erectus, & ea, quae homini accidere possunt, omnia parua ducens, qualem sapientem esse uolumus, nisi omnia sibi in se posita esse censebit? an Lacedaemonij Philippo minitanti per litteras, se omnia, quae conarentur, prohibiturum, quaesuerunt, num se esset etiam mori prohibiturus: uir is, quem quaerimus, non multo facilius tali animo reperietur, quam ciuitas uniuersa? Quid, ad hanc fortitudinem, de qua loquitur, temperantia adiuncta, quae sit moderatrix omnium commotionum? quid potest ad beate uiuendum deesse ei, quem fortitudo ab aegritudine, & a metu uindictet, temperantia tum a libidine auocet, tum insolenti alacritate gestire non sinat? haec efficere uirtutem ostenderem, nisi superioribus diebus essent explicata. Atqui cum perturbationes animi miseram, sedationes autem uitam efficiant beatam; duplexq. ratio perturbationis sit, quod aegritudo, & metus in malis opinatis, in bonorum autem errore laetitia gestiens, libidoq. uersentur; cum haec omnia cum consilio, & ratione pugnent: his tu tam grauib. concitationibus, tamq. ipsis inter se dissentientibus, atque distractis, quem uacuum, solutum, liberum ui-

deris,

deris, hunc dubitabis beatum dicere? atqui sapiens
semper ita affectus est: semper igitur sapiens bea-
tus est. Atque etiam omne bonum laetabile est:
quod autem laetabile, id praedicandum, & prae-
ferendum: quod tale autem, id etiam glorio-
sum: si uero gloriosum, certe laudabile: quod au-
tem laudabile, profecto etiam honestum: quod bo-
num igitur, id honestum. at, quae isti bona nume-
rant, ne ipsi quidem honesta dicunt. solum igitur bo-
num, quod honestum. ex quo efficitur, honestate una
uitam contineri beatam. non sunt igitur ea bona di-
cenda, nec habenda, quibus abundantem licet esse
miserrimum. An dubitas, quin praestans uale tudi-
ne, uiribus, forma, acerrimis, integerrimisq. sen-
sibus; adde etiam, si libet, pernicitatem, & uelo-
citem; da diuitias, honores, imperia, opes, glo-
riam; si fuerit is, qui haec habet, iniustus, intem-
perans, timidus, hebeti ingenio, atque nullo: dubi-
tabis ne eum miserum dicere? qualia igitur ista bo-
na sunt, quae qui habeat, miserrimus esse possit? ui-
deamus, ne, ut aceruus ex sui generis granis, sic
beata uita ex sui similibus partibus effici debeat.
quod si ita est; ex bonis, quae sola honesta sunt, effi-
ciendum est beatum. ea mixta ex dissimilibus fi-
erunt, honestum ex his effici nihil poterit. quo detra-
cto, quid poterit beatum intelligi? etenim quidquid
est, quod bonum sit, id expetendum est: quod au-
tem expetendum, id certe approbandum: quod ue-
ro approbaris, id gratum acceptumq. habendum:
ergo

113. 169.

113. 109. 1. ergo etiam dignitas ei tribuenda est. quod si ita est; laudabile sit necesse est. bonum igitur omne laudabile. ex quo efficitur, ut, quod sit honestum, id sit solum bonum. quod ni ita tenebimus; multa erunt, quae nobis bona dicenda sint. omitto diuitias: quas, cum quiuis, quamuis indignus, habere possit, in bonis non numero. quod enim est bonum, id non quiuis habere potest. omitto nobilitatem, famamq. popularem, stultorum, improborumq. consensu excitatam. haec, quae sunt minima, tamen bona dicantur necesse est, candiduli dentes, uenusti oculi, color suauis, & ea, quae Euryclyia laudat, Vlyssi pedes abluens, lenitudo orationis, mollitudo corporis. ea si bona dicemus, quid erit in philosophi gravitate, quam in uulgi opinione, stultorumq. turba, quod dicatur aut grauius, aut grandius? At enim eadem Stoici praecipua, uel producta dicunt, quae bona isti. dicunt illi quidem: sed his uitam beatam compleri negant. hi autem sine ijs esse nullam putant: aut, si sit beata, beatissimam certe negant. nos autem uolumus beatissimam: idq. nobis Socratica illa conclusione confirmatur. sic enim princeps ille philosophiae differebat: qualis cuiusque animi affectus esset, talem esse hominem; qualis autem ipse homo esset, talem esse orationem; orationi autem facta similia, factis uitam. affectus autem animi in bono uiro laudabilis: et uita igitur laudabilis boni uiri: honesta ergo, quoniam laudabilis. ex quibus, bonorum beatam uitam esse, concluditur. etenim,

enim, pro deorum atque hominum fidem, parum
ne cognitum est superioribus nostris disputationibus,
an delectationis & otij consumendi causa locuti su-
mus, sapientem ab omni concitatione animi, quam
perturbationem uoco, semper uacare & semper in
animo eius esse placidissimam pacem? uir igitur tem-
perans, constans, sine metu, sine aegritudine. sine
alacritate ulla, sine libidine, non est beatus? at sem-
per sapiens talis: semper igitur beatus. Iam uero
qui potest uir bonus non ad id, quod laudabile sit,
omnia referre, quae agit, quaeq. sentit? refert au-
tem omnia ad beate uiuendum: beata igitur uita lau-
dabilis. nec quidquam sine uirtute laudabile: beata
igitur uita uirtute conficitur. Atque hoc sic etiam
concluditur. nec in misera uita quidquam est praedi-
cabile, aut gloriandum, nec in ea, quae nec misera
sit, nec beata. & est in aliqua uita praedicabile ali-
quid, & gloriandum, ac praesefarendum: ut
Epaminondas;

Consilij nostris laus est attonsa Laconum:
ut Africanus;

A sole exoriente, supra Meoti paludes,

Nemo est, qui factis me aequiparare queat.

quod si beata uita glorianda; & praedicanda, &
praeseferenda est. nihil est enim aliud, quod praedi-
candum, & praesefarendum sit. quibus positis,
intelligis quid sequatur. et quidem, nisi ea uita bea-
ta est, quae est eadem honesta: sit aliud, necesse est,
melius uita beata. quod enim erit honestum, certe
fatebun-

fatebuntur esse melius . ita erit beata uita melius ali-
quid . quo quid potest dici peruersius? Quid? cum fa-
tentur satis magnam uim esse in uitijs ad miseram
uitam , non ne fatendum est , eandem uim in uirtute
esse ad beatam uitam? contrariorum enim contra-
ria sunt consequentia . Quo loco quaero , quam uim
habeat libra illa Critolai : qui cum in alteram lan-
cem animi bona imponat , in alteram corporis , &
externa ; tantum propendere illam boni lancem pu-
tet , ut terram & maria deprimat . quid igitur aut
hunc prohibet , aut etiam Xenocratem illum , gra-
uissimum philosophorum , exaggerantem tantopere
uirtutem , & extenuantem cetera , et abiicientem ,
in uirtute non beatam modo uitam , sed etiam bea-
tissimam ponere? quod quidem nisi sit , uirtutum in-
teritus consequetur . nam , in quem cadit aegritudo ,
in eundem metum cadere necesse est . est enim me-
tus , futurae aegritudinis sollicita expectatio . in quem
autem metus , in eundem formido , timiditas , pa-
uor , ignauia . ergo , ut idem uincatur interdum , ne-
cesse est , nec putet ad se praeceptum illud Atrei per-
tinere ;

Proinde ita parent se in uita , ut uinci nesciant .
hic autem uincetur , ut dixi , nec modo uincetur ,
sed etiam seruiet . at nos uirtutem semper liberam
uolumus , semper inuictam . quae nisi sunt , sublata
uirtus est . atqui , si in uirtute satis est praesidij ad be-
ne uiuendum , satis est etiam ad beate : satis est enim
certe in uirtute , ut fortiter uiuamus : si fortiter , e-
tiam

tiam ut magno animo, & quidem ut nulla re umquam terreamur, semperq. sinus inuicti. sequitur, ut nihil paeniteat, nihil desit, nihil obstet. ergo omnia profluenter, absolute, prospere: igitur beate. satis autem ad fortiter uiuendum uirtus potest: satis ergo etiam ad beate. etenim ut stultitia, cisi adepta est quod concupiuit, numquam se tamen satis consecutam putat: sic sapientia semper eo contenta est, quod adest; neque eam umquam sui paenitet. similem ne putas C. Laelii unum consulatum fuisse, & eum quidem cum repulsa: (sed cum sapiens, & bonus uir, qualis ille fuit, suffragijs praeteritur, non populus a bono consule potius, quam ille a uano populo, repulsum fert?) sed tamen, utrum malles te, si potestas esset, semel, ut Laelium, consulem, an, ut Cinna, quater? non dubito, tu quid responsurus sis: itaque uideo, cui committam. non quemuis hoc idem interrogarem. responderet enim alius fortasse, se non modo quattuor consulatus uni antepone re, sed unum diem Cinnae multorum, & clarorum uirorum totis aetatibus. Laelius si digito quem attigisset, poenas dedisset: at Cinna collegae sui, consulis, Cn. Octauij praecidi caput iussit, P. Crassi, L. Caesaris, nobilissimorum hominum, quorum uirtus fuerat domi, militiaeq. cognita; M. Antonij, omnium eloquentissimi, quos ego audierim; C. Caesaris, in quo mihi uidetur fuisse specimen humanitatis, salis, suauitatis, leporis. beatus ne igitur, qui hos interfecit? mihi contra non solum eo uidetur miser

Plut. Mar.
d or 118

fer, quod ea fecit; sed etiam, quod ita se gessit, ut
 ea facere ei liceret. et si peccare nemini licet. sed ser-
 monis errore labimur. id enim licere dicimus, quod
 cuique conceditur. utrum tandem beatior C. Ma-
 rius, tum, cum Cimbricae uictoriae gloriam cum col-
 lega Catulo communicauit, paene altero Laelio,
 (nam hunc illi duco simillimum) an cum ciuili bello
 uictor iratus, necessarijs Catuli deprecantibus,
 non semel respondit, sed saepe, moriatur? in quo
 beatior ille, qui huic nefariae uoci paruit, quam is,
 qui tam scelerate imperauit. nam cum accipere,
 quam facere, praestat iniuriam; tum morti iam ipsi
 aduentanti paululum procedere obuiam, quod fe-
 cit Catulus, quam, quod Marius, talis uiri interi-
 tu sex suos obruere consulatus, et contaminare ex-
 tremum tempus aetatis. Duodequadraginta annos
 tyrannus Syracusanorum fuit Dionysius, cum v &
 x x natus annos dominatum occupasset. qua pul-
 chritudine urbem, quibus autem opibus praeditam,
 seruitute oppressam tenuit ciuitatem? atqui de hoc
 homine a bonis auctoribus sic scriptum accepimus,
 summam fuisse eius in uictu temperantiam, in re-
 busq. gerendis uirum acrem, & industrium, eun-
 dem tamen maleficum natura, et iniustum. ex quo
 omnibus bene ueritatem intuentibus uideri necesse
 est miserrimum. ea enim ipsa, quae concupierat, ne-
 tum quidem, cum omnia se posse censebat, conse-
 quebatur. qui cum esset bonis parentibus, atque ho-
 nesto loco natus, (etsi id quidem alius alio modo tra-
 dit

Top. 3. 18.
 Plur. Mar.
 88

224.
 Nat: 3.
 88

dit) abundaretq. & aequalium familiaritatibus, & consuetudine propinquorum, haberet etiam, more Graeciae, quosdam adolescentes amore coniunctos; credebat eorum nemini; sed ijs, quos ex familijs locupletum seruos delegerat, quibus nomen seruitutis ipse detraxerat, & quibusdam conuenis, & feris barbaris corporis custodiam committebat. ita, propter iniustam dominatus cupiditatem, in carcerem quodam modo ipse se incluserat. quin etiam, ne tonsori collum committeret, tondere filias suas docuit. ita, sordido, ancillariq. artificio, regiae uirgines, ut tonstriculae, tondebant barbam, & capillum patris. & tamen ab ijs ipsis, cum iam essent adultae, ferrum remouit; instituitque, ut candentibus iuglandium putaminibus barbam sibi, & capillum adurerent. cumq. duas uxores haberet, Aristomachen, ciuem suam, Doridem autem Locrensem; sic noctu ad eas uentitabat, ut omnia specularetur, & perscrutaretur ante. & cum fossam latam cubiculari lecto circumdedisset, eiusq. fossae transitum ponticulo ligneo cōiunxisset; eum ipsum, cum fores cubiculi clauserat, detorquebat. idemque, cum in communibus suggestis consistere non auderet, concionari ex turri alta solebat. atque is, cum pila ludere uellet, (studiose enim id facitabat) tunnicamq. poneret, adolescentulo; quem amabat, tradidisse gladium dicitur. hic cum quidam familiaris iocans dixisset, huic quidem certe uitam tuam committis, arrisissetq. adolescens; utrumque iussit

mm inter-

Val. 9. 14

† off. 2.
38. Val.
9. 14

interfici; alterum, quia uiam demonstrauisset inter-
rimendi sui; alterum, quia id dictum risu appro-
bauisset. atque eo facto sic doluit, ut nihil grauius
tulerit in uita. quem enim uehementer amaret, oc-
ciderat. Sic distrahuntur in contrarias partes impo-
tentium cupiditates. cum huic obsecutus sis, illi est
repugnandum. quamquam hic quidem tyrannus ip-
se iudicauit, quam esset beatus. nam cum quidam
ex eius assentatoribus Damocles commemoraret in
sermone copias eius, opes, maiestatem dominatus,
rerum abundantiam, magnificentiam aedium regia-
rum; negaretq. umquam beatiorem quemquam fuisse;
uis ne igitur, inquit, o Damocle, quoniam haec
te uita delectat, ipse eandem degustare, & fortu-
nam experiri meam? cum se ille cupere dixisset, col-
locari iussit hominem in aureo lecto, Strato pulcher-
rimo, textili stragulo, magnificis operibus picto,
abacosq. complures ornauit argento, auroq. caelato.
tum ad mensam eximia forma pueros delectos iussit
consistere, eosq. ad nutum illius intuentes diligen-
ter ministrare. aderant unguenta, coronae: incende-
bantur odores: mensae exquisitissimis epulis ex-
truebantur. fortunatus sibi Damocles uidebatur. in
hoc medio apparatu fulgentem gladium e lacuna-
ri, seta equina appensum, demitti iussit, ut impende-
ret illius beati ceruicibus. itaque nec pulchros illos
administratores aspiciebat, nec plenum artis argen-
tum: nec manum porrigebat in mensam: iam ipsae
defluebant coronae: denique exorauit tyrannum, ut
abire

Macrobi: 1.

.f.

Hor. 3. ad

1.

abire liceret, quod iam beatus nollet esse. Satis ne uideatur declarasse Dionysius, nihil esse ei beatum, cui semper aliquis terror impendeat? atque ei ne integrum quidem erat, ut ad iustitiam remigraret, ciuibusq. libertatem & iura redderet. ijs enim se adolescens, improvida aetate, irretierat erratis, eaq. commiserat, ut saluus esse non posset, si sanus esse coepisset. Quantopere uero amicitias desideraret, quarum infidelitatem extimescebat, declarauit in *Pythagoreis duobus illis*: quorum cum alterum uadem mortis accepisset, alter, ut uadem suam liberaret, praesto fuisset ad horam mortis destinatam; utinam ego, inquit, tertius uobis amicus adscriberer, quam huic erat miserum carere consuetudine amicorum, societate uictus, sermone omnino familiari? homini praesertim docto a puero, & artibus ingenuis erudito. Musicorum uero perstudiosum accepimus, poetam etiam tragicum: quam bonum, nihil ad rem: in hoc enim genere nescio quo pacto magis, quam in alijs, suum cuique pulchrum est, adhuc neminem cognoui poetam, (& mihi fuit cum Aquino amicitia) qui sibi non optimus uideretur. sic se res habet: te tua, me delectant mea. Sed, ut ad Dionysium redeamus: omni cultu, & uictu humano carebat; niuebat cum fugitiuis, cum facinorosis, cum barbaris: neminem, qui aut libertate dignus esset, aut uellet omnino liber esse, sibi amicum arbitrabatur, non ergo iam cum huius uita, qua taetrius, miserius, detestabilius excogitare ni-

m m a hil

bil possum, Platonis, aut Archytae uitam compa-
 rabo, doctorum hominum, & plane sapientium.
 Ex eadem urbe humilem homunculum a puluere,
 & radio excitabo, qui multis annis post fuit, Ar-
 chimedem. cuius ego quaestor, ignoratum ab Syra-
 cusanis, cum esse omnino negarent, septum undi-
 que, & uestitum uepribus, & dumetis, indagaui
 sepulcrum. tenebam enim quosdam senariolos,
 quos in eius monumento esse inscriptos acceperam;
 qui declarabant, in summo sepulcro sphaeram esse
 positam cum cylindro. ego autem cum omnia collu-
 strarem oculis, (est enim ad portas Agragianas
 magna frequentia sepulcrorum) animaduerti colu-
 mellam non multum e dumis eminentem: in qua
 inerat sphaerae figura, & cylindri. atque ego sta-
 tim Syracusanis (erant autem principes mecum)
 dixi, me illud ipsum arbitrari esse, quod quaererem.
 immissi cum falcibus multi purgarunt, & aperue-
 runt locum. quo cum patefactus esset aditus, ad
 aduersam basim accessimus. apparebat epigrāma,
 exesis posterioribus partibus uersiculorum, dimi-
 diatis fere. ita nobilissima Graeciae ciuitas, quondā
 uero etiam doctissima, sui ciuis, unius acutissimi,
 monumentum ignorasset, nisi ab homine Arpinate
 didicisset. Sed redeat unde aberrauit oratio. Quis
 est enim omnium, qui modo cum musis, id est cum
 humanitate, & cum doctrina habeat aliquod com-
 mercium, qui se non hunc mathematicum malit,
 quam illum tyrannum? si uitae modum, actionemq.
 quaeri-

Tully
de ingenio

falces

quaerimus: alterius mens rationibus agitandis ex-
quirendisq. alebatur, cum oblectatione solertiae;
qui est unus suauissimus pastus animorum: alterius
caede, & iniurijs, cum & diurno, & nocturno me-
tu. Age confer Democritum, Pythagoram, Ana-
xagoram: quae regna, quas opes studijs eorum, &
delectationibus antepones? etenim quae pars opti-
ma est in homine, in ea situm esse necesse est illud;
quod quaeris, omnium optimum. quid est autem
in homine, sagaci, ac bona mente melius? eius bo-
no fruendum est igitur, si beati esse volumus. bo-
num autem mentis est uirtus: ergo hac beatam ui-
tam contineri necesse est. hinc omnia, quae pulchra;
honestae, praeclara sunt, ut supra dixi, (sed dicen-
dum illud idem paullo uberius uidetur) plena gau-
diorum sunt. ex perpetuis autem plenisque gaudijs
cum perspicuum sit uitam beatam existere; sequi-
tur, ut ea existat ex honestate. Sed, ne uerbis so-
lum attingamus ea, quae uolumus ostendere; pro-
ponenda quaedam quasi mouentia sunt, quae nos ma-
gis ad cognitionem, intelligentiamq. conuertant.
sumatur enim nobis quidam praestans uir optimis
artibus, isq. animo parumper, & cogitatione fin-
gatur. primum ingenio eximio sit, necesse est:
tardis enim mentibus uirtus non facile committi-
tur: deinde ad inuestigandam ueritatem studio inci-
tato. ex quo triplex ille animi fetus existit; unus
in cognitione rerum positus, & in explicatione na-
turae; alter in descriptione expetendarum, fugien-
darum

TYSC. DISCVT.

animum ue rerum; tertius in iudicando, quid cuique rei sit consequens, quid repugnans: in quo inest omnis tum subtilitas differendi, tum ueritas iudicandi. quo tandem igitur gaudio affici necesse est sapientis animum cum his habitantem, pernoctantemq. curis? & cum totius mundi motus conuersionesq. perspexerit, sideraq. uiderit innumerabilia caelo inhaerentia cū eius ipsius motu congruere certis infixis sedibus? septem alia suos quaeque tenere cursus, multum inter se aut altitudine, aut humilitate distantia, quorum uagi motus rata tamen, & certa sui cursus spatia definiant? horum nimirum aspectus impulit illos ueteres, & admonuit, ut plura quaererent. inde est indagatio nata initiorum, & tamquam seminum, unde essent omnia orta, generata, concreta; quaeq. cuiusque generis uel inanimi, uel animati, uel muti, uel loquentis origo, quae uita, quis interitus; quaeq. ex alio in aliud uicissitudo, atque mutatio; unde terra, & quibus librata ponderibus; quibus cauernis maria sustineantur; in qua omnia delata gravitate medium mundi locum semper expetant; qui est idem infimus in rotundo. haec tractanti animo, & noctes & dies cogitanti, existit illa a deo Delphis praecepta cognitio, ut ipsa se mens uitijs exutam cognoscat, coniunctamq. cum diuina mente se sentiat, ex quo insatiabili gaudio compleatur. ipsa enim cogitatio de ui, & natura deorum, studium incendit illius aeternitatis imitandae: neque se in breuitate uitae

tae collocatam putat, cum rerum causas alias ex alijs aptas, & necessitate nexas uidet: quibus ab aeterno tempore fluentibus in aeternum, ratio tamen, mensq. moderatur. haec ille intuens, atque suspiciens, uel potius omnes partes, orasq. circumspiciens, quanta rursus animi tranquillitate humana, & ceteriora considerat? hinc illa cognitio uirtutis existit: efflorescunt genera, partes uirtutum: inuenitur, quid sit; quod natura spectet extremum in bonis, quod in malis ultimum, quo referenda sint officia, quae degendae aetatis ratio deligenda. Quibus & talibus rebus exquisitis, hoc uel maxime efficitur, quod hac disputatione agitur, ut uirtus ad beate uiuendum sit se ipsa contenta. Sequitur tertia; quae per omnes partes sapientiae manat, & funditur, quae rem definit, genera dispertit, sequentia adiungit, perfecta concludit, uera & falsa diiudicat, differendi ratio, & scientia. ex qua cum summa utilitas existit ad res ponderandas; tum maxime ingenua delectatio, & digna sapientia. sed haec otii. Transeat idem iste sapiens ad remp. tuendam: quid eo possit esse praestantius, cum contineri prudentia utilitatem ciuium cernat, iniustitia nihil in suam domum inde deriuat, reliquis utatur tot tamq. uarijs uirtutibus? Adiunge fructum amicitiarum: in quo a doctis positum est cum consilium omnis uitae, consentiens, & paene conspirans, tum summa iucunditas e quotidiano cultu, atque uictu: quid haec tandem uita desiderat;

T V S C. D I S P V T.

quo sit beatior? cui rei refertae tot, tantisq. gaudijs, fortuna ipsa cedat, necesse est. Quod si gaudere talibus bonis animi, id est uirtutibus, beatum est; omnesq. sapientes ijs gaudijs perfruuntur: omnes eos, confiteri, beatos esse, necesse est. A. Etiam ne in cruciatu, atque tormentis? M. An tu me in uiola putas, aut in rosa dicere? an Epicuro, qui tantummodo induit personam philosophi, & sibi ipse hoc nomen inscripsit, dicere licebit, quod quidem, ut habet se res, me tamen plaudente dicit, nullum sapienti esse tempus, etsi uratur, torqueatur, secetur, quin possit exclamare, quam pro nihilo puto: cum praesertim omne malum dolore definiat, bonum uoluptate; haec nostra, honesta, turpia, irrideat; dicatq. nos, in uocibus occupatos, inanes sonos fundere, neque quidquā ad nos pertinere, nisi quod aut leue, aut asperum in corpore sentiat: huic ergo, ut dixi, non multum differenti a iudicio ferarum, obliuisci licebit sui, & tum fortunam contemnere, cum sit omne & bonum eius & malum in potestate fortunae; tum dicere, se beatum in summo cruciatu, atque tormentis, cum constituerit non modo summū malum esse dolorem, sed etiam solū: (nec uero illa sibi remedia cōparauit ad tolerādum dolorē, firmitatē animi, turpitudinis uerecundiā, exercitationē, consuetudinēq. patiēdi, praecepta fortitudinis, duritiā uirilem: sed una se dicit recordatione acquiescere praeteritarum uoluptatum: ut, si quis aestuans, cum uim caloris non facile

cile patiatur, recordari uelit, se aliquando in Arpi-
 nati uostro gelidis fluminibus circumfusus fuisse: nō
 enim uideo, quo modo sedare possint mala praesentia
 praeteritae uoluptates) sed cū is dicat, sēper beatū
 esse sapientem, cui dicere hoc, si sibi constare uellet,
 non liceret: quidnam faciendum est ijs, qui nihil ex-
 petendum, nihil in bonis ducendum, quod honesta-
 te careat, existimant? me quidem auctore etiam Pe-
 ripatetici, ueteresq. Academici balbutire desinant
 aliquando; aperteque, et clara uoce audeant dicere,
 beatam uitam in Phalaridis taurum descensuram.
 sint enim tria genera bonorum: (ut iam a laqueis
 Stoicorum, quibus usum me pluribus, quam soleo,
 intelligo, recedamus) sint sane illa genera bono-
 rum; dum corporis, & externa iaceant humi, &
 & tantummodo, quia sumenda sunt, appellentur
 bona: alia autem diuina illa longe lateq. se pandant,
 caelumq. contingant; ut, ea qui adeptus sit, cur eum
 beatum modo, & non beatissimum etiam dixerim?
 dolorem uero sapiens extimescet? is enim huic maxi-
 mae sententiae repugnat. nam contra mortem no-
 stram, atque nostrorum, contraq. aegritudinem, et
 reliquas animi perturbationes satis esse uidemur su-
 periorum dierum disputationibus armati, & para-
 ti. dolor esse uidetur acerrimus uirtuti aduersarius.
 is ardetes faces intentat: is fortitudinem, magnitu-
 dinem animi, patientiam se debellaturum minatur.
 huic igitur succumbet uirtus? huic beata sapientis,
 & constantis uiri uita cedit? quam turpe, o dī bo-
 ni -

ni. pueri Spartiatae non ingemiscunt, uerborum dolore laniati. adolescentium greges Lacedaemone uidimus ipsi incredibili contentione certantes pugnis, calcibus, unguibus, morsu, denique ut exanimarentur, priusquam se uictos faterentur. quae barbaria India uastior, aut agrestior? in ea tamen gente primum ii, qui sapientes habentur, nudi aetatem agunt, et Caucasi nives, hiemalemq. uim perferunt sine dolore; cumq. ad flammam se applicuerint, sine gemitu aduruntur. mulieres uero in India, cum est cuiusque earum uir mortuus, in certamen, iudiciumq. ueniunt, quam plurimum ille dilexerit: plures enim singulis solent esse nuptae. quae est uictrix, ea laeta, prosequentibus suis, una cum uiro in rogam imponitur: illa uicta, maesta discedit. numquam naturam mos uinceret: est enim ea semper inuicta. sed nos umbris, delicijs, otio, languore, desidia animum infecimus, opinionibus, maloq. more delentum molliuimus. Aegyptiorum morem quis ignorat? quorum imbutae mentes prauitatis erroribus, quamuis carnificinam prius subierint, quam ibim, aut aspidem, aut selem, aut canem, aut crocodilum uiolent; quorum etiam si imprudentes quippiam fecerint, poenam nullam recusent. De hominibus loquor: quid bestiae? non ne frigus, non famem, non montinagos, atque siluestres cursus, lustrationesq. patiuntur? non ne pro suo partu ita propugnant, ut uulnera excipiant? nullos impetus, nullos ictus reformident? Omitto, quae perferant, quaeq. patiantur

Hat. 1.
21.

sur ambitiosi honoris caussa; laudis studiosi, gloriae
 caussa; amore incensi, cupiditatis. Plena uita exem-
 = plorum est: sed adhibeat oratio modum, & redeat *illuc*
 illud, unde deflexit. Dabit, dabit, inquam, se in
 tormenta uita beata; nec, iustitiam, temperantiam,
 in primisq. fortitudinem, magnitudinem animi, pa-
 tientiam prosecuta, cum tortoris os uiderit, consi-
 stet; uirtutibusq. omnibus sine ullo animi terrore ad
 cruciatum profectis, resistet extra fores, ut ante di-
 xi, limenq. carceris. quid enim ea foedius, quid de-
 formius sola relictæ, comitatu pulcherrimo segrega-
 ta? quod tamen fieri nullo pacto potest. nec enim
 uirtutes sine beata uita cohaerere possunt, nec illa
 sine uirtutibus. itaque eam tergiuersari non sinent,
 secumq. rapiunt ad quemcumque ipsae dolorem, cru-
 ciatumq. ducentur. sapientis est enim proprium, ni-
 hil, quod paenitere possit, facere, nihil inuitum; *quod poe-
nitere.*
 splendide, constanter, grauitate, honeste omnia;
 nihil ita expectare, quasi certo futurum; nihil, cum
 acciderit, admirari, ut inopinatum, ac nouum acci-
 disse uideatur; omnia ad suum arbitrium referre;
 suis stare iudicijs. quo quid sit beatius, mihi certe in-
 mentem uenire non potest. Stoicorum quidem faci-
 lis conclusio est. qui cum finem bonorum esse senser-
 rint, congruere naturae, cumq. ea conuenienter ui-
 uere: cum id sit in sapiente situm non officio solum,
 uerum etiam potestate; sequatur, necesse est, ut,
 cuius in potestate summum bonum, in eiusdem uita
 beata sit. ita fit semper uita beata sapientis. Ha-
 bes,

T. V. S. C. D I S P U T.

bes, quæ fortissime de beata uita dici putem, & quo modo nunc est, nisi quid tu melius attuleris, etiam uerissime. A. Melius quidem afferre nihil possum: sed a te impetrare libenter uelim, nisi molestum sit, quoniam te nulla uincula impediunt ullius certae disciplinae, libasq. ex omnibus quodcunque te maxime specie ueritatis mouet; quod paullo ante Peripateticos, ueteremq. Academiam hortari uidebare, ut sine retractatione libere dicere audent, sapientes esse semper beatissimos, id uelim audire quemadmodum his putes consentaneum esse id dicere. multa enim a te contra istam sententiam dicta sunt, & Stoicorum ratione conclusa. M. Vt amur igitur libertate: qua nobis solis in philosophia licet uti; quorum oratio nihil ipsa iudicat, sed habetur in omnes partes, ut ab alijs possit ipsa per sese, nullius auctoritate adiuncta, iudicari. et quoniam uideris hoc uelle, ut, quaecunque dissentientium philosophorum sententia de finibus sit, tamen uirtus satis habeat ad uitam beatam praesidij: quod quidem Carneadem disputare solitum accepimus: sed is, ut contra Stoicos, quos studiosissime semper refellebat, & contra quorum disciplinam ingenium eius exarserat: nos illud quidem cum pace agemus: si enim Stoici fines bonorum recte posuerunt; confecta res est; necesse est semper beatum esse sapientem: sed quaeramus unamquamque reliquorum sententiam, si fieri potest, ut hoc praeclarum quasi decretum beatae uitae possit omnium sententijs, & disciplinis

sciplinis conuenire. sunt autem hae de finibus, ut opinor, retentae, defensaeque sententiae: primum simplices quattuor; nihil bonum, nisi honestum, ut Stoici; nihil bonum, nisi uoluptatem, ut Epicurus; nihil bonum, nisi uacuitatem doloris, ut Hieronymus; nihil bonum, nisi naturae primis bonis, aut omnibus, aut maximis, frui, ut Carneades contra Stoicos differebat. haec igitur simplicia, illa mixta: tria genera bonorum, maxima animi, secunda corporis, externa tertia, ut Peripatetici, nec multo ueteres Academici secus. uoluptatem cum honestate Clitomachus, & Callipho copulauit. indolentiam autem honestati Peripateticus Diodorus adiunxit. hae sunt sententiae, quae stabilitatis aliquid habeant. nam Aristonis, Pyrrhonis, Herilli, non nullorumque aliorum euauerunt. hi quid possint obtinere, uideamus, ommissis Stoicis: quorum satis uideor defendisse sententiam. Et Peripateticorum quidem explicata causa est, praeter Theophrastum, et si qui, illum secuti, imbecillius horrent dolorem, & reformidant. reliquis quidem licet fecere, quod fere faciunt, ut grauitatem, dignitatemque uirtutis exaggerent. quam cum ad caelum extulerint, quod facere eloquentes homines copiose solent; reliqua ex collatione facile est conterere, atque contemnere. nec enim licet ijs, qui laudem cum dolore petendam esse dicunt, negare eos esse beatos, qui illam adepti sunt. quamquam enim sint in quibusdam malis; tamen hoc nomen beati longe & late patet. nam ut quae stuosa
merca-

TVSC. DISPVT.

mercatura, fructuosa aratio dicitur, non si altera
semper omni damno, altera omnis tempestatis cala-
mitate semper uacet, sed si multo maiori ex parte
extet in utraque felicitas: sic uita, non solum si un-
dique referta bonis est, sed si multo maiore, & gra-
uiore ex parte bona propendent, beata recte dici po-
test. Sequetur igitur, horum ratione, uel ad suppli-
cium beata uita uirtutem, cumq. ea descendet in tau-
rum, Aristotele, Xenocrate, Spensippo, Polemo-
ne auctoribus, nec eam minimis blandimentis cor-
rupta deseret. Eadem Calliphontis erit, Diodoriq.
sententia: quorum uterque honestatem sic comple-
ctitur, ut omnia, quae sine ea sint, longe, & retro
ponenda censeat. Reliqui habere se uidentur angu-
stius, enatant tamen, Epicurus, Hieronymus, &
si qui sunt, qui disertum illum Carneadem curent
defendere. nemo est enim, qui eorum bonorum ani-
mum putet esse iudicem, eumq. condocerit, ut
ea, quae bona, mala ne uideantur, possit contemne-
re. nam quae tibi Epicuri uidetur, eadem erit Hie-
ronymi, & Carneadis causa, & hercle omnium re-
liquorum. quis enim parum est contra mortem, aut
dolorem paratus? ordiamur ab eo, si placet, quem
mollem, quem uoluptarium dicimus. quid? is tibi
mortem ne uidetur, an dolorem timere, qui eum
diem, quo moritur, beatum appellat; maximisq.
doloribus affectus, eos ipsas inuentarum suorum me-
moriam, & recordatione confutat, nec hoc sic agit,
ut ex tempore quasi effutire uideatur? de morte
enim

enim ita sentit, ut, dissoluto animante, sensum extinctum putet; quod autem sensu careat, nihil ad nos id iudicet pertinere. Item de dolore certa habet, quae sequatur: quorum magnitudinem breuitate consolatur, longinquitatem leuitate. Quid tandem? isti grandiloqui contra haec duo, quae maxime angunt, melius se habent, quam Epicurus? an ad cetera, quae mala putantur, non & Epicurus, & reliqui philosophi satis parati uidentur? quis non paupertatem extimescit? neque tamen quisquam philosophorum. hic uero ipse quam paruo est contentus? nemo de tenui uictu plura dixit. etenim, quae res pecuniae cupiditatem asserunt, ut amor, ut ambitioni, ut quotidianis sumptibus copiae suppetant; cum procul ab ijs omnibus rebus absit, cur pecuniam magnopere desideret, uel potius curet omnino? an Scythes Anacharsis potuit pro nihilo pecuniam ducere, nostrates philosophi facere non potuerunt? illius epistola fertur his uerbis. Anacharsius Hannoni salutem. Mihi amictus est Scythicum tegmen, calciamentum solorum callum, cubile terra, pulpamentum fames: lacte, caseo, carne uescor. quare tu ad quietum me licet: munera autem ista quibus es delectatus, uel ciuibus tuis, uel dijs immortalibus dona. Omnes fere philosophi omnium disciplinarum, nisi quos a recta ratione natura uitiiosa detorsisset, hoc eodem animo esse potuerunt. Socrates, in pompa cum magna uis auri argentiq. ferretur, quam multa non desidero, inquit. Xenocrates,

*quare tu ad
quietum
me licet
uenias.*

TVSC. DISPV.

crates, cum legati ab Alexandro quinquaginta ei talenta attulissent, quae erat pecunia temporibus illis, Athenis praesertim, maxima; adduxit legatos ad caenam in Academiam; ijs apposuit tantum, quod satis esset, nullo apparatu. cum postridie rogarent eum, cui numerari iuberet; quid? uos hesternae, inquit, caenula non intellexistis, me pecunia non egere? quos cum tristiores uidisset, triginta minas accepit; ne aspernari regis liberalitatem videretur. At uero Diogenes liberius, ut Cynicus, Alexandro roganti, ut diceret, si quid sibi opus esset, nunc quidem paullulum, inquit, a sole absis. offecerat uidelicet apricanti. & hic quidem disputare solebat, quanto regem Persarum uita, fortunaq. superaret: sibi nihil deesse, illi nihil satis umquam fore: se eius uoluptates non desiderare, quibus numquam satiari ille posset; suas eum consequi nullo modo posse. Vides, credo, ut Epicurus cupiditatum genera diuiserit, non nimis fortasse subtiliter, utiliter tamen; partim esse naturales, & necessarias; partim naturales, & non necessarias; partim neutrum: necessarias satiari posse paene nihilo: diuitias enim naturae parabiles esse. Secundum autem genus cupiditatum nec ad potendum difficile censet, nec uero ad carendum. Tertias, quod essent plane inanes, neque necessitatem modo, sed ne naturam quidem attingerent, funditus eijciendas putauit. Hoc loco multa ab Epicureis disputantur, haecq. uoluptates sigillatim extenuantur: quarum

quarum genera non contemnunt, quaerunt tamen
copiam, nam & obscenas uoluptates, de quibus
multa ab illis habetur oratio, faciles, communes,
in medio sitas esse dicunt; easq. si natura requirat,
non genere, aut loco, aut ordine, sed forma, aeta-
te, figura metiendas putant; ab ijsq. abstinere mi-
nime esse difficile, si aut ualetudo, aut officium,
aut fama postulet; omninoq. genus hoc uolupta-
tum optabile esse, si non obsit, prodesse numquam.
Totumq. hoc de uoluptate sic ille praecepit, ut uolu-
ptatem ipsam per se, quia uoluptas sit, semper
optandam, expetendamq. putet; eademq. ratione
dolorem ob id ipsum, quia dolor sit, semper esse
fugiendum: itaque hac usurum compensatione sa-
pientem, ut uoluptatem fugiat, si ea maiorem
dolorem effectura sit; & dolorem suscipiat, maio-
rem efficientem uoluptatem: omniaq. iucunda,
quamquam sensu corporis iudicentur, ad animum
referri tamen: quocirca corpus gaudere tam diu,
dum praesentē sentiret uoluptatem; animum et prae-
sentem percipere pariter cum corpore, & prospi-
cere uenientem, nec praeteritam praeterfluere sine-
re: ita perpetuas, & contextas uoluptates in sa-
piente fore semper, cum expectationi speratarum
perceptorum memoria iungeretur. Atque ijs simi-
lia ad uictum etiam transferuntur; extenuanturq.
magnificentia, & sumptus epularum, quod par-
uo cultu natura contenta sit. etenim quis hoc non
uidet, desiderijs ista condiri omnia? Darius in su-

x n ga,

ga, cum aquam turbidam, & cādaue-
ribus inquit-
natam bibisset, negauit umquam se bibisse incun-
dius. numquam uidelicet sitiens biberat. nec esu-
riens Ptolemæus cderat. cui cum peragranti Aegy-
ptum, comitibus non consecutis, cibarius in casa
panis datus esset; nihil uisum est illo pane incun-
dius. Sacratem ferunt, cum usque ad uesperum con-
tentius ambularet; quaesitumq. esset ex eo, quare
id faceret; respondisse, se, quo melius cenaret,
obsonare ambulando famem. quid? uictum Lace-
daemoniorum in Phiditijs non ne uidemus? ubi cum
tyrannus cenauisset Dionysius, negauit se iure illo
nigro, quod cenae caput erat, delectatum. tum is,
qui illa coxerat, minime mirum, inquit: condimen-
ta enim defuerunt. quae tandem, inquit ille? labor
in uenatu, sudor, cursus ab Eurota, fames, sitis.
his enim rebus Lacedaemoniorum epulae condiun-
tur. Atque hoc non ex hominum more solum, sed
etiam ex bestijs intelligi potest, quae, ut quidquid
obiectum est, quod modo a natura non sit alienum,
eo contentae non quaerunt amplius. Ciuitates quae-
dam uniuersae, more ductae, parsimonia delectan-
tur, ut de Lacedaemonijs paullo ante diximus. Per-
farum a Xenophonte uictus exponitur: quos negat
ad panem adhibere quidquam, praeter nasturtium.
quamquam, si quaedam etiam suauiora natura de-
sideret, quam multa ex terra, arboribusq. gignuntur
eum copia facili, tum suauitate praestantia? adde-
siccitatem, quae consequitur hanc continentiam in
uictu:

uictu : adde integritatem uoletudinis . confer sudan-
tes , ruētantes , refertos epulis , tamquam opimos
boues : tum intelliges , qui uoluptatem maxime se-
quantur , eos minime consequi , iucunditatemq. ui-
ctus esse in desiderio , non in satietate . Timotheum ,
clarum hominem Athenis , & principem ciuitatis ,
ferunt , cum cenauisset apud Platonem , eoq. conui-
uium admodum delectatus esset , uidissetq. eum po-
stridie , dixisse , uestrae quidem cenae non solum in
praesentia , sed etiam postero die iucundae sunt . Quid ,
quod ne mente quidem recte uti possumus , multo
cibo , & potione completi ? est praeclara epistola
Platonis ad Dionis propinquos ; in qua scriptum est
his fere uerbis . Quo cum uenissem , uita illa bea-
ta , quae ferebatur , plena Italicarum , Syracusana-
rumq. mensarum , nullo modo mihi placuit ; bis in
die saturum fieri , nec umquam pernoctare solum ,
ceteraque , quae comitantur huic uitae , in qua sapiēs
nemo efficitur umquam , moderatus uero multo mi-
nus . Quae enim natura tam mirabiliter tempera-
ri potest ? quo modo igitur iucunda uita potest esse ,
a qua absit prudentia ? absit moderatio ? ex qua
Sardanapali , opulentissimi Syriae regis , error agno-
scitur , qui incidi iussit in busto :

Haec habeo , quae edi , quaeq. exsaturata libido

Hausit : at illa iacent multa , & praeclara , relictā .
quid aliud , inquit Aristoteles , in bonis , non in re-
gis sepulcro inscriberes ? haec habere se mortuum
dicit , quae ne uiuus quidem diutius habebat , quam

nn 2 fruebatur.

fruebatur. Cur igitur diuitiae desiderentur? aut ubi
 paupertas beatos esse non sinit? signis, credo, ta-
 bulis, ludis. si quis est, qui his delectetur; non ne
 melius tenues homines fruuntur, quam illi, qui his
 abundant? est enim earum omnium rerum nostra
 in urbe summa in publico copia. quae qui priuati
 habent, nec tam multa & raro uident, cum in sua
 rura uenerint, quos tamen pungit aliquid, cum, il-
 la uide habeant, recordantur. Dies deficiet, si ue-
 lim paupertatis causam defendere. aperta enim
 res est; & quotidie nos ipsa natura admonet,
 quam paucis, quam paruis rebus egeat, quam uili-
 bus. Num igitur ignobilitas, aut humilitas, aut
 etiam popularis offensio sapientem beatum esse pro-
 hibebit? uide, ne plus commendatio in uulgus, &
 haec, quae expetitur, gloria molestiae habeat, quam
 uoluptatis. Leuiculus sane noster Demosthenes,
 qui illo susurro delectari se dicebat aquam feren-
 tis mulierculae, ut mos in Graecia est, insusurrant-
 isq. alteri, hic est ille Demosthenes. quid hoc le-
 uis? at quantus orator? sed apud alios loqui uide-
 licet didicerat, non multum ipse secum. Intelligen-
 dum est igitur, nec gloriam popularem ipsam per
 se expetendam, nec ignobilitatem exilimescendam.
 Veni, inquit, Athenas, Democritus; neque me
 quisquam ibi agnouit. constantem hominem, &
 grauem, qui gloriatur a gloria abfuisse. Antibi-
 cines, ijque, qui fidibus utuntur, suo, non multitu-
 dinis arbitrio cantus numerosq. moderantur; uir sa-
 piens,

piens, multo arte maiore praeditus, non quid ueris-
simum sit, sed quid uelit uulgus, exquiret? an
quidquam stultius, quam, quos singulos sicut ope-
rarios, barbarosque contemnas, eos aliquid putare
esse uniuersos? ille uero nostras ambitiones, leui-
tatesque contemnet, honoresque populi, etiam ultro
delatos repudiabit: nos autem eos nescimus, an-
te quam poenitere coepit, contemnere. Est apud He-
raclitum physicum de principe Ephesiorum Hermo-
doro: uniuersos ait Ephesios esse morte multandos,
quod, cum ciuitate expellerent Hermodorum, ita
locuti sunt: Nemo de nobis unus excellat; sed, si
quis extiterit, alio in loco, & apud alios sit. An
hoc non ita sit omni in populo? non ne omnem exu-
perantiam uirtutis oderunt? Quid? Aristides (ma-
lo enim Graecorum, quam nostra, proferre) non
ne ob eam causam expulsus est patria, quod prae-
ter modum iustus esset? Quantis igitur molestiis ua-
cant, qui nihil omnino cum populo contrahunt?
quid est enim dulcius otio litterato? uis, dico, litte-
ris, quibus infinitatem rerum, atque naturae, &
in hoc ipso mundo caelum, terras, maria cognosci-
mus. Contempto igitur honore, contempta etiam
pecunia, quid relinquitur, quod extimescendum sit?
exilium, credo: quod in maximis malis ducitur. id
si propter alienam, & offensam populi uolunta-
tem malum est: quam sit ea contemnenda, paullo
ante dictum est. sin abesse a patria miserum est: ple-
nae miserorum provinciae sunt: ex quibus admo-

nn 3 dum

*Paradox-
us.*

aum pauci in patriam reuertuntur . At multantur
 bonis exules : quid tum ? parum ne multa de toleran-
 da paupertate dicuntur ? Iam uero , exilium , si re-
 rum naturam , non ignominiam nominis , quaeri-
 mus ; quantum demum a perpetua peregrinatione
 differt ? in qua aetates suas philosophi nobilissimi
 consumpserunt , Xenocrates , Crantor , Arcesilas ,
 Lacides , Aristoteles , Theophrastus , Zeno , Clean-
 thes , Chrysippus , Antipater , Carneades , Panae-
 tius , Clitomachus , Philo , Antiochus , Posido-
 nius , innumerebiles alij : qui , semel egressi , num-
 quam domum reuere . At enim non sine ignomi-
 nia afficere poterit sapientem . de sapiente enim
 est haec omnis oratio , cui iure id accidere non possit :
 nam iure exultantem consolari non oportet . Po-
 strenno , ad omnes casus facillima ratio est eorum , qui
 ad uoluptatem ea referunt , quae sequuntur in uita ,
 ut , quocumque haec loco suppeditent , ibi beate
 queant uiuere . itaque ad omnem rationem Teu-
 eri uox accommodari potest ;

Patria est , ubicumque est bene .

Socretes quidem cum rogaretur , cuiatem se esse di-
 ceret , mundanam inquit . totius enim mundi se in-
 colam , & ciuem arbitrabatur . quid T . Albutius ?
 non ne animo aequissimo Athenis exul philosopha-
 batur ? cui tamen illud ipsum non accidisset , si in rep .
 quiescens , Epicuri legibus paruisset . qui enim bea-
 tior Epicurus , quod in patria uiuebat , quam Me-
 trodorus , quod Athenis ? aut Plato Xenocratem

uin-

vincebat, aut Polemo Arcesilam, quo esset be-
tior? quanti uero ista ciuitas aestimanda, ex qua
boni sapientesq. pelluntur? Damaratus quidem
Tarquinij, regis nostri, pater, tyrannum Cypsel-
lum quod ferre non poterat, fugit Tarquinos Co-
rintho, & ibi suas fortunas constituit, ac liberos
procreauit. num stulte anteposuit exilij libertatem
domesticae seruituti? Iam uero motus animi, solici-
tudines, aegritudinesq. obliuione lentuntur, tradu-
ctis animis ad uoluptatem, non sine causa igitur E-
picurus ausus est dicere, semper in pluribus bonis es-
se sapientem, quia semper sit in uoluptatibus: ex quo
effici putat ille, quod quacrimus, ut sapiens sem-
per beatus sit. etiam ne, si sensibus carebit oculo-
rum, si aurium? etiam: nam ista ipsa contemnit:
primum enim, horribilis ista caecitas quibus tan-
dem caret uoluptatibus? cum quidam etiam dispu-
tent, ceteras uoluptates in ipsis habitare sensibus;
quae autem aspectu percipiantur, ea non uersari in
oculorum ulla iucunditate; ut ea, quae gustemus;
olfaciamus, tractemus, audiamus in ea ipsa, ubi
sentimus, parte uersentur. in oculis tale nihil sit.
animus accipit, quae uidemus. animo autem multis
modis, uarijsq. delectari licet, etiam si non adhi-
beatur aspectus. loquor autem de docto homine,
& erudito, cui uiuere est cogitare. sapientis enim
cogitatio non serme ad inuestigandum adhibet ocu-
los aduocatos. etenim si nox non adimit uitam bea-
tam, cur dies nocti similis adimat? nam illud An-

tipatri Cyrenaici est quidem paullo obscenius, sed non absurda sententia est: cuius caecitatem cum mulierculae lamentarentur, quid agitis, inquit? an uobis nulla uidetur uoluptas esse nocturna? Appium quidem, ueterem illum, qui caecus annos multos fuit, & ex magistratibus, & ex rebus gestis intelligimus, in illo suo casu nec priuato, nec publico muneris defuisse. C. autem Drusi domum compleri consultoribus solitam accepimus; cum, quorum res esset, sua ipsi non uidebant, caecum adhibebant duces. pueris nobis, Cn. Aufidius, praetorius, & in senatu sententiam dicebat, nec amicis deliberantibus deerat, & Graecam scribebat historiam, & uidebat in litteris. Diodotus Stoicus caecus multos annos nostrae domi uixit. is uero, quod credibile uix esset, cum in philosophia multo etiam magis assidue, quam antea, uersaretur; & cum fidibus, Pythagoreorum more, uteretur; cumq. ei libri noctes & dies legerentur; quibus in studiis oculis non egebat; tamen, quod sine oculis fieri posse uix uidetur, geometriae munus tuebatur, uerbis praeci- piens discipulis, unde, quo, quamq. lineam scriberent. Asclepiadem ferunt, non ignobilem Eretricum philosophum, cum quidam quaereret, quid ei caecitas attulisset, respondisse, ut puero uno esset comitator. ut enim uel summa paupertas tolerabilis sit, si libeat, quod quibusdā Graecis, quotidie: sic caecitas ferri facile possit, si non desint subsidia ad ualitudinem. Democritus, luminibus amissis, alba scili-

Hal: 5.

scilicet, & atra discernere non poterat; at uero bona, mala; aequa, iniqua; honesta, turpia; utilia, inutilia; magna, parua poterat: & sine uarietate colorum licebat uiuere beate, sine notione rerum nō licebat. atque is uir impediri animi etiam aciem aspectu oculorum arbitrabatur: & cum alij saepe, quod esset antea pedes, non uiderent; ille infinitatem omnem peregrinabatur, ut nulla in extremitate consisteret. Traditum est etiam, Homerum caecum fuisse. at eius picturam, non poesim, uidemus. quae regio, quae ora, qui locus Graeciae, quae species formae, quae pugna, quae acies, quod remigium, qui motus hominum, qui ferarum non ita expictus est, ut, quae ipse non uiderit, nos ut uideremus effecerit? quid ergo aut Homero ad delectationem animi, ac uoluptatem, aut cuiquam docto defuisse umquam arbitramur? aut, ni ita se res haberet, Anaxagoras, aut hic ipse Democritus agros, & patrimonia sua reliquissent, huic discendi, quae rediq. diuinae delectationi toto se animo dedidissent? itaque augurem Tyresiam, quem sapientem fingunt poetae, numquam inducunt deplorantem caecitatem suam: at uero Polyphemum Homerus, cum immanem, ferumq. finxisset, cum ariete etiam colloquentem facit, eiusq. laudare fortunas, quod, qua uellet, ingredi posset, & quae uellet, attingere. recte hic quidem: nibilo enim erat ipse Cyclops, quam aries ille, prudentior. In surditate uero quidnam est mali? erat surdaster M. Crassus:

sus : sed aliud molestius , quod male audiebat , etiam si , ut mihi uidebatur , iniuria . Epicurei nostri graece fari nesciunt , nec Graeci latine : ergo hi in illorum & illi in horum sermone surdi : omnesq. id nos in ijs linguis , quas non intelligimus , quae sunt innumera- biles , surdi profecto sumus . At uocem citharoe- di non audiunt : ne stridorem quidē ferrae tum , cum acuitur ; aut grunitum , cum iugulatur sus ; nec , cum quiescere uolunt , frenitum murmurantis ma- ris . & , si cantus eos forte delectant , primum co- gitare debent , ante quam hi sint inuenti , multos beate uixisse sapientes ; deinde , multo maiorem percipi posse legendis his , quam audiendis , uolupta- tem . tum , ut paullo ante caecos ad aurium traduce- bamus uoluptatem , sic licet surdos ad oculorum . etenim , qui secum loqui poterit , sermonem alterius non requireret . Congerantur in unum omnia ; ut idem oculis , & auribus captus sit , prematur etiam do- loribus acerrimis corporis : qui primum per se ipsi plerumque conficiunt hominem : si forte longinqui- tate producti , uehementius tamen torquent , quam ut causa sit cur ferantur ; quid est tandem , dii bo- ni , quod laboremus ? portus enim praeslo est ; quo- niam mors ibidem est , aeternum nihil sentienti re- ceptaculum . Theodorus Lysimacho , mortem min- tanti , magnum uero , inquit , effecisti , si Canthari- dis uim consecutus es . Paullus Persae deprecanti ne in triumpho duceretur , in tua id , inquit , potestate est . Multa primo die , cum de ipsa morte quaerere-

mus

mus; non pauca etiam postero, cum ageretur de dolore, sunt dicta de morte: quae qui recordetur, haud sane periculum est, ne non mortem aut optandam, aut certe non timendam putet. mihi quidem in uita, seruanda uidetur illa lex, quae in Graecorum conuiuijs obtinetur: Aut bibat, inquit, aut abeat. & recte. aut enim fruatur aliquis pariter cum alijs uoluptate potandi; aut, ne sobrius in uiolentiam uiolentorum incidat, ante discedat. sic iniurias fortunae, quas ferre nequeas, defugiendo relinquo. Haec eadem, quae Epicurus, totidem uerbis dicit et Hieronymus. quod si ijs philosophis, quorum ea sententia est, ut uirtus per se ipsa nihil ualeat; omne, quod honestum nos, & laudabile esse dicimus, id illi cassum quiddam, & inanis uocis sono decoratum esse dicant; & tamen semper beatum esse censent sapientem: quid tandem a Socrate, & Platone, perfectisq. philosophis faciendum putet? quorum alij tantam praestantiam in bonis animi esse dicunt, ut ab his corporis, & externa obscurentur: alij autem haec ne bona quidem ducunt, in animo reponunt omnia. Quorum controuersiam solebat, tamquam honorarius arbiter, iudicare Carneades. nam cum, quaecumque bona Peripateticis, eadem Stoici commoda uiderentur; neque tamen Peripatetici plus tribuerent diuitijs, bonae uoletudini, ceterisq. rebus generis eiusdem, quam Stoici, cum ea re, non uerbis, ponderarentur; causam esse dissidendi negant. Quare, hunc locum ceterarum disciplina-

T V S C . DISPUT.

sciplinarum philosophi quemadmodum obtinere possint, ipsi uiderint: nihil tamen gratum est, quod de sapientium perpetua bene uiuendi facilitate dignum quiddam philosophorum uoce profitentur. Sed quoniam mane est eundem, has quinque dierum disputationes memoria comprehendamus: equidem me etiam conscripturum arbitror. ubi enim melius uti possumus hoc, cuiusmodi est, otio? ad Brutumque nostrum hos libros alteros quinque mittemus: a quo non modo impulsus sumus ad philosophicas scriptiones, uerum etiam laceffiti. in quo quantum ceteris profuturi sumus, non facile dixerimus: nostris quidem acerbissimis doloribus, uarijsque, & undique circumfusus molestijs alia nulla putuit inueniri leuatio.

SCHO-

SCHOLIA PAVLI MANVTII
IN PRIMAM CICERONIS
PHILOSOPHIAE PARTEM

Pagina 5. Acad.

ABSENS factus aedilis, continuo praetor (licebat enim celerius legis praemio)]
Aedilitatem praetura biennio post consequabatur:
quod saepe iam, & opinor, primi olim docuimus.
Lucullus autem, Syllanarum partium adiutor, cum
aedilis fuisset, continuo praetor factus est, beneficio
legis, ut opinor, a Sylla dictatore latae, ut ijs, qui
partes eius in civili bello secuti essent, honores ante
tempus capere liceret, nam apud Appianum lib. 1.
scriptum est, lege Syllae cautum, ne quis, ommissa
praetura, consul fieri posset, quod Cicero etiam si-
gnificat vi. in Antonium, his uerbis: Vopiscus ex
aedilitate consulatum petit: solvatur legibus. Veri-
simile autem, additum in ea lege de magistratuum in-
teruallo, sed exceptos esse eos, quorum opera in bel-
lo usus esset. itaque praemium legis hic appellat Ci-
cero. Quod autem ait, Licebat, non ideo abroga-
tam postea legem Syllae significat, (nam, eam ua-
lere, locus ex xi. Philippica proxime recitatus
indicat) sed neminem iam uti eius legis beneficio:
cum ij, qui pro Sylla contra Marium pugnaverant, aut
honores, ipso uiuente Sylla, iam cepissent, aut ui-
ta excessissent, aut certe ita senes essent, ut de pe-
tenda aedilitate, aut praetura minime cogitarent.

contra

Contra omnes dicere, qui scire sibi uidentur, solemus,] Academici, percipi nihil posse, dicebant, praeter unum illud, nihil posse percipi. in hac autem haeresi Cicero cum esset; non erat, cur alios a se dissentire moleste ferret. id enim ab ijs solet fieri, qui scire sibi uidentur: contra quos Academici solent dicere. Sunt, qui legant, Contra omnes dicere quae uidentur: quos secuti non sumus. non enim contra omnes dicere, quae uidebantur, soli Academici solebant; quod commune omnium erat; sed contra omnes, qui scire sibi uidebantur; quod proprium erat Academicorum, negantium quidquam sciri, & affirmari posse.

7:

Iudicauerunt: aut,] Locus, meo iudicio, deprauatus. liber doctissimi uiri, Caroli Sigonij, Iudicare aut. ego uellem, Indicare: ita. Sententia uero sanequam apta efficitur. Cum liceret, inquit, eis, ante quam iudicarent, audire omnia, reliquorumque doctrinam nosse; tamen, re semel audita, ad unius se auctoritatem contulerunt. ut igitur potuerunt, si aliorum sententias nossent, iudicare quid optimum esset: ita, cum eas neglexerint, seq. ad unius auctoritatem contulerint, rudes, & indocti iudicare non possunt. Hoc eo pluribus uerbis explanandum putavi, ne quis correctionem nostram posthac in dubium uocaret.

Nec

10.

Nec uero esse ullam rationem] Nec uerum esse, habent, praeter nostrum, impressi omnes libri. ego ex uetusto libro Bernardini Maffei, iuuenis admodum eruditi, & ex sententia emendaui, Nec uero. nam, *Kerum*, si legas; duae illae uoces, Vllam rationem, neque cum sequenti uerbo, Disputare, neque cum praecedenti, Esse, cohaerebunt.

10:

A patre Catulo,] uideo Ciceronem ita locutum, Seruilius pater, Curio pater, Quintus pater, sed de uiniis. itaque mihi magis placet, A patre Catuli, ut est in antiquo libro. supra enim dixit: Quae heri Catulus commemorauit, a patre suo dicta Philoni.

12:

Cur has igitur sibi tam graues leges imposuerint] non uideo, cur uerbum, igitur, quidam inculcauerint: quod neque habent libri scripti, quos quidem ego uiderim, & abundare, sensus ostendit.

13.

Sapientiq. satis sit, non esse falsum,] ipsa indicat sententia, quod ueteris libri confirmat auctoritas, legendum, Sapientiq. satis non sit, non esse falsum: ut hoc dicam: sapienti satis non est, non esse falsa decreta, sed stabilia quoque, fixa, rata debent esse.

13:

Antipatro, hoc idem postulanti, cum diceret

SCHOLIA IN PARTEM I.

ceret, ei qui affirmaret nihil posse percipi, consentaneum esse, unum tamen illud, dicere, percipi posse, ut alia non possent, Carneades acutius resistebat.] Quid sibi uelint haec uerba, nemo non uidet: quorum antea sententia uideri poterat obscurior, cum pro, Ei qui affirmaret, legeretur, Eiq. affirmaret. quo ex loco, unius litterae mutatione, mendam sustulimus, idq. ex coniectura.

24.

Aliqua sic recondit: e quibus memoria oritur] Non nihil desideratur, ac fortasse tale quippiam, Ut postea: ut ita legatur: alia uisa sic arripit, ut his statim utatur; alia sic recondit, ut postea: e quibus memoria oritur. & dictio, Postea, referatur ad uerbum, utatur. nisi si quis ita malit legere, alia sibi recondit, e quibus memoria oritur: sibi, id est ad usum suum.

15.

Cum dicunt hoc se unum tollere, ut quidquam uerum possit ita uideri, ut non eodem modo falsum etiam possit ita uideri;] addidi, Verum, ex antiquo libro, sententia comprobante.

15:

Cum sit incertum, uere, inaniter ne animus moueatur?] in uulgatis libris, Animus, desiderabatur: ego addidi, secutus, praeter antiquum librum, ipsam sententiam, ipsumq. Cicero-

nem,

nem, qui non ita multo post, Conantur, inquit, ostendere, multa posse uideri esse, quae omnino nulla sunt; cum animi inaniter moueantur rebus ijs, quae nullae sint, ut ijs, quae sint.

17.

Eorum, quae uideantur, alia uera esse, alia falsa:] Sic opinor, melius, quam antea, Aliud uerum esse, aliud falsum. probat antiquus liber: confirmat ipse Cicero, qui proxime supra, Eorum, inquit, quae uidentur, alia uera sunt, alia falsa.

17:

Illa uera, & firma, & certa esse, quae putentur;] Aptius ad sententiam uisum est, Putentur, quam, ut antea, Tutentur. ut dicat, illa uera esse, quae uideantur: contra sententiam Academicorum, qui, nihilo magis uera illa esse, quam falsa, clamabant. quod proxime sequentibus uerbis ostenditur.

17:

Quid enim dicere habeant, cur illa uera definitio sit?] Alij: Quid enim dicere habeant? pro, nec enim negare possunt. quod mihi non plane satisfacit. quiddam enim curtum in his uerbis aures meae sentiunt: nec Ciceroni propositum id uidetur magis, illam Academicorum definitionem transferri quamlibet in aliam rem posse; quam hoc, uel definitionem illam ueram non esse, quia transferri possit in alias res, uel, si transferri non possit, id esse uerum, percipi. posse, quod ea definitione ex-

oo

plicetur.

SCHOLIA IN PARTEM I.

plicetur. quod omnino ab Academicis negatur. Videant igitur eruditi homines, an rectius hoc modo legi possit: Quid nam dicere habeant, cur illa vera definitio sit?

17:

Nisa, & progressa ratio } Cum legeretur,
nisa, & progressa; coniectura ducti, Nisa, correxi
mus; ut similis, & apta translatio sit: quo modo
etiam locutus est 212: Praesto, inquit, est ratio,
quae connisa per se, & progressa longius, sit perfe-
cta uirtus.

18.

Priori posterius, posteriori superius non
iungitur] Coniunguntur, quidam legunt, non re-
cte, ut opinor, & contra Ciceronis sententiam.
dixit enim, Non iungitur, pro non respondet, non
cohaeret, non convenit. in quo, inquit, maxime
convincuntur, quod duo pro congruentibus sumunt
vehementer repugnantia. omnino & in libro scri-
pto Bernardini Maffei legitur, coniungitur, sed,
ut sensus ostendit, corrupte.

21.

Et eo quidem innumerabiles] Sunt qui legant, eo. ego hoc totum suspicor abundare. iacet enim, & otiosum est, neque ad sententiam quidquam affert, quo perfectior esse videntur.

21:

Dicere solebant.] Discernere, uetus liber :
fortasse rectius : cum sequatur, Internoscere.

Id

Id est assensionis retentio] hoc puto Cicero-
nis non esse, uerum ab aliquo, qui proximum ante-
cedens uerbum exponeret, esse additum.

24.

Carneades non numquam secundum illud
dabat, assentiri aliquando: ita sequebatur, e-
tiam opinari] Cum antea in omnibus libris lege-
retur, id assequebatur; emendauit coniectura ductus,
Ita sequebatur, eo confidentius, quod ita pro id uete-
res scribebant. Duo autem illa uerba, Assentiri,
Opinari, loco mouerem, ut alterum in alterius se-
dem migraret, & ita legeretur: Carneades non num-
quam secundum illud dabat, opinari aliquando: ita
sequebatur, etiam assentiri. De duobus enim, quod
proposuit, secundum illud erat. Numquam autem
opinabitur: de quo Carneades ita sentiebat, ut in-
terdum diceret, sapientem opinari: ita sequebatur,
& assentiri: ut appareret, Carneadem aliquem ta-
men assensum dare sapienti, quem Arcesilas peni-
tus tollebat, cum uterque esset Academicus.

26.

Videor ne tibi, non, ut Saturninus, nomi-
nare modo illustres homines, sed etiam imita-
ri numquam, nisi clarum, nisi nobilem?] quid
sibi uelit hic, Numquam, satis non intelligo. suspi-
catus aliquando sum, Quemquam, legi posse: ut hoc
Cicero dicat: Videor ne tibi quemquam imitari, nisi
clarum, nisi nobilem? non, ut Saturninus, nominare
modo illustres homines, nequaquam autem imitari.

00 2

Postea

SCHOLIA IN PARTEM I.

Postea magis placuit hoc modo: Videor ne tibi, non, ut Saturninus, nominare modo illustres homines, sed etiam imitari? num quem, nisi clarum, nisi nobilem? Quae mihi mea tum denique placebit opinio, si veterum librorum accesserit auctoritas, aut eam hominibus eruditis non displicere cognouero.

26.

Probantur? dissoluit idem. mihi quidem non uidetur: sed dissoluerit sane:] Patet sententia, quae latebat antea, ob interpuncta male collocata. sic enim erat in omnibus uulgatis libris: Quam multa ille contra sensus, quam multa contra omnia, quae in cōsuetudine probantur, dissoluit? idem mihi quidem non uidetur. Possunt haec quibusdam minuta uideri; mihi, & opinor sincere iudicantibus, non uidentur. quid enim in emendando nostra laborat. industria? si, ut sententiam assequamur: id quoquo modo succedat, laudabile est: porro quantam obscuris locis haec interpugendi ratio, a superioribus neglecta dicam, an ignorata? lucem attulerit, omnes, opinor, intelligunt, quos modo paullo elegantior doctrina delectat.

26:

Signatum, & effictum,] Reposui, effictum; ut perstet in metaphora, et cum duobus uerbis, imprimere, et signare, consentiat: quo modo item locutus est pagina 10: Visum, inquit, impressum, effictumq. ex eo unde esset.

Recte

26:

Recte consensit Arcefilas : ad definitio-
nem additum :] Si distinguatur ut antea, quis in-
telliget ? erat enim hoc modo : Recte consensit Ar-
cefilas ad definitionem additum . huius generis mul-
ta sunt a nobis emendata : quae non commemoro ;
satis ipsa re contentus .

27:

Quod ne id facere posses,] Malim, quod ne
facere posses.

27.

Lacerat ista caussa:] hoc totum suspicor ita le-
gendum : Mancant illa omnia, iaceant ista . caussa
ueraces suos sensus esse dicit: Vel, Latrat ista caussa;
cum & Lucretius liber 2. dixerit : Nonne uidetis
nil aliud sibi naturam latrare, nisi, &c.

27.

Dimittit] malim, Demittit :

29:

Quasi quisquam neget, & qui experre-
tus sit, eum somniare; &c.] Plane somniat;
qui sincerum illud putat, Eum somniare: mihi non
modo placet; uerum etiam necessarium uidetur;
addi, Non: ut sit, Eum non somniare: probat an-
tiquus liber:

31:

Quod in numero conticuiisti,] Rectius;
Quo in numero: nec ab hac sententia discrepat ue-
tus liber:

60

3

Hic,

SCHOLIA IN PARTEM I.

34.

Hic, ut placeat &c.] Recte, ut puto, et hic reposui, Hic, pro Nec, et infra proxime, Approbat, pro Approbari. sic etiam antiquus liber.

35.

Aut memoriam mihi remittas, oportet, & facile esse ei locum,] Verbum, Esse, non uideo quo spectet. quo sequor libentius antiquum librum, in quo est, Et facias esse ei locum. sic lib. 4. de Fin. 127. Argumenti ratione conclusi caput esse faciunt ea, quae perspicua dicunt. Et in libello de optimo genere orat. Plato in Phaedro Isocratem admirabiliter laudari fecit a Socrate. Et ep. 18. lib. 15. ad Cassium: Facio alias res agere. Et Virg. lib. 11. Qui nati coram me cernere letum fecisti. Et sedigitus apud Gellium lib. 15. c. 24. Nonno loco esse facile facio Lusium.

35:

Vide superiora] Hoc inducendum, ut glossema, crediderim. patet, opinor, omnibus.

37:

Liniammentum sine ulla latitudine carētem] Apparet, subesse mendum. Massci liber, lineamentum, cetera ut in impressis. mihi sic placeret, Lineam autem sine ulla latitudine currētem. punctum enim, & linea, mathematicorum initia sunt.

37:

Adiiciam iusiurandum] Adigere iusiurandum, potius dicitur, quam adycere: ut apud Caesarem lib.

VII. Om-

VII. Omnibus ad iusiurandum adactis. sine praepositione autem ea ratione dicebatur, quo modo adigere arbitrum. qua figura Cicero usus est lib. III. de Off. et in oratione pro Q. Roscio. reposui igitur, Adigam. Atque huius generis uitium ita uideo maduisse, ut ad multos praeterea ueterum libros accesserit.

38.

Consensisse primos] Fortasse, concessisse primas. nam Laertius auctor est, cum Delphicus Apollo Milesijs respondisset, eum tripodem, quem piscatores iactu retis inuenissent; eius esse debere, qui ceteris sapientia excelleret, Thaleti esse datum. ex quo apparet, sex reliquos ei primas concessisse.

41.

Vos uero huius magnitudinem &c.] Confusus locus, & corruptus: qui, ordine uerborum mutato, & leni correctione adhibita, restitui fortasse posset: quo ex ordine, & correctione locus recitetur: ut studiosi saltem hanc mihi gratiam habeant, quod, quidquid senserim, libere dixerim; legere igitur sic. Vos uero huius magnitudinem, quasi decempeda permensi, refertis. Hic ego me; quasi malis architectis, mensurae uestrae nego credere. dubium est, uter rostrum sit, leuiter ut dicam, uerecundior? Hanc coniecturam cisi ualde probem, tamen mentum illud teneo, ut sine scriptis libris nihil affirmem.

00

4

Hos

SCHOLIA IN PARTEM I.

42.

Hos si contemnimus, atque abiectos putamus;] *ex antiquo libro, Atque, pro Etiam, reposui. utrum rectius, facile omnes intelligunt.*

42:

Hic igitur neutri assentiens. si numquam, uter est prudentior?] *Sensum non uideo, neque uidet quisquam, ut opinor, tam obscuro in loco. obscuritatis autem causa deprauatio est: quam iudicio meo tollet, qui ita leget. Hic igitur neutri assentietis. sin utrique, uter est prudentior? quorum uerborum non absurda sententia est: dicit enim hoc. In hac controuersia neutri assentietis, id est neque Stoicum, neque Academicum dicetis esse sapientem. sin utrumque, uter est prudentior? Assentietis, autem refero ad illud supra positum, Ad uos nunc refero. Vtrique, uidetur esse necessarium propter insequens uerbum, Vter. Sed haec, qui & acumine, & iudicio praestant, dijudicabunt.*

Non ne indicat, non posse illa probabilia esse sapienti?] *Offendebar antea, cum legerem, Illa probanda. sustuli mendum ex antiquo libro.*

43.

Nec, si patria deleatur, non doleat?] *Quo diligentius hoc mente pertracto, eo illustrius, uel Nec, uel Non, abundare cerno. mutare tamen, contra ueteris libri testimonium, non audeo.*

N-

Ne urbes denique,] Moneo lectorem, ne quid mutet dissentientibus antiquis libris: meam opinionem ponderari diligenter cupio. mihi rectius uidetur, Ne urbes quidem. hoc si alijs item uidebitur, retinebo sententiam meam; sin minus, abijciam non inuitus.

Labor, ut assentiar Epicuro] Vulgati libri, laboro, omnes habebant. quod uerbum ut deprauatum esse crederem, fecit id, quod sequitur: reuocat uirtus, uel potius reprehendit manu. nam sine dubio, Reuocat, & Reprehendit manu, quippiam requirunt, quod in translatione respondeat: quale uidetur esse uerbum, Labor: quod ego, & metaphoram, & sensum secutus, reposui pro Laboro.

Vt Calliphontem sequar:] Abundare, Ut, qui totum uerborum ambitum attendet, statim intelligit. &, ut dicam quod sentio, suspicor ipsum ita scripsisse Ciceronem, rem potius, quam uerba spectantem. idem enim alibi quoque uitium deprehendi, ut lib. 111. Fin. 117. Ne illud quidem est consentaneum, ut, si, cum tria genera bonorum sint, quae sententia est Peripateticorum, eo beator quisque sit, quo sit corporis, aut externis bonis plenior, ut hoc idem approbandum sit nobis. & lib. 1. ep. 1. ad Q. fratrem: Ut te ante compares. cum
iam

• SCHOLIA IN PARTEM I

iam dixerit: *Vt, si hoc plane. &c.*

46:

Per *ἐποχὴν* illam omnium rerum comprobans] Fortasse legendum; Quare *ἐποχὴν* illam.

48.

Et si quid forte Roma noui] Mallem sic: Ecquid forte Roma noui. notum loquendi genus.

49:

Laelii nostri] *Librarij cum in describendo non perciperent, quid sibi antiquae notae uellent, eas uel immutabant, uel cum sequenti uoce coniungebant: ut hoc loco, Laelii nostri, scripserant: cum; L. Aelii nostri; uera & incorrupta sit lectio: quod & ueterum librorum auctoritate, & historiae fide comprobatur. est enim hic L. Aelius Stilo, cognomento Praeconinus; qui orationes scripsit, quas alij dicerent: a quo M. Varro rerum antiquarum scientiam cum accepisset, eam ipse auxit, & illustrioribus litteris explicauit. Cicero de claris oratoribus; de leg. lib. 2. Acad. 1. Varro, Festus, Plinius lib. IX. 35. et lib. XXXIII. cap. 1. Oellius lib. 1. cap. 18 lib. XII. cap. 4. lib. XVI. cap. 8. Suetonius de claris grammaticis. mendose autem in Varrone, lib. IIII. C. Aelius Stilo, legitur: errore fortasse nato ex praenomine alterius Aelii, cui Gallo cognomen fuit. In Gellio quoque, Laelii, pro L. Aelii, mendose legitur.*

50.

Omninoq. latinis & litteris attulisti;
 &

PHILOSOPHIAE CIC.

& uerbis] distinguuntur a litteris uerba : quod mihi non probatur . nam cum latinas litteras , aut latinam linguam nominamus ; uerba simul intelligi constat , uel potius ipsa tantum uerba . Erratū crediderim a librario , qui , Verbis , pro Rebus , per incuriam scripserit . adiuvat autem opinionē nostram ipse Cicero , auctam a Varrone linguam Romanam copia rerum potius , quam uerborum , alio loco ostendens . Tu uero , inquit 53 : Varro bene etiam meriturus mihi uideris de tuis ciuibus , si eos non modo copia rerum auxeris , ut effecisti , sed etiam uerborum .

51.

Per scripti uarie , copiose sunt ,] Pertinet ad latinam linguam , non ignorari , copulā de industria non numquam a Cicerone praetermitti ; ne qui eam hic putet desiderari . nā lib. xiii. ep. fam. 24. ad Sulpicium , Peto , inquit , a te , ut eum etiā tuis officijs , liberalitate complectare . & ep. 28. ad eundem : Ut ipse iudices , homini te gratissimo , incunctissimo benigne fecisse . et lib. iiii. ad Att. ep. 3. De cuius constantia , uirtute uerissimae litterae .

52.

In lingua etiam explanatam uocum impressionem .] moneo studiosos , ut consulant ueteres libros . nam mihi placeret magis , Expressionem : licet , Impressionem , aliqua omnino sententia non careat .

Ad

52.

Ad comprehendendam ingenii uirtutem]
Fateor me nescire, quid sibi uelit, Ingenij uirtutem:
et quandoque uel abundare, Ingenij, uel corruptum
esse credidi.

52:

Itaque attulit rem commenticiam.] Suspi-
cor, Itaque, abundare.

54.

Materiam quādam, ex qua omnia expressa,
atque efficta sint,] Efficta, malui, quam Effe-
cta. nam & in Lucullo, licet alia de re, Visum, in-
quit, impressum, effictumq. ex eo, unde esset. &
ibidem: Impressum, & signatum, & effictum. 10:
26: in oratione autem pro Amerino: Ut effictos,
inquit, nostros mores in alienis personis, expres-
samq. imaginem nostram uitae quotidianae uidere-
mus. scriptor etiam Rhet. ad Herennium lib. IIII.
Exprimere, & effingere uerbis formam corporis.

54.

Inter quasi fatalem, & immutabilem conti-
nuationem ordinis sempiterni:] Melius, &
apertius, Iter quasi fatale. sic habet scriptus liber.
mibi tamen placeret: Fieri, quasi fatalem, &c. to-
ta sententia perpedatur: nostra fortasse non repudia-
bitur opinio.

55:

Officia autem & seruata, praetermissaque,
media putabat,] Ornamenti causa, Et, itera-
ti,

PHILOSOPHIAE CIC.

ri, notum est: inferri autem, *Que*, post *&*, quod hic Cicero facit, minus tritum est in consuetudine latinae linguae. itaque, ne mendosus locus putetur, exempla subiungam. lib. 4. de Fin. 129: Omne animal ipsum sibi commendatum, ut se *&* saluum in suo genere, incolumeq. uellet. *&* lib. v. 162: Quis est, qui non intelligat, *&* eos, qui fecerunt, immemores fuisse utilitatum suarum; nosq. nulla alia re, nisi honestate, duci? Simile etiam illud lib. 1. de Fin. 70: Ex quo intelligitur, nec intemperantiam propter se fugiendam esse, temperantiamq. expetendam, non quia uoluptates fugiat, sed quia maiores consequatur. Et illud Sallustij in Iugurtha: Opportunitas suaeq. *&* liberorum aetatis. Multaq. eiusdem generis, quae ad usum suum notauit Aldus filius.

56:

Visum cum ipsum per se cerneretur, comprehensibile.] addidi, Per se, ex antiquo libro.

56:

Ex quo etiam nomen hoc duxerat; cum eo uerbo ante nemo in tali re usus esset.] Emendavi, ut puto, hunc locum, rectiusque, quam in omnibus libris legebatur, distinxi. erat autem sic. Ex quo etiam nomen hoc duxerat. at cum eo uerbo antea nemo in tali re usus erit, plurimisq. idem *&* c. Vtrum autem coniectura nostra probari debeat, alij uideant.

57.

Latiores quaedam ad rationem inueniendam

SCHOLIA IN PARTEM I.

dam viae reperiuntur.] Patet sententia : nec
muto quidquam : consuetudo tamen latinae linguae
postulare videtur , *Aperiuntur* ,

57.

Ab antiquorum ratione nunc desciscis ,]
Abeſt , *Nunc* , ab antiquo libro : nec sane quid-
quam affert ad sententiam .

57:

Nihil sciri posse dixerunt :] *Aut* hic , di-
xerunt , aut in extrema periodo videtur otiosum es-
se . quorsum enim iteretur ? nec uero quidquam af-
firmo , sed , ut ad diligentiam lector excitetur , quid-
quid mendosum suspicor , libenter indico .

57:

Dies iam plerosque deduceret ;] *Horas*
ducere , dixit *Virg.* lib. 6. & hic fortasse , *Duceret* ,
scriptum *Cicero* reliquit : quod etsi ita videtur , af-
sensum tamen , *Academicorum* more , sustineo .

61.

Lictores omnesq. cohors χαίρε] Quae pro-
xime antecedunt uerba , ex persona *Scaenolae* sunt :
haec autē , *Lictores* omnesque , cohorsque , χαίρε , ab
ipso *Lucilio* pronunciantur : cum dicat , post *Scaeno-*
lae uerba lictores eiusdem , cohortemq. praetoriam ,
quo magis graeca salutatione *Albutius* eluderetur ,
exclamasse simul omnes praetoris exemplo , χαίρε .
Erat autem hoc tempore adolescens *Albutius* : de
quo sic in *Bruto* : Doctus etiam graecis *T. Albutius*
uel potius paene *Graecus* loquor , ut opinor : sed li-
cet

et ex orationibus iudicare. fuit autem Athenis a-
 dolescens. Eundem in oratione de prouincijs cons.
 graecum hominem, non quod in Graecia natus, sed
 quod Athenis educatus, Cicero appellat his uerbis:
 Cuius amici hac consolatione utuntur, etiam T. Al-
 butio supplicationem hunc ordinem denegasse. quod
 est primum dissimile, res in Sardinia cum mastruca
 tis latrunculis a propraetore una cohorte auxiliaria
 gesta, & bellum cum maximis Syriae gentibus, ty-
 rannis, consulari exercitu, imperioq. confectum:
 deinde Albutius, quod a senatu petebat, ipse sibi
 in Sardinia ante decreuerat. constabat enim, grae-
 cum hominem, ac leuem, in ipsa prouincia quasi
 triumphasse. itaque hanc eius temeritatem senatus,
 supplicatione denegata, notauit. Haec adiungenda
 existimaui, quo pateret illustrius, praetorem non
 Albutium, ut a nonnullis creditum est, sed Scaeuola
 fuisse: cum Albutius & adolescens Athenis, &
 propraetor in Sardinia, non in Achaia, fuerit;
 Scaeuola autem hic praetor sit appellatus, cum di-
 xit Cicero: A Scaeuola est praetore salutatus. Athe-
 nis Albutius. Nec dubito, quin praetor Scaeuola
 & a Cicerone, & a Lucilio appelletur, non quod,
 praeturam gerens, in prouinciam exierit, quod an-
 tea saepe factum erat bellis urgetibus, sed quod pro-
 praetor Achaiam regeret. itaque & Cicero praeto-
 rem Quinctum, fratrem suum, uocat, qui tamen,
 praetura iam in urbe functus, Asiam propraetor ad-
 ministrabat. Idem Scaeuola lib. 1. de orat. cum, in-
 quit

SCHOLIA IN PARTEM I.

quit, ego praetor Romam uenisssem. hic est enim Q. Mucius augur, gener C. Laelij, socer L. Crassi oratoris, accusatus postea repetundarum ab hoc Albutio, ut legitur in Bruto: quam accusationem spectauit Lucilius poeta in illo uersu: Hinc hostis Mucij Albutius, hinc inimicus. uixit eodem tempore alter Q. Mucius: sed is pontifex, max. non augur fuit, collega L. Crassi in consulatu, Asiamq. rexit menses nouem. ep. lib. 5. ad Att. & lib. 3. de or. et ep. 9. lib. 1. fam.

63.

Quam fieri sine caussa quidquam dicere] Haec uidentur abundare, ut otiosa, & sine caussa inculcata. id enim turpe physico est, dicere atomum declinare sine caussa. hoc per se recte habet, & concinnum est: praeterea si quid addatur, frigebit.

64:

Numquam hoc ita defendit Epicurus, neque uero tu,] quis est, uel mediocriter intelligens, qui mendosum illud, Vero tu, non existimet? cui porro, correctionem quaerenti, sine aliqua ueterum librorum ope liceat diuinare? dicam tamen, quod sentio: placeret, Metrodorus, nisi longius a litteris discederem: quod instituti mei non est. saepe autem cum Epicuro Metrodorus, quasi eius collega, a Cicerone nominatur, ut 78. 99: 102. 202: lib. 1. de Nat. De. bis, & lib. 111, de Off. quibus ex locis, & ex Laertio, licet intelligere, neminem cum Epicuro aptius, quam Metrodorum, posse coniungi, qui eiusdem

eisdem adiutor, ac paene auctor fuerit sententiae.

65.

Nisi te quoque, ut id modo loqueretur]
Maffei liber, quoque modo, haud prorsus emenda-
te, sed ut uitiū tamen nihil paene supersit. nam, una
littera immutata, locus restituitur, nempe si sic le-
gas: Nisi te, quoquo modo loqueretur, &c. dicit
autem, Quoquo modo loqueretur, ut paene etiam
ostendat, ne in uerbis quidem Ciceroni Epicurum sa-
tisfecisse, non modo in sententijs.

65.

Etenim quasi detractis de homine sensi-
bus] Superuacanea sunt haec uerba, neque locum
hic habere possunt. nam ex argumentis sunt, qui-
bus probare conabatur Epicurus, uoluptatem esse
summum bonum. dicit enim pagina. 66. Etenim,
quoniam, detractis de homine sensibus, reliqui ni-
hil est; necesse est, quid aut secundum naturam,
aut contra sit, a natura ipsa iudicari. Maffei liber,
Et detractis de homine sensibus: aliud antiquum
exemplar, Etenim quoniam detractis de homine
sensibus. ut & ipsa librorum uarietas mendi suspicio-
nem afferat. de quo lectorem admonendum censui:
ipsa tamen uerba, uisum est, ut neque mutarem,
neque tollerem

68.

Cum omni dolore caret] Maffei liber, cum
omni dolore careret. fortasse, Omni dolore carere,
legendum est. etsi uideo scriptum paullo post: Quod

pp dolore

Dolore caret, id in uoluptate est.

68.

Statua est in Ceramico Chrysippi sedentes porrecta manu, quae manus significet illum in hac rogatiuncula esse delectatum:] Animaduerti, non numquam ueteres eodem uerbo bis eodem in loco usos esse, ut, *Eo die, qui dies fuit* IV. Kal. et, *Eo loco, qui locus.* cuius generis exempla & apud hunc nostrum, & apud Caesarem maxime in eius commentarijs, non pauca licet inuenire. eiusdem generis uideri potest hoc, *Porrecta manu, quae manus.* ego tamen, *Manus,* puto ab aliquo esse additum, qui fortasse uereretur, ne ad statum potius, quam ad manum illud, *Quae,* referretur. sed quoniam, utro modo legas, manet eadem sententia; si quis aliter sentiat, cum eo non contenderim.

68:

Nulla praeterea nec praesenti, nec expectata uoluptate.] *Maneo lectorem,* ex ingenio repositum a me, praeterea, pro praeterita: quod erat in omnibus libris, quos quidem ego uiderim, hanc mihi Cicero ipse, quo loco infra Torquato respondet, correctionem ostendit: cuius uerba recitabo. *At quam,* inquit lib. II. pulchre dicere uidebare, cum ex altera parte ponebas cumulatam aliquem plurimis, & maximis uoluptatibus, nullo nec praesenti, nec futuro dolore, ex altera autem cruciatibus maximis toto corpore, nulla nec adiuncta,

Etia, nec sperata uoluptate.

75.

Quod quia nullo modo] Video mendum :
& opinor non inepte locum corrigi , si legatur ,
Quodq. nullo modo .

77.

Vt quibusdam in formulis ea res agatur , &c.] Rectius uidetur sic : Vt quibusdam in formulis , quae res agatur &c. sic lib. v. si est quisquam , qui acute in causis uidere soleat , quae res agatur . Et de Fato : Haec differens , qua de re agatur , & in quo causa consistat , non uidet . Et in Bruto : Qua de re agitur , illud , quod multis locis in iurisconsultorum includitur formulis , id uti esset , non uidebat. et Plato in Phaedro : $\pi\epsilon\pi\iota\epsilon\ \acute{\alpha}\nu\ \acute{\alpha}\nu\ \beta\epsilon\lambda\lambda\acute{\iota}$.

77:

Aut quod iuuaret ; aut quod liberet . modo idem , nisi molestum est &c.] Mirum , quas pulcherrimis sententijs tenebras afferat non optime percepta ratio distinguendi . Quod & saepe iam ostendi , & , saepe ut ostendatur , uideo futurum . hic quidem , non dubito , quin interpungendum ita sit : Aut quod iuuaret ; aut quod liberet modo . idem &c.

81:

Neque tamen .] antea , Remq. tamen . cor-
rexi ex antiquo libro , sententia etiam postulante .
nam Epicurus , cum ponit uoluptatem finem bono-
rum , complectitur indolentiam , neque tamen eo

pp 2 uerbo

uerbo utitur.

81.

Epicuri *xupias dōgas*, id est maxime ratas?]
Alienum esse, & omnino delendum illud puto, Id
est maxime ratas. est enim adscripta ad *xupias dō-*
gas, intemperatio, nec tamen intelligenter. non e-
nim, *xupias dōgas*, latine est, maxime ratas, sed,
firmas sententias: de quibus lib. 1. de Nat. De. In
illis, inquit, selectis eius, breuibusq. sententijs,
quas appellatis *xupias dōgas*.

82.

Similiter et] Aut, Similiter ut, legendum ui-
detur: aut ueteres, similiter, ita cum & iun-
xisse, ut cum ac, atque, ut, putandum est.
quod interdum suspicor, utpote cum saepe animad-
uerterim, aequae & scriptum in antiquis libris, ubi
est in recentioribus aequae ut.

82.

Si nec cupidi sint, nec deos metuant;
nec mortem, nec dolorem.] Totus hic locus
praepostero uerborum ordine ita perturbatus est,
ut elicere sententiam nullo modo liceat, & ne le-
ctorem multis morer, uerba recitabo, non ut le-
gantur in omnibus libris, sed ut uidetur sententia
postulare. Si ita dicit, non esse reprehendendos lu-
xuriosos, si nec cupidi sint, nec deos metuant, nec
mortem, nec dolorem; dicit absurde; similiter &
si dicat, non reprehendendos paricidas, si sapien-
tes sint. etenim quid attinet luxuriosis ullam exce-
ptionem

ptionem dare? aut fingere aliquos, qui, cum luxu-
 riose uiuerent, cetera cauerent, summo philoso-
 pho non reprehenduntur eo nomine dumtaxat?
 sed tamen non ne &c. Legō autem, nec dubitanter
 quin recte, Etenim quid attinet, ubi est in omnibus
 libris, Et tamen quid att.

82:

Quibus uinum diffusum e pleno sit oeno-
 phoro, cui nihil dempsit ius, & sarculos
 abstulerit] Antiquus Maffei liber habet, cui ni-
 hil dempsit uis, et sacculos abstulerit. emēdo, Cui
 nil dempsit nix & saeculus abstulerit. apud ueteres
 qui lautius uiuebant, uino delectabantur, quod sac-
 co niuario transmissum esset, non solum ut frigi-
 dius biberent, sed etiam ut liquidius. itaque dixit
 Martialis libro XII.

Vt liquidum potet alaunda merum,
 Turbida sollicito transmittere Caecuba sacco:
 et in distichis:

Setinos moneo nostra nix frange trientes:
 id est Setini uini uim frange nix, ut frigidius bibas.
 seruabatur enim nix in hunc usum: de quo Plinius
 lib. XIX. cap. 4. Hi nixes, inquit, illi glaciem po-
 tant. Deinde infert: Excogitatur, ut alienis mensi-
 bus nix algeat, qua scilicet uina refrigerentur.

83.

Odrilitium, locus ipse, aedificium.] amicissi-
 mus meus eximij uir tum ingenij, tum etiam iu-
 dicij, ex uarietate ueterum librorum (aliij pro O-
 drilitium

pp 3

SCHOLIA IN PARTEM I.

drilitium, habent Corinthium, alij aliter) legendum
opinatur, Triclinium: illa uero esse glossemata, locus
ipse, aedificium. ego nō utrumque, sed alterum dum-
taxat glossema puto: ut retineatur, Locus ipse, de-
leatur, Aedificium.

83.

Dicet Lucilius, Cocto, condito. sed ce-
do caput cenae. Sermone bono. quid ex eo?
Si quaeris, libenter?] Libro XIII. epistolarum
ad Atticum, in fine, ita scriptum est. Edit, & bi-
bit ad eos, & iucunde: opinare sane, & apparte:
nec id solum, sed bene, cocto, condito, sermone
bono, & si quaeris, libenter. ut, quemadmodum
quidem ego existimo, Lucilij uersum recitet: quem
etiam hunc in locum transtulit, sed ut ipse quaedam
interijciat. ego autem, cum in illa ad Atticum epi-
stola scriptum legerem, Cocto, condito, non, horto
condito; item hic putavi esse legendum, Cocto, con-
dito: cum ante legeretur, horto condito: neque sum
arbitratus fore qui nostram coniecturam reprehen-
deret, cum ea ratione tam firma niteretur. puto
autem Lucilij uersus huiusmodi fuisse:

Quid bene? cocto,
Condito, sermone bono, & si quaeris, libenter.
ut illud, Quid bene? cocto, pedes sint praecedentis
uersus. Quod autē legitur, Quid, ex eo si quaeris, li-
benter? puto ita esse interpungendum: Quid ex eo?
si quaeris, libenter. nam qui cenant cocto, condito,
sermone bono; sequitur, ut libenter quoque cenent.

CH173

cum autem interrogaret, Quid ex eo? (subaudi, sequitur) respondet Lucilij uerbis: Si quaeris, libenter. Illa uero, Dicit Lucilius, sed cedo caput cenae, quid ex eo, a Cicerone interiecta, effecerunt, ut Lucilij uersum nemo haecenus agnouerit. quem si quis metiri uelit, pronunciet in quinto pede, Quæri li, abiecta s consonante: ut paullo ante, Cognitu cui sis: & Catullus, Affixus nobis tu dabis supplicium: & saepe apud Lucretium.

83:

Nec lapathi suauitatem]. Ne lapathi quidem suauitatem, quem quanti faceret, indicat Lucilianus uersus, O lapathe, ut iactare necesse est, cognitu cui sis, Laelius anteponebat acipenseri. Gallonij sententia quidem haec uidetur. abundare tamen, Nec, suspicari aliquis possit. itaque consulendi ueteres libri.

83:

Vt loqui doceat: frugaliter.] Neque uacare mendo locum hunc existimo: (quid enim sibi uult, loqui frugaliter? cum hic frugalis cena potius, quam sermo, laudetur) neque mihi tamen, cupienti emendare, probabile quidquam succurrit. in quo quia meliore forsitan euentu aliorum exercebitur industria, notandum putauit.

84:

Hoc uero non uidere, maximo argumento, esse uoluptatem ullam] contra Epicurum. sed, ornare sententiam, facillimum non est. conabimur

pp 4 tamen,

SCHOLIA IN PARTEM I.

tamen, saltem ut aliorum studia moueantur. Pro-
xime dixit, ideo non concedere Epicurum, non esse
in uoluptate, dolorem esse maximum, quia dolori
non uoluptas contraria sit, sed doloris priuatio.
Respondet Cicero: Hoc uero non uidere: id est non
intelligere Epicurum, doloris priuationem uolupta-
tem esse nullam, (sic enim lego, non, ullam) maxi-
mo argumento est, quod, sublata uoluptate, neget
se intelligere, quid sit bonum. quibus uerbis ostendit,
indolentiam, quam non esse uoluptatem iam confes-
sus est, (dixit enim, Dolori non uoluptas contraria
est, sed doloris prouatio) bonum non esse. itaque pu-
gnantia uidetur loqui. nam, cum negasset, accede-
re quidquam posse ad uoluptatem non dolentis; ta-
men idem, dolori non uoluptatem esse contrariam,
sed doloris priuationem, dixit: in quo significat,
uoluptatem, & doloris priuationem, non idem es-
se. Haec omnino sententia uidetur: sed singula con-
sideremus. Hoc: non dolere: nam proxime dixit,
Doloris priuatio. NON VIDERE: ignorare Epi-
curum, indolentiam diuersam esse a uoluptate, ma-
ximo argumento illud est, quod, sublata uoluptate,
bonum nullum agnoscit. Putat enim indolentiam es-
se uoluptatem: quia non excludit eam. nam, cum ita
loquitur, inducat indolentiam esse uoluptatem: cum
tamen ea, quod ille ignorat, uoluptas nulla sit: quod
etiam in eo confiteri uisus est, cum dixit, non esse uo-
luptatem dolori contrariam, sed doloris priuatio-
nem. QUA SUBLATA: malim, Quod, ea subla-
ta.

ta. ut hic sit uerborum ordo: Maximo argumento est, non uidere Epicurum, doloris priuationem uoluptatem esse nullum, quod, sublata uoluptate, negget se intelligere quid sit bonum. nam si, praeter uoluptatem nihil est bonum; sequitur, ut indolentia uel sit uoluptas, & ideo bonum: quod iam concessit Epicurus, cum negauit accedere quidquam posse ad uoluptatem non dolentis: uel non sit uoluptas, & ideo non bonum: quod idem concessit Epicurus, cum dixit, Dolori non uoluptas contraria est, sed doloris priuatio. Ergo ipse sibi in sua sententia aduersarius est: cum indolentiam modo uoluptatem esse, modo non esse, significat. ex quo, quasi uictoria potitus in disputandi certamine, illa Cicero subiunxit: Hoc igitur, quod solum bonum seuerus, & grauis philosophus nouit, idem non uidet ne expetendum quidem esse; quod eam uoluptatem, hoc eodem auctore, non desideremus, cum dolore careamus. & quae post sequuntur ad refellendam Epicuri inconstantiã.

88:

Cuius similitudine perspecta in formarum specie, a dignitate transitum est ad honestatem dictorum, atque factorum.] Mihi uidetur omnino rectius hoc modo: Formarum specie, ac dignitate, transitum est & c. ut ad formas referatur species, ac dignitas. aliter ueteres libri: ego tamen mea coniectura delektor.

89.

Per se rectum, atque laudabile;] Sic malui,
secutus

SCHOLIA IN PARTEM I.

secutus antiquum librum, quam, ut antea, Perfectum, atque laudabile. & paullo post, honestum, significat, id solum esse, quod sit rectum ipsum per se, sua vi, sua natura, sua sponte laudabile.

90.

Cn. Scipioni] Omnino reponendum, Caepioni, ex historia. Cn. Servilius Caepio consul fuit cum Q. Pompeio Nepote. quibus consulibus decretum est, ut in Tubulum quaereretur. 144. 162. de Nat. de. lib. 111, ad Atticum lib. xxi. epist. v.

90.

Censuit plus filiae dandum] Alij, plus Fadiae: quae lectio si retineatur, supra legendum erit, Fadio Gallo, non Fabius: cum Gallus cognomen Fadiorum sit.

91.

Pericula adeunda sunt,] Hoc si absit, nihil fiet obscurior, aut imperfectior sententia. subaudiatur enim, quod in proximo superiore membro dictum est, Adeunda sunt quaevis pericula. nec vero cuiquam dubium esse puto, quin ea saepe, quae glossata uocant, inter uerba Ciceronis locum occupauerint.

91.

Esse enim quamuis iniustus poterat impune.] Sic antiquus liber, & recte. in omnibus autem impressis, excepto quem nunc emitimus, hoc modo: Esse enim quamuis uellet iniustus, iniquus poterat impune.

Belh

Bella magna gesserat is : bis consul fuerat :] *Antiquus liber, gesserat his. ego, his, minime Ciceronis esse puto: sed primo fortasse illud, Bis, quod proxime sequitur, per errorem a librario cum esset iteratum, factum est postea His, postremo Is. omnino quasi currere procliuius oratio uidetur, si legamus: Bella magna gesserat: bis consul fuerat.*

Testata ciues] *Massei liber, testata crimen. probo, ex historia. uiro enim, et patri, non ciuibus Lucretia crimen exposuit.*

Ap. Claudij] *Sic emendaui. male antea, P. Claudij. nam Linijs lib. 111. Appium nominat: & Massei liber confirmat.*

Nunc uero,] *Aptius ad sententiam, Nec uero: itaq. plane scriptum uideo in antiquo libro. Nec uero, inquit, Atticus, licet Epicuro deditur de suis historiarum libris promere poterit claros uiros, qui summum bonum in uoluptate posuerint. Epicuri autem in haeresi Atticum fuisse, libro v. de Fin. 145. & ep. 1. lib. x 111. Fam. & ex epistolis ad ipsum docemur.*

Cur Chius,] *Apposui notam, quam ad mendas indicandas consuetudo iam recepit. antiquus liber nihil mutat: historia nihil, ego quidem quod me minerim,*

SCHOLIA IN PARTEM I.

minerim, suppeditat. quattuor puto colligi Epicureos, L. Thorium Balbum Lanuinum, de quo proxime facta mentio est; Postumium, quem ignoramus; Curium tertio loco si ponamus, (nec tamen Curius a Cur Chius longe distat) eum esse dicemus, de quo legimus in Pediano. uersiculum illum Calui, Et talis Curius pereruditus.

C. uero Sergius Orata nominatur a Cicerone lib. III. de Off. a Valerio lib. IX. cap. I. Plinio lib. IX. cap. 54.

94:

Non metuet autem, siue caelare poterit, siue, &c.] Sequor sententiam, & emendo; adiuvante Maffei libro: Non metuet autem, siue caelare poterit, siue opibus magnis, quidquid fecerit, obtinere; certeque malet existimari bonus uir, ut non sit, quam esse, ut non putetur. Est autem hic, Obtinere, pro tueri, & defendere, ut in oratione pro Quinctio: Non ad mendacium obtinendum, sed ad uerum probandum auctoritas adiuvat. omnino & Maffei uetus liber habet, siue opibus magnis, non, siue opibus maius.

95.

Nullam aliam ob causam,] admonitius ab ipsa sententia, Vllam reposui.

95:

Rem uides obscuram,] Pro uides, uidelicet, lego, nulla fere mutatione: nam in antiquis libris pro uidelicet scriptum quandoque, uidel. quandoque

doque etiam uid. animaduerti.

96.

Et quidem prodest,] Antiqui libri alij habent, Quid prodest; alij, Et quid prodest. emendo, Ecquid prodest: ut periodus interrogationis nota terminetur.

96:

Vtilitatis causa expetenda] Tolle hoc: intelliges esse concinnius, nec sane requiritur a sententia: & glossema puto fuisse.

97.

Amicitiam a uoluptate non posse diuelli, ob eamq. rem colendam esse, quod sine ea tuto, & sine metu uiui non posset, nec iucunde quidem posset.] Quanto rectius hoc modo: Quod si sine ea tuto, & sine metu uiui non posset, nec iucunde quidem posset. procedit enim argumentum:

Vbi tuto non uiuitur, iucunde uiui non potest:

Sed sine amicitia tuto non uiuitur:

Ergo sine amicitia iucunde uiui non potest.

97:

Si tua sint Puteolis gramina?] Sic omnes, quos ego quidem uiderim, antiqui libri. nec mihi tamen ulla ratio persuaserit, scripsisse Ciceronem, Gramina. cur ita credam, elegantiore praeditis ingenio, & accurata legendi Ciceronis consuetudine tritas aures habentibus, non arbitror obscurum esse posse. Fateor autem, cum emendare sim conatus, minime

SCHOLIA IN PARTEM I.

minime rem e sententia successisse. Et est omnino
difficilius, uerum in uenire, quam falsum iudicare.
tantum illud, studio ueritatis, aperte significandum
putaui, nec mihi locum uideri carere mendo, neque
eorum qui commodare conati sunt, sententiam ualde
probari.

98:

Etenim, quemadmodum tute dicebas,]
Non reddit rationem superioris sententiae, quod
beatam appellari uitam perpetuitate temporis di-
xerat; sed opponit Epicuri opinionem, negantis diu-
ternitate temporis augeri beatam uitam. quod re-
fellit infra, in eo loco, Haec dicuntur inconstantissi-
me. uideant igitur eruditi, an sit aptius, quod mi-
hi quidem uidetur, At enim, pro Etenim, uerecun-
da, ut ita dicam, correctione, quae unam modo litte-
ram mutet.

99:

Non minor, inquit, uoluptas percipi-
tur tam ex uilissimis rebus, quam ex pre-
tiosissimis.] Quis non uidet, abundare Tam?

99:

Verum isto modo consequatur summas
uoluptates] Placeret: Verum esto: consequatur
summas uoluptates.

100.

Primum, quid tu dicis breue? deinde,
dolorem tam maximum?] Statui iam, quid-
quid in mentem uenit, cum studiosis communicare:
ut, si iudicium minus probabunt, uoluntatem sal-
tem

PHILOSOPHIAE CIC.

tem ament. malim igitur sic: Dolorem quem maximum? Quod enim posuerat Epicurus, Maximus dolor brevis est: id examinat dupliciter, quaeritque, ecquid breue dicat, ecquem dolorem maximum? A sententia igitur minimum discedo, litterarum similitudine magis, quam uellem, & quam nostrum postulat institutum. nec tamen ita sumus in hac emendandi ratione rudes, ut ab ijs libris, quibus nunc utimur impressis, eos, & qui olim scripti sunt, insigni quadam differentia non numquam diuersos esse nesciamus. Placet igitur ἐποχὴ illa, quoties aliquid opinor, aut pronuncio de corruptis locis; cum non nulli suas opiniones improbantibus ita succenseant, ut inimicitias indicant.

100:

Huic Epicurus comparet se, si potest:]
antea mendoſe: Huic Epicurus competentem, & si qui potest.

101.

Vt primum despexit,] An Dispexit? fortasse: ut sit: adeos, qui circum adſtabant, oculos conuertit.

104:

Mel se afferre ex Hymetto uoluiffe] Cur non, Auferre? certe id postulat sententia.

104.

Vitae quidem infinita] Corruptus locus: quem ita puto esse emendandum, Et ea quidem infinita. nam et in Tusculana l. 184. de animo loquens, Habet,

SCHOLIA IN PARTEM I.

Habet, inquit, memoriam, & eam infinitam, rerum innumerabilium.

105:

Vno ore cui plurimae consentiunt gentes, populi primarium fuisse uirum.] Fortasse legendum: Ore uno, quem, plurimae consentiunt gentes, populi primarium fuisse uirum. In libro etiam de Senectute, ubi est, In quem illud elogium, Vnicum plurimae consentiunt gentes, populi primarium fuisse uirum; eodem modo legerem, Ore uno, &c. cum ueteres libri alij habeant, Ore uno plurimae: alij, Ore uno cum plurimae. uerbum autem, Vnicum, opinor inde natum, quod librarius in describendo omisisset, Ore: cumq. remanisset Vno quem, unde elici sententia nulla poterat, factum est Vnicum: ut, quod negligentia mutilauerat, impudentia deprauaret.

107:

Stoici plurima nominauerunt.] Fero, Nominauerunt; sed, Nouauerunt, malim.

108:

Vt & patri, & Caepioni nostro, & tibi, tam propinquo respondeat.] Ausus sum & hic pro, Scipioni, reponere, Caepioni, & paullo post, Caepionem, pro, Scipionem, ductus hac nimirum coniectura, quod Lucullus puer, cui tutor a patre M. Cato relictus est, matrem habuit Seruiliam, Catonis sororem: cuius fratrem Plutarchus in Catone Vticensi Caepionem nominat. nec, opinor, ignorat

ignorat quisquā, cognomen *Seruiliae* gentis *Caepio* fuisse. est autem *Caepionum* hic ordo, quantum ex antiquitatis observatione licuit colligere. *Q. Servilius Caepio*, consul anno urbis *DCXLVII*. male cum *Cimbris* pugnavit. eius filius *Q. Caepio M. Scaurum* accusavit; *Druso* tribuno pl. qui paulo ante bellum *Marsicum* domi suae interfectus est, pro equitibus restitit; bello *Marsico* perijt, anno *DCLXIII*. quibus de rebus habeo testes *Appianum*, *Florum*, *Orosium*, epitomen *Liuianam*. Hic *Caepio* ex *Liuvia Drusi* eius sorore, cū quo cum inimicitias gessisse diximus, filios suscepit, *Q. Caepionem*, & *Seruiliam*, *M. Catonis* sororem, *M. Bruti* matrem, quam *C. Caesar*, postea dictator, ad-amavit: de quibus utrisque agemus. *Caepionem* tribunum mil. in bello *Spartaci* fuisse, obijisse in *Asia* ante quaesturam, ait *Plutarchus* in *Catone Vticensi*. *Seruilia* primum nupsit *M. Bruto*, ei, quem interfectum a *Pompeio Magno Syllanis* temporibus, docet *Valerius Max.* lib. *VI*. cap. *2*. idq. *Plutarchus* confirmare uidetur in *Bruti* uita. peperit ex eo *M. Brutum*, interfectorem postea *C. Caesaris*: deinde uxor fuit, ut legimus in *Plutarcho*, *L. Luculli*, qui *Mithridatem*, & *Tigranem* deuicerat, post dimissam ab eo *Clodiam*, *P. Clodij* sororem: ex quo filium genuit *L. Lucillum*, quem pater moriens in tutela uoluit esse *M. Catonis*, fratris *Seruiliae*, uxoris suae. ideo dixit hic *Cicero*: Tuum munus est, ut ita erudiatur, ut & patri, & *Caepioni* nostro, et

q q tibi,

SCHOLIA IN PARTEM I.

tibi, tam propinquo, respondeat. Quæri autem potest, qua ratione soror fuerit Servilia Catonis, qui erat e gente Porcia. in quo scire illud oportet, Caepionis, Serviliae patris, quem decessisse bello Marsico diximus, uxorem fuisse Liviā, M. Livij Drusi filiam, eius, quem contra C. Gracchum in tribunatu pro senatu stetisse Plutarchus in vita Gracchorum ostendit, eius autem sororem, quem intra domesticos parietes ab occulto percussore necatum, historiæ narrant. hæc Livia, cum ex eo Caepione filios genuisset, ut iam diximus, Caepionem, & Serviliam, diuortio facto (non enim, post obitum Caepionis putandum est: nam obiit Marsici belli tempore, aliquanto post alterum Liviae coniugium: quod ex Catonis Vticensis, Liviae filij, ætate constat: qui cum perierit Caesare et Lepido cos. annos natus XLV III, ut ait Plutarchus; satis constat, ante Marsicum bellum, id est ante Caepionis interitum esse natum) nupsit M. Catoni, ex quo genuit eum Catonem, qui se postea Vticae interemit. patet igitur, M. Catonis Vticensis uterinam sororem Serviliam, uterinumque fratrem fuisse Caepionem; quem Catoni iucundissimum fuisse, ex eodem Plutarcho cognoscitur. ex quo etiam constat, Drusum, Liviae patrem, Catonis avum fuisse, ut appellatur a Cicerone lib. IIII. de Finibus, his verbis: Conferam quam tuum Drusum cum C. Graccho, eius fere æquali, quod in Catone Plutarchus, & Cicero in oratione pro Milone confirmant, Catonis avunculum

lum Drusum appellantes ; cum eius filium, qui senatus causam contra C. Gracchum tutatus est, sine dubio significent.

108:

Nam & aui eius memoria moueor: (nec enim ignoras, quanti fecerim Scipionem; qui, ut opinio mea fert, in principibus iam esset, si uiueret) & Lucullus mihi uersatur ante oculos.] *Auum Luculli pueri Q. Caepionem fuisse, eum, qui bello Marsico interijt, iam significauimus: quem Cicerone seniore fuisse indicant non solum ea uerba, Quanti fecerim Scipionem, & ea, In principibus iam esset, hoc est, aliquot iam annis auctoritatem in ciuitate summam obtineret; sed multo magis illa, quae Cato respondet: Vterque tibi testamento liberos suos commendauit. Nominat igitur Cicero duos Caepiones, filium quidem priore loco, cum ait, Caepioni nostro; qui fuit auunculus pueri Luculli, & M. Brutum adoptauit, unde Caepio Brutus lib. 11. ad Att. et Q. Caepio Brutus Philippica x, & in argenteis antiquis nummis nominatur: deinde eius patrem, cui subiungit, Et aui eius memoria moueor. Hic mihi scrupulus, obseruata Ciceronis aetate, sane difficilis iniicitur. nam si Luculli pueri fuit auus Caepio is, quem Italico bello, anno urbis DCLXIII. uita excessisse diximus; uix fieri posse uideo, ut eum Cicero significet, cum ait: Non enim ignoras, quanti fecerim Caepionem. nam annus urbis DCLXIII,*

qq 2 fuit

SCHOLIA IN PARTEM I.

fuit annus Ciceronis aetatis XVII: ut adolescentulo Ciceroni, uix annos pubertatis ingresso, consuetudinem cum uiro Caepione nullam fuisse, credibile non sit. Accedit illud, quo etiam magis moueor; quod, cum Cato, commendatos Ciceroni a moriente Caepione liberos eius, paullo post subiungat, repugnare uidetur Ciceronis aetas, annum agentis, ut diximus, XVII, cum Caepio uita excessit. itaque interdum mihi uenit in mentem suspicari, ne hic Caepio, quem Cicero obseruauit, cuiusq. liberos ei commendatos esse a patre moriente Cato dicit, filius fuerit eius, qui perijt bello Marsico, pater autem eius, quem Catonis fratrem Plutarchus appellat, & Seruiliae, quae M. Brutum ex priore uiro, Bruto, Lucillum puerum ex posteriore, L. Lucullo, peperit, quod si ita est; sororem Drusi posterioris Liuiam eius Caepionis filio nupsisse, credendum erit, qui cum fratre eius in equitum caussa contenderat. ita quattuor deinceps, perpetuo cognationis ordine, Caepiones erunt, omnes Quincti praenomine, primus, qui consul cum Cimbris male remp. gessit: alter, qui Scauro diem dixit, et bello sociali, uel, ut alij appellant, Italico, aut Marsico perijt: tertius, qui, quod equidem sciam, nusquam nominatur; cur tamen eum fuisse credi possit, causas ostendi: quartus, M. Catonis Uticensis frater, qui filiam, ut a Plutarcho scriptum animaduerti, moriens reliquit, adoptato, ut diximus, sororis suae Seruiliae filio M. Bruto.

Nouarum

Nouarum non uidebantur] Alij, Nouarum nouabantur, sensu mihi non admodum probato: non enim respondet ad illud quod dixit, Difficilius, & obscurius. potius legendum crederem, Nouarum noua uiderentur: ut, Noua, accipiat, quasi duriora, & nimis obscura: quod accidere solet, cum nominibus utimur inauditis.

Appellamus *] uerbum graecum desideratur, fortasse ἀξιότονον. nam ἀξία aestimatio, ut ipse proxime subiungit.

Quae inuenta selectione &c.] Hoc totum ita restituo, adiutus a uetere libro: Quae inuenta selectione, & item reiectione, sequitur deinceps cum officio selectio.

Quod positum sit in eo] Antiqui libri, Quod compositum sit in eo, absurde prorsus, nisi facias quod saepe faciendum est, ut antiquos libros coniectura adiuues. sic igitur puto elegantius, et rectius: Quod cum positum sit in eo, quod ὁμολογίας Stoici, nos appellemus convenientiam, si placet; cum igitur in eo sit id bonum, quo referenda sunt omnia: honeste facta, &c. Atque etiam in membro praecedenti melius, opinor, Statueret in ea, quam Statueret in eo.

SCHOLIA IN PARTEM I.

III:

Quae sunt prima natura,] *Et habet uetus liber, Naturae: et ita loquitur Cicero* 114. 121. 134: 135 .

112.

Vt enim si cui, &c.] *Apparet, quid significet: sed ita non solum corrupta, uerum etiam, ut ego sentio, confusa, & praepostere collocata sunt uerba, ut emendari locus & distingui a nobis sine arrogantiae nota non possit. Collineare autem dicitur is, qui eum locum ferit, ad quem oculi directo, quasi linea ducta, feruntur: ut collineare sit, simul cum oculis locum ueluti per lineam ferire.*

113:

Idque esse beate uiuere, honeste, id est cum uirtute uiuere.] *Particulam, Et, suadente sententia, reijcio: nec tamen ueteres a me libros dissentire uideo.*

114.

Tollatur omnis ea,] *Nihil obscuritatis in sententia: in elocutione fortasse aliquid desiderem. hoc enim, Quid apertius, quam tollatur omnis prudentia? recedere uidetur ab usu latinae linguae. usitatum autem erat, Quid apertius, quam tolli omnem prudentiam? consului ueteres libros: nihil adiuuenti. habet unus, Tollatur demum omnis ea: quod mihi scrupulum non eximit, licet ad orationis elegantiam non nihil asserat. alter: Ab ijsq. rebus. quod minime probo: cum hic plane sit uerborum*

bonorum ordo: selectio earum rerum, quae sunt secundum naturam, ab ijs rebus, quae contra naturam.

115:

Ceteris omnibus philosophis haec est tuenda sententia, maxime tamen his Stoicis, qui nihil aliud in bonorum numero, nisi honestum, esse uoluerunt.] Numquam placuit, His Stoicis: & suspicatus aliquando sum, Stoicis, non esse Ciceronis, sed additum, ut exponeretur illud His. nunc me Philippi Tertij, cuius inter omnes nostrae urbis oratores instructa graecis ac latinis litteris eminet eloquentia, liber antiquus in eam coniecturam ducit, ut, Stoicis, retinendum, His amouendum putem. mendii enim suspicionem uarietas affert: et est in eo libro pro, His, In. de quo tamen sine hominum eruditorum sententia nihil statuo. probari autem ea, quae scribimus, ab ijs, quorum animus nulla inuidiae, nulla maleuolentiae labe suffusus, libere, simpliciterque iudicat, ita gaudeo, ut ab iisdem tamen improbari facile patiar.

115:

Probaui mei,] Ne quis ideo subesse mendum suspicetur, quia Cato censorius, quem Cicero significat, multo antiquior fuerit, quam proaius. nam est hoc familiare Ciceroni, ut proanos appellet ab eius aetate longissime remotos, ut in epistola ad Appium: Si censor es, de proano multum cogitato tuo: cum de Appio Caeco, qui Pyrrhi pacem dissuasit;

q q 4 eum

SCHOLIA IN PARTEM I.
eum loqui constet .

115:

Quid autem dici poterat , si turpitudinem non ipsam per se fugiendam esse statueremus ,] *Emendo ex antiquo libro Bernardini Maffei, Quid autem dici poterit, si turpitudinem non ipsam per se fugiendam esse statuerimus. in quo uis est, & energia maior, quam si, poterat, & statueremus, legatur.*

116.

Ipsi, qui dicunt,] *Neque hoc placet, neque, quod placeat, inuenio. liber Tertij, Ipsi qui de. ego, Ipsi, potius, quam, Dicunt, uitiosum puto.*

116:

Nunc omni uirtute] *Nunc, reposui ex uetere libro: cuius locum occupauerat Hoc. nemo est autem, paullo quidem Romanae linguae peritior, qui, nunc, pro sed, usurpatum saepissime tum a Cicerone, tum ab alijs, ignoret. sin exempla aliquis petat, longe ne abeat. legat lib. de Fin. 1. 69. & prooemium Tusculanae 111.*

117:

Rerum in corpore sitarum] *Locutio probabilior, quam si legas, ut antea, Rerum in corpore harum. quam correctionem Maffei liber antiquus probat.*

119:

Nec haec posita, non aliqua essent praeposita] *Si corrigas, Nec, hoc posito, non aliqua esse*
se

se proposita; erit elegantius: neque ab antiquis exemplaribus admodum discedes: siquidem & Masfei liber, Hoc posito, habet.

123.

Qui migraret,] Pro, qui mutaret, qui discederet ab eo iure. antique usurpatum; cum accusandi casu, ut lib. III. de leg. Quod quis earum rerum migrasset, noxiae poena par esto. Et lib. I. de Diuin. ubi est in uulgatis libris, Ne communi iure migrare uideatur, ueteres aliquot habent, communia iura.

123.

Velle ex ea liberos procreare.] Qui coniungit hoc cum uerbo, Velit, a quo pendet; intelliget, Velle, locum non habere. quid enim est, Vt sapiens uelit uelle ex uxore liberos procreare?

123.

Quorum altera profunt, nocent altera:] Glossema suspicor fuisse ad graeca uerba, ὠφελήματα, βλάμματα. nec uero, cum dixisset iam, Emolumenta, & detrimenta, intulisse Ciceronem uerisimile est, Quorum altera profunt, altera nocēt.

123:

Id esse naturam;] Natura, liber Tertij: nec displicet. totum autem hoc regatur ab eo necesse est, Probatur huic disciplinae.

123:

Quemuis arbitrantur] Qui superiora leget, aptius indicabit, Arbitrantur, quam, ut antea

tea, arbitramur. Hoc etiam ex uetere libro.

124.

Ars ea, quae tollit haec,] Cui teretes aures sunt, intelligensq. iudicium, is, non dubito, quin hoc magis probet, accedente libri ueteris auctoritate, quā illud ungo receptū, Ab his ea quae tollit haec.

124.

Quem, per deos immortales, non ne miraris?] Malui, Quem, testimonio commotus antiqui libri, quam, ut. Quae antea, ut de ordine Cicerō loquatur. eisi ferri etiam, Quae, poterat.

125:

Et si illud erat aptius, aequum cuique concedere.] Haec mihi non cohaerere uidentur inter se. quis enim dixerit, cum aequum conceditur, id aptum esse? potius, instum esse: si modo ad rei naturam accommodare uerba uolumus. Praeterea, satis mihi nō dum constat, an ex usu latinæ linguae dici possit, Aptius erat concedere, quod cuique aequum est. Ego Ciceronem, aut Catonem a Cicerone inductum, puto hoc significare; non modo aptius id esse, ut respondeatur sibi ad ea, quae iam dixerat de Stoicorum & Peripateticorum dissensione; uerum etiam aequum, ad quam sententiam aptare uerba cum uellem, ita legendum indicari: Et si illud erat aptius, aequumq. concedere.

126.

Illorum uero ista ipsa quam exilia de uirtutis ui: quam &c.] Primum iterari non placeb,

set, Ista ipsa: deinde illud, De uirtutis ui, disiungen-
dum ab antecedentibus, & cum sequentibus con-
iungendum existimo: ut legatur, & distinguatur
hoc modo. Illorum uero quam exilia. de uirtutis
ui, quam tantam uolunt esse, ut beatum per se effi-
cere possit, pungunt, quasi aculeis, interrogationi-
bus angustis. id est, cum de uirtutis ui loquuntur,
uim tamen nullam habet eorum oratio. Nam il-
lud, Quam exilia, refero ad ea uerba, Ista ipsa,
solum sapientem esse regem, dictatorem, diuitem.
quae cum ab illis memorantur, quam exilia sunt.
Hoc tamen eiusmodi est, ut magnopere non confir-
mem. potest enim fieri, non solum ut iterauerit Ci-
cero Ista ipsa; quod interdum solet, cum aliqua in-
terponit; uerum etiam ut addiderit, De uirtutis ui,
repetita eorum uerborum sententia, Regem, di-
ctatorem, diuitem solum esse sapientem.

127:

Dicendi copiam] Superuacaneum hoc ui-
detur, cum dixerit, Quod. aut igitur, Quod, men-
dosum: aut, Dicendi copiam, abundat, additum
fortasse, ut exponeretur Quod.

128:

Equidem etiam Epicurum in physicis
quidem Democritum puto.] Vel, Quen-
dam, pro Quidem, placeret: uel ita distinguerem:
Equidem etiam Epicurum, in physicis quidem,
Democritum puto.

Signifi-

Significare idem, ut diceretur,] Tolle hoc: patebit sententia. tollendum autem puto, cum in illa tria, quae significari Stoici dicebant, intueor; Vnum eiusmodi, uiuere adhibentem scientiam earum rerum, quae natura euenirent; alterum, officia omnia media, aut pleraque seruantes uiuere; tertium, omnibus, aut maximis rebus ijs, quae secundum naturam sint, fruenter uiuere. Quod si post, Alterum, addatur, Significare idem ut diceretur; fateor, me, quod dicatur, non assequi, & habiturum gratiam exponenti.

Cumq. eorum utrumque per se expetendum esse dixissent; uirtutes quoque utriusque eorum per se expetendas esse dicebant.] Erat in uulgatis libris, Cumque eorum unumquodque: inscripto, pro Vnumquodque, Vtrunque: quod probaui: cum & de anima, & corpore sermo sit; & sequatur, Virtutes quoque utriusque eorum.

Nomina rerum commutantem;] Suspitor glossema fuisse ad illud, Ita loquentem.

De ipsius rebus nihil mutetur,] Et hoc mihi suspectum est, ut antecedentium uerborum interpretatio.

Appeteret

Appeteret etiam conseruationem sui, earumq. rerum custodiam:] Omnes hic libros uideo consentire: nec tamen abiicio susceptam semel opinionem, fortasse non improbandam. opinor autem, Suarumq. rerum custodiam, scripsisse Ciceronem: cum omnibus animantibus id a natura datum esse constet, ut se, ac sua tueantur.

Quid, de quo nulla dissensio est? nemo enim est, qui aliter dixerit,] Mendose in uulgatis libris, Multa dissensio. quo in loco cum haererem, commotus proxime sequentibus uerbis, quae nullam potius, quam multam dissensionem significabant; inspexi ueterē Philippi Tertij librum; uidi scriptum planissime, Nulla dissensio: idq. Caroli etiam Sigonij, eruditissimi hominis, & de literis optime meriti, liber confirmat.

Vt simile sit omnium naturarum illud ultimum, de quo quaeritur?] Paulo ante dixit: Nemo est, qui aliter dixerit, quin omnium naturarum simile esset id, ad quod omnia referuntur. Est autem praeclara in primis ratio emendandi, cum similia similibus conferuntur: quod nos saepe fecimus: & hic, naturarum, pro Naturale, reponere non dubitauimus, accedente ad nostram coniecturam uetere libro Caroli Sigonij.

Vno fine utrumque concludant.] Quae
antecedunt, hoc plane probant, eo magis, quod
antiquus liber habet, Vtrumque, non, ut in vulga-
tis, Omnia.

At enim ueram dicitis uirtutem non pos-
se constitui,] Addidi, Veram, ne discederem
a libris antiquis, Sigonij, & Tertij: quamquam non
esse uerbum necessarium duxi: simplex enim uirtu-
tis nomen saepe hic a Cicerone usurpatur: & paullo
post, ubi confutat argumentum Stoicorum, Con-
tra, inquit, est, ac dicitis. nam constitui uirtus
nullo modo potest, nisi ea, quae sunt prima naturae,
ut ad summam pertinentia, tenebit. Cur igitur, Ve-
ram, non reieci? quia uereor antiquitatem, &
qui saepe ad inueniendam ueritatem quasi lumen
aliquod praefert. quod hic fortasse contigit. nam, ne
nihil occultem, puto Ciceronem scriptum reliquis-
se, At enim uero. ut enim ab At, & Verum, quae
idem ualent, factum est, At enim, &, Verum
enim: cur non item ab iisdem, At etim uero, &,
Verum enim uero, deducantur? cum praefertim,
Verum enim uero, usitatum esse uideamus. Hoc
porro placet eo magis, quia libri scripti non nulli ha-
bent, pro Veram, Non: quod a Verq, si contra-
cte scribatur, longe non distat.

Vt aqua pars naturae negligatur] Men-
dum

dum subesse manifestum est. quod si haec cum superioribus conferantur, sensus ostendet ita legendum esse, Vt ne qua pars naturae negligatur. ita etiam in Maffei libro scriptum est.

135:

Sapiens appeteret aliquid, quod cuique in mentem ueniret, & quodcumque tamquam occurreret.] Locus locum aperit, si diligenter leges. egi hic, uel contra ueteres libros, unius tantum litterae mutatione legendum existimo, Quodcumque in mentem ueniret. melior omnino sententia: & idem paullo post memoratur his uerbis: Hoc igitur quaeritis omnes, et ij, qui, quodcumque in mentem ueniat, aut quodcumque occurrat, se sequi dicent. sic postea comperi in antiquo Latini Latini libro.

Et uos ad naturam reuertimini.] Liber Tertij, Sed uos ad naturam reuertimini. quod placeat. sequitur enim paullo post: Quid autem minus consentaneum est, quam, quod aiunt, cognito summo bono, reuerti se ad naturam, ut ab ea petant agendi principium, id est officij?

137:

Vt iure quisquam gloriatur.] Sic omnino in duobus antiquis libris: opinor tamen, ut suppositicium, inducendum esse. additum enim uidetur ad interpretationem antecedentium uerborum. quod eo magis existimo, quia responderi constat ad id, quod lib. 111. dictum est his uerbis: Ex quo efficitur,

SCHOLIA IN PARTEM I.

ficitur, gloriatione; ut ita dicam, dignam esse beatam uitam: quod non possit quidem, nisi honestae uitae, iure contingere. ita fit, ut honesta uita beata sit. Is autem locus correctionem doctissimi uiri confirmat, M. Antonij Mureti, qui legendum putat ex Nonio: Illud uero minime consecrarium, sed in primis hebes illorum, gloriatione dignam esse beatam uitam: quod non possit etc. id quod Sigonij quoque liber comprobat.

138.

Sic enim Citiacos, clientes tuos, e Phoenicia profectos] Laertius in Zenone auctor est, Citiacos a Phoenicibus originem duxisse. quem ego secutus, emendaui, e Phoenicia, siue a Phoenicia; cum antea legeretur, A poetica, foedo errore, et manifesto. appellat autem Poenulum Zenonem, quasi callidum, & astutum, ut sunt Poeni fere omnes, qui a Phoenicibus omne acceperunt. qua ratione, Poenulum Zenonē dixit Cicero, quod a Phoenicibus esset oriundus.

139.

Si id gessissent,] Suspicio de mendo. Tertij liber, Gessissent. usitatus erat, Egissent. Idem postea scriptum uidimus in Latini libro.

139:

Non faciles illas quidem, nec contemnendas,] Hoc, fortasse uident alij, quo referatur: mihi, homini non acuto, tenebras esse confiteor. quod si legatur cum Sigonij libro, Non facilia
illa

illa quidem; nec contemnenda; nemo erit tam hebes, qui haec non cernat ab ijs pendere, Quae dura, difficilia, aduersa uideantur. quamquam ne sic quidem carere mendo locum arbitror. nam illud inferius, sed ut hoc iudicarem, cum superioribus non cohaeret.

140:

Tunc scilicet, cum tibi.] Plane frigidum hoc, minimeq. necessarium: ut e glossemate in Ciceronis orationem irrepsisse uideatur.

141.

Quoniam in aqua nihil adiuuat.] Et hoc quiddam olet glossemati persimile: quo genere bonos libros olim imperiti homines referferunt.

141:

Quod profecto sunt:] Fuit, cum legendum crederem, Qui profecto sunt: postea, quod, eodem modo usurpatum a Cicerone comperi, ut epist. 40. ad Ancharium lib. xii. Si ulla mea apud te commendatio ualuit; quod scio multas plurimum ualuisse: haec ut ualeat, rogo. Eodem modo locutus est ad Atticum epistola ultima libri ix. & ad eundem epist. iii. lib. x. Caesar etiam lib. i. comm. de bello ciu. Reperiebat, inquit, inquirendo, quod initium fugae proelii equestris aduersi a Dumnorige factum esset.

142.

Quid enim? sapientia, &c.] Neque in uerbis uitium uidetur esse, neque in sententia: quiddam

rr tamen

SCHOLIA IN PARTEM I.

tamen ornatiùs elucebit, si totum continues, & ita legas. Quod enim sapientia, ubi pedem poneret, non habebat, sublatis officijs omnibus; officia autem omnia tollebantur, delectu omni & discrimine remoto: (quae enim esse poterant rebus omnibus sic exaequatis, ut inter eas nihil interesset?) ex his angustijs &c. Antiquus Maffei liber nobiscum facit, nisi quod coniunctionem illam, Enim, a nobis additam, non habet.

142:

Differre inter honestum, & turpe nimium quantum, nescio quid immensum, inter ceteras res nihil omnino interesse.] Nimium quantum, dixit, pro summum quiddam, quod expressit magis, cum intulit, Nescio quid immensum. Similiter locutus est Sallustius hist. lib. I. Immane quantum animi exarsere. Et Plinius lib. xv I. cap. 36. Immensum quantum praelatis, pro, quammaxime praelatis. Et lib. xv IIII, cap. 28, Infinitum quantum illo tempore candentes pruinas congelat. Et Gellius lib. xv I. cap. 6. Nimium quantum, inquit, audacter. Et lib. xv IIII, cap. 3. Lingua, atque facundia nimium quanto praestabilis. Ammianus quoque Marcellinus lib. xx III. Insula Pharos Rhodiorum erat obnoxia neetigalia. quod cum inde quidam, nimium quantum petitori, uenissent, femina callida &c. uulgatis autem libris haec quatuor uerba, Nimium, quantum, nescio quid, immensum, imperite distincta, sententiam obscurabāt.

Hor. lib. i. d. 27 immam quantum Stulto-

143:

Stultorum] *Hanc uocem, quae antea desiderabatur, interieci, acceptam e libro Maffei scripto, sententia comprobante.*

145:

Iu annulis] *Anellis, legit Nonius.*

146.

Fuit Carneades:] *Carneadis, fortasse rectius.*

148:

Lysias & oratione locuples,] *Liber Tertij, Ex oratione. malim sine copula, hoc modo: Lysias oratione locuples, rebus ipsis ieuior.*

149:

Alii censent primum ascitum, doloris uacuitatem] *Doloris uacuitatem, e suo libro quidam induxerunt; & asterisci notam, quae corruptum locum significaret, e regione apposuerunt. nos ea uerba conseruamus; quod & sententiam sane bonam efficiunt; neque in antiquis Maffei, Sigonij, Tertij libris desiderantur: ut omitam, quod libros superioris nostrae editionis tamen credendum est ad propositum aliquod scriptum exemplar fuisse impressos.*

149:

Vt aut id honestum sit,] *Sententia non recipit Aut.*

150.

Ne si etiam euitare posset.] *Hoc nihil addit ad sententiam; exponit quod proxime dictum*

rr 2 est,

SCHOLIA IN PARTEM I.

est, Ne uitationem quidem doloris.

154.

Est etiam actio quaedam corporis,] Etiam, reposuimus, reiecto Enim, secuti ueterem librum, & ordinem a Cicerone institutum, ea, quae corporis sunt, persequente, & a singularum partium ualitudine ad actionis dignitatem transeunte.

154:

Effectiones, ususq. corporis,] Malim, Affectiones: cur malim, satis constat. Sic & in Latini libro postea scriptum uidi.

155:

Ne putresceret] Latini liber, ne putrescat, Nonius, ne putresceret.

158.

Si turpitudinem fugiamus] Placeret, Fugimus: cum dixerit iam, Fugiendam putamus. uerum hoc leue est.

159.

Aristophanem] malim hic nominare philosophum, quam poetam.

160:

Tantum abest, ut uoluptates consecretur: etiam curas, sollicitudines, uigilias perferunt.] Sic locutus lib. 11. 90. Tantum abest, ut se indicet: perficiet etiam, ut dolere alterius improbe facto uideatur. Et in Bruto: Tantum aberat, M. Calidi, ut animos nostros inflāmares: somnum isto loco nix tenebamus. Hoc exemplis confirmandum putau,

ne

ne quis legendum existimaret, Vt etiam perferant: quod omnino uidetur usitatus: uerum nec hoc excludendum est loquendi genus.

161.

Rerumpub. administratio, aut administrandi, sciendiq. prudens &c.] Etsi nihil mutauit, tamen, nisi prorsus nihil in litteris uideo, rectius est, Administrandi scientia; tum prudens, &c. sic in uetere libro.

161:

Virtutem ipsam inchoauit: nihil amplius.] Genus loquendi, quo Cicero etiam alibi usus est, ut Acad. lib. II. Excepit, unum tantum scire se, nihil se scire: nihil amplius. et lib. III. in Verrem: Se se ipsum abs te repetit, nihil amplius. Et in eundem lib. IV. Haftenus reprehendat, si quis uolet: nihil amplius. Et pro Caecina: In possessionem in praesentia non restituetur, nihil amplius. Et pro Flacco: Qua disputatione orationem refellam eius, qui dicit, Dedimus, nihil amplius? Et ad Cassium epist. I. lib. I 2. Adhuc ultia resp. suas iniurias est per nos interit tyranni: nihil amplius: ornamenta uero sua quae recuperauit? Quibus adductus exemplis locum emendaui. Antea legebatur: Virtutem ipsam inchoauit: nihil itaque amplius nostrum est: obscurata praeopstero uerborum ordine sententia.

163.

Vicinitatibus cum ciuibus] Consentiunt in hoc antiqui libri: mihi tamen non est dubium, quin

rr 3

ita

SCHOLIA IN PARTEM I.

ita emendandum, & distinguendum sit, Vicinitatibus, tum ciuibus. hoc enim quasi progressu serpit caritas generis humani. primi sunt parentes, & nati: sequuntur cognati, tum affines, deinde amici, post uicini, tum ciues, & qui publice socij, atque amici sunt, postremo humanae gentis uniuersae, & hominum inter homines coniunctio.

164.

Tiberina dissensio festo illo die.] Ouidij uersibus adductus sum, ut pro, dissensio, legendum putarem, decursio; hoc facilius, quod Maffei, ac Tertij ueteres libri comprobant. erat autem festus ille dies, quem Romani in honorem Fortunae celebrabant. unde Ouidius lib. vi. Fast.

Ite, deam laeti fortes celebrate Quirites:

In Tiberis ripa munera regis habet.

Pars pede, pars etiam celeri decurrite cymba,

Nec pudeat potos inde redire domum.

164:

Atque, haec, ut uere dicitur, parua esse ad beate uiuendum momenta ista corporis commodorum:] Cum dixerit, Haec, cur infert, Ista? equidem postrema quattuor uerba suspicor non esse Ciceronis, sed hominis leniter eruditi, qui uerbum, Haec, putaret explicandum. Tertij liber habet, Comoda, pro Commodorum.

164:

Haec est non omnia spernentis praeter uirtutem, & uirtutem ipsam suis laudibus amplificantis

PHILOSOPHIAE CICI

cantis oratio. denique] Si quis nostrum librum
hoc in loco cum alijs libris conferet ; uidebit , unius
litterae mutatio , & punctum loco motum quanto
sententiam effecerit aptiorem .

165 .

Consuetudine quasi alteram quandam natu-
ram effici ;] Correxī locum ex libris Sigonij ; &
Tertij . antea ; Consuetudinem .

166 :

Quia cum a Zenone ,] Putat excellens in-
genio Sigonius , cuius acquiesco sententiae , abun-
dare Cum .

167 :

In crucem qui agitur ,] Melius duxi , quam ;
In cruce qui angitur .

168 :

Id est animum terrore liberum .] Glosē-
ma puto .

168 :

Nec dubitatum , quin] Veteres libri ; Nec
dubitant , quin . fortasse , Nec dubitanter , quin . ue-
reor enim , ne minus notum , usitatum tamen , lo-
quendi genus , indoctis hominibus deprauandi occa-
sionem attulerit . ego Ciceronem uideo ita locutum
in epist. IIII . lib. XII . fam. Ea dixit , inquit , de pro-
ditoribus patriae , quae dici debèrent de proditori-
bus : de me quidem non dubitanter , quin omnia de
meo consilio & uos fecissetis , & Canutius faceret :

rr 4

In

In actionibus perscribi] Praescribi, legēdum uidetur ex antiquo libro, & ex consuetudine iurifconsultorum, apud quos Praescribere, est, excipere, hoc modo: Si paret eum centum debere, nisi cum eo pactus erit, iudex eum condemna. praescribitur enim iudici, ne condemnet, illa interpositione, nisi cum eo pactus erit. Quod autem sequitur, de re eadem fecit alio modo; puto uerbum, Fecit, abundare. intelligitur enim non, Fecit, sed, Egit: cum aliquis agere dicatur in iudicio de eadem re alio modo, qui, furto suo recuperato, uerbi gratia, aestimatione, repetit idem furtum ab eodem alio actionis genere. tunc enim dicitur de eadem re alio modo agere. quod uetant iurifconsultorum formulae. unde illud ep. 27. lib. xiiii, fam. Ut uos in uestris formulis, sic ego in epistolis de eadem re alio modo.

Propter oculorum dolorem.] Aut, Oculorum, deprauatum est: aut Cicero sibi non constat. nam Tusculana II. rhenum dolore Dionysium hunc laborantem memorat.

Effet ferendum uiro.] Sententia postulat, Esse: ut hoc dicatur: quod turpe non sit, malum illud non esse, & esse ferendum uiro.

Resq. magnae sumendae, laudabilesq. uirtute gestae,] Ciceronem aliter scripsisse, uel sacramento,

sacramento, ueterum more, contenderem. scripsit
autem hoc fortasse: Resq. magnae, summeq. lauda-
biles, uirtute gestae.

171:

Polycletos, & Parrhasios] Cum de picto-
ribus loquatur, malim, ut est in antiquo libro, Po-
lygnotos, & Parrhasios. nam Polycletum statua-
rium ignorat nemo. Polygnotum autem, pictura
clarum, Cicero ipse in Bruto, Plinius, Quinctilia-
nus, Plutarchus, Aelianus, Pausanias, Aristot-
eles etiam in Arte poetica nominat.

172.

Fieri autem potest] Mallem, Ferri autem
potest. paullo enim uidetur aptius.

173:

Cur, quaeso?] Hoc ab Auditoris persona
ad Marcum transluli: illud autem, Quia disertus
esse possem, a Marco ad Auditorem: recte ne, an
secus, aliorum sit iudicium.

175:

Animum autem alij animam, ut fere no-
stri declarant, nominari.] Olet mendum,
Ut fere nostri declarant. nec dubito, quin melius in
antiquo libro: Ut fere ipsum declarat nomen. nā et.

175:

Cor, sanguinem, cerebrum,] Addidi,
Sanguinem, ex antiquo libro, uel potius ex ipso Ci-
cerone. dixit enim proxime: Empedocles animum
esse censet, cordi suffusum sanguinem. Infra uero,

176: Si

SCHOLIA IN PARTEM I.

176: Si cor, aut sanguis, autem cerebrum est animus. Et 180: Ne tam uegeta mens aut in corde, cerebro ue, aut in Empedocleo Sanguine demersa iaceat. Et 185. Non est certe nec cordis, nec sanguinis, nec cerebri. In Lucullo etiam 140. Vtrum sit ignis, an anima, an sanguis?

175:

Intentionem ipsius corporis quandam] De integritate uerbi, Intentionem, non liquet. intention enim corporis cum harmonia quid habet simile? diceret, Incentionem: congruebat magis.

176.

Xenocrates animi figuram, & quasi corpus negauit esse, uerum numerum dixit esse:] Liber Sigonij, Corpus negauit esse ullum, uerum numerum dixit esse. ego puto: Corpus negauit esse ullum, numerum dixit esse. nam Vllum negligentia describentium opinor in Verum esse conuersum. Praeterea, cur Verum numerum dicat, numerum quidem satis est. Et in Lucullo, 40. An? ut Xenocrates, mens nullo corpore?

177:

Humi retineretur,] Omnino libentius cum antiquo libro, Retineret, legerem: sed, quo tamen offendar, quiddam adhuc remanet.

178:

Remp. conseret.] Si est, ut uidetur, argumentum a minori; dubitari non licet, quin Cicero scripserit, Non seret? mutatio quidem in litteris ferre

PHILOSOPHIAE CIC.

re nulla: & sententia quasi iacens excitatur, ab interrogante enunciata. Eiusdem generis illud, 210: Ergo haec ueteranus miles facere poterit, doctus uir, sapiensq. non poterit? Et 280. An Scythes Anacharses potuit pro nihilo pecuniam ducere, nostrates philosophi non potuerunt? Et alibi saepe.

179.

Imaginis urnam:] Formam, & est in quibusdam libris; & omnino uidetur aptius, quam Imaginis urnam.

180:

Id est spirabiles,] Fortasse hoc etiam supposititium, ab interpretante proximum uerbum, Animales, inculcatum.

181:

Patritam illam. & auitam] Recte, Patritam, non, Patriam, ut antea legebatur. id Nonij testimonio comprobatur, qui in uerbo patrita hunc locum recitat, & affert praeterea exemplum ex Varrone.

183:

Hoc est, ipsum posse cognoscere] Frigidum, & plane superuacaneum: itaque, glossam opinatus, deleui. cum haec iam edidissim, scripsit ad me uir doctissimus, & integerrimae uitae, Germanus Genuensis, monachus d. Benedicti, coniecturam nostram ueteris libri testimonio probari.

185.

Aut unde naturam?] Contracta scribendi ratio

SCHOLIA IN PARTEM I.

ratio imperitis hominibus occasionem praebuit ueteres libros saepenumero corrumpendi. cuius generis multa notauimus, & correximus. hic primum mendis suspicionem mihi attulit, Naturam. quod superuacaneum uidebatur, cum proxime dixerit, uim. deinde, cum ad coniecturam confugissem, facile uidi, nulla omnino mutatione, ex, undenam, (sic enim puto corrigendum) fieri potuisse, errorem creante similitudine, unde naturam. naturam enim ita saepe ueteres librarij scribebant, nã. in nostro libro mendose, impressum, aut unde?

185:

Errantium stellarum cursus, progressiones, institutiones] Ex duabus dictionibus, cursus, progressiones, feci coniecturam, legendum esse, institutiones, non, ut antea, institutiones: ut similibus, & conuenientibus utatur uerbis. sunt autem correctiones quaedam; quarum etsi ratio non explicatur, tamen, quibus iudicium est paullo subtilius, facile, cur factae sint, ipsi per se intelligunt. rudibus autem, & tardis, & ijs, qui sibi omnia minutatim concidi, omniaq. tamquam mansa a nutrice inseri in os uolunt, ego quidem, ut satisfaci-
am, non laboro.

186:

Qui, ut ego dico, diuinus,] Qui, sine causa additum uidetur.

187:

Fontes scatere, herbis prata conuestrier]

rier] Hic, Scatere, pronunciandum est media cor-
repta, ut anapestus fiat, Scater' her. alioqui uer-
sus claudicabit. sic & Lucretius lib. v. Largifluum
fontem scatere, atque erumpere lumen. & infra in
eodem libro, Et partim plano scatere, atque erum-
pere campo. Plautus etiam, opinor in Cassina, ole-
re, protulit, media contracta: Non omnes possunt
olere unguenta exotica.

189.

Nequidquam aliud est] Nequidquam pro
nihil, non probo: uix enim id fert latini sermonis
consuetudo. Nihil quidquam aliud est, habet Mas-
fei liber. placet: sic enim locutus est Terentius in
Adelphis,
Nihil quidquam uidi laetius. et Plautus in Merc.
Nihil Charine te quidem quidquam pudet.

189.

Ego autem numquam ita te in hoc ser-
mone dimittam ulla uti ratione: ut mors
tibi uideri malum possit.] Neque sensus,
neque locutio placet. quid enim sibi uult, numquam
te in hoc sermone dimittam ulla uti ratione? quis ue-
ro umquam sic locutus est, numquam te dimittam ul-
la uti ratione? uerbum, dimitto, & latinum est,
& ueteribus usitatum, neque eodem modo sem-
per, sed uarie, cum infinito autem numquam. ita-
que etsi nihil immutauit, ne facerem id, quod facien-
dum non est, ut mihi plus tribuerem, quam uete-
ribus: tamen non dubito, quin ita legendum, & di-
stinguendum

SCHOLIA IN PARTEM I.

stinguendum sit. Ego autem numquam ita te hoc sermone dimittam, ulla uti ratione mors tibi uideri malum possit. Cum autem erroris originem quaererem, hanc reperi, quod particulam illam, uti, quae hoc loco adiunctiua coniunctio est, lector opinatus infinitiuium esse modum a uerbo utor, cum superiore membro coniunxit: & ut hoc imperite, ita illud impudenter, quod, Vt, addidit de suo; ut aduerbiū Ita, haberet quo referretur: cum, Vti, pro Vt, esse positum, non intelligit.

189:

Contemnit,] Abest, &, opinor, recte, hoc uerbum ab antiquo libro: ut illud, Doctissimus quisque, spectet ad uerbum differuit.

189:

Labamus, mutamusq. sententiam clarioribus etiam in rebus: in his est enim aliqua obscuritas] Puto rectius hoc modo: Labamus, mutamusq. sententiam. clarioribus etiam in rebus inest aliqua obscuritas.

189:

Istos uero:] Haec ad Auditoris personam retuli: illud inferius, Bene reprehendis, ad Marcum: idq. e Sigonij libro.

190:

Migrare. A. Spero, &c.] Elegantius, si, notis litterarum, quibus personae significantur, in ductis, continuata oratione ita legatur. Migrare. spero fore, ut contingat id nobis: sed fac, ut illi uolunt,

PHILOSOPHIAE CIC.

lunt, animos nō remanere post mortem: uideo nos.
si ita sit, priuari spe beatioris uitae. mali uero, &c.
Sic igitur emendauit.

191:

Ista uel] Ista ui, legendum esse, tum ipsa me
sententia, tum similis admonuit locus in libro de Uni
uersitate: ubi cum in omnibus uulgatis libris, Vel
cum eadem, legeretur, nos ante aliquot annos, Vi
cum eadem, ex Platone reposuimus.

194.

Nam, reor, non illis,] Non, antiquus
liber non habet: nec sane cum sententia congruit:
cum Cicero prudentiam in senibus laudet.

194.

Omnia ista perinde ut cuique data sunt,
pro rata parte aut longa, aut breuia dicun-
tur] Legebatur antea, Pro rata parte a uita lon-
ga. nos, sensum secuti, Aut longa, correximus,
adiuti non nihil a libro Maffei scripto, in quo legi-
tur, Aut ita. ex quo etiam si priore loco, Ita, con-
stituas, posteriore, Aut, legi posset hoc modo:
Omnia ista, perinde ut cuique data sunt, pro rata
parte ita aut longa, aut breuia dicuntur.

194:

Quam optabiliter illud iter ineundum
esse debet,] Quis hoc modo loquitur? Debet ef-
se ineundum, nemo certe dixerit: at illud, Ineun-
dum est, Iniri debet, Inire nos decet, latine dixe-
ris. monere lectorem uolui, ut, cum in scriptos li-
bros

bro incidit, hunc locum diligenter inspiciat.

195:

Et hoc quidem hoc modo: nihil autem melius aestimo] Ex antiquo libro Maffei legendum puto: Et haec quidem hoc modo: nihil autem melius extremo. ut hoc totum non ex Socratis oratione sit, sed a Cicerone per interpositionem prolatum. nam neque in Platonis apologia haec sunt: & dictio illa, Inquit, quae subsequitur, ideo uidetur esse illata, ut quasi interruptum superioris orationis filum contexeret. sic & in alio libro scriptum esse, scripsit ad me idem Germanus monachus.

196.

In quos Simonides] In, praepositio, hic accipitur in bonam partem, pro in quorum laudem, ut de Oratore libro 11. Multa in Castorem scripta, & Pollucem. et de Natura deorum libro 1. Catullus dilexit Roscium: in quem etiam illud est eius, Constiteram exorientem auroram forte salutans, & quae sequuntur. De senectute etiam, In quem, inquit, illud elogium, unicum plurimae consentiunt gentes populi primarium fuisse uirum. His exemplis adducti sumus, ut, In quos, emendaremus, cum, In quo, antea legeretur.

196:

Pergite animo forti] ucreor, ne graecum uerbum, ἀπιστοῖσθαι, parum intellexerit Cicero noster. nam id ualet, prandere, non, ut Cicero uidetur accepisse, fortiter agere. utitur autem hoc uerbo
Plutar-

PHILOSOPHIAE CIC.

Plutarchus in Laconicis, ubi hoc Leonidae facinus narrat. Isidorus etiam Etimol. lib. 20. c. 2. Vnde, inquit, illud ducis alloquium: Prandeamus, tamquam ad inferos cenaturi.

197:

Haec in errore uersentur] Concinnius, Hic in errore uersetur. sequitur enim proxime, Putat. tametsi ne illud quidem alterum uacare sententia uideo.

198:

Omni autem oratione] iam duas orationis partes fecit: nunc de tota loquitur. itaque legendum omnino, Oratione, non Ratione.

199.

Sollemne, & statum sacrificium] Statum lego, non statutum, ut habent aliquot impressi libri. sic & oratione de Arusp. resp. Statas sollemnesq. caeremonias. & Liuius lib. x l. Proficiscuntur ab Thessalonica Aeniam ad statum sacrificium. manauit autem latius hoc mendū, ut in ueterū libris saepe, pro statum, legatur statutum. exempla, ne satietatem habeat prolixitas, omitto.

202.

Refellere sine pertinacia, & refelli sine iracundia] Mallem sic, Refelli sine pertinacia, & refellere sine iracundia.

208.

Debilitari dolore;] Sic malo, quam, Debilitari, dolere. non enim, Dolerè, diuersum quiddam

SCHOLIA IN PARTEM I.

dam habet a Frangi, & Debilitari. atque etiam
lib. 11. de Fin. 100: coniungo, Debilitari dolore,
frangi, succumbere. sic, Dolor me debilitat, in o-
ratione pro Rab. Post. Debilitor lacrymis, in epist.
ad Terentiam.

108.

Tum dignitas, tum decus aderit;] Quid
si, Dum pro Tum utrobique reponatur?

208:

Aut Philoctetam] Vel in coniunctione,
Aut, mendum inest, uel aliquid desideratur: itaque
placet legere, ut est in Maffei libro, Prometheus,
aut Philoctetam.

208:

Leſtulo &c.] Lib. 11. de Fin. 100: sequentes
uersus non ad Philoctetam, sed ad saxum Lemnium
referuntur. sed Ciceroni usitatum est, antiquorum
poetarum uersus, paulum quandoque immutatis
uerbis, ad suam sententiam traducere, ut lib. XIV.
epist. ad Att. in Homeri uersu.

209:

Ipsē labor quasi callum quendam obducit
dolori.] Quoddam, neutro genere, legendum,
ex Cārisio; cuius haec sunt lib. 1. Callum neutro ge-
nere dicitur. Cicero in Tusculanis: Ipsē labor quasi
callum quoddam obduxit.

216:

Neque plausum captans se tantum ipsa dele-
ctet.] Id est, plausumq. non captans se tantum ip-
sa

sa deletet. hoc si cui paullo diutius uidetur obscurius,
quod tamen interdum usitatum est; legat cum Sigo-
nij libro: Neque plausum captet, sed se tantum ip-
sa deletet. ego nihil mutarem.

220.

Infaniam enim censuerunt,] Infaniam, re-
cepi, adductus Nonij testimonio; Stultitiam, repu-
diaui; quod uerbum omnes libros occupauerat, repu-
gnante sententia: cum hic non stultitia, sed infania
cum furore comparetur.

220:

Et uero ita existimo.] Qui proprietatem la-
tinae linguae callent, ij, non dubito, quin magis pro-
bent, Et uero, quam, quod erat antea, Ego uero.
quod ipsum, ut alia multa, acceptum refero Sigo-
nij nostri antiquo libro: cum quo alium consentire li-
brum, scripsit ad me aliquanto post idem Germa-
nus monachus, supra nominatus. Est autem, Ve-
ro, pro sane, ut in libro de claris oratoribus: Sed
tu orationes nobis ueteres explicabis? Vero, in-
quam, Brute. Et lib. 1. de Diuin: Vero, mea puel-
la, tibi concedo meas sedes. Et lib. 111. de Legi-
bus.

220:

Nam istuc, nihil dolere, non sine ma-
gna mercede contingit, immanitatis in a-
nimo, stuporis in corpore.] Haec uerba
Crantoris, a Cicerone conuersa, recitantur a Plu-
tarcho εν τῷ παραμυθητικῷ πρὸς Απολλώνιον. τὸ

¶ 2 γὰρ,

SCHOLIA IN PARTEM I.

ἔα, inquit, ἀνόδωον τῷ τοῦ ἀνευ μεγάλων ἐγγίνε-
ται μιδῶν τῷ ἀνθρώπῳ. τεθριῶσαι γὰρ εἰκὸς ἐκεῖ μὲν
σῶμα τοιούτον, ἐνταῦθα δὲ ψυχὴν.

222.

Ab eo, quod nequidquam] Si deleas, Ab eo,
mendum fortasse corrigas, sententiam certe non
minuas. nec me praeterit, ubi quid longius inter-
ponitur, reprehendi a Cicerone praeterita; sed ali-
quid tamen simul addi, ut, igitur, uerumtamen,
sed, & huiusmodi quaedam, simul animaduerti. ue-
rum & de hoc, & ubicumque fere sententiam cor-
rectio nihil adiuvat, susq. deque,

224.

Nolite hospites adire ad me ilico istic] *Trochaicus est, in quem non cadit iambus: itaque non puto eos recte sentire, qui, uerbis aliter collo-
catis, ita legunt, Nolite hospites ad me adire ilico
istic: nam in quarta sede iambus esset.*

224:

Opinione mali aegritudinem esse, non
natura;] *Aliter in omnibus libris. ego, Non,
addidi ex ingenio: Opinione, sumpsit a scripto Sigo-
nij libro. confirmat correctionem nostram quod in-
fra legitur 225: Simulq. iudico, malum illud opi-
nionis esse, non naturae. & 233: Vides ergo opi-
nionis esse, non naturae malum. et 235. Ex quo
intelligitur, non in natura, sed in opinione esse aegri-
tudinem. Et 238: Non natura exoritur aegritu-
do, sed iudicio, sed opinione. Nec dissimile illud,
de*

PHILOSOPHIAE CIC.

de corporis, non animi, dolore, lib. 111. de Fin.
117. *Opinio facit, non natura, vim doloris aut maiorem, aut minorem.*

225:

Si enim in re essent,] *Esset, videndum an rectius: quod equidem existimo.*

226.

Vetât igitur ratio intueri molestias: abstrahit ab acerbis cogitationibus hebetent aciem ad miseras contemplandas:] *Malui cum antiquo libro: Hebetat aciem.*

226:

Proprio philosophiae fungatur officio;] *Vsitatus, quam, ut in alijs libris, Fruatur officio.*

229:

Cedrum incendamus:] *Tertij liber, Cedricum. sunt; qui, Hedycrum, legi malint. mihi non displicet, Cedrum. nam & Virg. lib. 111. Georgic.*

Disce & odoratam stabulis incendere cedrum. et idem lib. VII. Aen.

Vrit odoratam nocturna in lamina cedrum.

Ciceronem autem de odoribus loqui, locus alter ostendit 228: *Fasciculum, inquit, ad nares admovebis? incendes odores? Itaque non sane videretur mutetur.*

231.

Eo enim erant vultu, oratione, omni reliquo motu,] *An, Oratione, recte dictum sit,*

ss 3 cum

SCHOLIA IN PARTEM I.

cum antecedit, *Eo*; grammatici uiderint: sententia quidem ego moueor magis, ut, *Ornatu*, suspicor uerum esse, deprauatum *Oratione*.

231.

Consolatione ulla,] *Illa*, *Sigonij liber*.
probe.

231.

Aut qui] *Et hoc melius*, ex eodem libro, addita interrogandi nota, quam, *Atqui*, sine eadem nota.

233:

Caelo, atque terrae *Medeae miseriae*.]
Hic senarius mensuram non recipit absolutam: quā reciperet, in primum locum traiecto uerbo, Medeae, hoc modo:
Medeae caelo, atque terrae miseriae.

233:

Quid ille *Terentianus*, ipse se puniens, id est *ἑαυτὸν τιμωρούμενος*?] Quorsum addatur, *Id est ἑαυτὸν τιμωρούμενος*? inculcatum crediderim pro glossmate, aut a *Cicerone* scriptum sic: *Quid ille Terentianus, ἑαυτὸν τιμωρούμενος*? *Antiquus liber*, *Id est*, non habet. quod mendi suspicionem auget.

234.

Ergo in potestate est &c.] *Possim alucinari*: sed, quoniam induxi animum, agere cum *studiosis simpliciter*, et sine fuco. sic opinor melius: *Ergo in potestate est abicere dolorem, cum uelis, tem-*
pori

pori seruientem: et est ullum tempus, quoniam quidem res in nostra potestate est, cui non ponendae aegritudinis causa, seruiamus? Deleo autem, Curae, quia nec id uerbum sententia desiderat; et, deponere, dicimus, aegritudinem, non curam aegritudinis. additum crediderim ab interprete imperito, ut aegritudinem per curam exponeret.

234:

Cadentes] Carentes, antea legebatur. itaque est in libris scriptis: mihi tamen uisum est ut repone-rem, Cadentes, ex Homeri uersu, in quo est, καὶ πλοῦσι: quod significat, cadunt. uersus autem hic, quos Cicero uertit, sunt Iliadis T.

236:

Nihil mali] Aut hoc abundat, aut legendum, Nihil noui. nam si legas, Mali, ad Cleanthis rationem reuolueris. dixit etiam 217. Animo sic excubabat sapiens, ut ei nihil improuisum accidere possit, nihil inopinatum, nihil nouum.

237.

Ne quidem ullum esse malum,] Ne quidem, coniuncte positum, incorruptum esse numquam duxi. confirmor magis in sententia, quia Sigonij liber habet, Quod nullum esset malum. quamquam ne sic quidem, sincerum esse locum, plane constat. In oratione autem pro Caecina, ubi est, sine quidem tuorum quisquam, legendum putarem, si neque tuorum quisquam.

ss 4 Dele-

238.

Delectationis.] Cum antiquus liber praepo-
nat, Et; uenit in mentem ita distingui, & legi pos-
se. Opus enim quaerunt. quamquam plane disputa-
tionis sunt, & delectationis.

238:

Sic philosophia,] Vel omissum a librario
uerbum est, quod actionem philosophiae det, ut,
medetur, medicinam facit, remedium affert: aut
est uitium, quod ἀνακόλυντον Graeci uocant, alibi
etiam a nobis in Tullio non semel animaduersum.

240:

Propter magnitudinem rerum, occupatio-
nemq. omnium,] Placet in res, & homines caus-
sam conferri, & ut res, sic homines nominari. assen-
tior igitur ueteri libro, qui, Hominum, habet, non
Omnium.

243:

Terrorem,] Omissa est definitio pudoris, quem
paullo ante post pigritiam nominauit, cuiusq. etiam
mentio subsequitur. id utrum librarij negligentia, an
Ciceronis ipsius obliuione, conijcere non licet. Pudor
autē a Zenone, a quo haec fere omnia Cicero sumpsit,
ita definitur apud Laertium: αἰσχύν δὲ φόβος ἀδοξίας:
id est, pudor autem metus infamiae. Quod autem ter-
rorem Cicero definit, metum concutientem; uereor,
ne sit imperfecta definitio, & hoc fortasse omissum
sit, Ex cogitatione inusitatae rei. est enim haec Zeno-
nis apud Laertium terroris definitio. ἐκτρανγίς, φόβος

ἐκ

ἐκ φαντασίας ἀτυμῆ της πράγματος .

244.

Ira sit libido puniendi eius , qui uideatur laesisse iniuria .] Quia uideo quibusdam in libris desiderari uerbum, Iniuria, quod etiam in ijs, qui ex aedibus nostris, alioqui satis emendati, superioribus annis exierant , omissum erat ; ideo graeca Zenonis uerba, iram definientis, ut omnis in posterum occasio mendi tollatur , recitare uisum est .

sunt autem haec apud Laertium: ὅριον δὲ ἐπιθυμία τιμωρίας τῷ δόκοντος ἡ δίκη κέναι ἐ ποστηκόντος. Laertius.

244.

Indigentia. libido inexplibilis:] Paucissimis uerbis, quod Zeno multis, cōplexus est πάντις ἐπιθυμία τις ἐν ἀποτόξει, καὶ ὅσον κεχωρισμένη ἐκ τῆς πράγματος, τεταμένη δὲ διακεῖν ἐπ' αὐτὸ καὶ ἀσπόμεν. Laertius .

244.

Distinguunt etiam illud, ut sit libido earum rerum, quae dicuntur &c] Distinguuntur, quae definita iam sunt , desiderium , & indigentia . sed paullo plenius esset : Ut desiderium sit libido . sin, Desiderium, omittimus; subaudiri necesse est. sed addi malim, quam subaudire . Posset etiam sic, uerbo, Illud, in alium locum translato: Distinguunt etiam, ut illud sit libido. ita , desiderium significari, commodius intelligetur. distinctio quidē haec in Laertio, ubi Zenonis definitiones persequitur, non reperitur . Non placet autem, quod suspicari aliquis fortasse posset, Cicronem, non desiderium, & indigentiam, sed libi dinem

· SCHOLIA IN PARTEM I. ·

libidinem, & indigentiam uoluisse distinguere. quis enim, exempli gratia, animal, & hominem, id est genus, & speciem, distinguat? distinguuntur autē, uarie definita. eidem generi subiecta, ut, homo, & lupus; desiderium, & indigentia. neque nunc id Ciceroni propositum est, ut libidinis uim, & naturam ostendat, sed ut eorum, quae libidine, tamquam species genere, comprehenduntur. alioqui diuersum aliquid a libidine haberet indigentia. quod fieri non potest. nihil enim est in specie, quod idem in genere non sit. licet contra, quae in genere, non eadem in specie sint omnia. ut amur enim receptis uulgo, ac tritis iā consuetudine nominibus.

244.

Indigentia, libido rerum ipsarum est,] Cū, Indigentia, pendere uideatur a uerbo Distinguunt; (patet enim, hic distingui desiderium, & indigentiam) adducor, ut, Est, abundare putem, aut legendum, sit.

245.

Vt sunt alii ad alios morbos] Imperfecta similitudo. nam ad particulam, Vt, quod respondeat, nihil est. sorte ita corrigendum. Vt sunt alij ad alios morbos procliuiores; itaque dicimus grauedinosos quosdam, torminosos, non quia iam sint, sed quia saepe: sic alij ad metum.

246.

Morbo tentari non possunt, corpora possunt:] Est fortasse uitium in ordine uerborum. hoc enim malo, quam integrum Ciceroni nostro. uersum effluxisse.

effluxisse. quod quam in soluta oratione turpe sit, ipsemet in Oratore ostendit. Idē uitium deprehendi in oratione pro Archia, in Rullum, in ea post reditū ad Quirites: ubi uersus hexametri integri leguntur.

247.

Quando & aliis locis de uirtute diximus,] Quae paullo post subiungit, cum ait: Quando igitur uirtus est affectio animi: ea mihi coniecturam attulerunt, quam studiosis aperire operae pretium duxi. Puto igitur legendum sic: Quando, ut alijs locis de uirtute diximus. quod enim hic omittit, persequitur ijs uerbis: Quando igitur uirtus. Et hoc totum cum eo connectitur, Huius igitur uirtutis. quod ut esset apertius, duplici interclausione, quae *παρέθεσις* uocatur a Graecis, sententiam distinximus.

247.

Ex qua concitantur perturbationes:] Mendose legi in libris, qui uulgo ueneunt, Cogitantur, puto omnes intelligere. correxi ex antiquo libro. apud Nonium Fenestellae locus eodem mendo foedatur, nam, Inuidiam cogitare legitur, pro, concitare.

248:

Aliter ferat inueterata,] Ferat quis? de stultis loquitur: Ferant, igitur mallet.

248:

Aegre tulisse P. Rutilium fratris repulsam consulatus.] Historia postulat, Rutilium, qui

SCHOLIA IN PARTEM I.

qui consul fuit anno urbis DCXXI, ut patet ex fastis Capitolinis; in quibus plane, Rupilius, legitur. tollendum idem mendum ex Plinio lib. 7. cap. XXXVI. ipsum etiam Ciceronem in Laelio tribus locis in eodem nomine correximus.

250.

Aduersa ratione] Maffei liber, Auersa a ratione. probo. nam & supra, 211. Zenonis, inquit, est definitio, ut perturbatio sit auersa a recta ratione contra naturam animi commotio. & 113: Omnium perturbationum fontem esse dicunt intemperantiam: quae est a tota mente, & a recta ratione defectio, sic auersa a praescriptione rationis, ut nullo modo, &c. & 216. Turbidi animorum, conitatiq. motus auersi a ratione. & 222. Conuenit inter omnes, commotiones animorum, a recta ratione auersas, uitiosas esse.

256.

Ira uero quamquam diu perturbat animum, dubitationem insaniae non habet] Mendum est in uerbo, quamquam. ueteres libri, quos ego uiderim, habent, quae quam, deprauate omnino, si respiciamus, dictio Ira quo referatur. quod si coniecturae locus est, ita legerem: Ira uero, quam diu perturbat animum, dubitationem insaniae non habet.

258:

At naturalis est.] Obiectio: cui respondet quod sequitur; An quidquam esse potest secundum naturam-

PHILOSOPHIAE CIC.

naturam, quod sit repugnante ratione? et est sententia, nisi fallor, multo concinnior, quam si legas, ut antea, Aut naturalis est? cum praecedenti membro connectens. ut autem hunc locum, una dempta littera, correximus: sic paullo post alium, una immutata, restituiimus. nam ubi legebatur, prius quam esset ulla ulciscendi libido, nos, meliore, ut opinamur, sententia, reposuimus; Prius, quam esset ulta ulciscendi libido.

272.

Cinna collegae sui, consulis, Cn. Octavii praecidi caput iussit.] Consulis, puto glossema, adscriptum ad Collegae.

276:

Cui rei refertae] Concinnius, Cui refertae.

278.

Gloriae causa;] Potest esse suppositivum, causa. certe necessarium non est.

280:

Facere non potuerunt?] Iacere uidetur, planeq. otiosum esse uerbum, Facere. quod si absit, multo erit elegantius. subauditur enim, quod in proximo superiore membro dictum est, Pro nihilo pecuniam ducere. hoc loquendi genere uis additur, atque etiam ornamentum orationi: idq. periti latinae linguae & facile in antiquorum scriptis agnoscunt, & libenter ipsi, cum sententia postulat, imitantur. exemplorum apud Ciceronem plena sunt omnia: sed tribus, aut quattuor, ne multitudo fastidium pariat, contenti

SCHOLIA IN PARTEM I.

contenti erimus. Tusc. 11. Ergo haec ueteranus miles facere poterit, doctus uir, sapiensq. non poterit? Tusc. 111. Timor ab ijs aegritudinem potuit repellere, ratio, ac sapientia uera non poterit? Tusc. 1v. Animi ualentes morbo tentari non possunt, corpora possunt. Et Tusc. v. 285. Item in Oratore: An uictus hominum, Atheniensium beneficio excoli potuit, oratio non potuit? & in oratione pro Balbo: An lingua, & ingenio patefieri aditus ad ciuitatem potuit, manu, & uirtute non potuit? Quibus in locis tum pronunciata similiter sententia, tum etiam conclusa cognoscitur.

281.

Quidquid obiectum est] Aut, Vt, abundat: Aut, pro Quidquid, legendum est, Quid, aut Quidquid, hic accipiendum pro Quidque: ut apud Lucretium libro 11. Inq. suos quidquid rursus reuocare meatus. et lib. 1111. Semper enim summum quidquid de rebus abundat. et libro v. Sic unum, quidquid paullatim protrahit aetas In medium. Possem ex oratoribus loca recitare: sed ego in latinis locutionibus, ubi quid eiusmodi occurrit quod sine exemplorum comprobatione durius uideatur, libentius poetarum utor auctoritate, quam oratorum. sunt enim poetae certiores latinae linguae testes: propterea quod metri ratio facit, ut mutationi non tam facile locus sit. quod in oratoribus contra uidemus.

282:

Pernoctare] Plato dixit, Κοιμάσθαι: quod est, Dormi-

Dormire, pernoctare uero, est, per noctem manere.

282.

At enim non sine ignominia afficere poterit sapientem] *Locus recte stellula notatus: mendum enim subesse constat. fortasse ita restitui posset. At enim non erit sine ignominia. ignominia afficere poterit sapientem? de sapiente enim est haec omnis oratio. Sententia certe haec uidetur esse. quibus autem uerbis explicanda sit, statuere nostrum non est. studiosi libros antiquos adeant, & eorum ope utentes locum emendent.*

285:

Omnesq. id nos] *Id, non uideo quid spectet. antiqui scribebant, It. inde mihi orta coniectura est, ut, Item, legendum putarem.*

286.

Iis philosophis] *legendum uidetur, Ii philosophi: & paullo post, Dicunt, non, Dicant.*

INDEX RERVM ET VERBORVM.

A

- A**CADEMIA. 145. a
Academix ratio per-
multis non probatur. 7. a
Academiam defendit Cice-
ro. 22. b
Academiam Lucullus op-
pugnat. 6. a
Academia recēs. 46. b 57. b
Academia uetus. 42. a.
49. a. 51. b. 57. b
Academici. 51. b 37. b
250. a
Academici actiones non
tollunt. 35. b
Academicorum ueterum
laus. 146. b
Actionum plura genera.
161. a
Acheron. 173. a
Achilles. 196. b 222. a 251. b
Acipenser. 83. a
Adiaropia. 42. a
Aeacus. 125. a
Aeetas. 224. a 227. b
Aegritudine carere debet
sapiens. 221. a 224. a 248. a
Aegritudinem quae mala
comitentur. 224. b 231. b
Aegritudini quae res subie-
ctae sint. 243. a
- Aegritudinis, & reliquarū
perturbationū causa est
in opinione. 223. b. 224. b
Aegritudinū ratio una, plu-
ra nomina. 238. b
Aegritudo quid sit. 223. b
236. a
Aegritudo uolūtate suscipi-
tur. 234. a
Aegrotationi animi quae
subiecta sint. 245. a
Aegrotatio quid sit. 245. b
Aegyptii. 197. b 277. b
Aemulatio quid sit. 243. a
Aer. 53. b
Aerumnae. 106. a
Aerumna quid sit. 243. b
Aeschines. 146. a 233. a
Aeschyli uersus. 206. a
236. b
Aesopus. 252. b
Aesti mabile. 111. a
Aetas hominis. 234. b
Aeternum illud est, quod
se ipsum mouet. 184. a
Afflictatio quid sit. 243. b
Afranii locus. 249. b 253. b
Afranius a Menandro tran-
silit. 60. b
Africani. 115. b
Africanus.

INDEX.

Africanus.9.a 9.b.103.a 164.	196.b.225.a.23.2.262.a 285.a		
2.172.a.250.b.271.a	Anaxarchus Democritus.		
Agamedes.	199.a 213.b		
Agamemnon. 233.a. 251.b	Anaximander.	38.a	
Agēdi aliquid, in homine cu	Anaximenes.	38.a	
piditas.	160.a	Andromaca.	11.b
Agraria lex.	9.a	Angor quid sit.	243.b
Aiax.	220.a. 251.b	Animal ab inanimato quo diffe	
Albinus A. praetor, & cōsul.	rat.	16.a	
44.a	Animal omne se ipsum dili-		
Albutius.	6.a.283.b	git.	151.a
Alcaeus.	257.a	Anima triplex	178.a
Alcibiades.	237.a	Animi bona.	52.a
Alcidamus rhetor.	199.b	Animi excellentiā Chrysi-	
Alcmaeo 20.a. 29.b. 141.a.	pus homini tribuit.	132.a	
220.a	Animi medicina.	218.a	
Alexander.	4.b.258.b	Animi status quietus.	264.a
Alexinus.	26.b	Animus.	40.a
Allienus Pelignus M.	251.a	Animorum aeternitas proba	
Amafanius	38.b.240.b	tur	173.a
Ambrosia, & nectar.	186.a	Animus ex operibus suis a-	
Amentia, & dementia	219.a	gnoskitur.	187.b
Amicitia.	123.a	Animus humanus	268.b
Amicitiae locus esse non po-		Animus, in duas partes distri	
test, si ad uoluptatem om-		butus.	212.b. 241.b
nia referantur	96.b	Animus quid sit.	176.a. 180.a
Amicitia nō emolumēto, sed		Animus ubi sit.	189.b
caritate merienda	98.a	Antiochus. 5. b. 8.a. 8.b. 13.b	
Amicitia quid sit, ex Epicuri		23.a. 24.b. 36.b. 42. b. 43. a	
sententia	74.b	Antiopa.	11. b. 59. b
Amicorum tria paria.	74.b	Antipater. 10.a. 13. b. 60. a.	
Amor.	235. b. 256. b	284.	
Amori auctoritas tributa.		Autonius M.	214. b
257. a		Απόδειξις.	13. a
Amoris curatio.	257. b	Apollo Pythius. 157. a. 183. a	
Anacharsis Scythia.	280. a	Appius.	179. b
Anacreontis poesis,	257. a	Appius Caecus. 240. a. 274. b	
Anaxagoras. 9. a. 25. a. 38. a		Aquinas, poeta.	274. a
		tt	Arthores,

I N D E X . 7

Arbores, & stirpes.	268. b	Asoti	82. b
Arcefilas.	8. b. 9. a. 9. b. 10. a	Arsionem sapiens sustinet.	
27. a. 55. b. 51. a. 57. b. 58. a.		20. a	
76. b. 170. b		Assensio non tollenda	16. a
Archelaus, Socratis doctor.		Atilii Electra.	60. a
262. a		Atlas.	261. b
Archilochus.	171. b	Atomi.	62. b
Archimedes.	159. a. 186. a. 284. b	Atreus.	197. a. 258. a. 271. b
Archytas.	258. b	Atticus.	62. b. 93. b
Argia, sacerdos.	199. a	Attii locus.	153. b
Argo.	182. a	Attius.	50. a. 252. b
Arion.	217. b	Auaritia quid sit.	245. a
Aristides.	162. a	Aufidius Cn.	160. a. 284. b
Aristippus.	42. a. 44. b. 81. a.	Azizora.	31. b
81. a. 81. b. 86. b. 87. a. 150. a.		B ARONES.	9. b
204. b		Beati qui dicendi sint.	
Aristo.	8. b. 42. a. 86. a. 87. b.	266. b	
135. a. 109. b. 135. b. 165. a		Beatum metu carere oportet.	266. a
Aristogiton.	200. a	Bellerophon.	233. a
Aristophanes.	159. a	Bellu Mithridaticu.	4. a. 5. a
Aristoteles.	38. b. 42. b. 43. b	Beneficium, & gratia, vincula	
44. a. 45. b. 51. a. 55. a. 60. a. 60. b		sunt concordiae.	105. b
81. a. 86. b. 103. a. 125. b.		Bestiae.	156. b. 268. b
146. b. 147. b. 148. a. 172. b.		Bestiae quibusdam humanarum	
176. a. 234. b		virtutum simulacris	
Aristorelis auditores.	125. b	non carent.	104. a
Aristoxen.	159. a. 175. b. 180. b	Bion.	233. a
Atistius.	8. b	Bonae corporis, partes sunt	
Ars.	12. a	beatae uitae.	133. a
Ars dux certior, quam natura.	127. b	Bona Peripatetici appellant,	
Ars nulla i se uersatur.	149. a	quae Zeno assumenda.	139. b
Artemisia.	236. a	142. b	
Artium studia honore excitantur.	171. b	Boni qui dicantur.	42. a. 42. b
Aruns.	251. a	Bonorum extremum est, congruenter naturae uiuere.	
Asclepiades.	284. b	112. b. 113. a. 151. b	
Asia.	4. b	Bonorum finis non idē apud	
		omnes	

I N D E X.

omnes.	40.b.149.a	Casci.	177.b
Bonorum tripartita diuisio.		Cassius L.	9.a
52.a.117.a.265.b.277.a		Kατάληψις	46.a
Bonum in natura quaeren-		Cato M.	6.a.235.a
dum.	52.a	Catonis M.inexhausta legen	
Bonum natura absolutū	11.a	di auuiditas.	108.a
Bonum omne conuenientia,		Catonis oratio.	171.b
atq. opportunitate finitur.		Catonis mors.	183.b
118.a		Cato Origies scripsit.	239.b
Bonus uir non est ille, qui,		Cato Stoicorum disciplinam	
ne malum habeat, abstinet		explicat.	109.b
se ab iniuria.		Catulus.	7.b.29.b.46.b
Bruti laus.	50.b.107.b	Catulus,Matiicollega.	272.b
Bruti liber de uirtute.	60.b	Cautio quid sit.	242.b
Brutus.	59.a	Celtiberi.	216.a
Brutus L.	50.b.107.b	Cephens.	261.b
CAECILII sinephebi.		Ceramicum.	68.a
59.b		Cerberus.	173.a
Caecilij uersus.	231.b	Chremes.	59.b
Caecitas.	284.a	Chryssippi statua.	68.a
Caepio.	90.a.103.a.108.b	Chryssippus.	26.a.29.a.44.a.
Caesar C.	272.a	60.a.68.b.88.a.122.b.126.b.	
Caesar L.	272.a	132.a.169.a.232.a	
Kαρία.	116.b	Cibi condimentum fames,	
Calamitas.	238.a	potionis sitis.	99.a.99.b
Calanos.	213.b	Cicero ab omnibus sua legi	
Calatinus.	105.b	uult.	60.b
Callimachi epigramma.	191.a	Cicero Academiam nouam	
Callippo.	42.a.44.b.81.a.	sequitur.	50.b
85.b.86.a		Cicero a quibus in philoso-	
Cannae.	192.b	phia explicanda transla-	
Captiones.	18.a	rit.	60.b
Carbo.	172.a	Cicero Archimedis sepul-	
Carere quid sit.	192.b	crum indagauit.	274.b
Carneades.	8.b.10.a.32.a.32.	Cicero eodem de accusatore	
b.42.a.44.a.46.b.58.a.86.a.		solebat respondere.	125.a
86.b.87.a.91.b.146.a.185.a		Cicero in tractanda philoso-	
232.b.240.a.262.b		phia non munere fugiunt	

11 2

INDEX.

interpretis.	59.b	Corinthus.	231.2
Cicero Peripateticorum di-		Corporis bona.	52.a.164.b.
disciplinam explicat,& de-		Corporis commodi quid tri-	
fendit.	126. a	buendum.	164. b
Cicero philosophiam latinis		Corporis partes aut propter	
illustrare aggressus.	48. b	utilitatem, aut ad ornatu a	
Cimbri.	216. a	natura datae.	111.a.121. b
Cimbrica uictoria.	172. a	Corporis uitia occultant ho-	
Cimmerij.	22. b	mines:	181. b
Cinnae quattuor consula-		Crantor.	43.b.551.a
tus.	272. a	Crassus L.	173.b.169. b
Citiaei.	138. b	Crassus M.91.a.169.b.225.b.	
Claudius C.Caeci filius,con-			285. a
sul.	171. b	Crassus P.	9. a
Cleantes.	40.b.94.a.126.b	Crates.	55. a
Cleombrotus.	191. a	Cretum leges.	209. a
Clitomachus.	8.a.10.a.32. b	Critolaus.	148.b. 271. b
Cocytus.	173. a	Croesus.	98.b. 124. b
Codrus.	162.a.200. a	Cupiditas malorum fons.	
Cognitionis amor hemini		69. b <i>Cupiditas 291. a</i>	
innatus.	58. b.	Cupiditas nō finienda, sed ra-	
Coloneus.	145. b	dicatus extrahenda est.83. b	
Commoda, & incommoda.		Cupiditates animi morbi	
123. a		sunt.	73. b
Comprehensio.	56. b	Cupiditati quae res subie-	
Conscientia maximum uirtu-		ctae sunt.	243. a
ti theatrum est.	216. b	Cupiait tum diuifio.	280. b
Consequentibus sublatis, pri-		Cupiditatum diuifio ex Epi-	
ma tollitur.	138.b.142. a	curo.	69. b
Consolantis officium.	236. b	Curia Hostilia.	145. b
Consuetudinis magna uis.		Curius M'	84. b
210. b		Cigni.	188. b
Continentiae exēpla.	280. a	Cyneas.	18. a
Continentia in uictu quae		Cynici.	123. a
commoda afferat.	281. b	Cinosura.	23. b
Contrariorū contraria sunt		Cypsellus, tyrannus.	284. a
consequentia.	271. b	Cyrenaici.	11. b. 42. a. 45. a.
Conturbatio quid sit.	243. b	64. a. 86. b. 105. a. 224. b	
		Cyrenei	

I N D E X.

Cyrenæi.

26. a Discere, est reminisci. 184. b

DAMARATVS

284. a Discordia quid sit. 44. a

Darius.

281. a Dissimulatores, Socrates, at-

Decij tres. 92. a. 192. b. 215. a

que Africanus. 9. b

Definitio quid sit. 77. a

Diuidi infinite quidlibet po

Delectatio quid sit. 243. b

test. 54. a

Demetrius Phalereus. 160. b

Diuination. 40. b

Democritus. 9. a. 14. b. 21. a.

Diuisio uitiosa. 83. b

25. b. 38. a. 57. b. 62. b. 102. a.

Δόγματα 13. a

159. a. 176. b. 249. b. 282. b.

Dolorē cōtēnendū esse, argu

284. b

mentis confirmatur. 208. a

Demosthēes. 50. a. 146. a. 233

Doloris medicamenta Epicu

a. 249. b. 282. b

rea. 82. b

Desiderium quid sit. 244. b

Dolor quid sit. 243. b

Desperatio quid sit. 243. b

Drusi cum C. Graccho com

Deorum opinione omniū ho

paratio. 141. b

minū mētes imbutae. 174. a

Drusus C. 284. b

Deum ex operibus eius agno

EGHECRATES 168. a

scimus. 187. b

Egeſias. 151. a

Deus. 54. a

Egeſinus. 10. a

Diagoras Rhodius. 168. b

Eleatici philosophi. 41. b

Dialectica. 123. b. 30. a. 81. a

Electra Atilij. 60. a

Dialecticae cum rhetorica

Elementa. 53. b

comparatio. 80. b. 81. a

Elice. 223. b

Dialectici. 45. b

Eloquentia. 200. a

Dicæarchus. 176. a. 180. b. 189.

Emolumenta, & detrimen-

b. 257. a

ta. 123. a

Diligentia quid sit. 244. b

Empedocles. 9. b. 38. a. 175. b

Dio. 8. b

Endymion. 160. b. 193. b

Diodorus. 26. a. 42. a. 81. b. 86.

Ennij Alcmaeo. 141. a

a. 148. b. 156. a. 284. b

Ennij Medea. 59. b

Diogenes. 60. a

Ennii uersus. 87. a. 177. b. 179.

Diogenes Cynicus. 196. b

a. 197. a. 200. a. 233. b. 243. b

280. b

Ennius. 19. b. 29. b. 50. a. 171. b.

Diogenes Stoicus. 44. a. 83. a

177. b

Dionysius Heracleotes. 170.

Ennius ab Homero translu-

a. 215. b

lit. 60. b

Dionysius, tyrannus. 214. b

Εντελεχία. 176. b

272. 273. 274.

Επami-

272. 273. 274.

3

I N D E X.

Epaminondas. 92. a. 101. a. 172. a. 178. b. 200. a. 215. a	Erechtheus. 199. b
Epheſij. 283. a	Etymologia. 54. b
Epicharmus. 19. b. 174. b	Euander. 10. a
Epicurea doloris medicamē- ta. 82. b	Euclides. 41. b
Epicurei. 37. a. 60. a	Euidētia. 10. b
Epicuri ad Hermachum epi- ſtola. 100. b	Euripides. 39. b. 225. a
Epicuri <i>ἡνίκαι δόξαι</i> 18. b	Euripidis uerſus. 103. a. 199. b. 232. a. 232. b. 234. a. 257. a
Epicuri ſentētiæ de leuan- da ægritudine. 225. b	Euryclia. 270. b
Epicuri ſentētiā de ſummo bono refellit Cicero. 64. b	Exanimatio quid ſit. 243. b
Epicuri teſtamentum. 101. b	Excēdeſcentia quid ſit. 243. a
Epicurus. 18. a. 28. a. 42. a. 45. a. 60. a. 128. a. 145. b. 204. b. 211. b. 224. b. 276. b. 280. b	Exercitationis maxima uis. 11. a. 209. b
Epicurus a Torquato lauda- tur. 62. a	Exilium. 283. a
Epicurus bonus uir fuit, & co- mes, & humanus. 97. a. 101. b	F ABIVS Gallus Q. 90. b
Epicurus dialecticam con- tennit. 81. a	Fabius Pictor. 171. b
Epicurus doctrinis non in- ſtructus. 64. b	Fannius. 9. b
Epicurus in omnibus philo- ſophiæ partibus lapſus. 62. a. 63. b	Fatum. 54. b
Epicurus quid ad Herma- chum ſcripſerit. 102. a	Finibus uariæ ſentētix. 279. a
Epicurus, quid uoluptas ſi- gnificet, non intelligit. 78. a	Flaminius C. 9. b
Epicurus, uoluptatem eſſe ſummum bonum, quibus ra- tionibus probet. 65. b	Formido quid ſit. 243. b
<i>Ἐποχῆ</i> . 21. b	Fortitudo in bellis. 215. a
Eretriaci philoſophi. 41. b	Fortitudo iracundiam non deſiderat. 215. b
	Fortitudo quid ſit. 251. b.
	269. a
	Fortes fortuna adiuvat, ada- gii loco dictum. 203. a
	Fortuna. 54. b
	Fregellanus. 162. a
	Frugalitas. 221. b
	Frugihō oīa recte facit. 247. b
	Furor. 220. a
	Futuræ res homini curæ ſunt. 169. b
	G ALBA. 172. a
	Gallonius. 83. a
	Ganymedes. 186. a. 257. a
	Gaudium

INDEX.

Gaudium a laetitia distingui	Hermodorus.	283.	
tur.	256. a	Herodotus.	98. b
Gemini.	21. a	Heroica tempora.	261. b
Gemitus.	215. a	Hesiodus.	171. b
Geometrae.	37. b. 264. a	Hieronymus.	42. a. 78. a. 81. b.
Geometriae honos tributus.	86. a. 87. a. 148. b. 165. a. 204. b	Hippolytus.	245. a
172. a		Homeri locus.	222. a. 233. a.
Gladiatores.	210. b	234. a	
Gloria popularis.	282. b	Homeri locus a Cicerone	
Gorgias Leontinus.	76. b	uersus.	158. b. 159. a
Gracchi.	141. a. 172. a	Homeri νεκρά.	179. b
Gracchi C. cum Druso com		Homerus.	171. b
paratio.	241. a	Homerus caecus fuit.	285. a
Gracchus.	192. b	Homerus Lycurgi aetate	
Gracchus C.	229. b	fuit.	261. b
Gracchus Ti.	9. a. 9. b. 141. a	Homines hominum causa	
Graeca uerba multa pro lati		naſi.	121. b
nis uſitata.	107. b	Hominiſ praefantia.	104. a
Grati.	60. a. 216. b	268. b	
Graeci philoſophiae cogni-		Hominiſ quę natura ſit.	154. a
tione inſtructi.	49. a	Hominum inter ſe coniun-	
Graeci poetae.	50. a	ctio.	162. b
H ANNIBAL	91. a	Homo ad duas reſ natus, ad	
Harmodius.	200. a	intelligendum, & agen-	
Hector.	197. a	dum.	86. b. 87. a
Hectoriſ, & Aiaciſ pugna.		Homo ſibi carus eſt.	151. a
250. b		Honeſta per ſe expetenda,	
Hecuba.	233. b	turpia per ſe fugienda ſunt.	
Heraclitus.	38. a	115. b. 162. a	
Heraclituſ, cognomento,		Honeſtaſ.	89. a
σφοδρῶς.	80. a	Honeſtaſ in contemnenda	
Heraclituſ Tyriuſ.	8. a. 8. b	uoluptate conſiſtit.	44. b
Herculeſ.	29. b. 35. b. 122. b.	Honeſtum quod eſt, id ſolū	
167. b. 168. b. 177. b. 178. a.		bonum eſt.	113. a. 270. b
205. a		Honoſ.	231. b
Herculiſ aeruminae.	106. a	Honoſ alit arteſ.	171. b
Herilluſ.	41. b. 86. a. 87. b. 134.	Hortēſiuſ.	4. b. 8. a. 59. a. 185. c
a. 164. b		rt 4	Hortenſiuſ.

I N D E X.

Hortensius, Ciceronis liber.	201. b	Inuidia in sapientem non ca-	di.	222. b
Hymnides.	82. b	Iphigenia.		200. a
Hyperides.	50. a	Ira ab iracundia differt.		245. b
Hyrkania	197. b	Iracundia.		220. a
I ACTATIO quid sit.	243. b	Irae curatio.		258. b
Iason.	256. b	Ira in sapiētē nō cadit.		222. a
Idaea sacra.	162. b	Ira non longe abest ab insa-		
Idæas labefactauit Arist.	55. a	nīa.		251. b
Iliona.	29. b	Ira quid sit.		243. b
Imperare sibi.	212. b	Isocrates.		172. b
Imperatoriae mortes prae-		Iucundū a iuuando ductum.		
claræ.	101. a			79. b
Incognito nō assentiendum.		Iudices.		86. a
	43. a	Iuno.		205. b
India.	277. b	Iupiter.		122. b
Indigentia quid sit.	244. a	Iuuentas.		186. a
Indiuidua.	95. b	L ABOR a dolore quid dif-		
Inertia.	105. a	ferat.		209. a
Ingeniosi ab hebetibus quid		Laborem leuiorem honos fa-		
differant.	246. b	cit.		216. a
Ingeniosi melācholici.	190. a	Lacaenae uirgines.		209. b
Inhospitalitas quid sit.	245. a	Lacedaemonii.		196. a. 269. b
Inimicitia quid sit.	244. a	Lacedaemonii pueri.		277. b
Innocens.	269. a	Lacedaemoniorum uictus.		
Ino.	177. b			281. b
Infani.	20. a. 29. b	Lacedaemonius quidā.		195. b
Infania.	219. b. 220. a	Lacydes.		10. a
Insipientia.	219. b	Laconis dictum.		269. a
Insulae beatorum.	159. b	Laelij C. consulatus.		272. a
Intemperantia quid sit.	242.	Laelius.		172. a
Intentio corporis, & animi.		Laelius, sapiens dictus.		83. a
	103. a	Laetitia curatio.		255. b
Interitus quid sit.	188. a	Laetitia quae res subiectae		
Internundia.	95. b			243. a
Inuidia quid sit.	243. a	Laetitia quid sit.		115. a. 213. b
Inuidiae nomen ab intuen-				242. a
do ductum.	222. b	Laius.		257. a
		Lamentatio		

INDEX.

Lamentatio quid sit.	243. b	Lucullus. 4. 2. 5. 2. 7. b. 8. a. 29. a	
Laomedon.	186. a	108. b	
Lapathus.	83. a	Lucullus puer.	108. a
Latina lingua, locupletior		Lugendi genera uaria.	233. a
quam graeca.	61. a	Lycurgi leges.	209. a
Latini poetae.	50. a	Lyfias.	148. b
Latinis litteris explicanda		Lyfimachus.	196. a
philosophia.	50. a	Lyfippus.	28. b
Lentitudo.	249. a	M AEROR quid sit. 243. b	
Leonidas. 92. a. 101. a. 196. a		Maleuolentia quid sit.	
200. a		243. b	
Leon, princeps Philiafiorū.		Malorum praeteritorum me-	
261. b		moria iucunda est.	102. b
Lepidus.	172. a	Malorum tria genera.	265. b
Lerna.	206. a	Manilius M'.	33. b. 61. b
Leucadia.	257. a	Marcellus.	270. b
Lex Agraria.	9. a	Marcellus M. consul.	44. a
Lex Voconia.	90. b	Maris color.	34. b
Liber.	122. b. 177. b	Marius C. 9. a. 103. a. 209. a. 214	
Libidinis curatio.	255. b	a. 272. b	
Libido finem nullum inue-		Mathematici.	37. b
nit.	264. b	Mausolus, Cariae rex.	236. a
Libido quid sit.	223. b. 242. a	Maximus Q.	235. b
Libo.	48. b	Medea.	256. b
Libra Critolai.	271. b	Medea Ennii.	59. b
Licere quid dicatur.	272. b	Medici.	223. b
Licinius.	60. a	Medicorum scientia.	69. a
Liuius.	171. b	Meditatio aduētum malorū	
Loca, in quibus summos ui-		leuiorem efficit.	225. a
ros uersatos accipimus, nos		Megarici.	41. b
movent.	145. a	Meliffus.	38. a
Lucilii locus. 61. a. 82. b. 83. a		Melonthius Rhodius.	10. a
Lucilius.	60. b. 169. b	Memoria.	184. b. 185. a
Lucilius C. poeta.	33. b	Memoria rerum praestātor	
Lucretia.	93. a	quam uerborum.	4. b
Luctus caussae.	235. b	Menalippus.	222. b
Luctus quid sit.	243. b	Menander.	60. a
Luculli uilla.	103. b	Menechus.	200. a
		Menedemus.	

INDEX.

Menedemus.	41. b	confirmatur.	199. a
Menippus.	49. b	Mortis contemptæ exempla.	
Mens.	14. a	194. a. 195. b	
Mensæ Syracusanae.	99. a	Motus.	53. b
Mens, rerum index esse de-		Mulierofitas.	244. b
bet.	54. b	Multitudo.	89. a
Metellus.	167. a. 191. a	Mundi animus.	54. a
Metellus Q.	167. a	Mûdi descriptio.	187. a. 275. b
Metrodorus.	10. a. 25. b. 78. a.	Mundus, cõis urbs, & ciuitas	
99. b. 102. a. 204. b. 266. a		deorum, atq. hominũ.	122. a
Metui quæ res subiectæ		Murena.	4. a
sint.	243. a	Murena L.	143. b
Metus curatio.	255. b	Musicę honos tributus.	172. a
Metus quid sit.	223. b. 241. a.	N AEVII locus.	171. b
243. a. 271. b.		Nacuius.	171. b
Miles exercitatus ab inexter		Nasturtio Persæ uescebantur.	99. b
citato quid differat.	209. b	Natalem suum diem Epicu-	
Myneruæ clypeus.	179. a	rus agi uoluit.	102. a
Minos.	209. a	Natalis dies nullus.	102. a
Minos, & Rhadamantus.		Natura.	268. b
173. b		Naturæ congruenter uiue-	
Misericordia in sapientem		re, bonorum extremum.	
non cadit.	222. b	112. b. 113. a	
Misericordia quid sit.	243. a	Naturæ contemplatio pabu-	
Mithridaticum bellum.	4. a.	lum est animorum.	41. a
4. b		Naturæ explicatio.	53. a
Mnesarchus.	24. b. 60. a	Naturalia prima.	111. b
Molestia quid sit.	243. b	Natura summo bono non	
Morales libri a Nicomacho		indiget. <i>Neoptolemy</i>	52. a
scripti.	148. a	Nequitia. <i>(201.)</i>	222. a
Morborum causæ.	244. b	Nestor.	261. b
Morbus quid sit.	246. a	Nicetas Syracusius.	39. b
Mors a malis nos abducit,		Nicomachus.	148. a
non a bonis.	191. a	Niobe.	233. b
Mors claris uiris dux est in		Nosse se ipsum.	157. a. 183. b
cælum.	177. b	Notiones rerum e quattuor	
Mors qeid sit.	175. a	causis.	114.
Mortē bonam esse, exemplis		Notitiæ.	

INDEX.

Notitiae	11.b	Paullus L.	164.a.235.a
Nouis uerbis i rebus inusita-		Pauor quid sit	243.b
tis utendū. 53.a.107.b.110.a		Paupertas	231.b
Numa	239. b	Peccata paria esse,Stoicis pla	
Numantinum foedus. 99.a		cet.	43.a.143.b
Numitor. <i>paupertas</i> 162.a		Peducæus Sex.	91.a
O BSCVRA oratio quando		Penelope	31.b.138.b
reprehensione careat. 80. a		Peregrinatio perpetua.283.b	
Obtrectatio quid sit. 243. a		Persarum magi.	168.b
Octavius Cn. 100.a.273. a		Persarum uictus.	281.b
Oculgrū sensus acerrimus. 241.b		Perturbatio quid sit. 223.b	
89.b		Perturbationes utiliter a na-	
Odium quid sit. 244.a		tura datae,	43. b
Oeta. 205.a		Perturbationes animi. 56.a.	
Officia naturae principiis	115.a		
proficiscuntur. 111.b		Perturbationes animi, morbi	
Officii fructus ipsum officiū		a Græcis appellantur. 219.2	
esse debet. 95. a		Perturbationū genera.241. b	
Oileus. 235. a		Perturbationes utiliter a na-	
Opinio quid sit. 242. b		tura datas, Peripatetici di-	
Orata. 94. a		cunt.	249. a
Oratoria uis. 55.a		Perturbatio est in opinione:	
Oratores Romani. 172.a		259. a	
Orestes. 74.b.162.b.220. a		Perturbationum curationes.	
Orestes, Euripidis fabula. 253.b		Pericles.	146.a
254.b		Peripatetici.36.b.51.b.222.a.	
Orons. 169. b		248.a.249.a	
P ACVVIVS 50.a.59.b.212.a		Peripatetici duo librorum	
Panæthus. 5.b.35.a.60.a.		genera de summo bono edi-	
131.a.144.b.190.a.190.b		derunt.	148.a
<i>παράδοξα</i> . 43.b		Peripatetici in dialectica ex-	
Parmenides. 9.a.25.b.38.a		cellentes.127.a.& in physi-	
Paucae res magnis obscuran		ca.	127. b
tur. 132.a		Peripatetici philosophiam	
Patientiae exempla. 277.a		tres in partes diuiserunt.	
Paullus. 285. b		126.a.148.a	
Paullus Aemilius. 192. b		Peripateticorum	

I N D E X.

Peripateticorum cōsuetudo in contrarias partes differendi.	202. b	ratio mortis est.	189. a
Peripateticorum dicendi exercitatio duplex.	126. a	Philippus.	279. b
Peripateticorum disciplinā Piso explicat,	147. a	Phyfica.	123. b
Peripateticorum qualis oratio.	126. a. 138. a	Phyfica quem fructum afferant Epicureis.	74. a
Perseus rex.	164. a	Pictores illustres.	46. a
Perspicuum.	16. b	Pigritia quid sit.	243. b
Phaedrus Epicureus.	62. b	Piso frugi.	99. b. 229. b
<i>φαιδρία</i> .	56. b	Piso L.	221. b
Pherecides Syrus.	180. a	Piso M.	143. a
Pherecrates.	176. a	Plato. 9. a. 9. b. 25. b. 41. b. 45. a	
Phidias.	46. a. 179. a	49. b. 51. a. 51. b. 52. a. 57. b. 60	
Philo. 8. a. 3. b. 10. b. 11. b. 45. b		a. 88. b. 89. b. 99. b. 145. b. 159	
Philocteta. 153. b. 205. a. 208. b		a. 168. a. 176. a. 177. b. 180. a.	
Philoctetaeus clamor. 100. b		190. a. 202. b. 249. b.	
Philosophandi ratio triplex a Platone accepta.	52. a	Platonicorum cum M. Catone sermo.	140. a
Philosophi.	234. b	Platonis auditores.	125. b
Philosophia. 49. b. 168. a. 171. a. 172. b. 202. a. 203. a. 203. b.		Platonis epistola ad Architam.	88. b
240. b. 261. a. 262. a		Platonis epistola ad Dionis propinquos.	282. a
Philosophia ab Hortensio accusata, a Cicerone defensa, 59. a		Platonis locus.	267. b
Philosophiae diuisio. 274. a		Platonis Memnon.	184. b
Philosoph. est ars uitæ. 107. a		Plautus.	171. b
Philosophiae sūma omnis ad beatæ uiuendū refertur. 98. a		Plotius C.	91. b
Philosophi non nulli perpetuo peregrinati.	283. b	Poetae.	171. b
Philosophi plerique decretis suis non parent.	203. b	Poetae animus hominum molliunt.	207. a
Philosophorum dissensio. 45. b		Poetae latine, & graece.	50. a
Philosophorum uita, cōmen-		Poetica.	256. b
		Polemo. 42. a. 55. b. 86. a. 125. b	
		145. a	
		Policrates.	169. b
		Polyaenus.	34. b. 63. b
		Polycletus.	46. a
		Polyphemus.	285. a
		Pompeius.	

INDEX.

Pompeius.	91.a.215.b.234.a	angatur.	74.2
Pompeius Q.	9.a.90.a	Sapientes omnes beati.	73.a
Posidonius.	60.a.215.b	Sapientes septem.	78.a
Priamus.	191.a.194.a	Sapientia.	12.a.12.b.69.b.86.b
Procliuitas ad uitia.	245.b		98.b.112.a.133.b.253.a.261.a.
Prometheus.	206.b.236.b.		278.a
	261.b	Sardanapalus.	103.a
Pronunciatum.	174.b	Saturninus.	9.a
Protagoras.	45.a	Scaeuola P.	9.3
Prouerbum.	90.a.102.b	Scaeuola P.tribunus. pl.	90.2
Prudētia, uiuēdi ars est.	149.a	Scaeuola praetor.	61.a
Ptolemaeus.	281.b	Scipio.	91.2
Pulchritudo quid sit.	246.b	Scipio P. consul.	44.2
Punicum bellum.	230.a	Scipiones.	192.b
Puteoli.	97.b	Scipio, pōtifex maxim.	251.2
Pyrrho.	42.a.86.a.87.b.109.a	Scyron.	35.2
	135.b.192.b	Seditiosi ciues.	9.a
Pythagoras.	159.a.168.a.176.	Selii P. & C.	8.b
	a.180.a.185.b.239.a.249.b.	Semele.	177.b
	261.b.262.a	Sensus fenestrae sunt animi.	
Q VAESTIO quid sit.	13.a		182.2
Qualitates.	53.2	Sensuum imbecillitas.	54.b
R ABIRIVS.	48.b	Sensus non semper uera num	
Ratio.	13.a	ciat.	27.2
Ratione uis doloris oppri-		Sensuum maxima uis.	11.a
menda est.	211.a	Sepulcrorū cērimoniæ.	177.b
Rationis praestantia.	212.b	Sepultura.	196.2
Regillus.	93.a.167.a.168.b	Seruiliū gemini.	21.a.28.b
Romani Graecis praestantio		Sextilius Rufus P.	90.b
res.	171.a	Silanus D.	64.2
Rupilius P.	248.b	Silenus.	199.b
S ALVTARES res a primo or		Simonides.	185.a.196.2
tu animātia appetūt.	110.b	Sirenes.	158.b
Sauitas corporis, & animi.		Sisyphus.	173.a
	246.2	Socrates.	9.a.9.b.57.b.76.b
Sapiens.	20.2		99.a.188.a.196.2
sapiens plus semper habet		Socratica ratio differendi.	
quod gaudeat, quam quod	173.2		
		Socrates.	

I N D E X:

Socratis, morte mulctati,		TABVLA Cleanthis. 94.2
apud iudices oratio. 194.b		Tantalus. 173.a.247.b
Socratis philosophandi mos.		Tarquinius. 134.b
51. a <i>150 1021</i>		Telamo. 227.b.232.a.235.a
Sol.	37. b	Temeritas. 57.2
Sollicitudo quid sit. 243.b		Temperantia. 91.b
Solon.	98. a	Tēpus & graditudinē leuat. 231.a
Solonis uersus.	160. a	Terentii Andria. 60. a
Sophistae.	76. b	Terēti locus. 59.b.224.b.244.
Sophocles.	145. b	b. 258. a
Sophoclis uersus. 205. b.		Terra. 39. b
235. a		Terror quid sit. 243.b
Soritae.	30. b	Testimonium. 46.2
Spartiatæ pueri. 209. a		Tetrilius Rogus. 8. b
Speusippus. 51.b.55.a.125.b.		Teucro uox. 283.b
145. a		Thales. 38.2
Sphaerus.	251. b	Themistocles. 5.b.102.b.172.
Staseas Neapolitanus. 147.a.		a.178.b.249.b
165. b		Theodectes. 185. a
Statii locus. 178. b		Theodorus. 166.a.285.b
Status causarum. 237.b		Theophrasti de beata uita li-
Stilbo. 26. a		ber. 148. a
Stoici. 33.b.44.a.60.a.85.b.		Theophrastus. 43.a 55.a.60.
165. a.189.b		a.125.b.147.b
Stoicorum disciplinam Cato		Theramenes. <i>194 b</i> 149.b
explicat. 110. a		Therinxus Elysius. 199.b
Stoicorum porticus. 16. a		Theseus. 74.b.251.a
Stoicorū qualis oratio. 126.a		Thorius Balbus. L. 92. b
Stoicorum sententiae. 44. a		Thyestes. 197. 2
Strato. 55.a.148.a		Tymacus. 163. a
Stulti omnes miseri. 73. a		Timæus Platonis. 30. 2
Stultitia. 236. a		Timagoras Epicureus. 27. a
Surditas. 285. a		Timor. 244.b
Sus. 155. b		Timor quid sit. 243. b
Sus Minervam. 51. b		Timotheus. 282. a
Sylla. 92.b.124.b		Torquatus. 94.b.250.b
Synephebi Cæcilii. 59.b.60.a		Torquatus a torque detractō
		cognomen habuit. 64.a
		Torquatus
		<i>Timon 245 a</i>

I N D E X .

Torquatus L.	62.a.64.a	Vitiorum mediocritas.	248.a
Torquatus, P. Syllae cōsulatū eripuit.	92.b	Vitiā ratiōe depellūtur.	259.a
Torquatus secure filiū percussit.	64.a	Virtus ex uiro appellata.	211.b
Torquatus T. cōsul cum Cn. Octauio fuit.	64.a	Virtus in nobis est.	16.b
Torquatus tertio cōsulatu cū latinis apud Vexerim conflavit.	64.a	Virtus minime dolori cedit.	
Trabeas.	79.b. 256.a	Virtus non potest esse, nisi gratuita.	45.a
Triarius C.	62.a.64.b	Virtus, perfectio naturę.	52.b
Triptolemus.	195.a	Virtus quid sit.	247.a. 269.b
Trophonius.	199.a	Virtus rerū omnium dominā.	86.a
Tubero.	45.b	Virtus satis præsidiū affert ad beate uiuendum.	262.b
Tubulus.	90.a. 144.a. 162.a	Virtus semper inuicta.	271.b
Tuditanus.	29.b. 171.b	Virtuti multa adiungūtur in summo bono finiedo.	137.b
Turtures.	104.a	Virtuti uitiositas contraria est.	247.a
Tyndaridæ.	177.b	Virtutes nō patiūtur quęquā dolori succumbere.	208.b
Tyresias, augur.	285.a	Virtutes omnes inter se commixtæ.	222.a
V A L E R I V S P.	9.a	Virtutum consensus.	167.b
Varietas.	79.a	Virtutis magna uis.	227.a
Varius A.	92.a	Vitiositas quid sit.	246.a
Varro cur philosophiā latinis litteris explicare nolit.	48.b	Vitis.	155.b
Varro Academiam ueterem sequitur.	49.a	Vlyxes.	158.b. 159.b. 213.a.
Varronis laus.	49.b		261.a
Velocitas.	246.b	Voluntas quid sit.	242.a
Venus.	257.b	Voluptas est iucundus motus in sensu.	96.a
Venusia.	192.b	Voluptatem esse summum bonum, quibus rationibus probet Epicurus.	65.b
Veritas.	15.a	Voluptatē quam dicat Epic. itelligi negāt Epicurei.	79.a
Veritas in profundo demersa.	57.b	Voluptates, & dolores animi ori	
Vinolenti.	20.a		
Virginus L.	93.a		
Vitiū corporis quid sit.	245.b		

INDEX.

oriri e corpore.	72. a	Zeno Citiaeus.	267. b
Voluptati duae res subiectae.	79. b	Zeno Eleates.	213. b
Voluptatis alia uis, alia nihil	227. b	Zeno Epicureus.	58. a. 62. b.
dolendi.	78. b	Zenonis philosophandi ra-	
X ENOCRATES. 40. a. 44. a		tio.	55. b
45. a. 51. b. 55. a. 56. a. 125.		Zeno princeps Stoicorum.	
b. 145. a. 176. a. 271. b. 280. a	42. b	Zeno Stoicus, Polemonis au-	
Xenophanes. 9. a. 25. b. 38. a.		ditor.	125. b. 137. b
39. b. 41. b		Zeusis.	46. a
Xenoph.	99. b	Zephyrus.	259. a
Xerxes.	104. b. 264. b		
Z ENO. 9. b. 27. a. 43. a. 44. b			
80. b			

FINIS.

Copyrus 259 a:

SERIES CHARTARVM.

a b c d e f g h i k l m n o p q r s t u
x y z aa bb cc dd ee ff gg hh ii kk ll
mm nn oo pp qq rr ss tt.

Omnes sunt quaterniones.

005409770

267.b
213.b
262.b.
adi ra-
55.b
rum.
monis au
37.b
46.a
259.a
S.
M.
f t u
k k l

M. C I C E R O N I S
D E P H I L O S O P H I A

V O L V M E N S E C V N D V M .

*De natura deorum, De diuinatione, De fato,
De legibus, De uniuerſitate, Arati uerſus in
latinum conuerſi, Q. Ciceronis de petitione
conſulatus.*

Cum ſcholiis Pauli Manutii.

Index rerum, & uerborum.



V E N E T I I S , M . D . L X V .

M. C. CHEROKEE

AD MARCELLVM CERVINVM,
Sanctæ Crucis Cardinalem, in alteram
Ciceronis philosophiæ partem,
Pauli Manutii præfatio.

Est genus hominum, qui ita sentiunt :
philosophari, aut totum nihil esse; aut
non eorum esse, qui rerum agendarum
in studio uersantur. quorum in altero
mihi uidentur, cum homines sint, bestiarum con-
suetudinem imitari; quæ tantum ea, quæ pedi-
tus teruntur, quæq. adsunt, intuentur, nihil al-
tum suspiciunt, nihil longinquum cogitant : in alte-
ro res a natura copulatas uelle seiungere. nam qui
ab actione rerum philosophiam excludit, is, quan-
tum in ipso est, corporis & animi societatem diri-
mit; cum & corpus regimine animi, & animus mi-
nisterio corporis indigeat. Sed præferunt multos,
quibus ignoratio philosophiæ non obstitit, quo mi-
nus ea, quæ uolebant, rectissime perficerent. Quasi
uero sit eadem rerum omnium natura, &, quod
uni aliqua in causa contigerit, id cuilibet omnibus
in causis posse contingere credibile sit. Naufragium
facit natationis ignarus : arripit tabulam, & am-
plexu tenens, ad litus incolumis a fluctibus appelli-
tur. num ideo natandi peritiam negemus esse uti-
lem, quod, sine ea qui fuit, e periculo tempestatis
euaferit? Incidit aliquis in febrem; non curatur, &
conualescit : tollemus igitur medicinam, quoniam

A 2 sunt

sunt qui sine eius ope sanentur? nihil minus: nisi si
ea, quae in casu sita sunt, anteponimus ijs, quae ra-
tio gubernat. quod idem de philosophia dicendum
est. nam ut illud demus; sine ea multos esse laudem
consecutos: non & hoc dabimus, fore, ut sine ea-
dem consequi omnes possint. non eiusdem semper ge-
neris agenda sunt res. est, ubi prudentia uel me-
diocris abunde satisfaciat: est item, ubi mentis al-
tior contemplatio requiratur. hoc extremum qui po-
terit, sequitur ut et illud primum possit: sed qui illud
primum, non & hoc extremum. quod cum ita sit:
utrum praestet habere, facilis est diiudicatio. in
optione enim, & eligendi potestate, nemo fere est,
quin totum partibus censeat esse praeferendum: pro-
pterea quod non totum in partibus, sed partes inclu-
duntur in toto. Ergo, cum perspicuum hoc sit, acci-
dere & posse, & solere, ut philosophiae cognitio uti-
litatem afferat, ignoratio detrimentum: dubium
non est, quin ea uideatur esse cum rerum actione con-
iungenda. Sed iidem coniungi posse negant: quo ar-
gumento? aiunt eas dissimili in genere uersari, alte-
ram in otio, alteram in negotijs: itaque se non uide-
re, qui possit in utraque unus excellere. Hic ego,
Cervine praestantissime, meam memoriam non ex-
cutiam, ut ea, quae legerim, aut audierim, remi-
niscar. non est consilium, quae ad illos redarguendos
faciant, ueterum scriptis eruere. uolo, ut exem-
plo tuo refellantur. Romae uiuis, & uixisti mul-
tos iam annos. numquam omnino tua uirtus tam illu-
stri

stri loco latuit : sed postea quam te Paulus III. in-
credibili pontifex non modo sapientia , sed bonitate
etiam ornatus , in altiore dignitatis gradu colloca-
tum , suorum omnium consiliorum & participem ,
& adiutorem esse uoluit ; tum uero clarissime sese
ostendit lumen animi , ingenijq. tui ; ut nullus esset
honor tantus , qui in te collatus , non uideretur ei ,
qui contulisset , magnam esse iudicij laudem allatu-
rus . itaque paullo post Cardinalis factus es , & fa-
ctus tanto bonorum applausu , tantaq. laetitia , quan-
tam in animis hominum recte sentientium summa
dignitas uirtuti tributa potuit excitare . Quo toto
tempore ualde tu quidem fuisti , atque es etiam
nunc , districtus a negotijs , maximeq. ab ijs , quae
& ad sedandas aliquando Christianorum principum
discordias , & ad restituendam religioni dignitatem
pertinent : sed te tamen a philosophiae studia nul-
la res umquam potuit diuellere . sic & animo , et cor-
pori suis utrique muneribus apte distributis , quoti-
die fere modo a cognitione ad res agendas , modo a
rebus agentibus ad cognitionem traductus , teq. ipse
in hoc quasi circulo identidem reuoluens , effecisti
quod ab ijs , de quibus initio dixi , fieri posse nega-
tur , ut & in tractandis negotijs , in consideran-
dis rerum humanarum diuinarumq. causis occupa-
tus , dispari in studio , pari tamen cum laude uerse-
ris . Ex quo intelligitur , ab ijs , qui rerum actioni sese
dant , & percipi philosophiam , & tractari posse :
debere autem ostendimus : est igitur eorum , qui ali-

ter exstiment, sententia omnis explodenda. nos
quidem & nostra sponte commoti, & tuo exemplo
impulsi, quotidie magis philosophiam admirantes,
in eius cogitatione cupimus acquiescere, ad eamque,
magnis defatigati laboribus & molestijs, tanquam
ad iucundissimum diuersorium properamus. quo si
peruenero, uel potius cum peruenero; (cur enim
meam ipse cupiditatem omnibus optimis non pro-
sequar?) tum ego quidem multo, quam nunc, faci-
lius tua in me merita uel tuebor, uel etiam illustra-
bo. interea non sumus otiosi: utinam potius aliquan-
to minus occupati. prouinciam cepimus duram, at-
que difficilem, ueterum scriptorum libros emenda-
re dum uolumus. omnino in hoc onere sustinendo
ualde sudamus: sed animus tuarum cohortationum
memoria confirmatus, manet in officio, manebit-
que, dum id, quod institui, absoluitur. nunc edi-
mus Ciceronis libros de philosophia, sane multis a
mēdis, potissimum ex antiquissimo Bernardini Mas-
fei, qui te maxime obseruat, iuuenis eloquentissimi,
libro uindicatos. qui cum ita digesti essent, ut in duas
partes tributi legerentur; cumq; ego ex ijs partibus
eam maxime uellē tibi inscriptā emittere, quae tuae
personae dignitatiq; aptissima uideretur: feci, ut eā
deligerem, in qua de natura deorum elegāter et acu-
te disputatur: ut, quoniam ualde tibi pro tua ueteri
erga me uoluntate, proq; summis officijs deberi fru-
ctus industriae meae uidentur; ij dum ad maturitatē
peruenirēt, his te interim quasi floribus oblectares.

M. TULLII

4

M. TVLLII CICERONIS
DE NATVRA DEORVM,
AD M. IVNIVM BRVTVM,
LIBER I.

CVM multae res in philosophia nequaquam satis adhuc explicatae sunt: tum perdifficilis, Brute, quod tu minime ignoras, & perobscura quaestio est de natura deorum: quae & ad agnitionem animi pulcherrima est, et ad moderandam religionem necessaria: de qua tam uariae sunt doctissimorum hominum, tamq. discrepantes sententiae, ut magno argumento esse debeat, causam, id est principium philosophiae, esse inscientiam, prudenterq. Academicos 21. a rebus incertis assensionem cohibuisse. quid est enim temeritate fortius? aut quid tam temerarium, tamq. indignum sapientis grauitate, atque constantia, quam aut falsum sentire, aut, quod non satis explorate perceptum sit, & cognitum, sine ulla dubitatione defendere? uelut in hac quaestione, plerique, quod maxime uerisimile est, et quo omnes duce natura uehimur, deos esse dixerunt; dubitare se *Senec. 12. Acad. 83.* Protagoras: nullos esse omnino, Diagoras Melius, *Val. 1. 8.* et Theodorus Cyrenaicus putauerunt. qui uero deos *10. 17.* esse dixerunt, tanta sunt in uarietate, ac dissensione constituti, ut eorum molestem sit annumerare sententias. nam & de figuris deorum, & de locis,

A 4 atque

DE NATURA DEORVM

atque sedibus, & actione uitae multa dicuntur: de quibus summa philosophorum diffensione certatur. quod uero maxime rem, causamque continet, utrum nihil agant, nihil moliantur, an ab omni curatione, & administratione rerum uacent; an contra ab his & a principio omnia facta, & constituta sint, & ad infinitum tempus regantur, atque moueantur: in primis magna diffensio est: eaque nisi diiudicatur, in summo errore necesse est homines, atque in maximarum rerum ignorance uersari. Sunt enim philosophi, & fuerunt, qui omnino nullam habere censerent humanarum rerum procuracionem deos. quorum si uera sententia est, quae potest esse pietas? quae sanctitas? quae religio? haec enim omnia pure, ac caste tribuenda deorum numini ita sunt, si animaduertuntur ab ijs, & si est aliquid a dijs immortalibus hominum generi tributum. sin autem dij neque possunt nos iuuare, nec uolunt; nec curant omnino, nec, quid agamus, animaduertunt; nec est, quod ab his ad hominum uitam permanare possit: quid est, quod ullos dijs immortalibus cultus, honores, preces adhibeamus? in specie autem fictae simulationis, sicut reliquae uirtutes, ita pietas inesse non potest: cum qua simul & sanctitatem, & religionem tolli necesse est: quibus sublati, perturbatio uitae sequitur, et magna confusio. atque haud scio, an, pietate aduersus deos sublata, fides etiam, & societas humani generis, & una excellentissima uirtus, iustitia tollatur. Sunt autem alij philosophi,

sophi, et hi quidem magni, atque nobiles, qui deorum mente, atque ratione omnem mundum administrari & regi censeant: neque uero id solum, sed etiam ab iisdem uitae hominum consuli, et provideri. nam & fruges, & reliqua, quae terra pariat, & tempestates, ac temporum uarietates, caeliq. mutationes, quibus omnia, quae terra gignat, maturata pubescant, a dijs immortalibus tribui generi humano putant, multaque, quae dicuntur in his libris, colligunt: quae talia sunt, ut ea ipsa dii immortales ad usum hominum fabricati paene uideantur. Cōtra quos Carneades ita multa disseruit, ut excitaret homines non socordes ad ueri inuestigandi cupiditatem. res enim nulla est, de qua tant opere non solum indocti, sed etiam docti dissentiant. quorum opiniones cum tam uariae sint, tamq. inter se dissidentes: alterum fieri profecto potest, ut earum nulla, alterum certe non potest, ut plus una uera sit. qua quidem in causa & beneuolos obiurgatores placare, et inuidos uituperatores confutare possumus; ut alteros reprehendisse paeniteat, alteri se didicisse gaudeant. nam qui admonent, amice docendi sunt: qui inimice insectantur, repellendi. multum autem fluxisse uideo de libris nostris, quos complures breui tempore edidimus, uariumq. sermonem, partim admirantium, unde hoc philosophandi nobis subito studium extitisset; partim, quid quaque de re certi haberemus, scire cupientium. Multis etiam sensi mirabile uideri, eam nobis potissimum probatam esse

esse philosophiam, quae lucem eriperet, & quasi non
 item quandam rebus offunderet; desertæq. discipli-
 nae, & iam pridem relictæ patrociniū nec opina-
 tum a nobis esse susceptum. Nos autem nec subito
 coepimus philosophari: nec mediocrem a primo tem-
 pore ætatis in eo studio operam, curamq. consumpsi-
 mus: & cum minime uidebamur, tum maxime
 philosophabamur. quod et orationes declarant, re-
 fertæ philosophorum sententijs; & doctissimorum
 hominum familiaritates, quibus semper domus no-
 stra floruit; & principes illi, Diodotus, Philo, An-
 tiochus, Posidonius, a quibus instituti sumus. &
 si omnia philosophiæ præcepta referuntur ad uitā;
 arbitramur nos & publicis, & priuatis in rebus ea
 præstitisse, quæ ratio et doctrina præscripserit. Sin
 autem quis requirit, quæ caussa nos impulerit, ut
 hæc tam sero litteris mandaremus: nihil est, quod
 expedire tam facile possimus. Nam cum otio lan-
 gueremus; et is esset reip. status, ut eam unius consi-
 lio, atque cura gubernari necesse esset: primum ip-
 sius reip. caussa philosophiam nostris hominibus ex-
 plicandam putauimus, magni existimans interesse ad
 decus, & laudem ciuitatis, res tam graues, tamq.
 præclaras latinis etiā litteris contineri. eoq. me mi-
 nus instituti mei paenitet, quod facile sentio, quam
 multorum non modo discendi, sed etiam scibendi stu-
 dia commouerim. complures enim, graecis institu-
 tionibus eruditi, ea, quæ didicerant, cum ciuibus
 suis communicare non poterant; quod illa, quæ a
 Graecis

Tus. 5. 284

Graecis accepissent, latine dici posse diffiderent. quo
 in genere tantum profecisse uidemur, ut Graecis ne
 uerborum quidem copia uinceremur. Hortata est
 etiam, ut me ad haec conferrem, animi aegritudo,
 fortunae magna, & graui commota iniuria: cuius si
 maiorem aliquam leuationem reperire potuissem,
 non ad hanc potissimum confugissem. ea uero ipsa
 nulla ratione melius frui potui, quam si me non mo-
 do ad legendos libros, sed etiam ad totam philoso-
 phiam pertractandam dedissem. omnes autem eius
 partes, atque omnia membra tum facillime noscun-
 tur, cum totae quaestiones scribendo explicantur. est
 enim admirabilis quaedam continuatio, seriesq. reru,
 ut alia ex alia nexa, & omnes inter se aptae, colli-
 gataeq. uideantur. Qui autem requirunt, quid qua-
 que de re ipsi sentiamus; curiosius id faciunt, quam
 necesse est. non enim tam auctoritatis in disputando,
 quam rationis momenta quaerenda sunt. quin etiā
 obest plerumque ijs, qui discere uolunt, auctoritas
 eorum, qui se docere profitentur. desunt enim
 suum iudicium adhibere: id habent ratum, quod ab
 eo, quem probant, indicatum uident. Nec uero
 probare soleo id, quod de Pythagoreis accepimus:
 quos ferunt, si quid affirmarent in disputando, cum
 ex ijs quaereretur, quare ita esset, respondere soli-
 tos, Ipse dixit. ipse autem, erat Pythagoras. tan-
 tum opinio praecudicata poterat, ut etiam sine ratio-
 ne ualeret auctoritas. Qui autem mirantur, nos
 hanc potissimum disciplinam secutos; his quattuor
 Academicis

DE NATURA DEORVM

*Academicis libris satis responsum uidetur. Nec ue-
 ro desertarum, relictarumq. rerum patrociniū si-
 fcepimus. non enim hominum interitu sententiae
 quoque occidunt, sed lucem auctoris fortasse deside-
 rant: ut haec in philosophia ratio, contra omnia dis-
 ferendi, nullamq. rem aperte iudicandi, profecta a
 Socrate; repetita ab Arcefila, confirmata a Car-
 neade, usque ad nostram uiguit aetatem: quam nunc
 propemodum orbam esse in ipsa Graecia intelligo.
 quod non Academiae uitio, sed tarditate hominum
 arbitror contigisse: nam si, singulas disciplinas per-
 cipere, magnum est; quanto maius, omnes? quod
 facere ijs necesse est, quibus propositum est, ueri
 reperiendi causa, & contra omnes philosophos, &
 pro omnibus dicere. cuius rei tantae, tamq. diffi-
 lis facultatem consecutum esse me non profiteor, se-
 cutum esse praemesero. Nec tamen fieri potest, ut,
 qui hac ratione philosophentur, ij nihil habeant
 quod sequantur. dictum est hac de re alio loco dili-
 gentius: sed quia nimis indociles quidam, tardiq.
 sunt, admonendi uidentur saepius. Non enim su-
 mus ij, quibus nihil uerum esse uideatur; sed ij, qui
 omnibus ueris falsa quaedam adiuncta esse dicamus,
 tanta similitudine, ut in ijs nulla insit certa iudican-
 di, & assentiendi nota. ex quo existit & illud, mul-
 ta esse probabilia: quae quamquam non perciperen-
 tur, tamen, quia uisum haberent quendam insi-
 gnem, & illustrem, his sapientis uita regeretur.
 Sed iam, ut omni me inuidia liberem, ponam in me
 dio*

dio sententias philosophorum de natura deorum.
quo quidem loco conuocandi omnes uidentur, qui,
quae sit earum uera, iudicent. tum demum mihi
procax Academia uidebitur, si aut consenserint om-
nes; aut erit inuentus aliquis, qui, quid uerum sit,
inuenerit. itaque mihi libet exclamare, ut Statius
in Synephebis:

Pro deum, popularium omnium, omnium adole-
scentium

Clamo, postulo, obsecro, oro, ploro, atque im-
ploro fidem:

non leuissima de re, ut queritur ille fieri in ciuita-
te facinora capitalia,

Ab amico amante argentum accipere meretrix
non uult:

sed ut adsint, cognoscant, animaduertant, quid
de religione, pietate, sanctitate, caerimonijs, fi-
de, iureiurando, quid de templis, delubris, sacri-
ficijsq. sollemnibus, quid de ipsis auspicijs, quibus
nos praesumus, existimandum sit. haec enim omnia
ad hanc de dijs immortalibus quaestionem referenda
sunt. profecto eos ipsos, qui se aliquid certi habere
arbitrantur, addubitare coget doctissimorum homi-
num de maxima re tanta dissensio. quod cum saepe
alias, tum maxime animaduerti, cum apud C. Cot-
tam, familiarem meum, accurate sane, & diligen-
ter de dijs immortalibus disputatum sit. Nam cum
ferijs Latinis ad eum, ipsius rogatu, accersituq. ue-
nisssem; offendi eum sedentem in cathedra, & cum
C. Vel-

DE NATURA DEORVM

C. Velleio senatore disputantem: ad quem tum Epicurei primas ex nostris hominibus deferebant. aderat etiam Q. Lucilius Balbus: qui tantos progressus habebat in Stoicis, ut cum excellentibus in eo genere Graecis compararetur. Tū, ut me Cotta uidit, peropportune, inquit, uenis: oritur enim mihi magna de re altercatio cum Velleio: cui pro tuo studio, non est alienum te interesse. Atque mihi quoque uideor, inquam, uenisse, ut dicis, opportune. tres enim trium disciplinarum principes cōuenistis. M. enim Piso si adesset, nullius philosophiae, earum quidem, quae in honore sunt, uacaret locus. Tum Cotta, si, inquit, liber Antiochi nostri, qui ab eo nuper ad Balbum missus est, uera loquitur: ni hil est, quod Pisonem, familiarem tuum, desideres.

de Fin. 5. 165. Antiocho enim Stoici cum Peripateticis re concine re uidentur, uerbis discrepare. quo de libro, uelim scire, Balbe, quid sentias. Ego ne? inquit ille. miror Antiochum, hominem in primis acutum, non uidisse; interesse plurimum inter Stoicos; qui honesta a commodis, non nomine, sed genere toto disungerent; & Peripateticos, qui honesta commiscerent commodis; ut ea inter se magnitudine, et quasi gradibus, non genere, differrent. haec enim est non uerborum parua, sed rerum permagna dissensio. Verum haec alias: nunc, quod cōpimus; si uidetur. Mihi uero, inquit Cotta, uidetur. sed, ut hic, qui interuenit, me intuens, ne ignoret quae res agatur; de natura agebamus deorum: quae cū mihi uide retur

retur perobscura, ut semper uideri solet; Epicuri ex Velleio sciscitabar sententiam. Quamobrem, inquit, Vellei, nisi molestum est, repete quae coeperas. Repetam uero. Quamquam non mihi, sed tibi hic uenit auditor. ambo enim, inquit arridens, ab eodem Philone, nihil scire, didicistis. Tum ego, quid didicerimus, Cotta uiderit: tu autem, nolo, existimes me adiutorem huic uenisse, sed auditorem, & quidem aequum, libero iudicio, nulla eiusmodi adstrictum necessitate, ut mihi, uelim, nolim, sit certa quaedam tuenda sententia. Tum Velleius, fidenter sane, ut solent isti, nihil tam uerens, quam ne dubitare aliqua de re uideretur, tamquam modo ex deorum concilio, et ex Epicuri intermundijs descendisset; audite, inquit, non commentitias, futilesq. sententias, non opificem, aedificatoremq. mundi Platonis de Timaeo deum; nec, anum fatidicam, Stoicorum *ἀπονοίας*, quam latine licet providentiam dicere; neque uero mundum ipsum animo, & sensibus praeditum, rotundum, ardentem, uolubilem deum; portenta, & miracula non differentium philosophorum, sed somniantium. quibus enim oculis intueri potuit uester Plato fabricam illam tanti operis, qua construi a deo, atque aedificari mundum facit? quae molitio? quae ferramenta? qui uectes? quae machinae? qui ministri tanti muneris fuerunt? quemadmodum autem obedire, & parere uoluntati architecti aer, ignis, aqua, terra potuerunt? unde uero ortae illae quique formae, ex quibus reliquae formantur,

Tes. 4. 28

15:

DE NATURA DEORVM

mantur, apte cadentes ad animum efficiendum, pariendosq. sensus? longum est iter ad omnia. quae talia sunt, ut optata magis, quam inuenta, uideantur. Sed illa palmaris quidem, quod, qui non modo natum mundum introduxerit, sed etiam manu paene factum, is eum dixerit fore sempiternum. hunc censes primis, ut dicitur, labris gustasse physiologiam, qui quidquam, quod ortum sit, putet aeternum esse posse? quae est enim coagmentatio non dissolubilis? aut quid est, cuius principium aliquod sit, nihil sit extremum? *ἡρώια* uero si uestra est, Lucili; eadem requiro, quae paullo ante, ministros, machinas, omnem totius orbis designationem, atque apparatus: sin alia est; cur mortalem fecerit mundum, non, quemadmodum Platonius deus, sempiternum. utroque autem sciscitor, cur mundi aedificatores repente extiterint, innumerabilia ante saecula dormierint. non enim, si mundus nullus erat, saecula non erant. saecula nunc dico, non ea, quae dierum noctiumq. numero annuis cursibus conficiuntur: nam fateor ea sine mundi conuersione effici non potuisse: sed fuit quaedam ab infinito tempore aeternitas, quam nulla temporum circumscriptio metiebatur; spatio tamen, qualis ea fuerit, intelligi non potest: quod ne in cogitationem quidem cadit, ut fuerit tempus aliquod, nullum cum tempus esset. isto igitur tam immenso spatio, quaero, Balbe, cur *ἡρώια* uestra cessauerit. laborem ne fugiebat? at iste nec attingit deum, nec erat ullus; cum
omnes

omnes naturae numini diuino, caelum, ignes, terrae, maria, parerent. Quid autem erat, quod concupisceret deus mundum signis, & luminibus, tanquam aedilis, ornare? si, ut deus ipse melius habitaret: antea uidelicet tempore infinito in tenebris, tãquam in gurgustio, habitauerat. Post autem, uarietate ne eum delectari putamus, qua caelum et terras exornatas uidemus? quae ista potest esse oblectatio deo? quae si esset, non ea tam diu carere potuisset. An haec, ut fere dicitis, hominum causa a deo constituta sunt? sapientum ne? propter paucos ergo tanta est facta rerum molitio. an stultorum? at, primum, causa non fuit, cur de improbis bene mereretur: deinde, quid est affecutus; cum omnes stulti sint sine dubio miserrimi, maxime quod stulti sunt? miseri enim stultitia quid possumus dicere? deinde, quod ita multa sunt incommoda in uita, ut ea sapientes commodorum cõpensatione leniant, stulti nec uitare uenientia possint, nec ferre praesentia.

Qui uero mundum ipsum animantem, sapientemque esse dixerunt, nullo modo uiderunt animi naturam, intelligentes in quam figuram cadere posset: de quo dicam paullo post. nunc autem hætenus admirabor eorum tarditatem, qui animantem, immortalem, & eundem beatum, & rotundum esse uelint, quod ea forma ullam neget esse pulchriorem Plato. at mihi uel cylindri, uel quadrati, uel coni; 41. uel pyramidis uidetur esse formosior. Quae uero uita a tribuitur isti rotundo deo? nempe ut ea celeri-

B tate

DE NATURA DEORVM

tate cōtorqueatur, cui par nulla ne cogitari quidem
possit: in qua, non uideo, ubinam mens constans,
& uita beata possit insistere. quodq. in nostro corpo
re si minima ex parte significetur, molestum sit;
cur hoc idem non habeatur molestum in deo? terra
enim profecto, quoniam pars mundi est, pars est e-
tiā dei, at qui terrae maximas regiones inhabitabi-
les, atque incultas uidemus; quod pars earum appul-
sus solis exarserit, pars obriguerit niue, pruinaque,
lōginquo solis abscessit. quae, si mundus est deus, quo-
niam partes mūdi sunt, dei membra partim arden-
tia, partim refrigerata decenda sunt. Atque haec qui-
dem uestra, Lucili, qualia uero sint, ab ultimo repe-
tam superiorum. Thales enim Milesius, qui primus
de talibus rebus quaesuit, aquam dixit esse initium
rerum; deum autem eam mentem, quae ex aqua cun-
cta fingeret. Si dii possunt esse sine sensu, & men-
te; cur aquae adiunxit, si ipsa mens constare potest
uacans corpore? Anaximandri autem opinio est,
natiuos esse deos, longis intervallis orientes, occiden-
tesque, coq. innumerabiles esse mundos. sed nos
deum, nisi sempiternum, intelligere qui possumus?
Post Anaximenes aera deum statuit, cumq. gigni,
esseq. immensum, & infinitum, & semper in mo-
tu. quasi aut aer sine ulla forma deus esse possit,
cum praesertim deum non modo aliqua, sed pulcher-
rima specie esse deceat; aut non omne, quod ortum
sit, mortalitas consequatur. Inde Anaxagoras,
qui accepit ab Anaximene disciplinam, primus om-
nium

Tus. 1. 182.

23.

nium rerum descriptionem, et modum mentis infinitae ui, ac ratione designari, & confici uoluit. in quo non uidit, neque motum sensui coniunctum & continentem in infinito ullum esse posse, neque sensum omnino, quo non ipsa natura pulsa sentiret. deinde, si mentem istam quasi animal aliquod esse uoluit; erit aliquid interius, ex quo illud animal nominetur. quid autem interius mente? cingitur igitur corpore externo. quod quoniam non placet; aperta simplexq. mens, nulla re adiuncta, quae sentire possit, fugere intelligentiae nostrae uim & notionem uidetur. Crotoniates autem Alcmaeo, qui soli, & lunae, reliquisq. sideribus, animoq. praeterea diuinitatem dedit, non sensit sese mortalibus rebus immortalitatē dare. Nā Pythagoras, qui censuit animum esse per naturam rerum omnem intentum, & commeantem, ex quo nostri animi caperentur, non uidit detractione humanorum animorum discerpi, & dilacerari deum; & cum miseri animi essent, quod plerisque contingeret, tum dei partem esse miseram: quod fieri non potest. cur autem quidquam ignoraret animus hominis, si esset deus? quo modo porro deus iste, si nihil esset, nisi animus, aut infusus, aut infusus esset in mundo? Tum Xenophanes, qui, mente adiuncta, omne praeterea, quod esset infinitum, deum uoluit esse, de ipsa mente ita reprehenditur, ut ceteri; de infinitate autem uehementius, in qua nihil neque sentiens, neque coniunctum esse potest. Nam Parmenides commenticium quid-

B 2 dam

Mecum. 15.

dam coronae similitudine efficit: Stephanem appellat, continentem ardore lucis orbem, qui cingit caelum, quem appellat deum. in quo neque figuram diuinam, neque sensum quisquam suspicari potest. multa. eiusdem monstra, quippe qui bellum, qui discordiam, qui cupiditatem, ceteraq. generis eiusdem ad deum reuocat: quae uel morbo, uel somno, uel obliuione, uel uetustate delentur. eademq. de sideribus. quae reprehensa iam in alio, in hoc omittantur. Empedocles autem, multa alia peccans, in deorum opinione turpissime labitur. quattuor enim naturas, ex quibus omnia constare uult, diuinas esse censet: quas & nasci, et extinguere perspicuum est, & sensu omni carere. Nec uero Protagoras, qui sese negat omnino de dijs habere quod liqueat, sint, non sint, quales uel sint, quidquam uidetur de natura deorum suspicari. Quid Democritus? qui tum imagines, earumq. circuitus in deorum numero refert; tum illam naturam, quae imagines fundat, ac mittat; tum scientiam intelligentiamq. nostram; non ne in maximo errore uersatur? cum idem omnino, quia nihil semper suo statu maneat, neget esse quidquam sempiternum; non ne deum ita tollit omnino, ut nullam opinionem eius reliquam faciat? Quid ac? quo Diogenes Apolloniatas utitur deo; quem sensum habere potest, aut quam formam dei? Iam de Platonis inconstantia longum est dicere: qui in Timaeo, patrem huius mundi nominari, negat, posse; in legum autem libris, quid sit omnino deus, inquiri

4. 17:

inquiri oportere non censet . quod uero sine corpore
ullo deum uult esse , ut Gracii dicunt , ἀσώματος ; id
quale esse possit , intelligi non potest . caret enim
seisui , necesse est , careat prudentia , careat uolupta
te . quae omnia una cum deorum notione comprehen
dimus . Idem & in Timaeo dicit , & in legibus , &
mundum deum esse , & caelum , & astra , & ter
ram , & animos , & eos , quos maiorum institutis
accepimus : quae & per se sunt falsa perspicue , &
inter sese uehementer repugnantia . Atque etiam
Xenophon paucioribus uerbis eadem fere peccat : fa
cit enim in ijs , quae a Socrate dicta retulit , Socra
tem disputantem , formam dei quaeri non oportere ,
eundemq. & solem , & animam deum dicere , &
modo unum , tum autem plures deos . quae sunt ijs
dem in erratis fere , quibus ea , quae de Platone dici
mus . Atque etiam Antisthenes in eo libro , qui phy
sicus inscribitur , populares deos multos , natura
lem unum esse dicens , tollit uim & naturam deo
rum . Nec multo secus Speusippus , Platonem
auunculum subsequens , & uim quandam dicens ,
qua omnia regantur , eamq. animalem , euellere ex
animis conatur cogitationem deorum . Aristoteles
quoque in tertio de philosophia libro multa turbat ;
a magistro Platone uno dissentiens . modo enim men
ti tribuit omnem diuinitatem ; modo mundum ipsum
deum dicit esse ; modo quendam alium praeficit mun
do ; eiq. eas partes tribuit , ut replicatione mundi
quadam motum regat , atque theatur . tum caeli ar
do rem

dorem deum dicit esse, non intelligens, caelum mundi esse partem; quem alio loco ipse designarit deum. quo modo autem caeli diuinus ille sensus in celeritate tanta conseruari potest? ubi deinde illi tot dii, si numeramus etiam caelum deum? cum autem sine corpore idem uult esse deum, omni illum sensu priuat, & prudentia. quo porro modo mundus moueri potest carens corpore? aut quo modo, semper se mouens, esse quietus, et beatus potest? Nec uero eius condiscipulus Xenocrates in hoc genere prudentior: in cuius libris, qui sunt de natura deorum, nulla species diuinas describitur. deos enim octo esse dicit; quinque eos, qui in stellis uagi nominantur; unum, qui ex omnibus sideribus, quae infixae caelo sunt, ex dispersis quasi membris simplex sit putandus deus; septimum solem adiungit, octauamq. lunam. qui quo sensu beati esse possint, intelligi non potest. Ex eadem Platonis schola Ponticus Heraclides puerilibus fabulis referfit libros. et tamen modo mundum, tum mentem diuinam esse putat: errantibus etiam stellis diuinitatem tribuit, sensuq. deum priuat, et eius formam mutabilem esse uult: eodemq. libro rursus terram & caelum refert in deos. Nec uero Theophrasti inconstantia ferenda est: modo enim menti diuinum tribuit principatum, modo caelo, tum autem signis, sideribusq. caelestibus. Nec audiendus eius auditor Strato, is, qui physicus appellatur; qui omnem uim diuinam in natura sitam esse censet, quae causas gignendi, augendi, minuendi

ne

uē habeat, sed careat omni sensu, & figura. Zeno
 autem (ut iam ad uestros, Balbe, ueniam) natura-
 lem legem diuinam esse censet, eamq. uim obtinere
 recta imperantem, prohibentemq. contraria. quam
 legem quo modo efficiat animantem, intelligere non
 possumus: deum autem animantem certe uolumus
 esse. atque hic idem alio loco aethera deum dicit: si
 intelligi potest nihil sentiens deus, qui numquam no-
 bis occurrit neque in precibus, neque in optatis, ne-
 que in uotis. Alijs autem libris rationem quandam
 per omnem pertinentem naturam, ut diuinam, esse
 affectam putat. Idem astris hoc idem tribuit, tum
 annis, mensibus, annorumq. mutationibus. cum
 uero Hesiodi theogoniam interpretatur, tollit om-
 nino insitas, perceptasq. cognitiones deorum: neque
 enim Iouem, neque Iunonem, neque Vesta, neque
 quemquam, qui ita appellatur, in deorū habet nume-
 ro; sed rebus inanimatis, atque mutis per quandam
 significationem haec docet tributa nomina. Cuius di-
 scipuli Aristonis non minus magno in errore senten-
 tia est; qui neque formam dei intelligi posse censeat;
 neque in dijs sensum esse dicat; dubitetq. omnino;
 deus animans, nec ne sit. Cleanthes autem, qui Ze-
 nonem audiuit una cum eo, quem proxime nomina-
 ui, tum ipsum mundum deum dicit esse; tum totius
 naturae menti, atque animo hoc nomen tribuit; tum
 ultimum, & altissimum, atque undique circumfu-
 sum, & extremum, omnia cingentem, atque com-
 plexum ardorem, qui aether nominetur, certissi-

DE NATURA DEORVM

num deum iudicat. Idem, quasi delirans, in ijs libris, quos scripsit contra uoluptatem, tum fingit formam quandam, et speciem deorum; tum diuinitatem omnem tribuit astris; tum nihil ratione censet esse diuinius. Ita fit, ut deus ille, quem mente noscimus, atque in animi notione, tamquam in uestigio, uolumus reponere, nusquam prorsus appareat. At Perseus, eiusdem Zenonis auditor, eos dicit esse habitos deos, a quibus magna utilitas ad uitae cultum esset inuenta; ipsasque res utiles, & salutare deorum esse uocabulis nuncupatas: ut ne hoc quidem diceret, illa inuenta esse deorum, sed ipsa diuina. quo quid absurdius, quam aut res sordidas, atque deformes deorum honore afficere, aut homines, iam morte deletos, reponere in deos, quorum omnis cultus esset futurus in luctu? Iam uero Chrysippus, qui Stoicorum somniorum uaserrimus habetur interpres, magnam turbam congregat ignotorum deorum, atque ita ignotorum, ut eos ne coniectura quidem informare possimus; cum mens nostra quiduis uideatur cogitatione posse depingere. ait enim, uim diuinam in ratione esse positam, et uniuersae naturae animo, atque mente: ipsumque mundum deum dicit esse, & eius animi fusionem uniuersam: tum eius ipsius principatum, qui in mente et ratione uersetur, communemque rerum naturam uniuersa, atque omnia continentem, tum fatalem umbram, & necessitatem rerum futurarum: ignem praeterea, et eum, quem antea dixi, aethera: tum ea, quae natura

ra

ra fluere, atque manere, ut aquam, & terram, & aera, solem, lunam, sidera, universitatemque rerum, quae omnia continerentur, atque homines etiam eos, qui immortalitatem essent consecuti. Idemque disputat, aethera esse eum, quem homines Iovem appellarent; quique aer per maria maneret, eum esse Neptunum; terram, ea, quae Ceres diceretur. similique ratione persequitur vocabula reliquorum deorum. idemque etiam legis perpetuae, & aeternae vim, quae quasi dux vitae, & magistratrix officiorum sit, Iovem dicit esse: eandemque fatalem necessitatem appellat, sempiternam rerum futurarum veritatem. quorum nihil tale est, ut in eo vis divina inesse videatur. Et haec quidem in primo libro de natura deorum: in secundo autem vult Orphei, Musaei, Hesiodi, Homerique fabellas accommodare ad ea, quae ipse primo libro de diis immortalibus dixerit: ut etiam veterum poetarum, qui haec ne suspicati quidem sint, Stoici fuisse videantur. quem Diogenes Babylonius consequens in eo libro, qui inscribitur de Minerva, partem Iovis, ortumque virginis ad physiologiam traducens disjungit a fabula.

Exposui fere non philosophorum iudicia, sed delirantium somnia. nec enim multo absurdiora sunt ea, quae poetarum uocibus susa, ipsa suavitatem nocuerunt: qui & ira inflammatos, & libidine furentes induxerunt deos; feceruntque ut eorum bella, pugnas, proelia, vulnera uideremus, odia praeterea, dissidia, discordias, ortus, interitus, querelas, lamenta-

22. mentationes, effusas in omni intemperantia libidi-
 nes, adulteria, uincula, cum humano genere con-
 cubitus, mortalesq. ex immortaliprocreatos. Cum
 poetarum autem errore coniungere licet portenta
 magorum, Aegyptiorumq. in eodem genere de-
 mentiam; tum etiam uulgi opiniones, quae in maxi-
 ma inconstantia, ueritatis ignoratione, uersantur.
 ea, qui consideret, quam inconsulte ac temere di-
 cantur, uenerari Epicurum, & in eorum ipsorum
 numero, de quibus haec quaestio est habere debeat.
 solus enim uidit, primum, esse deos; quod in om-
 nium animis eorum notionem impressisset ipsa natu-
 ra: quae est enim gens, aut quod genus hominum,
 quod non habeat, sine doctrina, anticipationem
 quandam deorum? quam appellat ~~ὑπόληψιν~~ Epicu-
 rus, id est anteceptam animo rei quandam informa-
 tionem, sine qua nec intelligi quidquam, nec quaeri,
 nec disputari possit. cuius rationis nim, atque utili-
 tatem ex illo caelesti Epicuri de regula, & indicio
 uolumine accepimus. Quod igitur fundamentum
 huius quaestionis est, id praeclare iactum uidetis.
 cum enim non instituto aliquo, aut more, aut lege
 sit opinio constituta; maneatq. ad unum omnium fir-
 ma consensus: intelligi necesse est, esse deos, quo-
 niam insitas eorum, uel potius imatas cogitationes
 habemus. de quo autem omnium natura consentit,
 id uerum esse necesse est. esse igitur deos, confiten-
 dum est. quod quoniam fere constat inter omnes
 non philosophos solum, sed etiam indoctos: fatea-
 mur

mur constare illum etiam, hanc nos habere siue anticipationem, ut antea dixi, siue praenotionem deorum. sunt enim rebus nouis noua ponenda nomina, ut Epicurus ipse *πρόληψιν* appellauit, quam antea nemo eo uerbo nominarat. hanc igitur habemus, ut deos beatos, & immortales putemus. quae enim nobis natura informationem deorum ipsorum dedit, eadem insculpsit in mentibus, ut eos aeternos et beatos haberemus. quod si ita est; uere exposita illa sententia est ab Epicuro; quod aeternum, beatumque sit, id nec habere ipsum negotij quidquam, nec exhibere alteri; itaque neque ira, neque gratia teneri, quod, quae talia essent, imbecilla essent omnia. Si nihil aliud quaereremus, nisi ut deos pie coleremus, & ut superstitione liberaremus; satis erat dictum. nam & praestans deorum natura hominum pietate coleretur, cum & aeterna esset, & beatissima: habet enim uenerationem iustam, quidquid excellit: & metus omnis aui atque ira deorum pulsus esset: intelligitur enim, a beata, immortalique natura & iram, & gratiam segregari; quibus remotis, nullos a superis impendere metus. sed ad hanc confirmandam opinionem inquit animus & formam, & uitam, & actionem mentis, atque agitationem in deo. Ac de forma quidem partim natura nos admonet, partim ratio docet. nam a natura habemus omnes omnium gentium, speciem nullam aliam: nisi humanam, deorum. quae enim alia forma occurrit umquam aut uigilanti cuiquam, aut dormienti?

*de finitio
person.*
262.

dormienti? sed ne omnia reuocentur ad primas notions, ratio hoc idem ipsa declarat. nam cum, praestantissimam naturam, uel quia beata est, uel quia sempiterna, conuenire uideatur, eandem esse pulcherrimam; quae compositio membrorum, quae conformatio lineamentorum, quae figura, quae species humana potest esse pulchrior? uos quidem, Lucili, soletis, (nam Cotta meus modo hoc, modo illud) cum artificium effingitis, fabricamq. diuinam, quam sint omnia in hominis figura non modo ad usum, uerum etiam ad uenustatem apta, describere. quod si omnium animantium formam uincit hominum figura, deus autem animans est: ea figura profecto est, quae pulcherrima sit omnium. quoniamq. deos beatissimos esse constat; beatus autem esse sine uirtute nemo potest, nec uirtus sine ratione constare, nec ratio usquam inesse, nisi in hominis figura: hominis esse specie deos confitendum est. nec tamen ea species corpus est, sed quasi corpus; nec habet sanguinem, sed quasi sanguinem. Haec quamquam & inuenta sunt acutius, et dicta subtilius ab Epicuro, quam ut quibus ea possit agnoscere; tamen, fretus intelligentia uestra, dissero breuius, quam caussa desiderat. Epicurus autem, qui res occultas, & penitus abditas non modo uiderat animo, sed etiam sic tractarat, ut manus, docet eam esse nim, & naturam deorum, ut primum non sensu; sed mente cernatur, nec soliditate quadam, nec ad numerum, ut ea, quae ille propter firmitatem *σεπέμνια* appellat,

appellat, sed imaginibus similitudine, & transi-
 tione perceptis; cum infinita simillimarum imaginum
 species ex innumerabilibus indiuiduis existat, & ad
 deos affluat, cum maximis uoluptatibus in eas ima-
 gines mentem intentam, infixamq. nostram intelli-
 gentiam, capere, quae sit & beata natura, & aeter-
 na. Summa uero uis infinitatis, & magna, ac dili-
 genti contemplatione dignissima est: in qua intelli-
 gere necesse est, eam esse naturam, ut omnia omnibus
 pluribus paria respondeant. hanc *isovopiam* appellat
 Epicurus, id est aequabilem tributionem. ex hac igitur
 illud efficitur: si mortalium tanta multitudo sit,
 esse immortalium non minorem: & si, quae interi-
 mant, innumerabilia sunt, etiam ea, quae conser-
 uent, infinita esse debere. Et quaerere a nobis,
 Balbe, soletis, quae uita deorum sit, quaeq. ab ijs
 degatur aetas. ea uidelicet, qua nihil beatius, nihil
 omnino bonis omnibus affluētius excogitari potest.
 nihil enim agit: nullis occupationibus est implicatus:
 nulla opera molitur: sua sapientia, & uirtute gau-
 det: habet exploratum, fore se semper tum in maxi-
 mis, tum in aeternis uoluptatibus. hunc deum rite
 beatum dixerimus, uestrum uero laboriosissimum.
 siue enim ipse mundus deus est: quid potest esse mi-
 nus quietum, quam, nullo puncto temporis inter-
 misso, uersari circum axem caeli admirabili celeri-
 tate? nisi quietum autem, nihil beatum est. siue
 in ipso mundo deus inest aliquis, qui regat, qui gu-
 bernet, qui cursus astrorum, mutationes tempo-
 rum,

et somn.
126.

DE NATURA DEORVM

rum, rerum uicissitudines, ordinesq. conseruet;
 terras & maria contemplans, hominum commoda,
 uitasq. tueatur: nae ille est implicatus molestis ne-
 gotijs, & operosis. nos autem beatam uitam in ani-
 mi securitate, & in omnium uacatione munerum
 ponimus. docuit enim nos idem, qui cetera, natu-
 ra effectum esse mundum, nihil opus fuisse fabrica,
 eamq. rem ei esse tam facilem, quam uos negatis
 effici sine diuina posse solertia, ut innumerabiles na-
 tura mundos effectura sit, efficiat, effecerit. quod
 quia quemadmodum natura efficere sine aliqua
 mente possit, non uidetis: ut tragici poetae, cum
 explicare argumenti exitum non potestis, confugi-
 tis ad deum. cuius operam profecto non desiderare-
 tis, si immensam, et interminatam in omnes partes
 magnitudinem regionum uideretis: in quam se inij-
 ciens animus, & intendens, ita late, longeque pere-
 grinatur, ut nullam tamen oram ultimi uideat, in
 qua possit insistere. in hac igitur immensitate latitu-
 dinum, longitudinum, altitudinum infinita uis in-
 numerabilium uolitat atomorum: quae, interiecto
 inani, cohaerescunt tamen inter se, & aliae alias ap-
 prehendentes continuantur: ex quo efficiuntur hae
 rerum formae, atque figurae: quas uos effici posse si-
 ne follibus, & incudibus non putatis: itaque impo-
 suistis in ceruicibus nostris sempiternum dominum,
 quem dies & noctes timeremus. quis enim non ti-
 meat omnia prouidentem, & cogitantem, & ani-
 maduertentem, & omnia ad se pertinere putan-
 tem,

tem, curiosum, & plenum negotij deum? hinc uobis extitit primum illa fatalis necessitas, quam εἰμαρμένην dicitis: ut, quidquid accidat, id ex aeterna ueritate, caussarumq. continuatione fluxisse dicatis. quanti autem philosophia aestimanda est, cui, tanquam aniculis, & iis quidem indoctis, fato fieri omnia uideantur? Sequitur μαυτιχὴ uestra, quae latine diuinitio dicitur: quia tanta imbueremur superstitione, si uos audire uellemus, ut haruspices, augures, arioli, uates, & coniectores nobis essent colendi. his terroribus ab Epicuro soluti, & in libertatem uindicati, nec metumimus eos, quos intelligimus nec sibi fingere ullam molestiam, nec alteri quaerere; & pie sancteq. colimus naturam excellentem, atque praestantem. Sed, elatus studio, uereor, ne longior fuerim. erat autem difficile, rem tantam, tamq. praeclaram, inchoatam relinquere. quamquam non tam dicendi mihi ratio habenda fuit, quam audiendi. Tum Cotta comiter, ut solebat, Atqui, inquit, Vellei, nisi tu aliquid dixisses, nihil sane ex me quidem audire potuisses. mihi enim non tam facile in mentem uenire solet, quare uerum sit aliquid, quam quare falsum: idq. cum saepe, tum, cum te audirem, paullo ante contigit. Roges me, qualem deorum naturam esse ducam: nihil fortasse respondeam. quaeras, putem ne talem esse, qualis modo a te sit exposita: nihil dicam mihi uideri minus. sed ante quam aggrediar ad ea, quae a te disputata sunt; de te ipso, dicam, quid sentiam. Saepe enim

DE NATVRA DEORVM

enim de L. Crasso, familiari tuo illo, uideor audisse, cum te togatis omnibus sine dubio anteferret, & paucos tecum Epicureos e Graecia compararet. sed, quod ab eo te mirifice diligi intelligebam, arbitrabar illum propter beneuolentiam id uberius dicere. ego autem, & si uereor laudare praesentem, iudico tamen, de re obscura, atque difficili a te dictum esse dilucide, neque sententijs solum copiose, sed uerbis etiam ornatius, quam solent uestri. Zenonem, quem Philo noster Coryphaeu appellare Epicureorum solebat, cum Athenis essem, audiebam frequenter, & quidem ipso auctore Philone; credo, ut facilius iudicarem, quam illa bene refellerentur; cum a principe Epicureorum accepiissem, quemadmodum dicerentur. non igitur ille, ut plerique, sed isto modo, ut tu, distincte, grauter, ornate. sed, quod in illo mihi usu saepe uenit, idem modo, cum te audirem, acciderat, ut moleste ferrem, tantum ingenium (bona uenia me audies) in tam leues, ne dicam in tam ineptas, sententias incidisse. nec ego nunc ipse aliquid afferam melius. ut enim modo dixi, omnibus fere in rebus, & maxime in physicis, quid non sit, citius, quam quid sit, dixerim. Roges me, quid, aut qualis sit deus: auctore utar Simonide: de quo cum quaesiuisset hoc idem tyrannus Hiero, deliberandi causa sibi unum diem postulauit: cum idem ex eo postridie quaereret, biduum petiuit: cum saepius duplicaret numerum dierum; admiransq. Hiero quaereret, cur ita faceret; quia quanto, inquit,

to, inquit, diutius considero, tanto mihi res uidetur
obscurior. sed Simonidem arbitror, (non enim poe-
ta solum suavis, uerum etiam ceteroqui doctus, sa-
piensq. traditur) quia multa uenirent in mentem
acuta, atque subtilia, dubitantem quid eorum esset
uerissimum, desperasse omnem ueritatem. Epicu-
rus uero tuus (nam cum illo malo differere, quam
tecum) quid dicit, quod non modo philosophia di-
gnum esset, sed etiam mediocri prudentia? Quaeri-
tur primum in ea quaestione, quae est de natura deo-
rum, sint ne dii, nec ne sint. difficile est negare: cre-
do, si in concione quaeratur: sed in huiusmodi ser-
mone, & confessu, facillimum. itaque ego ipse pon-
tifex, qui caeremonias, religionesq. publicas sanctis-
sime tuendas arbitror, is hoc, quod primum est, es-
se deos, persuaderi mihi, non opinione solum, sed
etiam ad ueritatem plane uelim. multa enim occur-
runt, quae conturbent, ut interdum nulli esse uidean-
tur. sed uide, quam tecum agam liberaliter. quae
communia sunt uobis cum ceteris philosophis, non
atingam, ut hoc ipsum: placet enim omnibus fere,
mihique ipsi in primis, deos esse: itaque non pugno:
rationem tamen eam, quae a te affertur, non satis
firmam puto. quod enim omnium gentium, gene-
rumq. hominibus ita uideretur, id satis magnum es-
se argumentum dixisti, cur esse deos confiteremur.
quod cum leue per se, tum etiam falsum est. Pri-
mum enim unde notae tibi sunt opiniones nationum?
equidem arbitror, multas esse gentes sic immanita-
te esse-

C

te esse-

te efferatas, ut apud eas nulla suspicio deorum sit.

4. quid? Diagoras, Atheos qui dictus est, posteaq.

4. 10. Theodorus, non ne aperte deorum naturam sustule-
39. runt? nam Abderites quidem Protagoras, cuius a
te modo mentio facta est, sophistes temporibus illis
uel maximus, cum in principio libri sui sic posuisset;

De dijs neque ut sint, neque ut non sint, habeo dice-
re; Atheniensium iussu urbe, atque agro est exter-
minatus; libriq. eius in concione combusti. ex quo
equidem existimo, tardiores ad hanc sententiam
profitendam multos esse factos, quippe cum poenam
ne dubitatio quidem effugere potuisset. Quid de sa-
cilegis, quid de impijs, periurisq. dicemus?

- Tubulus si Lucius umquam,

Si Lupus, aut Carbo, aut Neptuni filius, -
ut ait Lucilius, putasset esse deos, tam periurus,
aut tam impius fuisset? Non est igitur tam explo-
rata ista ratio ad id, quod nullis, confirmandum,
quam uidetur. sed quia commune est hoc argumen-
tum aliorum etiam philosophorum, omitam hoc
tempore; ad uestra propria uenire malo. Concedo
esse deos: doce me igitur, unde sint, ubi sint, qua-
les sint corpore, animo, uita. haec enim scire desi-
dero. abuteris ad omnia atomorum regno, & licen-
tia. hic, quodcumque in solum uenit, ut dicitur,
effugis, atque efficis. quae primum nullae sunt: nihil
enim est, quod uacet corpore: corporibus autem om-
nis obsidetur locus: ita nullum inane, nihil esse indi-
uiduum potest. haec ego nunc physicorum oracla sun-
do:

do: uera, an falsa, nescio; sed ueritamen similia,
quam uestra. ista enim flagitia Democriti, siue e-
tiam ante Leucippi, esse corpuscula quaedam leuia,
alia aspera, rotunda alia, partim angulata, curua-
ta quaedam, & quasi adunca; ex his effectum esse
caelum, atque terras, nulla cogente natura, sed con-
cursu quodam fortuito; hanc tu opinionē, C. Vellei,
usque ad hanc aetatem perduxisti: priusq. te quis de
omni uitae statu, quam de ista auctoritate, deiecerit.
ante enim indicasti, Epicureum te esse oportere,
quam ista cognouisti. ita necesse fuit, aut haec flagi-
tia animo concipere, aut susceptae philosophiae no-
men amittere. quid enim mereas, ut Epicureus esse
desinas? nihil equidem, inquis, ut rationem uitae
beatae, ueritatemq. deferam. ista igitur est ueritas?
nam de uita beata nihil repugno: quam tu ne in deo
quidem esse censes, nisi plane otio langueat. sed ubi
est ueritas? in mundis, credo, innumerabilibus, om-
nibus minimis temporum punctis alijs nascentibus,
alijs cadentibus; an in indiuiduis corpusculis, tam
praeclara opera, nulla moderante natura, nulla ra-
tione, fingentibus? Sed oblitus liberalitatis meae,
qua tecum paullo ante uti coeperam, plura comple-
ctor. Concedam igitur, ex indiuiduis constare om-
nia: quid ad rem? deorum enim natura quaeritur.
sint sane ex atomis: non igitur aeterni. quod enim
ex atomis sit, id natum aliquando sit. si natum, nul-
li dii ante quam nati. & si ortus est deorum; inte-
ritus sit necesse est, ut tu paullo ante de Platonis

C 2 mundo

mundo disputabas. ubi igitur illud uestrum beatum,
 & aeternum? quibus duobus uerbis significatis
 deum. quod cum efficere uultis, in dumeta correpiti-
 tis. ita enim dicebas, non corpus esse in deo, sed
 quasi corpus; nec sanguinem, sed quasi sanguinem.
 hoc persaepe facitis, ut, cum aliquid non ueri simile
 dicatis, et effugere reprehensionem uelit, affera-
 tis aliquid, quod omnino ne fieri quidem possit: ut
 satis fuerit id ipsum, de quo ambigebatur, conce-
 dere, quam tam imprudenter resistere. uelut Epi-
 curus, cum uideret, si atomi ferrentur in locum in-
 feriozem suopre pondere, nihil fore in nostra pote-
 state, quod esset earum motus certus, & necessa-
 rius; inuenit quo modo necessitatem effugeret: quod
 uidelicet Democritum fugerat: ait atomum, cum
 pondere & grauitate directo deorsum feratur, de-
 clinare paullulū. hoc dicere turpius est, quam illud,
 quod uult, non posse defendere. idem facit contra
 dialecticos. a quibus cum traditum sit, in omnibus
 disunctionibus, in quibus, aut etiam, aut non, po-
 neretur, alterutrum uerum esse: pertimuit, ne, si
 concessum esset huiusmodi aliquid, aut uiuet cras,
 aut non uiuet Epicurus, alterutrum fieret necessa-
 rium: totum hoc, aut etiam, aut non, negauit esse
 necessarium. quo quid dici potest obtusius? urgebat
 Arcesilas Zenonem, cum ipse omnia falsa diceret,
 quae sensibus uiderentur; Zeno autem non nulla uisa
 esse falsa, non omnia. timuit Epicurus, ne, si unum
 uisum esset falsum, nullum esset uerum: omnes sen-
 sus

sus ueri nuncios dixit esse: nihil horum, nisi callide:
 grauiorem enim plagam accipiebat, ut leuiorem re-
 pellet. Idem facit in natura deorum: dum indiui-
 duorum corporum concretionem fugit, ne internus
 et dissipatio consequatur, negat esse corpus deorum,
 sed tamquam corpus, nec sanguinem, sed tamquam
 sanguinem. mirabile uidetur, quod non rideat ha-
 ruspex, cum haruspicem uiderit: hoc mirabilius,
 quod uos inter uos risum tenere possitis. non est cor-
 pus, sed quasi corpus. hoc intelligerem quale esset,
 si id in cereisingeretur, aut fictilibus figuris: in deo
 quid sit quasi corpus, aut quasi sanguis, intelligere
 non possum: ne tu quidem Vellei: sed non uis fateri:
 ista enim a uobis quasi dictata redduntur: quae Epi-
 curus oscitans allucinatus est, cum quidem gloriare-
 tur, ut uidemus in scriptis, se magistrum habuisse
 nullum. quod & non praedicanti tamen facile qui-
 dem crederem, sicut mali aedificij domino glorianti
 se architectum non habuisse. nihil enim olet ex Aca-
 demia, nihil ex Lyceo, nihil ne e puerilibus quidem
 disciplinis. Xenocratem audire potuit: quem ui-
 rum, dii immortales: & sunt qui putant auduisse,
 ipse non uult: credo plus nemini. Pamphilum quen-
 dam, Platonis auditorem, ait a se Sami auditum:
 ibi enim adolescens habitabat cum patre, & fratri-
 bus, quod in eam pater eius Neocles agripeta uene-
 rat. sed cum agellus eum non satis aleret, ut opi-
 nor; ludi magister fuit. sed hunc Platonici minifi-
 ce contemnit Epicurus. ita metuit, ne quid umquam

de Fin. 2
 didicisse uideatur . in Nausiphane Democrito tene-
 tur : quem cum a se non negat auditum , uexat ta-
 men omnibus contumelijs . atqui , si haec Democri-
 tea non audisset , quid audierat ? quid est in physicis
 Epicuri non a Democrito ? nam etsi quaedam com-
 mutauit , ut quod paullo ante de inclinatione atomo-
 rum dixi : tamen pleraque dicit eadem , atomos ,
 inane , imagines , infinitatem locorum , innumera-
 bilitatemq. mundorum , eorum ortus , et interitus ,
 omnia fere , quibus naturae ratio continetur . Nunc
 istuc , quasi corpus , & quasi sanguinem , quid in-
 telligis ? ego enim scire te ista melius , quam me ,
 non fateor solum , sed etiam facile patior . cum qui-
 dem semel dicta sunt ; quid est , quod Velleius intel-
 ligere possit , Cotta non possit ? uaque , corpus quid
 sit , sanguis quid sit , intelligo : quasi corpus , et qua-
 si sanguis quid sit , nullo prorsus modo intelligo .
 Nec tu me caelas , ut Pythagoras solebat alienos :
 nec consulto dicis occulte , tamquam Heraclitus : sed ,
 quod inter nos liceat , ne tu quidem intelligis . illud
 uideo pugnare te , species ut quaedam sit deorum ,
 quae nihil concreti habeat , nihil solidi , nihil expres-
 si , nihil eminentis , sitq. pura , leuis , perlucida . di-
 cemus ergo idem , quod in Venere Coa : corpus illud
 non est , sed simile corpori : nec ille fusus , & candore
 mixtus rubor sanguis est , sed quaedam sanguinis
 similitudo : sic in Epicureo deo non res , sed similitu-
 dines rerum esse . Fac id , quod ne intelligi quidem
 potest , mihi esse persuasum : cedo mihi istorum ad-
 umbra-

umbratorum deorum lineamenta, atque formas.
non deest hoc loco copia rationum, quibus docere ue-
litis humanas esse formas deorum: primum, quod
ita sit informatum, anticipatumq. mentibus nostris,
ut homini, cum de deo cogitet, forma occurrat hu-
mana: deinde, ut, quoniam rebus omnibus excel-
lat uatura diuina, forma quoque esse pulcherrima
debeat; nec esse humana ullam pulchriorem. ter-
tiam rationem affertis, quod nulla in alia figura do-
micilium mentis esse possit. primum igitur quidque
consideremus quale sit. arripere enim mihi uidemi-
ni, quasi uestro iure, rem nullo modo probabilem.
Quis tam caecus in contēplandis rebus umquā fuit,
ut non uideret species istas hominum collatas in deos
aut consilio quodam sapientum, quo facilius animos
imperitorū ad deorum cultum a uitae prauitate con-
uerterent; aut superstitione, ut essent simulacra,
quae uenerantes, deos ipsos se adire crederent? au-
xerunt autem haec eadem poetae, pictores, opifices. 13.
erat autem non facile, agentes aliquid, et molientes
deos in aliarum formarū imitatione seruare. acces-
sit etiam ista opinio fortasse, quod homini homine ni-
hil pulchrius uideatur. sed tu hoc physice non uides,
quam blanda conciliatrix, et quasi sui sit laena natu-
ra. an putas ullam esse terra mariq. beluam, quae
non sui generis belua maxime delectetur? quod ni-
ita esset; cur non gestiret taurus equae contrectatio-
ne, equus uaccae? an tu aquilam, aut leonem, aut
delphinum ullam anteferre cēses figuram suae? quid

DE NATURA DEORVM

igitur mirum, si hoc eodem modo homini natura
praescripfit, ut nihil pulchrius, quam hominem, pu-
taret, eam esse causam, cur deos hominum similes
putaremus? quid censes, si ratio esset in beluis, non
suo quasque generi plurimum tributuras fuisse? at
mehercle ego, (dicam enim, ut sentio) quamuis
amem ipse me, tamen non audeo dicere, pulchrio-
rem esse me, quam ille fuit taurus, qui uexit Euro-
pam. non enim hoc loco de ingenijs, aut de oratio-
nibus nostris, sed de specie, figuraq. quaeritur. quod
si fingere nobis, & iungere formas uelimus; qualis
ille maritimus Triton pingitur, natantibus inue-
hens beluis, adiunctis humano corpori, nolis esse?
difficili in loco uersor. est enim uis tanta naturae, ut
homo nemo uelit nisi hominis similis esse: & qui-
dem formica formicae: sed tamen cuius hominis?
quotus enim quisque formosus est? Athenis tum
essem, & gregibus epheborum uix singuli reperiaban-
tur. uideo, quid arriseris: sed ita tamen res se ha-
bet. deinde nobis, qui, concedentibus philosophis
antiquis, adolescentulis delectamur, etiam uitia sae-
pe iucunda sunt. naeuus in articulo pueri delectat
Alcaeum. at est corporis macula naeuus: illi tamen
hoc lumen uidebatur. Q. Catulus, huius, collegae,
et familiaris nostri, pater, dilexit municipem tuum
Roscium: in quem etiam illud est eius:

Constiteram exorientem auroram forte salutans,
Cum subito a laena Roscius exoritur.
Pace mihi liceat, caelestes, dicere uestra;

Mortalis

Mortalis uisus pulchrior esse deo.
 huic pulchrior deo? at erat, sicut hodie est, peruer-
 sissimis oculis. quid refert? si hoc ipsum falsum, &
 uenustum illi uidebatur. Redeo ad deos. ecquos si
 non tam strabones, at petulos esse arbitramur?
 ecquos naeum habere? ecquos silos, flaccos, fron-
 tones, capitones; quae sunt in nobis? an omnia emen-
 data in illis? detur id uobis. num etiam est una om-
 nium facies? nam, si plures, aliam esse alia pulchrio-
 rem necesse est. igitur aliquis non pulcherrimus
 deus. si una omnium facies est; florere in caelo *Aca*
 demiam necesse est. si enim nihil inter deum, &
 deum differt: nulla est apud deos cognitio, nulla
 perceptio. Quid, si etiam, Vellei, falsum illud
 omnino est, nullam aliam nobis, de deo cogitanti-
 bus, speciem, nisi hominis, occurrere: tamen ne ista
 tam absurda defendes? nobis fortasse si occurrit,
 ut dicis: Iouem, Iunonem, Minervam, Neptu-
 num, Vulcanum, Apollinem, reliquos deos ea fa-
 cie nouimus, qua pictores, sictioresq. uoluerunt;
 neque solum facie, sed etiam ornatu, aetate, atque
 uestitu. at non Aegyptij, nec Syri, nec fere cuncta
 barbaries. firmiores enim uideas apud eos opinio-
 nes esse de bestiis quibusdam, quam apud nos de san-
 ctissimis templis, & simulacris deorum. etenim fa-
 na multa expoliata, & simulacra deorum de locis
 sanctissimis ablata uidemus a nostris: at uero ne
 fando quidem auditum est, crocodilum, aut ibim,
 aut selem uiolatum ab Aegypto. quid igitur censes?
 Apim

Apim illum, sanctum Aegyptiorum bouem, non
 ne deum uideri Aegyptijs? tam hercle, quam tibi
 illam nostram Sospitam, quam tu numquam ne in
 somnijs quidem uides, nisi cum pelle caprina, cum
 hasta, cum scutulo, cum calceolis repandis. at non
 est talis Argiua, nec Romana Iuno. ergo alia spe-
 cies Iunonis Argiuis, alia Latinis: & quidem alia
 nobis Capitolini, alia Afris Ammonis Ionis. non
 pudet igitur physicum, id est speculatorem, uena-
 toremq. naturae, ab animis consuetudine imbutis
 petere testimonium ueritatis? isto enim modo dice-
 re licebit, Iouem semper barbaturum, Apollinem sem-
 per imberbum, caecos oculos Minervae, caeruleos
 esse Neptuni. et quidem Athenis laudamus Vulca-
 num eum, quem fecit Alcamenes: in quo stante,
 atque uestito leuiter apparet claudicatio non defor-
 mis. claudum igitur habebimus deum; quoniam de
 Vulcano sic accepimus. Age, & his uocabulis deos
 esse facimus, quibus a nobis nominantur. at, pri-
 mum, quot hominum linguae, tot nomina deorum.
 non enim, ut tu Velleius, quocumque ueneris, sic idē
 in Italia Vulcanus, idem in Africa, idem in Hispa-
 nia. deinde, nominum non magnus numerus ne in
 pontificijs quidem nostris, deorum autem innume-
 rabilis. An sine nominibus sunt? Illud quidem ita
 nobis dicere necesse est. quid enim attinet, cum una
 facies sit, plura esse nomina? quam bellum erat,
 Vellei, contemneri, potius nescire, quod nescires,
 quam ista essutientem nauseare, atque ipsum tibi
 displicere?

difficere? An tu mei similem putas esse, aut tui
deum? profecto non putas. quid ergo? solem dicam,
aut lunam, aut caelum deum? ergo etiam beatum.
quibus fruente[m] uoluptatibus? & sapientem.
qui potest esse in eiusmodi trunco sapientia? haec ue-
stra sunt. si igitur nec humano uisu, quod docui;
nec tali aliquo, quod tibi persuasum est: quid dubi-
tas negare deos esse? non audes. sapienter id qui-
dem. etsi hoc loco non populum metuis, sed ipsos
deos. noui ego Epicureos omnia sigilla numerantes.
quamquam uideo non nullis uideri, Epicurum, ne
in offensionem Atheniensium caderet, uerbis reli-
quisse deos, resustulisse. itaque in illis selectis eius;
breuib[us]q[ue] sententijs, quas appellatis uoplas & & &
haec, ut opinor, prima sententia est: Quod beatum
& immortale est, id nec habet, nec exhibet cui-
quam negotium. In hac ita exposita sententia, sunt
qui existiment, quod ille inscitia plane loquendi fece-
rit, fecisse consulto. de homine minime uastro ma-
le existimant. dubium est enim, utrum aliquid di-
cat iste beatum, & immortale, an, si quod sit bea-
tum, id esse immortale. non animaduertunt, hic eū
ambigue locutum esse, sed multis alijs locis & il-
lum, & Metrodorum tam aperte, quam paullo an-
te te. ille uero deos esse putat: nec quemquam uidi,
qui magis ea, quae timenda esse negaret, timeret,
mortem dico, & deos. quibus mediocres homines
non ita ualde moventur, his ille clamat omnium
mortalium mentes esse perterritas. tot milia latro-
cinantur,

DE NATURA DEORVM

cinantur, morte proposita. alij omnia, quo possunt, sana compilant. credo, aut illos mortis timor terret, aut hos religionis. Sed quoniam non audes (iā enim cum ipso Epicuro loquar) negare esse deos; quid est quod te impediat aut solem, aut lunam, aut mundum, aut mentem aliquam sempiternam in deorum natura ponere? Numquam uidi, inquis, animam rationis consilijq. participem in ulla alia, nisi humana figura. Quid? solis numquidnam, aut lunae, aut quinque errantium siderum simile uidisti? sol duabus unius orbis ultimis partibus definiens motum, cursus annuos conficit. huius hanc illustrationem eiusdem incensa radijs menstruo spatio luna complet. quinque autem stellae eundem orbem tenentes, aliae propius a terris, aliae remotius, ab iisdem principijs, disparibus temporibus eadem spatia conficiunt. numquid tale, Epicure, uidisti? ne sit igitur sol, ne luna, ne stellae: quoniam nihil esse potest, nisi quod attingimus, aut uidimus. Quid? deum ipsum num ne uidisti? cur igitur credis esse? tollamus ergo omnia, quae aut historia nobis, aut noua ratio affert. ita sit, ut mediterranei mare esse non credant. quae sunt tantae animi angustiae; ut, si Scripsi natus esses, nec umquam egressus ex insula, in qua lepusciculos, uulpeculasq. saepe uidisses, non crederes leones, & pantheras esse, cum tibi, quales essent, diceretur? si uero de elephanto quis diceret, etiam irrideri te putares? Et tu quidem. Vel hi, non uestro more, sed dialecticorum, quae funditus

*de Somn.
124*

*de Somn.
124*

tus gens uestra non nouit, argumenti sententiam
conclusisti. beatos esse deos sumpsisti. concedimus.
Beatum autem sine uirtute neminem esse posse, id
quoque damus, & libenter quidem. Virtutem au-
tem sine ratione constare non posse, conueniat id
quoque necesse est. Adiungis, nec rationem esse ni-
si in hominis figura. quem tibi hoc daturum putas?
si enim ita esset, quid opus erat te gradatim istuc
peruenire? quid autem est istuc gradatim? sumpsis-
ses tuo iure. nam a beatis ad uirtutem, a uirtute ad
rationem uideo te uenisse gradibus: a ratione ad hu-
manam figuram quo modo accedis? praecipitare
istud quidem est, non descendere. Nec uero intelli-
go, cur maluerit Epicurus deos hominum similes di-
cere, quam homines deorum. quaeres, quid inter-
sit. si enim hoc illi simile sit, esse illud hunc uideo.
sed hoc dico, non ab hominibus formae figuram per-
uenisse ad deos. dii enim semper fuerunt, & nati
numquam sunt. siquidem aeterni sunt futuri. at ho-
mines nati: ante igitur humana forma, quam homi-
nes, ea qua erant forma dii immortales. non ergo
illorum humana forma, sed nostra diuina dicenda
est. Verum hoc quidem, ut uoletis: illud quaero,
quae fuerit tanta fortuna. nihil enim in rerum natu-
ra ratione factum esse uultis. sed tamen quis iste
tantus casus, unde tam felix concursus atomorum,
ut repente homines deorum forma nascerentur? se-
mina deorum decidisse de caelo in terras putamus,
& sic homines patrum similes extitisse? uellem di-
ceretis:

DE NATURA DEORVM

ceretis : deorum cognationem agnoscerem non inui-
tus . nihil tale dicitis : sed casu esse factum , ut deo-
rum similes essemus . & nunc argumenta quaeren-
da sunt , quibus hoc refellatur ? utinam tam facile
uera inuenire possem , quam falsa conuincere . ete-
nim enumerasti memoriter , & copiose , ut mihi
quidem admirari liberet in homine esse Romano
tantam scientiam , usque a Tbalete Milesio de natu-
ra deorum philosophorum sententias . Omnes ne tibi
illi delirare uisi sunt , qui sine manibus & pedibus
constare deum posse decreuerunt ? nec hoc quidem
uos mouet considerantes quae sit utilitas , quaeq. o-
portunitas in homine membrorum , ut iudicetis
membris humanis deos non egere ? quid enim pedi-
bus opus est sine ingressu ? quid manibus , si nihil
comprehendatur ? quid reliqua descriptione om-
nium corporis partium ? in qua nihil inane , nihil si-
ne causa , nihil superuacaneum est . itaque nulla ars
imitari soleritam naturae potest . habebit igitur lin-
guam deus , & non loquetur ; dentes , palatum ,
fauces nullum ad usum : quaeq. procreationis causa
natura corpori affinxit , ea frustra habebit deus : nec
externa magis , quam interiora . cor , pulmones ,
iecur , ceteraque , detracta utilitate , quid habent
uenustatis ? quandoquidem haec esse in deo propter
pulchritudinem uultis . Istis ne fidentes somnijs
non modo Epicurus , & Metrodorus , & Herma-
chus contra Pythagoram , Platonem , Empedo-
clemq. dixerunt , sed meretricula etiam Leontium
contra ,

contra Theophrastum scribere ausa sit? scito quidem illa sermone, & Attico: sed, cum tantum Epicuri hortus habuerit licentiae, etiam soletis queri? Zeno quidem etiam litigabat. quid dicam Albutium? nam Phraedro nihil elegantius, nihil humanius. sed stomachabatur senex, si quid asperius dixeram: cum Epicurus contumeliosissime Aristoteli uexarit; Phaedoni Socratico turpissime male dixerit; Metrodori, sodalis sui, fratrem Timocratem, quia nescio quid in philosophia dissentiret, totis uoluntatibus conciderit; in Democritum ipsum, quem secutus est, fuerit ingratus; Nausiphanem, magistrum suum, a quo nihil didicerat, tam male acceperit. Zeno quidem non eos solum, qui tum erant, Apollodorum, Syllum, ceterosque figebat maledictis, sed Socratem ipsum, parentem philosophiae, latino uerbo utens, scurram Atticum fuisse dicebat, Chrysippum numquam, nisi Chrysippum, uocabat. tu ipse paullo ante, cum tamquam senatum philosophorum citares, summos uiros desipere, delirare, dementes esse dicebas. quorum si nemo uerum uidit de natura deorum; uerendum est, ne nulla sit omnino. nam ista, quae uos dicitis, sunt tota comenticia, uix digna lucubratione anicularum. non enim sentitis, quam multa uobis suscipienda sint, si impetraueritis, ut concedamus eandem esse hominum & deorum figuram. omnis cultus, & curatio corporis erit eadem adhibenda deo, quae adhibetur homini; ingressus, cursus, accubatio, inclinatio,

DE NATURA DEORVM

tio, sessio, comprehensio, ad exterminum etiam sermo, & oratio. Nam quod & mares deos, & feminas esse dicitis; quid sequatur, uidetis. equidem mirari satis non possum, unde ad istas opiniones uel ille princeps uenerit. sed clamare non desinitis, retinendum hoc esse, deus ut beatus immortalisq. sit. quid autem obstat, quo minus sit beatus, si non sit bipes? aut ista siue beatitas, siue beatitudo dicenda est, (utrumque omnino durum, sed usu mollienda nobis uerba sunt) uerum ea, quaecumque est, cur aut in solem illum, aut in hunc mundum, aut in aliquam mentem aeternam, figura membrisque corporis uacuam, cadere non potest? Nihil aliud dicis, nisi, numquam uidi solem, aut mundum beatum. Quid? mundum, praeter hunc, umquam ne uidisti? negabis. cur igitur non sexcenta millia esse mundorum, sed innumerabilia, ausus es dicere? ratio docuit. ergo hoc te ratio non docebit, cum praestantissima natura quaeratur, eaq. beata, & aeterna, quae sola in diuina natura sunt, ut immortalitate uincamur ab ea natura, sic animi praestantia uinci; atque ut animi, item corporis? cur igitur, cum ceteris rebus inferiores simus, forma pares sumus? ad similitudinem enim deo propius accedebat humana uirtus, quam figura. an quidquam tam puerile dici potest, (ut eundem locum diutius urgeam) quam si ea genera beluarum, quae in Rubro mari India ne gignantur, nulla esse dicamus? atqui ne curiosissimi quidem homines exquirendo audire tam multa possunt,

sunt quam sunt multa, quae terra, mari, paludibus, fluminibus existunt. quae negemus esse, quia numquam uidimus. Ipsa uero quam nihil ad rem pertinet, quae nos delectat maxime, similitudo? quid? canis nonne similis lupo? atque, ut Ennius, Simia quam similis, turpissima bestia, nobis? at amores in utroque dispares. elephantum beluarum nulla prudentior. at figura quae uastior? De bestiis loquor. quid? inter ipsos homines nonne & simillimis formis dispares mores, et moribus figura dissimilis? etenim, si semel, Vellei, suscipimus genus hoc argumēti; attende, quo serpat. tu enim sumebas, nisi in hominis figura rationē inesse non posse. sumet alius, nisi in terrestri; nisi in eo, qui natus sit; nisi in eo, qui adoleuerit; nisi in eo, qui didicerit; nisi in eo, qui ex animo constet, et corpore caduco, et infirmo; postremo, nisi in homine, atque mortali. quod si in omnibus his rebus obsistis; quid est, quod te una forma cōturbet? his enim omnibus, quae proposui, adiunctis, in homine rationem esse, et mentē uidebas. quibus detractis, deum tamen nosse te dicis, modo lineamenta maneant. hoc est non considerare, sed quasi sortiri quid loquare. Nisi forte ne hoc quidem attendis, non modo in homine, sed etiam in arbore, quidquid supernacaneum sit, aut usum non habeat, obstare. quam molestum est, uno digito plus habere? quid ita? quia nec speciem, nec usum alium quinque desiderant. tuus autem deus non digito uno redundat, sed capite, collo, ceruicibus, lateribus, alio, ter-

D go

*Plin: lib 8
cap 100*

DE NATURA DEORVM

go, poplitibus, manibus, pedibus, feminibus, cruribus. si, ut immortalis sit; quid haec ad uitam membra pertinent? quid ipsa facies? magis illa, cerebrum, cor, pulmones, iecur: haec enim sunt domicilia uitae. oris quidem habitus ad uitae firmitatem nihil pertinet. At eos uituperabas, qui ex operibus magnificis, atque praeclaris, cum ipsum mundum, cum eius membra, caelum, terras, maria, cumque horum insignia solem, lunam, stellasque uidissent, dumque temporum mutationes, maturitas, uicissitudinesque cognouissent; suspicati essent aliquam excellentem esse, praestantemque naturam, quae haec fecisset, moueret, regeret, gubernaret. qui etiam si aberrant a coniectura, uideo tamē quid sequantur. Tu quod opus tandem magnum, & egregium habes, quod effectum diuina mente uideatur, ex quo esse deos suspicere? Habeo, inquis, in animo insitam informationem quandam dei. & barbati quidem Iouis, galeatae Minervae. num igitur tales putas? quanto melius haec uulgi imperitorum: qui non membra solum hominis deo tribuunt, sed usum etiam membrorum: dant enim arcum, sagittas, hastam, clypeum, fuscina, fulmen: et si, actiones quae sint deorum, non uident, nihil agentem tamen deum non queunt cogitare. Ipsi, qui irridentur, Aegyptij nullam beluam, nisi ob aliquam utilitatem, quam ex ea caperent, consecrauerunt. ibes maximam uim serpentium consciunt, cum sint aues excelsae, cruribus rigidis, corneo proceroque rostro

DE NATURA DEORVM

pareantq. in ardētibus fornacibus saepe uolitantes. Quaero igitur, noster deus primum ubi habitet: deinde, quae causa eum loco moueat; si modo mouetur aliquando: postremo, cum hoc proprium sit animantium, ut aliquid appetant, quod sit naturae accommodatum; deus quid appetat; ad quam denique rem motu mentis, ac rationis utatur; postremo, quo modo beatus sit, quo modo aeternus. quidquid enim horum attigeris, ulcus est. ita male instituta ratio exitum reperire non potest. Sic enim dicebas, speciem dei percipi cogitatione, non sensu, nec esse in ea ullam soliditatem, neque eandem ad numerū permanere, eamq. esse eius uisionem, ut similitudine & transiitione cernatur, neque deficiat umquam ex infinitis corporibus similium accessio; ex eoq. fieri, ut in haec intenta mens nostra beatā illam naturā, & sempiternam putet. Hoc per ipsos deos, de quibus loquimur, quale tandem est? nam sit tantummodo ad cogitationem ualent, nec ullam habent soliditatem, nec eminentiam: quid interest, utrum de hippocentaurō, an de deo cogitemus? omnem enim talem conformationem animi ceteri philosophi motum inanem uocant: uos autem aduentum in animos, & introitum imaginum dicitis. ut igitur, Ti. Gracchum cum uideor cōcionantem in Capitolio uidere, de M. Octauio deferentem sitellam, tum eum motum animi dico esse inanem; tu autem & Gracchi & Octauij imagines remanere, quae, in Capitolium cum peruenerint, tum ad animum meum referantur.

rantur: hoc idem fieri in deo, cuius crebra facie pel-
lantur animi, ex quo esse beati atque aeterni intelli-
gantur. fac imagines esse, quibus pulsantur animi:
species dumtaxat obijcitur quaedam. num etiam, cur
beata sit, cur aeterna? quae autem istae imagines ue-
strae, aut unde? a Democrito omnino haec licentia.
sed & ille reprehensus a multis est; nec uos exitum
reperitis; tota quae res uacillat, & claudicat. nam
quid est, quod minus probari possit, quam omnium
in me incidere imagines? Homeri, Archilochi, Ro-
muli, Numae, Pythagorae, Platonis, nec ex for-
ma, qua illi fuerunt? quo modo illi ergo? & quo-
rum imagines? Orpheum poetam docet Aristote-
les numquam fuisse: & hoc Orphicum carmen Py-
thagorici ferunt cuiusdam fuisse Cercopis. at Or-
pheus, id est imago eius, ut uos uultis, in animum
meum saepe incurrit. quid, quod eiusdem hominis
in me aliae, aliae in tuum? quid, quod earum rerum,
quae numquam omnino fuerunt, neque esse potue-
runt, ut Scyllae, ut Chimerae? quid, quod homi-
num, locorum, urbium earum, quas numquam ui-
dimus? quid, quod, simul ac mihi collibitum est,
praesto est imago? quid, quod etiam ad dormientem
ueniunt inuocatae? tota res, Vellei, nugatoria est:
uos autem non modo oculis imagines, sed etiam ani-
mis inculcatis: tanta est impunitas garriendi. at
quam licenter? fluentium frequenter transitio fit ui-
sionum, ut e multis una uideatur. puderet me dice-
re, non intelligere, si uos ipsi intelligeretis, qui ista

DE NATURA DEORVM

defenditis. quo modo enim probas, continenter
 imagines ferri? aut, si continenter, quo modo aeter-
 nae? Innumerabilitas, inquis, supeditat atomorum.
 num eadem ergo ista facient, ut sint omnia sempi-
 terna? Confugis ad aequilibratam: sic enim iso-
 plav, si placer, appellemus: & ais, quoniam sit na-
 tura mortalis, immortalem etiam esse oportere.
 isto modo, quoniam homines mortales sunt, sint ali-
 qui immortales: &, quoniam nascuntur in terra,
 nascantur & in aqua: et, quia sunt quae interimāt,
 sint quae conseruent. sint sane: sed ea conseruent,
 quae sunt: deos istos esse non sentio. Omnis tamen
 ista rerum effigies ex indiuiduis quo modo corpori-
 bus oritur? quae etiam si essent, quae nulla sunt;
 pellere se ipsa & agitari inter se concursu fortasse
 possent; formare, figurare, colorare, animare non
 possent. nullo igitur modo immortalem deum effici-
 tis. Videamus nunc de beato. Sine uirtute certe nul-
 lo modo. uirtus autem actiua, & deus uester ni-
 hil agens: expers uirtutis igitur: ita ne beatus qui-
 dem. quae ergo uita? supeditatio, inquis, bono-
 rum, nullo malorum interuentu. quorum tandem
 bonorum? uoluptatum. credo: nempe ad corpus
 pertinentium: nullam enim nouistis, nisi profectam
 a corpore, & redeuntem ad corpus, animi uolupta-
 tem. non arbitror te Vellei, similem esse Epicureo-
 rum reliquorum: quos pudeat earum Epicuri uo-
 cum, quibus ille testatur, se ne intelligere quidem
 ullum bonum, quod sit seiunctum a delicatis, et ob-
 scenis

scenis uoluptatibus: quas quidem non erubescens
 persequitur omnes nominatim. quem cibum igitur,
 aut quas potiones, aut quas uocum & florum ua-
 rietates, aut quos tactus, quos odores adhibebis ad
 deos, ut eos perfundas uoluptatibus? at poetae qui-
 dem neſtar, ambrosiam epulis comparant, & aut
 Iuuentatem, aut Ganymedem pocula ministratam.
 tu autem Epicure quid facies? neque enim, unde ha-
 beat ista deus tuus, uideo, nec quo modo utantur. lo-
 cupletior igitur hominum natura ad beate uiuendum
 est, quam deorum, quod pluribus generibus frui-
 tur uoluptatum. At has leniores ducis uoluptates,
 quibus quasi titillatio (Epicuri enim hoc uerbum)
 sensibus adhibetur. Quousque ludis? nam Philo no-
 ſter ferre non poterat, aspernari Epicureos molles
 & delicatas uoluptates: summa enim memoria
 pronunciabat plurimas Epicuri sententias ijs ipsis
 uerbis, quibus erant scriptae: Metrodori uero, qui
 est Epicuri collega sapientiae, multa impudentio-
 ra recitabat. accusat enim Timocratem, fratrem
 suum, Metrodorus, quod dubitet omnia, quae ad
 beatam uitam pertineant, uentre metiri: neque id
 semel dicit, sed saepius. Annuere te uideo: nota
 enim tibi sunt. proferrem libros, si negares. Ne-
 que nunc reprehendo, quod ad uoluptatem omnia
 referantur: alia est ea quaestio: sed doceo, deos ue-
 ſtros esse uoluptatis expertes: ita ueſtro iudicio ne-
 beatos quidem. At dolore uacant. sat in est id ad il-
 lam abundantem bonis uitam beatissimam? Cogi-
 tant

DE NATURA DEORVM

tant, inquis, assidue beatos esse se: habent enim nihil aliud, quod agitent in mente, comprehenditur animo, et propone ante oculos, deum nihil aliud in omni aeternitate, nisi, mihi pulchre est, & ego beatus sum, cogitantem. nec tamen uideo, quo modo uideatur iste deus beatus, cum sine ulla intermissione pulsetur, agiteturq. incursione atomorum sempiterna, cumq. ex ipso imagines semper affluant. ita nec beatus est uester deus, nec aeternus. At etiam de sanctitate, de pietate aduersus deos, libros scripsit Epicurus. at quo modo in his loquitur? ut Coruncanium, aut Scaeuolam, pontifices maximos, te audire dicas, non eum, qui sustulerit omnem funditus religionem; nec manibus, ut Xerxes, sed rationibus, deorum immortalium templa & aras euerterit. Quid est enim, cur deos ab hominibus colendos dicas, cum dii non modo homines non colant, sed omnino nihil curent, nihil agant? At est eorum eximia quaedam praestansq. natura, ut ea debeat ipsa per se ad se colendam allicere sapietem. An quidquam eximium potest esse in ea natura, quae sua uoluptate laetas, nihil nec actura sit umquam, neque agat, neq. egerit? Quae porro pietas ei debetur, a quo nihil acceperis? aut quid omnino, cuius nullum meritum sit, ei deberi potest? est enim pietas, iustitia aduersus deos: cum quibus quid potest nobis esse iuris, cum homini nulla cum deo sit communitas? sanctitas autem est scientia colendorum deorum: qui quamobrem colendi sunt, non intelligo, nullo nec acce-

Off. 1.
Fam. 1.
9. 10.

accepto ab ijs, nec sperato bono. quid est autem, quod eos ueneremur propter admirationem eius naturae, in qua egregium nihil uidemus? Nam superstitione, quod gloriari soletis, facile est liberari, cum sustuleris omnem uim deorum. nisi forte Diagoram, aut Theodorum, qui omnino deos esse negabant, censes superstitiosos esse potuisse. ego ne Protagoram quidem: cui neutrum liquerit, nec esse deos, nec non esse. horum enim sententiae omnium non modo superstitionem tollunt, in qua inest timor inanis deorum; sed etiam religionem, quae deorum cultu pio continetur. Quid? ij, qui dixerunt, totam de dijs immortalibus opinionem fictam esse ab hominibus sapientibus reip. causa, ut quos ratio non posset, eos ad officium religio duceret; non ne omnem religionem funditus sustulerunt? Quid? Prodicus Chius, qui ea, quae prodesse hominum uitae, deorum in numero habita esse dixit, quam tandem religionem reliquit? Quid? qui aut fortes, aut claros, aut potentes uiros tradunt post mortem ad deos peruenisse, eosque esse ipsos, quos nos colere, precari, uenerarique soleamus; non ne expertes sunt religionum omnium? quae ratio maxime tractata ab Euhemero est: quem noster & interpretatus, & secutus est praeter ceteros Ennius. ab Euhemero autem & mortes, & sepulturae demonstrantur deorum. utrum igitur hic confirmasse religionem uidetur, an penitus totam sustulisse? Omitto Eleusinam sanctam illam, & augustam,

Vbi

DE NATVRA DEORVM

Ubi initiantur gentes orarum ultimae :
 praeterea Samothraciā, eaque, quae Lemni noctur-
 no aditu occulta coluntur, siluestribus sepibus den-
 sa. quibus explicatis, ad rationemq. reuocatis, re-
 rum magis natura cognoscitur, quam deorum. Mi-
 hi quidem etiam Democritus, uir magnus in pri-
 mis, cuius fontibus Epicurus hortulos suos irriga-
 uit, nutare uidetur in natura deorum. tum enim
 censet imagines diuinitate praeditas inesse uniuersi-
 tati rerum: tum principia, mentesque, quae sunt
 in eodem uniuerso, deos esse dicit; tum animantes
 imagines, quae uel prodesse nobis solent, uel nocere;
 tum ingentes quasdā imagines, tantasque, ut uniuersum
 mundum cōplectantur extrinsecus. Quae quidē
 omnia sunt patria Democriti, quam Democrito, di-
 gniora. quis enim istas imagines cōprehendere ani-
 mo potest? quis admirari? quis aut cultu, aut religio-
 ne dignas indicare? Epicurus uero ex animis homi-
 num extraxit radicibus religionem, cum dijs immor-
 talibus & opem, & gratiam sustulit. cum enim
 optimam et praestantissimam naturam dei dicat es-
 se, negat idem esse in deo gratiam: tollit, id quod
 maxime proprium est optimae praestantissimaeq. na-
 turae. quid enim est melius, aut quid praestantius
 bonitate, & beneficentia? qua cum carere deum
 uultis; neminem deo nec deum, nec hominem ca-
 rum, neminem ab eo amari, neminem diligere uultis.
 ita fit, ut non modo homines a dijs, sed ipsi dii inter
 se ab alijs alij negligantur. Quanto Stoici melius,
 qui

27
 Lucr.

qui a uobis reprehenduntur. censent autem sapientes
sapiētibus etiā ignotis esse amicos. nihil est enim uir-
tute amabilius: quā qui adeptus erit, ubicumque gen-
tium, a nobis diligetur. Vos autem quid mali datis,
cum imbecillitatem gratificationem, & beneuolen-
tiam ponitis? ut enim omittam uim & naturam
deorum; ne homines quidem censetis, nisi imbecilli
essent, futuros beneficos, & benignos fuisse. nulla
est caritas naturalis inter bonos? carum ipsum uer-
bum est amoris: ex quo amicitiae nomen est ductum:
quam si ad fructum nostrum referemus, non ad il-
lius commoda, quem diligimus; non erit ista ami-
citia, sed mercatura quaedam utilitatum suarum.
prata, & arua, & pecudum greges diliguntur isto
modo, quod fructus ex eis capiuntur. hominum ca-
ritas, & amicitia gratia est: quanto igitur ma-
gis deorum? qui nulla re egentes & inter se diligūt,
& hominibus consulunt. quod ni ita sit, quid uene-
ramur, quid precamur deos? cur sacris pontifices,
cur auspicijs augures praesunt? quid optamus a dijs
immortalibus? quid nouemus? At etiam Epicuri li-
ber est de sanctitate. ludimur ab homine non tam fa-
ceto, quam ad scribendi licentiam libero. quae enim
poteest esse sanctitas, si dii humana non curant? quae
autem animans natura, nihil curans? uerius est igitur
illud nimirum, quod familiaris omnium nostrum
Posidonius differuit in libro quinto de natura deo-
rum, nullos esse deos Epicuro uideri; quaeq. is de dijs
immortalibus dixerit, inuidiae detestatae gratia di-
xisset:

D E N A T V R A D E O R V M

xisse . neque enim tam desipines fuisset , ut homin-
culis similem deum fingeret , lineamentis dumtaxat
extremis , non habitu solido ; membris hominis prae-
ditum omnibus , usu membrorum ne minimo qui-
dem ; exilem quendam , atque perlucidum , nihil
cuiquam tribuentem , nihil gratificantem , omnino
nihil curantem , nihil agentem . quae natura primū
nulla esse potest ; idq. uidens Epicurus , re tollit , o-
ratione relinquit deos : deinde , si maxime talis est
deus , ut nulla gratia , nulla hominum caritate te-
neatur ; ualeat : quid enim dicam , propitius sit ? es-
se enim propitius potest nemini ; quoniam , ut dicitis ,
omnis in imbecillitate est & gratia , & caritas .

M. TULLII

31
M. TVLLII CICERONIS
DE NATVRA DEORVM

L I B E R I I.

*Q*VAE cum Cotta dixisset, tum Velle-
ius, Nae ego inquit, incautus, qui
cum Academico, & eodem rhetore
congregi conatus sum. nam neque in-
disertum Academicum pertinuisssem, nec sine ista
philosophia rhetorem quamvis eloquentem. ne-
que enim flumine conturbor inanum uerborum,
nec subtilitate sententiarum, si orationis est siccitas.
tu autem, Cotta, utraque re ualuisi: corona tibi,
& iudices defuerunt. sed ad ista alias: nunc Luci-
lium, si ipsi commodum est, audiamus. Tum Bal-
bus, Eundem equidem, inquit, malletm audire Cot-
tam, dum, qua eloquentia falsos deos sustulit, ea-
dem ueros inducat. est enim & philosophi, & pon-
tificis, & Cottae, de dijs immortalibus habere non
errantem, & uagam, ut Academici, sed, ut no-
stri, stabilem, certamq. sententiam. nam contra E-
picurum satis superq. dictum est. sed aueo audire,
tu ipse Cotta quid sentias. An, inquit, oblitus es,
quod initio dixerim, facilius me, talibus praefer-
tim de rebus, quid non sentirem, quam quid senti-
rem, posse dicere? quod si haberem aliquid, quod
liqueret; tamen te audire uicissim uellem, cum ipse
tam multa dixissem. Tum Balbus, Geram tibi mo-
rem,

DE NATURA DEORVM

rem, & agam quam breuissime potero. etenim, conuictis Epicuri erroribus, longa de mea disputatione detracta oratio est. Omnino diuidunt nostri tota istam de dijs immortalibus quaestionem in partes quattuor. primum, docent esse deos: denique, quales sint: tum mundum ab his administrari: postremo, consulere eos rebus humanis. Nos autem hoc sermone, quae priora duo sunt, sumamus: tertium, & quartum, quia maiora sunt, puto in aliud esse tempus differenda. Minime uero, inquit Cotta. nam & otiosi sumus; & ijs de rebus agimus, quae sunt etiam negotijs anteponendae. Tum Lucilius, Ne egere quidem uidetur, inquit, oratione prima pars. quid enim potest esse tam apertum, tamque perspicuum, cum caelum suspeximus, caelestiaque contemplati sumus, quam esse aliquod numen praestantissimae mentis, quo haec regantur? quod ni ita esset, qui potuisset assensu omnium dicere Ennius.

71. Aspice hoc sublime candens, quem uocant omnes Iouem. illum uero & Iouem, & dominatorem rerum, & omnia nutu regentem, & ut idem Ennius,

- patrem diuumque hominumque,
& praesentem, ac praepotentem deum. quod qui dubitat, haud sane intelligo, cur non idem, sol sit, an nullus sit, dubitare possit. quid enim est hoc illo euidentius? quod nisi cognitum comprehensumque animis haberemus; non tam stabilis opinio permaneret, nec confirmaretur diuturnitate temporis,

nec

nec una cum saeculis, aetatibusq. hominum inueterare potuisset. etenim uidemus ceteras opiniones fictas, atque uanas diuturnitate extabuisse. quis enim hippocentaurum fuisse, aut chimacram putat? quae uel anus tam excors inueniri potest, quae illa, quae quondam credebantur, apud inferos portenta extimescat? opinionum enim commenta delet dies, naturae iudicia confirmat. itaque & in nostro populo, et in ceteris deorum cultus, religionumq. sanctitates existunt in dies maiores, atque meliores: idque euenit non temere, nec casu, sed quod & praesentiam saepe diui suam declarant: ut & apud Regillum bello Latino, cum A. Postumius dictator cum Octauius Mamilius Tusculano proelio dimicaret, in nostra acie Castor, & Pollux ex equis pugnare uisi sunt: & recentiore memoria, iisdem Tyndaridae Persen uictum nunciauerunt. P. enim Vatienus, auus huius adolescentis, cum e praefectura Reatina Romanam uenienti noctu duo iuuenes cum equis albis dixissent, regem Persen illo die captum, senatui nunciauit: & primo, quasi temere de re publica locutus esset, in carcerem coniectus est; post, a Paulo litteris allatis, cum idem dies constitisset, & agro a senatu, & uacatione donatus est. Atque etiam, cum ad fluuium Sacram Crotoniatas Locri maximo proelio deuicissent, eo ipso die auditam esse eam pugnam ludis Olympiae, memoriae proditum est. saepe Faunorum uoces exauditae, saepe uisae formae deorum, quemuis aut non hebetem, aut impium, deos prae-

DE NATURA DEORVM

praesentes esse, cōfiteri coegerūt. praedictiones uero,
et praesensiones rerum futurarum quid aliud decla-
rant, nisi hominibus ea, quae sint, ostendi, mon-
strari, portendi, praedici? ex quo illa ostenta, mon-
stra, portenta, prodigia dicuntur. quod si ea ficta
credimus licentia fabularum, Mopsus, Tiresiam,
Amphiaraum, Calchantem, Helenum, quos ta-
men augures ne ipsae quidem fabulae asciuiſſent, si
res omnino repudiarent: ne domesticis quidem
exemplis docti, numen deorum comprobabimus?
nihil nos P. Claudij bello Punico primo temeritas
mouebit? qui etiam per iocum deos irridens, cum
cauea liberati pulli non pascerentur, mergi eos in
aquam iussit, ut biberent, quoniam esse nollent. qui
risus, classe deuicta, multas ipsi lacrymas, ma-
gnam populo R. cladem attulit. Quid? collega eius
Iunius eodem bello non ne tempestate classem ami-
sit, cum auspicijs non paruisset? itaque P. Claudius
a populo condemnatus est, Iunius necem sibi ipse
consciuit. C. Flaminius Coelius, religione neglecta,
cecidisse apud Trasimenum scribit, cum magno
reip. uulnere. quorum exitio intelligi potest, eo-
rum imperijs remp. amplificatam, qui religionibus
paruissent. & si conferre uolumus nostra cum ex-
ternis, ceteris rebus aut pares, aut etiam inferiores
reperiemur, religione, id est cultu deorum, multo
superiores. An Attij Nauij lituus ille, quo ad in-
uestigandum suam regiones uineae terminauit, con-
temnendus est? crederem, nisi eius augurio rex

Ho-

9
Vol: 14

Lia. D. 3. 12
Vol: 16

72. 99.

Hosti
nobili
auspici
que m
salus
nulla
nulli
ta pe
incip
mare
pera
te u
ta e
spicu
confi
qui
hara
res
rum
ibid
tia
nem
nat
spic
com
aud
qui
uos
neti

Hostilius maxima bella gessisset . sed , negligentia
 nobilitatis , auguriorum disciplina omissa , ueritas
 auspiciorum sprete est , species tantum retenta . ita-
 que maximae reip. partes , in his bella , quibus reip.
 salus continetur , nullis auspicijs administrantur ,
 nulla perennia seruantur , nulla ex acuminibus ,
 nulli uiri uocantur : ex quo in procinctu testamen-
 ta perierunt . tum enim bella gerere nostri duces
 incipiunt , cum auspicia posuerunt . at uero apud
 maiores tanta religionis uis fuit , ut quidam im-
 peratores etiam se ipsos dijs immortalibus , capi-
 te uelato , uerbis certis pro rep. deuouerent . mul-
 ta ex Sibyllinis uaticinationibus , multa ex haru-
 spicum responsis commemorare possum , quibus ea
 confirmentur , quae dubia nemini debent esse . at-
 qui & nostrorum augurum , & Etruscorum , &
 haruspicum disciplinam P. Scipione , C. Figulo cos-
 res ipsa probauit . quos cum Ti. Gracchus consul ite-
 rum crearet , primus rogatorum , ut eos retulit ,
 ibidem est repente mortuus . Gracchus cum comi-
 tia nihilo minus peregisset , remq. illam in religio-
 nem populo uenisse sentiret , ad senatum retulit . se-
 natus , quos ad soleret , referendum censuit . haru-
 spices introducti , responderunt , non fuisse iustum
 comitiorum rogatorem . tum Gracchus , ut e patre
 audiebam , incensus ira , ita ne uero? ego non iustus ,
 qui & consul rogari , & augur , & auspicato? an
 uos Tusci ac barbari auspiciorum populi R. ius te-
 netis , & interpretes esse comitiorum potestis? ita-

E que

72.
Tia. 10
Val. 5. 6.

Ad P. Frat. 2.
Val. 1. 1.

que tum illos exire iussit. post autem e provincia lit-
 teras ad collegium misit, se, cum legeret libros, re-
 cordatum esse uitio sibi tabernaculum captum fuis-
 se haruspensionis, quod, cum pomoerium postea in-
 trasset habendi senatus causa, in redeundo, cum
 idem pomoerium transiret, auspicari esset oblitus:
 itaque uitio creatos esse consules. augures rem ad se
 natum: senatus, ut abdicarent: consules abdicave-
 runt. Quae quaerimus exempla maiora? uir sapien-
 tissimus, atque haud scio an omnium praestantis-
 simus, peccatum suum, quod caelari posset, confite-
 ri maluit, quam hacere in rep. religionem: consu-
 les summum imperium statim deponere, quam id
 tenere punctum: temporis contra religionem. Ma-
 gna augurum auctoritas: quid haruspicum ars, non
 ne diuina? haec innumerabilia ex eodem genere qui
 uideat, non ne cogatur confiteri, deos esse? quorum
 enim interpretes sunt, eos ipsos esse certe necesse est.
 deorum autem interpretes sunt: deos igitur esse fa-
 teamur. At fortasse non omnia eueniunt, quae prae-
 dicta sunt. ne aegri quidem quia non omnes conua-
 lescunt, ideo ars nulla medicina est. signa osten-
 duntur a dijs rerum futurarum. in his si qui erraue-
 runt; non deorum natura, sed hominum coniectura
 peccauit. itaque inter omnes omnium gentium sen-
 tentia constat: omnibus enim innatum est, & in ani-
 mo quasi insculptum, esse deos. quales sint, uarium
 est: esse nemo negat. Cleanthes quidem noster quat-
 tuor de causis dixit in animis hominum informatas
 deorum

deorum esse notiones . primam posuit eam , de qua modo dixi ; quae orta esset ex praesensione rerum futurarum : alteram , quam ceperimus ex magnitudine commodorum , quae percipiuntur caeli temperatione , fecunditate terrarum , aliarumq. commoditatum complurium copia : tertiam , quae terreret animos fulminibus , tempestatibus , nimbis , niuibus , uastitate , pestilentia , terrae motibus , & saepe fremitibus , lapideisq. imbribus , & guttis imbrium quasi cruentis , tum lapidibus , aut repentinis terrarum hiatibus , tum praeter naturam hominum , pecudumq. portentis , tum facibus uisis caelestibus , tum stellis ijs , quas Graeci cometas , nostri crinitas uocant : quae nuper bello Octauiano magnarum fuerunt calamitatum praenuntiae ; tum sole geminato , quod , ut e patre audiui , Tuditano , & Aquillio cos . euenerat : quo quidem anno P. Africanus , sol alter , extinctus est : quibus exterriti homines uim quandam esse caelestem , & diuinam suspicati sunt : quartam causam esse , eamq. uel maximam , aequalitatem motus , conuersionem caeli , solis , lunae , siderumq. omnium distinctionem , uarietatem , pulchritudinem , ordinem : quarum rerum aspectus ipse satis indicaret , non esse fortuita . Ut si quis in domum aliquam , aut in gymnasium , aut in forum uenerit ; cum uideat omnium rerum rationem , modum , disciplinam , non possit ea sine causa fieri indicare ; sed esse aliquem intelligat , qui praesit , & cui pareatur : multo magis in tantis motibus , tantisq.

E 2 uicissitu-

DE NATURA DEORVM

uicissitudinibus, tam multarum rerum, atque tantarum ordinibus, in quibus nihil umquam immensa, & infinita uetustas mentita sit; statuatur necesse est, ab aliqua mente tantos naturae motus gubernari. Chrysippus quidem, quamquam est acerrimo ingenio, tamen ea dicit, ut ab ipsa natura didicisse, non ut ipse reperisse uideatur. Si enim, inquit, est aliquid in rerum natura, quod hominis mens, quod ratio, quod uis, quod potestas humana efficere non possit: est certe id, quod illud efficit, homine melius. atqui res caelestes, omnesque earum, quarum est ordo sempiternus, ab homine confici non possunt: est igitur id, quo illa conficiuntur, homine melius. id autem quid potius dixerim, quam deum? etenim si dii non sunt, quid esse potest in rerum natura homine melius? in eo enim solo ratio est, qua nihil potest esse praestantius. esse autem hominem, qui nihil in omni mundo melius esse, quam se, putet, desipientis arrogantiae est. ergo est aliquid melius: est igitur profecto deus. An uero, si domum magnam, pulchramque uideris, non possis adduci, ut, etiam si dominum non uideas, muribus illam, & mustelis aedificatam putes: tantum uero ornatum mundi, tantam uarietatem, pulchritudinemque rerum caelestium, tantam uim, & magnitudinem maris, atque terrarum, situum, ac non deorum immortalium domicilium putes, non ne plane desipere uiderere? An ne hoc quidem intelligimus, omnia supera esse meliora? terram autem esse infimam, quam crassissimus

crassissimus circumfundat aer, ut ob eam ipsam causam, quod etiam quibusdam regionibus, atque urbibus contingere uidemus, hebetiora ut sint hominum ingenia propter caeli plenioram naturam, hoc idem generi humano euenerit, quod in terra, hoc est in crassissima regione mundi, collocati sint. Et tamen ex ipsa hominum solertia esse aliquam mentem, Et eam quidem acriorem, Et diuinam, existimare debemus. unde enim hanc homo arripuit? ut ait apud Xenophontem Socrates. Quin Et humorem, Et calorem, qui est fusus in corpore, Et terrenam ipsam uiscerum soliditatem, animum denique illum spirabilem, si quis quaerat, unde habemus; apparet, quod aliud a terra sumpsimus, aliud ab humore, aliud ab igne, aliud ab aere eo, quem spiritu ducimus. Illud autem, quod nunciat haec omnia, rationem dico, Et, si placet pluribus uerbis, mentem, consilium, cogitationem, prudentiam, ubi inuenimus? unde sustulimus? an cetera mundus habebit omnia, hoc unum, quod plurimi est, non habebit? atqui certe nihil omnium rerum melius est mundo, nihil praestabilius, nihil pulchrius: nec solum nihil est, sed ne cogitari quidem quidquam melius potest. Et si ratione Et sapientia nihil est melius; necesse est haec inesse in eo, quod optimum esse concedimus. Quid uero tanta rerum consentiens, conspirans, continuata cognatio? quem non coget ea, quae a me dicuntur, comprobare? posset ne uno tempore florere, deinde uicissim horrere terra? aut,

DE NATURA DEORVM

tot rebus ipsis se immutantibus, solis accessus, dis-
 scensusq. solstitijs, brumisq. cognosci? aut aestus ma-
 ritimi, fretorumq. angustiae ortu, aut obitu lunae
 commoueri? aut una totius caeli conuersione cursus
 astrorum dispares conuersari? haec ita fieri omnibus
 inter se concinentibus mundi partibus profecto non
 possent, nisi ea uno diuino, & continuato spiritu con-
 tinerentur. Atque haec cum uberius disputantur,
 & fusius, ut mihi est in animo facere, facilius effu-
 giunt Academicorum calumniam: cum autem, ut
 Zeno solebat, breuius, angustiusq. concluduntur,
 tum apertiora sunt ad reprehendendum. nam ut
 profluens amnis aut uix, aut nullo modo, conclusa
 autem aqua facile corrumpitur: sic orationis flumi-
 ne reprehensoris uitia diluuntur, angustia autem
 conclusae orationis non facile se ipsa tutatur. haec e-
 nim. quae dilatantur a nobis, Zeno sic premebat.
 Quod ratione utitur, id melius est, quam id, quod
 ratione non utitur. nihil autem mundo melius: ra-
 tione igitur mundus utitur. similiter effici potest, sa-
 pientem esse mundum; similiter, beatum; simili-
 ter, aeternum. omnia enim haec meliora sunt, quam
 ea, quae sunt his carentia. nec mundo quidquam me-
 lius: ex quo efficitur esse mundum deum. Idemq.
 hoc modo. Nullius sensu carentis pars aliqua potest
 esse sentiens. mundi autem partes sentientes sunt:
 non igitur caret sensu mundus. Pergit idem, et ur-
 get angustius. Nihil, inquit, quod animi, quodq.
 rationis est expers; id generare ex se potest animan-
 tem,

tem, compotemq. rationis. mundus autem generat animantes, compotesq. rationis: animans est igitur mundus, composq. rationis. Idemq. similitudine, ut saepe solet, rationem cocludit hoc modo. Si ex oliua modulate canentes tibiae nascerentur; non dubitares, quin inesset in oliua tibicinis quaedam scientia. quid, si platani fidiculas ferrent numerose sonantes? idem scilicet censeret, in platanis inesse musicam. cur igitur mundus non animans, sapiensq. iudicetur, cum ex se procreet animantes, atque sapientes? Sed quoniam coepi secus agere, atque initio dixeram; negaram enim hanc primam partem egere oratione, quod esset omnibus perspicuum, deos esse: tamen id ipsum rationibus physicis confirmari uolo. Sic enim res se habet, ut omnia, quae alantur, & crescant, contineant in se uim caloris: sine qua neque ali possunt, neque crescere. nam omne, quod est calidum, & igneum, cietur, & agitur motu suo: quod autem alitur, & crescit, motu quodam utitur certo, & aequabili: qui quam diu remanet in nobis, tam diu sensus, & uita remanet: refrigerato autem, & extincto calore, occidimus ipsi, & extinguimur. quod quidem Cleanthes his etiam argumentis docet, quanta uis insit caloris in omni corpore. negat enim ullum esse cibum tam grauem, quin is die, & nocte concoquatur. cuius etiam in reliquis inest calor, is, quas natura reseruit. Iam uero, uenae, & arteriae micare non desinunt quasi quodam igneo motu: animaduersumq. saepe

E 4 est,

DE NATURA DEORVM

est, cum cor animantis alicuius euulsum, ita mobiliter palpitaret, ut imitaretur igneam celeritatem. omne igitur, quod uiuit, siue animal, siue terra editum, id uiuit propter inclusum in eo calorem. ex quo intelligi debet, eam caloris naturam uim in se habere uitalem, per omnem mundum pertinentem. atque id facilius cernemus, toto genere hoc igneo, quod tranat omnia, subtilius explicato. Omnes igitur partes mundi tangam, quae maximo calore fultae sustinentur. quod primum in terrena natura perspicui potest. nam & lapidum conspectu, atque tritu elici ignem uidemus: & recenti fossione

- terram fumare calentem:

atque etiam ex puteis iugibus aquam calidam trahi, & id maxime hibernis fieri temporibus; quod magna uis terrae cauernis contineatur caloris, eaq. hieme sit densior, ob eamq. caussam calorem insitum in terris contineat arctius. Longa est oratio, multaeq. rationes, quibus doceri possit, omnia, quae terra concipiat, semina, quaeq. ipsa ex se generata stirpibus infixae contineat, ea temperatione caloris & oriri, & auferre. Atque aquae etiam admixtum esse calorem, primum ipse liquor, tum aquae declarat effusio; quae neque congelaretur frigoribus, neque niue pruinaq. concrederet, nisi eadem se, admixto calore liquefacta, & dilapsa, diffunderet. itaque & aquilombus, reliquisq. frigoribus adiectis durescit humor: & idem uicissim mollitur tepescit, & tabescit calore. Atque etiam maria agita-

ta

ta uentis ita tepescunt, ut intelligi facile possit, in
tantis illis humoribus inclusum esse calorem. nec e-
nim ille externus, & aduentitius habendus est te-
por, sed ex intimis maris partibus agitatione exci-
tatus: quod nostris quoque corporibus contingit,
cum motu atque exercitatione recalescunt. Ipse ue-
ro aer, qui natura est maxime frigidus, minime est
expers caloris. ille uero & multo quidem calore
admixtus est. ipse enim oritur ex respiratione aqua-
rum. earum enim quasi uapor quidam aer habendu-
s est. is autem existit motu eius caloris, qui aquis
continetur. quam similitudinem cernere possumus
in ijs aquis, quae efferuescunt subditis ignibus. Iam
uero reliqua quarta pars mundi, ea & ipsa tota na-
tura feruida est, & ceteris naturis omnibus saluta-
rem impertit, & uitalem calorem. Ex quo conclu-
ditur, cum omnes mundi partes sustineantur calo-
re, mundum etiam ipsam simili, pariq. natura in
tanta diuturnitate seruari, eoq. magis, quod intel-
ligi debet, calidum illud, atque igneum ita in omni
fusus esse natura, ut in eo insit procreandi uis, &
caussa gignendi: a quo & animantia omnia, & ea,
quorum stirpes terra continentur, & nasci sit neces-
se, & augescere. Natura est igitur, quae contineat
mundum omnem, eumq. tueatur, & ea quidem
non sine sensu, atque ratione. omnem enim na-
turam necesse est, quae non solitaria sit, neque sim-
plex, sed cum alio coniuncta, atque connexa, ha-
bere aliquem in se principatum, ut in homine men-
tem,

DE NATURA DEORVM

tem, in belua quiddam simile mentis, unde oriantur rerum appetitus. in arborum autem, et earum rerum, quae gignuntur e terra, radicibus inesse principatus putatur. principatum autem id dico, quod Graeci ἡγεμονικόν uocant: quo nihil in quoque genere nec potest, nec debet esse praestantius. itaque necesse est, illud etiam, in quo sit totius naturae principatus, esse omnium optimum, omniumq. rerum potestate dominatuq. dignissimum. Videmus autem in partibus mundi (nihil est enim in omni mundo, quod non pars uniuersi sit) inesse sensum et rationem. in ea parte igitur, in qua mundi est principatus, haec inesse necesse est, & acriora quidem, atque maiora. Quocirca sapientem esse mundum necesse est, naturamq. eam, quae res omnes complexa teneat, perfectione rationis excellere, eoq. deum esse mundum, omnemq. uim mundi diuina natura contineri. Atque mundi seruator ille purior, perlucidior, mobiliorq. multo, ob easq. causas aptior ad sensus commouendos, quam hic noster calor, quo haec, quae nota nobis sunt, retinentur, & uiuent. Absurdum est igitur dicere, cum homines, bestiaeque hoc calore teneantur, & propterea moueantur, & sentiant, mundum esse sine sensu, qui integro, & puro, & libero, eodemq. acerrimo, & mobilissimo ardore teneatur; praesertim cum is ardor, qui est mundi, non agitatus ab alio, neque externo pulsu, sed per se ipse, ac sua sponte moueatur. nam quid potest esse mundo ualentius, quod pellat,

pellat, atque moveat calorem eum, quo ille teneatur? audiamus enim Platonem, quasi quendam deum philosophorum: cui duos placet esse motus, unum suum, alterum externum; esse autem diuinius, quod ipsum ex se sua sponte moveatur, quam quod pulsu agitetur alieno. hunc autem motum in solis animis esse ponit, ab hisq. principium motus esse ductum putat. Quapropter quoniam ex mundi ardore motus omnis oritur; is autem ardor non alieno impulsu, sed sua sponte mouetur: animus sit necesse est. ex quo efficitur, animantem esse mundum. Atque ex hoc quoque intelligi poterit, in eo inesse intelligentiam, quod certe est mundus melior, quam ulla natura. ut enim nulla pars corporis nostri est, quae non sit minor, quam nosmet ipsi sumus: sic mundum uniuersum pluris esse necesse est, quam partem aliquam uniuersi. quod si ita est; sapiens sit mundus, necesse est. nam, ni ita esset; hominem, qui est mundi pars, quoniam rationis est particeps, pluris esse, quam mundum omnem, oporteret. atque etiam, si a primis inchoatisq. naturis ad ultimas perfectasq. uolumus procedere; ad deorum naturam perueniamus, necesse est. Primo enim animaduertimus a natura sustineri ea, quae gignuntur e terra, quibus natura nihil tribuit amplius, quam ut ea alédo, atque augendo tueretur. bestijs autem sensum, & motum dedit, & cum quodam appetitu accessum ad res salutare, a pestiferis recessum; homini hoc amplius, quod addidit ratio-

D E N A T U R A D E O R U M

tionem, qua regerentur animi appetitus, qui tum remitterentur, tum continerentur. Quartus autem gradus, & altissimus, eorum, qui natura boni, sapientesq. gignuntur. quibus a principio innascitur ratio recta, constansque, quae supra hominem putanda est, deoq. tribuenda, id est mundo: in quo necesse est perfectam illam, atque absolutam inesse rationem. neque enim dici potest, ulla rerum institutione non esse aliquid extremum atque perfectum. ut enim in uite, ut in pecude, nisi quae uis obstitit, uidemus naturam suo quodam itinere ad ultimum peruenire; atque ut pictura, & fabrica, ceteraeq. artes habent quendam absoluti operis effectum: sic in omni natura, ac multo etiam magis, necesse est absolui aliquid, ac perfici. etenim ceteris naturis multa externa, quo minus perficiantur, possunt obsistere: uniuersam autem naturam nulla res potest impedire: propterea quod omnes naturas ipsa cohibet, et cōtinet. quocirca necesse est esse illū quartum, et altissimū gradum, quo nulla uis possit accedere. is autem gradus est, in quo rerum omnium natura ponitur: quae quoniam talis est, ut praesit omnibus, & eam nulla res possit impedire; necesse est intelligentem esse mundum, & quidem etiam sapientem. quid autem est inscitius, quam aut eam naturam, quae omnes res sit complexa, non optimam dici; aut, cum sit optima, non primum animantem esse, deinde rationis, & consilij compotem, postremo sapientem? qui enim aliter potest esse optima? neque enim,

enim, si stirpium similis sit, aut etiam bestiarum, optima putanda sit potius, quam deterrima: nec uero, si rationis particeps sit, nec sit tamen a principio sapiens, non sit deterior mundi potius, quam humana condicio. homo enim sapiens fieri potest: mundus autem, si in aeterno praeteriti temporis spatio fuit insipiens, numquam profecto sapientiam consequetur: ita erit homine deterior. quod quoniam absurdum est; & sapiens a principio mundus, & deus habendus est. neque enim est quidquam aliud, praeter mundum, cui nihil absit, quodque undique aptum, atque perfectum, expletumque sit omnibus suis numeris, & partibus. scite enim Chrysippus, ut clypei caussa inuolucrum, uaginam autem gladii; sic, praeter mundum, cetera omnia aliorum caussa esse generata, ut eas fruges, atque fructus, quos terra gignit, animantium caussa, animantes autem hominum, ut equum uehendi caussa, arandi bouem, uenandi, & custodiendi canem. ipse autem homo ortus est ad mundum contemplandum, & imitandum, nullo modo perfectus, sed quaedam particula perfecti. sed mundus, quoniam omnia complexus est; nec est quidquam, quod non insit in eo; perfectus undique est. quid igitur potest ei deesse, quod est optimum? nihil autem est mente et ratione melius: ergo haec mundo deesse non possunt. Bene igitur idem Chrysippus, qui similitudines adiungens, omnia in perfectis, & maturis docet esse meliora; ut in equo, quam in equulo; in cane, quam in catu-
lo;

DE NATURA DEORVM

lo ; in uiro, quam in puero : iam, quod in omni mundo optimum sit, id in perfecto aliquo, atque absoluto esse debere. est autem nihil mundo perfectius, nihil uirtute melius : igitur mundi est propria uirtus. nec uero hominis natura perfecta est : & efficitur tamen in homine uirtus : quanto igitur in mundo facilius ? est ergo in eo uirtus : sapiens igitur est, & propterea deus. Atque, hac mundi diuinitate perspecta, tribuenda est sideribus eadem diuinitas : quae ex mobilissima, purissimaq. aetheris parte gignuntur, neque ulla praeterea sunt admixta natura, totaq. sunt calida, atque perlucida ; ut ea quoque rectissime & animantia esse, & sentire, atque intelligere dicatur. Atque ea quidem tota esse ignea, duorum sensuum testimonio confirmari Cleanthes putat, tactus, & oculorum. nam solis candor illustrior, quam ullus ignis, quippe qui immenso mundo tam longe, lateq. colluceat : & is eius tactus est, non ut tepesciat solum, sed etiam saepe comburat. quorum neutrum faceret, nisi esset igneus. ergo, inquit, cum sol igneus sit, Oceaniq. alatur humoribus, quia nullus ignis sine pastu aliquo possit permanere : necesse est, aut ei similis sit igni, quem adhibemus ad usum, atque ad uictum ; aut ei, qui corporibus animantium continetur. atque hic noster ignis, quem usus uitae requirit, confector est, et consumptor omnium ; idemque, quocumque inuasit, cuncta disturbat, ac dissipat. contra ille corporeus, uitalis, & salutaris omnia conseruat, alit, auget, susti-

sustinet, sensuq. afficit. negat ergo esse dubium, horum ignium sol utri similis sit; cum is quoque efficiat, ut omnia floreat, & in suo quaeque genere pubescant. Quare, cum solis ignis similis eorum ignium sit, qui sunt in corporibus animantium: solem quoque animantem esse oportet, & quidem reliqua astra, quae oriantur in ardore caelesti, qui aether, vel caelum nominatur. Cum igitur aliorum animantium ortus in terra sit, aliorum in aqua, in aere aliorum: absurdum esse Aristoteli uidetur, in ea parte, quae sit ad gignenda animalia aptissima, animal gigni nullum putare. Sidera autem aethereum locum obtinent: qui quoniam tenuissimus est, & semper agitur, & niget; necesse est, quod animal in eo gignatur, idem & sensu acerrimo, & mobilitate celerrima esse. quare cum in aethere astra gignantur; consentaneum est, in ijs sensum inesse, et intelligentiam. ex quo efficitur, in deorum numero astra esse ducenda. etenim licet uidere acutiora ingenia, & ad intelligendum aptiora eorum, qui terras incolant eas, in quibus aer sit purus, ac tenuis, quam illorum, qui utantur crasso caelo, atque concreto. quin etiam, cibo quo utare, interesse aliquid ad mentis aciem putant. Probabile est igitur, praestantem intelligentiam in sideribus esse, quae & aetheream mundi partem incolant, & marinis, terrenisq. humoribus longo interuallo extenuatis alantur. Sensum autem astrorum, atque intelligentiam maxime declarat ordo eorum, atque constantia.

nihil

DE NATURA DEORVM

nihil est enim, quod ratione, & numero moueri possit sine consilio: in quo nihil est temerarium, nihil uarium, nihil fortuitum. ordo autem siderum, & in omni aeternitate constantia, neque naturam significat, est enim plena rationis; neque fortunam, quae amica uarietati constantiam respuit. sequitur ergo, ut ipsa sua sponte, suo sensu, ac diuinitate moueantur. Nec uero Aristoteles non laudandus in eo, quod omnia, quae mouentur, aut natura moueri censuit, aut ui, aut uoluntate: moueri autem solem, & lunam, & sidera omnia: quae autem natura mouerentur, haec aut pondere deorsum, aut leuitate in sublime ferri: quorum neutrum astris contineret; propterea quod eorum motus in orbem circumferretur. Nec uero dici potest, ui quadam maiore fieri, ut contra naturam astra moueantur. quae enim potest maior esse? restat igitur, ut motus astrorum sit uoluntarius. quae qui uideat, non indote solum, uerum etiam impie faciat, si deos esse neget. nec sane multum interest, utrum id neget, an eos omni procuratione, atque actione priuet. mihi enim, qui nihil agit, esse omnino non uidetur. esse igitur deos ita perspicuum est, ut, id qui neget, uix eum sanae mentis existimem. Restat, ut, qualis eorum natura sit, consideremus: in quo nihil est difficilius, quam a consuetudine oculorum aciem mentis abducere. ea difficultas induxit & uulgo imperitos, et similes philosophos imperitorum, ut, nisi figuris hominum constitutis, nihil possent de dijs immortalibus

talibus cogitare. cuius opinionis leuitas confutata a Cotta, non desiderat orationem meam. sed cum, talē esse deum, certa notione animi praesentiamus, primū ut sit animans, deinde ut in omni natura nihil eo sit praestantius: ad hanc praesensionem, notionemq. nostram, nihil uideo, quod potius accommodem, quam ut primum hunc ipsum mundum, quo nihil fieri excellentius potest, animantem esse, & deum indicem. Hic, quam uolet, Epicurus iocetur, homo non aptissimus ad iocandum, minimeq. respiciens patriam; & dicat se non posse intelligere, qualis sit uolubilis, & rotundus deus: tamen ex hoc, quod ipse etiam probat, numquam me mouebit. placet enim illi esse deos; quia necesse sit praestantem aliquam esse naturam, qua nihil sit melius. mundo autem certe nihil est melius. nec dubium, quin, quod animans sit, habeatq. sensum, & rationem, & mentem, id sit melius, quam id, quod his careat. ita efficitur, animantem, sensus, mentis, rationis mundum esse compotem. qua ratione, deum esse mundum, concluditur. Sed haec paullo post facilius cognoscentur ex ijs rebus ipsis, quas mundus efficit. Interea, Vellei, noli quaeso praeterferre, uos plane expertes esse doctrinae. Conum tibi ais, & cylindrum, & pyramidem pulchriorem, quam sphaeram, uideri. Nouum etiam oculorum iudicium habetis. sed sint ista pulchriora, dumtaxat aspectu: quod mihi tamen ipsum non uidetur: quid enim pulchrius ea figura, quae sola omnes alias figuras com-

F plexa

DE NATURA DEORVM

plexa continet, quaeq. nihil asperitatis habere, nihil
offensionis potest, nihil incisum angulis, nihil anfra-
ctibus, nihil eminens, nihil lacunosum? cumq. duae
formae praestantes sint, ex solidis globus, (sic enim
σφαῖραν interpretari placet) ex planis autem circu-
lus, aut orbis, qui κύκλος graece dicitur: his duabus
formis contingit solis, ut omnes earum partes sint
inter se simillimae, a medioq. tantum absit extre-
mum, quantum idem a summo: quo nihil fieri po-
test aptius. Sed, si haec non uidetis, quia numquam
eruditum illum puluerem attigistis: an ne hoc physici
quidem intelligere potuistis, hanc aequalitatem
motus, constantiamq. ordinum in alia figura non
potuisse seruari? itaque nihil potest esse indoctius,
quam quod a uobis affirmari solet. nec enim hunc
ipsum mundum pro certo rotundum esse dicitis:
nam posse fieri, ut sit alia figura: innumerabilesq.
mundos, alios aliarum esse formarum. quae, si, bis
bina quot essent, didicisset Epicurus, certe non di-
ceret. sed, dum palato, quid sit optimum, iudicat;
caeli palatum, ut ait Ennius, non suspexit. nam cum
duo sint genera siderum, quorum alterum spatijs
immutabilibus ab ortu ad occasum commeans, nul-
lum umquam cursus sui uestigium inflectat; alterum
autem continuas conuersiones duas iisdem spatijs
cursibusq. conficiat: ex utraque re & mundi uolu-
bilitas, quae nisi in globosa forma esse non posset, et
stellarum rotundi ambitus cognoscuntur; primusq.
sol, qui astrorum obtinet principatum, ita mouetur,
ut,

ut, cum terras larga luce compleuerit, easdem modo his, modo illis partibus opacet. ipsa enim umbra terrae soli officiens, noctem efficit: nocturnorum autem spatiorum eadem est aequabilitas, quae diurnorum. eiusdemque solis tum accessus modici, tum recessus, & frigoris, & caloris modum temperant. circuitus enim solis orbium v diebus & l x & c c c, quarta fere diei parte addita, conuersionem conficiunt annuam: inflectens autem sol cursum tum ad septentriones, tum ad meridiem, aestates, & hiemes efficit, & ea duo tempora, quorum alterum hiemi senescenti adiunctum est, alterum aestati. ita ex quattuor temporum mutationibus, omnium, quae terra, marique gignuntur, initia, causaeque ducuntur. Iam, solis annuos cursus spatijs menstruis luna consequitur: cuius tenuissimum lumen facit proximus accessus ad solem, digressus autem longissimus quisque plenissimum. neque solum eius species ac forma mutatur tum crescendo, tum defectibus in initia recurrendo, sed etiam regio, quae tum est aquilonalis, tum australis. In lunae quoque cursu est & brumae quaedam, & solstitij similitudo: multaque ab ea manant, & fluunt, quibus & animantes alantur, augebanturque; & pubescant, maturitatemque assequantur, quae oriuntur e terra. Maxime uero admirabiles sunt motus earum quinque stellarum, quae falso uocantur errantes. nihil enim errat, quod in omni aeternitate conseruat progressus, & regressus, reliquosque motus constantes,

etratos. quod eo est admirabilis in his stellis, quas
dicimus, quia tum occultantur, tum rursus aperiun-
tur; tum abeunt, tum recedunt; tum antecedunt,
tum subsequuntur; tum celerius moventur, tum
tardius; tum omnino ne moventur quidem, sed ad
quoddam tempus insistant. quarum ex disparibus
motionibus magnum annum mathematici nomina-
uerunt: qui tum efficitur, cum solis, & lunae, &
quinque errantium ad eandem inter se comparatio-
nem confectis omnium spatij est facta conuersio.
quae quam longa sit, magna quaestio est: esse uero
certam, & definitam, necesse est. Nam ea quae Sa-
turni stella dicitur, $\phi\alpha\iota\omega\nu$ q. a Graecis nominatur,
quae a terra abest plurimum, xxx fere annis cur-
sum conficit. in quo cursu multa mirabiliter efficiens
tum antecedendo, tum retardando, tum uesperti-
nis temporibus delitescendo, tum matutinis rursus
se aperiendo, nihil immutat sempiternis saeculorum
aetatibus, quin eadem iisdem temporibus efficiat.
Infra autem hanc, propius a terra, Iouis stella ser-
tur, quae $\phi\alpha\delta\omega\nu$ dicitur; eaq. eundem xii.
signorum orbem annis xii. conficit; easdem-
que, quas Saturni stella, efficit in cursu uarieta-
tes. Huic autem proximum inferiorem orbem te-
net $\mu\upsilon\phi\epsilon\iota\varsigma$, quae stella Martis appellatur; eaq.
iiii. & xx. mensibus, vi, ut opinor, diebus mi-
nus eundem lustrat orbem, quem duae superiores.
Infra hanc autem stella Mercurij est: ea $\sigma\iota\lambda\epsilon\omega\nu$ ap-
pellatur a Graecis: quae anno fere uertente signife-

runt

*Macrobius
cap. 21*

*de Somniis
124. 125*

rum lustrat orbem, neque a sole longius umquam
unius signi intervallo discedit, tum anteuertens,
tum subsequens. Infima est quinque errantium,
terraeq. proxima, stella Veneris: quae φώσφορος grae-
ce, Lucifer latine dicitur, cum antegreditur solem;
cum subsequitur autem, Hesperos. ea cursum anno
conficit, & latitudinem lustrans signiferi orbis, &
longitudinem: quod idem faciunt stellae superiores:
neque umquam ab sole duorum signorum intervallo
longius discedit, tum antecedens, tum subsequens.

Hanc igitur in stellis constantiam, hanc tantam,
tam varijs cursibus, in omni aeternitate convenien-
tiam temporum, non possum intelligere, sine men-
te, ratione, consilio. quae cum in sideribus inesse vi-
deamus; non possumus ea ipsa non in deorum nume-
ro reponere. Nec vero eae stellae, quae inerrantes vo-
cantur, non significant eandem mentem, atque pru-
dentiam; quarum est quotidiana, conveniens, con-
stansq. cōversio: nec habent aethereos cursus, neque
cælo inhaerentes, ut plerique dicunt physicae ratio-
nis ignari. non est enim aetheris ea natura, ut vi sua
stellas complexa contorqueat. nam tenuis, ac per-
lucens, et aequabili calore suffusus aether, non satis
aptus ad stellas continendas videtur. habent igitur
suam sphaeram stellae inerrantes ab aetherea coniun-
ctione secretam, & liberam. earum autem peren-
nes cursus, atque perpetui, cum admirabili, incre-
dibiliq. constantia, declarant in his vim, et mentem
esse diuinam: ut, haec ipsa qui non sentiat deorum

DE NATURA DEORVM

uim habere, is nihil omnino sensurus esse uideatur. Nulla igitur in caelo nec fortuna, nec temeritas, nec erratio, nec uanitas inest: contraque omnis ordo, ueritas, ratio, constantia. quaeque his uacant, ea mentita, & falsa, plenaque erroris eunt circum terras, infra lunam; quae omnium ultima est, in terris quoque uersatur. Caelestem ergo admirabilem ordinem, incredibilemque constantiam, ex qua conseruatio, et salus omnium omnis oritur, qui uacare mente putat, is ipse mentis expers habendus est. haud ergo, ut opinor, errauero, si a principe inuestigandae ueritatis huius disputationis principium duxero. Zeno igitur ita naturam definit, ut eam dicat ignem esse artificiosum, ad gignendum progredientem uia: censet enim artis maxime proprium esse, creare, & gignere; quodque in operibus nostrarum artium manus efficiat, id multo artificiosius naturam efficere, id est, ut dixi, ignem artificiosum, magistrum artium reliquarum. atque hac quidem ratione omnis natura artificiosa est; quod habet quasi uiam quandam, & sectam, quam sequatur. Ipsius uero mundi, qui omnia complexu suo coerces, & continet, natura non artificiosa solum, sed plane artifex, ab eodem Zenone dicitur consultrix, & prouida utilitatum, oportunitatumque omnium. atque ut ceterae suis seminibus quaeque gignuntur, auferunt, continentur: sic natura mundi omnes motus habet uoluntarios, conatusque, & appetitiones, quas *πρᾶς* Graeci uocant; & his consentaneas actiones sic

sic adhibet, ut nosmet ipsi, qui animis mouemur,
 & sensibus. Talis igitur mens mundi cum sit, ob
 eamq. causam providentia appellari recte possit;
 (graece enim *πρόνοια* dicitur) haec potissimum proui
 det, et in his maxime est occupata, primum ut mun
 dus quamaptissimus sit ad permanendum; deinde ut
 nulla re egeat; maxime autem, ut in eo eximia pul
 chritudo sit, atque omnis ornatus. Dictum est de
 uniuerso mundo: dictum est etiam de sideribus: ut
 iam propemodum appareat multitudo nec cessan
 tium deorum, nec ea, quae agant, molientium cum
 labore operoso, ac molesto. non enim uenis, & ner
 uis, & ossibus continentur, nec ijs escis, aut potio
 nibus uestuntur, ut aut nimis acres, aut nimis con
 cretos humores colligant: nec ijs corporibus sunt, ut
 aut casus, aut ictus extimescant, aut morbos me
 tuant ex defatigatione membrorum. quae uerens
 Epicurus, monogrammos deos, & nihil agentes
 commentus est. illi autem pulcherrima forma prae
 diti, purissimaq. in regione caeli collocati, ita serun
 tur, moderanturq. cursus, ut ad omnia conseruan
 da, & tuenda consensisse uideantur. Multae autem
 aliae naturae deorum, ex magnis beneficijs eorum,
 nō sine causa & a Graeciae sapientibus, & a maio
 ribus nostris constitutae, nominataeq. sunt. quidquid
 enim magnam utilitatem generi afferret humano,
 id non sine diuina bonitate erga homines fieri arbi
 trabantur. itaque tum illud, quod erat a deo natum,
 nomine ipsius dei nuncupabant: ut cum fruges Cere

rem appellamus, uinum autem Liberum: ex quo illud Terentij,

Ancon. Ar. Sine Cerere, & Libero friget Venus.

tum autem res ipsa, in qua uis inest maior aliqua, sic appellatur, ut ea ipsa nominetur deus, ut Fides, ut Mens, quas in Capitolio dedicatas uidemus proxime a M. Aemilio Scauro: ante autem ab Atilio Calatino erat Fides consecrata. uides Virtutis templum, uides Honoris, a M. Marcello renouatum: quod multis ante annis erat bello Ligustico a Q. Maximo dedicatum. quid Opis? quid Salutis? quid Consordiae? Libertatis? Victoriae? quarum omnium rerum quia uis erat tanta, ut sine deo regi non posset; ipsa res deorum nomen obtinuit. quo ex genere Cupidinis, & Voluptatis, & Lubentinae Veneris uocabula consecrata sunt, uitiosarum rerum, neque naturalium. quamquam Velleius aliter existimat: sed tamen ea ipsa uitia naturam uehementius saepe pulsant. Utilitatum igitur magnitudine constituti sunt ij dij, qui utilitates quasque gignebant. atque his quidem nominibus, quae paullo ante dicta sunt, quae uis sit in quoque declaratur deo. suscepit autem uita hominum, consuetudoque communis, ut beneficijs excellentes uiros in caelum fama, ac uoluntate tollerent. hinc Hercules, hinc Castor, & Pollux, hinc Aesculapius, hinc Liber etiam: hunc dico Liberum Semele natum, non eum, quem nostri maiores auguste, sancteq. Liberum cum Cerere, & Libera consecrauerunt: quod quale sit, ex mysterijs intelligi potest

Leu. feb 27.
Val. 6. 2.
Plutarch. 1. 18.

1. 177.

potest. sed, quod ex nobis natos liberos appellamus, iccirco Cerere nati nominati sunt, Liber, & Libera: quod in Libero seruant, in Libera non item. hinc etiam Romulus; quem quidam eundem esse Quirinum putant. quorum cum remanerent animi, atque aeternitate fruerentur, dii rite sunt habiti, cum & optimi essent, & aeterni. Alia quoque ex ratione, & quidem physica, magna fluxit multitudo deorum: qui induti specie humana fabulas poetis ^{sup} *13.* *Tuscul 2.* *207. et* *3. 218.* peditauerunt, hominum autem uitam superstitione omni referferunt. atque hic locus a Zenone tractatus, post a Cleanthe, & Chrysippo pluribus uerbis explicatus est. nam uetus haec opinio Graeciam opplevit, exectum Caelum a filio Saturno, uinctum autem Saturnum ipsum a filio Ioue. physica ratio non inelegans inclusa est in impias fabulas. caelestem enim altissimam, aethereamque naturam, id est igneam, quae per sese omnia gigneret, uacare uoluerunt ea parte corporis, quae coniunctione alterius egeret ad procreandum. Saturnum autem cum esse uoluerunt, qui cursum, & conuersionem spatiorum, ac temporum contineret: qui deus graece id ipsum nomen habet. χρόνος enim dicitur: qui est idem χρόνος. Saturnus autem est appellatus, quod saturaretur annis: ex se enim natos comesse fingitur solitus, quia consumit aetas temporum spatia, annisque praeteritis insaturabiliter expletur. Vinctus est autem a Ioue, ne immoderatos cursus haberet, atque ut eum siderum uinculis alligaret. Sed ipse Iupiter,

DE NATURA DEORVM

ter, quem, conuersis casibus, appellamus a iuuando Iouem, a poetis pater diuum hominumq. dicitur, a maioribus autem nostris optimus, maximus, & quidem ante optimus, id est beneficentissimus, quam maximus; quia maius est, certeque. gratius, prodesse omnibus, quam opes magnas habere. hunc igitur Ennius, ut supra dixi, nuncupat ita dicens:

Aspice hoc sublime cadens, quem inuocant omnes Iouem.

planusq. alio loco idem:

Cui, quod in me est, execrabor hoc, quo lucet quidquid est.

hunc etiam augures nostri cum dicunt, Ioue fulgente, tonante: dicunt enim, caelo fulgente, tonante. Euripides autem, ut multa praeclare, sic hoc breuiter,

Vides sublime fusum, immoderatum aethera;

Qui tenero terram circumuectu amplectitur:

Hunc summum habeto diuum; hunc perhibeto Iouem.

Aer autem, ut Stoici disputant, interiectus inter mare & caelum, Iunonis nomine consecratur: quae est soror, & coniux Iouis; quod & similitudo est aetheris, & cum eo summa coniunctio. Effeminarunt autem eum, Iunoniq. tribuerunt, quod nihil est eo mollius. Sed Iunonem a iuuando credo nominatam. Aqua restabat, & terra; ut essent ex fabulis tria regna diuisa. datum est igitur Neptuno
alte-

alterum, Iouis, ut uolunt, fratri, maritimum omne regnum: nomenq. productum, ut Portunus a portu, sic Neptunus a nando, paulum primis literis immutatis. Terrena autem uis omnis, atque natura Diti patri dedicata est: qui Dis, ut apud Graecos πλούτων, quia & recidant omnia in terras, & oriantur e terris. is rapuit Proserpinam, quod Graecorum nomen est. ea enim est, quae πέρσεφών graece nominatur; quam frugum semen esse uolunt; absconditamq. quaeri a matre fingunt. Mater autem est a gerendis frugibus Ceres, tamquam geres: casuq. prima littera itidem immutata, ut a Graecis. nam ab illis quoque Δημήτηρ, quasi Δημήτηρ, nominata est. Iam qui magna uerteret, Maiores; Minerua autem, quae uel minueret, uel minaretur. Cumq. in omnibus rebus uim haberent maximam prima, & extrema, principem in sacrificando Ianum esse uoluerunt: quod ab eundo nomen est ductum: ex quo transitiones peruiuae, Iani, foresq. in liminibus profanarum aedium, ianuae nominantur. Nam Vestae nomen a Graecis. ea est enim, quae ab illis ἑστία dicitur. uis autem eius ad aras, & focos pertinet. itaque in ea dea, quae est rerum custos intimarum, omnis & precatio, & sacrificatio extrema est. Nec longe absunt ab hac ui dii penates, siue a penu ducto nomine, (est enim omne, quo uestuntur homines, penus) siue ab eo, quod penitus insident, ex quo etiam penetrales a poetis uocantur. Iam Apollinis nomen est grae-

Quid. Met.
S. Lucius 5.
Virg. Geor. 1.
adit. 1. 1.

D E N A T V R A D E O R V M

graecum: quem solem esse uolunt: Dianam autem,
& lunam eandem esse putant: cum sol dictus sit,
uel quia solus ex omnibus sideribus est tantus, uel
quia, cum est exortus, obscuratis omnibus solus ap-
paret; luna a lucendo nominata sit. eadem est e-
nim Lucina: itaque ut apud Graecos Dianā, eamq.
Luciferam, sic apud nostros Iunonem Lucinam
in pariendo inuocant: quae eadem Diana omniua-
ga dicitur, non a uenando, sed, quod in septem nu-
merantur tamquam uagantibus, Diana dicta, quia
noctu quasi diem efficeret. adhibetur autem ad par-
tus, quod ij maturescunt aut septem non numquam,
aut plerumque nouem lunae cursibus: qui quia men-
sa spatia conficiunt, menses nominantur, concinne-
que, ut multa, Timaeus: qui cum in historia dixis-
set, qua nocte natus Alexander esset, eadem Dia-
nae Ephesiae templum deflagrauisse; adiunxit, mi-
nime id esse mirandum; quod Diana, cum in partu
Olympiadis adesse uoluisset, absuisset domo. Quae
autem dea ad res omnes ueniret, Venerem nostri
nominauerunt: atque ex ea potius uenustas, quam
Venus ex uenustate. Videtis ne igitur, ut a physi-
cis rebus, bene, atque uiliter inuentis, tracta ra-
tio sit ad commenticios, & fictos deos? quae res
genuit falsas opiniones, erroresq. turbulentos, &
superstitiones paene aniles. et formae enī nobis deo-
rum, & actates, & uestitus, ornatusq. noti sunt:
genera praeterea, coniugia, cognationes, omniaq.
traducta ad similitudinem imbecillitatis humanae.

nam

103:
q. 1. 1. Alex.

nam & perturbatis animis inducuntur: accipimus enim deorum cupiditates, aegritudines, iracundias: nec uero, ut fabulae ferunt, bellis, proelysq. caruerunt; nec solum, ut apud Homerum, cum duos exercitus contrarios alij dii ex alia parte defenderent; sed etiam, ut cum Titanis, ut cum gigantibus, sua propria bella gesserunt. haec & dicuntur, & creduntur stultissime, & plena sunt futilitatis, summaeq. leuitatis. sed tamen, his fabulis spretis, ac repudiatis, deus pertinens per naturam cuiusque rei, per terras Ceres, per maria Neptunus, alij per alia, poterunt intelligi, qui, qualesq. sunt, quoq. eos nomine consuetudo nuncupauerit, quos deos & uenerari, & colere debemus. Cultus autem deorum est optimus, idemq. castissimus, atque sanctissimus, plenissimusq. pietatis, ut eos semper pura, integra, incorrupta & mente, & uoce ueneremur. non enim philosophi solum, uerum etiam maiores nostri superstitionem a religione separauerunt. nam qui totos dies precabantur, et immolabant, ut sibi sui liberi superstites essent, superstitiosi sunt appellati. quod nomen postea latius patuit. qui autem omnia, quae ad cultum deorum pertinerent, diligenter pertractarent, & tamquam relegerent, sunt dicti religiosi ex relegendo, ut elegantes ex eligendo, tamquam a diligendo diligentes, ex intelligendo intelligentes: his enim in uerbis omnibus inest uis legendi eadem, quae in religioso. ita factum est in superstitioso, & religioso, alterum uit.

DE NATURA DEORVM

uitij nomen, alterum laudis. Ac mihi uideor satis,
 & esse deos, & quales essent, ostendisse. Proxi-
 mum est, ut doceam, deorum prouidentia mundum
 administrari. magnus sane locus, & a uestris, Cot-
 ta, uexatus: ac nimirum uobiscum omne certamen
 est. nam uobis, Vellei, minus notum est, quemad-
 modum quidque dicatur. uestra enim solum legitis,
 uestra amatis: ceteros, caussa incognita, condemna-
 tis. uelut a te ipso hesternum die dictum est, anum fa-
 tidicam $\pi\rho\nu\omicron\iota\alpha\nu$ a Stoicis induci, id est prouidentiam.
 quod eo errore dixisti, quia existimas ab his proui-
 dentiam fingi, quasi quandam deam singularem,
 quae mundum omnem gubernet, & regat. sed id
 praecise dicitur. ut, si quis dicat Atheniensium temp.
 consilio regi, desit illud: Ariopagi: sic, cum dici-
 mus prouidentia mundum administrari, deesse arbi-
 trator, deorum. plene autem & perfecte sic dici
 existimato, prouidentia deorum mundum admini-
 strari. ita salem istum, quo caret uestra natio, in
 irridendis nobis nolite consumere. & mehercle,
 si me audiat, ne experiamini quidem. non decet:
 non datum est: non potestis. nec uero hoc in te unum
 conuenit, moribus domesticis, ac nostrorum homi-
 num urbanitate limatum; sed cum in reliquos ue-
 stros, tum in eum maxime, qui ista peperit, homi-
 nem sine arte, sine litteris, insultantem in omnes,
 sine acumine ullo, sine auctoritate, sine lepore.
 Dico igitur, prouidentia deorum mundum, & om-
 nes mundi partes & initio constitutas esse, &

om-

omni tempore administrari. Eamq. disputationem tres in partes nostri fere diuidunt. quarum pars prima est, quae ducitur ab ea ratione, quae docet esse deos: quo concesso, confitendum est eorum consilio mundum administrari. Secunda est autem, quae docet omnes res subiectas esse naturae sentienti, ab eaq. omnia pulcherrime geri: quo constituto, sequitur ab animantibus principijs eam esse generatam. Tertius locus est, qui ducitur ex admiratione rerum caelestium, atque terrestrium. Primum igitur aut negandum est deos esse; quod & Democritus, simulacra, & Epicurus, imagines inducens, quodam pacto negat: aut, qui deos esse concedant, ijs fatendum est, eos aliquid agere, idq. praeclarum. nihil est autem praeclarius mundi administratione: deorum igitur consilio administratur mundus. quod si aliter est; aliquid profecto sit, necesse est, melius, & maiore vi praeditum, quam deos, quale id cumque est, siue inanima natura, siue necessitas vi magna incitata, haec pulcherrima opera efficiens, quae uidemus. non est igitur natura deorum praepotens, neque excellens; siquidem ea subiecta est ei uel necessitati, uel naturae, qua caelum, maria, terraeq. regantur. nihil autem est praestantius deo: ob eo igitur necesse est mundum regi. nulli igitur est naturae obediens, aut subiectus deus: omnem ergo regit ipse naturam. etenim si concedimus; intelligentes esse deos; concedimus etiam, providentes, & rerum quidem maximarum. ergo utrum
igno-

DE NATURA DEORVM

ignorant, quae res maximae sint, quoq. haec modo tractandae, & tuendae; an vim non habent, quae tantas res sustineant, & gerant? at & ignoratio rerum aliena naturae deorum est: & sustinendi muneris propter imbecillitatem difficultas minime cadit in maiestatem deorum. ex quo efficitur id, quod volumus, deorum prouidentia mundum administrari. atqui necesse est, cum sint dii, si modo sint, ut profecto sunt, animates esse, nec solum animantes, sed etiam rationis compotes, inter seq. quasi civili conciliatione & societate coniunctos, unum mundum, ut communem remp. atque urbem aliquam, regentes. sequitur, ut eadem sit in his, quae in genere humano, ratio, eadem ueritas utrobique sit, eademq. lex: quae est recti praeceptio, prauiq. depulsio. ex quo intelligitur; prudentiam quoque, et mentem a dijs ad homines peruenisse: ob eamq. causam maiorum institutis mens, fides, uirtus, concordia, consecratae, & publice dedicatae sunt. quae, qui conuenit, penes deos, negare; cum eorum augusta, & sancta simulacra ueneremur? quod si inest in hominum genere mens, fides, uirtus, concordia: unde haec in terras, nisi a superis, defluere potuerunt? cumq. sit in nobis consilium, ratio, prudentia; necesse est deos haec ipsa habere maiora, nec habet solum, sed etiam his uti in maximis, & optimis rebus. nihil autem est nec maius, nec melius mundo: necesse est ergo eum deorum consilio, & prouidentia administrari. Postremo, cum satis do-

docuerimus hos esse deos, quorum insignem uim, et illustrem faciem uideremus, solem dico, & lunam, & uagas stellas, & inerrantes, & caelum, & mundum ipsum, & earum rerum uim, quae inessent in omni mundo cum magno usu, & commoditate generis humani: efficitur, omnia regi diuina mente, atque prouidentia. Ac de prima quidem parte satis dictum est. Sequitur, ut doceam, omnia subiecta esse naturae, eaq. ab ea pulcherrime regi. sed quid sit ipsa natura, explicandum est ante breuiter, quo facilius id, quod docere uolumus, intelligi possit. Namque alij naturam censent esse uim quandam sine ratione, cientem motus in corporibus necessarios: alij autem, uim participem rationis, atque ordinis, tamquam uia progredientem, declarantemque, quid cuiusque rei causa efficiat, quid sequatur, cuius solertiam nulla ars, nulla manus, nemo opifex consequi possit imitando: seminis enim uim esse tantam, ut id, quamquam sit perexiguum, tamen, si inciderit in concipientem, comprehendentemque naturam, nactumque sit materiam, qua ali, augeri que possit, ita singat, & efficiat in suo quidque genere, partim ut tantum modo per stirpes alantur suas, partim ut moueri etiam, & sentire, & appetere possint, & ex sese similia sui gignere. Sunt autem, qui omnia naturae nomine appellent, ut Epicurus; qui ita diuidit, omnium, quae sint, naturam esse, corpora, & inane, quaeque his accidunt. sed nos cum dicimus natura constare, administrarique mundum,

G

DE NATURA DEORVM

dum, non ita dicimus, ut glebam, aut fragmentum lapidis, aut aliquid eiusmodi nulla cohaerendi natura, sed ut arborem, ut animal, in quibus nulla temeritas, sed ordo apparet, & artis quaedam similitudo. quod si ea, quae a terra stirpibus continentur, arte naturae uiuunt, & uigent: profecto ipsa terra eadem ui continetur, & arte naturae, quippe quae grauidata seminibus omnia pariat, & fundat ex se, stirpes amplexa alat, & augeat, ipsaq. alatur uicissim a superis, externisque naturis. eiusdemq. expirationibus aer alitur, & aether, & omnia sidera. ita, si terra natura tenetur, & uiget; eadem ratio in reliquo mundo est. stirpes enim terrae inhaerent: animantes autem a spiratione aeris sustentur: ipseque aer nobiscum uidet, nobiscum audit, nobiscum sonat: nihil enim eorum sine eo fieri potest. quin etiam mouetur nobiscum: quacunque enim imus, quacunque mouemur, uidetur quasi locum dare, & cedere. quaeque in medium locum mundi, qui est infimus, & quae a medio in superum, quaeque conuersione rotunda circum medium feruntur, ea continentem mundi efficiunt, unamque naturam. & cum quattuor sint genera corporum, uicissitudine eorum mundi continuata natura est. nam ex terra aqua, ex aqua oritur aer, ex aere aether: deinde retrorsum uicissim ex aethere aer, ex aere aqua, ex aqua terra infima. sic naturis his, ex quibus omnia constant, sursum, deorsum, ulro, citroque commeantibus, mundi partium coniunctio

conti-

continetur . quae aut sempiterna sit , necesse est , hoc eodem ornatu , quem uidemus ; aut certe perdiuturna , permanens ad longinquum , et immensum pae ne tempus . quorum utrumuis ut sit ; sequitur natura mundum administrari . quae enim classium navigatio , aut quae instructio exercitus , aut rursus (ut ea , quae natura efficit , conferamus) quae procreatio uitis , aut arboris , quae porro animantis figura , conformatioq . membrorum tãtã naturae solertiam significat , quantam ipse mundus ? aut igitur nihil est , quod sentiente natura regatur : aut mundum regi confitendum est . etenim , qui reliquas naturas omnes , earumq . semina contineat , qui potest ipse non natura administrari ? ut , si quis dentes , & pabertatem natura dicat existere , ipsum autem hominem , cui ea existant , non constare natura ; non intelligat ea , quae efferant aliquid ex sese , perfectiorem habere naturam , quam ea , quae ex ijs efferantur . omnium autem rerum , quae natura administrant , seminator , & sator , & parens , ut ita dicam , atque educator , & altor est mundus : omniaque , sicut membra , & partes suas , nutricatur , & continet . quod si mundi partes natura administrantur ; necesse est mundum ipsum natura administrari : cuius quidem administratio nihil habet in se , quod reprehendi possit . ex ijs enim naturis , quae erant , quod effici potuit optimum , effectum est . doceat ergo aliquis potuisse melius . sed nemo unquam docebit : & , si quis corrigere aliquid uolet , aut deterius

& 2 faciet ,

DE NATURA DEORVM

faciet, aut id, quod fieri non potuit, desiderabit. quod si omnes mundi partes ita constitutae sunt, ut neque ad usum meliores potuerint esse, neque ad speciem pulchriores: uideamus, utrum ea fortuita sint, an eo statu, quo cohaerere nullo modo potuerint, nisi sensu moderante, diuinaq. prouidentia. Si ergo meliora sunt ea, quae natura, quam illa, quae arte perfecta sunt; nec ars efficit quidquam sine ratione: ne natura quidem rationis expertis est habenda. qui igitur conuenit, signum, aut tabulam pictam cum asperis, scire adhibitam esse artem; cumq. procul cursum nauigij uideris, non dubitare quin id ratione atque arte moveatur; aut, cum solarium uel descriptum, aut ex aqua contemplare, intelligere declarari horas arte, non casu; mundum autem, qui & has ipsas artes, & earum artifices, & cuncta complectatur, consilij, & rationis esse expertem putare? quod si in Scythiam, aut in Britanniam sphaeram aliquis tulerit hanc, quam nuper familiaris noster effecit Posidonius, cuius singulae conuersiones idem efficiunt in sole, & in luna, & in quinque stellis errantibus, quod efficitur in caelo singulis diebus, & noctibus: quis in illa barbarie dubitet, quin ea sphaera sit perfecta ratione? hi autem dubitant de mundo, ex quo & oriuntur, & fiunt omnia, casu ne ipse sit effectus, aut necessitate aliqua, an ratione, an mente diuina: & Archimedem arbitrantur plus ualuisse in imitandis sphaerae conuersionibus, quam naturam in efficiendis, praesertim cum multis partibus

bus sint illa perfecta, quam haec simulata, solertius. Atque ille apud Attium pastor, qui nauem numquam ante uidisset, ut procul diuinum, & nouum uehiculum argonautarum e monte conspexit, primo admirans, et perterritus hoc modo loquitur:

- tanta moles labitur

Fretebunda ex alto ingenti sonitu & spiritu:

Prae se undas uoluit: uertices ui suscit at:

Ruit prolapsa: pelagus respergit: reflat:

Ita dum interruptum credas nimbum uoluer,

Dum quod sublime uentis expulsum rapi

Saxum, aut procellis, uel globosos turbines

Existere iectos undis concursantibus,

Nisi quas terrestres pontus strages conciet;

Aut forte Triton fuscina euertens specus,

Subter radices penitus undanti in freto

Molem ex profundo saxeam ad caelum uomit.

dubitat primo, quae sit ea natura, quā cernit ignotā:

idemq. iuuenibus uisis, auditoq. nautico cantu, sic:

Sicut inciti atque alacres rostris perfremunt

Delphini - item alia multa.

- Siluani melo

Consimilem ad aures cantum, & auditum refert.

ergo, ut hic primo aspectu inanimum quiddam, sensuq. uacuum se putat cernere; post autem signis cer-

tioribus, quale sit id, de quo dubitauerat, incipit

suspicari: sic philosophi debuerunt, si forte eos pri-

mus aspectus mundi conturbauerat, postea cum ui-

dissent motus eius finitos, & acquabiles, omniaq.

G 3 ratis

17
ratis ordinibus moderata, immutabiliq. constantia,
intelligere inesse aliquem non solum habitatorem
in hac caelesti ac diuina domo, sed etiam rectorem,
& moderatorem, & tamquam architectum tanti
operis, tantiq. muneris. nunc autem mihi uidentur
ne suspicari quidem, quanta sit admirabilitas caele-
stium rerum, atque terrestrium. Principio enim
terra sita in media parte mundi, circumsusa undique
est hac animabili, spirabiliq. natura, cui nomen est
aer, graecum illud quidem, sed receptum iam ta-
men usu a nostris: tritum est enim pro latino. hunc
rursus amplectitur immensus aether, qui constat ex
altissimis ignibus. mutuemur hoc quoque uerbum,
dicaturq. tam aether latine, quam dicitur aer: & si
interpretatur Pacunius.

Hoc, quod memoro, nostri caelum, Graij perhi-
bent aethera.

quasi uero non Graius hoc dicat. at latine loquitur.
Siquidem nos non quasi graece loquentem audiamus.
docet idem alio loco,

Graingena de isto aperit ipsa oratio.

sed ad maiora rideamus. Ex aethere igitur innume-
rabiles fluminae siderum existunt: quorum est prin-
ceps sol, omnia clarissima luce collustrans, multi
partibus maior, atque amplior, quam terra uniuersa:
deinde reliqua sidera magnitudinibus immensis.
atque hi tanti ignes, tamq. multi non modo nihil nocent
terris rebusq. terrestribus, sed ita prosunt, ut,
si mota loco sint, conflagrare terras necesse sit a tan-

tis

tis ardoribus, moderatione & temperatione subla-
ta. Hic ego non mirer esse quemquam, qui sibi per-
suadeat, corpora quaedam solida, atque individua,
ui et grauitate ferri, mundumq. effici ornatissimum,
& pulcherrimum ex eorum corporum concursione
fortuita? hoc qui existimat fieri potuisse; non intel-
ligo, cur non idem putet, si innumerabiles unius
& uiginti formae litterarum uel aureae, uel quales
libet, aliquo conijciantur, posse ex his in terram
excussis annales Ennii, ut deinceps legi possint, effi-
ci: quod, nescio, an ne in uno quidem uersu possit
tantum ualere fortuna. isti autem quemadmodum
asseuerant, ex corpusculis non colore, non qualita-
te aliqua, quam ποικίλντα Graeci uocant, non sensu
praeditis, sed concurrentibus temere, atque casu
mundum esse perfectum? uel innumerabiles potius
in omni puncto temporis alios nasci, alios interire?
quod si mundum efficere potest concursus atomo-
rum; cur porticum, cur templum, cur domum, cur
urbem non potest? quae sunt minus operosa, et mul-
to quidem facilia. certe ita temere de mundo effu-
tiunt, ut mihi quidem numquam hunc admirabilem
caeli ornatum, qui locus est proximus, suspexisse ui-
deantur. praeclare ergo Aristoteles, Si essent, in-
quit, qui sub terra semper habitassent, bonis, &
illustribus domicilijs, quae essent ornata signis, at-
que picturis, instructaq. rebus ijs omnibus, quibus
abundant ij, qui beati putantur; nec tamen exissent
unquam supra terram; acceperant autem fama, et

DE NATURA DEORVM

auditione, esse quoddam numen, & uim deorum;
 deinde, aliquo tempore, patefactis terrae faucibus,
 ex illis abditis sedibus euadere in haec loca, quae nos
 incolimus, atque exire potuissent; cum repente ter-
 ram, & maria, caelumq. uidissent; nubium magnitu-
 dinem, uentorumq. uim cognouissent; aspexissentq.
 solem, eiusq. tum magnitudinē, pulchritudinemque,
 tum etiam efficientiam cognouissent; quod is diem
 efficeret, toto caelo luce diffusa; cum autem terras
 nox opacasset, tum caelum totum cernerent astris di-
 stinctum, et ornatum, lunaeq. luminum uarietatem
 tum crescentis, tum senescentis, eorumq. omnium
 ortus, & occasus, atque in omni aeternitate ratos,
 immutabilesq. cursus: haec cum uiderent, profecto
 & esse deos, & haec tanta opera deorum esse arbi-
 trarentur. Atque haec quidem ille. nos autem te-
 nebras cogitemus tantas, quanta quondam, eru-
 ptione Aetnaeorum ignium, finitimas regiones ob-
 scurauisse dicuntur, ut per biduum nemo hominem
 homo agnosceret: cum autem tertio die sol illuxis-
 set, tum ut reuixisse sibi uiderentur. quod si hoc
 idem ex aeternis tenebris contingeret, ut subito lu-
 cem aspiceremus; quacnam species caeli uideretur?
 sed assiduitate quotidiana, & consuetudine oculo-
 rum assuescunt animi, neque admirantur, neque
 requirunt rationes earum rerum, quas semper ui-
 dent: perinde quasi nouitas nos magis, quam ma-
 gnitudo rerum, debeat ad exquirendas causas exci-
 tare. quis enim hunc hominem dixerit, qui, cum
 tam

tam certos caeli motus, tam ratos astrorum ordines, tamq. omnia inter se connexa, & apta uiderit, neget in his ullam inesse rationem, eaq. casu fieri dicat, quae quanto consilio gerantur, nullo consilio assequi possumus? An, cum machinatione quadam moueri aliquid uidemus, ut sphaeram, ut horas, ut alia permulta; non dubitamus, quin illa opera sint rationis: cum autem impetum caeli admirabili cum celeritate moueri, uertiq. uideamus, constantissime consicientem uicissitudines anniuersarias, cum summa salute & conseruatione rerum omnium; dubitamus, quin ea non solum ratione fiant, sed etiam excellenti quadam diuinaq. ratione? Licet enim iam, remota subtilitate disputandi, oculis quodam modo contemplari pulchritudinem rerum earum, quas diuina providentia dicimus constitutas. Ac principio terra uniuersa cernatur, locata in media mundi sede, solida, & globosa, et undique ipsa in sese nutibus suis conglobata, uestita floribus, herbis, arboribus, frugibus. quorum omnium incredibilis multitudo insatiabili uarietate distinguitur. Adde huc fontium gelidas perennitates, liquores perlucidos amnium, riparum uestitus uiridissimos, specularum concauas altitudines, saxorum asperitates, impendentium montium altitudines, immensitatesq. camporum. Adde etiam reconditas auri, argentiq. uenas, infinitamq. uim maris. Quae uero, & quam uaria genera bestiarum, uel cicurum, uel ferarum? qui uolucrum lapsus, atque

DE NATURA DEORVM

atque cantus? qui pecudum pastus? quae uita silue-
strium? quid iam de hominum genere dicam? qui
quasi cultores terrae constituti, non patiuntur eam
nec immanitate beluarum efferari, nec stirpium
asperitate uastari: quorumq. operibus agri, insu-
lae, litora q. collucent, distincta tectis, & urbibus.
quae si, ut animis, sic oculis uidere possemus; ne-
mo, cunctam intuens terram, de diuina ratione du-
bitaret. At uero quanta maris est pulchritudo? quae
species uniuersi? quae multitudo, & uarietas insu-
larum? quae amoenitates orarum, & litorum? quot
genera, quamq. disparia partim submersarum, par-
tim fluitantium, & innatantium beluarum, par-
tim ad saxa natis testis inhaerentium? ipsum au-
tem mare sic terram appetens litoribus cludit, ut
una ex duabus naturis conflata uideatur. Exinde
mari finitimus aera, die, & nocte distinguitur: isq.
tum susus, & extenuatus in sublime fertur; tum
autem concretus in nubes cogitur; humoremq. col-
ligens terram auget imbribus; tum effluens huc
& illuc uentos efficit. idem annuas frigorum, &
calorum facit uarietates: idemq. & uolatus alium
sustinet, & spiritu ductus alit & sustentat animan-
tes. Restat altissimus, & a domicilijs nostris altissi-
mus, omnia cingens & coercens caeli complexus,
qui idem aether uocatur, externa ora, & determi-
natio mundi: in quo cum admirabilitate maxima
igneae formae cursus ordinatos definiunt. e quibus
sol, cuius magnitudine multis partibus terra supe-

ra-

ratur, circum eam ipsam uoluitur; isq. oriens & occidens, diem, noctemq. conficit; & modo accedens, tum autem recedens, binas in singulis annis reuersiones ab extremo contrarias facit: quarum intervallo tum quasi tristitia quadam contrahit terram, tum uicissim laetificat, ut cum caelo hilarata uideatur. Luna autem, quae est, ut ostendunt mathematici, maior quam dimidia pars terrae, iisdem spatijs uagatur, quibus sol: sed tum congregiens cum sole, tum digrediens, & eam lucem, quam a sole accepit, mittit in terras, & uarias ipsa mutationes lucis habet: atque etiam tum subiecta, atque opposita soli: radios eius, & lumen obscurat; tum ipsa incidens in umbram terrae, cum est e regione solis, interpositu, interiectuq. terrae repente deficit: iisdemq. spatijs eae stellae, quas uagas dicimus, circum terram feruntur, eodemq. modo oriuntur, & occidunt. quarum motus tum incitantur, tum retardantur, saepe etiam insistant. quo spectaculo nihil potest admirabilius esse, nihil pulchrius. Sequitur stellarum inerrantium maxima multitudo: quarum ita descripta distinctio est, ut ex notarum figurarum similitudine nomina inuenerint. Atque hoc loco me intuens, utar, inquit, carminibus Arati, eis, quae a te admodum adolescentulo conuersa, ita me delectant, quia latina sunt, ut multa ex ijs memoria teneam. ergo, ut oculis assidue uidemus sine ulla mutatione, aut uarietate,
Cetera labuntur celeri caelestia motu,

Cum

DE NATURA DEORVM

Cum caeloq. simul noctesq. diesq. feruntur.
 quorum contemplatione nullius expleri potest ani-
 mus, naturae constantiam uidere cupientis.
 Extremusq. adeo duplici de cardine uertex
 Dicitur esse polus. -
 Hunc circum ἀρκτοι duae uertuntur:
 numquam occidentes.
 Ex his altera apud Graios Cynosura uocatur,
 Altera dicitur esse Helice. -
 cuius quidē clarissimas stellas totis noctib. cernimus.
 Quas nostri septem soliti uocitare Triones.
 paribusq. stellis, similiter distinctis, eundem caeli
 uerticem lustrat parua Cynosura.
 Hac fidunt duce nocturna Phoenices in alto.
 Sed prior illa magis stellis distincta resulget,
 Et late prima confestim a nocte uidetur.
 Haec uero parua est: sed nautis usus in hac est:
 Nam cursu interiore breui conuertitur orbe.
 & quo sit earum stellarum admirabilior aspectus,
 Has inter, uelut rapido cum gurgite flumen,
 Toruū Draco serpit subter, supraq. reuoluens
 Sese, conficiensq. sinus e corpore flexos.
 eius cum totius est praeclara species, tum in primis
 suspicēda est figura capitis, atque ardor oculorum.
 Huic non una modo caput ornans stella relucet,
 Verum tempora sunt duplici fulgore notata,
 Et trucibusq. oculis duo feruida lumina flagrant.
 Atque uno mentum radianti sidere lucet:
 Obstipum caput, & tereti cervice reflexum
 Obtutum

Obtutum in cauda maioris figere dicas.

& reliquum quidem corpus draconis totis noctibus cernimus.

Hoc caput hic paullum sese subitoq. recondit,

Ortus ubi atque obitus partem admiscetur in unā.

id autem caput,

Attingens defessa uelut maerentis imago,

Vertitur. - quam quidem Graeci

Engonasin uocitant, genibus quia nixa feratur.

Hic illa eximio posita est fulgore corona,

atque haec quidem a tergo. propter caput autem

Anguitenens:

Quem claro perhibent ὀφιοχόρ nomine Grij.

Hic presso duplici palmarum continet Anguem,

Eius & ipse manet religatus corpore toto:

Namque uirum mediū serpens sub peiora cingit.

Ille tamen nitens grauitur uestigia ponit,

Atque oculos urget pedibus, pectusq. Nepai.

Septentriones autem sequitur

Arctophylax, uulgo qui dicitur esse Bootes:

Quod quasi temone adiunctā prae se quatit Arctū.

dein quae sequuntur.

Huic autem subter praetordia fixa uidetur

Stella micans radijs Arcturus nomine claro:

cui subiecta fertur,

Spicum illustre tenens splendenti corpore Virgo.

atque ita demetata signa sunt, ut in tantis descri-

ptionibus diuina solertia appareat.

Et natos Geminos inuises sub caput Arcti.

Sub-

DE NATURA DEORVM

Subiectus medio est Cancer, pedibusq. tenetur
Magnus Leo, tremulâ quatiens e corpore flammam.

Auriga

Sub laeua Geminorum obductus parte feretur.

Auersum caput huic Helice truculenta tuetur.

At Capra laeuum humerum claro obtinet.
tum quae sequuntur.

Verum haec est magne atque illustri praedita signo.

Contra Hoedi exiguum iaciunt mortalibus ignem.
cuius sub pedibus

Corniger est ualido connexus corpore Taurus.

eius caput stellis conspersum est frequentibus.

Has Graeci Stellas Hyadas uocitare suerunt:

a pluendo: uen enim est pluere. nostri imperite su-
culas: quasi a suis essent, non ab imbris, nomi-
natae, minorem autem septentrionem Cepheus pas-
sis palmis a tergo subsequitur.

Naque ipsum ad tergum Cynosurae uertitur Arcti.
hunc antecedit

Obscura specie stellarum Cassiopea.

Hanc autem illustri uersatur corpore propter

Andromeda, aufugiens aspectum maesta parentis.

Huic Equus ille, inham quatiens fulgore micanti,

Summum contingit caput alio: stellaq. iungens

Vna, tenet duplices communi lumine formas,

Aeternum ex astris cupiens connectere nodum.

Exin contortis Aries cum cornibus haeret.

quem propter

Pisces, quorum alter paullum praelabitur ante,

Et

Et magis horriferis aquilonis tangitur alis.
Ad pedes Andromedae Perseus describitur.
Quæ summa ab regione aquilonis flamina pulsant.
cuius propter lacuum genu
- Vergiliæ tenui cum luce nidebis.
Inde Fides leuiter posita & connexa uidetur.
Inde est ales anis lato sub tegmine caeli.
capiti autē Equi proximat Aquarij dextra, totusq.
deinceps Aquarius.
Tum gelidum ualido de pectore frigus anhelans,
Corpore semifero magno Capricornus in orbe.
Quem cum perpetuo uestiuit lumine Titan,
Brumali flectens contorquet tempore currum.
hinc autem aspicitur,
Ut sese emergens ostendat Scorpius alte,
Posteriore trahens flexum ui corporis arcum.
Quem propter nitens pennis conuoluitur ales.
At propter se Aquila ardenti cum corpore portat,
deinde Delphinus.
Exinde Orion obliquo corpore nitens,
quem subsequens
Fervidus ille Canis stellarum luce refulget.
Post Lepus subsequitur,
Curriculum numquam desesso corpore sedans.
At Canis ad caudam serpens prolabitur Argo.
Hanc Aries tegit, & squamoso corpore Pisces,
Fluminis illustri tangentem corpore ripas.
quam longe serpentem & manantem
- Aspicies, proceraq. uincla nidebis,

Quæ

DE NATURA DEORVM

Quae retinent Pisces caudarum a parte locata .
 Inde Nepae cernes propter fulgentis acumen
 Aram , quam flatu permulcet spiritus austri .
 propter quae Centaurus
 Cedit Equi partis properans submergere Chelis ,
 Hinc dextrâ porgēs , quadrupes qua nâsta tenetur ,
 Tendit , & illustrem truculentus caedit ad aram .
 Hic sese infernis e partibus erigit Hydra :
 cuius longe corpus est fusum :
 In medioq. sinu fulgens cratera relucet .
 Extremam nitens plumato corpore Coruus
 Rostro tundit : & hic Geminis est ille sub ipsis
 Ante Canem , graio Procyon qui nomine fertur .
 Haec omnis descriptio siderum , atque hic tantus cae-
 li ornatus , ex corporibus huc , & illuc , casu , & te-
 mere concursantibus potuisse effici , cuiquam sano ui-
 deri potest ? aut uero alia quae natura , mentis &
 rationis expers , haec efficere potuit , quae non mo-
 do ut fierent , ratione eguerunt , sed intelligi , qua-
 lia sint , sine summa ratione non possunt ? Nec ue-
 ro haec solum admirabilia , sed nihil maius , quam
 quod ita stabilis est mundus , atque ita cohaeret ad
 permanendum , ut nihil ne excogitari quidem possit
 aptius . omnes enim partes eius undique medium lo-
 cum capeffentes , nituntur aequabiliter : maxime
 corpora autem inter se iuncta permanent , cum
 quodam quasi uinculo circundata colligantur : quod
 facit ea natura , quae per omnem mundum omnia
 mente , & ratione conficiens funditur , & ad me-
 dium

diu rapit :
 dng globosus
 tes , undique
 continentur
 omnibus et
 autem med
 rumpat , q
 uitatis , &
 supraterr
 tens , con
 dundat un
 tinens aer
 tamen in
 ri contina
 caelum ;
 talem , &
 Quem co
 tur , &
 admixtio
 gitur . In
 nixu suo
 raque , si
 da : quib
 ceri pote
 circa ter
 qui a sole
 tur : quib
 aether , r
 idem , nifi

dium rapit, & conuertit extrema. Quocirca si mundus globosus est; ob eamq. causam omnes eius partes, undique aequales, ipsae per se, atque inter se continentur: contingere idem terrae necesse est, ut, omnibus eius partibus in medium uergentibus, (id autem medium infimum in sphaera est) nihil interrumpat, quo labefactari possit tanta contentio grauitatis, & ponderum. Eademq. ratione mare, cum supra terram sit, medium tamen terrae locum expectens, conglobatur undique aequaliter, neque redundat umquam, neque effunditur. Huic autem continens aer fertur, ille quidem leuitate sublimi, sed tamen in omnes partes se ipse fundit. itaque & mari continuatus, & iunctus est; & natura fertur ad caelum; cuius tenuitate, & calore temperatus, uitalem, & salutarem spiritum praebet animantibus. Quem complexa summa pars caeli, quae aether dicitur, & suum retinet ardorem tenuem, & nulla admixtione concretū; et cū aeris extremitate coniungitur. In aethere autem astra uoluuntur: quae se & nixu suo conglobata continent; & forma ipsa figuraque, sua momenta sustentant. sunt enim rotunda: quibus formis, ut ante dixisse uideor, minime noceri potest. sunt autē stellae natura flammearum: quocirca terrae, maris, aquarum uaporibus aluntur ijs, qui a sole ex agris tepescunt, & ex aquis excitantur: quibus altae, renouataeq. stellae, atque omnis aether, refundunt eadem, & rursus trahunt in idem, nihil ut fere intereat, aut admodum paullum,

H

lum,

DE NATURA DEORVM

lum, quod astrorum ignis, & aetheris flamma consumat. ex quo euenturum nostri putant id, de quo Panaetium addubitare dicebant, ut ad extremum omnis mundus ignesceret, cum, humore consumpto, neq. terra ali posset, neq. remearet aer, cuius ortus, aqua omni exhausta, esse non posset: ita relinqui nihil, praeter ignem: a quo rursum animante, ac deo renouatio mundi fieret, atque idem ornatus oriretur. Nolo in stellarum ratione multus uobis uideri, maximaeq. earum, quae errare dicuntur: quarum tantus est concentus ex dissimillimis motibus, ut, cum summa Saturni refrigeret, media Martis incendat, his interiecta Iouis illustret, & temperet, & Somn: 124 infraq. Martem duae Soli obediant, ipse Sol mundum omnem sua luce compleat, ab eoq. Luna illuminata grauiditates, & partus afferat, maturitatesq. gignendi. quae copulatio rerum, & quasi consentiens ad mundi incolumitatem coagmentatio naturae quem non mouet, hunc horum nihil umquam reputauisse certo scio. Age, ut a caelestibus rebus ad terrestres ueniamus: quid est in his, in quo non naturae ratio intelligētis appareat? Principio, eorum, quae gignuntur e terra, stirpes & stabilitatem dant ijs, quae sustinent; & ex terra succum trahunt, quo alantur ea, quae radicibus continentur; obducunturq. libro aut cortice trunci, quo sint a frigorebus, & a caloribus tutiores. Iam uero uites sic clauiculis adminicula, tamquam manibus, apprehendunt, atque ita se erigunt, ut animantes. quin etiam a cauli-

Metam: 1.

& Somn: 124
125.

a caulibus, brassicisque, si prope sati sint, ut a pestiferis, & nocentibus, refugere dicuntur, nec eos ulla ex parte contingere. Animantium uero quantitas uarietas est? quanta ad eam rem uis, ut in suo quoque genere permaneant? quarum aliae corijs teetae sunt, aliae uillis uestitae, aliae spinis hirsutae: pluma alias, alias squama uidemus obductas, alias esse cornibus armatas, alias habere effugia pennarum. Pastum autem animantibus large & copiose natura eum, qui cuique aptus erat, comparauit. enumerare possum, ad eum pastum capeffendum, conficiendumq. quae sit in figuris animantium, & quam solers subtilisq. descriptio partium, quamq. admirabilis fabrica membrorum. omnia enim, quae quidem intus inclusa sunt, ita nata, atque ita locata sunt, ut nihil eorum superuacaneum sit, nihil ad uitam retinendam non necessarium. Dedit autem eadem natura beluis & sensum, & appetitum; ut altero conatum haberent ad naturales pastus capeffendos, altero secernerent pestifera a salutaribus. Iam uero alia animalia gradiendo, alia serpendo ad pastum accedunt, alia uolando, alia nando; cibumq. partim oris hiatu, & dentibus ipsis capeffunt, partim unguium tenacitate arripiunt, partim aduncitate rostrorum: alia sugunt, alia carpunt, alia uorant, alia mandunt. Atque etiam aliorum ea est humilitas, ut cibum terrestrem rostris facile contingant. quae autem altiora sunt, ut anseres, ut cygni, ut grues, ut cameli, adiuuantur pro-

Pli: 8. 10.

ceritate collorum. manus etiam data elephantis, quia, propter magnitudinem corporis, difficiles aditus habebant ad pastum. At quibus bestiis erat is cibus, ut alius generis bestiis uescerentur; aut uires natura dedit, aut celeritatem. Data est quibusdam etiam machinatio quaedam, atque solertia: ut in

Pli: 1. 11. c. 2.

araneolis, aliae quasi rete texunt, ut, si quid inhaerit, conficiant; aliae autem ut ex inopinato obseruant, et, si quid incidit, arripiunt, idq. consumunt.

Pli: 9. cap. 42.

Pinna uero, (sic enim graece dicitur) duabus grandibus patula conchis, cum parua squilla quasi societatem coit comparandi cibi. itaque cum pisciculi parui in concham hiantem innatauerint, tum admonita a squilla pinna morsu comprimit conchas. sic dissimilimis bestiolis communiter cibus quaeritur. in quo admirandum est, congressu. ne aliquo inter se, an iam inde ab ortu naturae ipsae congregatae sint.

Plin: 1. 10 cap.

SS.

Est etiam admiratio non nulla in bestiis aquatilibus ijs, quae gignuntur in terra: ueluti crocodili, fluuiatilesq. testudines, quaedamq. serpentes ortae extra aquam, simul ac primum niti possunt, aquam persequuntur. Quin etiam anatum oua gallinis saepe supponimus: ex quibus pulli orti primum aluntur ab ijs, ut a matribus; deinde eas relinquunt, a quibus exclusi, fœtiq. sunt, & effugiunt, cum primum aqua, quasi naturalem domum, uidere potuerunt. tantam ingenuit animantibus conseruandi sui natura custodiam. Legi etiam scriptum esse, auem quandam, quae Platalea nominetur, eam sibi cibum quae

rere

rere aduolantem ad eas aues, quae se in mari merge-
 rent: quae cum emerfissent, piscemq. cepissent, us-
 que eo premere earum capita mordicus, dum illae
 eaptum amitterent: id quod ipsa inuaderet. ea-
 demq. haec auis scribitur conchis se solere comple-
 re, easque, cum stomachi calore concoxerit, eno-
 mere, atque ita eligere ex ijs, quae sunt esculenta.
 Ranae autem marinae dicuntur obruere sese arena
 solere, & moueri prope aquam; ad quas, quasi ad
 escam, pisces cum accesserint, confici a ranis, atque
 consumi. Miluo est quoddam bellum naturale cum
 coruo: ergo alter alterius, ubicumque nactus est, oua
 frangit. Illud uero ab Aristotele animaduersum, a
 quo pleraque, quis potest non mirari? grues, cum,
 loca calidiora petentes, maria transmittunt, trian-
 guli formam efficere. eius autem summo angulo
 aer ab ijs aduersus pellitur: deinde sensim ab utro-
 que latere, tamquam remis, ita pennis cursus anium
 leuatur. basis autem trianguli, quam grues efficiunt,
 ea tamquam a puppi uentis adiuuatur: haeq. inter-
 go praeuolantium colla, & capita reponunt. quod
 quia ipse dux facere non potest; quia non habet,
 ubi nitatur; reuolat, ut ipse quoque quiescat. in
 eius locum succedit ex ijs, quae acquieuerunt: eaq.
 uicissitudo in omni cursu conseruatur. Multa eius-
 modi proferre possum: sed genus ipsum uidetis. Iam
 uero illa etiam notiora, quanto se opere custodiant
 bestiae, ut in pastu circumspiciant, ut in cubilibus
 delitescant. Atque illa mirabilia. quid ea, quae nu-

Pli: l. i. c. 74

Pli. l. i. c. 23.

per, id est paucis ante saeculis, medicorum ingenijs
 reperta sunt? uomitione canis purgare aluos ibes *
 Aegyptiae curant. auditum est, pantheras, quae in
 barbaria uenenata carne caperentur; remedium
 quoddam habere; quo cum essent usae, non moreren-
 tur: capras autem in Creta feras, cum essent confi-
 xae uenenatis sagittis, herbam quaerere, quae Dicta-
 mus uocaretur; quā cum gustauissent, sagittas ex-
 cidere dicunt e corpore. ceruaeque paullo ante par-
 tum perpurgant se quadam herbula, quae Sefelis
 dicitur. Iam illa cernimus, ut contra metum, &
 uim suis se armis quaeque defendat. cornibus tauri,
 apri dentibus, morsu leones, aliae fuga se, aliae oc-
 cultatione tutantur: atramenti effusione sepiae, tor-
 pore torpedines. multae etiam insectantes odoris
 intolerabili foeditate depellunt. Vt uero perpetuus
 mundi esset ornatus, magna adhibita cura est a pro-
 uidentia deorum, ut semper essent & bestiarum ge-
 nera, & arborum, omniumque rerum, quae altae aut
 radicibus a terra, aut stirpibus continerentur. quae
 quidem omnia eam uim seminis habent in se, ut ex
 uno plura generentur: idque semen inclusum est in
 intima parte earum bacarum, quae ex quaque stir-
 pe funduntur: iisdemque seminibus & homines affa-
 tim uestuntur, & terrae eiusdem generis stirpium
 renouatione complentur. Quid loquar, quanta ra-
 tio in bestiis ad perpetuā conseruationem earum ge-
 neris appareat? nā, primum, aliae mares, aliae femi-
 nae sunt: quod perpetuitatis causa machinata natu-
 ra

Virg. Aeneid.
.12.

ra est. deinde, partes corporis et ad procreandum, et ad concipiendum aptissimae, et in mari, et in femina commiscendorum corporum mirae libidines. cū autem in locis semen insedit, rapit omnem fere cibum ad sese, eoq. septum fingit animal: quod cum ex utero elapsum excidit, in ijs animantibus, quae lacte aluntur, omnis fere cibus natum lactescere incipit; eaque, quae paullo ante nata sunt, sine magistro, duce natura mammas appetunt, earumq. ubertate saturantur. Atque, ut intelligamus nihil horum esse fortuitum, & haec omnia esse providae, solertisq. naturae: quae multiplices fetus procreant, ut sues, ut canes, his mammarum data est multitudo: quas easdem paucas habent eae bestiae, quae pauca gignunt. Quid dicam, quantus amor bestiarum sit in educandis custodiendisq. ijs, quae procreauerint, usque ad eum finem, dum possint se ipsa defendere? et si pisces, ut aiunt, ova cum genuerunt, relinquunt. facile enim illa aqua & sustinentur, & fetum fundunt. testudines autem, & crocodilos dicunt, cum in terra partum ediderint, obruere ova, deinde discedere. ita & nascuntur, et educantur ipsa per sese. Iam gallinae, auesq. reliquae & quietum requirunt ad pariendum locum; & cubilia sibi, nidosq. construunt; eosq. quam possunt mollissime substernunt, ut quamfacillime ova seruentur. ex quibus pullos cum excluderint, ita tuentur, ut & pennas foueant, ne frigore laedantur; &, si est calor, a sole se opponant.

DE NATURA DEORVM

cum autem pulli pinnulis uti possunt; tum uolatus
eorum matres prosequuntur, reliqua cura liberan-
tur. Accedit etiam ad non nullorum animantium,
& earum rerum, quas terra gignit, conseruatio-
nem, & salutem, hominum etiam solertia, & di-
ligentia. nam multae & pecudes, & stirpes sunt,
quae sine procuratione hominum saluae esse non pos-
sunt. magnae etiam opportunitates ad cultum homi-
num, atque abundantiam aliae alijs in locis repe-
riuntur. Aegyptum Nilus irrigat; & cum tota
aestate obrutam, oppletamq. tenuit, tum recedit,
mollitosq. & oblimatos agros ad serendum relin-
quit. Mesopotamiam fertilem efficit Eufrates: in
quam quotannis quasi novos agros inuehit. Indus
uero, qui est omnium fluminum maximus, non a-
qua solum agros laetificat, & mitigat, sed eos e-
tiam conserit. magnam enim uim seminum secum
frumenti, & similium dicitur deportare. Multaq.
alia in alijs locis commemorabilia proferre possum,
multos fertiles agros alios aliorum fructuum. Sed
illa quanta benignitas naturae, quod tam multa ad
uescendum, tam uaria, tamq. iucunda gignit? ne-
que ea uno tempore anni: ut semper & nouitate
delectemur, & copia. Quam tempestiuos autem
dedit, quam salutes non modo hominum, sed e-
tiam pecudum generi, ijs denique omnibus, quae
oriuntur e terra, uentos etefias? quorum flatu ni-
mij temperantur calores: ab ijsdem etiam mariti-
mi cursus celeres, & certi diriguntur. Multa prae-
tereun-

*aliter dicit
Arrianus.
lib. 5. et
Strab. xv.*

tereunda sunt; & tamen multa dicuntur. enumerari enim non possunt fluminum opportunitates, aestus maritimi, multum accedentes, & recedentes, montes uestiti, atque siluestres, salinae ab ora maritima remotissimae, medicamentorum salutarium plenissimae terrae, artes denique innumerabiles ad uictum, & ad uitam necessariae. Iam diei noctisque uicissitudo conseruat animantes, tribuens aliud agendi tempus, aliud quiescendi. Sic undique omni ratione concluditur, mente, consilioque diuino omnia in hoc mundo ad salutem omnium, conseruationemque admirabiliter administrari. Sin quaeret quispiam, cuiusnam caussa tantarum rerum molitio facta sit, arborum ne, & herbarum, quae quamquam sine sensu sunt, tamen a natura sustinentur? at id quidem absurdum est. an bestiarum? nihilo probabilius, deos mutarum, & nihil intelligentium caussa tantum laborasse. quorum igitur caussa quis dixerit effectum esse mundum? eorum scilicet animantium, quae ratione utuntur. hi sunt dii, & homines: quibus profecto nihil est melius. ratio est enim, quae praestat omnibus. itaque fit credibile, deorum, et hominum caussa factum esse mundum, quaeque in eo sint omnia. faciliusque intelligitur, a dijs immortalibus hominibus esse prouisum, si erit tota hominis fabricatio perspecta, omniq. humanae naturae figura, atque perfectio. Nam cum tribus rebus animantium uita teneatur, cibo, potione, spiritu; ad haec omnia percipiēda os est aptissimum; quod, adiunctis naribus,

DE NATURA DEORVM

*Yammi So
mipe Di.
lib. II. cap.*

ribus, spiritu augetur. Dentibus autem in ore con-
structis manditur, atque ab his extenuatur, et molli-
tur cibus. eorum aduersi acuti morsu diuidunt e-
scas, intimi autem conficiunt, qui genuini uocan-
tur: quae confectio etiam a lingua adiuuari uidetur.
Linguam autem ad radices eius haerens excipit sto-
machus: quo primum illabuntur ea, quae accepta
sunt ore. is utraque ex parte tonsillas attingens, pa-
lato extremo, atque intimo terminatur. atque is a-
gitatione & motibus linguae cum depulsum, et qua-
si detrusum cibum accepit, depellit. ipsius autem
partes eae, quae sunt infra id; quod deuoratur, di-
latantur; quae autem supra, contrahuntur. Sed, cum
aspera arteria (sic enim a medicis appellatur) o-
stium habeat adiunctum linguae radicibus, paullo
supra, quam ad linguam stomachus annectitur;
eaeque ad pulmones usque pertineat, excipiatque ani-
mam eam, quae ducta sit spiritu, eandemque a pul-
monibus respiret, & reddat: tegitur quasi quodam
operculo. quod ob eam causam datum est, ne, si
quid in eam cibi forte incidisset, spiritus impedire-
tur. Sed cum alui natura, subiecta stomacho, ci-
bi, & potionis sit receptaculum; pulmones autem
& cor extrinsecus spiritum adducant: in aluo mul-
ta sunt mirabiliter effecta: quae constant fere e ner-
uis. est autem multiplex, & tortuosa, arcetque,
& continet siue illud aridum est, siue humidum,
quod recipit, ut id mutari, & concoqui facile pos-
sit: eaque tum astringitur, tum relaxatur, atque
omne

omne, quod accepit, cogit, & confundit: ut facile
& calore, quem multum habet, & terendo cibo,
& praeterea spiritu omnia cocta, atque confecta in
reliquum corpus diuidantur. In pulmonibus autem
ineſt raritas quaedam, & aſſimilis ſpongijs mollitu-
do, ad hauriendum ſpiritum aptiſſima: qui tum ſe
contrahunt aſpirantes, tum ſpiritu dilatant, ut fre-
quenter ducatur cibus animalis, quo maxime alun-
tur animantes. Ex inteſtinis autem et alio ſecretus
a reliquo cibo ſuccus iſ, quo alimur, permanat ad
iecur per quasdam a medio inteſtino uſque ad por-
tas iecoris (ſic enim appellant) ductas, & dire-
ctas uias, quae pertinent ad iecur, eiſq. adhaerent.
atque inde aliae pertinentes ſunt, per quas cadit ci-
bus a iecore dilapſus. ab eo cibo cum eſt ſecreta bi-
lis, uſq. humores, qui ex renibus profunduntur, re-
liqua ſe in ſanguinem uertunt, ad eaſdemq. portas
iecoris confluunt, ad quas omnes eiſ uiae pertinent:
per quas lapſus cibus ex hoc ipſo loco in eam ue-
nam, quae caua appellatur, confunditur, perq. ea
ad cor conſectus iam coctusq. perlabitur: a corde
autem in totum corpus diſtribuntur per uenas admo-
dum multas, in omnes partes corporis pertinentes.
Quemadmodum autem reliquiae cibi depellantur
tum aſtringentibus ſe inteſtinis, tum relaxantibus,
haud ſane difficile dictu eſt, ſed tamen praetereun-
dum eſt, ne quid habeat inuincibilitatis oratio. illa
potius explicetur incredibilis fabrica naturae. Na
quae ſpiritu in pulmones anima ducitur, ea caleſcit
primum

cogitatione primum ab ipso spiritu, deinde cogitatione pulmo-
 num: ex eaq. pars redditur respirando, pars conci-
 pitur cordis parte quadam, quam uentriculum cor-
 dis appellant: cui similis alter adiunctus est, in quem
 sanguis a iecore per uenam illam cauiam influit, eoq.
 modo ex his partibus & sanguis per uenas in omne
 corpus diffunditur, & spiritus per arterias. utrae-
 que autem crebrae, multaeq. toto corpore intextae
 uim quandam incredibilem artificiosi operis, diui-
 niq. testantur. Quid dicam de ossibus? quae subiecta
 corpori mirabiles commissuras habent, & ad stabi-
 litatem aptas, & ad artus finiendos accommoda-
 tas, & ad motum, et ad omnem corporis actionem.
 Huc adde neruos, a quibus artus continentur; eo-
 rumque implicationem toto corpore pertinentem:
 qui, sicut uenae, & arteriae a corde tractae, et pro-
 fectae, in corpus omne ducuntur. Ad hanc prou-
 dentiam naturae tam diligentem, tamq. solertem
 adiungi multa possunt, e quibus intelligatur, quan-
 tae res hominibus a deo, quamq. eximiae tributae
 sint: qui primum eos, humo excitatos, celsos, et ere-
 ctos constituit, ut deorum cognitionem, caelum in-
 tuentes, capere possent. sunt enim e terra homines,
 non ut incolae, atque habitatores, sed quasi specta-
 tores superarum rerum, atque caelestium: quarum
 spectaculum ad nullum aliud genus animantiū per-
 tinet. Sensus autem, interpretes ac nuncij rerum,
 in capite, tamquam in arce, mirifice ad usus neces-
 sarios & facti, & collocati sunt. nam oculi, tam-
 quam

quam speculatores, altissimum locum obtinent; ex quo plurima conspicientes, fungantur suo munere. Et aures, cum sonum recipere debeant, qui natura in sublime fertur, recte in altis corporum partibus collocatae sunt. Itemq. nares, eo quod omnis odor ad superiora fertur, recte sursum sunt; et quod cibi & potionis iudicium magnum carum est, non sine causa uicinitatē oris secutae sunt. Iam gustatus, qui sentire eorum, quibus uescimur, genera debet, habitat in ea parte oris, qua esculentis, & poculentis iter natura patefecit. Tactus autem toto corpore aequabiliter fusus est, ut omnes ictus, omnesq. nimios & frigoris, & caloris appulsus sentire possimus. Atque ut in aedificijs architecti auertunt ab oculis & naribus dominorum ea, qua profluentia necessario taetri essent aliquid habitura: sic naturae res similes procul amandauit a sensibus. Quis uero opifex, praeter naturam, qua nihil potest esse calidius, tantam solertiam persequi potuisset in sensibus? quae primum oculos membranis tenuissimis uelut stiliuit, & sepsit: quas primum perlucidas fecit, ut pereas cerni posset; firmas autem, ut continerentur. sed lubricos oculos fecit, & mobiles; ut & declinarent, si quid noceret; & aspectum, quo uellent, facile conuerterent. aciesq. ipsa, qua cernimus, quae pupilla uocatur, ita parua est, ut ea, quae nocere possint, facile uitet, palpebraeque, quae sunt tegumenta oculorum, mollissima tactu, ne laederent aciem, aptissime factae & ad claudendas pupillas,

DE NATURA DEORVM

las, ne quid incideret, & ad aperiendas: idq. prouidit, ut identidem fieri posset cum maxima celeritate. munitaeq. sunt palpebrae tamquam uallo pilorum: quibus et, apertis oculis, si quid incideret, repelleretur, &, somno conuiuentibus; cum oculis ad cernendum non egeremus, ut qui tamquam inuoluti quiescerent. Latent praeterea utiliter, et excelsis undique partibus sepiuntur. primum enim superiora supercilijs obducta sudorem, a capite, & fronte defluentem, repellunt. genae deinde ab inferiore parte tutantur subiectae, leuiterq. eminentes. Nasus ita locatus est, ut, quasi murus, oculis interiectus esse uideatur. Auditus autem semper patet. eius enim sensu etiam dormientes egemus. a quo cum sonus est acceptus, etiam e somno excitamur. flexuosum iter habet, ne quid intrare possit, si simplex & directum pateret. prouisum etiam, ut, si qua minima bestiola conaretur irrumperere, in sordibus aurium, tamquam in uisco, inhaeresceret. Extra autem eminent, quae appellantur aures, & tegendi causa factae, tutandiq. sensus; & ne adiectae uoces laberentur, atque errarent, prius quam sensus ab his pulsus esset. sed duros, & quasi corneolos habent introitus, multisque cum flexibus; quod his naturis relatus amplificatur sonus. quocirca & in fidibus testudine resonatur, aut cornu: & extortuosis locis, & inclusis referuntur ampliores. Similiter nares, quae semper propter necessarias utilitates patent, contrastrictiores habent introitus, ne quid

quid in eas, quod noceat, possit peruadere: humoremq. semper habent ad puluerem multa. alia repellenda non inutilem. Gustatus praeclare septus est: ore enim continetur, & ad usum apte, & ad incolumitatis custodiam. omnisq. sensus hominum multo antecellit sensibus bestiarum. Primum enim oculi in ijs artibus, quarum iudicium est oculorum, in pictis, fictis, caelatisq. formis, in corporum etiam motione, atque gestu multa cernunt subtilius: colorum etiam, & figurarum uenustatem, atque ordinem, & ut ita dicam, decentiam oculi iudicant. atque etiam alia maiora. nam & uirtutes, & uitia cognoscunt; iratum, propitium; laetantem, dolentem; fortem, ignauium; audacem, timidumq. cognoscunt. Aurium item est admirabile quoddam artificiosumq. iudicium, quo iudicatur & in uocis, & in tibiarum, neruorumq. cantibus uarietas sonorum, interualla, distinctio, & uocis genera permulta, canorum, fuscum; leue, asperum; graue, acutum; flexibile, durum; quae hominum solum auribus iudicantur. Nariumq. item, & gustandi pariter, & tangendi magna iudicia sunt. Ad quos sensus capiendos, & perfruendos plures etiam, quam uellem, artes repertae sunt. perspicuum est enim, quo compositionem unguentorum, quo ciborum conditiones, quo corporum lenocinia processerint. Iam uero animum ipsum, mentemq. hominis, rationem, consilium, prudentiam, qui non diuina cura perfecta esse perspicit, is his ipsis rebus
mihi

DE NATURA DEORVM

mibi uidetur carere . de quo dum disputarem , tuam
mibi dari uelim , Cotta , eloquentiam . quo enim tu
illa modo diceres ? quanta primum intelligentia ,
deinde consequentium rerum cum primis coniun-
ctio , & comprehensio esset in nobis : ex quo uideli-
cet , quid ex quibusque rebus efficiatur , idq. ratio-
ne , concludimus : singulasq. res definimus , circum-
scriptaq. complectimur : ex quo , scientia , intelli-
gitur , quam uim habeat , qualis sit : qua ne in deo
quidem est res ulla praestantior . Quanta uero illa
sunt , quae uos Academici infirmatis , & tollitis ;
quod & sensibus , & animo ea , quae extra sunt ,
percipimus , atque comprehendimus . ex quibus col-
latis inter se , et comparatis artes quoque efficimus ,
partim ad usum uitae , partim ad oblectationem ne-
cessarias . Iam uero domina rerum , ut uos soletis
dicere , eloquendi uis quam est praeclara , quamq.
diuina ? quae primum efficit , ut ea , quae ignoramus ,
discere , & ea , quae scimus , alios docere possimus .
deinde hac cohortamur ; hac persuademus ; hac con-
solamur afflictos ; hac deducimus perterritos a timo-
re ; hac gestientes comprimimus ; hac cupiditates ,
iracundiasq. restringimus . haec nos iuris , legum ,
urbium societate deuinxit : haec a uita immani , &
fera segregauit . Ad usum autem orationis , incre-
dibile est , nisi diligenter attenderis , quanta opera
machinata natura sit . primum enim a pulmonibus
arteria usque ad os intimum pertinet : per quam
uox principium a mente ducens , percipitur , & fun-
ditur .

ditur. deinde in ore sita lingua est, finita dentibus, ea uocem immoderate profusam fingit, et terminat: quae sonos uocis distinctos & pressos efficit, cum et ad dentes, & ad alias partes pellit oris. itaque plerique similem linguam nostri solent dicere, chordarum dentes, nares cornibus ijs, qui ad nervos resonant in cantibus. Quam uero aptas, quamque multarum artium ministras manus natura homini dedit? digitorum contractio facilis, facilisque porrectio, propter molles commissuras, & artus, nullo in motu laborat. itaque ad pingendum, ad fingendum, ad sculpendum, ad nervorum eliciendos sonos, ac tibiatarum apta manus est ad motionem digitorum. Atque haec oblectationis, illa necessitatis cultus dico agrorum, extructionesque tectorum, tegumenta corporum uel texta, uel suta, omnemque fabricam aeris, & ferri. ex quo intelligitur, adinuenta animo, percepta sensibus, adhibitis opificum manibus omnia nos consecutos, ut tecti, ut uestiti, ut salui esse possemus, urbes, muros, domicilia, delubra haberemus. Iam uero operibus hominum, id est manibus, cibi etiam uarietas inuenitur, & copia. nam & agri multa ferunt manu quaesita, quae uel statim consumantur, uel marentur condita uetustati: & praeterea uescimur bestiis & terrenis, & aquatilibus, & uolatilibus, partim capiando, partim alendo. Efficiamus etiam domitu nostro quadrupedum uectiones: quorum celeritas, atque uis nobis ipsis affert uim, & celeritatem. nos

I onera

DE NATURA DEORVM

onera quibusdam bestijs, nos iuga imponimus: nos elephantorum acutissimis sensibus, nos sagacitate canum ad utilitatem nostram abutimur: nos e terrae cauernis ferrum elicimus, rem ad colendos agros necessariam: nos aeris, argenti, auri uenas, penitus abditas, inuenimus, & ad usum aptas, & ad ornatum decoras: arborum autem confectione, omniq. materia, & culta, & siluestri, partim ad calefaciendum corpus igni adhibita, & ad mitigandum cibum utimur, partim ad aedificandum, ut tellis septi frigora, caloresq. pellamus. magnos uero usus affert ad nauigia facienda: quorum cursibus suppeditantur omnes undique ad uitā copiae: quasq. res uiolentissimas natura genuit, earum moderationem nos soli habemus, maris, atque uentorum, propter nauticarum rerum scientiam: plurimisq. maritimis rebus fruimur, atque utimur. Terrenorum item commodorum omnis est in homine dominatus. nos campis, nos montibus fruimur: nostri sunt amnes, nostri lacus: nos fruges serimus, nos arbores: nos aquarum inductionibus terris fecunditatem damus: nos flumina arcemus, dirigimus, auertimus: nostris denique manibus in rerum natura quasi alteram naturam efficere conamur. Quid uero? hominum ratio non in caelum usque penetrauit? soli enim ex animantibus nos astrorum ortus, obitus, cursusq. cognouimus: ab hominum genere finitus est dies, mensis, annus: defectiones solis & lunae cognitae, praedictaeq. in omne posterū tempus, quae,

quae, quantae, quando futurae sint. quae contuens animus, accipit ab his cognitionem deorum, ex qua oritur pietas: cui coniuncta iustitia est, reliquaeque uirtutes: ex quibus uita beata existit, par & similis deorum, nulla re, nisi immortalitate, quae nihil ad bene uiuendum pertinet, cedens caelestibus.

Quibus rebus expositis, satis docuisse uideor, hominis natura quanto omnes anteiret animantes. ex quo debet intelligi, nec figuram, situmque membrorum, nec ingenij mentisque uim talem effici potuisse fortuna. Restat, ut doceam, atque aliquando per orem, omnia, quae sint in hoc mundo, quibus utatur homines, hominum causa facta esse, & parata. Principio ipse mundus deorum hominumque causa factus est: quaeque in eo sunt omnia, ea parata ad fructum hominum, & inuenta sunt. est enim mundus quasi communis deorum atque hominum domus, aut urbs utrorumque. soli enim ratione utentes, iure, ac lege uiuunt. Ut igitur, Athenas, & Lacedaemonem, Atheniensium, Lacedaemoniorumque causa, putandum est, conditas esse; omniaque, quae sint in his urbibus, eorum populorum recte esse dicuntur: sic, quaecumque sunt in omni mundo, deorum, atque hominum putanda sunt. Iam uero circuitus solis, & lunae, reliquorumque siderum, quamquam etiam ad mundi cohaerentiam pertinent, tamen & spectaculum hominibus praebent. nulla est enim insatiabilior species, nulla pulchrior, & ad rationem solertiamque praestantior. eorum

I 2 enim

DE NATURA DEORVM

enim cursus demetiti, maturitates temporum, & uarietates, mutationesq. cognouimus. quae si hominibus solis nota sunt, hominum causa facta esse iudicanda sunt. Terra uero, feta frugibus, & uario leguminum genere, quae maxima largitate fundit, ea ferarum ne, an hominum causa gignere uidetur? Quid de uitis, oliuetisque dicam? quarum uberrimi lactissimiq. fructus nihil omnino ad bestias pertinent. neque enim ferendi, neque colendi, nec tempestiue demetendi percipiendiq. fructus, neque condendi, ac reponendi ulla pecudum scientia est: earumq. omnium rerum hominum est & usus, & cura. ut fides igitur, & tribus eorum causa factas dicendum est, qui illis uti possunt: sic ea, quae diximus, solis ijs confitendum est esse parata, qui utuntur. nec, si quae bestiae furantur aliquid ex his, aut rapiunt, illarum quoque causa ea nata esse dicemus. neque enim homines murum, aut formicarum causa frumentum condunt, sed coniugum, & liberorum, & familiarum suarum. itaque bestiae furtim, ut dixi, fruuntur, domini palam, & libere. hominum igitur causa eas rerum copias comparatas, fatendum est. Nisi forte tanta ubertas, & uarietas pomorum, eorumq. iucundus non gustus solum, sed odoratus etiam, & aspectus dubitationem affert, quin hominibus solis ea natura donauerit. tantumq. abest, ut haec bestiarum etiam causa parata sint, ut ipsas bestias hominum gratia generatas esse uideamus. Quid enim oues aliud afferunt,

afferunt, nisi ut earum uillis confectis, atque contextis homines uestiantur? quae quidem neque ali, neque sustentari, neque ullum fructum edere ex se sine cultu hominum, & curatione potuissent. Canum uero tam fida custodia, tamq. amans dominorum adulatio, tantumq. odium in externos, & tam incredibilis ad inuestigandum sagacitas narium, tanta alacritas in uenando quid significat aliud, nisi se ad hominum commoditates esse generatos? Quid de bobus loquar? quorum ipsa terga declarant, non esse se ad onus accipiendum figurata: cernices autem natae ad iugum: tum uires buumerorum, & latitudines ad aratra extrahenda: quibus cum terrae subigerentur fissione glebarum, ab illo aureo genere, ut poetae loquuntur, uis numquam ulla afferebatur.

Ferrea tum uero proles exorta repente est,
 Ausaq. funestum prima est fabricauerit ense,
 Et gustare manu uictum domitumq. iuuentum.
 tanta putabatur utilis percipi ex bobus, ut eorum uisceribus uesci scelus haberetur. Longum est mulorum persequi utilitates, et asinorum: quae certe ad hominum usum paratae sunt. Sus uero quid habet praeter escam? cui quidem, ne putresceret, animam ipsam pro sale datam dicit esse Chrysippus. qua pecude, quod erat ad uescendum hominibus apta, nihil genuit natura fecundius, Quid multitudinem, suauitatemq. piscium dicam? quid animum? ex quibus tanta percipitur uoluptas, ut in-

DE NATURA DEORVM

terdum πρόνοια nostra Epicurea fuisse uideatur. atque hae ne caperentur quidem, nisi hominum ratione, atque solertia. quamquam aues quasdam, & alites, & oscines, ut nostri augures appellant, rerum augurandarum causa esse natas putemus. Iam uero immanes & feras beluas nanciscimur uenando, ut & uescamur ijs, & exerceamur in uenando ad similitudinem bellicae disciplinae; & utamur domitis, & condocesactis, ut elephantis; multaq. ex earum corporibus remedia morbis, & uulneribus, eligamus, sicut ex quibusdam stirpibus, & herbis, quarum utilitates longinqui temporis usu, & periclitatione percepimus. Totam licet animis, tamquam oculis, lustrare terram, mariaq. omnia cernere, & spatia frugifera atque immensa camporum, uestitusq. densissimos montium, pecudum pastus, tam incredibili cursus maritimos celeritate. Nec uero tantum supra terram, sed etiam in intimis eius tenebris plurimarum rerum latet utilitas; quae ad usum hominum orta, ab hominibus solis inuenitur. Illud uero, quod uterque uestrum fortasse arripiet ad reprehendendum; Cotta, quia Carneades libenter in Stoicos inuehebatur; Velleius, quia nihil tam irridet Epicurus, quam praedictionem rerum futurarum; mihi uidetur uel maxime confirmare, deorum prouidentia consuli rebus humanis. est enim profecto diuinatio, quae multis locis, rebus, temporibus apparet, tum in priuatis, tum maxime in publicis. multa cernunt haruspices: multa augures
provi-

prouident : multa oraculis declarantur, multa uaticinationibus, multa somnijs, multa portentis : quibus cognitis, multae saepe res hominum sententia atque utilitate partae, multa etiam pericula depulsa sunt. Haec igitur siue uis, siue ars, siue natura, ad scientiam rerum futurarum homini profecto est, nec ab alio alicui, quam a dijs immortalibus, data. quae si singula nos forte non mouent, uniuersa certe inter se connexa, atque coniuncta mouere debent. Nec uero uniuerso generi hominum solum, sed etiam singulis a dijs immortalibus consuli, & prouideri solet. licet enim contrahere uniuersitatē generis humani, eamq. gradatim ad pauciores, postremo deducere ad singulos. nam si omnibus hominibus, qui ubique sunt, quacumque in ora, ac parte terrarum ab huiusce terrae, quam nos incolimus, continuatione distantium, deos consulere censemus ob eas causas, quas ante diximus: his quoque hominibus consulunt, qui has nobiscum terras ab oriente ad occidentem colunt. sin autem his consulunt, qui quasi magnam quādam insulam incolunt, quam nos orbem terrae uocamus: etiam illis consulūt, qui partes eius insulae tenent, Europam, Asiam, Africam. ergo & earum partes diligunt, ut Romam, Athenas, Spartam, Rhodum: & earum urbium separatim ab uniuersis singulos diligunt, ut Pyrrhi bello Curium, Fabricium, Coruncanium; primo Punico Calatinum, Duilium, Metellum, Lutatium; secundo Maximum, Marcellum, Africa-

DE NATURA DEORVM

num; post hos Paullum, Gracchum, Catonem,
patrum ue memoria Scipionem, Laelium: multosq;
praeterea & nostra ciuitas, & Graecia tulit singi-
lares uiros: quorum neminem, nisi iuuante deo, ta-
lem fuisse credendum est. quae ratio poetas, maxi-
meq. Homerum impulit, ut principibus heroum,
Ulyssi, Diomedi, Agamemmoni, Achilli, certos
deos discriminum, & periculorum comites adiun-
geret. Praeterea ipsoru deorum saepe praesentiae,
quales supra commemorauimus, declarant, ab his &
ciuitatibus, & singulis hominibus consuli. quod
quidem intelligitur etiam significationibus rerum
futurarum, quae tum dormientibus, tum uigilanti-
bus portenduntur. Multa praeterea ostentis, multa
extis admonemur, multisq. rebus alijs: quas diu-
turnus usus ita notauit, ut artem diuinationis effice-
ret. nemo igitur uir magnus sine aliquo afflatu diui-
no unquam fuit. Nec uero ita refellendum est, ut,
si segetibus aut uinetis cuiuspiam tempestas nocue-
rit, aut si quid e uitae commodis casus abstulerit,
eum, cui quid horum acciderit, aut inuisum deo,
aut neglectum a deo iudicemus. magna dij curant,
parua negligunt. magnis autem uiris prosperae sem-
per omnes res: siquidem satis a nostris, & a
principe philosophorum Socrate dictum est de uber-
tatibus uirtutis, & copijs. Haec mihi fere in men-
tem ueniebant, quae dicenda putarem de natura
deorum. tu autem, Cotta, si me audias, eandem
causam agas; teq. & principem ciuem putes, &
pon-

pontificem esse cogites; & , quoniam in utramque
partem nobis licet disputare, hanc potius sumas;
eamque facultatem differendi, quam tibi, a rhetori-
cis exercitationibus acceptam, amplificavit Acade-
mia, huc potius conferas. mala enim, & impia con-
suetudo est contra deos disputandi, siue ex animo
id sit, siue simulate.

M. TVLLII

M. TVLLII CICERONIS
DE NATVRA DEORVM

LIBER III.

QVAE cum Balbus dixisset, tum arri-
dens Cotta, sero, inquit, mihi Balbe
praecipis, quid defendam. ego enim,
te disputante, quid contra dicerem, me-
cum ipse meditabar, neque tam refellendi tui caus-
sa, quam ea, quae minus intelligebam, requirendi.
cum autem suo cuique iudicio sit utendum; difficile
factu est, me id sentire, quod tu uelis. Hic Velle-
ius, nescis, inquit, quanta cum expectatione, Cot-
ta, sim te auditurus. incundus enim Balbo nostro
sermo tuus contra Epicurum fuit. praebeo igitur
me tibi uicissim attentum cōtra Stoicos auditorem.
spero enim te, ut soles, bene paratum uenire. Tum
Cotta, si mehercule, inquit, Vellei. neque enim *
mihi par ratio cum Lucilio est, ac tecum fuit. Qui
tandem, inquit ille? Quia mihi uidetur Epicurus
uester de dijs immortalibus non magnopere pugna-
re. tantum modo negare deos esse non audet, ne
quid inuidiae subeat, aut criminis. cum uero deos ni-
hil agere, nihil curare confirmat, membrisq. huma-
nis esse praeditos, sed eorum membrorum usum nul-
lum habere: ludere uidetur, satisq. putare, si di-
xerit, esse quandam beatam naturam, et aeternam.
A Balbo autem, animaduertisti, credo, quam mul-

ta

ta dicta sint, quamque, etiam si minus uera, tam-
men apta inter se, & cohaerentia. itaque cogito, ut
dixi, non tam refellere eius orationem, quam ea,
quae minus intellexi, requirere. quare, Balbe, tibi
permitto, respondere ne mihi malis de singulis re-
bus quaerenti ex te ea, quae parum accepi, an uni-
uersam audire orationem meam. Tum Balbus, ego
uero, si quid explanari tibi uoles, respondere malo:
sin me interrogare, non tam intelligendi causa,
quam refellendi; utrum uoles, faciam; uel ad sin-
gula, quae requires, statim respondebo; uel, cum
peroraris, ad omnia. Tum Cotta, optime, in-
quit. quamobrem sic agamus, ut nos ipsa ducit ora-
tio. sed ante quam de re, pauca de me. Non enim
mediocriter moueor auctoritate tua, Balbe, ora-
tioneq. ea, quae me in perorando cohortabatur, ut
meminissem, me & Cottam esse, & pontificem.
quod eo, credo, ualebat, ut opiniones, quas a maio-
ribus accepimus de dijs immortalibus, sacra, cae-
remonias, religionesq. defenderem. ego uero eas
defendā, semperq. defendi: nec me ex ea opinione,
quam a maioribus accepi de cultu deorum immor-
talium, ullius umquam oratio aut docti, aut indocti
mouebit. sed cum de religione agitur, Ti. Corun-
canium, P. Scipionem, P. Scaeuolam, pontifices
maximos, non Zenonem, aut Cleanthem, aut Chry-
sippum sequor; habeoq. C. Laelium augurem, eun-
dem sapientem, quem potius audiam de religione
dicentem in illa oratione nobili, quam quemquam
princi-

DE NATURA DEORVM

principem Stoicorum . cumq. omnis populi R. religio in sacra , & in auspicia diuisa sit , tertium adiunctum sit , si quid praedictionis causa ex portentis , & monstris Sybillae interpretes , auspices uemonuerunt : harum ego religionum nullam umquam contemnendam putauit ; mihiq. ita persuasi , Romulum auspicijs , Numam sacris constitutis fundamenta iecisse nostrae ciuitatis : quae nunquam profecto sine summa placatione deorum immortalium tanta esse potuisset . Habes , Balbe , quid Cotta , quid pontifex sentiat . fac nunc ergo intelligam , tu quid sentias . a te enim philosopho rationem accipere debeo religionis , maioribus autem nostris , etiam nulla ratione reddita , reddere . Tum Balbus , quam igitur a me rationem , inquit , Cotta desideras ? Et ille , quadripartita , inquit , fuit diuisio tua : primum , ut uelles docere deos esse : deinde , quales essent : tum , ab his mundum regi : postremo , consulere eos rebus humanis . haec , si recte memini , partitio fuit . Rectissime , inquit Balbus : sed expecto , quid requiras . Tum Cotta , primum quid uideamus , inquit . etsi id est primum , quod inter omnes , nisi admodum impios , conuenit , mihi quidem ex animo exuri non potest , esse deos . id tamen ipsum , quod mihi persuasum est , esse deos auctoritate maiorum , cur ita sit , nihil tu me doces . Quid est , inquit Balbus , si tibi persuasum est , cur a me uelis discere ? Tum Cotta , quia sic aggredior , inquit , ad hanc disputationem , quasi nihil umquam

umquam audierim de dijs immortalibus, nihil cogi-
tauerim: rudem me discipulum et integrum accipe,
& ea, quae requiro, doce. Dic igitur, quid requi-
ras. Ego ne? primum illud, cur, quod perspicuum
in istam partem, ne ege, e quidem oratione dixisses,
quod esset conspicuum, & inter omnes constaret,
de eo ipso tam multa dixeris. Quia te quoque, in-
quit, animaduerti, Cotta, saepe, cum in foro dice-
res, quam plurimis posses argumentis onerare iudi-
cem, si modo eam facultatem tibi daret caussa. at-
que hoc idem & philosophi faciunt, & ego, ut po-
tui, feci. tu autem, qui id quaeris, similiter facis,
ac si me roges, cur te duobus contuear oculis, &
non altero tantum, cum idem uno assequi possim.
Tum Cotta, quam simile istud sit, inquit, tu uide-
ris. nam ego neque in caussis, si quid est euidens,
de quo inter omnes conueniat, argumentari soleo;
perspicuitas enim argumentatione eleuatur: nec, si
id facerem in caussis forensibus, idem facerem in hac
subtilitate sermonis. Cur contuereris autem altero
oculo, caussa non esset; cum idem obtutus esset am-
borum, & cum rerum natura, quam tu sapientem
esse uis, duo lumina ab animo ad oculos perforata
nos habere uoluisset. sed quia non confidebas, tam
esse id perspicuum, quam tu uelis; propterea mul-
tis argumentis, deos esse, docere uoluisti. mihi enim
unum satis erat, ita nobis maiores nostros tradidisse.
sed tu auctoritates omnes contemnis, ratione pu-
gnas. patere igitur, rationem meam cum tua ra-
tio-

tione contendere. *Affers haec omnia argumenta, cur dii sint: remq. mea sententia minime dubiam, argumentando dubiam facis. mandavi enim memoriae non numerum solum, sed etiam ordinem argumentorum tuorum. Primum fuit, cum caelum suspexissemus, statim nos intelligere, esse aliquod numen, quo haec regantur. ex hoc illud etiam,*

31:

Aspice hoc sublime candens, quem uocant omnes Iouem.

quasi uero quisquam nostrum, istum potius, quam Capitolinum, Iouem appellet; aut hoc perspicuum sit, constetq. inter omnes, eos esse deos, quos tibi Velleius, multiq. praeterea ne animantes quidem esse concedant. Graue etiam argumentum tibi uidebatur, quod opinio de dijs immortalibus & omnium esset, et quotidie cresceret. placet igitur, tantas res opinione stultorum iudicari, uobis praesertim, qui illos insanos esse dicatis? At enim praesentes uidemus deos, ut apud Regillum Postumius, in Salaria Vatienu, nescio quid etiam de Locrorum apud Sagram proelio. quos igitur tu Tyndaridas appellabas, id est homines, homine natos; et quos Homerus, qui recens ab illorum aetate fuit, sepultos esse dicit Lacedaemone; eos tu canterijs albis, nullis calonibus, obuiam Vatienu uenisse existimas, & uictoriam populi R. Vatienu potius, homini rustico, quam M. Catoni, qui tum erat princeps, nunciassisse? ergo & illud in sic lice, quod hodie apparet apud Regillum, tamquam uestigium ungulae Castoris

storis equi credis esse? non ne maus illud credere,
 quod probari potest, animos praeclarorum homi-
 num, quales isti Tyndaridae fuerunt, diuinos esse,
 & aeternos, quam eos, qui semel cremati essent,
 equitare, & in acie pugnare potuisse? aut, si hoc
 fieri potuisse dicis, doceas, oportet, quo modo; nec
 fabellas aniles proferas. Tum Lucilius, antibi, in-
 quit, fabellae uidentur? non ne ab A. Postumio ae-
 dem Castori & Polluci in foro dedicatam, non ne
 S. C. de Vatierno uides? nam de Sagra, Graecorum
 etiam est uulgare prouerbum: qui, quae affirmant,
 certiora esse dicunt, quam illa, quae apud Sagram.
 his igitur auctoribus non ne debes moueri? Tum
 Coita, rumoribus, inquit, mecum pugnas, Balbe:
 ego autem ate rationes requiro. * Sequun-
 tur, quae futura sunt. effugere enim nemo id po-
 test, quod futurum est. saepe autem ne utile est qui-
 dem scire, quid futurum sit. miserum est enim, ni-
 hil proficientem angi, nec habere ne spei quidem ex-
 tremum, & tamen commune, solatium; praefer-
 tim cum uos uidem fatis fieri dicatis omnia; quod au-
 tem semper ex omni aeternitate uerum fuerit, id es-
 se fatum. Quid igitur iuuat, aut quid affert ad ca-
 uendum, scire aliquid futurum, cum id certe futu-
 rum sit? Vnde porro ista diuinitio? quis inuenit fis-
 sum iecoris? quis cornicis cantum notauit? quis for-
 tes? quibus ego credo; nec possum Attij Nauij,
 quem commemorabas, lituum contemnere: sed, qui
 ista intellecta sunt, a philosophis debeo discere; prae-
 fertim

fertim cum isti plurimis de rebus diuinis mentian-
 tur. At medici quoque (ita enim dicebas) saepe sal-
 luntur. quid simile medicina, cuius ego rationem ui-
 deo, & diuinitio, quae inde oriatur, non intelligo?
 Tu autem etiam Deciorum deuotionibus placatos
 deos esse censes. quae fuit eorum tanta iniquitas, ut
 placari populo R. non possent, nisi uiri tales occidis-
 sent? consilium illud imperatorum fuit, quod Graeci
 σπάρτην αἰμα appellabant; sed eorum imperatorum,
 qui patriae consulerent, uitae non parcerent. reban-
 tur enim fore, ut exercitus imperatorem, equo in-
 citato se in hostes immittentem, persequeretur: id
 quod euenit. Nam Fauni uocem equidem num-
 quam audiui. tibi, si audiuisse te dicis, credam.
 & si, Faunus omnino quid scit, nescio. Non igitur
 adhuc, quantum quidem in te Balbe est, intelligo
 deos esse: quos equidem credo esse, sed nihil docent
 Stoici. nam Cleanthes, ut dicebas, quattuor modis
 formatas in animis hominum putat deorum esse no-
 tiones. unus is modus est, de quo satis dixi, qui est
 susceptus ex praesensione rerum futurarum: alter
 ex perturbationibus tempestatum, & reliquis mo-
 tibus: tertius ex commoditate rerum, quas percipi-
 mus, & copia: quartus ex astrorum ordine, caeliq.
 constantia. de praesensionibus diximus. de perturba-
 tionibus caelestibus, & maritimis, & terrenis, non
 possumus dicere, cum ea fiant, non esse multos,
 qui ea metuant, & a dijs immortalibus fieri existi-
 ment. sed non id quaeritur, sint ne aliqui, qui deos
 esse

esse putent: dii utrum sint, nec ne sint, quaeritur. Nam reliquae causae, quas Cleanthes affert; quarum una est de commodorum, quae capimus, copia, altera de temporum ordine, caeliq. constantia; tum tractabuntur a nobis, cum de providentia deorum disputabimus; de qua plurima a te, Balbe, dicta sunt. eodemq. illa etiam differemus; quod Chrysippum dicere aiebas; quoniam esset aliquid in rerum natura, quod ab homine effici non posset, esse homine aliquid melius: quaeq. in domo pulchra cum pulchritudine mundi comparabas; & cum totius mundi convenientiam consensumq. afferebas; Zenonisq. breves, & acutulas conclusiones in eam partem sermonis, quam modo dixi, differemus: eodemq. tempore illa omnia, quae a te physice dicta sunt de uiginea, deq. eo calore, ex quo omnia generari dicebas, loco suo quaerentur: omniaque, quae a te nudius dicta sunt, cum docere uelles deos esse, quare & mundus uniuersus, & Sol, & Luna, & stellae sensum ac mentem haberent, in idem tempus referuabo. a te autem illud etiam atque etiam quaeram, quibus rationibus tibi persuadeas, deos esse. Tum Balbus, equidem attulisse rationes mihi uideor: sed eas tu ita refellis, ut, cum me interrogaturus esse uideare, & ego me ad respondendum compararim, repente auertas orationem, nec des respondendi locum. itaque maximae res tacitae praeterierunt, de diuinatione, de fato: quibus de quaestionibus tu quidem strictim, nostri autem multa solent dicere: sed

K ab

DE NATURA DEORVM

ab hac quaestione, quae nunc in manibus est, separantur. quare, si uidetur, noli agere confuse; ut hoc explicemus hac disputatione, quod quaeritur. Optime, inquit Cotta. itaque, quoniam quattuor in partes totam quaestionem diuisisti, de primaque diximus, consideremus secundam. quae mihi talis uidetur fuisse, ut, cum ostendere uelles, quales dii essent, ostenderes nullos esse. a consuetudine enim oculorum animum abducere difficillimum dicebas: sed, cum deo nihil praestantius esset, non dubitabas quin mundus esset deus; quod nihil in rerum natura melius esset; modo possemus eum animantem cogitare, uel potius, ut cetera oculis, sic animo hoc cernere. sed, cum mundo negas quidquam esse melius, quid dicis melius? si pulchrius, assentior; si aptius ad utilitates nostras, id quoque assentior: sin autem id dicis, nihil esse mundo sapientius; nullo modo prorsus assentior: non quod difficile sit mentem ab oculis senocare: sed quo magis senoco, eo minus id, quod tu uis, possum mente comprehendere. Nihil est mundo melius in rerum natura. ne in terris quidem urbe nostra: num igitur iccirco in urbe esse rationem, cogitationem, mentem putas? aut, quoniam non sit, num iccirco existimas formicam anteponendam esse huic pulcherrimae urbi, quod in urbe sensus sit nullus in formica non modo sensus, sed etiam mens, ratio, memoria? Videre oportet, Balbe, quid tibi concedatur, non te ipsum, quod uelis, sumere. istum enim locum totum illa uetus Zenonis breuis,

☞,

Et, ut tibi uidebatur, acuta conclusio dilatauit. Zenon enim ita concludit. Quod ratione utitur, melius est, quam id, quod ratione non utitur. nihil autem mundo melius: ratione igitur mundus utitur. Hoc si placet, iam efficies, ut mundus optime librum legere uideatur. Zenonis enim uestigijs hoc modo rationem poteris concludere. Quod litteratum est, id est melius, quam quod non est litteratum. nihil autem mundo melius: litteratus igitur est mundus. isto modo etiam disertus, & quidem mathematicus, musicus, omni denique doctrina eruditus, postremo philosophus erit mundus. Saepe dixi, nihil fieri sine deo, nec ullam uim esse naturae, ut sui dissimilia posset effingere. concedam, non modo animantem, & sapientem esse mundum, sed fidicinem etiam, & tibicinem: quoniam earum quoque artium homines ex eo procreantur. nihil igitur affert pater istis Stoicorum, quare mundum ratione uti putemus, nec cur animantem quidem esse. non est igitur mundus deus: & tamen nihil est eo melius. nihil est enim eo pulchrius, nihil salutaris, nihil ornatius aspectu, motuq. constantius. quod si mundus uniuersus non est deus; ne stellae quidem, quas tu innumerabiles in deorum numero reponebas. quarum te cursus aequabiles, aeterniq. delectabant: nec mehercule iniuria: sunt enim admirabili, incredibiliq. constantia. sed non omnia, Balbe, quae cursus certos, & constantes habent, ea deo potius, quam naturae, tribuenda sunt. quid Chalcidico Euripo in mo

K 2 tu,

DE NATURA DEORVM

tu identidem reciprocando putas fieri posse constantius ? quid freto Siciliensi ? quid Oceani feruore illis in locis,

Europam Libyamq. rapax ubi diuidit unda ?

quid aestus maritimi uel Hispanienses, uel Britanici, eorumq. certis temporibus uel accessus, uel recessus sine deo fieri non ne possunt ? uide, quaeso, si omnis motus, omniaque, quae certis temporibus ordinem suum conseruant, diuina dicimus; ne tertianas quidem febres, & quartanas diuinas esse dicendum sit; quarum reuersione, & motu quid potest esse constantius ? sed omnium talium rerum ratio reddenda est. quod uos cum facere non potestis; tamquam in aram, confugitis ad deum. Et Chrysippus tibi acute dicere uiuebatur, homo sine dubio uersutus, & callidus. uersutos eos appello, quorum celeriter mens uersatur: callidos autem, quorum; tamquam manus opere, sic animus usu concalluit. is igitur, si aliquid est, inquit, quod homo efficere non possit; qui id effecit, melior est homine. homo autem haec, quae in mundo sunt, efficere non potest, qui potuit igitur, is praestat homini. homini autem praestare quis possit, nisi deus ? est igitur deus. Haec omnia in eodem, quo illa Zenonis, errore uersantur. quid enim sit melius, quid praestabilius, quid inter naturam, & rationem intersit, non distinguitur. Idemque, si dei non sint, negat esse in omni natura quidquam homine melius: id autem putare quæquam hominem, nihil homine esse melius, summae

mae arrogantiae censet esse. Sit sane arrogantis, pluris se putare, quam mundum. at illud non modo non arrogantis, sed potius prudentis, intelligere se habere sensum, & rationem, & orationem, haec eadem & caniculam non habere. Et si domus pluchrasit, intelligamus eam dominis, inquit, aedificatam esse, non muribus. sic igitur mundum deorum domum existimare debemus. Ita prorsus existimarem, si illum aedificatum, non, quemadmodum docebo, a natura conformatum putarem. At enim quaerit apud Xenophontem Socrates, unde animam arripuerimus, si nulla fuerit in mundo. Et ego quaero, unde orationem, unde numeros, unde cantus. nisi uero loqui Solem cum Luna putamus, cum propius accesserit; aut ad harmaniam canere mundum, ut Pythagoras existimat. naturae ista sunt, Balbe, naturae non artificiose ambulantis, ut ait Zeno; quod quidem quale sit, iam uidebimus; sed omnia cientis, & agitantis motibus, & mutationibus suis. itaque illa mihi placebat oratio de conuenientia, consensuque naturae, quam quasi cognitione continuatam conspirare dicebas. illud non probabam, quod negabas id accidere potuisse, nisi ea uno diuino spiritu contineretur. illa uero cohaeret, & permanet naturae uiribus, non deorum: estque in ea iste quasi consensus, quam συμπάθεια Graeci uocant. sed ea, quo sua sponte maior est, eo minus diuina ratione fieri existimanda est. Illa autem, quae Carneades afferebat, quemadmodum dissoluitis? si nullum corpus im-

K 3 mortale

DE NATURA DEORVM

mortale sit, nullum esse corpus sempiternū: corpus autē immortale nullum esse, ne indiuiduū quidem, nec quod dirimi, distrabiq. non possit: cumq. omne animal patibilem naturam habeat, nullum est eorum, quod effugiat accipiendi aliquid extrinsecus, id est quasi ferendi & patiendi, necessitatem. et si omne animal mortale est; nullum est immortale. et si omne animal secari ac diuidi potest; nullum est eorum indiuiduum, nullum aeternum. atqui omne animal ad accipiendam uim externam, & ferendam paratum est: mortale igitur omne animal, & dissolubile, & diuiduum sit necesse est. ut enim, si omnis cera commutabilis esset, nihil esset cereum, quod commutari non posset; item nihil argenteum, nihil aeneum, si commutabilis esset natura argenti, & aeris: similiter igitur, si omnia, quae sunt, e quibus cuncta constant, mutabilia sunt, nullum corpus esse potest non mutabile. mutabilia autem sunt illa, ex quibus omnia constant, ut uobis uidetur: omne igitur corpus mutabile est. at si esset corpus aliquod immortale, non esset omne mutabile. ita efficitur, ut omne corpus mortale sit. etenim omne corpus aut aqua, aut aer, aut ignis, aut terra est, aut id, quod est concretum ex his, aut ex aliqua parte eorum: horum autem nihil est, quod non intereat. nam & terrenum omne diuiditur: et humor ita mollis est, ut facile comprimi, collidiq. possit: ignis uero, & aer omni impulsu facillime pellitur, naturaq. cedens est maxime, & dissipabilis

bilis . praeterea omnia haec tum intereunt , tum in naturam aliam conuertuntur : quod fit , cum terra in aquam se uertit , & cum ex aqua oritur aer , & cum ex aere aether , cumq. eadē uicissim retro com-
meant . quod si ea intereunt , ex quibus constat omne animal : nullum est animal sempiternum . Et , ut haec omittamus , tamen animal nullum inueniri potest , quod neque natum umquam sit , & semper sit futurum . omne enim animal sensus habet : sentit igitur & calida , & frigida , & dulcia , & amara , nec potest ullo sensu iucunda accipere , & non accipere contraria . si igitur uoluptatis sensum capit , doloris etiam capit : quod autem dolorem accipit , id accipiat etiam interitum necesse est : omne igitur animal , confitendum est , esse mortale . Praeterea , si quid est , quod nec uoluptatem sentiat , nec dolorem , id animal esse non potest . sin autem , quod animal est , id illa , necesse est , sentiat : & quod ea sentiat , non potest esse aeternum : & omne animal sentit : nullum igitur animal est aeternum . Praeterea nullum potest esse animal , in quo non & appetitio sit , & declinatio naturalis . appetuntur autem , quae secundum naturam sunt ; declinantur contraria : & omne animal appetit quaedam , & fugit a quibusdam . quod autem refugit , id contra naturam est : & quod est contra naturam , id habet uim interimendi : omne ergo animal intereat necesse est . Innumerabilia sunt , ex quibus effici , cogiq. possit , nihil esse , quod sensum habeat , quin id intereat . et-

K 4 enim

DE NATURA DEORVM

enim ea ipsa, quae sentiuntur, ut frigus, ut calor, ut uoluptas, ut dolor, ut cetera, cum amplificata sunt, interimunt: nec ullum animal est sine sensu: nullum igitur animal est aeternum. etenim aut simplex est natura animantis, ut uel terrena sit, uel ignea, uel animalis, uel humida; quod quale sit, ne intelligi quidem potest: aut concreta ex pluribus naturis, quarum suum quaeque locum habeat, quo naturae ui efferatur, alia infimum, alia summum, alia medium. haec ad quoddam tempus cohaerere possunt, semper autem nullo modo possunt. necesse est enim, suum quaeque in locum naturarapiatur. nullum igitur animal est sempiternum. Sed omnia uestri, Balbe, solent ad igneam uim referre, Heraclitum, ut opinor, sequentes: quem ipsum non omnes interpretantur uno modo. qui quoniam, quid diceret, intelligi noluit, omitamus. Vos autem ita dicitis, omnem uim esse ignem: itaque & animantes, cum calor defecerit, tum interire; & in omni natura rerum id uiuere, id uigere, quod caleat. ego autem non intelligo, quo modo, calore extincto, corpora intereant; non intereant, humore, aut spiritu amisso, praesertim cum intereant etiam nimio calore. quamobrem id quidem commune est de calido: uerumtamen uideamus exitum. Ita uultis opinor, nihil esse animal extrinsecus in natura, atque mundo, praeter ignem: qui magis, quam praeter animam? unde animantium quoque constet animus, ex quo anima dicitur. Quo modo autem, hoc
quaj

quasi concedatur, sumitis, nihil esse animum, nisi ignem? probabilius enim uidetur, tale quiddam esse animum, ut sit ex igne, atque anima temperatum. quod si ignis ex sese ipse animal est, nulla se alia admiscente natura; quoniam is, cum inest in corporibus nostris, efficit ut sentiamus: non potest ipse esse sine sensu. Rursus eadem dici possunt. quidquid est enim quod sensum habeat, id, necesse est, sentiat & uoluptatem, & dolorem; ad quem autem dolor ueniat, ad eundem etiam interitum uenire. ita fit, ut ne ignem quidem efficere possitis aeternum. quid enim? non eisdem uobis placet, omnem ignem pastu indigere? nec permanere ullo modo posse, nisi alatur? ali autem Solem, Lunam, reliqua astra, aquis alia dulcibus, alia marinis? eamque causam Cleanthes affert, cur se Sol referat, nec longius progrediatur solstitiali orbe, itemque brumali, ne longius discedat a cibo. hoc totum quale sit, mox: nunc autem concludatur illud, quod interire possit, id aeternum non esse natura: ignem autem interiturum esse, nisi alatur: non esse igitur natura ignem sempiternum. Qualem autem deum intelligere nos possumus, nulla uirtute praeditum? quid enim? prudentiam ne deo tribuamus? quae constat ex scientia rerum bonarum, & malarum, & nec bonarum, nec malarum. cui mali nihil est, nec esse potest; quid huic opus est delectu bonorum, & malorum? quid autem ratione? quid intelligentia? quibus utimur ad eam rem, ut apertis obscura assequamur.

DE NATURA DEORVM

quamur . at obscurum deo nihil potest esse . Nam iustitia , quae suum cuique distribuit , quid pertinet ad deos ? hominum enim societas , & communitas , ut uos dicitis , iustitiam procreauit . Temperantia autem constat ex praetermittendis uoluptatibus corporis : cui si locus in caelo est , est etiam uoluptatibus . Nam fortis deus intelligi qui potest ? in dolore , an in labore , an in periculo ? quorum deum nihil attingit . Nec ratione igitur utentem , nec uirtute ulla praeditum deum intelligere qui possumus ? Nec uero uulgi atque imperitorum inscitiam despicere possum , cum ea considero , quae dicuntur a Stoicis . sunt enim illa imperitorum . Piscem Syri uenerantur . omne fere genus bestiarum Aegyptij consecrauerunt . iam uero , in Graecia multos habent ex hominibus deos , Alabandum Alabandi , Tenedi Tenem , Leucotheam , quae fuit Ino , & eius Palaemonem filium cuncta Graecia , Herculem , Aesculapium , Tyndaridas : Romulum nostri , aliosq. complures : quos , quasi novos , & adscripticios ciues , in caelum receptos putat . Haec igitur indocti . quid uos philosophi ? qui meliora ? omitto illa : sunt enim praeclara . sit sane deus ipse mundus . hoc credo illud esse ,

- Sublime candens , quem uocant omnes Iouem . quare igitur plures adiungimus deos ? quanta autem est eorum multitudo ? mihi quidem sane multi uidentur . singulas enim stellas numeras deos ; eoq. aut belluarum nomine appellas , ut capram , ut lupam ,

pam, ut taurum, ut leonem; aut rerum inanimatarum, ut argon, ut aram, ut coronam. Sed ut haec concedantur, reliqua qui tandem non modo concedi, sed omnino intelligi possunt? cum fruges Cere-rem, uinum Liberum dicimus, genere nos quidem sermonis utimur usitato: sed ecquem tam amentem esse putas, qui illud, quo nescatur, deum credat esse? Nam, quos ab hominibus peruenisse dicis ad deos; tu reddes rationem, quemadmodum idem fieri potuerit, aut cur fieri desierit; & ego discam libenter. quo modo nunc quidem est, non uideo quo pacto ille, cui in monte Oetaeo illatae lampades fuerunt, ut ait Attius, in domum aeternam patris ex illo ardore peruenierit: quem tamen Homerus conueniri apud inferos facit ab Ulysse, sicut ceteros, qui excefferant uita. quamquam, quem potissimum Herculem colamus, scire sane uelim. plures enim tradunt nobis ij, qui interiores scrutantur, & reconditas litteras: antiquissimum Ioue natum, sed antiquissimo item Ioue. nam Ioues quoque plures in priscis Graecorum litteris inuenimus. ex eo igitur & Lisyto est is Hercules, quem concertauisse cum Apolline de tripode accepimus. alter traditur, Nilo natus, Aegyptius: quem aiunt Phrygias litteras conscripisse. tertius est ex Idaeis Dactylis cui inferias afferunt. quartus Iouis est, Asteriae, Latonae sororis; quem Tyrij maxime colunt; cuius Carthaginem filiam ferunt. quintus in India, qui Belus dicitur. sextus hic ex Alcmena, quem Iupiter genuit,

DE NATURA DEORVM

nuit; sed tertius Iupiter: quoniam, ut iam docebo, plures Ioues etiam accepimus. quando enim me in hunc locum deduxit oratio; docebo, meliora me didicisse de colendis dijs immortalibus iure pontificio, & maiorum more, capedunculis ijs, quas Numa nobis reliquit, de quibus in illa aureola oratiuncula dicit Laelius, quam rationibus Stoicorum. sic enim nos sequar; dic, quid ei respondeam, qui me sic roget. Si dij sunt, sunt ne etiam Nymphae deae? si Nymphae, Panisci etiam, & Satyri. hi autem non sunt: ne Nymphae quidem deae igitur. at earum templa sunt publice nota, & dedicata. quid igitur? ne ceteri quidem ergo dij, quorum templa sunt dedicata. Age porro, Iouem, & Neptunum deum numeras: ergo etiam Orcus, frater eorum, deus, & illi, qui fluere apud inferos dicuntur, Acheron, Cocytus, Styx, Phlegeton, tum Charon, tum Cerberus dij putandi. at id quidem repudiandum: ne Orcus quidem igitur. Quid dicitis ergo de fratribus? Haec Carneades agebat, non ut deos tolleret; (quid enim philosopho minus conueniens?) sed ut, Stoicos nihil de dijs explicare, conuinceret. itaque insequabatur. quidenim, aiebat, si ij fratres sunt in numero deorum, num de patre eorum Saturno negari potest? quem uulgo maxime ad occidentem colunt. qui si est deus; patrem quoque eius Caelum esse deum, confitendum est. quod si ita est; Caeli quoque parentes dij habendi sunt, Aeter, & Dies, eorumq. fratres, & sorores: qui a genealogis anti-

quis

quis sic nominantur, amor, dolus, motus, labor, invidentia, fatum, senectus, mors, tenebrae, miseria, quarela, gratia, fraus, pertinacia, Parcae, Hesperides, somnia: quos omnes Erebo & Nocte natos ferunt. aut igitur haec monstra probanda sunt, aut prima illa tollenda. Quid? Apollinem, Vulcanum, Mercurium, ceteros deos esse dices; de Hercule, Aesculapio, Libero, Castore, Polluce dubitabis? at hi quidem coluntur aeque atque illi, apud quosdam etiam multo magis. ergo hi dii sunt habendi, mortalibus nati matribus. Quid Aristaeus, qui oliuae dicitur inuentor, Apollinis filius; Theseus, qui Neptuni; reliqui, quorum patres dii, non erunt in deorum numero? quid, quorum matres? opinor etiam magis. ut enim in iure civili, qui est de matre libera, liber est: item iure naturae, qui de dea matre est, deus sit necesse est. itaque Achillem Astypalea insula sanctissimum colit. qui si deus est: & Orpheus, & Rhesus dii sunt, matre musa nati. nisi forte maritimae nuptiae terrenis anteponuntur. si hi dii non sunt, quia nusquam coluntur; quo modo illi sunt? uide igitur, ne uirtutibus hominum isti honores habeantur, non immortalitatibus: quod tu quoque, Balbe, uisus es dicere. quo modo autem potes, si Latonam deam putes, Hecatē non putare, quae matre Asteria est, sorore Latonae? an haec quoque dea est? uidimus enim eius aras delubraque in Graecia. sin haec dea est; cur non Eumenides? quae si deae sunt, quarum et Athenis sanum est, et apud nos,

DE NATURA DEORVM

nos, ut ego interpretor, lucus Furinae: Furiae deae sunt, speculatrices, credo, & uindices facinorum, & scelerum. quod si tales dii sunt, ut rebus humanis intersint: Natio quoque dea putanda est; cui, cum fana circuiamus in agro Ardeati, rem diuinam facere solemus. quae quia partus matronarum tueatur, a nascentibus Natio nominata est. ea si dea est; dii omnes illi, qui commemorabantur a te, honos, fides, mens, concordia, ergo etiam spes, moneta, omniaque, quae cognitione nobismet ipsis possumus fingere. quod si uerisimile non est; ne illud quidem est, haec unde fluxerunt. Quid autem dicis? si dii sunt illi, quos colimus, & accepimus; cur non eodem in genere Serapim, Isimq. numere mus? quod si facimus, cur barbarorum deos repudiemus? boues igitur, & equos, ibes, accipitres, aspidas, crocodilos, pisces, canes, lupos, feles, multas praeterea belluas in deorum numero reponemus. quae si reijciamus; illa quoque, unde haec nata sunt, reijciemus. Quid deinde? Ino dea dicitur, quae Leucothea a Graecis, a nobis Matuta dicitur, cum sit Cadmi filia: Circe autem, & Pasiphae, e Perseide, Oceani filia, natae, patre Sole, in deorum numero non habebuntur? quanquam Circem quoque coloni nostri Circeienses religiose colunt. ergo hanc deam dicis. Quid Medae respondebis? quae duobus auis, Sole, & Oceano, Aecta parte, matre Idyia procreata est. Quid huius Absyrtio fratri, qui est apud Pacunium Egialeus? sed illud nomen ueterum

rum litteris usitatus . qui si dii non sunt ; uereor ,
quid agat Ino . haec enim omnia ex eodem fonte flu-
xerunt . An Amphiaras deus erit , & Tropho-
nius ? nostri quidem publicani , cum essent agri in
Boeotia deorum immortalium excepti lege censoria ,
negabant immortales esse ullos , qui aliquando ho-
mines fuissent . sed si sunt hi dii ; est certe Erech-
theus , cuius Athenis & delubrum uidimus , et sa-
cerdotem . quem si deum faciemus ; quid aut de Co-
dro dubitare possumus , aut de ceteris , qui pugnan-
tes pro patriae libertate ceciderunt ? quod si proba-
bile non est : ne illa quidem superiora , unde haec ma-
nant , probanda sunt . Atque in plerisque ciuitatibus
intelligi potest , augendae uirtutis gratia , quo liben-
tius reip. causa periculum adiret optimus quisque ,
uirorum fortium memoriam honore deorum im-
mortalium consecratam . ob eam enim ipsam caus-
sam Erechtheus Athenis , filiaeque eius in numero deo-
rum sunt . itemque Leonaticum est delubrum Athe-
nis , quod Leocorion nominatur . Alabandenses qui-
dem sanctius Alabandum colunt , a quo est urbs il-
la condita ; quam quemquam nobilium deorum :
apud quos non inurbane Stratonicus , ut multa , cum
quidam ei molestus Alabandum deum esse confir-
maret , Herculem negaret , ergo , inquit , mihi Ala-
bandus , tibi Hercules sit iratus . Illa autem , Bal-
be , quae tua caelo , astrisque ducebas , quam longe
serpant , non uides : Solem deum esse , Lunamque :
quorum alterum Apollinem Graeci , alteram Dia-
nam

DE NATURA DEORVM

nam putant. quod si Luna dea est; ergo etiam lucifer, ceteraeq. errantes numerum deorum obtinebunt: igitur etiam inerrantes. cur autem arcus species non in deorum numero reponantur? est enim pulcher, & ob eam causam, quia speciem habeat admirabilem, Thaumante dicitur esse nata. cuius si diuina natura est; quid facies nubibus? arcus enim ipse ex nubibus efficitur quodam modo coloratus. quarum una etiam Centauros peperisse dicitur. quod si nubes retuleris in deos, referendae certe erunt tempestates, quae populi R. ritibus consecratae sunt. ergo imbres, nimbi, procellae, turbines sunt dii putandi. nostri quidem duces, mare ingredientibus, immolare hostiam fluctibus consueuerunt. Tum si est Ceres a gerendo; ita enim dicebas: terra ipsa dea est, & ita habetur. quae est enim alia Tellus? sin terra: mare etiam; quem Neptunum esse dicebas: ergo & flumina, & fontes. itaque & fontis delubrum Marso ex Corsica dedicauit: & in augurum precatione Tiberinum, Spinonem, Anemonem, Nodinum, alia propinquorum fluminum nomina uidemus. ergo hoc aut in immensum serpet; aut nihil horum recipiemus, nec illa infinita ratio superstitionis probabitur. nihil ergo horum probandum est. Dicamus igitur, Balbe, oportet contra illos etiam, qui hos deos ex hominum genere in caelum translatos non re, sed opinione esse dicunt, quos anguste omnes sancteque ueneramur. Principio, Ioues tres numerantur, qui theologi nominantur: ex
qui-

quibus primum & secundum natos in Arcadia, alterum patre Aethere, ex quo etiam Proserpinam natam ferunt, & Liberum; alterum patre Coelo, qui genuisse Mineruam dicitur, quam principem & inuentricem belli ferunt: tertium Cretensem Saturni filium: cuius in illa insula sepulchrum ostenditur. *Διόσκουροι* etiam apud Graecos multis modis nominantur. primi tres, qui appellantur Anaces, Athenis ex Ioue rege antiquissimo, & Proserpina nati, Tricopatrens, Eubuleus, Dionysius. secundi Ioue tertio nati ex Leda, Castor & Pollux. tertij dicuntur a non nullis Aleo, & Melampus, Emolus, Atrei filij, qui Pelope natus fuit. iam musae primae quattuor, natae Ioue altero, Thelxiope, Mneme, Aoede, Melete. secundae Ioue tertio, & Mnemosine procreatae novem. tertiae Ioue tertio Pieriae natae, & Antiopa: quas Pieridas, & Pierias solent poetae appellare, iisdem nominibus, eodem numero, quo proximae superiores. cumq. tu Solem, quia solus esset, appellatum esse dicas: Soles ipsi quam multi a theologis proferuntur? unus eorum Ioue natus, nepos Aetheris: alter Hiperione: tertius Vulcano, Nili filio: cuius urbem Aegyptij uolunt esse eam, quae Heliopolis appellatur. quartus is, quem heroicis temporibus Achanto Rhodi peperisse dicitur, auum Ialysi, Camiri, & Lindi. quintus, qui Colchis fertur Aeetam & Circe procreauisse. Vulcani item, primus Coelo natus, ex quo Minerva Apollinem eum, cuius in tutela Athenas an-

L tiqui

*Laet. lib. p.^o
cap. p.^o*

tiqui historici esse uoluerunt. secundus Nilo natus
Opas, ut Aegyptij appellant, quem custodem esse
Aegypti uolunt. tertius ex tertio Ioue, & Iunone,
qui Lemni fabricae traditur praefuisse. quartus Me-
natio natus, qui tenuit insulas propter Siciliam, quae
Vulcaniae nominabantur. Mercurius unus Coelo pa-
tre, Die matre natus: cuius obscenius excitata na-
tura traditur, quod aspectu Proserpinae commotus
sit. alter Valentis & Phoronidis filius, is, qui
sub terris habetur: idem Trophonius. tertius Ioue
tertio natus, & Maia, ex quo & Penelopa Pana-
natum ferunt. quartus Nilo patre, quem Aegy-
ptij nefas habent nominare. quintus, quem colunt
Phaeneatae, qui & Argum dicitur interemisse, ob-
eamq. causam Aegypto praefuisse, atque Aegy-
ptijs leges & litteras tradidisse. hunc Aegyptij
Thoyth appellant: eodemq. nomine anni primus me-
sis apud eos uocatur. Aesculapiorum primus Apol-
linis, quem Arcades colunt, qui specillum inuenis-
se, primusq. uulnus dicitur obligauisse. secundus se-
cundi Mercurij frater. is fulmine percussus, dici-
tur humatus esse Cynosuris. tertius Arsippi, &
Arsinoae: qui primus purgationem alui, dentisq.
euulsionem, ut ferunt, inuenit: cuius in Arcadia
non longe a Lusio flumine sepulcrum & lucus osten-
ditur. Apollinum antiquissimus is, quem paullo
ante ex Vulcano natum esse dixi, custodem Athe-
narum. alter Coribantis filius, natus in Creta: cu-
ius de illa insula cum Ioue ipso certamen fuisse tra-
ditur

ditur. tertius Ioue tertio natus & Latone: quem ex Hyperboreis Delphos ferunt aduenisse. quartus in Arcadia, quem Arcades Nomionem appellant, quod ab eo se leges ferunt accepisse. Dianae item plures: prima Iouis, & Proserpinae, quae pinna- tum Cupidinem genuisse dicitur. secunda notior: quam Ioue tertio & Latona natam accepimus. ter- tia pater Vpis traditur, Glauce mater. eam Graeci saepe Vpim paterno nomine appellant. Dionysios multos habemus: primum e Ioue, & Proserpina natum: secundus Nilo, qui Nysam dicitur intere- misse: tertium Caprio patre; eumq. regem Asiae praefuisse dicunt; cui Sabazea sunt instituta: quar- tum Ioue & Luna, cui sacra Orphica putantur con- fici: quintum Niso natum, & Thione; a quo Trie- terides constitutae putantur. Venus prima Coelo & Die nata; cuius Elide delubrum uidemus. altera spuma procreata; ex qua & Mercurio Cupidinem secundum natum accepimus. tertia Ioue nata, & Dione; quae nupsit Vulcano. sed ex ea et Marte na- tus Anteros dicitur. quarta Syria, Tyroq. conce- pta: quae Astarte uocatur: quam Adonidi nupsisse traditum est. Minerva prima, quā Apollinis matrē supra diximus. secunda orta Nilo, quam Aegyptij Saitae colunt. tertia illa, quam Ioue generatam su- pra diximus. quarta Ioue nata & Coriphe Oceani filia: quam Arcades Coriam nominant, & quadri- garum inuentricem ferunt. quinta Pallantis: quae patrem dicitur interemisse, uirginitatem suam uio-

L 2 lare

DE NATURA DEORVM

lare conantem: cui pinnarum talaria affingunt. *Cu-*
pido primus Mercurio & Diana prima natus dici-
tur; secundus Mercurio et Venere secunda: tertius
quidem est Anteros Marte et Venere tertia. atque
haec quidem, atque eiusmodi ex uetere Graeciae fa-
ma collecta sunt. quibus intelligis resistendum esse,
ne perturbentur religiones. uestri autem non modo
haec non refellunt, uerum etiam confirmant, inter-
pretando quorsum quidque pertineat. Sed eo iam,
unde hunc digressi sumus, reuertamur. Num censes
igitur subtiliore ratione opus esse ad haec refellenda,
nam mentem, fidem, spem, uirtutem, honorem?
uictoriam, salutem, concordiam, ceteraq. eiusmo-
di rerum uim habere uidemus, non deorum. aut
enim in nobismet insunt ipsis, ut mens, ut fides, ut
spes, ut uirtus, ut concordia: aut optandae nobis
sunt, ut honos, ut salus, ut uictoria. quarum re-
rum utilitatem uideo etiam consecrata simulacra.
quare autem in his uis deorum insit, tum intelligam,
cum cognouero. quo in genere uel maxime est for-
tuna numeranda: quam nemo ab inconstantia &
temeritate seiunget: quae digna certe non sunt deo.
Iam uero quid uos illa delectat explicatio fabula-
rum, & enodatio nominum? exectum a filio Coe-
lum, uinctum itidem a filio Saturnum. haec, et alia
generis eiusdem ita defenditis, ut ij, qui ista finxe-
runt, non modo non insani, sed etiam sapientes fuis-
se uideantur. in enodandis autem nominibus, quod
miserandum sit, laboratis. Saturnus, quia se sa-
turat

turat annis: *Mauors*, quia magna uertit: *Miner-*
ya, quia minuit, aut quia minatur: *Venus*, quia
 uenit ad omnia: *Ceres* a gerendo. quam periculosa
 consuetudo? in multis enim nominibus haerebitis.
 quid *Veio*ui facies? quid *Vulcano*? quamquam, quo-
 niam *Neptunum* a nando appellatum putas, nul-
 lum erit nomen, quod non possis una littera explica-
 re, unde ductum sit. in quo quidem magis tu mihi
 natate uisus es, quam ipse *Neptunus*. Magnam
 molestiam suscepit, & minime necessariam primus
Zeno, post *Cleanthes*, deinde *Chrysippus*, commen-
 ticiarum fabularum reddere rationem, uocabulo-
 rum, cur quidque ita appellatum sit, causas expli-
 care. quod cum facitis, illud profecto confitemini,
 longe aliter rem se habere, atque hominum opinio
 sit: eos enim, qui dii appellantur, rerum naturas
 esse, non figuras deorum. qui tantus error fuit,
 ut perniciosius etiam rebus non modo nomen deo-
 rum tribueretur, sed etiam sacra constitueren-
 tur. *Febris* enim fanum in Palatio, & *Orbonae*
 ad aedem *Larum*, & aram *Malae Fortunae* *Es-*
quilijs consecratam uidemus. omnis igitur talis a
 philosophia pellatur error, ut, cum de dijs im-
 mortalibus disputemus, dicamus digna dijs immor-
 talibus: de quibus habeo ipse quid sentiam, non
 habeo autem quid tibi assentiar. *Neptunum* esse
 dicis animum cum intelligentia per mare pergen-
 tem. idem de *Cerere*. istam autem intelligentiam
 aut maris, aut terrae non modo comprehendere ani-

DE NATURA DEORVM

mo, sed ne suspitione quidem possum attingere.
itaque aliunde mihi quaerendum est, ut, et esse deos,
& quales sint, discere possim, quam quales tu eos
esse uelis. Videamus ea, quae sequuntur: primum,
deorum ne prouidentia mundus regatur; deinde,
consulant ne dii rebus humanis. haec enim mihi ex
tua partitione restant duo. de quibus, si uobis uide-
tur, accuratius differendum puto. Mihi uero, in-
quit Velleius, ualde uidetur. nam & maiora expe-
cto: & his, quae dicta sunt, uehementer assentior.
Tum Balbus, interpellare te, inquit, Cotta, nolo:
sed sumemus tempus aliud: efficiam profecto ut
fateare.

sed.

multa desunt.

Nequaquam istuc istac ibit: magna inest certatio.
Nam ut ego illis supplicarem tãta blandiloquentia?
Niobe parum ne ratiocinari uidetur, & sibi ipsa
nefariam pestem machinari? illud uero quam calli-
da ratione,

Qui

Qui uult quod uult, ita dat se res ut operam dabit:
qui est uersus omnium seminator malorum:

Ille trauersa mente mihi hodie tradidit repagula,
Quibus ego iram omnium recludam, atque illi per-
niciem dabo;

Mihi maerores, illi luctu; exitium illi, exilium mihi.
hanc uidelicet rationem, quam uos diuino benefi-
cio homini solum tributam dicitis, bestiae non ha-
bent. uides ne igitur, quanto muncre deorum sumus
affecti? atque eadem Medea patrem, patriamq.
fugiens;

Postquam pater appropinquat, iamque, paene ut
comprehendatur, parat,

Puerum interea obtruncat, membraq. articulatim
diuidit,

Perq. agros passim dispergit corpus: id ea gratia,
Ut, dum nati dissipatos artus captaret parens,
Ipsa interea effugeret; illū ut maeror tardaret sequi,
Sibi salutem ut familiari pareret paricidio.
huic ut scelus, sic nec ratio quidem defuit. quid ille
funestas epulas fratri comparans, non ne uersat huc
& illuc cogitatione rationem?

Maior mihi moles, maius miscendum est malum *tor. 3^o*
Qui illius acerbum cor contundam & comprimam *ps. vii. 7.*
nec tamen ille ipse est praetereundus, qui non sat ha-
buit coniugem illexisse in stuprum: de quo recte &
uerissime loquitur Atreus:

Quod re in summa summum esse arbitror
Periculum, matres coinquinari, regiam

DE NATURA DEORVM

Contaminari stirpem, admisceri genus.
at id ipsum quam callide, qui regnum adulterio
quaereret?

Adão (inquit) huc, quod mihi portento caele-
stum Pater.

Prodigium misit regni stabilmen mei,
Agnum inter pecudes aurea clarum coma,
Quondam Thiestem clepere ausum esse a regia:
Qua in re adiutricem coniugem cepit sibi.
uidetur ne summa improbitate usus non sine sum-
ma esse ratione? Nec uero scena solum referta est
his sceleribus, sed multo uita communis paene maio-
ribus. sentit domus uniuscuiusque, sentit forum,
sentit curia, campus, socij, provinciae, ut, quem-
admodum ratione recte fiat, sic ratione peccetur;
alterum & a paucis, & raro, alterum & saepe,
& a pluribus; ut satius fuerit, nullam omnino nobis
a dijs immortalibus datam esse rationem, quam
tanta cum pernicie datam. ut uinum aegrotis, quia
prodest raro, nocet saepissime, melius est non adhi-
bere omnino, quam, spe dubiae salutis, in apertam
parniciem incurrere: sic haud scio, an melius fuerit,
humano generi motum istum celerem cogitationis,
acumen, solertiam, quam rationem uocamus, quo-
niam perstifera sint multis, admodum paucis saluta-
ria, non dari omnino, quam tam munifice & tam
large dari. quamobrem si mens uoluntasq. diuina
iccirco consuluit hominibus, quod ijs largita est ra-
tionem: ijs solis consuluit, quos bona ratione dona-
uit

nit: quos uidemus, si modo ulli sunt, esse paucos. non placet autem, paucis a dijs immortalibus esse consultum: sequitur ergo, ut nemini consultum sit. Huic loco sic soletis occurrere, non iccirco non optime nobis a dijs prouisum, quod multi eorum beneficio peruerse uterentur: etiam patrimonijs multos male uti, nec ob eam causam eos beneficium a patribus nullum habere. Quis istuc negat? aut quae est in collatione ista similitudo? nec enim Herculi Deianira nocere uoluit, cum ei tunicam sanguine Centauri tinctam dedit; nec prodesse Pheraeo Iasoni is, qui gladio uomicam eius aperuit, quam sanare medici non poterant. multi enim, etiam cum obesse uellent, profuerunt, & cum prodesse, obfuerunt. ita non fit, ex eo, quod datur, ut uoluntas eius, qui dederit, appareat: nec, si is, qui accepit, bene utitur, iccirco is, qui dedit, amice dedit. quae enim libido, quae auaritia, quod facinus aut suscipitur, nisi consilio capto; aut sine animi motu & cogitatione, id est ratione, perficitur? nam omnis opinio ratio est, et quidem bona ratio, si uera; mala autem, si falsa est opinio. sed a deo tantum rationem habemus, si modo habemus; bonam autem rationem, aut non bonam, a nobis. non enim, ut patrimonium relinquitur, sic ratio homini est beneficio deorum data. quid enim potius hominibus dedissent, si ijs nocere uoluissent? iniustitiae autem, intemperantiae, timiditatis quae semina essent, si his uitijs ratio non sub esset? Medea modo et Atreus commemora-
bantur

bantur a nobis, heroicae personae, initia, subductaq.
ratione, nefaria scelera meditantes. quid leuitates
comicae, parum ne semper in ratione uersantur? pa-
rum ne subtiliter disputat ille in Eunuchis?

Quid igitur faciam?

Exclusit, reuocat: redeam? non, si me obsecret.

ille uero in Synephebis Academicorum more contra
communem opinionem non dubitat pugnare ratio-
ne, qui in amore summo, summaq. inopia suaue
esse dicit,

Parentem habere auarum, illepidum, in liberos

Difficilem, qui te nec amet nec studeat tui.

atque huic incredibili sententiae ratiunculas suggerit:

Aut tu illum fructu fallas: aut per litteras

Auertas aliquod nomen: aut per seruolum

Percutias pauidum: postremo, a parco patre

Quod sumas, quanto dissipas libentius?

idemq. facilem & liberalem patrem incommodum
esse amanti filio disputat: quem

Neque quo pacto fallam, neque quid inde auferam,

Nec quem dolum ad eum, aut machinam comoliar

Scio quidquam: ita omnes meos dolos, fallacias,

Praestigias praestrinxit commoditas patris.

quid ergo isti doli? quid machinae? quid fallaciae,
praestigiaeque? num sine ratione esse potuerunt? o prae-

clarum mundus deorum: ut Phormio possit dicere,

Cedo senem: iam instructa mihi sunt in corde con-
silia omnia.

Sed exeamus e theatro: ueniamus in forum. Sessum

ite

ite precor : quid ut iudicetur ? qui tabularium incen-
 derit . quod facinus occultius ? at se Q. Sotius , splen-
 didus eques R. ex agro Piceno , fuisse confessus est .
 Qui transcripserit tabulas publicas . id quoque L.
 Alenius fecit , cum chyrographum Sex primorum
 imitatus est . quid hoc homine solertius ? Cognosce
 alias quaestiones , auri Tolosani , coniurationis Iu-
 gurtinae . repete superiora Tubuli de pecunia capta
 ob rem iudicandam : posteriora de incestu , rogatio-
 ne Peducaea : tum haec quotidiana , sicae , uenena , pe-
 culatus , testamentorum etiam lege noua quaestio-
 nes . inde illa actio , Ope consilioq. tuo futurum aio
 factum esse : inde tot iudicia de fide mala , tutelae ,
 mandati , pro socio , fiduciae ; reliqua , quae ex em-
 pto , aut uendito , conducto , aut locato contra fidem
 fiunt , inde iudicium publicum rei priuatae lege Lae-
 toria : inde , euerriculum malitiarum omnium , iu-
 dicium de dolo malo : quod C. Aquillius , familiaris
 noster , protulit . quem dolum idem Aquillius tum
 teneri putat , cum aliud sit simulatum , aliud actum .
 Hanc igitur a dijs immortalibus tantā arbitramur
 malorum sementem esse factam ? si enim rationem
 hominibus dii dederunt : & malitiam dederunt . est
 enim malitia , uersuta , & fallax nocendi ratio . ij-
 dem autem dii fraudem dederunt , facinus , cete-
 raque , quorum nihil nec suscipi sine ratione , nec
 effici potest . utinam igitur , ut illa anus optat ,
 - ne in nemore Pelio securibus
 Caesa cecidisset abiegna ad terram trabes ;

sic

sic istam calliditatem hominibus dii ne dedissent: qua
 perpauci bene utuntur: qui tamen ipsi saepe a male
 utentibus opprimuntur. innumerabiles autem im-
 probe utuntur: ut donum hoc diuinum rationis, &
 consilij, ad fraudem hominibus, non ad bonitatem
 impertitum esse uideatur. Sed urgetis identidem,
 hominum esse istam culpam, non deorum: ut si me-
 dicus grauitatē morbi, gubernator uim tempestatis
 accuset. etsi hi quidem homunculi, sed tamen, ridi-
 culi. quis enim te adhibuisset, dixerit quispiam, si
 ista non essent? contra deum licet disputare liberius.
 In hominum uitis ais esse culpam. eam dedisses ho-
 minibus rationem, quae uitia culpamq. excluderet.
 ubi igitur locus fuit errori deorum? nam patrimo-
 nia, spe bene tradendi, relinquimus: qua possumus
 falli: deus falli qui potuit? an ut Sol, in currum cum
 Phaetontem filium sustulit? aut Neptunus, cum
 Theseus Hippolytum perdidit, cum ter optandi a
 Neptuno patre habuisset potestatem? poetarum
 ista sunt: nos autem philosophi esse uolumus, rerum
 auctores, non fabularum. atque ij tamen ipsi dii
 poetici, si scissent perniciose fore illa filiis, peccasse
 in beneficio putarentur. et, si uerum est quod Ari-
 sto Chius dicere solebat, nocere audientibus philoso-
 phos ijs, qui bene dicta male interpretarentur: pos-
 se enim a sotos ex Aristippi, acerbos e Zenonis scho-
 la exire: prorsus, si, qui audierunt, uitiosi, essent
 discessuri, quod peruerse philosophorum disputatio-
 nem interpretarentur; tacere praestare philosophis,
 quam

off: 1.9.

quam ijs, qui se audissent, nocere: sic, si homines rationem bono consilio a dijs immortalibus datam, in fraudem malitiamq. conuertunt; non dari illam, quam dari humano generi, melius fuit. ut si medicus sciat, eum aegrotum, qui iussus sit uinum sumere, meracius sumpturum, statimq. periturum, magna sit in culpa: sic uestra ista prouidentia reprehendenda, quae rationem dederit ijs, quos scierit ea peruerse, & improbe usuros. Nisi forte dicitis eam nesciuisse. utinam quidem. sed non audebitis: non enim ignoro, quanti eius nomen putetis. sed hic quidem locus concludi iam potest. nam si stultitia, consensu omnium philosophorum, maius est malum, quam si omnia mala & fortunae & corporis ex altera parte ponantur; sapientiam autem nemo assequitur: in summis malis omnes sumus, quibus uos optime consultum a dijs immortalibus dicitis. nam ut nihil interest, utrum nemo ualeat, an nemo possit ualere: sic non intelligo, quid intersit, utrum nemo sit sapiens, an nemo esse possit. Ac nos quidem nimis multa de re apertissima: Telamon autem uno uersu locum totum conficit, cur dii homines negligant:

Nam si curent, bene bonis sit, male malis: quod nunc abest.

debebant illi quidem omnes bonos efficere, si quidem hominum generi consulebant: sin id minus, bonis quidem certe consulere debebant. cur igitur duos Scipiones, fortissimos, & optimos uiros, in

Hispania

Hispania Poenus oppressit? cur Maximus extulit alium consularem? cur Marcellum Hannibal interemit? cur Paullum Cannae sustulerunt? cur Poenorum crudelitati Reguli corpus est praebitum? cur Africanum domestici parietes non texerunt? Sed haec uetera, & alia permulta: propiora uideamus.
 pro Jon. 312 cur auunculus meus, uir innocentissimus, idemq. doctissimus, P. Rutilius in exilio est? cur sodalis meus interfectus domi suae Drusus? cur, temperantiae, prudentiaeque specimen antea simulacrum Vestae pontifex maximus est Q. Scaeuola trucidatus? cur etiam ante tot ciuitatis principes a Cinna interempti? cur omnium perfidiosissimus C. Marius Q. Catulum, praestantissima dignitate uirum, mori potuit iubere? dies deficiat, si uelim numerare, quibus bonis male euenerit; nec minus, si commemorem, quibus improbis optime. cur enim Marius tam feliciter septimum consul domi suae senex est mortuus? cur omnium crudelissimus tam diu Cinna regnauit? at dedit poenas. prohiberi melius fuit, impediri que, ne tot summos uiros interficeret, quam ipsum aliquando poenas dare. Summo cruciatu, supplicioque Q. Varius, homo importunissimus, periit: sed, quia Drusum ferro, Metellum ueneno sustulerat; illos conseruari melius fuit, quam poenas sceleris Varium perdere. Duo de quadraginta Dionysius tyrannus annos fuit opulentissimae & beatissimae ciuitatis, quam multas ante hunc in ipso Graeciae flore Pisistratus, ac Phalaris, ac Apollodorus poenas sustulit, multis

tis quidem ante cruciatis, & necatis. et praedones
 multi saepe poenas dant: nec tamen possumus dicere
 non plures captiuos acerbe, quam praedones, neca-
 tos. Anaxarchum Democritum a Cyprio tyranno
 excarnificatum accepimus, Zenonem Eleatem in
 tormentis necatum. quid dicam de Socrate? cuius
 morti illacrymari soleo, Platonem legens. Vides
 ne igitur, deorum iudicio, si uident res humanas,
 discrimen esse sublatum? Diogenes quidem Cynicus
 dicere solebat, Harpalum, qui temporibus illis
 praedo felix habebatur, contra deos testimonium di-
 cere, quod in illa fortuna tam diu uiueret. Diony-
 sius, de quo ante dixi, cum fanum Proserpinae Lo-
 cris expilauisset, nauigabat Syracusas: isq. cum se-
 cundissime cursum teneret, uidetis ne, inquit, ami-
 ci, quam bona a dijs immortalibus nauigatio sacri-
 legis detur? Atque homo acutus, cum bene, pla-
 neq. percepisset, in eadem sententia perseuerabat:
 qui, cum ad Peloponnesum classem appulisset, &
 in fanum uenisset Iouis Olympij, aureum ei detra-
 xit amiculum grandi pondere, quo Iouem ornarat
 ex manubijs Carthaginensium tyrannus Gelo: at-
 que in eo etiam cauillatus est, aestate graue esse au-
 reum amiculum, hieme frigidum: eiq. laneum pal-
 lium iniecit, cum id esse aptum ad omne anni tem-
 pus diceret. Idemq. Aesculapij Epidauri barbam
 auream demi iussit: neque enim conuenire, barba-
 tum esse filium, cum in omnibus fanis pater imber-
 bis esset. Iam mensas argenteas de omnibus delu-
 bris

bris iussit auferri : in quibus quod more ueteris Graeciae inscriptum esset , Bonorum deorum , uti se eorum bonitate uelle dicebat . Idem uictoriolas aureas , & pateras , coronasque , quae simulacrorum porrecti manibus sustinebantur , sine dubitatione tollebat ; eaq. se accipere , non auferre dicebat : esse enim stultitiam , a quibus bona precaremur , ab ijs porrigentibus , & dantibus nolle sumere . Eundemq. ferunt haec , quae dixi , sublata de fanis in forum protulisse , & per praeconem uendidisse ; exactaq. pecunia , edixisse , ut , quod quisque a sacris haberet , id ante diem certam in suum quidque fanum referret . ita ad impietatem in deos , in homines adiunxit iniuriam . Hunc igitur nec Olympius Iupiter fulmine percussit , nec Aesculapius misero diuturnoq. morbo intabescens interemit ; atque in suo lectulo mortuus , in Tympanidis rogi illatus est ; eamq. potestatem , quam ipse per scelus erat nactus , quasi iustam , & legitimam hereditatis loco filio tradidit . Inuita in hoc loco uersatur oratio : uidetur enim auctoritatem asserere peccandi : & recte uideretur , nisi & uirtutis , & uitiorum , sine ulla diuina ratione , graue ipsius conscientiae pondus esset . qua sublata , iacent omnia . ut enim nec domus , nec res . ratione quadam , & disciplina designata uideatur , si in ea nec recte factis praemia extent ulla , nec supplicia peccatis : sic mundi diuina in homines moderatio profecto nulla est , si in ea discrimen nullum est bonorum , & malorum . At enim minora dii negligunt

Macrobius . 1 .

cap . x

lib . 2 .

Am . 37 .

fall . lat .

Ver . 2 .

gi . 3 . 131 .

gunt; neque agellos singulorum, nec uiticulas perse-
quantur; nec, si uredo, aut grando quippiam nocuit;
id Ioni animaduertendum fuit. ne in regnis quidem
reges omnia minima curant. sic enim dicitis. Quasi
ego paullo ante de fundo Formiano P. Rutilij sin-
questus, non de amissa salute. Atque hoc quidē om-
nes mortales sic habent, externas commoditates, ui-
neta, segetes, oliueta, ubertatē frugum, et fructuū;
omnem denique commoditatem, prosperitatemq. ui-
tae a dijs se habere: uirtutem nemo umquam acceptā
deo retulit. nimirum recte: propter uirtutem enim
iure laudamur, & in uirtute recte gloriamur. quod
non contingeret, si id donum a deo, non a nobis, ha-
beremus. at uero aut honoribus aucti, aut re fami-
liari, aut si aliud quippiam nacti sumus fortuiti bo-
ni, aut depulimus mali; cum dijs gratias agimus,
tum nihil nostrae laudi assumptum arbitramur. num
quis, quod bonus uir esset, gratias dijs egit umquam?
at quod diues, quod honoratus, quod incolumis. Io-
uemq. optimum maximum ob eas res appellant,
non quod nos iustos, temperatos, sapientes efficiat;
sed quod saluos, incolumes, opulentos, copiosos.
neque Herculi quisquam decumam uouit umquam, si
sapiens factus esset. quamquam Pythagoras, cum
in geometria quiddam noui inuenisset, musis bouem
immolasse dicitur. sed id quidem non credo: quo-
niam ille ne Apollini quidem Delio hostiam immola-
re uoluit, ne aram sanguine aspergeret. Ad rem
autem ut redeam, iudicium hoc omnium mortalium

M est,

DE NATURA DEORVM

est, fortunam a deo petendam, a se ipso sumendam
esse sapientiam. quamuis menti delubra, & uirtu-
ti, & fidei consecremus: tamen haec in nobis ipsis
sita uidemus: spei, salutis, opis, uictoriae facultas
a dijs expetenda est. Improborum igitur prosperi-
tates, secundaeque res redarguunt, ut Diogenes dice-
bat, uim omnem deorum, ac potestatem. At non
numquam bonos exitus habent boni. Eos quidem
adscribimus, attribuimusque sine ulla ratione dijs
immortalibus. At Diagoras, cum Samothraciam
uenisset, & deos ille qui dicitur, atque ei quidam ami-
cus, tu, qui deos putas humana negligere, non ne
animaduertis ex tot tabellis pictis, quam multi uo-
tis uim tempestatis effugerint, in portumque salui
peruenerint? ita fit, inquit. illi enim nusquam picti
sunt, qui naufragium fecerunt, in marique perierunt.
Idemque, cum ei nauiganti uectores, aduersa tem-
pestate timidi, & perterriti, dicerent, non iniuria
sibi illud accidere, qui illum in eandem nauem rece-
pissent; ostendit eis in eodem cursu multas alias la-
borantes; quaesuitque, num etiam in ijs nauibus
Diagoram uehi crederent. sic enim sese res habet,
ut ad prosperam, aduersamue fortunam qualis sit,
aut quemadmodum uixeris, nihil intersit. Non
animaduertunt, inquit, omnia dii: ne reges qui-
dem. quid est simile? Reges enim si scientes prae-
termittunt, magna culpa est: at deo ne excusatio
quidem est inscientiae. quem uos praeclare defendi-
tis, cum dicitis, eam uim deorum esse, ut, etiam
si quis

si quis morte poenas sceleris effugerit, expetantur
eae poenae a liberis, a nepotibus, a posteris. o miram
aequitatem deorum. ferret ne ulla ciuitas latronem
istiusmodi legis, ut condemnaretur filius, aut ne-
pos, si pater, aut auus deliquisset?

Quinam Tantalidarum internecioni modus

Paretur? aut quaenam umquā ob mortem Myrtili
Poenis luendis dabitur satias supplici?

utrum poetae Stoicos deprauauerint, an Stoici poe-
tis dederint auctoritatem, non facile dixerim. por-
tenta enim & flagitia ab utrisque dicuntur. neque
enim, quem Hipponactis iambus laeserat, aut qui
erat Archilochi uersu uulneratus, a deo immissum
dolorem, non conceptum a se ipso continebat: nec,
cum Aegisti libidinem, aut cum Paridis uidemus,
e deo causam requirimus, cum culpae paene uocem
audiamus: nec ego multorum aegrorum salutem nō
ab Hippocrate potius, quam ab Aesculapio, da-
tam iudico: nec Lacedaemoniorum disciplinam di-
cam umquam ab Apolline potius Spartaе, quam a
Lycurgo, datam. Crytolaus, inquam, uertit Co-
rinthum, Carthaginem Asdrubal. hi duos illos ocu-
los orae maritimae effoderunt, non iratus alicui,
quem omnino irasci posse negatis deum. at subueni-
re certe potuit, & conseruare urbes tantas, atque
tales. uos enim ipsi dicere soletis, nihil esse quod
deus efficere non possit, & quidem sine labore ullo:
ut enim hominum membra nulla contentione, men-
te ipsa, ac uoluntate moqueantur. sic numine deo-

M 2 rum

rum omnia fingi, moueri, mutariq. posse. neque id dicitis superstitiose, atque aniliter, sed physica, constantiq. ratione: materiam enim rerum, ex qua, & in qua omnia sunt, totam esse flexibilem, et commutabilem; ut nihil sit, quod non ex ea quamuis subito fingi, conuertitq. possit: eius autem uniuersae fabricem, & moderatricem diuinam esse prouidentiam: hanc igitur, quocumq. ue se moueat, efficere posse quidquid uelit. itaque aut nescit, quid possit: aut negligit res humanas: aut, quid sit optimum, non potest iudicare. non curat singulos homines. non mirum: ne ciuitates quidem, non has ne nationes quidem, & gentes. quod si has etiam contemnet; quid mirum est, omne ab ea genus humanum esse contemptum? Sed quo modo idem dicitis, non omnia deos persequi; idem uultis, a dijs immortalibus hominibus dispartiri, ac diuidi somnia? iccirco somnia haec tecum; quia uestra est de somniorum ueritate sententia. Atque idem etiam uota suscipi dicitis oportere. nempe singuli uouent. audit igitur mens diuina etiam de singulis. uidetis ergo, eam non esse tam occupatam, quam putabatis? fac esse distentam, caelum uersantem, terram tuentem, maria moderantem: cur tam multos deos nihil agere, & cessare patitur? cur non rebus humanis aliquos otiosos deos praeficit? qui a te, Balbe, innumerabiles explicati sunt. Haec fere dicere habui de natura deorum, non ut eam tollerem, sed ut intelligeretis, quam esset obscura, & quam difficiles expli-

explicatus haberet. Quae cum dixisset Cotta, finem fecit. Lucilius autem, Vehementius, inquit, tu quidem, Cotta, inuectus es in eam Stoicorum rationem, quae de prouidentia deorum ab illis sanctissime & prouidentissime constituta est. sed, quoniam aduersperascit, dabis diem nobis aliquem, ut contra ista dicamus. est enim mihi tecum pro aris, & focis certamen, & pro deorum templis, atque delubris, proque urbis muris; quos uos pontifices sanctos esse dicitis; diligentiusque urbem religione, quam ipsis moenibus, cingitis. quae deferi a me, dum quidem spirare potero, nefas iudico. Tum Cotta, Ego uero & opto redargui me, Balbe: & ea, quae disputavi, differere malui, quam iudicare: & facile me a te uinci posse, certo scio. Quippe, inquit Velleius, qui etiam somnia putet ad nos mitti ab Ioue: quae ipsa tamen tam leuia non sunt, quam est Stoicorum de natura deorum oratio. Haec cum essent dicta, ita discessimus, ut Velleio Cottae disputatio uerior, mihi Balbi ad ueritatis similitudinem uideretur esse propensior.

M. TVLLII CICERONIS
DE DIVINATIONE

LIBER I.

V ET VS opinio est, iam usque ab heroicis ducta temporibus, eaq. & populi R. & omnium gentium firmata consensu, uersari quandam inter homines diuinationem, quam Graeci *μαντιαν* appellant, id est praesensionem, & scientiam rerum futurarum. magnifica quaedam res, & salutaris, si modo est ulla, quaq. proxime ad deorum uim natura mortalis possit accedere. itaque ut alia nos melius multa, quam Graeci: sic huic praestantissimae rei nomen nostri a diuis, Graeci, ut Plato interpretatur, a furo re duxerunt. gentem quidem nullam uideo, neque tam humanam, atque doctam, neque tam immanem, tamq. barbaram, quae non significari futura, & a quibusdam intelligi, praediciq. posse censeat. Principio Assyrij, ut ab ultimis auctoritatem repetam, propter planitiem, magnitudinemq. regionum, quas incolebant, cum caelum ex omni parte patens, atque apertum intuerentur, traiectiones, motusq. stellarum obseruauerunt: quibus notatis, quid cuique significaretur, memoriae prodiderunt. Qua in natione Chaldaei, non ex artis, sed ex gentis uocabulo nominati, diuturna obseruatione siderum, scientiam putantur effecisse, ut praedici posset, quid cuique

que euenturum, & quo quisque fato natus esset: Eandem artem etiam Aegyptij longinquitate temporum innumerabilibus paene saeculis consecuti putantur. Cilicum autem, & Pisidarum gens, & his finitima Pamphylia, quibus nationibus praesumus ipsi, uolatibus auium, cantibusque, certissimis signis declarari res futuras putant. Quam uero Graecia coloniam misit in Aetoliam, Ioniam, Asiam, Siciliam, Italiam sine Pythio, aut Dodonaco, aut Ammonis oraculo? aut quod bellum susceptum ab ea sine consilio deorum est? Nec unum genus est diuinationis publice, priuatimque celebratum. nam, ut omittam ceteros populos, noster quam multa genera complexus est? Principio huius urbis parens Romulus non solum auspicio urbem condidisse, sed ipse etiam optimus augur fuisse traditur. deinde auguribus & reliqui reges usi: & exactis regibus, nihil publice sine auspicijs nec domi, nec militiae gerebatur. cumque magna uis uideretur esse & in impetrandis, consulendisque rebus, & in monstris interpretandis, ac procurandis in haruspicum disciplina: omnem hanc ex Etruria scientiam adhibebant; ne genus esset ullum diuinationis, quod neglectum ab ipsis uideretur. & cum duobus modis animi sine ratione, & scientia, motu ipsi suo soluto, & libero incitarentur, uno furente, altero somniantes: furoris diuinationem Sibyllinis maxime uersibus contineri arbitrati, eorum decem interpretes delectos ex ciuitate esse uoluerunt. ex quo genere saepe ariorum

DE DIVINATIONE

etiam, & uatum furibundas praedictiones, ut Octauiano bello Cornelij Cilleoli, audiendas putauerunt. Nec uero somnia grauiora, si quae ad remp. pertine-
re uisa sunt, a summo consilio neglecta sunt. quin e-
tiam, memoria nostra, templum Iunonis Sospitae L.
Iulius, qui cum P. Rutilio consul fuit, de senatus
sententia refecit ex Caeciliae, Balearici filiae, somnio.
Atque haec, ut ego arbitror, ueteres rerum ma-
gis euentis moniti, quam ratione docti, probaue-
runt. Philosophorum uero exquisita quaedam argu-
menta, cur esset uera diuination, collecta sunt. ex
quibus, ut de antiquissimis loquar, Colophonius
Xenophanes unus, qui deos esse diceret, diuinationem
funditus sustulit. reliqui uero omnes, praeter
Epicurum balbutientem de natura deorum, diuina-
tionem probauerunt, sed non uno modo. nam cum
Socrates, omnesq. Socratici, Zenoque, & ij, qui
ab eo essent profecti, manerent in antiquorum philo-
sophorum sententia, uetere Academia, & Peripa-
teticis consentientibus; cumq. huic rei magnam
auctoritatem Pythagoras iam ante tribuisset, qui
etiam ipse augur uellet esse; plurimisq. locis, gra-
uis auctor, Democritus praesensionem rerum futu-
rarum comprobaret: Dicacarchus Peripateticus ce-
tera diuinationis genera sustulit, somniorum, & fu-
roris reliquit; Cratippusque, familiaris noster, quem
ego parem summis Peripateticis iudico, iisdem re-
bus fidem tribuit, reliqua diuinationis genera reie-
cit. sed cum Stoici omnia fere illa defenderent; quod

&

& Zeno in suis commentarijs quasi semina quaedam
 sparsisset; & ea Cleanthes paulo uberiora fecisset:
 accessit, acerrimo uir ingenio, Chrysippus; qui to-
 tam de diuinatione duobus libris explicauit senten-
 tiam, uno praeterea de oraculis, uno de somnijs.
 quem subsequens, unum librum Babylonius Dioge-
 nes edidit, eius auditor, duos Antipater, quinque
 noster Posidonius. sed a Stoicis uel principibus eius
 disciplinae, Posidonij doctor, discipulus Antipatri,
 degenerauit Panaetius: nec tamen ausus est negare,
 uim esse diuinandi, sed dubitare se dixit. quod illi in
 aliqua re, inuitissimis Stoicis, Stoico facere licuit; id
 nos ut in reliquis rebus faciamus, a Stoicis non con-
 cedetur? praesertim cum id, de quo Panaetio non li-
 quet, reliquis eiusdem disciplinae solis uideatur luce
 clarius. sed haec quidem laus Academiae, praestan-
 tissimi philosophi iudicio, & testimonio comproba-
 ta est. etenim nobismet ipsis quaerentibus, quid sit
 de diuinatione indicandum, quod a Carneade multa
 acute, et copiose contra Stoicos disputata sint; uerē-
 tibusque, ne temere uel falso rei, uel nō satis cognitae
 assentiamur; faciendum uidetur, ut diligenter etiam
 atque etiam argumenta cum argumentis compare-
 mus, ut fecimus in ijs tribus libris, quos de natura
 deorum scripsimus. nam cum omnibus in rebus te-
 meritas in assentiendo, errorq. turpis est, tum in eo
 loco maxime, in quo indicandum est, quantum au-
 spicijs, rebusq. diuinis, religioniq. tribuamus. est
 enim periculum, ne aut, neglectis ijs, impia fraude,
 aut,

DE DIVINATIONE

aut, susceptis, anili superstitione obligemur. quibus de rebus & alias saepe, & paullo accuratius nuper, cum essem cum Quincto fratre, in Tusculano disputatum est. Nam, cum ambulandi caussa in Lyceum uenissemus, (id enim superiori gymnasio nomen est) perlegi, inquit ille, tuum paullo ante tertium de natura deorum: in quo disputatio Cottae, quamquam labefactauit sententiam meam, non funditus tamen sustulit. Optime uero, inquam: etenim ipse Cotta sic disputat, ut Stoicorum magis argumenta confutet, quam hominum deleat religionem. Tum Quinctus, dicitur quidem istuc, inquit, a Cotta, & uero saepius, credo ne communi iure migrare uideatur: sed, studio contra Stoicos differendi, deos mihi uidetur funditus tollere. eius orationi, non sane desidero, quid respondeam: satis enim defensa religio est in secundo libro a Lucilio: cuius disputatio tibi ipsi, ut in extremo tertio scribis, ad ueritatem est uisa propensior: sed, quod praetermissum est in illis libris, credo quia commodius arbitratus es separatim id quaeri, deq. eo differi, id est de diuinatione, quae est earum rerum, quae fortitae putantur, praedictio, atque praesensio; id, si placet, uideamus quā habeat uim, & quale sit. ego enim sic existimo: si sint ea genera diuinandi uera, de quibus accepimus, quaeq. colimus; esse deos; uicissimque, si dii sint, esse qui diuinent. Arcem tu quidem Stoicorum, inquam, Quincte defendis: siquidem ista sic reciprocantur; ut &, si diuinatio sit, dii sint; &, si dii sint,

sint, sit diuinitio. quorū neutrum tam facile, quam
tu arbitraris, conceditur. nam & natura significa-
ri futura sine deo possunt: & ut sint dii, potest fie-
ri, ut nulla ab ijs diuinitio generi humano tributa
sit. Atque ille, mihi uero, inquit, satis est ar-
gumenti, & esse deos, & consulere rebus huma-
nis, quod esse clara & perspicua diuinationis gene-
ra iudico. de quibus quid ipse sentiam, si placet, ex-
ponam, ita tamen, si uacas animo, neque habes ali-
quid, quod huic sermoni praeuertendum putes.
Ego uero, inquam, philosophiae, Quinte, semper
uaco: hoc autem tempore, cum sit nihil aliud, quod
libenter agere possimus, multo magis aueo audire,
de diuinatione quid sentias. Nihil, inquit, equi-
dem noui, nec quod praeter ceteros ipse sentiam. nā
cum antiquissimam sententiam, tum omnium popu-
lorum, & gentium consensu comprobata sequor.
Duo sunt enim diuinandi genera: quorum alterum
artis est, alterum naturae. quae est autem gens, aut
quae ciuitas, quae non aut extis pecudum, aut mon-
stra, aut fulgura interpretantium, aut augurum,
aut astrologorum, aut sortium, (ea enim fere artis
sunt) aut somniorum, aut uaticinationum (haec e-
nim duo naturalia putantur) praedictione monea-
tur? quarum quidem rerum euentu magis arbitror,
quam caussa, quaeri oportere. est enim uis, & na-
tura quaedam, quae tum obseruatis longo tempore
significationibus, tum aliquo instinctu, inflatuq. di-
uino futura praenunciat. Quare omitat urgere Car-
neades:

DE DIVINATIONE

neades: quod faciebat etiam Panaetius, requirens
Iupiter ne cornicem a laeva, coruum a dextra cane-
re iussisset. observata sunt haec tempore immenso,
& significatione euentus animaduersa, & notata.
nihil est autem, quod non longinquitas temporum,
excipiente memoria, prodendisq. monumentis, ef-
ficere, atque assequi possit. Mirari licet, quae sint
animaduersa a medicis herbarum genera, quae radi-
cum ad morsus bestiarum, ad oculorum morbos, ad
uulnera. quorum uim, atque naturam ratio num-
quam explicauit: utilitate & ars est, & inuentor
probat. Age, ea, quae, quamquam ex alio gene-
re sunt, tamen diuinationi sunt similia, uideamus.
Atque etiam uentos praemonstrat saepe futuros
Inflatum mare, cum, subito, penitusq. tumescit;
Saxaq. cana, salis niueo spumata liquore,
Tristificas certant Neptuno reddere uoces;
Aut densus stridor cum celso e uertice montis
Ortus adaugefcit scrupulorum saepe repulsi.
atque his rerum praesensionibus prognostica tua re-
ferta sunt. quis igitur elicere causas praesensionum
potest? etsi uideo Boethum Stoicum esse conatum:
qui haecenus aliquid egit, ut earum rationem re-
rum explicaret, quae in mari caelo ue fierent. illa
uero cur eueniant, quis probabiliter dixerit?
Cana salix itidem fugiens e gurgite ponti,
Nunciat horribiles clamans instare procellas,
Haud modicos tremulo fundens e gutture cantus.
Saepe etiam pertriste canit de pectore carmen,

Et

Et matutinis Acredula uocibus instat,
Instat, & assiduas uocum iacit ore querelas,
Cum primum gelidos rores aurora remittit.
Fuscaq. non numquam cursans per litora cornix
Demersit caput, & fluctum ceruice recepit.
uidemus haec signa numquam fere e mentientia: nec
tamen, cur ita fiat, uidemus.
Vos quoque signa uidetis aquai dulcis alumnae,
Cum clamore paratis inanes fundere uoces,
Absurdoq. sono fontes, & stagna cietis.
Quis est, qui; ranunculos hoc uidere, suspicari pos-
sit? sed inest mire & ranunculis quaedam natura si-
gnificans aliquid, per se ipsa satis certa, cognitioni
autem hominum obscurior.
Mollipedesq. boues spectantes lumina caeli
Naribus humiferum duxere ex aere succum.
non quaero cur, quoniam, quid eueniat, intelligo.
Iam uero semper uiridis, semperq. grauata
Lentiscus triplici solita grandescere fetu,
Ter fruges fundens, tria tempora monstrat arandi.
ne hoc quidem quaero, cur haec arbor una ter floreat,
aut cur arandi maturitatem ad signum floris accom-
modet. hoc sum contentus, quod, etiam si, quo mo-
do quidque fiat, ignorem, quid fiat intelligo. Pro
omni igitur diuinatione idem, quod pro omnibus ijs
rebus, quas commemoravi, respondebo. quid scam-
moneae radix ad purgandum, quid aristolochia ad
morsus serpentum possit, quae nomen ex inuentore
reperit, rem ipsam inuentor ex somnio, uideo;
quod

DE DIVINATIONE

quod satis est: cur possit, nescio. sic uentorum, & imbrum signa, quae dixi, rationem quam habeant, non satis perspicio: uim & euentum agnosco, scio, approbo. similiter, quid fissum in extis, quid fibra ualeat, accipio: quae causa sit, nescio. atque horum quidem plena uita est. extis enim omnes fere utuntur. Quid? de fulgurum ui dubitare num possumus? nō ne cum multa alia mirabilia, tum illud in primis? cum Summanus in fastigio Iouis optimi maximi, cui tum erat fictilis, e caelo ictus esset, nec usquam eius simulacri caput inueniretur; haruspices in Tiberim id depulsum esse dixerunt; idq. inuentum est eo loco, qui est ab haruspibus demonstratus. Sed quo potius utar aut auctore, aut teste, quam te? cuius edidici etiam uersus, & lubenter quidem, quos in secundo consulatu Vrania musa pronunciat.

Principio, aetherio flammatus Iupiter igni
Vertitur, & totum collustrat lumine mundum,
Menteq. diuina caelum terrasq. petessit.
Quae penitus sensus hominum, uitasq. retentat,
Aetheris aeterni septa, atque inclusa caernis.
Et, si stellarum motus cursusq. uagantes
Nosse uelis, quae sint signorum in sede locatae,
Quae uerbo, & falsis Graiorum uocibus errant,
Re uera certo lapsu spatiumq. feruntur:
Omnia iam cernes diuina mente notata.
Nam primum astrorum uolucres, te consule, motus,
Concursusq. graues stellarum ardore micantes,
Tu quoque, cum tumulos Albano in monte ninales
Lustrasti,

Lustrasti, & laeto mactasti lacte Latinas,
Vidisti, & claro tremulos ardore cometas,
Multaq. misceri nocturna strage putasti;
Quod ferme dirum in tempus cecidere Latinae,
Cum claram speciem concreto lumine Luna
Abdidit, & subito stellanti nocte perempta est.
Quid uero Phoebi sax, tristis nuncia belli,
Quae magnum ad columē flammato ardore uolabat,
Praecipites caeli partes, obitusq. petisset?
Aut cum terribili percussus fulmine cuius,
Luce serenanti uitalia lumina liquit?
Aut cum se grauido tremefecit corpore tellus?
Iam uero uariae nocturno tempore uisae
Terribiles formae bellum, motusq. monebant:
Multaq. per terras uates oracula furenti
Pectore fundebant tristes minitanti casus.
Atque ea, quae lapsu tandem cecidere uetusto.
Haec fore, perpetuis signis, clarisq. frequentans
Ipse deum genitor caelo terrisq. canebat.
Nunc ea, Torquato quae quondam & consule Cotta
Lydius ediderat Tyrrhenae gentis haruspex,
Omnia fixa tuus glomerans determinat annus.
Nam pater alitonans stellanti nixus olympo
Ipse suas arces, atque inclyta templa petiuit,
Et Capitolinis iniecit sedibus ignes.
Tum species ex aere uetus, generataq. Nativae
Concidit, elapsaeq. uetusto numine leges:
Et diuum simulacra peremit fulminis ardor.
Hic siluestris erat, Romani nominis altrix,

Martia,

DE DIVINATIONE

in (ab) 3. 12 Martia, quae paruos Mauortis semina natos
 Vberibus gravidis vitali rore rigabat:
 Quae tum cum pueris flammato fulminis ictu
 Concidit, atque auulsa pedum uestigia liquit.
 Tum quis non artis scripta, ac monumenta uolutas,
 Voces tristificas chartis promebat Etruscis?
 Omnes ciuili generosam stirpe profectam
 Vitare ingentem cladem, pestemq. monebant:
 Vel legum exitium constanti noce ferebant,
 Templumq. adeo flammis, urbesq. iuebant
 Bripere, & stragem horribilem, caedemq. uereri.
 Atque haec fixa graui fato, ac fundata teneri,
 Ni post excisum ad columnen formata decore
 Sancta Iouis species claros spectaret in ortus.
 Tum fore, ut occultos populus, sanctusq. senatus
 Cernere conatus posset, si solis ad ortum
 Conuersa, inde patrum sedes, populiq. uideret.
 Haec tardata diu species, multumq. morata,
 Consule te tandem celsa est in sede locata:
 Atque una fixi, ac signati temporis hora
 Iupiter excelsa clarabat sceptrum columna,
 Ac clades patriae flamma, ferroq. parata,
 Vocibus Allobrogum patribus populoq. patebat,
 Rite igitur ueteres, quorum monumenta tenetis,
 Qui populos, urbesq. modo, ac uirtute regebant;
 Rite etiam uestri, quorum pietasque, fidesq.
 Praestitit, & longe uicit sapientia cunctos,
 Praecipue ingenti coluerunt numine diuos.
 Haec adeo penitus cura uidere sagaci

Otia

Otia qui studijs laeti tenuere decoris,
 Inq. *Academia umbrifera, nitidoq. Lyceo*
Fuderunt claras secundi pectoris artes.
 Equibus ereptum primo iam a flore iuventae,
 Te patria in media uirtutum male locauit.
 Tu tamen anxiferas curas requiete relaxas,
 Quod patriae uoces studijs, nobisq. sacraſti.
 Tu igitur animum poteris inducere contra ea, quae a
 me diſputantur, de diuinatione dicere, qui et geſſeris
 ea, quae geſſiſti, et ea, quae pronunciauit, accuratiſſi-
 me ſcripſeris? Quid quaeris Carneades, cur haec ita
 fiant, aut qua arte perſpici poſſint? neſcire me fate-
 or: euenire autem, te ipſum dico uidere, caſu, in-
 quis. ita ne uero? quidquam poteſt eſſe caſu factum,
 quod omnes habet in ſe numeros ueritatis? quattuor
 tali iacti, caſu uenereum efficiunt. num etiam cen-
 tum uenereos, ſi cccc talos ieceris, caſu futuros
 putas? aſperſa temere pigmenta in tabula, oris line-
 amenta effingere poſſunt: num etiam Veneris Gni-
 diae, Coaeq. pulchritudinem effingi poſſe aſperſione
 fortuita putas? ſus roſtro ſi humi A litteram im-
 preſſerit, num propterea ſuſpicari poteris, Andro-
 macham Ennij ab ea poſſe deſcribi? Fingebat Car-
 neades, in Chiorum lapicidinis, ſaxo diſſiſſo, caput
 extitiſſe Paniſci. credo, aliquam non diſſimilem figu-
 ram, ſed certe non talem, ut eam factam a Sco-
 pa diceres. ſic enim ſe proſecto res habet, ut num-
 quam perfecte ueritatem caſus imitetur. at non
 numquam ea, quae praediſta ſunt, minus eueniunt.

N quae

DE DIVINATIONE

quae tandem id ars non habet? earum, dico, artium, quae coniectura continentur, & sunt opinabiles. an medicina ars non putanda est? quam tamen multa fallunt. quid? gubernatores non ne falluntur? an Achiuorum exercitus, & tot nauium rectores non ita profecti sunt ab Ilio, ut profectioe lacti piscium lasciuiam intuerentur, ut ait Pacuuius, nec tuendi satietas capere posset?

Interea prope iam occidente Sole inhorrescit mare, Tenebrae conduplicantur, noctisq. & nimbium occaecat nigror.

num igitur tot clarissimorum ducum, regumq. naufragium sustulit artem gubernandi? aut num imperatorum scientia nihil est, quia summus imperator nuper fugit, amisso exercitu? aut num propterea nulla est reip. gerendae ratio, atque prudentia, quia multa Cn. Pompeium, quaedam M. Catonem, non nulla etiam te ipsum fefellerunt? Similis est haruspicum responsio, omnisq. opinabilis diuinitio: coniectura enim nititur: ultra quam progredi non potest. ea fallit fortasse non numquam, sed tamen ad ueritatem saepissime dirigit: est enim ab omni aeternitate repetita. in qua cum pacne innumerabiles res eodem modo euenirent iisdem signis antegressis, ars est effecta, eadem saepe animaduertendo, atque notando. Auspicia uero uestra quam constant? quae quidem nunc a Romanis auguribus ignorantur, (bona hoc tua uenia dixerim) a Cilicibus, Pamphylijs, Pisidis, Lycijs tenentur. nam quid ego hospitem nostrum,

strum, clarissimum, atque optimum uirum, Deio-
tarum regem commemorem? qui nihil umquam, ni-
si auspicato, gerit: qui cum ex itinere quodam pro-
posito, & iam constituto reuertisset, aquilae admo-
nitus uolatu; conclaue illud, ubi erat mansurus, si
ire perrexisset, proxima nocte corruit. itaque, ut
ex ipso audiebam, persaepe reuertit ex itinere, cum
iam progressus esset multorum dierum uiam. cuius
quidem hoc praeclarissimum est, quod, postea quam
a Caesare tetrarchiae regno, pecuniaq. multatus est,
negat se tamen eorū auspiciorum, quae sibi ad Pom-
peium proficiscenti secunda euenerint, paenitere: se-
natus enim auctoritatem, & populi R. libertatem,
atque imperij dignitatem suis armis esse defensam,
sibiq. eas aues, quibus auctoribus officium, & fidem
secutus esset, bene consuluisse: antiquiorem enim si-
bi fuisse possessionibus suis gloriam. Ille igitur mihi
uidetur uere augurari. nam nostri quidem magistra-
tus auspicijs utuntur coactis. necesse enim est, offa
obiecta cadere frustum ex pulli ore, cum pascitur.
quod autem scriptum habetis, aut tripudium fieri,
si ex ea quid in solum ceciderit: hoc quoque, quod
dixi coactum, tripudium solistimum dicitis. itaque
multa auguria, multa auspicia, quod Cato ille sapi-
ens queritur, negligentia collegij amissa plane, &
deserta sunt. nihil fere quondam maioris rei, nisi au-
spicato, ne priuatim quidem gerebatur: quod etiam
nunc nuptiarum auspices declarant, qui, re omissa,
nomen tantum tenent. nam ut nunc extis, (quam-

N 2 quam

quam id ipsum aliquanto minus, quam olim) sic
 tunc auibz magnae res impertiri solebant. itaque,
 sinistra dum non exquirimus, in dira, & in uitiosa
 incurrimus. ut P. Claudius, Appij Caeci filius, e-
 iusq. collega L. Iunius classes maximas perdiderunt,
 cum uitio nauigassent. quod eodem modo euenit A-
 gamemnoni: qui, cum Achiui coepissent
 Inter se strepere, aperteq. artem obterere extispiciu,
 Soluere imperat secundo rumore, auersaq. aui.
 sed quid uetera? M. Crasso quid acciderit, uideamus,
 dirarum obnunciatione neglecta. in quo Appius,
 collega tuus, bonus augur, ut ex te audire soleo, non
 satis scienter uirum bonum, & ciuem egregium cen-
 sor C. Ateium notauit, quod, e mentitum auspicia,
 subscripserit. esto: fuerit hoc censoris, si iudicabat
 e mentitum. at illud minime auguris, quod adscri-
 psit, ob eam causam populum R. calamitatem ma-
 ximam cepisse. si enim ea causa calamitatis fuit;
 non in eo est culpa, qui obnunciavit; sed in eo, qui non
 paruit. ueram enim fuisse obnunciationem, ut ait
 idem augur, & censor, exitus approbanit. quae si
 falsa fuissent, nullum afferre potuissent causam ca-
 lamitatis. etenim dirae, sicut cetera auspicia, ut omi-
 na, ut signa, non causas afferunt cur quid eueniat;
 sed enunciant euentura, nisi prouideris. non igitur
 obnunciatio Ateij causam finxit calamitatis, sed, si
 gno obiecto, monuit Crassum, quid euenturum es-
 set, nisi cauisset. ita aut illa obnunciatio nihil ualuit:
 aut, si, ut Appius indicat, ualuit, id ualuit, ut pec-
 catum

catum haereat non in eo, qui monuerit, sed in eo,
 qui non obtemperarit. Quid lituus iste uester, quod
 clarissimum est insigne auguratus, unde uobis est
 traditus? nempe eo Romulus regiones direxit tum, ¹⁴⁰
 cum urbem condidit. qui quidem Romuli lituus, id
 est incuruum, & leuiter a summo inflexum bacillū,
 quod ab eius litui, quo canitur, similitudine nomen
 inuenit; cum situs esset in curia Saliorum, quae est in
 Palatio, eaq. deflagrasset, inuentus est integer.
 Quid multis annis post Romulum, Prisco regnan-
 te Tarquinio? quis ueterum scriptorum non loqui-
 tur, quae sit ab Attio Nauio per lituum regionum ³²
 facta descriptio? qui cum, propter paupertatem, ^{lib. i. 4}
 sues puer pasceret, una ex his amissa, uouisse dici-
 tur, si recuperasset, uiam se deo daturum, quae ma-
 xima esset in uinea. itaque, suae inuenta, ad meridiē
 spectans, in uinea media dicitur constitisse: cumq.
 in quattuor partes uineam diuisisset, tresq. partes
 aues abdixissent; quarta parte, quae erat reliqua, in
 regione distributa, mirabili magnitudine uiam, ut
 scriptum uidemus, inuenit. qua re celebrata, cum
 uicini omnes ad unum de rebus suis referrent, erat
 in magno nomine, & gloria. ex quo factum est, ut
 eum ad se rex Priscus accerferet. cuius cum tenta-
 ret scientiam auguratus, dixit ei se cogitare quiddā;
 id posset ne fieri, consuluit. ille, augurio actō, posse
 respondit. Tarquinius autem dixit, se cogitasse co-
 tem nouacula posse praecidi: tum Attium iussisse ex-
 periri: ita cotem in Comitium illatam, inspectante

DE DIVINATIONE

33-140
 & rege, & populo, nouacula esse discissam. ex eo
 euenit, ut & Tarquinius augure Attio Nauio ute-
 retur, & populus de suis rebus ad eum referret. co-
 tem autem illam, & nouaculam defossam in Comi-
 tio, supraq. impositum puteal accepimus. Nege-
 mus omnia; comburamus annales; ficta haec esse di-
 camus; quiduis denique potius, quam deos res hu-
 manas curare, fateamur: quid, quod apud te scriptu
 est de Ti. Graccho, non ne & augurum, & haruspi-
 cum comprobat disciplinam? qui, cum tabernacu-
 lum uitio cepisset imprudens, quod inauspicato po-
 merium transgressus esset; comitia consulibus rogan-
 dis habuit. nota res est, & a te ipso mandata monu-
 mentis. sed & ipse augur Ti. Gracchus auspicio-
 rum auctoritatem confessione errati sui comprobauit; &
 haruspicum disciplinae magna accessit auctoritas;
 qui recentibus comitijs in senatum introducti, nega-
 uerunt iustum comitiorum rogatorem fuisse. Iis igitur
 assentior, qui duo genera diuinationis esse dixe-
 runt; unum, quod particeps esset artis; alterum,
 quod arte careret. est enim ars in ijs, qui nouas res
 coniectura persequuntur, ueteres obseruatione didi-
 cerunt. carent autem arte ij, qui non ratione, aut
 coniectura obseruatis, ac notatis signis, sed concita-
 tione quadam animi, aut soluto, liberoq. motu futu-
 ra praesentiunt. quod & somniantibus saepe contin-
 git, & non numquam uaticinantibus per furorem,
 ut Bacchis Boeotius, ut Epimenides Cres, ut Sibylla
 Er, thraea. cuius generis oracula etiam habenda sunt,
 non

non ea, quae aequatis sortibus ducuntur; sed illa, quae instinctu diuino, afflatuque funduntur. etsi ipsa sors contemnenda non est, si & auctoritatem habet uetustatis, ut eae sunt sortes, quas e terra editas accepimus: quae tamen ductae, ut in rem apte cadant, fieri posse credo diuinitus. quorum omnium interpretes, ut grammatici poetarum, proxime ad eorum, quos interpretantur, diuinationem uidentur accedere. Quae est igitur ista calliditas, res uetustate robustas calumniando uelle peruertere? Non reperio causam. latet fortasse obscuritate inuoluta naturae. non enim me deus ista scire, sed his tantum modo uti uoluit. utar igitur; nec adducar, ut rear aut in extis totam Etruriam delirare, aut eandem gentem in fulguribus errare, aut fallaciter portenta interpretari, cum terrae saepe fremitus, saepe mugitus, saepe motus multa nostrae reip. multa ceteris ciuitatibus graua & uera praedixerint. Quid, qui irridetur, partus hic mulae, non ne, quia fetus extitit in sterilitate naturae, praedictus est ab haruspibus incredibilis partus malorum? Quid? Ti. Gracchus, Publij filius, qui bis consul, & censor fuit, idemque summus augur, & uir sapiens, cuiusque praestans, non ne, ut C. Gracchus, filius eius, scriptum reliquit, duobus anguibus domi comprehensis haruspices conuocauit? qui cum respondissent, si marem emisisset, uxori breui tempore esse moriendum; si feminam, ipsi: aequius esse censuit, se maturam oppetere mortem, quam P. Africani filiam adolescentem: femi-

N 4 nam

*ut: amac
val:*

nam emisit: ipse paucis post diebus est mortuus. Ir-
rideamus haruspices; uanos, futes esse dicamus;
quorumq. disciplinam & sapientissimus uir, & e-
uentus, ac res comprobauit, contemnamus: conte-
mnamus etiam Babylonios, & eos, qui ex Cauca-
so caeli signa seruantes, numeris, & motibus, stella-
rum cursus persequuntur: condemnemus, inquam,
hos aut stultitiae, aut uanitatis, aut imprudentiae, qui
CCCCCLXX millia annorum, ut ipsi dicunt, monu-
mentis comprehensa continent; & mentiri iudice-
mus, nec saeculorum reliquorum iudicium, quod de
ipsis futurum sit, pertimescere. Age, barbari uani,
atque fallaces: num etiam Graiorum historia men-
tita est? quae Croeso Pythius Apollo, (ut de natu-
rali diuinatione dicam) quae Atheniensibus, quae La-
cedaemonijs, quae Taygetis, quae Arginis, quae Co-
rinthijs responderit, quis ignorat? collegit innume-
rabilia oracula Chrysippus, nec ullum sine locuplete
auctore, atque teste: quae quia nota tibi sunt, relin-
quo. defendo unum hoc: numquam illud oraculum
Delphis tam celebre, & tam clarum fuisse, neque
tantis donis refertum omnium populorum, atque re-
gum, nisi omnis aetas oraculorum istorum ueritatem
esset experta. iam diu idem non facit. ut igitur nunc
minore gloria est, quia minus oraculorum ueritas
excellit: sic tum, nisi summa ueritate, in tanta glo-
ria non fuisse. potest autem uis illa terrae, quae men-
tem Pythiae diuino afflatu concitabat, euanuisse ue-
tustate, ut quosdam exaruisse amnes, aut in alium
cursum

cursum contortos, & deflexos uidemus. sed, ut uis,
acciderit: magna enim quaestio est: modo maneat,
quod negari non potest, nisi omnem historiam per-
uerterimus, multis saeculis uerax fuisse id oraculum.
Sed omittamus oracula: ueniamus ad somnia. de
quibus disputans Chrysippus, multis, & minutis so-
mnijs colligendis, facit idem, quod Antipater, con-
quirens, quae, Antiphontis interpretatione explica-
ta, declarant illa quidem acumen interpretis, sed e-
xemplis grandioribus decuit uti. *Dionysij mater,*
eius, qui Syracusiorum tyrannus fuit, ut scriptum a-
pud Philistum est, & doctum hominem, & diligen-
tem, & aequalem temporum illorum, cum praegnās
hunc ipsum Dionysium alio contineret, somniauit se
peperisse satyrisum. huic interpretes portentorum,
qui Galleotae tum in Sicilia nominabantur, res-
ponderunt, ut ait Philistus, eum, quem illa peperisset, cla-
rissimum Graeciae diuturna cum fortuna fore. Num
te ad fabulas reuoco uel nostrorum, uel Graecorum
poetarum? narrat enim & apud Ennium *Vesta-*
lis illa.

*Excita cum tremulis annus attulit artubus lumen,
Talia commemorat lacrymans exterrita somno.
Euridica prognata, pater quam noster amauit,
Vires uitaq. corpus meum nunc deserit omne.
Nam me uisus homo pulcher per amoena salicta
Et ripas raptare, locosq. novos. ita sola
Post illa, germana soror, errare uidebar,
Tarda. uestigare, & quaerere te, neque posse*

Corde

Corde capeßere . semita nulla pedem stabilibat ,
 Exin compellare pater me uoce uidetur
 His uerbis . o gnata , tibi sunt ante gerendae
 Aerumnae : post ex fluuio fortuna resistet .
 Haec pater effatus , germana , repente recessit ,
 Nec sese dedit in conspectum corde cupitus :
 Quamquam multa manus ad caeli caerula templa
 Tendebam lacrymans , & blanda uoce uocabam .
 Vix aegro tum corde meo me somnu' relinquit .
 haec , etiam si ficta sunt a poeta , non absunt tamen a
 consuetudine somniorum . Sic sane etiam illud com-
 menticium , quo Priamus est conturbatus .
 Quia mater grauida parere se ardentem facem
 Visa est in somnis Hecuba : quo facto pater
 Rex ipse Priamus , somnio mentis metu
 Percussus , curis sumptis suspirantibus
 Exsacrificabat hostijs balantibus .
 Tum coniectorem postulat pacem petens ,
 Ut se edoceret obsecrans Apollinem ,
 Quo sese uertant tantae sortes somnium .
 Ibi ex oraclo uoce diuina edidit
 Apollo , puerum , primus Priamo qui foret
 Post illa natus tempora , hunc sitolleret ,
 Eum esse exitium Troiae , pestem Pergamo .
 Sint haec , ut dixi , somnia fabularum : hisq. adiunga-
 tur etiam Aeneae somnium : quod in Numerij Fa-
 bii Pictoris Graecis annalibus eiusmodi est , ut om-
 nia , quae ab Aenea gesta sunt , quaeq. illi acciderunt ,
 ea fuerint , quae ei secundum quietem uisa sunt . Sed
 pro-

propiora uideamus. Cuiusnam modi est Superbi Tar
quinij somnium, de quo in Bruto Attij loquitur ipse?
Cum iam quieti corpus nocturno impetu
Dedi, sopore placans artus languidos,
Visum est in somnijs pastorem ad me appellere
Pecus lanigerum eximia pulchritudine,
Duos consanguineos arietes inde eligi,
Praeclarioremq. alterum immolare me:
Deinde eius germanum cornibus connitier
In me arietare, eoq. ictu me ad casum dari:
Exin prostratum terra grauitersaucium,
Resupinum, in caelo contueri maximum ac
Mirificum facinus, dextrorsum orbem flammeum
Radiatum solis liquier cursu nouo.
cuius igitur somnij quae sit a coniectoribus interpreta
tio facta, uideamus.
Rex, quae in uita usurpant homines, cogitant, cu
rant, uident,
Quaeq. agunt uigilantes, agitantque, ea si cui in so
mno accidunt,
Minus mirum est: sed in re tanta haud temere im
prouiso offerunt:
Proin uide, ne, quem tu esse hebetem deputes aeque
ac pecus,
Is sapientia munitum pectus egregium gerat,
Teq. regno expellat. nam id, quod de Sole ostentum
est tibi,
Populo commutationem rerum portendit fore.
Per propinqua haec bene uerruncent populo. nam
quod

quod ad dextram
Coepit cursū ab laeva signū praepotēs, pulcherrime
Auguratum est, rem Romanam publicam sum-
mam fore.

Age nunc ad externa redeamus. Matrem Phala-
ridis, scribit Ponticus Heraclides, doctus uir, au-
ditor, & discipulus Platonis, uisam esse uidere in
somnia simulacra deorum, quae ipsa Phalaridis do-
mi consecrauisset: ex his Mercurium e patera, quam
dextra manu teneret, sanguinem uisum esse funde-
re: qui cum terram attigisset, referuiscere uidere-
tur sic, ut tota domus sanguine redundaret. quod ma-
tris somnium immanis filij crudelitas comprobauit.
Quid ego, quae magi Cyro illi principi interpretati
sunt, ex Dionysii Persicis libris proferam? nam cum
dormienti ei Sol ad pedes uisus esset, ter eum scribit
frustra appetuisse manibus, cum se conuoluens Sol
elaberetur, & abiret: ei magos dixisse, quod ge-
nus sapientum, & doctorum habebatur in Persis,
ex triplici appetitione Solis, x x x annos Cyrum re-
gnaturum esse, portendi. quod ita contigit. nam ad
L x x peruenit, cum x L natus annos regnare coe-
pisset. Est profecto quiddam etiam in barbaris gen-
tibus praesentens, atque diuinans: siquidem ad mor-
tem proficiscens Calanus Indus cum ascenderet in ro-
gum ardentem, o praeclarum discessum, inquit, e ni-
ta, cum, ut Herculi contigit, mortali corpore cre-
mato in lucem animus excesserit. cumq. Alexan-
der eum rogaret, si quid uellet, ut diceret: optime,
inquit:

107
Tus. 3. 23
Strab. 6. 6. 19
Val. 1. 2

inquit: propediem te uidebo. quod ita contigit: nam
 Babylone paucis post diebus *Alexāder* est mortuus.
 Discedo parumper a somnijs; ad quae mox reuertar.
 Qua nocte templum *Ephesiae Dianae* deflagrauit,
 eadem constat ex *Olympiade* natum esse *Alexan-* 46:
drum, atque, ubi lucere coepisset, clamitasse ma-
 gos, pestem, ac perniciem *Asiae* proxima nocte
 natam. Haec de *Indis*, & magis: redeamus ad so-
 mnia. *Hannibalem* *Coelius* scribit, cum columnam
 auream, quae esset in fano *Iunonis Lacinae*, aufer-
 re uellet, dubitaretq. utrum ea solida esset, an ex-
 trinsecus inaurata, perterabrauisse: cumq. solidam
 inuenisset, statuissetq. tollere, secundum quietem
 uisam esse ei *Iunonem* praedicere, ne id faceret, mi-
 nitarique, si id fecisset, se curaturam, ut eum quo-
 que oculum, quo bene uideret, amitteret: idq. ab
 homine acuto non esse neglectum: itaque ex eo au-
 ro, quod exterebratum esset, berculam curasse fa-
 ciendam, & eam in summa columna collocauisse.
 hoc idem in *Sileni*, quem *Coelius* sequitur, graeca hi-
 storia est. is autem diligentissime res *Hannibalis* per-
 secutus est. *Hannibalem*, cum cepisset *Saguntum*,
 uisum esse in somnijs a *Ioue* in deorum concilium uo-
 cari: quo cum uenisset, *Iouem* imperasse, ut *Italiae*
 bellum inferret, ducemq. ei unum ex concilio da-
 tum: quo illum utentem, cum exercitu progredi coe-
 pisse: tum ei ducem illum praecepisse, ne respiceret:
 illum autem id diutius facere non potuisse, elatumq.
 cupiditate respexisse: tum uisam belluam uastam;

DE DIVINATIONE

135.
 Val. i. + VII.
 135.
 & immanem, circumplicatam serpentibus, quacumque incederet, omnia arbuſta, uirgulta, teſta peruertere: & eum admiratum quaſiſſe de deo, quidnam illud eſſet tale monſtrum: et deum reſpon-diſſe, uarietatem eſſe Italiae; praecepiſſeque, ut pergeret protinus; quid retro, atque a tergo fieret, ne laboraret. Apud Agathoclem ſcriptum in hiſtoria eſt, Hamilcarem Carthaginiensem, cum oppugnet Syracuſas, uisum eſſe audire uocem, ſe poſtri-die cenaturum Syracuſis: cum autem is dies illuxiſſet, magnam ſeditionem in caſtris eius inter Poe-nos, & Siculos milites eſſe factam: quod cum ſenſiſſent Syracuſani, improuiſo eos in caſtra irrupiſſe, Hamilcaremque ab iſs uiuum eſſe ſublatum. ita res ſomnium comprobauit. Plena exemplorum eſt hiſtoria, tum reſerta uita communis. at uero P. De-cius ille, Q. filius, qui primus e Decijs conſul fuit, cum eſſet tribunus mil. M. Valerio, & A. Corne-lio cos. a Samnitibusque premeretur noſter exerci-tus; cum pericula proeliorum iniret audacius, mo-nereturque, ut cautior eſſet, dixit, quod extat in annalibus; ſibi in ſomnijs uisum eſſe, cum in medijs hoſtibus uerſaretur, occidere cum maxima gloria. & tum quidem incolumis exercitum obſidione libe-rauit. poſt triennium autem, cum conſul eſſet, de-uouit ſe, & in aciem Latinorum irrupit armatus. quo eius facto ſuperati ſunt, & deleti Latini. cuius mors ita glorioſa fuit, ut eandem concupiſceret fi-lius. Sed ueniamus nunc, ſi placet, ad ſomnia phi-loſopho-

lofophorum. Est apud Platonem Socrates, cum esset in custodia publica, dicens Critoni, suo familiari, sibi post tertium diem esse moriendum: uidisse se in somnijs pulchritudine eximia feminam, quae se nomine appellans diceret Homericum quendam eiusmodi uersum:

Tertia te Phthiae tempestas laeta locabit.
quod ut est dictum, sic scribitur contigisse. Xenophon Socraticus, qui uir, & quantus, in ea militia, quacum Cyro minore persunetus est, sua scribit somnia: quorum exitus mirabiles extiterunt. mentiri Xenophontem, an delirare dicemus? Quid, singulari uir ingenio, Aristoteles, & paene diuino, ipse ne errat, an alios uult errare, cum scribit, Eudemum Cyprium, familiarem suum, iter in Macedoniam facientem Pheras uenisse; quae erat urbs in Thessalia tum admodum nobilis, ab Alexandro autem tyranno crudeli dominatu premebatur: in eo igitur opido ita grauiter aegrum Eudemum fuisse, ut omnes medici diffiderent: ei uisum esse in quiete egregia facie iuuenem dicere, fore ut breui conualesceret, paucisq. diebus interiturum Alexandrum tyrannum, ipsum autem Eudemum quinquennio post domum esse rediturum. atque ita quidem prima statim scribit Aristoteles consecuta, & conualuisse Eudemum, & ab uxoris fratribus interfectum tyrannum: quinto autem anno exeunte, cum esset spes ex illo somnio in Cyprium illum ex Sicilia esse rediturum, proeliantem eum ad Syracusas occidisse:

ex

DE DIVINATIONE

ex quo ita illud somnium esse interpretatum, ut, cum animus Eudemi ex corpore excesserit, tum domum reuertisse uideatur. Adiungamus philosophis doctissimum hominem, poetam quidem diuinum, Sophoclem: qui, cum ex acde Herculis patera aurea grauis surrepta esset, in somnijs uidit ipsum deum dicentem qui id fecisset. quod semel ille, iterumque neglexit. ubi idem saepius, ascendit in Ariopagum, detulit rem. Ariopagitae comprehendi iubent eum, qui a Sophocle erat nominatus. is, quaestione adhibita, confessus est, pateramque retulit. quo facto, fanum illud Indicis Herculis nominatum est. Sed quid ego Graecorum? nescio quo modo magis me nostra delectant. omnes hoc historici, Fabij, Gellij, sed proxime Coelius. Cum bello Latino ludi notui maximi primum fierent, ciuitas ad arma repente est excitata. itaque, ludis intermissis, instauratini constituti sunt. qui ante quam fierent, cumque iam populus consedisset; seruus per circum, cum uirgis caederetur, furcam ferens ductus est. exin cuidam rustico Romano dormienti uisus est uenire, qui diceret, praesulterem sibi non placuisse ludis, idque ab eodem iussum esse eum senatui nunciare; illum non ausum: iterum esse idem iussum, & monitum, ne uim suam experiri uellet; ne tum quidem esse ausum; exin filium eius esse mortuum: eandem in somnijs admonitionem fuisse tertiam; tum illum etiam debilem factum, rem ad amicos detulisse, quorum de sententia lecticula in curiam esse delatum; cumque.

Li. 2.
La. 2. 8
Val. 1.

cumq. senatui somnium enarrauisset, pedibus suis saluum reuertisse. itaque, somnio comprobato a senatu, ludos illos iterum instauratos, memoriae proditum est. C. uero Gracchus multis dixit, ut scri-
Val: 1. 7.
Plur: in uita
 ptum apud eundem Coelium est, sibi in somnijs quae-
 sturam petenti Tiberium fratrem uisum esse dicere, quam uellet cunctaretur, tamen eodem sibi leto, quo ipse interisset, esse pereundum. hoc, ante quam tribunus pl. Gracchus factus esset, et se audisse scribit Coelius, & dixisse multis. quo somnio quid inueniri potest certius? Quid? illa duo somnia, quae creberrime commemorantur a Stoicis, quis tandem potest contemnere? unum de Simonide: qui cum igno-
Val: 1. 7.
 tum quendam proiectum mortuum uidisset, eumq. humanisset, haberetq. in animo nauem conscendere, moneri uisus est, ne id faceret, ab eo, quem sepultura affecerat: si nauigasset, cum naufragio esse periturum: itaque Simonidem redisse; perisse ceteros, qui tum nauigassent. alterum ita traditum, clarum admodum somnium: cum duo quidam Ar-
Val: 1. 7.
in Ver. lib 3.
Ac 4. 198.
 cades familiares iter una facerent, et Megaram uenissent, alterum ad cauponem diuertisse, ad hospitium alterum: qui ut cenati quiescerent, concubia nocte uisum esse in somnijs ei, quierat in hospitio, illum alterum orare ut subueniret, quod sibi a caupone interitus pararetur: eum primo perterritum somnio surrexisse: dein, cum se collegisset, idq. uisum pro nihilo habendum esse duxisset, recubuisse: tum ei dormienti eundem illum uisum esse rogare,
 O ut,

ut, quoniam sibi uiuo non subuenisset, mortem suam
 ne inultam esse pateretur: se interfectum in plau-
 strum a caupone esse coniectum, & supra stercus
 iniectum: petere, ut mane ad portam adesset prius
 quam plaustrum ex opido exiret: hoc uero eum
 somnio commotū mane bubulco praesto ad portam
 fuisse; quaesisse ex eo, quid esset in plastro: illum
 perterritum fugisse, mortuum erutum esse, caupo-
 nem, re patefacta, poenas dedisse. Quid hoc som-
 nio dici diuinius potest? Sed quid aut plura, aut ue-
 tera quaerimus? saepe tibi meum narraui: saepe ex
 te somnium audiui tuum: me, cum Asiae provinciae
 praeessem, uidisse in quiete, cum tu equo aduectus
 ad quandam magni fluminis ripam, prouectus subi-
 to, atque delapsus in flumen, nusquam apparuis-
 ses, me contremuisse timore perterritum: tum te
 repente laetum extitisse, eodemq. equo aduersam
 ascendisse ripam, nosq. inter nos esse complexos.
 facilis coniectura huius somnij: mihiq. a peritis in
 Asia praedictum est, fore eos euentus rerum, qui
 acciderunt. uenio nunc ad tuum. Audiui equidem
 ex te ipso, sed mihi saepius Sallustius noster narra-
 uit: cum in illa fuga, nobis gloriosa, patriae cala-
 mitosa, in ulla quadam campi Atinatis maneres,
 magnamq. partem noctis uigilasses, ad lucem deni-
 que arcte, & grauiter dormire coepisse: itaque,
 quamquam iter instaret, te tamen silentium fieri
 iussisse, neque esse passum te excitari: cum autem
 experrectus esses hora secunda fere, te sibi somnium
 narrauisse

Val. 1. 7.

narrauiffe: uisum tibi esse, cum in locis solis maestus
errares, C. Marium cum fascibus laureatis quaere-
re ex te, quid tristis esses: cumq. tu te tua patria
ui pulsum esse dixisses, prehendisse eum dextram
tuam, & bono animo te iussisse esse, liëtoriq. proxi-
mo tradidisse, ut te in monumentum suum deduce-
ret: & dixisse, in eo tibi salutem fore. tum & se
exclamasse Sallustius narrat, reditum tibi celerem
& gloriosum paratum, & te ipsum uisum somnio
delectari. nam illud mihi ipsi celeriter nunciatum
est: ut audiuißes, in monumento Marij de tuo re-
ditu magnificentissimum illud S. C. esse factum, re-
ferente, optimo, & clarissimo uiro, consule, idq.
frequentissimo theatro, incredibili clamore, et plau-
su comprobatum? dixissete, nihil Atinati som-
nio fieri posse diuinius. At multa falsa. immo ob-
scura fortasse nobis. sed sint falsa quaedam: contra
uera quid dicimus? quae quidem multo plura eue-
nirent, si ad quietem integri iremus. nunc onusti ci-
bo, & uino, perturbata, & confusa cernimus. Vi-
de, quid Socrates in Platonis Politia loquatur. di-
cit enim: Cum dormientibus ea pars animi, quae
mentis & rationis particeps sit, sopita langueat;
illa autem, in qua feritas quaedam sit, atque agre-
ßis immanitas, cum sit immoderato obstupefacta
potu, atque pastu, exultare eam in somno, immo-
derateq. iactari. itaque huic omnia uisa obijciuntur
a mente, ac ratione uacua: ut aut cum matre cor-
pus miscere uideamur, aut cum quouis alio uel ho-

O 2 mnc,

DE DIVINATIONE

mine, uel deo, saepe bellua, atque etiam trucidare aliquem, & impie cruentari, multa. facere impure, atque taetre, cum temeritate, atque impudentia. at qui salubri, & moderato cultu, atque uictu quieti se tradiderit, ea parte animi, quae mentis & consilij est, agitata, & erecta, saturataq. bonarum cogitationum epulis, eaq. parte animi, quae uoluptate alitur, nec inopia eneeta, nec satietate affluenti; quorum utrumque praestringere aciem mentis solet; siue deest naturae quippiam, siue abundat, atque effluit; illa etiam tertia parte animi, in qua irarum existit ardor, sedata, atque restincta: tum eueniet, duabus animi temerarijs partibus compressis, ut illa tertia pars rationis, & mentis eluceat, & se uigetam ad somniandum, acremq. praebeat: tum ei uisa quietis occurrent tranquilla, atque ueracia. Haec uerba ipsa Platonis expressi. Epicurū igitur audiemus potius? nam Carneades, concretionis studio, modo ait hoc, modo illud. at ille quid sentit? sentit autem nihil umquam elegans, nihil decorum. hunc ergo antepones Platoni, & Socrati? qui ut rationem non redderent, auctoritate tamen hos minutos philosophos uincerent. iubet igitur Plato sic ad somnum proficisci corporibus affectis, ut nihil sit, quod errorem animis, perturbationemq. afferat. ex quo etiam Pythagoricis interdictum putatur, ne faba uescerentur, quod habet inflationem magnam is cibus, tranquillitati mentis, quaerenti uera, contrariam. Cum ergo est somno seuocatus animus

151:

animus a societate, & contagione corporis, tum meminit praeteritorum, praesentia cernit, futura prouidet. iacet enim corpus dormientis, ut mortui: uiget autem, & uiuit animus. quod multo magis faciet post mortem, cum omnino ex corpore excesserit. itaque, appropinquante morte, multo est diuinior. nam & id ipsum uident, qui sunt morbo graui & mortifero affecti, instare mortem. itaque his occurrunt plerumque imagines mortuorum: tumque uel maxime laudi student: eosque, qui secus quam decuit uixerunt, peccatorum suorum tum maxime paenitet. Diuinare autem morientes, etiam illo exemplo confirmat Posidonius, quo affert, Rhodium quendam morientem sex aequales nominaſſe, & dixiſſe, qui primus eorum, qui secundus, qui deinceps moriturus eſſet. ſed tribus modis cenſet deorum appulſu homines ſomniare: uno, quod prouideat animus ipſe per ſeſe, quippe qui deorum cognatione teneatur: altero, quod plenus aer ſit immortalium animorum, in quibus tamquam inſignitae notae ueritatis appareant: tertio, quod ipſi dii cum dormientibus colloquantur: idque, ut modo dixi, facilius euenit appropinquante morte, ut animi futura augurentur. ex quo & illud eſt Calani, de quo ante dixi; & Homerici Hectoris, qui moriens propinquam Achilli mortem denunciat. neque enim illud uerbum temere conſuetudo approbauifſet, ſi ea res nulla eſſet omnino.

Praeſagibat animus fruſtra me ire, cū exire domo.

O 3 ſagire

DE DIVINATIONE

sagire enim, sentire acute est: ex quo sagae anus,
quia multa scire uolunt, & sagaces dicti canes. is
igitur, qui ante sagit, quam oblata res est, dicitur
praesagire, idest futura ante sentire. inest igitur in
animis praesagitio, extrinsecus iniecta atque inclusa
diuinitus. ea si exarsit acrius, furor appellatur,
cum a corpore animus abstractus diuino instin-
ctu concitatur.

Sed quid oculis rapere uisa est derepente ardētibus?
ubi illa paullo ante sapiens uirginali modestia?

Mater optuma, tum multo mulier melior,

Missa sum superstitiosis ariolationibus:

Neque me Apollo fatis fandis demētem inuitā ciet.

Virgines uero aequales, patris mei meū factū pudet,

Optimi uiri. mea mater tui me miseret, mei piget.

Optumam progeniem Priamo repperisti extra me.

hoc dolet,

Me obesse, illos prodesse; me obstare, illos obsequi.

o poema tenerum, & moratum, atque molle. sed
hoc minus ad rem: illud, quod uolumus, expres-
sum est, ut uaticinari furor uera soleat.

Adest, adest fax obuoluta sanguine, atque incendio:

Multos annos latuit. ciues ferte opem, et restinguite.

deus inclusus corpore humano, iam non Cassandra
loquitur.

Iamq. mari magno classis cita

Texitur, exitium examen rapit:

Aduenit, & fera ueliuolantibus

Nauibu' compleuit manu' litora.

tragoedias

tragœdias loqui uideor, et fabulas. at ex te ipso non commenticiam rem, sed factam, eiusdem generis audiui: C. Coponium ad te uenisse Dyrrhachium, cum praetorio imperio classi Rhodiae praeesset, cum primis hominem prudentem, atque doctum: cumq. dixisset, remigem quendam ex quinquerei Rhodiorum uaticinatum, madefactum iri minus xxx diebus Graeciam sanguine; rapinas Dyrrhachij, et conscensionem in naues cum fuga, fugientibus miserabilem respectum incendiorum fore; sed Rhodiorum classi propinquum reditum, ac domum itionem dari: tum neque te ipsum non esse commotum, Marcumq. Varronem, & M. Catonem, qui tum ibi erant, doctos homines, uehementer esse perterritos: paucis sane post diebus ex Pharsalica fuga uenisse Labienum: qui cum interitum exercitus nunciauisset, reliqua uaticinationis breui esse confecta. nam & ex horreis direptum, effusumq. frumentum, uias omnes, angiportusq. constrauerat: & uos naues subito perterriti metu conscendistis: & noctu ad opidum respicientes, flagrantibus onerariis, quas incenderant milites, quia sequi noluerant, uidebatis: postremo, a Rhodia classe deserti, uerum uatem fuisse sensistis. Exposui, quam breuissime potui somnij, & furoris oracula, quae carere arte dixeram. quorum amborum generum una ratio est, qua Cratippus noster uti solet, animos hominum quadam ex parte extrinsecus esse tractos, & haustos. ex quo intelligitur, esse extra diuinum ani-

O 4 mum,

mum, humanus unde ducatur: humani autem ani-
 mi eam partem, quae sensum, quae motum, quae
 appetitum habeat, non esse ab actione corporis seu-
 gatam: quae autem pars animi rationis, atque intel-
 ligentiae sit partices, eam tum maxime uigere,
 cum plurimum absit a corpore. itaque ex ipsis exem-
 plis uerarum uaticinationum, & somniorum Cra-
 tippus solet rationem concludere hoc modo, Si si-
 ne oculis non potest extare officium, & munus
 oculorum; possunt autem aliquando oculi non fun-
 gi suo munere: qui uel semel ita est usus oculis, ut
 uera cerneret, is habet sensum oculorum uera cer-
 nentium. item igitur, si sine diuinatione non po-
 test, & officium, & munus diuinationis extare;
 potest autem quis, cum diuinationem habeat, erra-
 re aliquando, nec uera cernere: satis est ad confir-
 mandam diuinationem, semel ita esse aliquid diui-
 natum, ut nihil fortuito cecidisse uideatur. sunt au-
 tem eius generis innumerabilia: esse igitur diuina-
 tionem confitendum est. Quae uero aut coniectura
 explicantur, aut euentis animaduersa & notata
 sunt, ea genera diuinandi, ut supra dixi, non natu-
 ralia, sed artificiosa dicuntur. in quo haruspices, au-
 gures, coniectoresq. numerantur. haec improban-
 tur a Peripateticis, a Stoicis defenduntur. quorum
 alia sunt posita in monumentis, & disciplina; quod
 Etruscorum declarant & haruspicini, & fulgura-
 les, & rituales libri, nostri etiam augurales: alia
 autem subito ex tempore coniectura explicantur,
 ut

ut apud Homerum Calchas, qui ex passerum numero belli Troiani annos auguratus est: & ut in Sisen-
nae scriptum historia uidemus, quod te inspectante
factum est, ut, cum Sylla in agro Nolano immola-
ret ante praetorium, ab infima ara subito anguis e-
mergeret. cum quidam C. Postumius haruspex
oraret illum, ut in expeditionem exercitum educe-
ret; id cum Sylla fecisset, tum ante opidum No-
lam florentissima Samnitum castra cepit. Facta
coniectura etiā in Dionysio est paullo ante quam re-
gnare coepit: qui cum per agrum Leontinum iter
faciens, equum ipse dimisisset in flumen; summer-
sus equus uoraginibus non extitit: quem cum maxi-
ma contentione non potuisset extrahere, discessit, ut
ait Philistus, aegre ferens. cum autem aliquantulum
progressus esset, subito exaudiuit hinnitū, respexit-
que, et equum alacrem laetus aspexit, cuius in iuba
examen apum confederat. quod ostentū habuit hanc
uim, ut Dionysius paucis post diebus regnare coepe-
rit. Quid? Lacedaemonijs paullo ante Leuētricam ca-
lamitatem quae significatio facta est, cum in Hercu-
lis fano arma sonuerunt, Herculisq. simulacrum
multo sudore manauit? at eodem tempore Thebis,
ut ait Callisthenes, in tēplo Herculis ualuae clausae
repagulis, subito se ipsae aperuerunt, armaque, quae
fixa in parietibus fuerant, ea humi sunt inuenta.
cumq. eodem tempore apud Lebadiam Trophonio
res diuina fieret, gallos gallinaceos in loco sic assi-
due canere coepisse, ut nihil intermitterent: tum
augures

DE DIVINATIONE

augures dixisse Boeotios, Thebanorum esse uictoriam; propterea quod avis illa uicta silere soleret, canere si uicisset. eademque tempestate multis signis Lacedaemonijs Leuctricae pugnae calamitas denunciabatur. namque & Lysandri, qui Lacedaemoniorum clarissimus fuerat, statuae, quae Delphis stabat, in capite corona subito extitit ex asperis herbis, & agrestibus: stellaeque aureae, quae Delphis erant a Lacedaemonijs positae post naualem illam uictoriam Lysandri, qua Athenienses conciderunt; qua in pugna quia Castor & Pollux cum Lacedaemoniorum classe uisi esse dicebantur, eorum insignia deorum stellae aureae, quas dixi, Delphis posuit; paullo ante Leuctricam pugnam deciderunt, neque repertae sunt. maximum uero illud portentum iisdem Spartiacis fuit, quod, cum oraculum ab Ioue Dodonaeo petiuisent, de uictoria sciscitantes, legatique illud, in quo inerant sortes, collocauissent, simia, quam rex Molossorum in delicijs habebat, & sortes ipsas, & cetera, quae erant ad sortem parata, disturbauit, & aliud alio dissipauit. tum ea, quae proposita erat oraculo, sacerdos dixisse dicitur, de salute Lacedaemonijs esse, non de uictoria, cogitandum. Quid bello Punico secundo? non ne C. Flaminius consul iterum, neglexit signa rerum futurarum magna cum clade reip.? qui, exercitu lustrato, cum Arretium uersus castra mouisset, & contra Hannibalem legiones duceret, & ipse & equus eius ante signum Iouis Statoris sine causa repente concidit; nec eam rem habuit

Plut. Lysan.

Clat. 18

Liu. 22

Val. 16

Plut. Hann.

habuit religioni, obiecto signo, ut peritis uidebatur, ne committeret proelium. idem cum tripudio auspicaretur, pullarius diem proelii committendi diferebat. tum Flaminius ex eo quaesivit, si ne postea quidem pulli pascerentur, quid faciendum censeret. cum ille quiescendum respondisset; Flaminius, praecleara uero auspicia, si esurientibus pullis res geri poterit, saturis nihil geretur. itaque signa conuelli, et se sequi iussit. quo tempore, cum signifer primi hastati signum non posset mouere loco, nec quidquam proficeret, plures cum accederent: Flaminius, renuntiata, suo more neglexit: itaque tribus horis concisus exercitus, atque ipse interfectus est. Magnum illud etiam, quod addidit Coelius, eo ipso tempore, cum hoc calamitosum fieret proelium, tantos terrae motus in Liguribus, Gallia, compluribusque insulis, totaque in Italia factos esse, ut multa opida corruerint, multis locis labes facta sit, terraeque descenderint, fluminaque in contrarias partes fluxerint, atque in omnes mare influxerint. Fiant certe diuinationum coniecturae a peritis. Midae illi Phrygi, cum puer esset, dormienti formicae in os tritici grana congesserunt. ditissimum fore, praedictum est: quod euenit. At Platoni, cum in cunis paruulo dormienti apes in labellis confedisissent, responsum est, singulari illum suauitate orationis fore. ita futura eloquentia promissa in infante est. Quid, amores, ac deliciae tuae, Roscius? num aut ipse, aut pro eo Lannuium totum mentiebatur? qui cum esset in cunabulis, educareturque.

Liv. 22.

Herod. lib. 1.
lib. 7.

Sax. Plat.
lib. 1. 7.

DE DIVINATIONE

118
turq. in Selonio, qui est campus agri Lanuuii: noctu lumine appposito experrecta nutrix animaduertit puerum dormientem circumplicatum serpentis amplexu. quo aspectu exterrita clamorem sustulit. pater autem Roscij ad haruspices retulit: qui responderunt, nihil illo puero clarius, nihil nobilius fore, atque hanc speciem Praxiteles caelauit argento, & noster expressit Archias uersibus. Quid igitur expectamus? an, dum in foro nobiscum dii immortales, dum in uis uersentur, dum domi? qui quidem ipsi se nobis non offerunt, uim autem suam longe, lateque diffundunt: quam cum terrae cauernis includunt, tum hominum naturis implicant. nam terrae uis Pythiam Delphis incitabat, naturae Sibyllam. quid enim? non uidemus, quam sint uaria terrarum genera? ex quibus & mortifera quaedam pars est, ut & Ampsancti in Hirpinis, et in Asia Plutonia, quae uidemus: & sunt partes agrorum aliae pestilentes, aliae salubres, aliae quae acuta ingenia gignant, aliae quae retusa. quae omnia sunt & ex caeli uarietate, & ex disparili aspiratione terrarum. Fit etiam saepe specie quadam, saepe uocum grauitate, & cantibus, ut pellantur animi uehementius: saepe etiam cura, & timore: qualis est illa, Flexa anima tamquam lymphata, ut Bacchi sacris Commota, in tumultis Tencrum commemorans suum. Atque etiam illa concitatio declarat uim in animis diuinam. negat enim sine furore Democritus quemquam poetam magnum esse posse. quod idem dicit

Plato.

Plato . quem , si placet , appellet furorem , dum modo is furor ita laudetur , ut in Phaedro Platonis laudatus est . Quid uestra oratio in caussis ? quid ipsa actio ? potest esse uehemens , et grauis , et copiosa , nisi est animus ipse commotior ? equidem etiam in te saepe uidi , & , ut ad leuiora ueniamus , in Aescopo , familiari tuo , tantum ardorem uultuum , atque motuum , ut eum uis quaedam adstraxisse a sensu mentis uideretur . Obiiciuntur etiam saepe formae , quae reapse nullae sunt , speciem autem offerunt . quod contigisse Brenno dicitur , eiusq. Gallicis copijs , cum fauo Apollinis Delphici nefarium bellum intulisset . tu enim ferunt ex oraculo haec fatam esse Pythiam : Ego prouidebo rem istam , & albae uirgines . ex quo factum , ut & uiderentur uirgines ferre arma contra , & niue Gallorum obrueretur exercitus . Aristoteles quidem eos etiam , qui ualetudinis uitio furerent , & melancholici dicerentur , censibat habere aliquid in animis praesagiens , atque diuinum . ego autem haud scio , an nec cardiacis hoc tribuendum sit , nec phreneticis . animi enim integri , non uitiosi corporis , est diuinatio . quam quidem esse reuera , hac Stoicorum ratione concluditur . Si sunt dii , neque ante declarant hominibus quae futura sunt : aut non diligunt homines : aut , quid euenturum sit , ignorant : aut existimant nihil interesse hominum , scire quid futurum sit : aut non censent esse suae maiestatis , praesignificare hominibus quae sunt futura : aut ea ne ipsi quidem dii significare possunt .

at

DE DIVINATIONE

at neque non diligunt nos; sunt enim benefici, generiq. hominum amici: neque ignorant ea, quae ab ipsis constituta, & designata sunt: neque nostra nihil interest scire ea, quae euentura sunt; erimus enim cautiore, si sciemus: neque hoc alienum ducunt maiestate sua; nihil est enim beneficentia praestantius: neque non possunt futura praenoscere: non igitur sunt dii, nec significant futura. sunt autem dii: significant ergo: & non, si significant, nullas vias dant nobis ad significationis scientiam; frustra enim significarent: nec, si dant vias, non est diuinitas: est igitur diuinitas. Hac ratione & Chrysippus, & Diogenes, & Antipater utitur. Quid est igitur, cur dubitandum sit, quin sint ea, quae disputari, uerissima, si ratio mecum facit, si euenta, si populi, si nationes, si Graeci, si barbari, si maiores etiam nostri; si denique hoc semper ita putatum est; si summi philosophi, si poetae, si sapientissimi uiri, qui res publicas constituerunt, qui urbes condiderunt? an, dum bestiae loquantur, expectamus; hominum consentiente auctoritate contenti non sumus? Nec uero quidquam aliud affertur, cur ea, quae dico, diuinandi genera nulla sint; nisi quod difficile dictu uidetur, quae cuiusque diuinationis ratio, quae causa sit. quid enim habet haruspex, cur pulmo incisus etiam in bonis extis dirimat tempus, & proferat diem? quid augur, cur a dextra coruus, a sinistra cornix faciat ratum? quid astrologus, cur stella Iouis, aut Veneris coniuncta cum Luna ad ortus puerorum salutaris sit,

fit, Saturni, Martis ue contraria? cur autem deus dormientes nos moneat, uigilantes negligat? quid deinde caussae sit, cur Cassandra furens futura prospiciat, Priamus sapiens hoc idem facere non queat? cur fiat quidque, quaeris? recte omnino: sed non nunc id agitur: fiat, nec ne fiat, id quaeritur: ut si magnetem lapidem esse dicam, qui ferrum ad se alliciat, & trahat, rationem, cur id fiat, afferre nequeam, fieri omnino neges. quod idem facis in diuinatione: quam & cernimus ipsi, & audiimus, & legimus, & a patribus accepimus: neque ante philosophiam patefactam, quae nuper inuenta est, hac de re communis uita dubitauit: & postea quam philosophia processit, nemo aliter philosophus sensit, in quo modo esset auctoritas. Dixi de Pythagora, de Democrito, de Socrate: excepi de antiquis, praeter Xenophanem, neminem: adiunxi ueterem Academiam, Peripateticos, Stoicos. unus dissentit Epicurus. Quid uero hoc turpius, quam quod idem nullam censet gratuitam esse uirtutem? quis autem est, quem non moueat clarissimis monumentis testata, consignataque antiquitas? Calchantem augurem scribit Homerus longe optimum, eumque ducem classis fuisse: at illum auspicio- rum credo scientia, non locorum. Amphilocus, & Mopsus Argiuorum reges fuerunt, sed iidem augures, uique urbes in ora maritima Ciliciae graecas condiderunt. atque etiam ante hos Amphiaraus, & Tiresias, non humiles, & obscuri, neque eorum similes, ut apud Ennium est,
Qui

DE DIVINATIONE

Qui sui quaestus causa fictas suscitant sententias;
sed clari, et praestantes uiri, qui anibus, et signis ad
moniti futura dicebant. quorum de altero etiam a-
pud inferos Homerus ait, solum sapere, ceteros um-
brarum uagari modo. Amphiaräum autem sic ho-
norauit fama Graeciae, deus ut haberetur, atque ut
ab eius solo, in quo est humatus, oracula peterentur.
Quid? Asiae Rex Priamus, non ne & Helenum
filium, & Cassandram filiam diuinantes habebat,
alterum augurijs, altera mentis incitatione diuina?
quo in genere Martios quosdam fratres, nobili loco
natos, apud maiores nostros fuisse scriptum uide-
mus. Quid? Polydium Corinthium, non ne Home-
rus & alijs multa, & filio ad Troiam profiscen-
ti mortem praedixisse commemorat? omnino apud
ueteres qui rerum potiebantur, iidem auguria tene-
bant. ut enim sapere, sic diuinare regale ducebant,
ut testis est nostra ciuitas, in qua & reges, augures,
& postea priuati eodem sacerdotio praediti remp.
religionum auctoritate rexerunt. eaq. diuinationum
ratio ne in barbaris quidem gentibus neglecta est.
siquidem & in Gallia Druydes sunt, e quibus ipse
Diuitia *aus.* Diuitiacum Heduum, hospitem tuum, laudatoremq.
cognoui; qui & naturae rationem, quam physiologi-
am Graeci appellant, notam esse sibi profitebatur;
& partim augurijs, partim coniectura, quae essent
futura, dicebat: & in Persis augurantur, & diui-
nant magi, qui congregantur in fano commentandi
caussa, atque inter se colloquendi: quod etiam idem

uos quondam facere nonis solebatis . nec quisquam
rex Persarum potest esse , qui non ante magorum di-
sciplinam , scientiamq. perceperit . Licet autem ui-
dere & genera quaedam , & nationes huic scientiae
deditas . Telmessus in Caria est : qua in urbe excellit
haruspicum disciplina . itemq. Elis in Peloponneso
familias duas certas habet , Iamidarum unam , alte-
ram Glutidarum , haruspicinae nobilitat i praestan-
tes . In Syria Caldaci cognitione astrorum , soler-
tiaq. ingeniorum antecellunt . Etruria autem de cae-
lo tacta scientissime animaduertit ; eademq. inter-
pretatur , quid quibusque ostendatur monstris , at-
que portentis . quocirca bene apud maiores nostros
senatus tum , cum florebat imperium , decreuit , ut
de principum filiis sex singulis Etruriae populis in di-
sciplinam traderentur ; ne ars tanta propter tenui-
tatem hominum , a religionis auctoritate abducere-
tur ad mercedem , atque quaesum . Phryges autem ,
& Pisidae , & Cilices , & Arabum natio auium si-
gnificationibus plurimum obtemperant . quod idem
factitatum in Umbria accepimus . Ac mihi quidem
uidentur ex locis quoque ipsis , qui a quibusque in-
colebantur , diuinationum oportunitates esse du-
ctae . ut enim Aegyptij , ut Babylonij in camporum
patentium aequoribus habitantes , cum ex terra nihil
emineret , quod contemplationi caeli officere posset ,
omnem curam in siderum cognitione posuerunt :
Etrusci autem , quod religione imbuti studiosius , et
crebrius hostias immolabant , extorum cognitioni

T se

DE DIVINATIONE

se maxime dediderunt ; quodq. propter aeris crassitudinem de caelo apud eos multa fiebant ; & quod ob eadem causam multa inusitata parim ex caelo , alia ex terra oriebantur , quaedam etiam ex hominum , pecudum ue conceptu , & satu ; ostentorum exercitatissimi interpretes extiterunt . quorum quidam uim , ut tu soles dicere , uerba ipsa prudenter a maioribus posita declarant . quia enim ostendunt , portendunt , monstrant , praedicunt , ostenta , portenta , monstra , prodigia dicuntur . Arabes autem , & Phryges , & Cilices , quod pastu pecudum maxime utuntur , campos , & montes hieme , & aestate peragrantes , propterea facilius cantus aniu & uolatus notauerunt . Eademq. & Pisidiae causa fuit , et huic nostrae Umbriae . tum Caria tota , praecipueq. Telmesses , quos ante dixi , quod agros uberrimos maximeq. fertiles incolunt , in quibus multa propter fecunditatem fingi , gigni . possunt , in ostentis animaduertendis diligentes fuerunt . Quis uero non uidet , in optima quaque rep. plurimum auspicia & reliqua diuinandi genera ualuisse ? quis rex umquam fuit , quis populus , qui non uteretur praedictione diuina ? neque solum in pace , sed in bello multo etiam magis , quo maius erat certamen , & discrimen salutis . omitto nostros , qui nihil in bello , sine extis agunt , nihil sine auspicijs domi habent . auspicia externa uideamus . nam & Athenienses omnibus semper publicis consilijs diuinos quosdam sacerdotes , quos Mantes uocant , adhibuerunt : & Lacedae-

Lacedaemonij regibus suis augurem assessorem dederunt: itemq. Senibus, sic enim consilium publicum appellant, augurem interesse uoluerunt: idemq. de rebus maioribus semper aut Delphis oraculum, aut ab Ammone, aut a Dodona petebant. Lycurgus quidem, qui Lacedaemoniorum temp. temperauit, leges suas auctoritate Apollinis Delphici confirmauit. quas cum uellet Lysander commutare, eadem est prohibuit religione. atque etiam qui praeerant Lacedaemonijs, non contenti uigilantibus curis, in Pasitheaefano, quod est in agro propter urbem, somniandi causa excubabant; quia uera quietis oracula ducebant. Ad nostra iam redeo. Quoties senatus decemuiros ad libros ire iussit? nam & cum duo uisi soles essent, & cum tres lunae, & cum faces; & cum sol nocte uisus esset; & cum ex caelo fremitus auditus; & cum caelum discessisse uisum est, atque in eo animaduersi globi. delata etiam ad senatum labes agri Priuernatis, cum ad infinitam altitudinem terra desedisset, Apuliaq. maximis terrae-motibus conquassata esset. quibus portentis magna populo R. bella, perniciosaeq. seditiones denunciabantur. inq. his omnibus responsa haruspicum cum Sibyllae uersibus congruebant. Quid, cum Cumis Apollo sudauit, Capuae Victoria? quid ortus androgyni? non ne fatale quoddam monstrum fuit? quid, quod fluuius atratus sanguine fluxit? quid cum saepe lapidum, sanguinis non numquam, terrae interdum, quondam etiam lectis imber defluxit?

P 2 quid,

DE DIVINATIONE

quid, cum in Capitolio ictus centaurus ex caelo est?
in Auentino portae, & homines? Tusculi aedes Ca-
storis, & Pollucis, Romaeq. Pietatis? non ne &
haruspices ea responderunt, quae euenerunt: & in
Sibyllae libris eadem repertae praedictiones sunt?
quoties senatus decem uiros ad libros ire iussit? quan-
tis in rebus, quamq. saepe responsis haruspicum pa-
ruit? Caeciliae, Q. filiae, somnio modo, Marsico bel-
lo, templum est a senatu Iunonis Sospitae restitutum.
quod quidem somnium, Sisenna cum disputasset, mi-
rifice ad uerbum cum re conuenisse, tum insolenter,
credo ab Epicuro aliquo inductus, disputat somnijs
credi non oportere. idem contra ostenta nihil dispu-
tat; exponitque, initio belli Marsici et deorum simu-
lacra sudauisse, & sanguinem fluxisse, & discessis-
se caelum, & ex occulto auditas esse uoces, quae pe-
ricula belli nunciarent; & Lanuij clypeos, quod
haruspicibus tristissimum uisum esset, a muribus es-
se derectos. Quid, quod in annalibus habemus, Ve-
ienti bello, cum lacus Albanus praeter modum cre-
uisset, Veientem quendam ad nos, hominem nobi-
lem, profugisse, eumq. dixisse, ex fatis, quae Veien-
tes scripta haberent, Veios capi non posse, dum la-
cus is redundaret; et, si lacus emissus lapsu, et cur-
so suo ad mare profluxisset, perniciosum populo R.
sin autem ita esset eductus, ut ad mare peruenire
non posset, tum salutare nostris fore. ex quo illa ad-
mirabilis a maioribus Albanae aquae facta deductio
est. cum autem Veientes bello feji legatos ad sena-
tum

*Plut. Cam-
br.*

tum misissent, tum ex his quidam dixisse dicitur, non omnia illum transfugam ausum esse senatui dicere: in iisdem enim fatis scriptum Videntes habere, fore ut breui a Gallis Roma caperentur. quod quidem sexennio post Veios captos factum esse videmus. Saepe etiam & in proelijs Fauni auditi, & in rebus turbidis ueridicae uoces ex occulto missae esse dicuntur. cuius generis duo sunt ex multis exempla, sed maxima. nam non multo ante urbem captam exaudita uox est a luco Vestae, qui a Palatii radice in Nouam uiam denexus est; ut muri & portae reficerentur: futurum esse, nisi prouisum esset, ut Roma caperetur. quod neglectum cum cauere poterat, post acceptam illam maximam cladem explicatum est. ara enim Aio loquenti, quam septam uidemus, ex aduersus eum locum consecrata est. Atque etiam scriptum a multis est, cum terraemotus factus esset, ut sue plena procuratio fieret, uocem ab aede Iunonis ex arce extitisse: quocirca Iunonem illam appellatam Monetam. Haec igitur, & a dijs significata, et a nostris maioribus iudicata, contemnimus? Neque solum deorum uoces Pythagorei obseruauerunt, sed etiam hominum: quae uocant omnia. quae maiores nostri quia ualere censebant, iccirco omnibus rebus agendis, Quod bonum, faustum, felix, fortunatum esset, praefabantur: rebusq. diuinis, quae publice fierent, ut fauerent linguis, imperabatur: inq. ferijs imperandis, ut litibus, et iurgijs se abstinerent. itemq. in lustranda colonia, ab eo, qui eam deduce-

P 3 ret,

DE DIVINATIONE

ret, & cum imperator exercitum, censor populum
 lustraret, bonis nominibus, qui hostias ducerent,
 eligebatur. quod idem in delectu consules obser-
 uant, ut prius miles fiat bono nomine. quae qui-
 dem a te scis & consule, & imperatore summa re-
 ligione esse seruata. Praerogatiua etiam maiores
 omen iustorum comitiorum esse uoluerunt. atque
 ego exempla omnium nota proferam. *L. Paullus*,
 consul iterum, cum ei, bellum ut cum rege *Porse* ge-
 reret, obtigisset; ut ea ipsa die domum ad uesperum
 redijt, filiolarum suarum *Tertiam*, quae tum erat admo-
 dum parua, osculans animaduertit tristitiam: quid
 est, inquit, mea *Tertia*. quid tristis es? mi pater,
 inquit, *Persa* periit. tum ille arctius puellam com-
 plexus, accipio omen, inquit, mea filia. erat autem
 mortua catella eo nomine. *L. Flaccum*, flaminem
Martialem, ego audiui, cum diceret, *Caeciliam Me-*
telli, cum uellet sororis suae filiam in matrimonium
 collocare, exisse in quoddam sacellum ominis capien-
 di causa; quod fieri more ueterum solebat: cum uir-
 go staret, & *Caecilia* in sella sederet, neque diu ulla
 uox extitisset, puellam defatigatam petisse a ma-
 tertera, ut sibi concederet paulisper, ut in eius sella
 requiesceret; illam autem dixisse, Vero mea puella
 tibi concedo meas sedes. quod omen res consecuta est:
 ipsa enim breui mortua est, uirgo autem nupsit cui
Caecilia nupta fuerat. Haec posse contemni, uel etiā
 rideri, praecclare intelligo: sed ipsum est, deos non
 putare, quae ab ijs significantur, contemnere. Quid
 de

de auguribus loquar? tuae partes sunt: tuum, in-
quam, auspicioꝝ patrociniũ debet esse. Tibi
P. Claudius augur consuli nunciauit. addubitato Sa-
lutis augurio, bellum domesticum triste, ac turbu- *sall: Coni.*
lentum fore: quod paucis post mensibus exortum,
paucioribus est a te diebus oppressum. cui quidem
auguri uehementer assentior. solus enim multorum
annorum memoria, non decantandi auguriũ, sed di-
uinandi tenuit disciplinam. quem irridebant collegae
tui, cumq. tum Pisidam, tum Soranum augurem
esse dicebant. quibus nulla uidebatur in augurijs,
aut auspicijs praesensio, aut scientia ueritatis futu-
rae, sapienter, aiebant, ad opinionem imperitorum
esse fictas religiones. quod longe secus est. neque
enim in pastoribus illis, quibus Romulus praesuit,
nec in ipso Romulo haec calliditas esse potuit, ut ad
errorem multitudinis religionis simulacra fingeret.
sed difficultas, laborq. discendi disertam negligentiam
reddidit. malunt enim differere, nihil esse in auspi-
cijs, quam, quid sit, ediscere. quid est illo auspicio
diuinius, quod apud te in Mario est? ut utar te po-
tissimum auctore.

Hic Iouis altisoni subito pennata satelles
Arboris e trunco serpentis saucia morfu,
Ipsa feris subigit transfigens unguibus anguem
Semianimum, & uaria grauiter ceruice micantem.
Quem se intorquentem lanians, rostroq. cruentans,
Iam satiata animos, iam duros ulti dolores,
Abijcit efflantem, & laceratum affligit in unda,

P 4 Seq.

DE DIVINATIONE

Seq. obitu a Solis nitidos conuertit ad ortus .
 Hanc ubi praepetibus pennis , lapsuq. uolantem
 Conspexit Marius , diuini numinis augur ,
 Fausta q. signa suae laudis , reditusq. notauit ;
 Partibus intonuit caeli pater ipse sinistris .
 Sic aquilae clarum firmavit Iupiter omen .
 Atque ille Romuli auguratus , pastoralis , non ur-
 banus fuit ; nec fectus ad opiniones imperitorum ,
 sed a certis acceptus , & posteris traditus . itaque
 Romulus augur , ut apud Ennium est , cum fratre
 item augure ,
 Curantes magna cum cura , concupientes
 Regni , dant operam simul auspicio , augurioque .
 Hinc Remus auspicio se deuouet , atque secundam
 Solus auem seruans . at Romulu' pulcher in alto
 Quaerit Auentino , seruat genus altiuolantum .
 Certabant , urbem Romam ne , Remam ne uocarent
 Omnis cura uiris , uter esset induperator .
 Expectant , ueluti , consul cum mittere signum
 Vult , omnes auidi spectant ad carceris oras ,
 Quam mox emittat pietis ex faucibu' currus :
 Sic expectabat populus , atque ore timebat
 Rebus , utri magni uictoria sit data regni .
 Interea Sol albu' recessit in infera noctis .
 Exin candida se radijs dedit ieta foras lux :
 Et simul ex alto longe pulcherrima praepes
 Laena uolauit auis ; simul aureus exoritur Sol .
 Cedunt ter quattuor de caelo corpora sancta
 Anium , praepetibus sese pulchrisq. locis dant .

Conspicit

Conspicit inde sibi data Romulus esse priora,
Auspicio regni stabilita scamna solumque.
Sed, unde huc digressa est, eodem redeat oratio. Si
nihil queam disputare, quamobrem quidque fiat; et
tantum modo fieri ea, quae commemoravi, doceam;
parum ne Epicuro, Carneadi ue respondeam? quid,
si etiam ratio extat artificiosae praesensionis facilis,
diuinae autē paullo obscurior? quae enim extis, quae
fulguribus, quae portentis, quae astris praesentiun-
tur, haec notata sunt obseruatione diuturna. Affert
autem uetustas omnibus in rebus longinqua obser-
uatione incredibilem scientiam: quae potest esse etiā
sine motu, atque impulsu deorum, cum, quid ex
quoque eueniat, & quid quamque rem significet,
crebra animaduersione perspectum est. Altera diui-
natio est naturalis, ut ante dixi: quae physica dispu-
tandi subtilitate referenda est ad naturam deorum:
a qua, ut doctissimis, sapientissimisq. placuit, hau-
stos animos, & delibatos habemus: cumq. omnia
completa sint & referta aeterno sensu, & mente di-
uina, necesse est cognatione diuinorum animorum a-
nimos humanos commoueri. sed uigilantes animi
uitae necessitatibus seruiunt, disjunguntq. se a so-
cietate diuina, uinculis corporis impediti. rarum est
quoddam genus eorum, qui se a corpore auocent, et
ad diuinarū rerum cognitiones cura omni, studioq.
rapiantur. horum sunt auguria non diuini impetus,
sed rationis humanae. nam et natura futura praesen-
tiunt, ut aquarum fluxiones, ut deflagrationem fu-
turam

DE DIVINATIONE

turam aliquando caeli, atque terrarum: alij autem
 in rep. exercitati, ut de Atheniensi Solone accepi-
 mus, orientem tyrannidem multo ante prospiciunt:
 quos prudentes possumus dicere, id est providentes,
 diuinos nullo modo possumus, non plus, quam Mi-
 lesium Thalem; qui, ut obiurgatores suos conuince-
 ret, ostenderetq. etiam philosophum, si ei commo-
 dum esset, pecuniam facere posse, omnem oleam,
 ante quam florere coepisset, in agro Milesio coemis-
 se dicitur. animaduertenterat fortasse quadam scientia,
 olearum ubertatem fore. et quidem idem primus
 defectionem Solis, quae Astyage regnante facta est,
 praedixisse fertur. Multa medici, multa guberna-
 tores, agricolae etiam multa praesentiunt: sed nul-
 lam eorum diuinationem uoco, ne illam quidem,
 qua ab Anaximandro physico moniti Lacedaemonij
 sunt, ut urbem, & tecta linquerent, armatiq. in
 agro excubarent, quod terraemotus instaret, tum,
 cum & urbs tota corruit, & ex monte Taygeto ex-
 trema montis quasi puppis auulsa est. Ne Phere-
 cides quidem ille Pythagorae magister potius diui-
 nus habebitur, quam physicus: qui cum uidisset han-
 slam aquam de iugi puteo, terraemotus dixit insta-
 re. Nec uero umquam animus hominis naturaliter
 diuinat, nisi cum ita solutus est, & uacuus, ut ei
 plane nihil sit cum corpore: quod aut natibus contin-
 git, aut dormientibus. itaque ea duo genera a Di-
 cacarcho probantur, & ut dixi, a Cratippo nostro:
 si propterea, quod ea proficiuntur a natura; sint
 summa

*Plat. Solon
 Diag. Laer.*

Laer. 1. 4. 14

Summa sane, modo ne sola: sin autem nihil esse in
observatione putant; multa tollunt, quibus uitae ra-
tio continetur. sed quoniam dant aliquid, idq. non
paruum, uaticinationes cum somnijs: nihil est, quod
cum his magnopere pugnemus, praesertim cum sint,
qui omnino nullam diuinationem probent. Ergo &
ij, quorum animi, spretis corporibus, euolant, at-
que excurrunt foras, ardore aliquo inflammati, at-
que incitati cernunt illa profecto, quae uaticinantes
praenunciant: multisq. rebus inflammantur tales
animi, qui corporibus non inhaerent, ut ij, qui sono
quodam uocum, & Phrygijs cantibus incitantur:
multos nemora, siluaeque, multos amnes, aut maria
commouent: quorum furibunda mens uidet ante
multo, quae futura sunt. quo de genere illa sunt,
Eheu uidete: indicauit iudicium inclytum
Inter deas tres aliquis: quo iudicio Lacedaemonia
Mulier furiarum una adueniet.
eodem enim modo multa a uaticinantibus saepe prae-
dicta sunt, neque solum uerbis, sed etiam
Versibus, quos olim Fauni, uatesq. canebant.
Similiter Martius & Publicius uates cecinisse dicun-
tur. quo ex genere Apollinis operta prolata sunt.
Credo etiam anhelitus quosdam fuisse terrarum, qui
bus inflatae mentes oracula funderent. Atque haec
quidem uatum ratio est: nec dissimilis sane somnio-
rum. nam quae uigilantibus accidunt uatibus, ea-
dem nobis dormientibus. uiget enim animus in
somnia; liberq. sensibus ab omni impeditio-
nem,

DE DIVINATIONE

rum, iacente & mortuo paene corpore, quia uixit
ab omni aeternitate, uersatusq. est cum innumerabi-
libus animis, omnia, quae in natura rerum sunt,
uidet, si modo temperatis escis, modicisq. potationi-
bus ita est affectus, ut, sopito corpore, ipse uigilet
haec somniantis est diuination. Hic magna quaedam
exoritur, neque ea naturalis, sed artificiosa somnio-
rum Antiphontis interpretatio, eodemq. modo &
oraculorum, & uaticinationum. sunt enim expla-
natores, ut grammatici poetarum. nam ut aurum,
& argentum, aes, ferrum frustra natura diuina
genuisset, nisi eadem docuisset, quemadmodum ad
eorum uenas perueniretur; nec fruges terrae baccas
ue arborum cum utilitate ulla generi humano de-
disset, nisi earum cultus, & condiciones tradidisset;
materia deinde quid inuaret, nisi confectionis
eius fabricam haberemus? sic cum omni utilitate,
quam dii hominibus dederunt, ars aliqua coniuncta
est, per quam illa utilitas percipi possit. item igitur
somnia, uaticinationibus, oraculis, quod erant
multa obscura, multa ambigua, explanationes ad-
hibitae sunt interpretum. quo modo autem aut uate-
tes, aut somniantes ea uideant, quae nusquam etiam
tunc sint, magna quaestio est. sed explorata si sint ea,
quae ante quaeri debeant; sint haec, quae quaerimus,
faciliora. continet enim totam hanc quaestionem ea
ratio, quae est de natura deorum, quae a te secundo
libro est explicata dilucide. quam si obtinemus, sta-
bit illud quidem, quod locum hunc continet, de quo
agimus,

agimus, esse deos, & eorum prouidentia mundum administrari, eosdemq. consulere rebus humanis, nec solum uniuersis, uerum etiam singulis. haec si tenemus, quae mihi quidem non uidentur posse conuelli: profecto hominibus a dijs futura significari necesse est. sed distinguendum uidetur, quonam modo. Nō placet Stoicis, singulis iecorum fissis, aut auium cantibus interesse deum: neque enim decorum est, nec dijs dignum, nec fieri ullo pacto potest: sed ita a principio inchoatum esse mundum, ut certis rebus certa signa praecurrerent, alia in extis, alia in auibus, alia in fulguribus, alia in ostentis, alia in stellis, alia in somniantium uisis, alia in furentium uocibus. ea quibus bene percepta sunt, ij non saepe falluntur. male coniecta, maleq. interpretata, falsa sunt, non rerum uitio, sed interpretum inscitia. hoc autem posito, atque concessso, esse quandam uim diuinam, hominum uitam continentem: non difficile est, quae fieri certe uidemus, ea qua ratione fiant, suspicari. nam & ad hostiam diligendam potest dux esse uis quaedam sentiens, quae est toto confusa mundo: & tum, ipsam cum immolare uelis, extorum fieri mutatio potest, ut aut absit aliquid, aut supersit. paruis enim momentis multa natura aut affingit, aut mutat, aut detrahit. quod ne dubitare possimus, maximo est argumento quod paullo ante interitum Caesaris contigit. qui cum immolaret illo die, quo primum in sella aurea sedit, & cum purpurea ueste processit; in extis bouis opimi cor non fuit. num igitur

Plut: *2^a* *Succ:* *1^a* tur censes ullum animal, quod sanguinē habeat, sine
 corde esse posse? qua ille rei novitate perculsus, cum
 Spurina diceret, timendum esse, ne & consilium,
 & uita deficeret: earum enim rerum utrumque a
 corde proficisci: postero die caput in iecore non fuit.
 quae quidem illi portendebantur a dijs immortalibus,
 ut uideret interitum, non ut caueret. Cum igitur
 eae partes in extis non reperiuntur, sine quibus
 uictima illa uiuere nequisset: intelligendum est, in
 ipso immolationis tempore eas partes, quae absint,
 interijisse. Eademq. efficit in auibus diuina mens; ut
 tum huc, tum illuc uolent alites; tum in hac, tum
 in illa parte se occultent; tum a dextra, tum a sinis-
 tra parte canant oscines. nam si omne animal, ut
 uult, ita utitur motu sui corporis, prono, obliquo,
 supino; membraque, quo uult, flectit, contorquet,
 porrigit, contrahit; eaq. ante efficit paene, quam co-
 gitat: quanto id deo est facilius, cuius numini pa-
 rent omnia? idemq. mittit & signa nobis eius gene-
 ris: qualia permulta historia tradidit: quale scri-
 ptum illud uidemus: si Luna paullo ante Solis ortum
 defecisset in signo leonis, fore ut armis Darius, &
 Persae ab Alexandro, & Macedonibus proelio uin-
 cerentur, Dariusq. moreretur: & si puella nata bi-
 ceps esset, seditionem in populo fore, corruptelam,
 & adulterium domi: & si mulier leonem peperisset
 uisa esset, fore ut ab exteris gentibus uinceretur ea
 resp. in qua id contigisset. Eiusdem generis etiam il-
 lud est, quod scribit Herodotus, Croesi filium, cum
 esset

Cycl. s.
cap. 9.

esset infans, locutum: quo ostento regnum patris, & domum funditus concidisse. Caput arsisse Ser. Tullio dormienti, quae historia non prodidit? Ut igitur, qui se tradet ita quieti, praeparato animo tum bonis cogitationibus, tum rebus ad tranquillitatem accommodatis, certa & uera cernit in somnijs: sic castus animus, purusq. uigilantis, & ad astrorum, & ad auium, reliquorumq. signorum, & ad extorum ueritatem est paratior. Hoc nimirum est illud, quod de Socrate accepimus, quodq. ab ipso in libris Socraticorum saepe dicitur, esse diuinum quiddam, quod Daemonion appellat, cui semper ipse paruere, numquam impellenti, saepe reuocanti. & Socrates quidem, quo quem auctorem meliorem quaerimus? Xenophonti consulenti, sequeretur ne Cyrum, postea quam exposuit, quae sibi uidebantur, & nostrum quidem, inquit, humanum est consilium; sed de rebus & obscuris, & incertis ad Apollinem censeo referendum; ad quem etiam Athenienses publice de maioribus rebus semper retulerunt. Scriptum est item, cum Critonis, sui familiaris, oculum alligatum uidisset, quaesuisse quid esset: cum autem ille respondisset, in agro ambulanti ramulum adductum, ut remissus esset, in oculum recidisse; tum Socrates; non enim paruisti mihi reuocanti, cum uterer, qua soleo, praesagitione diuina. Idem etiam Socrates, cum apud Delium male pugnatum esset Lachete praetore, fugeretq. cum ipso Lachete: ut uentum est in trinium, eadem, qua ceteri, fugere noluit.

*liu. lib. 4**lib. 46. cap.*

DE DIVINATIONE

noluit. quibus quaerentibus, cur non eadem uia pergeret; deterreri a deo dixit. tum quidem ij, qui alia uia fugerant, in hostium equitatum inciderunt. Per multa collecta sunt ab Antipatro, quae mirabiliter a Socrate diuinata sunt: quae praetermittam: tibi enim nota sunt, mihi ad commemorandum non necessaria. Illud tamen eius philosophi magnificum, ac paene diuinum, quod, cum impijs sententijs damnatus esset, aequissimo animo se dixit mori: neque enim domo egredienti, neque illud suggestum, in quo causam dixerat, ascendenti, signum sibi ullum quod consueffet, a deo quasi mali alicuius impendentis datum. Equidem sic arbitror, etiam si multa fallant eos, qui aut arte, aut coniectura diuinare uideantur, esse tamen diuinationem: homines autem, ut in ceteris artibus, sic in hac posse falli. potest accidere, ut aliquod signum, dubie datum, pro certo sit acceptum: potest aliquod latuisse, aut ipsum, aut quod esset illi contrarium. mihi autem ad hoc, de quo disputo, probandum satis est, non modo plura, sed pauciora diuinae praesensa, & praedicta reperiri. quin etiam hoc non dubitans dixerim: si unum aliquid ita sit praedictum, praesensumque, ut, cum euenit, ita cadat ut praedictum sit, neque in eo quidquam casu, & fortuito factum esse appareat, esse certe diuinationem, idque esse omnibus constendum. Quocirca primum mihi uidetur, ut Posidonius facit, a deo, de quo satis dictum est, deinde a fato, deinde a natura uis omnis diuinandi, ratioque repetenda

tenda: fieri igitur omnia fato, ratio cogit fateri. fa-
tum autem id appello, quod Graeci *ἀναγκή*, id
est, ordinem, seriemq. causarum, cum causae caus-
sae nexa rem ex se gignat. ea est ex omni aeternita-
te fluens ueritas sempiterna: quod cum ita sit, nihil
est factum, quod non futurum fuerit, eodemq. mo-
do nihil est futurum, cuius non causas id ipsum ef-
ficienter natura contineat. ex quo intelligitur, ut fa-
tum sit non id, quod superstitiose, sed id, quod phy-
sice dicitur, causa aeterna rerum, earumque, quae
praeterierunt, facta sint, & quae instant, fiunt, et
quae sequuntur, futura sint ita sit, ut ex observa-
tione notari possit, quae res quamque causam ple-
rumque consequatur, etiam si non semper: nam id
quidem difficile est affirmare: easdemq. causas
uerisimile est, rerum futurarum cerni ab eis, qui
aut per futorem eas, aut in quiete uident. Praeter
rea cum fato omnia fiant, id quod alio loco ostende-
tur: si quis modo talis possit esse, qui colligationem
causarum omnium respiciat animo, nihil eum
profecto faller. qui enim teneat causas rerum fu-
turarum, idem necesse est omnia teneat, quae futu-
ra sint. quod cum facere nemo, nisi deus, possit, re-
linquendum est homini, ut signis quibusdam, conse-
quentia declarantibus, futura praesentiat. non enim
illa, quae futura sunt, subito existunt; sed est, quasi
rudentis explicatio, sic traductio temporis nihil no-
ui efficientis, & primum quidque replicantis: quod
et uidet, quibus naturalis diminutio data est, et q.

Q quibus

DE DIVINATIONE

quibus cursus rerum observando notatus est, qui etsi causas ipsas non cernunt, signa tamen causarum, & notas cernunt: ad quas adhibita memoria, & diligentia, ex monumentis superiorum efficitur ea divinatio, quae artificiosa dicitur, extorum, fulgurum, ostentorum, signorumq. caelestium. Non est igitur ut mirandum sit, ea praesentiri a divinantibus, quae nusquam sint: sunt enim omnia, sed tempore absunt. atque ut in seminibus vis inest earum rerum, quae ex ijs progignuntur: sic in causis conditae sunt res futurae, quas esse futuras aut concitata mens, aut soluta somno cernit, aut ratio, aut coniectura praesentit. atque ut ij, qui Solis, & Lunae, reliquorumq. siderum ortus, obitus, motusq. cognoverunt, quo quidque tempore eorum futurum sit, multo ante praedicunt: sic qui cursum rerum, eventorumq. consequentiam diuturnitate pertractata notauerunt, aut semper, aut, si id difficile est, plerumque, quod si ne id quidem conceditur, non numquam certe, quin futurum sit, intelligunt. Atque haec quidem, & quaedam huiusmodi argumenta, cur sit divinatio, ducuntur a fato. A natura autem alia quaedam ratio est: quae docet, quanta sit animi vis seiuncta a corporis sensibus: quod maxime contingit aut dormientibus, aut mente permotis. ut enim deorum animi sine oculis, sine auribus, sine lingua sentiunt inter se, quid quisque sentiat; ex quo fit, ut homines, etiam cum taciti optent aliquid, aut noceant, haud dubitent quin dy illud exaudiât: sic

sic animi hominum, cum aut somno saluti uacant corpore, aut mente permoti per se ipsi liberi incitati mouentur, cernunt ea, quae permixti cum corpore animi uidere non possunt. Atque hanc quidem ratione naturae difficile est fortasse traducere ad id genus diuinationis, quod ex arte profectum dicimus: sed tamen id quoque rimatur, quantum potest, Posidonius, cum esse censet in natura signa quaedam rerum futurarum. ut enim Ceos accepimus ortum caniculae diligenter quotannis solere seruare, coniecturamque capere, ut scribit Ponticus Heraclides, salubris ne, an pestilens annus futurus sit: nam si obscurior quasi caliginosa stella extiterit, pingue & concretum esse caelum, ut eius aspiratio grauis, & pestilens futura sit: si illustris, & perlucida stella apparuit, significari caelum esse tenue, purumque, & propterea salubre. Democritus autem censet sapienter instituisse ueteres, ut hostiarum immolarum inspicerentur exta, quorum ex habitu, atque colore tum salubritatis, tum pestilentiae signa percipi, non numquam etiam quae sit uel sterilitas agrorum, uel fertilitas futura. quae si a natura profecta, observatio, atque usus agnouit; multa afferre potuit dies, quae animaduertendo notarentur: ut ille Pacuuius, qui in Chryse physicus inducitur, minime naturam rerum cognoscere uideatur.

- Nam istis, qui linguam auium intelligunt,
Plusq. ex alieno iecore sapiunt, quam ex suo,
Magis audiendum, quam auscultandum censeo.

Q 2 cur

DE DIVINATIONE

cum quæstus cum ipso, paucis interpositis uersibus, dā-
 -cas frax incutiente:
 Quid est hoc, omnia animat, format, alit, au-
 -get, creat,
 Sepelit, recipitq. in sese omnia, omniumq. idem est
 pater,
 Indidemq. eadem, quæ oriuntur, de integro, atque
 reddem occidunt.
 Quid est igitur, cur, cum domus sit omnium una,
 eap. communis, cumq. animæ hominum semper fue-
 riat, futuriq. sint, et i, quid ex quoque eueniat,
 Et quid, quanque rem significet, perspicere non
 possunt?
 Hæc habui, inquit, de diuinatione quæ dicere-
 m. illa testabor, non me sortilegos, neque eos, qui
 quæstus causa hariolentur, ne psychomantia quidē,
 quibus Appius, amicus tuus, uti solebat, agnoscere.
 Non habeo denique nauici Marsum angurem,
 Non haruspices nitanos, non de circo astrologos,
 Non ifiacos coniectores, non interpretes somnium.
 Non enim sunt i, aut scientia, aut arte diuini,
 Sed superstiriosi uates, impudentesq. harioli,
 Aut inertes, aut insani, aut quibus egestas imperat.
 Qui sibi semitam non sapiunt, alteri monstrant uia.
 Quibus diuitias pollicentur, ab ijs drachmam ipsi
 petunt.
 De his diuitijs sibi deducant drachmam, reddant
 cetera.
 atque hæc quidem Ennius, qui paucis ante uersibus
 esse

esse deos censeat, sed eos non curare opinatur quid agat humanum genus. ego autem, qui & curare arbitror, monere etiam, ac multa praedicere, lenitate, uanitate, malitia exclusa diuinationem probo. Quae cum dixisset Quinctus, Praeclare tu quidem, inquam, paratus.

Desunt pauca quaedam.

Q. 3. M. TYDELI

M. TVLLII CICERONIS
DE DIVINATIONE

LIBER II.

QVAERENTI mihi, multumq. & diu cogitanti, quamam re possem prodesse quamplurimis, ne quando intermitterem consulere reip. nulla maior occurrebat, quam si optimarum artium vias traderem meis ciuibus: quod compluribus iam libris me arbitror consecutum. nam & cohortati sumus, ut maxime potuimus, ad philosophiae studium eo libro, qui est inscriptus Hortensius: & quod genus philosophandi minime arrogans, maximeq. & constans, & elegans arbitraremur, quattuor Academicis libris ostendimus. cumq. fundamentum esset philosophiae positum in finibus bonorum, et malorum, peruulgatus est is locus a nobis quinque libris; ut, quida quoque, & quid contra quemque philosophum diceretur, intelligi posset. totidem subsecuti libri Tusculanarum disputationum, res ad beate uiuendum maxime necessarias aperuerunt. primus enim est de contemnenda morte, secundus de tolerando dolore, de aegritudine lenienda tertius, quartus de reliquis animi perturbationibus: quintus eum locum complexus est, qui totam philosophiam maxime illustrat: docet enim ad beate uiuendum uirtutem se ipsa contentam. quibus rebus editis, tres libri perfecti

perfecti sunt de natura deorū: in quibus omnis eius
 loci quaestio continetur: quae ut plene esset, cumula-
 teq. perfecta, de diuinatione ingressi sumus his libris
 scribere. quibus, ut in animo, de fato si adiunxe-
 rimus, erit abunde satisfactum toti huic quaestioni.
 atque his libris annumerandi sunt sex de rep. quos
 tunc scripsimus, cum gubernacula reip. tenebamus:
 magnus locus, philosophiaeque proprius, a Platone,
 Aristotele, Theophrasto, totaq. Peripateticorum
 familia tractatus uberrime. Nam quid ego de Con-
 solatione dicam? quae mihi quidem ipsi sane aliquan-
 tum medetur: ceteris item multum profuturam pu-
 to. Interiectus etiam est nuper is, quem ad nostrum
 Atticum de senectute misimus. In primisque, quo-
 niam philosophia uir bonus efficitur, & fortis, Cato
 noster in horum librorum numero ponendus est.
 Cumq. Aristoteles, itemq. Theophrastus, excellen-
 tes uiri cum subtilitate, tum copia, cum philosophia
 dicendi etiam praecepta coniunxerint; nostri quoque
 oratorij libri in eundem numerum referendi uiden-
 tur. ita tres erunt de Oratore, quartus Brutus,
 quintus Orator. Adhuc haec erant: ad reliqua acri-
 tendebamus animo, sic parati, ut, nisi quae causa
 grauior obstitisset, nullum philosophiae locum esse
 pateremur, qui non latinis litteris illustratus pate-
 ret. quod enim munus reip. afferre maius, melius ue-
 possumus, quam si docemus, atque erudimus iuuen-
 tutem? his praesertim moribus, atque temporibus:
 quibus ita prolapsa est, ut omnium opibus refrenan-

Q 4 da,

Acad. lib. 2.

da, atque coercenda sit: nec uero id effici posse confido, quod ne postulandum quidem est, ut omnes adulescentes se ad haec studia conuertant: pauci utinam: quorum tamen in rep. late patere poterit industria: equidem etiam ex ijs fructum capio laboris mei, qui iam aetate procecti in nostris libris acquiescunt: quorum studio legendi meum scribendi studium uehementius in dies incitatur: quos quidem plures, quam rebar, esse cognoui. magnificum illud etiam Romanisq. hominibus gloriosum, ut graecis de philosophia litteris non egeant: quod assequar profecto, si instituta perfecero. Ac mihi quidem explicandae philosophiae causam attulit grauis casus ciuitatis: cum in armis civilibus nec tueri meo more rep. nec nihil agere poteram: nec, quid potius, quod quidem me dignum esset, agerem, reperiēbam: dabunt igitur mihi ueniam mei cines, uel gratiam potius habebunt, quod, cum esset in uenius potestate resp. neque ego me abdidici, neque deserui, neque affixi, neque ita gessi, quasi homini, aut temporibus iratus: neque ita porro aut adulatus, aut admiratus fortunam sum alterius, ut me meae pariteret. id enim ipsum a Platone, philosophiaq. didiceram, naturales esse conuersiones quasdam rerum, ut eae tum a principibus tenerentur, tum a populis, aliquādo a singulis: quod cum accidisset nostrae reip. tum pristinis orbatu muneribus haec studia renouare coepimus: ut et animus molestijs hac potissimum re leuaretur, et prodessemus ciuibus

libris nostris quarecumque possemus, in libris enim
 sententiam dicebamus, concionabamur, philosophia
 nobis pro reip. procuratore substituta putabamus.
 nunc, quoniam de rep. consuli coepti sumus, tribuen-
 da est opera reip. ac totius potius in ea cogitatio,
 & cura ponenda: tantum huic studio relinquendum,
 quantum vacabit a publico officio, & munere. Sed *off. 66 p. 8.*
 haec alias pluribus: nunc ad institutam disputationem
 ruertamur. Nam cum de divinatione Quintus fra-
 ter ea differuisset, quae superiore libro scripta sunt;
 satisque ambulatum uideretur; tum in bibliotheca,
 quae in Lyceo est, assedimus: atque ego, Accurate
 tu quidem, inquam, Quinte, & Stoice Stoicorum
 sententiam defendisti: quodque me maxime delectat,
 plurimis nostris exemplis usus es; & ijs quidem cla-
 ris, & illustribus. dicendum est mihi igitur ad ea,
 quae sunt a te dicta, sed ita, nihil ut affirmem, quae-
 ram omnia; dubitans plerumque, & mihi ipse diffi-
 dens. si enim aliquid certi haberem, quod dicerem;
 ego ipse diuinarem; qui esse diuinationem nego. Et-
 enim me mouet illud, quod in primis Carneades
 quaerere solebat, quarumnam rerum diuinatio es-
 set, earum ne, quae sensibus perciperentur? at eas
 quidem cernimus, audimus, gustamus, olfacimus,
 tangimus. numquid ergo in ijs rebus est, quod promi-
 sione, aut per motionem mentis magis, quam natura
 ipsa, sentiamus? aut nescio qui ille diuinus, si oculis
 captus sit, ut Tiresias fuit, possit, quae alba sint,
 quae nigra, dicere? aut, si surdus sit, uarietates uo-
 cum,

DE DIVINATIONE

cum, aut modos noscere? ad nullam igitur earum rerum, quae sensu accipiuntur, diuinationi adhibetur. Atqui ne in ijs quidem rebus, quae arte tractantur, diuinatione opus est. etenim ad aegros non uates, aut hariolos, sed medicos solemus adducere. nec uero, qui tibijs, aut fidibus uti uolunt, ab haruspici- bus accipiunt earum tractationem, sed a musicis. eadem in litteris ratio est, reliquisq. rebus, quarum est disciplina. num censes eos, qui diuinare dicuntur, posse respondere, Sol maior ne, quam terra, sit; antantus, quantus uideatur? Lunaq. suo lumine, an Solis utatur? Sol, Luna quem motu habeant? quae quinque stellae, quae errare dicuntur? nec haec, qui diuini habentur, profitentur se esse dicturos: nec eorum, quae in geometria describuntur, quae uera, quae falsa sint: sunt enim ea mathematicorum, non hariolorum. De illis uero rebus, quae in philosophia uersantur, numquid est, quod quisquam diuinorum aut respondere soleat, aut consuli, quid bonum sit, quid malum, quid neutrum? sunt enim haec propria philosophorum. Quid de officio? num quis haruspicem consuluit, quemadmodum sit cum parentibus, cum fratribus, cum amicis uiuendum? quemadmodum utendum pecunia? quemadmodum honore? quemadmodum imperio? ad sapientes haec, non ad diuinos, referri solet. Quid, quae a physicis, aut dialecticis tractantur, num quis eorum diuinare potest, unus ne mundus sit, an plures? quae sint initia rerum, ex quibus nascuntur omnia? physicorum est ista

ista prudentia . Quo modo autem mentientem ,
 quem ἄδόμερον uocant , dissoluas ? aut quemadmo-
 dum soriti resistas ? quem , si necesse sit latino uer-
 bo , liceat aceruaalem appellare : sed nihil opus est : ut
 enim ipsa philosophia , & multa uerba Graecorum ,
 sic sorites satis latino sermone tritus est . ergo haec
 quoque dialectici dicent , non diuini . Quid ? cum
 quaeritur , qui sit optimus reip. Status , quae leges ,
 qui mores aut utiles , aut inutiles , haruspices ne ex
 Etruria accersentur , an principes statuent , et dele-
 ti uiri , periti rerum ciuiliū ? Quod si nec earum
 rerum , quae subiectae sensibus sunt , ulla diuinationo
 est ; nec earum , quae artibus concinentur ; nec earū ,
 quae in philosophia differuntur ; nec earum , quae in
 rep. uersantur : quarum rerum sit , nihil prorsus in-
 telligo . nam aut omnium debet esse : aut aliqua ei
 materia danda est , in qua uersari possit . sed nec om-
 nium diuinationo est , ut ratio docuit ; nec locus , nec
 materia inuenitur , cui diuinationem praeficere possi-
 mus : uide igitur , ne nulla sit diuinationo . est quidem
 graecus uulgaris in hanc sententiam uersus :
 Bene qui conijciat , uatem hunc perhibeto optimum .
 num igitur , aut quae tempestas impendeat , uates
 melius conijciat , quam gubernator ; aut morbi natu-
 ram acutius , quam medicus ; aut belli administra-
 tionem prudentius , quam imperator , coniectura
 assequuntur ? Sed animaduerti , Quinte , te caute ,
 & ab ijs coniecturis , quae haberent artem , atque
 prudentiam , & ab ijs rebus , quae sensibus aut arti-
 siciū

ficijs perciperentur; abducere diuinationem, eamque
ita definire, diuinationem esse earum rerum praedi-
ctionem, & praesensionem, quae essent fortituae.
Primum eodem reuolueris, quam ex medici, et gu-
bernatoris, & imperatoris praesensio est rerum for-
tuitarum. nam igitur aut haruspex, aut augur, aut
uates quis, aut somnians melius coniecerit, aut ex
morbo euasurum aegrotum, aut ex periculo nauem,
aut ex insidijs exercitum, quam medicus, quam gu-
bernator, quam imperator? Atqui ne illa quidem
diuinantis esse dicebas, uentos, aut imbres impenden-
tes quibusdam praesentire signis: in quo nostra quae-
dam Aratea memoriter a te pronunciata sunt. etsi
haec ipsa fortuita sunt: plerumque enim, non semper
eueniunt. Quae est igitur aut ubi uersatur fortuita-
rum rerum praesensio? quae diuinatione uocas, quae
enim praesentiri aut arte, aut ratione, aut usu, aut
coniectura possunt, ea non diuinis tribuenda putas,
sed peritis. ita relinquitur, ut ea fortuita diuinari
possint, quae nulla nec arte, nec sapientia prouideri
possunt: ut si quis M. Marcellum illum, qui ter con-
sul fuit, multis annis ante dixisset naufragio esse pe-
riturum, diuinasset profecto: nulla enim arte alia,
nec sapientia id scire potuisset. talium ergo rerum,
quae in fortuna posita sunt, praesensio diuinatione est.
potest ne igitur earum rerum, quae nihil habent ra-
tionis, quare futurae sint, ulla esse praesensio? quid
est enim aliud fors, quid fortuna, quid casus, quid
euentus, nisi cum aliquid cecidit, sic euenit, ut
uel

uel non cadere, atque euenire, uel aliter cadere,
atque euenire poterit: & quo modo ergo id, quod te-
mere fit, caeco casu, & uolubilitate fortunae, prae-
sentiri, & praedici potest? & medicus morbum in-
grauescentem ratione prouidet, insidias imperator,
tempestates gubernator: tamē hi ipsi saepe falluntur,
qui nihil sine certa ratione opinantur: ut agricola
cum florem oleae uidet, baccam quoque se nixurum
putat: non sine ratione ille quidem: sed nō nunquam
tamen fallitur: quod si falluntur ii, qui nihil sine ali-
qua probabili coniectura, ac ratione dicunt: quid exi-
stimandum est de coniectura eorum, qui extis, aut
auibus, aut ostentis, aut oraculis, aut somnijs fu-
tura praesentunt? non dum dico, quam haec signa
nulla sint, fissum iecoris, eorum cantus, uolatus aui-
lae, stellae traiectione, uoces farentium, sortes, som-
nia: de quibus singulis dicam suo loco: nunc de uni-
uersis. Qui potest prouideri, quidquam futurum
esse, quod neque causam habet ullam, neque no-
tam cur futurum sit? Solis defectiones, itemq. Lunae
praedicuntur in multos annos ab ijs, qui siderum
cursus, & motus numeris persequuntur: ea enim
praedicunt, quae naturae necessitas perfectura est: ut
dent ex constantissimo motu Lunae, quando illa ere-
gione Solis facta incurrit in umbram terrae, quae est
meta noctis, ut eam obscurari necesse sit; quandoq.
eadē Luna subiecta Soli, atque opposita nostris ocu-
lis, eius lumen obscuret: quo in signo quaeque erran-
tium stellarū, quoq. tempore futura sit; qui exortus
quoque

DE DIVINATIONE

quoque die signi alicuius, aut qui occasus futurus sit. haec qui ante dicunt, quam rationem sequantur uides: qui thesaurum inuenturum, aut hereditatem uenturam dicunt, quid sequuntur? aut in qua rerum natura inest, id futurum? quod si ea, quae sunt eiusdem generis, habent aliquam talem necessitatem: quid est tandem, quod casu fieri, aut forte fortuna putemus? nihil enim est tam contrarium rationi, et constantiae, quam fortuna: ut mihi ne in deum quidem cadere uideatur, ut sciat quid casu, & fortuito futurum sit. si enim scit, certe illud eueniet. sin certe eueniet, nulla fortuna est. est autem fortuna: rerum igitur fortuitarum nulla est praesensio. aut, si negas esse fortunam, & omnia, quae sunt, quaeque futura sunt, ex omni aeternitate definita dicis esse fataliter: muta definitionem diuinationis, quam dicebas praesensionem esse rerum fortuitarum. si enim nihil fieri potest, nihil accidere, nihil cuenire, nisi quod ab omni aeternitate certum fuerit esse futurum rato tempore: quae potest esse fortuna? qua sublata, qui locus est diuinationi? quae a te fortuitarum rerum est dicta praesensio. Quamquam dicebas, omnia, quae fierent, futura ue essent, facto contineri. anile sane, & plenum superstitionis fati nomen ipsum: sed tamen apud Stoicos de isto fato multa dicuntur. de quo alias: nunc quod necesse est. Si omnia fato: quid mihi diuinatio prodest? quod enim is, qui diuinat, praedicat, id uero futurum est: ut ne illud quidem sciam quale sit, quod Deiotarum, familia-

familiarem nostrum, ex itinere aquila reuocauit. qui nisi reuertisset, in eo conclau ei cubandum fuisset, quod proxima nocte corruit. ruina igitur oppressus esset. at id neque, si fatum fuerat, effugisset; nec, si non fuerat, in eum casum incidisset. quid ergo adiuvat diuinatio? aut quid est, quod moueant aut sortes, aut exta, aut ulla praedictio? si enim fatum fuit, classes populi R. bello Punico primo alteram naufragio, alteram a Poenis depressam interire: etiam si tripudium solistimum pulli fecissent, L. Iunio, & P. Clodio cos. classes tamen interissent. sin, cum auspicijs obtemperatum esset, interiturae classes non fuerunt: non interierunt fato. uultis autem omnia fato: nulla igitur est diuinatio. Quod si fatum fuit, bello Punico secundo exercitum populi R. ad lacum Thrasimenum interire: num id mutari potuit, si Flaminius consul ijs signis, ijsq. auspicijs, quibus pugnare prohibebatur, paruisset? certe potuit. aut igitur non fato interijt exercitus; mutari enim fata non possunt: aut, si fato, quod certe uobis ita dicendum est; etiam si obtemperasset auspicijs, idem euenturum fuisset. ubi est igitur diuinatio ista Stoicorum? quae, si fato omnia fiunt; nihil nos admonere potest, ut cautiores simus. quoquo enim modo nos gesserimus, fiet tamen illud, quod futurum est. sint autem id potest fletu: nullum est fatum, ita ne diuinatio quidem, quoniam ea rerum futurarum est. nihil autem est pro certo futurum, quod potest aliqua procuratione accidere

98: *cidere ne fiat. Atque ego ne utilem quidem arbitror
 esse nobis futurarum rerum scientiam. quae enim ui-
 ta fuisset Priamo, si ab adoleſcentia ſciſſet, quos
 euentus ſenectutis eſſet habiturus? abeamus a fabu-
 lis: propiora uideamus. Clariffimorum hominum
 noſtrae ciuitatis grauiſſimos exitus in Conſolatione
 collegimus. quid igitur? ut omittamus ſuperiores,
 M. ne Cratſſo putas. utile fuiſſe, tum, cum maxi-
 mis opibus, fortuniſq. florebat, ſcire, ſibi, interſe-
 cto Publio filio, exercituq. deleto, trans Euphra-
 tem cum ignominia, & dedecore eſſe perennandum?
 An Cn. Pompeium cenſes, tribus ſuis conſulatus,
 tribus triumphis, maximarum rerum gloria, laeta-
 turum fuiſſe, ſi ſciret ſe in ſolitudine Aegyptiorum
 trucidatum iri amiſſo exercitu, poſt mortem uero ea
 conſecutura, quae ſine lacrymis non poſſumus dice-
 re? Quid uero Caefarem putamus? ſi diuinaiſſet fa-
 re, ut in eo ſenatu, quem maiore ex parte ipſe
 cooptaſſet, in curia Pompeiana, ante ipſius Pom-
 peij ſimulacrum, tot centurionibus ſuis inſpectanti-
 bus, a nobiliſſimis ciuibus, partim etiam a ſe omni-
 bus rebus ornatis, trucidatus ita iaceret, ut ad eius
 corpus non modo amicorum, ſed ne ſeruatorum qui-
 dem quiſquam accederet; quo cruciatu animi ui-
 tam acturum fuiſſe? certe igitur ignoratio futuro-
 rum malorum utilior eſt, quam ſcientia. Nam il-
 lud quidem dici, praefertim a Stoicis, nullo modo po-
 teſt: non iſſet ad arma Pompeius: non tranſiſſet
 Cratſſus Euphratem: non ſuſcepſiſſet bellum ciuile.
 Caefar.*

Caesar. Non igitur fatales exitus habuerunt. uultis autem euenire omnia fato: nihil ergo profuisset illis diuinare: atque etiam omnem fructum uitae superioris perdidissent. quid enim posset ijs esse laetum, exitus suos cogitantibus? ita, quoquo se uerterint Stoici, iaceat necesse est omnis eorum solertia. si enim, quod euenturum est, uel hoc, uel illo modo potest euenire: fortuna ualet plurimum: quae autem fortuita sunt, certa esse non possunt. sin autem certum est, quid quaque de re, quoq. tempore futurum sit: quid est, quod me adiuuent haruspices, cum res tristissimas portendi dixerint? Addunt ad extremum, omnia leuius casura, rebus diuinis procuratis. si enim nihil sit extra fatum, nihil leuari re diuina potest. hoc sentit Homerus, cum querentem Iouem inducit, quod Sarpedonem filium a morte contra fatum eripere non posset. hoc idem significat graecus ille in eam sententiam uersus:

Quod fore paratum est, id summū exuperat Iouem. totum omnino fatum etiam Atellanio uersu iure mihi esse irrisum uidetur. sed in rebus tam seueris non est iocandi locus. concludatur ergo ratio. Si enim prouideri nihil potest futurum esse eorum, quae casu fiunt, quia esse certa non possunt: diuinatio nulla est. sin autem iccirco possunt prouideri, quia certa sunt, & fatalia: rursus diuinatio nulla est: eam enim tu fortuitarum rerum esse dicebas. Sed haec fuerit nobis tāquam leuis armaturae prima orationis excursio: nunc comminus agamus: experiamur itaque, si

R. possumus

DE DIVINATIONE

possumus cornua cōmouere disputationis tuae. Duo enim genera diuinandi esse dicebas, unum artificiosum, alterum naturale: artificiosum constare partim ex coniectura, partim ex obseruatione diuturna: naturale, quod animus arriperet, aut exciperet extrinsecus ex diuinitate, unde omnes animos haustos, aut acceptos, aut libatos haberemus. Artificiosae diuinationis illa fere genera ponebas, extispicum, eorumque, qui ex fulguribus, ostentisq. praedicerent, tum augurum, eorumque, qui signis, aut ominibus uterentur: omneq. genus coniecturale in hoc fere genere ponebas. illud autem naturale aut concitatione mentis edi, & quasi fundi uidebatur, aut animo per somnum sensibus & curis uacuo prouideri. Duxisti autem diuinationem omnem a tribus rebus, a deo, a fato, a natura. sed tamen cum explicare nihil posses, pugnasti commenticiorum exemplū mirifica copia. de quo primo hoc libet dicere. hoc ego philosophi non arbitror, testibus uti; qui aut casu ueri, aut malitia falsi, fictiq. esse possunt. argumentis & rationibus oportet, quare quidque ita sit, docere, non euentis, ijs praesertim, quibus mihi liceat non credere. ut ordiar ab haruspicina, quam ego reip. causa, communisq. religionis colendam censeo: sed soli sumus: licet uerum exquirere sine inuidia, mihi praesertim de plerisque dubitanti: inspiciamus, si placet, exta primum. Persuaderi igitur cuiquam potest, ea, quae significari dicuntur extis, cognita esse ab haruspicibus obseruatione diuturna?

na? ecquam diuturna ista fuit? aut quam longinquo tempore observari potuit? aut quo modo est collata inter ipsos, quae pars inimici, quae pars familiaris esset; quod fissum periculum, quod commodum aliquod ostenderet? an haec inter se haruspices Etrusci, Elij, Aegyptij, Poeni contulerunt? at id, praeterquam quod fieri non potuit, ne fingi quidem potest. alios enī alio more uidemus extra interpretari, nec esse unam omnium disciplinam. & certe, si est in extis aliqua uis, quae declaret futura: necesse est, iam aut cum rerum natura esse coniunctam, aut conformari quodam modo numine deorum, uiq. diuina. cum rerum natura tanta, tamq. praeclara, in omnes partes, motusq. diffusa, quid habere potest commune, non dicam gallinaceum fel, (sunt enim, qui uel argutissima haec exta esse dicant) sed tauri opimi iecur, aut cor, aut pulmo quid habet naturale, quod declarare possit quid futurum sit? Democritus tamen non inscite nugatur, ut physicus: quo genere nihil arrogantius.

Quod est ante pedes, nemo spectat: caeli scrutantur plagas.

uerum is tamen habitu extorum, & colore declarari censet, hoc dumtaxat, pabuli genus, & earum rerum, quas terra procreat, uel ubertatem, uel tenuitatem: salubritatem etiam, aut pestilentiam extis significari putat. O mortalem beatum: cui certo scio ludum numquam defuisse. hunc cine hominem tantis delectatum esse nugis, ut non uideret, tum

R 2 futurum

DE DIVINATIONE

futurum id uerisimile, si omnium pecudum exta eodem tempore in eundem habitum se, coloremq. conuerterent? sed si eadem hora aliae pecudis iecur nitidum, atque plenum est, aliae horridum, & exile: quid est, quod declarari possit habitu extorum, & colore? an hoc eiusdem modi est, quale Pherecydeum illud, quod est a te dictum? qui cum aquam uidisset ex puteo haustam, terrae motum dixit futurum. parum, credo, impudenter, quod, cum factus esset motus, dicere audent quae uis id effecerit: etiam ne, futurum esse, aquae iugis colore praesentiunt? Multa istiusmodi dicuntur in scholis: sed, credere omnia, uide ne non sit necesse. uerum sint sane ista Democritea uera. quando ea nos extis exquirimus? aut quando aliquid eiusmodi, ab haruspice inspectis extis, audiuimus? ab aqua, aut ab igni pericula monent: tum hereditates, tum damna denunciant: fissum familiare, & uitale tractant: caput iecoris ex omni parte diligentissime considerant: si uero id non est inuentum, nihil putant accidere potuisse tristius. haec obseruari certe non potuerunt, ut supra docui. sunt igitur artis inuenta, non uetustatis; si est ars ulla rerum incognitarum. Cum rerum autem natura quam cognationem habent? quae ut uno consensu iuncta sit, & continens; quod uideo physicis placuisse, eisq. maxime, qui omne, quod esset, unum esse dixerunt: quid habere munus potest cum thesauri inuentione coniunctum? si enim extis pecuniae mihi amplificatio ostenditur, idq.

idq. fit natura: primum exta sunt coniuncta mundo; deinde meum lucrum natura rerum continetur. non ne pudet phisicos haec dicere? ut enim iam sit ali qua in natura rerum cognatio, quam esse concedo: (multa enim Stoici colligunt; nam & musculorum iecuscula bruma dicuntur augeri, & puleium aridum florescere ipso brumali die, & inflatas rumpi uesiculas, & semina malorum, quae in his medijs inclusa sint, in contrarias partes se uertere; iam ner uos in fidibus alijs pulsus resonare alios; ostreisq. & conchilijs omnibus contingere, ut cum Luna crescant pariter, pariterq. decrescant; arboresq. ut hiemali tempore, cum Luna simul senescentes, quia tum exsiccatae sint, tempestiue caedi putentur. quid de fretis, aut de marinis aëlibus plura dicam? quorum accessus & recessus Lunae motu gubernantur. sexcenta licet eiusmodi proferri, ut distantiam rerum cognatio naturalis appareat) demus hoc: nihil enim huic disputationi aduersatur: num etiam, si fissum cuiusdammodi fuerit in iecore, lucrum ostenditur? qua ex cognatione naturae, & quasi concentu, atque consensu, quam συμπάθεια Graeci appellant, conuenire potest aut fissum iecoris cum lucello meo, aut meus quaestculus cum caelo, terra, rerumq. natura? concedam hoc ipsum, si uis; etsi magnam iacturam caussae fecero, si ullam esse conuenientiam naturae cum extis concessero: sed tamen, eo concesso, qui euenit, ut is, qui impetrire uelit conuenientem hostiam rebus suis immolet? hoc erat, quod ego non

R 3 rebar

rebar posse dissolui. at quam festine dissoluitur. pudet me non tui quidem, cuius etiam memoriam admiror, sed Chrysippi, Antipatri, Posidonij, qui idem istuc quidem dicunt, quod est dictum a te, ad hostiam deligendam ducem esse uim quandam sentientem, atque diuinam, quae toto confusa mundo sit. Illud uero multo etiam melius, quod & a te usurpatum est, & dicitur ab illis: cum immolare quispiam uelit, tum fieri extorum mutationem, ut aut absit aliquid, aut supersit: deorum enim numini parere omnia. Haec, mihi iam crede, ne aniculae quidem existimant. an censes, eundem uitulum si alius delegerit, sine capite iecur inuenturum; si alius, cum capite? haec decessio capitis, aut accessio subito ne fieri potest, ut se extra ad immolantis fortunam accommodent? non perspicitis aleam quandam inesse hostijs deligendis, praesertim cum res ipsa doceat? cum enim tristissima exta sine capite fuerunt, quibus nihil uidetur esse dirius: proxima hostia litatur saepe pulcherrime. ubi illae minae superiorum extorum? aut quae tam subita facta est deorum tanta placatio? Sed affers, in tauri opimi extis immolante Caesare cor non fuisse: id quia non potuerit accidere, ut sine corde uictima illa uiueret, iudicandum esse, tum interisse cor, cum immolaretur. Qui sit, ut alterum intelligas, sine corde non potuisse bouem uiuere: alterum non uideas, cor subito non potuisse nescio quo auolare? ego enim possum uel nescire, quae uis sit cordis ad uiuendum; uel suspicari, contactum aliquo morbo

morbo bouis exile, & exiguum & uietum cor, &
 dissimile cordis fuisse. tu uero quid habes, quare pu-
 tes, si paullo ante cor fuerit in tauro opimo, subito
 id in ipsa immolatione interisse? an, quod aspexit ue-
 stitu purpureo ex cordem Caesarem, ipse corde priua-
 tus est? urbem philosophiae, mihi crede, proditis,
 dum castella defenditis. nam dum haruspicinam ue-
 ram esse uultis, physiologiam totam peruertitis. Ca-
 put est in iecore, cor in extis: iam abscedet, simul
 ac molam, et uinum insperseris. deus id eripit, uis
 aliqua conficiet, aut exedet. Non ergo omnium in-
 teritus, atque obitus natura conficiet: & erit ali-
 quid, quod aut nihilo oriatur, aut in nihilum subi-
 to occidat. quis hoc physicus dixit umquam? haru-
 spices dicunt. his igitur, quam physicis, potius cre-
 dendum existimas? Quid, cum pluribus dijs immo-
 latur, qui tandem euenit, ut litetur alijs, alijs non
 litetur? quae autem inconstantia deorum est, ut pri-
 mis minentur extis, bene promittant secundis? aut
 tanta inter eos dissensio, saepe etiam inter proximos,
 ut Apollinis exta bona sint, Dinae non bona? quid
 est tam perspicuum, quam, cum sortuito hostiae ad-
 ducantur, talia cuique exta esse, qualis cuique obti-
 gerit hostia? At enim id ipsum habet aliquid diuini,
 quae cuique hostia obtingat, tamquam in sortibus
 quae cui ducatur. Mox de sortibus. quamquam tu
 quidem non hostiarum casum confirmas sortium simi-
 litudine, sed infirmas sortes collatione hostiarum.
 An, cum in Aequimelium misimus qui afferat
 R. 4 agnum,

DE DIVINATIONE

agnum, quem immolemus, is mihi agnus affertur, qui habet exta rebus accommodata, & ad eum agnum non casu, sed duce deo servus deducitur? nam si casum in eo quoque dicis esse, quasi sortem quandam cum deorum uoluntate coniunctam: doleo tantam Stoicos nostros Epicureis irridendi sui facultatem dedisse. non enim ignoras, quam ista derideant. & quidem illi facilius facere possunt: deos enim ipsos, iocandi caussi, induxit Epicurus perlucidos, & perflabiles, et habitantes, tamquam inter duos lucos, sic inter duos mundos propter metum ruinarum; eosque habere putat eadem membra, quae nos, nec ullum usum habere membrorum. ergo is, circuitione quadam deos tollens, recte non dubitat diuinationem tollere. sed non, ut hic sibi constat, item Stoici. illius enim deus nihil habens nec sui, nec alieni negotij, non potest hominibus diuinationem impertire: uester autem deus potest non impertire, ut nihilo minus mundum regat, & hominibus consulat. cur igitur uos inducitis in eas captiones, quas numquam explicetis? ita enim, cum magis properant, concludere solent. si dii sunt, est diuination. sunt autem dii, est ergo diuination. multo est probabilius: non est autem diuination, non sunt ergo dii. uide, quam temere committant, ut, si nulla sit diuination, nulli sint dii. diuination enim perspicue tollitur: deos esse, retinendum est. Atque hac extispicum diuinatione sublata, omnis haruspicina sublata est: ostenta enim sequuntur, & fulgura: ualeat

ualet autem in fulguribus obseruatio diuturna: in
oſtentis ratio, plerumque coniectura adhibetur.
Quid est igitur, quod obseruatum sit in fulgure? cae-
lum in xvi partes diuiferunt Etrusci. facile id qui-
dem fuit, quattuor, quas nos habemus, duplicare,
post idem iterum facere, ut ex eo dicerent, fulmen
qua ex parte uenisset. Primum, id quid interest?
deinde, quid significat? non ne perſichum est, ex
prima admiratione hominum, quod tonitrua, ia-
ctusq. fulminum extimuiſſent, credidiſſe, ea effice-
re rerum omnium praepotentem Iouem? itaque in
noſtris commentarijs scriptum habemus: Ioue to-
nante, fulgurante, comitia populi habere nefas.
hoc fortasse reip. cauſſa conſtitutum eſt: comitio-
rum enim non habendorum cauſſas eſſe uoluerunt:
itaque comitiorum ſolum uitium eſt fulmen, non
idem omnibus rebus optimum auſpiciuſ habemus,
ſi ſiniſtrum fuerit. de auſpicijs alio loco: nunc de
fulguribus. Quid igitur minus a phyſicis dici debet,
quam quidquam certi ſignificari rebus incertis? non
enim te puto eſſe eum, qui Ioni fulmen fabricatos
eſſe Cyclopaſ in Aetna putes. nam eſſet mirabile,
quo modo Iupiter toties iaceret, cum unum haberet.
Nec uero fulminibus homines, quid aut faciendum
eſſet, aut cauendum, moneret. placet enim Stoicis,
eos anhelitus terrae, qui frigidi ſint, cum fluere coe-
perint, uentos eſſe: cum autem ſe in nubem indue-
rint, eiusq. tenuiſſimam quamque partem coeperint
diuidere, atque diſrumpere, idq. crebrius facere,

¶

DE DIVINATIONE

& uehementius, tum & fulgura, & tonitrua existere: si autem nubium confictu ardor expressus se emiserit, id esse fulmen. Quod igitur ui naturae, nulla constantia; nullo rato tempore uidemus effici, ex eo significationem rerum consequentium quaerimus? scilicet, si ista Iupiter significaret, tam multa frustra fulmina emitteret. quidenim proficit, cum in medium mare fulmen iecit? quid, cum in altissimos montes? quod plerumque fit. quid, cum in desertas solitudines? quid, cum in earum gentium oras, in quibus haec ne obseruantur quidem? At inuentum est caput in Tiberi. Quasi ego artem aliquam istorum esse negem. diuinationem nego. caeli enim distributio, quam ante dixi, & certarum rerum notio docet, unde fulmen uenerit. quo concesserit: quid significet autem, nulla ratio docet. Sed urges me meis uersibus.

Nam pater altitonans, stellanti nixus olympos,
Ipse suas arces, atque incluta templa petiuit,
Et Capitolinis iniecit sedibus ignes.
tum statua Naltae, tum simulacra deorum; Romulusque, & Remus cum altrice bellua, ui fulminis ictu, conciderunt; deque his rebus haruspicum extiterunt responsa uerissima. mirabile autem illud, quod eo ipso tempore, quo fieret iudicium coniurationis in senatu, signum Iouis biennio post, quam erat locatum, in Capitolio collocabatur. tu igitur animum induces (sic enim mecum agebas) causam istam & contra facta tua, & contra scripta defendere?

dere? Frater es: eo uereor. uerum quid tibi hic tandem nocet? res ne, quae talis est; an ego; qui uerum explicari uolo? itaque nihil contra dico: a te rationem totius haruspicinae peto. sed te mirificam in latebram coniecisti. quod enim intelligeres fore, ut premerem te, cum ex te causam uniuscuiusque diuinationis exquirerem; multa uerba fecisti; te, cum res uideres, rationem causamque non quaerere; quid fieret, non cur fieret, ad rem pertinere. Quasi ego aut fieri concederem; aut esset philosophi, causam, cur quidque fieret, non quaerere. Et eo quidem loco & prognostica nostra pronunciabas, & genera herbarum, scamnoneam, aristolochiamque radicem; quarum causam ignorares, uim & effectum uideres. Dissimile totum. nam & pronosticorum causas persecuti sunt & Boethus Stoicus, qui est a te nominatus, & noster etiam Posidonius: et, si causarum non reperiantur istarum rerum, res tamen ipsae obseruari animaduerti que possunt. Nattae uero statua, aut aera de caelo tacta quid habent obseruatum, ac uetustum? Pinarij Nattae nobiles. a nobilitate igitur periculum. hoc tamen callide Iupiter cogitauit. Romulus lactens fulmine ictus. ubi igitur periculum ostenditur, ei, quam ille condidit. quam scite per notas nos certiores facit Iupiter? At eodem tempore signum Iouis collocabatur, quo coniuratio indicabatur: & ut scilicet maioris numine deorum id factum, quam casu; arbitrari? & redemptor, qui columnam illam de Cotta & de Tor-

quato

DE DIVINATIONE

quanto conduxerat faciendum, non inertia, aut inopia tardior fuit, sed a dijs immortalibus ad istam horam reſeruatus eſt? non equidem plane deſpero iſta eſſe nera, ſed nescio, & diſcere a te uolo. nam cum mihi quaedam caſu uiderentur ſic euenire, ut praediſta eſſent diuinantibus: dixiſti multa de caſu; ut, uenerium iaci poſſe caſu, quattuor talis iactis; quadringentis, centum uenerios non poſſe caſu conſiſtere. Primum nescio, cur non poſſint: ſed non pugno abundas enim ſimilibus: habes et reſponſionem pigmentorum, & roſtrum ſuis, & alia per multa. Idem Cerneadem fingere dicis de capite Panisci. Quaſi non potuerit id euenire caſu, & non in omni marmore neceſſe ſit ineſſe uel Praxitelia capita. illa enim ipſa efficiuntur detractiōe: nec quidquam illuc aſſertur a Praxitele: ſed, cum multa ſunt detracta, et ad lineamenta oris peruentum eſt; tum intelligas, illud, quod iam expolitum ſit, intus fuiſſe. poteſt igitur tale aliquid etiam ſua ſponte in lapidinis Chiorum extitiſſe. Sed ſit hoc fictum. quid? in nubibus numquid animaduertiſſi leonis formam, aut hippocentauri? poteſt igitur, quod modo negabas, ueritatem caſus imitari. Sed quoniam de extis & fulguribus ſatis eſt diſputatum; oſtenta reſtant, ut tota haruſpicina ſit pertractata. Mulae partus prolatus eſt a te: res mirabilis, propterea quia non ſaepe ſit: ſed ſi fieri non potuiſſet, facta non eſſet. atque hoc contra omnia oſtenta ualeat, numquam, quod fieri non potuerit, eſſe factum; ſi potuerit, non

non esse mirandum . caussarum enim ignoratio in re
noua mirationem facit : eadem ignoratio si in rebus
usitatis est , non miramur . nam qui mulam peperisse
miratur , is , quo modo equa pariat , aut omnino quae
natura partum animantis faciat , ignorat : sed , quod
crebro uidet , non miratur , etiam si , cur fiat , nescit :
quod autem non uidit , id si euenerit , ostentum esse
censet . utrum igitur , cum concepit mula , an cum pe-
perit , ostentum est ? conceptio contra naturam for-
tasse , sed partus prope necessarius . Sed quid plura ?
ortum uideamus haruspicinae : sic facillime , quid ha-
beat auctoritatis , iudicabimus . Tages quidam di-
citur in agro Tarquinienſi , cum terra araretur , &
sulcus altius eſſet impreſſus , extitiſſe repente , &
eum affatus eſſe , qui arabat . is auem Tages , ut in
libris eſt Etruſcorum , puerili ſpecie dicitur uiſus ,
ſed ſenili fuiſſe prudentia . eius aſpectu cum obſtu-
puiſſet bubulcus , clamoremq . maiorem cum admi-
ratione edidiſſet , concurſum eſſe factum , totamq .
breui tempore in eum locum Etruriam conueniſſe :
tum illum plura locutum multis audientibus , qui
omnia eius uerba exceperint , litterisq . mandaue-
rint : omnem autem orationem fuiſſe eam , qua ha-
ruſpicinae diſciplina contineretur : eam poſtea cre-
uiſſe rebus nouis cognoscendis , & ad eadem illa prin-
cipia referendis . Haec accepiſimus ab ipsis : haec ſcri-
pta conſeruant : hunc fontem habent diſciplinae . nū-
ergo opus eſt ad haec refellenda Carneade ? num Epi-
curo ? eſt ne quiſquam ita deſipiens , qui credat exa-
ratum

DE DIVINATIONE

ratum esse, deum dicam, an hominem? si deum, cur se contra naturam in terram abdiderit, ut patefactus aratro lucem aspiceret? quid? idem non ne poterat deus hominibus disciplinam superiore ex loco tradere? si autem homo ille Tages fuit, quonam modo potuit terra oppressus uiuere? unde porro illa potuit, quae docebat alios, ipse didicisse? Sed ego insipientior, quam illi ipsi, qui ista credunt, qui quidem contra eos tam diu disputem. uetus autem illud Catonis admodum scitum est, qui mirari se aiebat, quod non rideret haruspex, haruspicem cum uidisset. quota enim quaeque res euenit praedicta ab his? aut, si euenit quippiam, quid afferri potest, cur non casu id euenierit? Rex Prusias, cum Hannibali apud eum exulanti pugnare placeret, negabat se audere, quod exta prohiberent, an tu, inquit, carunculae uitulinae mauis, quam imperatori ueteri, credere? quid? ipse Caesar, cum a summo haruspice moneretur, ne in Africam ante brumam transmitteret, non ne transmisit? quod ni fecisset, unum in locum omnes aduersariorum copiae conuenissent. Quid ego haruspicum responsa commemorem, (possum equidem innumerabilia) quae aut nullos habuerunt exitus, aut contrarios? hoc ciuili bello dii immortales quam multa luserunt? quae nobis in Graeciam Roma responsa haruspicum missa sunt? quae dicta Pompeio? etenim ille admodum extis, & ostentis mouebatur. non lubet commemorare, nec uero necesse est, tibi praesertim, qui interfuisti: uides ta-

men

men omnia fere contra, ac dicta sunt, euenisse. Sed
haec haecenus: nunc ad ostenta ueniamus. Multa
me consule, a me ipso scripta, recitasti: multa an-
te Marsicum bellum, a Sisenna collecta, attulisti:
multa ante Lacedaemoniorum malam pugnam in
Leuctris, a Callisthene commemorata, dixisti. de
quibus dicam equidem singulis, quoad uidebitur;
sed dicendum etiam est de uniuersis. Quae est enim
ista a dijs profecta significatio, & quasi denuncia-
tio calamitatum? quid autem ea uolunt dij immor-
tales primum significantes, quae sine interpretibus
non possumus intelligere; deinde ea, quae cauere
nequeamus? at hoc ne homines quidem probi fa-
ciunt, ut amicis impendentes calamitates praedi-
cant, quas illi effugere nullo modo possint: ut medi-
ci, quamquam saepe intelligunt, tamen numquam
aegris dicunt, illo morbo eos esse morituros. omnis
enim praedictio mali tum probatur, cum ad praedi-
ctionem cautio adiungitur. quid igitur aut ostenta,
aut eorum interpretes, uel Lacedaemonios olim, uel
nuper nostros adiuuerunt? quae si signa decorum
putanda sunt, cur tam obscura fuerunt? si enim, ut
intelligeremus, quid esset euenturum: aperte decla-
rari oportebat, aut ne occulte quidem, si ea sciri
nolebant. Iam uero coniectura omnis, in qua nititur
diuinitas, ingenijs hominum in multas, ac diuer-
sas, aut etiam contrarias partes saepe diducitur. ut
enim in causis iudicialibus alia est coniectura accusa-
toris, alia defensoris, et tamen utriusque credibilis:
sic

DE DIVINATIONE

*sic in omnibus ijs rebus, quae coniectura inuestigari
 solent, anceps reperitur oratio. quas autem res tum
 natura, tum casus affert, (non numquam etiam erro-
 rem creat similitudo) magna stultitia est, earum re-
 rum deos facere effectores, causas rerum non quae-
 rere. Tu uates Bocotios credis Lebadae uidisse ex
 gallorum gallinaceorum cantu, uictoriam esse The-
 banorum; quia galli uicti silere solent, canere uicto-
 res. hoc igitur per gallinas Iupiter tantae ciuitati
 signum dabat? an illae aues, nisi cum uicerint, canere
 non solent? at tum canebant, nec uicerant. id enim,
 inquires, ostentum. magnum uero: quasi pisces,
 non galli, cecinerint. quod autem est tempus, quo
 illi non cantent, uel nocturnum, uel diurnum? quod
 si uictores alacritate, & quasi laetitia ad canendum
 excitantur: potuit accidisse alia quoque laetitia, qua
 ad cantum mouerentur. Democritus quidem opti-
 mis uerbis causam explicat, cur ante lucem galli
 canant: depulso enim de pectore, & in omne cor-
 pus diuiso, & modificato cibo, cantus edere quiete
 satiatos: qui quidem silentio noctis, ut ait Ennius,
 fauent faucibus ruffis: cantu, plausuq. premunt
 alas. cum igitur hoc animal tam sit canorum sua
 sponte, quid in mentem uenit Callistheni dicere deos
 gallis signum dedisse cantandi? cum id uel natura,
 uel casus efficere potuisset. Sanguinem pluuisse,
 senatui nunciatum est, atratum fluium fluxisse
 sanguine, deorum sudasse simulacra: num censes
 his nuncijs Thalem, aut Anaxagoram, aut quem-
 quam*

quam physicum crediturū fuisse? nec enim sanguis, nec sudor nisi e corpore est. sed & decoloratio quaedam ex aliqua contagione terrena maxime potest sanguinis similis esse, et humor allapsus extrinsecus, ut in tectorijs uidemus austro, sudorem imitari.

Atque haec in bello plura, & maiora uidentur timētibis: eadem non tam animaduertuntur in pace.

Accedit illud etiam, quod in metu, & periculo cum creduntur facilius, tum finguntur impuni. nos autem ita leues, atque inconsiderati sumus, ut, si mures corroserint aliquid, quorum est opus hoc unum, monstrum putemus. Ante uero Marsicum bellum, quod clypeos Lanuij, ut a te est dictum, mures rosissent, maximum id portentum haruspices esse dixerunt. Quasi uero quidquam intersit, mures, diem et noctem aliquid rodentes, scuta an cribra corroserint. nam si ista sequimur: quod Platonis Politiam nuper apud me mures corroserint, de rep. debui pertimescere: aut, si Epicuri de uoluptate liber uitiosus esset, putarem annonam in macello cariorem fore. An uero illa nos terrent, si quando aliqua portentosa, aut ex pecude, aut ex homine nata dicuntur? quorum omnium, ne sim longior, una ratio est. quidquid enim oritur, qualecumque est, causam habeat a natura necesse est: ut, etiam si praeter consuetudinem extiterit, praeter naturam tamen non possit existere. Causam igitur inuestigato in re noua, atque admirabili, si poteris: si nullam reperies, illud tamen exploratum ha-

S beto,

DE DIVINATIONE

beto, nihil fieri potuisse sine causa: eumq. erro-
rem, quem tibi rei nouitas attulerit, naturae ratio-
ne depellito. ita te nec terrae fremitus, nec caeli di-
scessus, nec lapideus, aut sanguineus imber, nec
traiectio stellae, nec faces uisae terre bunt. quorum
omnium causas si a Chrysippo quaeram; ipse ille,
diuinationis auctor, numquam illa dicet facta fortui-
to, naturalemq. rationem omnium reddet. nihil e-
nim fieri sine causa potest: nec quidquam fit, quod
fieri non potest: nec, si id factum est, quod fieri po-
tuit, portentum debet uideri: nulla igitur porten-
ta sunt. nam si, quod raro fit, id portentum putan-
dum est: sapientem esse portentum est. saepius e-
nim mulam peperisse arbitror, quam sapientem
fuisse. Illa igitur ratio concluditur; nec id, quod
non potuerit fieri, factum umquam esse; nec, quod
potuerit, id portentum esse; ita omnino nullum es-
se portentum. quod etiam coniecto quidam & in-
terpres portentorum non inscite dicitur ei respon-
disse; qui cum ad eum retulisset quasi ostentum,
quod anguis domi noctem circumuectus fuisset, tum
esset, inquit, ostentum, si anguem noctis circum-
plicasset. hoc ille responso satis aperte declarauit,
nihil habendum esse portentum, quod fieri posset.
C. Gracchus ad M. Pomponium scripsit; duobus
anguibus domi comprehensis, haruspices a patre
conuocatos. qui magis anguibus, quam lacertis,
quam muribus? quia sunt haec quotidiana, angues
non item. quasi uero referat, quod fieri potest,
quam

quam id saepe fiat . ego tamen miror , si emissio fe-
minae anguis mortem afferebat Tib. Graccho, emis-^{100.}

sio autem maris anguis erat mortifera Corneliae ,
cur alterutram emisit . nihil enim scribit respon-
disse haruspices , si neuter anguis emissus esset , quid
esset futurum . at mors insecuta Gracchum est . caus-
sa quidem , credo , aliqua morbi grauioris , non e-
missione serpentis . neque enim tanta est infelicitas
haruspicum , ut ne casu quidem umquam fiat , quod
futurum illi esse dixerint . Nam illud mirarer , si
crederem , quod apud Homerum Calchantem dixi-
sti ex passerum numero belli Troiani annos augura-
tum : de cuius coniectura sic apud Homerum , ut
nos otiosi conuertimus , loquitur Agamemnon :

Ferte uiri , & duros animo tolerate labores ,

*Pole. Miscell.
cap. 53.*

Auguris ut nostri Calchantis fata queamus

Scire ratos ne habeant , an uanos pectoris orsus :

Nanque omnes memori portentum mente retentant ,

Qui non funestis liquerunt lumina fati .

Argolicis primum ut uestita est classibus Aulis ,

Quae Priamo cladé , & Troiae , pestemq. ferebant ;

Nos circum latices gelidos fumantibus aris ,

Aurigeris diuum placantes numina tauris ,

Sub platano umbrifera , fons unde emanat aquai ,

Vidimus immansi specie , tortuq. draconem

Terribilem , Iouis ut pulsus penetrabat ab ara :

Qui platani in ramo foliorum tegmine septos

Corripuit pullos : quos cum consumeret octo ,

Nona super tremulo genitrix clangore uolabat :

S 2 Cui

DE DIVINATIONE

Cui ferus immani lanianit uiscera morsu.
 Hunc, ubi tā teneros uolucres, matremq. peremit,
 Qui luci ediderat, genitor Saturnius idem
 Abdidit, & duro formauit tegmine saxi.
 Nos autem timidi stantes mirabile monstrum
 Vidimus in medijs diuum uersarier aris.
 Tum Calchas haec est fidenti uoce locutus.
 Quidnam torpentes subito obstupuistis Achiui?
 Nobis haec portenta deum dedit ipse creator,
 Tarda & sera nimis, sed fama ac laude perenni.
 Nam quot aues taetro mactatas dente uidetis,
 Tot nos ad Troiam belli exanclabimus annos:
 Quae decumo cadet, & poena satiabit Achiuos.
 Edidit haec Calchas: quae iam matura uidetis.
 quae tandem ista auguratio est ex passeribus anno-
 rum potius, quam aut mensium, aut dierum? cur
 autem de passerculis coniecturam facit, in quibus
 nullum erat monstrum; de dracone silet, qui, id
 quod fieri non potuit, lapideus dicitur factus? po-
 stremo, quid simile habet passer annis? nam de an-
 gue illo, qui Syllae apparuit immolanti, utrumque
 memini, & Syllam, cum in expeditionem eductu-
 rus esset, immolauisse, & anguem ab ara extitisse,
 eoq. die rem praeclare esse gestam, non haruspici-
 consilio, sed imperatoris. atque haec ostentorum ge-
 nera mirabile nihil habent: quae cum facta sunt, tū
 ad coniecturam aliqua interpretatione reuocantur:
 ut, illa tritici grana in os pueri Midiae congesta, aut
 apes quas dixisti in labris Platonis pueri consedis-
 se,

non

non tam mirabilia sint, quam coniecta bene: quae tamen uel ipsa falsa esse, uel illa, quae praedicta sunt, fortuito accidisse putuerunt. De ipso Roscio potest illud quidem esse falsum, ut circum ligatus fuerit angui: sed ut in cunis fuerit anguis, non tam est mirum, in Selonio praesertim, ubi apud focum angues nundinari solent. nam quod haruspices responderunt, nihil illo clarius, nihil nobilius fore: miror deos immortales histrioni futuro claritatem ostendisse, nullam ostendisse Africano. Atque etiam a te Flaminiana ostenta collecta sunt, quod ipse, & equus eius repente conciderit: non sane hoc quidem mirabile: quod euelli primi hastati signum non potuerit: timide fortasse signifer euellebat, quod fidenter infixerat. Nam Dionysii equus quid attulit admirationis, quod emerfit ex flumine? quodq. habuit apes in iuba? sed quia breui tempore regnare coepit; quod casu acciderat, uim habuit ostenti. At Lacedaemonijs in Herculis fano arma sonuerunt: eiusdemq. dei Thebis ualuae clausae subito se aperuerunt: eaq. scuta, quae fuerant sublime fixa, sunt humi inuenta. horum cum nihil fieri potuerit sine aliquo motu, quid est cur diuinitus ea potius, quam casu, facta esse dicamus? At in Lysandri statuae capite Delphis extitit corona ex asperis herbis, & quidem subita. ita ne censes? ante coronam extitisse, quam herbarum conceptum esse semē? herbam autem asperam credo auium congestu, non humano satū. iam quidquid in capite est, id coronae simi-

DE DIVINATIONE

le uidere potest. Nam quod eodem tempore *Stellas aureas Castoris & Pollucis Delphis positas decidisse neque eas usquam repertas esse dixisti: furum id magis factum, quam deorum uidetur. Simiae uero Dodoneae improbitatem historijs graecis mandata esse demiror. quid minus mirum, quam illam monstruosissimam bestiam urnam euertisse, sortes dissipauisse? & negant historici Lacedaemonijs ullum ostentum hoc tristius accidisse. Nam illa praedicta Veientum, si lacus Albanus redundasset, isq. in mare fluxisset, Romam perituram; si representus esset, Veios; ita aqua Albana deducta ad utilitatem agri suburbani, non ad arcem, urbemq. retinendam. At paullo post audita uox est monentis, ut prouiderent ne a Gallis Roma caperetur: ex eo Aio Loquenti aram in Noua uia cōsecratam. quid ergo? Aius iste Loquens, quando eum nemo norat, aiebat, & loquebatur, & ex eo nomen inuenit: postea quam & sedem, & aram, & nomen inuenit, obmutuit? Quod idem dici de Moneta potest: a qua, praeterquam de sue plena, quid umquam moniti sumus? Satis multa de ostentis. Auspicia restant, & sortes, eae quae ducuntur, nō illae quae uaticinatione funduntur: quae oracula uerius dicimus: de quibus tum dicemus, cum ad naturalem diuinationem uenerimus. Restat etiam de Chaldaeis. sed primum auspicia uideamus. Difficilis auguri locus ad contradicendum, Marso fortasse, sed Romano facillimus. non enim sumus ij nos augures, qui auium, reliquo-*

rum

rum ue signorum obseruatione futura dicamus. & tamen credo Romulum, qui urbem auspicato condidit, habuisse opinionem, esse in prouidendis rebus augurandi scientiam. errabat enim multis in rebus antiquitas: quam uel usu iam, uel doctrina, uel uetustate immutatam uidemus. retinetur autem & ad opinionem uulgi, & ad magnas utilitates reip. mos, religio, disciplina, ius augurum, collegii auctoritas. Nec uero non omni supplicio digni P. Claudius, L. Iunius consules, qui contra auspicia nauigarunt. parendum enim fuit religioni, nec patrius mos tam contumaciter repudiandus. iure igitur alter populi iudicio damnatus est, alter mortem sibi consciiuit. Flaminius non paruit auspicijs: itaque perijt cum exercitu. at anno post Paulus paruit: num minus cecidit in Cannensi pugna cum exercitu? etenim ut sint auspicia, quae nulla sunt; haec certe, quibus utimur siue tripudio, siue de caelo, simulacra sunt auspiciorum, auspicia nullo modo. Q. Fabi, te uolo mihi in auspicio esse. uolo, respondet. audiui. Hic apud maiores nostros adhibebatur peritus, nunc quilibet. peritum autem esse necesse est eum, qui, silentium quid sit, intelligat. id enim silentium dicimus in auspicijs, quod omni uitio caret. hoc intelligere, perfecti auguris est. illi autem, qui in auspiciu adhibetur, cum ita imperauit is, qui auspicatur, dicito, si silentium esse uidetur, nec suspicit, nec circumspicit, statim respondet, silentium esse, uideri. tum ille, dicito si

S 4 pascun-

DE DIVINATIONE

pascuntur aues: pascuntur. quae, aut ubi? attulit,
inquit, in cauea pullos is, qui ex eo ipso nominatur
pullarius. hae sunt igitur aues interunuciae Iouis:
quae pascantur, nec ne, quid refert? nihil ad auspi-
cia: sed quia, cum pascuntur, necesse est aliquid
ex ore cadere, & terram pauire, terripanium pri-
mo, post terripudium dictum est, hoc quidem iam
tripudium dicitur. cum igitur offa iam cecidit ex o-
re pulli, tum auspicanti tripudium solistimum nun-
ciant. ergo hoc auspicium diuini quidquam habere
potest, quod tam sit coactum & expressum? quo
antiquissimos augures non esse usos, argumento est
quod decretum collegij uetus habemus, omnem
aue tripudium facere posse. tum igitur esset auspi-
cium, si modo ei esset liberum se ostendisse: tum
aui illa uideri posset interpret, & satelles Iouis.
nunc uero inclusa in cauea, & fame eneeta, si in
offam pultis inuadit, & si aliquid ex ore cecidit;
hoc tu auspicium, aut hoc modo Romulum auspi-
cari solitum putas? Iam uero de caelo seruare non
ipso censet solitos, qui auspicabantur? nunc im-
perant pullario: ille renunciat. fulmen sinistrum
auspicium optimum habemus ad omnes res, praeter
quam ad comitia: quod quidem institutum reip.
caussa est, ut comitiorum uel in iudicijs populi, uel
in iure legum, uel in creandis magistratibus princi-
pes ciuitatis essent interpretes. At Ti. Gracchi lit-
teris Scipio & Figulus, quod augures indicassent
eos uitio creatos esse, magistratu se abdicauerunt.

Quis

Quis negat augurum disciplinam esse? diuinationem nego. At haruspices diuini: quos cum Ti. Gracchus propter mortem repentinam eius, qui in praerogativa referenda subito concidisset, in senatum introduxisset, non iustum rogatorem comitiorum fuisse dixerunt. Primum uide, ne in eum dixerint, qui rogator centuriae fuisset: is enim erat mortuus. id autem, sine diuinatione, coniectura poterat dicere. deinde fortasse casu: qui nullo modo est ex hoc genere tollendus. quid enim scire Etrusci haruspices aut de tabernaculo recte capto, aut de pomerij iure potuerunt? equidem assentior C. Marcello potius, quam Ap. Claudio; qui ambo mei collegae fuerunt: existimoq. ius augurum, etsi diuinationis opinione principio constitutum sit, tamen postea reip. causa conseruatum, ac retentum. Sed de hoc loco plura in alijs, nunc haecenus: externa enim auguria, quae sunt non tam artificiosa, quam superstiosa, uideamus. Omnibus fere auib. utuntur, nos admodum paucis. alia sinistra sunt, alia nostris. solebat ex me Deiotarus percunctari nostri augurij disciplinam, ego ex illo sui. dii immortales, quantum differabat: ut quaedam essent etiam contraria. atque ille ijs semper utebatur: nos, nisi dum a populo auspicia accepta habemus, quam multum ijs utimur? Bellicam rem administrari maiores nostri, nisi auspicato, noluerunt: quam multi anni sunt, cum bella a praetoribus & proconsulibus administrantur? qui auspicia non habent: itaque nec amnes transeunt auspicato

DE DIVINATIONE

spicato, nec tripudio auspicantur. nam ex acuminibus quidem, quod totum auspicium militare est, iam M. Marcellus ille quinquies consul totum omisit, idem imperator, idem augur optimus. ubi est ergo animi diuinitas? quae, quoniam ab ijs, qui auspicia nulla habent, bella administrantur, ab urbanis retenta uidetur, a bellicis esse sublata. & quidem ille dicebat; si quando rem agere uellet, ne impediretur auspicij, lectica operta facere se iter solere. huic simile est, quod nos augures praecipimus, ne iuge auspicium obuenciat, ut iumenta iubeant disjungere. quid est aliud nolle moneri a Ioue, nisi efficere, ut aut ne fieri possit auspicium, aut, si fiat, uideri? Nam illud admodum ridiculum, quod negas Deiotarum auspicio, quae sibi ad Pompeium proficiscenti facta sunt, paenitere; quod fidem secutus, amicitiamq. populi R. functus sit officio: antiquior enim sibi fuisse laudem, & gloriam, quam regnum, & possessiones suas. credo id quidem: sed nihil ad auspicia. nec enim ei cornix canere potuit, recte cum facere, quod populi R. libertatem defendere pararet. ipse hoc sentiebat, sicuti sensit. aues euentus significant aut aduersos, aut secundos: uirtutis auspicij uideo esse usum Deiotarum: quae uetat spectare fortunam, dum praestetur fides. aues uero si prosperos euentus ostenderunt, certe fefellerunt. fugit ex proelio cum Pompeio: graue tempus. discessit ab eo: luctuosae res. Caesarem eodem tempore & hostem, et hospitem uidit: quid hoc trislius?

is

is cum ei Troginorum tetrarchiam eripuisset, ut as-
seclae suo Pergameno nescio cui dedisset; eidemq.
detraxisset Armeniam, a senatu datam: cumq. ab
eo magnificentissimo hospitio acceptus esset; spolia-
tum reliquit & hospitem, & regem. Sed labor lon-
gius: ad propositum reuertar. Si euenta quaerimus,
quae exquiruntur auibus: nullo modo prospera Deo.
taro. sin officia: a uirtute ipsius, non ab auspicijs,
petita sunt. Omitte igitur lituum Romuli, quem
in maximo incendio negas potuisse comburi: con-
temne cotem Atij Nauij: nihil debet esse in philoso-
phia commenticijs fabellis loci. illud erat philosophi-
totius augurij primum naturam ipsam uidere, dein-
de inuentionem, deinde constantiam. Quae est igi-
tur natura, quae, uolucres, huc & illuc passim uagan-
tes, efficiat, ut significant aliquid, & tum uetent
agere tum iubeant, aut cantu, aut uolatu? cur au-
tem alijs a dextra, alijs a laeua datum est auibus,
ut ratum auspicium facere possint? Quo modo au-
tem haec, aut quando, aut a quibus inuenta dice-
mus? Etrusci tamen habent exaratum puerum au-
ctorem disciplinae suae: nos quem? Atium ne Na-
uium? at aliquot annis antiquior Romulus, & Re-
mus, ambo augures, ut accepimus. An Pisidarum,
aut Cilicum, aut Phrygum ista inuenta dicemus?
placet igitur, humanitatis expertes habere diuinita-
tis auctores? At omnes reges, populi, nationes
utuntur auspicijs. quasi uero quidquam sit tam ual-
de, quam nihil sapere, uulgare: aut quasi tibi ipsi
in

DE DIVINATIONE

in iudicando placeat multitudo . quotus quisque est ,
qui uoluptatem neget esse bonum ? plerique etiam
summum bonum dicunt . num igitur eorum frequen-
tia Stoici de sententia deterrentur ? aut num pleris-
que in rebus sequitur eorum auctoritatem multitu-
do ? quid mirum igitur , si in omnibus auspicijs , &
omni diuinatione imbecilli animi superstitiosa ista
concipiant , uerum dispicere non possint ? Quae au-
tem est inter augures conueniens , & coniuncta
constantia ? ad nostri augurij consuetudinem dixit
Ennius ,

Cum tonuit laenum bene tempestate serena .
at Homericus Vlysses , apud Achillem querens
de ferocitate Troianorum , nescio quid hoc modo
nunciat :

Prospera Iupiter his dextris fulgoribus edit .
ita nobis sinistra uidentur , Graijs & barbaris dex-
tra meliora . quamquā haud ignoro , quae bona sint ,
sinistra nos dicere , etiam si dextra sint . sed certe no-
stri sinistrum nominauerunt , externiq. dextrum ,
quia plerumque melius id uidebatur . haec quanta dis-
sensio est ? Quid , quod alijs auib. utuntur , alijs
signis , aliter obseruant , aliter respondent ? non ne-
cesse est fateri , partim horum errore susceptum es-
se , partim superstitione , multa fallendo ? Atque
his superstitionibus non dubitasti etiam omnia adiu-
gere . Aemilia Paullo , Persam perisse : quod pater
omne accepit . Caecilia sororis filiae , sedes tra-
dere . iam illa , fauete linguis , & praerogatinam

omen

omen comitiorum . Hoc est , ipsum esse contra se copiosum , et disertum . quando enim , ista obseruans , quieto , & libero animo esse poteris , ut ad rem gerendam non superstitionem habeas , sed rationem ducem ? ita ne ? si quis aliquid ex sua re , atque ex suo sermone dixerit , & eius uerbum aliquod apte ceciderit ad id , quod ages , aut cogitabis , ea res tibi aut timorem afferet , aut alacritatem ? Cum M. Crassus exercitum Brundisij imposteret , quidam in portu caricas Cauno aduectas uendens , Cauneas clamitabat . dicamus , si placet , monitum ab eo Crassum , caueret ne iret : non fuisse periturum , si omni paruisset . quae si suscipiamus , pedis offensio nobis , & abruptio corrigiae , & sternutamenta erunt obseruanda . Sortes restant , & Chaldaei : ut ad uates , & somnia ueniamus . Dicendum igitur putas de sortibus . Quid enim fors est ? idem propemodum , quod micare , quod talos iacere , quod tesseras : quibus temeritas , & casus , non ratio , nec consilium ualet . tota res est inuenta fallacijs , aut ad quaestum , aut ad superstitionem , aut ad errorem . atque , ut in haruspicina fecimus , sic uideamus clarissimarum sortium quae tradatur inuentio . Numerium Fuffetium Praenestinatorum monumenta declarant , honestum hominem , & nobilem , somnijs crebris , ad extremum etiam minacibus , cum iubere-
tur certo in loco silicem caedere , perterritum uisu , iridentibus suis ciuibus , id agere coepisse : itaque , perfracto saxo , sortes erupisse , in robore insculptis
prisca-

DE DIVINATIONE

priscarum litterarum notis . is est hodie locus septus
religiose propter Iouis pueri , qui lactens cum Iuno-
ne , in gremio Fortunae sedens , mammam appetens ,
castissime colitur a matribus . Eodem tempore illo
loco , ubi nunc Fortunae sita aedes est , mel ex olea
fluxisse dicunt , haruspicesq. dixisse , summa mobili-
tate illas sortes futuras , eorumq. iussu ex illa olea ar-
cam esse factam , eaq. conditas sortes , quae hodie
Fortunae monitu tolluntur . quid igitur in his potest
esse certi , quae Fortunae monitu , pueri manu miscen-
tur , atque ducuntur ? quo modo autem istae positae
in illo loco ? quis robur illud cecidit , dolauit , inscri-
psit ? Nihil est , inquiunt , quod deus efficere non pos-
sit . Vtinam sapientes Stoicos effecisset , ne omnia
superstitiosa sollicitudine & miseria crederent . sed
hoc quidem genus diuinationis uita iam communis
explosit . Fani pulchritudo , & uetustas , Praenesti-
narum etiam nunc sortium retinet nomen , atque id
in uulgus . quis enim magistratus , aut quis uir illu-
strior utitur sortibus ? ceteris uero in locis sortes pla-
ne refrinxerunt . quod Carneadem Clitomachus scri-
bit dicere solitum , nusquam se fortunatiorem , quam
Praeneste uidisse Fortunam . ergo hoc diuinationis
genus omittamus . Ad Chaldaeorum monstra uenia-
mus : de quibus Eudoxus , Platonis auditor , in astro-
logia iudicio doctissimorum hominum facile prin-
ceps , sic opinatur , id quod scriptum reliquit : Chal-
daeis in praedictione , et in notatione cuiusque uitae ex
natali die , minime esse credendum . Nominat etiam

Panae-

Panaetius, qui unus e Stoicis astrologorū praedicta reiecit; Archelaum, & Cassandrum, summos astrologos illius aetatis, qua erat ipse, cum in ceteris astrologiae partibus excellerent, hoc praedictionis genere non usos. Scylax Halicarnassens, familiaris Panaetij, excellens in astrologia, idemq. in regenda sua ciuitate princeps, totum hoc Chaldaicum praedicendi genus repudiavit. Sed ut ratione utamur, omissis testibus. sic isti disputant, qui haec Chaldaeorum natalitia praedicta defendunt. uim quandam esse aiunt signifero in orbe, qui graece *ζωδιακός* dicitur, talem, ut eius orbis unaquaeque pars alia alio modo moueat, immutetq. caelum, perinde ut quaeque stellae in ijs, finitimisq. partibus sint quoque tempore; eamq. uim uarie moueri ab ijs sideribus, quae uocantur errantia. cum autem in eā ipsam partem orbis uenerint, in qua sit ortus eius, qui nascitur; aut in eam, quae coniunctum aliquid habeat, aut consentiens; ea triangula illi, & quadrata nominant. etenim cum tempore anni, tempestatumque, caeli conuersiones, commutationesq. tantae fiant accessu stellarum, & recessu; cumq. ea ui solis efficiantur, quae uidemus: non uerisimile solum, sed etiam uerum esse censent, perinde utcumque temperatus sit aer, ita pueros orientes animari, atque formari, ex eoq. ingenia, mores, animū, corpus, actionem uitae, casus cuiusque, euentusq. fingi. Quidelationem incredibilem, non enim omnis error stultitia est dicenda. quibus etiam Diogenes Stoicus

con-

DE DIVINATIONE

concedit, aliquid ut praedicere possint, dumtaxat
quali quisque natura, & ad quam quisque maxime
rem aptus futurus sit: cetera, quae profiteantur,
negat ullo modo posse sciri: etenim geminorum for-
mas esse similes, uitam atque fortunam plerumque
disparem. Proclus, & Euristhenes, Lacedaemo-
niorum reges, gemini fratres fuerunt. at hi nec to-
tidem annos uixerunt: anno enim Procli uita bre-
uior fuit, multumq. is fratri rerum gestarum gloria
praestitit. At ego id ipsum, quod uir optimus Dio-
genes Chaldaeis quasi quadam praenaricatione cōce-
dit, nego posse intelligi. etenim cum, ut ipsi dicunt,
ortus nascentium Luna moderetur, eaq. animaduer-
tant, & notent sidera natalitia Chaldaei, quaecun-
que Lunae iuncta uideantur: oculorum fallacissimo
sensu iudicant ea, quae ratione atque animo uidere
debebant. docet enim ratio mathematicorum, quam
istis notam esse oportebat, quanta humilitate Luna
feratur, terram paene contingens; quantum absit a
proxima Mercurij stella, multo autem longius a Ve-
neris; deinde alio interuallo distet a Sole, cuius lumi-
ne collustrari putatur. reliqua uero tria interualla
infinita, & immensa, a Sole ad Martis, inde ad
Iouis, ab eo ad Saturni stellam, inde ad caelum ip-
sum, quod extremum atque ultimum mundi est.
quae potest igitur cōtagio ex infinito paene interual-
lo pertinere ad Lunam, uel potius ad terram?
Quid? cum dicunt id, quod ijs dicere necesse est,
omnes omnium ortus, quicunque gignantur in omni
terra,

terra, quae incolatur, eosdem esse, eademq. omnibus, qui eodem statu caeli, & stellarum nati sunt, accidere necesse esse; non ne eiusmodi sunt, ut ne caeli quidem naturam interpretes istos caeli nosse appareat? cum enim illi orbes, qui caelum quasi medium diuidunt, & aspectum nostrum definiunt, qui a Graecis ὀρίζοντες nominantur, a nobis finientes rectissime nominari possunt, uarietatem maximam habeant, alijq. in alijs locis sint: necesse est, ortus, occasusq. siderum non fieri eodem tempore apud omnes. quod si eorum uel caelum modo hoc, modo illo modo temperatur: qui potest eadem uis esse nascentium, cum caeli tanta sit dissimilitudo? in his locis, quae nos incolimus, post solstitium canicula exoritur, et quidem aliquot diebus; apud Troglodytas, ut scribitur, ante solstitium: ut, si iam concedamus aliquid uim caelestem ad eos, qui in terra gignuntur, pertinere, confitendum sit illis, eos, qui nascuntur eodem tempore, posse in dissimiles incidere naturas propter caeli dissimilitudinem. minime illis placeat. uolunt enim illi, omnes eodem tempore ortos, qui ubique sint nati, eadem condicione nasci. sed quae tanta dementia est, ut in maximis motibus, mutationibusq. caeli nihil intersit, qui uentus, qui imber, quae tempestas ubique sit? quarum rerum in proximis locis tantae dissimilitudines saepe sunt, ut alia Tusculi, alia Romae eueniat saepe tempestas. quod, qui nauigant, maxime animaduertunt, cum in flectendis promontorijs uentorum mutationes

T maximas

DE DIVINATIONE

maximas saepe sentiant. haec igitur cum sit tum se-
ueritas, tum perturbatio caeli: est ne sanorum ho-
minum, hoc ad nascentium ortus pertinere non di-
cere? quod non certe pertinet. Illud nescio quid te-
nue, quod sentiri nullo modo, intelligi autem uix
potest, quae a Luna ceterisq. sideribus caeli tempe-
ratio fiat, dicere ad puerorum ortus pertinere.
Quid, quod non intelligunt seminum uim, quae ad
gignendum, procreandumq. plurimum ualeat, fun-
ditus tollit, mediocris erroris est? quis enim non ui-
det, & formas, & mores, & plerosque status,
ac motus effingere a parentibus liberos? quod non
contingeret, si hoc non uis, & natura gignentium
efficeret, sed temperatio Lunae, caeliq. moderatio.
Quid, quod uno eodemq. temporis puncto nati dis-
similes & naturas, & uitas, & casus habent, pa-
rum ne declarant nihil ad agendam uitam nascendi
tempus pertinere? nisi forte putamus neminem eo-
dem tempore ipso & conceptum, & natum, quo
Africanum. num quis igitur talis fuit? Quid? illud
ne dubium est, quin multi, cum ita nati essent, ut
quaedam contra naturam deprauata haberent, re-
sistuerentur, & corrigerentur ab natura, cum se
ipsa reuocasset, aut arte, aut medicina? aut quo-
rum linguae sic inhaerent, ut loqui non possent, cae-
scalpello rescitae liberarentur? Multi etiam naturae
nitium meditatione, atque exercitatione suslule-
runt, ut Demosthenem scribit Phalereus, cum prae-
dicere nequirit, exercitatione secisse, ut planissi-
me

*† orac. lib. 1.
49: Laer
Dem. Plat. Dem.*

me diceret . quod si haec astro ingenerata & tradita
essent , nulla res ea mutare posset . Quid ? dissimili-
tudo locorum non ne dissimiles hominum procrea-
tiones habet ? quas quidem percurrere oratione fa-
cile est : quid inter Indos & Persas , Aethiopas et
Syros differat corporibus , animis : ut incredibilis
uarietas dissimilitudoque sit . ex quo intelligitur ,
plus terrarum situs , quam Lunae tractus , ad na-
scendum ualere . Nam quod aiunt quadringenta
& septuaginta milia annorum in periclitandis , ex-
periundisq. pueris , quicumque essent nati , Babylo-
nios posuisse , fallunt . si enim esset factitatum , non
esset desitum . neminem autem habemus auctorem ,
qui aut fieri dicat , aut factum sciat . Vides ne me
non ea dicere , quae Carneades , sed ea , quae prin-
ceps Stoicorum Panaetius dixerit ? Ego autem e-
tiam hoc requiro , omnes ne , qui Cannensi pugna
cecidere , uno astro fuerint . exitus quidem om-
nium unus & idem fuit . Quid ? qui ingenio atque
animo singulares , num astro quoque uno ? quod
enim tempus , quo non innumerabiles nascentur ?
at certe nemo similis Homeri . & , si ad rem perti-
net , quo modo caelo affecto , compositisq. sideribus
quodque animal oriatur : ualeat id necesse est etiam
in rebus inanimis . quo quid dici potest absurdius ?
L. quidem Tarutius Firmanus , familiaris noster , *Plut. Rom.*
in primis Chaldaeis rationibus eruditus , urbis etiā
nostrae natalem diem repetebat ab ijs Parilibus ,
quibus eam a Romulo conditam accepimus ; Ro-

T 2 mamque

DE DIVINATIONE

namque, cum esset in ingo Luna, natum esse dicebat; nec eius fata canere dubitabat. o uim maximam erroris. etiam ne urbis natalis dies ad uim stellarum & Lunae pertinebat? fac in puero referre, ex qua affectione caeli primum spiritum duxerit: num hoc in latere, aut in caemento, ex quibus urbs effecta est, potuit ualere? sed quid plura? quotidie refelluntur. quam multa ego Pompeio, quam multa Crasso, quam multa huic ipsi Caesari a Chaldaeis dicta memini, neminem eorum, nisi senectute, nisi domi, nisi cum claritate esse moriturum: ut mihi permirum uideatur, quenquam extare, qui etiam nunc credat ijs, quorum praedicta quotidie uideat re, & euentis refelli. Restant duo diuinandi genera; quae habere dicimur a natura, non ab arte; uaticinandi, et somniandi: de quibus Quinte, inquam, si placet, differamus. Mihi uero, inquit, placet. his enim, quae adhuc disputasti, prorsus assentior: & uere ut loquar, quamquam tua me oratio confirmauit, tamen etiam mea sponte nimis superstitiosam de diuinatione Stoicorum sententiam iudicabam: ac me Peripateticorum ratio magis mouebat, & ueteris Dicaearchi, & eius, qui nunc floret, Cratippi: qui censent esse in mentibus hominum tamquam oraculum aliquod, ex quo futura praesentiant, si aut furore diuino incitatus animus, aut somno relaxatus solute moueatur ac libere. his de generibus quid sentias, & quibus ea rationibus infirmes, uidere sane uelim.

Quae

Quae cum ille dixisset, tum ego rursus, quasi ab alio principio, sum exorsus dicere. Non ignoro, Quinte, te semper ita sensisse, ut de ceteris diuinandi generibus dubitares, ista duo, furoris, & somnij, quae a libera mente fluere uiderentur, probares. dicam igitur, de istis ipsis duobus generibus mihi quid uideatur; si prius, Stoicorum rationis conclusio, et Cratippi nostri quid ualeat, uidero. Dixisti & Chrysippum, & Diogenem, & Antipatrum concludere hoc modo. si sunt dii, neque ante declarant hominibus, quae futura sint: aut non diligunt homines: aut, quid euenturum sit, ignorant: aut existimant nihil interesse hominum, scire, quid sit futurum: aut non censent esse suae maiestatis, praesignificare hominibus, quae sint futura: aut ea ne ipsi quidem dii significare possunt. at neque non diligunt nos; sunt enim benefici, generique hominum amici: neque ignorant ea, quae ab ipsis constituta, & designata sunt: neque nostra nihil interest, scire ea, quae futura sunt; erimus enim cautiores, si scierimus: neque hoc alienum ducunt maiestate sua; nihil est enim beneficentia praestantius: neque non possunt futura praeroscere: non igitur dii sunt, nec significant nobis futura: sunt autem dii, significant ergo. et non, si significant futura; nullas dant nobis uias ad significationum scientiam; frustra enim significarent: neque, si dant uias, non est diuinationo: est igitur diuinationo. O acutos homines: quam paucis uerbis negotium confectum putant. ea su-

DE DIVINATIONE

munt ad concludendum, quorum ijs nihil conceditur. conclusio autem rationis ea probanda est, in qua ex rebus non dubijs id, quod dubitatur, efficitur. Vides ne Epicurum, quem hebetem, & rudem dicere solent Stoici, quemadmodum, quod in natura rerum omne esse dicimus, in infinitum esse concluderit? quod finitum est, inquit, habet extremum. quis hoc non dederit? quod habet extremum, id cernitur ex alio extrinsecus. hoc quoque est concedendum. at, quod omne est, id non cernitur ex alio extrinsecus. ne hoc quidem negari potest. nihil igitur cum habeat extremum, infinitum sit necesse est. Vides ne ut ad rem dubiam, concessis rebus, pervenerit? hoc vos dialectici non facitis: nec solum ea non sumitis ad concludendum, quae ab omnibus concedantur; sed ea sumitis, quibus concessis, nihilo magis efficiatis quod uelitis. primum enim hoc sumitis, si sunt dii, benefici in homines sunt. quis hoc uobis dabit? Epicurus ne, qui negat quidquam deos nec alieni curare, nec sui; an noster Ennius, qui magno plausu loquitur, assentiente populo?

Ego, deum genus esse, semper dixi, & dicam, caelitem:

Sed eos non curare opinor, quid agat humanum genus.

et quidem, cur sic opinetur, rationem subiicit. sed nihil est necesse dicere, quae sequuntur. tantum sat est intelligi, id sumere istos pro certo, quod dubium

contro-

controuersumq. sit. Sequitur porro, nihil deos ignorare, quod omnia sint ab ijs constituta. hic uero quanta pugna est doctissimorum hominum, negantium esse haec a dijs immortalibus constituta? at nostra interest scire, quae euentura sint. magnus Di-caearchi liber est, nescire ea, melius esse, quam scire. * negant enim id esse, alienum maiestatis deorum, scilicet causas omnium introspicere, ut uideant quid cuique conducatur. Neque non possunt futura praenoscere. negant posse ij, quibus non placet esse certum, quid futurum sit. Vides ne igitur, quae dubia sunt, ea sumere ipsos pro certis, atque concessis? Deinde contorquent, & ita concludunt. non igitur & sunt dij, nec significant futura: id enim iam perfectum arbitrantur. deinde assumunt; sunt autem dij: quod ipsum non ab omnibus conceditur: significant ergo. ne id quidem sequitur: possunt enim non significare, & tamen esse dij, nec, si significant, non dare uias aliquas ad scientiam significationis. at id quoque potest, ut non dent homini, sed ipsi habeant. cur enim Tuscis potius, quam Romanis darent? nec, si dant uias, nulla est diuinationis. Fac dare deos: quod absurdum est: quid refert, si accipere non possumus? Extremum, est igitur diuinationis. si extremum: effectum tamen non est. ex falsis enim, ut ab ipsis didicimus, uerum effici non potest: iacet igitur tota conclusio. Veniamus nunc ad optimum uirum, familiarem nostrum, Cratippum. Si sine oculis, inquit, non potest exta-

DE DIVINATIONE

re officium, & munus oculorum; possunt autem aliquando oculi non fungi suo munere: qui uel semel ita est usus oculis, ut uera cerneret, is habet sensum oculorum uera cernentium. item igitur, si sine diuinatione non potest officium, & munus diuinationis extare; potest autem, cum qui diuinationem habet, errare aliquando, nec uera cernere: satis est ad confirmandam diuinationem, semel aliquid ita esse diuinatum, nihil ut fortuito cecidisse uideatur. sunt autem eius generis innumerabilia: esse igitur diuinationem confitendum est. Festiue, & breuiter: sed, cum bis sumpsit quod uoluit, etiam si faciles nos ad concedendum habuerit, id tamen, quod assumit, concedi nullo modo potest. Si, inquit, aliquando oculi peccent, tamen, quia recte aliquando uiderint, inest in ijs uis uidendi. item, si qui semel aliquid in diuinatione dixerit, is etiam cum peccet, tamen existimandus sit habere uim diuinandi. uide, quaeso, Cratippe noster, quam sint ista similia: nam mihi quidem non uidentur. oculi enim uera cernentes, utuntur natura, atque sensu: animi si quando uel uaticinando, uel somniando uera uiderunt, usi sunt fortuna, atque casu. nisi forte concessuros tibi existimas eos, qui somnia pro somnijs habent, si quando aliquod somnium uerum euaserit, non id fortuito accidisse. Sed demus tibi istas duas sumptiones, ea, quae ἀίματα appellant dialectici; sed nos latine loqui malumus: praesumptio tamen, quam πρόληψις iidem uocant, non dabitur.

bitur . assumit autem Cratippus hoc modo . Sunt
autem innumerabiles praesensiones non fortuitae .
at ego dico nullam . uide , quanta sit controuersia .
iam , assumptione non concessa , nulla conclusio est .
At impudentes sumus , qui , quod tam perspicuum
sit , non concedamus . quid est perspicuum ? multa
uera , inquit , euadere . quid , quod multo plura fal-
sa ? non ne ipsa uarietas , quae est propria fortunae ,
fortunam esse causam , non naturam , docet ? dein-
de , si tua ista conclusio , Cratippe , uera est ; (te-
cum enim mihi res est) nonne intelligis , eadem uti
posse & haruspices , & fulguratores , & interpre-
tes ostentorum , & augures , & sortilegos , & Chal-
daeos ? quorum generum nullum est , ex quo non ali-
quid , sicut praedictum sit , euaserit . ergo aut ea
quoque genera diuinandi sunt , quae tu rectissime
improbas : aut , si ea non sunt , non intelligo , cur
haec duo sint , quae relinquis . qua ergo ratione haec
inducis , eadem illa possunt esse , quae tollis . Quid
uero habet auctoritatis furor iste , quem diuinum
uocatis , ut , quae sapiens non uideat , ea uideat in-
sanus , & is , qui humanos sensus amiserit , diuinos
assecutus sit ? Sibyllae uersus obseruamus , quos illa
furens fudisse dicitur : quorum interpretes nuper , fal-
sa quadam hominum fama , dicturus in senatu pu-
tabatur , eum , quem re uera regem habebamus ,
appellandum quoque esse regem , si salui esse uelle-
mus . hoc si est in libris , in quem hominem , & in
quod tempus est ? callide enim , qui illa composuit ,
per-

DE DIVINATIONE

perfecit, ut, quodcunque accidisset, praedictum uideretur, hominū & temporum definitione sublata. adhibuit etiam latebram obscuritatis, ut ijdem uersus alias in aliam rem posse accommodari uiderentur. non esse autem illud carmen furentis, cum ipsum poema declarat, (est enim magis artis, et diligentiae, quam incitationis, et motus) tum uero ea, quae ἀποσιγῆς dicitur, cū deinceps ex primis uersus litteris aliquid connectitur, ut in quibusdā Ennianis, Q. ENNIUS FECIT. id certe magis est attenti animi, quam furentis. atque in Sibyllinis ex primo uersu cuiusque sententiae primis litteris illius sententiae carmē omne praetexitur. hoc scriptoris est, non furentis; adhibentis diligentiam, non insani. quamobrem Sibyllam quidem sepositam, et conditam habeamus, ut, id quod proditum est a maioribus, iniussu senatus ne legantur quidem libri, ualeantq. ad deponendas potius, quam ad suscipiendas religiones: cum antistitibus agamus, ut quiduis potius ex illis libris, quam regem, proferant: quem Romae posthac nec dij, nec homines esse patientur. At multi saepe uera uaticinati, ut Cassandra:

Iamq. mari magno. -

eademq. paullo post:

Eheu uidete. -

num igitur me cogis etiam fabulis credete? quae delectationis habeant, quantum uoles; uerbis, sententijs, numeris, cantibus ad iuuentur: auctoritatem quidem nullam debemus, nec fidem commenti-

cijs

cijis rebus adiungere. Eodemq. modo nec ego Publi-
cio nescio cui, nec Martijis uatibus, nec Apollinis
opertis credendum existimo; quorum partim ficta
aperte, partim effutita temere, numquam ne me-
diocri quidem cuiquam, non modo prudenti, pro-
bata sunt. Quid, inquires, remex ille de classe Co-
ponij; non ne ea praedixit, quae facta sunt? ille uero
& ea quidem, quae omnes eo tempore, ne accide-
rent, timebamus. castra enim in Thessalia castris
collata audiebamus: uidebaturq. nobis exercitus
Caesaris et audaciae plus habere, quippe qui patriae
bellum intulisset; & roboris, propter uetustatem.
casum autem proelij, nemo nostrum erat, quin ti-
meret, sed ita, ut constantibus hominibus par erat,
non aperte. ille autem Graecus, quid mirum, si
magnitudine timoris, ut plerumque sit, a constan-
tia, atque a mente, atque a se ipse discessit? qua
perturbatione animi, quae, sanus cum esset, time-
bat ne euenirent, ea demens euentura esse dicebat.
utrum tandem, per deos atque homines, magis ue-
risimile est, uesani remigem, an aliquem no-
strum, qui ibi tumeramus, M. Catonem, Varro-
nem, Coponium ipsum consilia deorum immorta-
lium perspicere potuisse? Sed iam ad te uenio,
O sancte Apollo, qui umbilicum terrarum certum
obsides,
Vnde superstitiosa primum saena euasit uox fera.
tuis enim oraculis Chrysippus totum uolumen im-
pleuit partim falsis, ut ego opinor; partim casu ue-
ris,

DE DIVINATIONE

ris, ut sit in omni oratione saepissime; partim flexi-
loquis, & obscuris, ut interpresegeat interprete,
& fors ipsa referenda sit ad sortes; partim ambi-
guis, & quae ad dialecticum referenda sint. nam
cum fors illa edita est opulentissimo regi Asiae,
Croesus Halym penetrans magnam peruertit o-
pam uim;

hostium uim sese peruersurum putauit, peruertit
autem suam. utrum igitur eorum accidisset, uerum
oraculum fuisset. cur autem hoc credam unquam edi-
tum Croeso? aut Herodotum cur ueraciorem ducam
Ennio? num minus ille potuit de Croeso, quam de
Pyrrho fingere Ennius? quis enim est, qui credat,
Apollinis ex oraculo Pyrrho esse responsum,
Aio te Aeacida Romanos uincere posse?

primum, latine Apollo numquam locutus est: de-
inde, ista fors inaudita Gracis est: praeterea, Pyr-
rhi temporibus iam Apollo uersus facere desie-
rat: postremo, quamquam semper fuit, ut apud
Ennium est,

Off. lib. p.
10.

Stolidum genus Aeacidarum;

Belli potentes sunt magi, quam sapienti potentes:
tamen hanc amphibologiam uersus intelligere po-
tuisset, uincere te Romanos, nihilo magis in se,
quam in Romanos ualere. nam illa amphibologia,
quae Croesum decepit, uel Chrysippum potuisset fal-
lere: haec uero ne Epicurum quidem. Sed, quod ca-
put est, cur isto modo iam oracula Delphis non edu-
nt, non modo nostra aetate, sed iam diu, iam ut
nihil

nihil posset esse contemptius? hoc loco cum urgentur, euanuisse aiunt uetustate uim loci eius, unde anhelitus ille terrae fieret, quo Pythia mente incitata oracula ederet. De uino aut salsamento putes loqui, quae euanescunt uetustate. de ui loci agitur, neque solum naturali, sed etiam diuina: quae quo tandem modo euanuit? uetustate, inquires. quae uetustas est, quae uim diuinam conficere possit? quid tam diuinum, quam afflatus ex terra mentem ita mouens, ut eam prouidam rerum futurarum efficiat, ut ea non modo cernat multo ante, sed etiam numero uersuq. pronunciet? quando autem ista uis euanuit? an, postquam homines minus creduli esse coeperunt? Demosthenes quidem, qui abhinc annos prope ccc fuit, iam tum *φινπιζεν* Pythiam dicebat, id est quasi cum Philippo facere. hoc autem eo spectabat, ut eam a Philippo corruptam diceret. quo licet existimare, in alijs quoque oraculis Delphicis aliquid non sinceri fuisse. Sed nescio quo modo isti philosophi, superstitiosi, & paene fanatici, quiduis malle uidentur, quam se non ineptos. euanuisse mauultis, et extinctum esse id, quod si umquam fuit, certe aeternum esset, quam ea, quae non sunt credenda, non credere. Similis est error in somnijs: quorum quidem defensio repetita quam longe est? diuinos animos censent esse nostros, eosq. esse tractos extrinsecus, animorumq. consentientium multitudine completum esse mundum: hac igitur mentis & ipsius diuinitate, et coniunctione cum externis mentibus, cerni quae sint

166
 sint futura. contrahi autem animum Zeno, & quasi
 labi putat, atque concidere, & ipsum esse dormire.
 iam Pythagoras & Plato, locupletissimi auctores,
 quo in somnijs certiora uideamus, praeparatos quo-
 dam cultu atque uictu proficisci ad dormiendum in-
 bent: faba quidem Pythagorei utique abstinere:
 quasi uero eo cibo mens, non uenter, infletur. sed
 nescio quo modo nihil tam absurde dici potest, quod
 nō dicatur ab aliquo philosophorum. Vtrum igitur
 censemus dormientium animos per semet ipsos in
 somniando moueri, an, ut Democritus censet, exter-
 na, & aduentitia uisione pulsari? siue enim sic est,
 siue illo modo, uideri possunt permulta somnianti-
 bus falsa pro ueris. nam & nauigantibus moueri
 uidentur ea, quae stant, & quodam obtutus oculo-
 rum duo pro uno lucernae lumina. quid dicam, in-
 fanis, quid, ebrijs quam multa falsa uideantur? quod
 si eiusmodi uisis credendum non est; cur somnijs cre-
 datur, nescio. nam tam licet de his erroribus, siue
 lis, quam de somnijs disputare: ut ea, quae stant, si
 moueri uideantur, terrae motum significare dicas,
 aut repentinam aliquam fugam; gemino autem lu-
 cernae lumine declarari dissensionem, ac seditionem
 moueri. iam ex insanorum aut ebriorum uisis in-
 numerabilia coniectura trahi possunt, quae futura
 uideantur. quis est enim, qui, totum diem iaculans,
 non aliquando collineet? totas noctes somniamus;
 neque ulla fere est, qua non dormiamus: & mira-
 mur, aliquando id, quod somniauimus, euadere?
 quid

quid est tam incertum, quam talorū iactus? tamen nemo est, quin, saepe iactans, uenerum aliquando iaciat, non numquam etiam iterum, ac tertiu. num igitur, ut inepti, Veneris id fieri impulsu malum, quam casu, dicere? Quod si certis temporibus falsis uisis credendū non est: non uideo, quid praecipui somnus habeat, in quo ualeant falsa pro ueris. Quod si ita natura paratum esset, ut ea dormientes agerent, quae somniarent: alligandi essent omnes, qui cubitum irent. maiores enim, quam ulli insani, efficerent motus somniantes. Quod si insanorum uisis fides non est habenda, quod falsa sunt: cur credatur somniantium uisis, quae multo etiam perturbatiora sunt, non intelligo. an, quod insani sua uisa coniectori non narrant, narrant qui somniauerunt? Quaero etiam. si uelim scribere quid, aut legere, aut canere uoce, uel fidibus, aut geometricum quiddam, aut physicum, aut dialecticum explicare, somnium ne expectandum sit, an ars adhibenda, sine qua nihil earum rerum nec fieri, nec expediri potest? Atqui, ne si nauigare quidem uelim, ita gubernarem ut somniauerim: praesens enim poena sit. Quid igitur conuenit aegros a coniectore somniorum potius, quam a medico, petere medicinam? an Aesculapius, an Serapis potest nobis praescribere per somnium curationem uoletudinis, Neptunus gubernantibus non potest? & si sine medico medicinam dabit Minerva; musae scribendi, legendi, ceterarumq. artium scientiam somniantibus non dabunt?

DE DIVINATIONE

dabunt? at si curatio daretur ualeitudinis, haec quoque, quae dixi, darentur: quae quoniam non dantur, medicina non datur: qua sublata, tollitur omnis auctoritas somniorum. Sed haec quoque in promptu: nunc interiora uideamus. Aut enim diuinis quaedam consulens nobis somniorum significationes facit: aut coniectores ex quadam conuenientia, & coniectione naturae, quam docant *συμπάθεια*, quid cuique rei conueniat, ex somnijs, & quid quamque rem sequatur, intelligunt: aut eorum neutrum est, sed quaedam observatio constans, atque diuturna est, cum quid uisum secundum quietem sit, quid euenire, aut quid sequi soleat. Primum igitur intelligendum est, nullam uim esse diuinam effectricem somniorum. atque illud quidem perspicuum est, nulla uisa somniorum proficisci a numine deorum. nostra enim causa dii id facerent, ut providere futura possemus. quotus igitur est quisque, qui somnijs pareat? qui intelligat? qui meminere? quam multi uero, qui contemnant, eamque superstitionem imbecilli animi, atque anilis putent? quid est igitur, cur his hominibus consulens deus, somnijs moneat eos, qui illa non modo cura, sed ne memoria quidem digna ducant? nec enim ignorare deus potest, qua mente quisque sit: nec, frustra, ac sine causa quid facere, dignum deo est: quod abhorret etiam ab hominis constantia. ita si pleraque somnia aut ignorantur, aut negliguntur: aut nescit hoc deus, aut frustra somniorum significatione

tione utitur. sed horum neutrum in deum cadit: nihil igitur a deo somnijs significari fatendum est.

Illud etiam requiro, cur, si deus ista uisa nobis providendi causa dat, non uigilantibus potius det, quam dormientibus. siue enim externus, & aduentitius pulsus animos dormientium commouet; siue per se ipsi animi mouentur; siue quae causa alia est, cur secundum quietem aliquid uidere, audire, agere uideamur: eadem causa uigilantibus esse poterat; idq. si nostra causa secundum quietem dii facerent, uigilantibus idem facerent, praesertim cum Chrysippus, Academicos refellens, permulto clariora & certiora esse dicat, quae uigilantibus uideantur, quam quae somniantibus. fuit igitur diuina beneficentia dignius, cum consuleret nobis, clariora uisa dare uigilantibus, quam obscuriora per somnium. quod quoniam non fit, somnia diuina putanda non sunt. Iam uero quid opus est circuitione, & anfractu, ut sit utendum interpretibus somniorum potius, quam directo deus, si quidem nobis consulebat, hoc facito, hoc ne faceris, diceret; idq. uisum uigilanti potius, quam dormienti, daret? Iam uero, quis dicere audeat, uera omnia esse somnia? aliquot somnia uera, inquit Ennius: sed omnia non est necesse. quae est tandem ista distinctio? quae uera, quae falsa habet? & si uera a deo mittuntur, falsa unde nascuntur? nam si ea quoque diuina, quid inconstantius deo? quid inscitius autem est, quam mentes mortaliū falsis, & mendacibus uisis concitare? sin ue-

V ra

DE DIVINATIONE

ra uisa diuina sunt, falsa autem, & inania humana: quae est ista designandi licentia, ut hoc deus, hoc natura fecerit potius, quam aut omnia deus, quod negatis, aut omnia natura? quod, quoniam illud negatis, hoc necessario confitendum est. naturam autem eam dico, qua numquam animus insists agitatione, & motu esse uacuus potest. is cum languore corporis nec membris uti, nec sensibus potest, incidit in uisa uaria, & incerta ex reliquijs, ut ait Aristoteles, inhaerentibus earum rerum, quas uigilans gesserit, aut cogitarit. quarum perturbatione mirabiles interdum existunt species somniorum. quae si alia uera, alia falsa: qua nota internoscantur, scire sane uelim. si nulla est; quid istos interpretes audiamus? sin quae piam est; aueo audire, quae sit. sed haerebunt. uenit enim iam in contentionem, utrum sit probabilius, deos ne immortales, rerum omnium praestantia excellentes, concursare omnium mortalium, qui ubique sunt, non modo lectos, uerum etiam grabatos, & cum stertentes aliquos uiderint, obijcere his uisa quaedam tortuosa, & obscura, quae illi exterriti somnio ad coniectorem mane deferant; an natura fieri, ut mobiliter animus agitato, quod uigilans uiderit, dormiens uidere uideatur. utrum philosophia dignius, sagarum superstitione ista interpretari, an explicatione naturae? ut, si iam fieri possit coniectura uera somniorum, tamen isti, qui profitentur, eam facere non possunt. ex leuissimo enim, & indoctissimo

7 som: 123.

doctissimo genere constant. Stoici autem qui negant quemquam, nisi sapientem, diuinum esse posse. Chrysippus quidem diuinationem definit his uerbis, uim cognoscentem, & uidentem, & explicantem signa, quae a dijs hominibus portendantur: officium autem eius esse, praenoscere, dii erga homines mente qua sint, quidq. significant, quemadmodumq. ea procurentur, atque expientur. idemq. somniorum coniectionem definit hoc modo, esse uim cernentem, et explanantem quae a dijs hominibus significantur in somnijs. quid ergo? ad haec mediocri opus est prudentia? an & ingenio praestanti, et eruditione perfecta? talem autem cognouimus neminem. uide igitur, ne, etiam si diuinationem tibi esse concessero, quod numquam faciam; neminem tamen diuinum reperire possimus. qualis autem ista mens est deorum, si neque ea nobis significant in somnijs, quae ipsi per nos intelligamus; neque ea, quorum interpretes habere possumus? similes enim sunt dii, si ea nobis obiciunt, quorum neque scientiam, neque explanationem habeamus. tamquam si Poeni, aut Hispani in senatu nostro sine interprete loquerentur, Iam uero quo pertinent obscuritates, & aenigmata somniorum? intelligi enim a nobis dii uelle debebāt ea, quae nostra caussa nos monebant. Quid? poeta nemo, nemo physicus obscurus? ille uero nimis etiam obscurus Euphorion: at non Homerus: uter igitur melior? ualde Heraclitus obscurus, minime Democritus; num igitur conferendi? Mea caussa

DE DIVINATIONE

memones, quod non intelligam: quid me igitur mones? ut, si quis medicus aegro imperet, utumat Terrigenam, herbigradam, domoportam, sanguine caussam;
potius quam, hominum more, cocleam, dicere.
nam Pacuvianus Amphion,
Quadrupes tardigrada, agrestis, humilis, aspera,
Capite breui, ceruice anguina, aspectu truci,
Eviscerata, inanimam cum animali sono;
cum dixisset obscurius, tum Attici respondent: non intelligimus, nisi aperte dixeris. at ille uno uerbo, testudo. non potueras hoc igitur a principio cytharista dicere? Desert ad coniectorem quidem somniasse se, ouum pendere ex fascia lecti sui cubicularis. est hoc in Chrysippi libro somnium: respondit coniectore, thesaurum defossum esse sub lecto. fodit: inuenit auri aliquantum, idque circumdatum argento: misit coniectori quantulum uisum est de argento. tum ille, nihil ne de uitello? id enim ex ouo uidebatur aurum declarasse, reliquum argentum. nemo ne igitur umquam alius ouum somniauit? cur ergo hic nescio quis thesaurum solus inuenit? quam multi inopes, digni praesidio deorum, nullo somnio ad thesaurum reperiendum admonentur? quam autem ob causam tam est obscure admonitus, ut ex ouo nasceretur thesauri similitudo, potius, quam aperte thesaurum quaerere iuberetur, sicut aperte Simonides uetitus est nauigare? Ergo obscura somnia minime consentanea sunt maiestati deorum: ad aperta et clara ueniamus,

mus, quale est de illo interfecto a caupone Megaris,
 quale de Somonide, qui ab eo, quem humauerat,
 uetitus est nauigare; quale etiam de Alexandro:
 quod a te praeteritum esse miror: qui, cum Ptole-
 maeus, familiaris eius, in proelio telo uenenato ictus
 esset, eoq. uulnere summo cum dolore morerentur,
 Alexander assidens somno est consopitus. tum se-
 cundum quietem uisus ei dicitur draco is, quem ma-
 ter Olympias alebat, radiculam ore ferre, & simul
 dicere, quo illa loci nasceretur: (neque is longe ab-
 erat ab eo loco) eius autem esse uim tantam, ut Pto-
 lemaeum facile sanaret: cum Alexander experre-
 ctus narrasset amicis somnium, emisisse qui illam
 radiculam quaerent. qua inuenta, & Ptolemaeus
 sanatus dicitur, & multi milites, qui erant eodem
 genere teli uulnerati. Multa etiam sunt a te ex hi-
 storijs prolata somnia, matris Phalaridis, Cyri su-
 perioris, matris Dionysij, Poeni Amilcaris, Hanni-103.
balis, P. Decij, peruiulgatum iam illud de praesulto-103.
re, Gracchi etia, & recens Caeciliae Balearici filiae 103.
 somnium. sed haec externa, ob eamq. causam igno-
 ta nobis sunt: non nulla etiam ficta fortasse. quis
 enim auctor istorum? nostris somnijs quid habe-
 mus dicere? tu demerso me, & equo ad ripam?
 ego de Mario cum fascibus laureatis me in suum de-
 duci iubente monumentum? omnium somniorum,
 Quincte, una ratio est: quae, per deos immortales,
 uideamus ne nostra superstitione, & deprauatione
 superetur. quem enim tu Marium uisum a me pu-
 tas?

DE DIVINATIONE

tas? speciem, credo, eius, & imaginem, ut Democrito uidetur, unde profectam imaginem: a corporibus enim solidis, & a ceteris figuris uult fluere imagines. quod igitur Marij corpus erat, ex eo, inquit, quod fuerat, plena sunt imaginum omnia ista. igitur me imago Marij in campum Atinatem persequabatur: nulla enim species cogitari potest, nisi pulsu imaginum. quid ergo? istae imagines ita nobis dicto audientes sunt, ut, simul atque uelimus, accurrant? etiam ne earum rerum, quae nullae sunt? quae est enim forma tam inusitata, tam nulla, quam non sibi ipse animus possit effingere? ut, quae numquam uidimus, ea tamen formata habeamus, opidorum situs, hominum figuras. num igitur, cum aut muros Babylonis, aut Homeri faciem cogito, imago illorum me aliqua pellit? omnia igitur, quae uolumus, nota nobis esse possunt: nihil est enim de quo cogitare nequeamus. nullae ergo imagines obrepunt in animos dormientium extrinsecus, nec omnino fluunt illae: nec cognoui quemquam qui maiore auctoritate nihil diceret. animorum est ea uis, atque natura, ut uigeant uigilantes, nullo aduenticio pulsu, sed suo motu, incredibili quadam celeritate. hi cum susciuntur membris, & corpore, & sensibus, omnia certiora cernunt, cogitant, sentiunt. cum autem haec subtrahuntur, desertusque animus languore corporis, tum agitur ipse per sese; itaque in eo & formae uersantur, & actiones, & multa audiri, multa dici uidentur. haec scilicet imbe-

imbecillo remissoq. animo multa omnibus modis
confusa & uariata uersantur: maximeq. reliquiae
earum rerum mouentur in animis, & agitantur,
de quibus uigilantes aut cogitauimus, aut egimus:
ut mihi temporibus illis multum in animo Marius
uersabatur, recordanti, quam ille grauem suum
casum magno animo, quam constanti tulisset. hanc
credo causam de illo somniandi fuisse. tibi autem
de me cum sollicitudine cogitanti subito sum uisus
emersus ex flumine. incrant enim in utriusque no-
strum animis uigilantium cogitationum uestigia.
At quaedam adiuncta sunt; ut mihi de monumento
Marij; tibi, quod equus, in quo ego uehebam, me-
cum una demersus rursus apparuit. an tu censes ul-
lam anum tam deliram futuram fuisse, ut somnijs
crederet, nisi ista casu non numquam, forte, teme-
re concurrerent? Alexandro loqui draco uisus est.
potest omnino hoc esse falsum, potest uerum: sed
utrum sit, non est mirabile. non enim audiuit ille
draconem loquentem, sed est uisus audire: & qui-
dem, quo maius sit, cum radicem ore teneret, lo-
cutus est. sed nihil est magnum somnianti: quaero
autem, cur Alexandro tam illustre somnium, tam
certum, nec huic eidem alias, nec multa ceteris.
mihi quidem, praeter hoc Marianum, nihil sane,
quod meminerim. frustra igitur consumptae tot no-
ctes, tam longa in aetate. nunc quidem, propter in-
termissionem forensis operae, & lucubrationes de-
traxi, & meridiationes addidi, quibus uti antea

V 4 non

*Plus. Alex.
Strab. 15.*

DE DIVINATIONE

non solebam: nec tam multum dormiens ullo somnio sum admonitus, tantis praesertim de rebus: nec mihi magis usquā uideor, quam cum aut in foro magistratus, aut in curia senatum uideo, somniare. Etenim ex diuisione hoc secundum est, quae est continuatio, coniunctioque naturae, quam, ut dixi, uocant *συμπάθεια*, eiusmodi, ut thesaurus ex ouo intelligi debeat. nam medici ex quibusdam rebus & aduenientes, & crescentes morbos intelligunt: non nullae etiam ualeitudinis significationes, ut hoc ipsum, pleni, enecti ue simus, ex quodam genere somniorum intelligi posse dicuntur. Thesaurus uero, & hereditas, & honos, & uictoria, & multa generis eiusdem qua cum somnijs naturali cognitione iunguntur? Dicitur quidam, cum in somnijs complexu uenereo iungeretur, calculos eiecisse. uideo sympathiam: uisum est enim tale obiectum dormienti, ut id, quod euenit, naturae uis, non opinio erroris, effecerit. Quae igitur natura obtulit illam speciem Simonidi, a qua uetaretur nauigare? aut

Plus: Alc. quid naturae copulatum habuit Alcibiadis quod scribitur somnium? qui paullo ante interitum uisus est in somnijs amicae esse amictus amiculo. is cum esset proiectus inhumatus, ab omnibusque desertus iaceret; amica corpus eius texit suo pallio. ergo hoc inerat in rebus futuris, & causas naturales habebat; an, & ut uideretur, et ut eueniret, casus effecit? Quid ipsorum interpretum coniecturae, non ne magis ingenia declarant eorum, quam uim

nim consensumq. naturae. Cursor ad Olympia pro-
 ficisci cogitans, uisus est in somnijs curru quadriga-
 rum uehi. mane ad coniectorem. at ille, Vinces, in-
 quit: id enim celeritas significat, & uis equorum.
 post idem ad Antiphontem. is autem, Vincere, in-
 quit, necesse est: an non intelligis quattuor ante te
 cucurrisse? Ecce alius cursor (atque horum somnio-
 rum, & talium plenus est Chrysippi liber, plenus
 Antipatri. sed ad cursorem redeo) ad interpretem
 detulit, aquilam se in somnijs uisum esse factum. at
 ille, Vicisti: ista enim auinolat nulla uehementius.
 huic equidem Antipho, Tu uero, inquit, te uictum
 esse non uides? ista enim auis, insectans alias, &
 agitans, semper ipsa postrema est. Parere quae-
 dam matrona cupiens, dubitans esset ne praegnans,
 uisa est in quiete obsignatam habere naturam: re-
 tulit. negauit eam, quoniam obsignata fuisset, con-
 cipere potuisse. at alter praegnantem esse dixit:
 nam inane obsignari nihil solere. Quae ista est ars
 coniectoris, eludentis ingenio? an ea, quae dixi,
 et innumerabilia, quae collecta habent Stoici, quid-
 quam significant, nisi acumen hominum ex simili-
 tudine aliqua coniecturam modo huc, modo illuc
 ducentium? Medici signa quaedam habent ex ue-
 nis, & ex spiritu aegroti, multisq. ex alijs furura
 praesentiunt. gubernatores cum exultantes loligi-
 nes uiderint, aut delphinos se in portum conijcien-
 tes, tempestatem significari putant. haec ratione
 explicari, & ad naturam facile reuocari possunt:

ea

DE DIVINATIONE

ea uero, quae paullo ante dixi, nullo modo. At enim observatio diturna (haec enim pars una restat) notandis rebus fecit artem. an tandem somnia observari possunt? quonam modo? sunt enim innumerabiles uarietates. nihil tam praepostere, tam incondite, tam monstruose cogitari potest, quod non possimus somniare. quomodo igitur haec infinita, & semper noua aut memoria complecti, aut observando notare possimus? Astrologi motus errantium stellarum notauerunt. inuentus est enim ordo in ijs stellis, qui non putabatur. cedo tandem, qui sit ordo, aut quae concursatio somniorum? quo modo autem distingui possunt uera somnia a falsis, cum eadem & alijs aliter euadant, & ijdem non semper eodem modo? ut mihi mirum uideatur, cum mendaci homini, ne uerum quidem dicenti credere soleamus, quo modo isti, si somnium uerum euasit, aliquod non ex multis potius uni fidem derogant, quam ex uno innumerabilia confirmant. Si igitur neque deus est effector somniorum; neque naturae societas ulla cum somnijs; neque observatione inueniri potuit scientia: effectum est, ut uibil prorsus somnijs tribuendum sit; praesertim cum illi ipsi, qui ea uident, nihil diuinent; ij, qui interpretantur, coniecturam adhibeant, non naturam; casus autem innumerabilibus paene saeculis in omnibus plura mirabilia, quam in somniorum uisis, effecerit; neque coniectura, quae in uarias partes duci possit, non numquam etiam in contrarias, quidquam sit incert-

incertius. Explodatur haec quoque somniorum diuinationo pariter cum ceteris. nam, ut uere loquamur, superstitio fusa per gentes, oppressit omnium fere animos, atque hominum imbecillitatem occupauit. quod & in ijs libris dictum est, qui sunt de natura deorum: & hac disputatione id maxime egimus: multum enim & nobismet ipsis, & nostris profuturi uidebamur, si eam funditus sustulissetmus. Nec uero (id enim diligenter intelligi uolo) superstitione tollenda religio tollitur. nam et, maiorum instituta tueri sacris, caeremonijsq. retinendis, sapientis est: et, esse praestantem aliquam aeternamq. naturam, & eam suspiciendam admirandamq. hominum generi, pulchritudo mundi, ordoq. rerum caelestium cogit confiteri. quamobrem ut religio propaganda etiam est, quae est iuncta cum cognitione naturae: sic superstitionis stirpes omnes eijciendae sunt: instat enim, & urget, & quocumque te uerteris, persequitur, siue tu uatem, siue tu omen audieris, siue immolaris, siue auem aspexeris, si Chaldaeum, si haruspicem uideris; si fulserit, si tonuerit, si tactum aliquid erit de caelo, si ostenti simile natum, factum ue quippiam: quorum necesse est plerumque aliquid eueniat: ut numquam liceat quietam mentem consistere. perfugium uidetur omnium laborum & sollicitudinum esse somnus. at ex eo ipso plurimae curae, metusq. nascuntur. qui quidem ipsi per se minus ualerent, & magis contemnerentur, nisi somniorum patrociniū
philo-

DE DIVINATIONE

philosophi suscepissent, nec ij quidem contemptissimi, sed in primis acuti, & consequentia, & repugnantia uidentes: qui prope iam absoluti, & perfecti putantur. quorum licentiae nisi Carneades restitisset; haud scio, an soli iam philosophi iudicarentur. cum quibus omnis fere nobis disceptatio, contentioq. est: non quod eos maxime contemnamus: sed quod uidentur acutissime sententias suas, prudentissimeq. defendere. cum autem proprium sit Academiae, iudicium suum nullum interponere; ea probare, quae simillima ueri uideantur; conferre causas, & quid in quamque sententiam dici possit, expromere; nulla adhibita sua auctoritate, iudicium audientium relinquere integrum, ac liberum: tenebimus hanc consuetudinem, a Socrate traditam, eaq. inter nos, si tibi, Quinte frater, placebit, quam saepissime utemur. Mibi uero, inquit ille, nihil potest esse iucundius. Quae cum essent dicta, surreximus.

159
M. TVLLII CICERONIS
LIBER DE FATO.

VIA pertinet ad mores, quos ἥδη
Graeci uocant, nos eam partem philo-
sophiae de moribus appellare solemus.
Q sed decet aurentem linguā latinam no-
minare moralem. explicanda uis est, ratioq. enun-
ciationum: quae Graeci ἀξιῶματα uocant: quae de re
futura cum aliquid dicunt, deq. eo, quod possit fie-
ri, aut non possit, quam uim habeant, obscura quae-
stio est: quam περὶ δαυατῶν appellant: totaq. est
λογικὴ: quam rationem differendi uoco. quod au-
tem in alijs libris feci, qui sunt de natura deorum,
itemq. in ijs, quos de diuinatione edidi, ut in utram-
que partem perpetua explicaretur oratio, quo faci-
lius id a quoque probaretur, quod cuique maxime
probabile uideretur; in hac disputatione de fato, ca-
sus quidam, ne facerem, impediuit. nam cum es-
sem in Puteolano, Hirtiusq. noster, consul designa-
tus, ijsdem in locis, uir bonus, et nobis amicissimus, *fam. lib. 16.*
& ijs studijs, in quibus nos a pueritia uiximus, de- *ep. 18. 311.*
ditus; multum una eramus, maxime nos quidem
exquirentes ea consilia, quae ad pacem, & ad con-
cordiam ciuium pertinerent. cum enim omnes, post
interitum Caesaris, nouarum perturbationum caus-
sae quaeri uiderentur; hisq. esse occurrendum puta-
remus: omnis fere nostra in his deliberationibus con-
sume-

sumebatur oratio: idq. & saepe alias, & quodam
 liberiore; quam solebat, & magis uacuo ab inter-
 uentoribus die, cum ille ad me uenisset, primo illa,
 quae erant quotidiana, & quasi legitima nobis, de
 pace, & de otio. quibus acceptis, quid ergo, inquit
 ille, quoniam oratorias exercitationes non tu qui-
 dem, ut spero, reliquisti, sed certe philosophiam
 illis anteposuisti, possum ne aliquid audire? Tu ue-
 ro, inquam, uel audire, uel dicere. nec enim, quod
 recte existimas, oratoria illa studia deserui; quibus
 etiam te incendi, quamquam flagrantissimum acce-
 peram: nec ea, quae nunc tracto, minuunt, sed au-
 gent potius illam facultatem. nam cum hoc genere
 philosophiae, quod nos sequimur, magnam habet
 orator societatem: subtilitatem enim ab Acade-
 mia mutuatur, et ei uicissim reddit ubertatem ora-
 tionis, & ornamenta dicendi. quamobrem, in-
 quam, quoniam utriusque studij nostra possessio
 est; hodie utro frui malis, optio sit tua. Tum Hir-
 tius, gratissimum, inquit, & tuorum omnium simi-
 le. nihil enim unquam abnuuit uoluntas tua meo stu-
 dio. sed quoniam mihi rhetorica uestra sunt nota;
 teq. in his & audiuius saepe, & audiemus; at-
 que hanc Academicorum contra propositum dispu-
 tandi consuetudinem indicant te suscepisse Tuscula-
 nae disputationes: ponere aliquid, ad quod audiam,
 si tibi non est molestum, uolo. An mihi, inquam,
 potest quidquam esse molestum, quod tibi gratum
 futurum sit? sed ita audies, ut Romanum homi-
 nem,

nem, ut timide ingredientem ad hoc genus disputandi, ut longo intervallo haec studia repetentem. Ita, inquit, audiam te disputantem, ut ea lego, quae scripsisti. proinde ordire.

Multa defunt.

Consideramus Hirti, quorum in alijs, ut in Antipatro poeta, ut in brumali die natis, ut in simul aegrotantibus fratribus, ut in urina, ut in unguibus, ut in reliquis eiusmodi naturae contagio ualet: quā ego non tollo: uis est nulla fatalis. in alijs autē fortuita quaedam esse possunt, ut in illo naufrago, ut in Icadio, ut in Daphita. quaedam etiam Posidonius (pā-*Val: lib. 1. cap. 8*)ce magistri dixerim) comminisci uidetur. sunt inquam quidem absurda. quid enim? si Daphitae fatum fuit, ex equo cadere, atque ita perire; ex hoc ne equo, qui cum equus non esset, nomen habebat alienum? aut Philippus hasce in capulo quadrigulas uitare monebatur? quasi uero capulo sit occisus. Quid autem magnum, naufragum illum sine nomine in riuo esse lapsum? quamquam huic quidem hic scripsit praedictum, in aqua esse pereundum. Ne Hercule Icadij quidem praedonis uideo fatum ullum: nihil enim scribit ei praedictum. quid mirum igitur ex spelunca saxum in crura eius incidisse? puto enim, etiam si Icadius tum in spelunca non fuisset, saxum

DE FATO

saxum tamen illud casurum fuisse . nam aut nihil est omnino fortuitum ; aut hoc ipsum potuit euenire fortuna . Quaero igitur , atque hoc late patebit , si fati omnino nullum nomen , nulla natura , nulla uis esset , & forte , temere , casu aut pleraque fierent , aut omnia : num aliter , ac nunc eueniunt , euenirent ? quid ergo attinet inculcare fatum , cum sine fato ratio omnium rerum ad naturam , fortunam ue referatur ? Sed Posidonium , sicut aequum est , cum bona gratia dimittamus : ad Chrysippi laqueos reuertamur . cui primum quidem de ipsa rerum contagione respondeamus : reliqua postea persequemur . Inter locorum naturas quantum intersit , uidemus , alios esse salubres , alios pestilentes , in alijs esse pituitosos , & quasi redundantes , in alijs exsiccatos , atque aridos : multa q. sunt alia , quae inter locum & locum plurimum differant : Athenis tenue caelum , ex quo acriores etiam putantur Attici : crassum Thebis , itaque pingues Thebani , & ualentes . tamen neque illud tenue caelum efficiet , ut aut Zenonem quis , aut Arcesilam , aut Theophrastum audiat ; neque crassum , ut Nemea potius , quam Isthmo uictoriam petat . disiunge longius . quid enim loci natura asferre potest , ut in porticu Pompeij potius , quam in campo , ambulemus ? tecum , quam cum alio ? idibus potius , quam kalendis ? ut igitur ad quasdam res natura loci pertinet , ad quasdam autem nihil : sic affectio astrorum ualeat , si uis , ad quasdam res , ad omnes certe non ualebit .

ualebit . at enim , quoniam in naturis hominum dissimilitudines sunt , ut alios dulcia , alios subamara delectent ; alij libidinosi , alij iracundi , aut crudelēs , aut superbi sint , alij talibus uitijis abhorreant : quoniam igitur , inquit , tantum natura a natura distat ; quid mirum est , has dissimilitudines ex differentibus causis esse factas ? haec differens , qua de re agatur , & in quo causa consistat , non uidet . non enim , si alij ad alia propensiores sint propter causas naturales , & antecedentes ; ideo etiam nostrarum uoluntatum , atque appetitionum sunt causae naturales , & antecedentes . nam nihil esset in nostra potestate , si ita res se haberet : nunc uero fatemur , acuti , hebetes ne , ualentes , imbecilli ne simus , non esse id in nobis . qui autem ex eo cogi putat , ut ne sedeamus quidem , aut ambulemus uoluntatis esse ; is non uidet , quae quamque res consequatur . ut enim & ingeniosi , & tardi ita nascantur antecedentibus causis , itemq. ualentes , & imbecilli : non sequitur tamen , ut etiam sedere eos , et ambulare , & rem agere aliquam , principalibus causis definitum , & constitutum sit . Stylponem Megaricum , philosophum , acutum sane hominem & probatum temporibus illis , accepimus . hunc scribunt ipsius familiares & ebriosum , & mulierosum fuisse : neque hoc scribunt uituperantes , sed potius ad laudem : uitiosam enim naturam ab eo sic edomitam , & compressam esse doctrina , ut nemo unquam uinolentum illum , nemo in eo libidinis ue-

X stigium

Tus. 4. 259. Stigium uiderit. Quid Socratem non ne legimus quemadmodum notarit Zopirus physiognomon, qui se profitebatur hominum mores naturasq. ex corpore, oculis, uultu, fronte pernoscere? stupidum esse Socratem dixit, & bardum, quod iugula concava non haberet: obstructas eas partes, & obturatas esse dicebat: addidit etiam, mulierosum: in quo Alcibiades cachinnum dicitur sustulisse. sed haec ex naturalibus causis uitia nasci possunt: extirpari autem, & funditus tolli, ut is ipse, qui ad ea propensus fuerit, a tantis uitij auocetur, non est id positum in naturalibus causis, sed in uoluntate, studio, disciplina. quae tolluntur omnia, si uis & natura fatis ex diuinationis ratione firmabitur. etenim si est diuinationis, quibusnam a perceptis artis profici scitur? percepta appello, quae dicuntur graece θεωρηματα. non enim credo nullo percepto aut ceteros artifices uersari in suo munere, aut eos, qui diuinatione utantur, futura praedicere. sunt igitur astrologorum percepta huiusmodi. si quis, uerbi causa, oriente canicula natus est, is in mari non morietur. iugila Chrysippe, ne tuam causam, in qua tibi cum Diodoro, ualente dialectico, magna luctatio est, deferas. si enim uerum est, quod ita connectitur; si quis oriente canicula natus est, in mari non morietur: illud quoque uerum est; si Fabius oriente canicula natus est, Fabius in mari non morietur. pugnant ergo haec inter se, oriente canicula natum esse, & in mari Fabium moriturum: & quoniam certum

certum in Fabio ponitur, ortum esse eum canicula oriente; haec quoque pugnant, & esse Fabium, & in mari moriturum. ergo haec quoque coniunctio est ex repugnantibus, & est Fabius, & in mari Fabius morietur. quod ut propositum est, ne fieri quidem potest. ergo illud, morietur in mari Fabius, ex eo genere est, quod fieri non potest: omne ergo, quod falsum dicitur in futuro, id fieri non potest. at hoc Chrysippe minime uis: maximeq. tibi de hoc ipso cum Diodoro certamen est. ille enim id solum fieri posse dicit, quod aut sit uerum, aut futurum sit uerum: & quidquid futurum sit, id dicit fieri necesse esse; & quidquid non sit futurum, id negat fieri posse: tu, & quae non sint futura, posse fieri dicis; ut frangi hanc gemmam, etiam si id numquam futurum sit: neque necesse fuisse Cypselum regnare Corinthi, quamquam id millesimo ante anno Apollinis oraculo editum esset. at si ista comprobabis diuina praedicta: & quae falsa in futuris dicentur, in his habemus, ut ea fieri non possint: ut si dicatur Africanum Carthagine potiturum, etsi uere dicatur de futuro, idq. ita futurum sit, dicas esse necessarium. quae est tota Diodori uobis inimica sententia. etenim si illud uere connectitur; si oriente canicula natus es, in mari non moriere; primumque, quod in connexo, natus es oriente canicula, necessarium est: omnia enim uera in praeteritis necessaria sunt, ut Chrysippo placet dissentienti a magistro Cleanthe, quia sunt immutabilia, nec in fal-

X 2 sum

D E F A T O

sum ē uero praeterita possunt cōverti . si igitur quod
 primum in connexo est , necessarium est , fit etiam
 quod consequitur necessarium . quamquam id Chry-
 sippo non uidetur ualere in omnibus . sed tamen , si
 naturalis est causa cur in mari Fabius non moria-
 tur , in mari Fabius mori non potest . Hoc loco Chry-
 sippus actuans falli sperat Chaldaeos , ceterosq. di-
 uinos , neque eos usuros esse coniunctionibus , ut ita
 sua percepta pronuncient ; si quis natus est oriente
 canicula , is in mari non morietur ; sed potius ita di-
 cant , non & natus est quis oriente canicula , & is
 in mari morietur . o licentiam iocularem : ne ipse
 incidat in Diodorum , docet Chaldaeos , quo pacto
 eos exponere percepta oporteat . quaero enim , si
 Chaldaei ita loquuntur , ut negationes infinitarum
 coniunctionum potius , quam infinita connexa , po-
 nant ; cur idem medici , cur geometrae , cur reliqui
 facere non possint ? medicus in primis , quod erit ei
 perspetum in arte , non ita proponet ; si cui uenae
 sic mouentur , is habet febrem : sed potius illo modo ;
 non & huic uenae sic mouentur , & is febrem non
 habet . itemq. geometres non id dicet ; si in sphae-
 ra maximi orbes sunt , medij inter se diuiduntur :
 sed potius illo modo ; non & sunt in sphaera maximi
 orbes , et hi non medij inter se diuiduntur . quid est ,
 quod non possit isto modo ex connexo transferri ad
 coniunctionum negationem ? et quidem alijs modis
 easdem res efferre possumus . modo dixi , si in sphae-
 ra maximi orbes sunt , medij inter se diuiduntur :
 possum

possum dicere, si in sphaera maximi orbes erunt.
possum dicere, quia in sphaera maximi orbes erunt.
multa genera sunt enunciandi, nec ullum distor-
tius, quam hoc, quo Chrysippus sperat Chaldaeos
contentos Stoicorum causa fore. illorum tamen ne-
mo ita loquitur. maius est enim, has contortiones
orationis, quam signorum ortus obitusque, perdi-
scere. Sed ad illam Diodori contentionem, quam
περὶ δωδεκάτην appellant, reuertamur. in qua quid ua-
leat id, quod fieri possit, anquiritur. Placet igitur
Diodoro id solum fieri posse, quod aut uerum sit,
aut uerum futurum sit. qui locus attingit hanc quae-
stionem; nihil fieri, quod non necesse fuerit; &
quidquid fieri possit, id aut esse iam, aut futurum
esse; nec magis comitari ex ueris in falsa ea pos-
se, quae futura sunt, quam ea, quae facta sunt; sed
in factis immutabilitatem apparere; in futuris qui-
busdam quia non appereant, ne inesse quidem uide-
ri: ut in eo, qui mortifero morbo urgeatur, uerum
sit, hic morietur hoc morbo: at hoc idem si uere di-
catur in eo, in quo uis morbi tanta non appareat,
nihilominus futurum sit. ita fit, ut commutatio ex
uero in falsum ne in futuro quidem ulla fieri possit.
nam, morietur Scipio, talem uim habet, ut, quam-
quam de futuro dicitur, tamen id non possit conuer-
ti in falsum. de homine enim dicitur, cui necesse est
mori. sic si diceretur, morietur noctu in cubiculo
suo Scipio, uel oppressus; uere diceretur. id enim fo-
re diceretur, quod esset futurum. futurum autem

X 3 fuisse,

DE FATO

fuisse, ex eo, quia factum est, intelligi debet. Nec magis erat uerum, morietur Scipio, quam, morietur illo modo: nec minus necesse est mori Scipioni, quam illo modo mori: nec magis immutabile ex uero in falsum, necatus est Scipio, quam, necabitur Scipio: nec, cum haec ita sint, est causa cur Epicurus fatum extimescat, & ab atomis petat praesidium, easq. de uia deducat, & uno tempore suscipiat res duas inenodabiles; unam, ut sine causa fiat aliquid, e quo existet, ut de nihilo quippiam fiat; quod nec ipsi, nec cuiquam physico placet: alterum, ut, cum duo indiuidua per inanitatem ferantur, alterum e regione moucatur, alterum declinet. licet enim Epicuro, concedenti omne enunciatum aut uerum, aut falsum esse, non uereri, ne omnia fato fieri sit necesse. non enim aeternis causis, naturae necessitate manantibus, uerum est id, quod ita enunciat: descendit in Academiam Carneades: nec tamen sine causis: sed interest inter causas fortuito antegressas, & inter causas cobibentes in se efficientiam naturalem. ita & semper uerum fuit, morietur Epicurus, cum duo & septuaginta annos uixerit, Archonte Pitarato: naque tamen erant causae fatales, cur ita accideret: sed quod ita cecidisset, certe casurum, sicut cecidit, fuit. nec ij, qui dicunt immutabilia esse, quae futura sint, nec posse uerum futurum conuerti in falsum, fati necessitatem confirmant, sed uerborum uim interpretantur. at qui introducunt causarum
seriem

seriem sempiternam, ij mentem hominis, uoluntate libera spoliata, necessitate fati deuinciunt. Sed haec haftenus: alia uideamus. Concludit enim Chrysippus hoc modo: si est motus sine causa, non omnis enunciatio, quod ἀξίωμα dialectici appellant, aut uera, aut falsa erit. causas enim efficientes quod non habebit, id nec uerum, nec falsum erit. omnis autem enunciatio aut uera, aut falsa est: motus ergo sine causa nullus est. quod si ita est, omnia, quae fiunt, causis fiunt antegressis: id si ita est, fato omnia fiunt: efficitur igitur fato fieri quaecumque fiant. Hic primum si mihi libeat assentiri Epicuro, & negare omnem enunciationem aut ueram esse, aut falsam, eam plagam potius accipiam, quam fato omnia fieri comprobem. illa enim sententia aliquid habet disputationis, haec uero non est tolerabilis: itaque contendit omnes neruos Chrysippus, ut persuadeat omne ἀξίωμα aut uerum esse, aut falsum. ut enim Epicurus ueretur, ne, si hoc concesserit, concedendum sit, fato fieri quaecumque fiant; si enim alterutrum ex aeternitate uerum sit, esse id etiam certum; & si certum, etiam necessarium; ita & necessitatem, & fatum confirmari putat: sic Chrysippus metuit, ne, si non obtinuerit, omne, quod enuncietur, aut uerum esse, aut falsum, omnia fato fieri possint ex causis aeternis rerum futurarum. sed Epicurus declinatione atomi uitari fati necessitatem putat. itaque tertius quidam motus oritur extra pondus, & plagam, cum declinat atomus intervallo

DE FATO

minimo . id appellat ἐλάχισον . quam declinationem
sine causa fieri , si minus uerbis , re cogitur confite-
teri . non enim atomus ab atomo pulsa declinat :
nam qui potest pelli alia ab alia , si gravitate ferun-
tur ad perpendicularum corpora indiuidua , rectis li-
neis , ut Epicuro placet ? sequitur enim , ut , si alia
ab alia numquam depellatur , ne contingat quidem
alia aliam . ex quo efficitur , ut iam si sit atomus ,
eaq. declinet , declinare sine causa . hanc rationem
Epicurus induxit ob eam rem , quod ueritus est , ne ,
si semper atomus gravitate ferretur naturali , ac ne-
cessaria , nihil liberum nobis esset , cum ita mouere-
tur animus , ut atomorum motu cogeretur . Hinc
Democritus , auctor atomorum , accipere maluit ,
necessitate omnia fieri , quam a corporibus indiui-
duis naturales motus auellere . Acutius Carneades ,
qui docebat posse Epicureos suam causam sine hoc
commenticia declinatione defendere . nam cum do-
ceret esse posse quendam animi motum uolunta-
rium ; id fuit defendi melius , quam introducere de-
clinationem , cuius praesertim causam reperire non
possunt . quo defenso , facile Chrysippo possent resi-
stere . cum enim concessissent , motum nullum esse
sine causa ; non concederent , omnia , quae fierent ,
fieri causis antecedentibus : uoluntatis enim nostrae
non esse causas externas , et antecedentes . commu-
ni igitur consuetudine sermonis abutimur , cum ita
dicimus , uelle aliquid quempiam , aut nolle sine
causa . ita enim dicimus , sine causa , ut dicamus ,
sine

sine externa, & antecedente causa, non sine aliqua. ut cum uas inane dicimus, non ita loquimur ut physici, quibus inane esse nihil placet; sed ita, ut, uerbi causa, sine aqua, sine uino, sine oleo uas esse dicamus: sic, cum, sine causa moueri, dicimus, sine antecedente & externa causa moueri, non, omnino sine causa, dicimus. de ipsa atomo dici potest, cum per inane moveatur gravitate, & pondere, sine causa moueri, quia nulla causa accedat extrinsecus. rursus autem, ne omnes a physicis irrideamur, si dicamus quidquam fieri sine causa, distinguendum est, & ita dicendum, ipsius individui hanc esse naturam, ut pondere & gravitate moueatur, eamq. ipsam esse causam cur ita feratur. similiter ad animorum motus uoluntarios, non est requirenda externa causa. motus enim uoluntarius eam naturam in se ipse continet, ut sit in nostra potestate, nobisq. pareat: nec id sine causa: eius enim rei causa, ipsa natura est. quod cum ita sit; quid est, cur non omnis pronuntiatio aut uera, aut falsa sit? nisi concesserimus, fato fieri, quaecunque fiant. quia futura uera, inquit, non possunt esse ea, quae causas, cur futura sint, non habent, habeant igitur causas necesse est, ut ea, quae uera sunt, ita cum euenerint, fato euenerint. confectum negotium, siquidem tibi concedendum est, aut fato omnia fieri, aut quidquam posse fieri sine causa. an aliter haec enuntiatio uera esse non potest, capiet Numantiam Scipio, nisi ex aeternitate causa causam serens

serens hoc erit effectura? an hoc falsum potuisset esse, si esset sexcentis saeculis ante dictum? & si tum non esset uera haec enunciatio, capiet Numantiam Scipio; ne illa quidem euersa uera est haec enunciatio, capiet Numantiam Scipio. potest igitur quidquam factum esse, quod non uerum fuerit futurum esse. nam ut praeterita ea uera dicimus, quorum superiore tempore uera fuerunt instantia: sic futura, quorum consequenti tempore uera erunt instantia, ea uera dicimus. nec, si omne enunciatum aut uerum, aut falsum est, sequitur ilico, esse causas immutabiles, easque aeternas, quae prohibeant quidquam secus cadere, atque casurum sit. fortuitae sunt causae, quae efficiant, ut uere dicantur, quae ita dicentur; ueniet in senatum Cato; non inclusae in rerum natura, atque mundo. & tamen tam est immutabile uenturum, cum est uerum, quam uenisse; nec ob eam causam fatum, aut necessitas extimescenda est. etenim erit confiteri necesse, si haec enunciatio, ueniet in Tusculanum Hortensius; uerum non est: sequitur, ut falsum sit. quorum isti neutrum uolunt: quod fieri non potest. nec nos impedit illa ignaua ratio, quae dicitur. appellatur enim quidam a philosophis ἀπὸ τοῦ λόγου: cui si pareamus, nihil omnino agamus in uita. sic enim interrogant: si fatum tibi est, ex hoc morbo conualescere; siue medicum adhibueris, siue non adhibueris, conualesces. item; si fatum tibi est ex hoc morbo non conualescere; siue tu medicum adhibueris, siue non,

non conualesces. & alterutrum fatum est: medicum ergo adhibere nihil attinet. Recte genus hoc interrogationis ignauum, atque iners nominatum est, quod eadem ratione omnis euita tolletur actio. Licet etiam immutare, ut fati nomen non adiungas, & eandem tamen teneas sententiam, hoc modo. si ex aeternitate uerum hoc fuit, ex isto morbo conualesces; siue adhibueris medicum, siue non adhibueris, conualesces. itemque, si ex aeternitate hoc falsum fuit, ex isto morbo non conualesces; siue adhibueris medicum, siue non adhibueris, non conualesces: deinde cetera. Haec ratio a Chrysippo reprehenditur. quaedam enim sunt, inquit, in rebus simplicia, quaedam copulata. simplex est, morietur eo die Socrates. huic, siue quid fecerit, siue non fecerit, finitus est moriendi dies. at si ita fatum sit, nascetur Oedipus Laio, non poterit dici, siue fuerit Laus cum muliere, siue non fuerit: copulata enim res est, & confatalis: sic enim appellat: quia ita fatum sit, et concubiturum cum uxore Laum, et ex ea Oedipum procreaturum. ut si esset dictum, luctabitur Olympijs Milo; & referret aliquis, ergo, siue habuerit aduersarium, siue non habuerit, luctabitur: erraret: est enim copulatum, luctabitur, quia siue aduersario nulla luctatio est. omnes igitur istius generis captiones eodem modo refelluntur. siue tu adhibueris medicum, siue non adhibueris, conualesces. captiosum. tamen enim est fatale medicum adhibere, quam conualescere. haec, ut di-

xi, confatalia ille appellat. Carneades genus hoc totum non probabat, & nimis inconsiderate concludi hanc rationem putabat: itaque premebat alio modo, nec ullam adhibebat calumniam: cuius erat haec conclusio. si omnia antecedentibus causis fiunt, omnia naturali colligatione conserte, contexteq. fiunt. quod si ita est, omnia necessitas efficit. id si uerum est, nihil est in nostra potestate. est autem aliquid in nostra potestate. ac si omnia fato fiunt, omnia causis antecedentibus fiunt. non igitur fato fiunt, quaecunque fiunt. haec arctius astringi ratio non potest. nam si quis uelit idem referre, atque ita dicere; si omne futurum ex aeternitate uerum est, ut ita certe eueniat, quemadmodum sit futurum, omnia colligatione naturali conserte, contexteq. fieri: nihil dicat: multum enim differt, utrum causa naturalis ex aeternitate futura uera efficiat, an etiam sine aeternitate naturali, futura quae sint, ea uera esse possint intelligi. itaque dicebat Carneades, ne Apollinem quidem futura posse dicere, nisi ea, quorum causas natura ita contineret, ut ea fieri necesse esset. quid enim spectans deus ipse diceret, Marcellum eum, qui ter consul fuit, in mari esse periturum? erat hoc quidem uerum ex aeternitate, sed causas id efficientes non habebat. ita ne praeterita quidem ea, quorum nulla signa tamquam uestigia extarent, Apollini nota esse censebat: quominus futura: causis enim efficientibus quamque rem cognitis, posse denique sciri quid futurum esset:

ergo

Ascan.

ergo nec de Oedipo potuisse. Apollinem praedicere ;
nullis in rerum natura causis praepositis , cur ab eo
patrem interfici necesse esset : nec quidquam eiusmodi .
quocirca si Stoicis , qui omnia fato fieri dicunt ,
consentaneum est huiusmodi oracula , ceteraque ,
quae ad diuinationem pertinent , comprobare ; ijs au-
tem , qui , quae futura sunt , ea uera esse ex aeternita-
te dicunt , non idem dicendum est : uide , ne non ea-
dem sit illorum causa , & Stoicorum . hi enim ur-
gentur angustijs : illorum ratio soluta , ac libera est .
quod si concedatur nihil posse euenire nisi causa an-
tecedente : quid proficiatur , si ea causa non ex aeter-
nis causis apta ducatur ? causa autem ea est , quae
id efficit , cuius est causa , ut uulnus mortis , crudi-
tas morbi , ignis ardoris . itaque non sic causa intel-
ligi debet , ut , quod cuique antecedit , id ei causa
sit , sed quod cuique efficienter antecedit : nec , quod
in campum descenderim , id fuisse causae , cur pila
luderem : nec Hecubam causam interitus fuisse
Troianis , quod Alexandrum genuerit : nec Tynda-
reum Agamemnoni , quod Clytemnestram . hoc
enim modo uiator quoque bene uestitus causa gras-
satori fuisse diceretur , cur ab eo spoliaretur . ex hoc
genere illud est Ennij ,

Vtinam ne in nemore Pelio securibus

Caesa cecidisset abiegra ad terram trabes .

*licuit uel altius , utinam ne in Pelio nata ulla um-
quam esset arbor ; etiam supra , utinam ne esset
mons ullus Pelius : similiterq. superiora repeten-*

tem

tem regredi infinite licet .

Ne ue inde nauis inchoandae exordium
Cepisset .

quorsum haec praeterita ? quia sequitur illud,
Nam numquā hera errans mea , domo efferret pedē
Medea animo aergo , amore saeno saucia ;
non ut hae res causam afferrent amoris . interesse
autem aiunt , utrum eiusmodi quid sit , sine quo ali-
quid effici non possit ; an eiusmodi , cum quo aliquid
effici necesse sit . nulla igitur earum causa est , quo-
niam nulla earum rerum sua ui efficit id , cuius dici-
tur causa : nec id , sine quo quippiam non fit , causa
est ; sed id , quod cum accessit , id , cuius causa est ,
efficit necessario : non dum enim ulcerato serpentis
morsu Philocteta , quae causa in rerum natura con-
tinebatur , fore , ut is in insula Lemno linqueretur ?
post autem causa fuit propior , & cum exitu iun-
ctior . ratio igitur euentus aperit causam : sed ex
aeternitate uera fuit haec enuntiatio , relinquetur in
insula Lemno Philoctetes : nec hoc ex uero in fal-
sum poterat conuerti : necesse est enim in rebus con-
trarijs duabus (contraria autem hoc loco ea dico ,
quorum alterum ait quid , alterum negat) ex his
igitur necesse est inuito Epicuro alterum uerum ef-
se , alterum falsum : ut , sauciabitur Philoctetes ,
omnibus ante saeculis uerum fuit ; non sauciabitur ,
falsum . nisi forte uolumus Epicureorum opinionem
sequi , qui tales enunciationes nec ueras , nec falsas
esse dicunt : aut , cum id pudet , illud tamen dicunt ,
quod

quod est impudentius, ueras esse ex contrarijs dis-
iunctiones; sed quae in his enunciata essent, eorum
neutrum esse uerum. O admirabilem licentiam, &
miserabilem inscitiam differendi. si enim aliquid in
eloquendo nec uerum, nec falsum est, certe id ue-
rum non est. quod autem uerum non est, qui po-
test non falsum esse? aut quod falsum non est, qui
potest non uerum esse? tenebitur id, quod a Chry-
sippo defenditur, omnem enunciationem aut ue-
ram, aut falsam esse, ratio ipsa coget, & ex aeter-
nitate quaedam uera esse, & ea non esse nexa caus-
sis aeternis, & a fati necessitate esse libera. Ac mi-
hi quidem uidetur, cum duae sententiae fuissent uete-
rum philosophorum, una eorum, qui censerent om-
nia ita fato fieri, ut id fatum uim necessitatis affer-
ret, in qua sententia Democritus, Heraclitus, Em-
pedocles, Aristoteles fuit; altera eorum, quibus
uiderentur sine ullo fato esse animorum motus uo-
luntarij: Chrysippus, tamquam arbiter honorarius,
medium ferire uoluisse; sed applicat se ad eos po-
tius, qui necessitate motus animos liberatos uolunt.
dum autem uerbis utitur suis, delabitur in eas dif-
ficultates, ut necessitatem fati confirmet inuitus.
atque hoc, si placet, quale sit, uideamus in assen-
sionibus, quas prima oratione tractaui. eas enim
ueteres illi, quibus omnia fato fieri uidebantur, ui-
effici & necessitate dicebant: qui autem ab his dis-
sentiebant, fato assensiones liberabant; nega-
bantque, fato assensionibus adhibito, necessitatem
ab

DE FATO

ab his posse remoueri: ij. q. ita differebant. Si omnia
fato fiunt, omnia fiunt antecedente causa: & si
appetitus, illa etiam quae appetitum sequuntur, er-
go etiam assensiones. at si causa appetitus non est
sita in nobis, ne ipse quidem appetitus est in nostra
potestate. quod si ita est, ne illa quidem, quae appe-
titu efficiuntur, sunt sita in nobis: non sunt igitur
neque assensiones, neque actiones in nostra potesta-
te: ex quo efficitur, ut neque laudationes iustae sint,
nec uituperationes; nec honores, nec supplicia.
quod cum uitiosum sit, probabiliter concludi pu-
tant, non omnia fato fieri, quaecumque fiant. Chry-
sippus autem cum & necessitatem improbaret, &
nihil uellet sine praepositis causis euenire, causa-
rum genera distinguit, ut & necessitatem effugiat,
& retineat fatum. causarum enim, inquit, aliae
sunt perfectae, & principales, aliae adiuuantes, &
proximae. quamobrem cum dicimus omnia fato fie-
ri causis antecedentibus; non intelligi uolumus,
causis perfectis & principalibus, sed causis ante-
cedentibus adiuuantibus, & proximis. itaque illi
rationi, quam paulo ante conclusi, sic occurrit; si
omnia fato fiant, sequi illud quidem, ut omnia caus-
sis fiant antepositis, uerum non principalibus caus-
sis, & perfectis, sed adiuuantibus, & proximis.
quae si ipsae non sint in nostra potestate, non sequi-
tur, ut ne appetitus quidem sit in nostra potesta-
te: at hoc sequeretur, si omnia perfectis & princi-
palibus causis fieri diceremus, ut cum hae causae
non

non essent in nostra potestate, ne ille quidem esset in nostra potestate. quamobrem qui ita fatum introducunt, ut necessitatem adiungant, in eos ualebit illa conclusio: qui autem causas antecedentes non dicunt perfectas, neque principales, in eos nihil ualebit: quod enim dicantur assensiones fieri causis antepositis, id quale sit, facile a se explicari putant. nam quamquam assensio non possit fieri nisi commota uiso: tamen cum id uisum proximam causam habeat, non principalem, hanc habet rationem, ut Chrysippus uult, quam dudum diximus, non ut illa quidem fieri possit nulla ui extrinsecus excitata, (necesse est enim assensionem uiso commoueri) sed reuertitur ad cylindrum, & turbinem suum, quae moueri incipere, nisi pulsa, non possunt: id autem cum accidit, suapte natura, quod superest, & cylindrum uolui, & uersari turbinem putat. ut igitur, inquit, qui protrusit cylindrum, dedit ei principium motitionis, uolubilitatem autem non dedit: sic uisum obiectum imprimet illud quidem, & speciem suam quasi signabit in animo, sed assensio nostra erit in potestate, eaque, quemadmodum in cylindro dictum est, extrinsecus pulsa, quod reliquum est, suapte ui, & natura mouebitur. quod si aliqua res efficeretur sine causa antecedente; falsum esset, omnia fato fieri. sin omnibus, quaecumque fiant, uerisimile est causam antecedere: quid afferri poterit, cur non omnia fato fieri fatendum sit? modo intelligatur quae sit causarum distinctio, ac
γ dissimi-

dissimilitudo. Haec cum ita sint a Chrysippo explica-
 ta; si illi, qui negant assensiones fato fieri, fatean-
 tur tamen eas non sine uiso antecedente fieri, alia
 ratio est: sed si concedunt anteire uisa, nec tamen fa-
 to fieri assensiones, quod proxima illa, & conti-
 nens causa non moueat assensionem; uide, ne idem
 dicant. neque enim Chrysippus, concedens assensio-
 nis proximam & continentem causam esse in uiso
 positam, eam causam esse ad assentiendum necessa-
 riam concedet, ut, si omnia fato fiant, omnia fiant
 causis antecedentibus, & necessarijs; itemq. illi,
 qui ab hoc dissentiunt, consistentes non fieri assensio-
 nes sine praecursione uisorum, dicent, si omnia fa-
 to fierent eiusmodi, ut nihil fieret nisi praegressione
 causae, confitendum esse fato fieri omnia. ex quo fa-
 cile intellectum est, cum utrique, patefacta, atque
 explicata sententia sua, ad eundem exitum ue-
 niant, uerbis eos, non re, dissidere. omninoq. cum
 haec sit distinctio, ut quibusdam in rebus uere dici
 possit, cum hae causae antegressae sint, non esse in no-
 stra potestate, quin illa eueniant, quorum causae
 fuerint; quibusdam autem in rebus, causis ante-
 gressis, in nostra tamen esse potestate, ut illud ali-
 ter eueniat: hanc distinctionem utrique approbant:
 sed alteri censent, quibus in rebus cum causae ante-
 cesserint, non sit in nostra potestate, ut aliter illa
 eueniant, illas fato fieri; quae autem in nostra po-
 testate sint, ab his fatum abesse. Hoc modo hanc
 causam disceptari oportet, non ab atomis erranti-
 bus,

bus, et de uia declinantibus praesidium petere. Declinat, inquit, atomus. primum cur? aliam enim quandam uim motus habebunt a Democrito impulsione, quam plagam ille appellat, a te Epicure grauitatis, et ponderis. quae ergo noua caussa in natura est, quae declinet atomum? aut num sortiuntur inter se, quae declinet, quae non? aut cur minimo declinent interuallo, maiore non? aut cur declinent uno, minimo, non declinent duobus, aut tribus? optare hoc quidem est, non disputare. nam neque extrinsecus impulsam atomum loco moueri, & declinare dicis: neque in illo inani, per quod feratur atomus, quidquam fuisse caussae, cur ea non e regione ferretur: nec in ipsa atomo mutationis aliquid factum est, quamobrem naturalem sui ponderis motum non teneret. ita, cum attulisset nullam causam, quae istam declinationem efficeret; tamen aliquid sibi dicere uidetur; cum id dicat, quod omnium mentes aspernentur, ac respuant. Nec uero quisquam magis confirmare mihi uidetur non modo fatum, uerum etiam necessitatem, & uim omnium rerum, sustulisseque motus animi uoluntarios, quam hic, qui aliter obsistere fato fatetur se non potuisse, nisi ad has commenticias declinationes confugisset; nam, ut essent atomi, quas quidem esse mihi probari nullo modo potest: tamen declinationes istae numquam explicarentur. nam si atomis, ut grauitate ferantur, tributum est necessitate naturae:

γ 2 quad

D E F A T O

quod omne pondus, nulla re impediēte, moueatur
& feratur necesse est: illud quoque necesse est, de-
clinare quibusdam atomis, uel, si uolunt, omnibus,
naturaliter.

Multa defunt.

171
M. TVLLII CICERONIS
DE LEGIBVS
LIB. PRIMVS

ATTICVS.

LVCVS quidem ille, & haec Arpinatium quercus agnoscitur, saepe a me letus in Mario. si manet illa quercus, haec est profecto. etenim est sane vetus. QVINCTVS. Manet uero, Attice noster, & semper manebit: sata est enim ingenio: nullius autem agricolae cultu stirps tam diuturna, quam poetae uersu, seminari potest. Att. Quo tandem modo, Quinte? aut quale est istud, quod poetae serunt? mihi enim uideris, fratrem laudando, suffragari tibi. Q. Sit ita sane: ueruntamen, dum Latinae loquentur litterae, quercus huic loco non deerit, quae Mariana dicatur: eaque, ut ait Scaeuola de fratris mei Mario, Canescet saeculis innumerabilibus. nisi forte Athenae tuae sempiternam in arce oleam tenere potuerunt: aut, quod Homericus Ulysses, Deli se proceram & teneram palmam uidisse, dixit, hodie monstrant eandem. multa quae alia multis locis diutius commemoratione manent, quam natura stare potuerunt. quare glandifera illa quercus, ex qua olim enolauit

Y 3

Nuncia

DE LEGIBVS

Nuncia fulua Iouis, miranda uisa figura,
nunc sit haec: sed, cum eam tempestas, uetustas ue
consumpserit, tamen erit his in locis, quam Maria-
nam quercum uocent. Att. Non dubito id quidem:
sed haec iam non ex te, Quincte, quaero, uerum ex
ipso poeta, tui ne uersus hanc quercum seuerint, an,
ita factum, de Mario, ut scribis, accperis. MAR-
CVS. Respondebo tibi equidem, sed nō ante, quam
mihi tu ipse responderis, Attice; certe, non longe
a tuis aedibus inambulans, post excessum suum Ro-
mulus Proculo Iulio dixerit, se deum esse, & Qui-
rinum uocari, templumq. sibi dedicari in eo loco ius-
serit; & uerum ne sit, Athenis, non longe item
a tua illa antiqua domo, Orithyiam Aquilo sustu-
lerit. sic enim est traditum. Att. Quorsum tan-
dem, aut cur ista quaeris? M. Nihil sane, nisi ne
nimis diligenter inquiras in ea, quae isto modo me-
moriae sint prodita. Att. Atqui multa quaerūtur in
Mario, ficta ne, an uera sint, et a non nullis, quod
et in recenti memoria, & in Arpinati homine: sed
ueritas a te postulatur. M. Et mehercule ego me
cupio non mendacem putari: sed tamen isti, Tite
noster, faciunt imperite, qui in isto opusculo non ut
a poeta, sed ut a teste ueritatem exigant. nec dubi-
to, quin iidem et cum Egeria collocutum Numam,
& ab aquila Tarquinio apicem impositum putent.
Q. Intelligo te, frater, alias in historia leges obser-
uandas putare, alias in poemate. M. Quippe, cum
illa ad ueritatem, Quincte, referatur, in hoc ad de-
lecta-

lectationem pleraque : quamquam & apud Hero-
dotum , patrem historiae , & apud Theopompum
sunt innumerabiles fabulae . Att. Teneo quam opta-
bam occasionem , neque omittam . M. Quam tan-
dem , Tite ? Att. Postulatur a te iam diu , uel flagi-
tatur potius historia . sic enim putant ; te illam tra-
ctante , effici posse , ut in hoc etiam genere Graeciae
nihil cedamus . atque , ut audias quid ego ipse sen-
tiam , non solum mihi uideris eorū studijs , qui tuis
litteris delectantur , sed etiam patriae debere hoc
munus ; ut ea , quae salua per te est , per te eundem
sit ornata . abest enim historia litteris nostris , ut
& ipse intelligo , & ex te persaepe audio . potes au-
tem tu profecto satisfacere in ea ; quippe cum sit
opus , ut tibi quidem uideri solet , unum hoc ora-
torium maxime . Quamobrem aggredere , quaesi-
mus , & sume ad hanc rem tempus , quae est a no-
stris hominibus adhuc aut ignorata , aut relictā .
nam , post annales pontificum maximorum , quibus
nihil potest esse iucundius , si aut ad Fabium , aut
adeum , qui tibi semper in ore est , Catonem , aut
ad Pisonem , aut ad Fannium , aut ad Venonium
uenias : quamquam ex his alius alio plus habet ui-
rium ; tamen quid tam exile , quam isti omnes ? Fan-
nio autem aetate coniunctus Antipater paullo infla-
uit uehementius , habuitq. uires agrestes ille qui-
dem , atque horridas , sine nutore , ac palaestra ; sed
tamen admonere reliquos potuit , ut accuratius scri-
berent . Ecce autem successere huic belli , Clodius ,

imendacio Asellio: nihil ad Coelum, sed potius ad antiquorum languorem, & inscitiam. nam quid Acrum memorem? cuius loquacitas habet aliquid argutiarum, nec id tamen ex illa erudita Graecorum copia, sed ex librariolis Latinis: in orationibus autem multus, & ineptus, datio summa impudentia. Sisenna, eius amicus, omnes adhuc nostros scriptores, nisi forte qui non dum ediderunt, de quibus existimare non possumus, facile superauit. is tamen neque orator in numero uestro umquam est habitus, & in historia puerile quiddam consecatur: ut unum Clitarchum, neque quemquam praeterea de Graecis, legisse uideatur, eum tamen uelle dumtaxat imitari: quem si assequi posset, aliquantum ab optimo tamen abesset. Quare tuum est munus: hoc a te expectatur. nisi quid Quinto uidetur secus. Q. Mihi uero nihil: & saepe de isto collocuti sumus: sed est quaedam inter nos parua dissensio. A. Quae tandem? Q. A quibus temporibus scribendi capiat exordium. ego enim, ab ultimis, censeo; quoniam illa sic scripta sunt, ut ne legatur quidem: ipse autem aequalem aetatis suae memoriam deposcit; ut ea complectatur, quibus ipse interfuit. Att. Ego uero huic potius assentior. sunt enim maximae res in hac memoria, atque aetate nostra. tum autem, hominis amicissimi, Cn. Pompeij laudes illustrabit. incurret etiam in illum memorabilem annum suum. quae ab isto malo praedicari, quam, ut aiunt, de Remo & Romulo. M. Intelligo equidem, a me istum
la bo

laborem iam diu postulari, Attice: quem non recusarem, si mihi ullum tribueretur uacuum tempus, & liberum. neque enim occupata opera, neque impedito animo res tanta suscipi potest. utrumque opus est, & cura uacare, et negotio. Att. Quid? ad cetera, quae scripsisti plura, quam quisquam e nostris, quod tibi tandem tempus uacuum fuit concessum? M. Subseciua quaedam tempora incurrunt, quae ego perire non patior: ut, si qui dies ad rusticandum dati sint, ad eorum numerum accommodentur, quae scribimus. Historia uero nec insitui potest, nisi praeparato otio, nec exiguo tempore absolui: & ego animi pendere solco, cum semel quid orsus traducor alio: neque tam facile interrupta contexo, quam absoluo instituta. Att. Legationem aliquam nimirum ista oratio postulat, aut eiusmodi quampiam cessationem liberam, atque otiosam. M. Ego uero aetatis potius uacationi confidebam: cum praesertim non recusarem, quo minus more patrio sedens in solio consulentibus responderem; senectutisq. non inertis grato atque honesto fungerer munere. sic enim mihi liceret & isti rei, quam desideras, & multis uberioribus atque maioribus operae quantum uellem dare. Att. Atqui uereor, ne istam causam nemo noscat, tibiq. semper dicendum sit; & eo magis, quod te ipse muta^{ti}, & aliud dicendi instituisi genus: ut, quemadmodum Roscius, familiaris tuus, in senectute numeros in cantu ceciderat, ipsasq. tardiores fecerat tibias; sic

tu

tu a contentionibus, quibus summis uti solebas, quotidie relaxes aliquid: ut iam oratio tua non multum a philosophorum lenitate absit. quod sustinere cum uel summa senectus posse uideatur, nullam tibi a causis uacationem uideo dari. Q. At mehercule ego arbitrabar posse id populo nostro probari, si te ad ius respondendum dedisses. quamobrem, cum placebit, experiendum tibi id censeo. M. Siquidem, Quinte, nullum esset in experiundo periculum. sed uereor, ne, dum minuere uelim laborem, augeam; atque ad illam causarum operam, ad quam ego numquam, nisi paratus & meditatus, accedo, adiungatur haec iuris interpretatio; quae non tam mihi molesta sit propter laborem, quam quod dicendi cogitationem auferat, sine qua ad nullam maiorem umquam causam sum ausus accedere. Att. Quin igitur ista ipsa explicas nobis his subsecutis, ut ais, temporibus, & conscribis de iure civili subtilius, quam ceteri? nam a primo tempore aetatis iuri studere te memini, cum ipse etiam ad Scaeuolam uentitarem: neque umquam mihi uisus es ita te ad dicendum dedisse, ut ius civile contemneres. M. In longum sermonem me uocas, Attice: quem tamen, nisi Quintus aliud quid nos agere mauult, suscipiam; &, quoniam uacui sumus, dicam. Q. Ego uero libenter audierim. quid enim agam potius? aut in quo melius hunc consumam diem? M. Quin igitur ad illa spatia nostra, sedesque pergitur, ubi cum satis erit ambulatum, requiescemus? nec pro-

profecto nobis delectatio deerit, aliud ex alio quaerentibus. Att. Nos uero, & hac quidem adire, si placet, per ripam, & umbram. sed iam ordire explicare, quaeso, de iure ciuili quid sentias. M. Ego ne? summos fuisse in ciuitate nostra uiros, qui id interpretari populo, & responsitare soliti sunt; sed eos, magna profectos, in paruis esse uersatos. quid enim est tantum, quantum ius ciuitatis? quid autem tam exiguum, quam est munus hoc eorum, qui consuluntur? quam est populo necessarium? Nec uero eos, qui ei muneri praesuerunt, uniuersi iuris fuisse expertes existimo: sed hoc, ciuile quod uocant, eatenus exercuerunt, quoad populo praestare uoluerunt: id autem incognitum, est minus necessarium. Quamobrem quo me uocas? aut quid hortaris? ut libellos conficiam de fillicidiorum ac de parietum iure? aut, ut stipulationum et iudiciorum formulas componam? quae & scripta a multis sunt diligenter, & sunt humiliora, quam illa, quae a uobis expectari puto. Att. Atqui, si quaeres, ego quid expectem; quoniam scriptum est a te de optimo reipublicae statu, consequens esse uidetur, ut scribas tu idem de legibus. sic enim fecisse uideo Platonem illum tuum, quem tu admiraris, quem omnibus anteponis, quem maxime diligis. M. Vis ne igitur, ut ille cum Crete Clinia, & cum Lacedaemonio Megillo, aestiuo, quemadmodum describit, die, in cupressetis Gnosiorum, & spatijs siluestribus crebro insilens, interdum acquiescens, de institutis

184. 38.
fin. 5. 146.
Tus. 1. 170.

DE LEGIBVS

tutis rerump. ac de optimis legibus disputat; sic nos inter has procerissimas populos, in uiridi opacaq. ripa inambulantes, tum autem residentes, quaeramus iisdem de rebus aliquid uberius, quam forensis usus desiderat? Att. Ego uero ista audire cupio. M. Quid ait Quintus? Q. Nulla de re magis. M. Et recte quidem. nam sic habetote, nullo in genere, disputando, honeste patefieri, quid sit homini natura tributum; quantam uim rerum optimarum mens humana contineat; cuius muneris colendi, efficiendiq. caussa nati, et in lucem editi simus; quae sit coniunctio hominum, quae naturalis societas inter ipsos. his enim explicatis, fons legum & iuris inueniri potest. Att. Non ergo a praetoris edicto, ut plerique nunc, neque a XII tabulis, ut superiores, sed penitus ex intima philosophia hauriendam iuris disciplinam putas. M. Non enim id quaerimus hoc sermone, Pomponi, quemadmodum caueamus in iure, aut quid de quaque consultatione respondeamus. sit ista res magna, sicut est; quae quondam a multis claris uiris, nunc ab uno summa auctoritate & scientia sustinetur. sed nobis ita complectenda in hac disputatione tota caussa est uniuersi iuris ac legum; ut hoc, civile quod dicimus, in paruum quendam et angustum locum concludatur. natura enim iuris explicanda nobis est, eaq. ab hominis repetenda natura: considerandae leges, quibus ciuitates regi debeant: tum haec tractanda, quae composita sunt, & descripta, iura, & iussa popu-

populorum: in quibus ne nostri quidem populi latebunt quae uocantur iura ciuilia. Q. Alte uero, & ut oportet, a capite, frater, repetis, quod quaerimus: & qui aliter ius ciuile tradunt, non tam iustitiae, quam litigandi tradunt uias. M. Non ita est, Quinte: ac potius ignoratio iuris litigiosa est, quam scientia. Sed haec posterius, nunc iuris principia uideamus. Igitur doctissimis uiris proficisci placuit a lege: haud scio, an recte: si modo, ut iidem definiunt, lex est ratio summa, insita in natura, quae iubet ea, quae facienda sunt, prohibetq. contraria. eadem ratio cum est in hominis mente confirmata, & confecta, lex est. itaque arbitrantur prudentiam esse legem, cuius ea uis sit, ut recte facere iubeat, uetet delinquere: eamq. rem illi Graeco putant nomine a suum cuique tribuendo appellatam: ego, nostro, a legendo. nam ut illi aequitatis, sic nos delectus uim in lege ponimus: & proprium tamen utrumque legis est. quod si ita recte dicitur, ut mihi quidem plerumque uideri solet; a lege ducendum est iuris exordium. ea est enim naturae uis, ea mens ratioq. prudentis, ea iuris atque iniuriae regula. Sed quoniam in populari ratione omnis nostra uersatur oratio; populariter interdum loqui necesse erit, & eam legem, quae scripto sancit, quod uult, aut iubendo, aut uetando, ut uulgius, appellare. Constituendi uero iuris ab illa summa lege capiamus exordium, quae saeculis omnibus ante nata est, quam scripta lex ulla, aut quam

D E L E G I E V S

quam omnino ciuitas constituta. Q. Commodius uero, et ad rationē instituti sermonis aptius. M. Vis ne ergo ipsius iuris ortum a fonte repetamus? quo inuento, non erit diuinum, quo sint haec referenda, quae quaerimus. Q. Ego uero ita faciendum esse censeo. Att. Me quoque adscribito fratris sententiae. M. Quoniam igitur eius reipublicae, quam optimam esse docuit in illis sex libris Scipio, tenendus est nobis & seruandus status, omnesq. leges accomodandae ad illud ciuitatis genus; serendi etiam mores, nec scriptis omnia sancienda: repetam stirpem iuris a natura; qua duce nobis omnis est disputatio explicanda. Att. Rectissime: & quidem ista duce errari nullo pacto potest. M. Das ne igitur hoc nobis, Pomponi, (nam Quincti noui sententiam) deorum immortalium ui, natura, ratione, potestate, mente, numine, siue quod est aliud uerbum, quo planius significem quod uolo, naturam omnem regi? nam si hoc non probas, ab eo nobis caussa ordiendae est potissimum. Att. Do sane, si postulas. etenim, propter hunc concentum auium, strepitumq. fluminum, non uereor, condiscipulorum ne quis exaudiat. M. At qui cauendum est. solent enim, id quod uirorum bonorum est, admodum irasci. nec uero ferent, si audierint, te primum caput libri optimi prodidisse, in quo scripsit, nihil curare deum, nec sui, nec alieni. Att. Perge, quaeso: nam id, quod tibi concessi, quorsum pertineat, expecto, M. Non faciam longius. huc enim pertinet: Animal hoc, pro-

providum, sagax, multiplex, acutum, memor, plenum rationis & consilij, quem uocamus hominem, praeclara quadam conditione generatum esse a summo deo. solum est enim ex tot animantium generibus, atq. naturis, particeps rationis et cogitationis; cū cetera sint omnia expertia. quid est autem, non dicam in homine, sed in omni caelo, atque terra, ratione diuinius? quae cum adoleuit, atque perfecta est, nominatur rite sapientia. est igitur (quoniam nihil est ratione melius, eaq. & in homine, & in deo) prima homini cum deo rationis societas: inter quos autem ratio, inter eosdem etiam recta ratio communis est: quae cum sit lex, lege quoque consociati homines cum dijs putandi sumus: inter quos porro est communio legis, inter eos communio iuris est: quibus autem haec sunt inter eos communia, et ciuitatis eiusdem habendi sunt: si uero iisdem imperijs & potestatibus parent, multo etiam magis. parent autem huic celesti descriptioni, mentiq. diuinae, et praepotenti deo: ut iam uniuersus hic mundus, una ciuitas communis deorum atque hominum existimanda sit. et quod in ciuitatibus ratione quadam, de qua dicitur idoneo loco, agnationibus familiarum distinguuntur status, id in rerum natura tanto est magnificentius, tantoq. praeclarius, ut homines deorum agnatione & gente teneantur. nam cum de omni natura quaeritur, disputari solent nimirum ista; perpetuis cursibus, conuersionibus caelestibus extitisse quandam maturitatem serendi generis

DE LEGIBVS

neris humani; quod sparsum in terras, atque satum,
 diuino auctum sit animorum munere: cumq. alia,
 quibus cohaerent homines, e mortali genere sum-
 pserint, quae fragilia essent & caduca: animum ta-
 men esse ingeneratum a deo; ex deo uere uel agna-
 tio nobis cum caelestibus, uel gens, uel stirps appel-
 lari potest. itaque ex tot generibus nullum est ani-
 mal praeter hominem, quod habeat notitiam ali-
 quam dei: ipsi q. in hominibus nulla gens est neque
 tam immansueta, neque tam fera, quae non, etiam
 si ignoret qualem habere deum deceat, tamen ha-
 bendum sciat. ex quo efficiunt illud, ut is agnoscat
 deum, qui, unde ortus sit, quasi recordetur et agno-
 scat. Iam uero uirtus eadem in homine ac deo est,
 neque alio ullo ingenio praeterea. est autem uirtus
 nihil aliud, quam in se perfecta, & ad summum
 perducta natura. est igitur homini cum deo simili-
 tudo. quod cum ita sit, quae tandem esse potest pro-
 prior certior ue cognatio? itaque ad hominum com-
 moditates, & usus tantam rerum ubertatem natu-
 ra largita est, ut ea, quae gignuntur, donata consul-
 to nobis, non fortuito nata uideantur: nec solum
 ea, quae frugibus atque baccis terrae fetu profun-
 duntur, sed etiam pecudes: quod perspicuum sit,
 partim esse ad usum huminum, partim ad fructum,
 partim ad uescendum procreatas. Artes uero in-
 numerabiles repertae sunt docente natura. quam
 imitata ratio, res ad uitam necessarias solertia con-
 secuta est. Ipsum autem hominem eadem natura
 non

non solum celeritate mentis ornavit, sed etiam sensus tamquam satellites attribuit, ac nuncios: & rerum plurimarum obscuras & necessarias intelligentias enudavit, quasi fundamenta quaedam scientiae; figuramq. corporis habilem, & aptam ingenio humano dedit. nam cum ceteras animantes abiecisset ad pastum, solum hominem erexit, et ad caeli, quasi cognitionis domicilijq. pristini, conspectum excitavit: tum speciem ita formavit oris, ut in ea penitus reconditos mores effingeret. nam & oculi nimis arguti, quemadmodum animo affecti simus, loquuntur: & is, qui appellatur vultus, qui nullo in animante esse praeter hominem potest, indicat mores: cuius vim Graeci norunt, nomen omnino non habent. Omitto opportunitates habilitatesq. reliqui corporis, moderationem vocis, orationis vim, quae conciliatrix est humanae maxime societatis. neque enim omnia sunt huius disputationis ac temporis: et hunc locum satis, ut mihi videtur, in ijs libris, quos legistis, expressit Scipio. Nunc, quoniam hominem; quod principium reliquarum rerum esse voluit, generavit, & ornavit deus; perspicuum sit illud, ne omnia differantur, ipsam per se naturam longius progredi: quae, etiam nullo docente, profecta ab ijs, quorum ex prima & inchoata intelligentia genera cognovit, confirmat ipsa per se rationem, & perficit. Att. Di immortales, quam tu longe iuris principia repetis, atque ita, ut ego non modo ad illa non properem, quae expectabam a te de

Z iure

D E F A T O

iure civili, sed facile patiar, te hunc diem uel totum in isto sermone consumere. sunt enim haec maiora, quae aliorum causa fortasse complecteris, quam ipsa illa, quorum haec causa praeparantur. M. Sunt haec quidem magna, quae nunc breuiter attinguntur: sed omnium, quae in hominum doctorum disputatione uersantur, nihil est profecto praestabilius, quam plane intelligi, nos ad iustitiam esse natos, neque opinione, sed natura constitutum esse ius. id iam patebit, si hominum inter ipsos societatem coniunctionemque perspexeris. nihil est enim unum unitam simile, tam par, quam omnes inter nosmet ipsos sumus. quod si deprauatio consuetudinem, si opinionum uanitas non imbecillitatem animorum torqueret, & flecteret quocumque coepisset: sui nemo ipse tam similis esset, quam omnes sunt omnium. itaque quaecumque est hominis definitio, una in omnes ualet. quod argumenti satis est, nullam dissimilitudinem esse in genere: quae si esset, non omnes una definitio contineret. etenim ratio, qua una praestamus belluis, per quam coniectura ualemus, argumentamur, refellimus, differimus, conficimus aliquid, concludimus, certe est communis, doctrina differens, discendi quidem facultate par. nam & sensibus eadem omnia comprehenduntur: & ea, quae mouent sensus, itidem mouent omnium: quaeque in animis imprimuntur, de quibus ante dixi, inchoatae intelligentiae, similiter in omnibus imprimuntur: interpresque est mentis oratio, uerbis discrepans,

pans, sententijs congruens. nec est quisquam gentis ullius, qui ducem nactus, ad uirtutem peruenire non possit. Nec solum in rectis, sed etiam in prauis actibus insignis est humani generis similitudo. nam & uoluptate capiuntur omnes: quae etsi est illecebra turpitudinis, tamen habet quidem simile naturalis boni. lenitate enim & suauitate delectans, sic ab errore mentis tamquam salutare aliquid asciscitur. Similiq. inscitia mors fugitur, quasi dissolutio naturae; uita expetitur, quia nos, in quo nati sumus, continet: Dolor in maximis malis ducitur, cum sua asperitate, tum quod naturae interitus uidetur sequi. Propter honestatis, & gloriae similitudinem, beati, qui honorati sunt, uidentur; miseri autem, qui inglorij. Molestiae, laetitiae, cupiditates, timores similiter omnium mentes peruagantur. Nec, si opiniones aliae sunt apud alios, iccirco, qui canem, & felem, ut deos, colunt, non eadem superstitione, qua ceterae gentes, conflantur. Quae autem natio non comitatem, non benignitatem, non gratum animum, et beneficij memorem diligit? quae superbos, quae maleficos, quae crudeles, quae ingratos non aspernatur, non odit? Quibus ex rebus cum omni genus hominum sociatum inter se esse intelligatur; illud extremum est, quod recte uiuendi ratio meliores efficit. Quae si approbatis, pergam ad reliqua: sin quid requiritis, id explicemus prius. Atti. Nos uero nihil: ut pro utroque respondeam. M. Sequitur igitur, ad par-

Z 2 tici.

icipandum alium ab alio, communicandumq. inter omnes, iustos naturā nos esse factos: (atque hoc in omni hac disputatione sic intelligi uolo, quod * dicam naturam esse) tantam autem esse corruptelam malae consuetudinis, ut ab ea tamquam igniculi extinguantur a natura dati, exorianturq. et confirmentur uitia contraria. quod si, quo modo est natura, sic iudicio homines humani, ut ait poeta, nihil a se alienum putarent: coleretur ius aequē ab omnibus. quibus enim ratio natura data est, iisdem etiam recta ratio data est: ergo & lex, quae est recta ratio in iubendo, & uetando: & si lex, ius quoque. at omnibus ratio: ius igitur datum est omnibus. recteq. Socrates execrari eum solebat, qui primus utilitatē a natura seiunxisset. id enim querebatur caput esse exitiorum omnium. unde est illa Pythagorica uox, * Ex quo perspicitur, cum hanc beneuolentiam, tam late longeque. diffusam, uir sapiens in aliquem pari uirtute praeditum contulerit, tum illud effici, quod quibusdam incredibile uideatur, sit autem necessarium, ut nihilo sese plus, quam alterum, diligat. quid enim est, quo differat, cum sint cuncta paria? quod si interesse quippiam tantulum modo potuerit; amicitiae iam nomen occiderit: cuius est ea uis, ut, simul atque sibi aliquid, quam alterit, maluerit, nulla sit. Quae praemuniuntur omnia reliquo sermoni, disputationiq. nostrae, quo facilius ius in natura esse positum intelligi possit. de quo cum per pauca dixero, tum
ad

ad ius civile ueniam, ex quo haec omnis est nata oratio. Q. Tu uero iam perpauca scilicet. ex his enim, quae dixisti, Attico * uidetur, mihi quidem certe, ex natura ortum esse ius. Att. An mihi aliter uideri possit, cum haec iam perfecta sint? primum, quasi muneribus deorum nos esse instructos, & ornatos: secundo autem loco, unam esse hominum inter ipsos uiuendi parem communemque rationem: deinde, omnes inter se naturali quadam indulgentia, & beneuolentia, tum etiam societate iuris contineri. quae cum uera esse, recte, ut arbitror, concesserimus; qui iam licet nobis a natura leges & iura sciungere? M. Recte dicis; & res se sic habet: uerum philosophorum more, non ueterum quidem illorum, sed eorum, qui quasi officinas instruxerunt sapientiae, quae fuisse olim disputabantur, ac libere, ea nunc articulatim distincteque dicuntur. nec enim satisfieri censent huic loco, qui nunc est in manibus, nisi separatim, hoc ipsum naturae esse ius, disputarint. Att. Et scilicet tua libertas differendi amissa est: aut tu is es, qui in disputando non tuum iudicium sequare, sed auctoritati aliorum pareas. M. Non semper ita: sed, iter huius sermonis quod sit, uides: ad resp. firmandas, & stabiliendas iure, sanandos populos, omnis nostra pergit oratio. quocirca uereor committere, ut non bene prouisa, & diligenter explorata principia ponantur: nec tamen ut omnibus probentur: nam id fieri non potest: sed ut ijs, qui omnia recta,

atque honesta per se expetenda dixerunt ; & aut nihil omnino in bonis numerandum , nisi quod per se ipsum laudabile esset ; aut certe nullum habendum magnum bonum , nisi quod uere laudari sua sponte posset . His omnibus (siue in Academia uetere cum Spensippo, Xenocrate, Polemone manserunt : siue Aristotelem, & Theophrastum, cum illis re congruentes, genere docendi paulum differentes, secuti sunt : siue, ut Zenoni uisum est, rebus non commutatis immutauerunt uocabula : siue etiam Aristonis difficilem atque arduam, sed iam tamen fractam & conuictam sectam secuti sunt, ut, uirtutibus exceptis, atque uitijs, cetera in summa aequalitate ponerent) his omnibus haec, quae dixi, probentur. sibi autem indulgentes, & corpori deseruiantes, atque omnia, quae sequantur in uita, quaeq. fugiant, uoluptatibus, & doloribus ponderantes, etiam si uera dicunt, (nihil enim opus est hoc loco litibus) in hortulis suis iubeamus dicere, atque etiam ab omni societate reip. cuius partem nec norunt ullam, nec umquam nosse uoluerunt, paulisper facebant, rogemus. perturbatricem autem harum omnium rerum Academiam, hanc ab Arcesila & Carneade recentem, exoremus, ut si leat. nam si inuasit in haec, quae satis scite nobis instructa et composita uidentur, miras edet ruinas : quam quidem ego placare cupio, submouere non audeo. * Nam & in ijs sine illius sufficientis expiati sumus. at uero scelerum in homi-

nes

nes, atque impietatum, nulla expiatio est. itaque poenas luunt, non tam iudicijs, quae quondam nusquam erat, hodie multifariam nulla sunt; ubi sunt tamen, persaepe falsa sunt; quam ut eos agitent insectenturque furiae, non ardentibus taedis, sicut in fabulis, sed angore conscientiae, fraudisque cruciatu. quod si homines ab iniuria poena, non natura, arcere deberet: quaenam sollicitudo vexaret impios, sublato suppliciorum metu? quorum tamen nemo tam audax umquam fuit, quin aut abnueret a se commissum esse facinus; aut iusli sui doloris causam aliquam fingeret, defensionemque facinoris a naturae iure aliquo quaereret. quae si appellare audent impij, quo tandem studio coluntur a bonis? quod si poena, si metus supplicij, non ipsa turpitudine, deterret ab iniuriosa facinorosaque uita: nemo est iniustus; at incauti potius habendi sunt improbi. tum autem; qui non ipso honesto mouemur, ut boni uiri simus, sed utilitate aliqua atque fructu; callidi simus, non boni. nam quid faciet is homo in tenebris, qui nihil timet, nisi testem, & iudicem? quid in deserto loco, nactus quem multo auro spoliare possit, imbecillum, atque solum? noster quidem hic, natura iustus uir, ac bonus, etiam colloquetur, iuuabit, in uiam deducet: is uero, qui nihil alterius causa faciet, & metietur suis commotis omnia, uidetis, credo, quid sit acturus. quod si negabit se illi uitam erepturum, & aurum ablaturum: numquam ob eam causam negabit, quod id

DE LEGIBVS

natura turpe iudicet, sed quod metuat ne emanet, id est, ne malum habeat. o rem dignam, in qua non modo docti, uerum etiam agrestes erubescant. Iam uero illud stultissimum, existimare omnia iusta esse, quae scita sint in populorum institutis, aut legibus. etiam ne, si quae sint tyrannorum leges? si triginta illi Athenis leges imponere uoluissent; aut si omnes Athenienses delectarentur tyrannicis legibus; num ideo hae leges iustae haberentur? nihilo, credo, magis illa, quam interrex noster tulit, ut dictator, quem uellet ciuium, indicta causa impune posset occidere. est enim unum ius, quo deuincta est hominum societas, & quod lex constituit una, quae lex est recta ratio imperandi, atque prohibendi: quam qui ignorat, is est iniustus, siue illa est scripta usquam, siue nusquam. quod si iustitia est obtemperatio scriptis legibus, institutisq. populorum; et si, ut iidem dicunt, utilitate omnia metienda sunt: negliget leges, easq. perumpet, si poterit, is, qui sibi eam rem fructuosam putabit fore. ita fit, ut nulla sit omnino iustitia, si neque natura est, & ea, quae propter utilitatem constituitur, utilitate alia conuellitur. Atqui, si natura confirmatura ius non erit, uirtutes omnes tollantur. ubi enim liberalitas? ubi patriae caritas? ubi pietas? ubi aut bene merendi de altero, aut referendae gratiae uoluntas poterit existere? nam haec nascuntur ex eo, quod natura propensi sumus ad diligendos homines; quod fundamentum iuris est.

Neque

Neque solum in homines obsequia, sed etiam in
deos caeremoniae, religionesq. tolluntur: quas non
metu, sed ea coniunctione, quae est homini cum
deo, conseruandas puto. quod si populorum iussis,
si principum decretis, si sententijs indicum, iura
constituerentur: ius esset latrocinari, ius adultera-
re, ius testamenta falsa supponere, si haec suffra-
gijs, aut scitis multitudinis probarentur. quae si
tanta potestas est stultorum sententijs, atque ius-
sis, ut eorum suffragijs rerum natura uertatur: cur
non sanciant, ut, quae mala, perniciosaq. sunt, ha-
beantur pro bonis, ac salutaribus? aut cur, cum
ius ex iniuria lex facere possit, bonum eadem fa-
cere non possit ex malo? atqui nos legem bonā a ma-
la nulla alia, nisi naturae, norma diuidere possumus:
nec solum ius, & iniuria natura diiudicatur, sed
omnino omnia honesta, ac turpia. nam & commu-
nis intelligentia nobis notas res efficit, eaq. in ani-
mis nostris inchoant, ut honesta in uirtute ponan-
tur, in uitijs turpia. Haec autem in opinione existi-
mare, non in natura posita, uere dementis est.
nam nec arboris, nec equi uirtus quae dicitur, in quo
abutimur nomine, in opinione sita est; sed in natu-
ra. quod si ita est; honesta quoque, & turpia natu-
ra diiudicanda sunt. nam si opinione uniuersa uir-
tus, eadem eius etiam partes probarentur. quis igitur
prudentem, & ut ita dicam, catum non ex ip-
sius habitu, sed ex aliqua re externa iudicet? Est e-
nim uirtus perfecta ratio: quod certe in natura est:
igitur

DE LEGIBVS

igitur omnis honestas eodem modo. nam ut uera
 & falsa, ut consequentia & contraria sua sponte,
 non aliena, iudicantur: sic constans & perpetua ra-
 tio uitae, quae est uirtus, itemq. inconstantia, quod
 est uitium, sua natura probatur. Nos ingenia iuue-
 num non item ad ingenia: natura uirtutes, & ui-
 tia, quae existunt ab ingenijs, iudicabuntur. an ea
 non aliter? honesta, & turpia non ad naturam re-
 ferri necesse erit? Quod laudabile bonum est, in se
 habeat quod laudetur necesse est. ipsum enim bo-
 num non est in opinionibus, sed in natura: nam ni
 ita esset, beati quoque opinioni essent. quo quid di-
 ci potest stultius? Quare cum & bonum, & ma-
 lum natura indicetur; & ea sint principia naturae;
 certe honesta quoque & turpia simili ratione iudi-
 canda, & ad naturam referenda sunt. Sed pertur-
 bat nos opinionum uarietas, hominumq. dissensio:
 & quia non idem contingit in sensibus, hos natura
 certos putamus; illa, quae alijs sic, alijs secus, nec
 ijsdem semper uno modo uidentur, ficta esse dici-
 mus. quod est longe aliter. nam sensus nostros non
 parens, non nutrix, non magister, non poeta, non
 scena deprauat, non multitudinis consensus abducit
 a uero: animis omnes tenduntur insidiae, uel ab ijs,
 quos modo enumeraui, qui teneros & rudes cum
 acceperunt, inficiunt & flectunt, ut uolunt; uel ab
 ea, quae penitus in omni sensu implicata insidet imi-
 tatrix boni uoluptas, malorum autem mater om-
 nium; cuius blanditijs corrupti, quae natura bona
 sunt,

sunt; quia dulcedine hac & scabie carent, non cernimus satis. Sequitur, ut conclusa mihi iam haec sit omnis oratio, id quod ante oculos ex ijs est, quae dicta sunt, & ius, & omne honestum sua sponte esse expetendum. etenim omnes uiri boni ipsam aequitatem, & ius ipsum amant: nec est uiri boni, errare, & diligere, quod per se non sit diligendum. per se igitur ius est expetendum, & colendum. quod si ius: etiam iustitia: sic in ea reliquae quoque uirtutes per se colendae sunt. quid liberalitas? gratuita ne est, an mercenaria? si sine praemio benigna est, gratuita: si cum mercede, conducta. nec est dubius, quin is, qui liberalis benignus uel dicitur, officium, non fructum, sequatur. ergo item iustitia nihil expetit praemij, nihil pretij: per se igitur expetitur. eademque omnium uirtutum causa, atque sententia est. Atque etiam, si emolumentis, non suapte sponte, uirtus expetitur; una erit uirtus, quae malitia rectissime decetur. ut enim quisque maxime ad suum commodum refert quaecumque agit, ita minime est uir bonus: ut, qui uirtutem praemio metiuntur, nullam uirtutem nisi malitiam putent. Vbi enim beneficus, si nemo alterius causa benigne facit? ubi gratus, si non eum ipsum, cur referunt gratiam, ipsi cernunt grati? ubi illa sancta amicitia, si non ipse amicus per se amatur toto pectore, ut dicitur? qui etiam deserendus, & abiiciendus est, desperatis emolumentis, & fructibus. quo quid potest dici immanius? quod si amicitia per se colenda est; societas

DE LEGIBVS

tas quoque hominum, & aequalitas, & iustitia per
se expetenda. quod ni ita est; omnino iustitia nulla
est. id enim iniustissimum ipsum est, iustitiae merce
dem quaerere. Quid uero de modestia, quid de tem
perantia, quid de continentia, quid de uerecundia,
pudore, pudicitiaq. dicemus? infamiae ne metu non
esse petulantes, an legum, & iudiciorum? innocen
tes ergo & uerecundi sunt, ut bene audiant, &
ut rumore bonum colligant, erubescunt pudici
etiam * Ac me nimirum istorum philosophorum
pudet, qui nullum uitium uitare, nisi iudicio ipso
notatum, putant. quid enim? possumus eos, qui a
stupro arcentur infamiae metu, pudicos dicere, cum
ipsa infamia propter rei turpitudinem cōsequatur?
nam quid aut laudari rite, aut uituperari potest, si
ab eius natura recesseris, quod aut laudandum, aut
uituperandum putes? an corporis prauitates, si
erunt perinsignes, habebunt aliquid offensionis;
animi deformitas non habebit? cuius turpitudine ex
ipsis uitijs facillime perspicitur. quid enim foe
dius auaritia, quid immanius libidine, quid contem
ptius timiditate, quid abiectius tarditate, & stul
titia dici potest? quid ergo? eos, qui singulis uitijs
excellunt, aut etiam pluribus, propter damna,
aut detrimenta, aut cruciatus aliquos, miseros dici
mus, an propter uim, turpitudinemq. uitiorum?
quod item ad contrariam laudem in uirtutem dici
potest. Postremo, si propter alais res uirtus expe
titur; melius esse aliquid, quam uirtutem, necesse
est.

est. Pecuniam ne igitur? an honores? an formam?
an ualitudinem? quae & cum adsunt, perparua
sunt; & , quam diu affutura sint, certum sciri nul-
lo modo potest. An, id quod turpissimum dictu est,
uoluptatem? at in ea quidem spernenda, & repu-
dianda, uirtus uel maxime cernitur. Videtis ne,
quanta series rerum sententiarumq. sit, atque ut
ex alio alia neſtantur? quin labebar longius, nisi
me retinuissim. Q. Quo tandem? libenter enim,
frater, ad istam orationem tecum prolaberer. M.
Ad finem bonorum, quo referuntur, & cuius ascen-
dendi causa sunt facienda omnia, controuersam
rem, & plenam diffensionis inter doctissimos, sed
aliquando tamen iudicandam. A. Qui istud fieri
potest, L. Gellio mortuo? M. Quid tandem id ad-
re? A. Quia me Athenis audire ex Phaetro meo
memini, Gellium, familiarem tuum, cum procon-
sul ex praetura in Graeciam uenisset, Athenis phi-
losophos, qui tum erant, in locum unum conuocasse,
ipsisq. magnopere auctorem fuisse, ut aliquando
controuersiarum aliquem facerent modum: quod si
essent eo animo, ut nollent aetatem in litibus contere-
re, posse rem conuenire: & simul operam suam il-
lis esse pollicitum. M. Ioculare istud quidem, Pom-
poni, & a multis saepe derisum: sed ego plane uel-
lem, me arbitrum inter antiquam Academiam, &
Zenonem datum. Att. Quo tandem istud modo?
M. Quia de re una solum dissident, de ceteris mi-
rifice congruunt. A. Ain tandem? de una re est
solum

solum dissensio? M. Quae quidem ad rem perti-
 neat, una: quippe cum antiqui omnes, quod secun-
 dum naturam esset, quo iuuaremur in uita, bonum
 esse decreuerint; hic, nisi quod honestum esset, ni-
 hil putarit bonum. A. Paruam uero controuer-
 siam dicis, ac non eam, quae dirimat omnia. M.
 Probe quidem sentis, si re, ac non uerbis, disside-
 rent. A. Ergo assentiris Antiocho, familiari meo,
 (magistro enim, non audeo dicere) quo cum uixi,
 & qui me ex nostris paene conuellit hortulis, dedu-
 xitq. in Academiam perpauca passibus. M. Vir
 iste fuit ille quidem prudens, & acutus, & in suo
 genere perfectus, mihiq. ut scis, familiaris: cui
 tamen ego assentiar in omnibus, nec ne, mox uide-
 ro: hoc dico, controuersiam totam istam posse se-
 dari. A. Qui istuc tandem uides? M. Quia si, ut
 Chius Aristo dixit, solum bonum esse diceret, quod
 honestum esset; malumque, quod turpe; ceteras
 res omnes plane pares, ac ne minimum quidem,
 utrum adessent, an abessent, interesse: ualde a Xe-
 nocrate, & Aristotele, & ab illa Platonis fami-
 lia discreparet; essetq. inter eos de re maxima, &
 de omni uiuendi ratione dissensio: nunc uero cum de-
 cus, quod antiqui summum bonum esse dixerant,
 hic solum bonum dicat; itemq. dedecus illi sum-
 mum malum, hic solum; diuitias, ualetudinem,
 pulchritudinem, commodas res appellet, non bo-
 nas; paupertatem, debilitatem, dolorem, incom-
 modas, non malas: sentit idem, quod Xenocrates,
 quod

quod Aristoteles ; loquitur alio modo . Ex hac autem non rerum , sed uerborum discordia , controuersia nata est de finibus : in qua , quoniam usucapionem xii tabulae intra quinque pedes esse noluerunt , depasci ueterem possessionem Academiae ab hoc acuto homine non sinemus ; nec Mamiliam legem singuli , sed nos tres arbitri fines regemus . Q. Quānam igitur sententiam dicimus ? M. requiri placere terminos , quos Socrates pegerit , ijsq. parere . Q. Praeclare , frater , iam nunc a te uerba usurpantur ciuilis iuris , & legum : quo de genere expecto disputationem tuam . nam ista quidem magna diiudicatio est , ut ex te ipso saepe cognoui . & certe ita res se habent , ut , ex natura uiuere , summum bonum sit , id est , uita modica , & apta , uirtute perfrui , aut naturam sequi , & eius quasi lege uiuere , id est , nihil , quantum in ipso sit , praetermittere , quo minus ea , quae natura postulet , consequatur ; quod inter haec uelit uirtute tamquam lege uiuere . quapropter hoc diiudicari , nescio an umquam , sed hoc sermone certe non potest : siquidem id , quod suscepimus , perfecturi sumus . Att. At ego huc declinabam , nec inuitus . Q. Licebit alias : nunc id agamus , quod coepimus , cum praesertim ad id nihil pertineat haec de summo malo bonoq. dissensio . M. Prudentissime , Quinte , dicis . nam , quae a me adhuc dicta sunt , *

Q. Nec Lycurgi leges , neque Solonis , neque Charondae , neque Zaleuci , nec nostras xii tabulas ,

D E L E G I B V S

las, nec plebiscita desidero: sed te existimo cum populis, tum etiam singulis hodierno sermone legem uiuendi, & disciplinam daturum esse. M. Est huius uero disputationis, Quincte, proprium id, quod expectas, atque utinam esset etiam facultatis meae: sed profecto ita se res habet, ut, quoniam uitiorum emendatricem legem esse oportet, commendatricemq. uirtutum, ab ea uiuendi doctrina ducatur. ita fit mater bonarum omnium rerum sapientia: a cuius amore, graeco uerbo, philosophia nomen inuenit: qua nihil a dijs immortalibus uberius, nihil florentius, nihil praestabilius hominum uitae datum est. haec enim una nos cum ceteras res omnes, tum, quod est difficillimum, docuit, ut nosmet ipsos nosceremus. cuius praecepti tanta uis, tanta sententia est, ut ea non homini cupiam, sed Delphico deo tribueretur. nam qui se ipse norit, primum aliquid se habere sentiet diuinum; ingeniumq. in se suum, sicut simulacrum aliquod, dedicatum putabit; tantoq. munere deorum semper dignum aliquid & faciet, & sentiet; &, cum se ipse perspexerit, totumq. tentarit, intelliget quemadmodum a natura subornatus in uitam uenerit, quantaq. instrumenta habeat ad obtinendam adipiscendamq. sapientiam; quoniam principio, rerum omnium quasi adumbratas intelligentias animo ac mente conceperit, quibus illustratis sapientia duce, bonum uirum, & ob eam ipsam causam cernat se beatum fore. nam cum animus, cognitio perceptisq. uirtutibus,

tibus, a corporibus obsequio indulgētiaq. discesserit, uoluptatemque, sicut labem aliquam, decoris, oppresserit; omnemq. mortis dolorisq. timorem effugerit; societatemq. caritatis coierit cum suis; omnesq. natura coniunctos suos duxerit; cultumq. deorum, & puram religionem susceperit; & excuerit illam, ut oculorum, sic ingenij aciem ad bona deligenda, & reiicienda contraria; quae uirtus ex prouidendo est appellata prudentia: quid eo dici, aut cogitari poterit beatius? idemq. tum caelum, terras, maria, rerumq. omnium naturam perspexerit; eaque unde generata, quo reditura, quando, quo modo obitura, quid in ijs mortale & caducum, quid diuinum aeternumq. sit, uiderit; ipsumq. ea moderantem et regentem paene prebenderit; seseq. non unis circumdatum moenibus popularem alicuius definiti loci, sed ciuem totius mundi quasi unius urbis agnouerit: in hac ille magnificētia rerum, atque in hoc conspectu & cognitione naturae, dii immortales, quam se ipse noscet, quod Apollo praecepit Pythius; quam contemnet, quam despiciet, quam pro nihilo putabit ea, quae uulgo dicuntur amplissima. Atque haec omnia, quasi seipimento aliquo, uallabit differendi ratione, ueri & falsi iudicandi scientia, & arte quadam intelligendi quid quaque rem sequatur, & quid sit cuique contrarium. cumq. se ad civilem societatem natum senserit; non solum illa subtili disputatione sibi utendum putabit, sed etiam fusa latius

AA perpe-

DE LEGIBVS

perpetua oratione, qua regat populos, qua flabiat leges, qua castiget improbos, qua tueatur bonos, qua laudet claros uiros, qua praecepta salutis & laudis apte ad persuadendum edat suis ciuibus, qua hortari ad decus, reuocare a flagitio, consolari possit afflictos, factaq. & consulta fortium & sapientum cum improborum ignominia sempiternis monumentis prodere. quae cum tot res tantaeq. sint, quae in homine inesse perspiciantur ab ijs, qui se ipsi uelint nosse; earum parens est educatrixq. sapientia. Att. Laudata quidem a te grauiter, & uere: sed quorsus haec pertinent? M. primum ad ea, Pomponi, de quibus acturi iam sumus: quae tanta esse uolumus. non enim erunt, nisi ea fuerint, unde illa manant, amplissima. deinde facio & libenter, & ut spero, recte, quod eam, cuius studio teneor, quaeq. me, quicumque sum, effecit, non possum silentio praeterire. A. Enimuero facis & merito, & ipse; fuitq. id, ut dicis, in hoc sermone faciendum.

M. TVLLII

M. TVLLII CICERONIS
DE LEGIBVS

LIBER II.

ATTICVS.

S ED uis ne, quoniam & satis iam ambulatum est, & tibi aliud dicendi initium sumendum est, locum mutemus, & in insula, quae est in Fibreno, (nam id opinor illi alteri flumini nomen esse) sermoni reliquo demus operam sedentes? M. Sane quidem. nam illo loco libentissime soleo uti, siue quid mecum ipse cogito, siue aliquid scribo, aut lego. Att. Equidem, qui nunc primum huc uenerim, satiari non queo; magnificasq. uillas, & pauimenta marmorea, & laqueata tecta contemno. ductus uero aquarum, quos isti nilos & euripos uocant, quis non, cum haec uideat, irriserit? itaque, ut tu paullo ante, de lege & de iure differens, ad naturam referebas omnia: sic in his ipsis rebus, quae ad quietem animi delectationemq. quaeruntur, natura dominatur. quare antea mirabar, (nihil enim his in locis, nisi saxa, & montes, cogitabam: idq. ut facerem, & orationibus inducebar tuis, & uersibus) sed mirabar, ut dixi, te tam ualde hoc loco delectari: nunc contra miror, te, cum Roma absis, usquam potius esse. M. Ego uero, cum licet

AA 2 plures

DE LEGIBVS

plures dies abesse, praesertim hoc tempore anni, et
 amoenitatem, & salubritatem hanc sequor. raro
 autem licet. sed nimirum me alia quoque causa de-
 lectat, quae te non attingit ita. Att. Quae tandem
 ista causa est? M. Quia, si uerum dicimus, haec est
 mea, & huius fratris mei germana patria. hinc
 Senim orti stirpe antiquissima sumus: hic gens, hic
 sacra, hic maiorum multa uestigia. quid plura?
 hanc uides uillam, ut nunc quidem est, lautius aedi-
 ficatam patris nostri studio: qui cum esset infirma
 ualeitudine, hic fere aetatem egit in litteris: sed hoc
 ipso in loco, cum auus uiueret, & antiquo more
 parua esset uilla, ut illa Curiana in Sabinis, me sci-
 to esse natum. quare inest nescio quid, & latet in
 animo ac sensu meo, quo me plus hic locus fortas-
 se delectet: siquidem etiam ille sapientissimus uir,
 Ithacam ut uideret, immortalitatem scribitur re-
 pudiasse. Att. ego uero tibi istam iustam causam
 puto, cur huc libentius uenias, atque hunc locum
 diligas. quin ipse, uere dicam, sum ipsi uillae ami-
 cior modo factus, atque huic omni solo, in quo tu
 ortus, & procreatus es. mouemur enim, nescio
 quo pacto, locis ipsis, in quibus eorum, quos dili-
 gimus, aut admiramur, adsunt uestigia. me quidem
 ipsae illae nostrae Athenae non tam operibus magni-
 ficis, exquisitisque antiquorum artibus delectant,
 quam recordatione summorum uirorum, ubi quis-
 que habitare, ubi sedere, ubi disputare sit solitus:
 studioseque eorum etiam sepulcra contemplor. qua-
 re

*De lege Agraria
 3.^a lib.*

re istum, ubi tu es natus, plus amabo posthac locum. M. Gaudeo igitur me incunabula paene mea tibi ostendisse. Att. Et quidem, me cognosse, admodum gaudeo. sed illud tamen quale est, quod paullo ante dixisti. hunc locum (idem ego te accipio dicere Arpinum) germanam patriam esse uestram? num quid nos duas habetis patrias? an ne est una illa patria communis? nisi forte sapienti illi Catoni fuit patria non Roma, sed Tusculum. M. Ego mehercule & illi, & omnibus municipibus duas esse censeo patrias, unam naturae, alteram ciuitatis: ut ille Cato, cum esset Tusculi natus, in populi R. ciuitatem susceptus est. ita, cum ortus Tusculanus esset, ciuitate Romanus, habuit alteram loci patriam, alteram iuris: ut uestri Attici, prius quam Theseus eos demigrare ex agris, & in astu, quod appellatur, omnes conferre se iussit, & Sunij erant iidem, & Attici: sic nos & eam patriam dicimus, ubi nati, & illam, qua excepti sumus. sed necesse est caritate eam praestare, qua reip. nomen uniuersae ciuitatis est: pro qua mori, & cui nos totos dedere, & in qua nostra omnia ponere, & quasi consecrare debemus. dulcis autem non multo secus est ea, quae genuit, quam illa, quae exceptit. itaque ego hanc meam esse patriam prorsus numquam negabo, dum illa sit maior, & haec in ea contineatur. Att. Recte igitur Magnus ille noster, me audiente, posuit in iudicio, cum pro Balbo tecum simul diceret, remp. nostram

AA 3 in-

in Cat
2.124.

DE LEGIBVS

iustissimas huic municipio gratias agere posse, quod ex eo duo sui conseruatores extitissent: ut iam uidear adduci, hanc quoque, quae te procreauit, esse patriam tuam. Sed uentum in insulam est. hac uero nihil est amoenius. ut enim hoc quasi rostro finditur Fibrenus; & diuisus aequaliter in duas partes latera haec alluit; rapideq. dilapsus, cito in unū confluit; & tantum complectitur, quod satis sit modicae palestrae, loci: quo effecto, tamquam id habuerit operis, ac muneris, ut hanc nobis efficeret sedem ad disputandum, statim praecipitat in Lirem, & quasi in familiam patriciam uenerit, amittit nomen obscurius, Liremque multo gelidiorē facit. nec enim ullum hoc frigidius flumen attingi, cū ad multa accesserim; ut uix pede tentare id possim: quod in Phaedro Platonis facit Socrates. M. Est uero ita: sed tamen huic amoenitati, quemadmodum ex Quinto saepe audio, Thebanus Epirotes tuus ille nihil, opinor, concesserit. Q. Est ita, ut dicis. caue enim putes Attici nostri Aemathio platanisq. illis quidquā esse praeclarius. sed, si uidetur, considamus hic in umbra, atque ad eam partem sermonis, ex qua egressi sumus, reuertamur. M. Praeclare exigis, Quinte: at ego effugisse arbitrabar: & tibi horum nihil deberi potest. Q. Ordire igitur: nam hunc tibi totum dicamus diem. M. Ab Ioue Musarum primordia, sicut in Aratio carmine orsi sumus. Q. Quorsum istuc? M. Quia nunc itidem ab eodem, & a ceteris dijs immortalibus
sunt

sunt nobis agendi capienda primordia. Q. optime
 uero, frater: & fieri sic decet. M. Videamus igitur
 rursus prius, quam aggrediamur ad leges singulas,
 uim naturamq. legis: ne, cum referenda sint
 ad eam nobis omnia, labamur interdum errore
 sermonis; ignoremusq. uim sermonis eius, quo
 iura nobis definienda sint. Q. Sane quidem hercule:
 & est ista recta docendi uia. M. Hanc igitur uideo
 sapientissimorum fuisse sententiam, legem neque
 hominum ingenijs excogitatam, nec scitum aliquod
 esse populorum; sed aeternum quiddam, quod uni-
 uersum mundum regeret, imperandi prohibendiq.
 sapientiam, ita principem legem illam, & ultimam,
 mentem esse dicebant, omnia ratione aut cogentis,
 aut uetantis dei: ex qua illa lex, quam dii humano
 generi dederunt, recte est laudata. est enim ratio
 mensq. sapientis ad iubendum, & ad deterrendum
 idonea. Q. Aliquoties iam iste locus a te tactus
 est: sed, ante quam ad populares leges uenias, uim
 istius caelestis legis explana, si placet; ne aestus nos
 consuetudinis absorbeat, & ad sermonis mo-
 rem usitati trahat. M. A paruis enim, Quin-
 cte, didicimus, Si in ius uocat, atque eius-
 modi alias leges nominare. Sed uero intelligi sic
 oportet, & haec, & alia iussa ac uerba populorum,
 uim non habere ad recte facta uocandi, & a pec-
 cati auocandi: quae uis non modo senior est, quam
 aetas populorum, & ciuitatum, sed aequalis illius,
 caelum atque terras tuentis & regentis, dei. neque

A. A. 4 enim

DE LEGIBVS

enim esse mens diuina sine ratione potest: nec ratio diuina non hanc uim in rectis paruisq. sancien-
dis habet. nec, quia nusquam erat scriptum, ut
contra omnes hostium copias in ponte unus adside-
ret, a tergoq. pontem interscindi iuberet, iccirco
minus *Coclitem* illum rem gessisse tantam fortitudi-
nis lege atque imperio putabimus. nec si, regnan-
te L. Tarquinio, nulla erat Romae scripta lex de
stupris, iccirco non contra illam legem sempiter-
nam Sex. Tarquinius uim Lucretiae, Tricipitini fi-
liae, attulit. erat enim ratio, profecta a rerum na-
tura, & ad recte faciendum impellens, & a de-
licto auocans: quae non tum denique incipit lex es-
se, cum scripta est, sed tum, cum orta est: orta est
autem simul cum mente diuina. Quamobrem lex
uera, atque princeps, apta ad iubendum, & ad
uetandum, ratio est recta summi Iouis. Q. Af-
sentior, frater, ut, quod est rectum, uerum quo-
que sit, neque cum litteris, quibus scita scribun-
tur, oriatur, aut occidat. M. Ergo ut illa diuina
mens, summa lex est; item, quod in homine est
perfectum, est in mente sapientis. quae sunt autem
uarie, & ad tempus descripta populis, fauore
magis, quam re, legum nomen tenent. omnem
enim legem, quae quidem recte lex appellari pos-
sit, esse laudabilem, quibusdam talibus argumen-
tis docent. Constat profecto, ad salutem ciuium,
ciuitatumq. incolumitatem, uitamq. hominum &
quietam, & beatam inuentas esse leges; eosque,
qui

qui primum eiusmodi scita sanxerint, populis ostendisse se ea scripturos, atque laturus, quibus illi adscriptis susceptisque, honeste, beateque uiuerent; quae cum ita composita sanctaque essent, eas leges uidelicet nominarent. ex quo intelligi par est, eos, qui perniciose et iniusta populis iussa descripserint, cum contra fecerint, quam polliciti professique sint, quiduis potius tulisse, quam leges: ut perspicuum esse possit, in ipso nomine legis interpretando inesse uim & sententiam iusti et iuris legendi. Quaero igitur a te. Quin et, sicut illi solent; quo si ciuitas careat, ob eam ipsam causam, quod eo careat, pro nihilo habenda sit, id est ne numerandum in bonis? Q. Ac maximis quidem. M. Lege autem carens cuius est ne ob ipsum habenda nullo loco? Q. Dici aliter non potest. M. Necesse est igitur legem haberi in rebus optimis. Q. prorsus assentio. M. Quid, quod multa perniciose, multa pestifere sciscuntur in populis, quae non magis legis nomen attingunt, quam si latrones aliqua concessu suo sanxerint? nam neque medicorum praecepta dici uere possent, si quae insciji imperitiq. pro salutaribus mortifera conscripserint; neque in populo lex, cuiusmodi fuerit illa, etiam si perniciosum aliquid populus acceperit. ergo est lex iustorum iniustorumque distinctio, ad illam antiquissimam, & rerum omnium principem expressa naturam, ad quam leges hominum diriguntur, quae supplicio improbos efficiunt, defendunt ac tuentur bonos.

Q. Prae-

Q. Praeclare intelligo: nec uero iam aliam esse ul-
 lam legem puto non modo habendam, sed ne appel-
 landam quidem. M. Igitur Titias, & Appuleias
 leges nullas putas? Q. Ego uero ne Liuias quidem.
 M. Et recte, quae praesertim uno uersiculo senatus,
 puncto temporis, sublatae sint. lex autem illa, cu-
 ius uim explicaui, neque tolli, neque abrogari po-
 test. Q. Eas tu igitur leges rogabis uidelicet, quae
 numquam abrogentur? M. Certe, si modo acce-
 ptae a duobus uobis erunt. sed, ut uir doctissimus
 fecit Plato, atque idem grauissimus philosopho-
 rum omnium, qui princeps de rep. conscripsit, idemq.
 separatim de legibus eius, id mihi credo esse facien-
 dum, ut, prius quam ipsam legem recitem, de eius
 legis laude dicam: quod idem & Zaleucum, &
Charondam fecisse uideo: cum quidem illi non stu-
 dij, & delectationis, sed reip. causa leges ciuita-
 tibus suis scripserint: quos imitatus Plato, uideli-
 cet hoc quoque legis putauit esse, persuadere ali-
 quid, non omnia ui ac minis cogere. Q. Quid,
 quod Zaleucum istum negat ullum fuisse Timaeus?
 M. At Teophrastus auctor, haud deterior, mea
 quidem sententia: meliorem multi nominant: com-
 memorant uero ipsius ciues, nostri clientes, Locri.
 sed siue fuit, siue non fuit, nihil ad rem: loquimur,
 quod traditum est. Sit igitur hoc iam principio per-
 suasum ciuibus, dominos esse omnium rerum, ac
 moderatores deos, eaque, quae gerantur, eorum
 gerini, ditione, atque numine, eosdemq. optime
 de

de genere hominum mereri, & qualis quisque sit, quid agat, quid in se admittat, qua mente, qua pietate colat religiones, intueri, piorumq. & impiorum habere rationem. his enim rebus imbutae mentes haud sane abhorrebunt ab utili & a uera sententia. quid est enim uerius, quam neminem esse oportere tam stulte arrogantem, ut in se rationem & mentem putet inesse, in caelo mundoq. non putet? aut ut ea, quae uix summa ingenij ratione comprehendat, nulla ratione moueri putet? quem uero astrorum ordines, quem dierum noctiumq. uicissitudines, quem mensium temperatio, quemq. ea, quae gignuntur nobis ad fruendum, non gratum esse cogunt, hunc hominem omnino numerari qui decet? cumq. omnia, quae rationem habent, praestent ijs, quae sint rationis expertia; nefasq. sit dicere, ullam rem praestare naturae omnium rerum: rationem inesse in ea, confitendum est. Vtiles esse autem has opiniones, quis neget? cum intelligat quam multa firmentur iureiurando, quantae salutis sint foederum religiones, quam multos diuini supplicij metus a scelere renocarit, quamq. sancta sit societas ciuium inter ipsos, dijs immortalibus interpositis tum iudicibus, tum testibus. Habes legis prooemium: sic enim hoc appellat Plato. Q. Habeo uero, frater, et in hoc admodum delector, quod in alijs rebus, alijsq. sententijs uersaris, atque ille. nihil enim tam dissimile est, quam uel ea, quae ante dixisti, uel hoc ipsum legis exordium. unū illud mihi

DE LEGIBVS

hi uideris imitari orationis genus. M. Vellē fortasse: quis enim id potest, aut umquā poterit imitari? nā sententias interpretari persacile est: quod quidem ego facerem, nisi plane esse uellem meus. quid enim negotij est, eadem prope uerbis iisdem conuersa dicere? Q. Prorsus assentior: uerum, ut modo tute dixisti, te esse malo tuum. sed iam exprome, si placet, istas leges de religione. M. Expromam equidem, ut potero; & quoniam & locus, & sermo familiaris est, legum leges uoce proponam. Q. Quidnam id est? M. Sunt certa legum uerba, Quinte, neque ita prisca, ut in ueteribus ijs sacratisq. legibus, & tamen, quo plus auctoritatis habeant, paullo antiquiora, quam hic sermo est. eum morem igitur cum breuitate, si potero, consequar. leges autem a me edentur non perfectae, nam esset infinitum, sed ipsae summae rerum, atque sententiae. Q. Ita uero necesse est. quare audiamus. M. Ad diuos adeunto caste: pietatem adhibento: opes amouento: qui secus faxit, deus ipse uindex erit. separatim nemo habesit deos, ne ue nouos: sed ne aduenas, nisi publice adscitos, priuatim colunto. constructa a patribus delubra in urbibus habento: lucos in agris habento: & larum sedes, ritus familiae, patrumq. seruant. diuos, & ollos, qui caelestes semper habiti, colunto: & ollos, quos endo caelum merita uocauerint, Herculem, Liberum, Aesculapium

culapium, Castorem, Pollucem, Quirinum,
ast olla, propter quae datur homini ascen-
sus in caelum, Mentem, Virtutem, Pieta-
tem, Fidem: earumq. laudum delubra fun-
to, nec ulla uitiorum. sacra sollemnia obe-
unto. feriis iurgia amouento; easq. in fa-
mulis, operibus patratis, habento: itaque,
ut ita cadat in annuis anfractibus, descri-
tum esto: certasq. fruges, certasq. bacas sa-
cerdotes publice libanto, hoc certis sacrifi-
ciis ac diebus: itemq. alios ad dies ubertatem
lactis feturaeq. seruant. id quod ne com-
mitti possit, ad eam rem ratione cursus an-
nuos sacerdotes finiunto: quaeq. quoiq. di-
uo, decorae, grataeq. sint hostiae, prouiden-
to: diuisq. aliis sacerdotes, omnibus pontifi-
ces, singulis flamines sunt: uirginesq. Ve-
stales in urbe custodiunto ignem foci publici
sempiternum: quoq. haec priuatim & publi-
ce modo rituq. fiant, discunt ignaria pu-
blicis sacerdotibus: eorum autem duo gene-
ra sunt; unum, quod praesit caerimoniis, &
sacris; alterum, quod interpretetur fatidico-
rum & uatum effata incognita, quom senatus
populusq. adsciuerit: interpretes autem Io-
uis optimi maximi publici augures signis,
& auspiciis postea uident, disciplinam te-
nento: sacerdotes uineta, uirgetaque, &
salutem

DE LEGIBVS

salutem populi auguranto : quiq. agent rem
 duelli, quiq. popularem, auspicium praemo-
 nento: olli. obtemperanto: diuorumq. iras
 prouidento, iisq. apparento: caeliq. fulgura
 regionibus ratis temperanto: urbemque, a-
 gros, & templa, liberata, & effata habento:
 quaeq. augur iniusta, nefasta, uitiosa, dira de-
 fixerit, irrita infectaq. sunt: quiq. non parue-
 rit, capital esto: foederum, pacis, belli indu-
 tiarum, oratorum, fetiales iudices sunt: bella
 disceptanto: prodigia, portenta ad Etruscos
 & haruspices, si senatus iussit, deferunto: E-
 truriaq. principes disciplinam doceto: quibus
 diuis creuerint, procuranto: iidemq. fulgu-
 ra, atque obstita pianto: nocturna mulie-
 rum sacrificia ne sunt, praeter olla, quae
 pro populo rite fient: ne ue quem initiant,
 nisi, ut assolet, Cereri, Graeco sacro: sacrum
 commissum, quod neque expiari poterit, im-
 pie commissum esto: quod expiari poterit,
 publici sacerdotes expianto: ludis publicis
 quod sine curriculo, sine certatione corpo-
 rum fiant, popularem laetitiam in cantu,
 & fidibus, tibiis moderanto, eamq. cum di-
 uum honore iungunto: ex patriis ritibus o-
 ptima colunto: praeter Idaeae matris famu-
 los, eosq. iustis diebus, ne quis stipem co-
 gito: sacrum sacro ue commendatum qui
 cleplit,

clepsit, rapsitque, paricida esto: periurii poena diuina, exitium; humana, dedecus: incestum pontifices supremo supplicio sanciunto: impius ne audeto placare donis iram deorum: caute uota reddunto: poena uiolati iuris esto: ne quis agrum consecrato: auri, argenti, eboris sacrandi modus esto: sacra priuata perpetua manento: deorum manium iura sancta sunt: homines leto datos diuos habento: sumptum in ollos, luctumq. remouento.

Att. Conclufa quidem est ate tam magna lex sane quam breui: & , ut mihi quidem uidetur, non multum discrepat ista constitutio religionum a legibus Numae, nostrisq. moribus. M. An censes, cum in illis de rep. libris persuadere uideatur Africanus, omnium rerump. nostram ueterem illam fuisse optimam, non necesse esse optimae reip. leges dare consentaneas? Att. Immo prorsus ita censeo. M. Ergo adeo. expectate leges, quae genus illud optimum reip. contineant: & , si quae forte a me hodie rogabuntur, quae non sint in nostra rep. nec fuerint, tamen erant fere in more maiorum, qui tum, ut lex, ualebat. Att. Suade igitur, si placet, istam ipsam legem; ut ego, uti rogas, possim dicere. M. An tandem, Attice, non es dicturus aliter? Att. Prorsus maiorem quidem rem nullam sciscam aliter: in minoribus, si uoles, remittam hoc tibi. atque mea quidem sententia est. M. At, ne longum fiat, uidete.

DE LEGIBVS

de. Att. *Vtinam quidem: quid enim agere malumus? M. Caste iubet lex adire ad deos, animo uidelicet, in quo sunt omnia: nec tollit castimoniam corporis: sed hoc oportet intelligi, cum multum animus corpori praestet, obserueturq. ut casta corpora adhibeantur, multo esse in animis id seruandum magis. nam incestum uel aspersione aquae, uel dierum numero tollitur, animi labe nec diuturnitate uanescens, nec manibus ullis elui potest. Quod autem pietatem adhiberi, opes amoueri iubet: significat probitatem gratam esse deo, sumptum esse remouendum. quid est enim, cum paupertatem diuitijs etiam inter homines esse aequalem uelimus, cur eam, sumptu ad sacra adhibito, deorum aditu arceamus; praesertim cum ipsi deo nihil minus gratum futurum sit, quam non omnibus patere ad se placandum & colendum uiam. Quod autem non iudex, sed deus ipse iudex constituitur: praesentis poenae metu religio confirmari uidetur. Suosq. deos aut nouos, aut alienigenas coli, confusionem habet religionum, & ignotas caerimonias, non a sacerdotibus, non a patribus acceptos. Deos ita placet coli, si huic legi paruerint ipsi. Patrum delubra esse in urbibus censeo: nec sequor magos Persarum: quibus auctoribus Xerxes inflammasse templa Graeciae dicitur, quod parietibus includerent deos, quibus omnia deberent esse patentia, ac libera; quorumq. hic mundus omnis templum esset, & domus. melius Graeci, atque nostri, qui, ut augerent pietatem*

tem in deos, easdem illos urbes, quas nos, incolere uoluerunt. affert enim haec opinio religionem utilem ciuitatibus: siquidem & illud bene dictum est a Pythagora, doctissimo uiro, tum maxime & pietatem, & religionem uersari in animis, cum rebus diuinis operam daremus: & quod Thales, qui sapientissimus in septem fuit; homines existimare oportere, omnia quae cernerent, deorum esse plena: fore enim omnes castiores, uelutiq. in fanis essent, maxime religiosos. est enim quadam opinione species deorum in oculis, non solum in mentibus. Eandemq. rationem luci habent in agris. Neque ea, quae a maioribus prodita est, cum dominis, tum famulis, posita in fundi uillaeq. conspectu, religio Larū repudianda est. Iam ritus familiae patrumq. seruari, id est, quoniam antiquitas proxime accedit ad deos, a dijs quasi traditam religionem tueri. Quod autem ex hominum genere consecratos, sicut Herculem, & ceteros, coli lex iubet, indicat omnium quidem animos immortales esse, sed fortium bonorumq. diuinos. Bene uero, quod Mens, Pietas, Virtus, Fides consecratur manu. quarum omnium Romae dedicata publice templa sunt: ut, illa qui habeant, habent autem omnes boni, deos ipsos in animis suis collocatos putent. nam illud uitiosum Athenis, quod, Cylonio scelere expiato, Epimenide Crete suadente, fecerunt Contumeliae fanum, & Impudentiae. uirtutes enim, non uitia consecrare decet. ara. uetus stat in Palatio Febris: et altera.

B B Exquuil

DE LEGIBVS

Exquilijs malae Fortunae, detestataeq. omnia eiusmodi repudianda sunt. quod si fingenda nomina uice poetae, at potius uincendi, atque potiundi statas-
 sandi cognomina, quae Statoris, & Iuncti Iouis, rerumq. expetendarum nomina, ut Salutis, Honoris, Opes, Victoriae. quoniamq. expectatione rerum bonarum erigitur animus, recte etiam spes a Calatino consecrata est: Fortunaque, sit uel Huiusce diei; nam ualet in omnes dies: uel Respiciens, ad opem ferendam: uel Fors, in quo incerti casus significantur magis: uel Primigenia, a gignendo. *

Multa desunt.

Cum est uel feriarum festorumq. dierum ratio, in liberis requiem habet, litium, & iurgiorum; in seruis, operum, laborum: quas compositio anni conferre debet ad perfectionem operum rusticorum. quod tempus, ut sacrificiorum libamenta seruentur, fetusq. pecorum, quae dicta in lege sunt, diligenter habenda ratio intercalandi est: quod institutum perire a Numa, posteriorum pontificum negligentia dissolutum est. Iam illud ex institutis pontificum & haruspicum non mutandum est, quibus hostijs immolandum cuique deo, cui maioribus, cui lactenti-

laetentibus, cui maribus, cui feminis. Plures autem deorum omnium, & singuli singulorum, sacerdotes, & respondendi iuris, & conferendarum religionum facultatem afferunt. Cumq. Vesta quasi focum urbis, ut graeco nomine est appellata, quod nos prope idem graecum interpretatum nomen teneamus, complexa sit; ei colendae uirgines praesint: ut aduigiletur facilius ad custodiam ignis; & sentiant mulieres in natura feminarum omnem castitatem peti. Quod sequitur uero, non solum ad religionem pertinet, sed etiam ad ciuitatis statum. ut sine ijs, qui sacris publice praesunt, religioni priuatae satis facere non possint. continet enim remp. consilio et auctoritate optimatum semper populum indigere: descriptioq. sacerdotum nullum iustae religionis genus praetermittit. nam sunt ad placandos deos alij constituti, qui sacris praesunt sollemnibus; ad interpretanda alij praedicta uatum, neque multorum, ne esset infinitum, neque ut ea ipsa, quae suscepta publice essent, quisquam extra collegium nossent. Maximum autem, & praestantissimum in rep. ius est augurum, & cum auctoritate coniunctum. neque uero, quia sum ipse augur, ita sentio, sed quia sic existimare nos est necesse. quid enim maius est, si de iure quaerimus, quam posse a summis imperijs, & summis potestatibus comitiatus, & concilia uel instituta dimittere, uel habita rescindere? quid grauius, quam rem susceptam dirimi, unus, * si augur, Aliter, dixerit? quid magnificentius,

BE 2 quam

quam posse decernere , ut magistratu se abdicent
 consules? quid religiosius , quam cum populo , cum
 plebe agendi ius aut dare , aut non dare? quid , leges,
 non iure rogatas , tollere , ut etiam decreto collegij , *
 ut Linias consilio Philippi consulis , & auguris? ni
 hil domi , nihil militiae per magistratus gestum , si-
 ne eorum auctoritate posse cuiquam probari? Att.
 Age , iam ista uideo , fateorq. esse magna : sed est
 in collegio uestro inter Marcellum , & Appium ,
 optimos augures , magna dissensio . nam eorum ego
 in libros incidi , cum alteri placeat auspicia ista ad
 utilitatem esse reip. composita , alteri disciplina ue-
 stra quasi diuinare uideatur posse . hac tu de re , quae-
 ro , quid sentias . M . Ego ne? diuinationem , quam
 Graeci μαντικὴν appellant , esse censeo , et huius hanc
 ipsam partem , quae est in auibus , ceterisq. signis
 disciplinae nostrae : quod cum summos deos esse con-
 cedamus , eorumq. mente mundum regi , & eorun-
 dem benignitatem hominum consulere generi , &
 posse nobis signa rerum futurarum ostendere ; non
 uideo , cur esse diuinationem negem . sunt autem ea ,
 quae posui ; ex quibus id , quod uolumus , efficitur ,
 & cogitur . Iam uero , permultorum exemplorum
 & nostra plena est res . & omnia regna , omnesq.
 populi , cunctaeq. gentes , augurum praedictis mul-
 ta incredibiliter uera cecidisse . neque enim Polyidi ,
 neque Melampodis , neque Mopsi , neque Amphia-
 rai , neque Chalchantis , neque Heleni tantum no-
 men fuisset ; neque tot nationes id ad hoc tēpus re-
 tinuissent ,

*fam. 1. 3.
 ep. 4. 36.*

tinuissent, Arabum, Phrygum, Lycaonum, Cili-
cum, maximeq. Pisidarum, nisi uetustas ea certa
esse docuisset. nec uero Romulus noster auspicato ur-
bem condidisset: neque Attij Nauij nomen memo-
ria floreret tam diu, nisi hi omnes multa ad uerita-
tem admirabilia dixissent. Sed dubium non est,
quin haec disciplina & ars augurum euannerit iam
& uetustate, & negligentia. ita neque illi assen-
tior, qui hanc scientiam negat umquam in nostro col-
legio fuisse: neque illi, qui esse etiam nunc putat.
quae mihi uidetur apud maiores fuisse duplex, ut ad
reip. tempus non numquam, ad agendi consilium
saepissime pertineret. Att. Credo hercle ita esse;
istiq. rationi potissimum assentior. sed redde cetera.
M. Reddam uero, &, si potero, breui. Sequitur
enim de iure belli: in quo & suscipiendo, & geren-
do, & deponendo ius plurimum ualet, & fides: ho-
rumq. ut publici interpretes essent, lege sancimus.
Iam de haruspicum religione, de expiationibus &
procuracionibus, satis superq. in ipsa lege dictum
puto. Att. Assentior; quoniam omnis hac in reli-
gione uersatur oratio. M. At uero, quod sequitur,
quo modo aut tu assentiare, aut ego reprehendam,
sane quaero, Tite. Att. Quid tandem id est? M. De
nocturnis sacrificijs mulierum. Att. Ego uero as-
sentior, excepto praesertim in ipsa lege, sollemni sa-
crificio, ac publico. M. Quid ergo aget Iacchus,
Eumolpidaeq. uestri, & angusta illa mysteria, si-
quidem sacra nocturna tollimus? non enim populo

D E L E G I B V S

R. sed omnibus bonis, firmisq. populis leges damus. Att. Excipis, credo, illa, quibus ipsi initiati sumus. M. Ego uero excipiam. nam mihi cum multa eximia diuinaq. uidetur Athenae tuae peperisse, atque in uita hominum attulisse, tum nihil melius illis mysterijs, quibus ex agresti immani. uita exculti ad humanitatem, & mitigati sumus, initiaq. ut appellantur, ita re uera principia uitae cognouimus. neque solum cum laetitia uiuendi rationem accepimus, sed etiam cum spe meliore moriendi. Quid autem mihi displiceat in nocentes, poetae indicant comici. qua licentia Romae data, quidnam egisset ille, qui in sacrificium cogitatam libidinem intulit, quo ne imprudentiam quidem oculorum adijci fas fuit. A. Tu uero istam Romae legem rogato, nobis nostras ne ademeris. M. Ad nostras igitur reuertor: quibus profecto diligentissime sancendum est, ut mulierum famam multorum oculis lux clara custodiat; initienturq. eo ritu Cereri, quo Romae initiantur. quo in genere seueritatem maiorum senatus uetus auctoritas de Bacchanalibus, & consulum, exercitu adhibito, quaestio animaduersioq. declarat. Atque omnia nocturna, ne nos duriores sorte uideamur, in media Graecia Diagondas Thebanus lege perpetua sustulit. Nonos uero deos, & in his colendis nocturnas peruigilationes sic Aristophanes, facetissimus poeta ueteris comediae, uexat, ut apud eum Sabazius, & quidam alij dij, peregrini indicati, e ciuitate eijciantur.

Publicus

Publicus autem sacerdos imprudentiam, consilio
expiatam, metu liberet; audaciam in admittendis
religionibus foedis damnet, atque impiam iudicet.
Iam ludi publici, cum sint cauea, circoq. diuisi,
sint corporum certatione, cursu, & pugillatione,
luctatione, curriculisq. equorum usque ad certam
uictoriam circo constitutis: cauea, cantu, ac fidi-
bus, & tibijs, dum modo ea moderata sint, ut le-
ge praescribitur. assentior enim Platoni, nihil tam
facile in animos teneros atq; molles influere, quam
uarios canendi sonos: quorum, dici uix potest,
quanta sit uis in utramque partem. namque & inci-
tat languentes, & languescit excitatos & tum
remittit animos, tum contrahit. ciuitatumq. hoc
multarum in Graecia interfuit, antiquum uocum
seruare modum. quarum mores lapsi ad mollitiem,
pariter sunt immutati cum cantibus: aut hac dulce
dine corruptelaq. deprauati, ut quidam putant:
aut quod, cum seueritas eorum ob alia uitia ceci-
disset, tum fuit in auribus animisq. mutatis etiam
huic mutationi locus. quamobrem ille quidem sa-
pientissimus Graeciae uir, longeq. doctissimus, ual-
de hanc labem ueretur: negat enim mutari posse
musicas leges sine mutatione legum publicarum.
ego nectam ualde id timendum, nec plane contem-
nendum puto. illa quidem, quae solebant quen-
dam compleri seueritate incunda Linianis, &
Naenianis modis, nunc ut eadem exultent, cer-
uices oculosq. pariter cum modorum flexionibus

torqueant. grauit̃er olim iſta vindicabat uetus illa Graecia, longe prouidens, quam ſenſim pernicies illapſa ciuium animos malis ſtudijs, malisq. doct̃rinis, repente totas ciuitates euerteret. ſiquidem illa ſeuera Lacedaemon neruos iuſſit, quos plures quam ſeptem haberet, in Timothei fidibus dem̃i. Deinceps in lege eſt, ut de ritibus patrijs collantur optimi. de quo cum conſulerent Athenienſes Apoxinem Pythium, quas potiffimum religiones tenerent; oraculum editum eſt, eas, quae eſſent in more maiorum. quo cum iterum ueniſſent; maiorumq. morem dixiſſent ſaepe eſſe mutatum; quaefiſſentque, quem morem potiffimũ ſequerentur euarijs: reſpondit, optimum. & proſecto ita eſt, ut id habendum ſit antiquiſſimum, & deo proximum, quod ſit optimum. Stipem ſuſtulimus, niſi eam quam ad paucos dies, propriam Idaeae matri, excepiſſimus. implet enim ſuperſtitione animos, & exhaurit domos. Sacrilegio poena, eſt, neque ei ſoli, qui ſacrum abſtulerit; ſed etiam ei, qui ſacro commendatum. quod & nunc multis ſit in fanis. Alexander in Cilicia depoſuiſſe apud Solos in delubro pecuniam dicitur. Athenienſis Clifthenes Iunoni Samiae, ciuis egregius, cum rebus timeret ſuis, filiarum dotes credidit. Sed iam de periurijs, de inceſto nihil ſane hoc quidem loco diſputandum eſt. Donis impij ne placare audeant deos, Platonem audiant: qui uetat dubitare, qua ſit mente futurus deus, cum uir nemo bonus ab im-
probo

probo se donari uelit. Diligentia uotorum satis in lege dicta est, ac uoti sponsio, qua obligamur deo. Poena uero uiolatae religionis, iustam recusationē non habet. quid ego hic sceleratorum utar exemplis, quorum plenae tragoediae? quae ante oculos sunt, ea potius attingantur. etsi haec commemoratio, uereor, ne supra hominis fortunam esse uideatur: tamen, quoniam sermo mihi est apud uos, nihil reticebo: uelimq. hoc, quod loquar, dijs immortalibus gratum potius uideri, quam graue. Omnia tum perditorum ciuium scelere, discessu meo, religionum iura polluta sunt: uexati nostri lares familiares: in eorum sedibus exaedificatum templum Licentiae: pulsus a delubris is, qui illa seruauit. circumspicite celeriter animis, (nihil enim attinet quemquam nominari) qui sint rerum exitus consecuti. nos, qui illam custodem urbis, omnibus ereptis nostris rebus, ac perditis, uiolari ab impijs passi non sumus; eamq. ex nostra domo in ipsius patris domum detulimus; iudicia senatus, Italiae, gentium denique omnium conseruatae patriae consecuti sumus. quo quid accidere potuit homini praeclarius? quorum scelere religiones tum prostratae, afflictataeq. sunt; partim ex illis distracti ac dissipati iacent; qui uero ex ijs & horum scelerum principes fuerunt, & praeter ceteros in omni religione impij, non solum uita cruciati, atque dedecore, uerum etiam sepultura, & iustis exequiarum caruerunt. Q. Equidem ista agnosco, frater;

DE LEGIBVS

ter; & meritas dijs gratias ago: sed nimis saepe
secus aliquanto uidemus euadere. M. Non enim,
Quinte, recte existimamus, quae poena diuina sit:
& opinionibus uulgi rapimur in errorem, nec ue-
ra cernimus: morte, aut dolore corporis, aut lu-
ctu animi, aut offensione iudicij, hominum mise-
rias ponderamus: quae fateor humana esse, &
multis bonis uiris accidisse: sceleris autem poena
tristis, &, praeter eos euentus, qui sequuntur,
per se ipsa maxima est. uidimus, qui nisi odissent
patriam, numquam nobis inimici fuissent, arden-
tes tum cupiditate, tum metu, tum conscientia;
quid agerent, modo timentes, uicissim contemnen-
tes religiones; iudicia perrupta ab iisdem, corrupta
hominum, non deorum. Reprimam iam, et non
insequar longius, eoq. minus, quo plus poenarum ha-
beo, quam petui. tantū ponam, duplicē poenam esse
diuinā, quod constat et uexandis uiuorū animis, et ea
fama mortuorum, ut eorum exitium & iudicio ui-
uorum, & gaudio comprobetur. Agri autem ne
consecrentur, Platoni prorsus assentior: qui, si mo-
do interpretari potuero, his fere uerbis utitur.
Terra igitur, ut focus domiciliorum, sacra deo-
rum omnium est. quocirca ne quis iterum idem con-
secrato. Aurum autem, & argentum in urbi-
bus, & priuatim, & in fanis inuidiosa res est.
Tum ebur ex inanimato corpore extractum, haud
satis castum donum deo. Iam aes, atque ferrum,
duelli instrumenta, non fani. ligneum autem quod-
que

que uoluerit, uno e ligno dedicato, itemq. lapideum, in delubris communibus. Textile, ne operosius, quam mulieris opus menstruum. Color autem albus praecipue decorus deo est, cum in ceteris, tum maxime in textili. tineta uero absint, nisi a bellicis insignibus. Diuinissima autem dona aues, & formae ab uno pictore uno absolutae die. itemq. cetera huius exempli dona sunt. Haec illi placent. sed ego cetera non tam restricte praefinio, uel hominum uitij, uel subsidij temporum uictus. terrae cultum segniores suspicor fore, si ad eam tuendam, ferroq. subigendam, superstitionis aliquid accesserit. Att. Habeo ista: nunc de sacris perpetuis, & de manium iure restat. M. O miram memoriam, Pomponi, tuam. at mihi ista exciderant. At. Ita credo: sed tamen hoc magis eas res & memini, & expecto, quod & ad pontificium ius, & ad ciuile prstinent. M. Vero: & apertissima sunt istis de rebus & responsa, & scripta multa: & ego in hoc omni sermone nostro, quod ad cumque legis genus me disputatio nostra deduxerit, tractabo, quoad potero, eius ipsius generis ius ciuile nostrum, sed ita, locus ut ipse notus sit, ex quo ducatur quaeque res, & ars iuris: ut non difficile sit, quaecumque noua caussa cōsultatio ue acciderit, eius tenere ius, cum scias a quo sit capite repetendum. Sed iurisperiti, siue erroris obijciendi caussa, quo plura, & difficiliora scire uideantur; siue, quod similis ueri est, ignoratione docendi; (nam
non

DE LEGIBVS

non solum, scire aliquid, artis est, sed quaedam
ars etiam docendi) saepe, quod positum est in una
cognitione, id in infinita dissipantur: uelut in hoc
ipso genere, quam magnum illud Scaenolae faciunt,
pontifices ambo, & iudex iuris peritissimi? saepe,
inquit Publij filius, ex patre audiui, pontificem
bonum neminem esse, nisi qui ius civile cognouisset.
totum ne? quid ita? quid enim ad pontificem de iu-
re parietum, aut aquarum, aut ullo omnino? er-
go quod cum religione coniunctum est, (id autem
quantulum est?) de sacris credo, de uotis, de ferijs,
de sepulcris, et si quid eiusmodi est. cur igitur haec
tanta facimus, cum cetera perparua sint? De sa-
cris autem, qui locus patet latius, haec sit una sen-
tentia, ut conseruentur, & deinceps familijs pro-
dantur: & ut in lege posui, perpetua sint sacra.
hoc posito, haec iura pontificum auctoritate con-
secuta sunt, ut, ne morte patrisfamilias sacro-
rum memoria occideret, ijs essent ea adiuncta, ad
quos eiusdem morte pecunia uenerit. hoc uno posi-
to, quod est ad cognitionem disciplinae satis, innu-
merabilia nascuntur, quibus implentur iurisconsul-
torum libri. quaeruntur enim, qui astringantur sa-
cris. Heredum causa iustissima est. nulla est enim
persona, quae ad uicem eius, qui e uita emigrarit,
propius accedat. Deinde qui morte, testamento ue
eius tantundem capiat, quantum omnes heredes:
id quoque ordine: est enim ad id, quod propositum
est, accommodatum. Tertio loco: si nemo sit he-
res,

res, qui de bonis, quae eius fuerint, cum moritur, usufruxerit plurimum. Quarto: si nemo sit, qui ullam rem ceperit, de creditoribus eius, qui plurimum seruet. Externa illa persona est, ut is, qui ei, qui mortuus sit, pecuniam debuerit, neminiq. eam soluerit, proinde habeatur, quasi eam pecuniam ceperit. Haec nos a Scaenola didicimus, non ita descripta ab antiquis. nam illi quidem his uerbis docebant: tribus modis sacris astringi, hereditate, aut si maiorem partem pecuniae capiat; aut, si maior pars pecuniae legata est, si inde quippiam ceperit. sed pontificem sequamur. Videtis igitur omnia pendere ex uno illo, modo pontifices pecuniam sacris coniungi uolunt: iisdemq. ferias, et caerimonias adscribendas putant. atque etiam dāt hoc Scaeuolae, quod est partitionis caput; si in testamento deducta scripta non sit, ipsiq. minus ceperint, quam omnibus heredibus relinquatur, sacris ne alligentur. in donatione, hoc idem secus interpretantur. & quod paterfamilias in eius donatione, qui in ipsius potestate esset, approbavit, ratum est: quod eo insciente factum est, si id is non approbat, ratum non est. his propositis quae stiunculae multae nascuntur, quas qui non intelligat, si ad caput referat, per se ipse facile perspiciat: ueluti, si minus quis cepisset, ne sacris alligaretur, ac post de eius heredibus aliquis exegisset pro sua parte, id, quod ab eo cuius ipse heres esset, praetermissum fuisset; eaq. pecunia non minor esset facta, cum superio-

re

DE LEGIBVS

re exactione, quam heredibus omnibus esset relicta; qui eam pecuniam exegisset, solum, sine coheredibus, sacris alligari. quin etiam cauent, ut, cui plus legatum sit, quam sine religione capere liceat, is per aes & libram heredes testamenti soluat: propterea quod eo loco res est ita soluta hereditate, quasi ea pecunia legata non esset. hoc ego loco, multisq. alijs, quaero a uobis, Scaenolae pontifices maximi, et homines meo quidem iudicio acutissimi, quid sit, quod ad ius pontificium ciuile appetatis. ciuilis enim iuris scientia pontificium quodam modo tollitis. nam sacra cum pecunia, pontificum auctoritate, nulla lege coniuncta sunt. itaque si uos tantummodo pontifices essetis, pontificalis maneret auctoritas: sed quod idem iuris ciuilis estis peritissimi, hac scientia illa eluditis. placuit P. Scaenolae, & Coruncanio, pontificibus maximis, itemque ceteris, qui tantundem caperent, quantum omnes heredes, sacris alligari. habeo ius pontificium: quid huc accessit ex iure ciuili? partitionis caput, scriptum caute, ut centum nummi deducerentur. inuenta est ratio, cur pecunia sacrorum molestia liberaretur. quod si hoc, qui testamentum faciebat, cauere noluisset; admonet iuriconsultus hic quidem ipse Mucius, pontifex idem, ut minus capiat, quam omnibus heredibus relinquatur. super dicebant; qui quid cepisset, astringi: rursus sacris liberantur. hoc uero nihil ad pontificium ius, et e medio est iure ciuili, ut per aes & li-

libram heredes testamenti soluant; et eodem loco res sit, quasi ea pecunia legata non esset, si is, cui legatum est, stipulatus est id ipsum, quod legatum est, ut ea pecunia ex stipulatione debeatur, sitq. ea non * doctum hominem sane, cuius fuit Accius perfamiliaris. sed mensem credo extremum anni, ut ueteres februarium, sic hic decembrem sequebatur. Hostia autem maxima parentare, pietatis adiunctum putabat. Iam tanta regio est sepulcrorum, ut extra sacra & gentem inferri fas negent esse: idq. apud maiores nostros A. Torquatus in gente Popillia iudicauit. nec uero tam Denicales, quae a nece appellatae sunt, quia residunt mortui, quam ceterorum caelestium quieti dies, feriae nominarentur, nisi maiores eos, qui ex hac uita migrassent, in deorum numero esse uoluissent. eas in eos dies conferri ius, quibus nec ipsius, neque publicae feriae sint. totaq. huius iuris compositio pontificalis magnam religionem caerimoniamq. declarat. Necesse est edisseri a nobis, qui finis funestae familiae, quod genus sacrificij lare, ueruecibus fiat, quemadmodum os receptum, terra obtegatur, quaeq. in porca contracta iura sint, quo tempore incipiat sepulcrum esse, & religione teneatur. Ac mihi quidem antiquissimum sepulturae genus illud fuisse uidetur, quo apud Xenophontem Cyrus utitur. redditur enim terrae corpus, & ita locatum, ac situm, quasi operimento matris obducitur. eodemq. ritu in eo sepulcro, quod procul ad

Fontis

DE LEGIBVS

Fontis aras, regem nostrum Numam conditum accepimus: gentemq. Corneliam usque ad memoriam nostram hac sepultura scimus esse usam. C. Marij sitas reliquias apud Anienem dissipari iussit Sylla victor, acerbior odio incitatus, quam si tam sapiens fuisset, quam fuit felix. quod haud scio, antimens, suo corpori posse accidere, primus e patricijs Cornelijs igni voluit cremari: daclarat etenim Ennius de Africano,
Hic est ille situs.

uere: nam siti dicuntur ij, qui conditi sunt, nec tamen eorum ante sepulcrum est, quam iusta facta, & corpus incensum est. & quod nunc communiter in omnibus sepultis ponitur, ut humati dicantur, id erat proprium tum in ijs, quos humus iniecta contegeret: eumq. morem ius pontificale confirmat. nam prius, quam in os iniecta gleba est, locus ille, ubi crematum est corpus, nihil habet religionis: iniecta gleba, tum & ille humatus est, & sepulcrum uacatur, ac tum denique multa religiosa iura complectitur. itaque in eo, qui in navi necatus, deinde in mare proiectus esset, decreuit P. Mucius, familiam puram, quod os supra terram non extaret porcam heredi esset: C. Cotta censet habendas triduum ferias, & porco femina piaculum pati: si in mari mortuus esset, eadem praeter piaculum & ferias. Att. Video, quae sint in Pontificio iure: sed quaero ecquidnam sit in legibus. M. Pauca sane, Tite, & uti arbitror, non ignota uobis:
sed

sed ea non tam ad religionem spectat, quam ad ius sepulcrorum . hominem mortuum , inquit lex in x i i , in urbe ne sepelito , ne ne urito . credo , uel propter ignis periculum . quod autem addit , ne ne urito , indicat non , qui uratur , sepeliri ; sed qui humetur . Att . Quid ? qui post duodecim in urbe sepulti sunt , clari uiri ? M . Credo , Tite , fuisse , aut eos , quibus hoc ante hanc legem uirtutis causa tributum est , ut Publicolae , ut Tuberto , quod eorum posterum iure tenuerunt ; aut eos , si qui hoc , ut Fabricius , uirtutis causa soluti legibus consecuti sunt , sed in urbe sepeliri lex uetat . sic decretum a pontificum collegio , non esse ius in loco publico fieri sepulcrum . nostis extra portam Collinam aedem Honoris . aram in eo loco fuisse , memoriae proditum est . ad eam cum lamina esset inuenta , & in ea scriptum . Domina honoris , ea cassa fuit aedis huius dedicandae . sed cum multa in eo loco sepulcra fuissent , exarata sunt . Statuit enim collegium , locum publicum non potuisse priuata religione obligari . Iam cetera in x i i . minuendi sumptus , lamentationesq . funeris , translata de Solonis fere legibus . Hoc plus , inquit , ne facito . rogam ascia ne polito . Nostis quae sequuntur . discemus enim pueri x i i , ut carmen necessarium , quas iam nemo discit . extenuato igitur sumptu tribus ricinijs , & uinculis purpurae , & decem tibicinibus , tollit etiam lamentationem . Mulieres geras ne radunto : ne ue lessum funeris ergo habento . hoc ueteres in-

CC interpretes ,

terpretes, Sex. Aelius, L. Acilius, non satis in-
 telligere se dixerunt; sed suspicari, uestimenti ali-
 quod genus funebris. L. Aelius, legum, quasi lu-
 gubrem eiulationem, ut uox ipsa significat: quod
 eo magis iudico uerum esse, quia lex Solonis id ip-
 sum uetat. haec laudabilia, & locupletibus fere
 cum plebe communia, quod quidem maxime e na-
 tura est, tolli fortunae discrimen in morte. Cete-
 ra item funebria, quibus luctus augetur, duode-
 cim sustulerunt. Homini, inquit, mortuo ne ossa
 legito, quo post funus facit. excipit bellicā peregri-
 namq. mortem. Haec praeterea sunt in legibus, de
 * unctura. Quae seruilis unctura tollitur, omnisq.
 circumpotatio. quae & recte tolluntur, neque tol-
 lerentur, nisi fuissent. Ne sumptuosa respersio,
 ne longae coronae: nec acerrae praetereantur. Illa
 iam significatio est, laudis ornamenta ad mortuos per-
 tinere, quod coronam uirtute partam, & ei, qui
 peperisset, & eius parenti, sine fraude esse lex im-
 positam iubet; credoque, quod erat factitatum, ut
 uni plura fierent, lectiq. plures inferrentur, id quo-
 que ne fieret, lege sanctum est: qua in lege cum
 esset, Ne ne aurum addito, quam humane exci-
 pit altera lex, ut, quoi auro dentes uincti essent,
 ast im cum illo sepelire, urere, ne si fraude esto. &
 simul illud uidetote, aliud habitum esse, sepelire
 & urere. Duae sunt praeterea leges de sepulcris:
 quae um altera priuatorum aedificijs, altera ipsis
 sepulcris cauet. nam quod rogū bustum ne nouum
 uetat

uetat propius sexaginta pedes adijci aedes alienas
inuito domino , incendium ueretur acerbum : Quod
autem forum , id est , uestibulum sepulcri , bu-
stum ue usucapi uetat , tuetur ius sepulcrorum . Haec
habemus in duodecim , sane secundum naturam ;
quae normalegis est : reliqua sunt in more ; funus
ut indicatur , si quid ludorum ; domusq. funeris
utatur accenso , atque lictoribus ; honoratorum ui-
rorum laudes in concione memorentur ; easq. etiam
cantus ad tibicinem prosequatur , cui nomen Nae-
niae ; quo uocabulo etiam grachos cantus lugubres
nominantur . Q. Gaudco nostra iura ad naturam
accommodari , maiorumq. sapientia admodum
delector . M. Sed credo , Quinte , ut ceteri sum-
ptus , sic etiam sepulcrorum modum recte requi-
ri : quos enim ad sumptus progressa iam ista res sit ,
in C. Figuli sepulcro uides . sed credo minimam
olim istius rei fuisse cupiditatem , alioqui multa ex-
tarent ampla maiorum . M. Nostrae quidem legis
interpretes , quo capite iubemur sumptus & lu-
etum remouere a deorum manium iure , hoc in-
telligunt , in primis sepulcrorum magnificentiam
esse minuendam . nec haec a sapientissimis legum
scriptoribus neglecta sunt . nam & Athenis iam
illo more a Cecrope , ut aiunt , permansit hoc ius
terra humandi : quam cum proximi iniecerant , ob-
ductaq. terra erat , frugibus obserebatur : ut sinus
& gremium quasi matris mortuo tribueretur : so-
lum autem frugibus expiatum ut uiuis redderetur .

CC 2 seque-

D E L E G I B V S

sequebantur epulae, quas inirent propinqui corona-
ti: apud quas de mortui laude cum quid ueri erat
praedicatum: nam mentiri nefas habebatur, ad iu-
sta coniecta erant. postea quam, ut scribit Phae-
reus, sumptuosa fieri funera, & lamentabilia coe-
pissent, Solonis lege sublata sunt. quam legem eif-
dem prope uerbis nostri decemui in decimam ta-
bulam coniecerunt. nam de tribus ricinijs, & ple-
raque illa, Solonis sunt: de lamentis uero expref-
sa uerbis sunt: Mulieres genas ne radunto, ne ue-
lessum funeris ergo habento. de sepulcris autem
nihil est apud Solonem amplius, quam ne quis ea
deleat, ne ue alienum inferat, penaq. est, si quis
bustum (nam id puto appellari $\tau\acute{o}\mu\beta\omicron\nu$) aut monu-
mentum, inquit, aut columnam uiolarit, deice-
rit, fregerit. sed post aliquanto, propter has am-
plitudines sepulcrorū, quas in Ceramico uidemus,
lege sanctum est, ne quis sepulcrum faceret opero-
sius, quam quod decem homines effecerint triduo:
neque id opere tectorio exornari, nec Hermas hos,
quos uocant, licebat imponi: nec de mortui laude,
nisi in publicis sepulturis, nec ab alio, si qui publi-
ce ad eam rem constitutus esset, dici licebat. subla-
ta etiam erat celebritas uirorum, ac mulierū, quo
lamentatio minueretur. habet enim luctum con-
cursus hominum. quocirca Pittacus omnino acce-
dere quemquam uetat in funus aliorum. sed ait rur-
sus idem Demetrius, increbuisse eam funerum se-
pulcrorumq. magnificentiam, quae nunc fere Ro-
mac

mae est . quam consuetudinem lege minuit ipse : fuit enim hic uir , ut scitis , non solum eruditissimus , sed etiam ciuis e rep . maxime , tuendaeq . ciuitatis peritissimus . iste igitur sumptum minuit non solum poena , sed etiam tempore : ante lucem enim iussit efferri . sepulcris autem nouis finiuit modum . nam super terrae tumulum noluit quid statui , nisi columellam , tribus cubitis ne altiore , aut mensam , aut labellum : & huic procurationi certum magistratum praefecerat . Haec igitur Athenienses tui . sed uideamus Platonem , qui iusta funerum reiicit ad interpretes religionum : quem nos morem teneamus . de sepulcris autem dicit haec : Vt et ex agro culto , eo ne qui coli possit , ullam partem sumi sepulcro : sed quae natura agri tantummodo efficere possit , ut mortuorum corpora sine detrimento uiuorum recipiat , ea potissimum ut compleatur , quae autē terra fruges ferre , et ut mater cibos suppeditare possit , ea ne quis nobis minuat , ne ue uiuus , ne ue mortuus . extrui autē uetat sepulcrum altius , quam quod quinque diebus homines quinque absoluerint : nec e lapide excitari plus , nec imponi , quam quod capiat laudem mortui incisam ne plus quattuor herois uersibus , quos longos appellat Ennius . habemus igitur huius quoque auctoritatem summi uiri de sepulcris : a quo iterum funerum sumptus praefinitur ex censibus , a minis quinque usque ad minam . deinceps dicit eadem illa de immortalitate animorum , & reliqua post mortem tranquillita-

DE LEGIBVS

te bonorum, poenis impiorum. Habetis igitur explicatum omnem, ut arbitror, religionis locum. Q. Nos uero, frater, & copiose quidem, sed perge cetera. M. Pergame quidem: &, quoniam libitum est uobis me ad haec impellere, hodierno sermone conficiam, spero, hoc praesertim die. uideo enim Platonem idem fecisse, omnemq. orationem eius de legibus, peroratam esse uno aestiuo die. sic igitur faciam, & dicam de magistratibus: id enim est profecto, quod constituta religione remp. contineat maxime. Att. Tu uero dic, & istam rationem, quam coepisti, tene.

M. TVLLII

204

M. TVLLII CICERONIS
DE LEGIBVS
LIBER III.

MARCVS.

SEQVAR igitur, ut institui, diuinum
illum uirum, quem, quadam admira-
tione commotus, saepius fortasse lau-
do, quam necesse est. Att. Platonem
videlicet dicis. M. Istum ipsum, Attice. Att. Tu
uero cum nec nimis ualde umquam, nec nimis saepe
laudaueris. nam hoc mihi etiam nostri illi, qui ne-
minem nisi suum laudari uolunt, concedunt, ut eum
arbitratu meo diligam. M. Bene hercle faciunt.
quid enim est elegantia tua dignius? cuius & uita
& oratio consecuta mihi uidetur difficillimam il-
lam societatem grauitatis cum humanitate. Att.
Sane gaudeo quod te interpellau: quandoquidem
tam praeclarum mihi dedisti iudicij tui testimonium.
sed perge, ut coeperas. M. Laudemus igitur prius
legem ipsam ueris, & proprijs generis sui laudi-
bus. Att. Sane quidem, sicut de religionum lege se-
cisti. M. Videtur igitur, magistratus hanc esse uim,
ut praesit, praescribatq. recta, & utilia, & con-
iuncta cum legibus. ut enim magistratibus leges,
ita populo praesunt magistratus: uereq. dici potest,
magistratum, legem esse loquentem. legem au-
tem, mutum magistratum. nihil porro tam aptum

CC 4 est

DE LEGIBVS

est ad ius, condicionemq. naturae, (quod cum dico, legem a me dici intelligi uolo) quam imperiū: sine quo nec domus ulla, nec ciuitas, nec gens, nec hominum uniuersum genus stare, nec rerum natura omnis, nec ipse mundus potest. nam & hic deo pareat, & huic obediunt maria, terraeque, & hominum uita iussis supremæ legis obtemperat. atque ut ad haec ceteriora ueniam, & notiora nobis, omnes antiquae gentes regibus quondā paruerunt. quod genus imperij primum ad homines iustissimos & sapientissimos deferebatur. idq. in rep. nostra maxime ualuit, quoad ei regalis potestas praefuit. deinde etiam deinceps posteris prodebatur, quod & in ijs etiam, qui nunc regnant, manet. quibus autem regia potestas non placuit, non ij nemini, sed non semper uni parere uoluerunt. nos autem quoniam leges damus liberis populis, quaeq. de optima rep. sentiremus, in sex libris ante diximus; accommodabimus hoc tempore leges ad illum, quem probamus, ciuitatis statum. Magistratibus igitur opus est, sine quorum prudentia ac diligentia esse ciuitas non potest, quorumq. descriptione omnis reip. moderatio continetur. neque solum ijs praescribendus est imperandi, sed etiam ciuibus obtemperandi modus. nam & qui bene imperat, paruerit aliquādo necesse est: et qui modeste pareat, uidetur, qui aliquando imperet, dignus esse. itaque oportet & eum, qui pareat, sperare se aliquando imperaturum; & illum, qui imperat, cogitare breui tempore sibi

bi esse parendum . nec uero solum ut obtemperent
obediantq. magistratibus , sed etiam ut eos colant
diligantque , praestribimus : ut Charondas in suis fa-
cit legibus . noster uero Plato Titanum e genere sta-
tuit eos , qui , ut illi caelestibus , sic hi aduersentur
magistratibus . quae cum ita sint , ad ipsas iam le-
ges ueniamus , si placet . Att. Mihi uero & istud ,
& ordo iste rerum placet .

M. Iusta imperia sunt , iisq. ciues modeste ,
ac sine reculatione parento . magistratus nec
obedientem & noxium ciuem multa uinculis ,
uerberibus ue coerceto : ni par , maior ue po-
testas , populus ue prohibesit , ad quos pro-
uocatio esto . cum magistratus iudicasit irro-
gasit ue , per populum multae poenae certa-
tio esto . militiae ab eo , qui imperabit , pro-
uocatio ne esto . quodq. is , qui bellum ge-
ret , imperasit , ius ratumq. esto . minores
magistratus , partiti iuris , plures in plera fun-
to . militiae quibus iusserunt imperanto . ae-
rariiq. tribuni sunt . domi pecuniam publi-
cam custodiunt . uincula fontium seruant .
capitalia uindicant . aes , argentum , aurum
ue publice signant . lites contractas iudican-
to . quodcumque senatus creuerit , agunt .
suntq. aediles curatores urbis , annonae , lu-
dorumq. sollemnium . ollisq. ad honoris
amplioris gradum is primus ascensus esto .

Cen-

DE LEGIBVS

Censores populi acuitates, soboles, familias, pecuniasq. censento. urbis templa, uias, aquas, aerarium, uectigalia tuentor; populiq. parteis in tribus distribuunt. exin pecunias, acuitates, ordines partiunt. equitum, peditumq. prolem describunt. coelibes esse prohibent. mores populi regunt. probrum in senatu ne relinquunt. bini sunt. magistratum quinquennium habent. reliqui magistratus anni sunt. eaq. potestas semper esto. iuris disceptator, qui priuata iudicet, iudicari ne iubeat, praetor esto. is iuris ciuilis custos esto. huic potestate pari, quotcumque senatus creuerit, populus ne iussit, tot sunt. regio imperio duo sunt: iique praeundo, iudicando, consulendo praetores, iudices, consules appellantur. militiae summum ius habent, nemini parent. omnis salus populi suprema lex esto. eundem magistratum, ni interfuerint X anni, ne quis capito. acuitatem annali lege seruant. ast quando duellum grauius, discordiae ciuium, est, tunc ne amplius sex menses, si senatus * creuerit: idem iuris, quod duo consules, teneto. isq. aue sinistra dictus, populi magister esto. equitem cumque qui regat, habeto, pari iure cum eo, quicumque erit iuris disceptator. ast quando consulis est, magi- * stratus

stratus ue populi, nec reliqui magistratus ne
sunto; auspicia patrum sunt; omniq. ex se
produnt, qui comitiatu creare consules ri-
te possit. imperia, potestates, legationes,
cum senatus creuerit, populus ue iussit, ex
urbe exeunt. duella iusta iuste gerunt.
fociis parcunt. se & seruos continent. po-
puli sui gloriam augent. domum cum lau-
de redeunt. rei suae ergo ne quis legatus
esto. Plebes quos pro se, contra uim, au-
xilii ergo, X creassit, tribuni eius sunt.
quodq. ii prohibeant, quodq. plebem ro-
gasint, ratum esto. sanctiq. sunt: ne ue
plebem orbam Tribunis relinquunt. om-
nes magistratus auspicium iudiciumq. haben-
to: ex quis senatus esto. eius decreta rata
sunt. aut potestas par maior ue prohiberet,
perscripta seruant. is ordo uitio uacato.
ceteris specimen esto. creatio magistratum,
iudicia populi, iussa, uetita cum sciscuntur,
suffragia optimatibus nota, plebi libera sun-
to. aut quid erit, quod extra magistratus
coeratore oesus sit, qui coeret, populus crea-
to, eiq. ius coerandi dato. cum populo pa-
tribusq. agendi ius esto, consuli, praeto-
ri, magistro populi equitumque, eique, quem
produnt patres consulum rogandorum er-
go: tribunisq., quos sibi plebes rogassit,
ius

DE LEGIBVS

ius esto cum patribus agendi. iidem ad plebem, quod oculus erit, ferunto. quae cum populo, quaeq. in patribus agentur, modica sunt. senatori qui nec aderit, aut causa, aut culpa esto. loco senator, & modo orato: causas populi teneto. uis in populo abesto. par maior ue potestas plus ualeto. ast qui turbasit in agendo, fraus actoris esto. intercessor rei malae, salutaris ciuis esto. qui agent, auspicia seruant. auguri perento. promulgata, proposita, in aerario * cognita, agunto. nec plus quam de singulis rebus consulunto. rem populum docento: doceri a magistratibus priuatisq. patiuntor. priuilegia ne irroganto. de capite ciuis nisi per maximum comitatum, ollosq. quos censores in partibus populi locassint, ne ferunto. donum ne capiunto, ne ue danto, ne ue petenda, ne ue gerenda, ne ue gesta potestate. quod quis earum rerum migrasit, noxae poena paresto. Censores fide legem custodiunto. priuati ad eos acta referunto. nec eo magis lege liberi sunt.

Lex recitata est: disce rem, & tabellam iubebo dari. Q. Quam breui frater, in conspectu posita est ate omnium magistratuum descriptio: sed ea paene nostrae ciuitatis, & si ate paulum allatum est noui. M. Rectissime, Quinte, animaduertis. haec est

acute illi quidem, sed non ad hunc usum popularem
atque civilem, de rep. differebant. ab hac familia
magis ista manarunt, Platone principe: post Ari-
stoteles illustravit omnem hunc civilem in disputan-
do locum: Heraclidesq. Ponticus, profectus ab eo-
dem

a. ep. f. g. 163.
 de Cla. 184.
 i. d. Fin. 1.
 5. Teren.

dem Platone. Theophrastus uero, institutus ab Aristotele, abundauit, ut scitis, in eo genere rerum: ab eodemq. Aristotele doctus Dicaearchus, huic rationi studioq. non defuit. post a Theophrasto Phalereus ille Demetrius, de quo feci supra mentionem, mirabiliter doctrinam ex umbraculis eruditorum, otioq. non modo in solem, atque in puluerem, sed in ipsum discrimen aciemq. produxit. Nam & mediocriter doctos, magno in rep. uiros, & doctissimos homines, non minus in rep. uersatos, multos commemorare possumus: qui uero utraque re excelleret, ut & doctrinae studiis, & regenda ciuitate princeps esset, quis facile, praeter hunc, inueniri potest? Att. Puto posse, & quidem aliquem de tribus nobis. sed perge, ut coeperas. M. Quaesitum igitur ab illis est, placeret ne unum in ciuitate esse magistratum, cui reliqui parerent: quod, exactis regibus, intelligo placuisse nostris maioribus: sed quoniam regale ciuitati genus probatum quondam, postea non tam regni, quam regis uitijs repudiatum est; nomen tantum uidebitur regis repudiatum, res manebit, si unus omnibus reliquis magistratibus imperabit. quare nec Ephori Lacedaemone sine causa a Theopompo oppositi regibus, nec apud nos consulibus tribuni. nam illud quidem ipsum, quod in iure positum est, habet consul, ut ei reliqui magistratus omnes pareant, excepto tribuno, qui post extitit, ne id, quod fuerat, esset. hoc enim primum minuit consulare ius, quod extitit ipse, qui eo non teneretur

neretur : deinde , quod attulit auxilium reliquis
non modo magistratibus , sed etiam privatis consuli
non parentibus . Q. Magnum dicis malum . nam ista
potestate nata , gravitas optimatum cecidit , conua-
luitq. ius multitudinis . M. Non est ita , Quinte :
non enim ius illud solum superbius populo , sed vio-
lentius uideri necesse erat , quo posteaquam modica
& sapiens temperatio accessit , conuersa lex in
omnes est .

Multa desunt .

domum cum laude redeunto . nihil enim praeter lau-
dem bonis atque innocentibus , neque ex hostibus ,
neque a socijs reportandum . iam illud apertū profe-
cto est , nihil esse turpius , quam quemquam legari ,
nisi reip. causa omitto quē admodum isti se gerant ,
atque gesserint , qui legatione hereditates , aut syn-
graphas suas persequuntur . in hominibus est hoc
fortasse uitium . sed quaero , quid reapse sit turpius ,
quam sine procuratore senator , legatus sine man-
datis , sine ullo reip. munere ? quod quidem genus
legationis ego consul , quamquam ad commodum se-
natus pertinere uideatur , tamen approbante senatu
frequentissimo , nisi mihi lenissimus tribunus pl. tum
intercessisset , sustulissem : minui tamen tempus : et
quod

DE LEGIBVS

quod erat infinitum, annum feci. ita turpitudine ma-
net, diuturnitate sublata. sed iam, si placet, de
prouincijs discedatur, in urbemq. redeatur. Att.
Nobis uero placet: sed ijs, qui in prouincijs sunt,
minime placet. M. At uero, Tite, si parebunt his
legibus, nihil erit ijs urbe, nihil domo sua dulcius
nec laboriosius, molestius q. prouincia. Sed sequitur
lex, quae sancit eam tribunorum pl. potestatem,
quae in rep. nostra est. de qua differi nihil necesse est.
Q. At mehercule ego, frater, quaero de ista pote-
state quid sentias. nam mihi quidem pestifera uide-
tur, quippe quae in seditione, & ad seditionem na-
ta sit. cuius primum ortum si recordari uolumus,
inter arma ciuium & occupatis, et obsessis urbis lo-
cis, procreatam uidemus. deinde cum esset cito le-
gatus tamquam ex xii tabulis, insignis ad deformi-
tatem puer, breui tempore creatur, multo quoque
taetrior et foedior natus est. quem enim ille non edi-
dit? qui primum (ut impio dignum fuit) patribus
omnem honorem eripuit, omnia infima summis pa-
ria fecit, turbauit, miscuit: cum afflixisset princi-
pum grauitatem, numquam tamen conquieuit. at-
que ut C. Flaminium, atque ea, quae iam prisca ui-
dentur, propter uetustatem relinquam, quid iuris
bonis uiris Ti. Gracchi tribunatus reliquit? & si,
quinquennio ante, D. Brutum, & P. Scipionem
consules, quos, & quantos uiros, homo omnium
infimus, & sordidissimus tribunus pl. C. Curatius
in uincula coniecit: quod ante factum non erat.

C. uero

C. uero Gracchus ruinis, et ijs siccis, quas ipse se proieciſſe in forum dixit, quibus digladiarentur inter ſe ciues, non ne omnem reip. ſtatum permutauit? quid iam de Saturnini ſupplicio reliquisq. dicam? quos ne depellere quidem a ſe ſine ferro potuit reſp. cur autem aut uetera, aut aliena proferamus potius, quam & noſtra, & recentia? quis umquam tam audax, tam inimicus nobis fuiſſet, ut cogitaret umquam de ſtatu noſtro labefactando, niſi mucronem aliquem tribuniciū exaciuiſſet in nos? quem cum homines ſclerati ac perditī non modo nulla in domo, ſed nulla in gente reperient gentes ſibi in tenebris reip. perturbandas putauerunt: quod nobis quidem egregium, et ad immortalitatem memoriae glorioſum, neminem in nos mercede ulla tribunum potuiſſe reperiri, niſi cui ne eſſe quidem licuiſſet tribuno. Sed ille quas ſtrages edidit? eas uidelicet, quas ſine ratione, ac ſine ulla ſpe bona furor edere potuit impurae belluae multorum inflammatus furoribus. quamobrem in iſta quidem re uehementer Syllam probo, qui tribunis pl. ſua lege iniuriae faciendae poteſtatem ademerit, auxilij ferendi reliquerit: Pompeiumq. noſtrum in ceteris rebus omnibus ſemper ampliffimis ſummisq. effero laudibus: de tribunicia poteſtate taceo. nec enim reprehendere libet, nec laudare poſſum. M. Vitia quidem tribunatus praeclare, Quinte, perſpicias: ſed eſt iniqua in omni re accuſanda, praetermiſſis bonis, malorum enumeratio, uitiorumq. ſelectio.

D D nam

nam isto quidem modo uel consulatus uituperabilis est, si consulum, quos enumerare nolo, peccata collegeris. ego enim fateor in ista ipsa potestate inesse quiddam mali: sed bonum, quod est quaesitum in ea, sine isto malo non haberemus. nimia potestas est tribunorum pl. quis negat? sed uis populi multo uehementior, multoq. saenior; quae, ducem quod habet, interdum leuior est, quam si nullum haberet. dux enim suo periculo progredi cogitat: populi impetus periculi rationem sui non habet. At aliquando incenditur. & quidem saepe sedatur. quod enim est tam desperatum collegium, in quo nemo e decem sana mente sit? quin per * per ipsum Ti. Gracchum non solum * neptus, uerum etiam sublatus intercessor fuerat. quid enim illū aliud perculit, nisi quod potestatem intercedendi collegae abrogauit? sed tu sapientiam maiorum in illo uide. concessa plebi a patribus ista potestate arma ceciderunt: restituta seditio est: inuentum est temperamentum, quo tenuiores cum principibus aequari se putarint: in quo uno fuit ciuitatis salus. At duo Gracchi fuerunt. &, praeter eos, quamuis enumeres multos licet, cum deni crearentur: nullos in omni memoria reperiēs perniciosos tribunos; leues etiam nunc, bonos fortasse plures. inuidia quidem summus ordo caret: plebs de suo iure periculosas contentiones nullas facit. quamobrem aut exigendi reges non fuerunt; aut plebi re, non uerbo, danda libertas: quae tamen sic data est, ut multis praeclarissimis addiceretur,

diceretur, ut auctoritati principium cederet. Nostra autem causa, quae, optime & dulcissime frater, incidit in tribuniciam potestatem, nihil habuit contentionis cum tribunatu. non enim plebs incitata nostris rebus inuidit: sed uincula soluta sunt, et seruitia incitata, adiuncto terrore etiam militari. neque nobis cum illatum peste certamen fuit, sed cum grauissimo reip. tempore: cui si non cessissem, non diuturnum beneficii mei patria fructum tulisset. atque hoc rei exitus indicauit. quis enim non modo liber, sed etiam seruus, libertate dignus, fuit, cui nostra salus cara non esset? quod si is casus fuisset rerum, quas pro salute reip. gessimus, ut non omnibus gratus esset: si nos multitudinis uis furentis, inflammata inuidia, pepulisset: si tribunus aliquis sic in me populum, sicut Gracchus in Laenatem, Saturninus in Metellum, incitasset: ferremus o Quinte frater, consolarenturque nos non tam philosophi, qui Athenis fuerunt, qui hoc facere debent, quam clarissimi uiri, qui, illa urbe pulsi, carere ingrata ciuitate, quam manere in improba, maluerunt. Pompeium uero quod una ista in re non ita ualde probas, uix satis mihi illud uideris attendere, non solum ei, quid esset optimum, uidendum fuisse, sed etiam quid necessarium. sensit enim deberi non posse huic ciuitati illam potestatem: quippe quam tantopere populus noster ignotam expetisset, qui posset carere cognita? sapientis autem ciuis fuit, causam nec perniciosam, & ita popularem, ut non posset ob-

DD 2 sti,

DE LEGIBVS

sti, nisi perniciose, populari ciui non relinquere.
 Scis solere, frater, in huiusmodi sermone ut transili
 ri alio possit, dici admodum. Att. Prorsus est ita.
 Q. Hand equidem assentior: tu tamen ad reliqua
 pergas uelim. M. Perseueras tu quidem, & in tua
 uetere sententia permanes. Q. Nunc mehercule.
 Att. Ego sane a Quinto nostro dissentio: sed ea,
 quae restant, audiamus. M. Deinceps igitur omni-
 bus magistratibus auspicia, & iudicia dantur: iudi-
 cia, ut esset populi potestas, ad quam prouocare-
 tur: auspicia, ut multos inutiles comitiatus probabi-
 les impedirent morae: saepe enim populi impetum
 iniustum auspicijs dii immortales represserunt. Ex
 ijs autem, qui magistratum ceperunt, quod sena-
 tus efficitur: populare est sane, neminem in sum-
 mum locum, nisi per populum, uenire, sublata
 cooptatione censoria: sed praesto est huius uitij tem-
 peratio, quod senatus lege nostra confirmatur au-
 ctoritas. sequitur enim: Eius decreta rata sunt.
 nam ita se res habet, ut, si senatus dominus sit publi-
 ci consilij, quodq. is creuerit, defendant omnes; &
 si ordines reliqui principis ordinis consilio remp. gu-
 bernari uelint; possit ex temperatione iuris, cum
 potestas in populo, auctoritas in senatu sit, te-
 neri ille moderatus et concors ciuitatis sit itus; prae-
 fertim si proximae legi parebitur. nam. proximum
 est. Is ordo uitio careto. Q. Praeclara uero frater
 ista lex: sed & late patet, ut uitio careat ordo, &
 censorem quaerat interpretem. Att. Ille uero etsi
 est

est totus tuus ordo, gratissimamq. memoriam retinet consulatus tui, pace tua dixerim, non modo censores, sed etiam iudices omnes potest defatigare.

M. Omitte ista Attice: non enim de hoc senatu, nec his de hominibus, qui nunc sunt, sed de futuris, si qui sorte his legibus parere voluerint, haec habetur oratio. nam cum omni vitio carere lex iubeat, ne ueniet quidem in eum ordinem umquam vitij particeps. id autem difficile factum est, nisi educatione quadam, & disciplina: de qua dicemus aliquid fortasse, si quid fuerit loci, aut temporis. Att. Locus certe non deerit, quoniam tenes ordinem legum: tempus uero largitur longitudo diei. ego autem, etiam si praeterieris, repetam a te istum de educatione & de disciplina locum. M. Tu uero & istum, Attice, & si quem alium. Ceteris specimen esto. quod si est, tenemus omnia. ut enim cupiditatibus principum & vitij infici solet tota ciuitas, sic emendari & corrigi continentia. uir magnus, & nobis omnibus amicus, L. Lucullus efferebatur, quasi commodissime respondisset, cum esset obiecta magnificentia uillae Tusculanae, duos se habere uicinos, superiorem equitem R. inferiorem libertinum: quorum cum essent magnificae uillae, concedi sibi oportere, quod ijs, qui tenuioris ordinis essent, liceret. non uides, Luculle, a te id ipsam natum, ut illi cuperent? quibus, id si tu non faceres, non liceret. quis enim ferret istos, cum uideret eorum uillitas signis & tabulis refertas, partim publicis, par-

DE LEGIBVS

tim etiam sacris & religiosis? quis non frangeret eorum libidines, nisi illi ipsi, qui eas frangere deberent, eisdem tenerentur? nec enim tantum mali est peccare principes, (quamquam est magnum hoc per se malum) quantum illud, quod permulti etiam imitatores principum existunt. nam licet uidere, si uelis replicare memoriam temporum, qualescunque summi ciuitatis uiri fuerint, talem ciuitatem fuisse; quaecunque mutatio morum in principibus extiterit, eandem in populo secutam. idque haud paullo est uerius, quam quod Platoni nostro placeat, qui, musicorum cantibus, ait, mutatis, mutari ciuitatum status: ego autem, nobilium uita uictuq. mutato, mores mutari ciuitatum putato. quo perniciosius de rep. merentur uitiosi principes, quod non solum uitia concipiunt ipsi, sed ea infundunt in ciuitatem; neque solum obsunt, quod illi ipsi corrumpuntur, sed etiam quod corrumpunt, plusq. exemplo, quam peccato, nocent. Atque haec lex, dilata in ordinem cunctum, coangustari etiam potest. pauci enim, atque admodum pauci, honore & gloria amplificati, uel corrumpere mores ciuitatis, uel corrigere possunt. Sed haec et nunc satis, & in illis libris tractata sunt diligentius. quare ad reliqua ueniamus. Proximum est autem de suffragijs: quae iubeo nota esse optimatibus, populo libera. Att. Ita mehercule attendi, nec satis intellexi, quid sibi lex, aut quid uerba ista uellent. M. Dicam, Attice, & uersabor in re difficili, ac multum

&

et saepe quaesita: suffragia in magistratu mandando
aut de reo iudicando aut in lege, aut rogatione sciscē-
da, clam an palam ferre melius esset. Att. An e-
tiam id dubium est? Q. Vereor ne a te rursus dissen-
tiam. M. Non facies, Quinēte: nam ego in ista sum
sententia, quae te fuisse semper scio, nihil ut fuerit in
suffragiis uoce melius: sed; obtineri an possit, uiden-
dum est. Q. Frater, bona tua uenia dixerim, ista sen-
tentia maxime & fallit imperitos, & obest saepissi-
me reip. cum aliquid uerum et rectum esse dicitur.
sed obtineri, id est obsisti posse populo, negatur. pri-
mum enim obsistitur, cum agitur seuerē: deinde,
ui opprimi in bona causa est melius, quam male ce-
dere. quis autem non sentit, omnem optimatum
auctoritatem tabellariam legem sustulisse? quam
populus liber numquam desiderauit, idem oppres-
sus dominatu ac potentia principum flagitauit. ita-
que grauiora iudicia de potentissimis hominibus
extant uocis, quam tabellae. quamobrem suffragan-
di nimia libido in non bonis causis eripienda fuit po-
tentibus, non latebra danda populo, in qua, bonis
ignorantibus, quid quisque sentiret, tabella uitio-
sum occultaret suffragium. itaque isti rationi neque
lator quisquam est inuentus, nec auctor unquam
bonus. sunt enim quattuor leges tabellariae: quarum
prima de magistratibus mandandis: ea est Gabinia,
lata ab homine ignoto, & sordido. secuta biennio
post Cassia est, de populi iudicio. ea a nobili homi-
ne lata L. Cassio, sed (pace familiae dixerim) dissi-
dente

D E L E G I B V S

dente a bonis, atque omnes rumusculos populari ratione aucupante. Carbonis est tertia, de iubendis legibus ac uetandis, seditiosi atque improbi ciuis; cui ne reditus quidem ad bonos, salutem a bonis potuit asferre. Vno in genere relinqui uidebatur uocis suffragium, quod ipse Cassius exceperat, perdullionis. dedit huic quoque iudicio Coelius tabellam; doluitq. quoad uixit, se, ut opprimeret C. Popillium, nocuisse etiam reip. & auus quidem noster singulari uirtute in hoc municipio, quoad uixit, restitit M. Gratidio, cuius in matrimonio sororem, auiam nostram, habebat, ferenti legem tabellariam. excitabat enim fluctus in simpulo, ut dicitur, Gratidius: quos post filius eius in Aegaeo excitauit mari, ac nostro quidem, qui cum res esset ad se delata, Scaurus cos. Vtinam, inquit, M. Cicerone isto animo, atque uirtute in summa rep. nobiscum uersari, quam in municipali, muluisses. quoniam quoniam non recognoscimus nunc leges populi R. sed aut repetimus ereptas, aut nouas scribimus; non quid hoc populo obtineri possit, sed, quid optimum sit, tibi dicendum puto. nam Cassiae legis culpam Scipio tuus sustinere: quo auctore lata esse dicitur: tu si tabellariam tuleris, ipse praeftabis. nec enim mihi placet, nec Attico nostro, quantum e uultu eius intelligo. Att. Mihi nero nihil unquam populare placuit, eamq. optimam remp. esse duco, quam hic consul constituerat, quae sit in potestate optimorum. M. Vos quidem, ut uideo, legem antiquastis

His sine tabella : sed ego , etsi satis dixit pro se in
illis libris Scipio , tamen libertatem istam largior
populo , ut & auctoritate ualeant , & utantur bo-
nis . sic enim a me recitata lex est de suffragijs , Opti-
matibus nota , plebi libera sunt . quae lex hanc sen-
tentiam continet , ut omnes leges tollat , quae postea
latae sunt , quae tegunt omni ratione suffragium ,
ne quis inspiciat tabellam , ne roget , ne appellet .
pontes etiam lex Maria fecit angustos . quae si op-
posita sunt ambitiosis , ut sunt fere ; non reprehen-
do : si ualuerint tantum leges , ut ne sint ambitus ;
habeat sane populus tabellam , quasi iudicem liber-
tatis ; dummodo haec optimo cuique & grauissimo
cui ostendatur ; utroq. offeratur , ut in eo sit ipso
libertas , in qua populo potestas honeste bonis grati-
ficandi datur . eoq. nunc fiet illud quod a te modo ,
Quinte , dictum est , ut minus multos tabella con-
demnet , quam solebat uox : quia populo licere sa-
tis est . hoc retento , reliqua uoluntas auctoritati , aut
gratiae traditur . itaque ut omittam largitione cor-
rupta suffragia , non uides , si quando ambitus si-
leat , quaeri in suffragijs , quid optimi uiri sentiant ?
quamobrem lege nostra libertatis species datur , bo-
norum auctoritas retinetur , contentione causa tol-
litur . Sequitur , quibus ius sit cum populo agendi ,
aut cum senatu : deinde grauis , & , ut arbitror ,
praeclara lex . Quae cum populo , quaeq. in patribus
agentur , modica sunt : idest , modesta , atque se-
data : actor enim moderatur & fingit non modo men-
tem

DE LEGIBVS

tem ac uoluntates, sed paene uultus eorum, apud
quos agit: quod in senatu non difficile est: est enim
senatoris, cuius non ad auctorem referatur animus,
sed qui per se ipse spectari uelit. huic iussa tria sunt:
ut adsit: nam grauitatem res habet, cum frequens
ordo est: ut loco dicat, id est, rogatus: ut modo; ne
sit infinitus. nam breuitas non modo senatoris, sed
etiam oratoris magna laus est in sententia. nec est
umquam longa oratione utendum, nisi aut expectan-
te senatu, quod sit ambitione saepissime; cum, nullo
magistratu adiuuante, tolli idem utile est: aut cum
tanta causa est, ut opus sit oratoris copia uel ad hor-
tandum, uel ad docendum. quorum generum in
utroque magnus noster Cato est. Quodq. addit,
Causa populi teneto: est senatori necessariam nos-
se remp. idq. late patet, quid habeat militum, quid
ualeat aerario, quos socios habeat, quos amicos,
quos stipendiarios, qua quisque sit lege, condicio-
ne, foedere: tenere consuetudinem decernendi, nos-
se exempla maiorum. uidetis iam, genus hoc om-
ne, scientiae, diligentiae, memoriae esse: sine quo pa-
ratus esse senator nullo pacto potest. Deinceps sunt
cum populo actiones: in quibus primum, & maxi-
mum, Vis abesto. nihil est enim exitiosius ciuitati-
bus, nihil tam contrarium iuri & legibus, nihil mi-
nus ciuile & humanum, quam composita & consti-
tuta rep. quidquam agi per uim. Parere iubet inter-
cessori: quo nihil praestantius. impediri enim bo-
nam rem melius, quam concedi malam. Quod uero
actoris

*Plut: in
uita:*

actoris inbeo esse fraudem, id totum dixi ex Crassi, sapientissimi hominis, sententia: quam senatus est secutus; cum decreuisset, C. Claudio consule de C. Carbonis seditione referente, inuito eo, qui cum populo ageret, seditionem non posse fieri: quippe cui liceat concilium, simul atque turbari coeptum sit, dimittere. * quod qui permanet, cum agi nihil potest, uim quaerit: cuius impunitatem amittit hac lege. Sequitur illud: Intercessor rei malae, salutaris ciuis esto. quis non studiose reip. subuenerit, hac tam praeclara legis uoce laudatus? sunt deinde posita, deinceps, quae habemus etiam in publicis institutis ac legibus: auspicia seruant, auguri parento. est autem boni auguris, meminisse, maximis reip. temporibus praesto esse debere, Ioniq. opt. max. se consiliarium atque administrum datum, et sibi eos, quos in auspicio esse iusserit, caeliq. partes sibi definitas esse traditas: e quibus saepe opem reip. ferre possit. deinde de promulgatione, de singulis rebus agendis, de priuatis, magistratibus ue audiendis. tum leges praeclarissimae de x i tabulis tralatae duae: quarum altera priuilegia tollit; altera de capite ciuis rogari, nisi maximo comitiatu, uetat, non dum initis seditiosis tribunis pl. * ne rogacialis quidem, admirandum, tantum maiores in posterum prouidisse. in priuatos homines leges ferri noluerunt: id est enim priuilegium: quo quid est iniustius? cum legis haec uis sit, scitum & iussum in omnes. ferri de singulis, nisi centuriatis comitijs noluerunt:

DE LEGIBVS

runt : descriptus enim populus censu , ordinibus ,
aetatibus , plus adhibet ad suffragium consilij , quam
fuisse in tribus conuocatus . quo uerius in causa no-
stra uir magni ingenij , summaq. prudentia L. Cot-
ta dicebat , nihil omnino actum esse de nobis : prae-
ter enim quam quod comitia illa essent armis gesta
seruilibus , praeterea neque tributa capitis comitia
rata esse posse , neque ulla priuilegia . quocirca ni-
hil nobis opus esse lege , de quibus nihil omnino a-
ctum esset legibus . sed uisum est & uobis , et claris-
simis uiris melius , de quo serui & latrones sciuis-
se se aliquid dicerent , de hoc eodem cunctam Ita-
liam quid sentiret , ostendere . Sequuntur de ui , de
captis pecunijs , & de ambitu leges , quae cum ma-
gis iudicijs , quam uerbis sancienda sint , adiungi-
tur , Noxiae poena par esto . ut in suo uitio quisque
plectatur , uis capite , auaritia multa , honoris cu-
piditas ignominia sanciantur . Extremae leges sunt
non usitatae , reip. necessariae . legum custodiam nul-
lam habemus itaque hae leges sunt , quas apparito-
res nostri uolunt . a librarijs publicis . quibus litte-
ris consignatam memoriam publicam nullam habe-
mus . Graeci hoc diligentius , apud quos νομοφύλακες
creantur . nec ij solum litteras , (nam id quidem e-
tiam apud maiores nostros erat) sed etiam facta
hominum obseruabant , ad legesq. reuocabant .
Haec detur cura censoribus : quandoquidem eos in
rep. semper uolumus esse . apud eosdem , qui magi-
stratu abierint , edant et exponant quid in magistra-
tu

pro Clue.
41.

tu gesserint: deq. ijs censores praeiudicent. hoc in Graecia fit, publice constitutis accusatoribus, qui quidem graues esse non possent, nisi sint uoluntarij. quocirca melius est, rationes referri, causamq. exponi censoribus, integram tamen legi, accusatori, iudicioq. seruari. Sed satis iam disputatum de magistratibus, nisi forte quid desideratis. Att. Si nos taceamus, locus ipse te non admonet, quid tibi sit deinde dicendum? M. Mihi ne? de iudicijs, arbitror, Pomponi: id est enim iunctum magistratibus. Att. Quid? de iure populi R. quemadmodum instituiisti, dicendum nihil putas? M. Quid tandem hoc loco est, quod requiras? Att. Ego ne? quod ignorari ab his, qui in rep. uersantur, turpissimum puto. nam, ut modo a te dictum est, leges a librarijs peti; sic animaduerto, plerosque in magistratibus, ignorantia iuris sui, tantum sapere, quantum apparitores uelint. quamobrem si de sacrorum alienatione dicendum putasti, quoniam de religione leges proposueras: faciendum tibi est, ut, magistratibus lege constitutis, de potestate, tum iure disputes. M. Faciam breuiter, si consequi potuero. nam pluribus uerbis scripsit ad patrem tuum M. Iunius sodalis, *pro quibus* perite, meo quidem iudicio, & diligenter. at de iure naturae cogitare per nos, atque dicere debemus; de iure populi R. quae relictæ sunt, & tradita. A. Sic profecto censeo, & id ipsum, quod dicis, expecto.

Multa desunt.

M. TULLII

M. TVLLII CICERONIS
EX TIMAEO PLATONIS
DE VNIVERSITATE,
LIBER.

M VLT A sunt a nobis & in Academi-
cis conscripta contra physicos ; & saepe
cum P. Nigidio, Carneadeo more &
modo disputata : fuit enim uir ille cum
ceteris artibus, quae quidem dignae libero essent, or-
natus omnibus, tum acer inuestigator & diligens
earum rerum, quae a natura inuolutae uidentur.
denique sic indico, post illos nobiles Pythagoreos,
quorum disciplina extincta est quodam modo, cum
aliquot saecula in Italia, Siciliaq. uiguisset, hunc
extitisse, qui illam renouaret. qui cum me in Cili-
ciam proficiscentem Ephesi expectauisset, Romam
ex legatione ipse decedens ; uenissetq. eodem Mity-
lenis, mei salutandi, & uisendi causa, Cratippus,
Peripateticorum omnium, quos quidem ego audi-
uerim, meo iudicio facile princeps : perlibenter &
Nigidium uidi, & Cratippum cognoui. ac primum
quidem tempus salutationibus, reliquum percuncta-
tione consumpsimus.

Desunt multa.

quid est, quod semper sit, neque ullum habet ortum,
& quod gignatur, nec umquam sit? quorum alterum
intelligentia, & ratione comprehenditur, quod
unum semper, atque idem est: alterum, quod af-
fert opinionem per sensus, rationis expers, quod
totum opinabile est, id gignitur, & interit, nec um-
quam esse uere potest. omne autem, quod gigni-
tur, ex aliqua causa gigni necesse est: nullius enim
rei, causa remota, reperiri origo potest. quocirca
si is, qui aliquod munus efficere molitur, eam spe-
ciem, quae semper est eadem, intuebitur, atque eam
sibi proponet exemplar, praeclarum opus efficiat ne-
cesse est. si autem illam, quae gignitur: numquam
illam, quam expetet, pulchritudinem consequetur.
omne igitur caelum, siue mundus, siue quo alio no-
cabulo gaudet, hoc a nobis nuncupatus sit. de quo
id primum consideremus, quod principio est in om-
ni quaestione considerandum, semper ne fuerit nullo
generatus ortu, an ortus sit, an ab aliquo temporis
principatu ortus est, quandoquidem cernitur, &
tangitur, & est undique corporatus. omnia autem
taliter sensum mouent: sensusque mouentia quae sunt,
eadem in opinacione confidunt: quae ortum habere,
gigni. diximus, nihil autem gigni posse sine caus-
sis. atque illum quidem quasi parentum huius uni-
uersitatis inuenire difficile: & cum iam inueneris,
indicare in uulgus nefas. rursus igitur uidendum, il-
le fabricator tanti operis utrum sit imitatus exem-
plar, id ne quod semper unum & idem, & sui si-
mile,

DE VNIVERSITATE

mile, an id quod generatum ortumq. dicimus. At-
qui si pulcher est hic mundus, si probus eius artifex
profecto speciem aeternitatis imitari maluit. sin se-
cus, quod ne dictu quidem fas est: generatum exem-
plum est pro aeterno secutus. non igitur dubium,
quin aeternitatem maluerit exequi, quandoquidem
neque mundo quidquam pulchrius, neque eius aedi-
ficatore praestantius. si ergo generatus, ad id effe-
ctus, quod ratione sapientiaq. comprehenditur,
atque immutabili aeternitate continetur. ex quo effi-
citur, ut sit necesse hunc, quem cernimus, mun-
dum, simulacrum aeternum esse alicuius aeterni. dif-
ficillimum autem est in omni conquisitione rationis
exordium. de ijs igitur, quae diximus, haec sit pri-
ma distinctio. in omni oratione cum ijs rebus, de
quibus explicandum uidetur, esse cognitio. itaque
cum de re stabili & immutabili disputatur, oratio
talis sit, qualis sit illa, quae neque redargui, neque
conuinci potest. cum autem ingressa est imitata,
& effecta simulacra, bene agi putat, si similitu-
dinem ueri consequatur. quantum enim ad id, quod
ortum est, aeternitas ualet: tantum ad fidem ueri-
tas. quocirca si forte de deorum natura, ortuq. mun-
di differentes, minus id, quod habemus animo, con-
sequimur, ut tota dilucide & plane exornata ora-
tio sibi constet, & ex omni parte secum ipsa consen-
tiat: haud sane erit mirum: contentiq. esse debebi-
tis, si probabilia dicentur: aequum est enim memi-
nisse, & me, qui differam, hominem esse, & uos,
qui

qui iudicatis: ut, si probabilia dicentur, nil ultra
requiratis. Quæramus igitur causam, quæ cum
impulerit, qui hæc machinatus sit, ut originem re-
rum, & molitionem nouam quæreretur. probitate ui-
delicet præstabat: probus autem inuidet nemini:
itaque omnia sui similia generauit. hæc nimirum
gignendi mundi causa iustissima. nam cum consti-
tuisset deus bonis omnibus explere mundum, mali
nihil admiscere, quoad natura pateretur: quidquid
erat quod in cernendi sensum caderet, id sibi assump-
sit, non tranquillum, & quietum, sed immodera-
te agitatum, et fluctuans: idq. ex inordinato in ordi-
nem adduxit: hoc enim iudicabat esse præstantius.
fas autem nec est, nec umquam fuit, quidquam nisi
pulcherrimum facere eum, qui esset optimus. cum
rationem igitur habuisset, reperiēbat nihil esset eo-
rum, quæ natura cernerentur, non intelligens in-
telligente in toto genere præstantius. quocirca intel-
ligentiam in animo, animum conclusit in corpore.
sic ratus est opus illud effectum esse pulcherrimum.
quam ob causam non est cunctandum profiteri, si
modo inuestigare aliquid coniectura potest, hunc
mundum animal esse, idq. intelligens, & diuina
prouidentia constitutum. hoc posito, quod sequitur
uidendum est, cuiusnam animantium deus in fingen-
do mundo similitudinem secutus sit. nullius profe-
cto, eorum quidem, quæ sunt nobis nota animan-
tia: sunt enim omnia in quædam genera partita,
aut inchoata, nulla ex parte perfecta: imperfecto

EE autem

DE VNIVERSITATE

autem nec absoluto simile, pulchrum esse nihil potest. cuius ergo omne animal quasi particula quaedam est, siue in singulis, siue in uniuerso genere cernatur, eius similem mundum esse dicamus. omnes igitur, qui animo cernuntur, & ratione intelliguntur, animantes, complexu rationis & intelligentiae, sicut homines, hoc mundo, & pecudes, & omnia quae sub aspectum cadunt, comprehenduntur: quod enim pulcherrimum in rerum natura intelligi potest, & quod ex omni parte absolutissimum est; cum deus similem mundum efficere uellet, animal unum, aspectabile, in quo omnia animalia continerentur, effecit. recte ne igitur unum mundum dixerimus, an sint plures, an innumerales, dictu uerius & melius. unus profecto, siquidem factus est ad exemplum. quod enim omnes animantes eos, qui ratione intelliguntur, complectitur, id non potest esse cum altero. rursus enim alius animans, qui eum contineat, sit necesse est, cuius partes sint animantes superiores, caelumq. hoc simulacrum illius ultimi sit, non proximi. quorum ne quid accideret, atque ut hic mundus esset animanti absoluto simillimus, hoc ipso, quod solus atque unus esset, ideo singularem deus hunc mundum, atque unigenam procreauit. Corporeum autem et aspectabile, itemq. tractabile omne necesse est esse, quod natum est. nihil porro igni uacuum uideri potest: nec uero tangi, quod careat solido: solidum autem nihil, quod terrae sit expers. quamobrem mundum efficere

efficere moliens deus , terram primum , ignemq.
iungebat . omnia autem duo ad cohaerendum ter-
tium aliquid anquirunt , & quasi nodum , uincu-
lumq. desiderant . sed uinculorum id est aptissimum ,
atque pulcherrimum , quod ex se , atque de his ,
quae astringit , quammaxime unum efficit . id opti-
me assequitur , quae graece ἀναλογία , latine (auden-
dum est enim , quoniam haec primum a nobis nouan-
tur) comparatio , proportio ue dici potest . quando
enim trium uel numerorum , uel figurarum , uel
quorumcūque generum contingit , ut quod medium
sit , uti primum proportionem , ita id postremo com-
paretur , uicissimq. ut extremum cum medio , sic
medium cum primo conferatur : id , quod medium
est , tum primum fit , tum postremum ; postrema
uero & prima media fiunt . ita necessitas cogit , ut
eadem sint ea , quae diuincta fuerunt . eadem au-
tem cum facta sint , efficitur , ut omnia sint unum .
quod si uniuersitatis corpus planum & aequabile
explicaretur , neque in eo quidquam esset requisi-
tum : unum interiectum medium & se ipsum , &
ea , quibus esset interpositum , colligaret . sed cum
soliditas mūdo quaereretur , solida autem omnia uno
medio numquam , duobus semper copulentur , ita
contingit ut inter ignem , & terram aquam deus ,
animamq. poneret , eaq. inter se compararet , &
proportionem coniungeret , ut , quemadmodum ignis
animae , sic anima aquae , quodq. anima aquae , id
aqua terrae proportionem redderet . qua ex coniun-

EE 2 Elione

DE VNIVERSITATE

Etione caelum ita aptum est, ut sub aspectum, & tactum cadat. itaque & ob eam causam, & ab ijs rebus numero quattuor mundi est corpus effectum, ea constructum proportionem, qua dixi: ex quo ipse se concordiam quadam amicitia, & caritate completitur; atque ita apte cohaeret, ut dissolui nullo modo queat, nisi ab eodem, a quo est colligatus. earum autem quattuor rerum, quas supra dixi, sic in omni mundo omnes partes collocatae sunt, ut nulla pars huiusce generis excederet extra, atque in hoc universo inessent genera illa universa. id ob eas causas, primum ut mundus animans possit ex perfectis partibus esse perfectus, deinde ut unus esset, nulla parte, unde alter gigneretur, relicta, postremo ne quis morbus eum possit, aut senectus affligere: omnis enim coagmentatio corporis vel calore, vel frigore, vel aliqua impulsione uehementi labefactatur, & frangitur, & ad morbos senectutemque compellitur. hanc igitur habuit rationem effector mundi, molitorque deus, ut unum opus totum, atque perfectum ex omnibus totis, atque perfectis absolueretur, quod omni morbo senio ue careret. formam autem & maxime sibi cognatam, & decoram dedit. a quo enim animante omnes reliquos contineri uellet animantes, hunc ea forma figurauit, qua una omnes reliquae formae concluduntur: et globosus est fabricatus: quod σφαίρειδης graeci uocant: cuius omnis extremitas paribus a medio radijs attingitur. idque ita tornauit, ut nihil effici possit rotundius,

tundius, nihil ut asperitatis haberet, nihil offensio-
nis, nihil inclusum angulis, nihil anfractibus, nihil
eminens, nihil lacunosum, omnesq. partes similli-
mae omnium, quoad eius praestabat iudicio dissimili-
tudini similitudo. Omni autem totam figuram mun-
di leuitate circundedit: nec enim oculis egebat, quia
nihil extra, quod cerni posset, relictum erat; nec
auribus, quia ne quod audiretur quidem: neque
erant anima circumfusa extrema mundi, ut respira-
tionem requireret: nec uero desiderabat aut alimen-
ta corporis, aut detractationem confecti, & consum-
pti cibi: neque enim ulla decessio fieri poterat, ne-
que accessio. neque uero erat unde: ita se ipse con-
sumptione & senio alebat sui, cum ipse per se, &
a se & pateretur, & faceret omnia. sic enim ratus
est ille, qui ista iunxit, & condidit, ipsum se conten-
tum esse mundum, neque egere altero. itaque nec
ei manus affixit, quia nec capiendum quidquam
erat, nec repellendum; nec pedes, nec alia mem-
bra, quibus ingressus corpore sustineret: motum
enim dedit caelo eum, qui figurae eius sit aptissimus,
qui unus ex septem motibus mentem atque intelli-
gentiam cobiheret maxime. itaque una conuersio-
ne, atque eadem ipse circum se torquetur, & uer-
titur. sex autem reliquos motus ab eo separauit:
itaque eum ab omni erratione liberauit. ad hanc igi-
tur conuersionem, quae pedibus & gradu non ege-
ret, ingrediendi membra non dedit. haec deus is,
qui erat, de aliquando deo futuro cogitans, leuem

DE VNIVERSITATE

eum effecit, & undique aequabilem, & a medio ad summum parem, & perfectum, atque absolutum ex obsolutis, atque perfectis. animum autem ut in eius medio collocavit, ita per totum tetendit: deinde eum circumdedit corpore, & uestiuit extrinsecus: caeloq. soliuago: & uolubili, in orbem incitato complexus est, quod secum ipsum propter uirtutem facile esse posset, nec desiderare alterum, satis sibi ipse notus, & familiaris. sic deus ille aeternus hunc perfecte beatum deum procreauit. sed animum haud ita, ut modo locuti sumus, tum denique cum corpus ei effecisset, inchoauit: neque enim esset rectum minori parere maiorem. sed nos multa inconsiderate ac temere dicimus. deus autem & ortu, et uirtute antiquiorem genuit animum, eumq. ut dominum atque imperantem obedienti praefecit corpori: idq. molitus tali quodam est modo. ex materia, quae indiuidua est, & quae semper uniusmodi, suiq. similis, & ex ea, quae corporibus diuidua gignitur, tertium materiae genus ex duobus in medium admiscuit, quod esset eiusdem naturae, & quod alterius: idq. interiecit inter indiuiduum, atque id, quod diuiduum esset in corpore. ea cum tria sumpsisset, unam in speciem temperauit: naturamq. illam, quam alterius diximus, uel cum eadem coniunxit fugientem, et eius copulationis alienam permiscens cum materia, cum ex tribus effecisset unum, id ipsum in ea quae deuit membra partitus est. iam partes singulas ex eodem, & ex altero, & ex materia

teria temperavit . fuit autem talis illa partitio . unā
 principio partem detraxit ex toto : secundam autem
 primae partis duplam : deinde tertiam , quae esset se-
 cundae sesquialtera , primae tripla : deinde quar-
 tam , quae secundae dupla esset : quintam inde , quae
 tertiae tripla : tum sextam octuplam primae : po-
 stremo septimam , quae septem , & uiginti partibus
 antecederet primae . deinde instituit dupla & tripla
 intervalla explere , partes rursus ex toto desecans .
 quas intervallis ita locabat , ut in singulis essent bi-
 na media : uix enim audeo dicere medietates , quas
 graeci μετόχτας appellant : sed quasi ita dixerim ,
 intelligatur : erit enim planius . earum alteram , ea-
 dem parte praestantem extremis , eademq. supera-
 tam , alteram pari numero praestantem extremis ,
 pariq. numero superatam . sesquialteris autem in-
 tervallis , & sesquitercijs , & sesquioctanis sum-
 ptis ex his colligationibus in primis intervallis , ses-
 quioctauo intervallo , sesquitercia omnia explebat ,
 cum particulam singulorum relinqueret . eius au-
 tem particulae intervallo relicto , habebat numerus
 ad numerum eandem proportionem , comparatio-
 nemq. in extremis , quam habent CC LVI cum
 CC XLIII . atque ita permixtum illud , ex quo
 haec secuit , iam omne consumpserat . hanc igitur
 omnem coniunctionem , duplicem in longitudinem
 diffudit : mediaeq. accommodans mediam , quasi de-
 cussavit : deinde in orbem torsit , ut & ipsa secum ,
 & inter se , ex commissura , quae e regione esset ,
 EE 4 iunge

DE VNIVERSITATE

iungerentur: eoq. motu, cuius orbis semper in eodem erat, eodemq. modo ciebatur, undique est eas circumplexus. atque ita cum alterum esset exterio-rem amplexus orbem, illum eiusdem naturae, hunc alterius nominauit: eamque, quae erat eiusdem, detorsit a latere in dextram partem: hanc autem citimam a media linea direxit ad laeuam: sed principatum dedit superiori, quam solam indiuiduam reliquit. interiore autem cum in sex partes diuisisset, septem orbis dispares duplo, & triplo intervallo moueri iussit, contrarijs inter se cursibus. eorum autem trium fecit pares celeritates, sed quattuor & inter se dispares, et dissimiles trium reliquorum. animum igitur cum ille procreator mundi deus ex sua mente & diuinitate genuisset, tum denique omne, quod erat concretum, atque corporeum, substernebat animo, interiusq. faciebat: atque ita medio medium accommodans copulabat, sic animus a medio profectus, extremitatem caeli a suprema regione rotundo ambitu circumiecit, seseq. ipse uersans, diuinae, sempiternae, sapientisq. uitae induxit exordium. & corpus quidem caeli spectabile effectum est. animus autem oculorum effugit obtutum. est autem unus ex omnibus, rationis, contentionisq. (ἀπὸ τοῦ ἰν γραεε) sempiternarum rerum & sub intelligentiam cadentium compos & particeps: quo nihil ab optimo & praestantissimo genitore melius procreatum: quippe qui ex eadem uinctus, alteraq. natura, adiuncta materia temperatione trium partium

partium proportionem compacta, se ipse conuersans, cum materiam mutabilem arripuisset, & cum rursus indiuiduam, atque simplicem, per quam omnis mouetur, discernitq. quid sit eiusdem generis, & quid alterius: & cetera dijudicat, quid cuique rei sit maxime aptum, quid quoque loco, aut modo, aut tempore contingat: quaeq. distinctio sit inter ea, quae gignantur, & ea quae sint semper eadem. ratio autem utraque, quae uersatur in ijs, quae sunt semper eadem, et in ijs, quae mutantur, cum in eodem, & in altero mouetur ipsa per sese sine uoce, et sine ullo sono, cum eandem partem attingit, qua sensus cieri potest: orbis illius generis alterius immutatus et rectus omnia animo mentiq. denunciat: tum opiniones, ad sensionesq. firmas ueraeq. gignuntur, cum autem in illis rebus uertitur, quae manentes semper eadem, non sensu, sed intelligentia continetur,

Desunt multa.

Ratione igitur, & mente diuina, ad originem temporis, curriculum inuentum est Solis & Lunae.

Desunt non nulla.

ita uim suam natura conuertit, ut terram Lunae cursus proxime ambiret, eiq. supra terram proxima Solis circumuectio esset. Lucifer deinde & sancta
eta

Et Mercurij stella cursum habent Solis celeritati parem, sed uim quandam contrariam: eaq. conuersione, quam inter se habent Lucifer, Mercurius, Sol, alij alios uincunt, uicissimq. uincuntur. Reliquorum siderum quae causa collocandi fuerit, quaeq. eorum sit collocatio, in sermonem alium differendum est, ne in eo, quod attigendum fuit, quam in eo, cuius causa id attigimus, longior ponatur oratio. quando igitur unumquodque eorum siderum cursui decorum est adeptum, e quibus erat motus temporis consignandus; colligatisq. corporibus uinculis animalibus, tum animantia orta sunt, eaq. imperio parere didicerunt, tunc ex alterius naturae motione transuersa, in eiusdem naturae motum incurrentia, in eoq. haerentia, atque impedita, cum alia maiorem lustrarent orbem, alia minorem tardiusq. maiorem, celeriusq. minorem, motu uero unius eiusdemq. naturae, quae uelocissime mouebantur, ea celeritate uincta tardioribus, & cum superabant, superari uidebantur. omnis enim orbis eorum quasi facilitatis inflexione uertebatur: quam bifariam contrarie simul procedentia efficiebant, ut, quod esset tardissimum, id proximum fieret celerrimo. atque ut esset mensura quaedam euidentis, quae in istis octo cursibus celeritates, tarditatesq. declararet; deus ipse Solem, quasi lumen, accendit ad secundum supra terram ambitum, ut quam maxime caelum omnibus coluxceret, animantesque, quibus ius esset doceri, ab eiusdem motu,
 & ab

& ab eo, quod simile esset, numerorum naturam, uimq. cognoscerent. uos igitur & dies ad hunc modum, & ob has generata causas, unum circuitum orbis efficit sapientissimum, atque optimum: mensis autem, quando Luna lustrato suo cursu Solem consecuta est: annus, ubi Sol suum totum confecit, & peragrauit orbem, ceterorum autem siderum ambitus ignorantes homines, praeter admodum paucos, neque nomen appellant, neque inter se numero commetiuntur: itaque nesciunt hos siderum errores id ipsum esse, quod rite dicitur tempus, multitudine infinita, uarietate admirabili praeditos. at tamen illud perspicui, & intelligi potest, absoluto, perfectoq. numero temporis, absolutum, perfectumq. annum, tunc compleri denique, cum se octo ambitus confecti suis cursibus ad idem caput retulerunt, cumq. eos permensus est idem, & semper sui similis orbis. has igitur ob causas nata astra sunt, quae per caelum penetrantia solstitiali se et brumali reuocatione conueterent, ut hoc omne animal, quod uidemus, esset illi animali, quod sentimus, ad aeternitatis imitationem simillimum. et cetera quidem usque ad temporis ortum impressa ab illis, quae imitabatur, effinxerat. sed quia non dum omne animal in mundo intus incluserat, ex ea parte deficiebat ad propositum exemplar imaginis similitudo. quot igitur, & quales animalium formas mens, in speciem rerum intuens, poterat cernere, totidem, & tales in hoc mundo secum cogitauit effingere.

DE VNIVERSITATE

fingere. erant autem animantium genera quattuor, quorum unum diuinum, atque caeleste, alterum pennis nigerum et aerium, tertium * terrestre quartum. diuinae animationis maxime speciem faciebat ex igne, ita ut splendidissimus esset, et aspectu pulcherrimus. cumq. similem uniuersitatis naturae efficere uellet, ad uolubilitatem rotundauit, comiteq. eum sapientia quam optimae mentis effecit, circumq. caelum aequaliter distribuit, ut hunc uarietate distinctum bene graeci $\kappa\acute{o}\sigma\mu\acute{o}\varsigma$, nos lucentem mundum nominaremus. dedit autem diuinis duo genera motus: unum, quod semper esset in eodem aequae, & idem in omnibus, atque uno modo celeraret: alterum, quod in anticam partem a conuersione eiusdem, & similis, pelleretur. quinque autem reliquis motibus orbem eum esse uoluit expertem, immobilem, & stantem. ex quo genere ea sunt sidera, quae infixae caelo non mouentur loco: quae sunt animantia, eaq. diuina, ob eamq. causam suis sedibus inhaerent, & perpetuo manent. quae autem uaga et mutabili ratione labuntur, ita generata sunt, ut supra diximus. iam uero terram altricem nostram, quae traiecto axe sustinetur, diei noctisque effectricem, eandemq. custodem, antiquissimam deorum uoluit esse eorum, qui inter caelum gignerentur, flexiones autem deorum, & inter ipsos deos concursiones, quaeq. in orbibus deorum conuersiones, antecessionesq. eueniant, cumq. inter se paene contingant, eos, qui prope copulentur contraria regione, & pone

pone quos, aut ante labuntur, quibusq. temporibus a nostro aspectu oblitescant, rursusq. emergi errorem incutiant rationis expertibus, si uerbis explicare concemur, nullo posito sub oculis simulacro, earum rerum frustra suscipiatur labor. Sed haec satis sunt dicta nobis, quae de deorum, qui cernuntur, quiq. orti sunt, natura praefati sumus, habeant hunc terminum. reliquorum autem, quos graeci δαίμονας appellant, nostri opinor lares, si modo hoc recte conuersum uideri potest, & nosse, & nunciare ortum eorum maius est, quam ut profiteri scribere nos audeamus. credendum nimirum est ueteribus & priscis, ut aiunt, uiris, qui se progeniem deorum esse dicebant. itaque eorum uocabula nobis prodiderunt. nosse autem generatores suos optime poterant: ac difficile factum est, a dijs ortis fidem non habere: quamquam nec argumentis, nec rationibus certis eorum oratio confirmatur: sed quia de suis rebus notis uidentur loqui, ueteri legi, moriq. parendum est. sic igitur, ut ab his est traditum, horum deorum ortus habeatur, atque dicatur, ut Oceanum Salaciamq. caeli satum terraeq. conceptu generatos, editosq. memoremus: ex his Phorcyn, Saturnum, & Opem: deinceps Ionem, atque Iunonem, reliquos, quos fratres inter se, agnatosq. usurpare, atque appellare uidemus, & eorum, ut utamur ueteri uerbo, prosapiam. quando igitur omnes, & qui mouentur palamq. ostenduntur, & qui eatenus nobis declarantur, quo ipsi uolunt, creati sunt:

DE VNIVERSITATE

sunt: tum ad eos is deus, qui omnia genuit fatur.
Haec uos, qui deorum satū orti estis, attendite:
quorum operum ego parens effectorq. sum, quae
per me facta, non sunt dissoluta me inuito: quam-
quam omne colligatum solui potest: sed haudqua-
quam boni est, ratione uinctum uelle dissolvere. sed
quoniam orti estis, immortales uos quidem esse, et
indissolubiles non potestis: neutiquam tamen dissol-
uemini, nec uos ulla mortis fata periment, nec fraus
ualentior, quam consilium meum: quod maius est
uinculum ad perpetuitatem uestram, quam illa,
quibus estis tum, cum gignebamini, colligati. quid
sentiam igitur, cognoscite. tria nobis genera reli-
qua sunt, eaq. mortalia: quibus praetermissis, caeli
absolutio perfecta non erit: omnia enim genera ani-
malium complexu non tenebit: teneat autem oport-
tebit, ut ex eodem ne quid absit. quae a me ipso ef-
fecta sint, quod deorum uitam possint adaequare.
ut igitur mortali generentur condicione, uos suscipi-
te, ut illa gignatis, imiteminiq. uim meam, qua in
uestro ortu me usum esse meministis: in quibus qui-
tales creantur, ut deorum immortalium quasi gen-
tiles esse debeant, diuini generis appellentur, te-
neantq. omnium animantium principatum, uobisq.
iure & lege uolentes pareant: quorum uobis ini-
tium, statusq. traditur a me. uos autem ad id, quod
erit immortale, partem attexitote mortalem. ita
orientur animantes, quos & uiuos alatis, & con-
sumptos sinu recipiatis. Haec ille dixit. deinde ad
tempe-

temperacionem superiorem reuertit : in qua omnem animum uniuersae naturae temperans permiscebat, superisq. permixtionis reliquias fundens aequabat, eodem modo ferme, nisi quod non ita incorrupta, ut ea quae semper idem, sed a dijs secundum sumebat, atque tertium. toto igitur omnino constituto, sideribus parem numerum distribuit animorum, & singulos adiunxit ad singula, atque ita quasi in currum uniuersitatis imposuit, commonstrauitq. leges fatales, ac necessarias, & ostendit primum ortum unum fore omnibus, eumq. moderatum, atque constantem, nec ab ullo imminutum : satis autem, et quasi sparsis animis, fore uti certis temporum interuallis oriretur animal, quod esset ad cultum deorum aptissimum. sed cum duplex esset natura generis humani, sic se res habebant, ut praestantius genus esset eorum, qui essent futuri uiri. cum autem animis corpora cum necessitate inseuisset, cumq. ad corpora necessitate tum accessio fieret, tum abscissio, necesse erat sensum existere unum, communemq. omnium uehementiore motu excitato, coniunctoq. naturae. deinde uoluptate & molestia mixtum amorem, post iram & metum, & reliquos motus animi, comites superiorum, & his etiam contrarios dissidentes : quos qui ratione reuerit, iuste uixerit : qui autem his se dederit, iniuste. atque ille, qui recte & honeste curriculum uiuendi a natura datum confecerit, ad illud astrum, quo cum aptus fuerit, reuertetur : qui autem immoderate

DE VNIVERSITATE

rate & intemperate uixerit, eum secundus ortus in figuram muliebrem transferet; & si ne tum quidem finem uitiorum faciet, grauis etiam iactabitur, & in suis moribus simillimas figuras pecudum, & ferarum transferetur, neque malorum terminum prius aspiciet, quam illam sequi coeperit conuersionem, quam habeat in se ipse eiusdem, & unius simul innatam & insitam: quod tum eueniet, cum illa, quae ex igne, aere, aqua, atque terra turbulenta, & rationis expertia insederint, denique ratione depulerit, & ad primam atque optimam affectionem animi peruenerint. Quae cum ita designasset, seque, si quid postea fraudis, aut uitij euenisset, extra omnem culpam, caussamque posuisset, alios in terra, alios in Luna, alios in reliquis mundi partes, quae sunt ad spatiorum temporis significationem notae constitutae, spargens quasi serebat. post autem sationem eam dijs, ut ita dicam, iunioribus permisit, ut corpora mortalia effingerent, quantumque esset reliquum ex humano animo, quod deberet accedere, id omne, & quae consequentia essent, perpolirent, & absoluerent: deinde ut huic animanti principem se ducemque praeberet, uitamque eius pulcherrime regeret, & gubernaret, nisi quatenus ipse beneficijs sua culpa sibi aliquid miseriae quaereret. atque is quidem, qui cuncta composuit, constanter in suo manebat statu. qui autem erant ab eo creati, cum parentis ordinem cognouissent, hunc sequebantur. itaque cum accepissent immortale, princi-

principium mortalis animantis, imitantes genitor-
em & effectorem sui, particulas ignis, & terrae,
& aquae, et aeris a mundo, quas rursus redderent,
mutuabantur, easq. inter se copulabant, haud ijs-
dem uinculis, quibus ipsi erant colligati, sed tali-
bus, quae cerni non possent propter paruitatem: cre-
bris quasi cuneolis iniectis unum efficiebant ex om-
nibus corpus: itemq. in eo influente atque effluen-
te animo diuino ambitus illigabant. itaque illi in flu-
men immersi neque tenebant, neque tenebantur,
sed ui magna tum ferebant, tum ferebantur. ita to-
tum animal mouebatur illud quidem, sed immode-
rate & fortuitu, ut sex motibus ueberetur: nam
& ante, & pone, ad laeuam, & ad dextram, &
sursum, & deorsum, modo huc, modo illuc.

Desunt non nulla.


sed si in splendore confedit, tum uel eadem species, uel
interdum immutata redditur, cum ignis oculorum,
cū eo igne, qui est ob os offusus, se confudit, et conti-
lit. dextra autem uidetur, quae laeua sunt; quia con-
trarijs partibus oculorum, contrarias partes attingunt.
respondent autem dextra dextris, laeua laeuis
conuersione luminum, cum ea inter se non cohaere-

FF scunt.

scunt . id fit , cum speculorum lacuitas hinc , illincq.
 altitudinem assumpsit , & ita dextra detrusit in lae-
 uam partem oculorum , laeuq. in dextram . supi-
 nā etiam ora cernuntur depulsione luminum : quae
 conuertens inferiora reddit quae sunt superiora : at-
 qui haec omnia ex eo genere sunt , quae rerum adiu-
 uant causas . quibus utitur ministerijs deus , cum
 optimi speciem , quoad fieri potest , efficit . sed aesti-
 mant plerique non haec adiuuantia causarū , sed has
 ipsas esse omnium causas , quae vim habeant refrige-
 randi , calfaciendi , contrescendi , liquendi . careant
 autem omni intelligentia , atque ratione , quae , nisi
 in animo , nulla alia in natura reperiantur . animus
 autem sensum omnem effugit oculorum . at ignis ,
 & aqua , & terra , & aer corpora sunt , eaq. cer-
 nuntur . illum autem , qui intelligentiae sapientiaeq.
 se amatorem profitetur , necesse est intelligentis sa-
 pientisq. naturae primas causas conquirere , deinde
 secundas causas rerum earum , quae necessario mo-
 uent alias , cum ipsae ab alijs mouentur . quocirca
 nobis sic cerno esse faciendum , ut de utroque nos
 quidem dicamus genere causarum , separatim au-
 tem de ijs , quae cum intelligentia sunt efficientes pul-
 cherrimarum rerum , atque optimarum , de ijs ,
 quae uacantes prudentia , inconstantia , perturba-
 taq. efficiunt . At de oculorum quidem causis , ut
 haberent eam vim , quam nunc habent , satis ferme
 esse dictum puto . maxima autem eorum utilitas do-
 nata humano generi deorum munere deinceps ex-
 plicetur .

plicetur . rerum enim optimarum cognitiones nobis
oculi attulerunt . nam haec , quae est habita de uni-
uersitate , oratio a nobis haud umquam esset inuen-
ta , si neque sidera , neque Sol , neque caelum sub
oculorum aspectum cadere potuissent . nunc uero
dies noctesq. oculis cognitae , tum mensium , anno-
rumq. conuersiones ad numerum machinatae sunt ,
& spatium temporis dimensae , & ad quaestionem
totius naturae impulerunt . quibus ex rebus philoso-
phiam adepti sumus : quo bono nullum optabilius ,
nullum praestantius neque datum est mortalium ge-
neri deorum concessu , atque munere , neque dabitur .

Multa desiderantur .



227

A R A T I V E R S V S
A C I C E R O N E C O N V E R S I .

et, ubi aliquot in locis, iniuria temporis amissi Ci-
ceronis uersus desiderantur, eos addidimus,
quos, a Virgilio, Germanico Caesare,
Ruso Auieno conuersos, colligere
potuimus: qui, eorum nomi-
nibus e regione notatis,
internoscuntur.

VIR. Ab Ioue principium Musae, Iouis omnia plena.
3. ecl. *

VIR. Atque haec ut certis possimus discere signis,
I. geor. Aestusq. pluuiasq. et agentes frigora uentos
Ipse pater statuit.

GER. Nunc uacat audaces in caelum tollere uultus
Sideraq. & uarios astrorum noscere motus.

*

Haec ego dum laetis cogor praedicere musis,
Pax tua, tuq. adsis nato, numenq. secundes.
CIC. Cetera labuntur celeri caelestia motu,
Cum caeloq. simul noctesq. diesq. feruntur.

GER. Axis stat, motus semper uestigia seruat,
Libratasq. tenet terras, & cardine firmo
Orbem agit extremum.

CIC. Extremusq. adeo duplici de cardine uertex
Dicitur esse polus.

VIR. Hic uertex nobis semper sublimis, at illum

FF 3 I. geor.

A R A T I

I. geor. Sub pedibus styx atra uidet, manesq. profundi.

CIC. Hunc circum ἀρκτοι duae uertuntur.

GER. Tres temone rotisq. micant, sublime quaternae,
Si melius dixisse seras, obuersa refulgent.
Ora feris, caput alterius super horrida terga
Alterius lucet. pronas capit orbis in ipsos
Decliuus humeros.

Croesia uos tellus aluit, moderator Olympi
Donauit caelo. meritum custodia fecit,
Quod fidei comites prima incunabula magni
Fuderunt Iouis attonitae, cum furta parentis
Aerea pulsantes mendaci cymbala dextra
Vagitus pueri patrias ne tangeret auras
Dictaei exercerent dominae famuli Corybantes

CIC. Ex his altera apud Graecos Cynosura uocatur
Altera.

Quas nostri septem soliti uocitare triones.

GER. Dat Graijs Helice cursus maioribus astris.

*

CIC. Hac fidunt duce nocturna Phoenices in alto.
Sed prior illa magis stellis distincta refulget,
Et late prima confestim a nocte uidetur,
Haec uero parua est, sed nautis usus in hac est:
Nam cursu interiore breui conuertitur orbe.

GER. Sidoniamq. ratem numquam spectata sefellit.

CIC. Has inter ueluti rapido cum gurgite flumen
Torui draco repit, subter supraq. reuoluens
Sese, conficiensq. sinus e corpore flexos.

*

Hui

Huic non una modo caput ornans Stella relucet,
 Verum tempora sunt duplici fulgore notata,
 Et trucibusq. oculis duo feruida lumina flagrant,
 Atque uno mentum radianti sidere lucet,
 Obstipumq. caput tereti cernice reflexum
 Obtutum in cauda maioris figere dicas.

*

Hoc caput hic paullum sese, subitoq. recondit.
 Ortus ubi atque obitus partē miscuntur in unam.
 Attingens defessa uelut maerentis imago
 Vertitur.
 ἰγγὼν αὖτ' ἰπὺν dicunt, genibus quod nixa feratur.

*

GER. Dextro namque genu nixus, diuersaq. tendens
 Brachia, suppliciter passis ad numina palmis
 Serpentis capiti figit uestigia saena.

CIC. Hic illa eximio posita est fulgore Corona.

GER. Hunc illi Bacchus thalami memor addit honorē.

*

CIC. Atque hoc a tergo propter caput Anguitenētis,
 Quem claro perhibent ἰγγὼν nomine Graij,

*

GER. Illis laquet honos humeris, manet integer ardor,
 Luna etiam mensē cum pleno diuidit orbe.

*

CIC. Hic pressu duplici palmarum continet anguem,
 Atque eo ipse manet religatus corpore toto.
 Namque uirū mediū Serpens sub pectore cingit:
 Ille tamen nitens graniter uestigia ponit,

FF 4

Atque

Atque oculos urget pedibus pectusq. Nepai.

GER. Est impar manibus pondus, nam dextera parua
Parte Anguis tenet, a laeuq. attollitur omnis.
Quantumq. a laeua distantia certa notantur,
Erigitur tantum Serpens, atque ultima mento
Stella sub aetherea lucet crinita Corona.

Ad quam sed dorso peruadit lubricus Anguis.
Insignes caelum persundunt lumine Chelae.

CIC. Arctophylax uulgo qui dicitur esse Bootes,
Quod quasi temone adiuncta prae se quatit arctum.
Huic autem subter praecordia fixa uidetur.
Stella micans radijs Arcturus nomine claro.
Spicum illustre tenens splendenti corpore Virgo

GER. Quam te diua uocant, tangunt mortalia si te
Carmina, nec surdam praebes uenantibus aure.
Exosa haud mortale genus, medio mihi cursu
Stabunt quadrupedes, & flexis laetus habenis
Teq. tuumq. canam terris uenerabile numen.

Aurea pacati regeret cum saecula mundi
Iustitia, inuiolata malis, placidissima uirgo,
Sine illi astra genus fuerit, quem fama parentem
Tradidit astrorum, se uero intercipit aeno.
Ortus fama tui medys te laeta ferebat
Sublimis populis, nec dedignata subire
Tecta hominum, et puros mores sine crimine diua
Iura dabas, cultuq. nouo rude ualguis in omnem
Formabas uitae sinceris artibus usum.
Nondum uasanos rabies nudauerat enses,
Nec cum sanguineis fuerat discordia nata,
Ignotiq.

Ignotiꝫ. maris cursus : priuataꝫ. tellus
 Grata satis : neque per dubios auidiſſima uentos
 Spes procul amotas fabricata naue petebant .
 Diuitias fruētusꝫ. dabat placata colono
 Sponte ſua tellus , nec parui terminus agri
 Praeſtabat dominis ſigno tutiſſima rura .

At poſtquam argenti creuit deformior aetas ,
 Rariuſ inuiſit maculatas fraudibus urbes .
 Seraꝫ. ab excelsis descendens montibus , ore
 Velato , triſtiſꝫ. genas abſcondita ripa ,
 Nulliuſꝫ. larem , nullos adit illa penates .
 Tantum cum trepidum uulguſ coetuiꝫ. notauit ,
 Incipit , O patrum ſoboles oblita priorum
 Degeneresꝫ. habuit ſemperꝫ. habitura minores :
 Quid me nūc habitus ſuper et mala uota uocatiſ ?
 Quaerenda eſt ſedes nobis . noua ſaecula ueſtra
 Artibus indomitiſ tradam ſcleriꝫ. cruento ,
 Haec effata , ſuper montes abit alite curſu ,
 Attonitos linquens populoſ , grauiora pauentes .
 Aerea ſed poſtquā proleſ terris data , nec iam
 Semina uirtutiſ iniſ demerſa reſiſtunt :
 Quiſque priora tenet ueſtigia , quiſque ſecunda .
 Ferriꝫ. inuento meſ eſt laetata metallo ,
 Polluit & tauruſ menſeiſ aſſuetuſ aratro :
 Deſeruit propere terras iuſtiſſima uirgo ,
 Et caeli ſortita locum , qua proximuſ illi
 Tarduſ in occaſum ſequitur ſua plauſtra Bootes .
 Virginis at placidae praeeſtanti lumine ſignat
 ★ Stella humeroſ , Helicen nec clarior ambit

Quaeq.

A R A T I

Quaeq. micat, claudaq. armū praefulget ad ipsū,
Quaeq. priora tenet uestigia, quaeque secunda
Clunibus hirsutis & quae sua sidera reddit,
Nāque aliae, quibus expletum ceruixq. caputq.
Vatibus ignotae priscis sine honore feruntur

*

CIC. Et natos Geminos inuises sub caput Arcti
Subiectus medio est Cancer, pedibusq. tenetur
Magnū Leo, tremulā quatiens e corpore flāmā.

GER. Huic ubi contigerit Phoebi uiolentior axis
Accensa in Cancro, iam tūc geminabitur aestas,
Tunc lymphae tenues, tunc est tristissima tellus,
Et densas laetus segetes bene condit arator.
Ne mihi tunc tenuis pulset uaga caerula puppis.
Dem potius uentis excluso uela rudente,
Excipiamq. sinu Zephyris spirantibus auras.

*

CIC. Sub laeua Geminorum obductus parte feretur
Aduersum caput, huic Helice truculenta tuetur.
At Capra laeuum humerum clara obtinet.

GER. Nomina praeterea secum trahit una putata
Nutrix esse Iouis.

CIC. Verū haec est magno atq. illustri praedita signo.
Contra Hoedi exiguum iaciunt mortalibus ignē.
Cuius sub pedibus,
Corniger est ualido connixus corpore Taurus.

GER. Et caput & scapulas, nares & cornua Turi
Frōte micant Hyades, quae cornua sūma sinistri
Summa tenent. sub haec eadem uestigia dextra
Arigae

*Aurigae mediaq. ligant compagine. diuus
Myrtilus exoritur, summo cum piscibus ore
Totus cum Tauro lucet, ruit oceano Bos,
Ante super terras cum fulget Myrtilus ore.
CIC. Has Graeci stellas Hyadas uocitare suerunt.*

*

*GER. Iasides etiam caelum cum coniunge Cepheus
Ascendit totaq. domo, quia Iupiter auctor
Est generis, prodest maiestas saepe parentis.
Ipse breuem patulis manibus stat post Cynosurā.*

*CIC. Nāq. ipsum ad tergū Cynosurae uertitur Arcti.
GER. Diducto passim quantum latus a pede dextro,
Cepheus extremam tangit Cynosurida caudam,
Tantundem a laeuo distat minor. utraque iungit
Regula, Cepheos uestigia balthus ambit.*

*

*CIC. (Hūc antecedit) obscura specie stellarum Cassio-
GER. Clara, etiam pernix, caelo cum Luna refulget,
Sed breuis & paucis decorata in sidere flammis,
Qualis ferratos subicit clauicula dentes,
Succutit & foribus praeducit uincula claustris:
Talis dispositis stellis, ipsa horrida uultu
Sic tendit palmas, ceu sit planctura relictam
Andromedam merita non iusta piacula matris.*

*CIC. Hanc autem illustri uersatur corpore propter
Andromede, fugiens aspectum maesta parentis.*

*GER. Nec procul Andromede totā quā cernere non dū
Obscura sub nocte licet, sic emicat ore,
Sic magnis humeris cādēs nitet, ac media ambit
Ignea*

*Ignea substrieta fulget qua zonula palla.
Sed poenae facies remanet, distrietaq. pandit
Brachia, ceu magni teneantur robore saxi.*

*

*c1c. Hinc Equus ille iubā quatiens fulgore micanti
Summum cōtingit caput aluo, stellaq. ingens
Vna tenet duplices communi lumine formas,
Aeternum ex astris cupiens cōnectere nodum.*

*GER. * tres armo, sed latera aequis
Distinguunt spatij. capiti tristissima forma,
Et ceruix sine honore obscuro lumine sordet.
Spumanti mandit sed quae ferus ore lupato,
Et capite & longa cernice insignior exit
Stella nitens armis, lateriq. simillima magno.
Nec totam ille tamē formam per singula reddit,
Primo praestat Equo, medio rapta ordine mēbra
Destituent uisus, radijs hinc surgit imago.
Gorgonis hinc proles in Pierio Helicone
Vertice cum summo nondum decurreret unda
Musaeo fontes dextri pedis ictibus haurit:
Inde liquor genitus nomen tenet Hippocrenen,
Fontes nomen habēt. sed Pegasus aethere summo
Veloces agitat pennas, & sidere gaudet.*

*c1c. Exin contortis Aries cum cornibus haeret
* qui longe maxima torret,
Orbi: & ad finem spatij non tardior ipse
Peruenit, quam * Lycaonis Arctos
Claraq. non illi est facies, nec sidera possunt,
Officiat si Luna, sua uirtute nitere*

Sed

Sed quaerendus erit Zonae ratione micantis.

CIC. hanc subter possis cognoscere sultum.

Iam caeli mediam partem terit, ut prius altae

Chelae, tum pectus quod cernitur Orionis.

Et prope conspicias paruum sub pectore claro

Andromedae signum. Deltoton dicere Graij

Quod soliti, simili quia forma littera claret.

Huic spatio ductum simili latus extat utrumque,

At non tertia pars lateris. nam non minor illis,

Sed stellis longe densis praeclara relucet.

Inferior paullo est Aries, flamen ad austri

Inclinatio. atque etiam uehementius illi

Pisces, quorum alter paullo praelabitur ante,

Et magis horrisonis Aquilonis tangitur alis.

Atque horum et caudis duplices uelut esse catenae

Dicantur, sua diuersae per lumina serpunt,

Atque una tandem in stella communiter haerent,

Quam ueteres soliti caelestem dicere nodum.

Andromedae laeuo ex humero signum

Ac positum poteris supra cognoscere piscem.

Et pedibus uatum summo natum Ioue Perseum

Quos humero retinet defixo corpore Perseus.

Qua summa ab regione Aquilonis flamina pulsant.

Hic dextram ad sedes intendit Cassiopeiae,

Diuersosque pedes uinctos talaribus aptis.

Puluerulentus uti, de terra lapsu repente

In caelum uictor magnum sub culmine portat.

At propter laeuum genu omni ex parte locatas

Paruas Vergilias tenui cum luce uidebis.

Hae

A R A T I

Hae septem uulgo perhibentur more uetusto
 Stellae, cernuntur uero sex undique paruae.
 At non interijſſe putari conuenit unam.
 Sed fruſtra temere a uulgo ratione ſine ulla
 Septem dicier ut ueteres ſtatueret poetae,
 Aeterno cunctas aëuo qui nomine dignant.
 Alcione, Meropeque, Celeno, Taygeteque,
 Electre, Steropeque, ſimul ſanctiſſima Maia,
 Hae tenues paruo labantes lumine lucent,
 At magnum nomen ſigni, clarumq. uocatur,
 Propterea quod & aëſtatis primordia claret,
 Et poſt hiberni praepandens temporis ortus,
 Admonet ut mandent mortales ſemina terris.
 Inde fides leuiter pota & conuexa uidetur,
 Mercurius paruus manibus quam dicitur olim
 Infirmis fabricatus, in alta ſede locaſſe.
 Quae genu ad laeuum Niſi delapſa reſedit,
 Atque inter flexum genu & caput alitis haefit.
 Namque eſt Ales auis, lato ſub tegmine caeli
 Quae uolat, ſerpens geminis ſecat aera pennis,
 Altera pars huic obſcura eſt & luminis expers:
 Altera nec paruis, nec clariſ lucibus ardet,
 Sed mediocri iacit quatiens e corpore lumen.
 Haec dextram Cephei dextro pede pellere p̄ilmā
 Geſtit, iam uero clinata eſt ungula uehemens
 Fortis Equi propter pennati corporis alam.
 Ipſe autem labens multis Equus ille tenetur
 Piſcibus. hinc ceruix dextra mulcetur Aquari.
 Tum gelidum ualido de corpore frigus anhelans
 Corpore

Corpore semifero magno Capricornus in orbe,
Quem cum perpetuo uestiuit lumine Titan,
Brumali flectens contorquet tempore cursum.
Hoc caue te ponto studeas committere mense:
Nam non longinquum spatium labere diurnum,
Non hiberna cito uoluetur curriculo nox.
Humida non sese uestris aurora querelis
Ocyus ostendet, clari praenuntia solis:
At ualidis aequor pulsabit uiribus auster,
Tum fixum tremulo quatietur frigore corpus,
Sed tamen anni iam labuntur tempore toto,
Nec cui signorum cedunt, neque flamina uitant,
Nec metuunt canos minitanti murmure fluctus,
Atque etiam supero naui pelagoq. uagato
Mense Sagittipotens solis tum sustinet orbem.
Nā iam cū minus exiguo lux tēporē praesto est,
Hoc signum ueniens poterūt praenoscerē nautae.
Iam prope praecipiti ante licebit uisere nocti,
Vt sese ostendens emergat Scorpius alte
Posteriore trahens flexum ui corporis arcum.
Iam supra cernes Arcti caput esse minoris,
Et magis erectum ad summum uersarier orbem.
Tum sese Orion toto iam corpore condit
Extrema prope nocte, et Cepheus conditur ante
Lumborum tenuis a palma depulsus ad undas
Hic missus * iacet una sagitta
Quam propter nitens penna conuoluitur ales,
Et clinata magis paullo est Aquilonis ad auras.
At propter se Aquila ardenti cū corpore portat,
Igniferum

A R A T I

Igniferum mulcens tremebundis aethera pennis,
 Non nimis ingenti cū corpore, sed graue maestis
 Ostendit nautis perturbans aequora signum.
 Tum magni currens Capricorni corpora propter
 Delphinus iacet, haud nimio lustratū nitore,
 Praeter quadruplices stellas in fronte locatas
 Quas interuallum binas disternat unum,
 Cetera pars laete tenui cum lumine serpit,
 Illae quae fulgent luces ex ore corusco
 Sunt inter partes gelidas Aquilone locatae,
 Atque inter spatium & laeti uestigia solis.
 At pars inferior Delphini fusca uidetur,
 Inter solis iter, simul inter flamina uenti,
 Viribus erumpit qua summi spiritus austru.
 Exinde Orion obliquo corpore nitens,
 Inferiora tenet truculenti corpore Tauri.
 Quem qui suspiciet in caelum nocte serena,
 Late dispersum non uiderit, abdita uero
 Cetera se speret cognoscere signa potesse.
 Namque pedes subter rutilo cum lumine claret,
 Feruidus ille Canis stellarum luce refulgens.
 Hunc tegit obscuris subter praecordia uesper.
 Ver toto spirans rabido de corpore flammam,
 Aestiferos ualidis erumpit flatibus ignes,
 Totus ab ore micans iacitur mortalibus ardor.
 Hic ubi se pariter cum sole in lumina caeli
 Extulit, haud patitur foliorum tegmine frustra
 Suspensos animos arbusta ornata tenere.
 Nam quorum stirpes tellus amplexa prehendit,
 Haec

*Haet augens anima uitali flamina mulcet .
At quorum nequeunt radices findere terras ,
Denudat folijs ramos & cortice truncos . (te,
Hūc propter, subterq. pedes, quos diximus an
Oriona , iacet leuipes Lepus : hic fugit, iētus
Horrificos metuens rostri tremebundus acūti :
Nam Canis infesto sequitur uestigia cursu .
Praecipitatē agitās, oriens iam denique paullū ,
Curriculum numquam defesso corpore sedans .
At Canis ad caudam serpens praelabitur Argo,
Conuersam prae se portans cum lumine puppim .
Non aliae naues ut in alto pandere proras
Ante solent , rostro Neptunia prata secantes ,
Sed conuersa retro caeli semper loca portat .
Sicut cum coeptant tutos constringere portus
Obuertunt nauem magno cum pondere nautae ,
Aduersamq. trahunt optata ad littora puppim .
Sic conuersa uetus super aethera uertitur Argo,
Atque usque a prora ad caelū sine lumine malū ,
A malo ad puppim cum lumine clara uidetur ,
Inde gubernaculum disperso lumine fulgens
Clari posteriora Canis uestigia condit .
Exin semotam procul in tutoq. locatam
Andromedā, tamē explorās fera quærere Pistrix
Pergit, et usque sitā ualidas Aquilonis ad auras
Caerula uestigat, finita in partibus austri .
Hanc Aries tegit , & squāmosi corpore Pisces ,
Fluminis illustris tangentem corpore ripas .
Nāque etiā Eridanum cernes in parte locatum ,*

GG Caeli

A R A T I

Caeli funestum magnis cum uiribus amnem,
 Quē! crymis maestae Phaethōtis saepe sorores
 Sparserunt, letum maerenti uoce canentes.
 Hunc Orionis sub laeua cernere planta
 Serpentem poteris, proceraq. uincla uidebis
 Quae retinent Pisces caudarum parte locata.
 Flumine mixta retro ad Piſtriciſ terga reuerti
 Hinc una stella uertuntur, quam iacit ex se
 Piſtriciſ spina ualida cum luce refulgens.
 Exinde exiguae tenui cum lumine multae
 Inter Piſtricem fusae sparsaeq. uidentur
 Atque Gubernaculū stellae, quas contigit omnes
 Formidās acrem morsū Lepus his neque nomen
 Nec formam ueteres certam statuisse uidentur.

*

Nam quae sideribus claris natura poluit,
 Et uario pinxit distinguens lumine formas,
 Haec ille astrorum custos ratione notauit
 Signaq. signauit caelestia nomine uero.
 Has autem quae sunt paruo sub culmine fusae,
 Consimili specie stellas pariliq. nitore,
 Non potuit nobis nota clarere figura.

*

Voluitur inferior Capricorno Piscis ad Austrū,
 Piſtricem obseruās, procul illis piscibus haerens:
 At prope conspicias expertes nominis omnes
 Inter Piſtricē et Piscem quem diximus Austri,
 Stellas sub pedibus sparsas radiantis Aquari.
 Propter Aquarius obscurū dextra rigat amnem,
 Exiguo

*Exiguo qui stellarum candore nitescit .
E multis tum his duo late lumina fulgent .*

*

*Vnum sub magni pedibus cernetur Aquari
Quod superest gelido delapsum lumine fontis ,
Spumiferam subter caudam Pistricis adhaesit :
Ast omnes stellae perhibentur nomine aquai .
Hic aliae uolitant paruo cum lumine clarae ,
Atque priora pedum subeunt uestigia magni
Arcitenentis , & obscurae sine nomine condunt ,
Inde Nepae cernes propter fulgentis acumen
Aram quam flatu permulcet spiritus Austri ,
Exiguo superum quae lumina tempora tranat .
Nam procul Arcturo est aduersa parte locata ,
Arcturo magnum spatium supra dedit , orbem
Iupiter hunc paruum inferiori parte locauit :
Hic tamen aeterno inuisens loca curriculo nox
Signa dedit nautis , cuncti quae noscere possent ,
Commiserat hominū metuendos undique casus .
Nam cum fulgentem cernes sine nubibus atris
Aram sub media caeli regione locatam ,
A summa parte obscura caligine tectam :*

*

Tum ualidis fugito deuotans uiribus austrum .

*

*Quem si prospiciens uitaueris , omnia caute
Armamenta locans , tuto labere per auras :
Sin grauis inciderit uehementi flamine uentus ,
Perfringet celsos defixo robore malos*

GG 2 Vt

*Vt res nulla feras possit mulcere procellas
Ni parte ex Aquilonis opacam pellere nubem
Coeperit, & subitis auris diduxerit Ara.*

*

*Sin humeros medio in caelo Centaurus habebit,
Ipseque caerulea contactus nube feretur,
Atque Aram tenui caligans uestiet umbra,
Ad signorum obitum uis est metuenda Fauoni,
Ille autem Centaurus in alta sede locatus.*

*

*Qua sese clarum collucens Scorpius infert,
Haec subter partem praeportans ipse uirilem,*

*

*Cedit, equi et partes properat coniungere Chelis.
Hic dextra perges quadrupes qua uasta tenetur,
Quam nemo certo donauit nomine Graium,
Tendit, & illustrem truculentus cedit ad Aram.
Hic sese inferni de partibus erigit Hydra
Paecipiti lapsu flexo cum corpore serpens.
Hoc caput atque oculos torques ad terga Nepai,
Conuexoque sinu subiens inferna Leonis,
Centaurum leni contingit lubrica cauda.
In medioque sinu fulgens Cratera relucet:
Extrema nitens plumato corpore Coruus,
Roistro tundit, & hic, Geminis est ille sub ipsis
Ante Canem Graio Procyon qui nomine fertur.
Haec sunt quae uisens nocturno tempore signa,
Legimus cernes caelum lustrantia cursu.
Nam quae per bis sex signorum labier orbes*
Quinque

Quinque solent stellae, simili ratione notari
Non possunt: quia quae faciunt uestigia cursu,
Non eodem semper spatio portata teruntur.
Sic malunt errare uagae per nubila caeli,
Atque suos uario motu metirier orbes.
Haec faciunt magnos longinqui temporis annos,
Cum redeunt ad idem caeli sub tegmine signum.
Quare ego nunc nequeo totos euoluere cursus:
Verum haec quae semper certo uoluuntur in orbe
Fixa, simul magnos similes uertentibus orbes
Quattuor, aeterno lustrantes lamine mundum.
E quibus annorum uolitantia lumina nosces,
Quae densis distincta licebit cernere signis.
Tum multos orbes magno cum lumine latos
Vinctos inter se, & nodis caelestibus aptos,
Atque pari spatio duo cernes esse duobus.
Nam si nocturno cognoscens tempore caelum,
Cum neque caligans detergit sidera nubes,
Nec pleno stellas superaret lumine luna,
Vidisti magnum candentem serpere Circum:
Laeteus hic nimio fulgens candore notatur.
Hic non perpetuum detexens conficit orbem,
Sed spatio multum superest peaeslare duobus:
Dicitur & late caeli lustrare cauernas,
Quorum alter tangeus Aquilonis uertitur auras
Ora petens Geminorum, illustratum genu ardens,
In sese retinens Auriga portat utrumque.
Huc supra, laena Perseus humeroq. sinistro, (tur,
Tangit, ad Andromedē hic dextra de parte tene-

A R A T I

Imponitq. pedes duplices Equus, & simul Ales
 Ponit auis caput, & clinato corpore tergum,
 Anguitenens humeris connititur, illa recedens
 Austrum consequitur deuitans corpore Virgo.
 Inde Leo, & claro collucens lumine Cancer,
 In quo consistens conuertit curriculum Sol
 Aestiuus, medio distinguens corpore cursus.
 Hic totus medius circo disiungitur ipso.
 Pectoribus ualidis atque aluo possidet orbem.

*

Hunc octo in partes diuisum noscere circum,
 Si potes, inuenies supero conuertier orbe,
 Quinque pari spatio. partes tres esse relictas,
 Tempore nocturno quas uis inferna frequentet.
 Alter ab infernis Austri conuertitur auris.
 Ast alter medium subter secatur hic Capricornum,
 Atque pedes gelidum riuum fundentis Aquarii,
 Caeruleaeq. seram caudam Piscicis, & illum
 Fulgētē Leporē, inde pedes Canis, et simul amplā
 Argolicam retinet crebro cum lumine Nauem.
 Tergaq. Centauri, atque Nepai portat acumen.
 Inde Sagittari defixum possidet arcum.
 Hunc a clarifonis auris Aquilonis ad Austrum
 Condens postremum tangit rota feruida solis:
 Exinde in superas brumali tempore flexu
 Se recipit sedes. hinc orbi quinque tributae
 Nocturnae partes supra, tres luce dicantur
 Hasce inter, mediam in partem retinere uidetur
 Tantus quantus erit collucens Laetens orbis.

IN

In quo autumnali atque iterum sol lumine uerno
 Exaequat spatium lucis cum tempore noctis.
 Hunc retinens Aries subluceat corpore totus,
 Atque genu flexo Taurus connititur ingens.
 Orion claro contingens pectore fertur,
 Hydra tenet flexu Crateram, Coruus adhaeret.

*

Et paucae Chelis stellae, simul Anguitenentis
 Sunt genua, & summi Iouis Ales nuncius instat.
 Propter Equus capite et ceruicū lumine tangit,
 Hosce spatio aequo deuinctos sustinet axis,
 Per medios summo celi de uertice tranans.
 Ille autem claro quartus cum lumine circus,
 Partibus extremis extremos continet orbes,
 Et simul a medio media de parte secatur,
 Atque obliquus in his nitēs cum lumine fertur,
 Ut nemo, cui sancta manu doctissima Pallas
 Solertem ipsa dedit fabricae rationibus artem,
 Tam tornare cate contortos possiet orbes,
 Quam sunt in caelo diuino lumine flexi,
 Terram cingentes, ornantes lumine mundum,
 Culmine transuerso retinentes sidera fulta.
 Quattuor hi motu cuncti uoluntur eodem,
 Sed tantum supra terras, semper tenet ille
 Curriculum oblique inflexus.
 Quanto est diuisus Cancer spatio a Capricorno,
 Ac subter terras spatium par esse necesse est.
 Et quantos radios iacimus de lumine nostro,
 Quis Lunae conuexum * contingimus orbem,

G G 4 Sca

A R A T I

Sextantae poterunt sub eum succedere partes
 Bina pari spatio caelestia signa tenentes.
 Zodiacum hunc Graeci uocitant, nostriq. Latini
 Orbem signiferum perhibebunt nomine uero.
 Nam gerit hic uoluens bis sex ardentia signa.
 Aestifer est pandens feruentia sidera Cancer.
 Hunc subter fulgens cedit uis torua Leonis,
 Quem rutilio sequitur collucens corpore Virgo.
 Exin proiectae claro cum lumine Chelae,
 Ipsaq. consequitur lucens uis magna Nepai.
 Inde Sagittipotens dextra flexum tenet arcum.
 Post hunc ore fero Capricornus uadere pergit.
 Humidus inde loci collucet Aquarius orbem.
 Exin squammiferi serpentes ludere Pisces.
 Quois comes est Aries obscuro lumine labens:
 Inflexoq. genu proiecto corpore Taurus:
 Et Gemini clarum iactantes lucibus ignem.
 Haec Sol aeterno conuestit lumine lustrans,
 Annua conficiens uertentia tempore cursus.
 Hic quantum terris conuexus pellitur orbis,
 Tantundem patens supra mortalibus extat.
 Sex omni semper cedunt labentia nocte.
 Tot caelum iussu fugientia signa reuifunt.
 Hoc spatium tranans caecis nox conficit umbris
 Quod supra terras prima de nocte relictum est.
 Quod si solis aues certos cognoscere cursus,
 Ortus signorum nocturno tempore uises,
 Nam semper signum exoriens Titan trahit unū.
 Sin autem officiens signis mons obstruet altus,
 Aut

*Aut adiment lucem caeca caligine nubes ,
 Certas ipse notas caeli de tegmine sumes .
 Ortus atque obitus omnes cognoscere possit .
 Quae simul existant cernes , quae tempore eodem
 Praecipitent obitum nocturno tempore nosces .
 Iam simul ut supero se toto lumine Cancer
 Extulit , extemplo cedit delapsa Corona .
 Et loca conuiscit cauda tenus infera Piscis .
 Dimidiam retinens stellis distincta Corona
 Partē, etiā supera atq. de parte repulsa est ,
 Quā tamē insequitur Piscis , nec totus ad umbras
 Tractus , sed supero contactus corpore cedit ,
 Atq. humeros usq. a genibus Cancrūq. recōdit
 Anguitenēs ualidis magnū a cervicibus Anguē .
 Iam uero Arctophylax nō aequa parte secatur .
 Nam breuior clara caeli de parte uidetur .
 Amplior infernas depulsus possidet umbras ,
 Quattuor hic obiens secum deducere signa
 Signifero solet ex orbi . tum serius ille ,
 Cum supera sese satiauit , luce recedit ,
 Post mediam labens claro cum corpore noctem .
 Haec obscura tenens conuestit sidera tellus ,*

*

*At parte ex alia claris cum lucibus errat ,
 Orion humeris , & lato pectore fulgens ,
 Et dextra retinens non cassum luminis ensē .
 Sed cum de terris uis est patefacta Leonis ,
 Omnia quae Cancer praeclaro detulit ortu ,
 Cedunt obscurata simul uis maior*

*

Pellitur ,

Pellitur, ac flexo confidens corpore Nisus.
 Iam supero ferme depulsus lumine cedit,
 sed laeuum genu atque illustrem liquit in altum
 Plantā. tū cōtra exorietur clarū caput Hydrae,
 Et Lepus, & Procyon, qui sese feruidus inferi
 Ante Canē, inde Canis uestigiū prima uidentur.
 Non pauca e caelo depellens signa repente,
 Exoritur candens illustria lumina Virgo,
 Cedit clara Fides Cyllenia: mergitur unda
 Delphinus, simul obtegitur depulsa Sagitta:
 Atque auis ad summā caudam, primasq. recedit
 Pennas, & magnus pariter delabitur Amnis.
 Hic Equus a capite, & longa ceruice latefcit.
 Longius exoritur iam claro corpore serpens,
 Cratera. q. tenuis lucet mortalibus Hydra.
 Inde pedes Catīs ostendit iam posteriores,
 Et post ipse trahit claro cum lumine puppim.
 Insequitur labens per caeli numina Nauis,
 Haec medium ostendit radiato stipite malum.
 Et iam iam toto processit corpore Virgo.
 At cum procedunt obscuro corpore Chelae,
 Exiit pariter larga cum luce Bootes.
 Cuius in aduerso est Arcturus corpore fixus,
 Torta. q. iam supra fulgens prolabitur Argo,
 Hydra. q. quod late caelo dispersa tenetur,
 Nondum tota latet, nō caudam contigit umbra,
 Iam dextrum genu, et decoratam lumine suram
 Erigit ille uagans uulgato nomine Nisus,
 Quē nocte extinctū atque exortū uidimus una
 Persaepe

*Persaepe, ut paruum tranans geminauerit orbē.
Hic genu & suram cum Chelis erigit alte:
Ipse autem praeceps obscura nocte tenetur
Dum Nepa et Arcitenens inuisant lumina caeli.*

*

*Nam secum medium pandet Nepa, tollere uero
In caelum totum exoriens conabitur arcum.
His tribus elatus cum signis corpore toto
Lucet, at exoritur media de parte Corona.
Candaq. Centauri extremo candore refulget.
Hic se iā totum caecas Equus abdit in in umbras,
Quem rutila fulgens pluma praeteruolat Ales.
Occidit Andromedae clarū caput, et fera Pistrix
Labitur horribiles epulas funesta requirens.
Hanc contra, Cepheus nō cessat tendere palmas,
Ille usque ad spinam mergens se caerula condit:
At Cepheus caput atq. humeros palmasq. recli
Cum uero uis est uehemēs exorta Nepai, (nat.
Late fusa uolat: per terras fama uagatur,
Ut quondam Orion manibus uiolasse Dianam
Dicitur, excelsis errans in collibus amens,
Quo tenet, Aegaeo defixa in gurgite *
Brachia quae uiridi conueſcit tegmine uitis.
Ille feras uecors amenti corde necabat,
Oenopionis auens epulas cenare nitentes.
At uero pedibus subito percussa Dianae
Insula discessit, disiectaq. saxa reuellens
Perculit, & caecas lustrauit luce lacunas.
Equibus ingenti exiſtit cum corpore, prae se*

Scorpios

A R A T I

Scorpios infestus praeportans flebile acumen.
 Hic ualido cupide uenantem perculit ictu,
 Mortiferum in uenas figens per uulnera virus:
 Ille graui moriens constrauit corpore terram.
 Quare cum magnis sese Nepa lucibus effert,
 Orion fugiens commendat corpora terris.
 Tū uero fugit Andromeda, et Neptunia Pistrix
 Tota latet. cedit conuerso corpore Cepheus,
 Extremas medio contingens corpore terras.
 Hic caput et superas potis est demergere partes,
 Infera lumborum numquam conuesliet umbra:
 Nam retinent Arctoi lustrantes lumine suras.
 Labitur illa simul gnata lacrymosa requirens
 Cassiopeia, neque ex caelo depulsa, decore
 Fertur: nam uerso contingens uertice primum
 Terras post humeros euersa saepe refertur.
 Hanc illi tribuunt poenam Nereides almae,
 Cū quibus, ut perbibet, ausa est contedere forma.
 Haec obit inclinata, at pars exorta Coronae est
 Altera. cū caudaq. omnis iam panditur Hydra.
 At caput & totum sese Centaurus opacis
 Eripit e tenebris, linquens uestigia parua.
 Ipse feram dextra retinent, prolabitur inde

*

(guis
 Anguitenēs capite et manibus profert simul. An
 Iam caput & summum flexo de corpore lumen.

*

Hic ille exoritur cōuerso corpore Nisus, (strās:
 Aluum, crura, humeros, simul et praecordia lu-
 Et

Et dextra radios laeto cum lumine iactans.
 Inde Sagittipotens superas conuifere lucas
 Inſtitit, & mergit Niſi caput. & ſimul effert
 Seſe clara Fides, & promit corpore Cepheus.
 Feruidus ille Canis toto cum corpore cedit,
 Abditur Orion, obijt Lepus abditus umbra.

*

Inferiora cadunt Aurigae.

*

Inde obiens Capricornus ab alto lumine pellit
 Aurigā, inſtantēq. Caprā paruos ſimul Hoedos,
 Et magnam antiquo depellit nomine Nauem,
 Crus dextrūq. pedē linquens obit infera Perſeus
 In loca. tum cedens a puppi linquitur Argo.

*

Obruitur Procyon, emergunt Alites una.
 Et uolucris terris exiſtit clara Sagitta.

AVIE. * perq. notum rutila cum numinis Hydra
 Delphinū paruas promit Capricornus in auras.
 Et matutino conſurgit Aquarius orbe.
 Os Equus atque pedes nouus exerit. ecce cadētis
 Parte poli trahit occiduum nox atra ſub aequor
 Centaurum cauda, ſed non caput aut humerorū
 Vaſta ſimul recipit, perſiſtit peſtore celſo.
 Cornipedis ſpecies, & caelum uertice fulcit.
 Ora dehinc Serpens & prima uolumina tantum
 Conditur, ingentis late tamen agmina caudae
 Pone trahit, ſubit iſta ſolū. ſubit aequora ruruſum,
 Integer Oceani cum ſe Centaurus in undas

Iecerit,

Iecerit, atque nouo uibrauit sidere Piscem:
 His summa caeli surgentibus, ille per Austrum
 Piscis item planta quam pulcher Aquarius urget.
 Redditur. haud toto tamē hic se corpore promit,
 Sed manet alterius uenientis tempora signi.

*

sic brachia maestae

Andromedae, sic crura dehinc, humeriq. nitētes
 Paullatim recauo redeunt maris aurea caelo
 Postquā adolent Pisces, incendia denique Pisces
 Cum rutilant mūdo, dextrā haec attollet in ulnā
 Laeuāq. Virginei rursum se corporis edunt.
 Phryx postquam pecoris proruperit ortus,
 Australē hic Aries Arā procul admonet undis,
 Gurgitis occidui qua lux redit, excitat idem
 Persea proceri sustollere uerticis astra,
 Et claros fulgere humeros. at cetera nondum
 Sut exempta sole, quin totum hoc inuida ueri
 Natura ambigua rerum ratione reliquit,
 Extimus an reliquos Aries produceret artus
 Perseos, an Tauro freta pelleret assurgente.
 Hoc una caelum subit integer. haud
 Viscera nascentis noua Tauri deserit astra.
 Quippe huius flammis. Aurigae sidus inhaeret,
 Nec tamen hunc totū sustollit Taurus in aethrā.
 Aurigam salsis enoluunt fluctibus amnem
 Surgentes Gemini, Taurum Capra plātaq. laeuā
 Atq. Hædi exuperant, cū primū rursus ab undis
 Cetosa in superum referuntur uiscera caelum.
 Eminus ingentem condit pars prima Booten.

Quattuor

Quattuor hic etenim signis surgentibus altum
Vix penetrat pelagus. neq. sūma totus ab aethera
Labitur Arcturus, manus olli quippe sinistra
Iuge manet, celsisq. * subducitur Vrsis.
At cum iam pedibus repetit fluxus Ophiuchus
Vt genua Oceanus vasto procul aequore condat,
Signum erit Eoa Geminos procedere parte,
Nec lateri Pistrinx cuiquam vicina uidetur:
Sed cum tota super sustollitur, expuit atram
Iā pelagus speciē, nec adhuc tamē extima sorbēt:
Quin nec nascentis suspectat nauita ponto
Agmina prima Padi caelo tum feruere aperto,
Vicinasq. faces rutili manet Orionis.
Curricula ut solers uero mox indice discat
Certa tenebrarum, possitq. fideliter astro
Explorare notos, & tuto carbasia ponto:
* monet alta Iupiter aethra
Singula nos. facilis ueram dedit arbiter artem.
Nōne uides, primū cum Phoebe in cornua surgit
Tennia, & angusto lumen iacit ore per aethram
Decedente die, pronoq. ab tramite Solis,
Promat ut ingressi solers tibi tempora mensis?
* sunt tales quattuor ortus
Marcentis Lunae, quales sub mense renato
Quattuor exurgunt languentis luminis umbrae,
Atque bis octonas includunt ordine luces.
At decedentis postrema crepuscula noctis,
Bis sex signa tibi quae uersat signifer orbis
Monstrabunt. * nam Phoebus singula mutat
Semper

A R A T I

Semper & alterno succedit in omnia lapsis
 * uel cum deuexus in undas
 Labitur, & rebus formam absumpsere tenebrae
 Vel matutino redit in cunabula *
 Cum pelago, & rebus suffudit luce colores.
 Sic diuersa diem comitantur sidera semper.
 Sed prim * exordia sumpsit ab anno,
 Torreret rutilo cum Phoebus sidere Cancrum,
 Cingula cum ueberet pelagus procul Orionis,
 Et cum caeruleo flagraret Sirius astro.
 Hoc ut fontem, unde & duxit tempora Lunae
 Nauita quo longum facili rate curreret aequor,
 Et quo ruris amans telluri sacra parenti
 Crederet, ingentiq. petat indagine semper,
 Seu qui uela salo, seu qui dat semina terrae, (pus
 Haec mora discēdi breuis, huc labor, et breue tē-
 Poscitur, innumeros habet autē industria fructus.
 Utilitas te certa manet, praenoscere motus
 Si libet aerios, & tempestatibus ipsis
 Edere principium, te primum sponte procellis
 Arcebis rapidis, te rursus principe fluctus
 Vitabunt alij, si certis singula signis
 Tempora discernas.
 Saepe etenim quāquam tranquillae noctis amictus
 Mitia portenti requiescunt terga profundi,
 Doctus securam subducit ab aequore classem
 Nauita, & aeterea retinet statione phaselum,
 Cum matutinae praesensit signa procellae.
 Namque alias caelo tum tertia lumina Phoebus
 Exe-

Exerit .

Crebro quinta dehinc lux comouet amphitritē .
 Saepe inopina mali clades ruit . omnia certis
 Indicijs tibi Luna dabit , seu lucis utrinque
 Caesa facem , seu cum teretem concrevit in orbē .
 Sol quoque uenturas aperit tibi saepe procellas
 Sidera producens , & cum * sidera condit ,
 Nec minus ex alijs aderit cognoscere motus
 Aequoris , & magnos caeli callere tumultus .
 Cynthia cum primū caelo noua cornua promit ,
 Cautus utrinque deā circumspice . nāque reuersae
 Nequaquam semper similis lux imbuat ortum .
 Sed species diuersa trahit , uarioq. notatur
 Formarum primi cum surgit luminis igne .
 Tertia cum rutilat , tum maior sideris aethram
 Scandit , & aereas quarta face luminat oras :
 Ingredientis erit plene tibi nuncia mensis :
 Haec castigato si tertia fulserit ortu
 Pura , sic ut foedis ab Syrtibus abfore dicat ,
 Clara serena diu .

VIR . At si uirgineum suffuderit ore ruborem ,
 I. geor. Ventus erit . uēto semper rubet aurea Phoebe .

AVI . Luminis ista dehinc si crassior , atque retusis
 Cornibus ingreditur , si quarti sideris ortum
 Percursu , ut tenuem protendat corporis umbrā ,
 Imbribus aut Zephyris hebetabitur : arguet ul-
 Flabra Noti aut pluuias (tro
 Tertia si rursus protollat Cynthia currus ,
 Sic subiecta faces & uicina lenta coruscans ,

HH Vt

A R A T I

Vt nec curua quasi declinet cornua, nec se
 Fusa supinato diducat lumen in auras:
 Occiduo Zephyrum praedicet surgere mundo,
 Aut Libyae de parte Notum. Sin quattuor autē
 Cynthia curriculis caelum subit, atque corruscis
 Cornibus immodice praestantibus usserit ignes:
 Vix prolixa salum ciet ocyus omnia Cauri.
 Istius in Boream quod se sustollit acumen,
 Si curuum specie uelut armat: affere caelo
 Saena procellosi praedicet flabra Aquilonis
 Inferiora plaga, si Lunam tertius ortus
 Proferat, atque Deae conuoluat circulus oras
 Suffusus rutilo: mox tempestate sonora
 Spumosum late pelagus canescere cernes,
 Maior & hac rauci uersabit gurgitis undas:
 Ipsa quoque immodice si uultum Luna rubescat,
 Contemplator item seu plenum luminis orbem
 Cynthia disendit, seu cum tertius ambitus olli
 Caeditur, & mediae uelut indigna lucis utrinque
 Sustinet obductae sibimet dispendia formae,
 Cornua prima replens, et cornua sessa debiscens.
 Induit & qualem procedens ore colorem,
 Hinc perpende oculis, ipso monitore dierum
 Signa tene, ac totū discerne in tempora mensē.
 Non unū deprehensa diem tibi signa loquuntur,
 Nec uulgo in cunctis adsunt praecepta diebus,
 Sed quae signa nouo dederit mox tertia in ortu
 Quarta ne, sustollit medios dum Cynthia uultus
 Durabunt caelo medio quae edixerit ore.

Ille

Ille alias trino conuoluit tramite Lunam,
 Et geminus plerumque meat Sol, et unicus idem.
 Cingere si simplex circumuersabitur orbem
 Signa procellarum certissima, signa sereni
 Praeferet: abruptos subito praenunciat Euros
 Marcescens tenui sensim caligine, & aethra
 Digestus patula, docet undis adfore pacem.
 Si duo se Lunae, circumfundere repente,
 Maxima uis pontum, uis uertet maxima terras.
 Maioresq. dehinc agitabunt stagna procellae,
 Si trinus rutilum constrinxerit ambitus orbem,
 Et magis immodica formidine sacuiet Auster
 Zonarum taeter fuerit si tractus in aethra.
 Denique disrumpant si sese cingula Lunae,
 Ultima tempestas ruet imi gurgitis aestum.
VIR. Sol quoque et exoriens, et cum se condit in undas
I. geor. Signa dabit. Solem certissima signa sequentur,
 Et quae mane refert, & quae surgentibus astris.

*

AVIE. Non hic cum primo seducet gurgite uultum
 Ceu picturato diuersos ore colores
 Proferet. haud etenim tali tibi sole reueto
 Mitia iam caeli fas expectare serena.
 Et si tranquillo conuexa cucurrerit auro
 Indideritq. facem ponto deus integer: atra
 Nube carens purusq. coma & splendidus orbe:
 Conuenit Eoae facem praesumere lucis.
 Sed non ora cauo similis medioq. recedens
 Orbe, quasi uel si radios discingitur ultro

H H

2

Figat,

A R A T I

Figat, ad Australem porrecto sidere partem,
 Aut Borea rigidi iaculetur luminis igne:
 Et uento & pluuijs reparata in luce carebit.
 Denique per flāmas procul atque incendia solers
 Ipsa die cedunt blandi si lumina Solis,
 Tende oculos, certa hoc ducentur signa sinistro.
 Et ne sanguineus late rubor imbuat ora,
 Qualia protractu uaga nubila saepe rubescunt.
 Aut ne labenti piceus color abdat amiētū
 Lampada, quaere diu sitaetro crassior orbe est,
 Vuescet pluuijs tellus.
 Vis simul amborum si uultum Solis oberret
 Cūcta Noti quatiēt, imbres procul arua rigabūt.
 Ecce alias primo nascentis Solis in ortu,
 Vel cum praecipites pelago deus inserit ignes,
 Si coeunt radij.
 Omnibus his signis in terram defluit imber.
 VIR. Aut ubi sub lucem densa inter nubila sese
 I. geor. Diuersi rumpent radij:
 * nimbis ingentibus arua madebunt.
 At matutini si Phoebum in littoris *
 Maiorem solito produxerit, atque per aethram
 Marcenti similis defluxerit extimus orbis,
 Alta dehinc scandēs minuat iubar igniferū Sol:
 Pura serena aderunt.
 * hic quoque magnis
 Cum madesca die sub tempestatibus horret,
 Pallidus ora cadens, promittet pura serena.
 Quin nascente die uenturos conuenit imbres
 Noscere,

Noscere, cum proni procul ad confinia caeli
 De * piceo spectans nubila tractu :
 Et cum declinant radij, sed partem in utramque
 Lucis in occasu, nox ut serat algida rores,
 Imber erit. puras si Phoebus condit habenas,
 Et Calpetano tranquillum gurgite lumen
 Tingat, at in lapsu nubes ignita sequatur :

VIR. * numquam te crastina fallat
 I. geor. Hora, nec insidijs noctis Capiere serenae .

AVIE. * sed cum radijs marcentibus ardor
 Languet, uel tenui tenduntur acumine frustra
 Phoebei crines : nimbos aget atra procella,
 Talis & obdueti cernetur forma diei,
 Qualem fraternos subtexens luna iugales
 Lucem habitat .

* aut ubi cursum
 Cum matutinos molitur Lucifer ortus,
 Ebria sanguineas subuoluunt uellera nubes .
 Nanque grauis caelo fundetur protinus imber .
 Nec si Sole procul rutila inter stagna morante
 Emineant radij, radios quoque crassior umbra
 Contegat : ille dies pluuijs uentoq. carebit .
 Quin erit imber item, si Solem circulus ater
 Ambiat exortum . maior si denique nimbus
 Urgebit caelo, maior sola perluet imber .
 Circumfusa adeo si cingula nescia solui
 Seruarent terram speciem torpentia noctis .
 Saepe etiam Phoebus nubes percussa rubescit,
 Et meditata dei formam procul igne recepto,

HH 3 Concipit

A R A T I

Concipit effigiem simulato luminis orbe.
Id qua parte poli spectaueris, adfore ab ipsa
Parte tene uetos. tamē, haec tamē omnia semper
Decedente die melius uentura docebunt.

*

Conuenit hic etiam paruum Praesepe notare,
Id nubi nomen, quae Cancro obluitur alto,
Graecia docta dedit. quapropter denique Asellos
Suspice, quorum unus septē uicina trioni (strū,
Astra adolet, tepidū procul alter spectat in Au-
In medio quod nube quasi concrescit adacta,
Id Praesepe uocant. Porro hoc Praesepe repente

*

Si sese ex oculis procul auferat, ardeat autem
Congruus aerijs late rubor ignis Asellis:
Nequaquam tenues agitabunt stagna procellae.
At si sideribus similis lux duret, & illi
Tetra sit effigies: ruet altis nubibus imber:
Sin Boreae de parte trucis uelut indiga iustae
Stella facis, lento marcescere cernitur igne,
Et procul alterius iuba late flagrat Aselli:
Protinus Aethiopum surget cōuallibus Auster.
At regione Noti si lucem stella senescat,
Saeuus Riphaeis Aquilo crepitabit ab oris.
CIC. Atque etiam uentos praemonstrat saepe futuros
Inflatum mare, cum subito penitusq. tumescit.
Saxaq. cana salis nixco spumata liquore
Tristificas certant Neptuno reddere uoces,
Aut densus stridor cum celso e uertice montis
Ortus

Ortus adaugeſcit , ſcopuli ui ſaepe repulſus .

VIR. Iam ſibi tum curuis male tēperat unda carinis ,
Cum medio celebres reuolant ex aequore mergi ,
Clamoremq. ferunt ad litora . cumq. marinae
In ſicco ludunt fulicae , notasq. paludes
Deſerit , atque altam ſupra uolat ardea nubem .

AVIE. Denique cum caelo tenduntur pura ſerena ,
Saenitura polo ſunt flamina *

VIR. Saepe etiam ſtellas uento impendente uidebis
Praecipites caelo labi , noctisq. per umbras ,
Flammarum longos a tergo albescere tractus ,

AVIE. Quod ſi diuerſis ſe paſſim partibus ignes
Excutiant : uerret pelagus ſine ſine modoq.
Turba procellarum . *

VIR. At Boreae ad parte trucidis cum fulminat , et cum
Euriq. Zephyriq. tonat domus : omnia plenis
Rura natant ſoſſis , atque omnis nauita ponto . *

aut bibit ingens

Iris .

AVIE. Si ſtellam taeter uelut amiat aequora propter

Vir. Iam uarias Pelagi uolucres , & quae Asia circū
Dulcibus in ſtagnis rimantur prata Cayſtri .
Aut arguta lacus circumuolauit Hirundo . *

Vir. Et uetrem in limo ranae cecinere querelam : *

HH 4 Et

A R A T I

CIC. Et matutinis Acredula uocibus instat,
Instat, & assiduas uocum iacit ore querelas,
Cum primum gelidos rores aurora remittit.
Fuscaq. nonnumquam cursans per litora cornix,
Demersit caput & fluctum cervice recepit.

*

Mollipedesq. boues spectantes lumina caeli,
Naribus humiferum duxere ex aere succum.
VIR G. Saepius & tectis penetralibus extulit oua
Angustum formica terens iter.

*

AVIE. Inserit interius terrarum redditus aestus,
Pectora cum curuo purgat gallinula rostro.

*

Agmine cum denso circumuolare uidetur
Graculus, & tenui cum stridunt gutture corui,
Cum procera salum repetit languore frequenti
Ardea.

*

* cum paruae defigunt spicula muscae,
Et si nocturnis ardentibus undique testis
Concresecunt fungi, si flammis emicet ignis
Effluus, aut lucis substantia langueat ultro:
Conuenit instantes praenoscere protinus imbres.

*

VIR G. Nec nocturna quidem carpentes pensa puellae
Nesciuere hiemem, testa cum ardente uiderent
Scintillare oleum, & putres concresecere fungos.

*

AVIE. Si nimirum ad montem nebularum crassus amictus
Tendatur,

Tendatur, summo nudentur uertice saxa.

*

Et cum pontus item freta per distenta quiescit
 Nubila si longo se procumbentia tractu
 Diffundunt caelo, & Theridi terrisq. supinis
 Pax aderit, nusquam mundo, ruet effluus imber.
 Sed cum tranquillo tenduntur crassa serena,
 Sub Ioue uenturae praenoscere signa procellae
 Conuenit, & cum perfurit aeris horror
 Inspice quam referant terris pelagoq. quietem,
 Inter prima tamen paruum praesepe notatur,
 Arduus excelso quod Cancer cardine uoluit
 Cum minus & primo purgatur flamine uenti
 Tempore.

*

VIRG. Nec quidquam seros exercet noctua cantus.

*

AVIE. Tum uestertinum cornix longaeva resultat
 VIRG. Tum liquidas corui presso ter gutture uoces
 Aut quater ingeminant, & saepe cubilibus altis,
 Nescio qua praeter solitum dulcedine laeti
 Inter se folijs strepitant. inuat imbribus actis
 Progeniem paruum, dulcesq. renifere nidos.

*

AVIE. * tunc pennis corpora plaudunt,
 Tunc & Strymonias circumuolare repente
 Suspicies, & per aperta ubi mitior annus
 Sponte procellosum disiecerit aera caeli.

VIRG. * tum stellis acies obtusa uidetur.

AVIE. Nubila nec crassos circumduxere meatus

Vt iubar

A R A T I

Vt iubar occulerent, flagrantibus obuia flāmis,
Nec caligo inhibet rutiliantis lampados ignis,
Orbe nec expleto sacra sidera luna recondit.

Sed iam sponte sua stellarum lumina marcent,
Conuenit hybernae praenoscere dura procellae
Nubila.

*

Gramina si carpit semesa petatius anser,
Si nocturna tibi cornix canit: Hesperus aethra
Cum redit, innumero si cantu craculus instat,

Si matutino fringuilla resultat ab ore,
Si fugiunt uolucres partim freta turbida Nerei,
Orchilos infestus si floricomis hymenaeis

Iam petit terrae, si denique paruos Eritheus,

VIRG. * & e pastu descendens agmine magno,
Coruorum increpuit densis exercitus alis.

AVIE. Cecropias si pastus Apis uicinus ab ipsa
Castra inhibet, florumq. simul libamina maeftae

Proxima decerpunt. si Threiciae per aperta

Sponte Grues trepidant, nec sese audacius aethrae
Committunt,

*

*

si soluit aranea casses.

Tenuia si toto uehit Auster licia caelo,

Mox tempestates & nubila tacta cientur.

Quid maiora canam * & cinis ipse repente

Cum coit, albenti nix terras uestit amictu,

Nix operit terras, rutilis ubi lumina prunis

Summa rubent, errantq. breui caligine crassa,

Interius nebulae, & densa iam fomes in igni

Marcescit, penitus plunios mox arguet austros.

Induit

*

Induit immodicis cum semet floribus ilex.
 Et cum flore nouo, cum brachia glâde grauatur
 Vuentis caeli sibi nutrimenta latenter
 Sponte operata docet.

CIC. Iam uero semper uiridis semperq. grauata
 Lentiscus, triplici solita grandescere fetu
 Ter fruges fundes, tria tempora monstrat arandi.

*

AVIB. Ter prorumpentis Scyllae teres erigitur flos,
 Sulcandi. solum ter monstrat tempus adesse,

*

Sic & crabronum rauca agmina si uolitare
 Fine sub Autumni conspexeris aethere longo:
 Iam uestertinos primos cum commouet ortus
 Vergilias, pelago dices instare procellas:
 Siqu. sues lentae, si lanae sedula nutrix,
 Si Capra dumosis errans in saltibus ultro
 In Venerem pergat.
 Et tempestactes & nubila protinus atra
 Adfore praecipites.

*

* quin & gaudebit arator,
 Quiq. solum iusti uersabit mensibus anni
 Plebe gruuum prima: gaudebit tardus arator
 Agmine pigrarum, si quadam lege deorum

*

His comes est imber: si denique terram
 Lanigerae fodiant, caput aut tédatur in Arcton,
 Cum

Cum madidus per marmora turbida condit
 Pleiadas occasus, cum brumae in frigora cedit
 Frugifer autumnus, ruet aethra concitus imber.
 At si perruptis terrarum dorfa lacunis
 Infodiant pecudes:

VIRG. Suspecti tibi sint imbres. namque urget ab alto
 Arboribusq. satisq. Notus pecoriq. sinister.

AVIE. Nix herbas laedet teneras, nix uret aristas.

*

At si contigerit plures ardere cometas,
 Inualidas segetes torrebit siccior aer.

*

Contemplator item si longo plurima ponto
 Agmina festinant uolucrum, solidamq. frequētes
 Succedunt terram: sterilis desaeuiet aestus,
 At sitient agri.

Sed si * producant agmina ab undis
 Nec trepido passim uersent connexa uolatu,
 Laetitia est duris pastoribus, adfore parcos
 Praesumunt imbres. Sic in contraria semper
 Vota homines agimur, nostriq. cupidine fructus
 Poscimus alterius dispendia, denique & ipsa
 Solers natura, & rerum genitalibus ordo.
 Certa suis studiis affixit signa futuri.
 Namque & ovis cupido si gramina tondeat ore
 Insaturata cibi decerpens latius agros,
 Pastor indicium pluuiialis frigoris edet.
 Et si persultans aries lasciuus herbas
 Appetit, aut sese sustollant saltibus hoedi:

Vel

*Vel si iuge gregi cupiant haerere, nec usquam
Matribus abscedant, & si sine fine modoq.
Pabula delibent, cum tutas uespera dire
Compellat caulas: monstrabunt adfore nimbos.*

*

*Bubus arator item trahit atro signa procellae.
Lambere si lingua prima hos uestigia sorte.
Viderit, aut dextrū prosternere corpus in armum*

*

*Vel si prolaxis auras mugitibus implent
Pascua linquentes uix uespere.*

*

** dat capra moti
Rursum signa poli, cum spinis ilicis atrae
Multa inhiat. docet haec eadē sus horrida coeno
Gurgitis illuue si saepius inuoluatur.
Martius ipse lupus uillarum proxima oberrans
Assectansq. locos hominum, lectumq. laremq.
Sponte petens, crasso consurgere nubila caelo
Praemonet.*

*

** id parui cum stridunt denique Mures
Cum gestire solo, cum ludere forte uidentur
Portendunt, tibimet canis in praesentia ultro
Tellurē fodiens. tamen haec tamen omnia rerum
Adfore, uel primo nimbis mox Sole docebunt:
Vel cum curriculis lux ibit coepta secundis,
Tertius aut uerso cum uenerit ortus olymbo.*

Non

A R A T I

Non spernenda tibi sint ulla, sed memor uni
 Adde aliud semper, si tertia denique signa
 Proueniant, firmo uenturum pectore fare,
 Et transactorum solers componere mensum
 Signa laborabis, si sic fluxere reperta,
 Nequaquam trepidare pudor persuadeat ullos
 Astrorum lapsus, astrorum protinus ortus.
 Discute si casus similis, & stella per aethram
 Prodidit exacti iam summa crepuscula mensis,
 Et surgentis item primordia conscius artis
 Fare sacrae mensum confinia summa duorum
 Caeca latent lucis haec semper semet in octo
 Inscia lunaris tendunt facis. Ipse fideli
 Perquires studio, & si quid tibi forte repertum
 Pluribus indicijs, solers fulcire memento.

F I N I S.

248

Q. CICERONIS DE PETI-
TIONE CONSVLATVS, AD
MARCVM FRATREM,
LIBER.

E T S I tibi omnia suppetunt, quae con-
sequi ingenio, aut usu homines, aut
diligentia possunt: tamen amore no-
stro non sum arbitratus alienum, ad
te perscribere ea, quae mihi ueniebant in mentem,
dies ac noctes de petitione tua cogitanti: non ut ali-
quid ex ijs noui adijcerem; sed ut ea, quae in re di-
spersa, atque infinita uiderentur esse, ratione, &
distributione sub uno aspectu ponerentur. Quan-
quam plurimum natura ualet, tamen uidetur in
paucorum mensium negotio posse simulatio natu-
ram uincere. ciuitas quae sit, cogita, quid petas,
qui sis. prope quotidie ad forum tibi descendenti
meditandum hoc sit, nouus sum, consulatum peto,
Roma est. nominis nouitatem dicendi gloria maxi-
me subleuabis, semper ea res plurimum dignitatis
habuit. non potest, qui dignus habetur patronus
consularium, indignus consulatu putari. quamob-
rem, quoniam ab hac laude proficisceris, & quid-
quides, ex hoc es: ita paratus ad dicendum ueni-
to, quasi in singulis causis iudicium de omni inge-
nio futurum sit. eius facultatis adiumenta, quae ti-
bi scio esse seposita, ut parata ac prompta sint, cu-
ra;

DE PETITIONE CONSULATVS

ra; & saepe, quae de Demosthenis studio & exercitatione scripsit Demetrius, recordare. deinde & amicorum multitudo, & genera appareant: habes enim ea, quae noui habuerunt, omnes publicanos, totum fere equestrem ordinem, multa praeterea municipia, multos abs te defensos cuiusque ordinis, aliquot collegia, praeterea studio dicendi conciliatos plurimos adolescentulos, quotidianam amicorum assiduitatem & frequentiam. haec cura et ut te neas commendando, & rogando, & omni ratione efficiendo, ut intelligant qui debent tua causa, referendae gratiae, & qui uolunt, obligandi tui tempus sibi aliud nullum fore. etiam hoc multum uidetur adiuuare posse nouum hominem, hominum nobilium uoluntas, & maxime consularium. prodest, quorum in locum ac numerum peruenire uelis, ab his ipsis illo loco, ac numero dignum putari. hi rogandi omnes sunt diligenter, et ad eos allegandum: persuadendumque est ijs, nos semper cum optimatibus de rep. sensisse, minime populares fuisse; si quid locuti populariter, id nos eo consilio fecisse, ut nobis Cn. Pompeium adiungeremus, ut eum, qui plurimum posset, aut amicum in nostra petitione haberemus, aut certe non aduersarium. praeterea adolescentes nobiles elabora ut habeas, uel ut teneas studiosos quos habes. multum dignitatis afferent, plurimos habes: perfice ut sciant, quantum in ijs putes esse. si adduxeris, ut ij, qui nolunt, cupiant, plurimum quidem proderunt. ac multum etiam nouitatem

uitatem tuam adiunat, quod eiusmodi nobiles tecum petunt, ut nemo sit qui audeat dicere, plus illis nobilitatem, quam tibi uirtutem prodesse oportere. iam P. Galbam, & L. Cassium summo loco natos, quis est, qui petere consulatum putet? uides igitur amplissimis ex familijs homines, qui sine neruis sint, tibi pares esse non posse. at Antonius & Catilina molesti sunt. immo homini nouo, industrio, innocenti, diserto, gratioso apud eos, qui res iudicant, optandi competitores, ambo sicarij, ambo libidinosi, ambo egentes. eorum alterius bona proscripta uidimus, uocem denique audiuius iurantis se Romae iudicio aequo cum homine Graeco certare non posse: & ex senatu eiectum scimus. optima uero censorum existimatione in praetura competitorem habemus, amico Sabidio, & Panthera, quod, ad tabulam quos poneret, non habebat. quo tamen in magistratu amicam, quam palam domi haberet, de machinis emit. In petitione autem consulatus caupones omnes hic compilare per turpissimam legationem maluit, quam adesse, & populo R. supplicare. Alter uero, dii boni, quo splendore est? primum nobilitate eadem, qua Catilina. num maiore? non, sed uirtute. quamobrem qui inanius umbram suam metuit, hunc negliges quidem, natum in patris egestate, educatum in sororis stupris, corroboratum in caede ciuium; cuius primus ad remp. aditus in equitibus R. occidendis fuit. nam illis, quos me-

I I minimus,

DE PETITIONE CONSULATVS

Luc. Syll.
 minimus, Gallis, qui tum Titiniorum, ac Vannio-
 rum, ac Tanusiorum capita demebant, Sylla unum
 Catilinam praefecerat; in quibus ille hominem opti-
 mum Q. Caecilium sororis suae uirum, equitem
 R. nullarum partium, cum semper natura, tum
 etiam aetate iam quictum, suis manibus occidit,
 quid ego nunc dicam petere eum tecum consulatum,
 qui hominem carissimum populo R. M. Marium in-
 spectante populo R. uirgis per totam urbem caecide-
 rit, ad bustum egerit, ibi omni cruciatu lacerarit,
 uiuo stanti collum gladio sua dextera secuerit, cum
 sinistra capillum eius a uertice teneret, caput sua
 manu tulerit, cum inter digitos eius riuus sanguinis
 fluerent? qui postea cum histrionibus, & cum gla-
 diatoribus ita uixit, ut alteros libidini, alteros fa-
 cinoris adiutores haberet: qui nullum in locum tam
 sanctum et tam religiosum accessit, in quo non, etsi
 in alijs culpa non esset, tamen ex sua nequitia de-
 decoris suspicionem relinqueret: qui ex curia Cu-
 rios, & Annios, ab atrijs Sapalas, & Caruilios,
 ex equestri ordine Pompilios, & Cnaeos sibi ami-
 cissimos compararit: qui tantum habet audaciae,
 tantum nequitiae, tantum denique in libidine artis,
 & efficacitatis, ut parentum prope in gremijs prae-
 textatos liberos constuprarit. Quod ego nunc tibi
 de Africa, quid de restis dictis scribam? nota
 sunt: & ea tu saepius legito. sed tamen hoc mihi non
 praetermittendū uidetur, quod primum tam egens
 ex eo iudicio discessit, quam quidam indices eius an-
 te il-

te illud iudicium fuerunt : deinde tam inuidiosus , ut
aliud in eum iudicium quotidie flagitetur . hic se sic
habet , ut magis timeat , etiam si quieverit ; quam
ut contemnat , si quid commouerit . Quanto melior
tibi fortuna petitionis data est , quam nuper homini
nouo C. Coelio ? ille cum duobus hominibus ita nobi-
lissimis patebat , ut tamen in ijs omnia pluris essent ,
quam ipsa nobilitas : summa ingenia , summus pu-
dor , plurima beneficia , summa ratio , ac diligen-
tia petendi . tamen eorum alterum , cum deesset al-
ter , Coelius , etiam cum multo esset inferior genere ,
superior nulla re paene , superauit . quare si facies
ea , quae tibi natura , & studia , quibus usus es sem-
per , largiuntur , quae temporis tui ratio desiderat ,
quae potes , quae debes : non erit difficile certamen
cum ijs competitoribus , qui nequaquam sunt tam
genere insignes , quam uitijs nobiles . quis enim re-
periri tam improbus ciuis potest , qui uelit uno sus-
fragio duas in remp. sicas distringere ? Quoniam igi-
tur , quae subsidia nouitatis haberes , & habere pos-
ses , exposui : nunc de magnitudine petitionis dicen-
dum uidetur . Consulatum petis . quo honore , nemo
est , qui te non dignum arbitretur : sed multi , qui
inuideant : petis enim homo ex equestri loco sum-
mum locum ciuitatis , atque ita summum , ut for-
ti homini , diserto , innocenti multo ille idem honos
plus amplitudinis , quam ceteris afferat . noli pu-
tare eos , qui sunt eo honore usi , non uidere , tu cū
idem sis adeptus , quid dignitatis habiturus sis . eos

II 2 uero ,

DE PETITIONE CONSULARIS

uero, qui consularibus familijs nati locum maiorū
consecuti non sunt, suspicor tibi, nisi qui admodum
te amant, inuidere. etiam novos homines praeto-
rios existimo, nisi qui tuo beneficio iuncti sunt, nolle
abs te se honore superari. iam in populo quam mul-
ti inuidi sunt, quam multi consuetudine horum an-
norum ab honoribus nouis alienati, uenire tibi in
mentem certo scio. esse etiam non nullos tibi iratos
ex ijs causis, quas egisti, necesse est. iam illud tu-
te circumspecto, quod ad Cn. Pompeij gloriam au-
gendam tanto studio te dedisti, num quos tibi putes
ob eam causam esse amicos? quamobrem cum &
summum locum ciuitatis petas; & uideas esse stu-
dia, quae tibi aduersentur. adhibeas necesse est om-
nem rationem, & curam, & laborem, & dili-
gentiam. Et petitio magistratuum diuisa est in dua-
rum rationum diligentiam: quarum altera in ami-
corum studijs, altera in populari uoluntate ponen-
da est. Amicorum studia beneficijs, & officijs, &
uetustate, facilitate, ac iucunditate naturae parta
esse oportet. sed hoc nomen amicorum in petitione
latius patet, quam in cetera uita. quisquis est enim
qui ostendat aliquid in te uoluntatis, qui colat, qui
domum uentitet, is in amicorum numero est habен-
dus. sed tamen, qui sunt amici ex causa honestiore,
cognitionis, aut affinitatis, aut sodalitatis, aut ali-
cuius necessitudinis, his carum & iucundum esse
maxime prodest. deinde ut quisque optimus, ac
maxime domesticus, ut is amet, quisque fidelissi-
mum

inum esse te cupiat, ualde elaborandum puto: tum
ut tribules, ut uicini, ut clientes, ut denique liber-
ti, postremo etiam seruitus: nam fere omnis sermo
ad forensem famam a domesticis emanat auctori-
bus. deinde instituendi sunt cuiuscunque generis a-
mici ad speciem hominis illustris honore ac nomine:
qui etiam si suffragandi studia non nauant, tamen
afferunt petitori aliquid dignitatis ad iustitiam obti-
nendam. Magistratus, ex quibus maxime consu-
les, deinde tribunos pl. ad conficiendum centurias
homines excellenti gratia, qui tribuent centuriam,
ut aliquod ex te beneficium aut habeant, aut ut ha-
beant sperent, eos prorsus magnopere compara, et
confirma. nam per hos annos homines ambitiosi ue-
hementer omni studio, atque opere laborarunt, ut
possent a tribulibus suis ea, quae peterent, impetra-
re. hos tu homines, quibuscuque rationibus poteris,
ut ex animo, atque ut ex illa summa uoluntate tui
studiosi sint, laborato. quod si satis grati homines
essent, haec omnia parata esse debebant, sicut para-
ta esse concerno: nam hoc biennio quattuor sodalita-
tes ciuium ad ambitionem gratissimorum tibi obli-
gasti, M. Fundanij, Q. Gallij, Cn. Cornelij, L.
Coruini: & horum in causis ad te defendendis quid-
nam eorum sodales receperint et confirmarint, scio:
nam interfui. quare hoc tibi faciendum est, ut idem
ab ijs, quod debent, exigas, saepe commonendo,
rogando, confirmando, curando ut intelligant nul-
lum tempus aliud se umquam habituros referendae

DE PETITIONE CONSVLATVS

gratie, profecto homines & spe reliquorum tuorum officiorum, etiam recentibus beneficijs ad studium seruandum excitabuntur. & omnino quonia eo genere amicitiarum petitio tua maxime initiata est, quod caussarum defensionibus adeptus es: fac ut plane ijs hominibus, quos deuinctos tenes, descriptum, ac dispositum suum cuique munus sit. & quemadmodum memini, quod nulla in re illis unquam molestus fuisti, sic cura ut intelligant omnia te, quæ ab illis tibi deberi putaris, ad hoc tempus reseruasse. Sed quoniam tribus rebus homines maxime ad beneuolentiam, atque hæc suffragandi studia ducuntur, beneficio, spe, adiunctione animi, uel uoluntate: animaduertendum est, quemadmodum cuique horum generi sit inseruiendum. Minimis beneficijs homines adducuntur, ut satis causæ putent se ad studium suffragationis dedisse, ne dum ijs, quibus saluti fuisti, quos tu habes plurimos. & intelligant, si hoc tuo tempore non satisfecerint, se probatos nemini unquam fore. quod cum ita sit, tamen rogandi sunt, atque etiam in hanc opinionem adducendi, ut, qui nobis adhuc obligati fuerint, ijs uicisti nos obligari adhuc posse uideamur. qui autem spe tenentur, quod genus hominum multo est diligentius, atque officiosius; ijs fac ut propositum, ac paratum auxilium tuum esse uideatur; denique ut spectatorem te suorum officiorum esse intelligant diligentem; ut uidere te plane, atque animaduertere, quantum ab unoquoque profiscatur, appareat.

Tertium

Tertium illud genus est studiorum uoluntarium :
quod agendis gratijs , accommodandis sermonibus
ad eas rationes , propter quas quisque studiosus tui
esse uidebitur , significanda erga illos pari uolunta-
te , adducenda amicitia in spem familiaritatis , &
consuetudinis confirmari oportebit . atque in ijs om-
nibus generibus iudicato & perpendito quantum
quisque possit , ut scias et quemadmodum cuique in-
seruias , & quid a quoque expectes , & postules .
sunt enim quidam homines in suis ciuitatibus , &
municipijs gratiosi : sunt diligentes , & copiosi : qui
etiam si antea non studuerunt huic gratiae , tamen
ex tempore elaborare eius causa , cui debent , aut
uolunt , facile possunt . his hominum generibus sic
inseruiendum est , ut ipsi intelligant te uidere quid a
quoque expectes , sentire quid accipias , meminisse
quid acceperis . Sunt autem alij qui aut nihil
possunt , aut etiam odio sunt tribulibus suis , nec ha-
bent tantum animi , aut facultatis , ut enitentur ex
tempore . hos internosceas : & uideto , ne , spe in ali-
quo maiore posita , praesidij parum comparetur .
& quamquam partis & fundatis amicitijs fructum
ac munitum esse oporteret : tamen in ipsa petitione
amicitiae permultae , ac perutiles cōparantur . nam
in ceteris molestijs habet hoc tamen petitio commo-
di , ut possis honeste , quod in cetera uita non queas ,
quosunque uelis , adiungere ad amicitiam : quibus-
cum si alio tempore agas , ut te utantur , absurde
facere uidere : in petitione autem nisi id agas &

DE PETITIONE CONSULATVS

cum multis, & diligenter, nullus petitor esse uideare. Ego autem tibi hoc confirmo, esse neminem, nisi si aliqua necessitudine competitorum alicui tuorum sit adiunctus, a quo non facile, si contenderis, impetrare possis, ut suo beneficio promereatur, se ut ames, & sibi ut debeas, modo intelligat te magni aestimare, ex animo agere, bene se ponere, fore ex eo non breuem et suffragatoriam, sed firmam & perpetuam amicitiam. nemo erit, mihi crede, in quo modo aliquid uirtutis sit, qui hoc tempus sibi oblatum amicitiae tecum constituendae praetermittat, praesertim cum id tibi casus afferat, uti tecum petant, quorum amicitia aut contemnenda, aut fugienda sit, & qui hoc, quod ego te hortor, non modo non assequi, sed ne incipere quidem possint. nam quid incipiat Antonius homines adiungere, atque inuitare ad amicitiam, quos per se suo nomine appellare non possit? mihi quidem stultius nihil uidetur, quam existimare eum studiosum tui, quem non noris. eximiam quandam gloriam, & dignitatem, ac rerum gestarum magnitudinem esse oportet in eo, quem homines ignoti, nullis suffragantibus meritis, honore afficiant. namque ut homo iners, sine officio, sine ingenio, cum infamia, nullis amicis septus, hominum plurimorum studio, atque omnium bona existimatione munitum praecurrat, sine magna culpa negligentiae fieri non potest. Quamobrem, omnes centurias multis & uarijs amicitijs, cura, ut confirmatas habeas: & primum

primum id, quod ante oculos est, senatores, equitesq. Romanos, ceterorum ordinum naus homines & gratiosos complectere. multi homines urbani & industrij, multi libertini gratiosi: in foro namque uersantur: quos per te, quos per communes amicos poteris sumere. cura ut tui cupidi sint, elaborato, appetito, allegato, summo beneficio te afficere ostendito. deinde habe oratores urbis totius, collegium omnium pagorum, uicinitatum. ex ijs principes ad amicitiam tuam si adiunxeris, per eos reliquam multitudinem facile tenebis. postea totam Italiam fac ut in animo, ac memoria tibi distributam, comprehensamq. habeas: ne quod municipium, coloniam, praefecturam, locum denique Italiae ne quem esse patiari, in quo non habeas firmamenti quod satis esse possit. perquiras etiam & inuestiges homines ex omni regione, eosq. cognoscas, appetas, confirmes, cures ut in suis ciuitatibus tibi aliquos petant, & tua causa quasi candidati sint. uolent te amicum, si suam a te amicitiam expeti uidebunt. id ut intelligant, oratione, quae ad rationem pertinet, consequere. homines municipales, ac rustici, si nomine tantum noti sunt, in amicitia se esse arbitrantur. si uero etiam praesidij se aliquid sibi constituere putant, non amittunt occasionem promerendi. hos ceteri, & maxime tui competitorum ne norunt quidem, tu & nosti, & facile cognoscas: sine quibus amicitia esse non potest.

neque

neque id tamen satis est, tametsi magnum est: sed ut consequatur spes utilitatis, atque amicitiae, ne nomenclator solum, sed amicus etiam bonus esse uideare. ita cum et hos ipsos propter suam ambitionem, qui apud tribules suos plurimum gratia possint, studiosos in centurijs habebis; & ceteros, qui apud aliquam partem tribulium propter municipij, aut ciuitatis, aut collegij rationem ualeat, cupidos tui constitueris; in optima spe esse debebis. Iam equitum centuriae multo facilius mihi diligentia posse teneri uidentur. primum cognoscendi sunt equites, deinde adipiscendi: multo enim facilius illa adolescentulorum ad amicitiam aetas adiungitur. deinde habebis tecum ex iuuentute optimum quemque, & studiosissimum humanitatis. tum equester ordo sequetur illius auctoritatem ordinis, si abs te adhibetur ea diligentia, ut non ordinis illius auctoritatem solum uoluntate, sed etiam singulorum amicitijs eas centurias confirmatas habeas. iam studia adolescentulorum in suffragando, in obeundo, in nunciando, in asseclando mirifice & magna, et honesta sunt. Et quoniam affectationis mentio facta est, id quoque curandum est, ut quotidiana cuiusque generis, & ordinis, & aetatis utare. nam ex ea ipsa copia coniectura fieri poterit, quantum sis in ipso campo uirium, ac facultatis habiturus. huius autem rei tres partes sunt; una saluatorum, cum domum ueniunt; altera deductorum; tertia affectatorum. In saluatoribus,

toribus, qui magis uulgares sunt, & ad hanc consuetudinem, quae nunc est, plures ueniunt, hoc efficiendum est, ut hoc ipsum minimum officium eorum tibi gratissimū esse uideatur. Qui domum tuam uenient, ijs significato te animaduertere; et eorum amicis, qui illis renuncient, ostendito; saepe ipsis dicito. sic homines saepe, cum obeunt plures competitores, & uident unum esse aliquem, qui haec officia maxime animaduertat, ei se dedunt, deserunt ceteros, minutatim ex communibus proprii, ex fucosis firmi suffragatores euadunt. iam illud teneo diligenter, si eum, qui tibi promiserit, fucum, ut dicitur, facere uelle senseris, ut te id audisse, aut scire dissimules; si quis tibi se purgare uolet, quod suspectum esse arbitretur, affirmes te de illius uoluntate numquam dubitasse, nec debere dubitare: is enim, qui se non putat satisfacere, amicus esse nullo modo potest. scire autem oportet, quod quisque animo sit, ut &, quantum cuique confidas, constituere possis. Iam deductorum officium, quod maius est quam saluatorum, hoc gratius tibi esse significato, atque ostendito, &, quoad eius fieri poterit, ceteris temporibus descendito. magnā affert opinionem, magnam dignitatem quotidiana in deducendo frequentia. Tertia est ex hoc genere assidua affectatorum copia. in ea quos uoluntarios habebis, cura ut intelligant te sibi in perpetuum summo beneficio obligari. qui autem tibi debent, ab ijs plane hoc munus exige; qui per aetatem, ac

negotium

DE PETITIONE CONSVLATVS

negotium poterunt , ipsi tecum ut assidui sint : qui si ipsi sectari non poterunt , necessarios suos in hoc munere constituent . ualde ego te uolo , & ad rem pertinere arbitror , semper cum multitudine esse . praeterea magnam affert laudem , & summam dignitatem , si ij tecum erunt , qui a te defensi , & qui per te seruati , ac iudicijs liberati sunt . haec tu plane ab ijs postulato , ut , quoniam nulla impensa per te alij rem honestam , alij salutem , ac fortunas omnes obtinuerunt , nec aliud ullum tempus futurum sit , ubi tibi referre gratiam possint , hoc te officio remunerent . Et quoniam in amicorum studijs haec omnis oratio uersatur : qui locus in hoc genere cauendus sit , praetermittendum non uidetur . fraudis , atque insidiarum , & perfidiae plena sunt omnia . non est huius temporis perpetua illa de hoc genere disputatio , quibus rebus beneuolus , & simulator dijudicari possit . tantum est huius temporis admonere . summa tua uirtus eosdem homines & simularetibi esse amicos , & inuidere coget . quamobrem *ἐπιχάρου* illud teneto , nervos atque artus esse sapientiae , non temere credere . & cum tuorum amicorum studia constitueris , tum etiam obrectatorum , atque aduersariorum rationes , & genera cognoscito . haec tria sunt : unum ex ijs , quos laesisti : alterum , qui sine caussa non amant : tertium , qui competitorum ualde amici sunt . Quos laesisti cum contra eos pro amico diceres , his te purgato plane : necessitudines comemorato : in spem adducito ;

ducito; te in eorum rebus, si se in amicitiam contulerint, pari studio, atque officio futurum spondeto. Qui sine causa non amant, eos aut beneficio, aut spe, aut significando tua erga illos studia futura, delenies, dans operam, ut de illa animi prauitate deducas. Quorum uoluntas erit abs te propter competitorum amicitias alienior, his quoque eadem inserui oratione, qua superioribus: & si probare poteris, te in eos ipsos competitiores tuos beneuolo esse animo ostendito. Quoniam de amicitijs constituendis satis dictum est, dicendum est de illa altera parte petitionis, quae in populari ratione uersatur. Ea desiderat nomenclationem, blanditiam, assiduitatem, benignitatem, rumorem, spem in rep. Primum id, quod facis, ut homines noris, significa, ut appareat; & auge, ut quotidie melius fiat. nihil mihi tam popolare, neque tam gratum uidetur. Deinde id, quod natura non habes, induc in animum ita simulandum esse, ut natura facere uideare. nam comitas tibi necesse est, ea, quae bono ac suauis homine digna sit. sed opus est magno opere blanditia: quae etiam si uitiosa est, & turpis in cetera uita, tamen in petitione necessaria. tibi enim cum deteriore aliquem assentando facit, improba est: cum amicio rem, non tam uituperanda. petitori uero necessaria est, cuius & frons, & uultus, & sermo ad eorum, quoscunque conuenerit, sensum, & uoluntatem commutandus est. iam assiduitatis nullum est praecipuum:

276 DE PETITIONE CONSULATVS

ptum: uerbumq. ipsum docet, quae res sit. prodest
quidem uehementer nusquam deesse: sed tamen hic
fructus est assiduitatis, non solum esse Romae, at-
que in foro, sed assidue petere, saepe eosdem appel-
lare, non committere ut quisquam possit dicere,
quod eius sit consequi possis, si abs te non sit roga-
tum, & ualde ac diligenter rogatum. Benignitas
autem late patet, & est in re familiari. quae quam-
quam ad multitudinem peruenire non potest, ta-
men ab amicis laudatur, & multitudini grata est:
est in conuiuijs, quae facete abs te, et amicis tuis con-
celebrentur & passim, & tributim: est etiam in
opera, quam peruulga, & communica: cura, ut
aditus ad te diurni atque nocturni pateant, neque
foribus solum aedium tuarum, sed etiam uultu, &
fronte, quae est animi ianua. quae si significant uo-
luntatem abditam esse ac reclusam, parui refert pa-
tere ostium: homines enim non modo promitti sibi,
praesertim quae a candidato petant, sed etiam large
ac honorifice promitti uolunt. quare hoc quidem fa-
cile praeceptum est, ut, quod acturus sis, id signifi-
ces te studiose, ac libenter esse facturum. illud dif-
ficilius, & magis ad tempus, quam ad naturam
accommodatum tuam; quod facere non possis, ut
id iucunde neget. quorum alterum est boni uiri, al-
terum boni petitoris. nam cum id petitur, quod ho-
neste, aut sine detrimento nostro promittere non
possumus, quo modo si quis roget, ut contra ami-
cum aliquam causam recipiamus: belle negandum
est.

est, ut ostendas necessitudinem, demonstres quam moleste seras, alijs te id rebus exacturum esse persuadeas. audiui hoc dicere quendam de quibusdam oratoribus, ad quos causam suam detulisset; gratiorem sibi fuisse orationem eius, qui negasset, quam illius, qui recepisset. sic homines fronte, & oratione magis, quam ipso beneficio, req. capiuntur. verum hoc probabile est. illud alterum subdurtur tibi homini plane perito suadere: sed tamen tempori tuo consulam. quibus enim te propter aliquod officium necessitudinis affuturum negaris, tamen ij possunt abs te placati aequiq. discedere. quibus autem iccirco negaris, quod te impeditum esse dixeris aut amicorum negotijs, aut grauioribus causis, aut ante susceptis; inimici discedunt, omnesq. hoc animo sunt, ut sibi te mentiri malint, quam negare. C. Cotta in ambitione artifex dicere solebat, se operam suam, quod non contra officium rogaretur, polliceri solere omnibus, impertire ijs, apud quos optime poni arbitraretur; ideoq. se negare nemini, quod saepe accideret causa, cur is, cui pollicitus esset, non uteretur; saepe, ut ipse magis esset uacius, quam putasset: neque posse domum eius compleri, qui tantum modo reciperet, quantum uideret se obire posse: casu fieri, ut agantur res, quae non putaris, illa, quae credideris in manibus esse, ut aliqua de causa non agantur: deinde esse extremum, ut irascatur is, cui mendacium dixeris. id si promittas, & incertum est, & in diem,

& in

DE PETITIONE CONSULATVS

& in paucioribus . sin autem id neges, statim abalie
nant se, & inimicantur. plures enim multo sunt,
qui rogant, ut uti liceat opera alterius, quam qui
utantur. quare satius est, ex ijs aliquos aliquando
tibi in foro irasci, quam omnes continuo domi, prae
sertim cum multo magis irascantur ijs, qui negent,
quam si quem uideant ea caussa impeditum, ut fa
cere, quod promisit, cupiat, si ullo modo possit.
Ac ne uidear aberrasse a distributione mea, qui
haec in hac populari parte petitioni disputem; hoc
sequor, haec omnia non tam ad amicorum studia,
quam ad popularem famam pertinere. etsi inest ali
quod dictum ex illo genere, benigne respondere, stu
diose inseruire negotijs amicorum, ac periculis: ta
men hoc loco ea dico, quibus multitudinem capere
possis, ut de nocte domus compleatur, ut multi spe
tui praesidij teneantur, ut amiciores abs te discedant
quam accesserint, ut quamplurimorum aures opti
mo sermone compleant. Sequitur enim, ut de ru
more dicendum sit. cui maxime seruiendum est.
sed quae dicta sunt omni superiori oratione, eadem
ad celebrandum rumorem ualent, dicendi laus, stu
dia publicanorum, & equestris ordinis, hominum
nobilium uoluntas, adolescentulorum frequentia,
eorum, qui abs te defensi sunt, assiduitas, ex muni
cipijs multitudo eorum, quos tua caussa nenisse ap
pareat, bene homines nosse, comiter appellare, as
sidue ac diligenter petere, benignum, ac libera
lem esse, bene loqui existimare, domus ut multa
nocte


nocte compleatur ; omnium generum frequentia
adsit ; satisfiat oratione omnibus ; re , operaq. mul-
tis proficiatur ; id quod fieri potest labore , & arte ,
& diligentia ; non ut ad populum ab ijs omnibus fa-
ma perueniat , sed ut in ijs studijs populus ipse uer-
fetur . Iam , urbanam illam multitudinem , & eo-
rum studia , qui conciones tenent , quae adepius es
in Pompeio ornando , in Manlij causa recipienda ,
Cornelio defendendo , excitanda nobis sunt : quae
adhuc habuit nemo , quin idem splendorem omni-
um , uoluntatesq. haberet . Efficiendum etiam il-
lud est , ut sciant omnes , Cn. Pompeij summam
erga te esse uoluntatem , & uehementer ad illius
rationes , te id assequi , quod petis , pertinere . Po-
stremo tota petitio , cura , ut pompae plena sit , ut il-
lustris , ut splendida , ut popularis ; ut habeat sum-
mam speciem , ac dignitatem ; ut , etiam si qui pos-
sit , ne competitoribus tuis existat aut sceleris , aut
libidinis , aut largitionis accommodata ad eorum
mores infamia . Atque etiam in hac petitione ma-
xime uidendum est , ut spes reip. bona de te sit , &
honesti opinio . nec tamen in petendo resp. capeffen-
da est , neque in senatu , neque in concione : sed haec
sunt tibi retinenda , ut senatus te existimet ex eo ,
quod ita uixeris , defensorem auctoritatis suae fore ;
equites R. boni , & lucupletes , ex uita acta te stu-
diosum otij ac rerum tranquillarum ; multitudo ,
ex eo dumtaxat , quod oratione in concionibus , ac iu-
dicio popularis fuisti , te a suis commodis alienum

Kk non

DE PETITIONE CONSULATVS

alienum non futurum. Haec mihi ueniebant in mentem de duabus illis commotionibus matutinis, quo tibi quotidie ad forum descendenti meditando esse dixeramus: nouus sum: consulatum peto. tertium restat, Roma est, ciuitas ex nationum conuentu constituta; in qua multae insidiae, multa fallacia, multa in omni genere uitia uersantur; multorum arrogantia, multorum contumacia, multorum maleuolentia, multorum superbia, multorum odia ac molestia perferenda est. uideo esse magni consilij, atque artis, in tot hominum cuiusque modi uitijs, tantisque uersantem uitare offensionem, uitare fabulam, uitare insidias, esse unum hominem accommodatum ad tantam morum, ac sermonum, ac uoluntatum uarietatem. quare etiam atque etiam perge tenere istam uiam, quam instituisti: excelle dicendo: hoc & tenentur Romae homines, & alliciuntur, & ab impediendo, & laedendo repelluntur. Et, quoniam in hoc uel maxime uitiosa est ciuitas, quod, largitione interposita, uirtutis, ac dignitatis obliuisci solet: in hoc fac ut te bene noris, id est, ut intelligas eum esse te, qui iudicij ac periculi metum maximum competitoribus asferre possis. fac itaque, ut se abs te custodiri, atque obseruari sciant. tum diligentiam tuam, tum auctoritatem, uimque dicendi, tum profecto equestris ordinis erga te studium pertimescet. Atque haec ita te uolo illis proponere, ut uideare occasionem non meditari, sed ut hoc terrore facilius hoc ipsum, quod

quod agis, consequare. Et plane sic contende omnibus nervis, ac facultatibus, ut adipiscamur quod petimus. Video esse nulla comitia tam inquinata largitione, quibus non gratis aliquae centuriae renunciant suos maxime necessarios. quare, si aduigilamus pro rei dignitate; & si nostros ad summum studium benueolos excitamus; et si hominibus studiosis gratiosisq. nostri suum cuique munus describimus; & si competitoribus iudicia proponimus; si ex equestribus metum injicimus, diuisores ratione aliqua coercemus: perfici potest, ut largitio nulla fiat, aut nihil ualeat. Haec sunt, quae putavi non melius scire me, quam te, sed facilius his tuis occupationibus colligere unum in locum posse, & ad te perscripta mittere. quae tamen etsi ita scripta sunt, ut non ad omnes, qui honores petant, sed ad te proprie, & ad hanc tuam petitionem ualeant: tamen tu, si quid mutandum esse uidebitur, aut omnino tollendum, aut si quid erit praeteritum, uelim hoc mihi dicas. uolo enim hoc commentariolum petitionis haberi omni ratione perfectum.



SCHOLIA PAVLI MANVTII
IN SECVNDAM CICERONIS
PHILOSOPHIAE PARTEM.

4.
QVID est enim temeritate fortius?]
*Aut hic, Fortius, in malam partem est accipien-
dum, quasi uolentius; qua significatione hanc uo-
cem alibi non memini me legisse: aut pro, Fortius;
reponendum foedius; quod affirmare sine libris an-
tiquis non audeo.*

4.
Quod uero maxime &c.] *Receptam lectio-
nem non improbo: neque enim est cur debeam.
sed ut medici non eos solum, qui aegrotant, sed eos
etiam, qui satis commode habent, quandoque cu-
rant, ut, ad naturae beneficium addito artis adiu-
mento, quam optimam ualitudinem, & speciem
consequantur: sic nos non ea modo, quae errorum
tenebris inuoluta, minus perspicua sunt, sed si quid
etiam eiusmodi est, quod lectorem omnino non la-
teat, quanto magis possumus correctione illustra-
mus: ut hoc in loco, dixi me receptam lectionem
non improbare; neque, cur improbem, causa est:
tamen ad uenustatem, & ornatum quiddam adde-
tur; si ita legas. Quod uero maxime rem, caus-
samq. continet, utrum nihil agant, nihil molian-
tur, ab omni curatione & administratione rerum
uacent;*

SCHOLIA IN PARTEM II.

uacent; an contra ab his & a principio omnia facta
& constituta sint, & ad infinitum tempus regan-
tur, atque moueantur; in primis magna quaestio est.

8:

Physiologiam.] Post hanc uocem sequebatur,
id est naturae rationem: quod induximus, uidentes
glossam esse ab aliquo adiectam, qui physiologiam
interpretaretur.

II.

A magistro Platone uno dissentiens.] Pri-
mum non ab uno, sed a multis dissentiebat: nam
philosophi de dijs uarie sentiebant: deinde ab alijs
potius, quam a Platone; cuius eandem fere de dijs
fuisse sententiam, paullo ante demonstratum est.
quam eius discipuli, Aristoteles, & Ponticus He-
raclides, sunt secuti: itaque legi fortasse possit: A
magistro Platone non dissentiens.

12.

Vt diuinam, esse affectam putat.] Vi diui-
na esse affectam putat, & apertius esset, & ut pu-
to, uerius, nec insigni tamen mutatione.

12.

Theogoniam, id est originem deorum.]
Hic quoque glossa fuit: nam illud, id est originem
deorum, quis non uidet adscriptum fuisse, ut Theo-
goniae significatio ostenderetur? qua ratione addu-
cti deluimus, eo libentius, quod quibusdam in an-
tiquis libris expositio illa non est.

Vsitatas,

12.

Vsitatas, perceptasq. cognitiones] Re-
etius, quod reposui, Infitas, perceptasq. cognitio-
nes. nam & in Maffei libro ita legitur: & pagina
etiam 13: Infitas, dixit, deorum cognitiones ha-
bemus. Et alibi non semel, atque etiam Lucretius,
Vnde (inquit libro v.) insita notities est Vtilitatis.

14.

Non modo uiderat animo, sed etiam
sic tractat, ut manu doceat.] Huius loci cor-
rectionem sensus ipse uidetur ostendere: tollet e-
nim omne mendum, si quis ita legat, Non mo-
do uiderat animo, sed etiam sic tractarat, ut ma-
nu, docet.

14.

Existat, & ad eos affluat.] Legendum pu-
to, Adeo affluat, sententia ita postulante: de quo
dubitandum eo minus est, quod pagina 28: Cum,
inquit, ex ipso imagines semper affluant. & Lu-
cretius nostram coniecturam libro 4. plane con-
firmat.

19.

Quod & non praedicanti tam facile qui-
dem credam, sicut] Tam, & sicut, particu-
lae non sunt sibi inuicem respondentes: itaque & lo-
cutione magis usitata, & sensu aliquanto aptiore le-
getur: Quod & non praedicanti tamen facile qui-
dem crederem, sicut mali aedificij, & c. quam le-
ctiorem habet Maffei liber scriptus: eamq. secu-
tus sum in nostro libro.

kk 4

Huic

SCHOLIA IN PARTEM II.

21.

Huic pulchrior deo?] Concinnior erit sententia, si legatur; Hui, pulchrior deo?

22.

Sigilla numerantes.] Sensu, ut opinor, meliore, clariore quidem certe, legeretur, Sigilla uenerantes.

23.

Quae funditus gens uestra non nouit.] Puto legendum esse, Quem: ut subaudiatur, morem: & deinde, argumentis sententiam, non, argumenti sententiam.

23:

Cor, pulmones, iecur, ceteraque, detracta utilitate, quid habent uenustatis?] Corrigo, Cor, pulmones, iecur, cetera; quae, detracta utilitate, quid habent uenustatis? ut a praecedentibus tenui distinctionis nota seiungantur, & ad uerbum, habebit, referantur.

26.

Superior aer.] Antiqui libri &, superius aer, & supremum aer, habent. ego rectius legi putarem, superiorem aer: ut subaudiatur locum, teneat: uel, superior aeri: ut insequens membrum spectet: quod in nostro libro reposui.

28:

Homines non colant.] Hominibus non consulant, magis probarem. erat enim haec Epicuri ententia, deos hominibus non consulere. quae Cotta

ta

PHILOSOPHIAE CIC.

ta refellit cum hoc loco, tum in fine libri, cum inquit: *Dij, nulla re regentes, & inter se diligunt, & hominibus consulunt.* Item libro 2. pagina 31: *Primum docent esse deos: deinde, quales sint: tum, mundum ab his administrari: postremo, consulere eos rebus humanis.* Et pag. 68: *Si, inquit, omnibus hominibus deos consulere censemus.* Et lib. 3. pag. 83. *Primum, deorum ne providentia mundus regatur: deinde, consulant re dij rebus humanis.* Et pag. 5. *Vitae hominum consuli a dijs, et pro- uideri.* & alibi in eandem sententiam saepissime: quae quia tam manifesta in re minus uidentur esse necessaria, praetermittam.

29.
Prodicus Chius.] Alij uidentur legisse in antiquo libro; Prodicus Cius. nos hic haeremus, cum ex pag. 12. auctorem huius sententiae fuisse Perseum appareat. nisi si uelis legere, Perseus Citieus, non Prodicus Cius, litteris haud ita dissimilibus, ut correctio temeraria uideri possit. Perseum autem, Zenonis auditorem, fuisse Citieum, Suidas, & Laertius in Zenone testatur.

33:
Titio sibi tabernaculum captum fuisse haruspictionis.] Haruspictionis tabernaculum uocat, quod auspicandi causa ceperat Cracchus. foeda autem macula locus hic in omnibus antea impressis libris deformatus fuerat: cum imperiti homines ex antiqua uoce, haruspictionis, fecissent,

SCHOLIA IN PARTEM I I.

sent, in hortos Scipionis. quibus ex uerbis cum idonea sententia nulla elici posset; cumq. neque Cicerone ipse in libris de diuinatione, ubi bis hanc historiam narrat; neque ceteri, qui eandem litteris prodiderunt, ullam Scipionis hortorum mentionem faciant: subesse mendum, facile equidem intelligebam; neque tamen prius manus ad mouere ausus sum, quam in uetustis libris hoc, quod nunc reposui, perspicue scriptum animaduerti.

34.

Distinctionem, ueritatem, pulchritudinem, ordinem.] Ex ijs, quae sequuntur, manifestum est, uarietatem, potius hic esse legendum, quam, ut antea, utilitatem. ut illa ratio omittatur, quod de utilitate, qua homines adducti deos agnoscunt, non in quarta causa, sed in secunda mentionem facit. quam lectionem, ut meliorem, in nostris libris secutus sum.

41:

Bis bina, quid essent.] Bina, numerum significat, non qualitatem: itaque sic opinor rectius, Bis bina quot essent, una littera immutata: siquidem quid pro quid ueteres scribebant: quae deinde multorum errorum causa fuit, describentibus libros hominibus imperitis.

42.

Circuitus enim solis orbium v. defectibus.] nos ex antiquo libro, Diebus, pro, defectibus, reposuimus.

Is

46.

Is rapuit proserpinam.] Hacrebat antea letor hoc in loco, deprauatione uerborum implicatus. nunc ex Maffei libro correctione adhibita, nemo tam tardus est, qui, uel cursim legens, sensum non percipiat.

51.

Sonitu, & spiritu.] Qui pro spiritu, legere malunt, strepitu, non animaduertunt uersum claudicare. hunc autem uersum, & alios consequentes, omnes senarios, recitat Priscianus in libro de comitis metris.

51.

Sicut inciti, atque alacres rostris perfremunt.] Metire uersum pedibus: uitium deprehendes: quod mutatione parua tolletur, si pro, Sicut inciti, leges, Sicuti citi.

58.

A caulibus, brassicisque.] Brassicae nomen caules complectitur. ideo uidetur legendum, A lauris, ex Plinio lib. xvi. cap. 24.

59:

Vomitione canis purgare aluos ibes Aegyptiae curant.] Varie legitur in libris manuscriptis: nam pro purgare, & purgante, & purgantes, & purgant, reperitur, & pro canis: canes: ut fortasse ita corrigendum sit, mutatione non insigni: Vomitione canes purgantur: aluo se ibes Aegyptiae curant. cuius rei historiam ex Plinio,

SCHOLIA IN PARTEM II.
& Plutarcho licet cognoscere.

61:

Mollitur cibus.] Satis aptus elicitur sensus : mihi tamen magis placeret , Molitur ; a uerbo , molo molis , unde molares dentes . atque etiam in hoc uerbo Maffei liber , l , consonatem non geminat .

96:

Si mehercule , inquit , Vellei .] Aut in his uerbis mendum est , aut quidpiam desideratur : quod si ita corrigas , Sane hercule , inquit , Vellei ; non erit , quo lector offendatur . subauditur enim , paratus uenio : & optime cum sequentibus congruet sententia .

74.

Ne tertianas quidem febres .] Muretus legendum putat , Ne tertianas quoque febres , aut Ne tertianas item febres . id quod sententia requirere uidetur .

75 .

Sensum , & rationem , & orationem , haec eadem & caniculam non habere .] Antiqui libri alij habent , sensum , & rationem , haec eadem & caniculam non habere : alij , sensum , & rationem , & orationem , haec eadem orionem , & caniculam non habere .

78 .

Idaeis Daetylīs .] Ex perantiquis Maffei , et Sigonij libris Daetylīs , reposui ; cum antea , Indigenis ,

PHILOSOPHIAE CIC.

nis, legeretur: secutus & opinionem optimi, atque eruditissimi uiri, Constantij Fanensis, et Strabonem lib. x. qui scribit, unum ex Idaeis Daetylis Herculem fuisse nominatum: & Diodorum in sexto, cuius haec sunt uerba: Primi in Cretam circa Idam habitarunt Idaei Daetyli appellati. & infra: Scribunt unum ex eis appellatum Herculem.

82.

Cui Sabazea sunt instituta.] Ex perantiquo Sigonij libro, meliore, ut opinor sententia, Cui Sabazea, reposui: pro, in honorem cuius: cum antea, Caius Abazea, legeretur. Sabazius autem Dionysij cognomen fuit: unde Sabazia sacra, cuius nominis etymologiam Suidas exponit in uerbo Σαβάζιος, et Aristophanis interpres in Auibus, et Vespsis. ut fortasse apud Macr. lib. 1. Saturn. legendum sit, Sabazium, non, Sebadium.

83.

In Palatio, & Orbonae ad aedem Larum.] Ex peructustis Maffei, & Sigonij libris hunc locum ex deprauata ad ueram lectionem restitui: cum haec duobus uerba, Orbonae ad, in impressis libris non essent. de Orbona quidem meminit Plinius libro 2. cap. v 11.

84.

Postquam pater &c.] Septenarium hunc uersum oportet esse, quemadmodum & sequentes reliqui sunt. ut autem legitur, pedibus recte distinguere non potest. neque secus habent antiqui libri

SCHOLIA IN PARTEM II.

bri. sed animaduerti, uersum, nulla mutatione, restitui posse, si ita scribatur, ut incipiat a uerbo, Appropinquat, & duae antecedentes dictiones, tamquam superioris uersus extremae, seiungantur.

86.

Lege Laetoria.] Sic ex antiquis nummis, & fastis Capitolinis, non, Lectoria, ut antea, legendum est.

90.

Quinam Tantalidarum, &c.] Senarij tres iambici sunt: quos enim haecenus agnouit. mihi cum semper ipsa uerba poeticum quiddam olere uisa sunt: tum multo magis, postea quam in Maffei libro scriptum legi, satias supplicij, non, satietas supplicij. quod cum animaduertissem, confugi statim ad mensuram; eaq. usus, deprehendi uitium, quod propter continuatum uerborum ordinem latebat. senarios, inquam, iambicos, ex uetere poeta, esse comperi: qui sunt ita distinguendi:

Quinam Tantalidarum internecioni modus

Paretur? aut quaenam umquam ob mortē Myrtili
Poenis luendi dabitur satias supplicij?

satias autem pro satietas, quandoque ueteres dicebāt: unde Lucretius libro 11. Fessus satiete uident. & lib. v. inuabani Cum satiāte cibi. Sed ecce ueritas elucet. cum aliquot antea annis haec superiora scripsissem, euoluendis Carisij monumentis inueni, unde sint hi uersus. sunt autem ab Accia poeta sumpti, quem ille nominat Instit. gram. lib. 1.

In

95:

In secundo consulatu.] Puto corrigendum, in secundo de consulatu: ut iubauiatur, libro.

96.

Tum species ex aere uetus, generataque Nattae.] Generosaque, legit Muretus: & paulo infra.

Omnes ciuili generosa stirpe profectam.

98:

Sic tum auibz magnae res, impetiri solabant.] Ita sine dubio legendum est, non, ut antea, impetriri. est autem, impetriri, uetus augurale uerbum: quod idem Cicero usurpat lib. 2. de Diuin. 131. Qui euenit, inquit, ut is, qui impetrare uelit, conuenientem hostiam rebus suis immolet? Et Plautus in Asin.

Impetratum, inauguratum est: quouis admittunt aues.

Restituendus etiam locus ille apud Valerium lib. 1. Prisco etiam instituto rebus diuinis opera datur, cum aliquid commendandum est, precatione; cum exposcendum, uoto; cum inquirendum uel extis, uel sortibus, impetrato: non, ut uulgo legitur, impetito. Quod autem hoc ipso in lib. 92. legitur impetrandis, consulendisq. rebus; ad, impetrare, uerbum spectat. non enim ibi est, impetrandis, pro, obtinendis, sed pro, impetriendis. utroque enim modo &, impetrare, &, impetrare, ueteres dicebant: quod Festi testimonio probatur. Atque
hoc

SCHOLIA IN PARTEM II.
hoc eiusdem ingenio Mureti debetur.

98:

Ateium .] Ita sine dubio legendum est , non ,
ut antea , Aetheio : cum de Ateio Plutarcus in
Crasso , & Dio lib. xxxix . C. Ateium Capito-
nem nominet . Capito autem cognomen Ateiorum ,
non Aetheiorum , fuit . nec Aetheios inter fami-
lias Romanas adhuc inueni .

100:

cccc lxx millia .] Saepe mihi in eiusmodi
litteris observatus error facile persuadet , ut legen-
dum potius existimem , cccclxxx , & delea-
tur , millia . nam , cccclxxx , ualet , centum
millia . quo de genere in nostris ad Atticum com-
mentarijs & satis copiose , & primi , ut opinor , di-
sputauimus .

101:

In Numerii Fabii .] Antea , mendose , innu-
merum Fabij . nos ex antiquis libris restituimus .
tres enim Fabij Pictores fuere , clari omnes antiqui-
tatis notitia , Quintus , Numerius , Seruius : quo-
rum antiquissimus Quintus . nominantur a Lilio ,
Gellio , Macrobio , Orosio , Nomo , Cicerone .

102 .

Visum est in sōniis , pastorem ad me appellare
Pecus lanigerum eximia pulchritudine ,
Duos consanguineos arientes inde eligi .]
hos uersus , qui antea praepostero ordine collocati
legebantur , ita digerendos esse , admonuit Mure-
tus

tus in annotationibus, quas nuper in Terentium edidit.

102.

Minus mirum est.] Haec tota somnij interpretatio constat e septenarijs. itaque non intelligo quid spectauerint ij, qui ueterem lectionem mutarunt, et pro, minus mirum est, legere maluerunt, minus mirandum est.

112.

Polyidum Corinthium.] Ita sine dubio legendum est, non, ut antea, Polybum Corinthiū, ex Homeri loco, quem Cicero significat, qui est lib.

3. Iliadis: his uerbis:

Ἦν δέ τις Διὶ φήνωρ πολυίδε μάντιος υἱὸς,
ἀφνειὸς τ' ἀγαθὸς τε, κορίνδοθι οἰκία ναίων,
ὃς ῥ' ὧς εἰδὼς κῆρ ὀλοήν ἐπὶ νηὸς ἔβαινε:
πολλάκι γὰρ οἱ εἶπε γέρων ἀγαθὸς πολυίδος,
νοῦσω ὑπ' ἀργαλέῃ φθίδαι οἷς ἐν μεγάροισιν,
ἢ μετ' ἀχαιῶν νηυσὶν ὑπὸ τρώεσσι δαμῆναι.
Sic et lib. de leg. 11. inter uates nominatur.

113.

De principum filiis sex singulis Etruriae populis.] Valerius Maximus non sex, sed decem fuisse tradit, qui singulis Etruriae populis in disciplinam traderentur.

113.

Vt enim Aegyptii, ut Babylonii.] Vt Aegyptij, ut Babylonij, libentius legerem; uel, Etenim Aegyptij, et Babylonij.

Ll

Som-

SCHOLIA IN PARTEM II.

114.

Somniandi causa excubabant.] *Videtur esse legendum, Incubabant: quo uerbo et Virgilius, de Latino rege loquens, in simili sententia libro VII. usus est, cum inquit: Pellibus incubuit stratis, somnosque petiuit, Incubabant enim, ut somnos caperent. at excubare contrarium significat.*

116.

Tibi P. Claudius.] *Puto legendum, Ap. Claudius: qui fuit P. Clodij, Ciceronis inimici, frater, augur peritissimus, qui etiam de augurali scientia libros edidit.*

116:

Romulu' pulcher in alto Quacrit Auentino.] *Liuius aliter: non enim Romulum, sed Remum in Auentino obseruasse tradit.*

121.

Verisimile est.] *Ordinem uerborum, et sententiam secuti, sic emendauimus; cum antea, Verisimiles, legeretur.*

122.

Permixti cum corpore animi.] *Nil mutato, neque mutandum censeo: fuit tamen, cum diuinationem, animi, crederem abundare.*

122.

Vt enim Ceos.] *Particulae, Vt, non uideo, quid respondeat. omnino in Ciceronis scriptis non nulla deprehenduntur, quae, non est, quo referan-*

ran-

vantur: sed, utrum id scriptoris, an librariorum u-
tio sit assignandum, ignoro. hic quidem unius litte-
rae mutatione restitui poterit, Etenim Ceos.

132:

Inducaris.] Duo uerba, quae sequuntur, Ca-
ptiones, et, Explicetis, facile me adducunt, ut le-
gendum putem, Induitis: qua ratione item in Ver-
rem dixit, inducere se in laqueos: & Lucr. lib.
1v. Ac nos in fraudem induimus frustra nimis ipsi.

147.

Aut ea ne ipsi quidem dii significare
possunt.] Mibi hoc totum frustra uidetur incul-
catum: quorsum enim iteretur? cum idem significet,
id quod dixit, Aut, quid euenturum sit, ignorant.

148.

Negant enim id esse alienum maiestatis
deorum, scilicet causas omnium introspi-
cere.] Apparet haec superioribus esse attexenda,
locumq. ita corrigendum: Negant etiam id esse
alienum maiestatis deorum, scilicet causas omnium
introspicere. quo enim ordine Chrysippus, Dioge-
nes, et Antipater, rationes, cur diuinitas esset, at-
tulerant; eodem ordine eas ipsas rationes conatur
Cicero confutare. Negant etiam, inquit, id esse alie-
num maiestatis deorum, causas omnium introspicere:
εἰσπνεῖν: quasi dicat; maxime est alienum ma-
iestatis deorum, causas omnium introspicere, ut ui-
deant quid cuique conducat. Et dixit casa potius,
quam domos, ut humilitate uerbi maior esset iro-
nia.

Ll 2

SCOLIA IN PARTEM II.

nia . domos enim principes uiri habitare solent , ca-
sas non solent , quae agrestium propriae sunt . Dictio-
nem autem illam , Scilicet , ita accipimus , ut per
ironiam posita sit , non ut , id est , significet . Ne-
que , Maiestate , lego , pro , Maiestatis ; cum ,
alienus , etiam generandi , casu coniungatur : ut lib. I.
de Fin . Quis alienum putet eius esse dignitatis ,
quam mihi quisque tribuit ? & de Vniuersitate :
Naturam fugientem , & eius copulationis alie-
nam . & Sallustius in Catil . Domus D. Bruti pro-
pinqua foro , neque aliena consilij propter Sembro-
niam . & Lucr . lib. v 1 . Alienaq. pacis eorum . &
ibidem infra , Nec tamen haec ita sunt aliarum re-
rum aliena .

149 .

Quorum interpretes .] L. Cotta , de quo
Suetonius in Iulio Caesare his uerbis . Percrebuit
fama , L. Cottam x uirum sententiam dicturum ,
ut quoniam libris fatalibus contineretur , Parthos
nisi a rege non posse uinci , Caesar rex appellaretur .
Ex quo Ciceronis locus illustratur , & simul intel-
ligitur , libris sibyllinis interpretandis x uiros
praefuisse .

149 :

Quae Ennius fecit .] Sustuli hoc ex ingenio ,
tamquam glossema uerbi antecedentis , Ennianis .

153 :

Hoc necessario confitendum est .] Sine
dubio abundat , Hoc . nam sententia ita se habet :
Quod

Quod necessario confitendum est, quoniam illud negatis.

157.

Huic equidem Antipho, tu uero, inquit.] Non placet, equidem, cum tertia persona coniungi: & suspicor de mendo.

158.

Quid autem magnum, & naufragum illum sine nomine in riuo esse lapsum?] Tollenda stellulae nota, nescio quo modo e regione posita. sensus est: quid mirum est, naufragum quoque illum in riuo esse lapsum? Intulit autem post uocem, magnum, particulam, & ; propterea quod iam exemplum de Daphita, & de Philippo confutarat: quasi diceret, praeterea.

160.

Stirpes omnes eiiciendae sunt.] Elidendae, puto corrigendum, ut cum uerbo, stirpes, & cum uerbo item, propaganda, quod in superiore membro positum est, in translatione consentiat. sic etiam locutus est Tusculana 111. Stirpes, inquit, aegritudinis, trunco euerso, omnes elidendae.

164.

Corpora indiuidua.] Venit in mentem, haec duo uerba intrusa esse ab ijs, qui glossis, ut nunc uocant, omnia refferunt. quis enim non uidet, subaudiri, atomos, de quibus perspicue Cicero loquitur?

Ll 3

Vt

SCHOLIA IN PARTEM II.

164:

Vt iam si sit atomus.] Particula, Si, quid hic habeat loci, non intelligo. quod si tollatur, fortasse nihil desiderabitur.

172:

Nam quid Acrum memorem?] Sigonius in scholijs, quibus fragmenta Ciceronis, ab ipso diligentissime collecta, illustravit, pro, Acrum, legendum existimat, Macrum: ut sit C. Licinius Macer, cuius in historia Liuij mentio creberrima. quae me ratio, & quia ex Acrum in Macrum facillima mutatio, facile persuasit, ut assentirer doctissimo uiro, cuius auctoritas, uel sine ulla ratione, plurimi est apud me ponderis.

172:

Dacio summa impudentia.] Si legas, In mendacio, ut eidem Sigonio placet; patebit sententia. & sane mendacij Macrum arguere uidetur Liuius libro VII.

174.

Quam est populo necessarium?] Hoc ad laudem spectat: Cicero autem contra potius significat: dixit enim: Quid autem tam exiguum, quam est munus hoc eorum, qui consuluntur? quare suspicor de mendo: nisi si quis ἐπιωρισὶς dictum uelit. Muretus continuandam orationem putabat, hoc modo, consuluntur, cum est populo necessarium? mutatio autem fere nulla. nam, Cum, ueteres scribebant, Quom.

No-

174:

Nobis ita complectenda.] Sic emendauimus ex antiquo libro; cum antea legeretur, *Nobis ista. & infra, ex eodem libro, sustulimus definitionem, Naturae; quae erat post, Concludatur.*

176.

Disputari solent nimirum ista.] *Vetus liber Maffei habet, Disputari solet nimirum ista: unde mihi orta coniectura est, Nimirum ista, glossam fuisse, eamq. omnino esse inducendam; quod tamen prius non adducar ut faciam, quam id mihi per antiquos libros licere perspiciam.*

178.

Illud extremum est, quod recte uiuendi ratio meliores efficit.] *Hoc uidetur dicere: illud extremum est, recte uiuendi ratione meliores effici. ad hanc sententiam, si quis usum, & proprietatem Latinae linguae tenet, profecto intelliget, non recte accommodari, Quod. quamquam, cum alia eiusdem generis exempla intueor, ambigo quid sentiam: quae collegimus in cōmentarijs nostris epistolarum ad Atticum, cum illud in epistola ultima lib. x i. interpretamur, Quod minimum uellem spiritum reliquum esse.*

178:

Quod dicam naturam esse.] *Fortasse glossa fuit, Quod dicam natura esse: ut explanaretur illud proxime dictum, Iustos natura nos esse factos.*

Ll 4

179.

Attico * uidetur.] Tale quidpiam suspicor deesse, Vt opinor: ut ita continuata oratione legatur: Attico, ut opinor, uidetur, mihi quidem certe, ex natura ortum esse ius. nam illud, mihi quidem certe, anteire significat, Vt opinor, uel aliquid eiusmodi.

183.

Pollicitum.] Foedum glossema sequebatur in omnibus libris: Si posset inter eos aliquid conuenire: quod manuscriptus liber non habet, nec omnino sententia postulat: ita deleuimus.

187.

Cum pro Ambio.] Quis hic Ambius fuerit, ignoratur: neque pro eo Ciceronem, aut Pompeium dixisse, comperimus: utrumque autem pro Balbo; pro quo extat luculenta Ciceronis oratio. itaque reposui, Balbo, approbante Maffei libro scripto.

189.

Igitur Titias, & Appuleias leges nullas putas?] Vbi mendosum aliquid in libris occurrit, primum inspicere diligenter soleo ueteres libros, non modo ut litteras omnes, sed ipsam etiam litterarum formam considerem; quo facilius mendi originem deprehendam: deinde, si scriptis etiam in libris ueritas obseruatur, ad coniecturam confugio, quae magnam saepe lucem attulit, ut hic, nisi fallor. nam, cum in antiquo libro uiderem, Tu-
cias

cias, & Apuleias leges putavi, suam loco integritatem restitui, si legeretur, Titias, & Apuleias, minime dubitans, quin eae significentur leges, quas Sex. Titius, & L. Appuleius Saturninus, inuita nobilitate, plebis commodo, et voluntati seruientes, pertulerunt: quas postea senatus, quod non modo parum utiles reip. uerum etiam exitiosae uiderentur, sustulit. historiae testimonia requiruntur: haec sunt: Cicero pro C. Rabirio, perduellionis reo, Sex. Titius, quod habuit imaginem L. Saturnini domi suae, condemnatus est. & Val. Max. libro viii. cap. i. Sex. quoque Titium similis casus prostrauit. erat innocens: erat, agraria lege lata, gratus apud populum: tamen, quia Saturnini imaginem domi habuerat, suffragijs eum tota concio oppressit. Libro etiam de Oratore secundo hic noster: Nam & testimonium saepe dicendum est, ac non numquam etiam accuratius; ut mihi necesse fuit in Sex. Titium, seditiosum ciuem, & turbulentum. explicauit in eo testimonio dicendo omnia consilia consulatus mei, quibus illi tribuno pl. pro rep. restitissim: quaeq. ab eo contra remp. facta arbitrarer, exposui. Cum igitur constet, eodem tempore, & amicissimos, & tribunos pl. malarumq. legum latores fuisse Titium, & Saturninum; & cum in antiquo libro scriptum esse uideam, Tucias: non dubito, quin mihi hoc studiosi libenter tribuant, ut, Titias, reponam.

Ne

189:

Ne ue nouos , sed ne aduenas .] *Veram*
lectionem esse puto , Ne ue nouos , & ne aduenas ;
parua admodum , & prope nulla mutatione ; siqui-
dem , set , ueteres scribebant pro , sed : et saepe hoc
mendi genus deprehendimus , cum alicuius uerbi
prima littera ex ultima antecedentis sumpta , &
repetita est . Maffei liber habet , Ne ue nouos ,
sive aduenas . antiquitatem magis oleret , Ne ue-
nouos , ne ue aduenas .

190.

Nec ulla uitiorum .] Hoc a sequentibus
uerbis seiunctum , cum antecedentibus coniunxi :
quod animaduersum non dum erat .

191:

Templa liberata , & effata .] Ex antiquo-
rum testimonio , et auctoritate reposuimus , Effa-
ta . nam M. Varro de lingua lat. Hinc , inquit , ef-
fata dicuntur , quod augures finem auspiciorum cae-
lestium extra urbem agris sint effati . hinc effari
templa dicuntur . ab auguribus effantur , qui in his
fines sunt . hinc fana nominata , quod pontifices in
sacrando fati sint finem . Et Gellius lib. XIII . cap.
XIIII . de pomerio his uerbis . Pomerium quid
esset , augures populi R . qui libros de auspicijs scri-
pserunt , istiusmodi sententia definierunt . Pome-
rium est locus intra agrum effatum , per totius ur-
bis circuitum pone muros , regionibus certis deter-
minatus : qui facit finem urbani auspicij . Et in eo-
dem

PHILOSOPHIAE CIC.

dem cap. Neque postea D. Iulius, cum pomerium proferret, intra effatos urbis fines inclusit. Pomerium est circa murum locus, quem in condendis urbibus quondam Etrusci, qua murum ducturi erant, certis circa terminis inaugurato consecrabant. Vti appareat, effari, et consecrati idem esse. Praeterea Linius libro 1. Iouis Statoris aedem uotam, ut Romulus ante uouerat: sed fanum tantum, id est locus templo effatus iam sacratus fuerat.

192.

Siue curriculo, siue certatione.] In hoc meam potius coniecturam, quam ueteres libros, sequi placuit. nam, Sine, ut antea legebatur, sententia repugnat, quam indicat Cicero infra his uerbis: Ludi publici corporum certatione. etc.

192.

Vti rogas.] Allusit ad tabellas, in quibus scriptum erat, Vti rogas. uide ad Att. libro 1. et Liniuum lib. xxxiii.

192.

Dicere.] pro, sciscere. nam ad ueterem consuetudinem respexit: cum suffragium uoce ferebatur ante legē Carbonis, de qua meminit infra lib. iii.

192.

An tandem, Attice, non es dicturus aliter?] Rectius opinor, Ain tandem? sic locutus alibi quoque, ut libro 1. Ain tandem? etiam a Stoicis ista tractata sunt? et ep. 21. lib. 1 x. fam.

SCHOLIA IN PARTEM II.
& libro. II. de Fin. in principio, nec semel Terentius.

162.

Atque mea quidem sententia est.] Non satis hoc apte mihi uidetur coniungi cum antecedentibus Attici uerbis: malim ad M. Ciceronem transferri: qui se quoque dicat idem sentire de suadenda lege, sed uereri, ne mox Attico, & Quinto longior uideatur oratio.

193.

Araq. uetus &c.] Muretus ita legit: Araque, quae uetus stat in Palatio, Febris, & altera Esquilijs Malae Fortunae, detestataq. omnia eiusmodi, repudianda sunt. uide 83.

194.

Conferendarum.] Sic antiquus liber: & omnino melius, quam, Confitendarum, ut ante. plures autem sacerdotes ideo probat, ut de religionibus inter se conferre possint.

194.

Si unus augur, Alter, dixerit.] Sic antiquus liber. ego, quo minor mutatio fiat, legerē, Ali die, pro, Alio die: antique: cum etiam in generandi casu dicerent, Alius, a nominatiuo, hic, & haec alis, & hoc ale. de hoc augurum more in nunciando, cum impedire comitia uellent, in 2. Philippica: Confecto negotio bonus augur, Alio die, inquit. sed in his libris de leg. libentius, quam alibi, antiqua uerba Cicero usurpat; quo plus auctoritatis
ipsa

ipsa res, ab antiquis etiam ducta moribus, habeat.

194:

Quid leges non iure rogatas tollere, ut etiam decreto collegii, ut Liuias consilio Philippi consulis, & auguris?] Nulla certior est coniectura, quam quae nititur historia: hic pro, *Etiam*, satis liquet, nomen legis esse reponendum, quae, sicuti Liuias leges, a Druso latae, ex uoluntate senatus, decreto augurum, sublata sit. et quoniam hoc ipso in libro mentio iam facta est de legibus Titij, Appuleij, Liuij; quod rationibus ut puto, non leuissimis probavi: propterea crederem & hic legendum esse, *Titiam*, non, *Etiam*.

195.

Eumolpidaeque uestri.] Ita sine dubio legendum est, non, ut antea, *Eumolpidaeque nostri*.

195:

In nocentes.] longe discedit ab antiquis libris eorum coniectura, qui legendum existimant, in nocturnis. alij coniungunt cum posteriore sententiae parte: ut sit: poetae comici indicant in nocentes. mihi omnino mendosum uidetur.

196.

Cantu, uoce.] Sustuli dictionem, uoce, tum quia non erat in antiquo libro, tum quia glossemata est antecedentis dictionis. praeterea, qui locus legis hic exponitur, in eo uocis nulla mentio. sunt enim ibi haec: Popularem laetitiam in cantu, et fidibus, et tibijs moderanto.

Tor-

SCHOLIA IN PARTEM II.

196.

Torqueant .] *Quanto meliore, ut opinor, sententia, legeretur, Torqueant.*

196.

Timothei fidibus demi .] *Cum in antiquo libro scriptum uideam, Inde, pro, Demi; in alio autem, Inde demi: malim, Incidi. nam graeco uerbo, ἀποτέμω, quo Plutarchus utitur, cum hanc rem narrat, ἐν λακωνικῷ ἀποφθ. magis respondet, Incidi, quam, Demi.*

197:

Tantum ponam, duplicem poenam esse, &c.] *Hunc locum, ope duorum ueterum librorum, quorum unum doctissimus uir, omniumque, quos nouerim, humanissimus, Hannibal Cruceius mihi commodauit, facile correxi: coniectura nihil opus fuit.*

197:

Inanimo corpore .] *ante, Inani: ego & ex uetere libro, &, ut puto, recte, Inanimo. minor etiam mutatio, inanimi, ex inani: sed antiquum librum sequi malo.*

198.

Subigendam .] *Sic, opinor, melius, quam, subiiciendam, ut antea legebatur. hoc quoque ex antiquo libro.*

198.

Vero: & apertissima sunt.] *Hoc meum est. nam omnes & scripti, & impressi, quos uiderim, libri,*

PHILOSOPHIAE CIC.

libri, Vera, & apertissima sunt. mihi & consuetudo uetus latine loquendi, & ipsa sententia, Vero, demonstrauit esse uerius. est enim pro, sane. sic locutus est in Bruto, sic alibi. locus etiam de Diuinatione lib. 1. mendose legebatur, & uere, pro uero, impressi libri habebant.

198.

Difficile sit, qui paullum modo ingenio possit moueri, quaecunque noua &c.] Hoc, Qui paullum modo ingenio possit moueri, in nostrum librum ut reciperem, uisum non est. nam neque uidi esse in antiquis libris, & speciem glossematis aliquam praesefert. etiam, Ingenio moueri, quam latinum, & usitatum sit, uidendum.

199.

Partitionis caput;] hoc ex ingenio, uir acumine ingenij, doctrinaq. excellens, Ranconetus praeclare, apteq. in primis ad sententiam, emendauit. ueteres libri, Partitio ut.

200.

Os receptum,] In reliquo corpore comburendo. Recipere, antiqua lingua latina, ualet, excipere: ut cum ruta caesa recipi dicuntur in lege praediorum.

200.

Felix.] sic malo, quam, uehemens; quod antea legebatur. malo autem, quia & in antiquo libro sic est, & habet quiddam, quod magis cum sententia congruere uideatur.

C. Cotta.

SCHOLIA IN PARTEM II.

200.

C. Cotta .] Sic antiquus liber : alij , contra :
ut ad Mucium referatur : quo sensu , ego non uideo .
nam quem hic locum habet , contra ? non enim op-
poni uideo posse proximis superioribus uerbis . ma-
lo igitur , C. Cotta . fuit enim pontifex , sicut Mu-
cius , ut ex libris de natura deorum , I I . & I I I .
constat .

201.

Hoc plus .] quid , si , Opus , legas ? nam &
infra , Opere tectorio sepulcrum exornari non li-
cebat .

201:

Vnctura . quae] Mancum puto locum esse ,
& fortasse supplendum sic : Vnctura , circumpo-
tationeq. deinde sequantur uerba legis : Seruili un-
ctura tollitor . mendosum enim opinor , Tollitur .

201 :

Praetereantur .] Quid hoc significat ? inter-
pres , unus ille , qui omnium est optimus , aut ,
quasi nimis apertum , aut , quod sibi parum satisfac-
ceret , omisit . mihi placeret magis , & mutatione
fieret minima , Praeferantur .

201 .

Sepelire , urere ne si fraude esset .] An-
tiquus liber mendose , Sepeliretur , & ne se fraudi
esset . Alij emendarunt , sepelire , urere ne , se
fraude esto : suamq. correctionem Sex . Pompeij te-
stimonio probare conantur . aiunt enim : Se , Pom-
peius

SCHOLIA IN PARTEM II.

peius inquit, pro sine, inueniuntur posuisse antiqui.
Hoc an ipsi ita scriptum in Festo uiderint, ignoro:
ego certe non reperi. itaque malui legere sic; Sepe-
lire, urere, ne si fraude esto. mutatione minima;
praeterea Festi auctoritate adductus. is enim, ne
si, pro sine, dictum a ueteribus tradit.

202.

Acerbum.] corrupta dictio, meo quidem iu-
dicio. quid enim hic addatur, Acerbum? obserue-
tur, in antiquis libris an uestigia sint aliqua ueri-
tatis; unde fortasse, aedium, aut, aedificiorum, le-
gi possit.

202.

Domusq. funeris.] Multis abhinc annis ad-
duxit me locus interrogationis in Vatinius, ip-
saq. simul sententia, ut legendum suspicarer, Do-
minusq. funaris. meam coniecturam probauit in suo
commentario is, qui mihi probatur maxime, Ha-
drianus Turnebus.

202.

Grachos.] Ignota mihi dictio: sed ita est in
antiquis libris.

203.

Sed credo, Quinte.] Ita pergit Marcus ora-
tione continuata, quasi Quintus nihil dixerit. quod
est in dialogis usitatum. hoc monere uolui, quia ui-
deo non nullos de mendo suspicari, offensos, ut pu-
to, particula sed.

* M m

Credo

Credo uides sed.] Ceteri omnes libri, uidisse credo. ego, coniectura ductus, Vides. sed credo. nec dubito, quin ordinem uerborum attente considerantibus nostra correctio. probetur.

Proximi fecerant.] Pro, Fecerant, reposui. Iniecerant. nam cum in corrigendo tum litterarum similitudinem, tum sententiam sequi solitus sum; hoc in loco neque a litteris longius discedo; cum, Iniecerant, de litteris extremis antecedentis uerbi, & de, Fecerant, conficiam: neque sententiam, ut opinor, a Ciceronis mente alienam induco. nam ipsemet ante ostendit, hic legendum, Iniecerant. ut subaditatur, Terra. dixit enim: Quod nunc communiter in omnibus sepultis penitus, humati dicuntur; id erat proprium tum in ijs, quos humus contegeret.

Ad iusta coniecta erant.] Mendum omnes uident, tollere nemini adhuc licuit. conanti quidem uiro docto, quem ego probare soleo maxime, non successit. sua tamen, quod ille ait, cuique sponsa. mihi placet sic. Iusta coniecta erant. funeris enim extrema pars erat laudatio. ea cum erant absoluta, iusta coniecta erant.

Postea quam.] Suspicio, cum in antiquis libris esset, postea quom, factum esse ab imperitis librarijs,

SCHOLIA IN PARTEM II.

rijs, postea quam, qui non intelligerent, pro, cum,
scribi solere, quom. quod mendum in ultimā quo-
que epistolam lib. II. fam. irrepserat. quo in loco,
& in hoc ipso, magis omnino placet, Postea, cum.

202:

Si qui publice.] Malim, Nisi qui publice.

205.

Aerarii. q. tribuni sunt.] Sic duo ueteres
libri. placet. nam et auctoritatem habet antiqui-
tas: &, Aerarij, addi placet: ut aerarij tribuni
distinguantur ab alijs tribunis, nempe a tribunis
mil. a tribunis pl. de quo genere multa dicemus in
libro nostro de magistratibus.

205:

Ast quando consul is est, magistratus ue-
populi, nec reliqui magistratus ne sunt;] Alij putant intelli-
genda auspicia patrum sunt;] Alij putant intelli-
gi, neque consulari umquam imperio, neque dicta-
toris potestate magistratus reliquos tolli. mihi lon-
ge alia mens est. loquitur enim hic Cicero de comi-
tijs consularibus. quae cum habere consul tantum
posset, ut apud Gellium lib. XIII. cap. 14. Mes-
salla significat; uidetur significare Cicero, si consul
in rep. non sit, ei muneri interregem, a patribus
creatum, succedere oportere. id ita esse, quae sub-
sequuntur uerba declarant: Olli. ex se produnt,
qui comitiatu creare consules rite possit. Sed uti-
nam, quam facile sententiam uidere, item uerba cor-
rigere liceret. conemur tamen, quantum in nobis est:

* M m 2 &

PHILOSOPHIAE CIC.

& primum antiquo libro, deinde etiam coniectura duce ueritatem inuestigemus. Habet igitur Signi scriptus liber: Ast quando consul is est, magistratus ue populi nec Romani, reliqui magistratus ne sunt: auspicia patrum sunt. Ego suspicor scripsisse Ciceronem: Ast quando consul isset, magistratus ue populi R. reliqui magistratus ne sunt; auspicia patrum sunt. Iset, autē expono, perisset: primum, quod utileniore uerbo, ominis causa, Cicero uoluerit: deinde, quod ab usu tamen Latinae linguae nō recesserit. nam Lucretius, tum poeta ingeniosus, tum optimus latinitatis auctor, idem uerbum ad eandem sententiam transtulit lib. v. 1.

Qui fuerunt autem praesto, contagibus ibant. Graeci etiam, οἷχεται, pro, obiit, interdum dicunt, & οἷχόμενος, mortuus. Magistratus autem populi Romani praetor fuit, ea causa primum creatus, ut, absentius consulibus, populo Romano ius diceret. itaque saepe praetor populi Romani nominatur. Quod sequitur, Reliqui magistratus ne sunt, ualeat: reliqui magistratus nihil iuris in auspicijs, quod quidem attinet ad creationem consulum, habento. nam etsi, praeter consulem, & praetorem, reliqui omnes magistratus auspicari poterant, creandis tamen consulibus auspicia habere non poterant. consul enim, & praetor, ut ait idem Messalla, tantum a consule creabantur. ad reliquos autem magistratus centuriata comitia, id est ea, quibus & praetor, & consul creabantur, nihil attinebant. propterea in-

interrex a patribus prodebat, qui consules crearet. Auspiciis autem patricios omnes magistratus fuisse particeps, indicat illud in epistola ad M. Brutum: Dum unus erit auspiciis magistratus, auspiciis ad patres redire non possunt. Qui sunt, quaeret aliquis, praeter consulem, & praetorem, auspiciis participes magistratus? omnes reliqui, siue patricij, siue plebeij: patricij quidem, a quo primum tempore sunt instituti; quod Livius, & alij saepe testantur: plebeij autem, non cum creari coepti sunt, sed aliquando post, rerum paene omnium communionem plebe postulante. Patricij vero magistratus, praeter consulem, & praetorem, qui maiores magistratus dicebantur, duo tantum erant ordinarij, id est quotannis creati, aedilis curulis, & quaestor: item ordinarius quidem censor, non tamen quotannis creatus, sed quinto quoque anno, nec annuo umquam magistratu, sed primum quinquenniali, post annuo, & semestri. atque is quoque inter maiores magistratus numerabatur. Dictator autem extraordinarius erat, periculosissimis reip. temporibus, extremi remedij gratia, dictus. Plebeij magistratus, tribunus pl. aedilis pl. triumviri, & alij, annuo iure. Ergo, ut ad prima redeam, consule, & praetore extinctis, creari a patribus interregem Cicero iubet; & addit, Ex se, id est e gente patricia. nec enim plebeia familia natus, licet senator esset, interrex fieri poterat, Cicerone, et Pediano testibus. Patres autem hic non senatus uni-

SCHOLIA IN PARTEM II.

uersus, sed patricij tantum senatores intelliguntur: ut in epistola ad Paetum: Ad patres, censeo, reuertare. nam interregem, ut patricium, sic a patricijs tantum creari oportebat: ergo non a cuncto senatu: cum alij senatores patricij, alij plebeij essent. Verum, si praetor neque consulem, neque praetorem rogare poterat; quod Messala tum ex perpetua maiorum consuetudine, tum ex Tuditanii commentarijs probat: cur addit Cicero, Magistratus ue populi Romani? Quia poterat praetor consulare munus in rep. sustinere: unde illud in epistola ad Plancum: Litteras ad Cornutum, praetorem urbanum, detulimus: qui, quod consules aberant, consulare munus sustinebat more maiorum. Quod si non solum consule, sed praetore etiam resp. careret; optimum Ciceroni uidetur, ante quam annus exeat, interregem prodi. quod antea numquam ante exitum anni factum erat. Sin, mortuo cōsule, praetor superesset: indicat, non esse prodendum interregem; cum sit a quo resp. geratur; sed exitum anni expectandum, cum, remp. nullo magistratu capeffente, interregem creari necesse esset: a quo centuriatis comitijs consules, et mox a consulibus praetores, ac reliqui deinceps magistratus fierent.

206:

Ast ni potestas par, maior ue prohibessit, s. c. perscripta seruant.] Praeclare corrigit hunc locum antiquus liber, hoc modo: Ast potestas par, maior ue prohibessit, perscripta seruant.

uanto . nam , *Ast* , significat , at si . quod intelli-
get , si quis alia loca in his Ciceronis legibus ani-
maduertet . Deleui autem illud , s. c. eo fidentius
quod uideo hic non de senatus consultis , sed de se-
natus decretis , quibus intercederetur , intelligi :
quae non senatus consulta , sed senatus auctoritates
uocabantur . non enim omnia decreta , senatus con-
sulta sunt , sed ea , quibus intercessum non est , aut
quae legitimo die , loco , saluis denique legibus fa-
cta sunt . quod si uel intercessum esset , uel non le-
gitimo senatorum numero , aut die , aut loco facta
essent , senatus auctoritates dicebantur : qua de re
plenius in nostris commentarijs epist. fam. Hoc igi-
tur dicit Cicero : si senatus decretis intercesserit ma-
gistratus aliquis , par ei magistratui , aut maior ,
quo referente decretum fuerit ; tunc ea decreta per-
scripta seruantur . Verbum autem , Decreta , ite-
randum non fuit ; cum proxime dixisset , Eius de-
creta rata sunt .

206.

Suffragia optimatibus nota .] Hic ego ,
quod olim adolescentulus mutauit , neque nunc lau-
do : quia ueteribus in libris aliter uideo scriptum es-
se , sic , inquam , Cum suffragio consciscerentur , o-
pimatibus nota ; neque tamen , cur reprehendam ,
habeo : cum sententia satis apta sit ad id , de quo agi-
tur ; eaq. ab ipso Cicerone , suas leges interpretate ,
confirmetur . est enim infra sic : Proximum autem
est de suffragijs : quae inbeo nota esse optimatibus .

* M m 4 Quod

Quod quis earum rerum migrasset] Vi-
deo esse, qui legendum putent, Quo, pro, Quod,
offensi, opinor, non satis usitato genere loquendi;
cum hic, Migrasset, cum generandi casu iunctum
uiderent: cum tamen eodem modo dixerit Cicero
lib. III. de Finibus: Quid id conseruaret, eum iu-
stum, qui migraret, iniustum fore. et lib. I. de Di-
uin. ubi legitur, Ne communi iure migrare uidea-
tur, habent ueteres aliquot libri, Communia iura.
quasi, migrare, ualeat, mutare.

Disce rem.] Cum alloquatur duos, non pla-
cet magnopere, unitatis numero, disce rem: &
quoniam mos hic erat apud Romanos, ut, lege re-
citata, discederent, magistratu ita iubente; dein-
de tabellis distributis, suffragia ferrentur: propte-
rea non displiceret, discedere, pro, disce rem. Pe-
dianus morem illum significat his uerbis. His per-
actis, cum id solum superest, ut populus senten-
tiam ferat, iubet unumquemque is, qui legem fert,
discedere.

Quod ante factum non erat] Oratorie,
quod ante perquam raro, uel fortasse etiam semel
dumtaxat factum erat, id numquam esse factum di-
cit, nam L. Lucullus, & A. Albinus, consules,
cum delectum seuerè nimis agerent, uacatione ne-
mini concessa, in carcerem a tribunis pl. quia nibi
pro

pro amicis rogando impetrassent, coniecti sunt. id
a Lino proditum, indicat epitome lib. XLVIII.

209:

Quin per * per ipsum Ti. Gracchum non
solum * nectus, uerum etiam sublatu inter-
cessor fuerat.] Omnino uidetur hoc aduersus tri-
buniciam potestatem: itaque pronunciari a Cicerone
miror, eam defendente. puto autem hoc totum rei
ciendum ad Quinti sermonem, & post illa uerba
collocandum, Quid iuris bonis uiris Ti. Gracchi
tribunatus reliquit? et quia mendi quiddam super
est, ita legendum arbitror: Quin per ipsum Ti.
Gracchum non solum neglectus &c.

209:

At duo Gracchi fuerunt. & praeter eos,
quamuis enumeres multos licet, cum de-
ni crearentur: nullos in omni memoria re-
peries perniciosos tribunos, leues etiam
nunc, bonos fortasse plures.] Inuitus dis-
sentio a doctissimis hominibus: uerum, quando ipsis
etiam ueritate prius esse nihil uideo, imitemur eo-
rum exemplum, & studiosorum utilitati, quam
fere spectamus unam, seruiamus. non enim hic
mendi labe sententia deprauatur, sed ita fortasse
uerborum regitur inuolucro, ut aperienda uidea-
tur. Refellit Marcus obiecta a Quinto contra tri-
buniciam potestatem. Gracchos, inquit, nominas,
qui remp. iniquissimis rogationibus in tribunatu
perturbarint. licet, praeter eos, quamuis multos
Grac-

SCHOLIA IN PARTEM II.

Gracchis non dissimiles, id est seditiosos, ac turbulentos, enumeres: id quod difficile non est: cum deni non modo nunc, sed Gracchorum etiam aetate, atque adeo multis ante saeculis crearentur; & ex tot collegijs uel maximum non optime sententium tribunorum numerum liceat colligere. scrutare, inquam, uniuersam antiquitatem, replica memoriam temporum, ex quo deni creari coepti sunt: neminem tamen reperiēs perniciosum, leues quidem hodie quoque, bonos fortasse plures. non enim Gracchos, aut Saturninum, aut Flaminium, aut Cnriatium, quos nominasti, aut quemlibet de multis, qui numerari possunt, perniciosos patriae fuisse concedo. uexauerint remp. incommodis etiam aliquot affecerint: perniciem certe, quamuis improbus, & seditiosus, nemo attulit. nec enim sine plebis ope exitiosus esse quisquam potest: at ea (quod proxime subiungitur) de suo iure periculosas contentiones non facit, principum cedit auctoritati. nō enim plebs incitata nostris rebus inuidit: sed uincula soluta sunt, & seruitia incitata, adiuncto etiam terrore militari. quod si plebs ipsa contra remp. non pugnat: (id enim perspicue Cicerō significat) quid relinquitur uel perditissimis tribunis, ut perniciosi esse possint? Puto igitur, correctione locum non egere. nam si pro, Nullos, legatur, Non nullos: Quincti sententia defendetur; cum eam studeat Marcus infirmare. quid enim aliud Quinctus opposuerat, quam, perniciosos fuisse

sc

se non nullos? praeterea, cum ad latinae linguae consuetudinem intueor, probabilius uidetur, Nullos in omni memoria reperiens, quam, Non nullos. Crearentur autem, inquit, quod prisca etiam tempora, quibus item deni creabantur, animo repetere Quintum uelit.

210:

Nisi perniciose.] Additum est a nobis, nisi, ex antiquo libro; qua de causa, ita constat, ut explicandum non sit.

212:

Fletus.] Fluctus, recte putant esse legendum Hieronymus Ferrarius, uir pereruditus. est autem sensus: Faciebat Gratidius Arpini, quod post Romae filius eius Marius fecit. hoc autem translatis uerbis eleganter expressit. sic deinde & in antiquo libro scriptum esse, significauit mihi per litteras homo singularis ingenij, summaeq. doctrinae, Hannibal Cruceius.

212:

Ac nostro quidem, qui cum.] Si relatum Qui tollatur, mendi nihil supererit. non enim assentior ijs, qui illud, Ac nostro quidem, cum antecedenti membro connectunt: ex quo inepta plane atque insulsa fieret sententia. nosler autem sine substantiuo quandoque ueteres usurpabant, ut Terentius in Phor. Noster, quid ageret, nescire: & Cicero in epist. fam. 236: Quod nostra tibi gratias agit.

Expe-

213:

Expectante senatu] Alij, spectante senatu; ex ingenio, an ex ueteribus libris, ignoro. abest certe ab ijs libris, quos ego uidi. nec satis possum intelligere, si, spectante, legatur, quid sententiae sit. at, expectante, sumptum est ex Hannibalis Crucceij libro: nec est obscura sententia. nam, oratione, inquit, longatum est utendum, cum expectat senatus, ut, mala re relata, dies dicendo tollatur; ne scilicet perniciosum reip. senatusconsultum fiat.

213:

Quos socios resp. habeat.] Sic omnes & impressi, & scripti libri. delere tamen dictionem, resp. ut manifestum glossema, non dubitavi.

214.

Simul atque intercessum turbariq. coeptum sit.] Melius, opinor, ut nos ex uetere libro correximus, Simul atque turbari coeptum sit.

214.

Permouet.] Veteres libri, permanet, utrum rectius, nondum statui.

214.

Opem referre.] opem reip. ferre, coniecturam secutus emendo. erroris origo, ut opinor, fuit, quod, in antiquis libris cum esset scriptum, R. P. ferre, pro, reip. ferre, ab imperitis immutatum est, & scriptum, referre.

214:

Serui, & latrones.] In antiquis libris, Serui

SCHOLIA IN PARTE II.

ui atque patroni, & Serui, & patroni tui, legatur: nos, Serui, & latrones, emendauimus: ut tamen, si quis melius attulerit, libenter eum secuturi simus.

214:

Sequitur de captis pecuniis, de ambitu legis.] Adiutus a uetere scriptura emendauimus: Sequuntur de captis pecunijs, de ambitu leges. duo enim capita, quorum alterum ad captas pecunias, alterum ad ambitum pertineret, leges appellat; ut paullo ante, cum dixit, Leges praeclarissimae de XII. tabulis translatae duae, quarum altera priuilegia tollit, altera de capite ciuis rogari, nisi maximo comitiatu, uetat.

216:

Explicandum uidetur, esse cognitio.] Verbis Platonis in Timaeo haec sunt. ὥς ἀρα τὸς λόγος, ὃν περ εἰσιν ἐξηγῆται, τῶν αὐτῶν καὶ συγγενῶν ὄντας. ex quibus apparet legendum esse, cognitio, non, cognitio: ut fortasse ita locus restituendus sit. in omni oratione, cum ijs rebus, de quibus explicatur, uidetur esse cognitio.

217:

In uniuerso genere.] Visum est hoc esse rectius, quam, ut antea, in diuerso. uertit hunc locum Cicero, quod attinet ad ordinem uerborum, paullo liberius.

217:

Recte ne igitur, &c.] Videtur ita corrigendum.

dum : Recte ne igitur unum mundum dixerimus :
an fuit , plures , & innumerabiles , dictu uerius ,
& melius ? transtulit enim Platonis locum toti-
dem uerbis : quem subiiciemus , ut , si quis uelit ,
conferre possit . πότερον ἐν ὁρθῶς , ἢ ἐν ἀνὸν προ-
σειρήκαμεν ; ἢ , πολλοὺς , καὶ ἀπείρους , λέγειν ἢ ὁρ-
δότερον . 128.

Deiuncta .] Ex sensu , & Platone corrigo ,
Deiuncta .

218.

Altera gigneretur .] Alter , legendum esse ,
& sensus et uerba Platonis ostendunt . mirū autem ,
tam multis mendis hunc de uniuersitate librum ad
hanc diem refertum fuisse , cum ex collatione Pla-
tonis non ille quidem ubique , sed certe pluribus in
locis potuerit emendari .

218 :

Concluduntur : & globosus .] Recte : ne-
que mutatione opus est . graece tamen sic : διὸ καὶ
σφαίροειδής . quod est , Quare & globosus .

219 .

Quoad eius praestabat iudicio dissimili-
tudi similitudo .] Sensus requirit , ut legatur ,
Quod eius : idq . potius graeca uerba significant :
νομίσας μῦθον κάλλιον ὅμιον ἀνομοίου .

219 :

Ingressus corpore sustineret .] Maffei li-
ber , Ingressurus corpus sustineret . ueram lectio-
nem puto Ingressus corpus sustineret . graeca uer-
ba

SCHOLIA IN PARTE II.

ba, ἡ δ' ὅλως τῆς περὶ τῆ βάσιν ὑπερσίας.

219.

Figurae eius.] Aentea, Figuratus. nos graeca uerba secuti, Figurae eius emendauimus, & proxime, Cohiberet maxime, cū antea legeretur, Cohiberet. maxima. quo loco sententiam distinctio etiam mutabat.

229.

Qui erat.] Goaeca lectio, ὅντος ἀπὸ λογισμὸς θεῶν: ut uideatur legendum, Qui semper erat.

219:

Naturamq. illam, quam alterius diximus, uel cum eadem coniunxit.] Vel, expungendum; & Vi, reponendum. Ἰὴν θατέρου φύσιν δύσμικτον οὖσαν εἰς ταυτὸ σωαρμόδιον βίαν.

219.

Permiscens cum materia.] Distinguendum a superioribus, et, Autem, addendum: ut legatur, Permiscens autem cum materia. μὲν γὰρ δὲ μετὰ τῆς οὐσίας.

220:

Atque ita cum alterum esset exterio-rem amplexus orbem.] Et sensus, et graeca uerba indicant haec duo uerba desiderari, Alterum interiore: ut hic ordo sit: Atque ita cum alterum esset exteriorem, alterū interiorem amplexus orbem. quod etiam ex insequenti membro clarius ostenditur, cum subiiciat, Illum eiusdem naturae, hunc alterius nominauit. graeca uerba haec sunt:

καὶ

καὶ τὸν μὲν ἔξω, τὴν δ' ἐντὸς ἐποιεῖτο τὸν κύκλον, τὴν
μὲν οὐκ ἔξω φορὰν ἐπεφήμισεν εἶναι ταυτὴ φύσεως, τὴν
δ' ἐν τῆς θατέρου.

220:

Eamque, quae erat eiusdem, detorsit a late-
re in dextram partem; hanc autem citimam &
a media.] *Ex graecis uerbis uidetur emendandū,*
Eumque, qui erat eiusdem, detorsit a latere in dex-
tram partem; hunc autem alterius, a media &c.
est enim de orbibus oratio, ut in Platone perspicitur.
& uerbum, citimam, non est in Maffei libro, sed,
item, pro eo.

220:

Rationis, contentionisq. &c.] *Totum*
hunc locum opinor ita esse corrigendum: Rationis
concentrationisq. (ἁρμονίᾳ graece) compos, & parti-
ceps: quo nihil ab optimo & praestantissimo sempi-
ternarum rerum & sub intelligentiam cadentium
genitore melius procreatum. λογισμῷ δὲ μετέχοντα
καὶ ἁρμονίας ψυχῇ. τῶν νοητῶν αἰεὶ τε ὄντων ὑπὸ τοῦ
ἀρίστου, ἀρίστη γενομένη τῶν γεννηθέντων.

229:

Quippe qui, &c.] *Hic locus ex graecis uerbis*
ita corrigendus. Quippe qui ex eadem iunctus, al-
teraq. natura, adiuncta materia, temperatione
trium partium, proportionem compactus, se ipse
conuersans, cum materiam mutabilem arripuit,
et cum rursus indiuiduam atque simplicem, in se
omnis mouetur, etc.

Ratio

221.

RATIO autem uera] Alij, Ratio auttm utraque: non recte. ijsdem enim uerbis graeca lectio respondet: λόγος δὲ ἀληθής.

221,

SINE uoce, & sine ullo sono] Si quis graecam lectionem sequatur, intelliget addendum reuoluta: φερόμενος ἀνὰ φθόγγου, καὶ ἡχῆς. & quod sequitur, legendum, Cum eam partem, non, Cum eandem partem, ex graecis uerbis, ὅταν μὲν περὶ τὸ αἰσθητὸν γίγνηται.

221.

ORBIS illius generis alterius] ut hoc totum sine interpiratione cum superioribus continuetur, & omnia referantur ad illud, Tum opiniones; crederem legendum, Orbisq. illius generis alterius: ex graecis uerbis, καὶ ὁ τοῦ θατέρου κύκλος. quae etiam uocem, Illius, abundare significant.

211.

ITA uim suam] Recte a superioribus intervallo distinctum: nam ad quinquaginta uersus intercepti sunt.

221.

QUANDO igitur, &c.] Hoc totum si cum graeco conferas, inetlliges adhuc fere modum esse restituendum: Quando igitur unumquodque eorum siderum cursum decorum est adeptum, quibus erat motus temporis consignandus: colligataq. corpora uinculis animalibus animantia orta
M m sunt:

SCHOLIA IN PARTEM II
sunt : tum imperio parere didicerunt .

222 :

TERTIVM * terreſtre quartum] Reſtituo ,
Tertium aquatile , terreſtre quartum . haec enim
graeca uerba : τρίτη δὲ ἐνυδρον εἶδος : πεζὴν δὲ καὶ χερ
σαῖον , τέταρτον .

222 :

CVMQVE ſimilem uniuerſitatis naturae
efficere uellet] Nihil muto , tamen magis arride-
ret , uniuerſitatis figurae , quam , uniuerſitatis na-
turae . τῷ δὲ παντὶ ὁροσεικάζων .

222 :

COMITEQVE eum ſapientia quamoptimae
mentis effecit] Adſcribam graeca uerba , quibus
latina hand plane repondent . τίθησὶ τε εἰς τὴν τοῦ
κρατίσου φρόνησιν , ἐκείνῳ ζῶν ἐπόμενον .

222 :

HVNC uarietate diſtinctum .] Ex Maffei li-
bro , & ex Platone , Hac uarietate diſtinctum ,
reſtituo .

222 :

IAM uero terram ; &c .] Graeca uerba re-
citemus , ut , quo modo latina ſint reſtituenda ,
uideamus . γῆν δὲ τροφὸν μὲν ὑμετέραν , εἰλωμένην δὲ
περὶ τὸν διὰ παντὸς πόλον τεταμένον , φύλακα καὶ δι-
μιοῦργον νυκτὸς τε καὶ ἡμέρας , ἐμνηχανήσατο πρῶτην
καὶ πρὸς βυτάτην ſαμμάτων ὅσα ἐντὸς οὐρανῷ γεγνε .
Ex quibus apparet , latinam orationem ita eſſe
corrigenam . Iam uero terram , altricem noſtram ,
quae

PHILOSOPHIAE CIC.

quae traiecto axe sustinetur, diei noctisque effectri-
cem, eandemq; custodem, primam & antiquissi-
mam corporum uoluit esse eorum, quae intra cae-
lum gignerentur. Maffei liber non nihil hanc emen-
dationem adiuuat: nam pro, eorum qui, habet
eorumque: cum uera lectio sit, eorum quae.

223.

R V R S V S Q V E emersi errorem incutiant
rationis expertibus.] Corrigo, terrorem incu-
tiant, uel, ut est in Maffei libro, horrorem incu-
tiant. καὶ πάλιν ἀναφαινόμενοι φόβον καὶ σημεῖα τῶν
μετὰ ταῦτα γεννητομένων τοῖς δυναμένοις λογίζεσθαι
πέμπουσι.

223.

V S V R P A R E, atque appellare uidemus] Pas-
sive puto esse legendum, usurpari atque appellari ui-
demus. nam in Platone, λεγόμενους ἴσμεν.

223.

N O N sunt dissoluta me inuito] Alij, Haec sunt
indissoluta me inuito. Corrigendum puto, Haec sunt
indissolubilia me inuito. hoc enim graeca uerba signi-
ficant, ἃ δὲ ἐμοῦ γεγόμενα, ἄλυτα ἰαὺ γε δέλοντος:
id est, quae per me facta sunt, non dissoluentur, si ego
uoluerō. Cicero uertit illud, ἐμοῦ γε δέλοντος: me
inuito. quod tamen eandem habet sententiam, quam
haberet, me uolente: ut, qui considerabit accuratius,
intelliget.

223.

T E N E A T autem oportebit, ut ex eodem
M m 2 neque

SCHOLIA IN PARTEM I I

nequid absit, quae a me ipso effecta sint, quod deorum uitam possint adaequare] Corruptus locus, & fortasse mutilus: quem ex graecis uerbis, qui uoluerit, emendabit. δὲ δὲ, εἰ μέλλει τέλειος ἰκαίως εἶναι, δι' ἐμοῦ δὲ ταῦτα γενόμενα, καὶ βίου μεταχρόντα θεοῖς ἰσάζειτ' ἄν. ac fortasse non absurde, mutatione certe parua, sic corrigi possit. Teneat autem oportebit, ut ex eo ne quid absit. sed quae a me ipso effecta sint, deorum uitae possint adaequare. nam & Maffei liber uerbum, Quod, inducit.

224.

SVPERISQVE permixtionis] Forte, superioribusq. permixtionis. τὰ τῶν ὑπὸ δὲν ὑπόλοιπα κατεχῆτο μίσγων.

224.

NISI quod, &c.] Plato sic. ἀκήρατα δ' οὐκέτι κατὰ ταῦτα ὡσαύτως, ἀλλὰ δέτερα, καὶ τρίτα: quae referuntur ad uerbum ὑπόλοιπα, ut uideatur in Cicerone legendum: Nisi quod non ita incorruptas, ut eae, quae semper idem, sed a dijs secundas sumebat atque tertias.

224.

CVM autem animis corpora cum necessitate insensisset, cumq. ad corpora necessitate tum abscessio fieret, tum accessio, necesse erat, &c.] Tralatio cum graecis uerbis non plane congruens. quod si nerius uertere quis uelit, ita scribet. Cum autem animos corporibus necessitate insensisset, cumq. ad corpora tum accessio fieret, tum abscessio:

PHILOSOPHIAE CIC.

sio: primo necesse fuit sensum existere unum communemq. omnium, uehementiore motu excitatum, coniunctumq. naturae. quam lectionem & antiqui libri quadam ex parte probant. graeca autem uerba haec sunt: ὅποτε δὴ σώμασιν ἐμφυτὰ θέν ἐξ ἀνάγκης, καὶ τὸ μὲν προσίοι, τὸ δ' ἀπίοι τῷ σώματος αὐτῶν, ὡς τὸν μὲν αἰσθητὴν ἀναγκάζον εἶη μίαν πᾶσιν ἐκείναις βιαιῶν παθημάτων ξύμφυτον γίνεσθαι.

224:

ALIOS in terra, alios in luna.] Terram & Lunam accusandi casu, rectius legetur. graeca quidem uerba significant, Solem & Lunam, non Terram & Lunam. τοὺς μὲν εἰς ἥλιον, τοὺς δ' εἰς σελήνην.

224.

DEINDE ut hinc animanti, &c.] Si graeca uerba sequamur, ita corrigemus: Deinde ut huic animanti principes se ducesq. praeberent, uittamq. eius pulcherrime regerent, & gubernarent, nisi si ipse sua culpa sibi aliquid miseriae quaereret. καὶ πάντ' ὅσα ἀκόλουθα ἐκείνοις ἀπεργασαμένοις ἄρχην, καὶ κατὰ δυνάμιν ὅτι κάλλιστα καὶ ἄριστα τὸ διηγεῖσθαι τὸν διακυβεῖν ζῶν, ὅτι μὴ κακῶν αὐτὸ ἐαυτῷ γίνεσθαι αἰτίαν.

225.

MODO huc, modo illuc] Post haec uerba, ubi spatium in nostris libris est, amplius i. x x x uersus desiderantur.

Mm 3

CKM

C V M ignis oculorum cum eo igne, qui est ob os offusus, se confudit, & contulit] Non nihil deest: nam in Platone sic. τὸ περὶ τὸ πρόσωπον πυρὸς, τῷ περὶ τὴν ὄψιν πυρὶ, περὶ τὸ λεῖον καὶ λαμπρὸν ξυμπαγῇ γιγνομένῳ.

ADIVVANTIA caussarum] lego, Adiuumenta caussarum, & ex Maffei libro, & ex Platonis uerbo: quod enim ille dixit, ξωαΐτια, recte uertit Cicero, adiumenta caussarum.

Q V A Catilina] si sic legatur, Catilina cum Catilina comparabitur: de illo enim sermonem esse, indicant uerba subsequencia. quare malim, Qua C. Antonius. aut abundare credamus, qua Catilina.

Q V A M si quem uideant] hoc reposui, coniectura fretus. quod erat antea, Quam ijs, quem uideant, manifeste mendosum.

STVDIOSIS gratiosisq. nostrum] usus latini sermonis, ipsaq. sententia postulat, gratiosis, studiosisq. nostrum.

451.920

IN
A BISTAT
Acader
Academiae p
Academia uer
arecens, 17
Accii tragoe
Accius
Achilles
Actionis uer
Achius L.
Aedilium m
Aegaleus
Aegifus
Aegyptii
Aegyptii,
conecuti
Aegyptioru
Aegyptioru
11. b. 77. b
Aelius L.
Aelius Sex
Aemilia
Aemilius S
Aeneae so
Aequalibr
Aequime
Ae
Aeclat
Aeclat
Aeclat

INDEX RERVM, ET VERBORVM.

A			
BSYRTVS	79.b	Aescopus	III.a
Academia	19.a.69.a	Aestus maritimi	74. b
Academiae proprium	158.b	Aether	51.b.53.b.57.a.78.b
Academia uetus	179.b.183.	Aetnei ignes	52.b
a.recens, 179.b.183.a.183.b		Africani filia	100.a
Accii tragoedia	102.a	Africanus	87.b.145.b
Accius	78.a.200.a	Africanus P.Tuditano, & M'	
Achilles	79.a.170.a	Aquillio cos mortuus	34.a
Actionis uerba	85.b	Agathones	103.a
Acilius L.	201.b	Agri non consecrandi	192.a
Aedilium munus	205.a		197.b
Aegialeus	79. b	Aius deus	115.a
Aegifus	90. a	Alabandus deus	77.b
Aegyptii	113.b	Albus color	198. a
Aegyptii, diuinandi artem		Albutius	24. a
consecuti	92.a	Alcaeus	20.b
Aegyptiorum dementia	13.b	Alcarnenes	21.b
Aegyptiorum dii, bestiae		Alcibiades	156.b.161.b
	21.b.77.b	Alcmaeo Crotoniates	10.b
Aelius L.	201.b	Alcumena	78. a
Aelius Sex	201.b	Alenius L.	86. a
Aemilia	142.b	Ales stella	56. a
Aemilius Scaurus	44.b	Alexander	46.b.102.b.103.a.
Aeneae somnium	101.b		119.b.155.a.196.b
Aequilibras	27.b	Alexander tyrannus	104.a
Aequimelum	132.a	Amicitia	178. b
Aer	45.b.49.b.51.b.57.a	Amicitiae nomen, ex amore	
Aesculapii plures	81.b	ductum	30. a
Aesculapii templum	44. b	Amicus	250. b
Aesculapius	88.a.152.a.191.a	Amilcar Poenus	155.a
		Ammon	114.a
		M m 4	Amphia-

INDEX.

Amphiaraus 32.b.80.a.112.a.	Antipater 93.a.111.b.172.a
112.b.194.b	Antipater poeta 160.a
Amphilocus 112.a	Antipho 157.a
Amphion 154.b	Antiphon 101.a.118.b
Anaxagorae opinio de Deo	Antonii uita 249.a
9.b	Antonius 249.a
Anaxarch.Democritius 88.a	Apis 20.b
Anaximander physicus 117.b	Apollinis fanum 111.a
Anaximandri opinio de diis	Apollinis oraculum 162.a
9.b	Apollinis tēplū Cumis 114.a
Anaximenis opinio de Deo	Apollo 46.a.89.a.90.a.107.b.
9.b	118.a. 120.a. 166.b. 184.b.
Andromacha tragoedia En-	196. b
nii 97.a	Apollodorus 24.a.87.b
Andromeda 56.a	Appii auguris laus 116.a
Anemo 80.b	Appius augur 141.a.194.b
Angues in Selonio 139.a	Appius augur,& censor 98.b
Anguis 55.a	Appuleia lex 189.b
Anguitenens 55.a	Aqua 49.b.57.a
Animantes 49.b	Aqua cōclusa corrūpiē. 35. b
Animantium distinctio 58.a	Aquarius 56. a
Animorum uis 122. a	Aquila stella 56. a
Animorū uis,& natura 155.b	Aquillius C. 86. a
Animus hominis deus non	Aquillius consul 34.a
est 10.a	Arabes 113.b.195.b
Animus humanus 108.b	Ara stella 56. b
Animus humanus unde 117.a	Araneola 58.b
Animus quiduis sibi fingit	Arati locus 187.b
155.b	Arati uersus 54.a
Animus unde sit 35.a	Arcefilas 18.b.160.b.79.b
Annales 172.a	Archelaus 114. a
Annius 249.b	Archias poeta 110. b
Antiochus 183.b	Archilochus 90.a
Antiochus, Ciceronis magi	Archimedes 50. b
ster 5.b	Arctos 55. a
Antiochus homo acutus 7.b	Arctophylax 55.a
	Arcturus

Arcturus
Arguor
Argonau
Argo, ste
Aries stel
Ariopagi
Aristaeus
Aristippus
Aristo
Aristo Chi
Aristoloch
Aristonis d
Aristophan
Aristoteles
111.a.168.a
Aristotelis
sententia
Aristotelis
Aristotelis
ptheo
Aristo, Ze
Ars
Asterubal
Astellio
Affectatio
Alyrii
Asteria
Altra
Altyages
Atypale
Ateus
Atellan
Athens
Athen
Atiliu
Atciu

I N D E X.

Arcturus	55. a	b. 142. a. 195. a	
Arginorum reges	112. a	Attici laus	204. a
Argonautae	51. a	Atticus Epicureus	175. b
Argo, stella	56. b	Atomi 15. b. 18. a. 52. a. 164. b.	
Aries stella	55. b. 56. a	170.	
Ariopagi consilium	47. b	Atrei uersus	84. a
Aristaeus	79. a	Augurales libri	108. b
Aristippus	86. b	Augur affidebat regi Sparta-	
Aristo	179. b	no & Consilio publico 113.	
Aristo Chius	86. b	b. 114. a	
Aristolochia herba	95. a	Augures	191. b. 194. b.
Aristonis de deo sētētia. 12. a		Auguria externa	140. b
Aristophanes	195. b	Auguribus parendum	206. b.
Aristoteles 40. a. 59. a. 104. a.		214. a	
111. a. 168. a. 179. b. 183. b		Augur Marfus	122. b.
Aristotelis de deo inconstās		Augurum Marforum sciētia	
sententia	11. a	unde	139. b
Aristotelis locus	52. a	Augur Pythagoras	92. b
Aristotelis opinio de Or-		Augur Romulus	92. a. 117. a
pheo	27. a	Augurū, & haruspicum aucto	
Aristo, Zenonis discipul. 12. a		ritas	33. b
Arş	23. b	Augurum precatio	80. b
Aldrubal	90. a	Auspicato nihil non gestum	
Afellio	172. b	92. a	
Affectatio quid sit	240. a	Auspicato Roma cōdita	92. a
Assyrii	91. b	137. a	
Asteria	79. a	Auspicia	70. b. 140. a. 210. b
Astra	40. a	Auspicia a R. auguribus igno	
Astyages rex	117. b	rantur	97. b
Astypalea insula	79. a	Auspicia neglecta	33. a
Ateius C.	98. b	Auspicia, negligentia colle-	
Atellanius uersus	129. a	gii amissa	98. b
Athenae 160. b. 186. b. 195. b		Auspiciū iuge fugitur	141. b
Athenienses	120. a	Auspiciū optimum fulmen	
Atilius Calatinus	44. b	sinistrum	140. b
Attius Nauius 32. b. 73. a. 99.			

Babylon

INDEX.

B		Brennus	111.2
BABYLON	103.a.155.b	Britannia	50.b
Babylonii	113.a	Brutus D. consul	208.b
Babylonii diuinantes	100.b	Brutus tragoedia Attii	102.2
Babyloniorū mēdaciū	146.a	C	
Bacchanalia	195.b	CADMV S	79.b
Bacchi plures	81.b.82.a	Cēcilia, Balearici F.	92.b
Balbus	31.a	Caecilia Metelli	115.b.142.b
Balearicus Metellus	92.b	Caecilius Q.	249.b
Beata uita in animi securita-		Caeli palatus	41.b
te, & omnium munerum ua-		Cælum	133.a.219.a
catione ponitur ab Epicu-		Cæsar 119.a.129.a.136.b.141.	
reis	15.a	b.146.b	
Bella deorum	47.a	Calanus Indus	102.b.107.2
Belli ius	191.b	Calatinus	44.b
Bellum Latinum	105.a	Calchas augur	32.b.109.b.
Bellum Ligusticum	44.b	112.a.138.b.149.b	
Bellum Octavianum	92.b	Callidus	74.b
Bellum Punicum	109.b	Callisthenes	109.a.136.2
Bellum Veiens	114.b	Canes sagaces	107.b
Belluae monstruosae in ru-		Canis stella	56.a
bro mari, & India	24.b	Cannae	87.b
Bellus	78.b	Cannensis pugna	140.a.146.a
Beneficentia nihil praestan-		Cantus	196.a
tius	147.a	Capitones	21.a
Beneuolentia tribus ex re-		Caprae Cretenfes	59.b
bus	251.b	Capra, stella	55.b
Bestiae quaedam igne nasci		Capricornus,	56.a
creditae	26.a	Carbo	17.b.212.b.214.2
Boeotii augures	109.b	Caria	113.b
Boeotius uates	99.b	Carnead. 5.a.93.a.106.b.135.	
Boethus stoicus	94.b	2.146.a.166.b.179.b.215.b	
Bonis multis mala euenerūt		Carthago	78.a.90.2
87.b.89.b		Caruilius	249.b
Bos in Aegypto colitur pro		Cassander	144.a
deo	21.b	Cassandra	107.b.112.a.112.b.
			149.b

I N D E X.

149. b		153. a. 154. a. 160. b. 161. b.
Cassia lex	212. a. 212. b	162. b. 163. a. 168. a
Cassius L.	212. a. 249. a	Cicero Academicorum con-
Cassiopea	55. b	suetudinem sequitur 159. b
Castor, & Pollux.	32. a. 81. a	Cicero a primo tempore ae-
109. b. 191. a		tatis in philosophiæ studio
Castoris templum	44. b. 72. a	multum operae posuit 5. b
Casus ueritatem perfecte nō		Cic. a quibus institutus sit 5. b
imitatur	97. a	Cicero augur 194. a
Catilina	249. a	Cicero cur tribuno pl. cesse-
Catilinea uicia	249. a	rit 209. b
Cato 71. b. 98. a. 108. a. 135. b.		Cicero in scribenda historia
172. a. 187. a. 213. b		excellens 172. a
Cato, liber	124. a	Cicero memoria lapsus ubi
Catulus Q.	20. b. 87. b	Agamēnonē nominat 138. a
Caucasus mons	100. b	Ciceronē quae causā impule
Cecrops	202. a	rit, ut philosophiam latinis
Cei	122. a	litteris mandaret 6. a
Censores 205. b. 206. b. 215. a		Ciceronis auus 212. b
Centauri	80. b	Cicerōis discessus e rep. 197. a
Centaurus stella	56. b	Ciceronis inimici 197. b
Centuriae	252. b	Cicerōis liber, Marius. 171. a
Cepheus	55. b	Ciceronis libri 123. b. 159. a
Ceramicum	202. b	Ciceronis libri de rep. 124. b
Cercops	27. a	175. b. 192. a. 204. b. 207. a
Ceres 13. a. 44. b. 46. a. 84. a.		Ciceronis librorū ordo 124. b
195. b		Ciceronis M. somniū. 105. b
Chaldaei 91. b. 113. a. 143. b.		Cicerōis orationes, refertae
144. a. 162. b. 163. a		philosophorū sentētiis 5. b
Charōdas 184. a. 189. b. 205. a		Cicerōis pater, & auus 186. b
Chelys	56. b	Ciceronis patria 135. b
Chimaera	27. a. 32. a	Cicerōis pœna, Marius 116. a
Chiorum lapidinae	97. a	Ciceronis Q. somniū 106. b
Chryses, comoedia	122. a	Ciceronis rēditus in patriā
Chrysippus 12. b. 24. a. 34. b.		106. a
39. a. 45. a. 93. a. 100. b. 111. b.		Ciceronis uersus 95. b
		Ciceronis

INDEX.

Cicero Platonem imitatus	174.a.187.b	Confecranda quae non sunt	197. b
Cicero Platonem libenter	204.2	Cōsolationis lib.	124.a.128.b
laudat	204.2	Consulibus tribuni oppositi	207. b
Cilices	92.a.97.b.113.a.142. a.195.a	Consulum officium	205. b
Cinna	87. b	Contumeliae fanum	193.2
Circenses, Cīrcē colunt	79. b	Coponius C.	108.a.150.2
Circe	79. b	Corinthus, & Carthago, duo	90. b
Circulus forma prēstāti	41. b	oculi orae maritimae	90. b
Claudius C. consul	214. a	Cornelia gens	200. b
Claudius P.	32. b	Cornelia Gracchi uxor	195. b
Cleāthes	12.a.33. b.36. a.39. b	Cornelius	257.2
45. a.72. b.77. a.93. a.162. a		Cornelius A. consul	103. b
Clepere	84. b	Cornelius Cn.	251.2
Clithenes Atheniēsis	196. b	Cornelius Culleolus	92. b
Clitarchus	172. b	Corporis nihil expers	17. b
Clodius	172. a	Corvinus L.	251.2
Cocles	188. b	Caruncanius, pontifex maxi	28. b.70. a.199. b
Codrus	80. a	mus	56. b.59.2
Coelius	103. a.104. b.105. a.	Corvus	7. a.16.3
172. b		Cotta	200. b.256.2
Coelius C.	250. a	Cotta C.	214. b
Coelus Saturni pater	45. a.	Cotta L.	70. b
78. b.82. b		Cotta pontifex	70. b
Collegium pagorum, uicini-		Crassus L. Vellei familiaris	16. b
tatum	253. a	Crassus M.	98. b.128. b.143. a.
Coloniae a graecis nullae fi-		146. b	
ne oraculo missae	92. a	Cratippus	92. b.108. b.146. b.
Colonia lustrata	115. a	148. a.215. b	
Comitia	133. a.258. a	Crito	110.2
Comitium	99. b	Cricolaus	90.2
Cōclusio quae probāda	147. b	Crocodili	26. b
Concordiae templum	44. b	Crocodilus in Aegypto coli	
Cōiurationis signa	96. a.96. b	tur pro deo	21. a
Cōsciētiaē pōdus graue	88. b	Crēsus	

Croesus
Culleolus
Cupidin
Cupidin
Curatius
Curiana
Curia Po
Curia Sal
Cyclopes
Cynolura
Cyprius t
Cypselus
Cyrus

D
Dec
Deci
Decius P.
Decius P.
consul
Deiorar
141. b
Delphini
Demetri
Demetri
207. b
Democr
48.2.92
151. b.16
Demost
Dei not
mum
Deo ni
Deo o
Deor
Deor
De

Cron filius 118 b.

I N D E X.

Croesus	100.b.119.b	Deorum de natura magnae
Culleolus	92.b	diffensiones 4. a
Cupidines plures	82.b	Deorum natura quaestionem
Cupidinis templum	44.b	perobscuram, ac necessariā
Curatius C.	208.b	habet 4. a
Curiana uilla	186.b	Deorum natura qualis 40. b.
Curia Pompeiana	128.b	41. a
Curia Saliorum	99. a	Deorum nomen 21. a
Cyclopes	133. a	Deorum notio ⁶ 72. b
Cynofura	54. b	Deorum notionis quattuor
Cyprius tyrannus	88. a	causae 33. b. 34. a
Cypselus	162. a	Deorum prouidentia mun-
Cyrus	102. b. 155. a. 200. a	dus administratur 47. a. 47. b
D		ad Deos caste adeundum, ma-
Darius	119. b	xime animo 192. b
Decemuiui	114. a	Deos esse, innatum omnibus
Decii	72. b	est 33. b
Decius P.	155. a	Deos humana forma esse
Decius P. tribunus mil. &		Velleius dislerit 14. a
consul	103. b	Deos nihil agere, Epicuri
Deiotarus rex	98. a. 141. a.	sententia 15. a
141. b		Deos nullos esse Diagoras
Delphinus stella	56. a	Melius, & Theodorus Cyre
Demetrius	202. b. 248. b	naicus putauerunt 4. a
Demetrius Phalereus	202. b.	de Deo uariae philosophorū
207. b		sententiae 9. b
Democritus	10. b. 18. a. 24. a.	Deus 216. a. 217. a
48. a. 92. b. 110. b. 122. a. 130. a.		Deus sua causa mūdum non
151. b. 164. b. 168. a		condidit 9. a
Demosten.	145. b. 151. a. 248. a	Diagondas Thebanus 195. b
Dei notitia, communis om-		Diagoras 4. a. 17. b
nium gentium	176. b	Diana 46. b 103.
Deo nihil praestantius	48. a	Dianae plures 82. b
Deo omnes naturæ parēt	9. a	Dicæarchus 92. b. 146. b. 148. a.
Deorum bella	47. a	207. a
Deorum delubra	190. b. 193. a	Dictamus herba 59. b
		Dii

Deiotarus 98 a.

I N D E X.

Dii	189.b	Diuinare regale esse ueteres
Dii Aegyptiorū, bestiae	21.b	ducebant 112.b
Dii arma tractant	25.b	Diuinatio 16.a.195.b
Dii donis ab impiis non placandi	192.a.196.b	Diuinatio a quibus inuenta 91.b.92.a
Dii & iidem, & diuersi	81.a	Diuinatio ab oīb. creditur 91.b
81.b		Diuin. a multis tractata 92.b
Dii homines	77.b	Diuinatio apud Panaetium
Dii qui colendi sint	190.b	dubia 93.a
Dii saepe praesentiam suam declarant	32.b	Diuinationē esse, qua ratione probent stoici 111.a
Dii semper fuerunt	23.a	Diuinatio est animi integri 111.a
Diis in sermone parcendum	68.b	Diuinatio est etiā medici, gubernatoris, imperatoris 126.b
de Diis quae stio in 4. partes diuiditur	31.b	Diuinatio ex ortu caniculae, & hostiarum extis 122.a
Dii uoluptatis frui non possunt	28.a	Diuinatio ex quibus reb. 92.a
Dio, stoicus	207.a	in Diuinatione homines falli possunt 120.b
Diodorus	161.b.162.a.163.a	Diuinatio furoris, & sonni 92.a
Diodorus Cic. magister	5.b	Diuinatio naturalis 100.b.
Diogenes	93.a.111.b	117.a
Diogenes Babylonius	13.a	Diuinationem Epicurum nō probat 112.a
Diogenes Cynicus	88.a	Diuinationē oēs philosophi, praeter Epicurum, probant 92.b
Diogenes stoicus	144.a	Diuinationem philosophia approbavit 112.a
Diogenis Apolloniatae de deo opinio	10.b	Diuinatio, philosophorum argumentis probata 92.b
Dionysii Persici libri	102.b	Diuinatio ne ī barbaris quidē gentib. neglecta 112.b.113.a
Dionysii plures	82.b	de Diuinatione, stoicorū sententia superstitiosa 146.b
Dionysius	101.a.109.a.155.a	Diuinatio
Dionysius tyrānus	87.b.88.a	
Dis	46.a	
Diuinandi duo genera	84.a	
99.b.129.b		
Diuinandi signa	94.a.95.a	
Diuināt saepe morietes	107.a	

Diuinatio
Diuinatio
Diuinatio
que sit, di
Diuinatio
Diuitiacu
Docere, a
Dodona
Dodonaen
Dolus mal
Draco Ale
ti uisus
Drusus
Druydes
Duodecim
scabant

E
Elema
Elephas
Eleusina
Eli, haru
Eli, urbs
Eloquent
sophia
Empedoc
Ennii tra
Ennii uer
Ennii ue
112.a.11
b.150.
Ennius
Ennius
dixit
Ephor

I N D E X.

Diuination non fortuita	108. b	oppositi	207. b
Diuinationis definitio	154. a	Epicuri sententia, quod ater-	
Diuinationis ratio, & causa		num beatumque sit, id nec	
que sit, difficile dictu est	11. b	habere negotii quidquam,	
Diuination unde dicta	91. b	nec exhibere alteri	24. a
Diuitiacus Heduns	112. b	Epic. 13. b. 19. b. 22. a. 24. a. 26. a.	
Docere, artis est	198. b	28. b. 29. b. 30. a. 30. b. 41. a.	
Dodona	114. a	48. a. 49. a. 92. b. 106. a. 112. a.	
Dodonaea simia	139. b	135. a. 137. a. 147. b. 163. b	
Dolus malus	86. a	Epimenides	193. a
Draco	54. b	Equites omnes erant, antequam	
Draco Alexandro dormien-		irent in senatu	139. b
ti uisus	155. a. 156. a	Equitum centuriae	238. a
Drusus	87. b	Equorum cursus	116. b
Druydes	112. b	Erichtheus	80. a
Duodecim leges pueri R. di		Etruria	29. a. 113. a
scebant	201. a	Etrusci haruspices	108. b.

E

E OBERIA	171. b	Eudemus Cyprius	104. a
Elementa	26. a. 49. b	Eudoxus	143. b
Elephas	25. a. 58. b	Euhemerus	29. 2
Eleusina	29. a	Eumenide deae	79. a
Elii, haruspices	130. a	Eumolpidae	195. 2
Elis urbs	113. a	Euphorion	154. a
Eloquentia augetur a philo-		Euphrates	60. b
sophia	139. b	Euripides	45. b
Empedocles 10. b. 23. b. 168. a		Euripus Chalcidicus	74. 2
Ennii tragoedia	97. a	Euristhenes	144. b
Ennii uerba de Gallis	136. b	Europa	20. b
Ennii uersus 25. a. 31. b. 101. a.			
112. a. 112. b. 122. b. 142. b. 147.		F	
b. 150. b. 167. a. 200. b		F ABII	104. b
Ennius	41. b. 45. b	Fabius	171. b
Ennius aliquot somnia uera		Fabius Maximus	44. b
dixit	153. b	Fabius Pictor	101. b
Ephori Lacedemone regibus		Fabricius C.	201. a
		Falsa facilius conuinci pos-	
		sunt,	

*Epigra
ma 20*

INDEX.

sunt, quā uera inueniri	23.b	Fulmina	133.a
Fannius	272.a	Fundanius M.	251.a
Fati definitio	121. a	Funebres leges	211.b
Fato omnia fieri	171. a	Furiae deae	79.b.179.b
Fauere linguis	115.a	Furina dea	79. b
Fauni	32.b	Furor uera uaticinari solet	
Faunus	72.b	107. b	
Febris ara	193.a	Furor poeticus	111. a
Febris templum	83. a	G	
Feles in Aegypto colitur		GABINIA lex	212. a
pro deo	21.a	Galba P.	249. a
Feriae	191. a	Galleotae	101. a
Fidei delubrum	191.a.193.b	Gallicinij caussa	136. b
Fides, dea	44.b	Gallius Q.	251. a
Fides, stella	56.a	Ganymedes	28. a
Figulus	140.b	Gellij	104. b
Figulus C.	202.a	Gellius L.	183. a
Figulus C. consul	33.a	Gelo tyrannus	88. a
Figura rotunda omnium pul		Gemini	55.b.144. b
cherrima	41.a	Globus forma praestanti	41.b
de Finibus cōtrouersia	184.a	Glutidæ, haruspices	113 a
Flacci	21. a	Gracchus	209.b
Flaccus L.	115.b	Gracchus C.	137.b
Flaminius C.	32.b.110.a.208.b	Gracchus C. tribunus	105.a
Flumina inferorum	78.b	Gracchus Ti.	26.b.99.b.100.a
Fons deus	81. a	138.a.140. b	
Formosi pauci	20.b	Gracchus Ti. consul, & augur	
Furtitudo	77. b	33. a	
Fortūa cōsecrata	193.a.193.b	Gracchus Ti. tribun. pl. quin-	
Fortunae aedes	143.b	quennio ante D. Brutū, & P.	
Fortuna mala	82.b	Scipionem consules	208. b
Fretum siciliense	74. b	Graecia	196. b
Fo ntones	21. r	Gratidius M.	212.b
Fulgurales libri	108.b	Grues	59.a
Fulmen sinistrum, auspicium	140.b		
optimum			

Harmilcar

INDEX.

H

HAMILCAR

103. b

Hannibal

87. b. 103. a.

135. b. 155. a

Harpalus praedo

88. a

Haruspices Etrusci

191. b

Haruspices qui

130. a

Haruspicina nobiles familiae

113. a

Haruspici libri

108. b

Haruspicum disciplina ex E-

truria

92. a

Hecate, dea

79. a

Hector

107. a

Hecuba

167. a

Helenus

32. b. 112. b. 194. b

Helicae

54. b. 55. b

Heraclides

11. b. 107. b. 122. a.

207. a

Heraclitus

19. b. 76. b. 154. a.

168. a

Hercules

78. a. 85. a. 19. b

Hercules plures

78. a

Herculis Indicis fanum

104. b

Herculis templum

44. b. 109. a

Hermachus

23. b

Herodotus

150. b. 172. a

Heroicae personae

85. b

Heroica tempora

91. b

Hesiodi Thengoniam

Zeno

interpretatus est

12. a

Hiero, tyrannus

16. b

Hippocentaurns

32. a

Hippocrates

90. a

Hippolytus

86. b

Hipponactes

90. a

Hirrius, consul designatus

159. a

Historia

172. a. 172. b. 173. a

Hoedi, ste la

55. b

Homeri Versus

104. a

Homerus

155. b

Homines dii

77. b

Homines, iter se similes

178. a

Hominis fabricatio

61. a. 61. b

Hominis praestantia

176. a. 176. b. 177. a. 184. b. 185. a. 185. b

Honestia ac turpia natura di-

iudicantur

181. b

Honoris templum

44. b. 201. a

Hostiae

191. a. 193. a

Humandi mos antiquissimus

200. a. 200. b. 201. a

Hyades

55. b

Hydra stella

I 56. b

IACCHVS

195. a

Iamidae haruspices

113. a

Ianus

46. a

Iason Pheracus

85. a

Ibes

21. a. 25. b. 59. b

Icadius

160. a

Ichneumones

26. a

Idaea mater

196. b

Ignis

77. a

Imperandi, & parendi uicif-

situdo

204. b

Impetriri, uerbu i haruspicu

disciplina

62. a. 98. b. 131. b

Improbis multis optimae e-

uenit

87. b

Impudentiae fanum

193. a

Inane nullum

17. b

N n

India

I N D E X.

India belluas mōstruosas ha-	Ius sepulcrorum	202.2
bet 24.b	Iustitia	77.2
Indus 60.b	Iustitia per se expetēda	182.b
Ino 77.b	Iuuenta	28.2
Inscientia, principium philo-	L	
sophiae 4.a	LACEDAEMON	196.b
Instauratiui ludi 104.b	Lacedaemonii	90.a.109.2
Intermundia Epicuri 8.a	Laelii oratio	78.b
Interrex legem tulit 180.b	Laetoria lex	86.a
Inuens, passiuē	Lares	83.2
20.a	Latinae	95.b
Ioues plures 77.b.78.a.80.b.	Latini a Graecis ne uerborū	
81.a	quidem copia uincūtur	6.2
Iouis stella 111.b	Latinum bellum	32.a.103.b
Iliaci coniectores 122.b	Labadia	126.b
Italiae diuisio in municipia ;	Legati sine ullo mūere	208.2
colōnias, praefecturas 253.a	Leontium ineretrix	23.b
Iudicia 210.b	Lepus, stella	56.2
Iunius 32.b	Leucippus	18.2
Iunius M. 215.a	Leucothea, dea	77.b
Iuno 45.b.143.b.223.a	Leuētrica calamitas	109.a
Iunō Argiua, Romana, latina	Leuētrica pugna	136.a
21.b	Leges cur conditę	189.a
Iuno Licinia 103.a	Leges de religione	190.b
Iuno Moneta 115.a	Leges funebres	201.a.201.b
Iuno Samia 196.b	Leges magistratib. praesunt	
Iuno sospita 92.b	204.2	
Iupiter 45.a.45.b.88.a.143.b.	Leges musicae	196.2
213.a	Leges tabellariae	212.2
Iupiter Ammon 21.b	Legis definitio	176.a.178.b.
Iupiter Dodoneus 109.b	181.2	
Iupiter Stator 109.b	Legis norma, natura	202.2
Iura manium 192.b	Lex	48.b
Iureconsulti 198.b	Lexa natura oritur	80.a.188.
Ius belli 191.b.195.a	a.189.a. A deo	188.b.189.2
Ius non opinione, sed natura	Lex Appuleia	189.b
constitutum 176.a.179.2	Lex	

Lex ab interregne lata	180.b	Luci	190.b
Lex Carbonis	212.b	Lucina	46.b
Lax Cassia	212.a	Lucretia	183.b
Lex Gabinia	212.a	Lucullus L.	211.a
Lex Lætoria	86.a	Lucus Vestæ	115.2
Lex Liuia	189.b	Ludi instauratiui	104.b
Lex Manilia	184.a	Ludi publici	189.b.191.b.
Lex Maria	213.a	196.a	
Lex mutus magistratus		Ludi uotiui	104.b
204.2		Luna	42.a.45.a.54.a.112.2
Lex Peducea	86.a	Lupus	17.b
Lex Seruilia	189.a	Lycaones	195.a
Lex Syllæ	209.a	Lyceû gymnasium	19.2.93.b
Lex uitiorum emendatrix cõ		125.a	
mẽdatrixq; uirtutũ	184.b	Lycii	97.b
Liber	190.b	Licurgi leges	184.a
Libera	44.b	Lycurgus	90.a.114.2
Liberi templum	44.b	Lyfander	109.b.114.3
Libertatis templum	44.b	M	
Libri de diuinatione	92.b	MA G I apud Persas	
Licentiæ templum	197.2	13.b.112.b.192.b	
Ligusticum bellum	44.b	Magistratus uitib careant	
Liliytus	78.a	210.b	
Lituus, insigne augurum	99.a	Magistratum leges, & descri	
Liuiã lex	189.a	prio	205.a
Liuiiani modi	196.a	Magistratum petitio	250.b
Liuius haruspex	96.a	Magnificentiã Luculli	211.a
Locri	189.b	Malitia	182.a
Locri Crotoniatas ad		Manilia lex	184.2
Sacram deuicerunt	32.a	Mamilius	257.2
Lubentinae templum	44.b	Manium iura	192.a.200.a
Lucifera	46.b	Mantes, sacerdotes Athenien	
Luciferi stella	43.a	sium	113.b
Lucilii uerfus	17.b	Marcellus	87.b
Lucilius	9.b	Marcellus augur	194.b
Lucilius Balbus Q. excellens		Marcellus, collega Cicero-	
Stoicus	7.b	nis augur.	141.a
		Nn 2	Ma

I N D E X.

Marcellus, collega Cicero-	Militia	205. a	
nis, augur	141. a	Milius	59. a
Marcellus M.	44. b. 126. b	Minerua	21. a. 46. a. 83. a
Marcellus M. quinquies con-	141. b	Mineruae plures	82. b
sul, augur	166. b	Modi Liuiāi, & Nēuiāi	196. a
Marcellus, tēr consul	213. a	Moneta	115. a
Maria lex	171. a	Mopsus	32. b. 112. a. 194. b
Mariana quercus	171. a	Moralis, noua dictio	159. a
Marius C. 87. b. 106. a. 153. b.		Morbo affecti	197. a
200. b		Moriētes sepe diuināt	107. a
Marius Cic. liber	171. a	Motus	38. a
Marius M.	249. b	Mulierum imitatio	196. a
Marius, augur	122. b	Mulierum nocturna sacrifi-	
Martii, fratres	112. b	cia	191. b. 195. a
Martis stella	42. b. 112. a	Multitudo	142. b
Martius, uates	118. a. 150. a	Mundi innumerabiles	18. a
Matuta dea	79. b	Mundi ora extrema	53. b
Mauors	46. a. 83. a	Mundum nō esse a deo fabri-	
Maximus Q.	44. b	catū, Velleius disputat	8. a
Mēdea	79. b	Mundus 34. b. 36. a. 39. a. 75. a	
Melampus	81. a. 194. b	Mundus an ortus sit	216. a
Melancholici	111. a	Mundus cur factus	66. a
Memoriae uitium in Cic.		Mundus, deus non est	9. a
138. a. 142. b.		Mundus ignescet ad extre-	
Mens, dea	44. b	mum	57. b
Mensis	223. a	Mūdus unus, an plures	217. b
Mentis delubrum	191. a	Mundus, rerum omniū parēs	
Mercurii plures	81. b	50. b	
Mercurii stella	42. b	Musae	81. b
Meridiatio	136. a	Musicae leges	196. a
Mesopotamia	60. b	Mytilus	90. a
Metellus	87. b. 210. a		
Metrodorus	28. a		
Midas	110. a. 138. b		
Miles primus bono nomi-			
ne	115. b		

N

NAENIAE	202. a
Naeuiani modi	196. a
Natio dea	79. b
Natta	96. a. 133. b
Natrae	

Natrae
Natura
180. a
Natura
Natura
tudo
Natura
Natura
sunt
Natura
tur
Natura
Natura
sunt
Natura
pers
ex Natur
bonum
Nautipha
Necessita
Necessita
Nemea
Nepa
Neptuni
Neptun
Neptun
Nessus ce
Nigidius
Nilus
Niobe
Nodinus
Nolle se
Nouis
sunt
Numa

INDEX.

Natae Pinarii	134.a	209.b	
Natura ab iniuria deterret		Numerius Fuffetius	143.3
180.a		O	
Naturae definitio	43.b	OBNVNCIATIONIS	
Naturae hominum dissimilitudo	161.a	O exemplum	98.b
Naturae omnia subiecta	149.a	Oceani feruor	74.b
Naturae uitia corrigi possunt	145.b.146.a	Oceani filiae	79.b
Natura mundus administratur	49.b.50.a	Oceanus	223.a
Natura, norma legis est	202.a	Octavianum bellū	34.a.92.a
Natura quadam res cognatae sunt	130.b.162.b	Octavius M.	26.b
Natura quid sit	49.a	Octavius Mamilius	32.a
Natura, rationis minime expers	59.b	Oculi peruersi	11.a
ex Natura uiuere, summum bonum	184.a	Oeta mons	78.a
Nauphanes	19.b.24.a	Olympia	157.a
Necessitas fatalis	16.a.121.a	Olympiae ludi	132.a
Necessitas Ioue superat	124.a	Olympias	46.b.155.a
Nemea	160.b	Ominis exempla	115.b
Nepa	55.a	Opis exemplum	44.b
Neptuni filii	17.a	Ops	223.a
Neptunus	87.b	Oracula tria	92.a
Neptunus caeruleus	21.b	Oraculum	100.b
Nessus centaurus	85.a	Oraculum de Croeso	150.b
Nigidius P.	216.a	Orationis uis	177.a
Nilus	60.b	Orbes caelestes	221.a
Niobe	84.a	Orcus, Iouis frater	78.b
Nodinus	80.b	Orion	56.a
Nosse se ipsum	184.b	Orpheus	79.a
Nouis rebus noua ponenda sunt nomina	14.a	Orpheus poeta, nullus	27.a
Numa	70.b.171.b.192.a.193.b	Orphica lacra	82.a
		Orta occidant, necesse est	
		P	
		PACVVI uersus	51.a.51.b.
			97.b.122.a.154.b
		Palaemon deus	77.b
		Pamphilii	92.a.97.b
		Pamphilus	18.b
		Nn 3	Panaetius

I N D E X.

Panætius	57.b.93.a.144.a.146.	Phaeton	86.b
2.207.a		Phalaris	33.a.102.b.155.a
Panisci	78.b	Pherae, urbs Thessaliae	104.2
Paniscus	97.a	Pherecides	117.2
Panthera	59.b	Philippus	160.2
Panthera, cognomen	249.b	Philistus	101.a.109.a
Parendi, & imperandi uicissitudo	204.b	Philo	5.b.8.a.28.2
Paris	90.a	Philocteta	167.2
Parmenidis opinio de deo	10.b	Philosophia	184.b
Pasiphae	76.b	Philosophia auget eloquentiam	159. b
Pasitheae fanum	114.a	Philosophiae principium, inscientia	4.2
Patria	187.b	Philosophiae omnia praecepta ad uitam referuntur	5. b
Patrum ritus seruandi	191.b.	Philosophici libri Ciceronis	123. b
193.a.196.b		Philosophorum uariae de deo sententiae	9. b
Paullus	87.b	Phorcys	223.2
Paullus Aemilius	115.b	Phryges	113.b.142.a.195.2
Peducea, lex	86.a	Phyicus, speculator naturae	21. b
Penates	46.a	Pietas ad sacra adhibenda, opes amouendae	192. b
Penus	46.a	Pietas in specie fictae simulationis inesse non potest	4.b
Peripatetici	7.b.108.b	Pietas, iustitia aduersum deos	28. b
Periurii poena	192.a	Pietate sublata, quae mala consequantur	4.b
Persae	112.b	Pietatis templum	114. b. 191.a. 193. a
Persarum magi	13.b.112.b.162.b	Pinari Natae	134.2
Perseis	79.b	Pinna	58. b
Perses, rex Macedoniae	115. b	Pisces, stella	55.b.56.b
Perses, rex	52.a	Piscis,	
Perseus, astrum	55.b		
Perseus, Zenonis auditor	12.a		
Personae heroicae	85.b		
Perspicuitas argumentatione eleuatur	71.a		
Pdtuli	21.a		
Phædo Socraticus	24.a		
Phædrus	24.a.183.a		

Piscis, S
 Pisidae.
 a.195.2
 Pisistrat
 Piso
 Pittacus
 Platalea
 Plato
 174.2.1
 205.2.20
 Platonem
 174.b.18
 Platonis l
 Platonis l
 platonis l
 platonis c
 tu retell
 poeni
 poeni. ha
 poetar
 Hesiod
 poetarum
 affringa
 polemo
 pollucis
 polus
 polydus
 194. b
 pompeia
 pompeia
 187.2.2
 Pompil
 pompo
 pontifi
 portu

I N D E X.

Piscis, Syrorum deus	77.b	posidonius	5.b.30.b.50.b.63.
Pisidae.	92.a.93.b.113.a.142.		2.107.a.110.b.122.a.160.a.
	a.195.a		160.b
Pisistratus	88.a	postumius	71.b
Piso	172.a	postumius A. dictator	32.a
Pittacus	202.b	postumius C. haruspex	109.a
Platalea	58.b	praefatio i omnibus reb.	115.a
Plato	18.b.38.a.110.b.111.a.	praenestae	143.a.143.b
	174.a.183.b.189.b.196.a.	praerogativa	115.b
	205.a.207.b.211.b	praetoris munus	206.a
Platonem Cicero imitatur		praxiteles	110.b.134.b
	174.b.187.b	priamus	101.b.107.b.112.b
Platonis liber	137.a	principatus	37.a
Platonis locus	197.b	principes uitiosi exemplo no	
platonis locus	197.b	cent.211.a.211.b	
platonis opinio de deo	10.b	proclus	144.b
platonis opinio de mundi or		prodicus Chius	29.a
tu refellitur a Velleio	8.a	proserpina	46.a
poeni	87.b	proserpinae sanum	87.b
poeni, haruspices	130.a	protagoras nihil certi habe	
poetae Orpheus, Musaeus,		re de diis uidetur	10.b.17.b
Hesiodus, Homerus	13.a	proverbium	17.b
poetarum error quas res diis		prudencia	77.a.185.a
affringat	13.a	piusias, rex	135.b
polemo	179.b	psychomantia	122.b
pollucis templum	44.b.172.a	ptolemaeus	155.a
polus	54.a	publici ludi	189.b.191.b.196.a
polyidus Corinthius	112.b.	publicius	150.a
	194.b	publicius, uates	118.a
pompeiana curia	28.b	publicola	201.a
pompeius	97.a.146.b.162.b.	punicum bellum	109.b
	187.a.210.b.248.a.250.b	pyrrhus	150.b
Pompilius	249.b	pythagoras.	10.a.19.b.75.a.
pomponius M.	137.b		89.a.193.a
pontifices tres	70.a	pythagorae magister	117.b
portunus	46.a	pythagoras, augur	92.a
		N n 4 pythagorei	

INDEX.

Pythagorei	215. b	Remus, augur	116. b
Pythagorei faba abstinent.		Repandi calceoli	21. b
106. b. 151. b		Rerump. naturales conuersio	
Pythagoreorum mors in di-		nes	123. b
disputanda	6. a	Res iudicare, pro, iudices ef-	
Pythia	100. b. 110. b. 111. a.	se	249. a
151. a		Resp. optima	212. b
Pythius Apollo	100. b	Rhesus	79. a
Q		Rituales libri	108. b
VERCVS Mariana	171. a	Roma	257. a
Quirinus	191. a	Roma auspicato cōdita	92. a.
R		137. a	
RANA marina	58. b	Roma capta	115. a
Ratio	77. a. 87. a	Romae natalis dies notatur	
Ratio cōmunis omniū	177. a.	146. a	
a. 177. b		Romana resp. omnium opti-	
Ratione nihil diuinius	176. a	ma	192. a
Ratio non nisi in hominis fi-		Romani reges, augures	112. b.
gura esse potest	15. a. 23. a	113. a	
Ratio perfecta, sapientia est		Romanorū hominum scien-	
176. a		tia non multa	23. b
Reges	204. b	Romuli lituus	141. b
Regibus Lacedæmone Epho		Romulus	45. a. 79. a. 171. b.
ri oppositi	207. b	195. a	
Regillus	32. a	Romulus augur	92. a. 117. a
Regionum diuersitas	160. b	Romulus, deus	77. b
Regium imperiū, repudiātū		Romulus, & Remus	172. b
Romae	207. b	Roscius	20. b. 110. a. 139. a
Regulus	87. b	Rotunda forma nullam pul-	
Religio neglecta perniciofa		chriorē esse, Plato existimat	
98. a. 98. b		9. a	
de Religione leges	190. a	Rubrum mare belluas mōstruo	
Religionis neglectae poena		sas habet	24. b
32. b		Rutilius P.	87. b
Religionis uiolatae poena		Rusae fauces	136. b
190. b. 197. a			
		Sabi-	

INDEX.

S		Scæuola P. pōtifex max.	199. b
SABIDIUS	235. b	Scæuola Q. pōtifex max.	87. b
Sacerdos publicus	197. a	Scaurus	44. b
Sacerdotes	191. a. 194. a	Scaurus, consul	212. b
Sacerdotes Atheniesiū	113. b	Scipio	140. b. 213. a
Sacra	70. b	Scipiones duo	87. a
Sacra priuata	192. a. 198. b	Scipio P. consul.	33. a. 208. b
Sacrificia nocturna mulierū	191. b. 195. a	Scopas, fictor	97. a
Sacrilegium	196. b	Scorpius	56. a
Sacris qui astringantur	198. b	Scylax Halicarnasseus	144. a
Sagire	107. b	Scylla	27. a
Sagia	71. b. 72. a	Scythia	50. b
Salacia	222. b	Selonium	139. a
Salaria	71. b	Semole	44. b
Saliorum curia	99. a	Seminis uis	49. a
Sallustius	105. b	Senatori necessarium, nosse	
Salutis augurium	106. a	remp.	213. b
Salutis templum	44. b	Senatori quæ iussa	213. b
Samothracia	29. si	Senatus	206. b. 210. b
Sanctitas, scientia colendo-		Senes consiliaria publicum	
rum deorum	28. b	Spartae	114. a
Sapala	249. b	Sententiae brevis laus	213. b
Sapere nihil, uulgare est	142. a	Sepulcrorum ius	202. a
Sapiens solus diuinus	154. a	Sepultura	200. b
Sapientia	185. a	Serapi	152. a
Sapientia est ratio perfecta		Seriphus, insula	22. b
176. a		Seruilia lex	189. a
Sapientis est, caerimonias re-		Sesellis, herba	59. b
tinere	158. a	Sex primi	86. a
Sarpedon	129. a	Sibylla	110. b
Saturninus	208. b. 110. a	Sibyllae libri	149. b
Saturni pater	78. b	Sibyllae Erythraea	99. b
Saturni stella	42. b. 112. a	Sibyllinorum uersuū decem	
Saturnus	45. a. 82. b. 223. a	interpretes	92. a
Scæuola, pontifex max.	28. b	Siciliense fretum	74. b
		Sidera	41. b. 49. b. 51. b
		Signa	

I N D E X.

Signa aliqua res praecedunt	Spes consecrata	193. b
119. a	Speusippus	11. a. 179. b
Sili	Sphaera	50. b
21. a	Spino	80. b
Simia, homini similis	Spurina	119. b
25. a	Squilla	58. b
Simia Dodonaea	Statii locus	7. a
139. b	Stellae errantes	43. a
Simonides	Stellae inerrantes	54. a
17. a. 115. a. 155. a	Stellarum corona	54. b
Simulatio naturā uicit	Stellarum cursus in Caucaso	
248. a	monte notatus	100. b
Sisēna 109. a. 114. b. 137. a. 172. b	Stellarum descriptionem ui-	
Šitella delata ad abrogādum	de in Arato	227. a
magistratum	Stellarum errantium ordo	115. a
27. a	Stellarum nomina	54. b
Socrates 35. a. 68. b. 88. a. 104. a.	Stoici	7. a. 105. a. 108. b. 111. a.
106. a. 120. a. 158. b. 161. a.	119. a. 144. a. 167. a	
178. b	Strato, physicus	11. b
Socrates, philosophiae pa-	Stulti omn' s, misersimi	9. a
rens	Stylpho Megaticus	161. a
24. a	Suffragia quo modo ferenda.	
Socratē zenō scurrā appel-	211. b. 212. a	
labat	Suffragium Itali ferebant	
24. a	253. a	
Sol	Sumanus	95. b
40. a. 77. a. 86. b	Sylla	109. a. 138. b. 200. b
Sol Titan.	Sylla, dictator	180. b
56. a	Syllae lex	209. a
Soles plures	Syllus	24. a
81. a	Sinephebi	85. b
Solis circuitus	Syri colunt bestias pro diis	
42. a		
Solis defectio		
117. b		
Solarium		
50. a		
Solon		
117. b. 184. a. 202. b		
Somniant homines tribus		
modis		
107. a		
Somniorum ueritas		
102. b		
Somniorum ratio		
118. b		
Somniorum error		
151. b		
Somnus		
106. b		
Sophocles		
104. b		
Soranus, augur		
116. a		
Sorites		
126. a		
Sortes refelluntur		
109. 243. a		
Sosius Q.		
86. a		
Sospita dea Iuno		
21. b		

Tabellariae

INDEX.

T

TABELLARIAE leges

212. a

Tabernaculum augurale

99. a

Tages

135. a

Talorum iactus

162. a

Talorum lusus

97. a

Tantalidae

90. a

Tanufius

249. b

Tarquiniensis ager

135. a

Tarquinius

171. b

Tarquinius Sex.

188. b

Tarutius L.

146. a

Taurus, stella

55. b

Taygetae

100. b

Telamon

87. b

Telmessus, urbs Carie

112. b.

114. a

Temeritate nihil foedius

4. a

Temperantia

77. b

Templa

114. a

Templa deorum

44. b. 72. a

Templa reru bonarum

44. b

Templa uitiorum

44. b

Tempus opinionum com-

menta delet naturae, iudi-

cia confirmat

32. a

Tenes, deus

77. b

Terentii locus

178. b

Terra 35. a. 36. a. 49. b. 51. a.

53. a. 66. b. 224. a

Terrae motus

110. a

Terrae partes maximae inha-

bitabiles

9. b

Tertia Paulli filia

115. b

Te. r. e. u. s. 110 b. 118.

Thales Milesius 9. b. 23. b.

117. b. 193. a

Thaumas

80. b

Thebae

160. b.

Theodorus Cyrenaicus 4. a.

17. b

Theophrastus 11. b. 160. b. 179

b. 189. a. 203. b

Thepompus

171. b

Theseus

79. a. 86. b

Tiberinus

80. b

Timaeus

46. b. 189. b

Timocrates

24. a

Tiresias

32. b. 112. a. 125. a

Titanes

205. a

Titani

47. a

Titan Sol

56. a

Titinius

249. b

Torquatus

100. a

Tragoedia

102. a

Tragœdia, Andromacha 97. a

Tribuni consulum oppositi.

207.

Tribuni pl. 205. a. 206. b. 208.

b. 209. a

Triones

54. b

Triton maritimus

20. b

Troginorum tetrarchia 141. b

Trogloditae

145. a

Troianum bellum

109. a

Trophonius

80. a. 109. a

Tubertus

201. a

Tubulus

17. b. 86. a

Tuditanus, consul

134. a

Tullius Ser.

120. a

Tusculanæ quaestiones 159. b

Tyndareus

I N D E X.

Tyndarus	167.b	Vesta	46. a
Tyndaridae	72. a	Vestae lucus	115. a
Tyrāni triginta Athenis	180. b	Vestae simulacrum	87. b
V		Vestales	191. a. 194. a
V A L E R I U S M. consul		Victoriae templū	44. b. 114. a
103. b		Vigilantis animus	120. a
Vannius	249. b	Virtus actiosa est	27. b
Varius Q.	87. b	Versus a nobis oritur	89. a
Varro M.	108. a	Virtus sine ratione constare	
Vares	118. a	non potest	14. b. 23. a
Varienus	32. a. 71. b	Virtute nihil amabilius	30. a
Veiovis mentio	82. a	Virtutes	77. a. 77. b
Velleio primas Epicurei de-		Virtutes consecrandae, non	
ferebant	7. b. 16. b	uitia	193. b
Velleius disputat, a deo mun-		Virtutis definitio	176. b
dum non esse fabricatū	8. a	Virtutis delubrum	191. a. 193. b
Velleius, L. Crassi familiaris		Virtutis templum	44. b
16. a		Vis a rep. abesse debet	213. b
Velleius Zenonem frequen-		Vitis	58. a
ter audiebat	16. b	Vlyxes	78. a. 151. a
Veneres plures	82. b	Vmbria	113. b
Veneres, in lusu talorum	97. a	Voluptas	178. a. 182. a
Veneris stella	43. a. 111. b	Voluptatis templum	44. b
Venus	46. b. 83. a. 97. a	Vota reddenda	192. a. 196. b
Venus Coa	19. b	Votiui ludi	104. b
Venus, in talorum iactu	152. a	Vrania musa	95. b
Venus Lubentina	44. b	Vtilitas omnis arte quaeri-	
Vennonius	172. a	tur	118. b
Vergiliae	56. a	Vulcani plures	81. a
Veris omnibus falsa quaedam		Vulcanus Alcamenis	21. b
adiuncta sunt	6. b	X	
Versus Atellanius	129. a	XENOCRATES II. b. 18. b.	
Versutus	74. b	179. b. 183. b	
Verum id esse necesse est, de		Xenophanes Colophonius	
quo omnium natura consen-		92. b	
115	13. b	Xenophanis opinio de deo	

INDEX.

10.a
 Xenophon 11.a.104.a.120.a
 Xerxes 192.b
 Xerxes templa deorum euer 28.b
 tit
 Z
 ZALEVCVS 174. a.
 Z 189. b
 Zeno 12. a. 12. b. 16. b. 18. b.
 24. a. 35. b. 43. b. 45. a. 86. b.
 93. a. 160. b. 179. b
 Zeno Eleates 88. a
 Zeno, pater Stoicorum 74. a
 Zopirus phyfiognomon
 161. b
 Zωδωνδς 144. a

SERIES CHARTARVM.

abcdefghijklmnopqrstuxyz aa bb
 cc dd ee ff gg hh ii kk ll mm nn.

Omnes sunt quaterniones.

451,920



